

~~7-5~~ 16-6

12-8

Saüca:

fol 227
n 140

14



INSTITUTION

ALFONSO



D. IUSTINIANI
INSTITUTIONUM
COMMENTARIUM ILLUSTRATI
per
HENR. IACOBUM ZOESIIUM
I.C.

Sumptibus IOANNIS COLONIAE AGRIPPINAE
WILHELMI FRIESSEM Junioris Anno M.DC.LXXI.

HENRICI
JACOBI ZOESII
AMERSFORTII, I. C.
IN ACAD. LOVANIENSI
PROF. REGII ET ORDINARIJ
COMMENTARIUS

AD
INSTITUTIONUM
JURIS CIVILIS LIBROS IV.

Brevis, Analyticus, Methodicus, Quæstionibus controversiis passim
insertis: cum ADDITIONIBUS perpetuis, ex jure potissimum
consuetudinario harum vicinarumque Provinciarum.

Auctore **VALERIO ANDREA DESSELIO,**

J. V. D. & Prof. Regio:

EDITIO TERTIA.



COLONIÆ AGRIPPINÆ.
Sumptibus **IOANNIS WILHELMI** Friessem
Junioris ANNO 1671.

HEINRICH

AMERSFORTI

PROF REGII ET ORDINARI

AD

IVRIS CIVILIS LIBROS IV

Graviss. Annotatus, Methodicus, Quibus continetur
tota usque ad hunc usque tempora juris civilis
constitutio, necnon viginti quatuor Prolegomena

J. D. & Prof. Regio

EDITIO TERTIA



GOETTINGEN

JUSTUS ANTONIUS

REVERENDISSIMIS,
ILLVSTRISSIMIS, NOBILISSIMIS,
AMPLISSIMISQ. DNNN.
ORDINVM STATVVMQ.
DUCATUS BRABANTIAE
ASSESSORIBVS AC DELEGATIS
ORDINARIIS.

VALERIUS ANDREAS, DESSELIUS,
I. V. D. & Prof. Reg.




VMduo sint, quæ in hac mortali sorte ho-
mines quodammodo efficere immortales
solent, longa Generis præstantia, & pro-
pria Virtus; quarum illa præbet virtutis
imaginem, hæc nostro Marte arteque ac proprio labo-
re parta, vivos nos quasi adorari facit, & mortuos ve-
lut indigetes cœlorumque incolas esse iubet: tum ve-
rò eadem hæc ipsa sunt, *Reverendi admodum, Illustris-
simi, Nobiliss. Amplissimique Domini*, quæ Vos maxime
gratos spectatosque omnibus reddunt, omnium ora
in Vos convertunt, omnium animos pelliciunt, in qui-
bus non momentanea aliqua, & brevi peritura, verum
antiqua, solida, constans & interire nescia ac gentili-
tia Virtus elucescit. Quod equidem uberiore stilo pos-
sem eloqui, si Panegyricum componere animus esset.
Accedunt vigiles illæ curæ, diurnæ nocturnæque solli-

citudines, quibus tamquam pro aris focisque excubito-
tores, ac Patriæ Patres, Rempl. nostram Brabantiam-
que sustinetis ac fovetis, in id unum potissimum in-
tenti, ne quid illa detrimenti patiatur. Qua sanè in re
etiam hoc calamitoso ac diuturno, & propemodum
centenario, prò dolor ! belli tempore ita desudastis, &
æratio publico de nervo belli, quantum quidem affli-
ctissimæ Belgarum res & facultates permittunt, hacte-
nus tam feliciter providetis, ut vestrâ ope, studio, indu-
striâ & vigilantia res pridem in arctum redacta, faven-
te supremo Numine, armaque Regia, ductu & auspi-
ciis Sereniss. Principis LEOPOLDI GUILIELMI, secun-
dante, incipiat dilatari, & hostis ad sua cogi.

Nemo profectò cordatus vir est, aut esse potest, a-
lioquin meritò pro cive non bono, nec fideli, patriæ-
que amante Belga, habendus, qui pro tanto munere,
tanta cura & vigilantia Deo inprimis, & secundum
Deum Vobis, conscripti Patres, Antistites, Nobiles, &
qui Magistratum geritis, gratias non agat. Quin & nos
Academicos, ut peculiari ratione Vestro Ordini ob-
strictos (quippe qui beneficio Vestro vivimus,
stipendiis Vestris meremur & militamus, quorum fa-
vore ac patrocinio Privilegia sua à summis Pontifici-
bus, Ducibusque Brantiæ ac Belgarum Principibus
concessa, sarta tecta que esse, Univeritas hæc nostra
meritò gloriari potest) ingrati animi vitiū quàm lon-
gissimè

gissimè arcere oportet. Et quamquam vix quisquā re-
ferendis gratiis se parem dicere queat; ut tamen de ali-
quo animi mei, quo in Ordinem istum Vestrum affe-
ctus sum, monumento constet, ecce adfero, offeroque
manu viceq; unâ duplex munus, quòd à se invicem se-
parari non posse judico. Alterum à studio & lucubra-
tione CL. Viri. D. *Henrici Zoësi*, τοῦ μικροῦ, Commenta-
rius est seu Prælectiones ad Institutiones Iuris Civilis
Iustinianæ, quas ille tū Professor Regius, sæpiùs a-
lioqui repetitas, postremas habuit: alterum à manu &
industria mea velut appendix est operis Zoësiani. Equi-
dem non sum nescius, futuros plures, qui mirabuntur,
& fortè non absque ratione, cur ego in tanta Commē-
tatorum (quos facile centenos, & ultrà, numeraveris)
turba, tantaque Lecturarum, Commentariorum, Di-
sputationum, Collegiorum, etiam nomen hîc meum
profiteri audeam. Verùm scire illos uno verbo velim,
me plenum Commentarium aut Apotelesma non pro-
mittere, dare ve, sed tantùm spicilegia ac racemationes
quasdam, ex iis, quæ docendo ac meditando pridem
paulatim, horisq; subcissivis colligere cœpi, quæq;, ne
perirent, placuit huic D. Zoësi Commentario velut
mantissæ loco appendere, additis plerumq; harum vi-
cinarumq; ditionum moribus; professus ubique inge-
nuè, citatis Auctorum locis, per quos profecerim. Quē
quidem laborem ac conatum qualemcumq; meum vi-

sum est Nomini Vestro, *Rev. Ill. Nob. & Ampl. Dom.*
inscribere, dicareq; ut muneris atq; officii quoq; mei,
quo annis modò quinque supra viginti sexagenario
major fungor, apud Vos ratio aliqua constet. Conatus
quidem fui hactenus pro modulo meo Academiam
hanc nostram, Vestramq; ornare atq; illustrare, & siste-
re quasi publico in theatro, quotquot eandem quà do-
cendo, quà scribendo & commentando, quà etiam ful-
ciendo muniendoq; piis Foundationibus, ornarunt at-
que illustrarunt ; quamvis sterili fructu, nec magno
compendio (fatendū est enim) eaq; ferè Professorum
Regiis auspiciis docentium par conditio est. Verumta-
mē non propterea animos dejicimus, quin, ubi mitio-
ra ac meliora, Musisq; amica affulserint tempora, spe-
rare liceat Ordinis Vestri in Academiam favorem &
affectum, piiq; zeli effectum : quemadmodum & aliàs
in dote Professoribus, id est, Legentibus & Regenti-
bus (ut recepto in Academia vocabulo utar) consti-
tuenda, in constituta jam antè, quæ pro temporū isto-
rum ratione ac conditione videri potuit non ita mo-
dica, in salariis, stipendiisque augendis eundem favo-
rem non semel experiri licuit. In quo voto & spe finio,
Deumq; Opt. Max. precor, obtestorq; ut Vos diu Re-
gi, Patriæ, Academiæ, Nobisque superstites esse digne-
tur. Lovanii prid. Kal. Junii, cio. dco. lxxx.



H E N R I C I
I A C O B I Z O E S I I I. C.
I N L I B. P R I M U M
I N S T I T U T I O N U M
S E V E L E M E N T O R V M
J U R I S C I V I L I S
C O M M E N T A R I V S.

P R O O E M I V M

D E

Confirmatione Institutionum.

I N N O M I N E D O M I N I N O S T R I J E S U
C H R I S T I.

I M P E R A T O R C A E S A R F L A V I U S J U S T I N I A N U S,
*Alemanicus, Gotthicus, Francicus, Germanicus, Anticus, Alanicus, Vanda-
licus, Africanus, Pius, Felix, Inclutus, Victor ac Triumphator semper Augu-
sus, cupidæ Legum juventuti S.*

IMPERATORIAM Majestatem non solum armis deco-
ratam, sed etiam legibus oportet esse armatam, ut u-
trumque tempus, & bellorum & pacis, rectè possit gu-
bernari: & Princeps Romanus non solum in hostilibus
præliis victor existat, sed etiam per legitimos tramites
calumniantium iniquitates expellat; & fiat tam juris
religiosissimus, quàm victis hostibus triumphator magnificus.

A

1. Quo-

1. Quorum utramque viam cum summis vigiliis, summaque providentiâ, annuente Deo, perfecimus. Et bellicos quidem sudores Barbaricæ gentes sub iuga nostra redactæ cognoscunt, & tam Africa, quàm aliæ innumeræ provinciæ, post tanta temporum spatia, nostris victoriis à cœlesti Numine præstitis, iterum ditioni Romanæ, nostroque additæ Imperio protestantur.

Omnes verò populi legibus, tam à nobis promulgatis quàm compositis, reguntur.

2. Et cum sacratissimas Constitutiones, antea confusas, in luculentam ereximus consonantiam, tunc nostram extendimus curam ad immensa veteris prudentiæ volumina, & opus desperatum, quasi per medium profundum euntes, cœlesti favore jam adimplevimus.

3. Cumque hoc, Deo propitio, peractum est, Triboniano viro magnifico, Magistro & Exquæstore sacri Palatii nostri, & Exconsule, nec non Theophilo & Dorotheo, viris illustribus, Antecessoribus (quorum omnium solertiam, & legum scientiam, & circa nostras iussiones fidem, jam ex multis rerum argumentis accepimus) convocatis, mandavimus specialiter, ut ipsi nostrâ auctoritate, nostrisque suasionibus *Institutiones* componerent: ut liceat vobis prima legum cunabula, non ab antiquis fabulis discere, sed ab Imperiali splendore appetere, & tam aures, quàm animi vestri nihil inutile, nihilque perperam positum, sed quod in ipsis rerum obtinet argumentis, accipiant. Et quod priore tempore vix post quadriennium prioribus contingebat, ut tunc Constitutiones Imperatorias legerent, hoc vos à primordio ingrediamini, digni tanto honore, tantaque reperti felicitate, ut & initium vobis & finis eruditionis à voce Principali procedat.

4. Igitur post libros quinquaginta Digestorum seu Pandectarum, in quibus omne Jus antiquum collectum est (quod per eundem virum excelsum Tribonianum, nec non cæteros viros illustres & facundissimos confecimus) in quatuor libros easdem *Institutiones* partiri iussimus, ut sint totius legitimæ scientiæ prima elementa.

5. In quibus breviter expositum est, & quod antea obtinebat, & quod postea desuetudine inumbratum, Imperiali remedio illuminatum est.

6. Quas ex omnibus antiquorum Institutionibus, & præcipuè ex Commentariis Cui nostri, tam Institutionum, quàm Rerum quotidianarum, aliisque multis Commentariis compositas, cum tres viri prudentes

dentes prædicti nobis obtulerunt, & legimus & recognovimus, & plenissimum nostrarum Constitutionum robur eis accommodavimus.

7. Summâ itaque ope, & alacri studio has leges nostras accipite, & vosmetipsos sic eruditos ostendite, ut spes vos pulcherrima foveat, toto legitimo opere perfecto, posse etiam nostram Rempubl. in partibus ejus vobis credendis gubernari. D. CP. XI. Kal. Decembr. JUSTINIANO PP. A. III. CONS. IO. XXXIII.

COMMENTARIUS,

SUMMARI A.

1. *Finis hujus Proœmii sive Constitutionis.*
2. *Invocatio divini Nominis in instrumentis an necessario præmittenda.*
3. *Nomen Imperatoris & Cæsaris quid designet.*
4. *Quid littera PP. A.*
5. *Historia compositi Juris.*
6. *Institutiones Constitutionis & obligandi vim habent.*
7. *Ex libris Juris qui quibus derogent.*
8. *Institutiones an & Instituta rectè dicantur.*
9. *Methodus Institutionum.*



QUOD forensibus Oratoribus moris est, non nisi factâ præfatione judici rem exponere, id & in primis cujusque scientiæ disciplinis tradendis observatum, quò præparentur animi ad lectionem propositæ materiæ, & evidentior iis præstetur intellectus; quod Imp. Justinianus hoc in proœmio non ineleganter præstitit. In quo gravitatis & artificii pleno, sumptâ benevolentiâ ab officio & commendatione laboris, hujusce libri utilitate & facilitate demonstratâ, attentionem & alacre studium cupidè juventuti immittere conatur.

Initium ejus ab invocatione divini Numinis sumendo, pietatem suam ostendit: quo modo & alibi legislationes suas à Deo pendere, hocque eis principium esse, & medium & terminum, idem Imp. testatur, *Novel. de privil. dotis 109. in princ.* Ut immeritò nomen Salvatoris hic ab imperito aliquo adjectum quidam velit. † Unde tamen non rectè inferas, invocationem divini nominis quibuslibet instrumentis præmitti debere, aliàs ea vitari; nullibi enim hoc expressum.

Nomina præposita partim dignitatem concernunt: uti IMPERATORIS, cujus olim muus in castris temporale erat, postea perpetuum esse cœpit, occupata Republicâ. CÆSARIS vox antea Juliorum familiæ cognomen erat: postea qui rerum potiebantur, ille usi, deinde Imperiî successores designati, eodem insigni-

4

ti, quemadmodum hodie nomine Regis Romani. Cætera nomina partim devictos denotant populos, à quibus cognomina sibi adsumere etiam veteribus usitatum, quorū interpretatio ab auctoribus ejus temporis petatur; partim boni ominis gratiā acclamari solita, tempore inaugurationis, & postea ab Imperatoribus usurpata.

4 Per litteras majusculas PP. A. fini procemii subjectas, quæ sunt sigla, sive singla, id est singulariæ litteræ, ut interpretatur Cujacius, lib. 12. *Obser. c. 40.* aliqui intelligunt *Patrem patriæ*. Rectius intellexeris *perpetuū Augustus*; non quod Imperatoris sit augere imperium, sed quod non sine augurio res ista inchoaretur.

5 Duo autem ex hoc procemio præcipuè notanda. Primò historia compositi Juris Civilis per Justinianum, qui Anno Dom. 10. xxviii. Imperii sui tertio, CODICEM Constitutionum, qui triplex erat, *Gregorianus, Hermogenianus & Theodosianus*, concinnari in unum edique jussit, quem vocavit *Iustinianæum*, ut patet ex *Constit. De novo Cod. facien. & de Iustiniano Cod. Confirm.* Quarto anno ad immensa veteris prudentiæ volumina curam intendit, & opus desperatum, uti vocat, in libros quinquaginta, secundum ordinem Edicti perpetui, redegit, quibus DIGESTORUM sive PANDECTARUM nomen inscripsit, eo quod omnis generis doctrinam complectatur istud volumen, §. *Igitur hic & §. Cumque hac 3. Const. De concept. Digest. item §. Omnia igitur 1. De confirmat. Dig.* Quod antequàm divulgaret, anno Imperii septimo mandavit componi INSTITUTIONES, ex veterum Jurisconsultorum Institutionibus, & præcipuè Caji; quibus continentur elementa seu rudimenta Juris, ut rudes animi, simplicibus prius enutriti, facilius ad altioris prudentiæ redigantur scientiam. Anno Imperii octavo ad emendationem vulgati antea Codicis animum adjecit, eumque recudi jussit, propter novas editas Constitutiones quinquaginta, quibus quod in jure antiquo supervacuum esse videbatur, enucleatum, & correctæ non pauca Constitutiones priori Codice contentæ, quibus rejectis & posterioribus suppletis, novum tantum Codicem frequentari voluit, priori abrogato, & *repetita prælectionis*, id est secundæ editionis, nuncupari, *Const. De emend. Cod. & secunda ejus edit.* Postea novæ controversiæ ortæ reliquo Imperii ejus tempore, quod ferè annis quadraginta gessit, caussarunt novas Constitutiones, quas Græco idiomate edidit, *Νεωτæ* à Græcis dictas, à Latinis *Novellas*, quæ congestæ in unum volumen, quod NOVELLARUM dicitur, quarum summaria suis locis in Cod sunt subjecta per Irnerium, quas vulgò *Authenticas* vocant. Hujus historiæ cognitio eam habet utilitatem, ut sciamus, hoc in libro fieri mentionem Constitutionum, quæ priori Codice continebantur, in posteriori autem sunt omissæ.

6 Secundò notandum, hoc libro contentis Constitutionis vim esse additam per ipsum Justinianum, ut iis uti possimus in legendo, respondendo, judicando, ut non tantum patet ex hoc procemio, sed & ex *Constitut. Justiniani Imp. De concept. Digest. incip. Deo auctore, alias l. 1. C. De veteri jure enucl.*

7 Est autem in libris his quoad vim obligandi ordo quidam. Nam si quid in posterioribus habetur, quod possit videri prioribus contrariū, id ipsum prævalet; habentur enim posteriora perfectiora. Quo modo Novellarum volumē derogat Codici,

hic

hic Digestis & Institutionis: horum quod prævaleat dubitatur. Digestum putant aliqui potius esse, quod posterius sit promulgatum, anno nimirum septimo Imperii xvii. Kal. Januarii, cum Institutiones fuerint editæ eodem anno, xi. Kal. Decemb. & sic uno mense serius. Verius tamen est, Institutiones prævalere, non inspectâ editione, sed compositione & materiâ, quam continent posteriorem, desumptam quippe etiam ex rescriptis Imperatorum, cum Digestum sit compositum ex veterum Jurisconsultorum responsis.

De nomine hujus libri quæstio superest, quem quidam non nisi *Institutiones* dici 8 posse contendunt, non etiam *Instituta*; inter quos est Laur. Valla 4. *Elegant. c. 1.* quod *Institutiones* sint præceptiones, quibus docentur homines; *Instituta* verò designent mores ex consilio & ratione sumptos. Hos sequitur Balduinus hic in *Prolegom.* qui dicit indoctum vulgus malle *Instituta* dici. Verum cum Imperator multis in locis dicat *Instituta*, & Theophilus, Harmenopolus, & alii passim Interpretes Græci ita vocent, nemini vitio dandum, si ita nuncupet.

Ad methodum quod attinet, commoda & apta est, ac planè Isagogica: ut non 9 desint, qui similem in Digestis & Codice desiderent, putentque ideo hunc libellum præstare aliis Juris voluminibus. Nam ut in elementis aliarum artium primò generalia tradi solita, antequam ad specialia deveniatur, ita & hic primò generalia Juris principia proponuntur primis duobus Titulis, deinde singuli Juris articuli explicantur, quisque suo loco & ordine, quem ipsa subjecta postulant; quam rem prosequemur explicatione, quâ poterimus, brevi & facili,

ADDITIONES V. A. D.

* Num. 1. Nov. 109. *in princ.*] Idque exemplo veterum Jurisconsultorum, Philosophorum, Orationum, Poëtarum, ut docet Rad. Fornerius *lib. 6. Rerum quotid. cap. 1.* & Gabr. Trivarius in *Observas. apolog. pro Iustiniano cap. 1. 2. & 3.*

Num. 2. in fine.] Ecne quidem in Nov. 47. c. 1. ubi aliàs accuratè proponitur forma concipiendi & conscribendi publici instrumenti. Vid. Alciat. *lib. 9. Parer. c. 6.* Covarr. *Pract. quæst. c. 20. nu. 1.* Mat. card. *de Probat. lib. 1. qu. 6. nu. 81.* & D. Gerardus Corfel. *Comment. ad Cod. in princ.*

Nu. 6. in fine.] Eandem vim an hodieque obtinere debeant in respondendo ac judicando tum hæ legalis scientiæ Institutiones, tum reliquum jus civile Romanorum, quaeritur. R. In Gallia quidem jus hoc receptum non esse, nec observari, nisi deficiente nonnumquam, in tantarum varietate, lege patriâ aut constitutione Principis, notat hoc loco Jac. Bucherellus, in *sua Institut. Imperialium cum Iurisprudencia Francica collat. post Rebuff. ad Constit. Regias tomo 3. tract. De conjunct. art. 2. glos. 2. nu. 5.* & Eguin. Baronem, *inf. ad tit. De patriapoteſt.* ubi ob id jus Romanum à Francis commune jus dici ait. Similiter in Belgio, deficiente lege municipali, id custodire solemus, quod Romano jure est introductum; quod de Flandria notat Jac. Marchantius, in *Fland. descript. lib. 1. tit. de Legib. & Nic. Burgund. ad Consuet. Fland. in prol. nu. 5.* De Brabantia id ipsum expressum in tabulis Legum Brab. Joannis Ducis anno cto. ccc. xii. strictè mandantis, ut casus ibi non expressi, secundum jus scriptum judicentur: Brabantiamque esse juris scripti, multis evincit Nic. Talden. in *Præfat. ad Praxin civil. Damhoud. ut & Hollandam*, vicinæque illi provinciæ. Præ cæteris tamen strictissimè juri Romano inhaerent Frisii. Joan. à Sande *Decis. Frisic. lib. 2. dis. 2. & 7. in fine, & lib. 4. tit. 1. def. 1. in fine.* Adde Si-

monem Grœneuegium *in suo tract. De Legib. abrogatis & inusit. in Hollandia vicinisque regionibus.*

Cæterum utilitatem harum Institutionum commendat illud inprimis, quod *totius legitima scientia sint prima elementa*, quodque deinceps *prima legum cunabula non ab antiquis fabulis discere, sed ab Imperiali splendore appetere licebit.* Ubi per antiquas fabulas plerique intelligunt leges abrogatas, & ab ulu sori rejectas Non testè, ut mihi quidem videtur. Urautem ejus loci verus intellectus habeatur, notandum est, olim juventuri jus civile discere cupienti *max ab initio prælegi solitum librum*, qui Tripartita inscribatur; qualem edidisse Sex. Aclium testis est Pomponius, l. 2. §. *Post hos 38 D. De orig. juris*, additque eo libro veluti cunabula juris complexum fuisse: Tripartita autem dictum, quonia *Lege xii. Tab. præpositâ, jungeretur interpretatio, deinde subtexeretur legis actio.* Hunc librum ita ediscebant, ut hodie institutiones, quod Cicero testatur, lib. 2. *de Legib. Discebamus*, inquit, *pueri duodecim Tabulas, ut carmen necessarium. quas nemo discit.* Sine interpretatione verò Leges illæ intelligi non poterant, & sine actionibus nullus earum erat usus. Ipse Cicero, *Orat. pro L. Muræna*, ejusmodi actiones & cautionum formulas insinuat esse quasi fabulas, dum eas vocat *ridiculas, ineptis fucatas, inanissimas prudentia.* Hunc verò loci hujus intellectum suggerit Imp. noster in l. *unica C. De nudo jure Quirit. rollen.* ubi disertè testatur, ante jus à se compositum, juvenes, qui ad primam legum veniebant audientiam, ex primis cunabulis inutiles legis antiquæ (id est xii. Tab.) dispositiones accipere solitos. P'ane per antiquas fabulas non significari hoc loco jus antiquum & obsoletum, vel ex eo quoque patet, quod in his l'uris etiam illud jus, & quod antequam inebat, & quod postea desuetudine inumbratum est, exponatur. Noluit enim Imp. antiquum jus ignorari, Platonis & Aristotelis exemplo.

DE IUSTITIA ET IVRE.

TITULUS I.

Iustitia est constans & perpetua voluntas jus suum cuique tribuendi.

1. Jurisprudentia est divinarum atque humanarum rerum notitia, justî atque injusti scientia.

2. His igitur generaliter cognitis, & incipientibus nobis exponere jura populi Romani, ita videntur posse tradi commodissimè, si primò levi ac simplici viâ, post deinde diligentissimâ atque exactissimâ interpretatione, singula tradantur. Alioqui si statim ab initio rudem adhuc & infirmum animum studiosi, multitudinem ac varietate rerum oneraverimus, duorum alterum, aut disertorem studiorum efficiemus, aut cum magno labore, sæpè etiam cum diffidentia, (quæ plerumque juvenes avertit) serius ad id perducemus, ad quod, leviori viâ ductus, sine magno labore, & sine ulla diffidentia, maturiùs perducipotuisse.

3. Juris præcepta sunt hæc, Honestè vivere, Alterum non lædere, Suum cuique tribuere.

4. Hujus studii duæ sunt positiones, Publicum & Privatum. Publicum jus est, quod ad statum rei Romanæ spectat. Privatum, quod ad singulorum utilitatem pertinet.

Dicendum est igitur de Jure privato, quod tripartitum est: collectum est enim ex naturalibus præceptis, aut gentium, aut civilibus.

COMMENTARIUS.

SUMMARIA.

1. *Iustitia quid.*
2. *Non definiri hic iustitiam universalem, sed particularem.*
3. *Non divinam, sed humanam.*
4. *Iustitia particularis alia est commutativa, alia distributiva.*
5. *Iuris varia significatio.*
6. *Ius quatenus prius vel posterius sit iustitiâ.*
7. *Iurisprudentia quid.*
8. *Præcepta iuris.*
9. *Honestè vivere quatenus ad iustitiam particularem pertineat.*
10. *Quid vetetur secundo præcepto.*
11. *Quid iubeat tertium.*
12. *Ius publicum & privatum quid.*
13. *Origo & fontis iuris privati.*
14. *An eadem origo iuris publici?*

UT in cunctis actionibus principio omnium finem intueri oportet, cui tamquam laborum scopo omnes conatus devoveantur; ita rectè Imp. in ipso ingressu tractatus scientiæ Juris de Justitia & Jure proponit, quod justitiæ conservationem constet esse finem Jurisprudentiæ sive scientiæ juris.

Definit autem *Iustitiam* (de qua agit prior Rubricæ pars) *CONSTANTEM AC PERPETVAM VOLUNTATEM IUS SVVM CVIQUE TRIBVENDI*. Ubi *VO-*
LUNTAS loco generis per metonymiam pro habitu ponitur; non ineleganter, cum in ea consistat habitus, & præcipuè spectetur, non etiam in actu solo. Neque enim nomen iusti meretur justum faciens, nisi adsit voluntas; quia casu fecisse potest, qui non meretur præmium. Non tamen etiam solam potentiam rectè intellexeris nomine *voluntatis*, cum non sit justus; qui intelligit iusta, sed qui ex voluntate justè agit. Verba, *CONSTANS AC PERPETVA*, non temerè addita, quòd proprium habitus sit inducere constantiam ac perpetuitatem. Ut sensus dictæ definitionis sit, Justitia est habitus seu affectio voluntatis, quâ inclinamur cum constantiâ & firmitate jus suum cuique tribuere. Est enim perfectæ virtutis, cum constantia perpetuò operari. Dicitur, *IUS SVVM*, quod scilicet cuique iure & legibus debetur: quæ posteriora verba denotant differentiam, quâ Justitia à ceteris virtutibus, aliisque animi qualitatibus distinguitur.

Unde convincuntur erroris, qui iustitiam universalem hic definiri volunt, quæ est complexio omnium virtutum, ad quam referuntur omnia, circa quæ vir bonus
 2
 versari debet. Nam particula ultima differentiæ loco posita, tantû respicit iustitiam particularem, ut versatur circa analogum, id est debitam rerum omnium inter se proportionem & distributionem, quod est proprium justitiæ particularis; ad quam

tan-

tantum pertinere datam definitionem, & de ea tantum agi in libris Juris, merito quisque contenderit: licet denegandum non sit, agi & in iis de aliis virtutibus, ut de Prudentia, *in tit. De juris & facti ignor.* de Temperantia, *in tit. De adult. stupro & raptu*, de Fortitudine, *tit. De remilit.* sed non tam primario ac propter se, quam occasione justitiæ particularis, ne eius finis per passiones aliis virtutibus subiectas impediatur.

3 Magis errare mihi videntur, qui prædictam definitionem spectare volunt ad Justitiam divinam, uti contendit Glossa *hic V. iustitia*, Hotom. Vultejus, & alii eam sequentes, cum ista non pertineat ad Jurisconsultum, quem informare hic intendit Imperator. Nec facit in contrarium, quod verba *constans & perpetua* pro humana imbecillitate non possint cadere in hominem, cum non sint accipienda ex parte actus, qui perpetuo & firmiter duret; ita enim solius Dei voluntas est perpetua; sed ex parte objecti, quia scilicet aliquis vult perpetuo facere, & conservare justitiam, quod sufficit ad rationem justitiæ.

4 Justitia itaque particularis, (quam Imp. omnium perfectissimam vocat virtutem, *Nov. Ut omnes obediant iudicib. 69. in princ.* & præstantissimum bonum, *Nov. De relevat. tribut. publ. 163 in pr.*) alia est *Commutativa*, quæ versatur circa æqualitatem in commerciis, rerumque privatarum permutationibus, secundum proportionem, ut vocant, arithmetica, quæ in rei ad rem æqualitate consistit, hoc est reddit alteri, quod est simpliciter suum; ut nimirum tantum reddatur, quantum debetur: alia *Distributiva*, quæ versatur in distribuendis functionibus, & muneribus pro meritis cuiusque, secundum proportionem geometricam. Servat enim æqualitatem proportionum, non etiam rei ad rem, aut numeri ad numerum; cum dari possit æqualis proportio inter inæquales numeros, ratione meritorum. Quæ in parte non raro graviter peccari faciunt, favor, odium, sordes, quæ præcipue causant promoveri ad munia eos, quibus anima pro sale est. Quæ duæ species in eo conveniunt, quod utraque debitum respiciat: illa tamen strictè, & jus ad rem ponat, obligans ad restitutionem; hæc verò potius habitudinem, quam jus strictum, ut contra faciens peccet quidem, ad restitutionem tamen non semper teneatur.

S. Jurisprudentia.

5 **A**ltera Rubricæ pars est de JURE: cujus varia acceptio est in libris Juris, scilicet pro lege, pro sententia, pro judicio, pro legitimâ potestate quid agendi, pro necessitudine, pro justo & æquo, pro juris arte & scientia, quo modo infra definitur sub nomine Jurisprudentiæ. Atque ita sumitur hoc loco, ut patet ex ipsa Rubr. quæ habet *De iustitia & iure*: ibi enim jus posterius esse justitiæ indicatur, quasi ab ea appellatum esset, uti & habet *l. i. d. h. t.* † Quod verum esse non potest, nisi quatenus in concreto accipitur pro Juris arte, quia eatenus justitiam habet, ut suum objectum, quod semper est prius eo, cuius est objectum. Quatenus verò accipitur in abstracto pro eo, quod justum est, ponit objectum justitiæ, eâque prius est, ex ratione iam dicta, & iustitia à jure dicenda derivari; quod & Grammaticorum ordini respondet, quo composita vocabula à simplicibus descendunt.

JURISPRUDENTIA EST DIVINARVM ATQVE HYMANARVM RERVM 7
NOTITIA, IVSTI ET INIVSTI SCIENTIA, id est, habitus intellectus, quo
quis cognoscit res divinas & humanas, quatenus in iis versatur justum & iniu-
stum; illud ut faciamus, hoc ut caveamus. Brevius Celsus describit, esse artem æ-
qui & boni, *d.l.i.D.h.r.*

§. Iuris præcepta.

POnit hic Imperator tria: Præcepta, id est principia & fundamenta, finem to- 8
tius Juris completentia, & ad quæ tamquam ad normam quamdam leges di-
judicantur & examinantur. Quæ quidem in specie varia sunt, ad tria tamen sum-
ma capita referuntur, scilicet, HONESTE VIVERE, ALTERVM NON LÆDE-
RE, SVVM CVIQVE TRIBVERE: quæ sunt ita connexa, ut, uno sublato, alterum 9
salvum esse nequeat. † Primum posset videri generalius, quàm ut concludatur
terminis iustitiæ particularis, pertinet enim ad agentem ut homo est & vir bonus,
qui non agat nisi decentia: rectè tamen hic ponitur, ad commodius obtinen-
dum finem iustitiæ particularis, hic, uti dictum, definitæ. † Reliqua duo spectant 10
ad agentem ut civis est, & propria sunt iustitiæ particularis, respectum ad alterum
habentia, scilicet ne quemquam lædamus verbo aut facto, in corpore aut fama,
quod vetatur secundo præcepto; quo & quis lædere seipsum prohibetur, cum
membrorum suorum nemo dominus sit, *l. Liber homo 13. D. Ad L. Aquil.* † Deinde 11
ut bonum faciamus, tribuendo cuique jus suum, scil. virtuti præmium & hono-
rem, vitio pœnam & supplicium, quod iubet tertium præceptum.

§. Huius studii.

IUs omne auctoritate & usu publicum est; utilitate aliud PUBLICVM, QVOD 12
AD STATVM REI ROMANÆ SPECTAT, consistens in Sacris, Sacerdotibus,
Magistratibus, iure belli, fœderum, & similibus, *l. 5. D. eod. & l. 5. D. De pact.* Aliud
PRIVATVM, QVOD SINGVLORVM CONCERNIT CAVSSAM ET VTLITA-
TEM. Subaudiendum autem, principaliter & primariò: nam secundariò & per
quamdam cognationem, quod publicè utile est in civitate, id & privatim aliquo
modo prodest, & è converso; cum Reipubl. quidem intersit, habere locupletes &
bonos cives, civium autem habere benè constitutam Rempublicam.

Privato iuri triplex hic adsignatur fons, unde desumptum, scil. PRÆCEPTA 13
NATURALIA, GENTIVM, ET CIVILIA; idque pro triplici hominis conside-
ratione, qui vel consideratur ut animal, & eo respectu subest iuri naturæ; vel ut
homo, & respondet iuri gentium; vel ut civis, & sequitur iura cuiusque civitatis.

Fit autem hic & in *d.l. 5. D. eod.* tantùm mentio iuris privati, quasi id tantùm sit 14
collectum ex tribus iam dictis fontibus, non etiam ius publicum. Quod aliquibus
displicet, qui eandem collectionem iuri publico attribuunt, inter quos est Anto-
nius Vacca ad *d.l. 1. §. huius studii*. Verùm iis obstat, quod ius publicum non possit
videri manasse ex iure naturæ; quo nulla erant Sacra, Sacerdotes, Magistratus; non
etiam ex iure gentium, cum publicum hoc ius pro usu & commodo populi Roma-
ni paulatim sit inductum. Alciat. *1. Parer. c. 31. in fine.*

Nu. 2. in fine] Nam alia virtutes non versantur circa distributionem eius, quod cuiusque est, hoc est alterius a se, sed circa moderationem passionum & motuum inordinatorum, ne in iis erretur aut excedatur ; & vel in perspicientia veri, solertiaque versantur, ut Prudentia ; vel in animi excelsi atque invicti magnitudine ac robore, ut Fortitudo ; vel in omnium, quæ sunt, quæque dicuntur, ordine & modo, ut Temperantia ; Iustitia vero in hominum societate tuenda, tribuendoque suum cuique & rerum contractarum fide. Ita ferè Cicero *Lib. 1. Offic.* In eo igitur quoddam tribuat cuique suum, consistit ratio formalis & differentia specifica iustitiæ, quæ à reliquis virtutibus distinguitur. Vt enim Fortitudo in laboribus periculisque cernitur (verbis utitur ejusdem Cicero, *lib. 5. de Finib. bonor. & mal.*) Temperantia in pratermittendis voluptatibus, Prudentia in delectu bonorum & malorum ; ita Iustitia in suo cuique tribuendo. Diciturque esse ἀλλότριον ἀγαθόν, alienum bonum, Aristot. 5. *Ethic. c. 1.* & spectanteforas, quia scilicet se totam ad alienas utilitates porrigat atque explicet. Cic. *lib. 2. de Republ. apud Nonium Marcelum V. Explicare & V. Proicere, ubi male legitur expectat pro spectat.* Apulejus lib. de Philosophia : Cum foras spectat & est fida speculatrix utilitatis aliena, alienum bonum spectans, Iustitia nominatur. Seneca *Epist. 113.* Doceat me, quam sacra res sit iustitia, alienum bonum spectans, nihil ex se petens nisi usum sui. Definitio vero hoc loco iustitiæ particularem, præter D. Zetel. ad D. h. t. nu. 16. & seqq. probant Ant. Cantius 1. *Sub. ec. c. 7.* Wettenb. *De ed. nu. 7.* Donel. *Comment. lib. 2. c. 1.* & plures alii. Diss. Alciat. 1. *Parer. c. 31.* Bologn. *De iure & equit. c. 8. & 9.* Bacchov. ad §. 1. *Instit. h. t. nu. 3.* Hunnius *Var. Resol. lib. 1. tract. 1. qu. 3.*

Nu. 3. in fine.] Vix enim iustus quamvis opinione labi possit, tamen voluntate à Republ. vel iustitia dissidere non potest, ut alibi Cicero ait ; & ut è Græco Menandri expressit H. Grotius,

*Non iustus omnis abstinens iniuria est,
Sed qui nocere cum potest, tunc abstinet.*

Adde his, quæ ex veteri Paraphraste Aristot. 5. *Nicomach. c. 1.* aliisque notat idem Grotius in sua *Florum Sparione ad Instit. h. t. & lib. 3. De iure belli ac pacis c. 10.* Ant. Fab. in *Ration. ad l. 10. D. cod.* & Jac. Mastert. *De iustitia Legum Roman. lib. 1. dub. 5.*

Nu. 4. in fine] Ad prædictam divisionem iustitiæ in Commutativam seu Commerciariam & Distributivam respexit Apuleius loco sup. cit. his verbis : Duabus autem equalibus de causis utilitatem hominum iustitia regit : quarum prima est, numerorum observantia, & divisionum equalitas, & eorum quæ pacta sunt symbola : ad hæc ponderum mensurarumque cussos & communicatio operum publicorum. Secunda finalis est, & veniens ex æquitate partitio, ut singulis in agros dominatus congruens deferatur, ac bonis potior, minor non bonis. Ad hæc bonus quisque naturæ & industriæ in honoribus & officiis præferatur ; pessimi civis luce careant dignitatis.

Nu. 6. in fine.] Ita ferè Ant. Goveanus *Var. Lect. iuris civilis lib. 1. c. 10.* Franc. Conpanus 1. *Comment. c. 2. nu. 2. 3. & 4.* Gæg. Lopez *Animad. c. 1.* & Joan. Ramus in *Prælect. suis* manusc. ad d. 1. *D. h. t.* qui ita ratiocinatur : Jus est ars boni & æqui : atqui omnis ars proficiscitur & manat ex eo, cujus est ars Quintil. *Instit. Orat. lib. 1. c. 17.* id est omnis ars manat ex natura ; in qua quidem natura est omnium artium perfecta idea. Cicero *de Orat. ad M. Brutum.* Ars autem ex hac idea per observationem excelsipitur. Utece, ante artem medendi erat medicina, at medicinæ præcepta nondum adhuc apparebant, donec observatione tabubrium atque his contritorum, inquit Quintil. per experientiam ex naturæ opibus ex culpa fuerunt : ergo medendi ars à medicina appellatur, quemadmodum & jus à iustitia.

Nu. 7. ibi, hoc ut caveamus.] Nam & iniquorum ratio noscenda est, ut æqua melius tucamur. Quintil. *Instit. Orat. lib. 3. c. 8.* Sin illic Legem Stoici (quos sequi amant veteres Jurisconsulti) designabant, omnium divinarum & humanarum rerum reginam : item iusti in iustique regulam.

regulam. Seneca de Benef. lib. 4. c. 12. l. 3. D. De LL. Et Sapienciam seu Philosophiam quidam ita quoque finierunt, inquit Seneca Epist. 89. ut dicerent eam *divinorum & humanorum scientiam.* Verum Sapiencie nomine etiam Jurisprudentiam, id est civilem sapientiam, rem sanctissimam, ut ait Ulp. l. 1. § 5. D. De extraord. cognit. veramque & non simulatam Philosophiam, l. 1. §. 2. in fine D. h. t. intelligi placet, ut præter Moralem, Naturalem & Rationalem Philosophiæ partes, etiam hæc Civilis (quam Plato in Phædone vocat τὴν δημοτικὴν τε καὶ πολιτικὴν ἀρετὴν & Julianus Imp. in Epistolis πολιτικὴν φιλοσοφίαν) velut pars ejusdem, in considerationem veniat, quæ propriam quandam exercitationem desideret, & circa aliam materiam occupata sit, ut è Peripateticorum placitis scribit d. loco Seneca; quippe quæ non universim consideret jus & æquum, justum ab injusto secernat, quod ad ἡθῶν spectat, sed propius inspiciat res universas, & revocet singulas ad examen justī & injustī. Docet enim Philosophia moralis, Justitiam colendam esse, bona appetenda & mala fugienda, quæ sunt generalia præcepta Ethices. Jurisprudentia eadem propius inspicit, & genera seu theses generales ad hypothesin reducit, cum in specie docet, quodnam bonum in hac Republ. sit sequendum; quo pacto in quolibet contractu, in qualibet actione & lite justitia administrari debeat. Adeoque in causis omnibus, quæ publicis, quæ privatis, pariter etutinā ponderanda venit ratio justī atque injustī, & administranda Re publ. omnis ex justitiæ æquiratque regulis. Estque & hoc philosophari, gerere negotium publicum, cognoscere, judicare, promovere & exercere justitiam, quaque Philosophi doceant in usu habere: ita enim Euphrades Philosophus Syrus Plinium Secundum, de judicariis suis occupationibus conquerentem, consolari solebat, teste ipso Plinio, lib. 1. Epist. 10.

Ibid. in fine] Docens scilicet quid bonum, quid æquum, sive est ars stricti juris & æquiratis. Nam bonum genus quoddam est, l. Vbi autem 75. in princ. D. De V. O. & jus in genere latum, adeoque & summum seu strictum jus significat, cujus juris temperamentum est æquum sive æquitas, quæ jus aliqui in genere, id est, per se bonum & utile ad res singulas sine vitio deducit, & aliis atque aliis additis vel detractis facti circumstantiis, quæ extrinsecus incidere possunt, summi illius juris duriem temperat. Ita ut bonum seu strictum jus ubique sit regula, æquitas verò ejusdem regulæ crasis & temperatura. Ut ecce, sanus gladium deposuit, repetit eum insanus: bonum, id est regula jubet reddi depositum; æquum, id est jus circumstantiarum, verat reddi, l. Bona fides 31. §. 1. D. Depositum, Cicero 2. Offic. Ramus ad Reg. jur. lib. 1. axiom. 30. Atque ita bonum & æquum distinguī videtur in l. Hac lege 8. C. De pact. conventis.

Nu. 12. ibi. D. De pact.] De hoc jure publice agitur libro 1. Digesti itemque lib. 1. & tribus posterioribus Cod. Tale etiam jus hodie in Imperio Romano Germ. dicimus, quod Bulla aurea, ut vocant Caroli IV. Imp. de statu Imp. continetur, & magna pars Recessuum in Comitibus Imperialibus editorum.

DE JURE NATURALI, GENTIVM ET CIVILI.

TITULUS II.

Jus naturale est, quod natura omnia animalia docuit. Nam jus istud non humani generis proprium est, sed omnium animalium, quæ in cælo, quæ in terra, quæ in mari nascuntur. Hinc descendit maris atque sceminæ conjunctio, quam nos *Matrimonium* appellamus, hinc liberorum procreatio, hinc educatio: videmus etenim cætera quoque animalia istius juris peritiā censerī.

1. Jus autem civile à jure gentium distinguitur : quòd omnes populi, qui legibus & moribus reguntur, partim suo proprio, partim communi omnium hominum jure utuntur. Nam quod quisque populus ipse sibi jus constituit, id ipsius proprium civitatis est : vocaturq; jus civile, quasi jus proprium ipsius civitatis. Quod verò naturalis ratio inter omnes homines constituit, id apud omnes per æquè custoditur, vocaturq; jus gentium, quasi quo jure omnes gentes utantur. Et populus itaque Romanus partim suo proprio, partim communi omnium hominum jure utitur. Quæ singula qualia sint, suis locis proponemus.

2. Sed Jus quidem civile ex unaquaque civitate appellatur, veluti Atheniensium. Nam si quis velit Solonis, vel Draconis leges appellare jus civile Atheniensium, non erraverit. Sic enim & jus, quo Romanus populus utitur, ius civile Romanorum appellamus : vel ius Quiritum, quo Quirites utuntur. Romani enim à Romulo, Quirites à Quirino appellantur. Sed quoties non addimus nomen, cuius sit civitatis, nostrum ius significamus. Sicuti cum Poëtam dicimus, nec addimus nomen, subauditur apud Græcos egregius Homerus, apud nos Virgilius.

Jus autem gentium omni humano generi commune est. Nam usu exigente, & humanis necessitatibus, gentes humanæ iura quædam sibi constituerant. Bella etenim orta sunt, & captivitates sequuntur, & servitutes, quæ sunt naturali iuri contrariæ. Jure enim naturali omnes homines ab initio liberi nascebantur. Et ex hoc iure gentium omnes penè contractus introducti sunt, ut emptio & venditio, locatio & conductio, societas, depositum, mutuum, & alii innumerabiles.

3. Constat autem ius nostrum, quo utimur, aut scripto, aut sine scripto, ut apud Græcos τῶν νόμων οἱ μὲν ἔγγραφοι, οἱ δὲ ἀγραφοί, *Legum alia scripta, alia non scripta*. Scriptum autem ius est Lex, Plebiscitum, Senatusconsultum, Principum placita, Magistratuum edicta, Responsum prudentium.

4. Lex est, quod populus Romanus, senatorio magistratu interrogante (veluti Consule) constituebat.

Plebiscitum est, quod plebs, plebeio magistratu interrogante (veluti Tribuno) constituebat. Plebs autem à Populo eo differt, quo species à genere : nam appellatione Populi universi cives significantur, connumeratis etiam Patriciis & Senatoribus. Plebis autē appellatione, sine Patriciis & Senatoribus, cæteri cives significatur. Sed & Plebiscita lege Hortensia lata non minùs valere, quàm leges, cœperunt.

5. Senatusconsultum est, quod Senatus iubet, atque constituit. Nam cum auctus esset populus Romanus in eum modum, ut difficile esset in unum eum convocari, legis faciendæ causâ, æquum visum est, Senatum vice populi consuli.

6. Sed & quod Principi placuit, legis habet vigorem, cum lege Regiâ, quæ de eius imperio lata est, populus ei & in eum omne imperium suum & potestatem concedat. Quodcumque ergò Imperator per epistolam constituit, vel cognoscens decrevit, vel edicto præcepit, legem esse constat. Hæc sunt, quæ Constitutiones appellantur. Planè ex his quædam sunt personales, quæ nec ad exemplum trahuntur, quoniam non hoc Princeps vult, Nam quod alicui ob meritum indulget, vel si cui sine exemplo subvenit, personam non transgreditur. Aliæ autem cum generales sunt, omnes procul dubio tenent.

7. Prætorum quoque edicta non modicam obtinent Juris auctoritatem. Hoc etiam Jus *Honorarium* solemus appellare, quod qui honores gerunt, id est. Magistratus, auctoritatem huic juri dederunt. Proponabant & Aediles Curules edictum de quibusdam causis, quod & ipsum Juris honorarii portio est.

8. Responsa prudentium sunt sententiæ & opiniones eorum, quibus permissum erat de jure respondere. Nam antiquitus constitutum erat, ut essent, qui Jura publicè interpretarentur, quibus à Cæsare jus respondendi datum est, qui Jurisconsulti appellabantur, quorum omnium sententiæ & opiniones eam auctoritatem tenebant, ut Judici recedere à responso eorum non liceret, ut est constitutum.

9. Sine scripto jus venit, quod usus approbavit. nam diuturni mores consensu utentium comprobati, legem imitantur.

10. Et non ineleganter in duas species Jus civile distributum esse videtur. Nam origo ejus ab institutis duarum civitatum, Athenarum scilicet & Lacedæmoniorum, fluxisse videtur, In his enim civitatibus ita agi solitum erat, ut Lacedæmonii quidem magis ea, quæ pro legibus observabant, memoriæ mandarent. Athenienses verò ea, quæ in legibus scripta comprehendissent, custodirent.

11. Sed naturalia quidem jura, quæ apud omnes gentes peræquè observantur, divinâ quadam providentiâ constituta, semper firma atque immutabilia permanent. Ea verò, quæ ipsa sibi quæque civitas constituit, sæpè mutari solent, vel tacito consensu populi, vel aliâ postea lege latâ.

12. Omne autem jus, quo utimur, vel ad Personas pertinet, vel ad Res, vel ad Actiones. Et prius de personis videamus; nam parum est jus nosse, si personæ, quarum causâ constitutum est, ignorentur.

C O M M E N T A R I U S.

S U M M A R I A.

1. *Ius naturale quid.*
2. *Ius hoc an & quatenus brutis conveniat.*
3. *Quenam juris hujus esse dicantur.*
4. *Ius gentium quid.*
5. *Requisita ad hoc jus constituendum.*
6. *Vnicum tantum esse gentium jus.*
7. *Quenam huic juri attribuantur.*
8. *Contractus qui ex jure civili originem habeant.*
9. *Ius civile quid, & quomodo fiat.*
10. *Differentia inter prædicta jura.*
11. *Ius natura & gentium sæpius confundi.*
12. *Divisio juris in scriptum & non scriptum.*

13. *Iuris scripti species olim usitata.*
14. *Lex strictè sumpta quid.*
15. *Plebiscitum & Plebs quid.*
16. *Senatusconsulta & Pratorum edicta.*
17. *Principum placita.*
18. *Iurisconsultorum seu Prudentium responsa.*
19. *Species illæ, mutatâ Republ. & translato in Principem imperio, vim suam amiserunt.*
20. *Principum placita alia generalia, alia specialia.*
21. *Lex in genere quid, & ad eam requisita, ut obliget.*
22. *Acceptatio subditorum an necessaria.*
23. *Princeps an teneatur propriis legibus?*
24. *Tenetur observare contractus cum subditis initos.*
25. *Lex an tantum quoad futura obliget?*
26. *Consuetudo quid? & ad eam requisita.*
27. *Quot actus sufficiant ad consuetudinem introducendam.*
28. *Actus debent esse voluntarii.*
29. *An & judiciales?*
30. *Quantum temporis requiratur.*
31. *Consuetudo debet esse rationabilis.*
32. *Non abrogata, prohibita aut reprobata.*
33. *Titulum non desiderat.*
34. *Nec eam promulgari necesse est.*
35. *Consuetudo obligat æquè atque lex.*
36. *Legem interpretatur, abrogat, derogat.*
37. *Intellectus l. 2. C. Quæ sit longa consuet.*
38. *Ius naturale est immutabile, civile verò mutabile.*
39. *Distinctioni huic objici solita dissolvuntur.*
40. *Ius naturale non rectè distingui in primum & secundum.*
41. *Rectius in jus natura positivum & permissivum: illud esse immutabile, hoc verò mutabile.*
42. *Libertas & rerum communio permissa à natura, non præcepta.*
43. *Vsucapio an & quatenus juri natura contraria.*
44. *Matrimonium an rectè prohibeatur initiatis sacro Ordine?*

Fontes juris privati, de quibus sub finem Tit. præcedentis, hîc latiùs declarat Imp. describens, *JUS NATURALE ESSE ID, QUOD NATURA OMNIA ANIMALIA DOCUIT: & cujus non tantum homines, sed & cætera animalia, quæ in cælo, terra, mari versantur, perita sive peritiâ censentur, id est peritiâ habent, text. hîc, d. l. 1. §. 3. D. De just. & jure, unde textus hic desumptus.* † Ubi juris nomine posset videri Jurisconsultus abusus, dum id brutis attribuit, in quæ nec jus nec injuria cadit; soli enim ratione utentes jure & lege vivunt. Verum nomen *juris* non tantum ductum rationis denotat, sed

& id,

& id, quod rationi est consequens & proximum, licet ratione non fiat, vel ducatur. Quomodo hîc capitur, & brutis cum hominibus commune esse dicitur, quæ ad ea, quæ homines rationis ductu appetunt, instinctu quodam naturæ feruntur, quem Jurisc. jus vocat, materialiter secundum quosdam accepto Juris nomine & improprie, non etiam formaliter, & proprie. Ut sensus sit, *Ius naturale est, quod versatur circa ea, quæ bruta faciunt solo naturæ impetu, homines jure & ductu rationis.* † Ejus 3 ordinis est CONIUNCTIO MARIS ET FÆMINÆ, ad sobolem procreandam & propagandam, quam perpetuitatis causâ machinata est natura: item EDUCATIO SOBOLIS, ad quam naturalis stimulus bruta impellit; juris ratio homines, donec ipsi sibi providere possint, *l. Si quis 5, §. si filius D. De agnosc. lib. & l. unica §. taceat C. De rei uxoria act.* Spectat eodem DEFENSIO VITÆ ET CORPORIS CONTRA VIM ET INIURIAM, quàm rectè à naturali ratione proficisci dicit Jurisc. *in l. 4. & 5. D. Ad L. Aquil.* cum & bruta eandem defensionem assestantur, & in eam habeant sibi arma à natura concessa. Nec obstat *l. Vt vim. 3. D. De just. & jure*, ubi sui defensio videtur referri ad jus gentium: neque enim hoc accipiendum cum exclusione juris naturæ, cum istiusmodi defensio nobis sit communis cum brutis, secundum *d. l. 4.* Ut jus gentium ibi videatur positum pro jure naturæ, quo modo sæpè capitur, ut inferius dicitur.

§. Ius autem civile & §. Ius autem gentium.

IUS GENTIUM EST QUOD NATURALIS RATIO INTER OMNES HOMI- 4
NES CONSTITUIT, ET APUD OMNES PERÆQUE CUSTODITUR, *tex. hîc & l. Omnes 9 D. De just. & jure: QUOD OMNI HUMANO GENERI COMUNE EST, d. §. ius autem gentium, & QUO QUASI OMNES GENTES UTUNTUR, d. l. Omnes in fine.* † Unde patet duo requiri ad jus gentium constituendum, scilicet 5
quod & ratio illud suaserit, & postea pro jure receptum sit generali gentium consensione: neque enim satis est, naturali rationi quid convenire, ut id continuo juri gentium adscribas. † Patet similiter unicum tantum esse gentium jus: 6
ut malè Interpretes aliud fecerint primævum sive primarium, quod initio hominibus divinâ quadam vi inditum, aliud secundævum sive secundarium, quod homines ipsi sibi postea constituerunt; cum nullibi inveniatur hujusmodi distinctio expressa, & ratio naturalis, quâ gentium jus constat, tempore non varietur, ut rectè tradit Covarr. *in c. Peccatum De R. I. in in 6. p. 2. §. 11. num. 3. & Joan. Coras. 6. Miscell. c. ult.* † Huic juri adscribitur RELIGIO ERGA 7
DEUM, *l. 2. D. De just. & jure*; cum nulla sit gens, quæ non habeat innatam aliquam Dei cognitionem, aut, ut ait Seneca *Epist. 117.* de Deo opinionem insitam, nec ulla usquam adeò extra leges moresque projecta, ut non aliquos esse Deos credat; quamvis diversis eos induant formis, & circa verum Deum plerique errent ac varient, hodieque in orbe Christiano, pro dolor! non pauci, si non verbis, saltem factis Deum esse pernegent, quales specioso nomine vocantur Politici. Spectat huc PIETAS IN PATRIAM, PARENTES, ex peculiari quodam instinctu hominibus innato, *d. l. 2.* Huic juri etiam adscri-
buntur

buntur BELLA, ex iniuriis nata, CAPTIVITATES, SERVITUTES; item DOMINIORUM DISTINCTIO, DISCRETIO GENTIUM, REGNORUM ORIGO, CONTRACTUS PENE OMNES, sive ex actu civili orti, sive ex maleficio,

- 8 *l. Ex hoc iure §. D. d. tit. & d. vers. ius autem gentium h. t.* † Additur recte, PENE, quod sint quidam contractus excepti, *d. l. §. qui originem suam acceptam ferunt iuri civili.* Inter alios est stipulatio, origine & formâ iuris civilis, postea communis facta aliis gentibus. Addunt & alios contractus Glos. & alii, quos refutat Cujac. in *d. l. §. & l. 7. D. De pactis*, substituens legitima pacta, de quibus *l. 6. D. eod. tit.* Rectè addideris contractum nominibus fieri solitum, de quo infra *De litter. oblig.* & contractum emphyteuticum, qui Constitutionibus Imp. inductus, inf. *De locat. & conduct. & Cod. De iure emphyt.*

- 9 JUS CIVILE EST, QUOD QUISQUE POPULUS IPSE SIBI CONSTITUIT, & quæque civitas sibi proprium servat; nec in totum à jure naturali aut gentium recedendo, nec per omnia ei serviendo, *l. Ius civile 6. D. De just. & jure*, cum jura naturali aut gentium pleraque convenientia contineantur legibus populorum, licet non omnia. Addunt enim aut illi detrahunt, temporis causâ aut utilitate publicâ ita postulante. Rectè dicitur, nec in totum; quia aliàs non tam jus quàm injuriam contineret. Nomen autem huic iuri inditum à quovis populo, qui illud constituit, ut indicat Imp. §. *Ius autem civile h. t.*

- 10 Ex dictis patet differentia inter hæc iura. Naturale enim ius, cum competat omni animali, latissimè patet; gentium minùs latè, cum tantum inter homines sit constitutum; civile verò magis strictum, cum tantum uni civitati, & certo populo communicet. Unde oritur alia differentia, quod scilicet civile sit diversum & varium pro civitatum & populorum diversitate; naturale verò unum & idem ubique, iuxta causam suam, scilicet naturam, quæ ubique eadem est: uti & gentium, iuxta suam causam, id est rationem naturalem, quæ ubique eadem, nec temporibus aut locis mutatur: quod quomodo accipiendum, dicetur infra *eod. §. finali.*

- 11 † Notandum autem hæc duo iura naturæ & gentium sapiùs confundi; & quod gentium est, naturæ sapè dici & attribui, & è contrâ, quatenus naturæ ius sumitur propriè ut ius, tum enim à iure gentium non distat. Sic in *l. 3. D. d. tit.* defensio sui moderata gentium iuri adscribitur, quam *l. 1. §. vim 27. D. De vi & arm.* naturæ attribuit, uti & innuit *d. l. 3. in fine*: & brutis sic insitum propulsare à se vim, in quem finem eadem natura arma singulis attribuit. E contrâ naturalia iura vocantur etiam ea, quæ gentium sunt, §. *sed naturalia inf. eod.* ubi alia differentia insinuat inter prædicta iura, de qua ibi.

§. *Constat autem.*

- 12 POST explicatos fontes iuris nostri civilis, sive Romani, ad quod propriè spectat hic tractatus, commodè subiungitur eius divisio in SCRIPTUM & NON SCRIPTUM. Cuius distributionis ratio videri posset fundata in scriptura, quod leges & similes iuris species scribi soleant, non etiam inducta moribus: non est tamè adæquata, nec propria, cum non necessariò leges scribâtur, nec ideo sanctio populi desinat

definat esse lex, quòd scripto non sit comprehensa, ut videre est in Lacedæmoniis, apud quos ex lege Lycurgi, memoriæ, non scripto, leges mandabantur: uti nec consuetudo ideo naturam mutavit, quòd in scripturam redigatur, memoriæ aut facilioris probationis causâ; nisi fortè auctoritate superioris eâ intentione in scriptum redigatur, ut sit legis loco: quomodo substitutio pupillaris, patria potestas, & alia quædam ex moribus ortum habentia, in legem transierunt. Sed propria forma & ratio legis consistit in expressa populi sanctione; consuetudinis verò in tacito populi consensu, citra sanctionem, ut dicitur *inf. eod. ad §. ex non scripto*. Inolevit verò distributio juris civilis in scriptum & non scriptum, quia plerumque sanctiones scribi soleant, non etiam consuetudines.

Referuntur autem hîc lex juris scripti species, olim usitata, stante pristina Reipubl. formâ; quas aut consensus fecit, aut constituit necessitas, ut ait Modestinus in *l. penult. D. De legib.*

Ex consensu populi procedit Lex, quæ strictè dicitur esse id, **QUOD POPULUS ROMANUS, SENATORIO MAGISTRATU INTERROGANTE, VELUTI CONSULE CONSTITUEBAT.** Apud populum enim cùm esset summa rerum, is rogandus erat, velleret juberetne quid fieri; & quod ita jusserat, id jus ratumque erat, legisque vim obinebat. Unde & Lex dicitur *generale jussum populi*, apud A. Gell. *lib. 10. c. 20.* † Ut & **PLEBISCITUM generale jussum plebis**, **QUOD** scilicet **PLEBS, MAGISTRATU PLEBEIO INTERROGANTE, VELUTI TRIBUNO PLEBIS, JUBEbat.** Plebs est tertia populi pars, sine Patriciis & Senatoribus ceteros cives continens, §. *Plebiscitum h. t. & l. Plebs 238 D. De V. S. Gell. lib. 15. c. 16.* Plebiscito postea æqualis legi potestas per legem Hortensiam accessit, *d. §. Plebiscitum & l. 2. §. deinde cùm esset 4. De orig. juris.*

SENATUSCONSULTIS verò legis auctoritatem, ut & **PRÆTORUM EDICTIS**, vim suam tribuit necessitas, idque propter nimis auctum populum, quàm ut facile coire posset, *d. §. deinde.* Prætoribus quidem ab initio non condendi juris, sed dicendi tantum fuit auctoritas, *d. l. 2. §. Cumque Coss.* quæ tamen postea ita crevit, ut & jus per edicta conderent: quæ annua primò, pòst etiam perpetua facta, eamque vim consecuta, quam reliquæ habent juris species, potissimum postquam in Juris nostri libros sunt relata; quomodo tamen non tam suo, quàm constitutionis jure valere videntur. Prætorii sive honorarii juris (ita dicti, quòd qui honores gerunt, id est magistratus, auctoritatem huic juri dederunt, *tex. h. in §. Prætorum*) portio est **JUS ÆDILITIUM**, latum ab Ædilibus, qui foro rerum venalium præerant quo cavetur, ut si quid vitiosum pro sincero, fractum pro integro venisset, reddi venditori posset, *tex. hîc & toto tit. D. De Ædil. edicto*, Cujac. 8. *Obser. c. 38.*

Eadem necessitas locum fecit **PRINCIPUM PLACITIS**, omni auctoritate translata in Principes, quòd melius videretur per unum potiùs, qui præpolleret omnes potestate, quàm per plures administrari imperium, & consuli Reipubl. qui sic paulatim citra solemnem observationem omnia suo arbitratu constituere cœperunt, & legis auctoritatem suis placitis vindicare, §. *Sed & quod Principi h. t. &*

l. 1. D. De constit. Princ. PLACITUM intellige, non quod quocumque modo Principi placuerit, sed quod maturè, rationabiliter, & in commodum commune proponitur.

18 Sed & necessitas eadem JURISCONSULTORUM sive PRUDENTIUM admisit RESPONSA, seu legum interpretationes; licet eos interdum & conditores & auctores Juris vocari inveniamus, ut in *l. Nulla 23. C. De procurat. l. 1. in princ. C. De com. servo manumisso & l. fin. §. 1. C. De curatorib. furiosi*, quasi interpretando videantur condere novum jus. Unde & in *§. responsa inf. eod.* quoniam text. habent, *quibus permissum erat jura condere.* Horum olim ea fuit auctoritas, ut non liceret judici ab eorum interpretatione & sententia recedere. Voluit hos Augustus respondere ex auctoritate Principali, *l. 2. §. & ut obiter sciamus De orig. juris*, Cujac. 7. *Obser. c. 25.* Non tamen passim & omnibus ea concessa licentia, sed certis & selectis: & hoc est, quod in *d. §. responsa prudentum* dicitur, *quibus à Cesare jus respondendi datum.*

19 Mutatâ Republ. & per legem Regiam de imperio latam in unum Principem imperio translato, evanuerunt pleræque supradictæ species: neque enim populus amplius rogabatur legem jubere, cessabant Plebiscita, Prætorumque Edicta. Senatusconsulta tamen sub Imp. vigorem suum obtinuisse, patet ex quibusdam Senatusconsultis sub Imp. emissis, uti Vellejano, Trebelliano, Pegasiano, & aliis. Quo facit *Nov. Leonis 7.* quâ demùm hæc facultas Senatui adempta. Responsis prudentum etiam sub Imp. suam fuisse auctoritatem patet ex variis Imperatorum orationibus, quas prudentes suis interpretationibus inveniuntur exornasse, verùm post Gordiani Imp. tempora non inveniuntur Jurisconsulti istâ polluisse auctoritate: quâ nec hodie pollent, cum non tam quis dicat, sed quid & quâ ratione dicat, ponderetur; nec tam auctorum numerus, qui non rarò præcipitat, quâ ratio evincat.

20 Itaque hodie tantùm Principum Placita plerisque in locis locum obtinent, propter omne in eos translatum imperium; ut populo non sit amplius potestas jubendi. Quæ, si sint generalia, legis nomen merentur, si cætera requisita adsint: si verò personalia, certam tantùm causam aut personam concernentia, sunt instar privilegi, quod personam aut causam non egreditur, *d. §. Sed & quod Principi eod.*

21 Est autem Lex ita in genere sumpta *Ordinatio rationis*, quid quaque in re faciendum præscribens: aut, *Præceptum commune, justum, stabile, sufficienter promulgatum.* Unde patet, Primò ad legem requiri, sit justa. Justa erit, non tantùm, si versetur circa materiam honestam, verùm etiam in ea servetur justitiæ forma, scilicet intendat Legislator bonum commune, & consequenter jura communitati debita servet, nec plus præcipiat, quàm concessum habet per populum; onera æqualiter distribuat: aliàs lex injusta foret. Secundò, sit stabilis, & perpetua; quo modo indefinitè ferenda: habetq; durationem infinitam, sive ex parte ferentis, quo mortuo nihilominus durat; sive ex parte subditorum, cum non tantùm obliget præsentis, sed etiam futuros, statim atq; incipiunt esse partes illius communitatis. Cui non obstat, quò minus mutari possit, si quid melius adferatur priscis institutis, quod minimè respiciendum, ut dicetur ad *§. fin. inf. eod.* Tertiò, ut sit intellecta. Intelligitur per promul-

promulgationem, quæ omninò ad rationem legis est necessaria. Est enim humanorum actuum regula, quæ non dirigit, nisi applicetur; applicatur autem per promulgationem. Ut obligare nequeat, nisi sufficienter proposita iis, quibus fertur, quos aliàs teneri tamquam ad incognita præter rationem foret: adeò ut ne quidem sciens promulgandam legem antè teneatur, cum privata scientia nihil faciat ad obligationem legis, quæ est commune præceptum ad omnes æqualiter spectans. Non continuò autem à promulgatione vis obligandi legi adest, sed demùm post duos menses, promulgatione facta in singulis provinciis, si aliud non sit expressum. *Nov. Ut facta nova constituit. 66.* idque ne quis fortè justam ignorantiam novæ legis prætendat, quæ post dicti temporis lapsum non præsumitur.

Acceptatio subditorum nihil facit ad legis rationem, nec formaliter ei convenit; 22 cum de ratione ejus sit habere vim obligandi ex auctoritate promulgantis, quâ careret, si opus esset acceptance subditorum. Præterea ea conditio poneret imperfectam potestatem Principis, in quem tamen populus dicitur simpliciter omne imperiũ transulisse, *d. §. Sed & quod Principi.* Non obstat *l. De quibus 32. D. De legib.* ubi dicitur, non alia de causa nos leges tenere, quàm quòd de consensu populi sint receptæ: nam vel accipienda de populo Romano libero: vel potiùs de usu, quòd scilicet lex non fuerit in praxim deducta, & sic non tam expresse populi consensu rejecta, quàm tacitè neglecta, Principe non instante ad ejus observationem.

Habet itaque lex vim obligandi omnes & singulos, qui subsunt jurisdictioni legislatoris, ad sui observantiam, sive eam per epistolam constituerit, sive cognoscens dereverit, sive edicto præceperit, *rex. h. in d. §. Sed & quod Principi, l. 3. & fin. C. De legib.* neque enim tam de modo quaritur, quàm de voluntate.

Excipitamen ipsum Principem, qui licet legi naturæ & gentium sub sit, eamque 23 observare teneatur, non tenetur tamen propriis legibus, saltem quoad vim coactivam, eò quòd coactio concernens pœnam ex intrinseca sui ratione postulet, ab extrinseco proveniat, & quidem superiore. Neque enim par in parem habet imperium, qualem non habet Princeps; multò minùs inferior in superiorem, quo modo intelligendum quòd dicitur in *l. Princeps D. De legib.* Princeps esse solutus legibus. Quæ lex non videtur tantùm intelligenda de legibus caducariis, ut vult Cujac. 15. *Obser. c. 30.* Nam etsi desumpta sit ex Ulpiano de legibus caducariis Julia & Papia, non tamen ideo sequitur, sententiam ibi relatam ad illas solùm spectare, aut restringendam, quòd essent odiosæ, cum generale dictum, occasione illarum ibi potuerit esse relatam, uti & refertur *inf. Quib. modis testam. infirm. §. fin.* Ubi dum quaritur, quare ex imperfecto testamento non capiat Princeps, subiicitur ratio, quòd licet Princeps sit legibus solutus, secundùm illas tamen vivat. Ut non possit illa sententia limitari ad testamenta imperfecta, sed dicenda generaliter esse recepta.

Quantum ad vim directivam, communis & constans sententia habet, Principem teneri ad observationem legis, etiam à se positæ, communi bono ita postulante, cum secundùm Sapientem quisq; debeat pati legem, quam tulit. Quod confirmat Pont. in *c. Cum omnes §. De constit.* & fatetur ipse Imp. in *l. Digna C. De LL. di-*

gnum esse vocem majestate regnantis, legibus alligatum se Principem profiteri; & majus imperio esse, legibus submittere principatum;

- 24 Quantum ad contractus à Principe cum subditis initos, receptissimum est inter Theologos & Jurisconsultos, teneri Principem eos observare: idque non tantum ex vi juris naturæ, cum nihil tam congruum æquitati, quam pacta servare, *l. i. D. De pact.* verum etiam Juris civilis. Adeo ut in Principem actio proponi possit, non quidem ad eum cogendum, quia cum superiorem non habeat, non est, per quem cogatur; quomodo accipienda jura, quæ dicunt, Principem legibus esse solutum: sed ut per Judicis sententiam declaretur jus creditoris adversus Principem, & de eo juridicè constet; qui in conscientia tenebitur illam permittere, sive admittere, & secundum æquitatem naturalem sponte pati executionem: aliàs quotus quisque cum Principe contraheret?

- 25 Dicta de obligatione legis tantum obtinent quoad futura: neque enim antecedentibus negotiis jus, aut criminibus præteritis rectè pœna statuitur, cum nemo divinare potuerit, fore, ut rebus ejusmodi forma daretur, aut nunc permissum aliquando prohiberetur. Præterea lex ponitur, ut operationis regula, quæ supponi debet ad opus, cum suo modo sit principium actionis, atque ita propter futuram actionem maximè detur. Quod omninò verum est in lege constitutoria juris. Nam cum constituat ius novum, inducit novam operandi regulam, ut non nisi futuris conveniat, non etiam præteritis, quæ regulâ ulterius non indigent, cum præterierint. Aliud est in lege declaratoria, quæ non est regula actionis, sed eam supponit & interpretatur, ius novum non inducens, aut eius effectum, sed tantum declarans, talem effectum semper adfuisse. Posset tamen & effectus legis novæ extendi ad actum præteritum, quatenus id per legem novam exprimitur, *l. 7. C. De legib.* Exempla sunt in *c. 5. De usuris*, in *l. Decernimus, l. Sancimus C. De sacros. Eccles.* in *l. penult. C. De incestu nupt.* quæ retrahuntur ad actus præteritos, etiam antè, propter iniquitatem, quam continent improbatos.

§. *Ex non scripto, sive sine scripto*, ut alii legunt.

- 26 **A**ltera juris species est Jus NON SCRIPTUM, sive CONSUETUDO. Quod verbum accipitur vel pro ipso usu & frequentibus moribus, vel pro ipso jure ex diuturno usu & moribus orto, definiturque, uti ex hoc §. *l. De quibus 32. D. De legib. & can. Consuetudo diff. 1.* est colligere, Jus NON SCRIPTUM TACITIS UTENTIUM MORIBUS INTRODUCTUM. Ad justitiam ejus requiritur Primò, sit inducta à communitate, quæ sit capax legislationis, saltem passivæ, & à majori parte observata, aut quæ saltem habeat ejus notitiam; cum in omni communitate ad valorem actuum sufficere soleat consensus majoris partis: nam quod major Curia pars effecit, pro eo habetur, ac si omnes egissent, *l. Quod major D. Ad municipal.* Ut consensus iste habeatur, oportet ad sit & actuum frequentia, & temporis diuturnitas, ut patet ex definitione, cum mores non sint sine frequentia, & usus longævus dici nequeat sine temporis diuturnitate.

- 27 Est autem quæstio, quot actus sufficiant? Et sunt, qui volunt unum sufficere, quorum opinio refutatur ex eo, quod mores non ponantur uno in actu; facile enim

enim foret per errorem aliquem actum fieri. Communiùs receptū, duos sufficere, quòd passim requirantur actus in plurali; pluralis autem locutio duorum numero sit contenta, *l. Vbi numerus D. De testib.* Verum ab ea opinione rectè recessit Bart. *ad l. 2. nu. 12. Qua sit longa consuet.* & Menoch. *Arbitrar. quest. lib. 2. casu 8.* qui volunt plures actus desiderari, & cum nulla ratio inveniri queat ad certum numerum definiendum, quia iura eum non præscribant, prudentis arbitrio relinquendum esse. Nihil obstat *d. l. Vbi numerus*; quia loquitur in casu, quo numerus iste est sufficiens.

Oportet autem hi actus sint voluntarii, cum ad obligationem requiratur consensus liber; neque enim circa necessaria est consuetudo. Ad sit & intentio inducendi ius; nam potest intendi consuetudo, non tamen & obligatio: uti in actibus devotionis, cum actus agentium non transgrediantur eorum intentionem.

Actus sint judiciales, an extrajudiciales, parum refert, ex sententia communi, & vera; cum ex natura rei sufficiat publicus & inveteratus usus, qui potest etiam in extrajudicialibus actibus consistere. Quò facit *l. Nam Imperator 38. D. De legib.* ubi sufficit alterutrum, aut consuetudo, aut rerum perpetuò similiter judicatarum auctoritas. Nihil obest *l. Cum de consuetudine 34. D. eod.* ubi videretur requiri, consuetudo sit firmata contradictorio iudicio: nam verius est ibi consilium potius dari, quàm necessitatem imponi. Est enim sensus ejus, qui consuetudini innititur dispicere debet, an secundum ejus intentionem quandoque judicatum sit, quia ea res probationem facilem dabit, quæ aliàs aliunde petenda foret: non quòd necessariò debeat esse firmata in iudicio. Nam etsi actus judiciales sint magis notorii, possunt tamen & extrajudiciales esse notorii.

Disputatur etiam, quantum requiratur temporis? Ubi sunt, qui requirunt tempus, cuius non existit memoria; verum ista opinio, parvo nixa fundamento, est antiquata. Alii decem annos inter præsentés, viginti inter absentes sufficere judicant: alii maius tempus desiderant, quòd dicatur consuetudo *longava*, & *inveterata*, *d. l. 2. C. Qua sit longa consuet. & c. fin. De consuet.* Alii id arbitrio iudicis relinquunt, quòd nullibi certum tempus per legem sit expressum. Inter quos est Menoch. *d. loco casu 83.* cuius opinio est probabilis, argumento eorum, quæ suprà dicta sunt de actibus. Ex communi tamen sententia indistinctè decem anni sufficiunt, *l. Si cum 16. §. Aristo D. Qui & à quib. manumif. & toto cit. C. De longi temp. præscript.* Pro qua facit, quòd dicatur *longa*, *diuturna*, quæ verba non excedunt spatium decem annorum, Nec obstat, quòd dicatur interdum *longava*, *inveterata*; nam ista verba non ita accipienda, quasi plus temporis necessariò requiratur, sed quia tali consuetudini eo magis sua servanda sit vis, quòd ampliori tempore fuerit in usu: & hanc opinionem amplectitur Bart. *in d. l. De quibus nu. 14.*

Secundò requiritur, sit rationabilis ac bona. Talis erit, si non contradicat juri divino, aut rationi; si non præbeat occasionem peccandi, & communitati sit utilis. Aliàs irrationabilis foret judicanda, & reiicienda, quia ad impossibile nulla est obligatio. Quia in re cum certa regula dari nequeat, iudicis arbitrio ea relinquenda.

Oportet etiam, non sit abrogata per legē subsequentem, aut prohibita per præcedentem, aut reprobata tamquam irrationabilis; licet abrogatam postea induci posse,

posse, aut revocari nihil implicet, si videatur expedire. Quod & in prohibita, ac revocata dici potest, ex nova occurrente iusta causa, quatenus causa reprobationis non est perpetua, sed temporalis tantum.

- 33 Titulus ad eam non desideratur, cum inter conditiones *c. fin. § De consuet. requisitas* non sit titulus; & præterea fundetur in consensu populi, qui ex permissione Principis, saltem tacita, eum inducere potuit. Non obstat, quod præscriptio sine titulo ex bona fide non procedat, cum currat contra invitum, ut suo loco dicitur.

Promulgari consuetudinem non esse necesse, ex eo patet, quod præsupponatur
34 publica esse, & notoria, ut valeat: ut aliâ promulgatione non indigeat, cum quæ certa sunt, non indigeant aliâ certioratione.

- 35 His positis, consuetudo est iusta & consequitur eundem effectum, quem habet lex, cum sit altera iuris species: adeo ut universalis universaliter obliget, particularis eos tantum, apud quos invaluit. Nam ut lex extra territorium non extenditur, ita neque consuetudo. Patet hic effectus ex *l. De quibus 32. D. De LL. l. 1. & 3. C. Quæ sit longa consuetudo, & toto tit. De consuet.* & in 6. Ratio est in consensu populi, qui an suffragio declaretur, an rebus ipsis & factis, nihil interest. Facit quod consuetudo sit quædam lex, ab eadem potestate & jurisdictione procedens, scilicet Principe & populo; licet in modo inducendi differat, qui non variat rationem obligandi. Nec rectè hic obiicitur, quod desit populo potestas ad istum effectum ex eo, quod omnem auctoritatem in Principem contulerit; nam firmat hoc populi factum tacitus Principis consensus, quem sufficit non contradicere.

- 36 Est & consuetudini vis interpretandi legem, cum optima dicatur interpretes in *l. Si de interpretatione 37. D. De LL. & derogandi legi, id est diminuendi, & partem auferendi*; etiam abrogandi, id est totam tollendi, *d. l. 32.* cum nec desit ea populo potestas, nec voluntas. Prius patet, quia ut habet potestatem eam inducendi, convivente Principe, ita & abrogandi eius legem consuetudini non consentientem. Posterius patet ex actibus, qui indicant voluntarium consensum, positis requisitis, de quibus supra. Ubi non videtur magis requiri scientia Principis, quam in ea inducenda, quod, ubi habet sua requisita, videatur Princeps condescendere, etiam si ignoret, *c. 1. De constit. in 6.* ubi ex eo non reprobatur specialis loci consuetudo, quod Pont. eam ignoret; & hoc ne jura sint incerta.

Non obstat, quod non possit dici rationabilis, quæ legi est contraria; quasi hoc ipso videatur esse contra rationem, cum lex sit bona & rationabilis, secundum dicta superius, ut actus ei contrarii non possint esse non mali. Dicendum enim, contrarios actus videri malos, tamquàm prohibitos, non tamen eos concurrere, ut causam, sed ut indicium voluntatis populi, resilientis à priori lege, & judicantis eam sibi minus convenire. Unde tandem resultat id, quod non est malum, scilicet ut sublatâ lege, actus sequentes non sint mali, & per eos inducatur consuetudo, in modo quidem peccans, & non etiam in substantia. Vel dici potest, legem esse rationabilem, non tamquam necessariam, sed tamquam convenientem, propter aliquos respectus; quibus non obstantibus, abrogatio eius per consuetudinem potest esse rationabilis, propter alios respectus honestos & convenientes. Quo modo & abrogatio prioris legis,

legis, licet hætenus habitæ rationabilis, non tamen ideo dicenda irrationabilis.

Negotium videtur facessere *d. l. 2. c. Quæ sit longa consuet.* ubi consuetudo dici-
tur non usque adeò sui valitura momento, ut aut rationem vincat, aut legem. Ve-
rùm dicendum, Imperatorem ibi loqui de consuetudine non habente conditio-
nes requisitas: ut sensus sit, consuetudo non est tantæ auctoritatis, ut legem tol-
lat, nisi sit rationabilis & legitimè præscripta. Quæ exceptio colligitur ex *d. l. 2.*
& clariùs ex *d. c. fin. ð De consuet.* ubi videtur Pont. *d. l. 2.* cuius verba refert, inter-
pretari, subiectâ exceptione, nisi sit rationabilis & legitimè præscripta. Cuius in-
terpretatio videtur potiùs amplectenda, quàm aliorum Interpretum alium dictæ
legis sensum assignantium.

§. Sed & naturalia quidem.

Alia ponitur hic differentia inter jus naturale sive gentium & civile, quòd scil. 38
illud semper permaneat, & sit immutabile, hoc verò mutationi obnoxium.
Ratio est, quòd illius causâ oriatur ex ipsa rerum natura: ut jus istud non sit nisi
dictamen rectæ rationis, ubique idem & immutabile, fundatum in divina provi-
dentia, ut hic ait Imp. hoc verò ab humano proficiscatur ingenio, accommoda-
tum utilitati cuiusque civitatis, quæ pro temporum, morum, locorum diversitate
est alia atque alia; ut qualis est causa, talis sit & effectus.

Verùm hæc distinctio non est libera ab impugnatione. Obiicitur enim primò, 39
quòd liberras, quæ juri naturali adscribitur, *inf. tit. seq.* inductâ per bellum & ca-
ptivitatem servitute, diminuatur. Secundò, jure naturæ rerum omnium commu-
nio erat, *can. Ius naturale dist. 1.* Jure gentium distincta dominia, discretæ gentes, *l.*
Ex hoc iure §. D. De just. & iure. Tertiò, usucapio rem alterius alteri tribuit per le-
gem; quod tamen juri naturæ repugnat, quod alterum alterius detrimento
locupletari non patitur, *l. Nam hoc natura 14. D. De condict. indeb.* Quartò, maris &
scæminæ coniunctio, quam nos matrimonium vocamus, descendit ex jure naturæ,
Pontificio tamen jure inhibita initiatis sacro Ordine.

Quas obiectiones ut quidam evitent, subtili quadam inventione jus naturale
aliud faciunt primævum, aliud secundævum; accipientes dicta *hoc §.* de illo prio- 40
ri, quasi posterius jus mutari posset: cùm tamen unum tantùm sit jus naturæ ex
ratione naturali procedens, quæ semper eadem & tempore non variatur, Ut hæc
distinctio sit minùs commoda, non dissolvens vim contrariorum, quæ spectant
etiam ad jus naturæ primævum. † Melior distinctio est, quam alii adducunt, jus 41
naturæ aliud facientes positivum seu præceptivum, quod aliquid positivè prohi-
bet, aut præcipit; aliud permissivum, quod permissivè sive negativè se habet, nihil
super re statuendo, sed permittendo eius usum. De priori accipiendus textus no-
ster, de iis scil. quæ à natura præcepta aut vetita; ea enim nequaquam mutationi
sunt obnoxia, *l. Vbi pugnantia 188. D. De R. I.* quòd contrario modo se habere ne-
queant: non etiam de posteriori, quod mutari nihil implicat. Nam quæ tantùm
permissa, tamquam humano generi in eius exordio convenientia, postea rectè
mutatur, ita postulante causâ vel culpâ. Ita Fortun, Garf. in *l. Manumissiones D. De*
iust. & iure & Covarr. in c. Peccatum p. 2. §. 11. m. 3.

- 42 Quæ verò à natura præcepta sint, quæ permissa tantum, facile patebit, si finem advertamus, idq; in exemplis propositis. † Hinc enim non obstant duo priora argumenta: nam libertas permissa quidem à natura, non etiam præcepta; unde auferri potuit iis, qui malè meriti, in pænâ. Sic & naturâ omnia sunt communia, permissa scilicet ex rationabili tamen causa inducta rerum distinctio, quam non impedivit.
- 43 Ad tertium argumentum, sumptum ab usucapione, quæ impugnare videtur jus naturæ positivum, quo prohibita alieni detentio, facilis quoque est responsio; nam hoc verum, donec persistit alienum, non etiam, si alienum esse desierit, & proprium factum fuerit, adiecto per legem dominio ei, qui usucepit. Nam cum Princeps habeat potestatem spoliandi subditos rerum suarum dominio, illudque in alios transferendi, ita postulante communi Reipubl. bono, quod privatorum commodis est anteponendum; poruit & justè statuere, ut qui bonâ fide rem alienam certo tempore possedisset, dominium eius acquireret, cum spectet ad bonum publicum, abbreviare lites, quæ aliàs essent immortales; certa esse dominia, quæ aliàs semper essent incerta, & auferri possent: ut contingeret & ea negligi, & turbari Reip. quietem frequentibus litibus, per quas res repeterentur. Ut cesset eo in casu jus naturæ, eiuq; ratio, propter adventum circumstantiæ, quæ abstrahit objectum à numero eorum, quæ lex ista comprehendebat. Et hoc sine ulla dispensatione, aut mutatione legis superioris, quæ persistens in se, ut antè, non intelligitur valere in tali superveniente circumstantia.

- 44 Non obstat etiam quartum, non ex eo, quodd matrimonii præceptum hodie cesset; nam hoc est falsum, cum sit præceptum juris naturæ, & quidem positivum, non abrogatum per legem Evangelicam, quæ non abrogavit jus naturæ: sed quia multiplicatis hominibus, desierit obligare singula generum, id est homines, ut antè obligabat, & cœperit tantum obligare genera singulorum, id est ipsam Rempubl. in communi, ut per aliquos ei satisfiat, aliqui verò ab eo cessent, sive ex voluntate, sive ex obligatione, cui se spontè subiecerunt, per Ordinis sacri susceptionem aut professionem approbatæ Religionis. Quò facit, quodd Apostolus passim continentiam suadeat, quodd minus rectè faceret, si non cessaret illa pristina obligatio. Et hac ratione Ecclesia Latina mandat Clericis ordinatis continentiam; uti & habentibus beneficium Ecclesiæ, donec retinere volunt. Itaque verum manet, quodd hic dicitur, jura naturalia esse immutabilia; civilia verò mutari, ubi ita res postulat: neque enim si inventis meliora appareant, ea sunt respuenda.

A D D I T I O N E S V . A . D .

Num. 2. in fine, adde.] Vide Covarr. in c. Peccatum de R. I. in 6. p. 2. §. 1. nm. 4. Ant. Goveau. 1. Var. c. 19. Jac. Rævardum 1. Var. c. 1. Ant. Fabr. Jurispr. Papin. tit. 2. princ. 1. D. Zoel. ad D. h. t. nu. 25. & 26. Errat, inquit Seneca lib. 2. de Ira c. 16. qui animalia in exempla hominum adducit, quibus pro ratione est impetus, homini pro impetu ratio est. Quod ut planius demonstretur, notandum est, quod ex Stoicorum placitis scribit Cicero, lib. 3. de Finib. quædam esse prima natura, τὰ πρῶτα κατὰ φύσιν à primis Philosophis appellata, Gell. lib. 12. c. quædam consequentia natura, soli homini seu

naturæ humanæ propria. & quod ad primam naturæ attinet, unumquodque animal simul atque natum est, ipsum sibi conciliari, & commendari ad se conservandum, & ad statum juum, & ad ea, quæ consentanea sunt eius status, diligenda: alienari autem ab interitu, usque rebus, quæ interitum videantur adferre. Stoici constitutionem vocant animalium. Omnibus enim animalibus constitutionis suæ festum esse, scribit Seneca *Epist.* 121. & conciliari unumquodque sibi, & salutis suæ, nullumque animal ad utrumque esse. Natura inquit, nihil magis quam tutelam sui & diu peritiam tradidit. Hæc animalibus inest cunctis, nec inferitur, sed innascitur. Et sanè in his quoque sensibus inrationabilibus animalium, si non sententiam aliquam aliquo modo, ac certe quamdam scientiæ similitudinem, scribit D. August. *De Civit. lib. xi. c. 27.*

Nu. 3. ibi, C. De rei uxor. act.] Planè matrimonium ab ipsa rerum natura inventa esse scribit, Quintil. *Declamat.* 368. Eleganter Laetant. *Divin. Institut. lib. 6. c. 23.* Cum excogitasset, inquit, Deus duorum sexuum rationem, attribuit ipsi, ut se invicem appetere, & conjunctione gauderent. Itaque acutissimam cupiditatem cunctorum animalium corporibus adiacuit, ut in hos affectus avidissime tuerent, eaque ratione propagari & multiplicari genera possent. Hinc volucres panem omnes, a eodem auctor lib. 3. c. 21. faciunt matrimonia, & paria jungunt, & nidos suos, tanquam generales thoros, concordie mente discentunt: & foetus suos, quia certi sunt, amant, & si alienos objeceris, abigunt. Et profectò bestiarum in foris a que ratione laborem cum cernimus, ipsius naturæ vocem videmur audire, ait Cicero lib. 3. de Finib. Idemque lib. 2. de Natura Deor. Quid dicam, inquit, quantus amor bestiarum sit in educandis custodiendisque iis quæ procreaverint, usque ad eum finem, dum possint seipsa defendere? Et si pisces, ut aiunt, ova cum generunt, relinquunt. Facile enim illa aqua & sustentantur & sætum fundunt.

Ibid. ibi, à natura concessa.] Hinc cornibus tauri, apri dentibus, mori leones, bestia aliæ fugâ se, aliæ occultatione tutantur. Ita Cicero lib. 2. de Natura Deor. Cui consonat Seneca d. 6. 16. Inacundia leones adjuvat, pavor cervos, accipitrem impetus, columbam fuga.

Omnibus signata mortissimor, omnibus hostem

Præsidiumque datum sentire, & noscere teli

Vimque modumque sui ——— Ovid. in Halieut.

Nu. 7. ibi, d. l. 2.] Pulchrè D. Augustinus *Quæstion. lib. lxxxiii. qu. 31. Natura, inquit, jus est, quod non opinio genuit, sed quædam innata vis inseruit, ut religionem, pietatem, gratiam. Vindicationem per quam scilicet vis aut iniuria, aut omnino omne, quod obscurum est, defendendo aut ulciscendo propulsatur; observantiam, per quam homines aliqua dignitate præcellentes cultu quodam & honore dignantur.*

Nu. 13. in fine.] Quatum partium hodieque usus quoque erit, si singulæ accommodentur ad singulas regiminis formas, ut notat Ampl. D. Diod. Tuldenus *De principis jurispr. lib. 2. c. 8.* Nam ad formam Monarchicam referre licebit Principum placita; ad Aristocraticam, ubi penes optimates imperium est, Senatusconsulta; ad Democraticam, ubi ex populi suffragiis res geritur. Plebiscita: vel cumulari hæc possunt, ubi mixta quædam regiminis forma est, veluti ex Monarchia atque Aristocratia, vel ex Monarchia & Democratia. In sola Republ. Romana videtur fuisse hanc diversitatem formarum; atque inde diversæ quoque formæ constituendi juris, cum leges necessariorum Reipubl. generibus, non vice versâ, accommodandæ sint. Aristot. *Polit. lib. 4. c. 8. & lib. 5. c. 9.* Vide Sigon *De antiquo iure civium Rom. lib. 1. c. 1.*

Nu. 17. in fine.] Boque spectat clausula illa, quæ hodie in Legum seu Edictorum Principallium promulgatione adjici solet, *Quia ita nobis placet.* Non quod Principi omnia & in omnes liceant, proque ratione ejus sola stet voluntas, sed quia inter Proceres maturè discussâ te, visum sit Principi pro Reipubl. salute ita expedire.

Nu. 27. in fine.] Cum igitur consuetudo non introducat momento, neque ex uno aliquo oraturus sit, sicut Plebiscitum, & alia juris scripti species, quaeritur, an unicus & primus actus possit dici consuetudinis principium? Adsumat Reinh. Bacchovius, ad Treutl. vol. 2.

diff. 3. h. 6. lit. D. Negat CL. Collega D. Guil. Masius, *Singul. Opin. lib. 2. c. 2. nu. 27. & seqq.* & recte; quia ipsi actus non inducunt consuetudinem, saltem immediate, sed tacitus populi consensus & usus, qui ex actibus elicitur & cognoscitur, non uno, sed pluribus.

Nu. 30. in fine.] Distingunt alii inter consuetudinem præter legem, nempe eo casu disponentem aliquid, quo de jure nihil cautum scriptumve invenitur, in qua inducenda sufficere putant tempus decennii; vel, quia tempus illud nullâ certâ lege definitum reperitur, iudicis arbitrio determinandum relinquunt; & inter consuetudinem contra jus aut legem, in qua utpote corrigente aut abrogante legem tacito illiteratoque populi consensu, ut loquitur A. Gell. *lib. 1. c. 18.* & quia præjudicium vertitur superioris, tempus requirunt 2 L. annorum, *Gl. in c. fin. V. legitimè & ibi Abbas nu. 1. D. consuet. vel etiam immemorabile, ita iis scilicet, quæ in signum singularis præminentix & prærogativæ reservata sunt, c. Super quib. 26. §. præterea De V. S. quia consuetudo est facti & in facto consistit, c. 1. De constitut. in 6.* ideo putant, pro conditione rerum & circumstantiarum tempus modò brevius, modò longius desiderari, & permittendum iudici indistinctè, haberi ratione publicæ utilitatis, & pro casibus merito, tempus ex arbitrio suo definiri & statuatur. Vide Coras. *ad l. De quib. nu. 6. D. De LL. & de iuris arrip. 2. c. 18. & 19. Connan. 1. Comment. c. 10. & Menoch. de Arbitr. lib. 2. ca. 81. 82. & 83. And. Gail. lib. 2. Obser. 31.* Vulgò Pragmatici dum consuetudinem allegant, tanti eam temporis esse ajunt, ut non extet memoria in contrarium.

Nu. 37. in fine.] Vide Pet. Vanderan. *de Privileg. credit. c. 9. Duaren. Diss. annivers. lib. 2. c. 32. Greg. Lopez. Animad. c. 5. & Marc. Lyclama 1. Membran. Ecl. 11.*

Postremò notandum hic est, differre à jure consuetudinario, sive ab eo jure, quod moribus & usu populi vel majoris partis introductum est, *jus statutarium*, quod quælibet provincia, civitas, vel municipium sibi expresso consensu constituit; quod & à Provincia dicitur *jus provinciale*, vulgò *Land recht*, & à civitate vel municipio *Stad recht*. Nam quilibet Magistratus secundum suum territorium statuta condere potest, modò ne juri communi derogat, & salvo jure superioris, *Id. ad l. Omnes populi D. h. t. Atm. Vinnius hic §. 1. nu. 1.*

Nu. 38. ibi, ut hic ait Imp.] Imò ipsam rectam rationem esse veram legem, naturæ congruentem, constantem, sempiternam, quæ vocat ad officium jubendo; vetando à fraude deterreat, ait Cicero lib. 3. de Republ. apud Lactant. *lib. 6. Divinar. Instit. c. 8.* Huic legi, inquit, nec abrogari fas est, neque derogari ex hac aliquid licet, neque tota abrogari potest &c.

Ibid. in fine.] Vid. Aristot. 4 *Polis c. 1 & 5. Ethic. c. 10.* And. Gail. *de Arrestis Imperii c. 1. nu. 12. & 13. Wames. cent. 1. conf. 1. nu. 42.* Unde jus civile incrementum & decrementum, secundum temporum, quibus præsider, conditionem non pariter euntem scribit D. August. *lib. 3. Confess. c. 3.* De eodem elegans locus est apud Livium lib. 34. ubi de abroganda lege Oppia ita L. Valerius: Ego enim, inquit, quemadmodum ex his legibus, quæ non in tempus aliquod, sed perpetuæ utilitatis causæ in æternum latæ sunt, nullam abrogari debere fateor, nisi quam ut usus, coarguit, aut status aliquis Reipubl. inutilem fecit: sic quas tempora aliqua desiderarunt leges, mortales, ut ita dicam, & temporibus ipsis mutabiles esse video. Quæ in pace latæ sunt, plebiscitumque bellum abrogat; quæ in bello, pax: ut in navis administratione alia in secunda, alia in adversa tempestate usui sunt. In eadem rem extat disceptatio Sex Cæcilii I. C. apud A. Gell. *lib. 20. Noct. Attic. c. 1.* ubi ita concludit. Legum opportunitates & medelas pro temporum moribus & pro rerum publicarum generibus, ac pro utilitatum præsentium rationibus, proque vitiis, quibus medendum est, fervoribus, mutari atque flecti, neque uno statu consistere: quia ut facies cæli & maris, ita rerum & fortunæ tempestatibus variatur.

DE IVRE PERSONARVM.

TITULUS III.

Summa itaque divisio de jure personarum hæc est, quòd omnes homines aut liberi sunt, aut servi.

1. Et libertas quidem (ex qua etiam liberi vocantur) est naturalis facultas eius, quod cuique facere libet, nisi si quid vi aut jure prohibetur.

2. Servitus autem est constitutio juris gentium, quâ quis dominio alieno contra naturam subicitur.

3. Servi autem ex eo appellati sunt, quòd Imperatores captivos vendere, ac per hoc servare, nec occidere solent: qui etiam mancipia dicti sunt, eò quòd ab hostibus manu capiuntur.

4. Servi autem aut nascuntur, aut fiunt. Nascuntur ex ancillis nostris, fiunt aut jure gentium, id est, ex captivitate: aut jure civili, cum liber homo maior viginti annis ad pretium participandum sese venumdari passus est.

5. In servorum conditione nulla est differentia: in liberis autem multæ, aut enim sunt ingenui, aut libertini.

COMMENTARIUS.

SUMMARIUM.

1. Obiecta iuris Persona, Res, Actiones.
2. Ius personarum circa quæ potissimum versetur.
3. Statu liberi an liberis, an verò servis accensendi.
4. Libertas quid.
5. Quid servitus.
6. Servi quot modis & qualiter fiant.
7. Servorum omnium eadem est conditio, non eadem officia & munera.

Expositis Juris principiis, eius obiecta, circa quæ jus versatur, proponuntur numero tria, ut patet ex fine Tit. preced. PERSONÆ scilicet, quibus jus redditur; RES, de quibus redditur, & ACTIONES, per quas redditur, ad quæ omnia referuntur in hoc opusculo à Justiniano Imp. tradita. De Personis autem primo loco agitur, tum quòd digniores sint, tum quòd earum causâ jus omne sit constitutum, ut ait J.C. in l. 2. D. De statu hom. ut parum sit Jus nosse, si personæ ignorentur, ut ait Imp. in fine Tit. preced. † Jus personarum versatur potissimum circa earum statum, id est personalem capitis conditionem, in qua quisq; hominum stat, & secundum quam in hac civili societate regitur, qui status

in tribus consistit, Libertate, Civitate, Familia, *l. fin D. Decap. minutis*. Quod duabus principalibus divisionibus explicat Imp. alterâ accommodatâ juri gentium, de qua hic, alterâ juri civili, de qua inf. Tit. VIII. quarum summa est, quod OMNES HOMINES AUT LIBERI SUNT, AUT SERVI.

- 3 Ubi sunt quidem divisionem hic datam carpentes, tamquam non sufficientem; propter statuliberos, quos ad neutrum membrum pertinere volunt; sed temerè, cum contineantur sub servis. Habent enim statutam & destinatam in tempus, aut conditionem, ante cuius eventum loco servorum habentur, ut patet ex tit. *D. De statu liberis l. Si statulibera 6 in pr. l. Statuliberum 9. & l. Statuliberi 29. D. De statu liberis. Cuiac. l. Observ. c. 37.*

- LIBERI sunt, quibus est libertas, id est NATURALIS FACULTAS EIVS, 4 QVOD CUIQUE FACERE LIBET, NISI SI QUID VI AUT IVRE PROHIBETUR: id est plena & libera potestas, per naturam hominibus data & permissa, rerum licitarum pro arbitrio agendarum. Vis, cum sit facti, non impedit libertatem, quæ juris est: & quod jure facere prohibemur, cum honestè ac licitè fieri nequeat, pro impossibili est, *l. Filius 15. in fine D. De condit instituitur*. Ut non possit dici libertas per hoc imminui, quia ut rectè ait Cicero, pro Cluentio, Legum idcirco servi sumus, ut verè liberi esse possimus.

- 5 SERVI autem sunt, qui, libertate amissâ, dominio alterius sunt subiecti. Est enim SERVITVS CONSTITVTIO IVRIS GENTIVM, QVA QVIS DOMINIO ALIENO CONTRA NATURAM SVBIIICITVR. id est contra libertatem primâ naturæ constitutione permissam, *tex. hic*. Nam natura omnes liberos produxit, & tales esse permisit, *qua de re tit. preced. circa fin.* Propter malitiam tamen hominum, per quos in pace vivere non licebat, bella exorta caussarunt captivitatem, cedebant capti capientibus, eorumque potestati suberant, quibus erat & jus vitæ necisque in servos, id est licentia eosdem occidendi: nisi quod ex humaniori & benigniori ratione placuerit deinde eos servare; unde Servorum nomen deductum hic adserit Justinianus, non etiam à serviendo, §. *Servi autem 3. h. r.* Ut mercenarii, quibus hodie utimur, etiam si servitia præstent, non sint tamen servi dicendi.

§. Servi aut nascuntur.

- 6 SERVI AUT NASCUNTUR, scil. ex ancillis nostris, qualis noster est; quod semper ex re nostra nascitur, nostrum est, §. *Item ea. inf. De rer. divis. & partus sequitur ventrem, l. Partum 7. C. De rer. vindic.* AUT FIUNT, id quæ vel jure gentium, PER CAPTIVITATEM IN BELLO IVSTO; quale habetur, ad effectus juris gentium, quod publicè legitimèque indictum geritur ab iis, qui belligerendi jus habent, *l. Hostes 24. de capt. & postlim. revers.* unde & Mancipia dicti servi, quia manu capiuntur, *tex. h. & l. 4. in fine D. De statu bom.* Bellum enim ut jure gentium receptum, ita & servitus: qui tamen modus in bello inter Christianos non obtinet, apud quos capti pecuniâ seu lytro redimuntur. Covarr. *ad c. Peccatum p. 2. §. 11. nu. 6.* Vel jure civili, I. PER VENDITIONEM SVI, cum liber

liber homo major XXV. annis, gnarus suæ conditionis, vendi se patitur alteri, conditionis ejus ignaro; vel ad actum gerendum, qui olim non nisi per servum gerebatur, *l. Si quis filio 6. §. irritum D. De injusto, rupto &c. l. 1. & 2. C. Ne quis liber invitus actum gerere cog.* (unde servus actor, *§. pœna 7. in fine inf. De injur.* & actor simpliciter, *l. Legato 37. De legat. 3.*) vel ad pretium participandum, de quo & participaret: Quæ conditiones omnes si concurrant, venditus, licet liber fuerit, fit tamen servus ejus, cui venditur, aded ut ad libertatem proclamans non audiat, *l. 7 in pr. D. De liber. caus. & l. 1. in pr. Quib. ad libert. proclam. non licet.* Non obstante, quod membrorum suorum nemo sit dominus, & quod privatis patris liberi non fiant servi, nec manumissus pro ingenuo habeatur, sed pro libertino. Quod ita constitutum est in odium degeneris animi, rem inæstimabilem pretio subjicientis; & utilitatis causâ receptum, ad sustinenda commercia, & excludendas fraudes, quæ in ejusmodi venditionibus erant frequentes, dum passim liberi pro servis venum irent, & postea liberali manu adfererentur. Quæ procedunt etiam in casu, quo se vendi passus in patria est potestate; cum tantum inspiciantur supradictæ conditiones, non etiam potestas. Et cum filiusfam. per delictum possit subduci patri, quidni etiam per hanc fraudem? Si dictæ conditiones non concurrant, non habebit venditio effectum. Ad obviandum tamen calliditati, est actio in factum emptoris contra venditum, ut indemnis servetur, *l. Rectissime 14. D. De liberali causa.* Hic modus displicuit Leoni Imp. Nov. 59. Patri verò ex causâ necessitatis & urgentis famis conceditur filium vendere, eumque servum facere, qui tamen postea oblato pretio vel à se vel à patre redimi potest, & redemptus ingenuitatem reperit, *qua de re C. De patrib. qui filios distrax. Covarr. Variar. Resol. lib. 3. c. 14 n. 4. vers. Quinto,* ubi notat patrem ditiores factum cogi à filio posse, ut eum redimat & liberet.

II. Fiunt Servi jure civili, PER DAMNATIONEM IN METALLUM, quales servi pœnæ dicti, *§. 1. inf. De cap. diminut.* Quæ pœna sublata *Nov. de nupt. 22. §. quod autem 8.* Similis huic damnatio ad tui renes. III. PER INGRATITUDINEM, liberti retracto in servitutem, *§. maxima inf. De cap. diminut. & ibi Gl. l. 2. C. De libertis & eor. lib.* IV. Per conjunctionem faminae liberæ cum servo alieno, ex Senatusconsulto Claudiano; quod abrogatum *inf. De success. quæ fiebant per bonor. vendit. & ex S. C. Claud.*

§. In servorum.

Quod hic dicitur, IN SERVORUM CONDITIONE NULLAM ESSE DIFFERENTIAM rectè dicitur & obtinet quoad ipsum statum: omnes enim eandem servitutem serviunt, cum omnes capite, id est statu careant, & pro mortuis civiliter habeantur, sive quis natus sit servus, sive liber natus & postea servus factus. Quod si spectemus officia, artificia & munera servorum, invenietur & inter eos differentia, cum alii aliis sint digniores, & lautiores: neque enim eodem loco habebantur, atriensis, dispensator, ordinarius, cum vicario, mulione, agazone, qui mulos, equos, asinos agebant, & abjectissimæ erant conditionis. Sic servum bonæ frugis, ordinarium, dispensatorem, opponit vulgari & mediastino Ulp. in *l. item*

apud Labeonem 15. §. Prator ait 11. D. De injur. & rursus mediastinum servo artificio in
 l. fin. De operis servor Mediastini infimi generis servi erant, ad vilia qualibet desti-
 nati, ita dicti, quod in medio ad imperia omnium starent Brissl. in Lexico V. Me-
 diastinus, Alex. ab Alexandro Genial, dier. lib. 3. c. 25. Franc. Connanus Comment. ju-
 ris civilis lib. 2. c. 2. num. 3. 4. & 5. Røvard. Varior. lib. 5. c. 20. IN LIBERIS AUTEM
 HOMINIBUS MULTÆ SUNT DIFFERENTIÆ, id est multum interest, an quis
 liber sit natus, an servus natus, & postea liber factus; ille dicitur INGENUUS, hic
 LIBERTINUS.

A D D I T I O N E S V. A. D.

Num. 3. in fine.] Sed neque adscriptitii, ut vocant, propriè servi dicuntur, quam-
 vis aliàs etiam à liberis hominibus distinguantur, & tamquam servi à domino ma-
 numittantur. Gudelin. De jure noviss. lib. 1. c. 5. num. 2. de quib. plura inf. ad Tit. VIII.

Num. 4. in fine.] Quò spectat illud Persii Sat. V. v. 83.

An quisquam est alius liber, nisi ducere vitam

Cui licet, ut voluit? — Et mox v. 90.

Cur mihi non liceat, jussit quodcumque voluntas,

Excepto si quid Masuri rubrica notavit?

Sumpta definitio ex Zenone, à quo orti Stoici, qui plurimum libertati tribuebant.
 Laërt. in Vita Zenonis, Lipsi. Manuduct. ad Stoic. Philos. lib. 3. Dissert. 12. Cicero in Para-
 doxis: Quid est Libertas? potestas vivendi, ut velis. Quis igitur vivit, ut vult, nisi qui recta
 sequitur, qui gaudet officio, cui vivendi via considerata atque provisa est: qui legibus non pro-
 pter metum parer, sed eas sequitur atque colit, quia id salutare maximè esse judicat?

Num. 5. ibi, §. Servi autem 3. h. t.] Et propterea servitus rectè dicitur constitu-
 tio juris gentium. id est conditio & qualitas naturali ratione inducta; non quidem
 directò, quasi quæ nobiscum nata & orta sit, sed per consequentias. scilicet occasio-
 ne bellorum (quemadmodum & bella occasione injuriæ antecedentis, quæ de-
 fensionem postulat) quia meliùs est servari quàm interfici. Hinc apud Hirtium
 de Bello Afric. ita Scipionem alloquitur centurio Cæsarianus: Tibi gratias ago, quod
 vitam incolumitatemque belli jure capto polliceris. Horat. lib. 1. Epist. 16.

Vendere cum possis captivum, occidere noli,

Serviet utiliter. —

Exemplum hujus rei elegans extat apud Thucydidem lib. 5. c. ult. & Xenophontem
 lib. 2. De gestis Græcor. de Agesilao duce Lacedæmoniorum, quem scribit sæpius pro
 concione milites suos admonere solitum, ne captivos ut facinorosos cruciarent,
 sed ut homines servarent.

Ibid. in fine.] Quam vis eorum, similiumve, ut clientum, beneficiariorum, sub-
 ditorum, dicatur, secundum Stoicos, servitus quædam esse videtur, in subje-
 ctione: quam Philosophi naturalem esse existimant, ex eo, quod hominum alii sint
 prudentiores, alii imbecilliores & infirmiores, & ad utilitatem eorum, qui sunt im-
 becillio-

becilliores, spectet, ut prudentiores imperent, imbecilliores pareant, nimirum filii patribus, discipuli præceptoribus, subjectione scilicet æconomica & ad ministeria domestica explicanda &c. Aristot. 1. *Polit. c. 3.* qua de re extat elegans Epistola Dan. Heinsii ad Geor. Richterum. Alia præterea servitus est, quam Stoici vocant *ἐξουσίαν αὐτοπραξίας*, quoties non est potestas vivendi, ut velis, veluti si liber homo carcere contineatur. Durior verò illa est, quam iidem Stoici ἐν κτήρει τε καὶ ὑποτάξει constituebant, in jure scilicet possidendi & subjectione; quo modo ferè Jurisconsulti accipiunt. Sunt enim servi, id est corpora servorum, jure civili in mancipio & patrimonio suorum dominorum. Unde & Ulp. servos inter res mancipi retulit, in *Frag. tit. 19. in pr.* Dico, corpora; errat enim si quis existimat servitutem in totum hominem descendere. Pars melior ejus, id est mens, excepta est, inquit Seneca de *Benef. lib. 3. c. 20.* Corpus est, quod dominio fortuna tradidit: hoc emitur, hoc venditur. Interior illa pars mancipio dari non potest: ab hac quidquid venit, liberum est. Ita ille. Scilicet *neminem natura fecit liberum, neminem servum, imposuit fortuna nomina hæc singulis*, ait Seneca Rhetor *Declamat. lib. 7.* Itaque libertas, cujus ut nulla possessio, ita neque dominium ullum esse potest, jure naturali continetur, l. *Si quod 64. D. De condic. indeb.* neque jure gentium tollitur, sed status & conditio dumtaxat hominis quoad corpus mutatur. Unde dominium aliquod est corporis, siue hominis, quatenus corpore constat, idque ex naturali possessione, ad exemplum cæterarum rerum, cæpit. Hinc & servitutem *κτῆσιν φυσικῇν*, id est *naturalem possessionem*, vocat Theophilus. Plura Marc. Lyclama *Membran. lib. 4. Ecl. XI.*

Porro divisio personarum, de qua hoc Tit. in liberos homines & servos, hodie apud nos, uti & in aliis omnibus orbis Christiani provinciis, penitus exolevit, omnesque indistinctè liberi nascuntur, & consequenter ab ipso ortu suo ingenui existunt, non habita ratione eorum, quæ infrà tit. *De ingenuis* tractantur. Et non nisi imago quædam pristinæ illius servitutis apud Romanos usurpatæ in quibusdam provinciis retenta est. Certè apud Gallos prorsus inanem esse summam illam de jure personarum divisionem in homines liberos ac servos, omnesque nasci Francos, id est, liberos, accognitam tantum esse divisionem personarum in Nobiles, id est ingenuos, & Villanos, id est eos, qui villæ adscripti (unde & Villici dicti) & colonariæ conditioni addicti, aut ipsi sint, aut eorum majores fuerint, post Budæum ad l. 2. *D. De orig. juris*, tradit hîc Jac. Bucherellus: qua de re pluribus dicitur inferiùs ad Tit. VII.

DE INGENVIS.

TITULUS IV.

Ingenuus est is, qui statim, ut natus est, liber est: sive ex duobus ingenuis matrimonio editus est, sive ex libertinis duobus, sive ex altero libertino, & altero ingenuo. Sed & si quis ex matre nascitur libera, patre verò servo, ingenuus nihilominus nascitur: quemadmodum qui ex matre libera & incerto patre natus est, quoniam vulgò conceptus est. Sufficit autem liberam fuisse matrem eo tempore, quo nascitur, licet ancilla conceperit. Et è contrario, si libera conceperit, deinde ancilla facta pariat, placuit eum, qui nascitur, liberum nasci: *quia non debet calamitas matris ei nocere, qui in ventre est.* Ex his illud quæsitum est, si ancilla prægnans manumissa sit, deinde ancilla postea facta pepererit, liberum, an servum pariat? Et Martianus probat liberum nasci, *sufficit enim ei, qui in utero est, liberam matrem vel medio tempore habuisse, ut liber nascatur.* quod & verum est.

1. Cum autem ingenuus aliquis natus sit, non officit ei in servitute fuisse, & postea manumissum esse: sapissimè enim constitutum est, *natalibus non officere manumissionem.*

COMMENTARIUS.

SUMMARIUM.

1. *Ingenuus quis propriè dicatur.*
2. *Ingenuo nato non officit in servitute fuisse.*
3. *Ingenuorum loco quinam habeantur.*

INGENUUS hîc describitur, QUI STATIM UT NATUS EST LIBER EST. Ubi supplendum, ratione ventris, quem liberum esse decet ad ingenuitatem partus. Sufficit autem liberum fuisse tempore vel conceptionis, vel partus, vel etiam medio, *text. hîc*, cum per libertatem ventri semel quæ sitam quæratur partui suus status: quem subsequens calamitas matris non minuit, cum habeatur alia à ventre persona, & pro jam nato, dum adhuc in ventre est, in casibus, quibus agitur ejus commodum, *uti hîc & l. Qui in utero 7. D. De statu hom.* Quo modo quæ libera concepit, deportata civem parit, *l. 5. in fine D. d. tit.* Dico, supplendum, ratione ventris sive matris, per *d. l. 5. §. 2.* ubi dicitur ingenuus natus ex libera matre; ne obstat *l. Cum inter 14. C. De fideicomis. libertatib.* ubi in ventre quidem manumissus directò statim ut natus est liber est; non potest tamen dici ingenuus, cum nascatur ex matre serva, & per manumissionem sit consecutus libertatem.

NON OFFICIT autem NATALIBUS, id est, ingenuitati, SI QUIS, ignarus 2
sui status, tamquam servus IN SERVITUTE EXTITERIT, ET POSTEA SIT
MANUMISSUS, §. ult. h. t. Paulus lib. 5. Sent. tit. 1. & l. 2. C. De ingenuis manumiss. ne ju-
sta ignorantia alicui sit detrimento. Et hoc olim, si intra quinquennium ad inge-
nuitatem proclamasset, l. 2. D. Si libert. ingenuus esse dicetur. Hodie sine præscriptio-
ne temporis procedit, l. fin. C. Vbi causa status agi deb.

Ingenuorum loco habentur natalibus restituti per Principem, & quos sententia 3
ingenuos pronuntiavit, cum reverà libertini essent, l. Ingenuum 25. D. De statu hom.
quia res judicata habetur pro veritate. Habentur & ingenui donati jure aureorum
annulorum, jure patronatus illaso, l. 5. D. De jure aureor. annul. Nov. Vt liberti de cate-
ro 7. c. 5. Auth. Sed hodie C. d. tit.

ADDITIONES V. A. D.

Num. 1. in fine.] Ex hoc jure formatum est vulgare axioma, quo partus dicitur
sequi ventrem, id est matrem, sive conditionem matris, nimirum quoties de statu
quæstio movetur, l. Partum 7. C. De rei vindic. l. Exemplo 36. C. De decurionib. lib. 10. l.
Cum legitima 19. l. Vulgò concepti 23. cum l. seq. D. De statu hom. Lex naturæ hæc est, in-
quit Ulp. ut qui nascitur sine legitimo matrimonio, vulgò conceptus & quæsitus,
matrem sequitur. Lex, inquam, naturæ, id est lex consuetudinis generalis, funda-
ta in aliqua ratione naturali. Naturâ quippe mater semper est certa, pater verò
plerumque incertus, l. 5. D. De in jus vocan. ex eo, quòd semper aliqui inveniantur,
qui quæve partui & educationi adfuerint, de patre verò talis certitudo haberi non
possit. Grot. De jure belli ac pacis lib. 2. c. 7. num. 8. Calphurnius Flaccus, In hoc puero,
inquit, nescio, quid sit indignius, utrùm patris origo, quæ est dubia, an matris, quæ est certa.
Virgilius IX. Æneid. de Drance:

— — — genus huic materna superbum

Nobilitas dedit, incertum de patre ferebat.

Ex justis verò nuptiis nati conditionem sequuntur patris, ad civilia quòd attinet,
id est originem, agnationem, dignitatemque à patre accipiunt: non à matre, quæ
dignitatem non habet, sed mariti radiis coruscare dicitur, Nov. 105. de Consulib. c. 2.
in pr. Moribus hodiernis, tum Galliarum, tum harum Provinciarum, obtinuit, ut fi-
lius etiam naturalis tantum, natus patre nobili & matre ignobili, nobilitatem reti-
neat generis & stirpis paternæ, modò eum pater agnoscat pro filio: ac proinde in-
signia seu arma, ut vocant, domus paternæ deferre ei licet, cum discrimine tamen
aliquo, *avec une barre*, ut Galli loquuntur, id est per interlineam divisa. Bart. in l. Sug-
gestionem C. De V. S. Guido Papa decis. 580 num. 3. Chassan. ad Consuet. Burg. rubr. 8. §. 3.
num. 21. Tiraq. de Nobilit. c. 15. num. 25 & Ant. Faber. in Cod. suo lib. 5. tit. 16. de fin. 11. &
lib. 9. tit. 29. de fin. 20. Mater verò nobilis filium nobilem non facit, ne quidem na-
tum legitimè, dum modò patre ignobili: quia nobilitas juris civilis inventum est,
& adventitia qualitas, quæ à natura non inest, initium sumens à patre. Imò ne-
que statuto aut consuetudine induci posse, ut maternus nobilitet sanguis, adferit

Bart. in d.l. *Exemplo*. At negat Tiraq. d. tract. de Nobil. c. 18. num. 23. & contrarium exemplis adstruit, pluraque adducit Joan. Uffel. in *Notis ad lib. 4. Var. resolut.* Covarr. c. 9. Planè Lovanii primariæ nobilitatis familiis (sunt septem) jus est seu privilegio seu alio jure, ut nobilitatem etiam per fæminas transmittat; sic, inquam, ut, si quis plebejus aut impar fæminam talem nobilem ducat, liberi ex eo conjugio nati habeantur nobiles, & Senatoria arque alia munera usurpent. Lips. in *Lov. mo lib. 2. c. 3.* Simile esse jus apud Campanos Gallia populos notat Connanus *lib. 1. Comment. c. 11.* & Bodin. 1. de *Republ. c. 3. circa fin.*

Num. 2. ibi, sit detrimento.] Deinde servitus talis est facti, non juris, ac proinde injusta: veluti si quis captus à latronibus vel piratis violentam serviat servitutem, l. *Hostes 24. & l. Latrones 27. D. De capt. & post lim. rev.* Et interest inter hæc duo, in servitute esse, & servum esse: quemadmodum & inter possidere, & in possessione esse, l. 3. § *ult. D. De acq. possess.* Prius est facti, alterum verò juris. Servus est, qui libertatem reverà amisit: in servitute esse dicitur, qui possidetur pro servo, cum tamen reverà sit liber, arg. l. *Barbarius D. De off. prat.* Cujusmodi possessio non obstat possessio, quò minùs manumissus originem suam repetat, & ingenuitatem vindicet. Cujac. *hic*, Hotom. *Illust. quest. c. 17.* Extatque hujus rei exemplum elegans apud Quintil. *lib. 7. Insit. Orat. c. 2.* in lite Urbinia, ubi de statu Clusii Figuli quæritur.

DE LIBERTINIS.

TITULUS V.

Libertini sunt, qui ex justa servitute manumissi sunt.

Manumissio autem est de manu datio: nam quamdiu aliquis in servitute est, manui & potestati suppositus est, & manumissus liberatur potestate. Quæ res à jure gentium originem sumpsit, utpote cum jure naturali omnes liberi nascerentur, nec esset nota manumissio, cum servitus esset incognita. Sed postquam jure gentium servitus invasit, sequutum est beneficium manumissionis: & cum uno communi nomine omnes *Homines* appellarenrur, jure gentium tria hominum genera esse cœperunt: Liberi, & his contrarium Servi, & tertium genus Libertini, qui desierant esse servi.

1. Multis autem modis manumissio procedit: aut enim ex sacris Constitutionibus in sacrosanctis Ecclesiis, aut vindictâ, aut inter amicos, aut per epistolam, aut per testamentum, aut per aliam quamlibet ultimam voluntatem. Sed & aliis multis modis libertas servo comperere potest, qui tam ex veteribus, quam ex nostris Constitutionibus introducti sunt.

2. Servi verò à dominis semper manumitti solent: adeò, ut vel in transitu manumittantur, veluti cum Prætor, aut Præses, aut Proconsul in balneum, vel in theatrum eunt.

3. Libertinorum autem status triperitus antea fuerat. Nam qui manumittebantur, modò maiorem & iustam libertatem consequerantur, & fiebant cives Romani: modò minorem, & Latini ex lege Junia Norbana fiebant: modò inferiorem, & fiebant ex lege Ælia Sentia Dedititii. Sed quoniam dedititiorum quidem pessima conditio jam ex multis temporibus in desuetudinem abierat, Latinorum verò nomen non frequentabatur: ideò nostra pietas omnia augere, & in meliorem statum reducere desiderans, duabus Constitutionibus hoc emendavit, & in pristinum statum reduxit: quia & à primis urbis Romæ cunabulis una atque simplex libertas competeat, id est, eadem, quam habebat manumissor: nisi quòd scilicet libertinus sit, qui manumittitur, licet manumissor ingenuus sit. Et dedititios quidem per Constitutionem nostram expulimus, quam promulgavimus inter nostras decisiones: per quas, suggerente nobis Triboniano viro excelso Quæstore nostro, antiqui juris altercationes placavimus: Latinos autem Junianos & omnium, quæ circa eos fuerat, observantiam, alià Constitutione per ejusdem Quæstoris suggestionem correximus, quæ inter Imperiales radiat sanctiones. Et omnes libertos, nullo nec aratis manumissi, nec domini manumittentis, nec in manumissionis modo discrimine habito, (sicut jam antea observabatur) civitate Romanâ decoravimus: multis modis additis, per quos possit libertas servis cum civitate Romana, quæ sola est in præsentis, præstari.

COMMENTARIUS.

SUMMARIUM.

1. Libertini qui dicantur.
2. Differentia inter Libertinum, Libertum & Ingenuum.
3. Manumissio quid, ejusque origo.
4. Manumissio qualiter & quibus modis celebretur.
5. Vindicta quid, & ritus manumittendi vindictæ.
6. Item censu & testamento.
7. Manumissi fiebant olim aut cives Rom. aut Latini, aut dedititii.
8. Ex Iustiniani Constitut. omnes sunt cives Romani & ingenui.
9. Intellectus l. In orbe D. De statu hom.

LIBERTINI hîc dicuntur, qui EX IUSTA SERVITUTE MANUMISSI sunt. 1
IUSTA, id est legitima, sive vera & jure cognita, non erronea aut putativa. Aliàs manumissio non faciet libertum, cùm, secundum jam dicta ad tit. preced. manumissio non officiat natalibus ejus; qui non tam servus fuit, quàm in servitute, pro tali possessus, cùm non esset. † Notandum autem, 2
olim LIBERTINOS dictos fuisse, qui descendissent ex iis, qui olim manumissi
essent;

essent; INGENUOS autem, quorum nemo ex majoribus servitutem serviisset. Posterioriorem verò ætatem aliter accepisse, ut LIBERTINI sint iidem, qui LIBERTI, (nisi quòd appellatio Libertinorum denotet conditionem, Libertorum relationem ad patronos) Ingenui verò ex iis nati.

- 3 MANUMISSIO EST DE MANU DATIO, id est è potestate missio (significat enim *Manus* potestatem) sive, ut alii benè legunt, DATIO LIBERTATIS, *δοσις τῆςλευθερίας*, ut Theophilus reddidit, l. 4. D. *De just. & jure*. Sumpsit originem à jure gentium; cujus enim juris est actus, ejusdem est distractus, l. *Abemptione* § 8. D. *De pactis*.
- 4 Peragebatur autem actus manumissionis multis modis. §. *multis autem inf. eod.* & quidem etiam minùs solemniter, idque SEMPER & UBIQUE, id est omni loco & tempore; cùm actus sit voluntariæ jurisdictionis, non contentiosæ: adeò ut vel in transitu rectè fieri dicatur, §. *Servi verò 2. h. t.* veluti IN ECCLESIIS, INTER AMICOS, PER EPISTOLAM, & præcipuè: VINDICTA (qui modus veteribus erat frequentissimus & maximè solemniss; nam de aliis manu mittendi modis ne dubitandi quidem ratio fuerit) CENSU, TESTAMENTO. † VINDICTA ita dicta, secundum aliquos, à Vindice Vitelliorum servo, qui in præmium indicii conjurationis, primus libertatem publicè hoc modo à Consulibus dicitur accepisse: & secundum alios, quòd per mancipium in libertatem vindicaretur. Eratautem virga prætoria, quâ tangebatur servus, & manu capiti imposita in orbem vertebatur. Quò facit illud Persii. *Satyra 5. quibus una Quiritem Vertigo facit*: quo ritu significabant, liberum jam esse, & huc illuc, quò veller, ire posse. † CENSU manumittebantur, qui lustrali censu Romæ jussu dominorum inter cives Romanos censum profitebantur. Ulp. *tit. 1. Liv. lib. 1. Flor. lib. 1. cap. 6.* TESTAMENTO manumitti dicebantur, qui ex testamento vel alia ultima voluntate libertatem consequebantur, sive directò, sive per fideicommissum.

§. Libertinorum autem status.

- 7 ALIQUO istorum trium modorum manumissi modò IUSTAM LIBERTATEM consequebantur, & fiebant CIVES ROMANI, si servus vindictâ manumissus minor triginta annorum non esset, causâ apud consilium probatâ; & manumittens esset dominus jure Quiritium, non etiam servum in bonis tantum haberet. Ulp. *d. tit. 1.* Aliàs non consequebantur jus civitatis Romanæ, sed vel dicebantur LATINI qui liberi quidem vitam peragebant, tamquam servi tamen moriebantur, bona eorum manumissore occupante jure peculii, §. *fin. inf. De successione liberti*. vel DEDITITII, quorum numero erant olim, qui pœnæ causâ victi à domino fuerant, quibusve stigmata iniusta, aut propter noxam torti nocentesq; inventi, quive traditi, ut ferro aut cum bestiis depugnarent, vel in custodiam conjecti, & deinde quoquo modo manumissi. Ulp. *d. tit. 1. §. Dedititiorum*, Cajus 1. *Inst. tit. 1.* Ita autem dicti, ut hic tradit Theoph. ad exemplum peregrinorum, qui victi à Romanis iterum rebellassent, quos priscis temporibus dedititios vocabant. Horum pessima

peffima erat conditio, ut hic ait Imp. nam spem quamdam libertatis habebant, non tamen jus commercii, nec testamenti factionem, nec ullo modo ad civitatem Romanam pervenire poterant, quod turpe esset, cum talibus communicare jus civitatis. Ut longè peiores essent Latinis, quibus erat & jus commercii, & testamenti factio passiva, modò intra diem creationis essent adepti civitatem. Ulp. *tit. 22.* Præterea patebat iis via ad civitatem variis modis, ut beneficio Principali, liberis, iteratione, militiâ, & aliis, de quibus Ulp. *tit. 3.* Cuiac. 4. *Obs. c. 5.* Hieron. Elen. 2. *Diatrib. Iurisc. 6.*

Verùm has differentias sustulit Justinianus, *C. De dedit. libert. & De latina libert. tollenda*, voluitq; omnes manumissos plenam consequi libertatem, & civitatem Romanam, nullo nec ætatis manumissi, nec domini manumissoris, nec in manumissionis modo, discrimine habito, *text. hic in fine & C. dd. locis.* Tandem ingenuos esse voluit, concessio iis jure aureorum annulorum, ut ejus impetratione ampliùs non indigeant, prout olim salvo tamen iure patronatus, id est officiis & obsequiis, quæ liberti patronis & manumissoribus suis debent, *Nov. 78. Ut liberti de cetero & c. & Auth. Sed hodie C. De jure aur. annul.* † Non rectè hic obiicitur *text. in l. In orbe 17. D. De statubom.* ubi per Antoninum omnes in orbe Romano dicuntur facti cives Romani, quasi hoc malè sibi attribuat Justinianus: nam accipiendus de iis, qui solâ patriâ, non etiam conditione impediabantur; ut hæc Constitutio Justiniani non sit frustranea.

ADDITIONES V. A. D.

Nu. 3. ibi, *l. 4. D. De just. & Iure.*] Hoc certè ut simplicius, ita & verius est, quàm quod Cuiac. *lib. 5. Obser. 13.* credidit, Manumissionem ex eo dici, quod manum servo immitteretur, isque deinde a lapâ percussus à domino dimitteretur; cum id tantum ad unum manumittendi modum pertineat.

Nu. 4. ibi, non contentiosa.] *l. 2. in princ. & l. Actus 8. C. De feriis.* Solius enim domini voluntate res apud judicem peragitur. Ubi verò inter partes contentio est, ita utramque partem audire judex debeat, iam solemniori more, cum causæ cognitione, ac judice pro tribunali sedente, res peragenda est, *l. 4. C. De dilat.*

Ibid. in fine] Plinius *lib. 7. Epist. 16.* Hic nunc Proconsul provinciam Baticam per Ticinum est petiturus: spero, imò confido, faciliè me impetraturum, ut ex itinere desceat ad te. Si voles vindicta liberare, quos proximè inter amicos manumisisti & c.

Nu. 5. in fine.] Leguntur de hoc manumittendi modo versus elegantes Claudiani in *IV. Consul. Honorii v. 611.* quos explicat & illustrat Pet. Faber *Comment. ad tit. D. De orig. iuris.* Adde Ant Augustin. *ad LL. XII. Tab. c. 3.* Jac. Rævardum 4. *Var. c. 9.* qui & de aliis manumittendi modis tractat eo lib. quem De auctoritate Prædientum inscripsit *c. 17.*

Nu. 6. in fine] Huic modo videtur surrogatus ritus manumittendi in Ecclesiis, *l. 1. & 2. C. De his, qui in Eccles. manumit.* qui auctorem habet Constantinum Imp. à quo tres editæ sunt hac de re Constitutiones, teste Sozomeno *lib.*

1. c. 3. Moribus priscis Francorum fieri manumissionem solitam vel ex Lege Salica, ante Regem iactato denario, id est, excusso nummo de manu ipsius servi, qui manumittebatur, vel in Ecclesia per chartam live epistolam; indeque manumissos dictos fuisse alios Denariales, alios Chartularios, observat Cuiac. lib. 4. c. 5. Videt Hieron. Bignonium in *Notis ad Marculfi formulas* lib. 1. c. 2.

Ad fin. Tit.] Videtur tamen post illam Justiniani Constitutionem vetus jus prævaluisse aliquando, & solam Latinam libertatem quibusdam competiisse. Ut ecce, sic manumitti servi quidam solent, ut à dominis retrahi possent in servitutem, *can. Quicumque*; dist. 54. ex *Cont. Tolet. IV c. 72.* quod ex jure Gothorum fuisse existimat Emundus Merillius lib. 2. *observ. iurisc.* 19. Notat quoque Rebuff. *tract. De litteris natural. Gl. m.* Latins liberris non absumiles videri advenas, qui regnum Francæ incolunt. Sunt enim, inquit, tamquam servi usufructuarii, & quidquid quarunt ex re & opera eorum usufructuario, Regi acquirunt.

QVIBVS EX CAVSSIS MANVMIT- TERE NON LICET.

T I T V L V S VI.

Non tamen cuicumque volenti manumittere licet: nam is, qui in fraudem creditorum manumittit, nihil agit, quia lex Aelia Sentia impedit libertatem.

1. Licet autem domino, qui solvendo non est, in testamento servum suum cum libertate hæredem instituere, ut liber fiat, hæresque ei solus & necessarius: si modo ei nemo alius ex eo testamento hæres scriptus sit, aut quia is, qui scriptus est, qualibet ex causa hæres ei non extiterit. Idque eadem lege Aelia Sentia provisum est: & rectè. Valde enim prospiciendum erat, ut egentes homines, quibus alius hæres extiturus non esset, vel servum suum necessarium hæredem haberent, qui satisfactorius esset creditoribus: aut hoc eo non faciente, creditores res hæreditatis servi nomine vendant, ne iniuriâ defunctus afficiatur.

2. Idemque juris est, & si sine libertate servus hæres institutus est. Quod nostra Constitutio non solum in domino, qui solvendo non est, sed generaliter constituit, novâ humanitatis ratione: ut ex ipsâ scriptura institutionis etiam libertas ei competere videatur: cum non sit verisimile, eum quem hæredem sibi elegit, si prætermiserit libertatis dationem, servum remanere voluisse, & neminem sibi hæredem fore.

3. In fraudem autem creditorum manumittere videtur, qui vel jam eo tempore, quo manumittit, solvendo non est: vel qui, datis libertatibus, desiturus est solvendo esse. Prævaluisse tamen videtur (nisi animum quoque fraudandi manumissor habuerit) non impediri libertatem, quamvis bona eius creditoribus non suffi-

sufficiant. Sape enim de facultatibus suis amplius, quàm in his est, sperant homines. Itaque tunc intelligimus impediri libertatem, cum utroque modo fraudantur creditores, id est, & consilio manumittentis, & ipsa re, eò quòd eius bona non sunt suffectura creditoribus.

4. Eadem lege Elià Sentià domino minori viginti annis non aliter manumittere permittitur, quàm si vindictà apud consilium, justà causà manumissionis approbatà, fuerint manumissi.

5. Justæ autem manumissionis causæ hæ sunt: veluti si quis patrem aut matrem, filium filiamve, aut fratres sororesve naturales, aut pædagogum, aut nutricem, aut educatorem, aut alumnum alumnamve, aut collataneum manumittat, aut servum procuratoris habendi gratiâ, aut ancillam matrimonii habendi causâ: dum tamen intra sex menses in uxorem ducatur, nisi justa causâ impediatur, & servus, qui manumittitur procuratoris habendi gratiâ, non minor decem & septem annis manumittatur.

6. Semel autem causâ approbata, siue vera sit, siue falsa, non retractetur.

7. Cum ergò certus modus manumittendi minoribus viginti annis dominis per legem Eliam Sentiam constitutus esset: eveniebat, ut qui quatuordecim annos expleverat, licet testamentum facere, & in eo sibi hæredem instituere, legata relinquere posset; tamen si adhuc minor esset viginti annis, libertatem servo dare non posset. Quod non erat ferendum: nam cui totorum suorum bonorum in testamento dispositio data erat, quare non similiter ei, quemadmodum alias res, ita de servis suis in ultima voluntate disponere, quemadmodum voluerit, permittimus, ut & libertatem eis possit præstare? Sed cum libertas inæstimabilis res sit, & propter hoc ante xx. ætatis annum antiquitas libertatem servo dare prohibebat: ideò nos mediam quodammodò viam eligentes, non aliter minori viginti annis libertatem in testamento dare servo suo concedimus, nisi decimū septimum annum impleverit, & decimum octavum attigerit. Cum enim antiquitas huiusmodi ætati & pro aliis postulare concesserit, cur non etiam sui iudicii stabilitas ita eos adiuvari credatur, ut ad libertatem dandam servis suis possint pervenire?

COMMENTARIUS. SUMMARIÆ.

1. Manumissio in fraudem creditorum facta est nulla.
2. Modò adsit animus fraudandi, & eventus.
3. Domino oberato permittitur servum instituere necessarium hæredem.
4. Eumque unicum, non plures.
5. Minor 25. annis quando manumittere possit.
6. Maior annis 17. an possit esse procurator ad lites.
7. Minor 25. annis, quando servo libertatem dare possit.

A Regula, quæ permittit cuiuslibet libertatem disponendi de suis rebus, duplex hic traditur exceptio, quoad manumissiones, ex L. Aelia Sentia, à Sexto Aelio & C. Sentio Saturnino Coss. Augusti temporibus lata. Prior est. EVM, QVI IN FRAVDEM CREDITORVM MANVMITTIT, NIHIL AGERE, lege impediens libertatem, id est taliter datam libertatem esse nullam ipso jure, *tex. h. in pr. Ulp. in Frag. tit. 2. §. Eadem* 10. eo quod non sit indulgendum malitiis. † In fraudem ut censeatur facta, requiritur primò DOLVS ET ANIMVS FRAVDANDI in debitore, qui sciat per manumissionem se desitutum solvendo esse, §. *in fraudem h. t.* Animus enim & intentio facta distinguunt, *l. Fœdissimam 20. C. Ad L. Iul. de adult.* Quem animum non præsumi, facit commune axioma, quod nemo præsumatur delinquere; & patet ex d. §. *in fraudem*, ubi dicitur, *sapè de facultatibus suis amplius, quàm in his est, sperare homines.* Unde probandus est ex coniecturis. Secundò, UT EVENTVS ANIMO RESPONDEAT, ut scilicet *vel eo tempore, quo manumittit, solvendo non sit, vel datis libertatibus sit desitutus solvendo esse*, manumissi pretio subtracto creditoribus, *text. hic.* Aliàs manumissio procedet, & quoad creditores, quibus inanis conatus non nocet; & quoad debitorem, qui eam revocando propriam allegaret turpitudinem, qualis non auditur, *l. Si creditorib. §. C. De servopig. dato manumisso.* Positis autem istis duobus impeditur omninò manumissio, habeturq; pro infecta. Cui non obstat, quod alienatio rerum in fraudem creditorum ipso jure valeat, & per actionem Paulianam veniat rescindenda, *D. Quæ in fraudem creditor. §. Item si quis in fraudem 6. inf. De action.* nam diversitatis est ratio, quod convenientius res alienata revocetur, quàm libertas semel jure competens sine facto eius, cui ea quaesita.

§. Licet autem.

AB exceptione iam data datur hic exceptio, per quam PERMITTITVR DOMINO, QVI SOLVENDO NON EST, INSTITVERE SERVVM SVVM HÆREDEM, qui ei necessarius sit hæres. Quæ res licet in fraudem creditorum posset cedere, permessa tamen ad avertendam à defuncto ignominiam, quæ ipsi contingeret, si eius nomine bona distraherentur, quæ hoc casu videntur nomine instituti servi. Debebat autem servus olim institui cum libertate, hodie satis est instituatur hæres, *qua de re inf. tit. 14. & lib. 2. tit. 19.* Necesse etiam est, ut non sit alius defuncto hæres, quia aliàs cessaret huius permissionis finis. † Deinde unicus tantum servus sit scriptus hæres, quia per eum sufficienter consulitur honori defuncti. Si tamè plures scripti fuerint, primo loco scriptus erit hæres, & liber: reliquorum status in dubio erit, donec certum erit non fraudari creditores, *l. 1. D. De statu liberis.*

§. Eadem lege.

Posterior exceptio est, DOMINO MINORI VIGINTI ANNIS NON LICERE ALITER MANVMITTERE, QUAM VINDICTA, ET IUSTA CAUSA APVD CONSILIVM PROBATA, id est præsentem Prætores, vel Magistratu, cuius hac de re notio est. Quod ita inductum, uti ex Theophilo hic apparet, in favorem manumit-

manumittentis, ne facillè circumveniat. Causæ variæ hic ponuntur: inter quas est & causa procuratoris habendi, modò non sit minor XVII. annis. † Quod veteres plerique accipiunt de procuratore ad negotia, cum secundum eos non possit esse procurator ad lites minor viginti quinque annis. Quod ut certum est jure Canonico, quo id expressum c. 5. *De procuratorib. in 6.* ita dubium jure civili, quo rectius dicitur, maiorem annis XVII. posse esse procuratorem ad lites. Quò facit hic locus, qui non potest commodè accipi de procuratore ad negotia, cum talis etiam possit esse minor XVII. annis, imò & pupillus, & servus; ut non possit dici iusta subesse manumissionis causa. Nec facit, quòd minor non sit idoneus defensor in iudicio; hoc enim verum est in propria causa. In aliena quin sit idoneus nihil implicat; imputer enim sibi dominus, quòd minori causam commiserit.

Ceterum non tantum inter vivos, sed nequidem ultimo elogio minori viginti annis libertates dare licebat, quòd postea Justinianus, uti hic in fine indicatur, reduxit ad annum decimum-septimum completum. Postea verò idem Imp. Nov. *Ut sponsalia largitas* 119. §. 2. permisit hoc ipsum eâ ætate, quâ testamentum super rebus suis conderet, id est anno ætatis XIV. completo, propterea quòd durius videretur super alijs rebus ultimum elogium liberum esse, non etiam super libertatibus, quæ tamen sunt magis favorabiles. Quòd ipsum non videtur extendendum ad manumissionem inter vivos; cum licet à contractibus ad ultimas voluntates procedat argumentum, non tamen è contrâ, quòd hæc illis sint magis favorabiles, præcipuè quando versamur in materia correctoria.

ADDITIONES V. A. D.

Nu. 3. ibi, *quod ere inf. tit. 14 & lib. 2. tit. 19.*] Nam qui vult consequens, vult etiam necessarium antecedens; cum dominus servum heredem habere nequeat, nisi is primò sit liber, l. 5. in pr. C. *De necess. servis hered. instit.* Facti species est apud Plinium lib. 4. *Epist. 10. ad Sabinum*: *Scribis mihi, Sabinam, quæ nos reliquit heredes, Modestum servum suum nusquam liberum esse iussisse: eidem tamen sic adscripsisse legatum, Modesto, quem liberum esse iussi. Quæris, quid sentiam? Contulicæ prudentibus: convenit inter omnes, nec libertatem deberi, quia non sit data; nec legatum, quia servo suo dederit. Sed mihi manifestus error videtur: ideoq; puto nobis, quasi scripserit Sabinæ, faciendum, quòd ipsa scripsisse se credidit.*

Nu. 5. in fine.] Nam minores XXV. annis victi ac circumventi blanditijs servorum, faciles esse solent ad manumittendum. Quò fiebat, ut & civitatem sæpè indignis replerent hominibus, & libertatum præstatione, patrimonium suum temerè exhaurirent.

Nu. 6. in fine.] Ceterum causa hæc manumittendi, ut & reliquæ hic enumeratæ (veluti quòd minor XXV. annis parentes, liberos, fratres sororesve naturales, item pædagogum aut nutricem manumittere posset) idèò iustæ habitæ fuerunt. quòd ex affectu potius, seu iustis affectionibus, quàm ex luxuria, id est prodigalitate, descenderent, l. *Illud* 16. in pr. D. *De manumis vind.* Certè pædagogum

manumittendi iusta quoque causa visa fuit, quia is vulgò parentis loco habetur, qua de re extat locus elegans Senecæ, lib. 6. de Benef. c. 16. Sed & nutrice eadem quæ matri reverentia debita est, adeoque matrem aliquando pro nutrice poni restis est Nonius Marcellus, tradens differentiam Genitricis & Matris, probatque Plauti auctoritate in Menechmis.

DE LEGE FUSIA CANINIA DICENDA.

T I T U L U S VII.

LEge Fusiâ Caniniâ certus modus constitutus erat in servis testamento manumittendis : quam quasi libertates impediens, & quodammodò invidam, tollendam esse censuimus : cum satis fuerat inhumanum, vivos quidem licentiam habere totam suam familiam libertate donare, nisi alia causa impediatur libertatem, morientibus autem huiusmodi licentiam adimere.

COM M E N T A R I U S.

S U M M A R I A.

1. *Modus manumittendi testamento ex hac lege.*
2. *Cur eum Iustinianus Imp. sustulerit.*
3. *Argumentum à contractibus ad ultimas voluntates.*

- I**Ege Fusiâ seu Furiâ Caniniâ, ab auctoribus Fuio Camillo & C. Caninio Coss. dictâ, certus manumissionis servorum testamento modus præscriptus erat. Ex tribus enim tantum duobus permittebat dari libertatem, inde usque ad decem mediæ parti, usque ad triginta tertiæ parti, usque ad centum quartæ, & numquam pluribus centum, etiam ex numerosissima familia. Ulp. tit. 1. Paulus 4. Sent. tit. fin. Supra numerum scripti si fuissent, primo loco nominati liberabantur, usque ad legitimum numerum. Ratio huius erat, quod videretur manumissionem procedere in fraudem hæredum. † Verum Iustinianus istam legem, ut liberatis invidam, & non permittentem morientibus, quod concessum erat vivis, sustulit, permittens, ut à vivis, ita & à morientibus pro libitu testamento libertates dari; cum nemo possit dici fraudare, qui jure suo utitur. † Hinc colligitur procedere argumentum à contractibus ad ultimas voluntates, licere scilicet in ultima voluntate, quod intervivos licet, de quo consulatur Nic. Everardi in Locis Legalib.

A D D I T I O N E S V. A. D.

Nu. 1. in fine.] Deinde visa fuit ea res & perniciofa civitati Romanæ, & ambitiofa nimium; cùm sæpè improbiffimi quique, etiam pro turpis alicuius veluti scele-
ris compensatione, testamento manumitterentur; ipsique morientes in manu-
mittendis servis ut plurimum essent liberaliores, quàm viventes, imò nonnum-
quam prodigi, nec ferè aliam ob causam, quàm ut servi pileati funus domini
antecederent, *L. unica §. 5. C. De Lat. libert. toll. ἵνα χρεστοὶ χαλῶνται νεκροὶ* inquit Dion.
Halicarnas. *lib. 4. Antiq Roman.*

Nu. 2. ibi, libertatis invidiam,] Idque duplici respectu, cùm servorum, quibus
invidebat beneficium naturalis libertatis; tum ipsorum dominorum, quibus de-
negabat liberam facultatem disponendi de rebus suis: denique & respectu ulti-
marum voluntatum, quæ liberrimæ esse debent.

Nu. 3. in fine.] Quod tamen restringe ad ea loca, in quibus condendi testamen-
ta cuilibet liberum est arbitrium. Nam in quibusdam locis contrariam consuetu-
dinem obtinuisse notat hic Joan. Faber. ut scilicet viventibus seu inter vivos liceat
de rebus suis quovis titulo & pro arbitrio suo disponere, morientibus verò vel te-
stamento non utique; veluti in Geldria, ubi de bonis præsertim immobilibus al-
lodialibus & avitis testamentum condere nemini permittitur, attestante Lamb.
Goris, *Adversar. ad Consuet Geld tract. 4. §. 9. & 10.* vel non nisi de triente, uti in Flan-
dria, aut aliâ portione bonorum, quemadmodum de lege Parisiensi notat Franc.
Connanus *Comment. iuris civil. lib. 2. c. 5. in fine.* Quam consuetudinem favor agnatio-
nis, ad exemplum legis Furia, suggestisse & induxisse videtur. Sic & jure feudali va-
fallus de Feudo disponere inter vivos non prohibetur, *juxta c. unic. §. Titius, Si de*
feudo def. cont. fir. 2 F. 26. prohibetur verò testamento aut aliâ ultimâ voluntate, *c.*
un. in pr. De success feudi, 1. F. 8.

DE HIS, QUI SUI, VEL ALIENI
JURIS SUNT.

TITULUS VIII

Sequitur de jure personarum alia divisio, Nam quædam personæ sui juris sunt,
quædam alieno juri subiectæ. Rursus earum, quæ alieno juri subiectæ sunt, al-
iæ sunt in potestate parentum, aliæ in potestate dominorum: Videamus itaq;
de his, quæ alieno juri subiectæ sunt; nam si cognovimus, quæ istæ personæ sunt,
simul intelligemus, quæ sui juris sunt: ac prius inspiciamus de his, quæ in potesta-
te dominorum sunt.

1. In potestate itaq; dominorum sunt servi. Quæ quidem potestas juris gentiū est:
nam apud omnes peræquæ gentes animadvertere possumus, dominis in servos vitæ,
necitq; potestate fuisse; & quodcumq; per servum acquiritur, id domino adquiri.

2. Sed hoc tempore nullis hominibus, quæ sub imperio nostro sunt, licet sine causa legibus cognita in servos suos supra modum sævire. Nam ex Constitutione divi Antonini, qui sine causa servum suum occiderit, non minus puniri jubetur, quam si alienum servum occiderit. Sed & maiora sævitas dominorum eiusdem Principis Constitutione coercetur. Nam Antoninus consultus à quibusdam Præsidibus provinciarum de his servis, qui ad ædem sacram, vel ad statuam Principum confugiunt, præcepit, ut si intolerabilis videatur sævitia dominorum, cogantur servos suos bonis conditionibus vendere, ut pretium dominis daretur; & rectè, expedit enim reipublicæ, ne suâ re quis malè utatur. Cujus rescripti ad Ælium Martianum emissæ verba sunt hæc: Dominorum quidem potestatem in servos suos illibatam esse oportet, nec cuiquam hominum jus suum detrahi: sed & dominorum interest, ne auxilium contra sævitiam, vel famem, vel intolerabilem injuriam denegetur eis, qui justè deprecantur. Idèoque cognosce de querelis eorum, qui ex familia Julii Sabini ad statuam confugerunt, & si vel duriùs habitos, quàm æquum est, vel infami iniuriâ adfectos esse cognoveris, venire jubeita, ut in potestatem domini non revertantur. Quòd si meæ Constitutioni fraudem fecerit, sciat me hoc admissum severiùs executurum.

C O M M E N T A R I V S.

S U M M A R I A.

1. Divisio personarum in eas, quæ sui iuris sunt, & quæ alieno juri subiectæ.
2. Effectus dominicæ potestatis ex jure gentium.
3. Potestas hæc diminuta ex Constitut. Antonini Imp. quoad jus vitæ & necis.
4. Dominus servum quando vendere tenebatur.
5. Jus asyli quibus hodie datur.

1 **A**ltera divisio personarum est, QVOD QVÆDAM PERSONÆ SUI IVRIS SINT, quales dicuntur patres-familias, matres-fam. nullius agnoscen-
tes potestatem: QVÆDAM ALIENO IVRI SVBIECTÆ. Hæ subdivi-
duntur in eas, QVÆ SVNT IN POTESTATE PARENTVM, ET QVÆ IN PO-
TESTATE DOMINORVM. De Dominica priùs agitur, quia est juris gentium,
2 † quod jus dabat dominis liberum disponendi arbitrium, non tantùm de rebus
servorum, quæ dominis cedebant, sed & de ipsis servis sive corporibus, cum domi-
3 nis in servos etiam vitæ necisque potestas isto jure esset concessa. † Verùm ex Constitu-
tione Antonini, quoad pleraque, pristinum istud jus domini mansit illibatam, di-
minutum tamen quoad jus vitæ & necis. Inhibitum enim sine causa legibus co-
gnita servum occidere, imò & castigatio asperior adempta, permissa tantùm mo-
derata: adèd ut, si servus ex immoderata castigatione moriatur, non sit extra rea-
tum ho-

rum homicidii dominus, *l. 1. C. De emendat. servor.*

Quòd si atrocius servi habiti ad Ecclesias aut statuas Imp. confugissent, dene- 4
gata licentia dominis eos inde abstrahendi; sed primùm cognoscendum, an servi-
tia domini in causa fuerit, quæ si appareat, cogendus est servum bonis conditio-
nibus vendere, *ut hîc habet text.* Bonis, inquam, id est, non duris, non iniquis, quæ
scilicet non onerent servum venditum, *l. Statuliberos 25. D. De statu lib.* Qua in re
recessum à jure communi, quod non vult aliquem cogi ad rei suæ venditionem.
Verùm ita Reipubl. utilitas postulat, cujus interest, ne quis res suâ abutatur: præ-
cipuè hac in parte, quæ non rarò causavit magnum Reipublicæ detrimentum, ut
patet ex bellis servilibus. Interest & ipsorum dominorum, ne auxilium contra
servitiam iis, qui justè deprecantur, denegetur, *text. hîc.* Quantum ad ædes sacras
aut statuas Principum, erat iis jus asyli, quod non permittebat eò confugientes in-
de abstrahi citra crimen læsæ Majestatis. † Quod procedit jure civili in causa ci- 5
vili, non tantùm in servis, sed & aliis liberis debitoribus. Jure Canonico etiam
competit confugientibus eò ex causis criminalibus, exceptis tamen publicis la-
tronibus, nocturnis agrorum depopulatoribus, homicidis proditoriis, & quibus-
dam aliis, de quibus ✕ *De immunit. Eccles.*

ADDITIONES V. A. D.

Num. I. ibi, in potest. dominorum.] *Potestas* hîc nihil est aliud, quàm jus per-
sonæ in personam sibi subjectam: quod vel *Imperium* dicitur, in persona magistra-
tuum; vel *Patria potestas*, in persona liberorum; vel *Dominium*, in persona servi,
l. Potestatis 215. D. De V. S. Et quidem Dominorum in servos potestas, ex jure gen-
tium orta, non nisi merum nudumque jus dominii continet, quod in servum, ut
rem quamlibet, competit domino. Non mirum igitur, si servus omnia domino
acquirat, omneque compendium atque emolumentum rei jure dominii ad domi-
num pertineat; si item dominus de servo, ut parte patrimonii sui, pro arbitrio suo
statuendi, imò & abutendi re suâ, liberam habeat facultatem, *l. In re mandata C.*
Mandati: accensetur enim servus rebus. Patria verò potestas nihil est aliud quàm
imperium & præ eminentia quædam, quam in universam familiam habet pater-
fam. Non tam expresso aliquo jure introducta, quàm recepta moribus, *l. Patre fu-
rioso 8. D. h. t.* Quam tamen jus civile à jure gentium acceptam sibi quodammodò
propriam fecit: *de qua plura ad Tit. seq.* Ceterùm dominica potestas moribus no-
stris nulla est, quia nec servus est quisquam: *Bart. in l. Hostes D. De capt. & post lim. re-
vers.* Neque recepta divisio personarum in eas personas, quæ sui juris sunt, & jus
familiæ habent, & in eas, quæ alieno juri sunt subjectæ, quod quidem ad effectus
atrinet juris Romani. Nisi quod alieni quoque juris dici possint; uxores, quæ in
maritorum suorum; filias, qui in parentum; & Monachi, qui in superiorum
potestate esse dicuntur, nec sine eorum auctoritate contrahere possunt. Non legi-
bus & jure scripto, inquit *Budaeus in Forensib.* sed moribus & jure à majoribus re-
cepto, uxores in manum virorum conveniunt; & ita in mancipio maritorum sunt,

ut sine eorum auctoritate agere nihil possint. Vide Rebuff. *ad Constit. Reg. in proæmio Gl. 5. num. 83.*

Num. 2. in fine.] Idque tum ratione & vi dominii, quod in servum domino competere dixi: tum etiam, ut in officio continerentur illi, quos alea belli infelix in servitutem redegisset: cum vulgò jaçtari solitum referat Seneca *Epist. 47.* totidem esse hostes, quot servos.

Num. 3. ibi, permilla tantum moderata.] Qualem pater in filium & maritus habet in uxorem. Pulchrè Seneca *lib. 1. de Clem. Servis imperare moderate, laus, & in mancipio cogitandum est, non quantum illud impunè pati possit, sed quantum sibi permittat a- qui bonique natura, quæ parcere etiam captivis & pretio paratis jubet.*

USUS HUIUS MATERIÆ, ET DE SERVIS HODIERNIS.

Porrò licet materia de servitute & servis Romanorum, olim in frequentissimo usu, hodie inter Christianos penè sit abolita, & præter vestigia quædam veteris illius juris nihil ferè super sit; non enim superest manumissio propriè dicta, non jus patronatus, & si quæ aliæ sunt qualitates (licet etiam non constet exactè, quando desierint esse servi, quæ de re videri possunt Joan. Bodin. *de Republ. lib. 1. c. 3. & 4.* Joan. Molanus, *Theol. Lovan. lib. 3. de Canonicis c. 17. & 18.* Gudelin. *de Iure noviss. lib. 1. c. 4.* utcumque ex Bart. *ad l. Hostes D. De capt. & postlim. rev.* colligere sit secundum mores temporis, quo ille vixit, id est circum annum 1300. jura captivitatis & postliminii, quantum quidem ad personas attinet, non fuisse observata, ut verisimile sit, jam tum servos haberi captivos vendique desuisse: attamen vel ex hoc quoque Tit. patet, non inutilem omninò videri hunc tractatum, facereque tum ad plenior- em cognitionem juris Romani, quod per plura capita in D. ac Cod. de servis tra- ctat, tum etiam ad illustrandum jus & mores hodiernos. Nam ducere hinc licebit argumenta, à servis scilicet ad famulos Monachosque, à libertis ad vassallos, quæ de re consulenda Topica Legalia Præf. Everardi. Ut Ecce, fingamus inter dominum & vassallum de feudo controversiam esse, & sævire dominum in vassallum durius, quàm par est, qui propterea petat liberari feudum suum & absolvi à mancipio do- mini illius. Vel fingamus subditos, à vassallo malè tractatos conqueri de eo coram domino feudi. Hic licebit uti argumento ex rescripto divi Antonini Ælium Mar- tianum, de eo servo, qui quòd durius habitus esset, vel infami injurià affectus, ideo à domini potestate exemptus fuit. *S. 2. h. t. & l. 2 D. eod. Grammat. decis. 104.* Nic. Gossionus *ad Consuet. Atrebat. in princ. Gail lib. 1 obs. 17. Myns. cent 5 obs.*

Servitutis species quædam videri possit, quæ homines liberi ad servitia, ar- res mechanicas, aliæque operas, se obligant ad tempus, ut inde quæstum faciant; sed hoc improprie satis, ut dictum sup. ad Tit. 3. Illud propiùs accedat, quòd in quibusdam locis harum Provinciarum (de Galliæ Provincis al. quot, de Germa- nia ferè tota, sunt qui idem attestentur, Ant. Costan. *lib. 1. Quest. juris c. 2* Boër. *ad Consuet. Bituric. in princ. Chassen. ad Consuet. Burg. Tit. 9. Des mains-mortes*, Connan. *Comment. juris civil. lib. 2. c. 10. num. 3. circa fin. Gaill. de Arrestis Imperii c. 8. num. 14.*) appareat servitutis illius Romanæ velut simulacrum quoddam in homini- bus,

bus, quos Galli *manumortales* seu *manus mortua*, Germani *proprioshomines*, vulgari lingua *Eygen-luyden*, aliterque nuncupant: quales reperiri plures per Westphali-
 am, Geldriam, vicinasque ditiones notat Elb. Leoninus, *lib. 6. Emendat. & Obser.*
Iurisc. num. 4. & diligens patrii juris enucleator Lamb. Goris, *Advers. juris subsec.*
ad Consuet. Geld. p. 1. c. 13. Quorum omnium diversa quidem nomina; conditio
 tamen ferè eadem: ut quòd non nisi cum conservis suis, domino consentiente,
 matrimonium contrahere possint: quòd eorum liberi ventrem, id est matrem,
 sequantur: quòd dominis suis teneantur ad certas operas, vel ad certam pen-
 sionem seu tributum: quòd sint quasi alligati territorio domini, ab eoque fu-
 gere vel aliò migrare vetentur; aut si fugerint, rectè eos vindicari & repeti, un-
 de & *servos corporis ac prosecutionis* eos vulgò dici scribit Connanus: quòd eis vi-
 rà fundis succedat in certa portione dominus, aut loco successionis vestem opti-
 mam aut optimum equum, aliave jura mortuaria auferat: quòd vendi aliis &
 permutari possint, modò bonà fide fiat alienatio: quòd sine venia dominos suos
 in jus vocare nequeant, neque famosam adversus eos actionem instituere. Cæ-
 teroquin proprii homines propria possident bona, propriis degunt laribus, nec
 de familia domini censentur: negotiari in rem propriam possunt, nihilque à
 domino peculii habent: possunt agere, conveniri, in judicio stare, contra-
 here cum dominis, oriturque ex ejusmodi contractu civilis obligatio. Ita fe-
 rè Udalr. Zasius *lib. 1. Singul. respons. c. 3. num. 75. & seqq. & ad l. Servus num. 5. &*
seqq. C. De judic. Sichard. ad l. Libertorum 11. num. 4. C. De testib. Connan. loco sup.
cit. Sebast. Kraisserus in suis Institutionib. Iuris Romano-Bavarici ad tit. De libertinis.
 Similis conditio est eorum, qui in jure dicuntur servi coloni, adscripti vel adscripti-
 tii, censiti, vel tributarii &c. quorum similiter, quantum ad originem pertinet, ea-
 dem penè videtur fuisse conditio, licet sit discrimin in nomine, *l. Desimus 13. C. De*
agric. & cens. & colonis lib. 11. Adscriptitii dicti, quasi glebæ adscripti, & addicti a-
 grorum culturæ, cum sua sobole: qui propterea velut pars terræ censentur, & quo-
 cumque se proripiant, vindicari à dominis possunt, ac reduci ad antiquos penates,
 ubi censiti, educati, natiq; fuerint, *l. Omnes 6. & l. pen. in pr. C. d. tit. & ibid. D. Pe-*
rez per tot. Videntur tales similitudinem quamdam habere cum servis Romano-
 rum, propter operas, ad quas tenentur, & obligantur suis dominis; & quia
 ita mancipati prædio, ut cum eo vendi possint, *l. 2. C. eod.* Libertis tamen ma-
 gis similes videri, quàm mancipiis, scribit Præses Viglius, *ad §. sed cum ali-*
quis inf. De testam. ordin. Suam enim quisque sedem, suos penates regit, ut Ta-
 cit. loquitur, *lib. De morib. German. Servis*, inquit, *non in nostrum morem, descriptis per*
familiam ministris, utuntur. Suam quisque sedem, suos penates regit. Frumenti mo-
 dum dominus, aut pecoris, aut vestis, ut colono injungit, & servus hæcenus paret. Ver-
 berare servum, ac vinculis & opere coërcere rarum. Imò liberi reverà manent atque
 ingenui, capaces bonorum & factiõis testamenti; nec tam personæ quàm præ-
 dio serviunt. Molin. in *Explicat. analyt. tit. D. De V. O. num. 17 per l. Hi penes quos*
4. & l. penult. C. eod. Dici etiam potest, homines manumortales velut servos mo-
 ri, instar eorum, quos Romani *Latinos* vocabant, cum non nisi inter suos te-

stari valeant, videl. descendentes vel adgnatos; aliàs succedit jure suo Princeps, vel dominus loci, in totum vel pro parte. Planè jus veræ servitutis hodie inter Christianos non est, quasi inter eiusdem patriæ cives. Quâ ratione Socrates nolebat esse ius servitutis inter Græcos, quorum non bella essent, sed intestinæ dumtaxat seditiones, teste Platone *lib. 5. de Republ.* Adeoque moribus Christianis fuerit planè indignum, ut si inter ipsos Christianos moveri bellum contingat, qui capiuntur servi fiant: verùm captivi facti servantur, non ad hoc, ut serviant, sed ut redimantur lytro seu pretio aliquo, cuius æstimatio in arbitrio est victoris, nisi de eo certi aliquid convenierit. Guido Papa *quest. 113.* Boer. *decis. 178. & ad Consuet. Bitur. in print.* H. Grotius *De jure belli ac pacis lib. 3. c. 7 num. 9.* Arn. Vinnius *Instit. De jure person. §. 2 num. 4.* Quamquam idem Plato *lib. 5. de Legib.* censuerit non redimendum captivum; imò neque admittendum, si absque pretio reddatur. *Is ipse præda est, inquit, itaque eâ hostis utatur pro arbitrio.* Quod & Romanis placuit: putabant enim cives eos non necessarios, qui cum armati essent, capi possent. Militibus insitum esse debet, aut vincere, aut mori. Vide Pet. Ærod. *Rerum ab omni antiq. judic. lib. 10. tit. 2. c. 1.* Carolum quoque V. Cæs. tulisse legem, ut omnes omninò homines libertate donarentur, nullusque deinceps servituti subiceretur, refert Molina *De just. & jure Tract. 2. disp. 35. num. 1.* Sed neque Christianos à Turcis captos fieri servos, hoc est, non amitti eo modo libertatem civilem, & per consequens testamenti factionem, probabilius est: ac proinde retinebunt hodie apud nos vim & effectum suum facta, durante captivitate, testamenta; citra fictionem aliquam vel legis Cornelix, vel iuris postliminii; in quo à Myns. *ad §. servi num. 5. sup. De jure person. & Schneid. ibid. num. 20:* dissentio, & sequor contrarium sentientes Covarr. *ad 6. Peccatum De R. I. in 6 p. 2. §. 11. num. 6.* & Molinam *De just. & jure Tract. 1. disp. 5. num. 4.*

Denique sicut hodie species quædam servitutis est in hominibus adscriptis glæbæ, ita & veteris manumissionis superest imago aliqua in hominibus propriis, dum libertatem à domino consequuntur, vel pretio, datâ scilicet eam in rem pecuniâ; vel prece & gratis, ut donatione vel testamento: item per nuptias cum persona libera, domino consentiente contractas: si definant possidere prædium, quod hominem proprium facit: si alium in locum migrent, nec à dominis intra tempus legitimum vindicentur; si duos habens dominos ab altero eorum fuerit libertate donatus. & denique præscriptione. Kraßerus *ad tit. Instit. De libertinis*, Gail. *de Arrestis Imperii c. ult. in fine.*

DE PATRIA POTESTATE.

TITULUS IX.

IN potestate nostra sunt liberi nostri, quos ex justis nuptiis procreavimus.

1. Nuptiæ autem, sive matrimonium, est viri & mulieris conjunctio, individuum vitæ consuetudinem continens.

2. Jus autem potestatis, quod in liberos habemus, proprium est civium Romanorum. Nulli enim alii sunt homines, qui talem in liberos habeant potestatem, qualem nos habemus.

3. Qui igitur ex te & uxore tua nascitur, in tua potestate est. Item qui ex filio tuo & uxore ejus nascitur, id est, nepos tuus & neptis, æquè in tua sunt potestate, & pronepos, & proneptis, & deinceps cæteri. Qui autem ex filia tua nascuntur, in potestate tua non sunt, sed in patris eorum.

COMMENTARIUS.

SUMMARI A.

1. Patria potestas civium Romanorum propria, ejusque effectus.
2. In potestate sunt filii & ex iis nati, non ex filiabus.
3. Quibus modis acquiratur hæc potestas.
4. Nuptia unde dictæ, item Matrimonium.
5. Nuptia seu Matrimonium quid.

Patriæ potestatis jura ex jure civili Romano prodierunt, ut ei rectè adscribat¹ur illa potestas, & PROPRIA esse dicatur CIVIUM ROMANORUM, cum, ut ait Imp. hic in fine, nullæ aliæ gentes talem in liberos habeant potestatem aut tale jus statuerint. Rectè TALE; quia & apud alias gentes aliqua auctoritas data parentibus in liberos, non etiam jus vitæ & necis, uti hoc nostrum dedit, l. In suis 11. in fine D. De liberis & posthum. l. fin. C. De patria potest. Gell. lib. 5. c. 19. Verùm hodie ut dominorum in terros, ita & parentum in liberos, coarctata potestas: ut castigatio quidem moderata illis sit permessa, nihil tamen gravius in eos liceat statuere, sine Prædis auctoritate, l. 3. & 4. C. De patria potest. Quid verò juris hodie patri sit circa liberorum bona, dicitur libro II. tit. IX.

Non sunt autem tantùm in potestate filii, sed & nati ex iis, eorumque nepoti²bus, non etiam ex filiabus, § fin. h. t. Ratio differentiæ est, quòd patrem sequatur filius quoad potestatem, non etiam matrem: proinde cujus potestati subest

filius, eidem & subjacet nepos ex eo, & deinceps, cum in potestate existens alium in potestate habere nequeat, *l. Sic eveniet 21. D. Ad L. Iul. de adult.*

- 3 Adquiritur PATRIA POTESTAS NUPTIIS IUSTIS, LEGITIMATIONE, ET
 4 ADOPTIONE. † NUPTIÆ à Nubendo, id est tegendo, dictæ; quod olim novæ nuptæ, dum ad sponsum ducerentur, verecundiæ causâ flammeo caput obvolutum haberent. Varro *lib. 4. De L. Lat.* Fæminas dum maritantur ideo velari scribit Isidor. *can. 7. xxx. q. 5. desumpto ex lib. 2. De offic. c. 19.* ut norint se semper maritis suis subditas esse, & humiles. MATRIMONIUM dictum à matre, non quod mulier mater esse velit; nam ita patrimonium dicendum esset, cum & vir pater esse desideret, sed rectius propter labores partus, quos mater sustinet, *c. fin. De convers. infidel.* † Sunt autem NUPTIÆ, sive MATRIMONIUM, VIRI ET MULIERIS CONIUNCTIO, INDIVIDUAM VITÆ CONSUETUDINEM CONTINENS: scilicet quoad intentionem. Nam jure Romano permixta erant divortia etiam quoad vinculum, quæ jure Christiano omnino prohibentur. Hac parte nuptiæ differunt à concubinato: illæ enim eo voto contrahuntur, ut sint perpetuæ, non etiam càm mente accipitur concubina, *l. 4. D. De concubinis.* Sponsalia à nuptiis differunt, quod non tam ponant conjunctionem, quàm ejus spem, *l. 6. D. De sponsalib.* Unde merito describuntur esse mentio ac repromissio futurarum nuptiarum, *l. 4. D. eod. nomen ex eo nata, quod moris esset veteribus stipulari & spondere uxores futuras, l. 2. D. eod. Gellius lib. 4. Noct. Attic. c. 4.*

ADDITIONES V. A. D.

Num. 1. ibi, aut tale statuerint,] Est enim hæc personalis potestas, non naturalis, ex æquo competens utriusque sexus parentibus, sed civilis, soli patri competens, cæterisque per patrem ascendentibus, qui familiam seu jus familiæ habent, & velut domesticum quemdam magistratum constituunt, dominantes atque imperantes in domo familiaque sua quasi pusilla republ. ut Seneca ait *lib. 2. de Benef. c. 11.* Quo modo & Ulp. in *l. Pronuntiatio 195. §. 2. D. De V. S.* scribit, patrestam. dici eos, qui in domo dominium habent: dominium, inquam, non quod proprietatem denoter, sed dominationem, prælationem seu principatum; unde & familiarum principes dicuntur. Ulp. in *Frag. tit. 4.* Et Plautus *familiæ imperatorem* dixit, in *Captivis Actu 2. Sc. 2.* Nam familia est nomen juris, & corpus quoddam pluribus personis constans, quæ sub unius sunt potestate, aut naturâ, ut liberi naturales & legitimi; aut lege, ut legitimi tantum, id est adoptivi: qui omnes sequuntur augentque familiam patris sui, & juris consideratione censentur una persona, quemadmodum & familia una est, eique unicum præest caput, dux, & princeps, id est paterfamilias, *d. l. 195. §. familia De V. S. Festus Pomp. V. Familia.* Vide Joan. Ramum *Comment. ad R. l. lib. 1. Axiom. 104. & 105.*

Ibid. ibi, Gell. *lib. 5. c. 19.*] Quamvis etiam non sine ratione, ut quos pietas paterna ad parendum movere non posset, magnitudo deterreret supplicii atque atrocior correctio. Steph. Bodeus *hic ad fin.* Vid. Cicer. *pro Domo suo*, Plutar. in *Romulo*,



Romulo, Dion. Halicarnas. lib. 2. *Antiq. Rom.* Exempla ejus rei colligit Rad. Forner. *Rer. quotid. lib. 1. c. 2.* Quatenus verò vita necisque potestas in liberos fuerit patri, optimè more suo explicat Joan Ramus de *Axiom. 105. num. 6.*

Ibid. ibi, C. De pat. potest.] Potestas enim patria non in atrocitate, sed pietate consistere debet, l. 5. D. Ad L. Pomp de patricid. Diciturque propterea sacra hæc potestas, in l. Cum in adoptivis 10. C. De adopt. Et quia liberis in primis consulit, ideo Seneca lib. 1. de Clem. c. 14. tam temperatissimam dicit: ejusque exemplo, id quod parenti, etiam Principi, ut patri patriæ, esse faciendum monet. De vi & effectibus patriæ potestatis ex jure consuetudinario & moribus dicam inf. ad Tit. XII.

Quib. modis jus pat. potest. solvitur.

Num. 4. in fine.] Deinde cā quoque ratione dicimus nuptias potius à matre Matrimonium, quàm à patre Patrimonium; quia cū inter conjuges jure naturæ divisa sint officia, atque ad matrem pertineat cura domestica, in qua sunt liberi, & liberorum educatio, ad patrem verò cura rerum, & eorum, quæ ad res pertinent, administratio: hinc est, quod res, quæ sunt in familia, Patrimonii nomine vocentur, quasi ad patrisfam. procuracionem & administrationem pertineant. Ita ferè Joan. Ramus in *Comment. mansc. ad h. r.*

Num. 5. ibi, VIRI ET MUL. CONIUNCTIO] Conjunctionem intellige justam, id est jure approbatam, ut tit seq. Secundum verò jus consuetudinarium & mores hodiernos extendenda est hæc conjunctio, ut non tantum sit animorum & corporum, de qua Covarr. de Matrim. p. 2 c. 1. num. 1. sed & rerum bonorumque; & non tantum usu-tenus, integrā cuique manente proprietate, l. Hac lege 8. C. De patris convent. & tot tit. C. Ne uxor pro marito &c. (neque enim jure civili extra communem rerum usum alia inter conjuges fuit bonorum communicatio aut societas; nisi nominatim aliter convenisset, ut in l. Alimenta 16. §. ult. D. De alim. & cibariis leg. Covarr. d. p. 2. c. 7. §. 1. Peckius de Testam. conjug. lib. 2. c. 1.) sed & quoad proprietatem, saltem bonorum mobilium, itemque immobilium constante matrimonio quasitorum, idque ex generali ferè totiùs Galliæ & harum Provinciarum consuetudine, de qua accuratè tractat Lamb. Goris, *Adversar. ad Consuet. Geld. tract. 1. c. 2.*

Ibid. ibi, l. 4. D. De concub.] Neque concubinatus legitima est conjunctio, licet nomen per leges adsumpserit, l. 3. §. ult. D. De concub. Et concubina licet uxoris nomen obtinuerit in Jure nostro, est tamen injusta uxor, & non tam uxor, quàm uxoris loco, l. Si uxor. 13. §. 1. D. Ad L. Iul. de adult. & l. Libra 144. D. De V. S. diciturque Vice-conjux in antiquis Inscriptionibus, & *ἡμιγάμος* Zonara. Vid. Cujac. lib. 6. Obser. c. 6. & in Parat. C. De concub. Jac. Rævard. 4. Var. c. 16. Mæstert. De just. Roman. LL. lib. 2. diss. 10. Estque concubina nomen voluptatis, non dignitatis, secundum illud *Ælii Veri*, apud Spartianum: *Patere me per alias exercere cupiditates meas: uxor enim dignitatis nomen est, non voluptatis.* Demosthenes, *Orat adversus Neeram*, inter meretrices, concubinas & uxores ita distinguit, ut meretrices voluptatis gratiā habeantur; concubina propter quotidianam corporis curationem; uxores verò ad legitimos liberos progrediendos, &

fidelem custodiam rei domesticæ habendam. Hodie concubitus omnis extra justas nuptias jure Canonico (quod hac in materia sequimur) est prohibitus & damnatus.

Ibid. in fine.] Plautus in Trinummo Actus, Sc. 2.

— Sponden' ergo tuam gnatam uxorem mihi ?

CH. Spondeo, & mille auri Philippum dotis.

Adhibitis etiam Jurisconsultis in dictandis dotalitiis cautionibus, & firmandis stipulationibus; quemadmodum hodieque inter Magnates fieri subinde consuevit. Ceteroquin sponsalia, sicut nuptiæ, hodie etiam nudo contrahuntur consensu, l. 4. & ult. D. De sponsal. absque alia juris scrupulositate, nec Jurisconsulto est opus.

D E N U P T I I S.

T I T U L U S X.

Iustas autem nuptias inter se cives Romani contrahunt, qui secundum præcepta legum coeunt, masculi quidem puberes, feminae autem viripotentes, sive patres familiarum sint, sive filii familiarum: dum tamen, si filii familiarum sint, consensum habeant parentum, quorum in potestate sunt. Nam hoc fieri debere, & civilis & naturalis ratio suadet: in tantum, ut iussus parentis præcedere debeat. Unde quaesitum est, an furiosi filia nubere, aut furiosi filius uxorem ducere possit: cumque super filio variabatur, nostra processit decisio, quâ permissum est, ad exemplum filiae furiosi, filium quoque furiosi posse & sine patris interventu matrimonium sibi copulare, secundum datum ex nostra Constitutione modum.

1. Ergo non omnes nobis uxores ducere licet: nam à quarundam nuptiis abstinendum est. Inter eas enim personas, quæ parentum liberorumve locum inter se obtinent, contrahi nuptiæ non possunt: veluti inter patrem & filiam, vel avum & neptem, vel matrem & filium, vel aviam & nepotem, & usque in infinitum. Et si tales personæ inter se coierint, nefarias atque incestas nuptias contraxisse dicuntur. Et hæc adeo vera sunt, ut, quamvis per adoptionem parentum liberorumve loco sibi esse cœperint, non possint inter se matrimonio jungi: in tantum, ut etiam dissolutâ adoptione id juris maneat. Itaque eam, quæ tibi per adoptionem filia vel neptis esse cœperit, non poteris uxorem ducere, quamvis eam emancipaveris.

2. Inter eas quoque personas, quæ ex transverso gradu cognationis junguntur, est quædam similis observatio, sed non tanta. Sanè enim inter fratrem sororemque nuptiæ prohibita sunt, sive ab eodem patre eademque matre nati fuerint, sive ex altero eorum. Sed si qua per adoptionem soror tibi esse cœperit, quamdiu quidem constat adoptio, sanè inter te & eam nuptiæ consistere non possunt: cum verò per emancipationem adoptio sit dissoluta, poteris eam uxorem ducere. Sed & si tu emancipatus fueris, nihil est impedimento nuptiis. Et ideo constat, si quis gene-

generum adoptare velit, decere eum antea filiam suam emancipare: & si quis velit nurum adoptare, debere eum antea filium suum emancipare.

3. Fratris verò, vel sororis filiam, uxorem ducere non licet: sed nec neptem fratris vel sororis quis ducere potest, quam vis in quarto gradu sint. Cujus enim filiam uxorem ducere non licet, neque eius neptem permittitur. Eius verò mulieris, quam pater tuus adoptavit, filiam non videris impediri uxorem ducere: quia neque naturali, neque civili jure tibi conjungitur.

4. Duorum autem fratrum vel sororum liberi, vel fratris & sororis, conjungi possunt.

5. Item amitam, licet adoptivam, ducere uxorem non licet, item nec materrem; quia parentum loco habentur. Quâ ratione verum est, magnam quoque amitam, & materrem magnam prohiberi uxorem ducere.

6. Ad finitatis quoque veneratione à quarundam nuptiis abstinere necesse est: ut ecce privignam aut nurum uxorem ducere non licet; quia utraque filia loco sunt. Quod ita scilicet accipi debet, si fuit nurus aut privigna tua. Nam si adhuc nurus tua est, id est, si adhuc nupta est filio tuo, aliâ ratione uxorem eam ducere non poteris; quia eadem duobus nupta esse non potest. Item si adhuc privigna tua est, id est, si mater eius tibi nupta est, ideo eam uxorem ducere non poteris; quia duas uxores eodem tempore habere non licet.

7. Socrum quoque & novercam prohibitum est uxorem ducere, quia matris loco sunt. Quod & ipsum dissoluta demùm ad finitatem procedit. Alioquin si adhuc noverca est, id est, si adhuc patri tuo nupta est, communi jure impeditur tibi nubere; quia eadem duobus nupta esse non potest. Item si adhuc socrus est, id est, si adhuc filia eius tibi nupta est, ideo impediuntur tibi nuptiæ, quia duas uxores habere non potes.

8. Mariti tamen filius ex alia uxore, & uxoris filia ex alio marito, vel contra, matrimonium rectè contrahunt: licet habeant fratrem sororemve ex matrimonio postea contracto natos.

9. Si uxor tua post divortium ex alio filiam procreaverit, hæc non est quidem privigna tua: sed Julianus ab huiusmodi nuptiis abstinere debere ait. Nam constar nec sponsam filii nurum esse, nec patris sponsam novercam esse: rectius tamen, & jure facturos eos, qui ab huiusmodi nuptiis abstinerint.

10. Illud certum est, serviles quoque cognationes impedimento nuptiis esse, si fortè pater & filia, aut frater & soror manumissi fuerint.

11. Sunt & aliæ personæ, quæ propter diversas rationes nuptias contrahere prohibentur, quas in libris Digestorum, seu Pandectarum, ex vetere jure collectarum, enumerari permisimus.

12. Si adversus ea, quæ diximus, aliqui coierint, nec vir, nec uxor, nec nuptiæ, nec matrimonium, nec dos intelligitur. Itaque ii, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinet) quales sunt, quos mater vulgò concepit. Nam nechi patrem habere intelliguntur, cum & his pater incertus sit. Unde solent Spuriis appellari, *παῖδες τῶν σπυρίων*, id est

id est à satione, & ἀνάσσει, quasi sine patre filii. Sequitur ergò, ut dissoluto tali coitu, nec dotis, nec donationis exactioni locus sit. Qui autem prohibitas nuptias contrahunt, & alias pœnas patiuntur, quæ sacris Constitutionibus continentur.

13. Aliquando autem evenit, ut liberi, qui statim, ut nati sunt, in potestate parentum non sunt, postea redigantur in potestatem patris; qualis est is, qui dum naturalis fuerat, postea curiæ datus, potestati patris subiicitur: nec non is, qui à muliere libera procreatus, cuius matrimonium minimè legibus interdictum fuerat, sed ad quam pater consuetudinem habuerat, postea ex nostra Constitutione, dotalibus instrumentis compositis, in potestate patris efficitur. Quod & aliis liberis, qui ex eodem matrimonio postea fuerint procreati, similiter nostra Constitutio præbuit.

C O M M E N T A R I U S.

S U M M A R I A.

1. *Requisita ad justas nuptias: ut contrahentes sint cives Romani.*
2. *Ut sint iusta ætatis.*
3. *Malitia quomodo supplere dicatur ætatem.*
4. *In sponsalibus cur minor ætas sufficiat.*
5. *Requiritur etiam consensus ipsorum contrahentium.*
6. *Item consensus eorum, quorum in potestate sunt contrahentes.*
7. *An & iure Canonico?*
8. *Furiosi filius filiave an matrimonium contrahere possint.*
9. *Requiritur præterea, ut non subsit impedimentum inter contrahentes.*
10. *Cognatio quòduplex: & quid Cognatio naturalis, quid Linea, quid Gradus.*
11. *Inter ascendentes & descendentes prohibita nuptia in infinitum.*
12. *Cognatio legalis ex adoptione orta qualiter & inter quos impediat contrahi nuptias.*
13. *Inter consanguineos transversiles quale sit impedimentum utroque jure.*
14. *Fratris filiam vel neptem adducere uxorem liceat.*
15. *An amitam vel materteram.*
16. *Cognatio spiritualis inter quos sit impedimento.*
17. *Impedimentum ad finitatem. Ad finitas unde dicta, & quas personas afficiat.*
18. *Publica honestas quid, & qualiter impediat matrimonium.*
19. *Inter servos an sit matrimonium.*
20. *An inter Senatorem & libertinam, inter tutorem & pupillam &c.*
21. *Pœna prohibitas nuptias contrahentium.*
22. *An illis locus sit ex solo contractu, an verò consummato demùm matrimonio.*
23. *Legitimatio quid?*
24. *Modus legitimandi per oblationem Curie.*
25. *Per subsequens matrimonium, & requisita ad hunc modum.*
26. *An & dotalia instrumenta desiderentur.*

27. *Per rescriptum Principis.*28. *Per nominationem filii & adrogationem.*

NUPTIÆ ut ponant patriam potestatem, oportet sint IVSTÆ, legitima, ET SECUNDVM PRÆCEPTA LEGVM CONTRACTÆ. † Ubi primò requiritur, contrahentes sint CIVES ROMANI: neque enim cum servis jure civili est jus connubii, uti nec cum peregrinis, & Latinis, nisi hoc illis concessum esset nominatim. Ulp. tit. 5. Hodie cives Romani habentur omnes, qui Christo nomen dederunt. Cum ethnicis matrimonium non tenet, propter defectum sacramenti: cum hæreticis tenet quidem, quòd in iis locum habeat sacramentum, cum Christo nomen dederint, prohibitum tamen propter perversionis periculum, *can. Cave & can. Oportet xxviii. q. 1.* † Secundò, ut contrahentes justam habeant ætatem, scilicet MASCULI QUIDEM PVERES, FÆMINÆ AVTEM VIRI POTENTES. Pubertas olim ex habitu corporis collecta, uti videre est ex Tit. xxii. h. libri: postea determinata in masculis, ad annum ætatis decimum-quartum, in feminis ad duodecimum, quia tum plerumque (quod leges inspiciunt) incipiat vis generationis moveri. † Jure tamen Canonico, si malitia ætatem suppleat, etiam ante dictam ætatem contrahi matrimonium permittitur, & contractum tenet, *cap. De illis De desponsat. impub.* idque ad evitandum fornicationis periculum. Non consistit autem malitia ista in solo actu generandi, verum & in insufficienti discretionem ad obligandum se, *cap. fin. d. t.* nam illius defectus facit deficere voluntatem, sine qua nulla est obligatio. † In sponsalibus contrahendis minor ætas sufficit, quâ scilicet intelligant contrahentes, quid agant, hoc est, modò non sint minores septem annis, *l. In sponsalibus 14. D. De sponsalib.* Cuius ratio est, quòd sponsalia non ponant vinculum indissolubile, cum ex multis causis ea dissolvi contingat, *de quibus 2. eod. tit.* † Tertiò CONSENSVS EORVM, QUI CONTRAHUNT, qui solus nuptias facere dicitur, *l. Nuptias 30. De R. I. & sine quo, eoque libero, nullæ sint nuptiæ.* Nam justus metus irritum poneret actum, *c. Veniens 15. De sponsalib. & matrim.* qui hac in materia præcipuè difficiles poneret exitus, *c. Cum locum d. t. Covar. de Matrim. p. 2. c. 3. §. 4.* Consensum hunc verbis exprimi non est necesse: cum & nutus, & alia certa signa sufficiant; olim etiam sine teste, modò aliàs de eo constet. Hodie ex decreto Tridentino *Sess. 24. cap. 1. de reformat. matrim.* non aliàs ratæ sunt nuptiæ, quàm si consensus exprimatür coram proprio Parocho, & duobus aut tribus testibus, ut de eo legitime constare possit. Quod ita inductum, ad evitanda frequentia adulteria, quibus olim causam dabant clandestina matrimonia, quæ de relatiùs *2. De clandest. matrim.* † Quartò, SI FILII FAM. SINT, QUI CONTRAHUNT requiri videtur, CONSENSVM HABEANT PARENTVM, QUORVM IN POTESTATE SVNT, *tex. hic in pr. l. In sponsalib. 7. D. De spons. l. 2. D. De ritu nupt. & aliis plurimis, suadente hoc & civili & naturali ratione.* Civilis consistit in patria potestate, qua non patitur quemquam hoc modo effici sui juris, & ut alicui invito adnascatur suus hæres, *§. Sed si quis inf. De adopt. Coraf. lib. 1. 1. Miscell. c. 17. & lib. 7. c. 29.*

Naturæ

Naturalis honorem ac reverentiam parentibus debitam dicat exhibendam, *tex. h. l. 2. D. De just. & jure & l. Parentes D. De in ius vocan.* Ad eò ut sint, qui omisso isto consensu, velint nuptias esse irritas jure civili. Verùm iis obstat Pauli l. C. locus, 2. *Sent. tit. 19.* ubi tradit matrimonia quidem jure non contrahi sine consensu parentum, contracta tamen non dissolvi, propter contemplationem publicæ honestatis, quæ præferenda privatorum commodis. Cuiac, *d. loco Pauli & 7. Obser. c. 5. † Jure Canonico absq; consensu parentum nuptiæ stare videntur, can. Sufficiat xxvi qu. 2. c. Cum apud 23. ‡ De sponsalib. & c. 6. De raptorib.* Ubi omnem dubitationem sustulit Trid. d. c. 1. quo anathemate damnantur affirmantes, matrimonia à filiisfam. contracta sine parentum consensu, irrita esse, vel irrita fieri posse. Et merito, cum quæ publici juris sunt, maximè spiritualis, uti matrimonium, *c. Lator ‡ De iudic. & ad vita statum spectant, nexibus patriæ potestatis obstringi non debeant, can. Puella xx. q. 2. c. fin. De iudic. in 6 Costal. ad l. 1. D. De ritu nupt.* Optant tamen & Canones, ex honestate consensum parentum adhiberi, quorum consilio liberi dirigantur, quocirca à immaturo consilio præcipitari non raro contingit in gravia incommoda Quo modo accipiendi *can. Nostrates xxx. q. 3 & c. Non omnis xxxii. q. 2.* qui cum matrimonia sine parentum consensu contracta dicunt minùs solemnia, non respiciunt substantiam, sed solùm ritum & honestatem. Quod verò dicitur hic de naturali ratione, intelligi debet, non quasi necessariò illa præscriberet consensum parentum adhibendum, sed quia suadeat tantùm, & officio liberorum sit convenient, eum impetrari. Cur enim aliàs matris quoque consensus non requiritur? cur emancipato non est necessarius consensus patris? *l. Filius 25. D. De ritu nupt.* cur avi solus ad neptem elocandam consensus sufficit, non etiam patris necessarius? *l. Oratione 16. §. 1. D. d. tit.* cum naturà omnibus parentibus idem honos debeat, *l. 4. D. De curat furios. & tempore loco, personis non mutetur, §. sed naturalia sup. De iure nat. gent. & civili.*

§. Vnde questum.

8 **Q**uia nuptiæ parentum consensum desiderant, ideò hic refertur dubitatum fuisse, AN FURIOSI, cujus nullus est consensus, FILIUS FILIÆ Vxorē DUCERE, AVT NVBERE POSSIT? Quod in filia facilè fuit receptum, ex eo, quòd nati ex filia patri non sint sui, sed mariti familiam sequantur. In filio causam hæsitandi dabat, quòd ex eo adnascantur patri sui hæredes, qui invito & ignorantì obtrudi non debent, §. *Et tam filium inf. tit. seq.* Invito autem & ignorantì similis furiosus, *l. Si furioso 24. D. De oblig. & act.* Verùm & in filio idem admitti voluit ratio, cui durum esset ob casum patris abstinere nuptiis, & expectare eius consensum, cui nullus est sensus. Idem & in patre capto ultra biennium, & absente ultra triennium, qui ignoratur an sit, & ubi sit, dummodò eam ducat filius aut tali nubat filia, cujus conditionem certum sit patrem non repudiaturum, *l. c. 10 & 11. D. De ritu nupt.* Ita enim suadet publica nuptiarum utilitas, *l. In bello 12. §. medio 3. D. De capt. & pos. lim. reverf.*

§. Ergo

§. Ergo non omnes.

DEnique ut nuptiæ sint justæ, requiritur, inter eas personas ineantur, quæ jure non impediuntur. Est autem impedimentum triplex, scilicet COGNATIO-⁹ NIS, AFINITATIS, ET PUBLICÆ HONESTATIS. † COGNATIO jure civili cognita duplex est, NATURALIS, de qua hoc §. & CIVILIS seu LEGALIS, de qua §. seq. Est & cognatio SPIRITUALIS, juris Canonici inventum, quæ contrahitur ex Baptismate & Confirmatione, de qua §. De cognat spirit. cognita & legibus, l. Si quis 26. C. De nupt. COGNATIO NATURALIS EST VINCVLVM PERSONARVM AB EODEM STIPITE DESCENDENTIVM, CARNALI PROPAGATIONE CONTRACTVM. Distinguitur lineis sive limitibus, l. Stemmata 9. D. De gradib. & adfin. linea gradibus, l. 1. 2. & 3. D. eod. Linea est collectio personarum ad eundem stipitem relatarum. Gradus de proximo in proximum cognatum transitus, l. Iurisconsultus §. gradus 4. D. eod. Suntque gradus cognationum in linea recta alii superioris ordinis sive ascendentium, ut parentum; alii inferioris sive descendentium, ut liberorum. Transversa linea respicit agnatos & cognatos à latere venientes, d. l. 1. in pr. l. 9 & 10 §. 3 Vide inf. tit. De gradib. cognat. ubi de graduum computatione ei loco propria. † Quantum ad prohibitionem attinet, INTER EAS PERSONAS, QUÆ PARENTVM LIBERORVMVE LOCVM INTER SE OBTINENT, id est inter ascendentes, VSQVE IN INFINITVM CONTRAHI NVPTIÆ PROHIBENTVR, tex. hic Aver-
satur enim pudor & reverentia, quam inferiores superioribus debent, hujusmodi conjunctionem, nec eam ut nefandam patitur jus naturale, l. Adoptivus 14. §. unde nec vulgò De ritu nupt.

§. Et hac adeo.

LEGALIS COGNATIO ex adoptione orta legis est inventum, impediens nup-¹² tias INTER EOS, QUI PER ADOPTIONEM PARENTVM LIBERORVMVE LOCO SIBI ESSE COEPERINT, tex. hic, hoc est inter adoptantem & adoptivam, sive filiam, sive neptem, l. Quin. 55. D. De ritu nuptiar. & adoptati uxorem, quatenus protenditur potestas, in qua consistit causa impedimenti. Impedit etiam laterales; adoptivus enim frater non potest jungi veræ filiæ adoptantis, nec è contrà Quod ita convenientissimè statutum, propter quamdam conjunctionem naturali similem, ex qua oritur quedam reverentia & amicitia inter tales cognatos, §. sed si qua inf. eod. An & duo legitimi liberi tantum contrahant hanc cognationem, disputatur. Et hoc posset videri, propter patriam potestatem, cui sunt subiecti. Volunt tamen communiter contrarium, ex eo, quòd lex eius cognationis non meminerit, ut non debeat induci prohibitio sine textu. Est autem differentia inter lineam rectam & lateralem: nam in illa durat prohibitio, etiam dissoluta adoptione; in hac verò, adoptione finita per emancipationem alterius aut mortem adoptantis, cessat impedimentum. Ratio est, quia in linea recta est inductum hoc impedimentum propter reverentiam, quam debet adoptatus adoptanti, tamquam filius patri, durantem etiam post adoptionem solutam, cum supersit saltem me-
H
moriam

moriam aliquam adoptionis & pudoris, vetantis tales nuptias contrahi. In transversa verò linea inducta est ex interpretativa inter eos fraternitate, quæ definit, adoptione solutâ. Sunt autem dicta vera tantum in adrogatione, per quam quæritur hodie patria potestas, non ita per adoptionem, uti dicitur *inf. Tit. seq.*

§. Inter eas quoque.

13 **I** NTER CONSANGVINEOS TRANSVERSALES EST IMPEDIMENTVM MATRIMONII NON IN INFINITVM, SED TANTVM VSQVE AD QVARTVM GRADVM EXCLUSIVE, IVRI CIVILI. Adeo ut hoc jure frater sororem quidem non ducat, nec eius filiam, nec neptem, proneptem, & deinceps; cum patruus, avunculus, amita, matertera, habeantur loco parentum: duorum tamen fratrum vel sororum liberi rectè conjungantur. §. *Duorum autem inf. eod.* Jure Canonico hæc paulò aliter se habent, non quidem quoad lineam rectam; in ea enim est & prohibitio in infinitum, ex dicta ratione: sed quoad transversalem, in qua prohibitio se extendit ad quartum gradum inclusivè. Et præterea numerantur duæ personæ pro uno gradu, cum jure civili singulæ personæ gradum constituent. Sic frater & soror primum gradum jure Canonico faciunt; nepos, neptis secundum, & deinceps: ut qui jure Canonico sunt in secundo gradu, jure civili sint in quarto. Sequimur autem hac in materia jus Canonicum. Prohibitionis huius ratio est, ut ad majus civitatis bonum amicitiae vincula protendantur, quæ inter prædictas personas satis arcta fecit consanguinitatis fœdus.

§. Fratris verò

14 **V** Idetur hic loco regulæ poni, CIVIS FILIAM VXOREM DVCERE NON LICET, NEC EIVS NEPTEM PEMMITTITVR. Quæ regula tantum potest pertinere ad eum casum, in quo alter alteri est loco parentis. Alias certè vera non foret, cum amitam quidem meam non ducam uxorem, eius tamen filiam rectè ducam de jure civili, §. *Duorum inf. eod.*

§. Item amitam.

15 **Q** Uæ hic de amita adoptiva dicuntur, rectè procedunt, ratione potestatis, l. *Si qua 12. in fine D. de ritu nupt.* ubi dicitur contrahi cognatio cum sorore patris adoptivi, ex eodem patre nata, non & ex alio. Ut trahere idem ad materteram sit erroneum, cum adoptiva matertera dari nequeat: est enim matertera matris soror, mater autem non adoptat, ut dicitur *Tit. seq.* Nihil obstat hic textus; nam in eo præcipuè fit mentio amitæ naturalis: adjungitur autem mentio adoptivæ, ut & matertera sit intelligenda naturalis, & vera tantum, cum ei non subjungantur verba, *licet adoptivam*. Videtur contraria esse, l. *Quin etiam 55. v. de ritu nupt.* quæ dicit, patris adoptivi materteram non duci uxorem: verum non malè quidam putant, verbum *materteram* ibi in textum irrepsisse. Vel dicendum, ibi non prohiberi cum tali matertera matrimonium, propter cognationem, quæ nulla esse potest secundum jam dicta; sed quia indecens sit, eam duci in uxorem ab eo, qui loco filii est, cui is, qui loco patris est, debet reverentiam. Sic enim contingeret filium esse supra patrem adoptivum.

Quantum ad spirituales cognationem ortam ex Baptismo, & Confirmatione, ea prohibet conjunctionem inter baptizantem & tenentes ab una parte, baptizatum eiusque parentes ab altera: qua de relatiis: *De cognat. spirituali.* 16

§. *Adfinitatis quoque veneratione.*

SECUNDUM impedimentum ADFINITAS, ex eo dicta, quod duæ diversæ cognationes per nuptias copulentur, & una ad alterius fines accedat, *l. 4. §. sed quoniam D. De gradib.* ut sit PROPINQVITAS PERSONARVM EX COPVLA PROVENIENS CVM ALTERIVS COGNATO HABITA. Adficit tantum personas junctas, nec eas egreditur: quo modo vir est adfinis omnibus cognatis uxoris, & e contra uxor omnibus cognatis viri, eo modo & gradu, siue directo, siue transverso, quo virum aut uxorem concernunt. Nam cum per copulam sint facti una caro, non potest unus quis esse propinquus, quin & alterum afficiat, *can. Fraternitas xxxv. qu. 10.* Cognati hinc inde nullam inter se necessitudinem contrahunt: quo modo mariti soror fratri uxoris rectè nubit; eiusque filia rectè ducitur à filio uxoris ex alio marito, §. *mariti tamen inf. eod.* etiam si ex novo parentum matrimonio sit communis frater aut soror, *l. Generali 34. §. penult. D. De ritu nupt.* Lineis aut gradibus non est distincta adfinitas, *d. l. 4. §. gradus.* Est tamen quædam series ad instar graduum cognationis: quo modo Paulus videtur ab utriusque graduum appellatione, eam ad finibus attribuens in *l. fin. D. De gradib.* Sunt enim quidam loco parentum & liberorum, ut socer, socrus, gener, nurus, vitricus, noverca, privignus: quidam etiam loco fratrum & sororum, uti levir mariti frater, glos mariti soror, sororius sororis maritus, fratria fratris uxor, *d. l. 4. §. gradus.* Est autem prohibitio inter eos, qui sunt invicem loco parentum & liberorum, *text. hic.* Inter reliquos usque ad quartum gradum inclusivè, ad instar cognationis, *c. Non debet De consanguin & adfin.* quatenus agitur de adfinitate contracta ex copula licita: nam adfinitas ex illicita copula tantum usque ad secundum gradum impedit secundum Conc. Trid. *sess. 24. c. 4. De reform. matrim.* Quæ procedunt non tantum stante conjunctione eorum, per quos contracta adfinitas, verum & eâ dissolutâ, *text. hic.* Causa est partim in indecentia, partim, quia sufficit ista conjunctio ad animorum conciliationem.

§. *Si uxor tua.*

tertium impedimentum ponit PUBLICA HONESTAS, quæ in nuptiis maxime attendenda, *l. Semper D. De ritu nupt.* estque PROPINQVITAS QUÆDAM EX DESPONSATIONE PROCEDENS CITRA COPVLAM. In quo distinguitur ab adfinitate, ad quam desideratur copula. Ratio huius impedimenti est, quod sit honestati consonum, propter inchoatum matrimonium per desponsationem, interdici conjunctionem alterius sponsi cum altero. Indecens enim, eam, quæ fuit parisi sponsa, filio nubere, & e contra, *text. hic.* Uti & filiam ex uxore dimissam nemo ducit, licet non sit privigna. Quæ res spectat ad jus Romanum, quo

divortia erant permiffa, neutiquam ad legem Evangelii. Non ponitur autem hoc in cafu impedimentum hodie ex fponfalibus validis ultra primum gradum, ex matrimonio verò ufque ad quartum gradum, ut traditur ꝫ *De confanguinit.*

§. *Illud certum.*

- 19 **I**nter fervos jure civili in plerisque non eft cognita cognatio, quòd hoc jureervi pro nihilo fint, & pro mortuis habeantur, *l. Quod attinet 32. & l. Servitutem 209. De R. I.* Hac tamen in materia, cum naturalis pudor infpiciatur, etiam habetur ratio cognationis in fervitude contractæ, & ex ea ponitur impedimentum inter manumiffos. Dico, manumiffos, nam inter fervos non erat matrimonium, fed tantum contubernium. *Paul. 2. Sent. tit. 20. & l. Cum ancillis C. De incest. nupt.* Canones etiam inter fervos matrimonium admittunt, dominis quoque invitis; quibus tamen jura fua funt falva, ꝫ *De coniugio fervor.*

§. *Sunt & alia.*

- 20 **P**onebatur & olim impedimentum ex IMPARITATE DIGNITATIS; senatorii enim ordinis, eorumque liberi, non ducebant libertinam, nec è contra, quod fublatur per *Novel. Ut liberti de catero 78. §. si quis autem.* Ex ÆTATE; nam viro fexagenario, fæminæ quinquaginta annis majori, nuptiæ erant prohibitæ ex lege *Jul. Papiæ*; verum ea prohibitio fublata per *l. Sancimus 27. C. de nuptiis.* Item ob POTESTATEM: ita enim officium in provincia adminiftrans inde oriundam, vel domicilium ibi habentem, ducere non poterat, quòd præfumeretur metus, *l. Si quis officium 38. D. de ritu nupt.* Sponfam tamen ante officium, uxorem rectè ducebat, ceffante tunc metu concuffionis, *d. l. Si quis officium §. 1.* Sic nec tutor pupillam fuam quondam fibi jungebat, nec filio collocabat, *l. Tutor 26. l. Senatusconfulto 59. cum l. seq. D. de ritu nupt & tit. C. de interd. matrim. inter pup. & tut.* nepuellæ in re familiari circumfcriberentur, necdum redditis rationibus, *l. Libertam 64 §. 1. D. d. tit. Ulp. tit. 13 & 16.* Jure Canonico non videtur potestas aut dignitas, aut tutela obftare, cum nullibi earum fiat mentio, & requiratur, ut tantum non fubfit aliquod impedimentum, de quo fuperius. Impediunt & alia nuptias, ut error conditionis, cum quis fervam ducit, quam liberam putat: impotentia, quâ afficiuntur frigidi & malefaciati: ordo, votum, vis, metus, crimen &c. *de quibus lib. IV. decretal.* Quibus ex Concilio Trid *Seff. 24. c. 1. de reform. matrim.* accellit clandestinitas: clandestinè enim contracta matrimonia non tenent, idq; ad evitanda frequentia adulteria. Hodie itaque contrahitur matrimonium coram proprio Parocho. & teftibus duobus aut tribus, præmittis bannis five proclamationibus trinis, tribus diebus feftivis, inter Miffarum folemnia, ut per eas constare poffit de impedimentis: quamvis earum omiffio, fi aliàs nullum fubfit impedimentum, non ponat irritas nuptias.

§. *Si adversus ea.*

- 21 **V**ariæ hic ponuntur pœnæ matrimonii cum prædictis impedimentis contracti, fcilicet quòd NEC VIR, NEC VXOR, NEC NUPTIÆ, NEC DOS INTELLIGATUR, NEC LIBERI EX EA CONIVNCTIONE NATI SINT IN POTESTATE

TESTATE. Dos donatiove propter nuptias hinc inde data fisco vindicatur, nisi aetas aut iusta ignorantia excusationem præbeat, & comperto errore, dirempta sit ejusmodi conjunctio, *l. 4. C. De incest. nupt.* Infamia notatur tutor sibi aut filio pupillam jungens sine Principis beneficio, *l. Non est 66. D. De ritu nupt. l. pen. C. De interd. matrim. inter pup.* Hodie infamia cessat in casibus jure Canonico permissis. Crescit pœna adversus eos, qui incestas nefandasque nuptias ineunt, in recta aut transversa linea, per *l. 6 C. De incest. nupt.* aucta per Justinianum Nov. 12. *de incest. nupt. §. 1.* ubi reos manet publicatio omnium bonorum, cinguli privatio, exilium, &, si viles personæ fuerint, verberatio. Mulier in bonis & corpore eamdem pœnam subit, quæ sciens hujusmodi nuptiis se contaminârit. Liberi tamen exstantes ex prioribus legitimis nuptiis, ultra quod fiant sui juris, faciunt cessare publicationem bonorum pro tribus partibus, quas lex illis concedit, cum onere alendi parentem incestuosum, quia nihilominus parens est, *d. Nov. 12. §. 2. & Auth. Incestas C. eod.* Præterea natis ex ejusmodi copula denegabantur jure civili alimenta; à quo recesserunt Canones, decernentes iis alimenta præstari, *cap. Cum haberet* ✕ *De eo qui duxit quam polluit, per adult.* ne inculpabiles tanquam peccantes puniantur. Habent autem istæ pœnæ locum tantum in iis, qui nuptias contrahunt intra gradum jure civili prohibitum, non etiam Canonico; quia licet per legem novam extendatur aliqua dispositio, ut in hac materia prohibitio per Canones, et tamen extensio non videtur facta quoad pœnam; quæ non solet extendi & excedere casum, super quo posita, nisi exprimatur. Ut in gradibus jure Canonico prohibitis habeat locum pœna Canonica, scilicet excommunicatio, ultra irritationem conjunctionis, *Clem. unica De consang.* Quod & hodie obtinet, nisi per leges cujusque localiter sit dispositum. Alciat. *in c. Cum contingat num. 16.* ✕ *De jure juran.* Vide Covarr. *de Matrim. p. 2. c. 6. §. 8. num. 30.*

Controvertitur autem, An ut dictæ pœnæ locum habeant, debeat matrimonium esse consummatum? Quod aliqui volunt, eo quod incestus sine copula non ponatur. Quod videtur facere *tex. hinc*: & ratio, quod lex non soleat punire actum nisi perfectum. Panorm. *in c. Non est necesse num. 9. De donat. inter vir. & ux.* Covarr. *d. §. 8. num. 34.* Probabile tamen. ex solo contractu incurri pœnas supradictas, cum *d. l. 4. & d. Auth. Incestas C. De incest. nupt.* puniant contrahentes nuptias. Et facit, quod actus nuptiarum perficiatur solo consensu, etiam citra copulam. Quod omnino procedet jure Canonico, cum *d. Clem. unica* excommunicationi subiciat contrahentes in gradu prohibito.

§. Aliquando.

SECUNDUS ACQUIRENDÆ PATRIÆ POTESTATIS MODUS EST LEGITIMATIO. Estq; actus civilis, quo natalibus restituitur naturalis, qui cum legitimus non sit filius, fingitur talis esse legis potestate. † Ejus duo hinc modi proponuntur: prior, PER OBLATIONEM CURIÆ, live ordini decurionum, qui in municipiis colonisq; Romanis consili publici causâ conscribebantur, quali curiæ Senatores. Erat horum munus satis durum & onerosum, ut multi istam conditionem refugerent.

gerent. Alciat. 2. *Parerg. cap. 26.* ut etiam Christiani ab ethnicis Principibus pœnæ loco curiis addicerentur. Briffon. 4. *Antiq. select. c. 18.* Ideoque privilegia indulta curialibus istis, quibus ad hujusmodi conditionem suscipiendam alii invitarentur. Inter cætera, quod naturales curiæ oblatis legitimi fierent, & patriæ potestati subicerentur, *text. hic l. 3. & 4 C. De naturalib. lib. Nov. 89. Quib. mod. natur. eff. sui c. 2.* Filiæ non solitæ offerri curiæ, quod à muneribus publicis vacent: idem tamen his privilegium datum, si nubant curiali, quod per eas consuleretur curiæ, susceptis liberis, qui patris sequuntur conditionem. Verùm hic modus hodie non frequentatur.

25 Alter modus est PER SUBSEQUENS MATRIMONIUM hodie usitatus, quo SUSCEPTI ILLEGITIME LEGITIMANTUR, ET PATRIÆ POTESTATI SUBIICIUNTUR. Ubi primò requiritur, matrimonium sit verè initum, non etiam simulatum, cum ea vis tantùm detur matrimonio in favorem prolis. Ubi satis erit, sit contractum etiam in ultimo mortis articulo, *arg. c. Sicut 17. De regularib.* ubi in extremo vitæ emissum votum tenet. Nec intermedium matrimonium, ut non impedit subsequens contrahi, ejus effectum impedit. Secundò extali sit concepta proles, cum qua matrimonium esse potuit; non tantùm tempore nativitatis, ut plerique volunt sufficere, verùm etiam conceptionis. Pro qua parte adducitur, quod passim requiratur, ut proles sit concepta ex concubina unica domi habita, & ut ea, cum qua consuetudo fuit, uxor esse potuerit, *Nov. de incest. nupt. §. dubitatum & l. Nuper C. De naturalib. liber.* ubi desideratur, in contubernio habeatur ea, cum qua connubium esse poterat, scilicet tempore contubernii. Respicit enim ea conditio omninò tempus præsens habitæ copulæ: ut, si ea damnata, vel illicita fuerit, non procedat legitimatio, lege non tam non adistente, quàm etiam resistente; utpote quid requirentelo loco conditionis, quâ deficiente, tamquam formâ, deficit effectus. Rectè huc adducitur decisio *cap. Tanta 6. & Qui filii sint legit.* cujus hæc sunt verba: *Si vir, vivente uxore suâ, aliam cognoverit, & ex ea prolem susceperit, licet post mortem uxoris eandem duxerit, nihilominus spurius erit filius.* Ubi sola copula tempore impedimenti habita facit non subsequi effectum legitimationis. Et est ratio, quod lex, quæ illam limitationem posuit, non respexit ad nativitatem filii, in qua non est culpa, sed ad copulam non ita turpem & damnatam, quin purgari possit per matrimonium subsequens: turpem autem & damnatam purgari noluit. Nihil facit, quod impedimentum sit sublatum tempore nativitatis, quia ea res nihilo magis salvat damnatam copulam. Frustrâ ponitur fundamentum in retrotractione; cum ea non fiat nisi ad tempus copulæ, quo matrimonium esse potuit, quod prædicto casu esse non potuit. Et ita hanc opinionem probat & tenet Franc. Sarmentes *Select. Interpp. 1. cap. 5. num. 10.* Si tempore conceptionis non fuerit impedimentum, existerit autem tempore nativitatis, certum est, eo postea ablato per matrimonium subsequens, prolem legitimari, cum *d. cap. Tanta*, excipiat solùm casus, quo copula est damnata.

26 Tertio desiderant aliqui, ad legitimationis effectum, interveniant DOTALIA INSTRUMENTA, quod eorum passim leges meminerint, uti *§. ult. h. t. & §. 2. inf.*

inf. De hered. qua ab intest. defer. l. 10. & 11. C. De naturalib. liber. Nov. 12. De nefar. & incest. nupt. c. 4. Nov. 18. De triente & semis. c. 11. & d. Nov. Quib. modis natur. effc. sui 69. §. reliqui. Verum cum hoc tantum fiat ad certiore probationem nuptiarum, ne ad confirmandum statum liberorum quid simuletur à partibus, uti habet *Nov. Quib. mod. naturales effc. legit. 74. §. illud quoque*, verius est, ea non requiri; cum beneficium hoc non tam detur instrumentis quam nuptiis, quæ etiam sine dote consistunt, *Nov. 22. De nupt. §. nuptias.* Quod omnino procedet jure Canonico, quo solum requiruntur nuptiæ, nullâ facta mentione instrumentorum, quæ solo consensu legitime expresso contrahuntur. Consensus liberorum non videtur necessarius; cum ista vis sit attributa simpliciter nuptiis, uti jam dictum, licet patriæ potestati invitus nemo subiiciatur, quo in casu videtur accipienda *d. Nov. 89. §. generaliter.* Vide dicta ad *d. tit. Qui filii sint legit. num. 12. & Covarr. de Matrim. p. 2. c. 8. §. 2. num. 15.*

Est & tertius modus passim hodie in usu, scil. **PER RESCRIPTUM PRINCIPIS**, 27 si uxor duci nequeat illi, ex quo concepta proles, aut minus conveniat, *d. Nov. 89. §. illud.* Quod non tantum conceditur ad supplicationem patris, sed & post ejus mortem, ad preces liberorum, ostendentium, testamento paterno, quo hæredes vocantur, ita cautum esse, *d. Nov. 89. §. si verò is 10.* Non solet autem hic modus admitti, aliis existentibus liberis, ne iis præjudicium aliquod generetur quoad successionem, quam pro parte legitimati consequerentur, *d. Nov. 74. §. si quis sanè.* Si tamen Principi visum fuerit, legitimationem hanc, non obstantibus aliis liberis, concedere potest.

Fuit & quartus modus **NOMINATIO FILII**, si videlicet pater in instrumento 28 publico, aut privato trium testimoniis munito, vel in testamento, vel apud acta, filium suum naturalem nominasset simpliciter filium; quasi legitimam habuisset uxorem illam, ex qua conceptus, *Nov. Ut matri & avia 117. §. ad hoc autem, & Auth. Si quis C. De naturalib. lib. Covarr. de Matrim. p. 2. c. 8. §. 7.* Qui modus hodie non sufficeret, cum requiratur, coram Parocho & testibus exprimatur consensus, uti antè dictum. Erat præterea olim usitatum, adrogando naturales suos facere, *l. 6. C. De naturalib. liberis*: sed hoc sublatum, quod visum fuerit utilius, legitimis nuptiis quæri legitimam posteritatem, quam tot legitimandorum adminiculis libidines parentum sublevari, *l. 7. C. b. r.*

ADDITIONES V. A. D.

Num. 1. ibi, *Ulp. tit. 5.] Seneca lib. 4. de Benef. c. 35. Promisi tibi filiam in matrimonium: postea peregrinus apparuisti, non est mihi cum extraneo contubernium.* Videntur Romani mutuati hoc institutum ab Atheniensibus, qui justas nuptias non nisi inter se contrahebant. *Demosth. Orat. adversus Nearam.* Jus Canonicum etiam inter servos ac peregrinos conjugia admittit, qua de re peculiaris eo in *Jure Tit. est. Prudentius lib. 2. adversus Symmachum.*

*Distantes regione plaga, divisaque ponto
Littora conveniunt nunc per vadimonia ad unum
Et commune forum, nunc per commercia & artes
Ad cætum celebrem, nunc per genialia fulcra
Externi ad jus connubii: nam sanguine misto
Texitur alternis ex gentibus una propago.*

Num. 2. in fine.] Nam ab his annis (ut Tertulliani verbis utar lib. de Anima c. 38.) & suffusior & vestilior sexus est, & concupiscentia oculis arbitris utitur, & communicat placitum, & intelligit quæ sint, & fines suos ad instar ficulneæ contagionis prurigne accingit. Ex eoque tempore Romæ puellas, δαδεκατῆς καὶ νεωτέρας, duodecennes & minores, tradi nuptui solitas auctor est Plutar. in Vita paral. Numæ & Lycurgi, ut celerius conjugum suorum mores tenellâ adhuc ætate imbuerent, & ad obsequium victorum facilius flecti frangique possent. Ratio autem, cur fæminæ maturius pubertatem auspicentur, non inde petenda, quia caleant ampliùs, ut hinc quoque citius admoneantur generationis; sed quia naturæ infirmioris sint: ut exilia poma celerius maturescunt, robusta seriùs. Ita ferè Macrobius lib. 7. Saturnal. c. 7. Vid. Arist. lib. 7. De hist. animal. & Plutar. De placitis Philos. lib. 5. c. 24. Aliam differentiam rationem, & numerorum mysteriis petitam, adfert Clemens Alexandr. quam Soloni tribuit, quòd nimirum in masculo ætatis mutatio naturaliter fiat per septenarium, in fæmina per senarium. Macrobius in Som. Scip. lib. 1. c. 6. eò respexit. Post annos, inquit, bis septem ipsa ætatis necessitate pubescit. tunc enim moveri incipit vis generationis in masculis, & purgatio seminarum. Ideo & tutela puerili quasi virile jam robur absolvitur, de qua tamen fæminæ, propter votorum festinationem, maturius biennio legibus liberantur. Vide Galen. in Aphorif. 27. lib. 3.

Num. 3. ibi, ad evit. fornicat. peric.] Nam jure Canonum (quod hac in materia ferè omnes sequuntur) pubertatem non tam ex annorum numero, quàm ex habitu corporis, & coeundi potentia, æstimamus, c. De illis 9. & c. ult. x. De spons. impub. c. 3. & ult. De eo qui cognovit consang. ut præveniri possit tempus à jure definitum. Nam quòd masculi post XIV. ætatis annum completum puberes, fæminæ post XII. viripotentes esse dicantur, id ita accipiendum, non quasi antè non sint, sed quòd tales ab eo tempore censeri & æstimari debeant; ne scilicet ortâ quæstione super pubertate aut viripotentia, ad inspectionem habitus corporis deveniri necesse sit. Jac. Mastert. De justitia LL. Roman. lib. 2. diff. 6. Referendo habitum corporis, non tam ad impudicam quamdam indagacionem, ut inde cognoscatur aptitudo ad matrimonium contrahendum, ex sententia Platonis lib. XI. de Legib. quæ etiam videtur fuisse mens Justiniani, seu verius Triboniani, inf. tit. Quib. mod. tut. fin. in pr. & l. ult. C. Quando tut. esse des. quàm ad externam corporis figuram, formam, & dispositionem, ut generare jam possint, arg. l. Minor. 32. D. De minorib. & l. 3. C. Si minor se majorem dix. Jac. Ravard. 4. Varior. c. 10. Vide Covarr. de Matrim. p. 2. c. 5. num. 4. & Joan. Coras. in Arrest. Theos. annot. 1. ubi differit de nuptiis puellæ novem aut decem annos natæ. Exemplum hujus rei allegari ex D. Hieron. solet Epist. ad Vitalem presb. de puero decenni, qui nutricem suam

suam reliquerit gravidam: & refert simile Christian. Massæus, in *Chronico ad Ann. 1337.* de puella novem annorum in hoc Belgio, quæ ex servo sive famulo conceperit.

Num. 7. in fine.] Vide Ant. Costanum *Quæst. juris lib. I. c. 12.* ubi probare niti-
tur, consensum parentum in nuptiis liberorum ne quidem jure civili requiri ne-
cessariò, & D. Zoef. *ad tit. Decretal. De sponsalib. & matrim. num. 68, & seqq.* Movit
Pontifices, Patresque, quòd matrimonia debeant esse libera omninò, nec ab alie-
no pendere arbitrio possint, c. *Cum locum 14. & c. Gemma 29.* ð *De sponsal. & matrim.*
l. Titia 134. in pr. D. De V. O. l. Neque ab initio 14. C. De nupt. ut hoc modo conservetur
illicata fides, concordia, & castitas conjugalis. Quintil. *Declamat. 257.* Quòd
scilicet aliquando etiam contra partis voluntatem ea, qua alioqui reprehensionem non meren-
tur, filio facere: nusquam tamen libertas tam necessaria, quàm in matrimonio est. Hodie
multorum locorum statutis, Principumve Constitutionibus prohibentur liberi,
tam masculi quàm feminae, XXV. vel XX. annis respectivè minores, absque con-
sensu parentum, vel, si is careant, proximorum consanguineorum, aut non adhi-
bita Magistratus auctoritate, nuptias contrahere, idque sub certis pœnis, etiam
exheredationis & summotionis ab omni emolumento successionis (neque enim
hec prohibitio apud nos concernit substantiam matrimonii, ut aliter contractum
debeat dici ipso jure nullum, quæ communis ferè hæterodoxorum est sententia,
sed tantùm habet civilem & moralem aliquam rationem) quatenus scilicet ar-
guitur puniturque inobedientia & contemptus filii erga patrem, non si in ipso
parente sit culpa aliqua. Qua de re in Belgio habemus Constitutionem Caroli
V. Imp. Anno 1540. 4. Octob. & alteram Philippi IV. Regis Catholici Anno
1624. 29. Novemb. Vide Henr. Kinschot. *Resp. 28. per tot.* Joan. à Sande *Decis. Eri-*
fic. lib. 2. tit. 1. defn. 2. Franc. Zyp. in *Notis juris Belg. lib. 5. tit. De sponsal. & matrim. &*
Pet. Peck. De testam. conjug. lib. 1 c. 5. ubi disputat, an & post contracta tantùm
sponsalia, non impetrato consensu, sit locus pœnis Ediçti Carolini. Similia autem
statuta in Italia, Gallia & alibi extare testatur Bald. *cons. 54. & 642. vol 5* Decianus
cons. 13. vol. 1. Ant. Faber in *Cod. suo lib. 5. tit. 3. defn. 12.* Joan. à Sande *loco jam cit. de-*
fin. 6.

Num. 11. in fine.] Eoque magis, quòd quædam etiam irrationabilia animalia
congressum illum averfentur, Nov. 12. *De incest & nefariis nupt. c. 1.* Cujus rei exem-
plum memorabile de equo matrem capite obvoluto inite coacto recitat Varro *De*
re rust. lib. 2. c. 7. & Plin. *Natur. hist. lib. 8 c. 42.* & huic geminum prorsus de camelo Æ-
lianus, *Hist. animal. lib. 3. c. 47.* Unde quod de gentibus quibusdam tradit Ovid. 10.
Metamor.

In quibus & nato genitrix, & nata parenti

Iungitur, & pietas geminato crescit amore;

transans fabulam de Myrrha Cyniram patrem ardente, quodque de Persis refert
in Octavio Minucius Felix, jus apud eos esse misceri matribus, tamquam cum ju-
re gentium & natura pugnans humana, detestandum potius quàm imitan-
dum. Vide Alex. ab Alexandro *Genial. dier. lib. 1. l. 24.* Tiraq. *de Legib. commun. Gl.*

1. p. 7. num. 45. & seq. Pet. Ærod. Rer. ab omni antiq. judic. lib. 8. tit. 2. c. 1. & Borcholt. his ad § Ergo non omnes.

Num. 13. ibi. jure civili.] Ratio diversi juris, cur scilicet inter ascendentes & descendentes in infinitum duret prohibitio, non etiam inter transversales, est hæc quod ascendentes descendantibus semper sint loco parentum, l. 1. in pr. De gradib. & ad finib. unioque sanguinis inter hos sit perpetua. At verò qui à latere veniunt, paulatim à se invicem descendunt, sicque conjunctio seu sanguis communis, quo inter se junguntur, extranei sanguinis accessione magis ac magis diluitur; ita ut cognatio naturalis juris præsumptione non ultra septimum gradum duret, l. Non facile 4. in pr. d. tit. De gradib. Nec tamen ad eum usque gradum extenditur prohibitio, ne contrahendarum nuptiarum facultas nimium arctaretur: ideoque medium gradum inter tertium & septimum elegit jus civile, ut videlicet quarto gradu nuptiæ consisterent. Ita ferè Joan. Ramus Comment. manuscr. ad h. t. sect. 5. De nuptiis inter transversos prohib.

Ibid. sororem quidem non duc.] Nam & fratres & sorores communem habent naturam, & una quodammodo sunt caro; quemadmodum parentum & liberorum secundum naturam quodammodo eadem caro est, l. Cum scimus 22. circa fin. & ibi Gl. C. De agric. & cens. lib. 10. Diversum jus obtinuisse videtur apud Lacedæmonios & Athenienses. Nam legimus Cimonem Atheuientem habuisse in matrimonio sororem germanam suam, nomine Elpinicem, non magis amore, quam patrio more ductum, ait Emil. Probus, in ejus Vita. Quamvis alii ferè omnes dicant eum contra leges & jura patriæ fecisse, pulsūque eo nomine ad tempus in exilium. Plutar. in Cimone & lib. De sera num. vind. Athen. lib. 13. Suidas dict. Κίμων & dict. Οἷος πατριος Plura de hac fratrum ac sororum conjunctione colligit Bachov hic n. 3. & 4. quibus accedat Mich. Ephesius ad lib. 5. Ethic. Nicom. Arist. apud Grot. De jure bel. ac pacis lib. 2. c. 5. n. 13. Τὸν ἀδελφὸν μίγνυσθαι τῇ ἀδελφῇ &c. Fratrem cum sorore commiscere corpus ab initio indifferens reserat: at lege lata adversus hujusmodi concubitus, jam multum sane refert non commisceri.

Ibid. nec ejus filiam] Hæc quoque in fratrum filias conjugia nova & insolita Romanis, quamvis aliis fortè gentibus solemnia, nec lege ullâ prohibita. Ideoque cum Claudius Imp. ductâ uxore Agrippinâ, fratris sui Germanici filia ingressus Senatum, decretum ab eo postularer, quo justæ inter patruos fratrumque filias nuptiæ etiam in posterum statuerentur, repertum esse nisi unum talis matrimonii cupitorem, auctor nobis est Corn. Tacitus xii. Annal. Ne tamen exemplum hujusmodi alii sequerentur, verum iterum Nerva Imp. fratrum filias in uxores duci. Xiphil. in. sive Dion in ejus Vita: talesque nuptias ut incestas, Constitutionesque, quæ huic scelesto contubernio matrimonii nomen imponunt, ut impias, damnavit Anastasius Imp. l. ult. C. De incest. nupt.

Ibid. §. duorum autem in § 4.] Concord. l. 3. & l. Non solùm 67. §. 1. D. De ritu nupt. l. Inter 23. cum l. seq. De condit. instir. l. Celebrandis 19. C. De nupt. & exemplum est in L. Lucius 78. §. filiam 8. D. Ad S. C. Trebell. Ratio est, quia tales inter se distant quarto gradu; interque patruelos ac consobrinos nullus est respectus

Aut parentum & liberorum, id est, non ut fratris mei filia mihi loco filiae est, & ego illi loco parentis; ita & duorum fratrum liberi alter alteri parentis, aut filii filiae loco est, sed situ & positione sunt pares. Talia quoque conjugia apud priscos Romanos diu ignorata fuisse, & tempore addito percrebuisse, scribit d. loco Tacitus. Theodosium vero Imp. tantum pudicitiae tribuisse & continentia, ut consobrinarum nuptias venterit, tamquam sororum, testis est Aurel. Victor: quamvis hanc patris sui Constitutionem videantur deinde abrogasse Arcadius & Honorius, l. Celebranda 19 C. De nupt. quos hic Justinianus sequitur. Saltem non nisi ex indulgentia & rescripto Principis tales matrimonio jungi poterant, l. 1 C. Theodos. Si nupt. ex rescr. pet. Cassiod. Var. lib. 7. form. 46. Vide D. Ambros. lib. 8. Epist. 66. ad Paternum & D. August. de Civit. Dei lib. 15. c. 16. D. Gregor. Magnus lib. 12. Epist. 1. respondens Augustino Angliae Episc. querenti, usque ad quoriam generationem fideles possent cum propinquis sibi conjugio copulari, *Quadam lex terrena*, inquit, in Romana Republ. permittitur, ut sive fratris, sive sororis, seu duorum fratrum germanorum, seu duarum sororum filius & filia misceantur. Sed experimento didicimus, tali conjugio sobolem non posse succrescere: & sacra lex prohibet cognationis turpitudinem revelare. Vnde necesse est, ut jam tertia vel quarta generatio fidelium licenter sibi jungi debeat. Nam secunda, quam diximus, a se omnino debet abstinere. Retulit hunc locum Gratianus in Decret. can. *Quadam lex* 20. xxxv. qu. 2. & 3. Adde H. Grotium De jure belli ac pac. lib. 2 c. 5. n. 12. & 13. Ceterum illud ex jam dictis colligitur, non omnes haece prohibitiones inter transversales esse juris naturalis, prout & Theologi docent; ac proinde jus circa eas dispensandi summo Pontifici denegandum non esse.

Num. 17. ibi, text. hic.] De hujusmodi nuptiis Ciceronis Orat. pro Cluentio verba haec sunt: *Legetum illum gemalem*, inquit, quem triennio ante filia nubenti straverat, in eadem domo sibi ornari & sterni, expulsa atq; exturbata filia, jubet. Nubit genero socrus, auspiciis nullis, nullis auctoribus, sine scitu ominibus. O mulieris scelus incredibile, & praefer hanc unam in omnia vita mandatur. Avius quoque fuit violare atque infringere jura verendum a naturalis monstrum illud Imp. Antoninus Caracalla, de quo Spartianus: Interest scire, quemadmodum novercam suam Iuliam uxorem duxisse dicatur. Quae cum esset pulcherrima, & quasi per intelligentiam se maximam corporis parte nudasset, dixissetque Antoninus, Vellem si liceret; respondisse fertur: Si libet, licet. An nescis te Imperatorem, & leges dare, non accipere? Quo audito, furor inconditus ad effectus criminis raboratus est: nuptiasque eas celebravit, quasi si sciret se leges dare, verè solas prohibere debuisset. Matrem enim (non alio dicenda erat nomine) duxit uxorem.

Num. 21. in pr. ibi, IN POTESTATE.] Civiliter haec omnia intelligenda, ut scilicet nuptiae contra legis prohibitionem contractae justae aut legitimae dici non possint, nec effectum habeant juris civilis. Ut proinde nec vir, nec uxor iusta intelligatur; nec dos, quae sine matrimonio iusto non intelligitur, l. 7. D. De jure dot. Ut etiam neque filius iustus ex tali copula nascatur. Apuleius Metamor. 6. Impares nuptiae, & praeterea in villa, & patre non consentiente factae, legitime non possunt videri, ac per hoc spurcius nascetur. Imò ut nec filii nomen mereatur. Calphurn. Flaccus

Declam. 44. *Non est filius tuus*, inquit, *nuptiis enim solemnibus non est natus.*

Ibid. ibi, l. 4. C. *Deincest. nupt.*] At mores hodierni dotem donationemve propter nuptias hoc casu reservant proximo heredi: ut & plerisque aliis casibus, quibus hereditas legatumve per leges aufertur aliquibus ut indignis, vix umquam id fisco assignant, inquit Zyp. in *Not juris Belg. lib. 10. tit. 1. in fine.* Vide Covarr. de *Matrim. c. 6. §. 8. num. 37.* Joan. à Sande *Decis. Fris. lib. 4. tit. 4. defin. 5.* Christin. vol. 3. *decis. 129. num. 4. & seqq.*

Num. 24. in fine.] Verum disputatur, an exemplo hujus legitimisationis filius naturalis à patre oblatus curiæ Principis, vel etiam ipsi liberi naturales sese Imperatoris, vel Præsidis provinciæ, aut Reip. servitio offerentes, fiant legitimi. Quod quidem negat Donel. 2. *Comment. c. 21.* quia causâ, ob quam oblatus curiæ legitimus fiebat, cesseret, ergo & ipsum beneficium: affirmat tamen Covarr. de *Matrim. p. 2. c. 8. §. 7. num. 6. & Dd. communiter, secuti Accurs. ad §. ult. h. t.*

Num. 25. ibi, emissum vot. tenet.] Facit, quod copula non sit de essentia matrimonii, sed sufficiat potentia generandi, quæ & tunc adest, licet per extrinsecum morbi impedimentum ejus usus sit suspensus. Ita D. Zoel. *ad tit. Decretal. Qui filii sint legit. n. 14.* Covarr. de *Matrim. p. 2. c. 8. §. 2. n. 10.* Gail. lib. 2. *Obs. 141. n. 8.* referens ita in Camera observari.

Ibid. ibi, *select. Interpp. c. 5. n. 10.*] Enim sequitur D. Zoel *loco cit. n. 18.* Diss. Covarr. d. §. 2. n. 2. qui tamen postea rationibus Sarmienti motus de veritate opinionis communiter receptæ dubitare cœpit.

Num. 26. ibi, quæ solo cont. legit. expresso contrah.] Nec tabulis nuptialibus opus est, quod perficiatur legitimatio. Neque etiam constituenda hîc differentia inter jus civile & Canonicum, quam agnoscit Abbas ad c. *Tanta* x *Qui filii sint legit.* Bachovius hîc & Tessaur. *decis. 83.* dicens Senatum Pedemont, licet in terris sit Imperii, judicare secundum Canones. Adde Bronch. *cent. 1. misc. assert. 97.* Donel. 2. *Comment. c. 21.* Fachin. 3. *contr. c. 51. & D. Zoel. ad tit. D. De concub. n. 15.* Verba Quinctiliani lib. 5. *Instit. Orat. c. 11.* huc refero: *Nihil obstat, quod minus justum matrimonium sit mente coeuntium, etiamsi tabula signata non fuerint. Nihil enim proderit, signasse tabulas, si mentem matrimonii non fuisse constabit.* Unde hîc per dotalia instrumenta dici potest aliud non intelligi, quam ipsas nuptias, ipsum actum, quo matrimonium contrahitur cum ea, quæ fuit antea loco injustæ uxoris, id est concubinæ.

Num. 27. in fine.] De hoc modo legitimandi vide Gudelin. *De jure noviss. lib. 1. c. 5.* ubi breviter colligit, quid ex stilo & moribus patriæ circa eum observetur: deque praxi postulanda legitimisationis à Principe, vi & effectu ejusdem, Henr. Kinschor. *Tract. De legitimatib. Nic. Burgund. Controv. ad Consuet. Fland. tract. 13. n. 15 & seqq.* Zyp. in *Not juris Belg. lib. 5. tit. De naturalib. lib.* Christin. vol. 1. *decis. 199.* Adde Joan. Baquet *tract. quem Gallicè scripsit de jure Bastardorum c. 12. & 13.* Forster. *De success. ab intest. c. 31. & aliquot seqq.*

Num. 28. ibi, uti dictum.] Vide D. Gudelin. *De jure noviss. lib. 1. c. 16. n. 5.* & Joan. Bapt. Pontanum *Tract. de Alimentis c. 3. n. 19.*

DE ADOPTIONIBVS.

TITVLVS XI.

Non solum autem naturales liberi, secundum ea, quæ diximus, in potestate nostra sunt, verum etiam ii, quos adoptamus.

1. Adoptio autem duobus modis fit, aut Principali rescripto, aut imperio Magistratus. Imperatoris auctoritate adoptare quis potest eos, easve, qui quæve sui juris sunt : quæ species adoptionis dicitur Adrogatio. Imperio Magistratus adoptamus eos, easve, qui quæve in potestate parentum sunt : sive primum gradum liberorum obtineant, qualis est filius, filia ; sive inferiorem, qualis est nepos, neptis, pronepos, proneptis.

2. Sed hodie ex nostra Constitutione, cum filius familias à patre naturali extraneæ personæ in adoptionem datur, jura patris naturalis minimè dissolvuntur, nec quicquam ad patrem adoptivum transit, nec in potestate eius est : licet ab intestato jura successionis ei à nobis tributa sint. Si verò pater naturalis non extraneo, sed avo filii sui materno, vel, si ipse pater naturalis fuerit emancipatus, etiam avo vel proavo simili modo paterno vel materno, filium suum dederit in adoptionem : in hoc casu, quia concurrunt in unam personam & naturalia & adoptionis jura, manet stabile jus patris adoptivi, & naturali vinculo copulatum, & legitimo adoptionis modo constitutum : ut & in familia, & in potestate huiusmodi patris adoptivi sit.

3. Cum autem impubes per Principale rescriptum adrogatur, causâ cognitâ adrogatio fieri permittitur, & exquiritur causa adrogationis, an honesta sit, expediatque pupillo. Et cum quibusdam conditionibus adrogatio fit, id est, ut caveat adrogator personæ publicæ, si intra pubertatem pupillus decesserit, restitutum se bona illis, qui si adoptio facta non esset, ad successionem eius venturi essent.

Item non aliter emancipare eum potest adrogator, nisi causâ cognitâ dignus emancipatione fuerit, & tunc sua bona ei reddat.

Sed & si decedens pater eum exheredaverit, jubetur quartam partem ei bonorum suorum relinquere, videlicet præter bona, quæ ad patrem adoptivum transiit, & quorum commodum ei postea adquisivit.

4. Minorem natum majorem non posse adoptare placet. Adoptio enim naturam imitatur, & pro monstro est, ut maior sit filius, quam pater. Debet itaque is, qui filium per adoptionem vel adrogationem facit, plenâ pubertate, id est decem & octo annis præcedere.

5. Licet autem & in locum nepotis vel neptis, pronepotis vel proneptis, vel deinceps adoptare, quamvis filium quis non habeat.

6. Et tam filium alienum quis in locum nepotis adoptare potest, quam nepotem in locum filii.

7. Sed si quis nepotis loco adoptet, vel quasi ex filio, quem habet jam adoptatum, vel quasi ex illo, quem naturalem in sua potestate habet: eo casu & filius contentire debet, ne ei invito suus hæres adgnalcatur. Sed ex contrario, si avus ex filio neptem det in adoptionem, non est necesse filium contentire.

8. In plurimis autem causis adsimilatur is, qui adoptatus vel adrogatus est, ei qui ex legitimo matrimonio natus est. Et ideo si quis per Imperatorem, vel apud Prætozem, vel Præsidentem provinciæ non extraneum adoptaverit, potest eundem in adoptionem alii dare.

9. Sed & illud utriusque adoptionis commune est, quod & ii, qui generare non possunt, quales sunt spadones, adoptare possunt: castrati autem non possunt.

10. Fæminæ quoque adoptare non possunt, quia nec naturales liberos in sua potestate habent: sed ex indulgentia Principis ad solatium liberorum amissorum adoptare possunt.

11. Illud proprium est adoptionis illius, quæ per sacrum oraculum fit, quod is, qui liberos in potestate habet, si se adrogandum dederit, non solum ipse potestati adrogatoris subicitur, sed etiam liberti eius in eiusdem fiunt potestate, tamquam nepotes. Sic etenim divus Augustus non ante Tiberium adoptavit, quam is Germanicum adoptasset: ut protinus adoptione factâ inciperet Germanicus Augusti nepos esse.

12. Apud Catonem bene scriptum refert antiquitas, servos, si à domino adoptati sint, ex hoc ipso posse liberari. Unde & nos eruditi in nostra Constitutione etiam eum servum, quem dominus, actis intervenientibus, filium suum nominaverit, liberum esse constituimus: licet hoc ad jus filii accipiendum ei non sufficiat.

COM M E N T A R I V S.

S U M M A R I A.

1. *Adoptio quid.*
2. *Divisio: & qualiter differat Adoptio & Adrogatio.*
3. *Adoptionis & adrogationis effectus.*
4. *Impubes an & quatenus adrogari possit.*
5. *Quarta impubers adrogati, vel quarta divi Pii an sit omnium bonorum.*
6. *Adoptare non potest minor maiorem.*
7. *Nec castrati, & cur spadonibus permittatur.*
8. *Fæminis quando adoptare permissum.*
9. *Prohibetur monachus, non alius Sacerdos.*
10. *Cur tutor pupillum prohibeatur adoptare.*
11. *Minor sexaginta annis an adoptare possit.*
12. *In locum nepotis quatenus adoptare liceat.*
13. *Ingeniti liberti, servi an recte adoptentur.*

TERTIVS acquirendæ patriæ potestatis modus est ADOPTIO, cui occasi-
nem dedit liberorum orbitas: ESTQUE LEGIS, VEL LEGITIMVS AC-
TIVS, QVO QVI NATVRA FILII NON SVNT, EFFICIANTVR: sive EST
LEGITIMA LIBERI HOMINIS IN FILIVM ADSVPTIO. (a) † Duæ eius sunt
species, scilicet, ADOPTIO specifica & ADROGATIO. Illa est hominis, qui subest
potestati alterius, hæc qui est sui juris: illa IMPERIO MAGISTRATVS, vel cor in
Magistratu, penes quem est legis actio, l. 4. D. h. t. expeditur; in hac PRINCIPIS
AVCTORITAS desideratur, *text. hic in princ.* Ratio differentiæ est, quod in illa su-
perfit pater, qui filio, quem adoptandum dat, præsumitur sufficienter consulere,
non etiam in hac; in qua cum agatur de statu civis Romani, super eo, non nisi po-
pulo auctore, aut Principe, qui populum repræsentat, est statuendum. In illa præte-
rea sufficit tacitus consensus, scilicet si non contradicat adoptandus, etiam septen-
nio minor, l. 5. D. eod. In hac verò desideratur consensus expressus, l. 4. & 5. D. eod.
Ut nemo adrogetur, nisi septennio major, cujus est aliqua voluntas; adhibitâ au-
thoritate tutoris, si fuerit impubes, quod iniquum sit solvi tutelam, non admonito
eo, cujus interest, l. fin. C. De auctorit. præstan. aut curatoris, si fuerit pubes, l. 8. D. h. t.
& l. ult. in fine C. eod.

§. Sed hodie.

VTrique speciei hoc olim commune fuit, quod, dissolutâ patris naturalis po-
testate, subiiceret potestati adoptantis, & concederet jura agnationis, non
tantum quoad liberos adoptantis, sed fratres, patruos, cæterosque ab eodem avo
aut proavo descendentes, non requisito coram consensu, l. 7. D. h. t. ita poscente
nominis & sacrorum cujusque familiæ conservandorum ratione. Et hoc sine præ-
judicio agnatorum, quibus, si nollent ad adoptivos sua bona transire, salvum est
remedium exclusionis. Erat autem differentia inter adoptatum & adrogatum,
quod hic cum bonis omnibus & liberis transfiret in potestatem adrogantis, non
etiam ille cum ex senatis. Ratio differentiæ est, quod ille sui juris existens bona &
liberos in potestate habeat, ut eum sequantur; hic autem nec bona, nec liberos in
potestate habeat, utpote in potestate alterius existens, ut cum eo nihil transferatur,
§. illud propriū inf. eod. Quæ jura etiâ hodie firma manent in adrogato, eademque sunt,
quæ olim. Adoptivi autem jura mutationem acceperunt, cum non liberetur hodie a-
doptatus à naturalis potestate patris, nec transeat amplius in familiam & potesta-
tem adoptantis, eiusque respectu quasi extraneus habeatur: nisi fortè is esset pa-
ter naturalis, uti avus maternus, aut pater emancipatus; in eo enim propter du-
plex vinculum, naturale & civile, stabile relictum jus pristinum, non etiam in ex-
traneo adoptante, *text. hic.* Ratio est, quod contingeret ab extraneo adoptatum
post mortem patris naturalis emancipari, & sic carere hereditate & patris natu-
ralis, cujus hæres non poterat esse existens in aliena familia, §. & licet post mortem 8.
& §. sed ea omnia 14 inf. De heredit. que ab intest. defer. & adoptivi, per emancipationem,
l. penult. C. h. t. In eo tamen manit jus pristinum adoptionis firmum, quod ab inte-
stato succedat patri adoptivo, *text. hic.* (b)

§. Cum autem impubes.

- 4 **I**mpubes olim adrogari non poterat, quia non videbatur fas dari tutori auctoritatem, ut caput liberum suæ fidei commissum alieni juris faceret. Postea tamen permissum, præviâ cognitione, quâ inquiritur, quæ sint & pupilli facultates, & eius, qui vult adrogare, quæ vita, ætas, num liberos habeat, an causa honesta & utilis pupillo sublit, *text. hic. & l. Nec ei 17. §. 2. & 3. D. h. t.* Cicero *Orat. pro domo sua*, Gell. *lib. 5. c. 9.* Guil. Forner. 2. *Select. c. 29.* Debet autem adrogator eo casu cavere personæ publicæ, id est tabulario, *ut habet text. datis fideiussoribus*, super restitutione bonorum pupilli adrogati proximis eius, si contingat eum intra pubertatem decedere, *text. hic*; ex ratione, ne in horum detrimentum cedat adrogatio. Dico, intra pubertatem; nam eo pubere moriente, bona eiusdem cedunt adrogatori; in detrimentum quidem proximorum, sed non tam proximo facto adrogatoris, quàm adrogati, qui pubes factus, adrogationem non improbando, uti poterat, eam approbasse videtur. † Præterea non aliter adrogator exheredare aut emancipare adrogatum potest, quàm ex causa legitima: aliàs præter bona, quæ attulit, etiam quartam bonorum suorum debet relinquere adrogato, *text. hic vers. item non aliàs & l. fin. D. Si quid in fraud. patroni fact. sit.* Ubi quod de quarta dicitur, aliqui quartam accipiunt omnium bonorum adrogantis, vim ponentes in temeraria emancipatione. Joan. Vaud. 1. *Var. quæst. c. 29.* Verùm, nihil faciente textu hoc & *d. l. fin.* simpliciter loquente, æquius est, quartam istam accipere de quarta portionis ab intestato debitæ, argumento à naturalibus liberis, quibus ea quarta sufficit ad exclusionem querelæ, *l. Papinianus 8. §. quoniam, autem D. De inoff. testam.* Ut dicti textus rectè ita restringantur, ne plus favoris videantur mereri legitimi, quàm naturales. Nec videtur ponenda vis in temeraria emancipatione; quia hæc non est tanti facienda, ut ideo aliis naturalibus sua sit portio minuenda. Ut nec iniuria exheredationis, quæ & naturali contingens, non facit eum non esse contentum quartâ portionis ab intestato debitæ. Donel. 2. *Comment. c. 23. in fine & lib. 19. c. 4.*

§. Minorem natu.

- 6 **A**doptare licet homini sui juris, non impedito aut naturâ, quam adoptio iunioratur, aut lege. Naturâ impeditur MINOR NATV ADOPTARE MAIOREM; quia pro monstro esset, filium patre esse maiorem, *ut habet hic text. (c)* Ubi præterea opus est, ut adoptans sit PLENA PUBERTATE, id est XVIII. annis major, eo quod, licet antè quis generare possit, rariùs tamen id contingat; leges autem accommodantur iis, quæ sunt frequentiora, *l. 3. & 4. D. De legib. (d)* † Impedit & eos natura, QVI GENERARE NON POSSVNT, quibus scilicet generandi facultas est adempta in perpetuum, cuius generis sunt CASTRATI, *§. sed & illud in eod.* Dico, in perpetuum; nam quibus tantum est temporale vitium, non impediuntur, uti SPADONES: quatenus nomen *spadonis* propriè ac specialiter sumitur pro iis, qui valetudine aliquâ præpediti, aut vitio corporali, liberis operam dare nequeunt, ex contortione meatuum, per quos semina ferri nequeunt, ut docent Medici.

dici. Quod vitium cum possit purgari, & redire generandi vis, non debent tales ab adrogandi licentia secludi. Generaliter vocabulum istud acceptum continet castratos, aliosque id genus, *l. Spadonum 128. D. De verb. sig. Briffon. in Lexico V. Spadones (c)*

Lege impeditur FEMINA, §. *Femina inf. eod.* quia adoptio confert jus patriæ potestatis, cuius incapax est fœmina. Cui tamen adoptare, in solatium liberorum amissorum, Principali indulgetur rescripto: cujus effectus erit successio, *l. Mulierem C. h. t.* ne utiquam etiam accedet fœminæ patriæ potestas; cum privilegia Principum secundum jus commune interpretationem recipiant, nisi aliud fuerit expressum, *l. Ex facto in pr. De vulg. & pupil. substit.* Est enim hæc res juris humani, ut per eum, qui præest juri humano, concedi possit. † Impeditur & MONACHVS; cum per votum paupertatis omni se jure privaverit. SACERDOS non excluditur, etsi ducere uxorem prohibeatur, cum generandi illi potentia sit, ejusque liberum exercitium habuerit ante sacerdotium. † TUTOREM, CURATOREM, adrogare non posse suæ fidei commissos facit interceptiendarum rationum metus, nisi exegerint annum xxv. ætatis. Vitrico tamen tutori adoptare privignum concessum, si causa sit. Cuiac. 2. *Obfer. cap. 38.* † Sexaginta annis minor licentiâ adoptandi carebat, quod magis liberorum procreationi studere debeat, quorum favor major, quam adoptivorum; nisi fortè morbus, valetudo generandi potentiam impediat, aut alia sub sit causa, *l. Li paterfam. 15. § in arrogationibus D. h. t.* Non autem nisi unus adrogandus, quod sufficienter per eum consulatur conservationi familiæ, quæ est finis adoptionis, nisi aliud exigat causa, *d. l. 15. §. item non debet.*

§. *Licet autem.*

IN LOCVM NEPOTIS ADOPTARE LICET, tamquam ex filio, quem non habet adoptans, aut habere desuit, commentitio quodam jure, non etiam tamquam ex filio adhuc vivo, nisi eius consensu. Cuius ratio in eo est, quia aliàs invito adnasceretur suus hæres, quod non est permittendum. Nepotem tamen ex filio in adoptionem dare licet sine consensu filii, cum pater utatur jure suo sine filii detrimento.

§. *Apud Canonem.*

INGENUOS adoptare moris erat; non tamen semel adoptatum, & emancipatum vel in adoptionem datum, *l. Adoptare 27. in fine D. h. t.* ne leges ludibrio habeantur, eiusdem adoptionem sæpius faciundo, & dissolvendo. Licebat & adoptare liberos proprios, qui tamen per hoc non fiebant ingenui, *l. sin D. De statu hom.* quia patronus ingenuitatem dare nequit, sed ea à Principe petenda. Servi adoptio filiū non facit, lege repugnante, quæ tantum in liberis personis eam admittit. Liberum tamen facit, lege permittente, & concurrente consensu domini: qui cum voluit filium esse, quod non potest, voluit saltem liberum esse, quod potest; cum actus si non valet ut agitur, valeat ut valere potest, *l. Gaius 12. D. De iure patron.*

ADDITIONES V. A. D.

Nu 1. in fine.] Theophilus Græcus paraphrastes ita definiebat, ut adoptio sit *actus legitimus naturam imitans, ad eorum, qui liberos non habent, solatium inventus*. Nam adoptio, sive commentum adoptionis, ut loquitur Papin in l. *Fideicommissum* 76. D. De condit. & demonst. naturam imitatur, vel, ut ait Calphurn. Flaccus Declam. 30 *beneficia naturæ & iuris imitatur*. Nec quicquam admittit à natura abhorrens, §. *minorem* 4. h. t. Dicitur & *fortune remedium* apud Senecam Rhet. lib. 2. *Contr.* 1. ideo, credo, quia familias miscet, & genitum stirpe ignobili inserit quandoque familiæ patriciæ & nobili; adeoque *abolita sæculi nomina*, ut loquitur idem auctor, *per successores novos durant*, nempe per adoptivos.

Nu 3. in fine.] Idque jure sui hæredis, & quidem ad hanc tantum modò intestati successionem, d. l. *pen.* Neque huic rei impedimento est emancipatio, quâ dissolvi adoptio ab extraneo facta potest, d. l. *pen.* §. 2. quasi illa necessariò præsupponat jus familiæ aut patriæ potestatis: quia emancipatio non est tantum patriæ potestatis aut familiæ relaxatio, sed & juris per adoptionem quasi sita dissolutio. Jus scil. nomenq; filii filiæve, & sui hæredis ad patris adoptivi intestati successionem, quod per adoptionem consecuti erant etiam ab extraneo adoptati, aliâ civili ratione, id est emancipatione, perdunt, §. *minus ergo iuris* 11. inf. De hæred. quæ ab intest. defer. Ita Marc. Lyclama 1. *Membran.* Ecl. 25. & Timæus Fab. Disp. 6. th. 5. frustra dissentiente Dom. Arumæo *Exercit.* 2. ad Instit. thesi 20.

Nu 6. ibi, *ut habet hic text.*] Notavit hoc inter alia atque exaggeravit in P. Clodio Cicero, *Orat. pro domo sua*, quem scribit, *jure Quiritum legitimo tutelarum & hæreditatum relicto, factum eius filium contra fas, cuius per atatem pater esse potuisset*. Addit deinde: *Qua maior calumnia est, quam venire imberbem adolescentulum bene valentem ac maritum: dicere, filium Senatorem pop. Romani sibi velle adoptare* &

Ibid. ibi, l. 3. & 4. D. De LL.] Ita à M. Antonino Philosopho XVIII. annos agente ex præcepto Hadriani adoptatum fuisse L. Cominodum refert in eius Vita Jul. Capitolinus. Vel dici potest, & fortè veriùs, non id hic definiri, quænam in adoptante ætas requiratur, sed ostendi tantum, quot annis adoptandum præcedere debeat. Neque enim qui decimum-octavum attigit annum statim adoptare promiscuè quemlibet potest, nisi etiam totidem annis præcedat adoptandum, quem & ordine naturæ habere filium potuisset. l. ult. D. eod.

Nu. 7 ibi, V. *Spadones*.] Mamertinus in Paneg. Juliani: *Spadones quasi à consortio humani generis extorres, ab utroque sexu aut natura origo, aut clades corporis separavit*. Quos clades corporis spadones fecit, ii propriè castrati dicuntur. Estque error manifestus multorum Interpp. qui Accursium secuti, præposterè distinguunt, quasi castrati sint, quibus testes naturaliter desunt, velut castè sic nati: spadones verò, quibus abscissi testes cult illo vel spathâ, à Græco *σπάθη*, quod evellere significat Franc. Zoannet. *Restitut. libro sing.* c. 13. Hieron. Magius *Miscell. lib. 2. c. 5* Jac. Curtius *Coniect. ad fratrem lib. 1. c. 37*. Cæterum Leo Imp. Nov. 26. & 27.

consti.

constituit, ut omnibus adoptareliceret, etiam fœminis & virginibus : item eunuchis sive castratis, quòd his vim facultatemque generandi non natura, sed hominum injuria ademerit, quorum vel ideò misereri par sit, & liberorum defectum alio modo compensare: quemadmodum, inquit, & cui vocis usus ademptus est, quæ linguæ munia sunt, per manum adimplere ; & qui sermonem labris fundere nequit, per scripturam ad ordinandas res suas procedere non prohibetur.

De aliis modis adoptandi, & quid hodie usus observet.

Porro præter species adoptionum, de quibus hoc Tit. & quarum usus frequens fuit apud Romanos, aliasque gentes, Joan. Bodin 1. de Republ. c. 4. circa fin. Greg. Tolos. Syntag. iuris universi lib. 10. c. 6. Vinnius hic in pr. (hodie verò apud nos penitus exolevit, tum ob jus patriæ potestatis admodum diminutum, tum etiam quia minus studiosi sumus propagandi nominis ac familiæ) fuere & alii modi posterioribus temporibus adinventi, sed qui neque hodie usum habent, veluti per testamentum, per sacrosanctum sacrificium, *διὰ τελεῶς ἱερῶς*, ut habet Nov. Leonis XXIV. per baptismum, per arma, per cômam sive incisos capillos, per rasam barbam, quarum adoptionum exempla colligit Pet. Pithoeus *Advers. subsec lib. 1. c. 1.* Christoph Colerus *Parer. iurisc. 7.* & Gothofr. *add. Nov. 24.* Testamento adoptatur, qui in bona & nomen testatoris vocatur, id est qui hæres scribitur, & nomen testatoris ferre jubetur, l. *Sed sciendum 7. & l. Facta 63. § 10. D. Ad S. C. Trebell.* Nihil enim mali est, honesti hominis nomen adsumere, inquit I. C. d. §. 10. Vide Cuiac. 7. Obs. c. 7. ubi id exemplis probat : quibus è Cicer. 7. ad Attic. epist. 8 hoc addo : Dolobellam video cum duobus coheredibus esse in triente : sed juberi mutare nomen. Est *πολιτικὸν ὀνόμαζον*, rectumne sit nobili adolescenti, mutare nomen mulieris testamento Ita Jul. Cæsar hæredem ex dodrante scripsit C. Octavium, eumque in familiam nomenque adoptavit, ut scribit Sueton. c. 8. & Vellejus Paterc. lib. 2. Sic & ipse Octavius hæredes instituit Tiberium ex parte dimidia & sextante, Liviam ex parte tertia, quos & ferre nomen suum iussit, teste eodem Sueton. in Aug. c. 101. Sic Cæcilius Pomponium Atticum adoptavit, ut auctor est Corn. Nepos in Vita Attici. Modi huius hodieque passim vestigia quadam repertas : atque ita Gallos quadantenus tantum uti adoptione, scribit Molin. ad Consuet. Paris §. 2. hodie 3. Gl. 2. in fine. Addit verò Tiraq. ad l. Si unquam, in verb. suscepit liberos nu 7. C. De revoc. Donat quibusdam Gallia consuetudinibus adoptionem vocari *Adfiliation*, desumptâ fortè voce ex lib. 1. Instit. Caii, ubi adoptivi dicuntur *adfiliati*. Sed & Ren. Choppinus ad Consuet. Andeg. lib. 3 c. 3. tit. 2. nu 13. docet exolevisse adoptiones in Gallia, nisi ad sit consensus propinquorum, & eorum, quorum interest. Denique notat Cuiac. ad l. Iusto 44. ex lib. xxxiii. Quest. Papin. D. De usurpat. & usucap. posse quem etiam hodie in Gallia adoptare vel adrogare filium ; sed vix quidam adoptat, inquit : nec aliâ ratione Rex sibi regnum Neapolitanum vindicat, quàm adoptionis jure, Ludovico Andium Duce, Caroli Regis fratre, adoptato à Joanna Regina, ac repudiato Alphonsio Aragonum Rege, quem prius eadem Regina auctoritate Pontificis Rom.

in Regni successorem adoptarat. Antonin. *Chronic. tit. 22.* Barth. Facius *Hist. Neopol. lib. 1.* Et quamvis adoptionum apud nos usum nullum esse scribat D. Gudelin. *De jure noviss. lib. 1. c. 13, nu. 15.* nec legem ullam extare municipalem, quæ huius usus ritusque meminerit: id tamen intelligendum puto conformiter jam dictis, ut scilicet, nulla nobis adoptionis sit vis talis, qualis olim apud Romanos fuit; cum hodie adoptati vel adrogati simpliciter non veniant nomine filiorum, nec jura liberorum vel agnationis consequantur, sed tantum habeantur alumnorum instar, quibus ad successionem intestatam patris adoptivi nullum jus est. Guil. Bened. *ad c. Rainutius in V. & uxorem nomine Adelasiam nu. 75* Imbert. *in Enchir. in vis Gall. V. Filii adoptivi.* Alioqui etiam moribus nostris adoptare licebit, vel simpliciter, vel cum pleno jure successionis, consentientibus utique iis, de quorum præjudicio agi poterat: aut si conjunctæ personæ in gradu proximiori adoptentur, tales ex proprio etiam capite & iure sanguinis succedent. Guil. Bened. *ubi sup. nu. 759.* Atque ita concepta receptaque non ita pridem fuit formula quædam adoptandi seu adrogandi auctoritate Principali in suprema Brabantie Curia. Est præterea modus quidam adoptandi per matrimonium, cujus exemplum habemus in unione prolium apud Germanos recepta, quæ pleraque cum adoptione communia habet, quando scilicet diversi tori liberi pacto nuptiali & auctoritate publicâ exæquantur; tunc enim ex anteriori matrimonio nati quasi adoptantur. Gail. 2. *Obs. 125.* Pet. Gilken. *ad l. Pactum quod dotali 15. C. De pact.* Joan. Ruding. *cent. 2. obs. 20.* Besold. *in Thesouro suo præct. V. Einkindschaft,* eaque de re singularem Tract. scripsit Jac. Rickius. Quin & imago quædam apparet adoptionis in Religiosis ac Monachis, qui ipso ingressu, seu veriùs professione solemnî se velut in adoptionem dant, & in potestatem transeunt sui Superioris vel Cœnobiarchæ, Anth. *Ingress. C. De SS. Eccles. Gl. in l. Si ex causa §. pen. D. De minorib.*

QVIBVS MODIS IVS PATRIAE POSTESTATIS SOLVITVR.

T I T U L U S XII.

Videamus nunc quibus modis ii, qui alieno juri sunt subiecti, eo jure liberentur. Et quidem quemadmodum liberentur servi à potestate dominorum, ex iis intelligere possumus, quæ de servis manumittendis superius exposuimus.

Hi verò, qui in potestate parentis sunt, mortuo eo sui juris fiunt. Sed hoc distinctionem recipit. Nam mortuo patre, sanè omnimodò filij, filiæve sui juris efficiuntur. Mortuo verò avo, non omninò nepotes neptesve sui juris fiunt: sed ita, si post mortem avi in potestatem patris sui recasuri non sunt. Itaque si moriente avo pater eorum vivit, & in potestate patris sui est, tunc post obitum avi in potestate

state patris sui fiunt: Si verò is, quo tempore avus moritur, aut jam mortuus est, aut per emancipationem exiit de potestate patris: tunc ii, qui in potestatem ejus cadere non possunt, sui juris fiunt.

1. Cum autem is, qui ob aliquod maleficium in insulam deportatur, civitatem amittit, sequitur, ut qui eo modo ex numero civium Romanorum tollitur, perinde quasi eo mortuo, desinant liberi in potestate ejus esse. Pariratione & si is, qui in potestate parentis sit, in insulam deportatus fuerit, desinit esse in potestate parentis. Sed si ex indulgentia Principis restituti fuerint, per omnia pristinum statum recipiunt.

2. Relegati autem patres in insulam, in potestate liberos retinent. Et ex contrario, liberi relegati in potestate parentum remanent.

3. Pœnæ servus effectus filios in potestate habere desinit. Servi autem pœnæ efficiuntur, qui in metallum damnantur, & qui bestiis subiiciuntur.

4. Filius familias si militaverit, vel si Senator, vel Consul factus fuerit, remanet in potestate patris. Militia enim, vel consularis dignitas de patris potestate filium non liberat. Sed ex Constitutione nostra summa Patriciatus dignitas illicò, imperialibus codicillis præstitis, à patria potestate liberat. Quis enim patiatur patrem quidem posse per emancipationis modum potestatis suæ nexibus filium liberare: Imperatoriam autem celsitudinem non valere eum, quem sibi patrem elegit, ab aliena eximere potestate?

5. Si ab hostibus captus fuerit parens, quamvis servus hostium fiat, tamen pendet jus liberorum, propter jus postliminii; quia hi, qui ab hostibus capti sunt, si reversi fuerint, omnia pristina jura recipiunt: idcirco reversus etiam liberos habebit in potestate, quia postliminium fingit eum, qui captus est, in civitate semper fuisse. Si verò ibi decesserit, exinde, ex quo captus est pater, filius sui juris fuisse videtur. Ipse quoque filius nepolve, si ab hostibus captus fuerit, similiter dicimus, propter postliminii jus quoque potestatis parentis in suspenso esse. Dictum est autem Postliminium à limine, & post. Unde eum, qui ab hostibus captus est, & in fines nostros postea pervenit, postliminio reversum rectè dicimus. Nam limina sicut in domo finem quandam faciunt, sic & imperii finem esse limen veteres voluerunt. Hinc & limen dictum est, quasi finis quidam & terminus. Ab eo postliminium dictum est, quia ad idem limen revertebatur, quod amiserat. Sed & qui captus victis hostibus recuperatur, postliminio rediisse existimatur.

6. Præterea emancipatione quoque desinunt liberi in potestate parentum esse. Sed emancipatio antea quidem vel per antiquam legis observationem procedebat, quæ per imaginarias venditiones, & intercedentes manumissiones celebrabatur, vel ex imperiali rescripto. Nostra autem providentia etiam hoc in melius per constitutionem reformavit: ut, si citione pristina explosa, rectâ viâ ad competentes Judices vel Magistratus, parentes intrent, & filios suos, vel nepotes, vel neptes, ac deinceps, à sua manu dimittant. Et tunc, ex edicto Prætoris in bonis hujusmodi filii, vel filia, vel nepotis, vel neptis, qui quæve à parente manumissus, vel manumissa fuerit, eadem jura præstantur parenti, quæ tribuuntur patrono in bonis liberti.

liberti Et præterea si impubes sit filius, vel filia, vel cæteri, ipse parens ex manu-
missione tutelam ejus nanciscitur.

7. Admonendi autem sumus, liberam arbitrium esse ei, qui filium, & ex eo
nepotem vel neptem in potestate habebit: filium quidem de potestate dimittere,
nepotem verò vel neptem retinere; & è converso filium quidem in potestate reti-
nere, nepotem verò vel neptem manumittere, vel omnes sui juris efficere. Eadem
& de pronepote & pronepte dicta esse intelligantur.

8. Sed & si pater filium, quem in potestate habet, avo vel proavo naturali, secun-
dum nostras Constitutiones super his habitas, in adoptionem dederit, id est, si hoc
ipsum, actis intervenientibus, apud competentem Judicem manifestaverit, præ-
sente eo, qui adoptatur, & non contradicente, nec non eo præsente, qui adoptat:
solvitur quidem jus potestatis naturalis, transit autem in hujusmodi parentem ad-
optivum, in cujus persona & adoptionem esse plenissimam antea diximus.

9. Illud autem scire oportet, quòd si nurus tua ex filio tuo conceperit, & fi-
lium postea emancipaveris, vel in adoptionem dederis, prægnante nuru tuâ, ni-
hilominus quod ex ea nascitur, in potestate tua nascitur. Quod si post emancipa-
tionem vel adoptionem conceptus fuerit, patris sui emancipati, vel avi adoptivi
potestati subiicitur.

10. Et quidem neque naturales liberi, neque adoptivi ullo penè modo possunt
cogere parentes, de potestate sua eos dimittere.

C O M M E N T A R I V S.

S U M M A R I A.

1. Patria potestas solvitur morte naturali.
2. Item morte civili.
3. Deportatio quid, & deportari qui dicantur.
4. Deportatio in quo differat à relegatione.
5. Restitutio & remissio Principis quid operetur.
6. Solvitur & patria potestas per dignitatem filio supervenientem.
7. Ut per Episcopatum.
8. An & per professionem monasticam?
9. An per matrimonium?
10. Captivitate quatenus solvatur patria potestas.
11. Item emancipatione: & qua dicatur emancipatio legitima, Anastasiana & Iusti-
niana.
12. An adoptione?
13. Ex nuru concepta proles quem sequatur.
14. Expositio infantis an solvat patriam potestatem.

Cum omne ortum intereat, rectè post modos acquirendi potestatem, subiiciuntur modi, quibus dissolvitur. † Primus est MORS NATURALIS, sive ejus, qui habet in potestate, sive ejus, qui subest, *text hic in princ.* Sublato enim subiecto, tolluntur jura ei coherencia. Quod non aliàs procedit per mortem avi, quàm si non exstet pater, in cujus potestatem recidat nepos.

§. Cum autem.

Secundus, MORS CIVILIS, quæ, salvâ vitâ, adimit vel libertatem, cujus ordinis est servitus. damnatio in metallum, ad inquirendas eruendasque venas metalli; ad bestias, quales servi pœnæ dicuntur: vel civitatem, uti per deportationem, *text. hic.* † Quæ ut adimit civitatem, ita & jura ejus, quæ salva esse nequeunt, civitate, à qua pendunt, amissâ. Deporrari autem quis dicitur, quando ob maleficium mittitur ad certum locum vel insulam, unde ei recedere non licet, ut reliquo orbe exclusus ibi delictorum suorum pœnas luat. Successit in locum aquæ & ignis interdictionis olim usitata, l. 2. §. 1. D. De pœnis. † A deportatione differt relegatio: non quòd sit temporanea; nam & perpetua esse potest, l. 4. D. De pœnis: sed quòd nec bona nec civitatem adimat, ut potestatem relinquat salvam, §. 1. in fine inf. eod. l. 4. & l. Relegatorum 7. §. hac est & seqq. D. De interdictis & releg. (a) † Si contingat deportatum restitui civitati, ut pristina jura recipit, ita & patriam potestatem, d. §. 1. Quod accipiendum de plena restitutione, non etiam de remissione tantum, quæ per indulgentiam Principis conceditur, l. 3. C. De sentent. passis, & continet tantum reditum in patriam, non etiam reintegrationem jurium amissorum, uti prior illa: ad quam spectat, quod habet l. fin. in fine C. d. tit. tantum valere ad restitutionem Principis indulgentiam, quantum ad correctionem valuit sententia.

Filius familias si militaverit.

Tertius est DIGNITAS FILII, non quavis, sed PATRICIATUS, quam sub Imperatoribus habere coeperunt Principum consiliarii, quos sibi tamquam Patres elegissent, ut indignum visum fuerit eos censi alieni juris, l. fin. C. De Consulib. lib. 12. Olim Patricii dicti, à Patribus, quos electos instar concilii habuit Romulus, originem ducentes. † Postea & Episcopatus liberavit à patria potestate, quòd indignum esset spirituales omnium patrem subesse sacris paternis, *Auth. Sed Episcopalis C. De Episc. & cler.* Deinde & quavis alia dignitas, & cingulum, à Curia liberans, de quibus l. fin. C. De decurionib. lib. 10. Nov. Const. qua dignitatib. & c. 81. & de Auth. Sed Episcopalis. Hoc modo liberati jus omne familiæ retinent; non secus ac si morte parentum sui juris essent facti, d. Nov. 81. §. illud, ne quod indutum in præmium, vertatur in pœnam. Militia neutiquam liberat, uti hîc exprimitur; nec sacerdotium, cum nullibi sit exceptum. † Monachum liberati rectius dixeris, cum per ingressum alterius potestati subiciatur, nec amplius arbitrium patris sequatur, *Glos. in l. Si ex causa 9. §. Papinianus V. cum statum D. De minorib. Nov. 5. de Monachis §. hinc autem & Auth. Ingressi C. De sacros. Eccles.* † Matrimonium non liberare, si jus scriptum inspicias, patet ex eo, quòd nullibi exceptum, & con-

& contrarium potius insinuetur §. patitur inf. De injur. ubi injuria filiae nuptae illata patrem tangit, idque non nisi ratione durantis potestatis. Moribus tamen in quibusdam locis aliter receptum.

§. Si ab hostibus captus.

- 10 **Q**uartus CAPTIVITAS (quae spectat ad mortem civilem) sive patris sive filii; quia per eam desinunt esse cives Romani, incapaces jurium Romanorum & activè & passivè. Non tamen ita extinguitur potestas quin reversi jure postliminii (quod est recuperatio pristini status, in quo quis fuit ante captivitatem, perinde ac si medio tempore in hostium potestate non fuisset) cum reliquis juribus eam recuperent; quomodo hîc dicitur pendere jus liberorum. Si captus apud hostes decesserit, fingitur L. Corneliâ mortuus liber ipso momento captivitatis, *tex. hic, l. In bello 12. §. 1. De capt. & postlim. revers.* Illius ratio est in commiseratione, ne afflicto addatur afflictio; hujus verò in favore conservandi testamenti facti. (b)

§. Præterea emancipatione.

- 11 **Q**uintus EMANCIPATIO, sive filii, retento in potestate nepote, sive nepotis, retento filio. ESTQUE RELAXATIO PATRIÆ POTESTATIS CORAM COMPETENTI JUDICE, l. Non nudo C. De emancip. quæ olim erat LEGITIMA inducitur a lege XII. Tabularum. requirens inter solemnitates trinam venditionem & manumissionem. Ulp. tit. 10. Supervenit ANASTASIANA, ab Anastasio inducta, qui sublatis pristinis venditionibus, & vanis observationibus, ut vocat Imp. in l. fin. C. d. t. coram Magistratu ex rescripto eam fieri permittit, l. penult. C. d. t. Tandem JUSTINIANEA sine rescripto permittit adire rectâ viâ Magistratum competentem, & coram eo parentes emancipare liberos, aut manumittere, d. l. fin. Consensus hîc necessarius est & emancipantis, §. fin. inf. eod. neque enim quis cogendus rem suam à se invitum dimittere, & beneficium tribuere; & emancipandi, ne in cuiusquam injuriam beneficium tribuatur, l. 4. C. d. t. Ex his autem causis, quibus permissa exhereditatio, etiam inviti procedit emancipatio. Sicut & sunt casus, quibus pater emancipare cogitur: veluti, si liberos malè contra pietatem affecerit, si peccandi necessitatem imposuerit; si sub conditione emancipandi relictum agnoverit, de quibus *Gloss. fin. hic.* Potest & adrogatus impubes, continuò ut pubertatem impleverit, si docuerit sibi non expedire adrogationem, cogere adrogatorem, ut se emancipet. (c)

§. Sed & si pater.

- 12 **S**extus DATIO IN ADOPTIONEM: quia nemo potest esse in potestate plurium, Quod quatenus hodie procedat, dictum est tit. præc. Quo casu ex dato in adoptionem efficitur nepos, aut etiam tantum concubitus datus, non transit in potestatem adoptivam, §. fin. inf. eod. Post adoptionem vero si quis nascitur, sequuntur patrem adoptivum.

S. Illud autem.

ANte emancipationem ex nuru concepta proles sequitur emancipantem, potestea vero ipsum emancipatum. Illius ratio est, quia conceptus pro nato habetur, ut patri ad eum sit ius quaesitum, quod non tollitur per emancipationem, si aliud non sit expressum: hujus vero quod eo tempore sit extra potestatem filius, ut non possit patri ejus per eum dari.

Volunt & dissolutionem patriæ potestatis caussari EXPOSITIONE INFANTIS, per l. 2. C. De infantib. expos. quæ tamen non tam loquitur de liberis, quàm de servis per dominos expolitis, qui ideo privantur potestate. Contringit & PRESCRIPTIONE solvi patriam potestatem, si pater patiarur filium agere tamquam hominem sui juris, l. 1. C. De patr. potest.

ADDITIONES V. A. D.

Nu. 4. in fine.) Quæ de deportatis hic dicuntur, rectè accommodentur bannitis seu proscriptis ab Imperio, ut notat Gifon. ad h. t. And. Gail. De pace publ. lib. 2. c. 12. D. Tuld. ad h. t. c. 3. Damnatis vero in opus metalli, vel ad bestias, non ab similes videntur damnati ad triremes, vel ad opus aliquod publicum. Wefend. hic, & Iod. Damhoud. in Praxi sua crim. sub fin. Certè genus hoc pœnæ (damnationis utique in metallum) ut ferum & crudele nimis sublatum voluit Constantinus Imp. l. 1. C. De gladiatorib. lib. 11. Et Iustinianus. Nov. sua constit. 22. c. 8. ex qua desumpta est au. b. Sed hodie C. De donat. inter vir & ux. sancit, ne quisquam bene natus, id est ingenuus, ex damnatione in opus metalli fieret servus pœnæ.

Nu. 10. in fine.) Hodie quia in bello capti amplius servi hostium non fiunt. ideo desijt in usum esse hic modus solvendi patriæ potestatis: & posthominij ius ad personas quod attinet. hodie inter Christianos nullum est, sed tantum quoad res. & bona, quæ belli jure dominum mutaverunt. Boër. decis. 178. nu. 2. & seq. Aut. Fab. in Cod. suo tit. De postlim. revers. desin. unicâ. H. Grot. De iure belli & pac. lib. 3. c. 5. in fine.

Nu. 11. in fine.) Porro emancipatio, si primam ejus originem inspicias, dicta inde videtur, quod per eam quis desineret patri esse quasi suum mancipium. Nam & filijfam. olim ad instar mancipiorum habiti, plurimaque illis communia fuere cum servis, ut peculium & revocatio in potestatem, si ingrati essent: & in Dig. non uno loco promiscuè usurpatur emancipatio & manumissio, Quin & Lactantius lib. 4. Divin. instit. c. 3. ita componit utramque hanc potestatem. patriam ac dominicam. ut propemodum idem ferè videatur pater & dominus, filius & servus. Nam & filius, inquit, manumittitur tamquam servus, & servus liberatus, patroni nomen accipit, tamquam filius.

De patria potestate consuetudinaria.

Lubet hic paucis inquirere, an, quæ, & quanta hodie apud Belgas patria sit potestas, de quæ modis dissolvendæ ejusmodi potestatis. Vbi opera pretium fuerit

qui filium habet in potestate, apud judicem competentem profiteatur se filium presentem patriâ potestate solvere, rogetque judicem, ut eum sui juris esse declararet. Quæ declaratio sic facta refertur deinde in acta publica. Planè moribus hujus oppidi Lovaniensis, & vicinorum locorum, usitata quoque sunt ejusmodi emancipationes, sive missiones è pane, vulgò dicunt, *vuyt den broode doen*, Gall. *mettre en sans hors du pain*: quas tamen abdicationis magis quam emancipationis imaginem obtinere scribit D. Wamef. *cent. 4. conf. 44. num. 52.* utique ad eum finem, ne parentes ex facto liberorum umquam teneantur. Sunt & alii modi, quibus hæc potestas solvi dicitur, veluti per habitationem separatam à paterna, idque vel per annum & diem, ut alibi nominatim cautum reperitur, vel longius tempus, *per tex. in l. 1. C. De patria potest.* Arn. Ferron. *ad consuet. Burdig. tit. 1. De statu & jure person. §. 2.* Zaf. *in l. Vtrum turpem 107. nu. 4. D. De V. O.* Afcian. Clement. *tract. De patria potest. c. ult. nu. 103.* Item per contractum matrimonii; transit enim hoc modo filia in potestatem sui mariti: filius emancipato similis habetur, idque vi sacramenti; quia causa matrimonii est spiritualis, quæ totum hominem vindicat & possidet. Pyrrhus *ad consuet. Aurel. tit. Quib. mod. pat. potest. sol. in fine*: & absurdum esset, virum in suam potestatem recipere uxorem, eundemque familiæ suæ caput & principem alienæ subjici potestati. Imbert. *ubi sup.* Pet. Greg. *Syntag. juris universi lib. 1. c. 10.* Paulus Bui. *ad l. 3. D. De his qui sui vel al. jur. sunt*, Sand. *Decis. Fris. lib. 2. tit. 7. desin. §.* Lamb. *Coris Advers. ad consuet. Geld. tract. 4. §. 8.*

DE TUTELIS.

TITULUS XIII.

TRanseamus nunc ad aliam divisionem personarum. Nam ex his personis, quæ in potestate non sunt, quædam vel in tutela sunt, vel in curatione, quædam neutro jure tenentur. Videamus ergò de his, quæ in tutela vel in curatione sunt. Ita enim intelligemus cæteras personas, quæ neutro jure tenentur. Ac priùs dispiciamus de his, quæ in tutela sunt.

1. Est autem tutela (ut Servius definit) vis ac potestas in capite libero ad tuendum eum, qui propter ætatem se defendere nequit, jure civili data ac permilla.

2. Tutores autem sunt, qui eam vim ac potestatem habent, exque ipsa re nomen acceperunt. Itaque appellantur tutores quasi tuitores atque defensores: sicut æditi dicuntur qui ædes tuentur.

3. Permissum est itaque parentibus, liberis impuberibus, quos in potestate habent, testamento tutores dare. Et hoc in filios filiasque procedit omnimodò, nepotibus verò neptibus, ne ita demùm parentes possunt testamento tutores dare, si post mortem eorum in potestatem patris sui non sunt recessuri. Itaque si filius tuus mortis tuæ tempore in potestate tua sit, nepotes ex eo non poterunt ex testamento

tutores

tutores habere, quamvis in potestate tua fuerint: scilicet quia mortuo te in potestatem patris sui recasuri sunt.

4. Cum autem in compluribus aliis causis posthumi pro jam natis habeantur, in hac causa placuit non minus posthumis, quam jam natis testamento tutores dari posse, si modo in ea causa sint, ut, si vivis parentibus nascerentur, sui heredes, & in potestate eorum fierent.

5. Sed & si emancipato filio tutor à patre datus fuerit testamento, confirmandus est ex sententia Prædis omnimodo, id est, sine inquisitione.

C O M M E N T A R I V S.

S V M M A R I A.

1. Divisio personarum in eas, quæ in tutela sunt, & quæ in curatione.
2. Tutelæ definitio.
3. Vis & potestas quid hic denotent.
4. Verba, in capite libero, cur ad tutorem potius referenda.
5. Officium tutoris.
6. Tutelæ quotuplex.
7. Testamento tutorem dare cur patri permittatur, & requisit ad hanc tutelam.
8. Tutor datus emancipato, vel à matre, qualiter confirmandus.
9. Tutela talis an testamentaria, an verò dativa.
10. Cur etiam posthumus tutor testamento detur.

Liberati patriâ potestate sui sunt juris, suoque arbitrio relinquuntur, quatenus ejus sunt ætatis, ut se suaque dirigere possint, & sibi prospicere: alias aut tutelæ aliorum subiciuntur, si sint impuberes; aut curæ, si puberes. Est enim naturali juri conveniens, ut qui perfectæ ætatis non sunt, alterius tutelâ regantur, §. impuberes inf. De Attiliano tut.

TUTELA hic definitur ESSE VIS AC POTESTAS IN CAPITÊ LIBERO, AD TUENDUM EUM, QUI PER ÆTATEM SE IPSE DEFENDERE NEQUIT, JURE CIVILI DATA AC PERMISSA. † Ubi verbum vis, non accipiendum pro violentiâ potestate, quasi inviti tutelæ subsint impuberes, uti voluisse videtur Accursius, sed pro iure & auctoritate, uti indicat verbum POTESTAS, interpretationis vice rectè aditum. (a) † Verba, IN CAPITÊ LIBERO, plerique referunt ad pupillum, qui non nisi liber in tutela esse potest. Sed rectius quis ista verba ad tutorem retulerit, in quo reidet ista potestas. Pro quo facit, quod tutela describitur hic act. vè, quatenus est in tutore, cuius officium continet, uti apparet ex verbis, AD TUENDUM EUM quæ volunt ista priora esse referenda ad tutorem, cui inest ejusmodi regend. potestas. Et facit quod immediate subjicitur, Tutores esse, qui eam vim ac potestatem habent. Deinde si l. C. de Servius, cujus hic & in l. 1. D. cod. fit

mentio, intellexit illa verba, in capite libero, de pupillo, debuerat posuisse, in capite sui juris: neque enim omne caput liberum subest tutelæ, sed sui juris tantum. Omne autem caput liberum etsi non sit sui juris, est tamen capax tutelæ, ut patet ex tit. seq. Bart. in d. l. 1. nu. 5. (b) † Verba AD TUENDUM EUM, id est pupillum, qui est impubes sui juris, indicant officium tutoris, & ponunt differentiam tutelæ à Cura; illa enim personis datur, hæc rebus. † Verba, JURE CIVILI DATA AC PERMISSA, ad definitionem non sunt necessaria; indicant tamen tutelæ divisionem, quæ alia est data à Lege XII. Tabb. agnatis scilicet, quæ LEGITIMA dicitur: alia permissa eadem L. parentibus, ut testamento liberis provideant de tutore, quæ dicitur TESTAMENTARIA: sicuti & alia leges permiserunt Magistratui tutores dare, de quibus *inf. Tit. xx.* quam vocant communiter DATIVAM.

§. Permissum est itaque parentibus.

7 TESTAMENTARIÆ TUTELÆ, quæ patris arbitrio est concessa, prior locus datur, & non nisi eâ cessante aliis, *l. si quis sub conditione. 11 D. De testam. tut.* quod præsumatur pater optinere liberis provisurus, *l. fin. in pr. C. De curat. forensi.* Ut tutorem ejus iusta sit datio, primò requiritur, fiat testamento, eoque perfecto, verbis directis, *l. 1. §. 1 D. De confirm. tut.* ex eoque sit adita hæreditas, ab uno saltem ex pluribus, *l. si nemo 9 D. De test. tutela;* cum non adit hæreditas testamentum sit sine viribus. Imperfecto tamen testamento, vel codicillis testamento confirmatis, vel verbis pecariis datus tutor, licet non recte censetur datus, non confirmatis, vel Prætor, propter paternam voluntatem, de qua constat, et non solenniter, *d. l. 1. §. 1. & l. 2. C. De confirm. tut.* Exhæredatio impuberis nihil facit, quò minus teneat tutela data, cujus datio non consistit in institutione, sed patria potestate, quam non extinguit exhæredatio, *l. l. 26. in fine D. De test. tut.* Secundò, datur ab eo, qui habet in potestate, *tex. hic* causat enim potestas hanc dationem. Tertiò, ei datur, qui non est recasurus in potestatem, *tex. hic. vers. itaque.* Quo modo non dabit aius tutorem nepoti recasuro in patriam potestatem, cum sit alieni juris, & ei per partem magis consulatur, quàm per extraneum. † Non dat itaque pater tutorem, non habens in potestate, filio emancipato; uti nec mater, cum potestate careat. Si tamen ille tutorem dederit, confirmabitur datio per Prætorum simpliciter, nulla præmissa inquisitione: hæc verò si dederit tutorem, non alias confirmabitur datio, quàm si instituto dederit, & præmissa sit inquisitio, *l. 4. D. De test. tut.* Ratio differentia est, quòd pater præsumatur liberis benè consuluisse, propter affectum & consilium, quo pollet. Eadem præsumptio non relevat matrem, quæ etsi affectu valeat propter institutionem, non tamen consilio. Dico, instituto, ut expressè habet *l. 4. D. De testam. tut.* & hoc, ut videatur dilexisse, *d. l. 4. D. De confirm. tut.* Ut rectè moneat Cujac. hic in *Notis*, tollendam esse negativam in *l. 4. C. De testam. tut.* quæ malè ibi interposita. Confirmatur & tutor datus filio naturali per patrem, si ei quid reliquerit, *l. fin. D. De confirm. tut.* Uti & si instituerit patronus, aut extraneus, quòd dilexisse videatur, *d. l. 4. D. De confirm. tut.*

Queritur autem, an huiusmodi tutela dicenda sit testamentaria, an verò dativa; Et licet videatur in aliquibus sapere naturam testamentariæ tutelæ, l. 3. D. d. t. dicenda tamen potius dativa, propterea quòd omnem auctoritatem à Prætorè habeat, & per ejus confirmationem ei accesserit forma, l. 1. C. De confir. tut. quæ dat esse rei, ut ante eam nullum periculum tutelæ incumbat nominatis, l. 1. & 2. C. d. (c)

5. Cum autem.

Ratio est, quòd & his expediat parentis potius iudicio tutorem habere, quàm à lege, aut arbitrio Magistratus accipere, cum ille censeatur optimè suis consuliisse; quatenus tamen non sunt recusari in alienam potestatem, ut suprà dictum est.

ADDITIONES. V. A. D.

Nu. 3. in fine.) Sæpè enim nomina diversa unum & idem significantia conjungi solent; veluti hæc ipsa *Vis & potestas* apud Cicer. lib. 3. De nat. Deor. Terent. in Heaut. Actu 4. Sc. 3.

----- Hic me Magnificè effero.

Qui vim tantam in me & potestatem habeam tanta astutia.

Quintil. lib. 2. Instit. Orat. c. 16. Quod ego, inquit, vim appello, plerique Potestatem, nonnulli Facultatem vocant, quæ res ne quid adferat ambiguitatis, Vim dico τὴν δύναμιν Potestatis vocabulum alioqui etiam ποδύνημις est, l. Potestatis 215. De V. S. Hoc loco potestas sumitur pro auctoritate quadam, quam tutor habet exercetque in caput liberum sive personam pupilli, eam tuendo ac defendendo; atque ita excluditur dominorum in servos potestas. Patria quidem potestas exercetur etiam in caput liberum, verum non in pupillum, qui sui juris effectus propriam familiam habere incipit, l. Pronuntiatio 195. §. 2. D. De V. S. sed in filiumfam, liberam quidem personam, & sic caput liberum, non ita liberum tamen, ut jus habere incipiat familiæ, quomodo pupillus hic dicitur liberum caput. Deinde major est hæc potestas, quàm tutelarior; & non tantum defensionis, verum etiam præminentie cujusdam, quam pater, ut caput & princeps familiæ, habet in filium. Cujus velut imago quædam est potestas tutelarior, quam habet tutor in pupillum, estque quodammodo loco patris, uti pulchrè ad hunc Tit. & Comment. ad R. l. lib. 1. axiom. 115. declarat Ioan. Ramus.

Nu. 4. in fine.) Aliud tamen sensisse Servium I. C. indicat Cornutus Interpres vetus Persij ad Sat. 4. v. 3. --- magni pupille Periculi.

Tutores, inquit, dicunt pupillos suos, quorum tutelam gerunt, quòd tutela sit potestas in pupillos, auctore Servio Sulpicio. Et hanc sententiam plures sequuntur, quam & probat Bachovius ad Treutl. 2. disp. 3. thes. 1. lit. C.

Nu. 5. in fine.) Officium præcipuum tutoris est, ne indefensum pupillum relinquat, l. Tutoris 30. D. De administ. tut. & consistit tum in fide ipsius tutoris, quam sanè exuberantissimam requirit; tum in favore atque utilitate pupilli. Et sic quoque diversa est ratio potestatum dominicæ, patriæ, & hujus tutoriæ, quia ista adin-

adinventæ sunt potissimum gratiâ dominorum & patrum, non servorum & filiorum; hæc verò gratiâ pupillorum Et quòd tutor curatorve sæpè in iure nostro dicitur esse vice aut loco domini, id ad providentiam ipectat pupillarem, *l. Tutor 27. D. De administ. & peric. tut. l. Qui fundum 7. §. si tutor D. Pro emptore, l. Interdum 56. §. qui tutelam D. De furt. & l. Ad ea 157. De R. l. quo modo intelligendum illud D. Pauli Apostoli, ad Galat. c. 4. Quamdiu heres puer est, nihil differt à servo, cum sit quidem dominus omnium, sed sub tutoribus & actoribus est, usque ad tempus, quod pater designavit. Similis tutoriæ videri potest magistratuum potestas sive imperium, quod magistratui competit in cives, respiciens utilitatem civium. Arist. 7. de Republ. Cicero lib. 1. Offic. Ut tutela sit & procuratio Reipubl. ad utilitatem eorum, qui commissi sunt, non ad eorum, quibus commissi, gerenda est. Planè si qua sunt privata judicia (verba sunt Cicer. Orat. pro Roscio Comoedo) summa existimationis & penè dicam capitis, tria hæc sunt, fiducia, tutela, & societas. Aequè enim perfidiosum & nefarium est, fidem frangere, quæ continet vitam; & pupillum fraudare, qui in tutelam pervenit; & socium fallere, qui sem negotio coniunxit.*

Nu. 6. in fine.) Hodie iure consuetudinario dividi quoque solet tutela testamentariam, legitimam & dativam; quamvis fortè non ita propriè species singulæ nomen suum tueantur, cum vix detur tutela legitima, quæ non sit & dativa: imò neque tutores testamentarios viros propriè esse, nec à testamento vim aut auctoritatem accipere, notat *ad Tit. prox. seq. lac. Bucherellus*; cum testamento dati tutores confirmandi insuper sint à iudice, præviâ inquisitione, an idoneum testator dederit. Nostra in Gallia, inquit Ioan. Lucius *Præf. lib. 2. tit. 3. in pr.* neque lege, neque testamento tutores, sed tantum ex inquisitione dari receptum est. Nam iudex antequam decernat administrationem etiam tutori testamentario, solet inquirere, an duraverit patris voluntas, vel an celata & ignorata tutoris emerit improbitas, aut inimicitia cum patre exarserint, ut in *l. In confirmando 8. & per tot. D. De confirm. tut. Nec* antè tutor potest tutelam gerere, quam ei à Magistratu decreta & commissâ fuerit administratio, *arg. l. ult. vers. illo procul. Arbitr. tut.* Imò antè decretam sibi administrationem tutor de consuetudine non tenetur pupillo, quamvis secus de iure, *l. 1. D. De administ. tut. & l. Si nemo 9. De testam. tut.* Ad quæ recurdum mores ejus regni tutelam omnem dativam censeri, post Imbert. in *Enchir. l. Gal. v. Tutela*, auctor est, *d. loco Bucherel. Ioan. Gillelius Tract. quem Gallicè scripsit de Tutela & curat. c. 5. & Philib. Bugnonius De Legib. abrog. lib. 1. satyr. 20.* Quod tamen locum non habere in his nostris regionibus scribit *Christin. vol. 3. decis. 147. nu. 4.* cum nihil usitatus apud nos sit, quam tutores testamento vel codicillis dari. Quamvis & illud ferè ubique obtineat, ut dati hoc modo, vel etiam vocati à lege, citentur deinde coram magistris pupillorum, vel coram Magistratu ordinario loci, ubi defunctus pupilli parens domicilium tempore mortis habuit, ab iisdem confirmandi & approbandi: nec confirmatio ista efficit, quòd non ius testamentarij sint vel dici debeant. Vide *Christin. ad consuet. Mechlin. tit. 19. art. 3. nu. 10. & seq. & quæ infra ad Tit. 1 §. dicentur.*

Nu. 9. in fine.) Vide Dom. Zoef. *ad D. eod. tit. & Christin. ad consuet. Mechlin.*

ehlin. tit. 19. art. 6. nu. 16. ubi tradit contrariam opinionem (scil. tutorem testamento datum & confirmatum potius testamentum dicendum esse, & legitimis præferendum) videri veriore ac magis communem, & proinde ab ea, tamquam receptiori in praxi, non recedendum.

QVI TESTAMENTO TVTORES DARI POSSVNT.

TITVLVS XIV.

Dari autem tutor potest testamento, non solum paterfamilias, sed etiam filiusfamilias.

1. Sed & servus proprius testamento cum libertate rectè tutor dari potest. Sed sciendum est, eum sine libertate tutorem datum, tacitè libertatem directam accepisse videri, & per hoc rectè tutorem esse. Planè si per errorem, quasi liber, tutor datus sit, aliud dicendum est. Servus autem alienus purè inutiliter testamento datur tutor: sed ita, *cum liber erit*, utiliter datur. Proprius autem servus inutiliter eo modo tutor datur.

2. Furiosus, vel minor viginti quinque annis, tutor testamento datus, tutor tunc erit, cum compos mentis, aut major viginti quinque annis fuerit factus.

3. Ad certum tempus, vel ex certo tempore, vel sub conditione, vel ante heredis institutionem posse dari tutorem non dubitatur.

4. Certæ autem rei vel causæ tutor dari non potest: quia personæ, non causæ, vel rei, tutor datur.

5. Si quis filiabus suis vel filiis tutores dederit, etiam posthumo dedisse videtur, quia filii vel filia appellatione & posthumus & posthuma continentur. Quòd si nepotes sint, an appellatione filiorum & ipsi tutores dati sint? Dicendum est, ut & ipsis quoque dati videantur, si modò liberos dixerit. Cæterum si filios, non continebuntur: aliter enim filii, aliter nepotes appellantur. Planè si posteris dederit, tam filii posthumi, quàm cæteri liberi continebuntur.

COMMENTARIVS.

SVMARIA.

1. *Filiusfam. cur tutor dari possit.*
2. *Servus proprius an & qualiter rectè tutor detur.*
3. *An talis tacitè directam libertatem consequatur.*

4. *Servus alienus quando tutor dari possit.*
5. *Item minor & furiosus.*
6. *Tutela datio quando sit actus legitimus.*
7. *Mulier quando tutela officio recte fungatur.*
8. *Tutor an detur certa rei vel cause.*
9. *Utrumque omnino veniant & possint in nomine liberorum nepotes.*

1 **T**estamento tutor dari potest quilibet, cum quo testamenti fidei est, *l. Testamento 21. D. De testam. tut.* NON SOLUM PATERFAMILIAS, SED ET FILIUSFAM. cum in publicis parria notestis non attendetur *l. Filiusfam. 9. D. De his qui sunt sui vel alieni iur. l. Nam 14. D. Ad S.C. Trebell.* (a) **NEC TANTUM LIBER, SED ET SERVUS.** Quod si proprius fuerit, consequetur hodie libertatem, etiam si ea adscripta non sit, uti olim requirebatur; cum concessio aliquo, videantur omnia concessa necessarii eo spectantia, *l. 2. D. De iurifil.* Uti hoc in casu, quo necessaria est libertas ad tutelam, quæ ad munus publicum aliquo modo spectat, quo non finguntur servi. Procedat autem hoc primo, **NE PER ERROREM QUASI LIBER TUTOR DATUS SIT** *ex hic & l. Si quis, 22. D. De testam. tut.* Errantis enim nullus est contentus. Secundo, **SI PURE DATUS SIT** nam conditio, *si vel quando liber erit*, vitabit dationem, quod differendo talem in eventum videatur dare noluisse tutorem testator, *l. Si servus 21. D. De condit. instit.* Quod autem hic ait Irp. **DIRECTAM** tali servo competere **LIBERTATEM**, videtur hoc fuisse contra ius antiquus, quo tantum competebari de iur. commissa, uti expressum *l. Fisi non adscripta 9. C. De fideicommiss.* Ut Cujac. *hic in Nat.* dicat Justinum hoc ipsum fecisse invita Iuriprudencia. (b) **SERVO ALIENO** non recte assignatur tutela testamenti, nisi sub conditione, quia in eum nihil iuris est testatori: ut dicatur hic, **INUTILITER TUTOR DARI PUR.** Quod accipiendum videtur quoad tempus præsens; nam isti dationi subest conditio, si vel quando liber erit, *l. Si hereditas 10. §. fin. D. h. e.* ita postulante pupilli favore: & heredi incumbit ejus redemptio ac manumissio. (c)

§. *Furiosus.*

5 **P**osset videri minus civile quod hic dicitur, **MINOREM, FURIOSUM ET SIMILES POSSE DARI TUTORES TESTAMENTO**, cum mente careant, & in suis rebus alieno indigent auxilio. Sed male: cum nominatio ista, ex mente testatoris, habeat subintellectam conditionem, ubi sue mentis fuerint, aut morbo corporali liberati, aut iusta etatis ætate, *ex hic.* Cui non obstat, quod tutela sit actus legitimus, *l. l. ius 77. De R. l.* nam ea lex intelligenda de tutela legitima, non etiam de testamentaria, quæ non spectat ad actus legitimos, cum conditionem admittat, possitque dari ad tempus & ex tempore certo, *ut habet hic lex.* In quo distinguitur hæc datio ab ea, quæ fit per Magistratum, quæ non potest pendere ex eventu, sed certa esse debet quia non fit qui Magistratus factum impleat. Quod aliter se habet in testamentaria, quæ pendente, per Magistratum pro ætate pupillo, substituto alio tutore,

tutore, qui interim pupillum regat, *inf. tit. 20. §. 1. †* MULIER olim non dabatur tutrix, quòd virilibus numeribus, inter quæ tutela ponitur, non fingatur. Hodie mater & avia testamento rectè dantur, & non datæ legitimis præponuntur, si remittent beneficium S. C. Velliciani, & ad secundas nuptias non convolent; per eas enim à tutela removerentur, *Nov. 100. §. Auth. Matr. C. Quamvis mulier tutrix &c.* quòd præsumantur non ita ex re pupillorum rem gesturæ. (c).

Quod autem hic dicitur, CERTÆ REI VEL CAUSSÆ TUTOREM NON DARI, ea ratione, QUIA TUTOR PERSONÆ, NON CAUSSÆ VEL REI DETUR, aliqui restringunt ad res certas; quasi rei universali rectè detur tutor, induci per l. *Sitamon 15. D. De testam. tut. & l. Paulo 27. D. De tut. &c.* ubi rei Syriaca & Africana tutor dari dicitur. Verùm ea loca parum faciunt, cum res universalis sit & res; tutor autem tantum detur personæ, ut patet ex definitione, §. 1. *sup. De tutela & l. Eufi 12. D. De test. tut.* Nec obstant loca in contrarium allegata; quia in iis non datur tutor primariò rebus, sed tantum secundariò, causante nimirum bonorum distantia alium tutorem dari, primariò quidem personæ, quem tueatur, in comituentiam autem res ipsas defendat. Et ita dicitur in d. l. 17. provincialium rerum, quæ sunt pupillo, eidem tutorem dari à Præside, earum verò, quæ Romæ sunt, à Prætorè. (c).

§. Si quis filiabus.

FILIUS FILIABUSQUE DATO TUTORE ETIAM POSTHUMIS DATUS CENSETUR, cum veniant nomine liberorum primi gradus, & habentur pronoti, §. *illud sup. De ad. p. & l. Quæritur D. De statu hom. FILIUS DATUS TUTOR ETIAM FILIABUS DATUS CENSETUR, quòd sermo masculinus femininum concipiat, licet non è contra. Nepotes liberorum nomine quidem continentur, quòd latius pateat non eni illud, l. *Liberum 20. D. De l. s. uti &c.* posterorum; filiorum enim nomine non veniunt, quòd nomen hoc sit strictius. Interim tamen & filiorum nomine continentur, ex mente pronuntiantis, l. *de 24. & l. l. 101. D. De v. s.* tunc autem non est necesse eos contineri, cum alio modo in provideri possit.*

ADDITIONES V. A. D.

Nu 1. in fine.) Unde non obstat regula, quòd qui in potestate est, alium in potestate sua habere nequeat, l. *Sicereus 21. D. Ad l. Iul. de ad. l. Ad eò unec tricenario quidem filio (inquit Seneca lib. 3. contr. 3.) adquirere licet. Neque enim quisquam potest alium in manum suam recipere, qui ipse in alius manu est non, inquam, obstat, quia tutelam placuit publicum munus esse, *ex inf. De exco. tut. in pr. & l. 2. §. 2. D. Qui p. tut.* In his verò, quæ ad ius publicum, id est causam publicam pertinent, filius fam. non sequitur ius potestatis, quod privatum hominis & familie ius est, sed habetur pro patre fam. l. *6. D. De cap. min. &c.* Non ignoro (inquit Fabius Max. ad filium Conf. apud Valer. Max. lib. 2. c. 1.) quid patriæ venerationi debeat, verùm publica iustitia privatis pietate potiora duco. Quodique*

ex d. l. 2 1. pro regula adfertur, non nisi de eodem genere potestatis accipi debet; patriæ scilicet vel dominicæ, quæ κατ' ἐξοχὴν talis est. Moribus nostris de hoc ne quidem causa fuerit dubitandi, cum vix ulla ratio habeatur patriæ potestatis, saltem ad successiones & tutelas quod attinet: ut ea illi vis non sit, quæ impediatur filiumfam. dari tutorem, nec fictio aliqua hic locum habet.

Nu. 3. in fine.) Contra Ant. Faber contendit, directam libertatem datam videri, eamque ipso jure competere, perinde ac si servus & liber & tutor esse iustus esset: quem vide G. Conject. c. 16. & dissentientem Bachov. ad Treutl. vol. 2. disp. 8. th. 2. lit. G. Præsumit enim lex testatorem servo suo libertatem quasi mortis causâ dedisse: ut sic non sit necesse servo, aditionem hæreditatis expectare, priusquam fiat liber, sed statim mortuo domino censetur liber ex tacita donatione factus. Ramus hic. Adde Donel. 3. Comment. c. 4. Tim. Fabr. disp. 7. th. 8. D. Zoef. ad D. tit. De testam. tut. nu. 7.

Nu. 4. in fine.) Nam in persona servi non consistit tutela, nisi sublato servitutis impedimento, qui sic incipit esse caput liberum: nec ei, qui nominatus est tutor, obesse debet, servum fuisse, quia officium & munus tutelæ dixi positum esse in fide tutoris: atqui servi fide & integritate sæpe præstant liberis hominibus. Eleganter Macrobius lib. 1. Saturn. c. xi. non fortunâ homines æstimandos ait, sed moribus. sibi quisque dat mores, inquit; conditionem casus assignat. Deinde exemplum subjungit de Anaxilao Messenio, qui liberis suis tutorem dedit Micythum servum, quem scribit tutelam sanctè gessisse.

Nu. 7. in fine.) Nam diffidit lex de matribus, quæ vitricum induxerint, quippe quæ plerumque novis maritis non solum res filiorum, sed etiam vitam addicant. l. Lex que 22. circa fin. C. De administr. tut. Masuer. in Praxi tit. 5. de Tut. & curat. nu. 10. Guido Papa decis. 539. nu. 1. & 2. Ant. Faber. in Cod. suo lib. 2. tit. 21. de fin. 2. & Ioan. Sand. Decis. lib. 2. tit. 9. de fin. 3. Concordat consuetudo Lovan. art. 26. & pleræque alia in Belgio. Ex Galliæ quoque moribus mater tutrix testamentaria neque satisfat, neque Velleiano Senatufc. aut secundis nuptiis renunciat, ut tradunt Imbert. in Enchir. iur. Gal. V. Tutela, Boër. ad consuet. Bitur. tit. 1. De statu person. §. 6. Ioan. Papon lib. 15. tit. 5. arreso 3. Ut neque in Belgio ejusmodi renuntiationes usurpantur. Zyp. Not. iur. Belg. lib. 5. tit. De tutorib. Christin. ad LL. municip. Mechlin. tit. 19. art. 3. nu. 12. an addit.

Nu. 8. in fine.) Vnde eo casu divisâ magis inter tutores censetur administratio, quàm ipsam ius tutelæ, quod simplex est & indivisum. Ramus hic. Verùm hanc juris Romani subtilitatem moribus hodiernis non observari notat hoc loco Vinnius, polleque tutorem vel testamento, vel à Magistratu etiam ad certam rem vel causam dari: item ex certo tempore vel ad certum tempus, purè vel sub conditione (quod iure Romano solis parentibus permissum erat, §. 3. h. s.) modò ne pupillus unquam inde sensus maneat. Grot. Introduct. ad Iurisp. Holland. lib. 1. c. 7. in fine, Arger. ad Consuet. Britan. art. 474. §. 2. & art. 475. §. 5. nu. 4.

TITULUS XV.

3. Sed adgnationis quidem jus omnibus modis capitis deminutione plerumque perimitur: nam adgnatio juris civilis nomen est. Cognationis verò jus non omnibus modis commutatur: quia *civilis ratio civilia quidem jura corrumpere potest, naturalia verò non utique.*

S V M M A R I A,

1. *Adgnati qui dicantur, & cur his à lege tutela deferatur.*
2. *Hodie aequè cognatis ut adgnatis deferitur.*
3. *Adgnatis capitis diminutione perimitur, non perinde cognatio.*

Non existente tutore ex testamento, vel quia nullum factum est, vel quia eo factum non sit designatus tutor, sive is qui datus mortuus fuerit, locus est LEGITIMÆ tutelæ, quæ per L. XII. Tabb. deferitur ADGNATIS, quales hic describuntur esse COGNATI PER VIRILIS SEXUS COGNATIONEM CONIUNCTI. Cujus ratio est, quòd eadem Lex tantum eos vocet ad successionem, qui, cum commodum sentiant, & quumque, eos etiam subire onus tutelæ: cum attendimus non solum quæ tuemur eundem amplius titur, onus autem relinquit, *lex. inf.* De tut. per legem. C. §. 1. De tut. per legem. De tut. si tamen sit habilis: nam inhabilis non potest esse tutor. *De tut. per legem. L. 1. D. De leg. tut.* (1) COGNATI PER VIRILIS SEXUS COGNATIONEM CONIUNCTI.

hereditas, & per consequens tutela, cum aliis concurrant, & idonei sint ad id muneri, merito præferri debeant. Sic & matri, quæ tutrix est legitima. filiorum liberorum, *Auth. Marri & ante C. Quando mul. tut. officio fungi pot.* dicitur eadem tutela dari seu decerni, nec per consuetudinem sit daiva. *Choff. ad consuet. Burg. tit. 6. §. 6. in verb. Et prendra la tutelle un. 1. & seq. Imbert. in Enchir. V. Tutela.*

DE CAPITIS DEMINUTIONE.

TITULUS XVI.

Est autem capitis deminutio prioris status mutatio. Eaque tribus modis accidit: nam aut maxima est capitis deminutio, aut minor, (quam quidam mediam vocant) aut minima.

1. Maxima capitis deminutio est, cum aliquis simul & civitatem & libertatem amittit: quod accidit his, qui servi pœna efficiuntur atrocitate sententiæ: vel liberis ut ingratiss erga patronos condemnatis; vel his, qui se ad pretium participandum venundari passi sunt.

2. Minor si, e media capitis deminutio est, cum civitas quidem amittitur, libertas vero retinetur: quod accidit ei, cui aqua & igni interdictum fuerit: vel ei, qui in insulam deportatus est.

3. Minima capitis deminutio est, cum civitas retinetur & libertas, sed status hominis commutatur: quod accidit his, qui cum sui juris fuerint, coeperunt alieno juri subiecti esse, vel contra, veluti si filius familias a patre emancipatus fuerit, est capite deminutus.

4. Servus autem manumissus, capite non minuitur: quia nullum caput habuit.

5. Quibus autem dignitas magis, quam status permutatur, capite non minuitur: & ideo a Senatu moros capite non minui conitatur.

6. Quod autem dictum est, manere cognationis jus etiam post capitis deminutionem, hoc ita est, si minima capitis deminutio interveniat; manet enim cognatio. Nam si maxima capitis deminutio interveniat, jus quoque cognationis perit, ut puta servitute alicujus cognati: & ne quidem si manumissus fuerit, recipit cognationem. Sed & si in insulam quis deportatus sit, cognatio solvitur.

7. Cum autem ad adpatos tutela pertinet, non simul ad omnes pertinet, sed ad eos tantum, qui proximior gradu sunt, vel, si plures ejusdem gradus sunt, ad omnes pertinet: veluti si plures fratres sunt, qui unum gradum obtinent, pariter ad tutelam vocantur.

SUMMARIA.

1. *Capitis deminutio quid.*
2. *Est triplex, maxima, minor seu media, & minima.*
3. *Ius cognationis quatenus capitis deminutione tolli dicatur.*

Quia supra dictum, agnationis ius plerumque capitis deminutione tolli, ideo de ea hic rectè subjungitur describiturque esse PRIORIS STATUS MUTATIO. CAPUT enim denotat ius, quod quis in privato statu obtinet, qui in tribus consistit, scilicet Libertate, Civitate, Familia, † ut triplex sit capitis deminutio, juxta illud Aufonii:

Triplex libertas, capitisque minutio triplex:

MAXIMA, qua libertas amittitur, simulque & civitas, & familia, quæ salvæ esse nequeunt, libertate ademptâ; quod quibus modis contingat dictum supra Tit. 3. (a) MEDIA sive MINOR, quâ, salvâ libertate, tollitur civitas, & aliquis fit peregrinus, idque per aquæ & ignis interdictionem, & quæ in hujus locum successit per deportationem: MINIMA, quâ, salvâ libertate & civitate, mutatur status hominis, quoad familiam: QUOD ACCIDIT IIS, QUI, CUM SUJ JURIS FUERINT, COOPERUNT ALIENO JURI SUBIECTI ESSE; vel etiam e contrario, SI FILIUS FAM. à PATRE EMANCIPIETUR, ut hic subjicit Imp. Fortè inspecto jure pristino, quo, uti dictum supra, emancipatio continebat imaginariam servitutis formam, quæ cum sit hodie sublata, non potest dici minuire caput. Cujac. *ad Vlp tit 10. Govean. 1. Lect. Var. c. 26.* Ex quibus patet, servum manumissum non posse dici capite minui, quod ante non habuit, & jam acquirit: ut nec Senatu motum, cujus dignitas potius mutatur, aut æstimatio minuitur, quam status, l. 3. *in fine & l. 3. D. De capite minutio.*

5. *Quod autem.*

Quod hic dicitur, cognationis ius tolli maximâ & mediâ capitis deminutione, videtur repugnare ei, quod dictum Tit. proximo, ea quæ sunt juris naturæ non tolli per civile: est autem cognatio juris naturæ. Sed dicendum, hunc locum accipiendum esse tantum de juribus, quæ ratione cognationis competunt, ex indulgentia juris civilis unde & per illud tolluntur.

ADDITIONES V. A. D.

Nu. 2. ibi, dictum sup. Tit. 3.) Quos inter est & crimen liberti ingrati erga patronum, lex. hic & l. 2. C. De libert. & eor. lib. Quæ de re D. Ambrosii, lib. De Jacob & vira biana, hæc verba sunt: Ita libertatem accepisti, ut meminisse manumissionis tui debeas, ut patrono tuo noveris legitimum obsequium deferendum, ne ab ingrato re-

vocetur libertas. Scribit autem Valer. Max. lib. 2. c. 6. hoc jus revocandi liberos ingratos in servitutem fluxisse ab instituto Athenarum, & patronum uti solitum his ferè verbis: *Superfedeo te habere civem, tanti muneris impium aestimatorem: nec adduci possum, ut credam urbi utilem, quem domi scelestum terno.* Abiigitur & esto servus, quoniam nescisti. Græci ἀπογασίου δίκην vocant, quæ patronis adversus liberos deficientes competebat: quâ actione si vincerentur liberti à patronis, in ἀναγκάια conjiciebantur, ut servi. Vide Harpocrat. in dict. ἀπογασίου, & dict. ἀναγκάιον.

DE LEGITIMA PATRONORVM TUTELA.

TITULUS XVII.

EX eadem Lege duodecim Tabularum, libertorum & libertarum tutela ad patronos, liberosque eorum pertinet, quæ & ipsa legitima tutela vocatur: non quia nominatim in ea lege de hac tutela caveatur, sed quia perinde accepta est per interpretationem, ac si verbis legis introducta esset. Eo enim ipso, quod hæreditates libertorum libertarumque, si intestati decessissent, jusserrat lex ad patronos liberosve eorum pertinere: crediderunt veteres, voluisse legem etiam tutelas ad eos pertinere: cum & adgnatos, quos ad hæreditatem lex vocat, eosdem & tutores esse jussit: quia plerumque ubi successionis est emolumentum, ibi & tutelæ onus esse debet. Ideò autem diximus, *plerumque*, quia si à fœmina impubes manumittatur, ipsa ad hæreditatem vocatur, cum alius sit tutor.

COMMENTARIUS.

SUMMARIA.

1. Tutela hac qualiter legitima esse dicatur.
2. Qui sentit commodum successionis debet & sentire onus tutela.

Propriè legitima tutela est adgnatorum, quòd eorum Lex XII. Tabb. nominatim mentionem faciat. Per interpretationem tamen inductum, ut patronus liberti sui impuberis tutor esset, quòd is, si non verbis, mente tamen d. l. continetur; nempe **PLERUMQUE UBI SUCCESSIONIS EST EMOLUMENTUM, IBI ET TUTELÆ ONUS ESSE DEBET.** Sentit autem commodum successionis sui liberti, *inf. De success. libert. & tex. hic.* † Ubi additur **PLERUMQUE**, ratione faminarum, quæ licet ex manumissione consequantur jus successionis,

cessionis, non ramen subeunt onus tutelæ, propter imbecillitatem, & quia virile est munus tutela, l. i. C. *Quando mul. tut. off. fungi potest.* Ideo autem hic tantum fit mentio libertorum, non etiam libertarum, quod in harum bonis non esset olim jus patronis. Ulp. in *Frag. tit. fin.* Verum hoc postea correctum, ut patet ex d. tit. *De success. libert.*

ADDITIONES V. A. D.

Tit. hujus de legitima patronorum tutela hodie usus non est, quia neque patronatus jus, à quò illa penderet, superest: nisi per indirectum, domino scilicet directo vassallorum suorum tutelam suscipiente. Ex gr. Moritur vassallus, relicto filio impubere, nullis existentibus adgnatis, qui in feudum succedere possint; imò etsi impubes habeat adgnatos, successionis capaces, de jure Saxon. tunc enim, exemplo hujus legitimæ patron. tutelæ, tutela pupilli ad dominum feudi, ad quem feudum reversurum est, pertinere videtur, arg. c. un. *De success. fratr.* 2. F. 11. Schrader. ad h. t. nu. 9. & 10. Sic & à dominis jurisdictionem habentibus homines proprii, ut vocant, tutores accipiunt.

DE LEGITIMA PARENTVM TUTELA.

TITVLVS XVIII.

Exemplo patronorum recepta est & alia tutela, quæ & ipsa legitima vocatur. Nam si quis filium aut filiam, nepotem aut neptem ex filio, & deinceps, impuberes emancipaverit, legitimus eorum tutor erit.

COMMENTARIVS.

SUMMARIA.

1. Tutela hæc cur dicatur legitima:
2. Emancipare contractâ fiduciâ quid sit.

Non est hæc species tutelæ legitimæ, cum nec verbis Legis XII. Tab. continetur, nec mente. Neque enim sicut patronus liberti, ita filii emancipati pater emancipator est hæres, cum nec Lex XII. Tab. eum vocet, nec jure adgnationis eam consequi valeat, quippe jure isto per emancipationem sublato, unde interpretatione induci non potuit. Dicitur tamen legitima, exemplo tutelæ patronorum, propter similitudinem manumissionis, & emancipationis,

per quam emancipator consequatur successionem emancipati, si ea lege emancipasset filium, id est, imaginariè vendidisset, ut remanciparetur, quam legem sequebatur jus succedendi. Et hoc olim dicebant, emancipare contractâ fiduciâ: ut talis parens non tam legitimus quàm fiduciarius esset dicendus tutor; quo modo & in l. 3. in fine D. De legit. tut. dicitur legiti tutoris vicem sustinere. Legitimi tamen appellationem usu obtinuit, præcipuè hodie, quando emancipatio semper censetur factâ contractâ fiduciâ, §. fin. inf. De success. agnat. etiam si non fiat sub lege remancipandi.

ADDITIONES V. A. D.

Hodie parentes indistinctè liberorum suorum legitimi sunt tutores, seu administratores, nullâ vel patriæ potestatis vel emancipationis habitâ ratione. Neque tam habere tutelam dicuntur, quàm custodiam nobilem seu civicam (Gallice la garde noble, ou bourgeoise) faciuntque fructus suos. Bucherel. ad §. Sed emancipatio sup. Quib. mod. pat. potestas sol.

DE FIDUCIARIA TUTELA.

TITVLVS XIX.

Est & alia tutela, quæ fiduciaria appellatur. Nam si pater filium & filiam, nepotem vel neptem, vel deinceps, impuberes manumiserit, legitimam nanciscitur eorum tutelam. Quò defuncto, si liberi ejus virilis sexus existant, fiduciarii tutores vel fratris, vel sororis efficiuntur. Atqui patrono legitimo tutore mortuo, liberi quoque ejus legitimi sunt tutores: quoniam filius quidem defuncti, si non esset à vivo patre emancipatus, post obitum ejus sui juris essiceretur, nec in fratrum potestatem recideret, ideoque nec in tutelam. Libertus autem si servus mansisset, utique eodem jure apud liberos domini post mortem ejus futurus esset. Ita tamen hi ad tutelam vocantur, si perfectæ sint ætatis, quod nostra Constitutio in omnibus tutelis & curationibus observari generaliter præcepit.

COMMENTARIVS.

SUMMARIA.

1. Tutela hæc fratrum cur dicta fiduciaria.
2. Et quid de ea, quæ pater filij sui ab avo emancipati sit tutor.
3. Quæ ætate hi ad tutelam vocentur.

- F**IDUCIARIAM tutelam propriè ad patrem pertinere emancipantem contracta fiducia, dictum est *Tit. superiori* : hinc alterius FIDUCIARIÆ TUTELÆ fit mentio, **QUA FRATRIBUS COMMITTITUR TUTELA FRATRIS EMANCIPATI, AUT LIBERORUM EJUS.** Quæ non potest dici talis ab eadem contracta fiducia, cum hæc res ad fratres non pertinuerit, quorum non est emancipare fratrem, quem in potestate non habent. Unde non malè videtur aliquibus, hanc ita dictam, quod sit fiducia eos fore diligentes fratris sui custodes,
2. ejusque bona curaturos cum fide, propter jus sanguinis. ¶ Non solum autem frater fratris sui emancipati tutelam hanc consequitur, sed & pater filii sui ab avo, id est à patre suo, emancipati, ut ex hoc textu patet. De quo licet dubitent quidam, tamen confirmant exempla à Theophilo hinc tradita : & facit eadem majorque fiducia, quæ eam causat fratribus concedi ; & ratio, quod ejusmodi pater non possit dici tutor legitimus, uti nec possunt dici fratres. Ubi Imp. rationem addit, quod non recidisset talis frater in fratris sui potestatem. Quæ ratio nec quoad patrem est sufficiens ; nam talis emancipatus redisset in patris sui potestatem, si ab alio non fuisset emancipatus : nec quoad fratres, qui ejus habuissent legitimam tutelam tamquam agnati proximi. Verùm hac de re multum differere est inutile, cum hodie fratres etiam emancipati ut succedunt fratri suo, ita legitimam ejus nanciscantur tutelam, *l. Frater 4. C. De legit. tutorib.*

§. Ita tamen.

3. TA tamen hi ad tutelam vocantur, **SI PERFECTÆ ÆTATIS SUNT.** Hujus ratio patet ex *l. fin. C. De legit. tut.* quod indecens sit, sub tutela constitui & tutorem esse. Quare legitimi & dativi tutores non nominantur minores XXV. annis, ut hodie excusatione opus non habeant, *§. item major 13. inf. tit. 25.* Testamento tamen tutor nominari potest minor, licet ad tutelam admittatur ante perfectam ætatem, uti dictum sup. *Qui testam. tutores dari poss.*

DE ATILIANO TUTORE, ET EO, QUI EX LEGE JULIA ET TITIA DABATUR.

TITULUS XX.

SI cui nullus omninò tutor fuerat, ei dabatur, in urbe quidem à Prætoribus urbano, & majore parte Tribunorum plebis tutor ex lege Attilia; in provinciis verò à Præsilibus provinciarum ex lege Julia & Titia.

1. Sed & si in testamento tutor sub conditione, aut ex die certo datus fuerat, quamdiu conditio aut dies pendebat, ex eisdem legibus tutor dari poterat. Item si purè datus fuerat, quamdiu ex testamento nemo hæres existerat, tamdiu ex eisdem legibus tutor petendus erat: qui desinebat esse tutor, si conditio extiterat, aut dies venerat, aut hæres existerat.

2. Ab hostibus quoque tutore capto, ex his legibus tutor petebatur: qui desinebat esse tutor, si is, qui captus erat, in civitatem reversus fuerat: nam reversus recipiebat tutelam jure postliminii.

3. Sed ex his legibus tutores pupillis desierunt dari, posteaquam primò Consul pupillis utriusque sexus tutores ex inquisitione dare cœperunt, deinde Prætores ex constitutionibus. Nam supradictis legibus, neque de cautione à tutoribus exigenda, rem salvam pupillis fore, neque de compellendis tutoribus ad tutelæ administrationem, quidquam cavebatur.

4. Sed hoc jure utimur, ut Romæ quidem Præfectus urbi, vel Prætor secundum suam jurisdictionem, in provinciis autem Præsides ex inquisitione tutores crearent, vel Magistratus jussu Præsidentum, si non sint magnæ pupilli facultates.

5. Nos autem per Constitutionem nostram hujusmodi difficultates hominum rescantes, nec expectatâ jussione Præsidentum, disposuimus, si facultates pupilli vel adulti usque ad quingentos solidos valeant, Defensores civitatum, unâ cum ejusdem civitatis religiosissimo Antistite, vel alias publicas personas, id est, Magistratus vel Judicum Alexandrinæ civitatis, tutores vel curatores creare: legitimâ cautelâ secundum ejusdem Constitutionis normam præstandâ, videlicet eorum periculo, qui eam accipiunt.

6. Impuberes autem in tutela esse naturali juri conveniens est: ut is, qui perfectæ ætatis non sit, alterius tutelâ regatur.

7. Cum ergò pupillorum pupillarumque tutores negotia gerant, post pubertatem tutelæ judicio rationem reddunt.

COMMENTARIUS.

SUMMARIA.

1. Tutoris datio an sit imperij, vel jurisdictionis.
2. A quo Magistratu tutor detur.
3. Tutela dativa quando locum habeat.
4. Tutore testamentario, qui gerere tutelam cœperat, mortuo, an dativo, an verò legitime sit locus.
5. Tutor dandus idoneus.
6. Petendus est tutor, & qui eum petant dari.
7. Actio tutela directâ & contraria cui & ad quid detur.

DE tutore per Magistratum dando hic agitur, qui communiter venit nomine DATIVI.

Quæritur, an datio ista sit jurisdictionis, an imperii. Mixti imperii eam veluti esse Glossa in l. Muto 6. §. tutoris D. De tutelis. Alii modò imperii esse, modò jurisdictionis. Verius est, neque jurisdictionis esse, neque imperii, sed permissio-

nis tantum, cum his solum competat, quibus Senatusconsultum aut Princeps nominatum id juris dedit, *d. l. 6. §. tutoris*. Nec obstat. *l. 1. D. De iurisd.* ubi dicitur spectare ad ius dicentis officium; cum & alia, quam quæ sunt imperij aut iurisdictionis, complectatur ejus officium. Nihil facit, quod mandari nequeat, *l. Nec mandante 8. D. De tutorib. & curat. datis*; hoc enim in ijs obtinet, quæ speciali jure data sunt, non etiam quæ magistratus jure competunt. (a)

2 Variatum autem hac in re olim: nam ex **LEGE ATTILIA PRÆTORES** in Urbe non habentibus tutorem de eo providebant, cum majori parte **TRIBUNORUM PLEBIS**; in provincijs **PRÆSIDES**, ex **L. IULIA TITIA**. Postea **CONSULES**, & deinde etiam **PRÆTORES**, dare tutorem cœperunt. Inde usus obtinuit, ut **PRÆFECTUS URBI** vel **PRÆTOR** daret in Urbe; in provincijs autem **PRÆSIDES** vel **MAGISTRATUS**, jussu præsidum. Denique Justinianus statuit, ut, **SI PUPILLI FACULTATES NON EXCEDANT QUINGENTOS SOLIDOS**, id est aureos valentes viginti quinque denarios, **DEFENSORES** civitatum cum **EPISCOPO**, aut alijs publicis personis, aut **MAGISTRATUS**, non exspectato jussu Præsidis, providerent minoribus de tutore & curatore; aliàs id muneris incumberet **PRÆSIDIBVS**, §. *nos autem inf. eod.* ubi meminit imp. Constitutionis, quam aliqui negant haberi in nostro Cod. cum habeatur in *l. Sancimus 30. C. De Episcopali aud.* Ratio diversitatis est, quod quando sunt magnæ facultates pupilli, cautius sit ei providendum à majori auctoritate, ne facile ei præjudiciū generetur, & quod facilius tum ferre possit expensas pupillus, quæ coram Præside sunt faciendæ, non etiam quando modicæ sunt facultates. (b)

3 Est autem locus huic tutelæ, **QUANDO NEC TESTAMENTO EST DATUS, NEC LEGITIMVS SUPEREST IDONEVS**. Quod tamen non est perpetuum; nam & aliquot casibus, legitimo existente, Prætor nihilominus tutorem dat: veluti si dari testamento administratio sit suspensa, propter conditionem, aut quia jacet hæreditas, aut tutor captus, §. *1. 2. 3. h. r.* Neque enim aliàs legitimo locus est quam si nulla testamentarij spes superiit, *l. Si quis 12. in princ. D. De. Testam. tut.* Nam cum sit actus legitimus, non fert diem aut conditionem, *l. Actus. 77. D. De R. I.*

4 Si datus testamento esse cœperit tutor, & mortuus fuerit in tutela, quaeritur, An dativo, an legitimo sit dandus locus. Cujac. *hic in notis* dativo vult esse locum, propterea quod non aliàs legitimus admittatur, quam si nominatus decesserit tempore mortis, per *d. l. 11. §. penult.* Verum locus iste dicit, testamentario mortuo ad legitimum redire tutelam, non distinguendo inter tempus mortis: ut magis improbet opinionem Cujacij, quam probet, & cum indistincte loquatur, sit accipiendus indistincte, legitimusque eo casu admittendus. Quod & confirmat *l. In testato. 6. in fine D. De legit. tutorib.* ubi tutore testamentario mortuo, filio impubere adhuc manente, revertitur tutela ad legitimum. Aliud dicendum foret, tutore remoto per iudicem, aut excusato, *d. l. 11. §. 1 & 2.* quia cum removeatur per iudicem, aut excusetur, per eundem alius substituendus; ejus enim est substituere, cujus est destituere, vel quia per excusationem aut remotionem non omnino cessent

nō cessent reliquæ testamentariæ tutelæ. †DANDUS autem TUTOR IDONEUS
 ÆTATE, QUALITATE, MORIBUS, qui non ambiverit tutelam, nec seipsum
 ingesserit: nam hic suspectus esset, ut & qui iudicio patris tacitè vel expressè reje-
 ctus est, *l. Scire oportet 21. §. 2. & fin. D. De tut. datis.* † PETENDUS etiam, ut sciat
 Magistratus, cui & quando dare debeat. Petere quidam coguntur, uti mater, li-
 berti: aliàs illa damnum patitur legitimæ hæreditatis, propter neglectum officium
 pietatis, quâ liberos prosequi debet; hi puniuntur per Præsidentem, quia contra reve-
 rentiam patrono debitam egerint, *l. 1. §. 1. D. Qui pet. ant. tutores vel curat.* Cognatis
 & affinibus liberum quidem est tutorem petere, *d. l. 2. in princ.* hæreditate
 tamen impuberis, ad quam ex testamento aut ab intestato veniunt, indignos se fa-
 ciunt, si intra annum petere neglexerint, *l. Sci. ant. 10. C. De legit. hæredib.* Non petere
 intelligitur, non tantum qui omninò non petit, sed & qui non idoneum petit, *d. §.*
1. Paria enim sunt, non agere, & malè agere. Curatores petendi necessitas nulli
 incumbit, cum ipsi minores possint eos sibi petere, *l. 6. C. d. t. & inviti curatores*
non accipiant, ut dicitur inf. tit. 2. §.

§. Impuberes autem.

TUTELÆ JUDICIUM DATUR PUPILLO IN TUTOREM, VELEJUS
 HÆREDEM, à quo postulat rationum tutelæ redditionem, ut iis excussis, vi-
 deatur, quantum pupillo tutorem præstare, aut reputare pensareve oporteat, ex
 bona fide: est enim tutela inter bonæ fidei judicia. Datur ad hoc actio directa quasi
 ex contractu, *inf. lib. 3. tit. 20.* in quam regulariter venit dolus, lata culpa & levis,
l. 1. & passim D. De tut. & ration. distr. Datur & contraria tutori, *C. Arbitrium tutela &*
De contr. iud. tut. quâ refundi sibi petat, quod nomine tutelæ quovis modo ab-
 est, ne officium suum tutori sit damnosum. Non autem procedit hoc iudicium
 nisi finita tutelâ, *l. 4. D. De tutela & ration. distrab.* Ratio videtur esse posita in eo,
 quòd non debeat posci ratio administrationis, in qua quis perseverat, *l. Si tutor 9.*
§. & generaliter D. eod. De tut. & rat. distr. Quod & in curatore videtur dicendum,
 per *l. 2. C. De administ. tut. & l. Actus sui 19. D. eod. tit.* ex eadem ratione. Quod accipe
 de generali ratione curæ: secus, si de re certa agatur, ne obstat *text. in l. Cum cura-*
tore 26. D. d. t. & in l. Si cum 16. §. fin. D. De tut. & rat. distrab. quia quoad certam spe-
 ciem non est tam immatura & intempestiva actio, durante administratione. Cujac.
17. Obs. c. 7. In quo distinguitur cura à tutela, quæ semper est generalis. Moribus
 receptum, singulis annis reddi rationes, ut facilius de fide tutoris constet, & pupillo
 consuli possit, si res minùs ex fide geri videatur, *Clem. 2. §. Ut autem De relig. domib.*
 (c)

ADDITIONES V. A. D.

Nu. 1. in fine) Aliàs mirè variant in hujus rei explicatione Dd. teste Arn. Vin-
 nio tract. de jurisdict. c. 5. num. 3. Vide Corat. §. Miscell. c. 24. Cuiac. 7. Obs. 21.
 Donel. 7. Comment. c. 2. Fachin. 12. Contr. c. ult. Brouch. cent. 1. assert. 19.
 Bachov.

Bachov. *ad Treutl. vol. 2. disp. 8. lit. E. & ad Inst. h. t.* Moribus hujus sæculi jus dandi tutores penes quemlibet est magistratum municipale, sine admonitione superiorum. Busf. *ad l. 6. D. De tutel. alleg. Bart. in l. 1. De tutorib. vel curat. dat. ubi ait, tutores & curatores dari hodie à judicibus civitatum. Quod & de generali Franciæ consuetudine testatur Rebuff. De sent. provisionalib. art. 3. gl. 2. nu. 12. post Ioan. Berber. in suo Viatorio Iur. p. 2. tit. De tutel. qu. 2. Vnde tutoris dationem competere hodie non vi legis, sed jurisdictionis ordinariæ, notant hæc Interpp. Mynf. *ad §. nos autem nu. 11. Vult. nu. 10.**

Nu. 2. in fine.) Hodie moribus multorum locorum, quod ad delationem ac dationem tutela attinet, parum à jure Romano recessum esse scribit D. Gudel. *De Iure noviss. lib. 1. c. 18. in fine:* eo excepto, quod non Præfectus urbi, non Prætor, neque Præses aut Episcopus pupillis tutores dent, sed, mutata Reip. forma, quilibet Magistratus ordinarius loci, etiam municipalis, vel quibus id muneris jure sui magistratus competit. Receptum enim est plerisque locis, ut certus & peculiaris quidam sit Magistratus, quem vocant pupillarem: & qui Magistratum illum constituunt, Magistri dicuntur pupillares, seu pupillorum præfecti, provisores & tutores supremi (Græcè ὀφθαλμοὶ) qui omnibus omnino tutelis præstunt, quantumque sint pupillorum facultates, & proximis defuncti adgnatis cognatisve munus onusque tutelæ vel ipsi deferunt, vel ex nominatis sibi præsentatis, præviâ inquisitione, decernunt ac deputant tutorem aliquem. Ut ecce Lovanij, altero conjugum præmortuo, relictis liberis impuberibus ac minorennibus, vel fatuis, mutis, mente captis, si tutor testamentarius non sit, nec legitimus (quales ibi soli habentur pater & mater, avius & avia, art. 38. *Ordinat. Camera pupil.*) nominat superstes sex viros liberis sanguine conjunctiores, tres scilicet ex prædefuncti, & tres ex superstite latere, hisque deficientibus alios quatuor: ex quibus Magistri pupillares adsumunt duos aut tres, art. 32. d. *Ordinat.* Utroque verò parente decedente, tum proximis consanguineis id oneris incumbit: tenenturque intra quindecim dies, ubi constiterit de morte, docere de legitimè constitutis tutoribus vel curatoribus; horumque defectu nominant & sistunt præfectis pupillorum, ut antè, sex tum adgnatos tum cognatos, ut ex illis bini tutores deligantur, unus paternæ, alter maternæ stirpis, vel ex omnibus junctim unicus tantum, prout conditio & negotia domus mortuariæ ferent, art. 36. Exacto insuper juramento tum à superstite & conjugibus, tum à consanguineis pupillorum, quod in ejusmodi nominatione magis idoneos & gerendæ tutelæ aptiores elegerint ac præstentur, art. 37. Si nemo cognatorum aut adfinium extet, jus, onusque denunciandi, nominandi ac præstentur tutores devolvitur ad famulos, familiamque, ac familiares, vicinosque defuncti, art. 40. Similis forma creandorum tutorum vel curatorum alibi observatur; ut Mechliniæ tit. 19. art. 5. & seqq. Antverpiæ tit. 43. art. 27. & 36. & alibi passim, de quæ Hollandiæ suæ moribus tradit Arn. Vinnius *ad §. ult. sup. De legit. agnat. tut.* Concordant & Galliæ, teste Masuerio, in *Praxi sua forensi tit. 5. De tut. & curat. nu. 17.* Imbert. in *Enchir. iur. Gall. V. Tutela in pr. & Rebuff. Tract. de Sent. provision. art. 3. gl. 2. nu. 6.*

In fine Tit.) idque coram supremis tutoribus seu Magistris pupillorum, ad-
gnatis, cognatis &c. vel ad minus singulis bienniis, prout leges alibi requirunt
Damhoud. *De patroc. pupill. & minor. tit. 2. tomo 1. nu. 12. & 16. Moller. 1. Semestr. c. 8.*
nu. 4. Berlich. Conclus. pract. p. 2. concl. 12. Qua de re & leges politicæ sunt in Im-
perio, Caroli V. an. 1548. & Rudolphi II. an. 1577. art. 32. Quo verò pacto red-
dendæ edendæque sint rationes, docet idem Damhoud. de Tract. tit. 2. De tutorum
& curat. ratione, Molin. de consuet. Paris. tit. 1. §. 9. Gl. 6. nu. 16. & seqq. Ant. Fab. in
Cod. suo lib. 5. tit. 31. defn. 2. & Christin. ad LL. Mechlin. tit. 19. art. 13.

DE AUCTORITATE TUTORVM.

TITULUS XXI.

Auctoritas autem tutoris in quibusdam causis necessaria pupillis est, in quibusdam non est necessaria: ut ecce, si quid dari sibi stipulentur, non est necessaria tutoris auctoritas: quod si aliis promittant pupilli, necessaria est tutoris auctoritas. Namque placuit, meliorem quidem conditionem licere eis facere, etiam sine tutoris auctoritate, deteriore verò non aliter, quam cum tutoris auctoritate. Vnde in his causis, ex quibus obligationes mutux nascuntur, ut in emptionibus, venditionibus, locationibus, conductionibus, mandatis, depositis, si tutoris auctoritas non interveniat, ipsi quidem, qui cum his contrahunt, obligantur, at invicem pupilli non obligantur.

1. Neque tamen hæreditatem adire, neque bonorum possessionem petere, neque hæreditatem ex fideicommissio suscipere aliter possunt, nisi tutoris auctoritate: quamvis illis lucrosa sit, nec ullum damnum habeat.

2. Tutor autem statim in ipso negotio præsens debet auctor fieri, si hoc pupillo prodesse existimaverit. Post tempus verò, vel per epistolam interposita auctoritas nihil agit.

3. Si inter tutorem pupillumque iudicio agendum sit, quia ipse tutor in rem suam auctor esse non potest, non prætorius tutor (ut olim) constituitur, sed curator in locum ejus datur: quo curatore interveniente, iudicium peragitur, & eo peracto, curator esse desinit.

COMMENTARIUS.

SUMMARIA.

1. Tutoris officium in quo consistat.

2. Auctoritas, & auctorem fieri quid.

3. Adire

3. Auctoritas illa quando necessaria pupillo.
4. Adire hereditatem sine tutore non potest.
5. Tutore auctore obligatur etiam civiliter.
6. Sine tutore an obligetur naturaliter.
7. Auctoritas à tutore quando interponenda.
8. Tutor in rem suam auctor pupillo fieri non potest.

¹ **T**UTORIS MUNUS PRÆCIPUUM CONSISTIT IN ADMINISTRATIONE TUTELÆ: quæ statim ab eo suscipienda, ne per moram quid accadat detrimenti rebus pupilli, quod tutori imputaretur, si iusta ei non fuerit excusatio, l. 2. C. De administ. tut. Hæc versatur in ijs, quæ ad pupillum tuendum & illius res bonè gerendas, sive in iudicio, sive extra iudicium, pertinent.

² † Eius bona pars est AUCTORITAS, quæ hic sumitur pro APPROBATIONE EIUS, QUOD AGITUR CUM PUPILLO, uti patet ex l. 3. D. h. t. ubi dicitur, AUCTOREM FIERI NIHIL ALIUD ESSE, QUAM APPROBARE ID, QUOD AGITUR. Cujus cavis est, ut quod gestum est ratum sit, sive agatur de obligando pupillum, sive de alienando res ejus, quarum permissa est alienatio, l. Impuberes 13. & l. Inter 20. D. eod. quatenus tamen alienatio non est earum rerum, quæ decretum desiderant, quæ de re plenius D. De reb. qui sub. tut. & C. d. De reb. minor Sive loquatur pupillus sive taceat, d. l. 13. nam & tacenti accommodatur auctoreas, l. Muro 6. in pr. D. De tutel. Quod si tutori recuset auctor fieri, non videtur cognitus, l. 1. §. fin. D. h. t. sive expediat, sive non expediat; nam eo casu pupillus iacturam, si quam patitur, consequetur iudicio tutelæ, l. Si tutor 17. D. eod. Sufficit autem unus ex pluribus auctoritas, l. 4. & 5. in pr. D. eod. si ex rebus vel negotijs tutela non fuerit divisa, alias singulorum auctoritas sua in parte aut regione erit necessaria. (a)

³ Dicta de auctoritate interponenda obtinent, quando imminet pupillo præiudicium, ut quando de eo obligando agitur, aut re ejus alienanda. Nam si pupilli agatur compendium, veluti in acceptando donatum, in stipulando, & similibus, non est opus auctoritate vel consensu tutoris, text. hic; ne inventa in compendium operentur dispendium. ET placuit, MELIOREM quidem SVAM CONDITIONEM LICERE PUPILLIS FACERE, ETIAM SINE TUTORIS AUCTORITATE, DETERIOREM verò non ALITER QUAM CUM TUTORIS AUCTORITATE. Hinc eò extensus pupilli favor, ut inito ab eo contractu oneroso, mutuum obligationem continente, alteram quidem sibi obliget, ipse autem vicissim non obligetur, text. hic in unc. claudicante nimirum hoc in casu contractu: quod sibi imputet, qui cum pupillo contraxit, sciens aut scire debens, legibus non permissum. obligari pupillos sine tutore, l. Iulianus 13. §. si quis a pupillo D. De action. empti. & vend.

§. Neque tamen.

⁴ **Q**UOD dictum, pupillum rem suam meliorem facere posse sine auctore tutore, exceptionem patitur in hereditatis aditione, quæ est inefficax, si tutor non fuerit auctor, Ratio est, quia licet primâ facie videatur lucrosa hæreditas, non raro tamen

tamen fit, ut contineat res alienum latens, cui ne adeundo se temerè obstringeret pupillus, lex provisum voluit. Nec facit, quòd restitui possit pupillus, si inveniatur læsus; cum præster pupillo rem servari integram, quam post causam vulneratam fortè serum remedium querere, *l. fin. C. in quib. caus. in integ. rest. non est nec.* (b)

Tutore itaque auctore obligatur pupillus etiam civiliter, ut actio in eum intentari possit, *D. & C. Quando ex facto tutoris vel curat.* Sine tutore autem actus non tenet, nec ipse obligatur saltem civiliter.

Quæritur, An naturaliter? Sunt, qui cum tum demùm obligari velint, quando factus est locupletior; quòd nec in pupillo sit ferendum, ut cum aliena iactura locupletur: quo casu etiam utili civili actione, ex rescripto D. Pii, conveniri poterit, *l. 3. D. Commod.* non etiam si non sit locupletior, per *l. Quod pupillus 41. D. De condict. indeb. & l. Pupillus 50. D. De oblig. & act. & alius*, quæ indicare videntur, eum ne quidem naturaliter teneri. Contrarium tamen probabile, cum naturalis obligatio oriatur ex consensu, quem & pupillus habere potest; qui infantia major sponsalia contrahit, & ex delicto punitur. Et facit eam in rem *l. 1. D. De novat.* ubi per pupillum fit novatio; quæ non procedit, nisi substitutâ aliâ obligatione, saltem naturali. Facit & text. in *l. fin. D. De iure iur.* ubi nomine pupilli interveniens fideiussor tenetur, qui teneri nequit, nisi principali saltem naturaliter obligato, ut dicitur inf. *De fideiuss.* Est tamen fatendum, non esse tam efficacem hanc obligationem, ut soluti per pupillum conditionem impediatur, *d. l. 41. ex eo*, quòd obligatio ista proficiatur ex consensu debiliore. (c)

§. Tutor autem.

Non satis est, tutorem auctorem esse, nisi IN IPSO NEGOTIO PRÆSENS, id est in præsentia, dum negotium cum pupillo geritur, re sufficienter inspectâ, **AUCTOR FIAT**, *l. 1. in fine D. h. t.* Ipsum negotium interpretamur, non tantum quando geritur, sed & statim ut perfectum est, *l. Si quis 25. §. iussu D. De acq. hered.* cum quod fit statim perfecto negotio, in præsentia censeatur fieri, *l. 1. in fine D. De solut.* (d) Antecedens, aut subsecuta approbatio, aut per epistolam nuntiumve interposita, nullius est momenti, propter fraudem, quæ posset contingere, *l. 9. §. penult. D. h. t.* Si tutor auctor fieri recuset, non videtur posse cogi, *l. 1. in fine D. eod.* non tantum si non expediat, de quo non est dubitandum, verum & si expediat: nam si pupillus quam iacturam patiat, eam consequetur tutelæ iudicio, *l. Si tutor 17. D. eod.*

§. Si inter tutorem.

Ratio huius est, NE IPSE TUTOR IN REM SUAM AUCTOR FIAT **PUPILLO**, idemque sustineat partes actoris & rei. Ut rectè in ejus locum detur curator in litem, qui eâ peractâ curator esse desinat. Procedit autem regula, Non posse tutorem esse auctorem pupillo in rem suam, quando hoc principaliter agitur, non etiam si per consequentiam ea res tutorem concernat: veluti si agatur de adeunda hæreditate tutori obligata, rectè auctor sit pupillo tutor, *l. 1. D. h. t.* (c)

ADDITIONES V. A. D.

Nu.2. in fine.) *Observe autem hanc tutorum auctoritatem versari potissimum circa ea, quæ pupillus ipse gerit, ne quid inde detrimenti accipiat, & non tam esse administrationis, quam personæ: id est tutor non ideo dicitur auctor, quia rerum pupilli administrationem habeat, sed quia jus habet in personam pupilli. Estque hæc vis illa ac potestas, quam tutores habent exercentque in caput liberum, ad tuendum eum, qui per ætatem se defendere nequit. Quæ quidem potestas, quæ res pupilli respicit, dicitur Administratio; quæ verò personam, Auctoritas; unde in D. est duplex Tit. De administratione & peric. tutor. &c. & De auctorit. & consensu tutor. & curat. Nam ita ferè distingui hæc solent, ut patri & domino Iussus, tutori Auctoritas, & curatori Consensus adscribantur, quamvis alioqui & promiscuè ut plurimum usum pentur. Certè aliud esse Iussum, aliud Auctoritatem, docet Ulp. l. Si quis 2 §. §. 4. D. De acq. hered. his verbis: Iussum ejus, qui in potestate habet, non est simile tutoris auctoritati, qua interponitur perfecto negotio, sed præcedere debet &c.*

Nu.4. in fine.) *Sed cur, inquires, pupillus, quemadmodum in contractibus alios sibi obligare potest, atque ita conditionem suam facere meliorem, non verò se aliis; ut dicatur propterea claudicare contractus, & valere ex uno latere tantum; ita quoque hæres institutus non succedit in lucra tantum hæreditaria, non etiam in damna? Nempe ideo, quia contractuum causa commodè dividi potest: causa verò hæreditatis commodè dividi non potest, ipsaque hæreditas individua est; succedit enim hæres in universum jus defuncti, l. Hæreditas 62. D. De R. I. & hæreditas tam onera quàm commoda continet. Præterea in contractibus est quod illi imputetur, qui cum pupillo contrahit: at in hoc quasi contractu, qui latet & consistit in additione hæreditatis, nihil est quod creditoribus imputetur hæreditariis.*

Ibid. in fine.) *Pluribus de hac quæstione agit D. Zoef. ad tit. D. De oblig. & act. nu. 41. & aliquot seqq. ubi communem secutus sententiam, distinguit inter pupillum proximum infantia, & eum, qui pubertati proximus est. Nam infans, & qui infantia proximus est, non multum à furioso distare dicitur, quia hujusmodi ætatis pupilli nullum habent intellectum, inquit Imp. §. Sed quod diximus 10 inf. De inutil. stipulat. At proximus pubertati aliquem habet intellectum, & loquelâ utitur, ut obligari possit, saltem naturaliter, arg. l. §. D. De R. I. Pubertati proximum Accurs. in d. §. 10. definit, qui annum excessit decimum & dimidium. Servius in illud Virgilii Ecl. 8.*

Alter ab undecimo tum me jam cœperat annus, qui annum tertium-decimum ingressus est. Alterum enim de duobus dicimus. Et vult significare, inquit, jam se vicinum fuisse pubertati. Unde quia hac in re variant Dd. & puerorum alii aliis præcociore sunt intellectu, plerique definitionem illam judicis arbitrio relinquunt. Joan. Coraf. 6. Miscell. c. 2 §. nu. 7. & 8. Menoch. 2. Arbitrar. casu 38. nu. 20. & seqq. Covarr. de Matrim. p. 2. c. §. nu. 7. Proximus infantia dicitur esse, qui non ita dudum excesserit annos infantia, cum, ut Juven. ait, Sat. 14.

----- *septimus annus**Transferit, puero nondum omni dente renato.*

Cæterum circa prædictam quæstionem videre licet aliter atque aliter distinguentes, Coras. 6. *Miscell. c. 22.* Cujac. *ad l. Quod si pupillus* 127. D. De V. O. & *ad l. Stichum* 95. *ex lib. XXVIII. Quæst. Papin. §. aditio* D. De solut. Donel. *ad d. l.* 127. & Donelli *Enunciatorem* Hilliger. *lib. 12. c. 22. lit. N.* Joan. Goeddeum *De contrah. stipulat. c. 7. nu. 212.* & *seqq.* Bronch. *cent. 1. Assert. 32.* Paul. Busf. 6. *Subtil. cap. 7.* Ant. Fabr. *Iurispr. Papin. lib. 1. tit. 2. princ. 1.* & 8. *Conject. c. 5. in fine.* Vultreium *Discept. scholast. c. 16.*

Nu. 7. *ibi, l. 1. in fine.*) Ita Cujac. *lib. 31. Obs. 31.* & Bachovius *hic.* Est enim interpositio hujus auctoritatis de solemnitate actus, qui à pupillo geritur, & ab initio in ipso actu interveniat necesse est, non etiam ex intervallo aliquo temporis etiam minimo. Moller. 1. *Semestr. c. 18. nu. 4.* & 5. Pertinet enim ad integrandam quodammodò personam pupilli: adeò ut tutor in contrahendo una persona cum pupillo videatur, & negotium, quod auctoritate à tutore præstita agit, non tam à tutore agi, quàm ab ipso met pupillo. Joan. Ramus *ad h. r. cap. Quib. solemnib. interpon. sit auct.* & *ad R. I. lib. 1. Axiom. 118. item De anal. jur. & facti c. 15. nu. 9.* Verùm hujusmodi scrupulosa observatio moribus hodiernis attendi non solet, adeoque consensus tutoris sive præcedat, sive subsequatur, peracto jam negotio, sive in ipso negotio interpositus, æquè operabitur effectum.

Nu. 8. *in fine.*) Jure novissimo debitor vel creditor pupilli aut minoris non admittitur ad tutelam vel curationem, ne detur ansa intercipiendi & subvertendi cautiones, apochasve minoris: factusque debitor vel creditor, durante tutelâ, non quidem arceatur, sed ei adjungendus alius tutor, *Nov. ut hi qui obligatas & c. 72. c. 1.* & 2. & *Auth. Minoris debitor C. Qui dare tut. poss.* Idque æquè in legitimo ac dativo tutore obtinet; quamvis in dativo apud Gallos hanc *Novel.* non observari scribat Charondas *Resolut. notab. p. 3. tit. 21. c. 1.* In tutore testamentario plerique distinguunt, an testator sciverit, eum, quem testamento tutorem dederit, debitorem vel creditorem suum esse, ut tunc tutor esse possit, non verò si ignoraverit. Bart. *ad d. Auth. Minoris nu. 111.* & 12. Ant. Fab. *Cod. lib. 5. tit. 20. defn. 1.* & Joan. Sand. *Defn. Fris. lib. 2. tit. 9. defn. 1.* Mater verò non removetur à tutelâ, quamvis debitor vel creditor sit pupilli, ob naturalem amorem erga liberos, qui cam ponit extra omnem sinistram suspicionem, *Nov. Ut sine prohib. matres & c. 94. c. 1.* & *Auth. Ad hac C. Quando mul. tut. off. fung.* Idem judicium esto de aviâ, Gudel. *De jure noviss. lib. 1. c. 17. nu. 6.*

QVIBVS MODIS TVTELA FINITVR.

TITVLVS XXII.

Pupilli pupillæque, cum puberes esse cœperint, à tutela liberantur. Pubertatem autem veteres quidem non solum ex annis, sed etiam ex habitu corporis in masculis æstimari volebant. Nostra autem maiestas dignum esse castitate nostrorum temporum existimans, bene putavit, quod in feminis etiam antiquis in pudicum esse visum est, id est, inspectionem habitudinis corporis, hoc etiam in masculos extendere. Et ideò nostra sancta Constitutio promulgatâ, pubertatem in masculis post decimum quartum annum completum illicò initium accipere disposuimus, antiquitatis normam in feminis bene positam, in suo ordine relinquentes, ut post duodecim annos completos viripotentes esse credantur.

1. Item finitur tutela, si adrogati sint adhuc impuberes, vel deportati: item si in servitutem pupillus redigatur, vel si ab hostibus captus fuerit.
2. Sed & si usque ad certam conditionem datus sit tutor testamento, æquè evenit, ut delinat esse tutor existente conditione.
3. Simili modo finitur tutela morte vel pupillorum, vel tutorum.
4. Sed & capitis deminutione tutoris, per quam libertas vel civitas amittitur, omnis tutela perit. Minimâ autem capitis deminutione tutoris, veluti si se in adoptionem dederit, legitima tantum tutela perit, ceteræ non pereunt. Sed pupilli & pupillæ capitis deminutio, licet minima sit, omnes tutelas tollit.
5. Præterea qui ad certum tempus testamento dantur tutores, finito eo, depouunt tutelam.
6. Desinunt etiam tutores esse, qui vel removentur à tutela, ob id, quòd suspecti visi sunt: vel qui ex iusta causâ sese excusant, & onus administrandæ tutelæ deponunt, secundum ea, quæ inferiùs proponemus.

COMMENTARIVS.

SVMMARIA.

1. *Finitur tutela pubertate.*
2. *Excusatione & remotione ipsius tutoris.*
3. *Morte alterutrius.*
4. *Per capitis deminutionem quando tollatur.*
5. *Pupillus an delinquere possit.*
6. *Cessat & tutela conditionis aut temporis eventu.*

V his modis, quibus tutela inducitur vel exercetur, sequitur videre, quibus
dissolvatur ac finiatur. Et primò quidem, ex persona pupilli, finitur **PUBERTATE**, quæ contingit masculis anno ætatis XIV. feminis anno XII.
Ratio quòd tum aliquod animi iudicium habeant, ut personam suam regere possint, & proinde alieno arbitrio non debeant subiacere. (a)

Secundò, ex persona tutoris, per ejus **EXCUSATIONEM** aut **REMOTIONEM**, §. *fin. inf. eod.* & *Tit. 25. & 26.* (b)

Tertiò, ex persona utriusque, per **MORTEM ALTERUTRIUS**, §. *simili modo inf. eod.* Mors enim omnia persone jura coherencia exstinguit. † Per **DEMINUTIONEM CAPITIS MAXIMAM ET MEDIAM OMNIS TUTELA TOLLITUR**, quòd per eam tollatur civitas, & jura ab ea dependentia. Quod & verum est in pupillo, §. *item finitur inf. eod.* † Unde patet, pupillum posse delinquere, cum deportatio ad penam spectet, pena autem culpam præsupponat. Quatenus tamen sensum habet, & doli est capax: quod ex annorum numero non rectè quis definiverit, per *l. Pupillum 111. D. De R. I.* sed iudicis arbitrio rectius reliquerit iudicandum, ex persone qualitate & conditione. Covarr. *ad Clem. Si furiosus p. 3. nu. 5.* Menoch. *de Arbitr. casu 57. nu. 44.* Minima deminutio pupilli facit omnem tutelam cessare, §. *minima h. t.* cum fiat alieni juris, ut non indigeat alieno defensore: tutoris autem tantum adgnatorum facit deficere; cum delinat esse adgnatus, atque ita non habeat legitimam adgnatorum successionem. Verùm hæc aliter se hodie habere patet ex dictis supra.

Quartò, ex facto testatoris, qui sub conditione dedit tutorem, aut ad tempus, quo eveniente cessat, §. *sed & si & præterea inf. eod.* cum data sub conditione, aut in diem, illius eventus censentur revocata, *arg. l. Si ita quis 21. De vulg. & pupil. substit.* Quod in testamentaria quidem tutela procedit, propter paternum iudicium, non in alijs, ut *sup. dictum.*

ADDITIONES V. A. D.

Nu. 1. in fine.) Tertullianus *lib. de Virginib. velan.* Tempus etiam, inquit, ethnici observant, ut ex lege naturæ iura sua ætatibus reddant. Nam feminas quidem à duodecim annis, masculos à duobus amplius ad negotia mittunt. Seneca *ad Marciam c. 24.* ex Stoicorum placitis: pupillus relictus sub tutorum cura usque ad annum decimum-quartum fuit. Et quidem quod ad masculos attinet, nulla dubitandi ratio est: de feminis dubitari poterat, quia jure antiquo feminae in perpetua erant tutela, quæ pupillari, quæ muliebri, id est sive inpueres essent, sive etiam puberes, idque & propter sexus infirmitatem, & propter forensium rerum ignoantiam. Vlp. *in frag. tit. XI. in pr.* Iac. Rævard. *2. Varior. c. 10* Ant. Concini *Leit. subsect. lib. 2. c. 12.* Verùm jure novo placuit tutelam finire pubertate omni modò atque indistinctè, etiam in feminis, ut saltem sub curatoribus agerent, qui invitis non dantur nec quicquam juris habent in personam. Ioan. Ramos *ad h. t.* & meminit huius rei Macrobius *lib. in Som. Scip. 6, 6.* Porro licet tutela pucertate finiatur, tamen

tamen officium tutela seu administratio non ita finitur, nisi redditis dispendiisque rationibus, aut saltem quamdiu curator nullus est datus, neque monitus pupillus, ut sibi dari petat, *l. Ita autem §. §. si tutor, & l. A tutorib. 33. §. 1. D. De administ. tut. l. 1. & 7. C. Qui petant tut. vel curat. Gail. 2. Obs. c. 96. Boër. ad consuet. Bitur. tit. 1. §. 8. Ant. Fab. in Cod. suo lib. 5. tit. 29. defin. 2.* Imò passim receptum est moribus, ut tutela non finiatur pubertate, sed ultrà porrigatur ad annum scilicet ætatis XXV. etiam absque novo iudicis decreto, sicque tutela in curam transeat, *Molin. Tract. de contract. usur. nu. 300.* Nisi fortè matrimonium contraxerint, aut sacris fuerint initiati Ordinibus, ut habet *instr. Cam. pupil. Lovan. art. 68. Antverp. tit. 43. art. 66.* & passim usus observat. Quibus & illi adnumerantur, qui potest vicelimum annum, si masculi sint, post XVIII. si fæminæ, veniam ætatis impetrarint, *l. 1. & 2. C. De his, qui ven. ætatis impetr.*

Nu. 2. in fine.) Finitur autem hoc modo tutela non simpliciter; quia tutela, quæ juris est, non tollitur per ea, quæ sunt facti: sed legitimâ excusatione, & legitimâ remotione. *Joan. Ram. ad R. I. lib. 1. Axiom. 119. & de Anal. jur. & facti c. 6. nu. 2. & 3.*

DE CURATORIBVS.

TITVLVS XXIII.

Masculi quidem puberes, & fæminæ viripotentes, usque ad vicelimum-quintum annum completum, curatores accipiunt: quia licet puberes sint, adhuc tamen ejus ætatis sunt, ut sua negotia tueri non possint.

1. Dantur autem curatores ab eisdem Magistratibus, à quibus & tutores. Sed curator testamento non datur: datus tamen confirmatur decreto Prætoris, vel Præsidis.

2. Item inviti adölescentes curatores non accipiunt, præterquàm in litem. Curatores enim & ad certam causam dari potest.

3. Furiosi quoque & prodigi licet majores viginti quinque annis sint, tam in curatione sunt agnatorum ex Lege XII. Tabularum. Sed solent Romæ Præfectus urbi vel Prætores, & in provinciis Præsides ex inquisitione eis curatores dare.

4. Sed & mente capitis, & surdis, & mutis, & qui perpetuo morbo laborant (quia rebus suis superesse non possunt) curatores dandi sunt.

5. Interdum autem & pupilli curatores accipiunt, ut puta si legitimus tutor non sit idoneus: quoniam habenti tutorem tutor dari non potest. Item si testamento datus tutor, vel à Prætoris aut Præsides, idoneus non sit ad administrationem, nec tamen fraudulenter negotia administret, solet ei curator adjungi. Item loco tutorum, qui non in perpetuum, sed ad tempus à tutela excusantur, solent curatores dari.

6. Quod

6. Quòd si tutor adversâ valetudine, vel aliâ necessitate impediatur, quo minus negotia pupilli administrare possit, & pupillus vel absit, vel infans sit, quem velit actorem, periculo ipsius tutoris, Prætor, vel qui provinciæ præerit, decreto constituet.

COMMENTARIUS.

SUMMARIA.

1. Cura quid, & in quò differat à tutela.
2. Curator datus testamento confirmandus.
3. Non datur puberibus invitis, nisi ad litem.
4. Datur & majoribus, ut furiosis, prodigis.
5. Prodigio an decreto judicis interdicenda bonorum administratio.
6. Quamdiu duret hæc cura.
7. Curator pupillis quando detur.
8. Tutori actor quando & quare adjungendus.

Liberatis tutelâ per pubertatem, si minus res suas valeant regere, dantur CURATORES, quorum curæ subint. (a) CURA EST POTESTAS ADMINISTRANDI BONA EJUS, QUI PROPTER ÆTATEM, CORPORIS MENTISVE VITIUM, REBUS SUIS PRÆESSE NEQUIT. Distat à tutela, quia hæc datur impuberi, ad regendam personam etiam invito, & quidem testamento: cura verò & puberibus, imò & interdum majoribus, ut inf. dicitur, ad administranda eorum bona; non tamen invitis, cujus ratio mox dabitur: ¶ nec testamento, cum Lex XII. Tabb. tantum loquatur de tutore dando impuberi per testamentum. Et ratio dari potest, quòd non debeat permitti patri, de rebus puberum, quibus jam est aliquod judicium, disponere. Si tamen testamento datus fuerit, confirmabitur decreto Præsidis in provinciis, aut Prætoris Romæ, si ex re videatur, & minor admittat, sine inquisitione. Datio à matre facta & confirmatio desiderat inquisitionem. Ratio diversitatis patet ex Tit. 13. Dantur curatores ab iis Magistratibus, à quibus dantur tutores, *tex. hic in pr.* Interdum à lege, §. furiosi inf. eod.

§. Item invitis.

DANTUR PRIMO CURATORES PUBERIBUS; NON TAMEN INVITIS, ne eorum æstimatio lædatur, quasi rebus suis non rectè possint consilire. (b) In litem tamen curatorem accipere coguntur, *tex. hic;* cum minor XXV. annis non habeat legitimam personam standi in judicio, quod, eo restituto, posset fieri elusorium, l. Acta 45. §. fin. D. De judic. l. Non eo minus 14. C. De procurat. & l. penult. C. Si adversus rem judic. Neque enim lis cum minori sine curatore intendi

intendi aut excipi debet, *l. 2. C. Qui legit. pers. standi in jud. hab.* & contra indefensum sententia nihil habet momenti, *l. Contra pupillum 54. D. De re judic.* Nec obstat, *l. 1. D. De minorib.* ubi non debet administratio suæ rei minoribus committi ante legitimam ætatem: quia locus iste accipiendus est de plena administratione, quæ excludit beneficium restitutionis, *ut habet ibi Duaren. (c)*

§. Furiosi.

4 SECUNDO, DATUR CURATOR NON TANTUM MINORIBUS SED ET MAJORIBUS XXV. ANNIS, SI MINUS APTI SINT REBUS SUI GEKENDIS, UT QUIA FURIOSI, PRODIGI; quibus Lex XII. Tabb. adgnatos proximos dedit, *l. 1. D. De curat. furiosi*; unde proverbium, *Ad adgnatos & gentiles deducendus*, de homine non sanæ mentis. (d)

5 Dico, majoribus XXV. annis, nam quos ætas tutelæ vel curæ subjecit, non est necesse iis quasi dementibus curatores quæri, cum magis ætati, quam dementiæ tantisper sit consulendum, *l. 3. in pr. & §. 1. D. De tutel. & Lex XII. Tabb.* quæ furiosis dat curatorem, non pertineat ad pupillos aut minores. Filium patri furioso dari curatorem quibusdam indecorum visum: si tamen sobrius sit, hic rectius datur quam extraneus, *l. Hi qui 12. §. 1. D. De tutorib. & curat. dat.* Idem in matre furiosa suadet pietas, *l. 4. D. De curat. furioso dan.*

De prodigis quaritur, an illis sit opus decreto sive interdictione Magistratus? Et posset videri, non esse eâ opus; propterea quod in furiosis non desideretur, quibus comparantur prodigi, quoad alienationem, cum furiosum in rebus suis exitum facere dicantur, neque tempus neque finem expensarum habentes. Verum receptius est, decreto opus esse, post præmissam causæ cognitionem, ne temerè aliquem hac notâ adspergi contingat. Ut ante ejus interpositionem non sit futurum fraudi iis, qui cum tali contraxerint, & teneat alienatio, *l. Iulianus 10. D. h. r. & l. Patri 27. D. De minorib.* ubi dicitur vita adolescentis inspicienda, & ex ea judicandum, an debeat ei bonis interdici. Nihil facit *d. l. 1.* quæ habet, lege XII. Tabb. interdictum esse prodigis administrationem; quia non rejicit declarationem Magistratus. (e)

6 Durat hæc interdictio pro tempore durantis vitii: nam si ad mentem redierint, aut frangi esse cœperint, ipso jure videtur cessare, *d. l. 1.* Quod in furioso verum est, si simpliciter sanam mentem receperit; nam si tantum intervalla quædam habeat, licet eis durantibus rem suam agere possit, non tamen cessabit cura, ne sit necesse eum totius curatorem adsignare, *l. 6. C. De curat. furiosi vel prod.* In prodigo, ut decreto administratio est interdicienda, ita & eodem videtur restituenda, ne contingat, ex simulata morum mutatione, aliquem in damnum incidere. (f)

§. Interdum.

7 TERTIO PUPILLIS DATUR ALIQUOT CASIBUS CURATOR: ut si tutor datus non sit idoneus ad gerenda negotia, nec tamen ea fraudulenter administrat: tunc enim solet ei adjungi curator, non etiam tutor, *ut habet hic textus,*

cum

cū subiecta ratione, QUOD HABENTI TUTOREM TUTOR NON DETUR. Ratio rationis est, quòd tutor detur personæ, & universis bonis, §. *datus* 17. *inf. tit. 2.* §. Quod jus, alterum tutorem adiungendo, priori non est auferendum aut minuendum, *Gl. hic in V. dici non potest.* Quod præcipue procedit in legitimo tutore, cui est proximum jus ad hæreditatem, & cui fieret contumelia per remotionem, altero substituto. Aliud est in curatore, cui nulla est potestas circa personam, ut rectè detur tutorem habenti, cū tantum res curet, salvo jure tutoris. Dicta eatenus vera sunt, quatenus tutor tutelam retinet; nam si tutor esse desierit, rectè dabitur pupillo alius tutor: veluti si prior ut suspectus removeatur, aut ex causa excusetur, *l. 4. C. in quib. casib. tutorem hab.* Talis enim eo loco habendus, ac si tutor non esset, ut ei nulla fiat injuria, alium surrogando. Desinit autem curator taliter datus pubertate, *l. 2. C. d. t.*

§. Quod si tutor.

QVOD in casu hujus §. non detur curator, ut in superiori, est; quia non datur curator, nisi tutore existente inidoneo; hoc autem in casu idoneus est, sed valitudine, aut alià justà causâ præpeditus adesse; & auctoritatem præstare negotiis pupilli minùs potest. Quòd non det procuratorè, est, quia is non datur nisi per dominum; hic autem dominus, scil. pupillus, dare non potest, propter infantiam aut absentiam: ut ita tantum possit dari actor per tutorem, qui ejus periculo rem pupilli gerat, interveniente tamen auctoritate, & cognitione Prætoris, in majorem pupilli securitatem.

ADDITIONES V. A. D.

Nu. 1. ibi, quon. cura subsist. Idque usque ad vicefimū-quintum annum completum, *lex. b. in pr. 12.* rem ita completum esse oportet, ut primus dies anni v. c. c. m. texti inceptus sit. Dictaque jure communi perfecta hæc ætas, *sup. de fiduc. tut. in fine. & Nov. 118. c. 5.* a quo tamen recessum variarum provinciarum moribus. Et quidem in Galliæ regno ætatem XXV. annorum non inspicere, ut quis major seu perfecta ætatis censeatur, scribit Joan. Tilius, eo libello, quem inscripsit, *La majorité du Roy*: sufficereque quindecim annorum ætatem, vel aliam minorem XXV. annis, ut quis pro majori reputetur de consuetudine. Joan. Fab. *ad l. Tutores C. De eo, qui pro tut. neg. gessit.* Certè ætas minor Regum Galliæ anno ætatis decimo-quarto terminata est à Carolo V. Rege, & confirmata an. c. 15. ccc. lxxv. die 20. Maii. & aliàs, atque ab illa ætate an. c. 15. 150. xiv. die 2. Octob. Ludovicum XIII. jus Galliæ reddere coepisse scribit. Ant. Mornac. *ad l. Princeps § 1. D. De legib.* Vide Molin. *ad consuet. Paris. §. 41. Gl. 2. nu. 14.* Ex Bulla quoque aurea Imperii tutela & cura Electoralis durat dumtaxat usque ad annum ætatis XVIII. completum: idque eà ratione, ut evitetur aliorum dominandi libido, teste Marq. Frehero, *De legit. tut. Elect. ad verba, decem & octo annos.* Jure Saxon. minor efficitur major annu XXI. complero. Matth. Coler. *decis. 6. nu. 6.*

Nu. 3. poss. consulere.) De quo tamen dubites, cum paulò ante dicat Imp. puberes nondum ejus ætatis esse, ut negotia sua tueri possint: & in *l. ult. §. 5. C. De bonis quæ liberis & c.* coarctandos juveniles calores, ne cupidini dediti tristem sentiant ætatem, qui eos post dispersum expectat patrimonium. Item Ulp. I. C. minoribus XXV. annis rerum suarum administrationem committi non debere, quamvis rem suam bene gerentibus, *l. 1. D. De minorib.* & non nisi perraro extraque ordinem indulgeri eam à Principe, *l. 3. in pr. D. eod.* Verùm ratio decidendi peti debet ex ijs legibus, quibus expressum, minoribus non nisi petentibus & desiderantibus curatores dando esse, *l. 2. §. pen. D. Qui petant. tut. vel curat. & l. 5. §. 5. D. De administ. tut.* nec alitur petere cogendos, quàm si id eorum res exigat, *l. 6. C. Qui pet. tut.* Unde quidquid negotij minor, curatorem non habens, gesserit, id ratum erit, ac jure subalter; lætulque beneficio in integrum restitutionis consulat indemnitati suæ, *l. Si curatorem 3. C. De in integ. restit. minor. & toto tit. D. De minorib.* Er frustra Triboniani hoc loco sive negligentiam sive incitiam notat Iac. Revardus *l. b. 1. Varior. c. 17* quòd nobis obtruserit jus vetus & abrogatum pro novo. Nam olim ex lege Latoria id juris obtinuit, ut minoribus curatores, nisi redditis caussis, non darentur, nimirum vel propter lasciviam, id est prodigalitem, vel propter dementiam aut similes causas, quibus allegatis & probatis, nomen & pudor adolescentis, tamquam lascivioris & dissolutius viventis, & quasi prodigi, furiosi vel mente capti, quodammodò sugillabatur. Hoc jus abrogavit Constitutio M. Antonini Philosphi, cujus meminit in ejus Vita. *c. 4. Iul. Capitolinus*, quæ statuit, ut omnes adultri curatores acciperent, non redditis caussis: id est remissâ necessitate reddendi & probandi causas, ob quas peterentur dari curatores, non ut alicui invito curator obtruderetur. Plura Arn. Vinnius ad *h. t. §. 2.* cui addo Franc. de Amaya *Observ. lib. 1. c. 9. D. Tulden. hic c. 2. & ad tit. C. Quando tut. vel curat. esse des* qui contentum qui vix discrimin aliquod agnoscunt inter tutelam & curam sive curatoriam, ut loquitur Modestinus I. C. *l. 1. in pr. & l. 2. in pr. D. De excusat.* cum detur tutor & curator simul, hoc est, qui tutor fuit pupilli, eo pubere facto, seu finitâ tutelâ, fit ejusdem curator. Bus. ad *l. 1. D. De tut. & dixi ad Tit. preced.* Atque hinc est, quòd hodie inviti adolescentes teneantur in tutela ac curatione.

Ibid. in fine) An curator ad litem vel ad lites detur invitus. tractat Molin. ad *cons. Paris. tit. 1. §. 9. Gl. 6. nu. 1* ubi & meminit praxeos in Curia usitata, si forte in judicio obijciatur minoritas agentis vel defendentis, deputandi scilicet statim ex officio à judice curatorem in litem minori ejus procuratorem vel advocatum, & exigendi ab eo juramentum de fideliter ac diligenter administrando. Quoad extraneum dandum curatorem ad lites, putat non ita celeriter procedendum, sed saltem excusanti præfigendum brevem terminum, intra quem causas excusationis, si quas habet, alleget. Vide Christin. an consuet. Mechlin. tit. 19. art. 25.

Nu. 4. ubi, non sanæ mentis) De quo Eras. Prov. Naviget Anticyras 52. chil. 1. cent. 8. Verba Legis XII. Tabb. recitat. 2. de Invent. Cicero: Si furiosus existet, adgnatorum gentiliumque in eo, pecuniaque ejus potestas esto. Columella. lib. 1. c. 3. scribit Catonem dicere solitum, eum, qui agrum incoleret, nec salubri cœlo, nec fertilem, velut commota mentis ad agnatos & gentiles esse deducendum. Usus eodem Varro 1. de Rust. c. 2.

Nu. 5. in fine.) Licet etiam constet notoriè quem prodigum esse, juxta veterem sententiam, & usitatam in foro; cum etiam in notoriis sententiâ interdictionis declaratoriâ opus sit, l. Si non confessus D. De cust. & exhibit. reor. & Clem. Pastoralis De sent. & re jud. Frid. Schenck in Triade forensi p. 2. c. 6. Damhoud. de Patroc. pupill. tit. 1. De tutoris & curat. mun. tomo 8. nu. 13. & seqq. Rebuff. De sent. provis. art. 3. glos. 4. nu. 2. & 3. Vigl. ad §. item prodigus nu. 3. inf. Quib. non est permis. fac. testam. D. Zoef. ad tit. D. De curat. furioso dand. nu. 2. Hoc ideo, quia prodigalitate vitium latere potest, & primo aspectu non facilè percipi aut sentiri, etiam in eo, qui notoriè prodigus apparet; præsertim cum obscuro sapè discrimine à magnificentia ac liberalitate distet prodigalitas. Duo enim genera largorum statuit Cicero, lib. 2. de Offic. quorum alteri Prodigii dicuntur, alteri Liberales. Exemplum hujus interdictionis apud Valer. Max. lib. 3. c. 5. de Q. Fabio Maximo, cui Q. Pompeius Prætor Urbanus paternis bonis interdixit. Dolenter enim homines serebant, inquit Valer. pecuniam, quæ gentis Fabiæ splendori servire debebat, flagitiis discisci. Refert idem auctor lib. 8. c. 6. C. Licinium postulasse à Prætoribus, ut patri suo bonis, tamquam ea dissipanti, interdiceretur. Formula verò interdictionis est apud Paulum l. C. lib. 4. Sent. tit. 4. his verbis concepta: Quando tua bona paterna avitaque nequitia tuâ disperdis, liberosque tuos ad egestatem perducis, ob eam rem tibi a re commercioque interdico.

Nu. 6. in fine.) Obstare videtur l. 1. D. De curat. furioso dand. ubi prodigus, sanis receptis moribus, definit ipso jure esse in potestate curatoris. Verum ne sic quidem excluderis cognitionem & sententiam declaratoriam judicis, quâ indistinctè ac semper uti solent judices, quantumcumque notorium sit, prodigum ad sanos reduisse mores, quemadmodum de consuetudine Flandriæ testatur Damhoud. loc. sup. cit. nu. 33. Ejus rei praxin tradit Rebuff. ubi sup. nu. 13. Vide Guid. Papam quest. 260. Argentr. ad consuet. Britan. tit. Des mineurs art. 497.

Nu. 7. ibi, salvo jure tut.) Vide Cujac. in Parat. ad Cod. In quib. caus. tutorem hab. &c. Ant. Fab. Jurispr. Papin. tit. 12. princ. 1. illat. 7. Joan. Ramum hic. Moribus nostris non ea vis est potestati tutelari in personam pupilli, quæ tutorem habenti minùs idoneum veret adjungi alium magis idoneum tutorem vel curatorem.

DE SATISDACTIONE TUTORVM ET CURATORVM.

TITULUS XXIV.

NEtamen pupillorum pupillarumve, & eorum, qui quæve in curatione sunt, negotia à curatoribus, tutoribusve consumantur, vel deminuantur, curet Prætor, ut & tutores, & curatores eo nomine satisfident. Sed hoc non est perpetuum: nam tutores testamenti dari satisfacere non coguntur, quia fides eorum & diligentia ab ipso testatore approbata est. Item ex inquisitione tutores vel curatores dati satisfactione non onerantur, quia idonei electi sunt.

1. Sed si ex testamento vel inquisitione duo pluresve dati fuerint, potest unus offerre satisfactionem de indemnitate pupilli vel adolescentis, & contutori suo vel concuratori præferri, ut solus administret: vel ut contutor aut concurator satis offerens præponatur ei, ut & ipse solus administret. Itaque per se non potest petere satisfactionem à contutore suo vel concuratore: sed offerre debet, ut electionem det concuratori vel contutori suo, utrum velit satis accipere, an satisfacere. Quòd si nemo eorum satis offerat, si quidem adscriptum fuerit à testatore, quis gerat, ille gerere debet. Quòd si non fuerit adscriptum, quem major pars elegerit, ipse gerere debet, ut edicto Prætoris caveatur. Sin autem ipsi tutores dissenserint circa eligendum eum, vel eos, qui gerere debent, Prætor partes suas interponere debet. Idem & in pluribus ex inquisitione datis comprobatum est, id est, ut major pars eligere possit, per quam adscriptum non est.

2. Sciendum autem est, non solum tutores vel curatores, sed etiam vel adultis, ceterisque personis ex administratione eorum tutorum vel curatorum satisfactionem accipiunt, subsidiariam actionem esse, quæ ultimum eis præstare possit adferre. Subsidiaria autem actio in eos datur, qui aut omnino à tutoribus vel curatoribus satisfacere non curaverunt, aut non idonee passi sunt caveri. Quæ quidem tam ex prudentium responsis, quam ex Constitutionibus Imperialibus etiam in hæredes eorum extenditur.

3. Quibus Constitutionibus & illud exprimitur, ut nisi caveant tutores & curatores, pignoribus captis coërceantur.

4. Neque autem Præfectus urbi, neque Prætor, neque Præfès provinciarum, neque quicumque alius, cui tutores dandus est, hac actione tenebitur: sed hi tantummodo, qui satisfactionem exigere solent.

C O M M E N T A R I V S.

S V M M A R I A.

1. Satisficare tenentur tutores, Rem pupilli saluam fore.
2. Cui & per quem satisfactio ea praestetur.
3. Non satisfiant tutores testamentarij, & per inquisitionem dati.
4. Ex pluribus tutoribus quis administrat & satisfidet.
5. Satisfiant tutores legitimi & dati à magistratu municipali.
6. Et administratione rerum qui & quo ordine teneantur, ac conveniri possint.
7. Actioni subsidiariae quando sit locus, & in quem detur.
8. Tutor ad quam culpam teneatur.

HAtenus quae propria sunt tutorum & curatorum: quae sequuntur communiter ad eos spectant. † Et primò quidem, ut salva sint res minorum, ad curam Prætoris spectat, **UT ET TUTORES ET CURATORES SATISDENT**, id est datis fidejussoribus caveant, *l. 1. D. Qui satisfd. rog. rem pupilli vel adolescentis saluam fore.* Et quidem ante administrationem susceptam: & nisi præstiterint satisfactionem, captis pignoribus coercentur, §. *fin. inf. cod. (a)* † Cavendum autem ipsi pupillo, si præsens sit, & fieri possit, per tutorem; adulto per curatorem. Alias eius nomine servus proprius, aut, si eum non habeat emptius aliquis, aut, si non sit, unde ematur, servus publicus à Prætoribus datus stipulabitur, pupillo rem saluam fore, *l. 2. & 3. l. Servum C. D. Rem pupilli sal. fore, l. 1. §. exigere De magistrat. conven.*

Partitur hæc res exceptionem in **TUTORIBUS TESTAMENTARIIS, ET DATIS A MAIORI MAGISTRATU PER INQUISITIONEM**, *tex. hic in pr.* Ratio est, quòd illorum fides & diligentia per patrem sit approbata, cuius approbatio est loco satisfactionis, *l. De creationib. 27. C. De Episc. audientia, & l. fin. §. si quidem C. De curat. surrogi & prod. (b)* Quod & obtinet in datis quidem per patrem, sed non legitimè, si confirmati fuerint per Prætorum, *l. 4. C. De tutorib. qui non satisfd.* Horum ratio est, quòd inquisitio super conditione sit loco satisfactionis, & ut Papinianus ait, *l. Si impuberi 19. in fine D. De tut. dat. fides inquisitionis pro vinculo cedet cautionis: ut non videatur vacare contumelià, de eorum fide dubitare, l. Testamenta 17. in fine D. De testum. tutela.*

Et hoc ita quoad ipsum pupillum, non etiam quoad ipsos tutores inter se. † Quibus si placuerit vel dividere tutelam, secundum negotia, vel etiam uni assignare administrationem, non impediuntur exigere cautionem, *d. l. 17. in pr.* Si omnes parati sint satisfacere, & inter se dissenserint super eligenda persona, Prætoris est, magis idoneum ceteris præferre, *l. 3. D. De administ. tut. nisi parens aut Prætor uni ex pluribus administrationem commiserit; ille enim meritò aliis præferendus etiam sine satisfactione.* Non sunt tamen inviti cogendi uni ad-

ministrat-

ministracionem cedere, *d.l. 3. §. plane*, quia nō est æquum, aliquem invitum esse succedaneum alieni periculi. † Solos itaque gravat satisfactio legitimos, quia nihil est, quod hos excuset; cum lex eos vocet ad tutelam, non quia idonei sint (quod ex jure non pendet, sed magis est facti) verum propter spem & emolumentum successione: item datos ē municipali Magistratu, qui non præsumuntur exacte minori cavisse.

§. Sciendum.

- A**dministratio tutores curatoresve obligatos pupillo minorive facit, *uti dictum sup. Tit. 20.* sive satisfecerint, sive non **CONCESSA PUPILLO ELECTIO-NE, QUEM EX PLURIBUS, QUI SIMUL GESSERUNT, CONVENIAT;** cessā electo actione in reliquos, *l. in fine C. De dividenda tut.* Quod si divisa fuerit per ipsos tutores, aut uni assignata, **PRIMO** quidem **CONVENIENDUS QUISQUE PROPORTE SUA, EIUSQUE FIDEIUSSOR.** Quo tamen excusso, si necdum satisfactum fuerit pupillo, contra alios ei est regressus, *l. fin C. d. t.* Neque enim conventio tutorum, ut administracionem, ita & electionem dividit, in detrimentum pupilli, cuius jus lædere nequeunt, *l. 3. C. eod.* Si tamen à patre aut Magistratu uni assignata fuerit tutela, aut inter plures divisa, æquum non erit honorarios tutores, qui non gesserunt, gravari facto alterius, nisi dolus aut culpa eorum arguatur, quod collegam suspectum non fecerint, vel non nisi tardè, aut lusoriè suspecti rationem moverint, *d. l. 2.* Non existentibus solvendo ijs, qui tutelam gesserunt, in fidejussores eorum agitur, ad supplendam minori indemnitate, *l. 2. C. De fidejuss. tutor.* † Si nec fidejussores sufficiant indeninitati minorum, **SUBSIDIARIA**
- 7** **EST ACTIO IN MAGISTRATUM, QUI TUTOREM DEDIT,** si arguatur non exegisse sufficientem cautionem suā culpa, *tex. hic in fine.* Quod accipe de Magistratu minore, uti municipali, & defensoribus civitatum, quorum est exigere cautionem; non etiam de majori, cuius inquisitio sufficit, *text. hic in fine.* (c) Pater nomine filij non aliàs videtur teneri, quàm si tutelam agnoverit, & quidem in solidum, *l. 7. D. De tutel.* aliàs non nisi de peculio, & de in rem verso, *l. Si Lucius Titius 21. D. De administ. tutor.* Cujac. *ad d. l. 21. in lib. sing. Resp. Vlpj Marcelli, & 13. Obs. c. 34.*
- 8** Quod dictum de tutoribus, idem & in curatoribus juris. † Ubi non male quaeritur, Ad quam culpam teneantur? Resp. Posse videri, eos non nisi dolum & latam culpam præstare, propterea quod alienam rem gerant, nullo suo commodo, sed potius onere, *l. 5. §. 2 D. Commodati.* Receptum tamen, favore minorum, eos præstare etiam levem, *per l. 1. in pr. D. De tutela & rat. distrah. l. A tutoribus 33. D. De administ. tut.* Ut cum sua tueri nequeant, aliorum curā cautiùs defendantur. Levissimam non præstant, ut patet ex *l. Quidquid 7. C. Arbitrium tut.* ubi fit mentio doli & culpæ, levis scilicet, non etiam levissima; hæc enim culpæ nomine non venit, sed levis tantum. Duar *ad tit. D. De administ. tut. c. 5.*

ADDITI ONES V. A. D.

Nu. 1. in fine) Finis satisfationis est, ne pupillorum, & eorum, qui in curatione sunt, negotia à tutoribus cutatoribusve consumantur vel diminuantur, ut ait imp. hic in pr. Quippe multiformis plerumque perfidia tutorum vel curatorum esse solet, teste Symmacho lib. 7. epist. 65. Recteque apud Ciceronem Verres, pupillos & pupillas esse certissimam pradam tutoribus. Et de Hirro quodam Invenialis, Sat. 10.

-----quot circumscripserit Hirrus
Pupillos -----

Unde & lubricum tutela dixit Papinianus, in l. 3. §. cum Pollidius 3. D. De usur. Nec si-
ne ratione Albericus I. C. ad l. 1. D. De tut. tutores hodie esse quasi tollitores, quia
tollant & furentur bona pupillorum.

Nu. 3. ibi, C. De curat. furiosi & prod.) Alioqui dementissimè testaretur, qui tuto-
rem filio relinqueret pupillorum spoliatores, ut ait Seneca lib. 4. de Benef. c. 27.

Nu. 7. ibi, tex. hic in fine) Subsidiaria hæc actio minoribus velut sacra quædam est
anchora, & præsidium ultimum; quia datur in subsidium, cum omnia alia remedia
deficiunt, id est, excussis bonis tutorum & fidejussorum, §. 2. h. t. l. 13. & 4. C. De magi-
str. conven. Et non tantum pupilli, sed & successores eorum subsidiariâ experiri pos-
sunt, l. 1. §. 4. D. eod. etiam in hæredem Magistratus, cujus dolo aut latâ culpâ minùs
idoneè cautum fuerit pupillo, d. §. 2. h. t. & l. 2. C. eod. ipseque hæres di-
citur propterea succedaneus culpæ dolo proximæ, in l. 4. D. eod. Et quamvis
dicter juris regula, pænales actiones ex dolo aut delicto defuncti descendentes in
hæredes non dari, l. Sicuti hæres 28. De R. I. tamen actio hæc subsidiaria in hæredem
jure competit, quia quasi ex contractu datur. Nam magistratum, qui suâ ne-
gligentiâ cautionem omnem omiserit (quæ proculdubio lata culpa est & do-
lo proxima) æquum est haberi loco fidejussoris, ut & hæres ejus tene-
atur, l. 6. D. eod. Vide Cujac. 13. Obs. c. 39. & Ant. Fabr. 2. Comeck.
c. 12.

Ut autem aliquid hic ex moribus delibem, observandum est hodie tutores cu-
ratoresque omnes ex inquisitione datos, priusquam se immisceant administratio-
ni, teneri cavere, non quidem datis fidejussoribus aut pignoribus (nam &
aliunde pupillis cautum est satis, per tacitam scil. & legalem hypothecam,
quam habent in bonis tutoris, l. Pro officio 20. C. De administ. tut. Negulant. de
Pignorib. memb. 4. p. 2. nu. 17. Ant. Fab. in Cod. suo lib. 8. tit. 7. defn. 1.) sed jura-
to, seu juratosiâ cautione, de tutela fideliter atque utiliter administranda. Nov.
Vt si qui obligatas & c. 72. in fine. Imbert, in Enchir. iur. Gall. V. Tutela, Rebuff.
tract. De sent. provis. art. 3. gl. 2. nu. 7 & 8. ubi scribit, tutorem omnem hodie
in Gallia ex inquisitione dari, nec satisfare (cum fidejussoribus scil.) suffice-
reque in consanguineis saltem juratoriam cautionem. Solet autem tutor cave-
re &

re: & jurare; sequentia. I. Quòd personam & bona pupilli benè & fideliter reget atque administrabit. II. Quòd utilia pupillo procurabit; & inutilia vitabit: III. Quòd de bonis pupilli bonum & legale inventarium faciet. IV. Quòd de administratis loco & tempore rationem reddet, & reliqua restituet. Hac ferè Rebuffus: atque ita quoque in Belgio & alibi passim observari scribit Christin. *ad LL. Mechlin. tit. 19. art. 7. nu. 4.* Joan. Sand. *Decis. Fris. lib. 2. tit. 9. defin. 9.* & in Imperio hac de re est Constitutio Caroli V. an. 1548. confirmata à Rudolpho II. an. 1577. Porro pluribus datis tutoribus, sive testamento, sive ex inquisitione, tenentur singuli in solidum, sive inter se & sine iudice diviserint tutelam, sive non. l. 1. §. *nunc tractemus* 10. & seq. D. De tut. & rat. distrab. & l. 2. C. De divid. tut. An verò tunc sit locus beneficio divisionis aut ordinis, tractat Boër. *decis. 59. nu. 3. & seqq.* Nic. Everardi *conf. 191. nu. 9. & 10.* Vide Berlich. *Conclus. pract. p. 2. concl. 12. nu. 38. & seqq.* & Montan. *de Tutel. c. 39. nu. 149. 155. & seqq.* Denique actionis subsidiaria apud nos vix est usus, nisi Magistratus vel Magistri pupillares dolo egerint, aut culpà dolo proximà, in dandis aut recipiendis tutoribus absque satisfactione seu cautione idonea; quo casu de dolo actio competet, Bus. *ad l. 1. D. De Magistr. conven. Zyp. in Not. tit. De tutorib. circa fin.* Vel etiam, cessante hac actione, in ipsos Magistros, tamquam ejus nomine fidejussores, subsidiaria dabitur, excussis primò tutoribus curatoribusve, qui gesserint, tum cæteris contutoribus, & eorum hæredibus aut fidejussoribus, si qui dati fuerint. Christin. *ad d. tit. 19. art. 10. nu. 7. & 8.* Vide Pet. Heig. *Instit. b. t. §. Sciendum nu. 1. & seqq.* Everard. *conf. 19. nu. 1.*

DE EXCUSATIONIBVS TVTORVM VEL CVRATORVM.

TITVLVS XXV.

EXcitantur autem tutores & curatores variis ex causis: plerumque tamen propter liberos, sive in potestate sint, sive emancipati. Si enim tres liberos superstites Romæ quis habeat, vel in Italia quatuor, vel in provinciis quinque, à tutela vel cura potest excusari, exemplo cæterorum munerum: nam & tutelam & curam placuit publicum munus esse. Sed adoptivi liberi non profunt. In adoptionem autem dati, naturali patri profunt: Item nepotes ex filio profunt, ut in locum patris sui succedant: ex filia non profunt. Filii autem superstites tantum ad tutelam vel curam muneris excusationem non profunt. Sed si in bello amissi sunt, quaesitum est, an profunt? Et constat eos solos prodesse, qui in acie amittuntur. Hi enim, qui pro republica ceciderunt, in perpetuum per gloriam vivere intelliguntur.

1. Item divus Marcus in Semestribus rescripsit, eum, qui res fisci administrat, à tutela vel cura, quamdiu administrat, excusari posse.

2. Item qui Reipublicæ causâ absunt, à tutela vel cura excusantur. Sed & si fuerint tutores vel curatores dati, deinde Reipubl. causâ abesse coeperint, à tutela vel cura excusantur, quatenus Reipubl. causâ absunt: & interea curator loco eorum datur. Qui si reversi fuerint, recipiunt onus tutelæ: nam nec anni habent vacationem, ut Papinianus libro quinto Responsorum scripsit. Nam hoc spatium habent ad novas tutelas vocati.

3. Et qui potestatem aliquam habent, se excusare possunt, ut divus Marcus rescripsit: sed susceptam tutelam deferere non possunt.

4. Item propter litem, quam cum pupillo vel adulto tutor vel curator habet, excusari non potest: nisi fortè de omnibus bonis, vel hæreditate controversia sit.

5. Item tria onera tutela non adfectata, vel curæ, præstant vacationem, quamdiu administrantur: ut tamen plurimum pupillorum tutela vel cura eorumdem bonorum, veluti fratrum, pro una computetur.

6. Sed & propter pauperatatem excusationem tribui, tam divi fratres, quam per se divus Marcus rescripsit, si quis imparem se oneri in iuncto possit docere.

7. Item propter adversam valetudinem, propter quam ne suis quidem negotiis interesse potest, excusatio locum habet.

8. Similiter eos, qui litteras nesciunt, esse excusandos, divus Pius rescripsit: quamvis & imperiti litterarum possint ad administrationem negotiorum sufficere.

9. Item si propter inimicitias aliquem testamento tutorem pater dederit, hoc ipsum præstat ei excusationem: sicut per contrarium non excusantur, qui se tutelam administraturos patri pupillorum promiserunt.

10. Non esse autem admittendam excusationem ejus, qui hoc solo utitur, quod ignotus patri pupillorum sit, divi fratres rescripserunt.

11. Inimicitie, quas quis cum patre pupillorum vel adultorum exercuit, si capitales fuerunt, nec reconciliatio intervenit, à tutela vel cura solent excusare.

12. Item is, qui status controversiam à pupillorum patre passus est, excusatur à tutela.

13. Item major septuaginta annis à tutela & cura se potest excusare. Minores autem viginti quinque annis, olim quidem excusabantur, nostrâ autem Constitutione prohibentur ad tutelam vel curam aspirare; adeò ut nec excusatione opus sit. Quâ Constitutione cavetur, ut nec pupillas ad legitimam tutelam vocetur, nec adultus: cum sit incivile, eos, qui alieno auxilio in rebus suis administrandis egere noscuntur, & ab aliis reguntur, aliorum tutelam vel curam subire.

14. Idem & milite observandum est, ut nec volens ad tutelam onus admittatur.

15. Item Romæ Grammatici, Rhetores, & Medici, & qui in patria sua has artes exercent, & intra numerum sunt, à tutela & cura habent vacationem.

16. Qui autem vult se excusare, si plures habeat excusationes, & de quibusdam non probaverit, alijs uti intra tempora constituta non prohibetur.

Qui autem excusare se volunt, non appellant: sed intra quinquaginta dies continuos, ex quo cognoverint se esse tutores vel curatores datos, se excusare debent, cuiuscumque generis sint, id est, qualitercumque dati fuerint tutores; si intra centesimum lapidem sunt ab eo loco, ubi tutores dati sunt. Si verò ultra centesimum lapidem habitant, dinumeratione facta viginti millium diurnorum, & amplius triginta dierum: qui tamen (ut Scævola dicebat) sic debent computari, ne minus sint, quam quinquaginta dies.

17. Datus autem tutor, ad universum patrimonium datus esse creditur.

18. Qui tutelam alicujus gessit, in vitus curator ejusdem fieri non compellitur: in tantum, ut licet paterfamilias, qui testamento tutorem dedit, adjecerit se eundem curatorem dare, tamen invitum eum curam suscipere non cogendum, divi Severus & Antoninus rescripserunt.

19. Idem rescripserunt, maritum uxori suæ curatorem datum, excusare se posse, licet se immisceat.

20. Si quis autem falsis allegationibus excusationem tutelæ meruerit, non est liberatus onere tutelæ.

COMMENTARIUS.

SUMMARIA.

1. Excusatio quid, & qui tutores, se excusent.
2. Ex causa privilegij excusat numerus liberorum.
3. Excusantur & Athletæ ac veterani.
4. Ex causa impedimenti excusat ætas, numerus tutelarum, dignitas &c.
5. An & litterarum imperitia;
6. Ex causa suspicionis, inimicitia, litis, questio status.
7. Causæ falsæ non excusant.
8. Excusationes quor & intra quod tempus proponende.

Cum jure tutor datus, ex quo datum se scivit, suo periculo cesset, nisi se excusaverit. l. 9. De testam. tut. subjungitur hic de excusationibus tutorum & curatorum, & temporibus earum proponendarum.

Est autem EXCUSATIO ALLEGATIO JUSTÆ CAUSSÆ QUÆ, QUIS ONUS TUTELÆ VEL CURÆ DELATÆ DEPRECATUR. Excusare se posse datos testamento, & per Magistratum, vult Cujac. l'lpian. tit. 11. non & legitimos,

mos, quod ipso jure à L. XII. Tab. sint dari tutores. Verùm & hi audiuntur, cum in l. 2. §. hic autem D. h. t. dicatur quicumque tutor se excusare debere; & in l. Si sororis 9. C. Qui dare tutores vel curat. legitimus se excusare. Excusatio autem ideò admittitur, quòd cum tutela & cura sint munera publica, quæ etiam invitis deferuntur, posset contingere, iniquè aliquem ijs gravari. Et ne in cuiusvis arbitrio sit, ea subterfugere, certæ causæ legibus sunt definitæ, de quibus D. & C. h. t. Consistunt eæ in triplici capite, scilicet in privilegio, in iusto impedimento, in suspitione rei non bene gerendæ.

Ad primum spectat **NUMERUS LIBERORUM, TRIUM ROMÆ, QUATUOR IN ITALIA, QUINQUE IN PROVINCIA**, qui sint nati tempore excusationis, & superstites. Nam mortui non excusarent, nisi in bello amissi fuerint, quia tales censentur vivere per gloriam; aut ex ijs exsint nepotes iusti, siue in potestate, siue emancipati. Ratio est quia rempublicam tanta prole auxerint. (a) **† HABENT & PRIVILEGIUM ATHLETÆ ET coronati in sacris certaminibus: VETERANI**, qui vicena stipendia meruerunt, excepta conveterani filiorum tutelâ. **GESTA** quoque tutela facit quem excusari à cura; quia satis esse debet, operâ amici semel usum fuisse in tutela.

Ad secundum spectat **ÆTAS MAIOR LXX. ANNIS, ET MINOR XXV.** (b) Item **ONUS TRIVM TUTELARVM** non adfectarum, quia adfectata non crederetur esse oneris; **MILITIA, MAGISTRATVS. ADMINISTRATIO RERVM FISCI, ABSENTIA REIPVBL. CAUSSA: PAUPER TAS**, talis, quæ oneri imparè reddat: (c) **ADVERSA VALETVDIO**, quæ rerum agendarum facultatè adimat: **† LITTERARVM IMPERITIA**, modò non sit expert negotiorum gerendorum, ut habet text. in l. 6. §. fin. D. h. t. & probat idem Anton. Augustinus. Hic tamen in §. similiter, secundum D. Pium dicitur indistinctè excusari illitteratus, quod sit necessaria scientia litterarum ad conficiendas rationes. Per quem text. volunt quidam corrigi d. l. 6. §. fin. (d) **PROFESSIO GRAMMATICES, RHETORICES, MEDICINÆ, PHILOSOPHIÆ**, quatenus docentes sunt intra numerum, de quo d. l. 6. Legum professio non nisi Romæ præstat immunitatem.

Ad tertium caput spectant inimicitia tutoris cum patre pupilli, si capitales fuerint, nec intervenerit reconciliatio; (e) **lis de omnibus & maxima parte bonorum**; quæstio status mota à patre pupilli: inducunt enim hæc metum rei malè gerendæ. Ex hac causâ etiam excusatur, qui datus tutor causâ inimicitia à patre pupilli, quasi ideo datur, ut ei molestum & operosum negotium exhiberetur. Non præbet autem excusationem, quòd quis dicat se patri pupilli ignotum esse, cum ea res nihil sinistri causet. Quòd maritus à cura uxoris excusatur etiam suscepta, est, quòd uxor nihil nominarito condonaret in grave sui detrimentum.

(t) Hæc de causis excusationum: quæ ab onere tutelæ liberant, quatenus veræ sunt. Nam falsitas neutiquam eximet, nec excusabit à damno interea dato, §. fin. h. t. ne dolus suus alicui prosit. Sunc autem, quorum excusatio non admittitur.

titur: uti liberti, qui tutor datur patroni liberis, *l. 5. C. h. t. & ejus*, qui promissit patri pupillorum, se tutelam suscepturum, etiamsi alias iustam excusationem habeat, *§. Item si propter 10. h. t. l. Spadonem §. 1. D. eod.*

§. Qui autem.

EXcusationes variæ proponi possunt, & post unam propositam rejectam alias cum nemo prohibeatur uti pluribus exceptionibus. (g) Proponenda tamen excusatio intra certa tempora, scilicet intra quinquaginta dies, ex quo quis noverit se tutorem aut curatorem esse nominatum, modo sit intra centesimum lapidem, id est centesimum milliare. Amplius distantibus additur congruum tempus, *ut hic habet tempus*. Ante propositam autem excusationem non rectè appellabit nominatus, sed tum demùm, cum excusatio proposita fuerit & rejecta, quia tunc demùm nominato accedit gravamen, non & antè per solam delationem tutelæ, *l. Scire 13. in pr. D. h. t. l. Tutores 18. C. eod. & l. 1. §. si quis D. Quando appel. fit.*

ADDITIONES V. A. D.

Nu. 2. in fine) Unde & ab aliis muneribus personalibus numerus liberorum sive *παλῦταιδία* excusat, *l. ult. C. De his qui numero liber. excus. lib. 10.* Similis apud Spartanos lex fuit, *Æliano teste. 6. Var. hist. c. 6.* Apud Gallos quoque numerum quinque liberorum excusare à tutela scribit Joan. Papon *lib. 15. tit. 5. arresto 11.* ita judicatum referens in suprema Cura Paris. anno 1561. Visumque tum plerisque paradoxum hoc arrestum, cum contrarium hactenus in Francia, tam quæ consuetudine quàm quæ jure scripto reperitur, observatum fuisset. Adde Charond. *lib. 4. resp. 68.* Verùm posterioribus deinde arrestis obtinuit, ut etiam terni liberi excusent ab hoc onere. Bugnion. *Leg. abrog. lib. 6. collect. 66.* Contrà judicatum in magno Senatu Belgico, ne quinquæ quidem excusare, teste Christin. *ad LL. Mechlin. tit. 19. art. 6. nu. 5. in addit. quem & vide decis. 17. nu. 4. vol. 3.* ubi ad interrogationem consultationemque judicum pupillarium Mechliniæ refert aliter declaratum, & judicatum fuisse.

Nu. 4. in pr. ibi, & minor XXV.) Minori quidem XXV. annis nec aspirare permittitur ad tutelam vel curam: hoc enim incivile esse credidit Imp. hic, nec ferendum, eundem esse tutorem, & sub tutela constitui: & iterum, eundem esse curatorem & sub cura agere, non sine fœda & nominum & rerum confusione, *l. ult. C. De legit. tut.* Neque admittendus ad administrationem minor testamento tutor datus, nisi factus major, *§. 2. sup. Qui testamento tut. dari. poss. & Vinnius hic.* Ex Bulla tamen aurea Imperii Romano Germanici Princeps Elector XVIII. annorum potest esse tutor fratrum minorennium. Apud nos Lovanii statutum, *Instr. Cam. pupil. art. 42.* ut minor XXV. annis excusationem à tutela habens, major factus, & idoneus huic muneri, teneatur deinceps

deinceps tutelam suscipere, modò prior tutor curatorve, atque ipse pupillus petant, & Magistri pupillares idè re fore pupilli judicaverint. De majori verò LXX. annis est l. 2. in pr. D. h. t. & l. 2. C. Qui ob etatem & c. lib. 10. Estque ætas illa per se gravis, & non modò corporis, sed & mentis vigorem hebetat, Arist. 2. Polit. 6. 7. ut meritò vacationem præstat. Annus autem septuagesimus completus, non tantum coeptus sit, oportet. Sand. Decis. Fris. lib. 2. tit. 9. defin. 5. scribit tamen Plinius lib. 4. epist. 23. nam & prima vita tempora, & media patria, extrema nobis impertire debemus, ut ipse leges monent quæ majorem annis sexaginta otio reddunt. Seneca, de Brevit. vita in fine, Lex, inquit, à quinquagesimo anno militem non cogit, à sexagesimo Senatorem non citat. Verùm hoc ad honores referunt, à quibus sexaginta anni excusant. Cur non etiam à muneribus? quia munera civilia, velut onera, plerique defugiunt, honores verò affectant plerumque omnes: unde qui munera gerant, deesse possunt; qui honores, non utique. Quò fit, ut etiam tardius munerum vacatio concedatur. Ita Cujac. ad d. l. 2. D. h. t.

Ibid. ibi, quæ oneri imp. reddat.) Alia igitur est causa tutoris excusati seu excusandi à tutela, alia removendi ut suspecti, tex. inf. De suspect. tut. in fine, & l. Suspectum 8. D. eod. Existimat Zyp. in not. iur. Belg. tit. de tutorib. pauperem non quidem admovendum administrationi, sed admotum, nisi quid aliud accedat, non removendum: de quo tamen tutius arbitrabitur iudex, Vide inf. ad Tit. seq. nu. 5.

Nu. 5. ibi, d. l. 6. §. fin.) Notandum autem, dici hîc, quæ litteras nesciunt, esse excusandos. Nescire litteras dicitur vel generaliter de eo, qui scribere nesciat, & simul expers sit negotiorum, imparque administrationi, defectu judicij ad res gerendas minus idonei, ut neque dictare rationes alicui litterarum perito possit; quo casu non est opus excusatione, cum talis ne quidem volens admittatur ad tutelam, eoquæ sensu homines & litterarum & negotiorum expertes dicuntur proverbialiter. *μὴτε γάρ, μὴτε ἄρ' ἀμύματα ἐστίν* Neque natæ, neque litteræ scire: vel specialiter de eo, qui solum pingere & scribere nesciat, sufficiat verò ad negotiorum administrationem, & in consiciendo inventario, rationibusque accepti & expensi dictandis, alterius operâ uti possit; cuius excusatio recipi non debet. Nam in quibusdam major sæpè experientia, certiorque memoria est, quam quæ ex scripto venit, utique cum de re familiari querenda, de collocanda pecunia atque etiam urenda disputatur, ut alibi Cicero scribit. Idemque in partu. Orat. dixit, memoriam litteraturæ quodammodò germanam esse. Et Columella lib. 1. c. 8. posse & illiteratum, dummodò tenacissima sit memoria, rem satis commodè administrare. Quod & usus probat, nec legibus municipalibus improbat. Alij aliter explicant hunc locum: Vide Duar. 1. Diss. a. univers. c. 3. Vulteiū Discepr. scholast. c. 8. Marc. à Lyclama 1. Membr. 12. & 13. c. 3. quemnos secuti fere sumus.

Nu. 6. ibi, nec interven. rec.) Capitales inimicitia dicuntur, quibus causa dederit capitalis commissa officio, l. Si duas 6. §. dat. rem. sionem.

17. *D. h. r.* vel quas alter alteri denuntiaverit solenniter, & præsentibus testibus, ut docet Jac. Ravardus §. *Var. c. 1 §.* quasi solâ morte dirimendas, ut apud Horat. lib. 1. *Sat. 7.* inter Hectora & Achillem,

Ita fuit capitalis, ut ultima divideret mors. Refert Corn. Tacit. 6. *Annal.* maiores nostros, quoties dirimerent amicitias, solitos interdicare domo, eumque finem gratiæ ponere. Usurpari tale quid hodieque videmus.

Ibid. in fine.) Moribus verò gentium ferè omnium, & jure à majoribus recepto, imò & veteri Romanorum, uxores in manum virorum conveniunt, & in tutela ac potestate sunt maritorum suorum, sine quorum auctoritate & consensu neque contrahere, neque obligari validè possunt. Nisi fortè ex causa veluti peculiari contrahant, ut si opificium aliquod aut negotiationem separatim exerceant, marito sciente & non contradicente. Tiraq. de *LL. connub. in princ.* Boër, ad *consuet. Bitur. tit. 1. §. 4.* Argentr. ad *cons. Britan. De minorib.* Bud. in *Forensib.* Damhoud. de *Patros. pupill. tit. 1. cap. §. nu. 38.* ubi notat generali Flandriæ consuetudine uxorem dici hiberique sub mariti cura, & nonnunquam, quod omnium turpissimum esse ait, maritum sub curatione uxoris.

Nu. 8. ibi, plurib. exceptionib.) Queritur, an plures excusationes imperfectæ vacationem præstent, veluti si quis septuaginta quidem annorum non sit, neque tres tutelas habeat, neque quinque liberos, aut aliud jus vacationis; habeat autem duas tutelas & duos liberos, & sexaginta sit annorum, quarum unaquæque per se causa idonea ac firma non est: an talia conjuncta excusationem præbeant? Et talem non excusari respondit Modestinus, l. *Spado 1 §. §. si civitatis vers. qui multas D. h. t.* Contrà existimat Bern. Antumaus, in *Censura sua jur. Gall. ad d. l. 1 §. arg. l. Si is qui 31. D. eod.* ex eo, quòd magis oneretur, cui sunt hæc jura imperfecta, quàm si unum jus perfectum habeat.

Ibid. ibi, ut hic habet tex.) Mores hîc fere concordant. Nam tutores ac curatores ex die, quo se cognoverint tutores datos & designatos, tenentur intra certum tempus, puta octo dierum, uti Lovanij, art. 43. alibi aliud, & modò brevius modò longius, pro locorum intercapedine, Baro ad *h. t. parte poster.* alibi non definitur, ut Antverp. tit. 38. art. 26, onus hujusmodi suscipere, & juramentum ad id requisitum præstare, nisi legitimam habeant causam excusationis, intra idem illud tempus coram Consulibus & Magistratu proponendam, qui de ea secundum leges ex bono & æquo statuent.

DE SUSPECTIS TUTORIBVS , VEL
CURATORIBVS.

TITVLVS XXVI.

Sciendum est, suspecti crimen ex lege duodecim tabularum descendere.

1. Datum est autem jus removendi tutores suspectos Romæ, Prætori, & in provinciis Præsidibus earum, & Legato Proconsulis.
2. Ostendimus, qui possint de suspecto cognoscere: nunc videamus, qui suspecti fieri possint. Et possunt quidem omnes tutores fieri suspecti, sive sint testamentarii, sive non sint, sed alterius generis tutores. Quare & si legitimus fuerit tutor, accusari poterit. Quid si patronus? Adhuc idem erit dicendum: dummodo meminerimus, famæ patroni parcendum esse, licet ut suspectus remotus fuerit.
3. Consequens est, ut videamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimò & mulieres admittuntur ex rescripto divorum Severi & Antonini: sed ex solæ, quæ pietatis necessitudine ductæ, ad hoc procedunt: ut puta mater, nutrix quoque & avia, potest & soror. Sed & si qua alia mulier fuerit, quam Prætor propensâ pietate intellexerit, sexus verecundiam non egredientem, sed pietate productam, non sustinere injuriam pupillorum, admittet eam ad accusationem.
4. Impuberes non possunt tutores suos suspectos postulare. Puberes autem curatores suos ex consilio necessariorum suspectos possunt arguere: & ita divi Severus & Antoninus rescripserunt.
5. Suspectus autem est, qui non ex fide tutelam gerit, licet solvendo sit, ut Julianus quoque scripsit. Sed & antequàm incipiat tutelam gerere tutor, posse eum quasi suspectum removeri, idem Julianus scripsit, & secundum eum constitutum est.
6. Suspectus autem remotus, si quidem ob dolum, famosus est: si ob culpam, non æquè.
7. Si quis autem suspectus postuletur, quoad cognitio finiatur, interdicatur ei administratio, ut Papiniano visum est.
8. Sed si suspecti cognitio suscepta fuerit, posteaquam tutor vel curator decesserit, extinguitur suspecti cognitio.
9. Si quis tutor copiam sui non faciat, ut alimenta pupillo decernantur, caveatur epistolâ divorum Severi & Antonini, ut in possessionem bonorum ejus pupillus mittatur: & quæ morâ deteriora futura sunt, dato curatore distrahi jubentur. Ergo ut suspectus removeri poterit, qui non præstat alimenta.
10. Sed si quis præsens negat propter inopiam alimenta posse decerni, si hoc

per mendacium dicat, remittendum eum esse ad Præfectum urbi puniendum placuit: sicut ille remittitur, qui datâ pecuniâ ministerium tutelæ adquisierit vel redemerit.

11. Libertus quoque, si fraudulenter tutelam filiorum vel nepotum patroni gessisse probetur, ad Præfectum urbi remittitur puniendus.

12. Novissimè autem sciendum est, eos, qui fraudulenter tutelam administrant, etiam si satis offerant, removendos esse à tutela: quia satisfactio tutoris propositum malevolum non mutat, sed diutiùs grassandi in re familiari facultatem præstat. Suspectum etiam eum putamus, qui moribus talis est, ut suspectus sit. Enim verò tutor vel curator, quamvis pauper sit, fidelis tamen & diligens, removendus non est quasi suspectus.

COMMENTARIUS.

SUMMARIA.

1. *Qui de crimine suspecti cognoscant.*
2. *Qui de eo accusare possint.*
3. *Accusatio hæc est quasi publica.*
4. *Locum habet etiam ante inchoatam tutelam.*
5. *Suspectus quis dicatur.*
6. *Suspectus removendus etiam satis offerens.*
7. *Remotus ob dolum fit infamis.*
8. *An & ob latam culpam.*
9. *Accusatio suspendit ab administratione eum, qui accusatur.*

UT securius tutela & cura procedant, & res minorum sint extra periculum, advertitur in tutores & curatores, num rectè & ex fide tutelam gerant. (a)
 1. * Qui si suspecti videantur, eos removendi jus est PRÆTORI ROMÆ,
 IN PROVINCIIS EARUM PRÆSIDIBUS, AUT LEGATO
 2. PROCONSULIS. * Non factâ distinctione inter legitimos, testamento aut inquisitione datos, §. 2. h. t. Nam licet horum mores sint semel probati, contingit tamen nutari in pejus. Necessitudinis aut adfinitatis vinculis conjuncto præstat adjungere curatorem, l. Si tutor 9. De eod. ne per ejus remotionem infamia redundet in minorem. Parcendum & famæ patroni, ne uti suspectus removeatur, licet talis sit, d. l. 9.

§. Consequens est.

ACCUSATIO SUSPECTI dicitur hic esse QUASI PUBLICA; quia publica
 3. judicia propriè talia sunt, quæ descendunt ex legibus publicorum judiciorum, qualis non est hæc, cum ejus mentio non fiat in l. 1. D. De publ. jud. & hanc

hanc institutam pars prosequi desistens non incidat in Senatusc. Turpilianum, exemplo privatorum delictorum, l. 1. §. *suspecti D. Ad S. C. Turpil.* Dicitur publica, quòd omnibus pateat, idoneis tamen. Quomodo mulieres non passim admittuntur, sed tantum mater, avia, soror, nutrix, & si qua alia videbitur pietate mora, *tex. hic.* (b) Impubes non auditur propter defectum iudicii: pubes non aliter quàm adhibito CONSILIO NECESSARIORUM, ne ætatis lubrico ductus temerè notet curatorem. * Accusationi isti locus est & ante inchoatam tutelam, cum agatur de re pupilli servanda: & cum tutor admissus reiici possit, quod turpius est, quidni etiam necdum admissus repelli? Cessat autem, eo, qui postulatus erat, mortuo: finis enim postulationis est, ut removeatur, quo habito cessant media.

§. *Suspectus autem est.*

SUSPECTUS HIC ESSE DICITUR, QUI NON EX FIDE TUTELAM GERIT: veluti si falsò neget, tantam esse pupilli substantiam, ut alimenta præstari queant, quo casu in ejus bona mittitur pupillus, §. *si quis tutor 9. h. t.* si ad alimenta decernenda copiam sui non faciat: si, omisso inventario, administrationem susceperit, l. *fin. C. Arbitrium tut.* & in genere QUI MORIBUS TALIS EST, UT SUSPECTUS SIT; quæ res judicanda ex cuiusque moribus & qualitate: & cum sit facti, iudicis arbitrio relinquenda, ex circumstantiis dijudicanda. (c)

§. *Suspectus autem remotus.*

POSTULATIONE suspecti paracta, continuo ab administratione removendus est postulatus, non attento, sit solvendo, aut satis offerat; cum SATISDATIO NON MUTET MALEVOLUM ANIMUM, §. *fin. h. t.* sed diutius grassandi in rebus pupilli facultatem præstet, l. 6. D. *cod.* Expedi enim pupillo rem esse salvam, quàm tabulas, rem salvam fore, cautionis habere, l. 2. §. D. *cod.*

SEQUITUR autem REMOTUM INFAMIA, si ob dolum in sententia expressum removeatur: aliàs magis est, ut integrâ fama abeat, l. *in fine & l. 4. in pr. D. cod.* Interpretamur enim odiosa in meliorem partem.

De lata culpa quaritur, an propter eam remotus non notetur? Quod negant multi; ex eo, quòd textus hic dicat indistincte, OB CULPAM NON ÆQUE notari. Pro quibus facit, quòd nostrum non sit distinguere, quando lex non distinguit, præcipuè in pœnalibus. Certius tamen quis dixerit, ob latam culpam sententiâ expressam remotum notari, eo quod lata culpa passim dolo comparetur, l. *Fideiussores 29. in pr. D. Mandati, l. Impuberib. 7. §. 1. D. h. t. & l. Magna 226. D. De V. S. & doli esse dicatur, in l. Quod Nerva 32. D. Depositi; ubi depositi damnatus, non tantum dicitur fieri infamis, si ex dolo damneretur, verum & si ex lata culpa. Facit l. *Quæsitum 8. §. cum quoque D. De precario*, ubi dicitur venire solus dolus, non etiam culpa: subiungitur tamen etiâ latam culpam dolo contineri, qualem clausulâ & rectè admittere hic noster textus, cum culpæ nomine simpliciter positæ tantum veniat culpa levis. Vid. Coras. 4. *Miscell. c. 2. nu. 13. Zas. Singul. intellect. lib. 1. c. 2. (d)**

§. Si quis autem.

9 **H**abet hæc postulatio id speciale, quòd proposita faciat ab administratione suspendi postulatam, ut servetur pupillo res sua salva. Quæ non foret salva per satisfactionem, cum hæc non metuat malevolum animum, sed det majorem grassandi in bonis pupilli occasionem, cujus res potius servanda intacta, quam post causam vulneratam remedium quærendum, *l. fin. C. In quib. caus. in integ. restit. non est neces.* non raro serotinum.

ADDITIONES. V. A. D.

Num. 1. in fine.) Idque ex Lege XII. Tabb. ex qua Imp. ait suspecti crimen descendere, id est jus accusandi & postulandi tutores suspectos. Quod & Cicero *lib. 3. de Offic.* insinuat: *Atque iste dolus malus, inquit, legibus erat vindicatus, ut tutela duodecim Tabulis, circumscriptio adolescentum lege Latoris.* Hodie cum jure magistratus ex consuetudine dentur tutores, coram iis, quibus jus dandi est, hæc accusatio proponi poterit. *D. Zoef. ad D. h. t. nu. 2.*

Nu. 3. ibi, *text. hic.*) Neque enim aliàs patitur jus, ut contra pudicitiam sexui congruentem, alienis se causis mulieres immisceant. Cui rei causam dedit Calphurnia (fortè eadem cum Caja Afrania, apud Valer. Max. *lib. 8. c. 2.*) improbissima femina, quæ sexus verecundiam egressa, præcluserat iudiciorum aditum mulieribus, *l. 1. §. 5. D. De postulando.*

Nu. 5. in fine.) Unde tutor quamvis pauper, fidelis tamen & diligens, removendus non est quasi suspectus, *text. hic in fine.* De quo aliter judicat Bern. Autumnus, in *Censura sua Gall. ad l. 8. D. eod.* removendum scilicet esse à tutela, quia ex fidei infidelis fieri possit, & suspectus esse, urgente necessitate. Maximè verò pauperes, si se ingerant, semper suspecti esse visi sunt, inquit Bucherel. homines scil. ex pullata turba sumpti, hoc est leves, & ut vulgus loquitur, diabolares, quos ipsos inopia refellit. Sed & suspectus meritò haberi debet, adeoque perjurus & perfidus, qui quæ juravit non præstat, *de quibus sup. ad Tit. 24.* teneturque pupillo ad omne damnum & interesse: & si non sit solvendo, in corpore puniri potest, secundum illud, Qui non habet in ære, luat in cute. *Barr. in l. Ob soenus D. De administ. tut.*

Nu. 8. in fine.) Eandem quæst. tractat Zoef. *ad tit. D. h. t. nu. 9.* Donel. 18. *Comment. c. 8. Duar. ad l. 5. De in litem jur. & plenè Tim. Faber. Diss. xi. thes. 8.* Pluribus dissentientibus, à quibus stat jus, quod moribus regitur; cum hodie neque remotioris causam inferi sententiæ necesse sit, & non tam ex causa, quam ex genere peccata infamia irrogetur.

H E N R I C I JACOBI ZOESII J. C.

IN LIB. SECVNDVM


INSTITUTIONUM SEV ELEMENTORVM

JVRIS CIVILIS

COMMENTARIVS.

DE RERVM DIVISIONE ET ADQVI-
RENDO IPSARVM DOMINIO.

TITVLVS I.



UPERIORE libro de jure Personarum exposuimus: modò videamus de Rebus, quæ vel in nostro patrimonio, vel extra patrimonium nostrum habentur. Quædam enim naturali jure communia sunt omnium, quædam publica, quædam universitatis, quædam nullius, pleraque singulorum, quæ ex variis causis cuique acquiruntur, sicut ex subjectis apparebit.

1. Et quidem naturali jure communia sunt omnium hæc, aër, aqua profluens, & mare, & per hoc littora maris. Nemo igitur ad littus maris accedere prohibetur: dum tamen à villis, & monumentis, & ædificiis absteineat, quia non sunt juris gentium, sicut est mare.

2. Flumina autem omnia, & portus publica sunt: ideòque jus piscandi omnibus commune est in portu, fluminibusque.

3. Est autem littus maris, quatenus hybernus fluctus maximus excurrit.

4. Riparum quoque usus publicus est jure gentium, sicut ipsius fluminis. Itaque naves ad eas appellare, funes arboribus ibi natis religare, onus aliquod in his reponere, cuilibet liberum est, sicut per ipsum flumen navigare. Sed proprietas earum illorum est, quorum prædiis hærent, qua de causa arbores quoque in iisdem natæ eorumdem sunt.

5. Littorum usus publicus est juris gentium, sicut & ipsius maris: & ob id cuilibet liberum est casam ibi ponere, in quam se recipiat: sicut retia siccare, & ex mari deducere. Proprietas autem eorum potest intelligi nullius esse: sed ejusdem juris esse, cujus & mare, & quæ subjacet mari terra vel arena.

6. Universitatis sunt, non singulorum, quæ in civitatibus sunt theatra, stadia, & siqua alia sunt communia civitatum.

7. Nullius autem sunt res sacræ, & religiosæ, & sanctæ: quod enim divini juris est, id nullius in bonis est.

8. Sacræ res sunt, quæ ritè per Pontifices Deo consecratæ sunt: veluti ædes sacræ & donaria, quæ ritè ad ministerium Dei dedicata sunt, quæ etiam per nostram Constitutionem alienari & obligari prohibuimus, exceptâ causâ redemptionis captivorum. Si quis autem auctoritate suâ quali sacrum sibi constituerit, sacrum non est sed profanum. Locus autem, in quo ædes sacræ sunt ædificatæ, etiam dictus adificio sacer adhuc manet, ut & Papinianus scripsit.

9. Religiosum locum unusquisque suâ voluntate facit, dum mortuum infert in locum suum. In communem autem locum purum invito socio inferre non licet: in commune verò sepulchrum etiam invitis ceteris licet inferre. Item si alienus usus fructus est, proprietarium placet, nisi consentiente usufructuario, locum religiosum non facere. In alienum locum consentiente domino licet inferre: & licet postea ratum non habuerit, quam illatus est mortuus, tamen locus religiosus fit.

10. Sanctæ quoque res, velut muri & portæ civitatis, quodammodo divini juris sunt: & ideo nullius in bonis sunt. Ideo autem muros sanctos dicimus, quia pœna capitis constituta est in eos, qui aliquid in muros deliquerint. Ideo & legum eas partes, quibus pœnas constituimus adversus eos, qui contra leges fecerint, Sanctiones vocamus.

11. Singulorum autem hominum multis modis res sunt. Quarundam enim rerum dominium nanciscimur jure naturali, quod (sicut diximus) appellatur jus gentium: quarundam verò civili. Commodius est itaque à vetustiore jure incipere. Palam est autem, vetustius esse jus naturale, quod cum ipso genere humano rerum natura prodidit. Civilia enim jura tunc esse cœperunt, cum & civitates condi, & magistratus creari, & leges scribi cœperunt.

12. Fera igitur bestiæ, & volucres, & pisces, & omnia animalia, quæ mari, cœlo & terra nascuntur, simulatque ab aliquo capta fuerint, jure gentium statim illius esse incipiunt: quod enim ante nullius est, id naturali ratione occupanti conceditur. Nec interest, feras bestias & volucres utrùm in suo fundo quis capiat, an in alieno. Planè qui alienum fundum ingreditur, venandi aut aucupandi gratiâ potest à domino, si is præviderit, prohiberi, ne ingreditur. Quicquid autem eorum ceperis, eousque tuum esse intelligitur, donec tuâ custodiâ coercetur. Cum verò tuam evaserit custodiam, & in libertatem naturalem sese receperit, tuum esse desinit, & rursus occupantis fit. Naturalem autem libertatem recipere intelligitur, cum vel oculos tuos effugerit, vel ita sit in conspectu tuo, ut difficilis sit ejus persecutio.

13. Illud quæsitum est, an si fera bestia ita vulnerata sit, ut capi possit, statim tua esse intelligatur. Et quibusdam placuit statim esse tuam, & eousque tuam videri, donec eam persequaris: quod si desieris persequi, desinere esse tuam, & rursus fieri occupantis. Alij verò putaverunt, non aliter tuam esse, quàm si eam ceperis. Sed posteriorem sententiam nos confirmamus, quòd multa accidere soleant, ut eam non capias.

14. Apium quoque fera natura est. Itaque apes, quæ in arbore tua confederint, antequàm à te alveo includantur, non magis tuæ intelliguntur esse, quàm volucres, quæ in arbore tua nidum fecerint, ideoque si alius eas incluserit, is earum dominus erit. Favos quoque, si quos effecerint, eximere quilibet potest. Planè integrare, si prævideris ingredientem fundum tuum, poteris eum jure prohibere, ne ingrediatur. Examen quoque, quod ex alveo tuo evolaverit, eousque intelligitur esse tuum, donec in conspectu tuo est, nec difficilis persequutio ejus est, alioquin occupantis fit.

15. Pavonum quoque & columbarum fera natura est. Nec ad rem pertinet, quod ex consuetudine evolare & revolare solent: nam & apes idem faciunt, quarum constat feram esse naturam. Cervos quoque quidam ita mansuetos habent, ut in sylvam ire, & redire soleant: quorum & ipsorum feram esse naturam nemo negat. In ijs autem animalibus quæ ex consuetudine abire & redire solent, talis regula comprobata est, ut eousque tua esse intelligantur, donec animum revertendi habeant: nam si revertendi animum habere desierint, etiam tua esse desinunt, & fiunt occupantium. Revertendi autem animum videntur desinere habere tunc, cum revertendi consuetudinem deseruerint.

16. Gallinarum autem & anserum non est fera natura: idque ex eo possumus intelligere, quòd aliæ sunt gallinæ, quas feras vocamus: item aliæ sunt anseres, quos feros appellamus. Ideoque si anseres tui, aut gallinæ tuæ, aliquo modo turbati turbatave evolaverint, licet conspectum tuum effugerint, quocumque tamen loco sint, tui tuæve esse intelliguntur: & qui lucrandi animo ea animalia detinet, furum committere intelligitur.

17. Item ea, quæ ex hostibus capimus, jure gentium statim nostra fiunt: adeò quidem, ut & liberi homines in servitutem nostram deducantur. Qui tamen si evaserint nostram potestatem, & ad suos reversi fuerint, pristinum statum recipiunt.

18. Item lapilli, & gemmæ, & cætera, quæ in littore maris inveniuntur, jure naturali statim inventoris fiunt.

19. Item ea quæ ex animalibus dominio tuo subjectis nata sunt, eodem jure tibi acquiruntur.

20. Præterea quod per alluvionem agro tuo flumen adiecit, jure gentium tibi acquiritur. Est autem alluvio incrementum latens. Per alluvionem autem id videtur adijci, quod ita paulatim adijcitur, ut intelligi non possit, quantum quoque temporis momento adjiciatur.

21. Quòd si vis fluminis de tuo pradio partem aliquam detraxerit, & vicini pradio

prædio attulerit, palam est eam tuam permanere. Planè si longiore tempore fuerint, ex eo tempore videntur vicini fundo acquisita esse.

22. Insula, quæ in mari nata est (quod raro accidit) occupantis fit: nullius enim esse creditur. At insula in flumine nata (quod frequenter accidit) si quidem mediam partem fluminis tenet, communis est eorum, qui ab utraque parte fluminis prope ripam prædia possident, pro modo scilicet latitudinis cuiusque fundi, quæ prope ripam sit. Quod si alteri parti proximior sit, eorum est tantum, qui ab ea parte prope ripam prædia possident. Quod si aliquâ parte divisum sit flumen, deinde intra unicum agrum alicujus in formam insulæ redegerit, ejusdem permanet is ager, cujus & fuerat.

23. Quod si naturali alveo in universum derelicto, ad aliam partem fluere cœperit; prior quidem alveus eorum est, qui prope ripam ejus prædia possident, pro modo scilicet latitudinis cuiusque agri, quæ prope ripam sit: novus autem alveus ejus juris esse incipit, cujus & ipsum flumen est, id est, publicus. Quod si post aliquod tempus ad priorem alveum reversum fuerit flumen, rursus novus alveus eorum esse incipit qui prope ripam ejus prædia possident.

24. Alia sanè causa est, si cujus totus ager inundatus fuerit; neque enim inundatio fundi speciem commutat: & ob id, si recesserit aqua, palam est eum fundum ejus manere cujus & fuit.

25. Cum ex aliena materia species aliqua facta sit ab aliquo, quæri solet, quis eorum naturali ratione dominus sit, utrum is, qui fecerit, an potius ille, qui materiam dominus fuerit. Ut ecce, si quis ex alienis uvis, aut olivis, aut spicis, vinum, aut oleum, aut frumentum fecerit; ex alieno auro, vel argento, vel ære vas aliquod fecerit, vel ex alieno vino & melle mulsum miscuerit; vel ex medicamentis alienis emplastrum aut collyrium composuerit; vel ex aliena lana vestimentum fecerit; vel ex alienis tabulis navem, vel armarium vel subsellia fabricaverit. Et post multam Sabinianorum & Proculianorum ambiguitatem placuit media sententia existimantium, si ea species ad priorem & rudem materiam reduci possit, eum videri dominum esse, qui materiam dominus fuerit: si non reduci, eum potius intelligi dominum, qui fecerit. Ut ecce, vas conflatum potest ad rudem materiam æris, vel argenti, vel auri reduci: vinum autem, vel oleum, aut frumentum ad uvas, vel olivas, vel spicas reverti non potest, at ne mulsum quidem ad vinum & mel resolvi potest.

Quod si partim ex sua materia, partim ex aliena speciem aliquam fecerit quis; veluti ex suo vino & alieno melle mulsum miscuerit, aut ex suis & alienis medicamentis emplastrum aut collyrium, aut ex sua lana & aliena vestimentum fecerit: dubitandum non est hoc casu eum esse dominum, qui fecerit, cum non solum operam suam dederit, sed & partem ejusdem materiam præstiterit.

26. Si tamen alienam purpuram vestimento suo quis intexuerit, licet pretiosior sit purpura, tamen accessionis vice cedit vestimento: & qui dominus fuit purpuræ, adversus eum, qui subripuit, habet furti actionem & conditionem:

sive ipse sit, qui vestimentum fecit, sive alius. Nam extinctæ res, licet vindicari non possint, condici tamen à furibus, & quibusque alijs possessoribus possunt.

27. Si duorum materiæ ex voluntate dominorum confusæ sint, totum id corpus, quod ex confusione fit, utriusque commune est: veluti si qui vina sua confuderint, aut massas argenti vel auri conflaverint. Sed & si diversæ materiæ sint, & ob id propria species facta sit, fortè ex vino & melle mulsum, aut ex auro & argento electrum, idem juris est: nam & hoc casu communem esse speciem non dubitatur. Quod si fortuito & non voluntate dominorum confusæ fuerint, vel ejusdem generis materiæ vel diversæ, idem juris esse placuit.

28. Quod si frumentum Titij frumento tuo mistum fuerit, si quidem ex voluntate vestra, commune est: quia singula corpora, id est, singula grana, quæ cuiusque propria fuerunt, ex consensu vestro communicata sunt. Quod si casu id mixtum fuerit, vel Titius id miscuerit sine tua voluntate, non videtur commune esse: quia singula corpora in sua substantia durant. Sed nec magis istis casibus commune fit frumentum, quàm grex intelligitur esse communis, si pecora Titij cum pecoribus mista fuerint. Sed si ab alterutro vestrum totum id frumentum retineatur, in rem quidem actio pro modo frumenti cuiusque competit; arbitrio autem judicis continetur, ut ipse æstimet, quale cuiusque frumentum fuerit.

29. Cum in suo solo aliquis ex aliena materia ædificaverit, ipse intelligitur dominus ædificij: quia omne, quod solo inædificatur, solo cedit. Nec tamen ideo is, qui materiæ dominus fuerat, desinit dominus esse; sed tantisper neque vindicare eam potest, neque ad exhibendum de ea re agere, propter legem duodecim tabularum, qua cavetur, ne quis tignum alienum ædibus suis junctum eximere cogatur, sed duplum pro eo præster per actionem, quæ vocatur de tigno juncto. Appellatione autem tigni omnis materia significatur, ex qua ædificia fiunt. Quod ideo provisum est, ne ædificia rescindi necesse sit. Quod si aliqua ex causa dirutum sit ædificium, poterit materiæ dominus, si non fuerit duplum jam consequutus, tunc eam vindicare, & ad exhibendum de ea re agere.

30. Ex diverso, si quis in alieno solo ex sua materia domum ædificaverit, illius fit domus, cujus & solum est: Sed hoc casu materiæ dominus proprietatem ejus amittit, quia voluntate ejus intelligitur esse alienata, si non ignorabat in alieno solo ædificare, & ideo licet diruta sit domus, materiam tamen vindicare non potest.

Certè illud constat, si in possessione constituto ædificatore, soli dominus perat domum suam esse, & mercedes fabricorum, posse eum per exceptionem doli mali repelli: utique si bonæ fidei possessor fuerit, qui ædificavit. Nam scienti alienum solum esse, potest obijci culpa, quod ædificaverit temerè in eo solo, quod intelligebat alienum esse.

31. Si Titius alienam plantam in solo suo posuerit, ipse erit. Et ex diverso, si Titius suam plantam in Mævij solo posuerit, Mævij planta erit, si modò utroque casu radices egerit: antè enim, quàm radices egerit, ejus permanet, cujus fuerat.

fuerat. Adeò autem ex eo tempore, quo radices egerit planta, proprietas ejus commutatur, ut si vicini arbor ita terram Titij prellerit, ut in ejus fundum radices egerit, Titij effici arborem dicamus. Ratio enim non permittit, ut alterius arbor esse intelligatur, quàm cujus in fundum radices egerit. Et ideò propè confinium arbor posita, si etiam in vicini fundum radices egerit, communis fit.

32. Qua ratione autem plantæ, quæ terræ coalescunt, solo cedunt, eadem ratione frumenta quoque, quæ sata sunt, solo cedere intelliguntur. Caterùm si cut is, qui in alieno solo ædificavit, si ab eo dominus petat ædificium, defendi potest per exceptionem doli mali, secundùm ea, quæ diximus: ita ejusdem exceptionis auxilio tutus esse potest is, qui alienum fundum suâ impensâ, bonâ fide construxit.

33. Litteræ quoque, licet aureæ sint, perindè chartis, membranisque cedunt, ac solo cedere solent ea, quæ in ædificantur, aut inferuntur. Ideòque si in chartis membranisque tuus carmen, vel historiam, vel orationem Titius scripserit, hujus corporis non Titius, sed tu dominus esse videris. Sed si à Titio petas tuos libros, tuasve membranas, nec impensas scripturæ solvere paratus sis, poterit se Titius defendere per exceptionem doli mali: utique si earum chartarum, membranarumve possessionem bonâ fide nactus est.

34. Si quis in aliena tabula pinxerit, quidam putant tabulam picturæ cedere: alijs videtur, picturam, qualiscunque sit, tabulæ cedere. Sed nobis videtur, melius esse, tabulam picturæ cedere. Ridiculum est enim, picturam Apellis, vel Parrhasij in accessionem vilissimæ tabulæ cedere. Undè si à domino tabulæ imaginem possidente is, qui pinxit, eam petat, nec solvat pretium tabulæ, poterit per exceptionem doli mali submoveri. At si is, qui pinxit, eam possideat, consequens est, ut nullis actio domino tabulæ adversus eum detur: quo casu si non solvat impensam picturæ, poterit per exceptionem doli mali repelli, utique si bonâ fide possessor fuerit ille, qui picturam imposuit. Illud enim palam est, quòd si is, qui pinxit, subripuit tabulas, siue alius, competit domino tabularum furti actio.

35. Si quis à non domino, quem dominum esse crediderit, bonâ fide fundum emerit, vel ex donatione, aliave qualibet iusta causa a quò bonâ fide acceperit, naturali ratione placuit fructus, quos percepit, ejus esse pro cultura & cura. Et ideò si postea dominus supervenerit, & fundum vindicet, de fructibus ab eo consumptis agere non potest. Ei verò, qui alienum fundum sciens possederit, non idem concessum est: itaque cum fundo etiam fructus, licet consumpti sint, cogitur restituere.

36. Is verò, ad quem ususfructus fundi pertinet, non aliter fructuum dominus efficitur, quàm si ipse eos perceperit. Et ideò licet maturis fructibus, nondum tamen perceptis, decesserit, ad hæredes ejus non pertinent, sed domino proprietatis adquiruntur. Eadem ferè & de colono dicuntur.

37. In pecudum fructu etiam foetus est, sicuti lac, pilus & lana. Itaque agnoscendi,

Itedi & vituli, & equuli, & succuli, statim naturali jure dominij fructuarij sunt. Partus verò ancillæ in fructu non est, itaque ad dominum proprietatis pertinet. Absurdum enim videbatur, hominem in fructu esse, cum omnes fructus rerum natura gratiâ hominis comparaverit.

38. Sed si gregis usum fructum quis habeat, in locum de mortuorum capitum ex foetu fructuarius submittere debet, (ut & Juliano visum est) & in vinearum de mortuorum vel arborum locum alias debet substituere. Rectè enim colere, & quasi bonus paterfamilias uti debet.

39. Thesauros, quos quis in loco suo invenerit, divus Hadrianus naturalem æquitatem secutus, ei concessit, qui eos invenerit. Idemque statuit, si quis in sacro, aut religioso loco, fortuito casu invenerit. At si quis in alieno loco, non datâ ad hoc operâ, sed fortuito invenerit, dimidium domino soli concessit, & dimidium inventori. Et convenienter, si quis in Cæsaris loco invenerit, dimidium esse Cæsaris statuit: Cui conveniens, ut, si quis in fiscali loco, vel publico, vel civitatis invenerit, dimidium ipsius esse debeat, & dimidium fisci, vel civitatis.

40. Per traditionem quoque jure naturali res nobis adquiruntur. Nihil enim tam conveniens est naturali æquitati, quam voluntatem domini volentis rem suam in alium transferre ratam haberi. Et idè, cujusunque generis sit corporalis res, tradi potest, & à domino tradita alienatur. Itaque stipendiaria quoque & tributaria prædia eodem modo alienantur. Vocantur autem stipendiaria & tributaria prædia, quæ in provincijs sunt: inter quæ, nec non & Italica prædia, ex nostra Constitutione nulla est differentia. Sed si quidem ex causa donationis aut dotis, aut qualibet alia ex causa tradantur, sine dubio transferuntur.

41. Venditæ verò res & traditæ non aliter emptori adquiruntur, quam si is venditori pretium solverit, vel alio modo ei satisfecerit, veluti expromissore, aut pignore dato. Quod quamquam cavetur ex lege duodecim tabularum, tamen rectè dicitur & jure gentium, id est, jure naturali, id effici. Sed si is, qui vendidit, fidem emptoris secutus fuerit, dicendum est, statim rem emptoris fieri.

42. Nihil autem interest, utrum ipse dominus tradat alicui rem suam, an voluntate ejus alius, cui ejus rei possessio permessa sit.

43. Quæ ratione, si cui libera universorum negotiorum administratio permessa fuerit à domino, isque ex his negotijs rem vendiderit, & tradiderit, faciet eam accipientis.

44. Interdum etiam sine traditione, nuda voluntas domini sufficit ad rem transferendam: veluti si rem, quam tibi aliquis commodaverit, aut locaverit, aut apud te deposuerit, postea aut vendiderit tibi, aut donaverit, aut dotis nomine dederit. Quamvis enim ex ea causa tibi eam non tradiderit, eo tamen ipso, quod patitur tuam esse, statim tibi acquiritur proprietas, perinde ac si eo nomine tibi tradita fuisset.

45. Item si quis merces in horreo depositas vendiderit, simulatque claves horrei tradiderit emptori, transfert proprietatem mercium ad emptorem.

46. Hoc amplius, interdum & in incertam personam collata voluntas domini transfert rei proprietatem: ut ecce, Praetores, & Consules, cum missilia jactant in vulgus, ignorant, quod eorum quisque sit excepturus: & tamen quia volunt, quod quisque acceperit, ejus esse, statim eum dominum efficiunt.

47. Qua ratione verius esse videtur, si rem pro derelicto à domino habitam occupaverit quis, statim eum dominum effici. Pro derelicto autem habetur, quod dominus ea mente abjecerit, ut id in numero rerum suarum esse nolit: ideoque statim dominus ejus nile desinit.

48. Alia sane causa est earum rerum, quæ in tempestate levandæ navis causâ ejiciuntur; hæ enim dominorum permanent: quia palam est, eas non eo animo ejici, quod quis eas habere nolit, sed quo magis cum ipsa navi maris periculum effugiat. Quæ de causa, si quis eas fluctibus expulsi, vel etiam in ipso mari nactus, lucrandi animo abstulerit, furtum committit. Nec longè videntur discedere ab his, quæ de rheda currente, non intelligentibus dominis, cadunt.

C O M M E N T A R I V S.

S. V. M. M. A. R. I. A.

1. Rerum duo capita; Dominium & Obligatio.
2. Dominium & quasi dominium quid.
3. Divisio rerum in eas, quæ extra & in patrimonio sunt.
4. & 8. Et harum in Communes, Publicas, & Universitatis; & quomodo hæ differant.
5. Res communes quæ dicantur.
6. Quæ publica. Et quid juris de ripis ac littoribus.
7. Quæ Universitatis.
9. Quæ nullius.
10. Res sacra quæ, qualiter tales fiant, & earum conditio.
11. Quæ religiosa, & quomodo locus fiat religiosus.
12. An hodie propria voluntate quis locum faciat religiosum.
13. Sanctum, quid, & cur muri civitatum sancti.
14. Occupatio quid; ejusque species, Venatio, Aucupium, Piscatio.
15. Animalia alia fera, alia mansuesacta, alia mansueta.
16. 17. Animalia fera & mansuesacta quatenus cedant capienti.
18. Et quid de feris, quæ vel vivariis inclusæ, vel in sylva circumsepta vagantur.
19. Non interest in suo, an alieno fundo capiantur.
20. An ad occupationem sit necessaria apprehensio.
21. Intellectus l. In laqueum § 5. De acq. rer. dom.
22. Apum, pavonum, columbarum an fera natura.

23. Venatio non passim admissa, & an iuste prohibeatur à principibus.
24. Furtum sit animalium domesticorum, etiam unius gallina tantum.
25. Capta ab hostibus cur fiant capientium.
26. An etiam hodie homines & res cedant capienti: & quid de rebus recuperatis.
27. Inventio gemmarum & lapidum in littore maris quatenus tribuat dominium.
28. Accessio quid, & quotuplex.
29. Natum ex animali nostro nostrum est.
30. Alluvio quid, & quomodo per eam acquiratur dominium.
31. Quid si majori vi pars major fundo uni detracta, & alteri adjecta fuerit?
32. Insula quid, & quotuplex.
33. Insula qualiter, & quot modis in flumine nasci dicatur, & cuius ea sit.
34. Per specificationem quomodo queratur dominium.
35. Frumentum ex alienis speciebus factum cuius sit.
36. Species nova suo nomine ac bona fide facta sit necesse est.
37. Purpura intexta vestimento cedit vestimento.
38. Nec dominus purpura eam vindicare potest.
39. Ferruminatio & plumbatura in quo differant.
40. Confusione & commixtione qualiter acquiratur dominium.
41. 45. Inadificatum cedit solo.
42. Nec materia dominus eam interim vindicare potest, aut agere ad exhibendum.
43. Actio de tigno juncto adversus quem, & ad quid detur.
44. Scienter in suo edificans ex aliena materia qua actione teneatur.
45. Aedificans in alieno ex sua materia an materia dominium amittat.
46. Pretium materia & expensas in edificando factas an & qualiter repetat.
47. Impensæ alie sunt. necessariae, alie utiles, alie voluptariae.
48. Necessarias quilibet possessor repetit.
49. Etiam circa fructus factas.
50. Intellectus l. Si servus 27. §. si olivam D. Ad L. Aquil.
51. Item l. i. C. De infantibus expositis.
52. Utiles impensas an & mala fidei possessor deducat.
53. Voluptaria quatenus repetantur.
54. Planta cedit solo.
55. Arbor in consilio posita cuius sit.
56. Domino arboris an glandes in alieno legere liceat.
57. Scriptura cedit chartæ non etiam pictura tabulæ.
58. Fructuum perceptio cui, & qualiter tribuat dominium.
59. Fructuum nomine quid veniat.
60. Possessori bonæ fidei fructus cedunt civiles & industriales.
61. An & naturales.
62. Intellectus l. Fructus 45. D. De usuris.
63. Mala fidei possessor nullos fructus suos facit.
64. Re epictæ & avocatæ an ut naturales, ita & industriales restituenda.

66. Fructus extantes qui dicantur.
67. Fructus consumptos quatenus lucretur bone fidei possessor.
68. Male fidei possessor ad quorum fructuum restitutionem teneatur.
69. Fructuarius quatenus fructus perceptos suos faciat : & differentia inter hunc & bone fidei possessorem.
70. Quod jus competat colono quoad fructus.
71. Fructuario cedunt fructus pecorum, non etiam partus ancilla.
72. Fructuarius ad quam refectiorem teneatur.
73. Thesaurus in loco sive publico, sive privato inventus cui cedat.
74. Traditione quando acquiratur dominium.
75. Traditione facta ex causa venditionis quando transeat dominium.
76. Ex simplici traditione an censeatur habita fides de pretio.
77. Traditio facta quando operetur veram dominij translationem.
78. Missilium projectio habet vim traditionis.
79. Res pro derelicto habita quæ, & cui cedant.
80. Ejecta in mare, navis levanda causa, non habentur pro derelictis.



EXPLICATO jure personarum, per summas earum divisiones statum cujusque spectantes, consequens est explicare jus, quod est circa Res, quæ consistunt in duplici capite; dominij scilicet acquirendi, quo jus in rem quæritur, de quo hoc libro & seq. usque ad Tit. 14. & quærendæ obligationis, qua jus ad rem quæritur, de quo secundo cap. agitur lib. III. à Tit. 14. usque ad Tit.

C. lib. IV.

2. DOMINIVM EST LEGITIMA POTESTAS DE RE LIBERE DISPONENDI, NISI VI AUT JURE QVIS IMPEDIATUR. Quæ postrema verba re-
 æ adjunctur; propterea quod libera illa dispositio interdum sit inhibita, vel per cautionem testamento appositam, vel legis autoritate, vel per partium conventionem, vel propter statum personarum, aut quia pupillus, minor, prodigus, aut alias ob causas, inf. Tit. 9. Quib. alien. licet vel non, tit. D. De reb. eor. qui sub tut. & c. Nov. 120. De alienat. & emphyt. rer. Eccles. & x. De reb. Eccl. non alienan. Dominio proximum est jus quasi dominij, quale habet vassallus in feudo, emphyteuta in re emphyteutica; & vulgò vocant utile, ut quod domino feudi & emphyteusios competit, dicunt directum, verbis facilius traditionis gratiâ confectis, ad instar actionis directæ & utilis. Duar. 1. Diss. c. 17. Coras. 6. Miscell. c. 20. Spectat. & ad jus in rem, possessio, servitus realis, usus fructus, usus, item hypotheca, cum passim dicatur continere actionem in rem. Res hic accipe non tantum corporales, sed & incorporales, uti colligere est ex Tit. seq.

3. Antequam ad acquisitionem rerum deveniat Imp. præmittit duas rerum divisiones, quarum prior est præcipua, posterior verò videtur esse prioris explicatio : quæ commodius possent reduci ad unam divisionem, & suas subdivisiones, scilicet RERVM ALIÆ SVNT EXTRA PATRIMONIUM, ALIÆ IN PATRIMONIO

MONIO NOSTRO. Extra patrimonium, quæ sunt extra jus & commercium hominum actu & potestate; quales & divini juris esse dicuntur, & nullius in bonis, l. 1. D. *Dererum divis. de quibus infra eodem §. nullius*. In patrimonio nostro sunt, quæ actu, vel potestate sunt in hominum commercio, id est, quas homo possidet, vel possidere potest, quæ & dicuntur humani juris, in d. l. 1. * Et hæc vel sunt COMMUNES, VEL SINGVLORVM. Communes iterum, aliæ communes omnium, aliæ non omnium, sed vel alicujus populi, quales PVBLICÆ dicuntur, vel collegij alicujus, seu VNIVERSITATIS.

Igitur RES COMMVNES OMNIVM SVNT, QVARVM PROPRIETAS NVLLIVS EST, VSVS AVTEM OMNIVM. Quales secundum naturam sunt omnes omnino res, quia natura non distinxit rerum dominia, sed omnia communia reliquit; distinctionem autem & divisionem induxit jus gentium. Dicitur autem hic NATVRALIVRE COMMVNIA ESSE OMNIVM, AEREM, AQVAM PROFLVENTEM, MARE, ET PER HOC LITTORA MARIS; quia hæc nullam acceperunt mutationem per jus gentium: quod etsi in quibusdam à jure naturali discrepet, quoad hæc tamen & alia pleraque consentit, ejusque imitatur vestigia. Dicitur *aqua profluens*; quia non profluens non est communis, sed juris privati. Sunt autem hæc res ita nullius in bonis, ut tamen occupanti cedant, & occupatæ fiant privati juris; quod & juris est in feris bestiis, de quibus *infra §. fera igitur*. Quo modo in littore ædificatum proprium est ædificantis, ut ab alio occupari nequeat, §. *quidem infra eodem (b)*

PVBLICÆ RES DICVNTVR, QVARVM PROPRIETAS EST ALICVJVS POPVLI, VSVS VERO OMNIVM. Ejus generis sunt, FLVMINA, PORTVS, §. *flumina infra eodem*. Cui non obstat, quod modo dictum, aquam profluentem esse communem: quia flumen hic non accipitur pro aqua profluente, sed pro ipso fluminis corpore. Nam si pro aqua capias, eatenus erit commune, omnibus sui usum præbens, cum liceat omnibus haurire aquam, & piscari, & quod quisque hauserit, aut piscatus fuerit, suum tanquam occupatione faciat. (c) Aliud juris est in RIPIS, quæ proprietate sunt juris privati, eorum scilicet, quorum prædijs adhærent, §. *riparum inf. eod.* Quibus & incumbit onus eas muniendi, usû verò omnium, quatenus exigit usus fluminis, seu natura utendi fluminis. (d) In quo distinguuntur à littoribus, quæ, uti dictum, proprietate nullius sunt, usu omnium, uti mare, cujus naturam tanquam accessorium sequuntur. Ratio, quòd hæc res cohæreant terræ à mari occupatæ, quæ ut sequitur naturam maris, ita & littora: ripæ verò cohærent alveo, qui non tam continetur à flumine, quàm ipsum flumen continet, ut dicitur *inf. §. Insula*. Quod autem hic dicitur, littus publicum esse, & juris gentium, accipiendum de jure naturæ, quo & commune est ipsum mare; nam sæpe jus gentium & naturæ confunduntur, uti in §. *singulorum 11. inf. eod.* Non rectè aliquis hic objecerit l. *Littora D. Ne quid in loco publ.* ubi littora dicuntur esse populi Rom. nam hoc non accipiendum quoad proprietatem, sed quoad jurisdictionem, cui littora attingentia limites alicujus imperij subsunt: quo modo Alciat. 2. *Dispunct. cap. 5. accipit l. D. Ad. l. 2. Rhodiam de jactu.*

7 UNIVERSITATIS DICUNTUR, QUÆ SUNT COMMUNIA ALICUJUS MUNICIPII, CORPORIS, COLLEGII: uti fabrorum, textorum, & id genus artificum, quæ proprietate quidem sunt ipsius universitatis, usu autem singulorum de universitate, uti theatra, stadia, §. *Universitatis inf. eod.*

8 Ex his patet distinctio inter Communia, Publica, & Universitatis. Nam Communia nec proprietate, nec usu alicujus sunt: quæ ratio occupanti cedunt, nec externus ab ijs secluditur; cum nulla sit injuria, uti e.g. quod nostra coramane reliquit. Publica proprietate alicujus populi, usu autem omnium: quo modo occupanti acquiri nequeunt. Universitatis & usu, & proprietate alicujus corporis: ut non competant ijs, qui extra illud corpus sunt. Sapienter tamen hæc nomina confunduntur, & publica vocantur, quæ communia sunt, & è contra.

§. Nullius autem.

9 Accipiendus hic §. de hujuscemodi rebus, quæ nec actu, nec potestate sunt in hominum commercio, cujus ordinis sunt res divini juris, uti paulò ante dictum. QUOD ENIM DIVINI JURIS EST, ID NULLIUS IN BONIS EST, *tex. hic.* Unde distinguuntur ab ijs rebus, quæ nullius quidem esse dicuntur actu, sunt tamen potestate, cum fiant occupantis, de quibus *infra* §. *Fera igitur*; quandoquidem hæc sint nullius, ut possideri nequeant ab homine. Cujus ordinis sunt res SACRÆ, RELIGIOSÆ, SANCTÆ. (c)

10 SACRÆ SUNT, QUÆRITE, seu ritu publico, PER PONTIFICES SUNT CONSECRATÆ. Nam olim moris erat id fieri per Pontifices Maximos, aut Principes (qui non raro Pontifices maximierant) ritu solemniori, & solemnibus verbis. Hodie per Antistites nostræ Religionis res Deo consecrandæ sunt, ut sint sacræ, c. *ad hæc* §. *De relig. domib.* Cujus ordinis sunt ÆDES SACRÆ, VASA, VESTES, & DONARIA consecrata. Sine consecratione enim sacrum nihil esse potest. Unde patet munera illa, quæ solvendi voti causâ templis & aris appenduntur, sacra non esse, cum appensa sint tantum auctoritate privatâ, quæ sacrum non facit, *tex. hic* & l. 6. §. *Sacra D. De rerum divis.* Sacrarium quoque ubi sacra reponuntur, sacrum dici nequit, cum non sit consecratum, l. *Sacra* 9. §. *illud D. eod.* & *tex. hic*: ubi quod dicitur locus, in quo ædes sacra constituta fuit, eâ dignitatē adhuc sacer manere accipiendum est, quod humanis usibus accommodari nequeat; non etiam, quasi novâ consecratione non indigeat, ad cultum officij divini, cap. 6. *De consecr. Eccles.* Sunt enim res sacræ ejus conditionis, ut vendi, & ad humanos usus transferri nequeant, quasi transmissæ in Dei patrimonium, sive immobiles, sive mobiles: nisi aliud postulet, aut redemptio captivorum, aut causâ aliorum pauperum, quos fames premit, l. *Sancimus* 21. C. *De SS. Eccles.* quod antea hominum quibusvis vasis sint pretiosiores. Quid juris sit in alijs rebus ad Ecclesiam quidem pertinentibus, non tamen consecratis, traditur tit. *De rebus Eccles. non alienandis.*

§. Reli-

§. Religiosum locum.

RELIGIOSVM LOCVM VNVSQVISQVE SVA PRIVATA VOLVNTATE FACIT, illatione scilicet cadaveris humani, vel principalioris ejus partis, nimirum capitis, cum sit imago unde cognoscitur, *l. Cum in diversis 44. D. De religiof. & sumptib. fun.* Ratio nominis est, quod religionis intersit, sepulchra & monumenta exstare, in quibus reponantur cadavera, eaque esse exempta usibus profanis. Oportet ut sit illatum cadaver, quia sola destinatio religiosum locum minime facit: quomodo cenotaphium, id est sepulchrum vacuum vendi potest, & ad alios usus transferri, *l. 6. §. fin. D. De relig.* Non ultra autem religiosus sit locus, quam exigit cadaveris quantitas, & quatenus humatum manet, *d. l. 44. in fine*; quali cessante causâ cesset effectus. Hæc ita, si locus sit proprius, quo quis ad libitum abuti potest; non etiam alienus, in quem nihil est juris, & in quem non rectè inferitur mortuus, nisi consensus prævijs, vel subsequens illationem approbet. Alias actio in factum erit contra eum, qui intulit, ut auferat cadaver, vel æstimationem domino præstet, *l. 7. D. De relig.* Alienus locus hic etiam dicitur, cujus ususfructus alteri debetur: nam nec hic, eo invito, cui competit, diminuendus per illationem mortui, nisi inferendus sit is, qui ususfructum concessit, si aliò opportunè inferri nequeat, *l. 2. §. si ususfructum De relig.* Non videtur etiam servitus, quam locus debet, ferre illationem, nisi aliâ parte æquè sit commoda, *d. l. 2. §. locum*. In loco communi idem juris est, quod in alieno, scilicet invito socio non inferri cadaver, *tex. hic.* ne ei invito suum jus diminuat: est enim in re communi potior causa prohibentis. Et hoc ita in loco puro; nam si addictus fuerit religioni, non attenditur contradictio socij, cum utens re communi ad usum destinatum nequeat dici eâ abuti. Videtur autem locus hic accipiendus de extraneo inferendo in locum purum communem; ne obstat *l. Si plures 41. D. De relig.* ubi unus dominorum rectè dicitur inferri in locum communem purum, scilicet quia non est questio de loco religioso. Nec facit ibi posita particula *maximè*; quia non accipienda exceptivè, sed ut posita pro præcipuè. Hodie posset videri, propriâ voluntate locum non fieri religiosum per illationem mortui, quod certa loca sint destinata per Episcopos sepulturæ humanæ, quasi alibi sepultum cadaver non faciat locum purum obnoxium religioni, quod videtur velle *Glossa in can. Ecclesiastico XIII. quæst. 2.* Nihil tamen in jure super eo statutum, ut videatur etiam hodie jus vetus stare tanquam non correctum, *arg. cap. 1. De novi operis nuntiari.* Faber hic nu. 3. (f)

§. Sancta quoque res.

SANCTVM dicitur, QUOD AB HOMINVM INJVRIA EST MVNITVM, & PER SANCTIONEM, quæ poena imponitur contra facienti. Ejus ordinis sunt MVRI ET PORTÆ CIVITATVM. Sancita enim poena etiam capitalis in eos, qui quid in eoseasve deliquerint, tollendo quid, aut transcendendo, quod hostile judicatum, *l. fin. D. De rerum divis. (g)*

T

§. Singu-

§. Singularum autem.

HÆc de rerum divisionibus : nunc de modis acquirendi earum dominium videndum. Modi alij inducti jure naturæ seu gentium, alij jure civili. De illis primò agitur, quòd antiquiores sint, & reliquæ hujus Tit. parte varij proponuntur, qui videntur posse referri ad tria capita, Occupationem scilicet, Accessionem, & Traditionem. (h)

§. Fera igitur bestia.

14 **O**CUPATIO, de qua hoc & aliquot seqq. §§. agitur, EST JUSTA REI APPREHENSIO CAUSA DOMINII. Ad eam spectat Occupatio animalium, Inventio, Captivitas. Animalium occupatio alia est eorum, quæ in terra degunt, & dicitur *Venatio*; alia eorum, quæ in aquis, & dicitur *Piscatio*; alia eorum, quæ in aëre, & dicitur *Aucupium*. * Notandum autem, animalia alia esse fera, ut cicurari nequeant, cujus ordinis sunt leones, urli, lupi, (quamvis & leonis mansueti meminerit I. C. in l. 1. §. 6. de postulando:) alia fera quidem naturâ, sed quæ cicurari contingit, & adsumere consuetudinem eundi & redeundi, cujus generis sunt cervi, pavones, columbæ : alia naturâ mansueta, ut gallinæ, anseres non ferri.

16 In primo genere, de quo hoc §. observanda regula, qua ANIMAL, seu FERA BESTIA dicitur STATIM FIERI CAPIENTIS PLÈNO JURE. Nullius enim est, quale cedit occupanti, & eousque capientis manet, donec custodia ejus continetur : quam si evaserit, & effugerit oculos, ut ejus difficilis sit persecutio, censetur in naturalem libertatem se recepisse, & iterum nullius esse, ut pristino domino nihil sit juris, sed capienti cedat, *text. hic vers. cum verò.* (i)

17 In secundo genere observanda hæc regula, quòd EOVSQUE ANIMAL IN CAPIENTIS ESSE DOMINIO INTELLIGATUR, DONEC ANIMUM HABEAT EVNDI ET REDEVNDI. Quem ubi habere desierit, censetur se in naturalem libertatem recepisse, ut tanquam commune rursus cedat capienti §. pavonum. l. 5. vers. in ijs autem. inf. eod. (k)

18 * Hinc feras à nobis vivarijs inclusas, & pisces in piscinas coniectos, cum possideamus, l. 3. §. item feras D. de acq. possess. nemo occupando suos facit, cum juris sint privati. Aliud est in feris, quæ in sylva circumsepta vagantur, & piscibus, qui in stagno sunt: nam cum sint relictæ naturali libertati, nullius intelliguntur, & capienti cedunt, d. §. item feras, Cujac. 4. Obs. c. 2. Quòd si è vivarijs & piscinis elabantur, sicut occupantis, ex jam dicta ratione. Quæ decisio in animalibus obtinet; non in hominibus, qui licet fugitivi sub nostra custodia esse desierint, utilitatis tamen ratio exigit, ut à nobis possideri censeantur, ne sit in eorum potestate, possessione sui nos intervertere, l. Pomponius 13. in pr. & l. 15. D. de acq. poss. nisi tamen limites imperij Romani evaserint, uti inferius dicitur.

19 Parum interest, VTRVM IN SVO EVNDO QVIS CAPIAT, AN IN ALIENO, *text. hic in pr. ver. nec interest.* Nam animalia, quæ super terrâ gradiuntur, non terræ, cui non adherent, sed aëris, in quo spirant, quæ minime est communis, conditione altimantur. Vt nihil obstat prohibitio domini, quò minus in ejus fundo

captum

captum animal ferum fiat capientis ; cum prohibitio ipsum animal non afficiat , nec faciat , quo minus , ut ante , nullius maneat , sed afficit tantum personam ingredientis , qui prohibenti tenebitur injuriarum , *l. Injuriarum* 13. §. *fin. D. de injur.* uti & damni dati , si quod datum venando , *l. ult. §. 3. D. Quod vi, aut clam, &c.* (l)

Disputatum autem, An ad occupationem feræ sit necessaria apprehensio, an verò sufficiat vulnerasse ? Posterius aliquibus visum , **SI ITA SIT VULNERATA, UT CAPI POSSIT, & DONEC VULNERANS FERAM PERSEQUATUR.** §. *illud quasitum* 13. *h. t.* Quam opinionem dicitur in *l. 5. D. de acq. rer. dom.* tenuisse Trebatius , & approbavit consuetudo , uti tradit Glossa *ibid.* & Bart. estque fundata in sufficienti causa data ad capturam. Inspectâ tamen verborum proprietate, sola vulneratio citra apprehensionem non faciet feram tanquam occupatam esse vulnerantis ; cum vulnerare & apprehendere differant, & **MULTA sæpè ACCIDERE SOLEANT**, ait Imp. **UT EAM NON CAPIAS.** Facit, quod inventione tum demum fiat res inventoris , ubi per apprehensionem subsecuta est possessio. *l. 1. §. 1. l. 3. §. Neratius in fine D. de acq. poss. (m)* *Nec obstat *l. In laqueum §. 5. D. de acq. rerum dom.* nam ex ea obscurè satis posita non potest colligi, an fera sit facta ejus, qui laqueum posuit, per hoc solum , quod ita sit irretita , ut expedire se non possit , an verò apprehendenda sit. Illo tamen posito, nihil obstat, cum aliud sit, ita esse impeditam feram , uti jam dictum , an verò vulneratam tantum , cum quasi per dominum videatur apprehensa , cujus laqueus est instrumentum. Non ita in fera vulnerata , quia neutiquam apprehensa dici potest per solam vulnerationem. (n)

Inter feras etiam hîc referuntur APES, §. *Apium* 14. *h. t.* ut & illi capientium fiant & maneant, quatenus habent animum redeundi, *l. Pomponius* 8. §. 1. *D. Fam. erisc.* (o) uti & examen earum, & favi, cum quod jus in principali , id & sit in accessorio. Item PAVONES, COLVMBÆ, CERVI , in quibus eadem recepta regula, §. *Pavonum* 15. *h. t.*

Dicta de venatione, & alijs, procedunt non tantum ubi eorum licita est occupatio, verum etiam ubi per Principes prohibita, uti videmus passim obtinere ; cum ejusmodi prohibitio non faciat jure naturæ communes non esse tales feras, uti dictum antè. Quod multò magis procedit in occupatione per judicem interdicta , quod illi tanta non sit autoritas. Posse autem Principem impedire captionem & dominium per occupationem , verius est, cum idem ex causa possit dominium rei suæ alicui auferre, *l. Item si §. 1. D. de rei vindicat.* Ut multò magis possit sibi attribuere rem, quæ nullius est.

Dubitatur autem, An prohibitio hæc per Principes nitatur ratione, & eâ non obstante poenam luere debeat reus ? Non debere , posset videri ex eo, quod quæ jure naturæ communia omnium sunt , non rectè per leges inferiorum mutantur, §. *Sed naturalia sup. de jure nat. gent. & civili (p)* Sed dicendum , prohibitionem sustineri ; cum libertas venandi sit juris naturæ permissivi , & proinde mutationi abnoxia , prout videbitur Principi, cujus est moderari ea , quæ sunt Reipubl.

in bonum commune, quatenus ratio exigit : quæ hîc videtur Principi ansam dare, quare sibi soli hoc jus vindicet, aut ad certos tantum coangustet. (9)

- 24 Quantum ad tertium animalium genus, hoc cum sit mansuetum, semel alicujus factum, ejus semper manet, nec sine facto ejus dominium mutat, etiam si custodiam evaserit, cum careat animo vindicandi se in libertatem. Unde talium animalium furtum fieri dicitur per intercipientem, aut retinentem animo lucrandi. Furtum enim cum ab animo dependeat, etiam in minima quantitate committitur, §. gallinarum 16. h. t. eritque actio furti adversus talem, l. si pavonem 37. D. De furt. Cui non obstat, quod de re minima, utique non excedente duos aureos, actio doli non detur, l. Si quis 9. in fine & l. 10. D. de dolo. Hoc ita in actione de dolo, à quo quis sibi cavere potest, à furto non potest. Cujac. ad d. l. 10. quæ est ex lib. XI. Pauli ad Edict. (1)

§. Item ex quæ ex hostibus.

- 25 Spectant ad occupationem CAPTA IN BELLO AB HOSTIBUS; siue sint inanimata, siue animata, siue mobilia, siue immobilia: QUÆ ET CEDUNT CAPIENTI. Ratio non est in eo, quod sint nullius, cum ad hostes spectent; sed in eo, quod turbando societatem humanam delinquant, & indignos se faciant, ut parcat eorum rebus, aut personis: quæ captæ fiunt etiam capientium, ad coercendam eorum improbitatem, ne facile excitetur ad inferendas injurias. Si enim privatim vim vi defendere licet ex jure naturæ, l. Ut vim 3. D. de just. & jure; quid ni & publice per bellum? (1) Sit tamen justum, quale hac in materia est, quod publice, legitimeque ab ijs indicitur & geritur, qui bellum gerendi jus habent, cujus ordinis sunt populi, aut Principes non habentes superiorem, inter quos de æquitate causæ disputare non convenit. Quod ita se habet quoad hos effectus juris gentium: quamvis si ad bonum & æquum respiciamus, & boni viri officium, desideretur etiam causæ justitia. * Quod ad homines captos attinet, illi & hodie bello cum infidelibus capti servi fiunt capientium, suntque vicissim jura postliminii. Alciat. ad l. Hostes 118. num. 6. De V. S. non etiam in ijs, quæ Christiani inter se gerunt, inter quos capti hinc inde ex antiqua & laudabili consuetudine liberi manent, & solutæ redemptionis pretiò dimittuntur. Nisi Saracenis, alijsvè infidelibus contra Christianos quis militet; cum eorum, quibus se adjunxit, numero habeatur, & Christianorum, quos impugnat, privilegio sit indignus, arg. l. 3. in fine D. Ad L. Corn. de scar. & l. Transugamus 1. de acq. rer. dom. Manent autem capti in potestate capientium, quoad sunt sub eorum custodia: si ad suos reversi fuerint, recuperant pristinum statum; non habitâ ratione, iusta causa sit, nec ne. Nam humanilibus ea sicut licentia, non est quod hominibus denegetur.
- 26

Quantum ad res, ex etiam hodie cedunt lucro capientium, saltem mobiles, vel se moventes, non etiam immobiles, quæ ut olim cedunt principi, vel Reipublicæ, cujus auspicijs bellum geritur: quæ modo in l. Si captivus 20. §. 1. D. de capen. & postlimin. v. dicuntur publicæ, id est publicæ feri, nec prada loco reducere. Cujac. observat. 7. in mod. cum olim variatum fuisse, patet ex varijs Livij locis. Nam

Nam interdum servatæ duci victori, ejus arbitrio distribuendæ, *can. Dicat aliquis* XXIII. *qu. 5.* Interdum à quæstoribus venditæ, relatò earum pretiò in ærarium, quò spectat *l. penult. D. ad L. Jul. pecul.* ubi lege peculatus teneatur prædam ab hostibus captam furripienti. Interdum & à duce belli militibus divisa. (t) Solent & interdum duces ante confictum militibus totam prædam edicere, & pati habere, quod fors belli cuique dederit ad excitandos eorum animos: quo casu & duci sua debita est portio. (u) Quantum ad res, quas hostis eripuerat, recuperatas omiſſis distinctionibus, dicendum videtur, eas, quarum est postliminium, recuperatas domini prioribus esse restituendas, *l. fin. D. de captivis*: non etiam eas, quarum non est postliminium, quòd perfectè semel hostium sint factæ, ut illis ereptæ cedant capientibus. Quam distinctionem & agnoscit Marcellus *l. 2. D. eod.*

§. Item lapilli.

AD occupationem spectat & INVENTIO rei vel occultæ, veluti THESAURI, *de quo infra §. Thesaurus*, vel apertæ, veluti LAPILLORVM, GEMMARVM, ET SIMILIVM, IN LITTORE MARIS. Ratio est, quòd res illæ censeantur nullius esse in bonis, ad instar maris, à quo sunt ejectæ: undè si alibi inveniantur, habendæ potiùs pro perditis, ut maneat ejus, cujus ante fuerunt. In quo distinguuntur à feris, quæ si nostram custodiam evaserint, revertuntur in pristinam causam, uti dictum suprà. Ratio est, quòd feræ recipiendæ pristinæ libertatis spiritum habeant, non etiam res illæ. Quia ratione & feræ occisa, si exciderit capienti, ejus nihilominus manet, quòd illi delit affectus recuperandæ libertatis. Intelligendus autem per inventionem non nudus conspectus, sed talis, quem apprehensio sequitur, *l. 1. §. 1. D. de acq. posses.* ubi vis ponitur in apprehensione: & *l. 3. §. Nonnulli d. t.* ubi, rejecta aliorum sententiâ, probatur Sabinum, dicentis, non alias censori nostrum thesaurum, quàm si loco motus fuerit: neque enim aliis potest patere de voluntate inventoris, an velit rem suam esse nec ne. (x)

§. Item ea quæ ex animalibus.


Secundum præcipium caput est ACCESSIO, de qua hoc & seqq. aliquot §§. per 28. Quam res aliena alterius rei, ex eo, quòd rei ejus accedat, secundum vagatam regulam, quæ adjectum dicitur ead. re subjecto, veluti principali accessorium. Est autem accessio alia naturalis, de qua hoc & seqq. §§. alia industrialis, de qua §. Cum ex aliena 25. & deinceps. * Ad §. hunc quòd attinet, dicit NATVM EX ANIMALI NOSTRO ESSE NOSTRVM, nimirum si de foemella nascatur, licet ex alterius animali conceperit, *l. 5. §. dem si ribit D. de rei vind.* Cujus ratio est, quòd partus sequatur ventrem, *l. 7. C. de rei vind.* argumento fructum esse rei, qui non jure seminis, sed corporis, ex quo percipiuntur, assimilantur, *l. Qui scit 25. §. 1. D. de usuris.*

- 19 **S**pectat hic §. ad ALLUVIONEM, qua aliquid alterius agro adjectum ejus fit: Ratio posita est in latenti accessione, qua ita unitur detractum fundo unius adjectum alteri, ut discerni nequeat, quantum quoque temporis momento accesserit, quod & ideo jure gentium cum eo unitur. Quo modo & alluvio vocatur hic INCREMENTUM LATENS; inspecto scilicet effectu: alius est appulsus fluminis ad ripam, quo paulatim quid alterius fundo accedit. * Ut secus sit dicendum de majori parte uni fundo detracta, & vicino adjecta, cum quo non poterit videri illa pars unita. Neque enim fit latenter ejusmodi adjectio, & scitur quantum accesserit, & non tam negligentia possessoris detractum, quam vi fluminis, cui non facile resistitur. Ut vindicanti pars sua non sit deneganda, nisi cum terra vicini coaluerit, quod ejus jam sit plene facta, *tex. hic & l. 9. §. Alphenus D. de damno infecto*. Quod omnino judicandum, quando arbores una abstractæ jam radices egerint in fundo vicino, *tex. hic. (y)*

5. Insula.

- 32 **I**NSVLÆ appellatio frequenter in jure nostro accipitur pro ædibus, quæ communibus parietibus cum vicinis non junguntur, sed publico privatove circuitu cinguntur, ad similitudinem earum terrarum, quæ mari circumdantur. Vulgari tamen significato denotat eum locum, qui undique aquis ambitur: uti & hic accipitur, ubi dicitur, INSVLAM VEL IN MARI NASCI, quæ pertinet ad occupationem; nullius enim in bonis est, uti ipsum mare: VEL IN FLUMINE, * quæ spectat ad accessionem naturalem, ceditque ijs, qui propè ripam prædia possident hinc inde, non pro indiviso, sed divisis regionibus, PRO MODO scilicet LATITUDINIS CVJVSQVE FVNDI, qui propè ripam est, *tex. hic & l. inter eos 29. D. de acq. rer. dom.* quatenus est in medio fluminis enata. (z) Quod si alterius agro sit propinquiore, jus tantum erit, etiamsi postea extendatur ultra medium fluminis: tunc enim quod accrescit afluendo sequitur ipsum, cui primò facta est jure alluvionis, secundum dicta §. superiori. Ideo autem insula est privati juris, non publici, uti flumen, quia alveo coheret, qui est unitus cum ripa, quæ juris est privati. (aa) Quò facit, quod habet hic *tex.* alveum desertum à flumine dividi inter eos, qui hinc inde propè ripas prædia possident. Nisi tamen agri sint limitati, quibus, cum certis sint circumscripti limitibus, adjectum per alluvionem non cedit, sed in publico manet, ut habet *l. in agris 16. D. de acq. rer. dom.* (bb) Ut nec cedat insula, quam occupantis esse eo casu dicit I. C. in l. 1. §. Si insula D. de fluminib. eo quod alveus nullius sit, cum, uti dictum, publicus dici nequeat, quod non tam contineatur à flumine, quam ipsum flumen contineat. Hinc si supernatet, virgultis scilicet, aut levi materia sustentata in flumine, ut solum ejus non tangat, ipsius fluminis rectè dicitur esse, *l. penult §. 2. D. de acq. rer. dom.*

Si flumen alicujus agrum circumfluendo in formam insulae redegerit, nihil mutabitur.



tabitur de jure domini, cum res ea dominium non tangat, *tex. hic vers. quod si aliqua*, l. Ergo in *insula* 30. §. 2. D. de *acq. rer. dom.* l. 1. §. *item si omnis* 1. D. de *fluminib.* & l. 1. C. de *alluvionib.* Veluti nec tangit aut mutat, si **AGER INVNDETVR**, quia **INVNDATIO FVNDI SPECIEM NON MVTAT**, *tex. hic & l. Adeo* 7. §. *aliud sanè* 6. de *acq. rer. dom.* (cc) Aliud est, si flumen alicujus agrum occupet, in formam alvei eum redigendo; nam mutatur natura agri: ut, recedente flumine, non redeat ad pristinum dominum, quasi semel extinctus, sed cedat alijs vicina prædia habentibus, l. *Artius* 28. D. *eod.* Verùm hoc ita ex stricta ratione, cum ex æquitate pristino domino sit subveniendum; ut rectè l. C. *tus in d. l.* 7. §. *quod si D. eod.* id quod hic habetur, dicat vix obtinere. (dd)

§. Cum ex aliena.

AD artificialem seu industrialem accessionem, quæ facta hominis nititur, spectant modi sequentes, veluti **SPECIFICATIO**, **INTEXTVRA**, **ÆDIFICATIO**, **PLANTATIO**, **SATIO**, **SCRIPTVRA**, **IRVCTVVM EX ALIENA RE PERCEPTIO**. Eorum prima species hæc proponitur, quam vocant **SPECIFICATIONEM**, per quam constituitur novæ species ex materia sive eadem, sive diversa, sive aliena omninò, sive partim aliena, partim sua. Vbi quaesitum olim, cui ejusmodi species cederet, utrum ei, qui novam speciem fecisset, an qui materiae dominus fuisset. Cassius & Sabinus eam domino materiae tribuebant, eà ratione, quòd dominò invito res sua auferri non debeat, & quòd ex re alicujus natum ejus esse debeat. Proculus verò & Nerva specificanti ideò addicebant, quòd de novo producta, tanquam nullius, ei, qui causa ejus esset, rectius attribueretur. Hæc controversia composita à posterioribus Jurisconsultis, mediam sententiam amplexis, ut, **SI SPECIES AD PRIOR. MET RVDEM MATERIAM REDVCI POSSET**, procederet prior opinio. Ratio est, quòd tunc prævaleat materia, quæ eadem ut ante subest, ut ei forma nova, quæ tantum est accidentis, meritò cœat: veluti si ex auro meo sit factus scyphus per Titium, scyphus meus erit, cum eadem maneat materia. Posterior verò in casu, **QVO NON POTEST REDVCI**, quippe materia persistit & extincta, ut prævaleat nova forma, quæ dat esse rei, & ponit rem novam non reducibilem ad priorem materiam, *tex. hic & l.* 7. §. *cum quis* 7. & l. *In omnibus* 24. D. de *acq. rerum dom.* veluti si ex aliena lana vestem quis fecerit. Neque enim vestis ad lanam reduci potest, uti nec mulsum ad vinum & mel, vinum ad uvas, oleum ad olivas. * Exemplum quòd despicis, hic ponitur, non est accommodum, ut patet ex d. §. *cum quis, in fine*, unde locus hic est desumptus, non tamen integrè relatus. Ut habeat locum regula, exemplorum non requiri veritatem. (cc) Ira demùm autem specificanti novæ cedit species, si suo nomine formaverit, & bonâ fide; nam si mandato alterius, nihil sibi quæreret, quia deest animus, l. *Nisi voluntate* 2 §. D. d. t.

Scientia rei alienæ nihil commodabit formanti, cum faciat ad exhibendum teneri, l. *De eo*. 12. §. *si quis ex uris* D. *Ad exhibend.* ne malitijs indulgeatur. Ideò verò ad exhibendum tenetur, quia res perijt, propter novam formam, Præterea faciet:

faciet scientia obnoxium esse formantem forti, *l. Si quis uxori § 2. § si quis massam D. de furtis*. Quod & procedet in casu, quo partim ex sua, partim ex aliena materia nova species facta est: obstat enim mala fides, quò minus totam novam speciem suam faciat formans, cum quod juris est in toto, idem sit & in parte, *l. Quae de tota D. de rei vind.* Nec facit, quòd accessorij loco adjuncta cedant nihilo minus principali, non obstante mala fide: hoc enim obtinet, quando alterum est principale, alterum accessorium, non etiam, quando utrumque habetur principale. Quò facit, quòd habet *l. Qui liquid 27. in fine D. de acq. rer. dom.* quando neutra res est alteri accessioni, tunc sunt cuiusque rem manere, licet ferrumine cohaereat. Nec obstat *tex. hic in fine*, qui dicit, eò magis deberi formanti totam speciem, quòd præter operam præstiterit etiam materiam: nam rectè accipitur in casu, quo bonæ fidei fuit formans, uti ante dictum, requiri. (H)

§. Si tamen alienam.

- 27 **A** Altera hinc accessionis industrialis species proponitur **INTEXTURA**, per quam **PURPURA ALIENA INTEXTA VESTIMENTO CEDIT VESTIMENTO**; idque jure & vice accessionis, ut habet hic text. ex oratione, quæ facit id, quod est loco accessorij, cedere ei, quod est principale: non obstante, quòd sit pretiosius, cum non tam inspicitur pretium rei, quàm conditio, scilicet sit loco accessionis, aut ornamentum, cui prævalet, quod est principale. Quo modo & gemmae dicuntur cedere auro, cuius ornandi gratia adhibentur, *l. Cum aurum 19. §. perveniamus 13. & §. fin. D. de auro & arg. leg.* Ex hac itaque ratione habetur res, quæ accessit, pro extincta, * ut non liceat domino eam vindicare, cum vindicatio non sit, nisi rei, quæ extat, quia datur ratione dominij, quod non est rei extinctæ, aut pro extincta habitæ, uti ea, de qua agimus. Est tamen actio ad exhibendum, ut res separaretur, & separata, quasi revixisset ejus dominium, vindicaretur. Est & locus conditioni adversus furem, ejusque heredem, ipsi domino, licet dominium facto non suo sit amissum *l. Et ideo 12. in pr. D. de condit. furt.* Quod autem hic in fine dicitur, **AQVIBVSQVE ALIIS POSSESSORIBVS CONDICI POSSE**, accipi nequit de conditione furtiva, quæ tantum datur in furem, ejusque heredem, licet ita velit Theoph. hic, sed accipiendum de conditione generali. Rectè autem dicitur ad exhibendum agi, si res quæ accessit, separari possit, nam alias ea actio cessat, ex ratione, quod tantum datur adversus eum, qui rei exhibendæ habet facultatem, quæ deest, quando res jam ita separari nequit. Exemplum est in *l. In rem 23. §. item quasunque D. de rei vind.* ubi brachium alienum statum meum junctum per ferruminationem, meum est, nec agi potest ad exhibendum: secus est, si per plumbationem sit adjunctum. * Ratio differentie ibi traditur, quòd ferruminatione live ferrumen, ut habet *l. Quidquid 27. §. fin. D. de acq. rer. dom.* contingat per eandem materiam; ut faciat confusionem, & partem alienam adjunctam haberi quasi consumptam ab ea, cui adjuncta: plumbatura vero fiat per diversam materiam, ut non faciat rem consumptam videri, cum facit sit soluta plumbatura rem adjunctam separare. Quod dictum de purpura, idem in omni alio accessorio obtinet, ut tota juncta vehiculo

culo, emblematis phialæ, ansæ schypho, & similibus, l. Gemma 6. cum l. seq. §. 1. & 2.
D. Ad exhiben. (gg)

§. Si duorum materia.

ALia hic duæ proponuntur accessionis species, CONFUSIO & COMMIX-
TIO. Illa habet locum in rebus, quæ ita confunduntur, ut vel separari ne-
queant, vel non nisi difficulter, siue ejusdem sint materiæ siue diversæ; ut si vina
duorum confundantur, si massa argenti vel auri conflentur, si ex vino unius & mel-
le alterius mulsum fiat, ex auro & argento electrum. (hh) Qua in re id juris est,
ut si CASU CONTIGERIT CONFUSIO, VEL DUORUM VOLUNTA-
TE, res confusæ sint communes, & singulis dominis sit salva vindicatio pro rata
portionis suæ, quæ confusa: si verò ALTERIUS FACTO TANTUM, ejus so-
lius sint, qui confudit, secundum dicta §. superiori. Hæc, scilicet commixtio, locum
habet in his corporibus, quæ mixta, singula distincta manent, & in sua substantia
durant. In qua id juris est, ut, SI CONSENSU DUORUM CONTIGERIT, cor-
pora communicentur, & sit actio communi dividundo: si verò CASU AUT FA-
CTO ALTERIUS, singulis sit salva vindicatio suæ portionis, quæ est in acervo,
l. 7. in pr. D. De rei vind. Ubi judicis erit æstimare, quale cujusque frumentum fuerit.
ut habet hic text. in fine, si ab alterutro tota massa retineatur.

§. Cum in suo solo.

CEDIT ET INÆDIFICATUM, tamquam accessorium, SOLO, ut principa-
li. Quod primò procedit, QUANDO QUIS IN SUO SOLO EX ALIENA
MATERIA ÆDIFICAT; domino materiæ interea sopito, dum tignum junctum
manet (quo nomine venit omnis materia ædificationi vel vineis necessaria, *tex. hic*
& l. 1. d. de tigno juncto)* ita ut nec vindicari possit, quia uti dictum supra, vindicatio
non est, nisi rei, quæ existat: hæc autem pro extincta habetur: nec ad exhibendum
agi, quia tunc demum ad exhibendum agitur, quando res separari potest, hic au-
tem non potest: non quidem per rei naturam, sed per legem XII. Tabb. prohi-
bentem exemptionem tigni inædificati alieno ædificio, ne hoc prætextu ædes di-
ruantur, cum deformatione aspectus civitatis, aut vinearum cultura deferatur, d. l. 1.
* Est autem actio domino contra eum, qui ignoranter tignum alienum ædibus suis
junxit, in duplum, uti habet *tex. hic*. Quod aliqui ita accipiunt, nisi velit jungens
tignum exemptum reddere; sed male, cum non privato commodo, sed publico
exemptio sit prohibita, uti ex dictis patet. Videtur autem quod dicitur de duplo,
procedere, quatenus tignum est furtivum, secundum jus pristinum, quo actio furti
non tantum erat in eum, qui fecerat, verum & in eum, apud quem licet ignarum
concepta esset, id est, querendo apprehensa res furtiva. Paulus 2. Sent. tit. 31. §.
concepti. Quod si tignum non fuerit furtivum, non nisi in simplex videtur danda ac-
tio, ne puniatur qui non deliquit, l. Qui res 98. in fine D. de solut. ubi pretium rei jun-
ctæ dicitur dandum, scilicet à bonæ fidei possessore. Quò facit, quòd l. in rem æ-

- l. 22. §. tignum De rei vind. & d. l. 1. loquantur de tigno furtivo. Facit eodem text. in l. De eo 63. D. De donat. inter virum & uxorem. ubi dicitur, 100 in duplum non agi,*
- 44 quod non sit tignum furtivum. (11) *Qui sciens junxit suo edificio tignum alienum, tenetur actione poenali in duplum, & praterea vindicatione, & ad exhibendum actione, quasi dolo possidere desisset, cum fur ultra poenam etiam in rem conveniatur; non tamen, ut eximat tignum, obstante *L. XII. Tab.* sed ut pretium solvat, *d. l. 5. in fine. Nisi sciens domino junxerit, cui tunc est salva vindicatio tigni soluti, d. l. 63. in fine.* Hec ita, quamdiu tignum junctum manet: nam si destruitur, aut corruat edificium, poterit pristinus dominus ad exhibendum agere, & tignum tamquam jam existans vindicare, *text. hic in fine*, cum ejus dominum, secundum jam dicta, non tam fuerit extinctum, quam interea sopitum. In quo distinguitur tignum junctum ab iis, quæ ferruminatione sunt juncta, quæ majoris partis unitate ita consumpta habentur, & aliena facta, ut abrupta ad priorem dominum non redeant, *d. l. 23. §. item quacumque.* (kk)

§. Ex diverso.

- 45 **C**ontrarius hoc § superiori proponitur casus, QUANDO scilicet QUIS EX SUA MATERIA EDIFICAT IN SOLO ALIENO: eadem tamen est decisio, scilicet quod quidque SOLO INÆDIFICATUM est, CEDAT SOLO, tamquam principali trahenti ad se materiam ut accessorium. *Videtur autem hic Imp.
- 46 dicere, edificantem materiam suam dominum amittere, si sciverit, in alieno se edificasse: (11) adeo ut, diruto edificio, materiam vindicare non possit. Verum hoc ita de stricto jure; nam secundum æquitatem videtur illi salva esse vindicatio, *per l. 2. C. De rei vind.* Quam aliqui non rectè interpretantur de edificante in alieno ex aliena materia; cum *d. l. 2.* dicat, sive bonâ sive malâ fide edificatum sit, destructo edificio, tignum ad pristinum dominum redire. Nisi donandi animo sit impositum, qui nullus est circa rem alienam. *Manente edificio, justè desiderat sibi
- 47 refundi materiam pretium, sive expensas; cum æquum non sit, eas cedere domino soli, cum aliena jactura. In quam rem edificanti datur retentio rei, in quam impendit, contra dominum, quem repetentem, non oblato rerum junctarum pretio, rem suam repellit exceptione doli mali, eò quod dolosè agat ex re aliena lucrum quærens, quo modo rectè habet *d. l. 23. §. in omnibus De rei vind.* In omnibus istis, inquit I. C. Paulus, quibus res mea, per prevaletiam, alienam rem trahit, meamque efficit, si eam vindicem, per exceptionem doli cogar pretium eius, quod accesserit, dare.
- 48 Ad hujus rei majorem noticiam præmittendum est, IMPENSAS alias esse NECESSARIAS, seu necessario factas, propter quas omittas res vel perierit, vel deterior facta fuisset: alias UTILES, quæ factæ quidem ejus fructum augent, omittæ autem non fecissent deteriorem: alias VOLUPTARIAS, quæ speiem quidem ornant, fructum autem non augent, *l. Impensa 79. D. De V. S. l. 1. & seq. l. 5. in fine & l. 7. De impens. in res dot. factæ.*

Necessarias impensas quilibet possessor, etiam malæ fidei, repetere posse vide- 49
tur, per l. *Domum* §. C. *De rei vind.* & per l. *Planè* 38. D. *De hered. petit.* ubi hoc ipsum
exprimitur. Ratio est, quòd non possit videri donasse, qui necessariò eger, sciens
negligentiam suam sibi fore imputandam, l. *Ei qui* 54. D. *h. t.* & quòd in necessitate
nemo sit liberalis. (mm) * Quod & in expensis circa fructus factis dicendum 50
procedere, l. *Si à domino* 36. §. *fin.* D. *cod.* tum quia sine iis fructus non fuissent, &
easdem fecisset dominus: tum quòd fructus eos tantum esse constet, qui, deductis
expensis, superfluit, l. *Fructus* 7. D. *solutio matrim.* * Non rectè hic obijcitur l. *Si servus* ; 1
27. §. *si otivam* 1. Ad l. *Aquit* ubi qui alienas olivas decerpfit, aut segetes defecuit,
impensas non deducit, quòd censeatur donasse juris interpretatione; hoc enim id-
eo, quia factæ in collectionem fructuum rei per alium possesse: ut aliud sit dicen-
dum, quando sunt factæ circa rem ab ipso possessore habitam, d. l. 36. *in fine.* Ratio
differentiæ est, quia possessor malæ fidei tenetur ad fructuum perceptionem; quam
si negligat, fructus refundit, ut necessitas excludat animum donandi. Quæ eadem
non militat, quando res non est possessa per eum, qui sumptus fecit, ut ejus malitia
faciat induci interpretativam donationem. * Non obstat etiam l. 1. §. *De infantib.* 52
expof. Nam ibi fur non repetit expensas in infante furtivum factas, quæ tamen
erant necessariae, quia fur non permissum deducere impensam, licet necessariam,
nisi quæ sit in rerum natura, & abradi possit; hic autem non potest. Et hoc ita odio
furum, quod specialia multa induci fecit circa conditionem furtivam: uti &
quòd res furtiva astimetur acerto tempore, quo plurimi valuit, l. *In re* 8. §. 10.
D. *De condict. furr.* etiam si facta juris pluris valuit, l. *Ex argento* 13. D.
cod. (nn)

Quantum ad utiles impensas, consili tum bonæ fidei possessori per retentionem
& exceptionem, secundum dicta sup. Est autem controversia non levis, quid 53
in malæ fidei possessore sit statuendum. Ubi dantur textus, qui videntur illi
denegare retentionem, propterea quòd juris interpretatione videatur do-
nasse, *tex. hic* & l. 7. §. *ex diverso* D. *De acq. rer. dom.* & l. *Julianus* 37. D. *De rei*
vind. ubi exceptio non prodest ei, qui certus in alieno ædificium posuit. Verum
hoc ita procedit de rigore juris; nam de æquitate aliud dicendum, uti patet ex
d. l. *Planè* 38. D. *De petit. hered.* ubi Paulus dicit quidem, prædonem de se queri
debere; quòd sciens in alienam rem impenderit; subjungit tamen, benignius
esse, in ejus persona haberi quoque rationem impensarum, ne Dominus lucreretur
damno alieno. Nec est, quòd dicatur lex illa loqui in judicio universali, quasi
aliud sit in judicio rei singularis; cum utrobique eadem versetur ratio, ut idem
jus sit ponendum. Et licet per dominum possit opponi culpa temere ædifican-
ti, is tamen rejicietur per superiorem rationem, quòd non debeat locupletari
jacturâ alterius. Facit, quòd l. 2. D. *De rei vind.* scienter in fundo alieno ædifican-
ti det repetitionem, nisi donandi animum habuerit, qui probandus est ab ipso
domino, cum non præsumatur hoc ipso, quo quis est malæ fidei, d. l. 2. & l.
- *Qui alienum* 14. D. *De donat.* cum non alii quam sibi rem gerat possessor, non do-
nans, sed usurpans rem alienam. Est tamen differentia quedam inter bonæ &
malæ

malæ fidei possessorem, quod ille omnimodò impensam deducat, etiam si res non extet, in quam fecit, saltem in iudicio universali, licet aliter. Quæ res habeat in re singulari. Ratio differentiæ est, quod in illo iudicio confidetur ipsa bonorum universitas; ut licet res singularis, in quam sumptus facti, perierit, retentio nihilominus possit fieri ex reliquo corpore, cui ut fructus, atque accessoria cedunt, ita & impensæ imputantur. In hoc verò, si res meliorata perierit, non est, quod à domino repetatur, qui rem, circa quam sumptus facti, & cuius nomine agitur, nō habet, Bart. in l. In fundo 78. n. 6. & 8. D. De R. F. Mala fidei verò possessor non alias impensas necessarias aut utiles deducit, quam si res sive in causâ universali, sive singulari, melior sit, id est ipsa extet melior facta, & ad dominum pervenerit, qui allicitur lucro in damnum possessoris, in quo consistit æquitatis deductionis. Nisi tamen dominus expensasolvere non valeat, d. l. 38. in fine, tunc enim possessori sufficere debet, tollat ea, quæ tolli possunt sine detrimento rei. (oo)

14. Quantum ad impensas voluptatis causâ factas, est & differentia inter bonæ & malæ fidei possessorem: nam ille, impensas repetit, quatenus cedunt in domini utilitatem, ex sæpè dicta ratione. Alias abraderè potest, salvo rei statu, modò abrafa sint ipsi commodæ, & nisi quanti tunc valitura offerat dominus, ne malitiis indulgeatur, d. l. 3. in fine. Hic verò eas amittere videtur, ut colligere est ex l. 5. in fine D. De rei vind. Et hoc de stricto jure: nam & a quitas ei abractionem permittere videtur, per dictam rationem, l. Viles 39. D. De hered. petit. Caterum videtur hic & aliis locis non consuli possessori, nisi per retentionem, & exceptionem doli malæ, contra ipsum petitorum, quasi post rem restitutam actio, quâ sumptus consequatur, non superflua: superest enim conditio incerti, & ut ea non superesset, per officium tamen iudicis consulitur possessori, si fortè omiſsa exceptione rem restituerit, l. Sumptus 48. D. De rei vind. ita postulante æquitatè, ne quis alieno damno lucratur. (pp)

§. : Si Titius plantam.

15. **F**ACIT & PLANTATIO PLANTAM, SIVE SUAM IN ALIENO POSITAM; SIVE ALIENAM IN SUO, CEDERE SOLO tamquam accessionem. In qua hoc speciale, quod, ubi radices egerit, eruta vindicari directò vel utiliter nequeat a pristino domino: neque enim tunc potest intelligi alterius esse quàm ejus, in ejus fundo alitur, *tex hic ex l. 7. §. ult. D. De acq. rer. dom. (qq)*. Antequam radices egerit non potest videri mutasse dominium, ut tunc idem juris sit quod in tigno.
16. * Arbor in confinio vel prope confinium posita, id est in spatio medio inter duos agros, ad commodiorem culturam relicta, non alias communis erit cum vicino, quam si radices egerit in ejus fundo *tex. hic in fine, l. Arbor 19. D. Communi divid. & l. pen. Pro socio*. Non idem erit, si ex nostro fundo originem habens, in vicini fundum radices egerit; manet enim tota nostra, l. 6. in fine D. Arborum factum casar. adeò ut non liceat vicino radices prætereindere, sed agere; Non ita licere habere, d. l. 6. in fine, nisi noceant ædibus, l. 1. D. De interd. Æd. * Licet autem casu, quo rami extenduntur, domino arboris legere glandes (quo nomine omnes fructus veniunt) in alieno
17. tertio

restitio quoque die, l. 1. D. De gladii legenda. Quod non videtur consuetudine observari. Quod juris in plantis, idem & in foris, §. qua ratione. l. f. eod. Quantum ad impensas repetendas, idem & in his juris, quod in superioribus. (rr)

§. Litteræ quoque.

Item SCRIPTURA LICET AUREA CEDIT CHARTÆ ETIAM VILIS-
SIMÆ, quia accessionis vice est. Ut scribenti non sit vindictio, sed chartæ domino, qui tamen impensas scripturæ offerre debet, alias per exceptionem doli mali repellendus, *tex. hic.* (ll) In pictura idem dicendum est, si suspiciamus rationem naturalem, uti & aliqui voluerunt, quos videatur sequi Paulus, in l. in rem 23. §. sed & id D. De rei vind. Obtinuit tamen TABULAM CEDERE PICTURÆ, jure singulari, quod indignum videatur vilissimæ tabulæ picturam, Parrhasii v. g. vel Apellis, cedere. Ut potiora jura habeat pictor, & directam pictæ tabulæ vindicationem: quæ tamen & utilis concessa domino tabulæ adversus pictorem, qui nisi solvat aut offerat tabulæ pretium, per exceptionem rejici poterit. Et hoc ita jure singulari receptum in pictura, ut ad scripturam, licet auream, non rectè transferas; cum speciali jure recepta non patiantur exceptionem. (tt)

§. Si quis à non domino.

EST & FRUCTUUM PERCEPTIO ex alieno species accessionis, cum faci-
at eos transire in dominium percipientis possessoris. Quod dicitur hic da-
rum cultura & cura; quasi factio ejus essent producti, & in l. Bona fidei 42. in pr. D.
De acquir. rerum dom. quod possessor, scilicet et bone fidei, quod attinet ad fructus,
sit penè loco domini. Verùm quia controversum est, in quibus fructibus hoc pro-
cedat, præmittendum est *Fructuum nomine generaliter comprehendendi omnes rei
obventiones, siue ex ejus corpore veniant, siue ejus occasione percipiantur, cujus
ordinis sunt mercedes rerum locatarum pensiones, utiure, l. Mercedes 49. D. De he-
red. petit. l. Si navis 62. D. De rei vind. l. Prædiorum 36. De usur. quales vocantur fructus
CIVILES, & propriè non tam sunt fructus, quàm locum & vicem fructuum obri-
nent, l. i. §. 4. D. De usur. Propriè fructus sunt, qui ex re ipsa nascuntur, ut ani-
malibus, fundo, arboribus, quales dicuntur NATURALES. Quorum alii ex na-
tura, & per se proveniunt, & strictè dicuntur NATURALES, cujus ordinis sunt
poma, aucupes, & similia. alii factio hominis indigent, & vocantur INDUSTRIA-
LES; cujus ordinis sunt segetes. (uu)

Et quamvis hic §. loqui tantum videatur de industrialibus, non est tamen
absre in universum de omnibus agere. * Et primò quidem civiles cedere pos-
sessori non est ambigendum, d. l. i. §. 4. quod ejus factio provenierint. Quod
idem dicendum de industrialibus; ex eadem ratione, & habet text. hic & in
d. l. 42. Ubi tamen eos percepit; nam antè sunt fundi pars, ut ejus esse intelli-
gantur, cujus est fundus: perceptione autem ab eo separantur, & possessorem se-
quantur, non tantum si ab ipso sunt facti, sed & si ab alio. Nam cum tales perceptio-

ceptione suos faciat fructuarius, quidni & bonæ fidei possessor? cui plus juris est, quam fructuario, idem nimirum in re possessa, quod est dominis prædiorum, *l. 2^a §. 1. d. De usuris*.

- 62 Controversia autem est super naturalibus fructibus, quos plerique negant cedere bonæ fidei possessori, inter quos est Donel. 4. *Comment. cap. 25*. Nituntur præcipue hoc textu, qui fructus perceptos tribuit bonæ fidei possessori, PRO CULTURA ET CURA, quæ non est nisi circa industriales, ut qui sementem fecit, is & metat: non etiam circa naturales, cum sponte sua proveniant. Pro quibus facit *l. Fructus 45. De usuris* ubi fructus naturales dicuntur non fieri bonæ fidei possessoris, quod factum ejus non provenierint. Videntur tamen rectius sentire, qui & naturales possessori cedere volunt. In quam rem multum facit *d. l. 48.* quæ possessori attribuit fructus non tantum ejus facto productos, sed omnes, id est non tantum industriales, sed & naturales: nihil enim excludit, qui omnia dicit. Restrinxit quidem verbum, *omnes*, Donel. *d. loco*, ad eos fructus qui proveniunt opera & diligentia alterius, quam possessoris; quasi dicat lex, à quolibet sint facti fructus, spectant ad possessorem, juxta *d. l. 25. §. 1.* verum generalitas illius non patitur istiusmodi restrictionem: nisi ita possident adjuncta, quæ in ista lege potius contrarium velle videntur ex subiecta ratione, quod quæ ad fructus sit pars loco domini possessor: quæ ratio tam obtinet in naturalibus, quam alijs. Et facit, quod *d. l. 25. §. 1.* bonæ fidei possessori in fructibus percipiendis idem juris tribuatur, quod dominis prædiorum tributum est: ut quod his tribuit dominium, hoc illi tribuat possessio, cujus jure fructus percipiuntur, quod idem est circa naturales, atque est circa industriales. Facit difficultatem *hic text.* in verbis, *pro cultura & cura*, sed non magnam, cum licet citra culturam percipiantur naturales, non tamen citra curam custodia. (xx) Vel potius dicendum, non cedere naturales possessori, ratione culturæ & curæ, de quibus *hic*, sed ratione possessionis bonæ fidei, quæ uti dictum, tantum dat juris possessori circa fructus, atque est dominis prædiorum. *d. l. 25. §. 1.* ad quos ut spectant omnes fructus, etiam naturales, quidni & ad possessorem, *d. l. 48.* cum alias non foret debita comparatio? Deinde *§. 1.* dicitur plus juris competere possessori circa fructus, quam fructuario: huic autem cedunt naturales, quidni & illi?

- Plus difficultatis habet *d. l. 45.* non in eo, quod donatario conjugum cedant fructus rei donatæ industriales, non etiam naturales; nam illorum donatio, ex re licet illicite donata perceptorum, est licita, *l. De fructibus 17. D. De donat. inter virum & ux.* licet per se non foret licita. Ratio differentia est, quod in illo casu fructus percepti non possunt videri diminuire substantiam uxoris, uti requiritur, cum opera mariti producti censeantur, ut nunquam fuerint uxoris. Ut non obtineat ratio prohibitionis, quæ obtinet in fructibus per mulierem perceptis, & deinde marito donatis; faciunt enim mulierem pauperiorem. *si quis 21. §. si uxor. De donat. inter virum & ux.* Sed in eo tota difficultas est quod *d. l. 45.* dicat naturales fructus non fieri donatarii conjugis, uti nec cujuslibet bonæ fidei possessoris, cum subjuncta ratione, quod ejus facto non provenierint. Videtur conciliari posse

posse *d. l. 4 §. cum alijs*, non admittendo distinctionem in eo, quod industriales fiant bonæ fidei possessoris non etiam naturales, ut plerique volunt, quod esset directè contrà superius dicta; sed quod in *d. l. 4 §. industriales* fiant conjugis, qui eos percipit, ut re advocatâ non sint restituendi uti casu, si enim non fiant ullatenus donatarij. Ratio differentie est, quod hi incidenti rationem prohibentiam, quasi per se donati, utpote percipiendi per uxorem, sicut sponse proveniant, non etiam isti, utpote producti operâ mariti, ut non possint diminuire substantiam uxoris donatricis, in quo posita est ratio prohibitionis, atque ita cum re restituendi. (yy)

Quantum ad malæ fidei possessorem, nullos ille fructus suos facit, ne peccanti indulgeatur, & ex malitia sua quis lucrum capiat. Quod non tantum procedet in eo, qui ab initio malæ fidei possessor fuit, sed etiam qui ex post facto cepit habere notitiam rei alienæ, ut non faciat fructus suos ab eo tempore, *l. Qui bon. a fide 2 §. tamdiu D. De acq. rer. dom.* licet per malam fidem intervenientem non interrumpatur jure civili ipsius rei usucapio, ut dicitur *inf. tit. 6.* quod eam satis sit ex justo titulo habere originem, & procedat ipso jure, *d. l. 4 §. 1.* fructuum vero acquisitio consistat in facto perceptionis, quod non est continuum, sed interruptum, ut requirat bonam fidem existentem quovis momento ipsius acquisitionis, ad hoc, ut sit justa, *d. §. quamdiu.*

Hactenus quatenus fructus possessori cedunt consequens est videre, an irrevocabiliter? Quod non pauci volunt saltem quoad industriales simpliciter naturales verò plerique contendunt restituendos esse; quod tantum videantur facti possessoris INTERIM, id est, donec res evincatur, aut avocetur. Rationem differentie ponunt, quod hi provenerint sponse suâ, nullâ curâ culturæ possessoris; ut non sit causa, ob quam recuset eorum restitutionem: illi verò curâ & culturâ possessoris sint in rerum natura, alias non futuri, *text. hic;* ut non sit invidenda possessori plena acquisitio. Quod facere videtur quod dicantur pleno jure fieri possessoris, in *l. in pecuniâ 28. D. De usur.* & lucrari eos possessor, in *l. 4. §. post litem 21. D. finium regund.* Ut possint videri non obnoxij restitutioni; cum quod semel perfecte meum est factum, non sit mihi adimendum sine facto meo. Imò non videtur alicujus fuisse in bonis, quod restituendum est, *l. Non videtur § 1. D. De R. I.* Verum ut certum sit, naturales esse obnoxios restitutioni, per varia loca, & rationem supradictam; ita contraversum quoad industriales, quos, non obstantibus jam dictis, probabilius est restitutioni obnoxios esse, quatenus supersunt, deductis expensis. Quod aequitati omnino consonum, quæ distat alienâ jacturâ neminem locupletari: quod hic contingeret, cum licet eis industria sit cooperata ad eorum productionem, ex re tamen aliena sint producti. Et facit, quod *text. hic & d. l. 4. §. 2.* non aliâ velit fieri bonæ fidei possessoris, quam si fuerint consumpti, ut demum consumptio sit in plenam acquisitionem, non etiam ipsa perceptio, quæ de re paulò inferius. Ut videantur restituendi extantes, cum exclusio unius sit inclusio alterius. Quod facit *text. in l. Certum 22. C. De rei vind.*

66 rei vind. ubi extantes fructus dicuntur restituendi. * Et frustra quidam verbum, *extantes*, accipiunt de pendentibus, cum huiusmodi interpretatio nec congruat significationi verbi, nec menti legis: nam pendere dicuntur fructus necdum à solo separati, cuius sunt pars. *Fructus 44. D. De rei vind.* Ut dubium non sit, quin una cum re transeant etiam non petiti. Præterea verbo *extantes*, non posse contineri pendentibus, facit, quòd in isto textu possessor dicatur debere præstare fructus: non potest autem præstare nisi quos habet, non habet nisi extantes, non etiam pendentibus, qui sunt soli, & quos denique perceptione suos facit. Non obstat, quòd dicantur fieri pleno jure possessoris, itque eos lucrari: nam hoc accipiendum post consumptionem, cuius sit mentio *hic & in d. l. 4. §. 2.* Aut subintelligendum est, dum res apud possessorem manet, uti habet *d. l. 4. 2.* quæ cum non distinguat inter fructus naturales & industriales, non est etiam nobis distinguendum: Nec esse absurdam istam interpretationem patet ex *l. 2. §. fin. & l. 6. D. De addit. in diem*, ubi ex re addicta emptori in diem fructus nati ipsi cedunt interim tantum, id est donec non adfertur melior conditio, quæ illam stat restituendi. Non obstat *d. l. 4. 1.* quia loquitur tantum quoad effectum, non etiam quasi non fiant possessoris percipiendo. Nihil etiam obstat, quòd habet *l. Fructus 45. D. De usur.* industriales irrevocabiliter fieri conjugis donatarij: hoc enim ideo, quia adest voluntas donantis, nec est lex repugnans, uti patet ex superioribus. Et hæc ita in extantibus

(zz)
67 Alia controversia est, quid statuendum de consumptis: nam illos lucrari possessorem habet *d. l. 4. §. 2.* & de his est textus hic Quod omnino verum est, si possessor locupletior non extiterit; quia non potest videri nisi abusus re propria, & cessat ratio superior, ne quis locupletetur aliena jactura. Et hoc sive quoad industriales, sive naturales: nam jure possessionis & his abutitur possessor tamquam dominus, uti dictum. Si locupletior factus fuerit ex consumptis, recte dicitur teneri ad pretium, quòd existens est loco rei: ut in eo idem sit statuendum, quòd in re, si extaret. Sapientem enim surrogatum naturam ejus, in cuius locum surrogatur: ut ratio, de qua supra, locum habeat, quòd scilicet possessor cum aliena jactura lucrum caperet. Et hoc vult *l. 1. D. De petit. hered. l. Item 20. §. præter. & l. Sed & §. 2. 5. Si consuluit D. eod.* qui text. etiam loquantur in hereditatis petitione, recte tamen eorum decisio dicitur obtinere etiam in rei vindicatione, ex ratione supra allata. etiam in hac militante. Facit eodem *Si fructus 2. D. De donat. inter virum & ux.* ubi dicitur uxor ad fructus perceptos ex re dotali consumptos non teneri, nisi sit facta locupletior. Ut text. *hic*, qui dicit de consumptis non agi, & *d. l. 4. §. 2.* quæ dicit, possessorem lucrari consumptos fructus, recte restringatur, nisi factus sit locupletior, quia vix est, ut videatur consumptum, quòd in patrimonij corpore retinetur per pretium, quòd est loco rei, *l. Ipsa res D. Quod metus causa.*

(x)
68 Hæc ita in bona fidei possessore. Male fidei possessor omnes fructus restituet. *text. hic & in l. Certum 22. D. De rei vindicat.* Sive extant, qui vindicabuntur, sive

sive sint consumpti, qui condicentur, *l. 3. D. De condict. ex lege*, non habitâ ratione, aciliter sint consumpti, necne, ne ejus mala fides alteri noceat. Denique etiam non perceptos restituere cogitur, quatenus tamen percipi potuerunt, *§. etsi hereditas inf. De officio jud.* cum ubi de fraude disputatur, omne quod per adversarium non habuit actor veniat considerandum, *l. Generaliter 78. D. De R. I.* Facit, quod imputare sibi debeat, quod alienæ rei se immiscens, eam ex fide non gesserit. Idem procedit in fructibus civilibus, *l. Si navis 62. D. De rei vind.* Exceptis tamen usuris, quæ licet sint vice fructuum, ex otiosa tamen & non occupata fœnori pecunia, non debentur. Ratio differentiæ est, quod res aliæ eloquentur periculo domini, cui cedit casus: pecunia verò collocetur periculo dantis. Ut non sit culpandus malæ fidei possessor, quod in periculum pecuniæ fœnori occupandæ se non conjecerit, *d. l. 62. (β)*

§. Is verò ad quem ususfructus.

UT fructus cedunt bonæ fidei possessori, ita & fructuario. Est tamen inter hos duos differentia. Nam cum plus juris sit possessori, qui civiliter possidet, idemque juris habeat, quod dominis prædiorum tributum, fructus, à quocumque tandem sint separati, etiam immaturi, suos facit. fructuarius autem naturaliter tantum possidet, *l. Naturaliter 12. D. De acq. poss. & NON ALITER FRUCTUUM DOMINUS EFFICITUR, QUAM SI IPSE EOS PERCEPERIT*, per se, aut per alium, decerpendo spicam, aut fœnem metendo, uvam colligendo, oleam excutiendo, *l. Si fructuarius 13. D. Quib. modis usufr. amit.* licet necdum tritum frumentum, oleum factum, vindemia coacta. Unde si alius decerpserit, vel sponte fructus deciderint, non fient fructuarii, *d. l. 13.* Personale enim cum hoc jus sit, personaliter etiam exercendum. Non alias etiam fructus suos facit, **QUAM SI MATURI SINT**, quia non est fructuario concessum nisi uti frui: immaturos autem decerpere ad abusum potius spectat. Ubi maturitatis tempus non est æstimandum naturale, sed quo magis expedit: nam & oliva immatura utilior est maturâ, *l. penult. D. De usufructu leg.* Præterea ille ad hæredem jus suum transmittit, quoad fructus pendentes, ex ratione jam dicta, non etiam hic, qui jus merè personale habet, ut nihil, nisi in fructus jam decerptos, juris quæsierit, non etiam quoad pendentes, in quos hæredi nihil est juris neque realis neque personalis, ut patet ex hoc textu, qui dicit **DOMINO PROPRIETATIS ACQUIRI**. Quamvis Cujac. *4. Feud. tit. 30 & lib. 24. Obser. c. 21.* tribuat hæredi pro rata temporis actionem ad fructus: verum superior sententia verior & receptior, per *tex. hic*, & leges, quæ tantum concedunt fructuario jus, quatenus ab ipso sunt percepti. Et hoc quoad naturales, qui semel in anno percipiuntur: nam fructus civiles pro rata temporis debentur fructuario, ejusve hæredi, quod censeantur singulis diebus percipi, *l. Si operas 26. D. De usufructu*. Est autem in eo fructuarius potior possessore, quod perceptos fructus sibi habeat citra onus restitutionis; cum possessor, re advocata, teneatur eos restituere, quatenus supersunt, deductis expensis, uti patet ex jam dictis. Ratio, quod ille domini voluntate percipiat, non etiam hic,

70 Quæ de fructuario dicta sunt, EADEM FERRE ET DE COLONO DICI, ait hic in fine Imp. ut, nisi ipse fructus decerpserit, vindicationem eorum non habeat, licet furti agere possit contra decerpentem, l. Si apes 26. in fine D. De furtis. Dicitur autem, FERRE, quia pinguius jus est colono in eo, quod ad heredem transferat jus fructuum pendendum, ex contractu, qui etiam heredi censetur initus, quæ de re inf. De locat. & conduct.

§. In pecudum.

71 Cedunt fructuario fructus non tantum fundi, sed & pecorum, uti foetus, lac, lana, pilus, & similia. Excipitur PARTUS ANCILLÆ, quod ABSURDUM VIDEATUR, HOMINEM, cujus gratiâ natura rerum omnes fructus procreat, IN FRUCTU ESSE, text. hic & l. in pecudum 28. D. De usur. (γ) *Subsequitur autem hoc fructuum commodum onus conservandi rem, ne depercat; quod non est iniquum. Covarr. ad c. Peccatum p. 2. §. 1. nu. 6. Quo modo non tantum in nullo facit deteriorem causam proprietatis, sed & eam tantam tectam servat, sumptus faciendo, qui ad refectiorem ita necessarii, ut ad utilitatem præsentis usus, fructuumque perceptionem spectent, l. 7. §. quoniam D. De usufructu, ubi dicitur tantum ad modicos teneri, non & ad eos qui perpetuam rei utilitatem concernunt; quos si fecerit actione negotiorum gestorum repetet, l. 7. D. usufructu. Inter onera, quatenus est usufructus universitatis, veluti gregis, & in locum demortuorum capitulum submittere ex foetu, & in locum arborum vel vinearum demortuarum substituere ex seminario, uti habet text. hic. Hoc enim est boni patrisfamilias, ad cuius modum debet uti-frui fructuarius.

§. Thesaurus.

73 AD occupationem spectat INVENTIO THESAURI, non nuda, sed quam comitatur apprehensio. Nam nisi loco moveatur, non potest videri esse in custodia nostra, sed quasi in sua libertate permanet, l. 3. §. Neratius in fine D. De acq. possess. Cedit autem inventori; ex ratione, quod nullius sit, vel esse putetur, cum describatur esse VETUS DEPOSITIO PECUNIÆ, CUJUS NON EXTAT MEMORIA, UT DOMINUM NON HABEAT, l. Numquam 31. §. 1. D. De acq. rerum dom. quia non esse, & non apparere sunt paria. Dicitur, cujus non extat memoria, nam si ex syngrapha adjecta aut aliâ ratione constaret de deponente, illi reddendus esset, ejusve heredi. (δ) INVENTUS autem THESAURUS IN LOCO SUO TOTUS CEDIT INVENTORI, licet datâ operâ, modo absint mala: artes, l. unica C. De thesauris lib. 10. non tamquam fructus; nam cum non renascatur, in fructu esse dici nequit, l. Divortio 8. §. si fundum D. Solutio matrim. sed tamquam loci beneficium. (ε) IN ALIENO INVENTUS TANTUM PRO DIMIDIA PARTE CEDIT INVENTORI, quatenus fortuito invenit, Nam datâ operâ quærere in alieno non licet; & inventum cogitur inventor totum cedere loci domino, d. l. unica

unica, idque ut aliena effodiendi, & violandi auferatur occasio. Malis artibus inventus, totus fisco addicitur, *d.l. unica*. Non obstat, quòd vena metallorum in alienis locis, etià in vitis dominis, quæriri possint, *l. 3. C. De metall. lib. 1*. nam hoc ita postulat favor publicus. (x) IN PUBLICO, an PRIVATO invenerit, differre non videtur, cum dimidium tantum inventori cedat, dimidium Cæsari aut civitati, cuius est locus, *tex. hic*. Qui quidem text. aliud statuere videtur quoad thesaurum inventum in loco sacro aut religioso, quòd totus cedat inventori, ex Constitutione D. Hadriani, eà ratione, quia talis locus sit nullius: contra tamen statuerunt Divi fratres in *l. 3. §. penult. D. De jure fisci*, dimidiam partem fisco concedentes. Ad conciliationem locorum istorum dicunt, textum hunc nititur naturali æquitate: Divos autem fratres in gratiam fisci ita statuisse, quorum Constitutio approbata in Feudis, *lib. 2. rir. Quæ sint regalia § 6*. Quod & aliquibus in locis hodie servatur, in aliquibus etiam fiscus locum sibi adrogat. Verum ista conciliatio minus quadrat, cum per eam corrigatur textus Institutionum per Digesta saltem compositione priora. Ut dicendum sit, *d. §. Thesauros* obtinere in religioso loco, suo vel nullius: dictam verò *l. 3. in loco religioso alterius, vel in quo aliquod jus sit fisci*, ad evitandam correctionem. Quòd facit, quod ibi fiat mentio loci Cæsaris. Wesenb. *hic nu. 3. (7)*

§. Per traditionem.

Tertium præcipuum & usitatissimum caput acquirendi dominii jure gentium est TRADITIO, QUÆ EST DE MANU IN MANUM TRANSLATIO, fundata in naturali æquitate, cui respondet, voluntatem Domini, rem suam transferre volentis, ratam haberi, *tex. hic*. Ut justa sit & effectum habeat, desideratur Primo POTESTAS IN TRANSFERENTE: quæ colligitur tum ex dominio; nam res aliena, in quam nihil juris est, non rectè transfertur, *l. Traditio 20. D. De acq. rei dom. & l. Nemo potest § 4. De R. l. nisi ex mandato domini: tum ex libera administratione rei; quo modo à pupillo, prodigo, & similibus traditio facta non consequitur effectum traditionis. Secundò requiritur VOLUNTAS TAM IN TRADENTE; cum nemo invitus re suâ privetur (ubi necesse est tradens sciat rem suam esse, nam suam tamquam alienam tradendo nihil efficeret, propter errorem, *l. 3. §. subtilius D. De condict. caus. dat.*) QUAM IN EO, CUI FIT TRADITIO; quia invito nihil acquiritur, *l. 1. §. 2. D. De acq. possess.* quo modo furioso traditum, aut infanti, non acquiritur, quia deest consensus. Tertiò sit RES, QUÆ TRANSFERRI POSSET, qualis vocatur res Mancipi, cujusmodi olim erant res Italicae: ut stipendiaria & tributaria prædia traditione non transferunt in dominium alterius, quòd essent res nec Mancipi, id est quæ alienari non possent. Verum & in his idem obtinet hodie, quod in Italicis. Quartò subsit JUSTA CAUSA, sufficiens ad translationem dominii, cujusmodi est emptio-venditio, permutatio, donatio, & similes: neque enim nuda & simplex traditio translationem dominii producit, *d. l. 31. De acq. rei dom.* Nihil faciet causæ facilitas, quia non impedit voluntatem, quamvis faciat condici traditum tamquam indebitum, *D. & C. De condict. indeb. (d)**

§. *Vendita autem res.*

76. **Q**UOD dictum, traditionem ex causa factam transferre dominium, patitur exceptionem, NISI FACTA SIT SUB CONDITIONE, etiam TACITA; veluti si facta sit ex causa venditionis. Neque enim transit dominium in emptorem, antequam pretium conventum solverit, vel alias satisfecerit venditori, dato pignore, aut expromissore, id est fideiussore, ut videtur per l. *Ut res* § 3. *D. De contrah. empt.* quamvis alias expromissor sit, qui alienam obligationem ita in se recipit, ut debitorem liberet. Ratio hujus §. est, quod delictum animus transferendi dominium; ut propterea tradenti sit jus vindicandi rem. Nisi tamen vendens secutus sit fidem emptoris, HABITA FIDE DE PRETIO, indulgendo scilicet dilationem solvendi, l. *Quod vendidi* § 9. *D. De contrah. empt.* Cujus ea vis est, ut statim fiat res ementis, & ut venditor eam vindicare nequeat, l. *Inevile*. *D. De rei vindicat.* nec cum aliis creditoribus concurrens potiores sibi partes arrogare possit, l. *Procurator* § 5. §. *penult.* *D. De tribut. act.*

76. Controversum autem est, an solâ & simplici traditione intelligatur habitafides de pretio, quod voluit Glossa hic & communiter sequuntur. *dd.* Quod merito ab aliis improbat, cum minùs respondeat textui huic & d. l. 19. ubi malè diceretur, non alias res traditas fieri emptoris, nisi pretio soluto, aut praestitâ aliâ satisfactione, aut habitâ fide de pretio, si ipsa traditio sufficeret. Ut videatur hoc ipsum exprimendum esse, nisi tacite colligatur ex circumstantijs. *D. Gabl. Mudæus ad d. l. 19. nu. 6. & 7. (1)*

§. *Interdum etiam sine traditione.*

77. **N**ON vera tantum traditio, sed & ficta operatur veram Domini translationem, ut patet ex exemplis hujus textus in quo. RES DEPOSITA, COMMODATA, SI VENDATUR EI, APUD QUEM DEPOSITA AUT COMMODATA, CENSETUR HOC IPSO TRADITA, idque evitandi circuitus causa, l. *Sive autem* § 9. *D. De Publiciana in rem. act.* l. *Quod meo* 18. §. *si venditorem*. *De acq. poss.* Ut postea alteri frustra tradatur, cum jus semel alicui acquisitum non sit auferendum. Quo modo in l. 3. §. *sed quia* *C. Com. de legat.* legatari dominium per legem addicitur legatario continuo à testatoris morte, citra ullam traditionem; ut herediti non sit potestas, rem in alium transferendo, impedire, quò minùs eam vindicet legatarius. Sic & conducentis scienter rem suam ab altero, qui eam conducentis esse scit, dominium transferre videtur in locatorem; ea enim videtur esse mens conductoris, l. *Quadam* 77. *D. De rei vind.* quia alias conductio stare non posset. Locatoris quoque admittentis conductionem ea mens est, ut sibi dominium quærat, l. *Si aliquam rem* 28. *De acq. possess.* & ibi. *Aretin.* Dico, qui eam scit conducentis esse; nam si suam putaverit, non habuit animum acceptandi dominium rei alienæ. Idem videtur, si quis alterius præsentis & acceptantis nomine constituat se possessorem rei suæ, l. *Quod meo* 18. §. *si venditorem*. *De acq. poss.* aut usum vel.

vel usumfructum rei donare retineat, l. *Quisquis* 28. 2. C. De donat. Sic & apud hor-
neum tradens obres, confertur merces eo contentas tradere & accipientem earum
dominum facere, *tex. hic* & l. *Clavibus* 7. D. De contrah. empt. (*) Traditis quoque
instrumentis emptæ aut donatæ alicuius rei, ipsa res tradita habetur, ad exercen-
dam actionem in rem, l. 1. D. De donationib.

§. Hoc amplius.

INSTAR traditionis est PROJECTIO MISSILIIUM, olim etiam à Magistratu fie- 78
ri solita prohibita à Mariano Imp. l. 2. C. De Consulib. lib. 12. postea iterum per-
missa à Justiniano, Nov. 105. hodie usurpata à Principibus tempore inauguratio-
nis. Cujus ea conditio, ut quantum quisque caput tantum habeat. Nec impedit,
quod sit incerta persona singularis, quæ capit; cum in genere populus, cui vult
gratificatum mittens, sit certus, & posset dici, rem missam haberi pro derelicta à
mittente, atque ideo fieri occupantis, l. 2. D. Pro derelicto.

§. Qua ratione.

PRO DERELICTO HABITÆ RES, cum nullius sint, OCCUPANTI CE- 79
DUNT, l. 1. D. Pro derelicto. Habentur autem res pro derelictis, quas dominus eā
mente abiecit, ut in rerum suarum dominio eas esse nolit, *tex. hic*. Quo modo pro
derelictis non habentur, quæ dominis ignorantibus de curru deciderunt, *tex. hic in*
fine, quia deest animus. Ut potius sint habendæ pro deperditis, & dominus earum
inquirendus, vel per preconem, vel per libellum publico loco propositum, eique
restituendæ, l. *Falsus* 43. §. proinde D. De furtis. Qui si non compareat, inventor eas
retinendo non faciet se furto obnoxium, cum animus furandi desit, quamvis tur-
tius fuerit, earum venditarum pretium in pauperes distribuere. * Pro derelictis et- 80
iam neutiquam habendæ res è navi, oneris levandi causâ, missæ, cum mittantur
causâ evitandi periculi, non etiam habendi eas pro derelictis, *tex. hic*. Quod modo
si ab aliis excipiantur, vel in littore vel alibi, dominis suis sunt restituendæ, non
obstante contrariâ consuetudine, minus iusta, quæ bona fisco addicit, *Aurh. Navi-*
gia C. De furt., cum addat afflictionem afflictis, l. 1. C. De naufrag. lib. 11. Quod non
tantum procedit, si res non sint perituræ: sed & si perituræ quia cum subit jacien-
tibus mens levandæ navis, non possunt videri habere eas pro derelictis, l. 2. *in fine*.
& l. *Qui levandæ* 8. D. Ad L. Rhod. de iactu: ut qui eas exceperit fortè fortuna, te-
neatur restituere. Non obstat d. l. *Falsus* 43. §. *si iactum* D. De furt. ubi dicitur, ple-
rumque credendum esse, animo derelipientis iactatas esse merces, quod sciatur
perituræ: loquitur enim de iis, quæ nullâ necessitate jaciuntur, quia tunc non
potest alia sumi mens, quàm derelipientis. Secus est, si alia mens sumi potest:
unde ibi rectè additur *plerumque* (λ)

ADDITIONES V. A. D.

Nu. 2. ibi, Coraf. 2. Misc. c. 20.) Utrumque hoc dominium minùs plenum est, tam quod directum vocant, quia abest usufructus & utilitas; quàm quod utile, quippe proprietate residente penes dominum directum. Plenum verò dominium, sive plenam in re potestatem is habere dicitur, qui & rem possidet, & fructus rei percipit jure suo, consolidato jam usufructu cum proprietate, §. ult. inf. De usufr. Quæ quidem distinctio domini in directum & utile licet multis displicuerit, quia si utile nullum sit dominium, nullique domini utiles, sed tantum directum, quod nihil quoque sit aliud, quàm ipsa rei proprietas, seu jus proprietatis, l. Si procurator 13. & l. Cum in corpus 36. D. De acq. rer. dopi. Duaren. Diss. anniver. 1. c. 17. Donel. 9. Comment. c. 14. Vult, Discepr. Schol. c. 19. Ant. Fab. 29. conject. c. 11. probata tamen veterum plerisque; nec improbat D. Zoef. hic & ad d. tit. D. De acq. rer. dom. nu. 5. vocabulis, quæ magistrorum sunt, non juris, inquit Costal. ad l. 1. D. Siinger. vestig. id est emphyt. &c. ex re ipsa natis, Vide Coraf. 6. Miscell. c. 30. Hunnium Var. resol. lib. 2. tract. 1. qu. 7. Forster. lib. sing. de Dominio c. 4. memb. 3. Ever. Balck. 1. Elect. c. 3. Verumtamen quod directum vulgò dicimus, moribus fere omnium dominium principale & dominium superius nuncupatur, & qui tale dominium habet, principalis & superior dominus, Auth. Si verò dominus C. De here. Vassallus verò, emphyteuta, similesque utiles domini, dominium inferius habere dicuntur. Costal. ibid.

Sed & domini definitio videbitur quibusdam angustior, si eam ad res corporales tantum restrinxeris, cum Bartolo, in l. Si quis vi 17. §. differentia nu. 4. D. De acq. vel amit. poss. quem plerique sequuntur. Nam appellatione domini etiam fructuarium contineri, habet l. In venditorem 8. in pr. D. De bonis auct. jud. possid. & dominium quoddam esse usufructus ac servitutis, constat ex l. 3. D. Si usufr. pet. & l. Semper 15. §. 8. D. Quod vi aut clam. &c. Quamvis rerum incorporalium videatur tantum esse dominium quadam juris interpretatione, cum ejusmodi res per se in rerum natura non existant, & verè non possideantur, l. 4. §. si viam D. De usucap. sed dicantur quasi possideri, per patientiam scilicet domini, & per usum rei, qui est vice traditionis, l. ult. D. De servitutib. Alias voce domini proprie & strictè sumptum dominium venit naturale, quod rerum est corporalium, & ex naturali possessione coepit, l. 1. §. 1. D. De acq. poss. ac regulariter sine reali traditione non acquiritur, l. 20. C. De pact. Qui verò contendunt, etiam rerum incorporearum, veluti servitutum, ex cessione & quasi traditione verum propriumque dominium existere, de quo minùs liberè, quàm de prædio ipso, cui jus servitutis coharet, statuere & disponere liceat, d. ult. De servit. illi de dominio loquuntur voce domini universaliùs accepti. Bus. Subtil. iuris lib. 1. c. 7 nu. 9. & seqq. Hunnium Variar. resol. lib. 2. tract. 1. qu. 5. Zoef. ad tit. D. De acq. rer. dom. nu. 2. late Forster. Diss. ad Instit. 6. thesi 6. & plenius tract. de Dominio c. 4. memb. 2.

Nu. 5. in fine) Una exceptio est, dummodò per eiusmodi ædificium littoris marisve usus deterior futurus non sit, vel usui publico non noceatur, *l. 3. & 4. D. Ne quid in loco publ.* Difficultatem movet, quod scribit Pompon. decretum prætoris adhibendum esse, ut id facere liceat, *l. Quamvis 50. D. Ne acq. rer. dom.* Verùm dicendum; I. C. tum non velle simpliciter adhiberi Prætoris decretum, sed tum demùm, si cum incommodo aliorum in littore ædificetur, quæ Accursij sententia est: vel quando ipsi ædificanti sit impedimentum, qui alias, necdum posito ædificio, civilem actionem non habet, quâ intendat sibi ædificare licere, si forte de jure vel de facto molestetur. Ita C. collega Gail. Masius, *Singul. Opin. lib. 6. c. 4.* vide Forster. *lib. sing. De Dominis c. 9, nu. 63.* Hodie ædificare in littore maris, aut alio loco publico, cuiuslibet permissum non est, nisi publica accedat auctoritas Principis vel Reipubl. nec solent Receptores seu Quæstores Domanij Principalis id concedere, nisi approbentur in Camera, ut vocant, Computus ut neque permissum est, in littoribus (seu dunis, ut nostrates vocant) pecora pascere, ligna, fentes, tribulos, gramen præscindere, *Edicto anni 1531. 7. Sept. & an. 1613. 2. Maij*, quo insuper prohibetur venatio & effossio cuniculorum in littore maris, sub gravibus pœnis, de quibus Zyp. *Not. iur. Belg. lib. 11. tit. 1. De navicularijs &c.* Ius enim domini in mare, littusve maris Principes hodie sibi ferè vindicant, idque ratione jurisdictionis atque imperij; quod quilibet Princeps in suo habet regno, quodque & in mari; quatenus regno adjacent, exercere potest: adeoque jure quodammodò Principum omnium communi receptum esse, ut ad sexaginta milliaria à littore legem ad id accedentibus dicere possint, post Bald. in rubr. *De rer. divis. & in l. Cum proponas De naut. fan. tradit Forster. ubi sup. nu. 64.* atque hinc jura evectionum & invectionum, Principes, inquit D. Ambros. *lib. 5. Hexam. c. 30.* spatia maris sibi vindicant jure mancipij, p. sciuntq; iura; sicut æternaculorum, conditione sibi servitij subjecta commemorant. Iste, inquit sinus maris meus est; ille alterius. Neque cum hac acquisitione pugnare naturæ jus, in parte utique maris, quæ terris quasi clauditur; eademque ratione acquiri imperium in portionem maris, quâ imperia alia acquiruntur, scil. ratione personarum & territorij, docet Hugo Grotius *De jure belli ac pacis lib. 2. c. 3. nu. 8. & seqq.* Cæteroquin mare universim; & sub ratione integri sumptum, in proprium jus abire non posse, nititur probare idem auctor Dissertat. illâ, quam scripsit *De iure, quod Batavis competere contendit ad Indicana commercia, & mare liberum* inscriptâ: cui Ioan. Seldenus Anglus, opposuit *Mare clausum*, libris duobus, quibus dominium maris circumflui vindicat Regno & Regi Magnæ Britannia; atque adstruere conatur, mare universim ex jure naturæ seu gentium omnium hominum non esse commune, sed domini privati seu proprietatis, perinde ac tellurem, esse capax. Verum huic paradoxo occurri posse ex ipso Grotio, *cap. 5. Maris lib. & 2. De jure bel. c. 2. nu. 3.* notat Vinnius *hic.* Vide Ferd. Vafq. *Contr. illustr. lib. 2. c. 89. nu. 30.* Elb. Leonin. *Obser. iur. lib. 6. c. 1. nu. 4.* Sixtin. *de Regalib. lib. 2. c. 3. nu. 98.* D. Perez. *ad tit. C. De classic. lib. 11. nu. 8. & seqq.*

Nu. 6. ibi, sium tamquam occupat. faciat.) Flumina itaque, & portus publica sunt populi Romani, non quidem usu, sed proprietate, id est in patrimonio seu dominio sunt totius pop. Rom. quâ differentia notâ res populi Rom. distinguuntur ab his quæ sunt propria civitatum, quæ & ipsa publica dicuntur, l. *Usucapionem* 9. D. *De usucap.* item communia civitatum, l. 6. §. 2. *De rer. divis.* Ita distinguit Higinus *lib. 2. De limitib.* Quidam, inquit, sunt obligati reipublica pop. Romani, qui sunt reip. blice municipij. Sed & quædam sunt publica juris gentium, quorum scilicet usus patet omnibus omnino hominibus. Ita publica sunt litora, l. *Quod in littore* 14. *De acq. rer. dom.* & l. *Littus* 112. *De V. S.* flumina, §. 2. *h. t.* & ripæ, §. *riparum* 4. *h. t.* Itaque proprietas facit, ut pop. Romano liceat fluminis alveum dominij jure figere atque refigere, aliorum ducere, modum navigationi & piscationi dicere, vectigalia imponere. Quomodo publica apud nos sunt flumina navigabilia, & ex quibus sunt navigabilia, ut Rhenus, Mosæ, scaldis &c. quorum proprietas est principis vel populi, quorum ditione continentur, & quæ propterea inter Regalia computantur, c. *unico Quæ sint regal.* 2. F. 56. Sixtin. *de regalib. lib. 2.* c. 3. *in pr.* & nu. 17. Et quia tutio defensioque fluminum portuumve iisdem incumbit, ideo à navigantibus vel piscantibus in flumine certum vectigal seu portorium exigi & recipi solet. Guid. *Papa quæst.* 377. Choppin. *de Dominio Francie lib. 1. tit. 15.* Quo modo & Dominis territoriorum solvitur plerumque pensio aliqua, puta tributum vel pedagium, à peregrinantibus aut itinerantibus per viam publicam, quam eo titulo sanctam testamque, ac securam tutamque præstare tenentur. Bald. *in c. un. §. conventicula vers. Sed istud De pace tenen.* Myos. *cent. 5. Obs. 70. per tot. D. Perez. ad tit. C. De littor. & itiner. cust. lib. 12.* Alia sunt flumina, publica quidem quoad usum sed, dominis confinium prædiorum aut territoriorum longi temporis præscriptione consuetudine aut alio iusto titulo quæ sita, in quibus etiam jus piscandi domino invito non est. Baro *Comment. Gall. ad h. t. & ad tit. D. De rer. divis.* De Hollandiæ ac Westfrisiæ moribus vide Vinnium *ad §. 2. nu. 3. h. t.*

Ibid. ibi, seu nat. utendi fl.) Unde & proprietatem arborum, quæ sunt in ripa fluminis, spectare ad domines prædiorum adjacentium, pro frontis prædiorum latitudine, scribit Malin. *conf. 14. per l. adeo §. insula 3. & l. Ergo si insula in pr. D. De acq. rer. dom.* moribus hodiernis proprietas ripæ, quatenus majori parte anni aquis tegitur, etiam ad principem vel populum cujusque ditionis pertinet; ut & flumen ipsum, cujus ripa est pars Nam & riparum tutela, ut ex muniantur. & ne quid circa eas fiat, quo navigatio impediatur, Principi incumbit. Cud. *De jure noviss. lib. 5. c. 3. nu. 5. & seqq.* Quin & jus commune in eo non discedere omnino à moribus existimabat Hotom. *Instit. h. t.* contendens etiam de jure ripas, ut usu, ita & proprietate esse publicas; sed vanam falsamque eam Hotomanni disputationem rectè convincit Bachovius.

Ibid. ibi, ut dic. *ins. §. Insula*) Dicitur enim Ripa ea esse, quæ plenissimum flumen continet, id est quâ flumen, cum est plenissimum alluit, l. *pen. D. De fluminib.* Quam & ita rectè definiri Ulp. ait l. 1. §. 5. *D. eod. ut sit id, quod flumen*

flumen continet, naturalem rigorem cursus sui tenens. Cæterum si quando vel imbris, vel mari, vel quâ aliâ ratione ad tempus excrevit, id ripas non mutare. A ripa dicta riparentia castra, l. 14. C. De re milit. lib. 12. & Ripuarii Germaniæ populi ad Rheni ripam.

Nu. 9. in fine) inter quas ea differentia est, secundum Festum Pompeium: *Sacrum*, inquit, *adificium consecratum Deo: Sanctum murus, qui sit circa opidum: Religiosum, sepulcrum, ubi mortuus sepultus aut humatus sit.* Vide Macrobi. 3. Saturnal. c. 3. Distinguit & explicat eas res accuratè hic Imp. §. 8. 9. & 10. Qualiter verò olim fierent loca sacra, & consecrationes, tradit Alex. ab Alexandro, Genial. diar. lib. 6. c. 14 & ibid. Tiraq. Sigon. lib. 1. de antiquo iure civ. Rom. c. 8. Sed & diversa sunt hæc, nullius esse, & nullius in bonis esse: nam quæ nullius sunt, per occupationem fieri alicujus possunt, l. 3. in pr. D. De acq. rer. dom. & §. Fera igitur inf. h. t. quæ verò nullius in bonis sunt, hæc neque sunt, neque fieri possunt cujusquam. Ejus generis sunt res divini juris, & quidem ex sola, l. 1. in pr. De rer. divis. & §. nullius 7 h. t. Hæ quippe nullius patrimonium augere possunt, quia æstimationem non recipiunt, l. Sacra §. ult. De rer. divis. Ita Ramus Comment. manusc. ad l. In tantum 6. §. sacre res D. eod. Cæterum res sacræ, sanctæ, religiøsæ, quævis in commercium non cadant, conventionibus tamen subijci & in judicium contradictorium deduci possunt; quod & rebus omnibus cujuscumque conditionis commune est: ut si de possessione rei sacræ: cujus ea sit, & an sit sacra, de quæ limitibus controversiam moveri contingat, non etiam de proprietate. Frontinus de Limitib. agror. De locis sacris & religiõsis controversiæ plurimæ iure ordinario finiuntur: non de proprietate, quæ distinguitur à limitum controversia.

Nu. 12. in fine) Vide Mathesil. Singul. 75. Redoan. de Simonia p. 3. c. 16 nu. 27. Zoef. ad tit. D. De religiõs. & sumpt. nu. 6. Negat verò hodie illatione locum fieri religiosum Glossa in cæn. In Ecclesiastico xii. qu. 2. per text. in c. Ad hoc De relig. domib non rectè: loquitur enim d. cap. de sacris, non de religiõsis,

Nu. 13. ibi. l. fin. D. De rer. divis.) Igitur Sanctum à Sanciendo, & Sanctæ res, sanctione & pœnarum terrore ab injuria hominum defensæ, l. Sanctum 8. & ibi Bud. D. De rer. divis. sanctæque leges, quia sanctione confirmatæ. Sanctio enim ea legis pars est, quæ pœnam irrogat transgressori, text. hic. in fine. Sic & sancti habentur legati, quia violare aut pulsare eos nefas, d. l. Sanctum & l. ult. D. De legationib. Nec alia ratione res sanctæ hoc loco dicuntur esse quodammodo divini juris, quàm quòd solâ sanctione tales habeantur, non quòd verè divini juris sint; cum nec religio aliqua ijs insit, neque citra consecrationem ritè adhibitam res divini juris fiant. Hinc & muri portæque civitatum dicuntur sanctæ, l. 1. in pr. & d. l. 8. De rer. divis. eadem scil. ratione, quâ Legati, quia inviolabiles. Cæterum pœnam capitis, de qua hoc §. communiter restringunt ad eos, qui in muros urbis Romanæ deliquerint, non verò alterius vel civitatis vel municipii, quibus mitior est extra ordinem infligenda pœna. Ita Bart. ad l. ult. De rer. divis. quem plerique sequuntur, Portius & Angel. hic ad §. Sanctæ autem res,

Boër *decis.* 232. nu. 1. Alii distinguunt inter civitates limitaneas & non limitaneas, inter tempora belli pacisve, rursus inter civitates muris vallisque vel fossis tantum mutatas; ut merito de his, habitâ circumstantiarum ratione, arbitretur iudex. Menoch. *De arbitr. iud. quest. lib. 2. casu* 485. Christin. *ad LL. municip. Mechlin. tit. 2. art. 16.* & *decis.* 149. *in fine* vol. 4. Berlich. *decis.* 70 *per tot.* Lud. Rudolfin. *concl.* 7. Besold. *in Del. bat. ad d. l. ult. De rer. divis.* Forster. *tract. de Dominio c. 7. nu. 13.*

Ibid. *in fine.*) Porro obiter hîc notandum, modos plerosque acquirendi dominiî hoc Tit. relatos non esse ex mero jure naturæ, sive eo gentium jure, quod mutari aut restringi non possit, quodque pertineat ad mutuam omnium gentium inter se societatem; sed quod usu exigente & humanis necessitatibus introductum est, *l. Ex hoc iure D. De inst. & iure*, quoddamque vel omnibus, vel multis & plerisque populis seorsim commune est, & spectat ad tranquillitatem cujusque; ac proinde ab uno populo, aliis inconsultis, mutari potest. Itaque quod hîc dicitur, *quarundam rerum dominium acquiri iure naturali seu gentium*, intellige factio & apprehensione; *quarundam vero iure civili*, intellige & factio, & causâ aliquâ ipsum factum sive apprehensionem traditionemque rei præcedente. Quod spectat illud Ciceronis *lib. 1. Offic.* dum ait, *Privata nulla esse naturâ, sed aut veteri occupatione, ut qui quondam in vacua venerunt, aut victoriâ, ut qui bello potiti sunt; aut lege, pactione, conditione, sorte.*

Nu. 16. *in fine.*) Adimitur autem hoc modo libertas naturalis, quæ & brutis est animantibus: nec tamen definit propterea modus hîc quærendi dominiî esse naturalis, quia & natura voluit animantia omnia homini subesse, & servire hominum usui. Ut verissimè ex Chrysippi sententia dixerit Cicero, *lib. 3. de Finib.* hominum causâ omnia animalia fuisse condita. Spectat huc illud Quintil. *Declam. 3. Quod natura commune finxit, industrie præmium est.* Et Cassiod. *lib. 9. Epist.* *Aurum per bella quærere, nefas est; per maria, periculum; per familiaritates opprobrium: in sua natura honesta sunt lucra, per quæ nemo leditur, Bene quæritur, quod de nullius dominio abrogatur.*

Nu. 17. *in fine.*) Dubites tamen de hoc, ex eo, quod aliis in rebus, quas retinemus & possidemus jure dominiî, amissâ possessione, ut nec sit spes eas recuperandi, non ideo & dominium amittatur. Imò dominium dat jus ad repetendam possessionem: & tunc demùm nostræ esse definunt, cum animum retinendi dominium amilimus R. Non per se amitti dominium, quia feræ custodiam nostram evaserint; sed ex probabili conjectura, quod ob difficilem persecutionem eas pro derelictis habere credamur: præsertim cum quæ nostræ fuerint, ab aliis internosci non possint. Ita H. Grot. *De iure bel. ac pac. lib. 2. c. 8. nu. 3.* ubi etiam notat, hanc conjecturam per alias conjecturas facile elidi, si addita fuerint feræ aut volucris *γωρίσματα* sive crepundia, unde à dominis agnosci possint.

Nu. 19. *in fine.*) Etenim & venandi observari modus seu lex debet, ut absque cujusquam privati incommodo & detrimento, aut injuria fiat, *arg. l. Quosdam C. De metallaris lib. XI. C. l. 2. §. merito cum seq. D. Ne quid in loco publ.* Non

Non caret autem injuriâ, ingredi fundum alienum, invito & repugnante domino. Plenè hac de re Covarr. *ad c. Peccatum De R. l. in c. p. 2. §. 8. circa fin.* Ant. de Padilla *ad l. Per agrum l. 1. nu. 6. & seqq. C. De servit. & aqua*, Tim. Faber *Disp. 12. th. 7.* Hunnius *Var. resol. lib. 2. tract. 1. qu. 12.* Moribus nostris neque venari, neque piscari, neque occupari liberè in alieno licet, & ne quidem in publico passim aut semper, qua de re vide notata *inf. ad nu. 23. in fine* : & de piscantibus in alienis stagnis, piscinis ac vivariis, item in alienis rivis ac fluminibus, Matth. Coler. *decis. 148. nu. 4. & seqq. & Berlich. Conclus. pract. p. 5. concl. 51.*

Nu. 20. in fine.) Questionem hanc diligentius tractans Fridericus Imp. apud Radevicum ita distinguit : Si quis cum canibus venaticis, sive molossis, feram invenerit, & persecutus fuerit, ut ei potius quàm occupanti cedat. Si cum canibus leporariis, sive laconicis, ut occupanti cedat. Si lanceâ vel gladio vulneraverit, aut occiderit, non ceperit, ut ejus sit, non occupantis. Si telo, balistâ aut arcu misso occiderit, ut aequè ejus, non occupantis, eousque scilicet, donec eam persequatur. Vide Covarr. *loco antè alleg. nu. 13.* ubi meminit Regiæ Constit. attribuentis feram vulneratam percutienti, aut illaqueanti venationis instrumento. Persecutio necessaria est, quia sic videor quodammodo occupasse feram ita vulneratam, ut capi possit, quamdiu scilicet in conspectu meo est : imò ne vulneratam quidem secundum mores hodiernos, sed tantum detectam & excitatam, licet ab alio capta sit. Aut saltem qui cepit, mulctari eo nomine à ministris Saltuarii poterit. Ita Grot. *Introd. ad Jurispr. Holland. lib. 7. c. 4.* & ex eo Vinnius *hic*. Debet autem continuò quis persequi, & non interrupto 24. horarum spatio, ex consuetudine Germaniæ generali, ut tradit Wernherus, *in suis Pract. Observat.* Idque absque inflatu cornu venatorii, & incitatione canum, ut ex jure Saxon. notat hic Schultz. *litt. k.*

Nu. 21. in fine.) Ad intellectum hujus legis vide D. Tuld. *ad Instit. h. r. c. 2 §. 5.* & D. Mas. *Singul. Opin. lib. 6. c. 2.*

Nu. 22. in fine.) De apibus Quintil. *Declam. xi 11.* An non ipsæ, inquit, domum suâ sponte revolant, sinemque laboris sui sole metiuntur ? Et paucis interjectis. Si non sunt apes meæ, ne id quidem quod his efficitur meum est &c. Distinguunt autem apes in feras & cicures, quæ scilicet consuetudinem commeandi ac remeandi habeant, Varro 3. *de Rust. 16.* & Columella *lib. 9. c. 3.* Vide Cal. Rhodigin. 20. *Antiq. Lect. c. 18.* & Hieron. *Magium. Miscell. 1. c. 3.* ubi examinat, cur Plinius dixerit, apes neque placidi aut mansueti generis esse neque feri, sed mediæ inter utrumque naturæ. Plinii locus est *lib. 7. Natura hist. c. 56. & lib. 11. c. 18.* Quod verò hic Imp. ait, eum, qui apes alveo incluserit, earum effici dominum, id quidem in judicando secutos fuisse Scabinos Lipsienses refert Berlich. *p. 5. concl. 50. n. 10.* verum aliud mores passim observant. Alibi is, qui signat arborem, apes sibi acquirit : alibi dominus arboris, cui insederunt. In regno Franciæ domini terrarum occupant examen apum in sua jurisdictione repertum, & inter *Esaves* sive reperta referunt, teste Joan. Fabro *ad §. examen h. r.* meminitque Chall. *ad consuet. Burg. rubr.*

1. §. in *V. Effaves*. Adeoque attendi hîc debere, quid singulis in locis consuetudinario jure receptum sit, notat Schneid. *hic* nu. 6. Pavonum apud nos vix feram naturam esse dixeris: nam iis ut gallinis uti solémus, & scribit Columella, *lib.* 8. c. 11. pavonum educationem magis urbani patrisfam. quam tetrici rustici curam poscere. Certè pavones ac columbæ hoc quodammodò à natura insitum habent, ut avolent revolentque domum, familiiores in eo mansuetis quàm feris: quamvis & evolando facilè se agrestibus jungant, animumque revertendi habere desinant. Scribit enim Sigeb. in *Chronico* ad an. 1036. *domesticas aves, pavones, gallinas & aucas* (fortè leg. *anates* vel *anser*) à domibus se extraneantes factas silvaticas. De columbis ac columbariis, quatenus ea habere atque extruere liceat, vid. Guido Papa *quest.* 2. 18. Chaf. ad *conf. Burg. tit.* 13. §. 9. Capol. de *Servit. præd. urban.* c. 77. Choppin. de *Domatio Francie lib.* 3. tit. 22. Christm. ad *Consuet. Mechlin. tit.* 2. art. 17. De cervo cicure factò exemplum est apud Virgil. 7. *Aeneid.*

*Ipse manum patiens, mensq; assuetus herili,
Errabat silvis, rursusq; ad limina nota
Ipse domum ferà quàmvis sub nocte ferebat.*

Nullumque ferè animal esse tam immansuetum, quod non sapè cura mitiget, & in amorem sui vertat: adeò ut leonum ora à magistris impunè tractentur, elephantorum feritatem usque in servile obsequium demereatur cibus, scribit Seneca 1. de *Benef.* c. 3. Feras bestias, inquit Curt. *lib.* 6. captas & inclusas, quia quod ipsarum natura non potest, longior dies mitigat.

Nu. 22. ibi, *jure nat. gent. & civ.*) Ideoque terrenorum commodorum naturalis & promiscuus quidam in homine dominatus esse dicitur. Pulcrè Cicero l. 2. de *nat. Deor.* Nos campis, inquit, nos montibus fruimur: nostri sunt amnes, nostri lacus & c. Immanes & feræ bellæis nanciscimur venando, ut & vescamur his, & exerceamur in venando ad similitudinem bellicæ disciplinæ, & ut amur domitis & condoces factis, ut elephantis, multaq; ex earum corporibus remedia morbis & vulneribus eligamus. Dicit, ad similitudinem bellicæ disciplinæ, quia venatio est species quædam seu pars bellicæ virtutis Aristoteli 1. *Polit. c.* 5. & Aristidi *Orat. in Minervam.*

Ibid. in fine.) Maximè acquiescentibus prohibitioni subditis, saltem quoad quædam animantium genera, inter quæ aper, animal ad convivia natum, *Juven. Sat.* 1. Et facit Constitutio Friderici Imp. De *pace ten.* 2. F. 27. ut *Nemo retia, aut laqueos, aut alia qualibet instrumenta ad capiendas venationes tendit, nisi ad ursos, apros, vel lupos capiendos.* Sed & lex civilis, quamquam nihil possit præcipere, quod lex vetat naturæ, tamen libertatem naturalem & facultatem venandi ac capiendi alioqui vagam potuit certis terminis ac conditionibus circumscribere, & vetare quod naturaliter licebat, ipsumque dominium naturaliter acquirendum vi sua antevertere. Ita Grot. de *jure belli ac pa. is.* lib. 2. c. 2. n. 5. Denique si potest privatus quispiam prohibere, ne quis fundum suum ingrediatur venandi causâ, cur non id liceat Principi, ne subditi in publicis locis, tamquam suis & dominii sui, jus venandi

di usurpent? Plenè de hac re Covarr. ad c. Peccatum De R.I. in 6. p. 2. §. 8. Cravetta conf. 678. Fachin. lib. 1. contr. c. 1. & conf. 99. lib. 1. Marc. Lyclama 3. Memb. Ecl. 9. Wesenb. ad tit. D. De acq. rer. dom. nu. 7. Zoanhet. tract. De duplici venat. generali & Germanica à nu. 36. & deinceps, Foister. tract. de Dominio c. 9. nu. 15. Pet Greg. Tolof. Synt. ag. iuris universi lib. 39. c. 10. ubi Regum Gallie memorat leges, Gudelin. De jure noviss. lib. 2. c. 2. nu. 8. & seqq. Tuld. hic c. 20. Deque prohibitione hujusmodi, modoque ac more venandi, varia extant Edicta Ducum ac Principum Brab. vicinarumque provinciarum, quorum meminit D. Zyp Not. iuris Belg. lib. x1. tit. De venat. ferar. Planè in Brab. speciali privilegio Lati Introitus art. 33. & 34. omnibus venari permissum est, nobiliter tamen, id est feras canibus, volucres falconibus & accipitribus. In Germana verò facultas venandi, piscandi, aucupandi adempta ferè privatis seu subditis, & facta juri privati, puta Principum seu Magnatum: adeò ut hodie etiam Nobilibus ne quidem in propriis silvis venari liberè, & apros, similesque majores feras capere liceat, nisi tenor investituræ hoc eis expressè concedat. Schultz hic litt. b. Porro severius aut morte quem puniri, ob mandata Principis de non venando violata, vel quia alienis in agris cervum fortè ceperit, occideritve, præduri videatur. Fachin. ubi sup. in fine, Gail, 2. Obs 68. nu. 10. Besold. in Thesuro suo pract. V. Wilderer, Foister. loco sup. cit. nu. 48. D. Tuld. hic c. 21. Joan. Sarisher. Policrat. seu De nugis Curial. lib. 1. c. 4. cujus hæc verba: In tantam quidam huius vanitatis (venaticæ) instinctu erupere vesaniam, ut hostes naturæ fierent, conditionis sue immemores, divini judicii contemptores, dum in vindictam ferarum, imaginem Dei exquisitis suppliciis subjugarent.

Nu. 24. in fine.) Et hanc opinionem frequentiori calculo receptam esse, fateatur quoque Covarr. lib. 1. Var. resol. c. 3. ipse ab ea discedens: quam & servari in praxi testis est Jul. Clarus §. Furtum nu. 23. licet, inquit, soleat aliquando propter rei modicitatem pœna mitigari. Adde Foister. tract. de Dominio c. 9. nu. 8.

Nu. 25. ibi, quidni & publ. per bellum?) Est quidem bellum res violenta, similiter & violenta hujusmodi defensio, modusque acquirendi omnium violentissimus: verum eò deveniri necessum fuit, cum aut fori disputationibus nihil proficeretur, aut tueri nostra adversus vim atque injuriam aliter non possemus. Adeoque per hanc bellicam acquisitionem dici potest, quædam nostra fieri jure naturæ, ea scil. quæ æquivalent illi, quod cum nobis debitum est, consequi aliter non possumus: quædam jure gentium, quæ quisque hosti suo eripuerit, & quorum possessionem primus apprehenderit; ut etiam eo nomine in foro interiori (quod conscientia vocant) tutus sit, Gl. in l. 1. in pr. V. bello & ibid. Jason. nu. 8. D. De acq. poss. Naturalem hanc acquisitionem, φυσικὴν κτήσιν, vocat Theophilus hic, & Arist. de Republ. lib. 1. c. 14. πολιτικὴν οὐκ ἐκ κτήσεως, rem militarem secumferre naturalem acquirendi modum Lex est sempiterna inter homines, inquit apud Xenophontem lib. 5. Cyrus, captâ hostium urbe, eorumdem res atque pecunias Victori cedere. Similia leguntur apud Dion. Halicarnas. non uno loco, Platonem lib. 1. de Legib. Arist. 1. Polit. c. 4. aliosque, quorum colligit testimonia H. Grot.

De iure bel. ac pac. lib. 3. c. 6. nu. 2. ubi universum hoc jus acquisitionis diligenter examinat.

Nu. 26. ibi, militib. divisæ.) Qualiter ea divisio fieret, habita ratione stipendiorum & meritorum, & quo ordine, quâ proportionem, tractat accuratè Grot. loco cit. nu. 17.

Ibid. ibi, sua deb. est portio.) Unde Livius lib. 9. Addebat, inquit, alacritatem, quod Dictator prædam omnem edixerat militibus. Et eodem lib. Præda erat largitor (Volumnius) benignitatem per se gratam comitate adiuvabat, militemque iis artibus fecerat & periculi & laboris avidum. Atque ex his locis, aliisque ejusdem auctoritatis, & aliorum, quæ Pet. Faber. 2. Semestr. c. 3. Ant. Merenda 2. contr. c. 22. & H. Grot. d. c. 3. nu. 14. & seqq. collegerunt, satis apparere videtur, eas, quæ ex hostibus capiuntur, acquiri ipsi populo, vel Reipub. bellum gerenti, non verò singulis de populo, qui capiunt, quod & Vinnius hic observavit. Et quidem de immobilibus bello captis ferè dubitari non solet; quoad res verò mobiles vel se moventes alii aliter censent ac distinguunt. Vulgaris opinio est, ejusmodi res bello captas primo, ipsoque jure fieri singulorum, qui eas manu ceperint; verum tamen duci adsignandas, qui inter milites distribuatur pro meritis cujusque nondum divisam verò prædam manere quasi Principis, & quasi publicam. Ideoque lege peculatus teneri eum, qui prædam captam ab hostibus ante divisionem subripuerit, l. penult. D. Ad L. lul. pecul. Ita Bart. ad l. Si quid bello 28. D. De capt. & postlim. revers. Angel. hic, Jason ad l. 1. in pr. nu. 9. D. De acq. poss. per l. Si quis pro redemptione 36. §. 1. C. De donat. & text. in can. Ius militare circa fin. Dist. 1. Abbas ad c. Sicut 7. De iureiur. Contra, prædictas res ei acquiri, cujus auspiciis bellum geritur; ducem tamen exercitus habere jus eas inter milites dividendi, etiam ex jure gentium, contendit Merenda d. c. 22. Sunt & qui inter ipsas res prædatitias ita distinguunt, ut res vulgares statim fiant militum capientium: pretiosiores verò cedant Principi aut Reip. bellum gerenti non nisi largitione Principis distribuendæ deinde inter milites, Ita Hieron. Elenus Diatr. b. iuris lib. 2. c. 1. arg. d. l. 36. §. 1. C. De donat. Vide Hunnium Var. res sol. lib. 2. tract. 1. qu. 16. Optimè, meo judicio, nodum hunc solvit idem Grot. d. c. 6. nu. 10. & seqq. nimirum, semotâ lege civili (nam populus quisque ea de re aliter inter suos potest constituere, & dominium singulorum naturaliter acquirendum antevertere) distinguendo inter actus verè publicos belli, & actus privatos, qui fiunt occasione belli & extra ministerium: ut quæ quis bello publicè indicto, actusque bellico capit, fiant populi aut Principis, cujus personam singuli in eo actu sustinent, & ut penes Principem sit arbitrium dividendæ prædæ: ut vero per actus privatos res capte cedant privatis, & fiant singulorum capientium primo ac directe.

Nu. 27. in fine.) Hodie modum hunc acquirendi dominij simpliciter non observari Interpp. communiter fatentur: nisi ubi consuetudo benignius cum inventoribus agit, nec omnia fisco tribuit. Heigius hic nu. 5. De aliis rebus alibi, in via publica vel privata, inventis, & quæ Galli *Espaves* hoc est Errata, vocant;

vocant, cui ex cedant, an domino restituenda, an verò fisco vel pauperibus applicanda, vide hic Cypr. Regner. in sua Censura. Belg. Chaff. ad consue. Burg. tit. 1. §. 1. in verb. *Advenues & trouves* nu. 1. & 2. Greg. Tolos. Syntag. lib. 20. c. 3. & D. Burgund. ad consuet. Fland. tract. 2.

Nu. 31. in fine.) Eadem ferè de jure alluvionis habet Facellus Sicularum De condit. agror. Rhenns, inquit, quoties sinem facit, appellatur rectus curvasve. Quis alterius terre incrementum ab alia parte abstrahat, alij contraria relinquat, quod vocant alluvionem, repetitio finium non datur: inducit enim necessitatem muniendarum riparum. Quòd si vi tempestatis rivi torrentes subito alveumq; cursumq; mutant, iustus est tunc (ut mea fert opinio) ut alvei veteris fines suos quisque obtineat. hæc ille, cui conformiter scribit Aggenus Urbicus lib. De limitib. agror. Excipit illum casum hic Imp. quo pars è fundo detracta longiore tempore vicini fundo hæserit, arboresque simul avulsæ in eum fundum radices egerint, quæ sic cedunt fundo, velut pars ejus, §. cum in suo 29 inf. h. t. & credibile est, inquit Paulus, arbores alio terræ alimento alias factas, l. sed si meis 2. §. 26. D. De acq. rer. dom. De vi & effectu alluvionis vide Iason. cons. 126. lib. 4. & Bapt. Aymi Parmensis Tract. quem de Alluvionum jure scripsit, item Molin. ad consuet. Paris. tit. 1. §. 1. Gl. 5. nu. 115. & 116. ubi docet, eodem jure, titulo, causâ & qualitate acquiri & possideri quod per alluvionem adscicitur, si cut ager, cui adjectum est: nec distinguendum esse inter incrementum latens & apparens, ex vi fluminis, postquam coaluit in unitatem ejusdem rei.

Nu. 33. ibi medio flu. enata) Nasci insula in flumine tunc dicitur, cum flumen paulatim colluendo, locum eminentem supra alveum, sive ventrem fluminis, ut Bart. & Bald. loquuntur, facit, & eum alluendo auget, l. Ergo si insula 30. §. 2. De acq. rer. dom. ubi Pomponius tribus modis insulam in flumine fieri ait, quorum hic unus est. Fit autem insula eorum, qui prope ripam prædia possident, eâ ratione, quia quantum loci insula occupat, tantumdem flumen ex agris finitimis decerpit: ac propterea, cum æquitas sindeat, ut ex qua re quis damnum sentit ex eadem emolumentum aliquod percipiat, visum est rationi & æquitati convenire, ut fieret compensatio ejus damni, quod flumen seu insula inferebat. Baro ad §. insulab. t. Hotom. lib. 1. Obser. c. 23. & lib. 3. c. 11. qui notat Cujac. 14 Obsc. 11. ut & Robert. 1. Recept. lect. c. 11. D. Masius Singul. Opin. lib. 6. c. 1. nu. 7. cui tamen dicta ratio non probatur, quia civilem potius quam naturalem habeat rationem: hic autem questio fit, quo modo jure naturali seu gentium insula dominium acquiratur.

Ibid. ibi, quæ juris est privati.) Displicuit hæc ratio D. Masio, loco cit. nu. 5. non unâ ratione. Ipse verò novè ita sentit: quando insula in flumine enata excrevit altius quam flumen, & solo coaluit, ipsum solum ab insula occupatum alvei rationem amplius non habere, flumenque censeri cursum suum quoad locum, in quo insula existit, deseruisse. Quemadmodum igitur inquit, terra, quam pro alveo flumen occupat, remotâ hujusmodi occupatione, ad eos pertineret, qui pro ripam prædia possident, si in totum flumen cursum suum mutasset: ita

ita quoque, si pro parte & portione, quâ est insula.

Ibid. ibi, l. in agris 16. De acq. rer. dom.) Ratio est, quod agris limitatis nihil ultra limites dominorum fuisse credatur, & proinde nec alveus, qui fluminis fuit. Ita D. Maslubi sup. nu. 3. Adde Molin. ad consuet. Paris. loco sup. alleg. nu. 20. ubi docet, agros limitatos dici, qui sub certa limitatione & taxatione mensuræ mancipati vel concessi sunt, nec prædium certis limitibus designatum, recte dici esse limitatum. Et propterea in questione, utrum in agris mensuratis habeat locum jus alluvionis? secutus decisionem Bald. ad l. Certa forma in fine C. De iure fisci, respondet, si civiles mensurentur ad perticam, non esse locum alluvioni, quia semper apparere possit, quid accreverit: secus, si destinatione solâ patrisfamil. vel principis limites habeant per terminos lapideos vel fossata, quia tunc, submotis terminis, quantum accreverit, difficulter discerni queat.

Ibid. ibi, l. Aded 7. § 6. De acq. rer. dom.) Quod ex eo constat, quia res comminuta aut dissoluta non est, nec in modum alvei excavatus fundus, sed plana manet facies terræ, idemque ager, formâ non mutatâ, & per consequens non potest videri domino perijisse. Vid. Bronch. cent. 1. mis. assert. 40. ubi resp. ad l. Si ager 23. D. Quib. mod. usuf. amit. quæ ob stare videbatur. Moribus hodiernis terræ per annos saltem decem inundatæ ad maris dominatum devolvuntur, inquit Zyp. Not. iur. Belg. lib. 10. De iure fisci. Nisi cum adhuc recens est inundatio, tunc enim edici à Principe solere, ut intra certum tempus veteres domini terras à mari vindicent, illudque aggeribus oppositis excludant, alioqui jure suo excedere cedereque eas Principi, cui est jus in vicinum mare, quique ejusmodi inundatos agros aut ipse à mari vindicare solet, aut veteribus dominis, etiam post diuturniorem inundationem, facere gratiam eos vindicandi: quæ de re est constitutio Caroli V. an. 1531. 23. Maij. Vide Grot. De iure bel. ac p. lib. 2. c. 8. nu. 10. & Vinnium hic ad §. 24.

Ibid. in fine.) Postremo de fluvialibus incrementis universim observandum est, pleraque de ijs hic tradita, ex veterum Iuriconsultorum sententia, potuisse quidem ita lege aliqua introduci & defendi utilitate quidam munierantur riparum: attamen naturalia ea esse vel à naturali jure negat Grot. De iure bel. ac p. lib. 2. c. 8. quod ita probat. Prius, inquit, populi terras occuparunt, non imperio tantum, sed & dominio, quam in privatos agri describerentur. Unde quæ primitus à populo occupata sunt, nec in privatum dominium transierunt, ea cunctanda sunt esse populi, & quidquid insuper his accedit, quamdiu in dominio manent populi, aut ejus, cui populus ea cedit. His consequens est, insulam natam in flumine publico, aut alveum, sive fundum fluminis exsiccatum, naturaliter esse populi, cujus est flumen, aut pars fluminis, id est populi, simili omnino ratione, quâ insula, quæ in flumine natat, dicitur esse publica. Idem de ripa tenendum, quæ pars est extrema alvei, id est quo flumen naturaliter excurrit. De alluvione in dubio idem quoque juris erit: quæ nunquam populus jus illud proxima prædia possidentibus concedere poterit, & concessum videri haud dubiè debeat, si agri ad ipsum flumen excurrant, & alium finem quam flumen non habeant.

habeant. Planè in Hollandia, vicinisque regionibus, insulas, quæ verè tales sunt, in flumine navigabili, vel ex quo navigabile fit, natas, esse in patrimonio publico, alveumque fluminis navigabilis, Rhem. v. g. ac Mosæ, derelictum à flumine esse similiter in patrimonio Republ. aut Principis, & accenseri Regalibus, adserit Grot. d. loconu. 9. & Sixtin. de Regalib. lib. 2. c. 3. nu. 23. & seqq. ita in supremo Camere Spirensis iudicio pronuntiatum referens. In Geldria extat hac de re declaratio Adolphi Massovii Romanor. Regis ad requisitionem Reinaldi Comitis anno 1293. die 8B. Tiburtii & Valeriani Martyrum apud Nimenbergam facta his verbis: *Quod si insula nata est in Rhevo, vel alio flumine, in Comitatu alicujus Comitis, qui in flumine recipit teolonia & conductus, habetque Comitatum eundem, teolonia & conductum ab Imperio, eadem insula potius spectat ad Imperium & ad ipsum Comitem, quam ad alium dominum, cujus districtus protenditur ad ripam fluminis prelibati.* Vide Joann. Gryphiantri Tract. de Insulæ. 13. Lamb. Goris Advers. ad consuet. Geld. tract. 4. §. 23.

Nu. 35. ibi, Exemplor. non requiri verit.) Alii aliter vel excusant vel interpretantur Justinianum, seu verius Tribonianum: vel ne quid contrarii hic admittere cogantur, fatentur Tribonianum descripsisse quidem exemplum ex Cajo I. C. d. §. 7. verum propter festinationem omnibile exceptionem, vel quod hic deest ex Cajo suppleendum esse. Vide Marc. à Lyclama 3. Membran. Ecl. 4.

Nu. 36. in fine.) Porro hunc quoque modum acquirendi domini negat naturalem esse H. Grot. loco sup. cit. nu. 19. concedit verò naturaliter, sicut confusis materiis inducitur rerum communio, pro rata ejus, quod quisque habuit: ita specificatione ex aliena materia rem fieri communem pro rata ejus, quantum quodque est, scilicet materia & species. Speciem enim ait, non substantiam totam, sed partem esse substantiæ: idque & Ulpianum vidisse, cum dixit, *mutatâ formâ propè interimi substantiam rei, l. Julianus 9. §. 3. D. Ad exhiben.* Sed & mediam sententiam, probatam Justiniano Imp. improbat Franc. Connanus lib. 3. Comment. c. 6. qui hoc unum inspicere vult, plusne pretii sit in opere, an in materia, ut quod plus est, id prævalentiâ suâ trahat ad se quod minus est, quemadmodum de accessione ob prævalentiâ constitutum est. At neque hoc naturale esse, quod de accessione ob prævalentiâ lex Romana constituit, docet Grot. ibid. nu. 20. naturale, inquam, juris concedit verò naturale esse facti, & constituti juris, ad commodius transigendæ negotia.

Nu. 39. in fine.) Ita & ex maragdis & cinis calices, inquit Plinius Natur. hist. lib. 27. & aurum jam accessio est. Quæ ob stare videntur hunc modo querendi domini satis diligenter hic removere Theod. Marcellinus.

Nu. 40. ibi, ex auro & arg. electrum.) Responxit hoc Tertull. adversus Hermog. Nam & testam, inquit, licet ex argilla factam, non argillam vocabo, sed testam: & electrum, licet ex auro & argenteo factum, nec argentum tamen nec aurum appellabo, sed electrum, à cuius habitu quidam diveriti pariter & a quoque ejus nō recedit appellatione, sicut & conditionis proprietate.

Nu. 43. in fine.) Ita Cujac. lib. 23. Obs. c. 29. cujus vestigia & verba hic
Z
(ut &c

am, l. *Fructus* 7. §. *ex contrario* D. *Solutio matrim.* quia horum fructuum diversa ratio est, qui ita pertinent ad maritum, si is onera sustinuerit matrimonio, l. *Pro oneribus* 20. C. *De iure dot.* & quidem pro modo oneris: at fructuarius non ratione oneris alienius fructus suos facit, sed per solam perceptionem, Covar. lib. 1. *Var. res. c.* 15. in fine.

Nu. 71. in fine.) Veterem fuisse questionem, an partus in fructu esset ait Ulp. in l. *Vetus* 52. *De usufr.* sed Bruti sententiam obtinuisse, fructuarium in eo locum non habere, additâ ratione, quod in fructu hominis homo esse non possit: Neque enim ejus rei causâ ancillæ comparantur, ut pariant, ad instar gallinarum, l. *Ancillarum* 27. *De hered. petit.* Ducta ratio è Stoicorum disciplina, quibus placuit, quæ in terris gignuntur, ad usum hominum omnia creari; homines autem de minimâ causâ esse generatos, ut ipsi inter se, alius alij prodesse possent. Ita Cicero lib. 1. *Offic.* Id verò omne intelligi in fructu esse, quod ad usum hominis inductum est, respondit & Iavolenus, l. *Per. D. De usufr.* Quæ de re Ciceronis lib. 1. *de Legib.* elegans locus est: *Ad hominum*, inquit, commoditates & usus tantam rerum ubertatem natura largita est, ut ea quæ gignuntur, donata consilio nobis, non sortuito nata videantur: nec solum ea, quæ frugibus atque baccis terre feru profunduntur, sed etiam pecudes &c. Copiohius verò de eadem re disserit lib. 2. *de nat. Deor.* Vide Ioan. Copum tract. *de Fructib.* lib. 1. tit. 1. c. 4. & Hunnium *Var. res. tract.* 1. qu. 29.

Nu. 73. ibi ejusve hæredi.) Veluti si, domo venditâ, in reparatione ejusdem emptor ingentem vim pecuniæ inveniat in parte aliqua muri aut parietis reconditam: qui casus est l. *A. tutore* 57. D. *De rei vind.* respondente ita Scaevola: Si non thesauri inventi fuerint, sed pecuniâ sortè perditâ, vel per errorem ab eo, ad quem pertinebat, non ablata, tunc ejus ea erat, cuius ante fuerit. Ergo à contrario, si thesaurus inventus fuerit, is ad emptorem pertinebit, non quia emerit, sed quia invenerit in suo; cum thesaurus neque pars, neque accessio sit fundi. Ut improbanda omnino videatur sententia Lud. Romani, in l. *Si quis* 36. D. *De V. O. & And. Alciati* 7. *Parer. c.* 1. concedentium eo casu venditori tamquam læso immodicè beneficium l. 2. C. *De rescind. vend.* Nisi fortè constet de antecedente scientia emptoris, & ignorantia venditoris: tunc enim, propter dolum & fraudem ex proposito adhibitam, verius existimem, non quidem rescissioni locum fore, sed impeditum ici effectum inventionis. Ita Eib. Leonin. in prælect. *manusc.* ad d. l. 67. *De R. V.* Vide Menoch. *conf.* 542. nu. 9. Dominic. Arum. *decis.* 1. lib. 1. Amp. Nic. Burgund. *contr. ad Consuet. Fland. tract.* 12. D. Tulden. *ad tit. C. De rescind. vend. nu.* 5. D. Perez. *ad tit. C. De thesaur. nu.* 9. & seq. lib. 10.

Ibid. ibi, tamquam loci benefic.) Et velut fortunæ donum, l. *Si is qui* 63. §. 1. D. *De acq. rer. dom.* nam & Arist. 3. *Ethic. c.* 3. thesauri inventionem inter ea numerat, quæ fortunæ subiecta sunt: vel Dei beneficium, l. *nu. C. De thesaur.* lib. 10. Unde non mirum, thesaurum, quem quis in loco suo invenerit, totum cedere inventori, nimirum & ad usum & ad abusum. Quod spectat elegans responsum Nerva Cas. datum Attico patri Herodis, consulenti Imperatorem, quid de thesauro invento sibi faciendum esset, *Itere*, inquit, *is, quæ invenisti: & cum*

cum ei non acquiesceret Atticus, scriberetque se magnitudine thesauri superari rescripsit Imp. *Abutere invento, quia tuum est.* Refert Philostratus de *Vitis Philos.* lib. 2. c. ult.

Ibid. ibi, favor publ.) De quo plura Ampl. D. Perez noster ad tit. C. De metallar. §. 6. nu. 19. lib. 11.

Ibid. in fine. Ita & conciliat idem D. Zoef. ad tit. D. De acq. rer. dom. nu. 24. D. Perez. ad tit. C. De thesaur. nu. 5. lib. 10 post Alciat. 7. Parer. c. 1. in fine, Charond. 1. Verifim. c. 21. Conman. 3. Comment. c. 4. & plerique hoc loco Interpp. Ant. verò Augustinus 1. Emend. c. 3. & Duar. ad l. 7. §. si fundum D. Sol matrim. negant conciliari aliquâ ratione posse. Sunt & qui, ut hanc pugnam tollant, Callistrati responsum in d. l. 3. negativè concipiunt, hoc modo: Si in locis fiscalibus aut publicis, non etiam religiosis &c. Ita Franc. Zoannet. 1. Restitut. c. 27 Rursus verba Iustitiani, in d. §. Thesauros, hætenus discreta non nemo novo vinculo ita copulat: Idemq. statuit, si quis in sacro aut religioso loco fortuito casu invenierit, ac si quis in alieno &c. Ita Guil. Forner. 2. Select. c. 26. At vero miseros tales pronuntiat Cujac. 9. Obser. c. 37. circa fin. quibus persuaderi non possit, in thesaurorum questione jam olim dissentientes fuisse Impp. sententias. Planè mores quoque variant in hac re; & fere passim ipsi principes jure regalium in thesauris ubicumque repertis jus aliquod sibi vindicare solent; prout & olim vindicasse apparet ex l. un. C. De thesaur. lib. 10. Nov. Leonis §. 1. & ex l. sib. Feud. tit. Quasint Regal. 2. F. 56. Cassiod. 5. Var. c. 8. Idque non sine ratione ita constitutum fuisse docet Marq. Freherus 1. Parer. c. 4. quasi fiscus & Respubl. non modice inde lædi videatur, quòd pecunia tamdiu ignorata & otiosa in terra delituerit, multumque eam ob causam collationibus publicis decesserit. Vide Bachov. in Notis ad Arresta Ioan. Paponis lib. 13. tit. 7. Ex Legibus regni Hispaniæ thesaurum repertum cedere Regi, quartâ ejus tantum parte concessâ inventori, notat Ant. Richard. hic in fine, post Covarr. in c. Peccatum p. 3. §. fin. in fine De R. I. in 6 In Gallia sunt qui totum fisco Regio inferri velint Rebuff. tract. De resciss. contract. art. 1 Gl. 15. nu. 3. Alij ejus dimidium Regi, & dimidium inventori attribuunt; extantque de eo res judicate Papon loco. cit. arresto 1. ut & de tripartita divisione, parte scilicet inventori, parte agri proprietario, & parte domino loci adjudicata, apud Choppin. de Dominio Francia lib. 2. tit. 5 nu. 11. quem & vide ad Consuet. Andegav. lib. 1. c. 42. nu. 20. & c. 61. in fine, Molin. ad consuet. Paris §. 1 Gl. 1. nu. 60. & §. 55. Gl. fin. in fine, & Ioan. Barquet tract. quem Gallicè scripsit Des droitz de Justice c. 32. Moribus harum regionum thesaurum in loco publico vel via publica repertum, vindicari à dominis territoriorum in solidum, veluti alia bona & discepta seu vacantia: inventum verò in loco privato distribui plerumque secundum juris civilis constitutionem, scribit Elb. Leoninus Emend. juris lib. 1 c. 11. nu. 3. Adde Barbof. ad d. l. 7. §. si fundum nu. 49. & 50 D. Sol matrim. Christin. decis. 16. & 17. vol. 5. Berlich. p. 4. concl. ult. & plenè de thesauro differentem Forster tract. de Dominio c. 9. nu. 97. & deinceps. De aurifodinis & argentifodinis, id est de inventione auri argentique infecti,
item

nonnumquam desiderent, tamen hæc non est prima & proxima causa procreationis fructuum, sed natura. Nomine industrialium intelligit usuras, vecturas, pensiones, & id genus alia, quæ ab Interpp. civiles fructus dicuntur; inepto, ait, nomine, quoniam non à jure civili, sed à jure gentium originem habent. Ego verò à recepta divisione recedere nolim: tum quia fructuum industrialium causa principalis est factum seu industria hominis; ex facto enim hominis fructus illi nasci dicuntur. 1. *Fructus* 45. De *usur.* ut hinc potius nomen habere debeant, quam à natura. Quæ quidem etiam concurret cum industria hominum, sed hæc potentior est & potior causa fructuum. Tum quia fructus, quos civiles vocant, nomine minus inepto, plane distincti sunt ab industrialibus: imò ne in fructu quidem esse dicuntur, cum non ex ipso corpore proveniant, sed ex alia causa, id est nova obligatio ne, ut ait I. C. in l. *Usura* 121. De *F.S.* ut hinc recte civiles appellentur. Caterum fructus propriè & extensè qui dicantur tradit Molin *ad consuet. parisi.* tit. 1. §. 1. nu. 99. & sequitem Gl. 2. in verb. *fatre les fruitis siens nu. 1.* & per plura capita Joan. Corpus *tract. de Fructib.* lib. 1. tit. 1. & 2.

Nu. 62. ibi, citra curam custodiae.) Et quòd dicitur, fructus fieri bonæ fidei possessoris, id ad solos industriales restringi non debet. Nam & recte dixeris, ut ad industriales *culturâ*, ita ad naturales *curâ* opus esse, arg. l. 7. §. non solum 9. D. *Solutio marit.* & faciunt quæ lib. 2. De *nat. Deor.* habet Cicero: *Accedit, inquit, ad nullorum animantium, & earum rerum, quas terra gignit, conservationem & salutem: hominum etiam solertia & diligentia. Nam & multa pecudes & stirpes sunt, quæ sine procuratore hominum salva esse non possunt.*

Nu. 63. in fine.) Veterum interpp. opinio fere est, verba illa in d. l. 45. *sicut nec cuiuslibet bonæ fidei possessoris*, non universaliter, sed particulariter accipi debere: ut sensus sit. Fructus naturales fieri non cuiuslibet bonæ fidei possessoris, id est non omnis, sed alicujus, scilicet qui titulum habeat, quo destituitur donatio inter conjuges facta, quippe lege prohibente. Nam cum dictio *cuiuslibet* utroque modo, & universaliter & particulariter, accipi possit, ea potius interpretatio amplectenda est, quæ legum contrarietas evitetur. Ita post Bart. in l. *Et ex diverso* 35. D. De *rei vind.* & las. in addit. ad *Perc.* §. *si quis à non domino h. r.* Wesenb. ibid Covarr. 2. *Far. resol. c.* 3. nu. 6. Ioan Bellon. *Antinom.* lib. 1. contrario 4. *Fachin.* 1. *Contr. c.* 57. Paul. *Bus. ad d. l. 45. & Subtil. juris* lib. 4. c. 13. & D. *Zoel.* ad tit. D. De *acq. rer. dom.* nu. 66. Atque hoc malim, quam cum Ant. Fabro 4. *Conject. c.* 17. fateri locum Pomponij corruptum, & dempta negatione legendum hoc modo, *sicuti cuiuslibet bonæ fidei possess.* Vide Marq. Freher. 2. *Parer. iuris* c. 24. qui putat divisionem fructuum in casu d. l. 45. esse singularem, & alibi in iure nostro incognitam; item Forster. *tract. De dominio c.* 9. nu. 195. quo loco & plerasque alias de fructuum perceptione ac lucro quæstiones controversas examinat.

Nu. 66. in fine,) Contra Donellum, ut apparet qui primus à vulgata Dd. sententia secessionem fecit, *tract. de Fructib.* C. 4. & lib. 4. *Comment. C.* 26. nactus sectatorem Scip. Gentilem 2. De *donat. inter vir. & ux. c.* 17. Verum Donel. plerique

plerique redarguunt, Fachin. 1. *Contr. c. 57. Ant. Faber. 4. Conject. c. 17. Bronch. cent. 2. assert. 89. Hunnius Var. res. lib. 2. tract. 1. qu. 31. & 32. D. Zoef. ad tit. D. De acq. rer. dom. nu. 71. alijsque. Sunt & qui ita novè distinguunt, ut bonæ fidei possessor non obligetur ad fructuum industrialium, quos suis operis acquirerit, restitutionem, quamdiu fundus evictus non fuerit; adeoque per solam scientiam rei alienæ supervenientem ante evictionem non impediri deinceps perceptionem sive acquisitionem ejusmodi fructuum, *l. Qui scit 25. §. ult. De usur. in verbis: Bonæ fidei emptor quoad percipiendos fructus intelligi debet, quamdiu evictus fundus non fuerit. Ut vero ad restitutionem fructuum naturalium obligari incipiat mox à tempore, quo sciverit se alienum possidere: hoc ipso enim delinere eum bonæ fidei possessorem esse, etiam ante casum evictionis; nec facere amplius tales fructus suos, quia non facti eius nascuntur, l. Fructus 45. De usur. quam legem in hanc rem expendit M. Lyclama, illius opinionis auctor, 3. *Membr. Ecl. 1. 2. & 3.***

Porro quod ad usum & praxin communem attinet, notat Vinnius *hic nu. 111. ex Pinello ad l. 2. C. De rescind. vend. p. 2. c. 4. nu. 60. circa fin.* ita ferè ubique in judiciis observari, ut bonæ fidei possessor universim de fructibus ante acceptum iudicium perceptis non teneatur, nec umquam tractari de consumptis, locupletior ex ijs factus sit, an non. Sed & de perceptis ante iudicium nunquam inquiri, an consumpti sint: tantumque servari formam *l. Certum 22. C. De rei vind.* quoad fructus perceptos post litem contestatam. Quæ praxis, inquit Pinel ita comprobata rationem habet, ut litium ambages vitentur. Vide Ferrarien. in *Form. lib. act. realis, ad verb. simul cum fructib. & Nic. Tuld. ad Praxin rer. civ. Damboud. c. 104. nu. 13.*

Nu. 67. in fine. Eadem habet D. Zoef. ad tit. D. De rer. dom. nu. 73. ubi alios citat. Adde Fachin. 1. *contr. c. 58. Hunnius loco sup. cit. qu. 33. Bronch. cent. 3. assert. 78. cent. 2. miscell. assert. 37. Diss. Bart. ad l. Et ex diverso 35. nu. 7. D. De rei vind. Covar. 1. Var. res. c. 3.*

Nu. 68. in fine. Eadem repetit D. Zoef. loco cit. nu. 75. ubi aliam subjungit questionem, An titulus excuset à percipiendis: de qua vide & Hun. loco cit. qu. 35. Bronch. cent. 3. assert. 87. Vulteium *Discept. Scholast. c. ult.*

Nu. 69. ibi, *l. Si operas 26. D. De usur.* Probat Cujac. sententiam suam tum ex legibus, quas producit in eam rem, tum ex mera, ut ait, æquitate, abrogata communi opinione: cui & arresto Senatus Parisienlis derogatum fuisse meminit *ad l. unic. §. cumq. ex stipulatu C. De rei ux. act.* Sed & certorum locorum consuetudines hac in re rationem haberi volunt maturitatis, imò & factæ jam sationis ac futuræ messis. Verum propterea non debet videri iniquum jus Romanum ei, qui coluit & sevit, jus fructuum non attribuens: quoniam non negat, quin saltem sumptus culturæ restituendi sint illi, qui eos fecerit, *arg. l. Si a domino 36. §. ult. D. De hered. petir.* Cujacij quoque sententiam oppugnat Ioan. Robertus *Animad. lib. 2. c. 10.* Nec obstat, quod fructus rei dotalis soluto matrimonio dividantur inter virum & uxorem pro rata illius anni, quo sterit matrimoni-

(ut & alibi passim in hisce præsertim Institutionibus) Borcholten sequitur. Alij vero actionem de tigno juncto volunt indistincte dari in duplum, quâ dominus materiæ duplum ejus consequatur, etiam ab eo, qui bonâ fide tignum junxerit, cum lex nullibi distinguat, *d. l. 23. §. tigno D. De rei vind. & l. 1. D. De tigno juncto*; adeo ut actio tigni in simplicum nulla sit. Ita Hieron. Elenus *Diatrib. 2. c. 7. Tim. Faber Diss. 13. thest 8. & 9. & Vinnius hic nu. 1. & 3.* Moribus harum regionum actio hæc de tigno juncto dudum exolevit, consuliturque domino materiæ actione in factum ad pretium consequendum. *Vin. ibid. nu. 4.*

Nu. 44. in fine) Porro dispositioni hujus §. *Cum in suo* concordant fere consuetudines locorum plerorumque: quamquam quod ad vindicationem materiæ, ex qua ædificium in alieno positum est, attinet, sequamur fere decisionem juris feudalis, *2. F. 28. vers. Si vasallus*, quo caveatur, ut dominus aut patiat ædificium in solo suo factum ab eo, qui fecit, tolli & auferri, aut saltem teneatur eidem, qui fecit, solvere impensas & pretium meliorationis.

Nu. 46. ibi, *si sciv. in alieno se ædific.*) Modò plenè constet de scientia ædificantis, quia tunc præsumitur donare voluisse, scilicet in casu dubio: & modo ædificans ab initio fuerit in mala fide, etiam antequam ædificaret. *Lud. à Peguera decis. Cæthalon. 97. ita judicatum referens.*

Nu. 49. in fine.) Adeoque malæ fidei possessorem impensas hujusmodi recuperare posse nedum per modum retentionis, sed etiam viâ actionis, probat *Molin. ad consuet. Paris. tit. 1. §. 1. Gl. 5. nu. 101. & seqq.*

Nu. 52. in fine.) *Vid. Barbosa ad l. Divertio nu. 95. & seqq. D. Solutio matrim. & Franc. Sarmient. Select. Interpret. 1. c. 10.*

Nu. 53. in fine) Alij aliter statuunt de hac controversia. *Vide Cujac. 10. Obs. c. 1. & ab eo dissentientem Ant. Fabr. 2. Conject. c. 1. & Decade 26. Errore 8. Bronch. cent. 3. assert. 17. Elb. Leoninum emend. & Obscuris lib. 4. c. 1. ubi plene de impendiorum & meliorationum materia.*

Nu. 54. in fine) Plura hæc de re repete ex *D. Zoefio ad tit. D. De acq. rer. dom. nu. 61.* Caterùm notat ex *Placitis Curia Paris. Lucius, lib. xi. tit. De fructib. & in rem itemq. impens. bonæ fidei possessorem fundo cedere damnatum, impensas utiles ac necessarias consequi retentione rei: voluptuarias vero persequi cum posse nomine ejus quod interest, atque ita judicatum an. 1427. xv. Kal. Maij. Sed & moribus ferè obtinuit, ut etiam malæ fidei possessor retinere impensas utiles possit. *Valasco consult. 83. nu. 19.* Quæ fuit sententia *Martini veteris Glossatoris*, quam sequitur & tuetur adversus communem *Molin. ad consuet. paris. tit. 1. §. 1. Gl. 5. nu. 27. & seqq.* *Vide Covarr. ad c. Precatum De R. l. in. 6. p. 2. §. 6. nu. 3. Hunnium Var. res. lib. 3. tract. 1. q. 23. 24. & 25.**

Nu. 55. *D. De acq. rer. dom.*) Nam, ut, *lib. 2. de Natura Deor. ait Cicero. eorum, quæ gignuntur è terra. stirpes & stabilitatem dant us, quæ sustinentur, & ex terra succum trahunt, quo alantur ea, quæ radicibus continentur.*

Nu. 57. in fine) *Vid. Franc. Hotom. 1. Obs. c. 10. & Hieron. Mag. 4. Miscell. c. 7. ubi plenè de fructibus arboris in consilio vel prope confinium natis. Quænam admodum*

admodum verò, ad fructus quod attinet arboris taliter posita, modò & utrimque radices egerit, placuit communes esse, prout & communis est arbor pro regione cuiusque prædij, §. si Titius vers. & idem h. r. & l. Aded 7. in fine cum l. seqq. De acq. rer. dom. ita & naturaliter ex plantatione, insitione, ædificatione in alieno communionem nasci adserit H. Grot. De iure bel. ac pac. lib. 2. c. 8. nu. 22. Ut verò plantata & consita cedant solo, hoc juris ait esse constituti. Illud quidem verum est, ratione soli atque alimentum nasci domino soli jus quoddam in rem : attamen domino seminis, plantæ, aut arboris, jus suum ob id naturaliter perire non debet. Ideoque & hîc communioni locum fore existimat, nec minus quoque in ædificio, cuius partes sunt solum & superficies.

Nu. 58. ibi, text. hic.) Verumtamen id hodie non obtinere notat hîc Myns. & mutato cursu naturæ multò plurius scripturam æstimari, quàm chartam. Quod equidem non credidero, videl. quoad naturalem causam dominij acquirendi videri immutatum cursum naturæ: quamquam concessero, hodie quoque chartam cedere scripturæ, sed ex alia causa, nempe propter præstantiam vel scriptoris, vel rei, quæ in scripturam redigitur. Quid enim si oratio aliqua inscripta chartæ alienæ sit talis, qualis illa Isocratis ad Nicoclem, pro qua viginti talenta accepit? Plutar. In Vita Isocr. Quid si ejus gratiæ carmen, cuius viginti illi versus Virgiliani, 6. Aenid. pro quibus singulis dicitur recepisse octona dena sestertia? Quid denique si Commentarii ejusmodi, quales illi Plinij, quos Largio Licinio vendere noluit quadringentis sestertijs? Plane ridiculum fuerit, eo casu scripturam membranæ cedere, & suffecerit, si qui bonâ fide possessionem chartæ membranæve nactus fuit, persolvat domino pretium. Atque ita modus hic naturalis non erit, sed civilis, & juris constituti, vel naturalis quidem erit, sed facti, non juris.

Ibid. in fine.) Alij aliter de hoc loco sentiunt. Vide Donel. 4. Comment. c. 36. Iul. Pacium cent. 3. qu. 42. Marc. à Lyclama 1. membr. Ecl. 6. Certe ratio singularis juris, cur scilicet in pictura aliter receptum sit, non tam videtur petenda ex pretio ipsius rei seu picturæ, quo pictura tamquam pretiosior tabulam alienam per prævalentiam ad se trahat, l. In rem 23. §. 3. & 4. D. De rei vind. quam ex privilegio artis, manusque pretio; quoniam pictura & rerum ejusmodi pretium non in substantia, sed in arte positum est, l. Labeo 14. D. De V. S. Quomodo pictura non potest censeri accessorium tabulæ, quippe non destinata ad finem tabulæ, sed è diverso tabula destinatur ad picturam, eique servit. Quò respexit hoc loco Imp. ridiculum esse, ajens, picturam Apellis vel Parrhasij in accessionem vilissimæ tabulæ cedere. Adeoque & temporum haberi rationem oportuit, quibus ut Græcos, ita & Romanos picturæ studio admodum insanivisse constat, Plin. lib. 35. Hist. natur. 6. 10.

Nu. 60. in fine.) Divisio hæc tripartita fructuum in Civiles, Naturales & Industriales displicuit Ioan. Corasio 5. Miscel. c. 10. qui civiles nullos agnoscit, sed naturales & industriales tantum. Naturalium nomine eos intelligit, quos vulgo industriales vocant: quamvis enim, inquit, hi fructus hominis industriam,

nonnum-

item metallorum, aluminis &c. vide And. de ferraria 2. Feud. tit. 5. *Quasint Regalia*, Mynf. dec. 4. Conf. 39. qui cedere ea censent privato, in cuius fundo re-
perta sunt, excepta sola decima parte, eique illic jus regaliū habet prestandū.
Matth. de Afflictis decis. Neap. 321. Molina de Iust. & jure tract. 2. Diss.
54. nu. 1. & plenè D. Perez. ad tit. C. De metallar. lib. 11. item Covarr. ad reg.
Peccatum p. 3. & Ant. Pichard. hic infine, ubi ex Legibus regni Hispaniæ
notat thesaurum repertum cedere Regi, quartā ejus tantum parte concessa in-
ventori.

Nu. 74. in fine. Dominium traditione transferri, nonobstante errore vel
fallitate causæ seu tituli, modò de utriusque & tradentis & accipientis consen-
su & voluntate constet, plures probant, Franc. Connan. 3. *Comment.* s. 7, nu. 4.
Donel. 4. *Com. c.* 18. Gilken. ad §. Per traditionem 41. nu. 7. & seqq. h. r. Hum-
nius Var. res. lib. 2. tract. 1. qu. 38. ubi alios citat. Diss. Ant. Pichard. hienū. 3.
per l. Si ego 18 D. Si cert. per. & antinomiam inter hanc legem & l. Camin corpus
16. D. De acq. rer. dom. novo intellectu resolvit, aliàs inextricabilem, secundum
Ant. Cont. 1. Diss. c. 9. De eo quoque non levis disceptatio est, An nuda saltem
accipientis prehensio ad traditionem perfectam, dominique acquisitionem
sufficiat, an verò etiam opus sit vacua possessione, id est liberā & à nemine oc-
cupatā? Sunt, qui etiam citra possessionem transire dominium existimant, adeo-
que non referre, possessio vacua sit, an minus, per l. Si fundum 16. D. De junda-
tor. l. Naturaliter 12. & l. pen. D. De acq. poss. l. Acquiruntur 10. §. 2. De acq. rer.
dom. pluresque alius. Ita primus docuit Joann. verus Glossator, hic ad §. per traditi-
onem in l. transferuntur, eumque secutus Gomes. ad §. sed ista nu. 30. Instit. de Action.
& Donel. 4. *Comment. c.* 19. Sed rectius se contraria habet sententia; cum ubi
possessio abest, censetur nihil esse, quod tradi possit, l. Si eum 26. D. De dona-
tion. inter vi & ux. & ubi possessio retinetur, nihil intelligatur traditum, l. Serri 61.
De peric. & com. rer. vend. Deinde traditio nihil nisi datio possessionis est, arg. l.
2. §. 1. & l. 3. In pr. De alt. emp. & vend. Ita Connan. 1. *Comment. c.* 8. Hotom.
Illust. q. 1. c. 11. Ant. Cont. 1. Diss. c. 8. Tim. Faber Diss. ad inst. 12. thys 12. &
late Bachov. ad Titul. Diss. 20. th. 4. lit. D. vol. 2. Humnius Var. res. lib. 2. tract. 1. qu. 39.
Forster. de Dominio c. 9. nu. 157.

Nu. 75. in fine. Ita & Franc. Baldum. Mudai discipulus, ad Leges XII. Tab.
c. 25. D. Mallus singular. Opin. lib. 1. c. 20. nu. 3. Talden. ad tit. C. Qui pot. in fig. hab.
nu. 6. Molina ad consuet. Paris. tit. 1. §. 33. olim §. 23. Gl. 2. An. 17. ubi traditio
in dubio non videri habitam fidem in venditionibus mercatorum, qui non
consueverunt vendere merces suas ad terminum, sed usque ad ultimum & peribit
vendentibus ad terminum. Interest quoque inter traditionem rei mobilis atque
immobilis. Nam res mobilis traditur manu immobilis vero dicitur tradi per
inductionem rei in fundum, sive in possessionem fundi. Morum nostris non aliter
dominium proprium quoque immobilis transferitur, quam aditio domini ab
eo, qui tradit, per exhibitionem, ut vocant, atque introductionem
novo domino factam, idque publice & coram iudice competente ejus loci, ubi
bona

bona sita sunt : Galli *Adherentes*, nos *Erssnisse*, *Goedenisse*, *Opradrcht* dicimus. Hæc adharitantia est vice traditionis, & aliquid quoque facti requirit. Nam fieri solet per manus ad fustem seu baculum appositionem, quam vulgò, vocabulo satis barbaro, dicunt *Effestucationes*. Simile est, quod de *Scotatione* Dacorum refertur ex Innocent. III. in c. 2. De consuet. Soliti enim fuere incolæ illius regni in donationibus fundorum modicum terræ manu accipere, quod deinde manu sustinebatur donatarii, sub testimonio videntium & audientium hominum. Eratque *Scotatio* signum non tam factæ donationis, quàm evidens argumentum traditæ possessionis. De *Effestucatione* scripsit tract. Freder. à Sande, quem à morte auctoris edidit cum Notis & Additionibus suis Lamb. Goris : qui & de eodem argumento videndus in *Adversar. ad consuet. Geld. tract. 3. p. 2. c. 4. & aliquot seqq.* Deque aliis traditionum modis Hieronymus Bignonius ad *Marcusii formulas lib. 1. c. 13.*

Num. 77. ibi, l. *Clavib. 74. D. De contrab. empt.*) Apud horreum, inquam, id est, in re præsentī; ut præsentia illa corporalis sit vice contrectationis & apprehensionis. Quo modo vina tradita videri, cum claves cellæ vinariæ emptori traditæ fuerint, apud cellam nimirum vinariam, scribit Paulus I. C. l. 1. §. *si iusserim 21. De acq. vel amit. poss.* ubi vide Bart. in pr. Alex. num. 78. & communiter Dd. Necesse enim est, ut res, quæ tradi fingitur, præsens esse proponatur : quemadmodum vera sive naturalis traditio fieri non potest sine præsentia rei, quæque in oculis sit & conspectu. Cujac. 4. Obs. c. 3. & Ant. Faber De errorib. Pragmat. Dec. 75. Errore 5. Quo ferè modo hodièque beneficii Ecclesiastici possessionem acquiri, nempe pro foribus ædis sacræ, actis ea de re confectis, aut in conspectu quodammodò turris, notat idem Cujac. ad d. l. *Clavib. quæst lib. 1. Desinit. papin.*

Num. 80. in fine) Certè bona naufragorum quod attinet, illud semper visum fuit iniquum, ea simpliciter addici & cedere fisco. Quod enim jus habet fiscus (inquit Constantinus Imperator) in aliena calamitate, ut in re tam luctuosa compendium seferetur? Ut meritò etiam injustæ reputentur consuetudines, quæ bona ejusmodi tamquam *ad ètèpora* regalibus accensent, vel dominis territoriorum attribuunt. Lucas de Penna ad tit. C. De naufr. lib. 11. Covarr. ad c. Peccatum De R. l. in 6. p. §. 1. num. 5. Talem consuetudinem olim & in Germania obtinuisse, ex Herm. Kirchnero de Republ. Disp. 7. corol. 7. notat Schultz ad h. t. lit. T. sublatam à Frederico II. Imperatore Auth. Navigia C. De furt. De eadem re Constitutionem Caroli V. Imperatoris in Belgio editam anno 1547. 10. Decemb. memorat Zyp. in Not. juris Belg. lib. 10. tit. De jure fisci, & D. Perez. ad d. tit. De naufr. num. 29. Vide & Christin. decis. 64. volum. 5. ubi post Sebast. Medicem De casibus fortuit. p. 2. quæst. 9. num. 7. tradit, ne quidem consuetudine induci posse, ut res naufragio deperditæ usucapiantur. Quod ipsum & jure decisum extat l. Interdum 21. §. 1. D. De acq. poss. Quod ex naufragio expulsum est, inquit I. C. usucapi non potest. Rationem addit, quoniam non est in derelicto, sed in deperdito. Derelicta non recuperamus, si ab alio apprehensa sint; deperdita recuperamus.

Ex eadem ratione dicitur non fieri furtum ejus, quod pro derelicto est: nec enim furtum fit, nisi sit, cui fiat; in proposito autem non est, cui fiat. Contrà qui contrectat rem deperditam, lucri faciendi causâ, furti obstringitur, sive sciat, cujus ea res sit, sive ignoret, *d. l. Falsus 43. §. 4. D. De furt.* Si quid invenisti, & non reddidisti, rapuisti, inquit Augustinus *can. Si quid 6. XIV. quest. 5.* De quo est & lex Moysis, *Deuter. 21.* Pet. Greg. Tholos. *Syntag. lib. 20, c. 3.* Similis Bibliorum lex fuit, teste Aeliano, *4. Var. hist. c. 1.* Biblii, inquit, per viam si inciderint in aliquid, nihil tollunt, quod ipsi non posuerint: non enim hoc inventum, sed furtum esse arbitrantur. *ὅτι γὰρ ἢ γέεται τὸ τοιοῦτον εὐρημα, ἀλλὰ ἀδίκημα.* Unde ne eo casu furti teneamur, rectè consultit Ulpian. in *d. l. Falsus §. proinde 8.* ut inventor libellum proponat, continentem se invenisse, & redditurum ei, qui desideraverit, quod & olim Romanos in castris observasse, auctor est Polybius *lib. 6.*

DE REBUS CORPORALIBVS ET INCORPORALIBVS.

TITULUS II.

Quædam præterea res corporales sunt, quædam incorporales.

1. Corporales hæ sunt, quæ tangi possunt: veluti fundus, homo, vestis, aurum, argentum, & denique aliæ res innumerabiles.
2. Incorporales autem sunt, quæ tangi non possunt: qualia sunt ea, quæ in jure consistunt, sicut hæreditas, ususfructus, usus, & obligationes quoquo modo contractæ. Nec ad rem pertinet, quod in hæreditate res corporales continentur: nam & fructus, qui ex fundo percipiuntur, corporales sunt: & id, quod ex aliqua obligatione nobis debetur, plerumque corporale est; veluti fundus, homo, pecunia. Nam ipsum jus hæreditatis, ipsum jus utendi fruendi, & ipsum jus obligationis incorporale est.
3. Eodem numero sunt jura prædiorum urbanorum, & rusticorum, quæ etiam servitutes vocantur.

COMMENTARIVS.

Rerum nomine non tantum venire res corporales, verum & incorporales, patet ex divisione rerum hoc Tit. propositâ in RES CORPORALES, quales sunt, quæ cernuntur, tanguntur; & INCORPORALES, quæ circa corpora quidem versantur, sunt tamen sine corpore, nec cadunt sub aspectum aut tactum, sed solo intellectu percipiuntur: cujusmodi sunt ea, quæ in jure consistunt, uti hæreditas, obligatio, servitus, & alia similia jura, *text. hic & l. 1. D. De rer. divis.* Quæ

Quæ licet naturaliter & propriè non possideantur, juris tamen interpretatione æquè acquiri possunt atque res corporales. De modis itaque eas acquirendi, quatenus huic tractatui convenit, subjicitur Titulis aliquot sequentibus.

ADDITIONES V. A. D.

Cernuntur, tanguntur, fundus, vestis, aurum, & reliqua corpora, ὁπαρα ἡγῆ ἀντὰ, ut Græci loquuntur.

Tangere enim aut tangi nisi corpus nulla potest res, inquit Lucret. lib. 2. eleganter in Topicis ad Trebat. Cicero, Esse ea dico, quæ cerni tangive possunt, ut fundum, ades, parietem, stillicidium, mancipium, pecudem, supellectilem, penus, cetera. Non esse rursus ea dico, quæ tangi, demonstrari non possunt, cerni tamen animo atque intelligi possunt, ut si usucapionem, si tutelam, si gentem, si agnationem designas; quarum rerum nullum subest quasi corpus. Seneca lib. 1. De benefic. c. 5. Non potest beneficium manu tangi; animo cernitur. Multum interest inter materiam beneficij & beneficium. Idem tamen Seneca De benefic. lib. 6. c. 5 loquens ex persona non tam sua, quam Liberalis fuit, Jurisconsultorum istas acutas ineptias esse ait, qui hereditatem negant usucapi, sed ea, quæ in hereditate sunt; tamquam quicquam aliud sit hereditas, quam ea, quæ in hereditate sunt. Etenim non ineptam aut futilem eam distinctionem esse, sed veram & utilem, ibidem rectè Muretus annotat, & patet ex iis, quæ passim de juribus rebusque incorporeis in jure nostro tractantur. Cujus rei originem & rationem elegantem tradit Joann. Oldendorpius, Actionum forens. classe 3. act. 6. in princ. nempe in distribuendis rerum dominis à primis Legum conditoribus habitam fuisse rationem non tantum dominii seu proprietatis, sed & id eos considerasse in primis, quatenus mutua rerum omnium officia essent, deservirentque utilitati & commoditati hominum inter se: idque ex certis formulis ad hoc conceptis, quæ quia substantiam non à corpore, sed ab animo & intellectu ducunt, dici cœperint res incorporeales, sintque jura rerum & corporum, quæ & ipsa contineant corpora. Nec aliâ ratione Cicero, in Topicis ad Trebatium l. c. definit hereditatem esse pecuniam, quæ morte alicujus ad quempiam pervenit jure. Et sanè interest, hereditatem dicas esse jus, an verò pecuniam. Cum enim juris intellectum habet, nomen quoque suum tuetur & servat, etiam sine ullo corpore, constans solo jure successionis sive succedendi in jus defuncti, l. Hereditas 50 D. De hered. petit. Distinctionemq; hereditatis ac rerum hereditariarum necessariam omnino esse, & sine jurisprudentiæ totius perturbatione damnari aut tolli non posse, ostendit quoque V. Ampl. Diod. Tulden. De causis & remed. corrupt. judic. lib. 2. c. 10. post Duaren. ad tit. D. De acq. vel omit. hered. c. 1. Porro rectè D. Zoef. de rebus incorporalibus hîc agi putat, quatenus eas acquiri possunt, ut in exemplis ab Imp. allatis; quemadmodum superiori Tit. traditum est de acquisitione rerum corporalium. Nam & aliæ sunt res incorporeales, quas Jurisconsultus considerat, nec hujus loci sunt, ut in exemplis Ciceronis: quod & Arn. Vinnius hîc observavit, quem omnino vide.

DE SERVITVTIBVS PRÆDIORVM.

TITVLVS III.

Rusticorum prædiorum jura sunt hæc, Iter, Actus, Via, Aquæ-ductus.
Iter est jus eundi, ambulandi hominis, non etiam jumentum agendi, vel vehiculum.

Actus est jus agendi vel jumentum, vel vehiculum. Ita qui habet iter, actum non habet: qui actum habet, & iter habet, eoque uti potest etiam sine jumento.

Via est jus eundi, & agendi, & ambulandi: nam & iter & actum via in se continet.

Aquæductus est jus aquæ ducendæ per fundum alienum.

1. Prædiorum urbanorum servitutes sunt hæc, quæ ædificiis in hærent, ideo urbanorum prædiorum dictæ, quoniam ædificia omnia urbana prædia appellamus, etsi in villa ædificata sint. Item urbanorum prædiorum servitutes sunt, ut vicini onera vicini sustineat: ut in parietem ejus liceat vicino tignum immittere: ut stillicidium vel flumen recipiat quis in ædes suas, vel in aream, vel in cloacam: & ne altius quis tollat ædes suas; ne luminibus vicini officiat.

2. Inter rusticorum prædiorum servitutes quidam computari rectè putant aquæ haustum, pecoris ad aquam adpulsum, jus pascendi, calcis coquendæ, arenæ fodiendæ.

3. Ideò autem hæc servitutes prædiorum appellantur, quoniam sine prædiis constitui non possunt. Nemo enim potest servitutem acquirere urbani vel rustici prædii, nisi qui habet prædium.

4. Si quis velit vicino aliquod jus constituere, pactionibus atque stipulationibus id efficere debet. Potest etiam testamento quis hæredem suum damnare, ne altius tollat ædes suas, ne luminibus ædium vicini officiat: vel ut patiatur eum tignum in parietem suum immittere, stillicidiumve adversus eum habere: vel ut patiatur eum per fundum ire, agere, aquamve ex eo ducere.

C O M M E N T A R I V S.

S U M M A R I A.

1. Servitus unde dicta, & quid.
2. Alia est personalis, alia realis sive prædialis.
3. Servitus realis quid.
4. Debet esse utilis prædio, cui debetur, vel subesse spes futura utilitatis.
5. Alia est urbana, alia rustica seu rustici prædij.
6. Rusticorum prædiorum sunt Iter, Actus, Via, &c.

7. *Actus & Via in quo differant.*
8. *Via latitudo legitima.*
9. *Aqueductus quid : item Aqua-haustus, &c.*
10. *Urbanorum servitutum species, Tigni immittendi, Oneris ferendi, Stillicidij & fluminis recipiendi, vel contrà, Altius non tollendi, vel contrà.*
11. *Servitus qualiter constituatur.*
12. *An & usucapione acquiratur?*
13. *Quibus modis finiatur.*

Incorporalia sunt jura prædiorum, ut SERVITUS, distincta ab ea, de qua libro 1 superiori, quâ homo contra naturam subicitur alterius hominis dominio; cum hæc afficiat res, quæ serviunt, & non tam à Servando dicta, uti illa, quàm à Serviendo: ut sit JUS AGENDI HABENDI ALIQUID IN RE ALIENA, CONTRA QUAM JURE COMMUNI PERMISSUM. * Alia est hominis, quando prædium homini servit, cujus ordinis est Ususfructus, Usus, & dicitur personalis. Alia rerum, sive prædiorum, quæ prædiis debetur, & sine prædiis non constituitur: nemo enim eam acquirere potest, aut debere, nisi qui prædium habet, *inf. eod. §. ideo autem.* Hæc dicitur realis, de qua hoc Tit. agitur; * estque JUS AGENDI HABENDI ALIQUID IN ALIENO PRÆDIO, AD PRÆDII SUI UTILITATEM, QUOD JURE COMMUNI HABERE NON LICET. (a) * Re- 4 tē additur, ad prædij sui utilitatem, quia aliàs temerè impediretur libertas alterius, *l. Quoties 15. D. h. t.* esset enim hoc ipsum invidentis potius rebus alienis, quàm sibi commodantis. Quod jura non patiuntur, quæ non in hoc prodita, ut quis, cum sua nihil intersit, alii quidquam auferat. Non est autem necesse, in præsentī sit utilis; nam satis est, subsit spes futura utilitatis, ne obstat *l. Ei fundo pen. D. eod.* Quomodo futura rei rectè reservatur servitus, *l. Si servitus 23. in fine D. De servitut. præd. urb.* (b) Additur, quod jure communi habere non licet; absurdum enim foret, quod jure communi competit ad servitutem trahere. * Ut autem prædia distincta sunt usu 5 & sine, alia VRBANA inhabitandi causâ facta, sive ruri, sive in urbe, uti ædificia; alia RVSTICA, facta causâ rei rusticæ, fructuum scilicet & pecorum, uti agri, fundi, horrea, sive ruri, sive in urbe (neque enim loco, sed qualitate hæc prædia secernuntur, *l. Si prædium 16. D. De præd. minor.* quo modo & urbanam familiam à rustica non locus distinguere dicitur, sed genus ministerii, *l. Urbana familia 166. D. De V. S.*) ita & servitutes alia urbanæ, quæ debentur prædio urbano, alia rusticæ, quæ debentur prædio rustico, à prædio dominante desumptâ denominatione.

Ad rusticæ servitutis species pertinent Iter, Actus, Via, Aqua ductus. ITER 6 hic describitur ESSE JUS EVNDI, AMBVLANDI HOMINIS. ACTVS JUS AGENDI JUMENTVM, quod à Jungendo dictum, VEL VEHICVLVM, ut plerique addunt, & habet Vlp. in l. 1. D. De servit. præd. rust. & habetur in l. Qui sell. 7. & l. Inter actum 12. eod. tit. VIA JUS EVNDI, AGENDI, AMBVLANDI HOMINIS. * Inter quas duas posteriores species differentia est, quòd actus 7 contineat quidem iter, non tam nominatim, quàm per consequentiam, tamquam

maius includens minus, magis ex occasione, quàm jure: Via verò nominatim & principaliter complectatur jus eundi & agendi. Quo modo viam habens, iter & actum vindicat; qui verò actum habet, non vindicat iter, *l. 4. §. 1. D. Si servitus vind.*
 8 * Præterea latitudo viæ legitima est ex Lege XII. Tabb. habens octo pedes in porrectum, in anfractum verò, id est ubi flexum, sedecim, ad facilitatem vehiculorum vertendorum, *l. Vic. 8. D. De servit. rust. pred.* Potest tamen & minus spatium poni, modò vehiculum duci possit, *l. Via 23. d. t.* Actus & itineris latitudo non est legitima, sed ea quæ demonstrata. Si nulla demonstrata, ab arbitro vel iudice statuenda, *l. Cert. 13. §. 1. & 2. eod.* Præterea actus esse potest, quâ vehiculum duci non potest, modò possit agi jumentum; via verò quâ jumentum agatur, & ducatur vehiculum. Denique via dat commoditatem trahendi lapidem, rectam hastam ferend., modò fructus non lædantur, *l. 7. d. t. (e)*

9 AQUÆDUCTUS EST JUS AQVÆ PER FVNDVM ALIENVM DV-
 CENDÆ, canalibus, fistulis, aut rivo, *l. 3. §. 5. & l. Cui per fundum 8. D. De aqua quotid. & est. (f)* Sunt & species hujus servitutis, AQVÆ HASTVS, ex puteo aut fonte vicini fundi, PECORIS AD AQVAM ADPVLSVS, JVS PASCENDI (g) CALCIS COQVENDÆ, ARENÆ FODIENDÆ, CRETÆ EXIMENDÆ ex fundo alieno, §. *Inter rusticorum inf. eod.* & similia, quatenus debentur prædio rustico; nam & possunt deberi urbano, *l. Fissulam 19. & l. Servitutes 20. §. si domo D. De servit. præd. urbân.*

§. Prædiorum urbanorum.

10 URBANIS prædiis debentur variæ servitutes, ut patet ex textu hic & D. eod. veluti
 IMMITTENDI TIGNA; quia licet in vicini parietem tignum immittere, veluti trabem, aut simile quid, *l. Hoc quod dictum 35. D. De servit. præd. urban.* ONERIS FERENDI: in qua hoc speciale, quòd cogatur vicinus columnam vel parietem reficere, ut oneri ferendo sit aptus, nisi malit rem derelinquere, quod ei licet, *l. Et si fortè 6. §. etiam D. Si servitus vind.* Item RECIPIENDI STILLICIDII & FLVMINIS, id est aquæ stillatim cadentis, aut per canalem defluentis ex ædibus alienis. Cui est contraria servitus NON RECIPIENDI, quâ aqua propriis ex ædibus decidens debet cedi vicino ad eluendam ejus cloacam, cisternam implendam, hortum rigandum. Dico, propriis ex ædibus, nam ex alienis decidentem non recipere, est potius libertatis, quàm servitutis. (h) Sic & servituti ALTIVS NON TOLLENDI, quâ vicinus prohibetur ædes suas altiùs tollere, contraria est servitus ALTIVS TOLLENDI, quâ cogitur vicinus altiùs habere ædificatum; nam istiusmodi lex vicinæ rei imposita facit servitutem, *l. Si arborem 17. §. interdum D. De servit. præd. urbân.* cum aliàs altiùs tollere sit libertatis, *l. Atrius 8. D. h. t.* (i) Est & servitus LVMINIBVS OFFICIATVR, quibus cælum videtur, aut ad excipitur, servitus LVMINVM: item servitus PROSPECTVS, sive NE PROSPECTVI OFFICIATVR: aliasque species est colligere ex D. h. t. (k)

§. Si quis velit.

Quod in corporalibus traditio, idem in his operatur patientia domini; postquam tamen servitus fuerit constituta actu aliquo, vel inter vivos, ut stipulatione, donatione, venditione, aut simili, vel ultimâ voluntate. (1)

Controversium autem est, an & usucapione acquirantur? Et ante Justinianum non potuisse usucapi servitudes, patet ex *l. Servitudes 14. D. h. t. & l. 4. in fine D. De usucap.* propter legem Scriboniam, quæ earum inhibebat usucapionem, tum favore libertatis, tum quod servitudes per se non possideantur. Verum Justinianus Imp. præscribi eas permisit annis decem vel viginti, *l. 2. & pen. C. h. t. l. ult. C. De præscript. longi temp.* Non obstante, quod propriè non possideantur, cum sint incorporales; ut nec usucapi queant, cum ad usucapionem sit necessaria possessio; nam saltèm quasi possideri possunt, & quasi possessione acquiri, *l. Si quis diuturno 10. D. Si servitus vind. & l. 1. in fine D. De aqua & aquæ pl. arcen.* Ubi non est facienda distinctio inter rusticas & urbanas, in eo, quod quædam non habeant usum continuum, quales discontinuas vocant; cum satis sit, habeant causam continuam. (m)

Finitur servitus primò Confusione, si utriusque prædii idem fiat dominus, *l. 1. 13 D. Quemad. servit. amit.* quia res sua nemini servit. Secundò, Remissione, vel expressâ vel tacitâ, admissio actu servituti contrario, *l. 8. D. d. t.* Tertiò, Non utendo per longum tempus, vel simpliciter, vel modo debito, *l. Si communem 10. §. 1. & l. Si quis 18. D. d. t.* Vbi notanda differentia inter rusticas & urbanas, quod illæ solo non usu amittantur; hæ non aliàs quàm si & contrarium factum domini servientis fundi interveniat, obturato scilicet foramine, cui tignum immittendum, aut aliùs quàm oportet ædificatum habendo, *d. l. 18. l. Hac autem 6. D. De servit. præd. urb. & l. 4. §. fin. De usucap.* (n) Ratio est, quia illæ non consistunt nisi in facto illius, cui debentur, hæ verò in ædificiis, per quæ retinentur absque hominis facto. Quo modo quoad ædificia sunt adaptata servituti suscipiendæ, videtur durare possessio servitutis: quæ ut cesset, novi quid faciendum est. Quartò, Resolutio jure concedentis: nam resolvitur jus ejus, cui concessio facta, *l. Si cuius l. 1. in fine D. Quemad. servit. amit.* cum nemo plus juris ad alium transferat, quam habet. Quintò, Lege & pacto servituti constitutæ adjecto cessante. Reliquæ causæ debeant habere perpetuam, ut ad tempus non rectè constituatur, servanda tamen est conventio, *l. 4. D. De servitutibus.* Morte ejus, cui debetur, non extinguitur: nec capitis diminutione potest videri perire; cum rei, non personæ quæritur. Mutatio rei inutilem quidem facit servitutem, restitutâ tamen re restituitur & servitus, saltèm per restitutionem in integrum, *l. Vnus 34. cum l. seq. D. De servit. præd. rust.*

ADDITIONES V. A. D.

Num. 3. in fine.) Communiter ita definiunt, post Bart. in *l. 1. D. De servitutib. ut sit jus quoddam prædio inharens, ipsius utilitatem adaugens, & alterius libertatem diminuens. Et deducitur definitio ista ex l. De pupillo §. 9. D. De novi oper. nunt. quam tamen multis improbare nititur Joann. Coras. in *d. l. 1. h. t.* & totam falsam existimat. Verum Corasij rationes ordine discutit ac refellit D. Elb. Leoninus, Scholæ hujus Antecessor, ad *d. l. 1. ac Leonini vestigia verbaque in plerisque, subtituto nomine, secutus Petr. Clasen, tract. de servit. concl. 1.* Indicavit verò nomen, ne plagii argui posset. D. Zoef. ad *D. tit. De servit.**

Num. 4. ubi, *D. De servitut. præd. urb.*) Quo casu velut in suspenso est jus servitutis, donec nimirum ædificium extructum fuerit. Adeoque differentia est inter *constituere & promittere servitutem*: ut constitui non possit nisi quæ de præsentem rem assiciat, & utilis sit, promitti verò possit, quæ futurum tempus & futuram utilitatem, vel etiam amœnitatem, respiciat. Paul. Buf. ad *d. l. 1. Ei fundo D. De servitut. & 4. Subtit. c. 11.* Bronch. cent. 1. assert. 96. & D. Zoef. ad *tit. D. De servit. num. 8.*

Num. 6. Eundi, Ambul. Hominis.) Accursius hoc ita explicat, ut qui iter habet, possit solus ire, possit & ambulare, ire cum alio. Non rectè: nam iter, five jus itineris, competit soli homini, non tamen omni; nimirum illi, cui hoc jus peculiariter concessum fuerit: ita ut solus possit ire aut transire pedibus, ambulare solus, id est, ire ac redire, seu commeare ultrò citròque, sanitatis causâ, vel voluptatis; equo, sellâ aut lesticâ vehi, qui sic quoque dicitur ire, non agere, *l. Qui sellâ 7. De servit. præd. rust.* Cujac. 22. Obs. c. 35. Ad servitutem itineris refertur servitus navigandi, seu *iter navigij*, ut dicitur in *l. 1. §. ait Prator 14. D. De fluminib.* quæ tunc imponi potest, quando in vicino fundo lacus perpetuus impedimento est, quò minùs ad fundum nostrum pervenire liceat, *l. Via 23. §. 1. De servit. præd. rust.*

Num. 7. in fine.) Item qui actum habens iter stipulatur nihil dicitur agere, *l. Qui usumfr. § 8. De V. O.* Et qui, actu legato, iter adimit, nihil adimere; quòd numquam actus sine itinere esse possit, *l. 1. De adim. legat.* Qui viam habet etiam ire, ambulare potest, utique jure viæ, non jure itineris, ut separata servitus est. Qui item viam habet etiam agere jumentum vel vehiculum potest; sed jure viæ, non jure actûs. Neque enim admittendum est, iter & actum, quatenus insunt viæ, vel quatenus via dicitur continere & iter & actum, esse per se servitutes: alioqui servitus servitutis induceretur, contra *l. 1. D. De usu & usufr. leg.* uti pulchrè hac de re disputat M. Lyclama 3. Membran. Ecl. 12.

Num. 8. in fine.) Alias differentias inter has species servitutum notant hîc Interpp. quibus adde Duaren. 1. *Disp. c. 31.* Cujac. *d. lib. 22. Obs. c. 35.* Donel. 111. *Comment. c. 6.* Ant. Fabr. 1. *conject. c. ult. & Fabri propugnatorum.* Ant. Schifordig. *lib. 1. tract. 20. quæst. 1.* Servius in 4. *Aeneid. v. 48.* ita distinguit inter Semitam, Viam & Actum

Actum, ut *imita* sit semis via (Varroni lib. 4. de lingua Lat. quasi semi-iter :) Via actus dimidius, quā potest ire vehiculum: ut verò *Actus* duo carpenta capiat, propter euntium & venientium vehiculorum occursum. Nam quælibet species per se proprium & peculiare jus & nomen habet, ITER itionis; ACTUS agendi; VIA vehendi, seu vehiculi ducendi. Unde quidam hic pro *eundi* legere malunt *vehundi*. Retento tamen verbo *eundi*, etiam non malè dixeris, *Viam esse jus eundi*, scil. vehiculi: nam & ire vel inire vehiculum dicitur, l. Si tam angusti 13. D. De servit. Fuisseque olim & itineri actuique suam latitudinem duorum aut trium ac quatuor pedum, ex Varrone lib. 4. de L. Lat. colligimus. Eoque respexisse Vlpianum in l. 1. De servit. præd. rust. opinabatur Jac. Ravardus, ad LL. XII. Tabb. c. 14. quando dixit viam continere & iter, id est jus duorum aut trium pedum, & actum id est jus quatuor pedum, & se (ita enim ex Pandectis Florent. putat restituendum, pro eo, quod vulgò legitur IN SE) id est jus octo pedum, nempe si actui & itineri, id est tribus, & quatuor pedibus addideris octavum, quæ Viæ latitudo legitima est: recepta quoque jure Saxon. teste Schulzio ad h. t. ut & latitudo itineris trium pedum. Denique observandum est, quæ hic de Itinere, Actu, Via dicta sunt, spectare ad privatas servitutes rusticorum prædiorum: nam alia est causa viarum & itinerum publicorum, quorum usus publicus est, & omnibus patet. Cujusmodi vias vocant *πασιμνὰς* id est Regias, Prætorias, Consulares, Militares, & inter Regalia computantur, c. un. Quæ sint Regal. 2. F. 56. Privatae viæ sunt, quas agrarias quidam dicunt: ut & vicinales, quæ in vicinis sunt, vel in vicos ducunt, l. 2. §. viarum 2. D. Ne quid in loco publ. & l. 3. de locis & itin. publ. Viæ publicæ & vicinalis meminit Justin. §. item si putator 6. inf. De L. Aquilia. Plura Elb. Leoninus ad l. 1. D. De servit. præd. rust.

Nu. 9. ibi De aqua quotid. & æst.) Vitruvius De architect. lib. 8. c. 7. Ductus aquæ, inquit, sunt generibus tribus: rivis per canales structiles, aut fistulis plumbeis, aut tubulis fistilibus. Is enim qui per fundum, vel ex fundo alieno, jus aquæ ducendæ habet, seu iter aquæ (ut loquitur Scævola, in l. Cui per fundum 8. D. De aqua quotid. & l. Q. Murius 15. De servit. præd. rust.) potest in eo fundo rivum facere, quo aquam ducat: potest item vel fistulam in rivo ponere, vel aliud quodlibet in rivo facere, dum ne interverrat hoc modo aquæ ductum, aut domino prædij aquagium deterius faciat, l. 3. §. 5. & d. l. 8. De servit. præd. rust. l. Si prius 17. §. 1. De aqua & aqua pl. arcen. ubi Paulus I. C. docet, quid intersit inter hæc genera ducendæ aquæ quoad usum servitutis & rationem juris: Rectè placuit, inquit, non aliàs per lapidem aquam duci posse, nisi hoc in servitute constituenda comprehensum sit. Non enim consuetudinis est, ut qui aquam habeat, per lapidem stratum ducat. Illa autem quæ ferè in consuetudine esse solent ut per fistulas aqua ducatur, etiamsi nihil sit comprehensum in servitute constituenda, fieri possunt: ita tamen, ut nullum damnum domino fundi ex his detur. Vid. Cæpol. De servit. rust. præd. c. 4. Hotom. de Verb. iur. V. Aqua ductus.

Ibid. ibi, fonte vicini fundi) Et qui habet haustum etiam iter habere videtur ad hauriendum, quod juri hauriendi inesse dicitur, l. 3. §. 3. De servit. præd. rust.

Ibid. ibi (IUS PASCENDI.) Pascua quædam publica sunt, quædam privata, l.

Et tit. C. De pascuis publ & privat. In privatis nemini pascere licet, nisi hæc ei facultas jure servitutis concessa sit, *l. 1. & 3. in pr. D. De servit. prad. rust.* vel nisi necessitas alicui hanc facultatem præstet, ut si quis de via vel transeundo equum suum pabulare voluerit, uti habet Constitutio Friderici Imp. *De pace tenen. in fine, 2. F. 27* aut nisi agatur de tempore mortuo, agris scil. vacantibus post collectos fructus. Ubi attendi debent statuta & consuetudines locorum, quæ provident, quo loco & quando licitum sit communiter pascere. Sed & in plerisque locis ea agrorum natura est, ut non semper colantur, sed subinde quiescant (quod vulgò dicunt *Braeckligghen*;) quo tempore per eorum depastionem nulla domino fit injuria. Sunt præterea pascua seu agri compascui, id est communes, in quos omnibus pecora, pastus causâ, immittere licet, qua de re latè Covarr. *Præct. quest. c. 37.* Pluraque de pascuis & jure pascendi tradunt Cæpol. *De servit. rust. prad. c. 9* Zas. *Singul. Respons. lib. 1. c. 11*, Chassan. *ad consuer. Burg. tit. Dei forests & pasturages*, Boer. *ad cons. Bicur. tit. Des costumes prediales*, Pyrrhus Angleberm. *ad cons. Aurel. tit. de pascuis, & novissimè Elb. Leonin. in Prælect. ad l. 1. D. De servit. prad. rust.*

Nu. 10. ibi, est potius libert. quàm servitutis) Servitus autem recipiendi vel non recipiendi fluminis à servitute stillicidij distare videtur solâ gravitate vel impetu. Diciturque gravior fieri servitus, id est pro stillicidio flumen, quâdo aqua ex alto decidens cum impetu inferius dilabatur, & per canalem aut cloacam in aream vel cloacam vicini effunditur, *l. Servitutes 26. §. 5. De servit. prad. urban.* Differentiam istam notat quoque Varro *lib. 4. De L. Lat.* his verbis: *FLUVIUS quod fluit, item Flumen: à quo lege urb. inorum pradiorum scribitur, STILLICIDIA, FLUMINAQUE VII FLVNI CADVNTQUE, ITA FLVANT, CADANTQUE.* Inter hæc hoc interest, quòd stillicidium dicitur, eo quòd stillatim cadat; Flumen, quòd fluat continuè.

Ibid. ibi, *l. Altiùs 8. C. h. t.*) Unde in constituenda hac servitute variè laborant Interpretes, & ferè tantum exempla ac species singulares huic rei accommodant. Plerisque placuit libertatem illam altiùs ædificandi jam olim legibus ac moribus civitatum coarctatam fuisse præscriptumque modum altitudinis: itemque formam & statum ædificiorum, qui excedi non posset. Briffon. *Select. antiq. lib. 1. c. 1.* Ant. Pichart. *ad §. 1. sup. De rer. divis. per l. Qui fluminib. 11. D. De serv. prad. urb. l. 1. C. De servit. & aqua, & l. 1. C. De adif. priv.* Quemadmodum hodieque in multis Germaniæ locis receptum esse moribus scribit And. Gail. *2. Obs. 69. nu. 16.* ne ultra definitum modum aut altitudinem ædificare liceat. Si quis igitur vel ex testamento, vel ex conventionem consecutus fuerit à vicino suo, contra prohibitionem statuti, facultatem altiùs tollendi, jam ædes vicini incipient debere servitutem, licebitque altiùs tollere ædes jure servitutis. Pro qua servitute vindicanda, si fortè vicinus me tollentem impediatur, potero experiri confessoria actione, scilicet juri mihi esse altiùs tollendi. Ita Joan. Faber, quem plerique sequuntur, *ad §. aquæ si agat. nu. 8. inf. De actione* Zas. *ibid. Cæpol. De servit. urb. prad. c. 26. Vvesenb. D. cod. n. 3 Hunnius Var. resol. lib. 2. tract. 2. qu. 8.* Enucleatius verò pluribusque eadem rem expendit Arn. Vinnius *ad §. 1. h. t. nu. 3. & 4.* ubi & evincit, distinctas esse servitutes, jus altiùs tollendi, & non tollendi altiùs, adversus Bachovium, qui

qui voluit non distingui. Et quamquam dictum Fabri exemplum difficultatem omnem minimè exhauriat, illud què improbet Ant. Padilla Menes ad l. Altius 8. n. 11. C. De servit. & aqua, cum statutum vel consuetudo de non tollendo altius non tam favorem privati cuiusque civis spectare videatur, quàm universum urbis ornatum, ne scilicet ædificia altitudine suâ plus iusto excreſcentia vias publicas obscuriores reddant, publicusque urbium deformetur hoc modo aspectus, arg. l. 2. C. De ædific. privat. ut in ejus præjudicium vicinus vicino facultatem tollendi altius concedere, juriq; publico derogare non possit l. ius publicum D. De pactis: tamen cum hæc res ferè pendeat à conventionione ac voluntate partium, & paciscendi contrahendique inter homines infinita sit occasio, vix est dubitandum, quin & eo modo servitus constitui possit, ut vicinus teneatur ædes suas altius extollere, aut parietem elevare, ad arcendam fortè vim venti aut caloris, aut alia qualibet de causa, fac. i. si arborem 17. §. 2. De servit. urb. præd. Vid. Coras, ad rubr. D. De servit. & 3. Miscell. c. 24. Bern. Walter. 1. Misc. c. 4. Elb. Leon. ad l. 1. De servit. præd. urb. Porro primus apud Romanos Augustus Cæsar, ne urbs Roma ædificiorum crebris ruinis succumberet constituit, ut supra LXX. pedes sublimius ædificare non liceret. At Augustum securus Nero ejusdem urbis, incendio deformata, domos, quæ supererant, non, ut antè nulla distinctione, neque passim erexit, sed dimensis vicorum ordinibus, & latius viarum spatiis cohibita ædificiorum altitudine, ac patet factis areis, ut est apud Tacit. XV. Annal. Augusti verò constitutionem postea renovavit Trajanus Imp. ut auctor est Sex. Aurelius Victor, statuens, ne domorum altitudo LX. superaret pedes, ob ruinas faciles, & sumptus, si quando talia contingerent, exitiosos.

Ibid. in fine.) Vicinæ sunt hæc servitutes, de què earum differentiis vide D. Zoef. ad tit. D. De servit. præd. urb. nu. 9. & seqq. Coras ad l. 1. nu. 21. & seqq. De servit. Hotom. 2. Amicab. Resp. al. 12. Obser. c. 4. Duar. 1. Diss. c. 33. Ant. Fabr. 19. Conject. c. 15. Hun. 2. Var. res. tract. 2. qu. 6. Sed & servitutem Altius non tollendi & Ne luminibus officiatur usu & fine vix distingui, adeoque unam & eandem videri servitutem, non duas, scribit Cujac. 17. Obs. c. 35. à quo dissentientes vide Ant. Fabr. ubi sup. Franc. Hotom. 2. Amicab. Resp. c. 5. & Hunnium loco iam cit. qu. 5. Nam latius patet servitus Ne luminibus officiatur, quàm Altius non tollendi, cum non tantum ædificando, sed & per depressionem ædificij officii luminibus possit, d. l. 17. §. 2. De servit. præd. urb. aliisque modis, quia per hanc servitutem id in prædio serviente acquirit dominus prædij dominantis, ne quid in eo plantari aut poni possit, quo lumina sua fenestrasque obscurerentur, quod alioqui cuilibet foret licitum. Alia quoque est servitus, Ne luminibus officiatur, ab ea, quæ Luminum dicitur. Hotom. loco iam cit. Tim. Fabr. Diss. 15. th. 7. Luminum verò servitute constitutæ id acquisitum videtur, inquit Paulus, ut vicinus lumina nostra excipiat, l. 4. D. eod. id est ut fenestras nostras versus aream suam apertas habeat, & cui hæc servitus competit, dicitur habere jus luminis immittendi, & jus fenestras inimmittendi, l. Eos qui 40. D. eod. An verò & quatenus liceat in suo fenestram facere versus aream vel hortum vicini, disputat D. Tuld. ad h. t. c. 5. addens ex moribus, vetari quem lumina vel fenestras facere, unde directè, proximè & de plano prospiciatur

in aream vicinam; ideoque certum præscribi spatium, quo distare ejusmodi fenestræ à pavimento vel tabulato debeant.

Num. 11. in fine. (Differentia tamen est inter contractus & ultimas voluntates. In contractibus servitus prædio non debetur, neque transit in hæredem, nisi fuerit constituta. In ultimis voluntatibus jus servitutis seu quasi dominium servitutis, ad instar rerum corporalium, *l. A. Titio 64. de furt.* statim à morte testatoris rectâ viâ transit ad hæredem vel legatarium, absque alia constitutione, vel absque traditione aut quod vice traditionis est, *l. Si partem 19. D. Quemad. servit. amit.* Ratio differentiæ, quia non ut viventium, ita & defunctorum actus suspendi receptum est, *l. ult. in fine D. Commun. prædior.* Nic. Villa *De reb. dub. tract. 7. nu. 4.* Moribus nostris per judicem certâ quadam legis operâ, aut additione ad rem immobilem, murum fortè Curiæ aut domus civiciæ, jus & corporale alteri constituitur; quemadmodum & in rerum immobilium alienatione fieri consuevit. Preder. à Sande *tract. de Effestucatione c. 1.* ubi scribit effestucationis subiectum esse etiam servitudes ad jura prædiorum.

Nu. 12. in fine) Nam servitudes omnes causam perpetuam & quasi possessionem continuam habere debent, quamvis continuò quis ijs uti non possit, *l. Foramen 28. De servit. præd. urb.* Ita enim licet perpetuò & continenter ire non possim, tamen iter sive jus itineris perpetuò & continenter habere possum. Vide Hun. *Var. resol. lib. 2. tract. 2. qu. 10.* Porro in hac acquisitione scientia & patientia domini est loco tituli, nec alius titulus requiritur, *l. Si quis diuturno 10. D. Si servit. vind. l. ult. De aqua & aqua pl. arc. l. 1. & 2. C. De servit. & aqua.* Vel dicendum titulum specialem non requiri, veluti pro legato, pro donato, pro emptore, verum sufficere generalem pro suo. Ita Nic. Valla, *d. tract. 7. nu. 5. & seqq.* addens *ibid.* legibus Parisiorum in urbana servitute nullam admitti usucapionem absque titulo: quod & consuet. Antverp. expressum est *tit. 62. art. 13.* De præscriptione verò servitutum vide Ant. Fabr. *19. coniect. c. 9. 10. & 11.* Marc. à Lyclama *2. Membrans Ecl. 6.* Hun. *ubi sup. qu. 14.* Bus. *ad l. 14. D. De servit.*

Nu. 13. ibi, & *l. 4. §. fin. D. De usucap.*) At è diverso si cum tu jus haberes immittere, ego statuto tempore adificatum non habuero, quo posses immittere, non ideo libertatem usucepisse videbor, quia nullo facto jus tuum interpellavi, *l. Si quis. 18. in fine D. Quemad. servit. amit. l. Et si fortè 6. §. 1. Si servitus vind.* Rad. Forner. *a. Rer. quotid. c. 12.*

DE VSVFRVCTV.

TITULUS IV.

Ususfructus est jus alienis rebus utendi fruendi, salvâ rerum substantiâ. Est autem jus in corpore, quo sublato, & ipsum tolli necesse est.

1. Ususfructus à proprietate separationem recipit, idque pluribus modis accidit: ut ecce, si quis usumfructum alicui legaverit. Nam hæres nudam habet proprietatem, legatarius verò usumfructum. Et contrâ, si fundum legaverit, deducto usufuctu, legatarius nudam habet proprietatem, hæres verò usumfructum. Item alii usumfructum, alii deducto eo fundum legare potest. Sine testamento verò si quis velit usumfructum alii constituere, pactionibus & stipulationibus id efficere debet. Ne tamen in universum inutiles essent proprietates, semper abscedente usufuctu, placuit certis modis extinguere usumfructum, & ad proprietatem reverti.

2. Constituitur autem ususfructus non tantum in fundo & ædibus, verum etiam in servis & jumentis, & cæteris rebus: exceptis iis, quæ ipso usu consumuntur. Nam hæ res neque naturali ratione, neque civili recipiunt usumfructum: quo in numero sunt vinum, oleum, frumentum, vestimenta: quibus proxima est pecunia numerata. Namque ipso usu assiduâ permutatione quodammodo extinguuntur. Sed utilitatis causâ Senatus censuit posse etiam earum rerum usumfructum constitui: ut tamen eo nomine hæredi utiliter caveatur. Itaque si pecuniæ ususfructus legatus sit, ita datur legatario, ut ejus fiat, & legatarius satisfaciat hæredi de tanta pecunia restituenda, si morietur, aut capite minuetur. Cæteræ quoque res ita traduntur legatario, ut ejus fiant: sed æstimatis his, satisfacitur, ut si moriatur, aut capite minuatur, tanta pecunia restituatur, quanti hæ fuerint æstimatæ. Ergo Senatus non fecit quidem earum rerum usumfructum (nec enim poterat) sed per cautionem quasi usumfructum constituit.

3. Finitur autem ususfructus morte usufructuarii, & duabus capitis deminutionibus maximâ & mediâ, & non utendo per modum & tempus: quæ omnia nostra statuit Constitutio. Item finitur ususfructus, si dominio proprietatis ab usufructuario cedatur (nam cedendo extraneo nihil agitur:) vel ex contrario, si usufructuarius proprietatem rei adquisierit, quæ res consolidatio appellatur. Eo amplius constat, si ædes incendio consumptæ fuerint, vel etiam terræmotu, vel vitio suo corruerint, extinguere usumfructum, & ne aræ quidem usumfructum deberi.

4. Cum autem finitus fuerit totus ususfructus, revertitur scilicet ad proprietatem, & ex eo tempore nudæ proprietatis dominus incipit plenam in re habere potestatem.

COMMENTARIUS.

SUMMARIA.

1. *Vsusfructus definitio.*
2. *Divisio in usumfructum formalem & causalem.*
3. *Vsusfructus quibus modis constituatur & acquiratur.*
4. *In quibus rebus, deque proprio & improprio usufructu.*
5. *In utroque quatenus necessaria sit cautio prestanda.*
6. *Cautio nem illam de substantia proprij usufructus non esse.*
7. *An sit de substantia improprij seu quasi usufructus?*
8. *In quo distet hic usufructus à mutuo.*
9. *Cautio predicta an à testatore remitti possit.*
10. *Vsusfructus cur perpetuus esse non possit.*
11. *Extinguitur primò morte naturali.*
12. *II. Morte civili.*
13. *III. Non utendo per modum & tempus.*
14. *IV. Rei interitu* 15. *V. Rei mutatione.*
16. *Restituitur à re an redintegretur usufructus?*
17. *VI. Lapsu tempore, ad quod constitutus, aut cessante conditione.*
18. *VII. Cessione usufructus domino facta.*
19. *Quid si cedatur extraneo?*
20. *Cedi commoditas potest, non ipsum jus usufructus.*

1 **P**ersonalis servitus jus tribuit circa re aliena personæ: cujus species est *VSVSFRUCTVS*, id est *JVS ALIENIS REBVS VTENDI, FRUENDI, SALVA RERUM SUBSTANTIA*. Est enim jus circa res alienas, tamquam accidens, ut necesse sit illas salvas esse; alias, iis sublati, accidens salvum esse non posset. (a) Verba, *VTENDI, FRUENDI*, denotant finem, qui est, ut omnis rei commoditas transeat ad fructuarium, in quo distinguitur ab usu, ut dicitur *Tit. seq.*

2 (b) * Pertinet autem hæc definitio, non ad eum usumfructum, quem causalem vocant, qui est conjunctus proprietati, ejusque dicitur pars, *l. 4. D. h. t.* sed ad formalem, qui est separatus à proprietate, ponitque servitutis personalis speciem.

3 (c) * Separatur autem constituiturque alteri, vel per legem, ut patri in bonis adventitiis liberorum, *l. fin. C. De bonis liber.* vel per Judicem, in judiciis divisoriiis, uni adjudicatâ proprietate, alteri usufructu, *l. V. usufructus §. 1. D. h. t.* vel per factum domini, cui libera est rerum suarum administratio, idque aut pactis idoneis ad transferendum rerum dominium, aut ultimâ voluntate, *l. 3. & d. l. 6. D. h. t.* legando alicui fundi proprietatem, relicto apud heredem usufructu, aut e contrâ. (d) Acquiratur etiam lapsu decem annorum, juxta *l. fin. C. De præscr. longi temp.*

§. Constituitur.

USUFRUCTUM esse circa corpus tamquam accidens, quod ideo saluum confer-
vandum esse, dictum suprà. Ut rectè hic dicatur non constitui, nisi circa rem si-
ve mobilem sive immobilem, cuius usus non sit in abusu, nimirum NON TAN-
TUM IN FVND0 ET ÆDIBVS, VERVM IN SERVIS ET JVMENTIS, &
similibus: ut constitui nequeat in rebus fungibilibus, uti VINO, OLEO, FRV-
MENTO, VESTIMENTIS, (e) PECVNIA; quarum rerum usus est in abusu. Vn-
de huiusmodi res NEQ; NATVRALI RATIONE, NEQVE CIVILI RECIPERE VSVMFRV-
CTVM dicuntur, saltèm propriè sumpto *Vsufructus* vocabulo: neque enim iis uti
possumus, salvâ substantiâ. VTILITATIS tamen CAVSSA IN EJVSMODIRE-
BVS SENATVM ADMISISSE VSVMFRVCTVM, docet text. *hic & l. 1. D. De*
usufr. ear. rer. qua usu conf. SVB CAUTIONE tamen EO NOMINE HÆREDI
PRÆSTANDA. * Quâ non tantum opus in isto improprio usufructu, verum & in
proprio; diversâ tamen. Nam in improprio cavendum tantum est de restituenda
re suo tempore, non in specie, quia res inutilis foret fructuario, secundum dicta, sed
in genere, ejusdem qualitatis aut saltèm ejus æstimatione, *text. hic & l. 7. D. De usu-*
fructu ear. rer. In proprio cavendum est, primò de re restituenda in specie, quando
ad fructuarium pertinere desierit. Secundò, de utenda eâ ad arbitrium boni viri, *l.*
1. in pr. & §. 3. D. Vsufructuarius quemad. caveat, ut nimirum substantia sit salva. Quo
modo in eâ reficiendam sumptus faciet fructuarium, modicos tamen, *l. 7. §. quoniam*
D. b. t. ut factam tectam rem præster, l. 7. C. b. t. Oportet autè CAUTIO SIT IDO-
NEA, qualis est, quæ fit per fidejussores aut pignora; nisi obset inopia, quæ faciet
juratoriam sufficere, *arg. l. 1. §. superest C. De adfert. tollen. & Auth. Generaliter C. De E-*
piscopis & cler. (F)

Quæstionis autem est, An ea cautio sit de substantia. Et dicendum, necessario
quidem præstandam esse, si exigatur; quo modo accipiendæ pleræq; leges, quæ de
cautione præstanda agunt; de substantia autem non esse, saltèm proprii usufructus,
cùm non respiciat actionem & obligationem, eamq; elidat, sed solum securitatem
tradentis, *l. Si cuius 1. 3. D. b. t. uti patet ex eo, quòd abesse possit, ut in casu l. fin. §. fin*
autem C. De bonis qua liberis, & l. 9. §. planè D. Vsufructuar. quemad. caveat. Unde & ante
cautionem præstitam fructus suos facit fructuarium, modò petenti non recuset præ-
stare cautionem, *l. 2. §. 1. D. Quod legatorum.* Facit pro hac parte, quòd hæres cauti-
onem remittere possit; cùm ejus causâ cautio exigatur, & cuique liceat jus suum
remittere, *l. Potest 7. l. D. Ad L. Falcid.* * Quantum ad quasi usumfructum, plerique vo-
lunt cautionem esse de substantia, per *l. 4. 7. & alias D. De usufructu ear. rer.* quæ vi-
dentur omnino desiderare cautionem. Facit textus hic, qui dicit, Senatam consti-
tuisse quasi usumfructum in rebus fungibilibus PER CAUTIONEM, quasi sine ea
nihil videatur futurum loco substantiæ. Verum & hac in specie non esse cautionem
de substantia, verius est, ut patet ex *l. 5. §. 1. D. De usufr. ear. rer.* ubi, non interveniente
cautione, dicitur nihilominus consistere ususfructus, & eo constante condici posse
cautio. Facit, quòd & hac in specie possit remitti per heredem, *juxta dicta sup.* Nec
obstant dictæ leges, & similes, cùm loquantur tantum ex necessitate ex hypothesi,
scilicet

- scilicet si cautio exigatur. Non etiam obstat hic locus, in quo non ideo Senatus dicitur constitui quasi usufructum per cautionem, quasi esset de ejus substantia, sed ad majorem securitatem ipsius hæredis, & promptius remedium consequendæ æstimationis, qui est si. is cautionis; non etiam ut ponat obligationi substantiam, quæ sic etiam sine cautione constabit, in eo, ut reddatur eadem res in genere, aut æstimatione tantumdem atque relictum est: uti in vero usufructu obligationis substantia consistit in restituendo eandem rem salvam. Quod facit *d. l. §. 1.* ubi etiam omisâ cautione condicetur ipsa quantitas, idque non alia de causa, quam quod etiam sine cautione ad eam sit obligatus. Facit, quod in mutuo non requiratur cautio ad substantiam obligationis, quæ nascitur ex ipsa rei traditione, cum & in eo id quod datur sit in usus. Nec rectè inde aliquis intulerit,
- 8 quasi usufructum non distare à mutuo, admissâ istâ opinione: * nam ab eo distat primo, quod tantum constituatur ultimâ voluntate, *l. 1. D. De usufr. earum rer. mutuum autem inter vivos.* Secundò, quod admittat æstimationem ejus, quod relictum, reddi, *l. 7. D. d. r.* cum ut satisfiat mutuo sit reddenda res ejusdem generis; ne utiquam autem satisfiat offerendo æstimationem, *l. 2. in pr. D. De reb. creditis. (g.)*
- 9 Dictum suprâ, hæredem posse remittere cautionem: ubi dubitatur, An & idem liceat testatori. Quod videri posset, cum non minùs juris sit in rem suam testatori, quam hæredi, qui cum possit non relinquere rem istam hæredi, videatur etiam posse relinquere cum hac conditione, ne exigat cautionem. Eò facere videtur *l. 2. C. Vr in possessionem legator.* ubi cautio legatorum nomine hæredi remitti potest per testatorem. Dicendum tamen, non esse eam licentiam testatori, per expressum text. in *l. 1. C. h. t. & in l. Si pecunia G. D. Vr in poss. leg.* ubi remissio cautionis per testatorem non facit, quò minùs hæres exigat. Cujus rationem communiter tradunt, quòd per cautionis, de utendo boni viri arbitrato, remissionem invitaretur ad delinquendum fructuarius; & quòd delus futurus remitteretur, contra *l. Si unus 27. §. illud D. De pactis.* Quæ ratio non exhaurit difficultatem, cum per *l. fin. C. Arbitrium tutela,* remitti possit inventarii contestio tutori, cui tamen facile est committere dolum, Præterea si data ratio sufficiens foret, nec deberet hæres posse remittere cautionem, cui tamen id concessum esse communiter tenetur. Videtur itaque rectius in eo collocanda ratio, quòd cautio hæc sit inducta in favorem hæredis, cui lex consultum voluit, ut ei non possit contraveniri per testatorem, juxta text. in *l. Nemo 55. D. De legat. 1.* Unde patet solutio ad prius argumentum: nam cum agatur hæredis favor, licet ei diminueretur jus suum & remittere cautionem, *l. Potest 71. D. Ad L. Falcid.* non etiam testatori, quòd videatur remittere jus alienum. Patet etiam solutio ad *d. l. 2.* quia remissio cautionis, de qua ibi, tendit in exonerationem hæredis, quam ideo ex judicio testatoris remitti posse admittunt leges. Non rectè quis objecerit, quòd, cum cautio non sit de substantia, nihil peccetur per remissionem, neque enim ideo per quemlibet remittenda, sed tantum per eum, cujus interesse posset. (h)

§. *Netamen.*

Recte iste §. præponitur §. *finali*, siquidem contineat usumfructum non esse perpetuum, quod ipsam proprietatem faceret inutilem domino, omni ejus commoditate cedente ipsi fructuario, ut placuerit certis modis eum extinguere, de quibus §. *fin.* Verum ista ratio non est generalis obtinens in omnibus servitutibus personalibus; neque enim per usum tam aufertur rei commoditas domino, quam minuitur. Vnde ratio generalior est, quod personæ debeantur hæc servitutes, ideoque cum persona extinguantur.

§. *Finitur.*

Extinguitur autem ususfructus variis modis, de quibus hinc: & Primò quidem MORTE NATVRALI FRVCTVARI. Personæ enim jus cohærens cum persona extinguitur, ita ut ad hæredem non transeat, ne quidem personalis actio ad fructus pendentes pro rata temporis, ut habet verior & receptior opinio, & dictum sup. *Tir. 1. §. Is verò ad quem*; nisi & ejus persona fuerit comprehensa, eique etiam relictus ususfructus, l. 5. D. *Quib. mod. usufr. amit.* (i) Civitati vel Ecclesiæ relictus, similive corpori, extinguitur lapsu centum annorum, qui finis vitæ longævi hominis, l. *An ususfructus* 56. D. *d. t.* nisi antè contingat civitatem aratrum pati, aut Ecclesiam destrui; quæ sic definit esse, & habetur pro mortua, si fuerit destructa auctoritate superioris. Nam aliàs etiam destructa retinet sua privilegia, quæ & reedificatæ competunt. Jafon in l. *Inter stipulantem* 83. §. *sacram n. 26. De V. O.* Quod si ususfructus duobus conjunctim fuerit relictus, alterius mors non tam faciet eum extinguere, quàm accrescere conjuncto, l. 1. §. *interdum* D. *De usufr. accres.* Et hoc ex mente relinquentis, qui maluit apud alterum eorum, quibus conjunctim reliquit, esse, quàm apud hæredem. * Secundò, MORTE CIVILI, quam inducit maxima & media capitis deminutio, *tex. hic & l. 1. D. d. t.* quod tali affectus, cum careat civitate, ejus juribus gaudere nequeat. Minima hodie non facit extinguere usumfructum, quod per eam non perdat civitas, & jura sua integra adrogato maneant. (k) * Tertiò, NON VTENDO OMNINO PER DECEM ANNOS, quia videtur negligere, l. *fin. C. De præscr. longitemp.* vel NON MODO ET TEMPORE DEBITO, quia videtur non uti, l. *Si communem* 10. §. 1. D. *Quemad. ser. amit.* * Quartò REI INTERITV: sublato enim corpore, circa quod jus versatur, & hoc tolli est necesse, ut habetur sup. in *pr. h. t. & l. 2. D. eod.* cum sit quædam rei qualitas, quæ nulla est rei extinctæ. * Idem est, SI REM CONTINGAT MUTARI, cum ratione novæ formæ res sit alia, non affecta eadem qualitate. Hinc domo fructuariâ diruta aut collapsâ, perit ususfructus, & aræ fructuariæ impositum ædificium facit cessare usumfructum, l. 5. in *fine* D. *Quib. mod. usufr. amit.*

Dubium autem, an re restituta redintegretur ususfructus. Quod non videtur per d. l. 5. §. 2. ex eo, quod res mutata quoad formam, non possit videri esse eadem. Quod procedit, quatenus forma est nova, & pristina omnino extincta: nam si pristina forma redeat, redintegrabitur ipse ususfructus; veluti si aræ fructuariæ sit imposita insula, perit quidem tantisper ususfructus, insula tamen destructa redintegra-

- tegrabitur, *l. Qui ususfructum 36. in pr. D. h. t. & l. Qui res. 98. §. aream 8. de solut.* Ratio diversitatis est, quòd illo casu res omninò interierit, cum omnibus suis qualitatibus, quæ non possunt videri eadem esse in re nova, quæ non est eadem numero cum pristina: hoc verò casu non tam res perierit, quàm ejus usus sit sopitus tantisper; destructa autem insulâ, area sit eadem numero, easdem habens qualitates, ut ejus restitutio faciat restitui ususfructum, *d. l. 36. & l. Si area 71. D. h. t.*
- 17 * Quintò, LAPSO TEMPORE, ad quod concessus, aut CESSANTE CONDI-
 18 TIONE, quæ adjecta, *l. §. C. h. t.* Ad tempus enim aut conditionem concessa eorum
 9 eventu censentur revocata. * Sextò, CESSIONE VSVSFRUCTVS DOMINO
 FACTA, qui modus dicitur *Consolidatio*, quòd ususfructus accedens proprietati
 eam faciat solidam, *text. hic.* Idem si fructuario accedat proprietas, quia res sua ne-
 7 mini servit. Fit autem hic mentio cessionis domino factæ. * Vbi sunt, qui idem pu-
 tent obrinere, si cedatur extraneo, citra consensum domini, extingui scilicet con-
 tinuò ususfructum, & ad proprietatem reverti, per *l. Si ususfructus 66. D. De jure do-
 tium*, ubi dicitur, ad extraneum non transire ususfructum cessum, eò quòd illi cedi
 nequeat, sed ad proprietatis dominum reversurum. Verùm obstat, quòd inanis co-
 natus non debeat obesse, secundum regulam. Non præstat impedimentum, quod
 de jure non fortitur effectum, *de R. l. in 6.* Hoc autem in casu obesset, cum cedens
 eum amitteret; cujus tamen non est alia mens, quàm cedere in utilitatem cessio-
 narii, non etiam domini. Quo modo *text. hic* rectè dicit, nihil agi istà cessione :
 quod minùs rectè diceret, si hoc ipso extingueretur; cederet enim domino pro-
 prietatis. Quod admittit quidem textus *hic*, negat autem in casu, quo ceditur ex-
 traneo, dum dicit, NIHIL AGI, id est non transire ad cessionarium, nec amitti à
 cedente. Nihil obstat *d. l. 66.* nam non est intentio J. C. quòd hoc ipso amittatur &
 ad proprietatem redeat, sed demùm suo tempore, legitimo scilicet modo extin-
 ctus ex persona fructuarii, ut satis ibi indicatur per verbum, *reversurum*, quod est
 20 futuri temporis. Pinell. ad *l. 1. p. 3. n. 39. C. de bonis maternis.* * Quod autem dictum,
 extraneo cedi non posse, accipiendum est quoad ipsum jus, quod non potest pen-
 dere ab alia persona, quàm in qua primò est constitutum, quæ non potest ullate-
 nus illud jus transferre in alium, propter detrimentum domini, quod subest in eo,
 quòd res seriùs ad eum reverteretur. Nam quantum ad commoditatem, eatenus
 transferri potest, vendendo, locando, donando : quia res ea factum respicit, quod
 etiam per alium expeditur, ipso jure remanente in persona fructuarii, à qua de-
 pendet, & quâ extinctâ extinguitur, *l. 8. §. fin. D. de periculo & commodo rei vend.* Et
 ita accipiendi textus, qui dicunt, jus ususfructus vendi, locari, cedi posse, inter
 quos est *§. 1. tit. seq.* non etiam de ipso jure; quod personale minimè ceditur. Quasi
 ususfructus finitur morte fructuarii, & eà capitis deminutione, quæ adimit civita-
 tem, *l. 7, 9, 10. D. de usufr. ear. rer. quæ usu consi.* Adde, si sub tempore aut conditione
 sit concessus, *Glos. in d. l. 9.*

ADDITIONES V. A. D.

Num. 1. ibi, saluum esse non possit.) Unde emphyteuta, vassallus, superficialarius, cum sint quasi domini, & substantiam rei mutare possint, l. 2. & 3. C. de jure emphyt. non possunt dici habere jus urendi fruendi in rebus alienis, arg. l. 1. D. Si ager vetig. vel emphyt. per.

Ibid. in fine.) Plus enim est *Frui* quam *Uti*. Nam *Uti* est tractare rem ad eum usum, ad quem naturâ est comparata, ad usum scilicet quotidianum & necessitatem, §. 1. inf. de usu & habitat. *Frui* verò est quantum commodorum ex re aliqua percipi potest, tantum capere, non tantum ad usum, sed & ad abusum, ad compendium & quæstum, quin etiam ad voluptatem, non ad necessitatem V. G. Legato usufructu fundi alicujus, quicumque redditus & obventiones, sive naturâ sive civili ratione proveniant, ad fructuarium pertinent, l. V usufructu 7. D. eod. nimirum quidquid in fundo nascitur ac renascitur, quidquid ex fundo percipi & capi in fundo potest; quò spectant redditus aucupiorum, venationum & piscationum, l. 9. D. eod. Item usuræ, pensiones, mercedes, vecturæ navium, & similes obventiones, l. Mercedis 29. D. de petit. hered. & l. Si navis 62. de rei vind. quæ quidem non sunt fructus propriè, sed vicem fructuum obtinere dicuntur, l. V sura 34. D. de usur. Vide Leonin. Comment. de V usufructu c. 1. n. 6. & seqq. & plenius in repetita sua Prælect. ad rubr. & ad d. l. 7. D. eod. Imò & redditus vitalitios fructuario omnium bonorum à suprema Hollandiæ Curia adjudicatos fuisse, refert Corenus Obs. 7. Quin & usufructuarius silvam cæduam, quæ succidi & renasci solet, l. Silva 30. D. de V. S. cædere & vendere potest annis consuetis, d. l. 9. in fine; non etiam arbores fructiferas, grandiores aut incæduas. Pinel. ad l. 1. C. de bonis maternis p. 2. n. 59, Garzias de expensis & meliorat. c. 11, n. 31, & seqq. Christin. ad consuet. Mechlin. tit. 1 §. art. 4, & decis. 129, vol. 1, & concordant consuet. Antverp. tit. 48, art. 10, ac Lovan. cap. 13, art. 6, & 7.

Num. 2. in fine.) Divisio hæc ususfructus in causalem & formalem, si ad vivum refecetur, fortè vana videbitur, ut quæ non sit generis in suas species, improbata propterea à recentioribus plerisque, Connano 4. Com. c. 3. Corasio § miscell. c. 3, & ad l. 1. n. 3, de servit. Joan. Brechæo ad l. Rectè dicimus 25, D. de V. S. Ant. Fabro 15, conject. c. 8, Arum. Exercit. §, th. 16. Nam ususfructus, quem causalem vocant, quia comitetur suam causam seu proprietatem, nihil est aliud quàm emolumentum, ac commodum, quod quilibet dominus è re sua percipit. Id enim cujusque proprium esse intelligitur, quo quisque fruitur atque utitur, ait Cicero lib. 7. epist. 30. Attamè sustineri potest vel doctrinæ causâ, & exemplo proprietatis, quæ eodem modo dividi solet in nudam, id est separatam ab usufructu & utilitate rei, & plenam ac solidam, consolidatam scilicet cum usufructu §, ult. in fine h. r. & §, proprius autem inf. de hered. instit. Nec desunt exempla juris, quibus prædicta distinctio probetur, quæ refert Leonin. de usufr. c. 5. Et certè dum quæritur, an ususfructus sit pars domini, leges in speciem pugnantes (scil. d. l. Rectè dicimus 25, De V. S. & l. 4. D. h. r. que

quæ utraque Paulum I.C. auctorem habet, hinc quoque à quibusdam non male conciliari & explicari solent, ut quidem causalis usufructus pars sit dominii, id est partis instar obtineat, & effectum partis habeat, *d.l.4.l. Marcius 66 §.6. & l.cum Filius 76. §.2. D. De legat. 2.* ut verò usufructus formalis non pars dominii, sed servitutis sit, *d.l.2 § De V.S. Vide Cujac, ad d.l.3. quæ est ex lib. 2. Pauli ad Edict. & ad l. Qui usufructum § 8. De verb. oblig. Wefenb. D. h. t. n. 4. Vigl. ad §. alienus servus Instit. de hereditibus instit. Rad. Forner. 2. Rer. quotid. c. 13. Leonin. de Vusufr. c. 5. per tot. Hun. Var. res. sol. lib. 2. tract. 2. quest. 20. & 21.*

Num. 4. ibi, VESTIMENTIIS.) Si utique considerentur, non ut corpus, sed ut quantitas, & appareat instar quantitatis relicta esse, vel actum fuerit ab initio inter contrahentes, ut vestes redderentur non in specie eadem, sed in genere; quo casu æstimatis vestibus, satis datur. Quæ & plerumque conficiuntur ex rebus fungibilibus, veluti lana, serico, ac similibus; & quamquam illicò non consumantur, utendo tamen minuuntur, vel potius atteruntur & pereunt, *l. Si in rem 6. D. De rei vind. & arg. l. Sed si 15. §. 4. D. h. t.* Alioqui & verum usufructum consistere in vestimentis negandum non est, quamvis alio atque alio respectu in hoc & quasi usufructu. Nam in vero usufructu ita vestimentis uti usufructuarius debet, ne abutatur, vel consumat omninò, nec ad eum transit proprietas: secùs in usufructu quantitatis, in quo fructuarius ita uti potest, ut non tantum minuat & atterat, sed & omninò consumat, *l. 7. D. De usufr. ear. rer.* Ita ferè Marc. Lyclama 4. *Membran. Ecl. 24.* quem sequitur Hunnius *ubi sup. quest. 29.* Aliter de hac re sentientes videre est apud Leon. *de Vusufr. c. 12. n. 12. & seqq.* Donel. *10. Com. c. 4.* Bachovium *hic & ad Treutl. vol. 1. disp. 16. th. 16.* Ever. Balck *1. Fleck, c. 1.*

Num. 5. in fine.) Modò etiam affirmet, jurètque se dare aut reperire pignora vel fidejussorem non posse, & sit homo frugi ac probata vitæ; idque humanius est. *Gail. 2. Obs. 47. n. 8. Wefenb. ad tit. C. De satisdat. n. 3. Buius ad l. 4. & 5. n. 11. & seqq. de usufr. ear. rer. Barbosa ad l. Divortio §. interdum. n. 27. & seq. D. Solutio matrim. Fachin. 8. contr. c. 40. Surd. decis. 141. per tot. referens ita in Senatu Mantuano judicatum, ut & Cacheran. in Senatu Pedemont. decis. 153. sub fin.*

Num. 8. in fine.) Porro cautionem non esse de substantia etiam in quasi usufructu, nisi ex hypothese, plures tenent, *Pinel. ad l. 1. C. De bonis mater. p. 2. n. 78. Fachin. 8. contr. c. 43. Bui. ad d. l. 4. & 5. de usufr. ear. rer. & 4. Subril, c. 4. Myns. cent. 1. Obs. 6. Gail. 2. Obs. 46. n. 6. & seq. Joan. del. Castillo tract. de Vusufr. c. 16. n. 26. Christin. ad consuet. Mechlin. tit. 15. art. 1. n. 9. & seq.* Quod & in praxi servari notat idem Bui. nempe ut, cautione omisâ, fructuarius nihilominus emolumentum rei usufructuaria sibi habeat: atque ita in Senatu Sabaudia judicatum refert Ant. Fab. *in Cod. suo lib. 3. tit. 23. defin. 3. Diss. Donel. 4. Com. c. 4.* eumque secutus Hunn. *loco citato, quest. 30*

Num. 9. in fine.) Ita And. *Gail. 2. Obs. 145. Pinel ad l. 1. C. de bonis mater. p. 2. n. 76.* & secundum hanc sententiam in suprema Hollandia Curia judicatum fuisse habet decisio xx. ejusdem Curia.

Nu. 11. ibi, Quib. modis usufr. amit. Quo casu non omnes haredes accipiuntur, sed primus dumtaxat; quamvis aliàs appellatione haredis etiam haredis haredes contineantur, l. *Heredu appellatio* D. De V. S.

Nu. 12. in fine. An verò Monachus ipso ingressu seu professione monasticâ haberi debeat pro civiliter mortuo, ut sic quoque in ejus persona censeatur extinctus usufructus, dubitatum fuit. Verum obtinuit sententia negans ut probabilior, si utique monasterium sit capax bonorum, & admittat possessionem in communi. Nam commoditas usufructus transit ad ipsum monasterium, & durat durante vitâ ingredientis. Nec uspiam definitum extat, monachos eo casu habendos pro mortuis civiliter, aut per monachismum minui caput: neque enim alia est capitis minutio seu status mutatio, quàm quæ consistit in jure civitatis, vel libertatis, vel familiæ, quæque vel tria illa simul, vel aliquid eorum tollit Barth, Socin. *conf.* 10. lib. 1. Steph. Durant. *Quæst. juris* c. XI.

Nu. 20. ibi, minimè ced.) Ususfructus an& quatenus pignori hypothecæ dari, vendi, locari ac gratis concedi ab usufructuario possit, disputat larè Joan. del Castillo tract. de usufr. c. 69. arque ita statuit, ut quidem fructuarius jus usufructus sibi competens donando, vendendo in alium transferre possit, ita tamen, ut à se non omninò abdicet jus illud, sed potiùs per donatarium vel emptorem retineat, ac per eum utatur fruatur, l. *Non utitur* 38. D. De usufr. Ut verò cedi extraneo usufructus non possit; quia cedere in jure dicantur illi, qui dominium rei suæ in alium transferunt, illudque à se omninò abdicant. Sequitur Hunnius *Var. resol. lib. 2. tract. 2. qu. 32.* Alij duplex quodammodò jus usufructuario tribuunt, alterum merè personale, quod ab ejus persona avelli non possit; alterum à personali illo dependens, quod scilicet fructuarius habet in re fructuaria, consistens in jure utendi fruendi; hoc abire à fructuario, & in alium transferri posse. Ita Vinnius ad §. 1. inf. tit. prox. secutus Bachovium. Addi his possunt notata à Pinel. ad l. 1. C. De bon. mater. p. 3. nu. 37. & seq. Covarr. 1. *Var. res. c. 8. nu. 7.* Sarmient. 3. *Select. Interp. c. 9.* Garz. De expens. & meliorat. c. 10. nu. 27. & multis seqq. & de oppignoratione usufructus Ant. Faber 19. *coniect. c. 9.*

DE VSV, ET HABITATIONE.

TITVLVS V.

Iisdem illis modis, quibus usufructus constituitur, etiam nudus usus constitui solet, iisdemque illis modis finitur, quibus & usufructus definit.

1. Minus autem juris est in usu, quàm in usufructu: nam is, qui fundi nudum habet usum, nihil ulteriùs habere intelligitur, quàm ut oleribus, pomis, floribus, fœno, stramentis, & lignis ad usum quotidianum utatur: in eoque fundo hætenus ei morari licet, ut neque domino fundi molestus sit, neque ijs, per quos opera ru-

istica sunt impedimento: nec ulli alij jus, quod habet aut vendere, aut gratis concedere potest: cum is, qui usumfructum habet, possit hæc omnia facere.

2. Item is, qui ædium usum habet, hæcenus jus habere intelligitur, ut ipse tantum inhabitet, nec hoc jus ad alium transferre potest. Et vix receptum esse videtur, ut hospitem ei recipere liceat, & cum uxore, liberisque suis, item libertis, nec non personis alijs liberis, quibus non minus, quam servis utitur, habitandi jus habeat: & convenienter, si ad mulierem usus ædium pertineat, cum marito ei habitare liceat.

3. Item is, ad quem servi usus pertinet, ipse tantum operâ atque ministerio ejus uti potest: ad alium verò nullo modo jus suum transferre ei concessum est. Idem scilicet juris est & in jumento.

4. Sed & si pecorum vel ovium usus legatus sit, neque lacte, neque agnis, neque lanâ utetur usufructarius, quia ea in fructu sunt. Planè ad stercoreandum agrum suum pecoribus uti potest.

5. Sed si cui habitatio legata, sive aliquo modo constituta sit neque usus videtur, neque usufructus, sed quasi proprium aliquod jus: quamquam habitationem habentibus, propter rerum utilitatem, secundum Marcelli sententiam, nostrâ decisionem promulgatâ permisimus non solum in ea degere, sed etiam alijs locare.

6. Hæc de servitutibus, & usufructu, & usu, & habitatione dixisse sufficiat. De hereditatibus autem & obligationibus, suis locis proponemus. Exposuimus summatim, quibus modis jure gentium res adquiruntur: modò videamus, quibus modis legitimo & civili jure adquiruntur,

COMMENTARIUS. SUMMARIÆ.

1. *Ufus quid, qualiter constituatur & finiat,ur,*
2. *In quo differat ab usufructu.*
3. *Ædium aut servi usum habens quatenus utatur.*
4. *Item pecorum usum habens.*
5. *Resectio rei ad usufructum & dominum proprietatis communiter spectat.*
6. *Habitatio quid.*
7. *Opera servorum in quo differant ab usufructu.*
8. *Opera durant durante vitâ servi.*
9. *Ius decerpendi pomum ex alieno, & spatiandi in alieno est servitus personalis.*

AD personales servitutes spectant **VSVS & HABITATIO**. Ille describitur esse **JVS VTENDI REBUS ALIENIS, SALVA EARVM SVBSTANTIA**. Constituitur & finitur iisdem modis, quibus usufructus, *rex, hic in pr.* ac versatur circa res easdem. Cautio & hic necessaria de utenda re ad arbitrium boni viri, & eâ restituendâ, quando ad usufructum pertinere desierit, *l. 9. §. 4. D. usufructu.*

Vsufuctuar. quemad. caveat * Differt in eo ab usufructu, quod MINVS JVRIS SIT IN VSV, QVAM IN VSVFRVCTV. Nam usufructus omnem commoditatem complectitur, usus autem tantum personæ necessitate circumscribitur. Ut usum habens, quæstum & compendium ex re facere nequeat, sed solum capiat, quantum sibi suisque AD VSUM QVOTIDIANVM sufficit: ut alteri VENDE-RE, LOCARE, GRATIS CONCEDERE non possit, *tex. hic §. 1.* quia ista ad fructum pertinent; & cum non sit eadem omnium necessitas, contingeret domino rei injuria, nisi alioqui usus rei redderetur inutilis, *l. Divus D. h. t.* * Hinc est quod ædium usum habens ipse tantum habitet, non exclusâ tamen conjuge, liberis, familiâ, quibus carere minùs civile, non etiam elocet; & ut hospitem recipere liceat, *§. item is qui inf. eod.* Quodque servi usum habens ipse tantum utatur operâ, & ministerio ejus, ad alium verò jus suum nequaquam transferat. Idem & in jumento juris, *§. item is ad quem h. t.* * Quod autem ibi dicitur, cum, qui pecorum usum habet legatum, neque lacte, neque lanâ, neque agnis uti posse, quod hæc sint in fructu, non accipiendum, quasi ijs nullo modo uti possit fructuarius, sed non ad lucrum & quæstum: nam modicum istorum usum dat textus in *l. Plenum 12. §. sed si D. eod.* unde locus iste desumptus. Vbi pro ratione subjicitur, non esse strictè interpretandas defunctorum voluntates. * Quia autem usus non facit omninò rem inutilem domino proprietatis, fit, quod resectio ejus communiter spectet ad usuarium & dominum: nisi tamen usus sit ejusmodi, qui reddat rem inutilem domino, *l. Si domus 18. D. h. t. (a)*

§. Sed cui.

Servitutis personalis species est HABITATIO, quæ tamen non tam in jure consistit, quàm in facto; & non tam personam respicit, quæ habitat, quàm rem, quæ inhabitatur. Vnde MORTE quidem amittitur, TEMPORE adjecto lapso, non etiam NON VTENDO, nec CAPITIS DIMINVTIONE, *l. Si habitatio 10. D. h. t.* cum aliàs esse non intelligatur, quàm quatenùs habitatur. (b) Constituitur iisdem modis, quibus usufructus & usus: quibus tamen est strictior, cum tantum versetur circa ædes. Vsu autem in hoc largior, quod hodie liceat ei, cui habitatio relicta, eam locare, *l. Cum antiquitas 13. C. de usufr.* cum per se an per alium quis habitet, non intersit, quod olim non videretur, *per d. l. 10.*

Inter personales ponuntur & OPERÆ SERVORVM, *de quib. D. eo tit.* Quæ licet sub usufructu contineantur, multum tamen interest, operæ servi legentur, an usufructus, cum hic pereat varijs casibus, nec transmittatur ad heredem, ut dictum *Tit. superiore* illa verò nec amittantur capitis diminutione, nec etiam non utendo, *l. 2. D. d. t.* Cujus ratio est, quod magis spectentur ex re, quæ eas debet, quàm persona, cui debentur, & in facto actioneque servi consistent, ac proinde in rerum natura esse non intelligantur, nisi actu præstentur per servum, *l. 1. D. eod.* Quo non præstante, non rectè dixeris operas amitti, non magis quàm fundo non ferente fructus amitti usufructum. * Habent autem operæ hoc peculiare, quod ne quidem morte ejus, cui debentur, pereant, sed transeant ad heredem, donec vivit

servus,

servus, qui eas debet, aut usucaptus non est, *l. 2. D. de usufructu leg.* quia spectatur servus earum debitor. Consonum autem rationi est, unumquodque ex ejus persona, in qua consistit, stare aut interire.

Adnumeratur & servitutibus personalibus, decerpere pomum ex alieno, cœnare, spariari in alieno; non obstante *l. ut pomum 8. de servitutib.* nam ibi dicitur, ejusmodi non pertinere ad servitutem prædiorum, non etiam negatur pertinere ad servitutes personales. (c)

ADDITIONES V. A. D.

Nu. 5. in fine.) Denique ex eodem fonte, necessitatis scilicet personæ, fluxit & ea differentia inter usum & usumfructum, quod usus sit individuus, ususfructus vero dividiuus. Nam finis quidem pro parte possumus, uti pro parte non possumus, *l. usus 19 D. h. t.* Usus indigentia & necessitati personæ succurrit, quæ individua. Ususfructus consistit potissimum in fruendo & perceptione fructuum, nec habetur hic ratio ulla necessitatis: atqui fructus omnes divisionem recipiunt. Ita Jason, quem plerique sequuntur. Alij aliam differentia rationem assignant, Zaf. in *l. Stipulationes non dividuntur 72. nu. 8. & seqq. de V. O.* Alciat *l. Parad. c. 17.*

Nu. 6. ibi, quàm quat. habitatur.) quia in habitatione magis inspicitur factum personæ habitantis, seu facultas habitandi, quàm jus servitutis. Vndè placuit, habitatione alicui legatâ neque usum legatarum videri, quæ quorundam sententia fuit, quasi habitatio nihil aliud esset, quàm usus, *l. si habitatio 10. D. h. t. & l. Aquilius 27. D. de donat.* neque usumfructum, quod tamen putabat Marcellus, *tex hic.* Ideòque habitationem habentibus permitti non solum in ea degere, sed etiam alijs locare, ad instar usufructuarij: verum proprium aliquod jus potius in facto, quàm in jure consistens, *d. l. 10. & l. pen. de capite minut.* Vndè habitatione legatâ, ut est jus aliquod speciale, obtinuit ex Marcelli sententia, ut legatario sit licentia eam locandi, *l. cum antiquitas 13. C. de usufr. & habit.* non etiam donandi, *d. l. 10.* Legatâ verò habitatione, quâ talis est, seu ipsa re, quæ habitatur, ut est domus, seu ædificium ipsum, ut id possit à domino alteri commodari, *l. 1. §. 1. D. Commo. locari, l. si merces 25. D. Locati, & donati, d. l. Aquilius de donat. l. Et habet 15. §. 1. de precario.* Non male tamen dixeris, habitationem esse servitutem personalem, quia & definitio servitutis illi convenit: ut sit jus habitandi in ædibus alienis, salvâ earum substantiâ.

Nu. 9. in fine.) Planè si facultas pomum ex pomario decerpendi non tam voluptati, quàm necessitati & commodo culinæ concedatur, dubitandum non esse, quin id ipsum in servitutem usus personalem cadat, inquit Bus. *ad d. l. 8. nu. 3. per i. Plenum § 1. & l. usus aquæ D. de usu & habit.* Subjicitque ex moribus hodie receptis, ejusmodi rerum servitutes quodammodo reales effectas, ut scilicet communitati alicujus pagi, vici, villæ, vel prædio uni ab altero jus sit pascendi, ligna secandi, glandis legandæ, pomi ad certam quantitatem decerpendi, instar servitutum

tutum realium & perpetuarum. *Zaf. l. 1. Sing. Intellect. c. 11.* ubi testatur de consuetudine apud Germanos obtinente, & simile jus in venationibus observari. Adde *Gail. 2. Obser. 66.*

DE VSVCAPIONIBVS, ET LONGI TEMPORIS PRÆSCRIPTIONIBVS.

TITULUS VI.

Iure civili constitutum fuerat, ut qui bonâ fide ab eo, qui dominus non erat, cum crederet eum dominum esse, rem emerit, vel ex donatione, aliave iusta quavis causa acceperit, is eam rem, si mobilis erat, anno ubique uno, si immobilis, biennio tantum in Italico solo usucaperet, ne rerum dominia in incerto essent. Et cum hoc placitum erat, putantibus antiquioribus, dominis sufficere ad inquirendas res suas præfata tempora; nobis melior sententia resedit, ne domini maturius suis rebus defraudentur, neque certo loco beneficium hoc concludatur: & ideo Constitutionem super hoc promulgavimus, qua cautum est, ut res quidem mobiles per triennium, immobiles verò per longi temporis possessionem (id est, inter præsentes decennio, inter absentes viginti annis) usucapiantur; & his modis non solum in Italia, sed etiam in omni terra, quæ nostro imperio gubernatur, dominia rerum, iustâ causâ possessionis præcedente adquirantur.

1. Sed aliquando, etiam si maxime quis bonâ fide rem possederit, non tamen illi usucapio ullo tempore procedit: veluti si quis liberum hominem, vel rem sacram, vel religiosam, vel servum fugitivum possideat.

2. Furtivæ quoque res, & quæ vi possessæ sunt, nec si prædicto longo tempore bonâ fide possessæ fuerint, usucapi possunt. Nam furtivarum rerum lex duodecim tabularum, & lex Atilia inhibent usucapionem; vi possessorum, lex Julia & Plautia.

3. Quod autem dictum est, furtivarum, & vi possessorum rerum usucapionem per leges prohibitam esse, non eò pertinet, ut ne ipse fur, qui ve per vim possidet, usucapere possit (nam his aliâ ratione usucapio non competit, quia scilicet malâ fide possident) sed ne ullus alius, quamvis ab eis bonâ fide emerit, vel ex alia causa acceperit, usucapiendi jus habeat. Unde in rebus mobilibus non facile procedit, ut bonæ fidei possessoribus usucapio competat. Nam qui sciens alienam rem vendiderit, vel ex alia causa tradiderit, furtum ejus committit.

4. Sed id aliquando aliter se habet. Nam si hæres rem de iuncto commodatam aut locatam, vel apud eum depositam, existimans hæreditariam esse, bonâ fide accipienti vendiderit, aut donaverit, aut dotis nomine dederit: quin is, qui acceperit, usucapere possit, dubium non est; quippe cum ea res in furti vitium non ceciderit, cum utiq; hæres, qui bonâ fide tanquam suam alienaverit, furtum non committat.

5. Item si is, ad quem ancillæ ususfructus pertinet, partum suum esse credens, vendiderit, aut donaverit, furtum non committit. Furtum enim sine affectu furandi non committitur.

6. Alijs quoque modis accidere potest, ut quis sine vitio furti rem alienam ad aliquem transferat, & efficiat, ut à possessore usucapiatur.

7. Quod autem ad eas res, quæ solo continentur, expeditius ita procedit, ut si quis loci vacantis possessionem, propter absentiam aut negligentiam domini, aut quia sine successore decesserit, sine vi nanciscatur, quamvis ipse malâ fide possideat (quia intelligit se alienum fundum occupasse:) tamen si alij bonâ fide accipienti tradiderit, poterit ei longâ possessione res adquiri, quia neque furtivum neque vi possessum acceperit. Abolita est enim quorundam veterum sententia, existimantium etiam fundi locive furtum fieri: & eorum utilitati, qui res soli possident, principalibus constitutionibus prospicitur, ne cui longa & indubitata possessio debeat auferri.

8. Aliquando etiam furtiva, vel vi possessa res usucapi potest, veluti si in domini potestatem reversa fuerit: tunc enim, vitio rei purgato, procedit ejus usucapio.

9. Res fisci nostri usucapi non potest. Sed Papinianus scripsit, bonis vacantibus fisco nondum nuntiatis, bonæ fidei emptorem traditam sibi rem ex his bonis usucapere posse: & ita divus Pius, & divi Severus & Antoninus rescripserunt.

10. Novissimè sciendum est, rem talem esse debere, ut in se non habeat vitium, ut à bonæ fidei emptore usucapi possit, vel qui ex alia iusta causâ possidet.

11. Error autem falsæ causæ usucapionem non parit: veluti si quis cum non emerit, emisse se existimans, possideat: vel cum ei donatum non fuerit, quasi ex donatione possideat.

12. Diutina possessio, quæ prodesse cœperat defuncto, & hæredi, & bonorum possessori, continuatur, licet ipse sciat prædium alienum esse. Quod si ille initium justum non habuit, hæredi & bonorum possessori licet ignoranti possessio non prodest. Quod nostra Constitutio similiter & usucapionibus observari constituit, ut tempora continuentur. Inter venditorem quoque & emptorem conjungi tempora, divi Severus & Antoninus rescripserunt.

13. Edicto divi Marci cavetur, eum, qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem divæ memoriæ Zenonis bene prospexit ijs, qui à fisco per venditionem, aut donationem, vel alium titulum accipiunt aliquid, ut ipsi quidem securi statim fiant, & victores existant, si ve experiantur, si ve conveniantur: adversus autem sacratissimum ærarium usque ad quadriennium liceat ijs intendere, qui pro domino vel hypotheca earum rerum, quæ alienatæ sunt, putaverint sibi quasdam competere actiones. Nostra autem divina Constitutio, quam nuper promulgavimus, etiam de ijs, qui à nostra, vel venerabilis Augustæ domo aliquid acceperint, hæc statuit, quæ in fiscalibus alienationibus præfata Zenoniana Constitutio continentur.

C O M M E N T A R I V S.

S V M M A R I A.

1. Modi acquirendi dominij iure civili inducti.
2. Differentia inter usucapionem & prescriptionem.
3. Usucapio quid.
4. Usucapionis iustitia.
5. Requisita ad usucapionem: possessio iusta, eaq; continuata & temporis definita.
6. Item bona fides, eaq; ab initio, secundum ius civile.
7. Iure vero Canonico omnitempore requiritur.
8. Dubitans an iuste possideat & usucapiat.
9. Completa usucapione mala fides superveniens non nocet.
10. Requiritur praterea iustus titulus.
11. In servitutum usucapione an titulus requiratur.
12. Usucapi non possunt res, quae sunt extra commercium.
13. Non res furtiva & vi possessa.
14. Rerum mobilium quando procedat usucapio.
15. Partus ancilla furtiva non potest usucapi.
16. Non res fisci.
17. Non bona vacantia à fisco occupata.
18. Non res dotales.
19. Quibus usucapio non noceat.
20. Error falsa causa seu titulus putativus an, & quatenus prosit ad usucapionem.
21. Error iuris impedit usucapionem.
22. Ex titulo putativo in contractu emptionis venditionis non procedit usucapio.
23. Possessio qualiter interrumpatur.
24. Possessio continuata est, quae transit in successorem.
25. A fisco rem alienam emens quadriennij prescriptione tutus est.

HActenus de modis, quibus iure naturali dominium acquiritur. Sunt & modi inducti iure civili, partim nixi titulo singulari, cuiusmodi est Usucapio, Donatio, Legatum; partim universali, cuiusmodi est Successio ex testamento & ab intestato, Adrogatio, Bonorum possessio, Addictio bonorum libertatis servandae causâ, de quibus singulis suo loco. Hic de usucapionibus & prescriptionibus longi temporis agitur. * Inter quæ duo olim differentiae fuerunt; non quod præscriptio esset immobilium, usucapio verò mobilium, nam & per præscriptionem acquiri res immobiles certum est, ut patet tum ex hoc Tit. tum ex pluribus juris locis l. Si per errorem 17. l. Ei à quo 21. l. Non solum 33. §. 2. l. Quam rem 38. cum l. seq. D. h. t. sed quod usucapio esset rerum sive mobilium sive immobilium mancipi, id est quæ alienari poterant, ut prædia Italica, præscriptio verò

verò immobilium nec mancipi, quæ alienari & acquiri non poterant, uti prædia provincialia: quod per illam acquireretur directum dominium, & directa in rem actio, mobilium intra annum, immobilium intra biennium, hæc verò possessori daretur exceptionem peremptoriam, & quidem per longum, vel longissimum tempus. Hodie hæc aliter se habent, cum & provincialia usucapiantur, & perficiatur usucapio triennio aut decennio, ut mox dicetur; ex præscriptione autem etiam utilis in rem sit actio, *l. penult. in pr. C. de præscript. longi temp. & l. un. C. de usucap. transform.* (a)

- 3 Usucapio dicta, quod per usum capiamus, id est per possessionem acquiramus dominium: quo modo rectè dicitur in *l. 3. D. h. t.* esse ADJECTIO DOMINII PER CONTINUATIONEM POSSESSIONIS TEMPORIS LEGE DEFINITI. Dominium accipe de pleno & absoluto, non etiam de utili tantum, aut minus pleno, *l. Traditionib. C. de pact.* cum verbum simpliciter positum soleat accipi in principaliori significato. Et deinde dato, utile tantum dominium accedere per usucapionem, quo sine directum relinquetur apud pristinum dominum, qui ejus ratione à novo domino, licet re usucaptâ abutente, eam tamen minimè avocare poterit? (b)

- 4 De hujus justitia non est quod dubitetur, ex eo, quod videatur contraria juri naturæ, cui repugnat retinere alienum invito domino; cum non retineatur alienum, quatenus tale, post completam usucapionem. Nam per legem id, quod alienum fuit, domino ablatum, alteri, qui debito tempore possedit, est adjectum. Quod justè potuit fieri, ita exigente bono publico, cui correspondet, dominia esse certa, lites abbreviari, quod contingit per usucapionem, *l. 1. D. eod. & l. ult. D. Pro suo.* (c) Ut ratione circumstantiæ supervenientis desinat hac in re obligare jus naturæ, ut dictum sup. lib. 1. tit. 2. in fine, & prævaleat publicum commodum; licet cum damno privatorum, quibus imputandum, quod res suas minus curarint. Quo modo & à Canonibus lex usucapionis est approbata & recepta: ut in conscientia tutum reddat possessorem, si tamen usucapionem salvet justa possessio, sine qua nulla currit usucapio, *c. 3. De R. I. in 6.* (d)

- 5 Possessio ut sit justa, requiritur Primò, SIT REI, QUÆ USUCAPI POTEST, *qua de re paulo inf.* ET CONTINUETVR TEMPORE DEBITO, quod in mobilibus ex L. XII. Tabb. fuit anni, in immobilibus biennij. Verum visum Justiniano hoc tempus nimis breve, quo domini excluderentur rerum suarum dominio: ut statuerit, non aliàs perfici rerum mobilium usucapionem, quam triennij possessione; immobilium verò decennij inter præsentés, vicennij inter absentes: justum hoc tempus judicans, quo nisi domini super rebus suis inquirant, meritò ijs cadant, *l. un. C. de usucap. transform.* Est & tempus XXX. annorum, quo præscribitur actioni personalis; & XL. annorum, quo præscribitur hypothecæ, *tit. C. de præscr. 30. vel 40. annor.* (e)

- 6 Secundò, INCHOETVR BONA FIDE. *text. hic in pr.* quæ est illa conscientia excusans possessorem ab ignorantia rei alienæ, *text. hic in pr. & l. Bona fidei emptor 109. D. de V. S.* Tametsi in bono publico introducta sit usucapio, non est tamen æquum, pro libitu cujusque eam procedere. Vbi bonâ fide possidere dicitur, qui rem accepit à non domino, quem dominum esse, aut jus distrahendi habere credebatur.

credebat. Mala fidei non idem tribuitur, ne malitiis indulgeatur, & per eam damnum alteri inferatur. Dico, INCHOETUR, inspecto jure civili, quo sufficiebat ab initio adesse bonam fidem; quod tum constituatur jus per apprehensionem possessionis, cui superveniens mala fides, cum sit tantum facti, non praevalet, *l. Bone fidei* 48, in contrarium *D. de acq. rer. dominio*. * Quae ratio cum tantum consistat in quadam juris subtilitate, à Canonibus non est approbata dicta juris civilis definitio, sed rejecta; & statutum, non alias haberi justam possessionem, ad effectum usucapionis, quam si nulla temporis parte possessor habuerit conscientiam rei alienae, *c. ult. & pen. de prescript. ex ratione*, quod quidquid non est ex fide, sit peccatum, & quod noverit aliquis se alienum possidere, ejus restitutioni sit obnoxius, *c. in. Si quid* 22, *l. 1. quast. 3*. Standum autem hac in re decreto Canonum, quia agitur de peccato, quod nullo tempore etiam longissimo purgatur, *l. Possessor de R. I. in 6*. Ut rectior sit eorum sententia, qui etiam praescriptionem longissimi temporis impediri volunt per malam fidem intervenientem, ex ratione *d. c. fin. Covarr. ad d. c. possessor p. 2, §. 1, n. 5. (f)*.

Hinc patet, dubitantem in principio justè non possidere, ad effectum usucapionis; cum dubitans bonam fidem habere nequeat, uti requiritur, licet nec possit dici habere malam fidem: quod non est satis, cum in principio requiratur bona fides positivè. Superveniens dubium non impedit currentem usucapionem, cum non ponat malam fidem. Ut in pari causa possessoris conditio sit potior: atque ita pro eo judicandum, si tamen quantum in se est, super habenda rei veritate inquisierit, ne affectata ignorantia eum in mala fide ponat. (g) * Post completam usucapionem, bonà fide nihil nocebit, si cognoscatur res antè aliena fuisse, nec teneatur possessor in conscientia eam restituere pristino domino, cum lege justà, & in conscientia locum habente ei sit addictum dominium. *Covarr. ad d. c. Possessor p. 3, §. 2, n. 1*. Si tamen hac res conscientiam alicujus distineat, tutius erit isti rem restituere; cum & conscientia erronea reddat obnoxium peccato. (h)

Tertiò, ADSIT TITULUS, qui est justa causa possessionis, vel jus, quo aliquid possidetur. Hunc quod lex desideraverit, est, quia injustum videbatur, non præcedente causâ, pro cujusque captu & insatiabili affectu, procedere usucapionem. Ejus ordinis est titulus pro empto, pro donato, pro hærede, pro legato, & quivis alius titulus ad translationem domini habilis, de quo *D. & C. Pro emptore, & similibus. (i)* * In servitutibus titulum non desiderari communiter est receptum, quod patientia domini, propter ejus scientiam, præstet sufficientem causam possessionis justæ, *l. 2, c. de servit. Quibus tamen obstat l. fin. in fine C. de præscr. longi temp.* ubi etiam contra ignorantem procedit usucapio servitutum, ut videri possit opus esse jure aliquo in possessore. (k)

§. Sed aliquando.

Dictum suprâ, ad usucapionis justitiam requiri, res talis sit, quæ usucapi possit: quod hic prosequitur Imp. dicens, USUCAPIONEM NON PROCEDE-
RE IN LIBERO HOMINE, REBUS SACRIS vel RELIGIOSIS, quia sint ex-

- 13 **TRA** commercium; ut cum cesseret usucapionis finis. scilicet acquisitio, frustranea sit possessio. (1) * Non etiam usucapiuntur **RES FURTIVÆ**, ex L. Atilia, seu Attinia, E. I. VI **POSSESSÆ**, ex L. Julia & Plantia, §. *Furtiva inf. cod.* non tantum ab ipso fure, sed ne quidem ab alio quovis, propter vitium, quod rem comitatur, & impedit quemcumque possessorem, etiam bonæ fidei, quæ non attenditur, ubi lex usucapionem inhibet: nisi vitium purgatum fuerit, quod contingit, re reversâ in
- 14 **POTESTATEM** pristini domini, §. *Quod autem in fine h. r.* Ait autem hic Imp. * **IN REBUS MOBILIBUS NON ITA PROCEDERE USUCAPIONEM**, quod facile furti vitium admittant; non ita res immobiles. Est tamen & earum usucapio: nam etiam illæ, licet alienæ, possunt alienari bonâ fide. Sic hæres rem commodatam, vel depositam apud defunctum bonâ fide tamquam hæreditariam vendens, aut donans, facit ejus procedere usucapionem: cessat enim furti vitium in hærede, propter cessantem affectum contrectandi, sine quo furtum non committitur, §. *sed*
- 15 *tamen inf. cod.* * Hinc & partus ancillæ furtivæ, siue prægnans surrepta sit, siue apud furem conceperit, non potest usucapi, quia affectus furti vitio. idem in hærede furis obtinet, cum personam furis representet, l. 4, §. *hæres D. h. r.* Idem etiam, si apud possessorem bonæ fidei edatur, nisi & apud illum sit conceptus: tum enim furtivus dici nequit, & usucapione rectè acquiritur, l. *Qui vas* 48, §. *ancilla D. h. r.* Res quoque donatæ Præsidi contra legem vitium habent, quasi essent vi possessæ, ut usucapinequeant, l. *pen. D. Ad L. Iul. repetundarum*,

§. *Res fisci.*

- 16 **SUNT** & extra usucapionem **RES FISCI**: quo nomine olim denotabatur privatum patrimonium Principis, separatum ab ærario, quod publicum. Nomen trahum ab eo, quod pecuniæ antiquitus cophinis & sportis conditæ adservarentur. Sæpè autem hoc nomine veniunt res, non tantum quæ deserviunt usibus Principibus, sed & publicis. Harum usucapio in favorem publicum est prohibita, l. *Quamvis* 18, D. *h. r.* nisi tamen publicæ esse desierint, l. *ubi* 24, D. *cod.* quia cessante causâ cessat prohibitio. * Sunt etiam ejus ordinis **BONA VACANTIA**, eorum scilicet, qui sine successore decesserunt; quatenus tamen actu sunt fisci: nam si debeantur quidem, tamen antequam ab eo occupentur, bonâ fide & titulo ab alio possideantur, & quidem quadriennio, computando à tempore, quo vacant, l. 1, §. *divus D. de jure fisci*, fiscus excluditur, *tex. hic* & l. 1, C. *de quadriennij præscript.* Deben-
- 17 **TUR** & fisco bona ex aliis causis, de quibus videatur l. 1, D. *de jure fisci*. * Prohibita quoque usucapi **RES DOTALES**, l. *Si fundum* 16, D. *de fundo dot.* quia alienari prohibita. Cœptam tamen antè usucapionem non interpellat rei dotalis conditio. * Minoribus temporales usucapiones non nocent; uti nec illis, quibus agendi non est licentia, quod nihil illis imputari queat: cujus ordinis sunt res adventitii peculii, quarum ususfructus est apud patrem, l. 4, *in fine C. de bonis quæ liber.* & res fideicommissi subiectæ, l. *fin.* §. *fin autem C. Communia de legatis & fideicom.*

§. Error autem falsa causa.

Quod hic indistinctè pronuntiatur, **ERROREM FALSÆ CAUSSÆ USUCAPIONEM NON PARERE**, distinctione adhibitâ est explicandum, ex responsis Jurisconsultorum; quia ita demùm hoc procedit, si ex eadem causa, quæ putabatur subesse, non sit tradita res, sed possessor alio modo eam nactus, ultrò sibi eam opinionem ceperit, ut existimet sibi donatam, legatam, venditam, & falsò, *l. 1. D. Pro donato*. Nam si res ex eadem causa sit tradita, veluti si hæ res tamquam legatâ tradiderit, quæ non erat legata, bonâ fide accipienti usucapio procedet, *d. l. 1. l. Si per errorem 17. D. h. t. & l. Quod vulgò 17. D. Pro emptore, l. 3. D. Pro suo*. Ratio diversitatis est, quòd hoc casu error sit probabilis, ut non debeat obstare usucapienti; non etiam illo casu, ut non debeat prodesse ad usucapionem. Et hoc ita in errore facti, & quidem alieni, cujus est tolerabilis ignorantia, *l. ult. in fine D. Pro empt.* * Nam error juris usucapionem impedit, *l. Numquam 31. D. de usucapionibus*, 21 cum non sit probabilis, & impediat bonam fidem, *l. Si fur 32. §. 1. D. h. t.* * Ut autem 22 hæc ita communiter procedant, in causa tamen emptionis non est satis, ex causa, quæ non præcessit, rem tradi. Ratio est, quòd in ea requiratur bona fides duobus temporibus, scilicet & contractus & traditionis; cum in cæteris sufficiat tempus traditionis, *l. Si aliena 10. D. h. t. l. pen. D. Pro soluto & l. 2. in pr. D. Pro empt.* Ratio diversitatis est, quòd in contractibus recipiens rem possit cogitare eam deberi, aut saltem nunc tradentem velle deberi, quod non est in emptione, in qua rem ita suscipiens deberet simul existimare, se ei, qui rem tradit, esse obligatum ad pretium.

§. Diutina possessio.

Possessio, quam diximus suprà requiri ad usucapionem, **DIVTINA** esse debet, durans scilicet **TEMPORE PER LEGEM DEFINITO**, pro rerum qualitate, uti antea dictum, **ET CONTINVA**; nam interrupta impedit usucapionem. * Interrumpitur autem, vel **NATURALITER**, quando ipsa possessio corporaliter eripitur, *l. 5. D. h. t.* quo casu non adversus eum tantùm, qui eripit, interrumpitur possessio, sed adversus omnes: vel **CIVILITER**, quando auctoritate legis impeditur, veluti per litis contestationem. Priori modo etiam jure veteri sistebatur usucapionis cursus, *d. l. 5.* Posteriori verò, præscriptionis quidem cursus impediabatur, non etiam usucapionis; quæ nihilominus perficiebatur, quamvis condemnatio secuta eam fecerit inutilem, *l. Si post 18. 20. & 21. D. de rei vindicat.* Hodie etiam per litis contestationem, vocationem in jus, & solemnem denuntiationem, non tantùm præscriptio longissimæ, sed & longi temporis, etiam triennalis, interrumpitur, *l. 2. & 3. C. de annali præscript.* (in) Mala fides jure civili non impedit quidem cursum usucapionis, quòd juris sit, sistit tamen præscriptionem, quia facti est. Jure Canonico, uti antè dictum, cum mala fide non procedit usucapio. * Censetur continuata possessio non tantùm si apud unum permaneat, donec compleatur, verùm & in alium transferatur, sive titulo universalis per successionem ex testamento, vel ab intestato; sive singulari per venditionem, permutationem, donationem, text.

hic. Hæc tamen differentiâ, quod in successore universali sufficiat & necesse sit, auctorem bonæ fidei fuisse; nec obstat, si hæres sit malæ fidei, quia, ut antè dictum, sufficit iure civili principium esse bonum: ut nec e contra prodest bona fides hæredi, si auctor fuerit malæ fidei, *l. 3, C. Commun. de usucap. & tex. hic*, ex eo, quod hæres representet personam sui auctoris; ejusque vitium, quod à majoribus contractum perdurat, & successorem auctoris sui culpa comitatur, *l. Vitia C. de acq. poss. l. Cuius hæres 11, D. de diversis temporal. præscr.* ita ut ne quidem inchoare à se volens hæres possessionem, rectè compleat usucapionem: uti patet ex legibus allegatis, quæ simpliciter loquuntur, ut non sint intelligendæ tantum in casu, quo vult uti accessione defuncti. In singulari verò successore non aliàs prodest bona fides auctoris, nisi & ipse successor sit bonæ fidei; uti & e contra non impedit malæ fides auctoris successorem bonæ fidei, *tex. hic & l. Vitium 5, D. de divers. temp. præscr.* Ratio est, quod hic non representet personam auctoris sui, nec succedat in ejus vitia. (n)

§. Edicto D. Marci.

25 **O**lim qui à fisco rem alienam habens comparatam possederat quinquennio, repellere poterat exceptione dominum, aut creditorem. Hodie ex Constitutione Zenonis statim est securus, *tex. hic & l. 2, C. de quadriennij præscript.* domino aut creditori intra quadriennium concessâ actione contra fiscum. Quod accipe, quatenus agitur de proprietate aut hypotheca, de qua loquitur *tex. hic & d. l. 2.* Ut possit videri abrogata *l. Nec ullam 13, §. item si quis à fisco D. de petit. hered.* ubi creditor contra eum, cui vendita quali vacans hæreditas, habet petitionem hæreditatis utilem. Posset tamen dici emptor hæreditatis à fisco respondere debere creditoribus hæreditariis, secundum *l. 2, C. de hered. vend. & l. Eum qui 41, D. de iure fisci*, quod videatur hæreditas vendita talis, qualis est: ut actiones ejus sustineat emptor, res autem vindicari nequeant. De statu quoque empti mancipii à fisco quæri postea posse, habet *l. 5, C. de liberali caus.* Hæc eadem data sunt acceptis à domo Augusti vel Augustæ, quod scilicet non possit inquietari is, qui ab ea aliquid accepit, sed adversus Augusti vel Augustæ domum, id est curatores vel procuratores domûs, agi possit intra quadriennium, *tex. hic & l. 3, C. de quadrienn. præscript.*

ADDITIONES V. A. D.

Num. 2. in fine.) Qua de re plura D. Zoef. ad D. h. r. n. 2. Cujac. in Parat. tit. C. de usucap. transform. & tit. de præscript. longi temp. Parlador. 13 rer. quod. id. c. 1. Buf. 4. Subtil. c. 1. Hodie inter Usucapionem & Præscriptionem sola ferè nominis differentia est, & promiscuus usus; adeò ut Usucapio, Præscriptio, & longa possessio ponant unum & eundem modum acquirendi domini, non plures, *l. unica C. de usucap. transform.* Nominis differentia in eo est, quod Usucapere sit usu sive per usum capere; per usum, inquam, id est possessionem, *l. Denique 19, D. Ex quib. caus. majores & c. l. Questio 115, de V. S.* Unde Usucapio dicitur per longum tempus capio, *l. Bona fidei 48, §. 1, de acq.*

de acq. rer. dom. Et longâ possessione capere pro usucapere, frequenter Jurisc. usurpant, l. Non solum 33. §. si dominus D. h. t. & l. Qui fundum 7. §. servus D. Pro emptore. Præscribere verò est excipere, & Præscriptio idem quod exceptio, cujus vigore res usucapta & acquilita conservatur & retinetur, actorque seu pristinus dominus repetens rem summovetur à petitione. Atque ita ab usucapione differt præscriptio tamquam effectus à sua causa.

Num. 3. in fine.) Neque admittenda hic distinctio Glossatoris Accusii, quem & plerique Interpp. sequuntur, inter præscriptionem rerum mobilium & immobilium, quasi mobilium tantum usucapione justum seu directum dominium quaratur: nam leges in hac re indistinctè loquuntur, nec alium effectum tribuunt usucapioni, quam quòd possessori plenissimam securitatem super dominio præstet, l. ult. circa fin. C. de edicto divi Hadr. tollen. & l. 4. in fine C. de præscr. 30. vel 40. annorum, Vide Duar. l. 1. Diss. c. 17, & ad D. h. t. cap. 5, Valq. 2. Illust. quest. c. 54, Pinel ad Auth. Tricennale n. 36, C. de bonis mater. Coras. 6. miscell. c. 20. Covarr. in c. Possessor p. 3. in pr. n. 2, Fachin. l. 1. contr. c. 70, Argentr. ad consuet. Britan. tit. Des appropriances art. 271

Num. 4. ibi, l. ult. D. Pro suo.) Quò Cicero respexit, Orat. pro Cæcina, his verbis: Fundus à parte relinqui potest: at usucapio fundi, hoc est finis sollicitudinis & periculi litium, non à parte relinquitur, sed à lege. Breviter indicans & originem usucapionis, quæ à lege est, & causam, cur scilicet eam introduci oportuerit. De æquitate verò præscriptionis vide Argentr. d. tit. 14, in pr. n. 9. & 10, & Christin. ad consuet. Mechlin. tit. 20, in pr. n. 4.

Ibid. in fine.) Et quæ propterea fundamentum & causa efficiens est usucapionis; cum etiam nomine longæ possessionis usucapio veniat. Non interest, possideat quis naturaliter & civiliter simul, an civiliter tantum, quia sola possessio civilis apta est effectus producere civiles, qualis est usucapio. Sola verò naturalis possessio hunc effectum non habet, unde nec dominium parit. Dimus in c. Sine possessione n. 29, de R. l. in 6, Covarr. in c. Possessor eccl. tit. p. 2, in pr. n. 7, quia naturalem possessionem lex relinquit intra meri facti cancellos. V. G. Si clam fundum meum ingressus fueris, naturalem consequeris possessionem: quæ auctoritate legis non juvatur, quia injusta; nisi per interpretationem extra veteres terminos porrigatur, & novâ formâ fulciatur: tunc enim quæ antea facti erat, fit juris, & eam qualitatem adsumit, ut civilis, hoc est, iusta dicatur. Hæcenus Jac. Concenat. Quest. juris singul. lib. 4. c. 21. n. 13, 15, & 17.

Num. 5. in fine.) Sunt & præscriptiones brevioribus terminis circumscriptæ. Nam est annalis tantum, quæ ultra anni lapsum non porrigitur. Ita præscribitur actionibus Prætoriis poenalibus; quia ultra annum iis agi non potest, injuriarum putà, quanti minoris aut redhibitoriæ actione, l. Si non convit 5. C. de injur. l. 2. C. de edilit. act. & D. eod. passim, Myns. cent. 5. Obs. 7. Gail. 2. Obs. 104. Est & biennalistantum, quæ eliditur actio doli mali, ut patet ex tit. D. de dolo malo. Est denique quinquennalis, quæ præscribitur querelæ de testamento inofficioso, & actioni criminali adulterii, Gail. 2. Obs. 120. n. 5. Jul. Clar. 5. Sent. §. fin. quest. § 1, n. 4. Moribus ha-

rum Provinciarum, & alibi ferè passim, abolitâ longi temporis præscriptione, id est decem annorum inter præsentēs, & viginti inter absentes, una eademque est ususucapio seu præscriptio triginta annorum, idque in rebus omnibus, mobilibus, immobilibus, itemque actionibus, realibus, personalibus, mixtis. Zyp. *Not. juris Belg. lib. 2. tit. de præscript.* Christin. *ad consuet. Mechlin. tit. 20. art. unico in pr.* Simile jus Gallia inoribus invaluisse testatur Boër. *ad consuet. Bituric. tit. de præscript. n. 7.* Imbert. *in Enchirid. juris Gall. v. v. ususucapio mobilium*, & Baro *ad h. t.* Ac nominatim Statutis civitatis Antverp. *tit. 61. art. 1.* id expressum est. Ubi excipiuntur pretia mercium minutatim ad consumptionem venditarum, salaria operariorum ac famulorum, &c. de quibus non extat chirographum seu obligatio, quæ biennii spatio præscribuntur, vel decennii, ubi obligatio extat, ex Edicto Caroli V. ann. 1540. 4. Octob. cui est concordans constitutio in Gallia. Rebuff. *ad Constit. Reg. tomo 2. tit. de famul. salar. gl. 1. n. 2.* Alibi tempus præscriptionis ordinariæ definitur spatio tertiiæ partis centum annorum, ut in Hollandia, vicinisque provinciis, de qua Lamb. Goris, *Adversar. ad consuet. Geldrie tract. 3. c. 9.* Radelant. *decis. 47. n. 6.* Apud Zelandos, retentâ distinctione inter præsentēs & absentes, res soli ususucapiuntur viginti vel triginta annorum spatio respectivè. *Statut. Zeland. c. 2. art. 2.* Quid verò circa hoc jure Saxon. observetur tradunt Schultz. *hic*, & Berlich. *p. 2. concl. 7. n. 15, & seq.* Neque hic titulum desiderant multorum locorum mores, modò quieta & continuata possessio adsit. Damhoud. *in Praxi rerum civ. c. 137. n. 9.*

Num. 7. in fine.) Atque hanc juris Pontificii dispositionem ferè passim suprema tribunalia non solum in terris Ecclesiæ, sed & Imperii alibique sequuntur, ob æquitatem, quâ nititur. Neque enim conflictum illum juris & facti considerant Canones, sed de facto & naturaliter singula rerum momenta ponderant, æquitati magis insistentes quàm stricto juri. Vide Myns. *cent. 4. Obs. 6.* Gail. *2. Obs. 18. n. 7.* Schneid. *ad pr. h. t. n. 17.* An verò bona fides ita requiratur, ut non admittat aliquod medium, quod non sit neque bona neque mala fides positivè; ita ut bonam aut malam fidem non habens, sed in illo medio existens, præscribere non possit, disputant Dd. Veluti si possideat quis bonâ quidem fide, non tamen positivâ, ut vocant, quæ justam aliquam causam præsupponit, sed quæ ex injusta causâ & justo errore procedat. Nam & dicitur hæc bona fides, largè & improprie accepta voce. *l. Non debet 11, & ibi Glos. fin. D. de dolo, quam laudat & sequitur Bald. ad l. Bonam fidem circa med. C. de att. & oblig.* Non sufficere ejusmodi medium, seu bonâ fidē ad præscriptionem ne quidem longissimi temporis, sed requiri tēper bonam fidem formalem seu positivam, probat Covarr. *ad c. Possessor p. 2. §. 7. n. 6, & 7.* Contrâ sufficere, tale medium tenet Pet. Barbosa ubi *sup. n. 52. & seqq.* plures alios ejus sententiæ laudans auctores, Alciat. *ad l. Bonæ fidei 120. num. 3. de V. S. & de Præsumpt. reg. 3. præf. 5. circa fin.* Boër. *decis. 42. num. 4.* Navar. *in c. Si quis autem de pœnit. dist. 7. num. 89.*

Num. 8. in fine.) Sequitur hic D. Zoef. *ut & ad D. eod. tit. n. 59.* distinctionem Bartoli inter dubitantem ab initio, & dubium superveniens post inchoatam ususucapionem, quam latius examinat Pet. Barbosa *ad rubr. C. De præscript. 30, vel 40, an-*

novum, num. 278, & multis seqq. & num. 315. adversus Fulgof. in l. Si dictum § 6. §. 4. D. de evict. tenet, etiam, adhibitâ diligenti inquisitione ad tollendum dubium, utrum res sit aliena, dubitantem posse præscribere; ex eo, quod hujusmodi dubium non inducat malam fidem, ut neque impedire aut sistere debeat præscriptionem. Abbas in c. fin. num. 40. de præscript. Vide Covarr. in d. c. Possessor p. 2. §. 7. num. 7, vers. Tertium.

Num. 9. ibi. p. 3. §. 2. num. 1.) Deinde justè possidet, qui legis auctoritate possidet, l. iustè 11. de acquir. possess. Et hæc communiori Theologorum ac Jurisconsultorum calculo est recepta sententia. Glos. Abbas & Dd. in c. Vigilanti de præscript. Natta conf. 315. num. 17. latè Tiraq. tract. de Præscript. §. 1. glos. 2. vers. sed & illud, Fachin. 1. c. 64. Covarr. 1. Var. resol. c. 1. num. 1. Sarmient. 2. Select. Interpret. c. 10. num. 3. contra Alciat. in l. Quinque pedum C. Finium regund. An verò ex causa probabilis ignorantie is, contra quem præscriptum est, restitui in integrum possit, disputant Dd. & plerique affirmant, quorum sententia etiam usu forenli recepta est, teste Fachin. 1, contr. c. 69, qui tamen contrariam sententiam ut legibus magis consentaneam defendit. Vid. Covarr. ad c. Possessor p. 3, §. 3, Gail. 2, Obs. 19, nu. 18, & 19, Wesenb. ad D. h. t. num. 14, Pinel. ad Auth. Nisi tricennale num. 58, & seqq. de bonis maternis. Ant. Tessaur. decis. 132, & 133, per tot. ubi citat Bursat. conf. 160 num. 70, lib. 2, qui ob varietatem consulentium in hoc articulo eum Cæsareâ decisione egere dicebat: conqueriturque de eodem Pinel. & Cravet. tract. de antiquit. temp. §. materia ista p. 4. n. 46, & 47.

Num. 10, in fine.) Neque enim interest, titulus lucrativus sit, an onerosus, id est sive ex mera liberalitate transeat res, sive cum onere aliquid dandi vel faciendi; dummodò verus sit, non quæsitus, non falsus, nec putativus aut præsumptus tantum: ut si color vel titulus (ut sic dixerim) donationi quæsitus sit, l. Sulpitius 49, de donat. inter virum & uxorem.

Num. 11, in fine.) De servitutum usucapione dictum sup. ad tit. de servit. prædior, num. 12, in fine, titulum hic non requiri, & scientiam ac patientiam esse pro titulo. Adde Coras. ad l. Servitutes 14, numero 39, & seqq. & ad l. ult. num. 11. & seqq. D. de servit. Fachin. 8, contr. c. 22, & 83. Donel. 12, Comment. c. 11. Ant. Fab: 18, conject. c. 10, & plene Argentr. ad consuet. Britan. art. 271, ad verb. sans titre num. 4.

Num. 12, in fine.) Et hoc procedit, inquit Imp. etiam si maximè quis bonâ fide possederit, §. 1. h. t., Nam ubi lex inhibet usucapionem, bona fides possidenti nihil prodest, ait Pomponius, l. Vbi lex 24. D. h. t. Imò & lege naturæ ac communi jure gentium sancitum esse, ut nihil mortales à Diis immortalibus usucapere possint, scribit Cicero, Orat. pro arsp. resp. Quod ad res religiosas attinet, vetuit Lex XII: Tab. forum, id est, vestibulum sepulcri, bustumve usucapi, teste eodem Tullio, lib. 2. de Legibus. Res tamen Ecclesiæ seu bona ecclesiastica, præsertim temporalia (quæ certis adhibitis solemnitatibus validè alienantur) usucapi possunt, sive ecclesiæ, sive Ecclesia contra Ecclesiâ præscribat, idq; quadragenariâ præscriptione,

c.4.c. Ad aures 6.c.8. & 9. de prescript. Nov. 111.c.20. & Nov. 131.c.6. iunctâ Auth. Quas actiones C. de SS. Eccles. vel centen. c. de rebus Ecclesiam Romanam, d. Auth. Quas actiones, c. Audi. etiam 13. cum c seq. & c. Si Argenti 17, & eod.

Num. 23. ibi, de annali prescr.) Interrumpi cursum prescriptionis etiam per solam & simplicem citationem legitime factam, docet Covarr. ad c. Possessor de R.I. in 6.p.2. §. 12. vers. Quarta conclusio, & hunc per omnia ferè secutus Christin. ad consuet. Mechlin. tit. 20, art. unico n. 19, & seqq. item decis. 73, n. 4. vol. 2. & decis. 84, n. 6, vol. 4. Adde Argentr. ad consuet. Britan. art. 266, ad verba, il n'y a eu de interrupt. prescript. c. 6.

Num. 24. in fine.) Porro de accessionibus seu continuationibus possessionum, quæ fiunt inter priores & posteriores possessores, quoad effectum prescriptionis, vide Argentr. ad consuet. Britan. art. 271, ad verba Les predecesseurs.

DE DONATIONIBVS.

TITULUS VII.

Est & aliud genus acquisitionis, donatio. Donationum autem duo sunt genera, mortis causâ, & non mortis causâ.

Mortis causâ donatio est, quæ propter mortis fit suspensionem: cum quis ita donat, ut si quid humanitus ei contigisset, haberet is, qui accepit: sin autem supervixisset, is, qui donavit, reciperet; vel si eum donationis poenitisset, aut prior decesserit, cui donatum sit. Hæ mortis causâ donationes ad exemplum legatorum redactæ sunt per omnia: nam cum prudentibus ambiguum fuerat, utrum donationis, an legati instar eam obtinere oporteret, & utriusque causæ quædam habebat insignia, & alii ad aliud genus eam retrahebant: à nobis constitutum est, ut per omnia ferè legatis connumeretur, & sic procedat, quemadmodum nostra Constitutio eam formavit. Et in summa, mortis causâ donatio est, cum magis se quis velit habere, quàm eum, cui donat, magisque eum, cui donat, quàm heredem suum. Sic & apud Homerum Telemachus donat Πύρρῳ.

Πειραὶ δὲ γὰρ ἰδ' μιν ὅπως ἔσται τὰ δ' ἔργα

Εἶπεν ἐμὲ μνηστῆρας ἀγ' ἡνὲρες ἐν μεγάροισι

Λαθρὴ κτείναντες πατρώια πάντα δάσονται,

Αὐτὸν ἔχοντά γε βέλομι ἐπαυρεμένον, ἢ τίνα τῶνδ'.

Εἰδ' ἐκ' ἐγὼ τυτοισὶ φόρον, καὶ κῆρα φευέσω.

Δὴ τότε μοι χαῖρον τί φέροι πρὸς δ' ἄμα λα χαῖρων: id est,

Piræe, incertus quoniam rerum exitus harum est,

Si tacitâ incautum stolidi me fortè necare

Morte proci poterunt, & opes vexare paternas:

Hac ego te malo, quàm illorum quæmptiam habere.

Sin ego eos iustâ meritis affecero clade,

Tum mihi tu lato reddes illa omnia lato.

2. Aliæ autem donationes sunt, quæ sine ulla mortis cogitatione sunt, quas inter vivos appellamus, quæ non omnino comparantur legatis; quæ si fuerint perfectæ, temerè revocari non possunt. Perficiuntur autem, cum donator suam voluntatem scriptis aut sine scriptis manifestaverit. Et ad exemplum venditionis, nostra Constitutio eas etiam in se habere necessitatem traditionis voluit: ut etiam si non tradantur, habeant plenissimum & perfectum robur, & traditionis necessitas incumbat donatori. Et cum retrò Principum dispositiones insinuari eas actis intervenientibus volebant, si majores fuerant ducentorum solidorum: Constitutio nostra eam quantitatem usque ad quingentos solidos ampliavit, quam stare etiam sine insinuatione statuit. Sed & quasdam donationes invenit, quæ penitus insinuationem fieri minime desiderant, sed in se plenissimam habent firmitatem. Alia insuper multa ad uberiorem exitum donationum invenimus: quæ omnia ex nostris Constitutionibus, quas super his exposuimus, colligenda sunt.

Sciendum est tamen, quod etsi plenissimæ sint donationes, si tamen ingrati existant homines, in quos beneficium collatum est, donatoribus per nostram Constitutionem licentiam præstitimus, certis ex causis eas revocare: ne illi, qui suas res in alios contulerint, ab his quamdam patiantur injuriam vel jacturam, secundum enumeratos in Constitutione nostra modos.

3. Est & aliud genus inter vivos donationis, quod veteribus quidem prudentibus penitus erat incognitum, postea autem à junioribus divi Principibus introductum est, quod ante nuptias vocabatur: & tacitam in se conditionem habebat, ut tunc ratum esset, cum matrimonium esset insequutum. Ideoq; ante nuptias appellabatur, quod ante matrimonium efficiebatur, & nunquam post nuptias celebratas talis donatio procedebat. Sed primus quidem divus Justinus pater noster, cum augeri dotes & post nuptias fuerat permittum, si quid tale eveniret, & ante nuptias augeri donationem, & constante matrimonio, sua Constitutione permisit. Sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini traderè sanctiones cupientes, & consequèria nomina rebus esse studentes, constituimus, ut tales donationes non augeantur tantum, sed etiam constante matrimonio initium accipiant: & non ante nuptias, sed propter nuptias vocentur: & dotibus in hoc exæquantur, ut quemadmodum dotes constante matrimonio non solum augentur, sed etiam fiunt, ita & istæ donationes, quæ propter nuptias introductæ sunt, non solum antecedant matrimonium, sed eo etiam contracto augeantur, & constituentur.

4. Erat olim & alius modus civilis acquisitionis per jus adcrescendi, quod est tale. Si communem servum habens aliquis cum Titio, solus libertatem ei imposuerit, vel vindictâ vel testamento, eo casu pars ejus amittebatur, & socio adcrecebat. Sed, cum pessimum fuerat exemplo, & libertate servum defraudari, & ex ea humanioribus quidem dominis damnum inferri, favioribus autem dominis lucrum accedere: hoc quasi invidiâ plenum, pro remedio per nostram Constitutionem

nem mederi necessarium duximus. Et invenimus viam, per quam & manumissor, & socius ejus, qui libertatem accepit, nostro beneficio fruatur, libertate cum effectu procedente (cujus favore antiquos legum latores multa etiam contra communes regulas statuisse manifestum est) & eo, qui eam libertatem imposuit, suæ liberalitatis stabilitate gaudente, & socio indemni conservato, pretiumque servi secundum partem dominij, quod nos definivimus, accipiente.

C O M M E N T A R I V S.

S U M M A R I A.

1. Donatio quatenus sit modus acquirendi civilis.
2. Donatio quid.
3. Mortis causâ donatio an & simplex sit donatio.
4. Unde colligatur esse mortis causâ facta.
5. Donatio hac solâ morte confirmatur.
6. Facta ab egrotante an per solam convalescentiam revocetur.
7. Donator eam irrevocabilem facere potest.
8. Donatio inter vivos quæ.
9. Quomodo perficiatur.
10. Rata est ex nudo partium pacto.
11. Modò non excesserit legitimam quantitatem.
12. Aliàs est insinuanda.
13. Quibus casibus teneat donatio citra insinuationem.
14. An & juramento confirmata?
15. Donatio hac revocatur ob ingratitudinem, idq; ex causis relatis in l. ult. C. De revoc. donat.
16. An & alia extra illas admittenda.
17. Ex causa ingratitudinis soli donanti licet revocare donationem.
18. Item revocatur ex supernascentia liberorum.
19. Donatio ante vel propter nuptias.
20. Cur ea propter nuptias dicatur.
21. An donatio hac sit insinuanda.
22. Per ius accrescendi quomodo acquiratur.

Est & modus acquirendi dominij civiliter DONATIO, non ea, quæ fit inter vivos, quæ potius est modus acquirendæ obligationis consummandæ per traditionem; sed causâ mortis, quæ ad instar legati, sine traditione hæredis aut defuncti, facit transire dominium in donatarium: de qua & primò agitur, & ejus occasione de ea, quæ inter vivos dicitur. (a)

DONATIO à Dono dicta, quasi doni datio, EST LIBERALITAS NULLO IVRE COGENTE FACTA, l. 1. & l. Donari 24. D. h. t. Quæ descriptio ijs donationis speciebus

cibus compèrit, quas simplices vocant, id est abstractas ab omni materia externa causa, quæ solet alterare subjectum, & excludere beneficium, qualis est donatio ob causam, quæ retinet commodum donatori, aut eum obligationi eximit, ut dos, donatio propter nuptias. Ad simplicem donationem spectare eam, quæ fit inter vivos, certum est. * Et dicendum non errare, qui mortis causâ factam ad simplicem referunt, non etiam ad causariam: nam licet dicatur fieri causâ mortis non est tamen causa huiusmodi, quæ respiciens donantis commodum eum aliquâ obligatione liberet, ut rectè dicatur **LIBERALITAS NULLO JURE COGENTE FACTA MORTIS CAUSSA**; aut, ut hic habet textus *in pr.* **QUÆ PROPTER MORTIS FIT SUSPICIONEM**, id est intuitu & cogitatione mortis, cum magis se quis velit habere, quàm eum, cui donat, magisq; eum, cui donat, quàm heredem. * Non est autem ea æstimanda ex metu & periculo mortis, in quo quis versatur, sed 4 verbis exprimenda; alias inter vivos judicaretur, etiam facta ab eo, qui in extremis constitutus, *l. Seia 42. §. fin. D. De mortis caus. donationib.* ubi dicit textus, talem absolute donantem, non tam mortis causâ, quàm morientem donare. Neq; enim periculum instans tam præsumitur causa finalis, quàm impulsiva; ut, mortis mentione non appositâ substantiæ donationis, non possit censerî mortis causâ. Nec obstat. *l. 3. cum seqq. D. d. t.* nam illis non adferitur, satis esse, fiat instante periculo, sed tunc communiter fieri. Non obstat etiam *l. 4. §. 1. D. De doli mali except.* nam quòd ibi detur exceptio donanti, non est, quòd mortis causâ donaverit, quia non indiget exceptione, cum non sit firma ante mortem: sed quia simpliciter donavit, & inter vivos, consobriño quidem uxoris, sed in gratiam uxoris, ut ei res donata cedat; quæ donatio non admissa, secundum ea, quæ habentur *D. & C. De donat. inter vir. & ux.* Ideoque ex ea agens contra donatorem sanitati restitutum, rectè repellitur. (b) * Donationis hujus ea est natura, quòd nisi morte demùm perficiatur, 5 ante autem sit revocabilis ex libitu donantis, cum legatis in plerisque æquiparetur, & ad modum ultimæ alterius voluntatis, præmoriendo donatario, extinguatur, ut habet hic textus.

Quæstionis autem est, An facta ab infirmo per convalescentiam donatoris censetur revocata, tamquam cessante conditione, sub qua est facta? Quod non aliàs dicendum, quàm si facta sit in casum instantis periculi: tunc enim finis causa donandi est periculum præsens, quo cessante cessat voluntas, *tex. hic & l. Non omnis 19. D. De rebus cred. l. 1. in pr. D. De donat. l. Si mortis 29 & l. Senatus 35. §. 3. D. h. t.* Si verò facta sit simpliciter sub mentione mortis, non poterit dici revocata per convalescentiam: ut etiam postea mors contingens faciat rem donatam cedere donatario; quia non facit convalescentia cessare causam donationis, quæ est mors, non in præsentî, sed quandoocumque adventura.

Dicta de revocanda hac donatione per penitentiam, aut aliàs, vera sunt, nisi donator eam legem sibi imposuerit, ne revocet, *l. Si alienam 13. in fine & l. Vbi ita 27. D. d. t.* Cujus ratio est, quòd ad constituendum, quem contractum partes inire voluerint, magis sit inspicienda qualitas expressa, quàm nomen ipsum, dummodò verba respondeant actui, quem qualitas indicat, quæ aliàs esset pro non scripta, *l. Cum precario*

precario D De *precario*. Et ita in *d. l. 27.* dicitur mors magis esse causa donandi, quam donatio mortis causa, id est mors videtur potius causa impulsiva, quam finalis; quod ipsum in hac specie est facile, propter vicinitatem, quam habet cum alia donationis specie, quæ inter vivos dicitur.

§. *Alia autem donationes.*

- 8 **A** Altera donationis species est ea, quæ inter vivos dicta, & potest describi, esse ALIBERALITAS, NULLO JURE COGENTE, INTER VIVOS FACTA. Hæc ubi fuerit perfecta, temere revocari non potest, uti habet *hic text.* In quo distinguitur à priori, quæ morte demum consequitur firmitatem. * Perficitur autem, ubi in rem donatam consensus est, non tantum à parte donantis, sed & ejus, cui donatur, quia invito aut ignorantem non datur beneficium. Adeo ut ante acceptationem ejus, cui donatur, ne quidem naturaliter teneatur donans: spectat enim donatio ad contractus, qui duorum consensus requirunt, ut perficiantur Subsecutâ autem acceptatione, etiam post tempus, perficitur omnino donatio, modo donans ejusdem sit animi, ut cogi possit tradere rem donatam, *text. hic*, nec satisfaciatur offerendo estimationem; quia est alia à re promissa: aliud autem pro alio non offertur invito. * Nihil obstat, quod ex nudo pacto non detur actio jure civili, *l. 7. D. De pact.* nam pactum hoc donationis inter legitima est relatum per Justinianum, in *l. Si quis argentum 35. §. fin. C. h. t.* ex legitimis autem pactis actio est *l. 6. D. De pactis*.
- 11 * Ita autem rata donatio ex nudo partium pacto, si non exceßerit, olim ducentos solidos, *text. hic*, postea trecentos secundum *l. Sancimus 34. C. h. t.* denique quingentos, uti hodie obtinet. * Quos si excedat insinuanda est, id est coram magistratu, actorum testificatione interveniente, publicanda, ut de eapateat, ne clandestinis ac domesticis fraudibus quidvis facile pro negotij opportunitate confingatur, *l. Data 27. C. h. t.* Ita necessaria hæc insinuatio, ut omisso ejus vitiet donationem, non quidem totam, sed quatenus excedit quingentos solidos; eousq; enim sustinetur, secundum *textum hic & d. l. 34. & l. pen. in fine C. h. t.* ne utile per inutile vitietur.
- 13 Sunt tamen casus, quibus etiam absque insinuatione tota donatio tenet, *text. hic vers. sed & quasdam*. Ejus generis est donatio facta ab Imperatore, vel ei per alium; à magistro militum facta militibus; usurarum in redemptionem captivorum, *Glossa hic* Quod contra *d. l. 34. §. alias autem* extendunt communiter ad omnem piam causam, propter ejus favorem, cui non debeat præjudicium generare constitutio
- 14 Imperialis. Clarus §. *Donatio quest. 17.* * An & juramento confirmata sit dicenda valida, etiam quoad superfluum, citra insinuationem, controversum est, ut videre est apud Clarum *d. loco quest. 18.* qui tamen tenet, communius ita receptum esse, ex eo, quod juramentum sit servandum, quatenus servari potest sine animæ detrimento, uti hoc in casu potest.

§. 2. *vers. Sciendum est tamen.*

- 15 **D**ictum sup donationem inter vivos continuo perfectam esse, ut temere non revocetur. Ubi rectè additum temere; nam iusta causa revocatione permittet. Causa est duplex: prior hic posita INGRATITUDO, comissa ab ipso donatario: quam

quam averfantur leges, inhumanum judicantes, cuiquam esse licentiam, & alienas res capere & frugalitatem donatoris irridere, ipsumque perdere, ideoque revocationem permittentes, *tex. hic & l. fin. C. De revoc. donat.* ubi quinque referuntur causæ ingratitudinis, Atrox injuria verbo aut facto illata, *inf. De iniur. §. atrox;* impletum malum illatum; magna substantiæ jactura insidiosè procurata; vitæ periculum, sive per se, sive per alium procuratum, absque causa, quæ justa donatarium excusaret, uti hæreseos, læsæ majestatis; denique conventionis violatio, *de quibus Gl. hic.* *Non posse autem extra illas causas adferri alias æquè graves aut 16 majores ad revocandam donationem, verius: tum quod lex tantum illas causas ponat, cum particula taxativa, habente vim exclusionis: tum quod agatur de poena, cujus non tam recepta extensio, quàm mitigatio, *c. Odia De R. l. in 6. (k)* *Est autem 17 tempermissa hæc revocatio tantum ipsi donanti, quo defuncto, licet ingratitudinis ignaro, non tamen est hæredi permissa revocatio, *l. 1. in fine C. De revoc. donat.* ex ratione, quod hæc revocatio sit actus vindictæ, qui non est permissus hæredi, *§. non solum inf. De perpetuis & temporal. act.* Nec facit defuncti ignorantia, quia non mutat naturam actionis: & facit *l. Cum hic status 32. §. sed ubi semel D. De donat. inter vir. & ux.* ubi non alias datur revocandi donationem licentia hæredi, quàm si de poenitentia donatoris constet.

Altera causa est SUPERVENIENTIA seu SUPERNASCENTIA LIBERORUM 18 e, qui liberos non habens, nec de ijs cogitans, donationem fecit omnium, vel majoris partis bonorum, de qua in *l. Si unquam 8. C. De revoc. donat.* Cujus ratio consistit in conjectura pietatis, quæ facit non esse verosimile, donatorem posteritatem suam postponere voluisse alienæ, *l. Cum avus 102. D. De conditionib. & demonstrat.* Ut rectè dicatur huic donationi subesse conditio tacita *si liberos non procreavero.* Licet autem *d. l. 8.* tantum loquatur de patrono donante suo liberto, à quo facilior est revocatio, quàm ab extraneo, propter inestimabile libertatis beneficium: non consistit tamen in eo ratio *d. l. 8.* sed in jam allata ratione, quæ etiam habet locum in extraneo. (1) Dixi, nec de ijs cogitans; quia si eorum mentionem fecerit, aut liberos alios habuerit cessabit conjectura pietatis, & tantum fiet revocatio, quatenus exigit legitima. Oportet autem liberi nati sint justis; nam naturales non sufficient, cum in eos non sit tantus, affectus, ne quidem legitimatos, ne via aperiatur illudendi donatario & temerè revocandæ donationis; nisi per subsequens matrimonium, quales habentur instar eorum, qui ab initio legitime sunt nati, *c. Tanta & Quæ filij sunt legit. Vide Tiraq. ad d. l. 8.*

§. Est & aliud genus.

Donationis quædam species hic dicitur esse DONATIO PROPTER NUP- 19 TIAS: quæ est contractus, quo vir uxori quid offert vice dotis, oblata per mulierem, aut ejus nomine per alium, pro sustinendis oneribus matrimonij; & hoc in compensationem, & securitatem dotis. Hæc olim non nisi ante nuptias procedebat; unde & dicebatur DONATIO ANTE NUPTIAS, quod liberalitas inter conjuges esset prohibita, nec rata erat nisi in secuto matrimonio. Postea placuit

Justiniano, in *l. pen. C. De donat. antenupt.* & Justiniano, in *l. fin. C. d. t. dotes* constante matrimonio non tantum augentur, verum & de novo constituuntur, ita & donationes has augeri, & de novo etiam constitui posse, constante matrimonio, servata tamen quantitate dotis, ejusque modo. Voluerunt enim Imperatores inter correlativa servari æqualitatem, adeo ut, si dos negetur, etiam hæc donatio negari possit, *Auth. Dos data C. d. t.* Verum æqualitas ista usu non obtinet.

- 20 Quod autem stante matrimonio hodie fiat, ut nomen sit rei conveniens, ideo dicta est ejusmodi donatio propter nuptias. Nihil obstat donationis inter conjuges prohibitio: nam ea tantum obtinet in donatione simplici, non etiam in hac quæ causam continet, scilicet securitatem mulieris, *d. l. fin. § simplices.* * Accessit isti donationi, ut non indigeat insinuatione, *Nov. Vt sponsalitia largitas 119. in pr.* nisi ex parte viri, qui pro rata hujus donationis captat lucrum ex dote: quo carebit, nisi eam excedentem quingentos solidos insinuari fecerit, *Nov. Vt ffratrum liberi 127. § illud.*

§. Erat olim & alius modus.

- 22 **M**odus acquirendi per **JUS ACCRESCENDI** olim usitatus hic certo in casu corrigitur, quod invideat libertati. Nam si servo communi ab uno domnorum libertas esset data, nihil isti servo accedebat, eo quod pro parte nemo liber esse posset, nec ad omnimodam libertatem sufficiat unius manumissio. Quo modo totus servus cedebat alteri domino, quem vult Imp. hic, accepto partis sue pretio, manumittere servum: ut & alter manumittens libertatis sue gaudeat ita utilitate, & socio ejus indemni conservato per partis sue pretium, servus libertate fruatur. Quod ita inductum in favorem libertatis, contra *l. Invitum C. De contrab. empt. cur.* jus nomine multa contra communes juris regulas statuta.

ADDITIONES V. A. D.

Nu. 1. in fine.) Quin & genus hoc acquisitionis civilis apparet quodammodo etiam in donatione pura & simplici, inter vivos, *l. Senatus 35. §. 2. D. De mortu. causis. donat.* Quæ quidem si originem ejus spectes, ex jure gentium descendit, & solâ traditione inchoatur, perficiturque, § *Per traditionem 40. sup. De rer. divis.* at tamen jure civili interdum etiam citra traditionem transfertur dominium rei donatæ in donatarium, solâ scilicet stipulatione & promissione: veteri quidem jure in conjunctas personas tantum, id est in parentes ac liberos, *l. 4. §. 7 C. Theod. De donat.* Jul. Paul. lib. 5. *Sent. tit. 2.* jure verò novo in personas quaslibet indistinctè, *l. Si quis argentum 35. §. ult. C. De donat.* ubi novam formam donationi indidit Imp. ut etiam nudo pacto facta valeat, & absque traditione dominium transferat in donatarium. Quamquam facta eo modo donatio non tam sit modus dominij acquirendi, quàm conventio, causa seu titulus transferendi dominij, ac minus propriè genus acquisitionis dici debeat. Cujac. 10. *Obser. c. 28. in fine.*

Nu. 4. in fine.) Notat tamen ex Galliæ moribus, Nic. Valla *De reb. dub. tract. 2. num. 7. & 15.* donationem factam ab infirmo præsumi factam mortis causâ;

quiamvis

quamvis etiam donator adjecerit, se donare inter vivos, & veli donationem esse irrevocabilem. Non enim semper verbis credendum est, vel ei, quod fieri dicitur & scribitur; sed magis inspicere debet rei veritas, sive quod sit in rei veritate, utique si is, qui sic donat, decesserit ex ea infirmitate, aut crediderit se decessurum, factâ mentione mortis. Chassen *ad consuet. Burg. tit. 7. Des successions* §. 5. *ad V. ne ordonnance nu. 14* Alij tamen contrâ sentiunt, eo quod imitans mors præsumatur quidem causâ impulsiva hujusmodi donationis, non etiam finalis, ideoque non esse dicendam mortis causâ donationem Lud. Rom. *conf. 153. nu. 1. Barbosa ad l. Qua dotis 34. nu. 86. D. Solutio matrim. Vid. D. Peck. De testam. coniug. lib. 2. c. 7. num. 1 & seqq. Christin. ad consuet. Mechlin. tit. 9. art. 11. nu. 15. Charond. ad conf. Paris. art. 277.*

Nu. 5. in fine.) æquiparantur autem mortis causâ donationes per omnia ferè legatis, quoad effectum scilicet. Nam primò, ut legata ante mortem testatoris non debentur, ita neq; quod mortis causâ donatū est, *l. Non videtur 32. D. De mortis caus. donat.* Secundò, ut ex legatis deducitur Falcidia, ita & ex hac donatione, *l. Vbi ita donatur 27. D. eod. & l. 4. C. Ad L. Falcid. III.* Ut in legatis, & alia ultima voluntate, conditio impossibilis habetur pro non adjecta, ita & hic. IV. Firma est hujusmodi donatio facta quinque testibus præsentibus, in scriptis vel sine scriptis, nec indiget insinuatione; non absimilis quoque quoad ista ultimæ voluntati, *l. ult. C. De donat. caus. mort. V.* Ut in legatis jus accrescendi locum habet, ita in his donationibus *l. unica in fine C. de cad. tollen.* Denique ut legata ex testamento ejus, qui non fuit solvendo, omnino inutilia sunt, ita & donationes mortis causâ factæ rescindi debent, *l. Et si debitor 17. De mort. caus. donat.* Differt tamen à legatis seu ultima voluntate donatio hæc quoad substantiam, id est respectu formæ sive ordinationis. Etenim legata etiam absenti & ignorantia acquiruntur: quod verò mortis causâ donatur id præsens præsentia dat, *l. Inter mortis 38. D. eod.* Guido Papa *decis. 222. Jul. Clar. §. Donatio qu. 5.* de quo tamen vide Ant. Fabr. *Errore 3. Dec. 44.* Præterea legatum requirit aditionem hæreditatis, *l. Si nemo 9. D. De testam. tur.* non etiam hæc donatio. Ita communiter Dd. apud Clar. *d. qu. 5. nu. 2.* quorum sententiam arguit erroris idem Faber, *Dec. 45. Errore 4. & 5.* Alias similitudines & differentias notat hic Arn. Vinnius.

Nu. 6. in fine.) Ita communiter distinguunt & conciliant dissentientium opiniones, Jul. Clar. §. *Donatio qu. ult. in fine*, Barbosa, *ad d. l. Qua dotis 34. nu. 84. D. Solutio matrim. D. Tuld. Instit. h. t. c. 5.*

Nu. 7. in fine.) Ut in effectu talis donatio, mutatâ naturâ, sit habenda quasi inter vivos facta, *d. l. Vbi ita 27. D. eod.* uti pulcrè demonstrat Deckher. *Dissert. 1. nu. 40. & seq.*

Nu. 9. ibi, ut perficiantur.) Hinc Cicero in Topicis ad Trebat. scribit, *neque deditioem, neque donationem sine acceptione intelligi posse.* Et Interpres Terentij in Andr. ad verba, *Dos est, Pamphile, decem talenta P. Accipio ille, inquit, nisi dixisset accipio, dos non esset. Datio enim ab acceptione confirmatur: nec potest videri datum id, quod non sit acceptum.* Et hoc est, quod Græci dicunt, donationem *μωρομπερς* factam non valere,

valere, ut observat Cujac *lib. 12. c. 28. & Consult. 43.* Hinc fit, quòd donatio inter absentes non aliter fieri possit, quàm si per nuntium, vel aliam personam ad id destinatam, vel per epistolam donatarius certioratus eam acceptaverit, *l. Absenti 10. D. De donat. l. Nec ambigi 6. C. eod. & l. 2. C. De iure fisci lib. 11. Guido Papa Decis. 22. nu. 2. Nic. Valla De reb. dub. tract. 2. nu. 2. & 3. Joan à Sande Decis. Frisic. lib. 5. tit. 1. defin. 1.*

Nu. 10. in fine.) Adeoque donationes nudo pacto nudà conventionem promissioneve factæ, velut perfectæ, hoc modo, ad exemplum venditionis in se habent necessitatem traditionis, *text. hic §. 2. & l. ult. C. eod. & magis etiam, si piæ causæ fiant, l. Si quis argentum 35. §. ult. C. eod.* datà donatario actione sive conditione certi ex lege Justiniani, quâ compellat donatorem implere id quod promissit. Fachin. 11. *contr. c. 24.* Aliàs aliud est donare, aliud promittere, uti & Martialis insinuat, *lib. 1. Epigram. 16.*

Si donare vocas promittere, nec dare Cai,

Vincam te donis, muneribusq; tuis.

Interest quoque inter venditorem & donatorem : nam venditori satis est si rem tradat; donatorem verò etiam dare oportet, & facere rem accipientis. Traditio autè sufficit etiam ficta, ut quæ per traditionem fit instrumentorum, veluti claviû, *l. 1. C. De revoc. donat.* & per retentionem ususfructus, cum scilicet ususfructus rei donata manet penes donatorem, *l. Quisquis 28. C. h. t.* Nam lex ait, omnimodò idem esse ususfructum retinere, quod tradere : tingitque aliquem brevi manu rem suam alteri tradere, traditamque rurûs ab eo recipere. Et hoc quoque in mores abiit, licet alioqui, ut Galli dicunt, *Donner & retenir ne fault*: nos sic, *Men mach niet geven ende behouden*, id est, *Donare & retinere non valet*. Boër, *decis. 178. Aigent. ad conf. Britan. art. 226 gl. 1.*

Nu. 12. ibi, *l. Data 27. C. h. t.*) Quæ introducendæ insinuationis præcipua ratio fuit, cuius etiam meminit Cassiod. 9. *Varior. in Edicto Artalarici Regis*, his verbis: *Donationes nullus terror extorqueat, nullus acquirere per fraudem vel execrabilem lasciviam concupiscat.* Sola enim honestas meritò capit lucrum de legibus. In allegatione (id est insinuatione) iustissima largitatis illam distinctionem (aliàs distinctionem) volumus custodiri, quam pro veritate sollicitè legalis sancit antiquitas. Sic enim, ut ipsa testatur, & fraudi non patebit occasio, & veritati maior crescat auctoritas. Est & illa, ne immodica & nimium profusa quorundam ellet donatio ac liberalitas : cum donandi & perdendi cognatæ inter se sint causæ, *l. Filiusfam 7. in pr. D. h. t.* ut & Martialis insinuat, *lib. 4.*

Iam donare potes, iam perdere —

Eteleganter *lib. 1 Hist. Corn. Tacit. Falluntur, quibus luxuria specie liberalitatis imponit. Perdere iste sciet, donare nesciet.*

Nu. 13. in fine.) Præterea insinuationem non desiderant, mortis causâ donatio, quippe similis in plerisque ultimæ voluntati. Guido Papa *decis. 325. nu. 5. & decis. 601.* Item donatio ob causam, quia pura non est: neq; quæ antedonaletur vocant, id est remuneratoriam, quæ cum certam æstimationem non habeat, ideo neque

neque indiget insinuatione. Ut nec illa, quæ favore nuptiarum sit mulieri ab extraneo, ex Constitut. Justiniani, in *Lult. C. de jure dot.* Quo casu etiam moribus remissa est necessitas insinuationis, nisi aliter convenerit inter conjuges. G. Papa d. *decis. 325.* Ant. Faber in *Codice suo lib. 8, tit. 40, defin. 1, & 2.* Aliàs circa insinuationem id juris observari in Belgio ex supremi Concilii, quod Mechliniæ residet, placito notat Ren. Choppin. ut ea non requiratur necessario ad validitatem donationis: de quo tamen meritò dubites ex iis, quæ de insinuatione facienda ex rebus judicatis tum hujus, tum supremi Brab. Senatus notat Christin. *decis. 188, n. 19, & n. 22, vol. 4.* Cerrè in Gallia donationes omnes omninò, præter mortis causâ factas, summam centum librarum excedentes, insinuari, & in acta referri jubentur, sub pœna nullitatis, idque intra quatuor vel sex menses respectivè, à die factæ donationis, si contrahentes intra vel extra regnum morantur. Quòd in publicis regni comitiis anno 1566, ita statutum fuisse memorat Jac. Aug. Thuanus *Hist. sue lib. 39* & meminit hujus juris Cujac. *ad l. Scimus 34, C. h. t. & ad Novell. 119,* Joann. Imbert. in *Enchir. jur. Gall. 7. Donatio inter vivos, §. Nec verò praterendum est,* Rebuff. *tract. de donationib. insinu. c. Philip. Bignon. Leg. abrogat. lib. 2 c. 224.* Addit ex Sabaudia moribus Ant. Fab. *loc. cit. defin. 8. & 9.* neque remitti à donatore, aut renunciari hujusmodi solemnitati, nullo modo posse; quòd & Argentæus notat *ad cor. suet. Britan. tit. Des donations in Præfat. n. 14.*

Num. 14, in fine.) Ad id, quod dicitur, ut secundum hanc opinionem in plerisque tribunaliibus judicatur, videtur Menard. *conf. 1 n. 377, conf. 308, n. 38, & conf. 789, in fine,* modò non nisi in casibus, quibus tenentur, & fuerit insinuationi cum juramento; aliàs secus. Idem d. *conf. 19, A. J. Gall. 2, Obs. 39, per tot.* Ubi inquit, solidi quingenti, aut magis, non sumuntur, sufficiant, nimirum quilibet solidus aureum Hungaricum, quæque ita quingenti solidi efficiunt Carolinos vel aureos Hungaricos 2500, recte Joann. Sand. *de l. 1. C. de lib. §. ult. l. d. fin. 3.*

Num. 16, in fine.) Ad id, quod dicitur, ut de extensione ad similes causas testatur Treutl. *lisp. 19, thes. 7, lib. 1, tit. 2,* quam & communem esse sententiam ait Jul. Clar. *§. Donatio qu. 21, n. 2, & probat Gomez, 2, l. ar. res. c. 4, n. 14,* ita ut arbitraria videantur.

Num. 18, ibi, quæ etiam habet locum in extraneo.) Ut vel ex eo obtinuerit hæc sententia in senolis & Cloro Jul. Clar. *§. Donatio qu. 22, Cujac 2, Obs. c. 5. Fachin. 3, contr. c. 25. Mynd. cent. 5, Obs. 53, 2, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100,* quamvis contraria etiam non negatur equitate, ut in privilegio, quod patrono præstatur, sit personale, l. *Cum patronus 28, de leg. 1. c. Coras. 7. miscell. c. 30, Donel. 14, Comment. c. 34, & ad l. Si unquam, Ant. Faber 7, comest. c. 14, & 15. Vinnius ad h. t. §. 2, in fine.* Elegans in hac rem locusest d. Aug. Rom. in *can. ult. xvi. l. qu. 4, ex se. m. de vita Cleric.* Quidam enim filios non habentes, speraret, res suas omnes, relictas sibi usufructu, donare Ecclesie. Nati sunt illi filii, & copulati. Reddidit Episcopus ea, quæ donaverat. In potestate habebat Episcopus non redde, sed jure fori, non jure poli. De Corasio Senatore Tholotano refert Mainardus *lib. 4, quæst. juris c. 12* cum antè docuisset, verba d. l. *Si unquam* esse coarctanda ad eam, de quo ibi inqummatim agitur, quan-

do scilicet patronus liberalitatem exercet in libertum, & Senatus censuisset extendendam legem ad quemlibet donatorem liberos non habentem, dixisse eum aliquando, *Attendite, ne vos fallam, Senatus contrarium censuit, me tamen fortiter reclamante*. Conformes quoque sunt apud nos hac in re consuet. *Gauden. tit. 12. art. 1. Aloft. tit. 2. art. 1.* & pleraque Flandriæ.

Num. 19. in fine.) De hac generali consuetudine omnium ferè locorum testatur *And. Gail. 2. Obser. 78. n. 2.* fierique disparia pacta, non solum quoad constitutionem & præstationem, verum etiam quoad pacta lucrorum. *Guido Papa decis. 565. num. 4. Boër. decis. 22. num. 20.* Dubitare tamen hic non sine ratione licet, an hodie apud nos donatio hæc propter nuptias locum aut usum habeat, cum neque dotis usus sit; quamvis bona, quæ in subsidium matrimonii mulier confert, vulgò dotem appellemus. Dissimilis verò est donatio seu largitio, quæ *Dotalitium* dici solet, *c. Ex parte de foro compet. & c. Plerumque de donat. inter virum & uxorem*, apud Gallos *Doarium*: estque vel conventionale, vel consuetudinarium, ususfructus scilicet dimidiæ vel tertiæ partis bonorum mariti, quem eo mortuo lucratur plerumque vidua, veluti pretium virginitalis, vel præmium pudicitia, *l. Res uxoris 24. C. de donat. inter vir, & ux.* duratque naturâ suâ ad vitam dumtaxat. *Rebuff. tract. de sententiis provis. art. 1. glos. 3. n. 1. & 2. Joann. Bacquet tract. quem Gallicè scripsit Des droits de Justice c. 15. num. 64. Christin. decis. 73. vol. 1. & ad consuet. Mechlin. tit. 16, art. 16. & seqq.* Diverfa quoque ab his est sponsalitia largitas, quam ante matrimonium consummatum, per verba tamen de præfenti contractum, sicque ratum, sponsus sponsæ, aut vice versâ sponsa sponso facit: quamquam à sponsa rariùs fieri ejusmodi donationem, quia mulierum genus in donando sit avarissimum, scribat *Sylvester, in Summa V. Donatio, & Myns. hic §. Est & aliud n. 9. arg. l. Si quis à sponso 16. C. de donat. ante nupt.* Planè nos hodie in Belgio dotes habere negat *Jac. Curtius conject. ad frat. lib. 1. c. 39. & post eum Pet. Gudel. de jure noviss. lib. 1. c. 8. ac Guil. Masius 2. Singul. Opin. c. 14. n. 1.* Neque enim existimandum est, inquit, apud antiquos totum patrimonium & fortunas omnes uxoris doti fuisse: ut apud nos maritus plenam & justam omnium, quæ uxoris sunt, administrationem habet. Quin imò sæpè, quæ decies fortè aut vicies in bonis habebat, non ampliùs quàm quingenta aut nongenta doti dicebat, ad onera matrimonii ferenda. In cæteris liberum erat uxori per luxum aut largitionem ea perdere, mutuum dare, aut aliter negotiari. Itaque non nisi improprie dotis nomine venit, quicquid bonorum hodie mulier in matrimonium confert: & contrà, quicquid à marito assignatur in securitatem restitutionis, obtinet similitudinem quamdam donationis propter nuptias. Vide *D. Tulden. ad tit. C. de dotis promissione.*

QVIBVS ALIENARE LICET, VEL NON.

TITULUS VIII.

Accidit aliquando, ut qui dominus sit, alienare non possit: & contrà, qui dominus non sit, alienandæ rei potestatem habeat.

Nam dotale prædium maritus invitâ muliere per legem Juliam prohibetur alienare: quamvis ipsius sit, dotis causâ ei datum. Quod nos, legem Juliam corrigentes, in meliorem statum deduximus. Cum enim lex in solis tantummodò rebus locum habebat, quæ Italicæ fuerant; & alienationes inhibebat, quæ invitâ muliere fiebant, hypothecas autem earum rerû etiam volente eâ: utriq; remediû imposuimus, ut etiam in eas res, quæ provinciali solo positæ sunt, interdicta sit alienatio vel obligatio: ut neutrum eorum neque consentientibus mulieribus procedat, ne sexus muliebris fragilitas in perniciem substantiæ earum convertatur.

1. Contrà autem creditor pignus ex pactione, quamvis ejus res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, quia ab initio contractus pactus est, ut liceret creditori pignus vendere, si pecunia non solvatur. Sed ne creditores jus suum persequi impedirentur, neque debitores temerè suarum rerum dominium amittere viderentur: nostrâ Constitutione consultum est, & certus modus impositus est, per quem pignorum distractio possit procedere: cujus tenore utrique parti, creditorum & debitorum, satis abundè provisum est.

2. Nunc admonendi sumus, neque pupillum, neque pupillam ullam rem sine tutoris auctoritate alienare posse. Ideoque si mutuam pecuniam sine tutoris auctoritate alicui dederit, non contrahit obligationem, quia pecuniam non facit accipientis; ideoque vires cari nummi possunt, sicubi extant. Sed si nummi, quos mutuò minor dederit, ab eo, qui accepit, bonâ fide consumpti sunt, cõdici possunt; si malâ fide, ad exhibendû de his agi potest. At ex contrario, omnes res pupillo & pupillæ sine tutoris auctoritate rectè dari possunt. Ideoque si debitor pupillo solvat, necessaria est debitori tutoris auctoritas, alioqui non liberabitur. Sed hoc etiâ evidentissimâ ratione statutû est in Constitutione, quâ ad Cæsarienses advocatos ex suggestione Triboniani viri eminentissimi, quaestoris sacri palatii nostri, promulgavimus: quâ dispositum est, ita licere tutori vel curatori debitore pupillaremolvere, ut prius judicialis sententia sine omni damno celebrata hoc permittat. Quo suo secuto, si & iudex pronuntiaverit, & debitor solverit, sequatur hujusmodi solutione plenissima securitas. Sin autem aliter, quàm disposuimus, solutio facta fuerit, pecuniâ autem salvam habeat pupillus, aut ex ea locupletior sit, & adhuc eandem pecuniæ summâ petat: per exceptionem doli mali poterit submoveri. Quòd si male contumpserit, aut fur o. aut vi amiserit, nihil proderit debitori doli mali exceptio, sed nihilominus condemnabitur: quia temerè sine tutoris auctoritate, & non secundum nostram dispositionem solverit. Sed ex diverso, pupilli vel pupillæ

solvere

solvere sine tutoris auctoritate non possunt: quia id, quod solvunt, non fit accipientis; cum scilicet nullius rei alienatio eis sine tutoris auctoritate concessa sit.

COMMENTARIUS.

SUMMARIA.

1. Alienare quibus liceat.
2. Maritus secundum dotalem an & cur alienare vel obligare prohibeatur.
3. Procedit hac prohibitio in rebus immobilibus, non in agnatis, & alienatione voluntaria.
4. Alienatio tenet, muliere jurante se non contraventuram.
5. Credit. ri quando & qualiter sit pignus.
6. Pupillus sine tutoris auctoritate alienare vel mutuum dare non potest.
7. Item minor curatorem habens.
8. Pupillus sine tutore auctore recte sibi acquirit.
9. Solvi pupillo sine tutoris auctoritate non potest.
10. Ut neque ipse solvere.

EXpositis modis acquirendi singularibus, tum naturalibus tum civilibus, proximum erat universalium acquisitionem subponere. Interposuit tamen Imp. hoc Tit. de personis, quae alienare possunt, & sequenti de his, per quos acquirimus. Nam nisi alienatio fiat ab eo, cui non est prohibita, & in eum, qui acquirere sibi aut alteri potest, acquisitio non erit iusta. Alienat in genere quisvis dominus; cum quilibet sit rei suae moderator, & arbiter, *l. in re C. Mandati*: nisi lex impediatur, per quam interdicta alienatio, id est domini in alios translatio aliquibus dominis. (a)

2 Exemplum hic proponitur in marito, QUI QUAMVIS SIT REI DOTALIS DOMINUS, saltem civiliter & juris subtilitate (manet enim naturaliter ejus domina mulier, cui & restituenda dos soluto matrimonio, *l. in rebus C. de iure dot.* (b)) EAM ALIENARE IN VI TA UXORE, OBLIGARE verò seu supponere hypothecam, etiam EA CONSENTIENTE, prohibebatur olim per legem Juliam, quod iudicaretur mulier facilius consensura in obligationem, quam alienationem. Fit autem hic mentio PRÆDII ITALICI, non etiam PROVINCIALIS, quod illius, volente & consentiente muliere, procederet alienatio, non et. à huius. Ratio erat, quod illud pleno jure ad mulierem spectaret, non etiam hoc. Postea, quia fragilitate sexus contingeret mulierem, blanditiis aut minis adductam, consentire in rerum d. italium alienationem, atque ita in repentinam deduci inopiam, Justinianus Imp. corrector L. Julii, prohibuit OMNIS PRÆDII, sive Italici, sive Provincialis, ALIENATIONEM, iustitiam iudicans, etiam ex consensu uxoris factam,

etiam, licet renuntiantis juri suo, *tex. hic & l. unica §. & cum l. Julia C. de rei uxoria* att. propterea quod bono publico minus respondeat, mulieribus dotes suas non esse salvas, *l. 1. D. soluto matrim.* * Procedet autem hæc prohibitio, Primò, in REBUS IMMOBILIBUS; cum lex tantum faciat mentionem fundi dotalis, quod ea sint majoris momenti, earumque alienatio sit mulieri magis damnosa. Secundò, in REBUS NON ÆSTIMATIS, quæ in specie sunt restituendæ, non etiam æstimatæ, quæ cum sint periculo mariti, ab eo rectè alienantur, salvâ mulieri ad æstimationem actione, nisi sibi electionem reservarit, *l. 1. C. de fundo dotali.* Tertiò, in ALIENATIONE VOLUNTARIA: necessaria enim subjacet prohibitioni legis, *l. 1. D. de fundo dot.* quod non tam cauiletur per maritum, quàm per legem, aut Judicem, aut causam aliquam priorem, ut debeat sustineri. (c) * Quæ ita procedunt, nisi mulier juraverit se non retractaturam alienationem, sive non contraventuram. Servari enim tale juramentum cum possit sine animæ detrimento, non auditur, secundum Canones, contravenire volens, *c. Cum contingat 28. X. De jurejur.*

§. *Contrà autem creditor.*

CONTRARIUM hic superiori proponitur exemplum, quo NON DOMINO EST CONCESSA DISTRAHENDI REM ALIENAM LICENTIA, CREDITORI scilicet PIGNVS. Cujus ratio est, ne contingat pignus ei esse inutile, denegatâ distrahendi licentiâ. Quæ non tantum ei data est per legem, in casu, quo conventum, ut, nisi intra certum diem pecunia solvatur, ad distractionem procedat, sed etiam quo nihil conventum super distractione; imò etiam si convenerit, ne distrahatur. Diversimodè tamen: nam primo casu licitè res distrahitur, nullâ præviâ interpellatione, *l. 4. D. de distract. pig.* cum dies interpellat pro homine, *l. Magna 12. C. de Commit. stipul.* Secundo etiam casu licita est distractio: videtur tamen semel interpellandus debitor, ne distractio sit intempestiva. Terrio casu, ut jure habeatur facta distractio, ter debitori est denuntiandum, *l. 4. D. de pignor. act.ione.* Nihil obstante pacto de non distrahendo: quod si haberet vim omnino impediendi distractionem, invitaret debitorem ad delinquendum, scilicet ad perpetuò differendam solutionem. Non potest tamen dici prædictum pactum esse frustraneum; cum operetur, ut non ante extremam moram, sive frustrationem procedatur ad distractionem. Extrema autem mora ponitur, si ter monitus debitor solvere cesset. Quod hic aliqui desiderent, post extremam moram aut sententiam biennii lapsum, per *l. fin. C. de jure domini impetr.* est erroneum, cum *d. l. fin.* tantum agat de impetrando jure domini per creditorem, nullo comparante emptore, aut non idoneo. Tunc enim addicto dominio per sententiam creditori, datur adhuc biennium debitori, intra quod, si solverit debitam pecuniam, rem repetere possit, quæ aliàs pleno jure cederet creditori: ut non spectet ad nostrum casum decisio *d. l. finalis.* (d)

§. *Nunc admonendi.*

PROHIBET & lex eos alienare, quibus sensus non est, cujus ordinis sunt PVPIL- 6

LI, de quibus *hic*. Adeò ut ne quidè pecuniam mutuam dent sine tutore, *text. hic* & l. Pupillus 11. D. de acq. rerum dom. cum mutui datio sit alienatio. Ut pecunia extans rectè vindicetur, quia non sit facta accipientis: nisi consumpta fuerit bonâ fide; tunc enim consummato mutuo per consumptionem, tantum condictio pupillo est salva. Sin malâ autem fide fuerit consumpta, ad exhibendum agitur, *text. hic*; quasi accipiens dolo possidere desiisset. Idem in FURIOSO & PRODIGO est
 7 juris, l. Si à furioso 12. D. de reb. cred. ex eadem ratione. (e)* Impeditur & MINOR habens curatorem alienare, l. 3. C. de integ. restit. min. ne temerè patiatu rerum suarum dispendium. Non habenti curatorem rerum suarum administratio est libera: restituitur tamen, si eum lædi contingat.

§. At ex contrario.

8 EThi nihil suum alienet pupillus sine tutore auctore, rectè tamen sine eo acquirit, d. l. 11. cum non sit impediendus rem suam facere meliorem; ne inventum in compendium operetur dispendium, secundum dicta sup. de auctorit. tut. * Quod tamen non procedit in acceptando solutionem debitæ pecuniæ, eo quòd distractio obligationis spectat ad alienationem, cui posset subesse detrimentum pupilli: ut propterea ad solvendum iteratò possit urgeri debitor, si pecunia pupillo non sit salva, *text. hic*. Nam alias idem bis peteretur, quod nec in pupillo admissum. Quo modo solutio auctoritate tutoris facienda: (f) quæ tamen non omninò reddet securum debitorem, cum, non existente salvâ pecuniâ pupillo, iteratò conveniri possit. Unde ut plenissimam consequatur securitatem debitor, necesse est, solvat
 10 per sententiam Judicis, l. Sancimus C. de administ. tut. * Non tenet etiam solutio debiti per pupillum facta sine tutore, quòd ea res spectet ad alienationem, pupillo sine tutore prohibitam, propter læsionem, quæ subesse posset: ut id quod solutum, non fiat accipientis, sed vindicari possit, si extet, *text. hic*: nam consumptio faciet convalescere solutionem, & pupillum liberari, l. Obligari 9. §. pupillus D. de auctorit. tutor. (g)

ADDITIONES V. A. D.

Num. 1. in fine.) Neque propterea, quia effectus dominii impediatur, id est potestas disponendi de re sua pro arbitrio suo, dicendum, vitari dominii definitionem: non magis quàm definitio hominis, quia furiosi & infantes ratione careant, dicenda est vitiosa. D. Tuld. *hic* c. ult. citans Senecæ 7. de benef. c. 12. hæc verba: Non est argumentum, ideo aliquid tuum non esse, quia vendere non potes, qui mutare in deterius aut melius non potes: tuum enim est etiam quod sub lege certa tuum est.

Num. 2. ibi, l. In reb. C. de jure dot.) Unde Boëtius, in Top. Cicer. Dotem, ait, constante matrimonio esse IN BONIS MARITI, atque etiam VXORIS IVRE, & post divortium velut rem uxoriæ peti. Ideo verò marito constante matrimonio tribuitur dominium rei dotalis, quia ei plerumque onera matrimonii incumbunt, l. Si s 56. §. 1. & l. Quamvis 7. §. cum l. seq. D. de jure dot. Diciturque maritus esse dominus dotis ex voto ejus, qui

qui eam dat, ut scilicet dos semper penes maritum maneat. Et hinc quoque causa dotis dicitur esse perpetua, l. 1. D. eod. propter perpetuitatem matrimonii, & individuam vitæ consuetudinem, ex voto & destinatione eorum, qui nuptias contrahunt. Unde consequens est, non nisi durante matrimonio durare hoc dominium, verum alioqui iustumque (quod & effectus veri dominii arguunt, ut quod maritus solus rem dotalem vindicat, l. Dece 9. C. de rei vindic. quod, re alienâ in dotem datâ, ea transferatur cum causâ usucapiendi, amissâque possessione detur marito tamquam domino actio in rem Publiciana, l. 3. §. 1. D. de Public. in rem act.) non tamen perpetuum absolute, sed soluto matrimonio rediturum ad mulierem. Eoque respectu dotem videri non tam mariti quam uxoris esse, d. l. Quamvis 75. dicitur ipsius mulieris proprium patrimonium, l. 3. §. ergo D. de minorib. vel quasi patrimonium, l. in eum 16. de relig. & sumpt. fun. tradit Arn. Vinnius hic in princ. n. 2. Nec aliâ ratione intelligi debet Constitutio Justiniani, quâ statuit, res dotales & ab initio uxoris fuisse, & naturaliter in ejus permanfisse dominio, d. l. in reb. C. de jure dot. Cateroquin in componendo hoc utriusque & mariti & uxoris dominio mirè variant Dd. quorum opiniones singulatim examinat, rejicitq; singulas idem Vinnius.

Num. 3. in fine.) Moribus hodiernis, siue dotem vocare lubet quicquid bonorum mulier in matrimonium contulerit, id omne communicatur inter conjuges, etiam nullis dotalibus instrumentis compositis; siue aliquid mulier sibi reservaverit dotali seu antenuptiali instrumento, id ipsum quoque maritus, uxore consentiente, alienare non prohibetur: adeoque mores passim legem Juliam sequuntur potius quam Constitutionem Justiniani, dictam legem corrigentis. D. Tuld. ad h. r. c. 1. Joann. à Sande De prohib. rer. alienat. p. 1. c. 10.

Num. 5. in fine.) Moribus nostris res quidem mobiles pignoris nexu obligatz vendi possunt, etsi nihil convenerit. At si fundus oppignoratus sit, non pervenitur ad illius distractionem, nisi interveniente magnâ solemnitate, & trinâ denuntiatione precedente. Vide Ant. Fabr. in Cod. suo lib. 8. tit. 22. de fin. 1. Christin. decis. 172. n. 3. vol 4.

Num. 7. in fine.) Vid. D. Zoef. ad tit. D. de minorib. n. 46. Vulteium Discepr. scholast. c. 16. Cujac. ad l. Puberes 10. D. de V. O.

Num. 9. ibi, auctorit. tutoris fac.) Ubi distinctio est inter mulierem & pupillum, de qua Cicero in Top. Non quemadmodum quod mulieri debes, rectè ipsi mulieri sine tutore auctore solvis; ita quod aut pupillo aut pupilla debeas, rectè possis eodem modo solvere. Rationem diversitatis dat ibidem Boëthius: Est enim aliquis muliebris, etsi non firmus, in explicanda familiaris rei utilitate delectus: pupillus verò nullum suæ etiam administrande utilitatis judicium habere potest.

Ibid. in fine.) Itaque non malè à Dd. constitui hic solent tres gradus liberationum: plena scilicet, quæ ex accidenti est, si pecunia adhuc extet apud pupillum, vel in re ejus versa sit: plenioris, si pupillo auctoritate tutoris, vel ipsi tutori fuerit facta solutio: & plenissima, si accesserit decretum vel sententia judicis, Accurs. in l. 7. §. 2. D. de minorib. Bachov. ad Treutl. p. 2. disp. 28. th. 3. lit. F. Notat verò Imbert. in Enchirid. V. Confessio, hodie non esse necessariam judicis auctoritatem, sed tutoris suffi-

sufficere; adeoque tutoris apocham nocere pupillo, ut id nomen non possit amplius repetere, *l. Lucius 46. §. tunc de administ. tut.*

PER QVAS PERSONAS CVIQUE ADQVIRITVR. TITVLVS IX.

Adquiritur vobis non solum per vosmetipsos, sed etiam per eos, quos in potestate habetis: item per servos, in quibus usufructum habetis: item per homines liberos, & per servos alienos, quos bona fide possidetis, de quibus singulis diligentius dispiciamus.

1. Igitur liberi vestri utriusque sexus, quos in potestate habetis, olim quidem, quidquid ad eos pervenerat (exceptis videlicet cautrenibus pecuniis) hoc parentibus suis adquirebant, sine ulla distinctione: & hoc ita parentum fiebat, ut etiam esset eis licentia, quod per unum vel unam eorum adquisitum esset, alii filio, vel extraneo donare, vel vendere, vel quocumque modo voluerant, applicare. Quod nobis inhumanum visum est: & generali Constitutione emissâ, & liberis peperimus, & patribus honorem debitum reservavimus. Sancitum etenim a nobis est, ut si quid ex re patris ei obveniat, hoc secundum antiquam observationem totum parenti adquiratur. Quæ enim invidia est, quod ex patris occasione profectum est, hoc ad eum reverti? Quod autem ex alia causa libi filius familias adquisivit, huius ususfructum patri quidem adquirat, dominium autem apud eum remaneat: ne quod ei suis laboribus, vel prosperâ fortunâ acceperit, hoc in alium perveniens, luctuosum ei procedat.

2. Hoc quoque à nobis dispositum est & in ea specie, ubi parens emancipando liberos suos ex rebus, quæ acquisitionem effugiebant, sibi tertiam partem retinere (si voluerat) licentiam ex anterioribus Constitutionibus habebat, quali pro pretio quodammodo emancipationis: & inhumanum quiddam accidebat, ut filius rerum suarum ex hac emancipatione dominio pro parte tertia defraudaretur: & quod honoris ei ex emancipatione additum erat, quod sui juris effectus esset, hoc per rerum diminutionem decresceret. Ideoque statuimus, ut parens pro tertia parte dominii, quam retinere poterat, dimidiam non dominii rerum, sed ususfructus retineat. Ita etenim res intactæ apud filium remanebunt, & pater ampliore summâ fruatur, pro tertia dimidiâ potiturus.

3. Item vobis adquiritur, quod servi vestri ex traditione nanciscuntur: sive quid stipulentur, sive ex donatione, vel ex legato, vel ex qualibet alia causa adquirant. Hoc enim vobis ignorantibus & invitis obvenit. Ipse enim servus, qui in potestate alterius est, nihil suum habere potest. Sed si hæres institutus sit, non aliàs, nisi vestro jussu, hæreditatem adire potest. Et si vobis jubentibus adierit, vobis hæreditas adquiritur, perinde ac si vos ipsi hæres instituti essetis. Et convenienter scilicet, vobis le-

bis legatum per eos acquiritur. Non solum autem proprietas per eos, quos in potestate habetis, vobis acquiritur, sed etiam possessio. Cujuscumque enim rei possessionem adepti fuerint, id vos possidere videmini. Unde etiam per eos usucapio, vel longi temporis possessio vobis accidit.

4. De ijs autem servis, in quibus tantummodo usumfructum habetis, ita placuit, ut qui aliquid ex re vestra, vel ex operis suis adquirant, id vobis adjiciatur: quod verò extra eas causas consequuti sunt, id ad dominum proprietatis pertineat. Itaque si is servus naves institutus sit, legatumve quid ei, aut donatum fuerit, non usufructuario, sed domino proprietatis acquiritur. Idem placet & de eo, qui à vobis bonà fide possidetur, sive is liber sit, sive alienus servus. Quod enim placuit de usufructuario, idem placet & de bonà fidei possessore. Itaque quod extra istas duas causas acquiritur, id vel ad ipsum pertinet, si liber est; vel ad dominum, si servus est. Sed bonà fidei possessor cum usucaperit servum (quia eo modo dominus fit) ex omnibus causis per eum sibi acquirere potest. Fructuarius verò usucapere non potest: primum, quia non possidet, sed habet jus utendi fruendi: deinde quia scit servum alienum esse. Non solum autem proprietas per eos servos, in quibus usumfructum habetis, vel quos bonà fide possidetis, aut per liberam personam, quæ bonà fide vobis servit, vobis acquiritur, sed etiam possessio. Loquimur autem in utriusque persona, secundum distinctionem, quam proximè exposuimus, id est, si quam possessionem ex re vestra, vel ex suis operis adepti fuerint.

5. Ex his itaque apparet, per liberos homines, quos neque vestro juri subiectos habetis, neque bonà fide possidetis, item per alienos servos, in quibus neque usumfructum habetis, neque possessionem justam: nulla ex causa vobis acquiri posse. Et hoc est, quod dicitur, per extraneam personam nihil acquiri posse: excepto eo, quod per liberam personam (veluti per procuratorem) placet non solum scientibus, sed & ignorantibus vobis acquiri possessionem, secundum divi Severi constitutionem: & per hanc possessionem etiam dominium, si dominus fuerit, qui tradidit; vel usucapionem aut longi temporis præscriptionem, si dominus non sit.

6. Hactenus tantisper admonuisse sufficiat, quemadmodum singulæ res vobis acquirantur. Nam legatorum jus, quo & ipso singulæ res vobis acquiruntur; item fidei commissorum, ubi singulæ res nobis relinquuntur, opportunè inferiore loco referemus. Videamus itaque nunc quibus modis per universitatem res vobis acquirantur. Si cui ergò hæredes facti sitis, sive cujus bonorum possessionem perieritis, vel si quem adrogaveritis, vel si cujus bona libertatum conservandarum causâ, vobis addicta fuerint: ejus res omnes ad vos transeunt. Ac prius de hæreditatibus dispiciamus, quarum duplex conditio est. Nam vel ex testamento, vel ab intestato ad vos pertinet. Et prius est, ut de his dispiciamus, quæ ex testamento vobis obveniunt, quæ in re necessarium est, initium de ordinandis testamentis exponere.

C O M M E N T A R I V S.

S U M M A R I A.

1. Peculium quid, & unde dictum.
2. Aliud est castrense, aliud paganum, aliud quasi castrense
3. Paganum vel est profectitium, vel adventitium.
4. Profectitium & adventitium cui cedat.
5. Pater emancipans filium an & quantum ex filij bonis retinere possit.
6. Dominis per servos quatenus acquiratur.
7. Acquiritur per servos ac filiosfam possessio.
8. Per servos usufructuarios quatenus nobis acquiratur.
9. Per personam extraneam dominium non acquiritur, sed possessio.

Acquiritur cuivis, non tantum per se, sed & per eos, quos habet suæ potestati subiectos. Cujus ordinis hic in princ. dicuntur liberi in potestate, per quos quaesitum peculium acquiritur habenti in potestate.

- I** Est autem **PECULIUM** propriè eorum, qui sunt in potestate, non etiam patrisfam. quamvis & generaliter sumptum vocabulum pro facultatibus patrisfam. usurpetur. Dicitur autem **PUSILLA PECUNIA**, aut **PUSILLUM PATRIMONIUM**, quod in potestate aliena existens comparcendo, & agendo industriè acquisivit, sive, ut **Tubero** definit in *l. Depositi* §. §. *fin. D. De peculio*, quod servus, domini permisso, separatim à rebus dominicis habet, deducto inde, si quid domino debetur. Unicum illud videtur fuisse jure vetustissimo, aut saltem ejusdem conditionis in filijsfam. & patri cessisse. (a) * **Inducta** postea peculiorum distinctio, aut saltem diversa conditio: aliud enim dictum **CASTRENSE**, aliud **PAGANUM**. Illud iterum aliud **PROPRIE CASTRENSE**, quo continetur quaesita in militia, aut ejus occasione, quod totum cedit filijsfam. qui ejus respectu habentur pro patribusfam. ut de eo liberè disponant, etiam in ultima voluntate; patre nihil juris sibi adrogante, nisi quod intestatorum bona ei deferantur, non jure hæreditario, sed peculij, *l. 2. D. De castren. pec.* Aliud **QUASI CASTRENSE**, quod filijsfam. ex palatina vel forensi militia accessit, aut ex clericatu. Quod, ad exemplum castrensis per quamdam similitudinem introductum, & cedit omninò filijsfam. patre etiam in hoc nihil sibi juris adrogante, & Constitutiones ijs præcipuum esse voluerunt, nec in collationem venire, *l. 1. §. nec castrense D. D. collat.*
- 3** * **Paganum**, quod aliunde liberi acquirunt: & hoc vel **PROFECTITIUM** est, quod à patre profectum est, aut ejus occasione accessit; vel **ADVENTITIUM**, quod aliunde, quam à patre advenit, veluti ex laboribus, vel prospera aliqua fortuna,
- 4** ex testamento, donatione cognatorum, aut alio modo. * **Paganum** hoc peculium totum jure veteri & indistinctè cedebat patri ratione potestatis. Postea placuit, **profectitium** quidem ad patrem jure spectare, cum nulla sit invidia, quod à patre,

aut ejus occasione quæsitum est, hoc ad eum reverti: adventitij autem non nisi usufructu tenus commoditatem ad patrem venire, proprietate apud liberos remanente; qui, mortuo patre, rem adventitij peculij tamquam præcipuam retinent, pleno jure: quia iniquum visum fuit, ut quod uni suis laboribus aut prosperâ fortunâ accessit, hoc in alium proveniens luctuosum ei, ut ait Imp. procederet. Sunt autem casus, quibus adventitium peculium continuò liberis in potestate pleno jure cedat, ad patrem ne quidem usufructu transeunte, quos enumerat Glossa hîc *V. usum fructum*. (b)

§. Hoc quoque.

Jure veteri emancipanti filium ex bonis, quæ acquisitionem effugiunt, id est adventitij, permissum erat retinere tertiam partem, etiam quoad proprietatem, quasi pro pretio emancipationis, per quam filio honor accedebat, quia suæ potestatis fieret. Quod inhumanum hîc judicans Imp. emendat, pro tertia parte proprietatis concedens mediam partem usufructus eorundem bonorum; tum in gratiam filij, cui res suæ quoad proprietatem manent intactæ: tum in gratiam patris, qui ampliore summâ fruitur, pro tertia parte mediam consecutus.

§. Item nobis.

Accedit & nobis per servos quæsitum, sine distinctione peculij, quod unicum tantum habent. Ubi non est opus scientiâ, quia & ignorantibus & invitis per servos accedit dominium, *ut habet text.* & quidem continuò; aded ut ne quidem momento temporis in servi persona consistat res acquisita, *l. Placet 79. D. De acq. hered.* cum sit incapax eorum, quæ sunt juris civilis: Excipitur hæreditas quam servus inscio domino non acquirit, sed jussu ejus prævio, *text. hîc*, idque propter æs alienum, quod subesse posset, cui invitum aut inscium dominum obstringi indecens est.

§. Non solum.

Facilius per eos, quos in potestate habemus, acquiritur possessio; cum sit facti, factum autem per alios rectè expediamus, *c. Qui facit De R. I. in 6.* Scire patrem aut dominum rem suo nomine possideri, sunt qui volunt, sed non esse hoc necessarium, dicitur *inf. cod. §. ex his itaque.*

§. De ijs autem.

Quod dictum de acquisitione per servos, obtinet tantum in ijs, qui nostri sunt, non etiam in servis fructuarijs, aut alienis bonâ fide possessis, aut libero homine, qui tamquam servus habetur: per hos enim non aliter nobis accedet, quam quatenus vel ex re nostra acquirunt; nihil enim continet iniquitatis, profectum ex re nostra nobis cedere: vel ex operis suis, quæ nobis debentur, *text. hîc*. Reliquum ex donatione, testamento, stipulatione quæsitum cedit domino proprietatis, nisi intuitu ejus, qui usum fructum habet, accesserit, *l. Sed & si D. De usufr.* aut ipsi servienti, si sit liber homo, *text. hîc*: qui insinuat differentiam inter possessorem bonæ fidei, & fructuarium, quod illi usucapio servi alieni procedat, propter bonam fidem, non etiam huic, quia bonâ fide careat,

§. Ex his itaque.

9 **P**ER extraneam personam liberam, etiam procuratoris vice fungentem, dominium acquiri nequit quia est juris: ea verò quæ juris sunt, per extraneum acquiri nequeunt, cum ex propria persona debeant initium sumere, *l. Ea quæ 53. D. De acq. rer. dom.* Possessio tamen per extraneum rectè acquiritur, quatenus operam suam alteri accommodat, id est eo animo accipit possessionem, ut alteri vellet acquirere, *l. 1. §. hæc quæ de servis 19. D. De acq. poss.* Qui animus si desit, potius sibi possidet procurator, *l. 1. §. per procuratorem 25.* Quod autem hic animus proficit, est, quia aliàs neque possideret is, cui res tradita, quia non vult; neque is, qui tradidit, quia tradendo cessit possessionem, & consequenter per possessionem accedit dominium, si dominus fuerit tradens; aliàs usucapiendi conditio: sed hac distinctione, quòd illa etiam ignorantibus acquiratur, usucapio non nisi scientibus, *l. Possessio 49. in fine D. De acq. poss. l. 1. C. eod. tit.* Quod procederet tam in acquisitis per servos, quàm liberum hominem: exceptis rebus peculiaribus per servos possessis, in quibus etiam citra scientiam domini procedit usucapio, *l. 2. §. Celsus D. Pro emptore*, quòd eas voluntate domini videantur possidere, quem cogi per singula momenta inquirere causas & species durius est visum, *l. Peregre 44. §. questum D. De acq. poss. Species*, id est corpora & jura, quæ sunt in peculio, causas, id est titulos, quibus tenentur. Cuius ad *d. l. Peregre*, quæ est ex *lib. 23 Quest. Papiniani.*

A D D I T I O N E S V. A. D.

Nu. 1. ibi, & patri cessisse.) Sine ulla distinctione, inquit Imp. peculij scilicet, quod unum & simplex erat: quemadmodum servorum unicum est peculium, propter conditionem servorum, quæ non recipit diversam qualitatem, *sup. De iure person. in fine.* Omnia patris sunt, inquit Seneca *De benef. 7. c. 4 quæ in liberorum manu sunt.* Et quæ hic esset usus præcipuus patriæ potestatis, quæ patrem filiumque unit quodammodo, *§. si quis alij 4. inf. De inutil. stipulat.* Unde quia familia est una & unum corpus, & caput familiæ est pater, pars verò & velut membrum familiæ filius: hinc quidquid acquirebat filius, id statim, ratione unionis & conjunctionis, quærebat toti familiæ, & ratione principatus ac præminentix in familia soli patri, ita ut ipse pater acquisivisse videretur. Vide notata *sup. ad tit. De patr. potest. in princ.*

Nu. 4. in fine.) Jure, quo hodie utimur, bona quoque filiorumfam. castrensia vel quasi castrensia neque jure proprietatis, neque jure ususfructus cedunt patri. Quin etiam in bonis filij adventitijs patri non competere ususfructum, ex generali regni Gallix consuetudine, notat Joan. Papon, *lib. 6. tit. 12. arrest. 4* idque à patria potestate profluere, quæ in eo regno locum non habeat, *Gl. ad §. 1. Instit. De patria potest.* Joan. Lucius placit. Curia *lib. 8. tit. 6.* Annæus Robert. *Rer. judic. lib. 1. c. 1. in princ.* Quamquam Chassen. ad consuet. Burg. *tit. 6. Des enfans de plusieurs litz § 3. num 2* in regione consuetudinaria scribat contrarium judicatum fuisse. Vide notata *sup. ad tit. Quib. mod. patria pot. solv. tur.* Planè moribus Germaniæ plerisque in locis etiam matribus competere ususfructum in filij bonis, tradit

dit Bachovius ad Pap loco cit. tantum abest, ut à jure patriæ potestatis hoc jus dependere dicendum sit. Vide Weseimb. ad tit. D. De tutel. nu. 5. vers. Quin morib. & Schultz. hic lit. B.

DE TESTAMENTIS ORDINANDIS.

TITVLVS X.

Testamentum ex eo appellatur, quòd testatio mentis sit.

1. Sed ut nihil antiquitatis penitus ignoretur, sciendum est, olim quidem duo genera testamentorum in usu fuisse: quorum altero in pace & otio utebantur, quod calatis comitijs appellabant: altero, cum in prælum exituri essent, quod procinctum dicebatur. Accessit deinde tertium genus testamentorum, quod dicebatur per æs & libram; quod per emancipationem, id est, imaginariam quamdam venditionem agebatur, quinque testibus, & libripende, civibus Romanis puberibus præsentibus, & eo, qui familiæ emptor dicebatur. Sed illa quidem priora duo genera testamentorum ex veteribus temporibus in desuetudinem abierunt: quod verò per æs & libram fiebat, licet diutius permanferit, attamen partim & hoc in usu esse desijt.

2. Sed prædicta quidem nomina testamentorum ad jus civile referebantur. Postea verò ex edicto Prætoris forma alia faciendorum testamentorum introducta est. Jure enim honorar. o nulla emancipatio desiderabatur: sed septem testium signa sufficiebant, cum jure civili signa testium non essent necessaria.

3. Sed cum paulatim tam ex usu hominum, quàm ex Constitutionum emendationibus cepit in unam consonantiam jus civile & prætorium jungi, constitutum est ut uno eodemq; tempore (quod jus civile quodammodò exigebat) septem testibus adhibitis, & subscriptione testium (quod ex Constitutionibus inventum est, & ex edicto Prætoris) signacula testamentis imponerentur: ita ut hoc jus triplicitur esse videatur: & testes quidem, & eorum præsentia, uno contextu testamenti celebrandi gratiâ, à jure civili descendant; subscriptiones autem testatoris & testium, ex sacrarum Constitutionum observatione adhibeantur; signacula autem, & testium numerus, ex edicto Prætoris.

4. Sed his omnibus à nostra Constitutione, propter testamentorum sinceritatem, ut nulla fraus adhibeatur, hoc additum est, ut per manus testatoris vel testium nomen hæredis exprimatur, & omnia secundum illius Constitutionis tenorem procedant.

5. Possunt autem omnes testes & uno annulo signare testamentum: quid enim si septem annuli unâ sculpturâ fuerint, secundum quod Papiniano visum est? Sed & alieno quoque annulo licet signare testamentum.

6. Testes autem adhiberi possunt ij, cum quibus testamenti factio est. Sed neque impubes, neque furiosus, neque mutus, neque surdus, neque is, cui bonis in-

terdictum est, neque ij, quos leges jubent improbos intestabilesque esse, possunt in numerum testium adhiberi.

7. Sed cum aliquis ex testibus testamenti quidem faciendi tempore liber existimabatur, postea autem servus apparuit: tam divus Hadrianus Catoni, quam postea divi Severus & Antoninus rescripserunt, subvenire se ex sua liberalitate testamento. ut sic habeatur firmum, ac si, ut oportebat, factum esset: cum eo tempore, quo testamentum signaretur, omnium consensu hic testis liberi loco fuerit, neque quisquam esset, qui status ei quaestionem moveret.

8. Pater, nec non is, qui in potestate ejus est, item duo fratres, qui in ejusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

9. In testibus autem non debet esse is, qui in potestate testatoris est. Sed si filius familias de castrensi peculio post missionem faciat testamentum, nec pater ejus recte adhibetur testis, nec is, qui in potestate ejusdem patris est: reprobatum est enim in ea re domesticum testimonium.

10. Sed neque haeres scriptus, neque is, qui in potestate ejus est, neque pater ejus, qui eum habet in potestate, neque fratres, qui in ejusdem patris potestate sunt, testes adhiberi possunt: quia hoc totum negotium, quod agitur testamenti ordinandi gratia, creditur hodie inter testatorem, & heredem agi. Licet autem totum jus tale conturbatum fuerat & veteres quidem familiae emptorem, & eos, qui per potestatem ei conjuncti fuerant, a testamentariis testimonijs repellebant; haeredi autem & ijs, qui per potestatem ei conjuncti fuerant, concedebant testimonia in testamentis praestare, licet ij, qui id permittebant, hoc jure minimè abuti eos debere suadebant: tamen nos eandem observationem corrigentes, & quod ab illis suatum est, in legis necessitatem transferentes, ad imitationem pristini familiae emptoris, merito nec haeredi (qui imaginem vetustissimi familiae emptoris obtinet) neque alijs personis, quae ei (ut dictum est) conjunctae sunt, licentiam concedimus, sibi quodammodo testimonia praestare: ideoque nec ejusmodi veteres constitutiones nostro Codici inferi permisimus.

11. Legatarijs, quia non juris successores sunt, & alijs personis eis conjunctis testimonium non denegamus: immò in quadam nostra Constitutione & hoc specialiter eis concessimus. Et multò magis ijs, qui in eorum potestate sunt, vel qui eos habent in potestate, hujusmodi licentiam damus.

12. Nihil autem interest, testamentum in tabulis, an in chartis, membranis (vel in alia materia fiat.

13. Sed & unum testamentum pluribus codicibus conficere quis potest, secundum observationem tamen observationem omnibus factis. Quod interdum etiam necessarium est: veluti si quis navigaturus & secum ferre, & domi relinquere judiciorum suorum contestationem velit, vel propter alias innumerabiles causas, quae humanis necessitatibus imminant.

14. Sed haec quidem de testamentis, quae scriptis conficiuntur, sufficiunt. Si quis autem sine scriptis voluerit ordinare jure civili testamentum, septem testibus adhibitis

COMMENTARIUS.

SUMMARIA.

1. Modi acquirendi dominij per universitatem.
2. Hereditas quid, & quo modo deferatur.
3. Testamentum unde dictum.
4. Testamentum quid.
5. Testamentorum genera varia.
6. Requisita ad testamentum solemne in scriptis.
7. Defectu solemnitatis requisita testamentum est nullum.
8. Quid iuris in foro conscientie.
9. Solemnitatem non desiderant testamenta facta coram Principe, vel apud acta.
10. Testamenta rusticorum minus solemnia.
11. An & tempore pestis condita?
12. Testamenta inter liberos qualiter fiant.
13. In extraneis personis iunctis quid iuris.
14. Iure Canonico qualiter testamenta condantur.
15. Forma testandi secundum Edictum perpetuum anno 1611.
16. Testamentum secundum solemnitatem unius loci conditum an extendatur ad bona
alibi sita.
17. Signa testium quatenus annulo proprio vel alieno imprimenda.
18. Testes septem & idonei requisiti in testamentis.
19. Testes esse non possunt impuberes, furiosi, surdi, muti.
20. Neque mulieres.
21. Non peregrini, aut servi.
22. Non improbi & intestabiles.
23. Reprobatum est domesticum testimonium.
24. Heres non rectè adhibetur testis.
25. Cur legatarij & fidei commissarij adhiberi possint.
26. An & in testamento nuncupativo rectè adhibeantur.
27. Scribentes testamentum nihil sibi adscribere possunt.
28. Quæ in materia testamentum scribi possit, & quæ dicantur tabula testamenti.
29. Unum testamentum in pluribus codicibus scribi potest.
30. Testamentum nuncupativum quomodo fiat.
31. Testamentum relativum ad cedulam aliquam an valeat.
32. Testamentum hodierna an dicenda nuncupativa.

Legata spectant ad modos, quibus acquiruntur res singulae, non per universitatem: dilato tamen eorum tractatu, de testamentis primum subijcitur, quod ijs legata relinqui soleant, & sint quasi testamentorum appendix. * Acquiendi autem dominij iure civili per universitatem sunt quatuor modi, **Hæreditas** Bonorum possessio, Adrogatio, Addictio bonorum libertatis causâ. Recte, iure civili; cum citra traditionem lex per hos modos dominium transferat.

Hæreditas est successio in universum jus, quod defunctus habuit mortis tempore, *l. Hæreditas 62, D. De R. I. (a)* Defertur vel ex testamento, vel ab intestato. De testamento prius agitur, quod subnitatur voluntate defuncti: unde quamdiu ex testamento hæres speratur, tamdiu ad intestati causam non devenitur *l. Quamdiu D. De acq. hered. Nec obitat*, quod testamentorum origo adscribatur à pierisque iuri gentium. *Cov. rr. 3. Var. resol. c. 6. nu. 7.* nam per illud translatio dominij non est inducta, nisi interveniente traditione.

TESTAMENTUM aliqui compositum adserunt ex testatione & mente, adducentes textum hunc, in quo Justinianus dicit, **TESTAMENTUM EX EO APPELLATUM, QUOD SIT TESTATIO MENTIS.** Qua de causa patitur Grammaticorum reprehensionem; sed immerito, cum verbum istud sit simplex, & Justinianus hic non tam tradat nominis derivationem, quod est Grammaticorum, quam vim rei exprimat, quod est Iurisconsultorum. Ut testatio mentis idem sit quod iudicium ultimi elogij. (b)

TESTAMENTUM describit Modestinus in *l. 1. D. Qui testamenta fac. poss. esse iustam voluntatis nostræ sententiam de eo, quod post mortem suam quis fieri vult.* Iustam interpretantur solemnem & regulis juris consonam, ut excludantur codicilli, qui licet in genere suo contineant perfectam voluntatem, non tamen solemnem. Quod facit, quod ait Ulpian. *Tit. xx Testamentum esse mentis nostræ iustam contestationem, in id solemmniter factam, ut post mortem nostram valeat.* (c)

Plura testamentorum genera olim fuisse in usu patet hic ex textu. Primum, quod dicebatur **CALATIS COMITIIS**, quo utebantur in pace & otio, ita dictum, quod coram concione populi, vel populo convocato fieret. *Calata* enim idem quod convocata. **COMITIA** autem sunt concio sive congregatio populi. Secundum, quod dicebatur **IN PROCINCTU**, quo utebantur in prælium ituri, quod à cinctis jam militibus, & è castris in prælium exituris fieret, præsentibus commilitonibus. Hæc duo genera citè obolita, *tex. hic & Vlp. Tit. 20.* Tertium, quod diutius mansit, **PER AES ET LIBRAM**, quod peragebatur per mancipationem, adhibitis libripende, familiæ emptore, & testibus quinque. Adhibebatur & nummus unus loco pretij. **Mors** enim erat veteribus appendere, non annumerare pecuniam, & iustissima alienatio habebatur, quæ per æs & libram fiebat. Ut ea res speciem quamdam venditionis haberet, quæ tamen non nisi ficta erat, cum nummus dæcis tantum causâ adhiberetur; unde hic rectè imaginaria venditio dicitur. Desit & hoc genus partim in usu esse. Atque hæc quidem genera iure civili inducta. Quartum induxit Prætor, qui

qui satis esse iudicavit ad testamenti valorem, SEPTEM ADHIBERE TESTES, EOSQUE SIGNARE, sublatâ mancipatione, id est imaginariâ venditione, quod ea videretur continere pactum de futura successione, bonis moribus minùs respondens. * Tandem aliud genus inductum, constatum ex jure civili, pratorio & Imp. constitutionibus, ut hîc in textu §. *Sed cum paulatim* est videre. Ut hodie, ad testamenti solemnitatem, ultimum elogium sit explicandum, UNO EODEMQVE CONTEXTU ET TEMPORE, id est nullo actu extraneo interveniente, secundum jus civile, quo omnes actus sollemnes uno contextu absolviendi, (d) CORAM SEPTEM TESTIBUS, qui SIGNACULA sua supponant, secundum edictum Prætoris, & SUBSCRIBANT, unâ cum TESTATORE, secundum Constitutiones, uti habet *text. hîc*: ubi dicit Justinianus, se ad majorem sinceritatem & faciliorem fraudis exclusionem addidisse, ut per testatorem ipsum, aut, si scribere nequeat, per testes nomen hæredis adscribatur, *l. iubemus 29. C. de testam.* Quod tamen postea immutavit, permittens nomen hæredis adscribi per quemvis alium, *Nov. 17. sponsalitia largitas 119. §. quia vero & Auth. Non observato C. h. t.* * Et hoc ita quantum ad testamentum scriptum, quod non aliter iudicabitur ratum, nisi ista sint observata, ut aliàs ex eo nihil peti possit, *l. 3. C. h. t. l. Ex testamento C. de fideicom.* quasi testator omittendo solemnitates nihil voluerit deberi, *l. 8. D. de acceptilat.* * Quod & in foro conscientiarum obtineat, quatenus non potest constare de voluntate, nisi per testamentum, quod imperfectum habetur pro non facto. Nam si aliunde hæredi sit notæ voluntas, aliud videtur dicendum per *l. fin. C. de fideicom.* ut forma ista per leges requisita videatur esse probatoria. (e)

Ab hac autem solemnium observatione soluta sunt testamenta militum, *ins. Tit. 9. seq. item ad. coram Principe, vel apud acta, etiam sine ullo teste, l. Omnium 19. C. h. t.* quod omnem solemnitatem superet id, quod tenet conscientiam Principis. (f) * (g) * Rationem testamenta rata habentur coram quinque testibus facta, si alii haberi nequeant, *fin. C. h. t.* * Tempore pestis sunt, qui minorem testium numerum sufficere velint, propter contagionis metum, per *l. 8. C. cod.* Quæ tamen lex non tam de numero testium quidquam remittit, quàm voluntatem ratam habet, quæ facta coram testibus non simul præsentibus ratione contagionis: ut numerus integer sit adhibendus, cum quod non in eniter mutatum, non sit prohibendum stare. (a) * Parentum inter liberos testamentum nullam ordinationis solemnitatem desiderant, contenta illa, quàm jus gentium requirit, probatione, *d. l. 1. §. ex imperfecto.* Ita ut duo testes sufficiunt; imò & nullo opus sit, si aliunde de voluntate constet, per modum de jure gentium receptum. Ut si mulier nunc rectè adhibeatur testis, cum ejus inhabilitas ex jure civili descendat, ut dicetur paulò inferius. Ratio hujus exceptionis est favor liberorum, qui faciem non præsumi subordinationem, etiam factâ inæquali distributione, *Nov. de testim. imperfectis 107. §. 1.* ubi dicuntur partes adsignandæ à parente pro lubitu, non diminutâ tamen legitima. (i) * Extraneæ personæ scriptæ nihil proderit iste favor, *d. §. Ex imperfecto*, nequidem in priam causam, si jus civile inspiciamus, cum de loco extraneitatis. *fin. XVII. qu. fin.* Nec quidquam facit *l. 1. C. de SS. Eccles.* nam licentia piis causis relinquendi ibi concessa nihil

- sa nihil remittit desolemnibus juris. Jure tamen Pontificio testamentum ad pias causas coram duobus aut tribus testibus factum valere jubetur, *l. Recitatum 11. de testam.* * Quod & generaliter sustineri vult testamentum conditum coram duobus aut tribus testibus, & Parocho, qui Notarii vices suppleat, *c. Ceterum 15. de re-stam.* Et hoc in suo foro: nam quin in civili territorio sit. r. vanda solemnitas supradicta, non est dubitandum, cum non sit jus Pontifici eam mutandi, nisi quoad suos subditos, & causa, quæ agitur, non sit spiritualis, nec sub sit peccatum. Consuetudo plerisque in locis est conformis, contenta duorum testium presentia & Notarii; in aliquibus tamen locis præter testes desiderantur & alii. Principes nostri Edicto suo publicato anno 1611. *art. 12.* non alias habent ratam voluntatem, quam si signata sit per testatorem & testes duos, ad hoc, ut non sint scripti, coram Notario aut Pastore, si tamen non sit alia forma recepta. (k)
- 16 Unde quaesitum, An testamentum secundum solemnitatem in uno loco teneat quoad bona alibi sita, ubi major desideratur solemnitas? Resp. non tenere, quia uti contractus vim capit ex loco, ubi initus, *l. Si fundus 6. D. de iur. i. l. C. de emancipat.* ita & testamentum. Quoties enim de solemnitate principaliter agitur, inspicitur loci jus, in quo facta dispositio, cui se quisque obligat. *l. ut. ad l. Omnes populos qu. 7. C. de summa Trinit.* Cujac. in Recit. ad *l. Omnes populi. D. de iur. & jure.* (1)

§. Possunt autem.

- 17 **S**IGNA testium, quæ requiri supra dictum, ad testamenti securitatem (quod claustrum manet, donec, testibus sua signa agnoscere non possint) ANNULO imprimenda esse, habet textus hic & in *d. l. Ad testium 22. §. signum D. Qui testamenta fac. poss. habente* tamen characterem aut imaginem signi. Ubi quod annuli fiat mentio, est, quod olim passim in annulis signa gestarentur, quos signatorios vocabant, & domi supellestem penumque omnem signabant, ne quid malitiæ aut negligentia servorum periret, ut notum est ex veterum scriptis, & tradit I. Lipsius 2. Annal. Taciti. Alias quidni & alio impresso satisfiat? cum quod signandi causâ comparatum nihil attineat ad materiam sigilli: nam & alieno, etiam ipsius testatoris, & uno quidem plures testes signant, *rex. hic & d. l. 22. §. si ab ipso*, citra falsi crimen, cum lex id ipsum admittat, & subscriptio testium, quâ indicatur, qui cujus testimonium signaverint, *l. pen. D. d. r. falsitatem* removeat, cujus defectus induceret vitium, *d. l. 22. §. si quis ex testibus.*

§. Testes autem.

- 18 **R**Equiritur SEPTEM TESTIVM numerus hac in materia, ad excludendam falsitatem: quos & ROGATOS esse ad hoc oportet; quamvis si alia de causa præsententes certiorerentur se ad testamentum adhiberi, sufficeret, *l. Hæredes 21. §. 2. D. h. r.* modo alias sint idonei: quales hac in materia sunt PVBERES, MASCVLI, CIVES ROMANI, quibuscum est testamenti factio.
- 19 Excluduntur itaque IMPVBERES, quod sufficienti sensus iis desit: qua de causa & excluduntur FVRIOSI, SVRDI, MVI, illos tamen interni defectus, hos externi inhabiles facit.

Exclu-

Excluduntur & *MULIERES*, §. *Testes 6. vers. sed neque h.t.* Causa non est in fragilitate sexus, cum aliis in rebus testes esse possint, *l. Qui testamento 20. §. mulier D. h.t.* sed ex antiquo jure procedit, quo testamenta nebant calatis comitiis, quorum commercium non erat mulieribus, teste A. Gellio §. *Noct. attic. c. 19. (1)*

Excluduntur *PEREGRINI, SERVI*, quibuscum jura civilia non fiunt communia. *21* Inspiciturque conditio, quæ fuit tempore conditi testamenti, *d. l. 22. §. 1. ubi libero adhibito in testem*, si is postea redigatur in servitutem, non ideo corrumpit dispositio: uti nec e contra prodest, si tempore testamenti conditi servus existens adhibitus sit testis, postea depositionis tempore inveniatur liber. Non interest tamen verè liber fuerit, an pro tali habitus sit communiter: nam ex liberalitate imp. subvenitur iis, qui iusto & probabili errore decepti, *text. hic.* venuti si quis publicè habitus sit pro libero, *l. 3. D. de offic. prat.* Et hoc, ut utilitati publicæ consulatur.

Excluduntur præterea ii, quibuscum non est testamenti factio, saltè passiva, *22* id est, qui cum testamentum facere nequeant, non possunt etiam ex testamento alieno capere, *text. hic.* Cujus ordinis sunt inter alios, quibus lege fides abrogatur, & ademptum jus testimonii dicendi, quales hic in textu dicuntur *IMPROBI & INTESTABILES*, venuti damnatus ob crimen famosum. Si tamen tempore testamenti probus testabilisque fuerit habitus, dicendum videtur, secundum dicta ejus testimonium non esse rejiciendum.

§. *Pater, nec non is.*

D Enique necesse est in testem advocetur, qui est extra suspicionem falsitatis, *23* quam causat affectus. Quo modo *DOMESTICUM TESTIMONIUM* est reprobaturum, quod hac in materia non ex cognatione aut cohabitatione, sed ex unione & conjunctione, quæ contingit per patriam potestatem, æstimatur. Unde filius in potestate non rectè adhibetur testis testamento paterno, uti nec e contra pater filio testanti de peculio castrensi post missionem, quod eadem habeatur cum patre persona. Dico, post missionem; quia ante missionem privilegium militare, quo utitur, facit cessare patriam potestatem, cum habeatur loco patris fam. quoad istud peculium. Emancipatus, cum sit extra potestatem, patri testanti ad stare testis non prohibetur. Quod multò magis procedet in extraneis testibus rogatis, licet sint potestate sibi invicem devincti, *text. hic*: * nisi eorum causa agatur, ut quia alter *24* eorum institutus hæres; tunc enim in propria causa testimonium perhiberent, quod neutiquam fert ratio, §. *sed neque hæres inf. eod.* ubi indicatur ea in re recessum à jure pristino, quo repellabatur quidem à testimonio dicendo familiæ emptor, & ei per potestatem juncti, licet hæres non esset: admittebatur autem ex ratione, quod totum negotium mancipationis inter testatorem & familiæ emptorem ageretur. *Vlp. Tit. xx. §. qui in potestate. (m)*

§. *Legatariis autem.*

R Atio dubitandi est, quod videantur in propria causa testari: eo tamen non obstante, dicitur hic *NON ESSE DENEGANDUM TESTIMONIUM LEGATARIO* *25* *ET FIDEICOMMISSARIIS.* Quod & habetur in *l. Qu. testamento 20. in pr.* *D. Qui*

D. Qui testam. fac. poss. & in l. Dictantibus 22. C. h. t. subjuncta hac ratione, quod NON SINT JURIS SUCCESSORES, id est eorum negotium principale non agatur, & nihil improbitatis contineat, remunerari illos, qui voluntatem confirmant, l. si quis ita 14. D. de reb. dubiis. (o)

- 26 Quod ita citra controversiam procedit in testamento scripto, controversum autem in nuncupativo. Idem tamen & in eo statuendum, cum prædicti textus non distinguant: ut licet hujus fides nullo subnixta scripto tantum ex legatario um dependeat de positione, non tamen hæc ratio falsa est repudianda; cum ubi textus non distinguit, nobis non sit distinguendum, & ratio superius allata etiam hic obtineat. (p) * Alia ratio est in iis, qui scribunt testamentum, cum pro non scripto habeatur, quod sibi adscribunt, & p. de falli subiaceant, C. de his qui sibi adscr. in testamento. Quod secuti Belgarum Principes, nuper in suo Edicto arr. 13. vetuerunt Notariis, Pastoribus, & aliis, qui Notariorum vice funguntur, testamento quid relinquere, etiam eorum cognatis, usque ad quartum gradum inclusivè, secundum computationem juris civilis. Quam re derogatum est juri Romano, d. l. Dictantibus 22. C. de testam.

§. Nihil autem.

- 28 **R**atio hujus, quod parum referat, quæ in materia scribatur testamentum, siue in charta, siue in membrana, siue in corio siue in ligno, l. De bon. poss. secundum tab. modo per formam requisitam constet de mente. (q) Fit autem hic mentio tabularum, quia moris erat veteribus stylo scribere in tabulis ligneis cerâ illitis, unde tabulæ testamenti dictæ. Dicuntur & tabulæ contractuum, & alterius cujuscumque negotii. * Subjungitur autem hic, VNVM TESTAMENTUM PLVRIBVS CODICIBVS SCRIBI POSSE, unius tamen & ejusdem tenoris, qui eundem heredem scriptum habeant, quod commodum est peregrè ituris: quo casu ex quovis exemplari hereditas & bonorum possessio peti poterunt, d. l. 1. §. si quis ex d. o. de bonor. poss. secundum tab. Si diversis tabulis eodem tempore signatis diversi heredes scripti fuerint, & utræque extent, ex utrisque quasi ex unis competit bonorum possessio, d. l. 1. §. sed si ex duobus. Si non simul, sed separatim fuerint signati codices, posteriores prævalebunt: & si non appareat, qui prius, qui posterius sint signati, neuter codex admitteatur, arg. l. Duo sunt D. de testam. tut. propter incertitudinem, l. si quis 27. D. de reb. dubiis. Si testator unum fecerit quasi testamentum, alterum quasi exemplum, necesse est testamentum extet, quia exemplo non datur hereditas, aut bonorum possessio, d. l. 1. §. sed si unum.

§. Sed hæc quidem.

- 30 **I**Actenus explicata spectant ad testamentum in scriptis factum. Est & aliud, quod sine scripto fit, & NUNCUPATIVUM vulgò dicitur, à nuncupando, id est voce exprimendo voluntatem: quo in genere eadem necessaria sunt, quæ dictum requiri in scripto; septem scilicet testes idonei, coram quibus in conspectu testatoris existentibus, unico contextu proferat testator suum ultimum elogium, l. Hac consultissima 21. §. per nuncupationem C. h. t. Exceptis iis, quæ ad scripturam spectant

stant, nimirum subscriptione & subsignatione. Ut hoc testamenti genus jure civili hic dicatur obtinere, non etiam pratorio, quo requiritur subsignatio. Est autem hoc in genere necessarium, ut testator hæredis nomen exprimat, *l. Hæredes 21. in pr. D. Qui testam. facere poss.* * Ut non sufficiat relatio hæredis ad scedulam, siue scripturam aliquam, quâ continetur nomen ejus, cum in *l. Jubemus 29. §. quod si non C. h. t.* dicatur non stare testamentum, in quo nomen hæredis non est nuncupatum.

(r) Dictum autem supra, moribus receptum esse plerisque in locis, coram Notario & duobus testibus testamenta ordinari. Ubi controversum, An talia sint dicenda nuncupativa, an scripta? Et dicendum, non esse nisi nuncupativa; cum testator voluntatem suam testibus nuncupet, quam Notarius excipit: unde ab eo, quod principaliter intenditur, denominatio sumitur, scilicet explicatio voluntatis per nuncupationem, non etiam per scripturam: quæ tantum per accidens adhibetur, non etiam pro testamenti forma, ut etiam sine ea teneat, arg. *l. Contrahitur 4. D. de pign. rib. & l. In re 4. de fide instrum.* Clarus §. *Testamentum quest. 4. n. 1.*

ADDITIONES V. A. D.

Num. 2. ibi, *l. Hæreditas 62. D. de R. I.*) Dicitur *successio*, id est, jus succedens seu succedendi in locum defuncti. Dictamque definitionem accipiendam de successione juris rectè Bart. tradidit, *ad rubr. tit. de acq. hered.* Mortuo quippe testatore succedit quoddam jus, quod vocatur hæreditas, defuncti personam representans in omnibus juribus, *l. Hæreditas 34. de acq. rer. dom. & l. Mortuo de fideicom. libertatib. distinctum à bonis, quæ in hæreditate sunt, l. Hæreditatis 119. l. Pecunie 178. §. 1. & l. Bonorum 208. D. de V. S.* Quamvis Jurisconsultos in eo riserit Seneca 6. *de benef. c. 5.* cujus verba adduxi sup. *ad Tit. de reb. corporal. & incorporal.* & hæreditatem ita quoque Cicero definierit, in *Tob. ad Trebat. j. C.* esse scil. *pecuniam, quæ morte alicujus ad quempiam pervenit jure.* Quam definitionem expendit Duar. *ad tit. D. de acq. vel omit. hered.* & approbat eandem, repræhensâ hæreditatis definitione à J. C. traditâ, Joan. Mercer. *lib. 2. Opin. c. 13.* Verum observandum est, definitionem illam Ciceronis non tam esse substantiæ seu essentiæ, ut vocant, ut quæ non constet genere & differentiâ; quàm causalem, desumptam à materia, vel causâ materiali, nempe à pecunia, quæ hæreditate continetur: quo nomine veniunt aliæ quoque res hæreditariæ, tam soli, quàm mobiles, & tam jura, quàm corpora, *d. l. 178. & l. Pecunie 222. de V. S. Bern. Walter. 1. miscell. c. 30.*

Num. 3. in fine.) Qua in re videntur Jurisconsulti nostri imitati Stoicos (ut alias sapius) etymologîâ, seu veriùs allusione nominis desumptâ ab ipsa re, qua de in testamentis agitur. Est namque testamentum hominis sani voluntas, & judicium sanæ mentis, *l. L. Titius 88. in fine D. de leg. 2.* Exigiturque hæc integritas mentis vel eo tempore potissimum, quo quis testamentum facit, *l. 2. Qui testam. fac. poss.* Quod spectat familiare tabellionibus proœmium, *Constitutus in mei Notarij presentia N. ager quidem corpore, at sana & integra mentis, &c.* Alii testamentum videtur dictum, quasi

statio sit manens: manere quippe ultimam voluntatem seu ordinationem clausam, & sine esse & u, quamdiu testator vivit; eo verò mortuo manere itidem ratam perpetuò. Ita Oldendorp. *Action. forens. classe 5. in princ.* Alii verò est simplex nomen, non compositum, ita dictum, quòd omnium maximè testatò fiat, quippe quod olim, teste universo populo, perageretur; retentamque deinceps semper fuisse solemnem testium rogationem: secùs atque in aliis causis, quæ testium intervencum desiderant, arg. l. *Heredes* 21. §. 1. *Qui testam. fac. poss. & Auth. Rogati C. de testibus.* Ita Tim. Faber *Annotat. Juris* c. 23. n. 3.

Num. 4. in fine.) Dicitur verò testamentum voluntatis seu mentis nostra iusta sententia; non alienæ: quia de suo quisque testari debet, non de alieno: satisque constanter veteres decrevisse ait J. C. testamentorum iura ipsa per se firma esse oportere, non ex alieno pendere arbitrio. Unde illa institutio, *Quos Titius voluerit, hæredes instituo*, ideo vitiosa est, quòd alieno arbitrio permixta sit, l. *Illæ* 32. D. de hered. instit. Similiter vitiosa est institutio, si quis ita scripserit, *Si Titius voluerit, Sempronius hæres esto*, quia ipsa substantia dispositionis confertur in meram voluntatem & arbitrium tertiæ. l. *Si quis* 68. D. cod. Vide Ant. Fabr. *De erroribus Pragmat. Dec.* §. 1. Er. 4. ubi docet, ejusmodi institutiones non valere, non quòd sint captatoriæ, sed quia contra formam legis factæ.

Dicitur, de eo, quod quis post mortem suam fieri velit, id est de re & hæreditate sua. Disponit enim testator de rebus suis eo tempore, quo illarum adhuc dominus est, verum collatâ dispositione in id tempus, quo amplius dominus non erit. Viventis enim nulla hæreditas, l. *Neminem* 27. & l. *Qui superstiti* 94. D. de acq. hered. & l. 1. D. Pro hærede. Quòd spectat illud D. Ambrosii de Noë & arca: *Homines, cùm moriuntur, patrimonium suum testamento transcribere solent, nec cedit hæreditas, donec vivit testator.* Eleganter Seneca lib. 4. de benef. c. 11. *Vbi mors, inquit, intercludit omnia, & ad serenam sententiam incorruptum iudicem misit, querimus dignissimos, quibus nostra tradamus.* Nec quidquam curâ sanctiore componimus, quam quod ad nos non pertinet. Elegans quoque in hanc rem locus est Optati Milevitani, celebris olim in Africa Episcopi, lib. 5. contra Parmen. Terrenus, inquit, pater, cùm se in confinio senserit mortis, timens, ne post mortem suam, ruptâ pace litigent fratres, adhibitis testibus, voluntatem suam de pectore morituro transfert in tabulis diu duraturas. Et si fuerit inter fratres contentio nata, non itur ad tumultum, sed queritur testamentum, & qui in tumultu quiescit, tacitis de saculis loquitur virus.

Num. 6. ibi, uno contextu absolvendi) Ut scilicet testes testamento (licet alio atque alio tempore dictatum scriptumve proferatur) simul omnes subscribant, signentque, uno tempore, uno eodémque die: quemadmodum & stipulatio, quæ & ipsa individua, continuo actu peragi debet, l. 1. §. 1. l. *Continuus* 127. D. de V. O. & l. *Duos reos* 6. in fine de duobus reis constit. Contractus verò omnis est extraneus testamento, quippe qui non nisi duorum pluriumve voluntate perficitur, l. 1. §. 3. D. de pact. In testamento unus tantum loquitur, non plures. Tim. Faber ad h. r. diff. 18. th. 3. Adde Vigl. hic n. 5.

Num. 8. in fine.) Vide de hac questione latè D. Zaf. ad tit. D. *Qui testam. fac. poss.*

poss. n. 43. Fachin. 4. *contr. c. 5.* Franc. Mantic. *de conject. ult. volunt. lib. 2. tit. 14.* Covarr. in c. *Cum esset* & *de testam.* Gomez. *ad Leg. 3. Tauri n. 123.* D. Tuld. *hic c. 12.* qui opinioniones diffidentes conciliat hoc modo, ut non implens voluntatem imperfectam defuncti nequaquam peccet contra iustitiam civilem seu particularem, peccet verò contra iustitiam universalem, quæ complexu suo virtutes continet omnes. Eundem vide *Comment. ad cod. h. t. n. 9.* Rectè autem huic loco accommodes verba Plinii *lib. 4. epist. 10.* ubi ait, *religiosissime custodiendam defunctorum voluntatem, quam bonis heredibus intellexisse, pro jure est.*

Num. 9. in fine.) Et quæ coram Principe fit institutio, toto jure teste fieri intelligitur, inquit Gothofr. *ad d. l. Omnium.* Vide Fachin. 6. *contr. c. 46.* Molin. *de just. & jure tract. 2. disp. 124. n. 1.* Apud acta censetur conditum, quod fit coram Graphiario vel Secretario & duobus Scabinis, absque alia solemnitate, prout Principes nostri declararunt anno 1613. prid. Kal. Sept. & anno 1615. 21. Febr. item ann. 1617. 2. Aug. ad supplicationem Magistratus Atrebat. & Audomarenfis, eo addito, quodd & per testatorem, si scribere sciat, signari oporteat hoc testamentum. Concordant consuet. *Lovan. cap. 15. art. 1.* Mechlin. *tit. 17. art. 1.* & Antverp. *tit. 64. art. 1. & 2.*

Num. 11. in fine.) Multa enim & morbi de jure cogunt remittere atque immutare, pestilentia ingruente, inquit Plato *lib. 4. de legib.* Vid. Marq. Freher. 2. *Parer. c. 2.* Aded ut & de numero testium plerisque in locis remissum sit aliquid, ac bini testes sufficiant, quod & receptum moribus. Bus. *ad l. 1. n. 10.* D. *Qui testam. fac. poss.* Boër. *decis. 228. & seqq.* Gail. 2. *Obs. 118. in fine.* Myns. *cent. 1. Obs. 96.* ex præjudiciis Camera Imperialis, Christin. *ad consuet. Mechlin. tit. 17. art. 1. n. 14.* Hodie apud nos Edictum perpetuum ann. 1611. art. 12. quoad formam condendis testamentis præscriptam, observari jubetur etiam ab infectis peste, tempore contagionis, ex interpretatione ann. 1630. 27. Junii: & valida declarantur testamenta tempore pestis condita, non obstante, quodd alter testium sit Religiosus aut foemina, 1631. 22. Martii. Vide Christin. *ubi sup. in addit. n. 25.* & Ant. Fabr. *in suo Cod. tit. de testam. de fin. 6.*

Num. 12. in fine.) De testamento inter liberos pluribus agit D. Zoef. *ad tit. D. Qui testam. fac. poss. n. 58. & seqq.* Gudelin. 2. *De jure noviss. c. 4. n. 9.* Jul. Clar. §. *Testamentum quest. 7.* Gail. 2. *Observ. c. 112.* Nec censi hodie in Belgio per Edictum an. 1611. derogatum juri communi quoad testamenta inter liberos declararunt Principes nostri an. 1619. 3. Aug. Qualiter verò testamentum ejusmodi confectum esse oporteat, ad hoc ut subsistat, sancivit Justinianus Imp. Nov. 107. reformatà Constitutione Theodosii, in *l. Hac consultissima §. ex imperfecto C. de testam.* & Constantini, in *l. ult. C. Fam. ercisc.*

Num. 15. in fine.) Habet prætereà idem Edictum, testes interrogandos esse à Notariis aut Parochis, an sciant scribere; idque obtinet in locis, ubi plerumq; viri litterati aut legere scientes non reperiuntur: secus in locis, ubi litterarum peritos reperire est, velut Advocatos, & alios Pragmaticos & c. ex interpretatione facta an. 1618. 2. Nov. Quod ipsū locum habet non tantum in testamentis, verum & in codicillis,

cillis, seu testamentis, quæ clausulam codicillarem habent, etiam militum in prædiis agentium: insuperque sub his verbis, *si scribere nesciant*, placuit comprehendere eos quoque, qui ob morbi acerbiteriam, fortè per impotentiam nesciunt scribere. Zyp. in *Analysi juris Pont. novi tit. de testam. n. 20.* Signacula seu sigilla testium apponi hodie usu receptum non est.

Num. 16. in fine.) Tractat eandem questionem D. Zoef. ad d. tit. *Qui testam. fac. poss. n. 49* & quoad dispositionem circa bona, ex eodem Edicto art. 13. notat, attendendam esse consuetudinem ac solemnitates ejus territorii, ubi bona sita sunt. Quod tamen restringi debet ad bona immobilia, utpote quorum certus, perpetuusque quidam situs est: nam rerum mobilium, quæ transferri semper possunt pro arbitrio dominorum, diversa ratio est. D. Gudelin. ad d. tit. *Qui testam. facere poss. Bui. ad d. l. Si fundus D. de evict. n. 13. 14. & 15.* Ampl. D. Burgund. *Contr. ad consuet. Fland. tract. 6.* quem adeas suadeo. Illud quoque hic obiter observa, moribus multarum gentium restrictum esse jus testandi, ut non liceat de bonis omnibus testamento disponere, sed de parte tantum, veluti triente. Joann. Faber ad tit. *Instit. de lege Fusi Canin. tollen.* ubi consuetudinem illam in quibusdam locis obtinere ait, ut quis possit dare inter vivos quicquid habet, sed in ultima voluntate non nisi tertiam partem. Sic & Flandriæ leges prohibent quem testamento supra tertiam partem bonorum patrimonialium, dimidiam verò acquiritorum legare. Jac. Marchant. in *descript. Fland. c. de legib.* Similiter Geldriæ moribus cuilibet sui juris est liberum quod suum est donare, aut quo alio titulo inter vivos in alium transferre; non etiam in ultima voluntate, facultate testandi aut planè prohibitâ, aut magnâ sui parte in ordinem coactâ, ut tradit Lamb. Goris *Advers. ad consuet. Geld tract. 4. §. 9. & 10.* Quod ex veteri jure Germanorum retentum videtur, cujus Tacitus meminit de moribus German. his verbis: *Hæredes, successoresque sui cuique liberi, & nullum testamentum.*

Num. 29. in fine.) Moribus hodiernis etiam inutile habetur in testamentis mulieris testimonium, idque multorum locorum legibus expressum est; excepto tempore pestis, ubi masculus deficit: alibi tamen receptum indistinctè & in testamentis, & in codicillis, eâ ratione, quòd de jure gentium in ore duorum vel trium stet omne verbum, non distinguendo inter sexum. Guido Papa *quest. 538.* Joann. Gallus *qu. 3 16. p. 5. styli Parlam. & ibid. Molinæus.*

Num. 14. in fine.) Verùm postea, sublata familiæ mancipatione, recessum fuit ab hoc jure, ac totum negotium, quod agitur, testamenti ordinandi causâ, creditur hodie inter testatorem & heredem agi, inquit Imp. ut vel hac ratione hæredis testimonium in testamentis non recipiatur. Quæ tamen ratio displicuit Ant. Fabro, de erroribus Pragmat. Dec. 66. Er. 1. qui non fert, ut dicamus, negotium aliquod agi inter testatorem & heredem, cum hic, vivo testatore, de hæreditate, quæ nulla est viventis, l. 1. de hered. vel act. vend. & l. 27. de acq. vel omit. hered. certus esse non possit, nisi per accidens. Verùm animadvertere ille debuit, propriam hic locutionem non esse in verbis, *creditur agi*: nam verba contraxerunt, gesserunt, non pertinent ad testandi jus, l. Verba 20. de V. S. Sed Imp. metaphoricâ quâdam interpretatione expri-

exprimere voluit similitudinem, quam hodieq; habent testamenta cum prisca & antiquatis, quæ fiebant per aes & libram, §. *sed neque hæres* 10. in fine h. t. Abusivè autem loquendo etiam quis cum defuncto contrahere dicitur, arg. l. 1. D. De relig. & sumpt. fun. Ita Tim. Faber. ad h. t. disp. 18. thes. 10. Moribus quoque nostris neque hæres scriptus rectè adhibetur testis, neque filius, pater, aut fratres hæredis, non propter vinculum patriæ potestatis, quia hæc in fictione quadam juris consistit, quæ jure gentium & moribus non attenditur, sed propter conjunctionem sanguinis, quæ efficit, ut eorum testimonia non sint extra suspensionem speratæ successionis: ut ita quoque sibi quodammodò testimonium dicere videantur.

Nu. 25. in fine.) Atque ita potuit hoc emolumentum accedere testibus ex speciali legis indulto, l. Dictantibus 20. C. De testam. Qua de re elegans locus est apud Symmachum Epistol. lib. 10. epist. 55. Cum testamenti iure confecti fidem recitatio publicaret, calumnia inanis objecta est, quod signatores nescio quid legati ex eadem voluntate cepissent. Adduntur etiam scripta Divalia, quibus ad stipulationem cuiusdam remota est, qui suam juvisse causam testimonio diceretur: quasi verò simile esset exemplum, ut tenuis honor, quo subscriptores ob amicitiam defunctus asperferat, legitimum posset abolere iudicium. Nam si his legibus viveremus, inimicis signatoribus tutius uteremur, quorum offensa nihil de testatore humanitatis exigeret. Non sum nescius, ab hac recepta & communi sententia, jureq; olim constituto, contra omnium Interpretum sententiam, recedere Ant. Fabrum, Dec. 66. Errore 3. verum ejus rationes solidè refutat D. Guil. Masius noster Singular. Opin. lib. 6. c. 17. disp. 1. Planè cum moribus multorum locorum institui hæres, nisi in re certa, nemo possit, isq; ita institutus pro legatario & fideicommissario habeatur, consequens inde fit, aut legatarium testem esse non posse, aut ejusmodi hæredem ad testimonium admitti non esse adeò absurdum. Ita Bucherel. ad h. t. qui ibidem & de domesticis agit testibus, de quibus extat apud Gallos Constitutio Francisci I. sub. tit. De evocationib. ad quam & nonnulla Rebuff. notat.

Nu. 26. in fine.) Contrarium tamen & hic evincere conatur idem Faber d. Dec. 66. Errore 2. sub fin. motus his verbis: *Sed hæc quidem de testamentis, quæ scriptis conficiuntur, sufficiant*; quasi eò referri debeant, quæ antè de qualitate testium dicta sunt. Rationem diversitatis allegat, quòd in testamento solemnibus testes adhibeantur, magis ad probandam solemnitatem, quàm voluntatem, quæ per solam scripturam probetur satis, & quamplurimumque testes omnino ignorent. At in testamento nuncupativo testes adhiberi ad probationem, non tam solemnitatis, quàm voluntatis, quam & exaudiant necesse est, sciantque quid contineatur testamento, quid & quibus sit legatum, qui scripti hæredes. Ex quo putat sequi necessariò, ejusmodi testes de legato sibi relicto testimonium ferre non posse, quin sibi ipsi & in re sua ferant. Ita ille. At verò cum legatarij non nisi per consequentiam sibi & quasi in sua causa testimonium præstent, nec textus juris distinguat, probabile quoque est, indistinctè esse accipiendum, quòd hic & alibi indistinctè adseritur. Ita ferè Vigl. hic, & communiter Interpp. Fabri verò rationes pressius ad examen revocat D. Mas. d. c. 17. disp. 2. 3. & 4. docetque legatarium etiam in testamento nuncupativo rectè adhiberi testem, eà sola ratione, quòd juris successor non sit, nec a-

ratione removeri eum posse, neque attendi aliud commodum in testibus, quam illud, quod juris successionem in se contineat, *d. diff. 3. nu. 13*. Verumtamen, gentium jure inspecto, ad quod testamenta moribus hodiernis ferè sunt redacta, deprehendimus, nullam rationem evincere, quin legatarius testamento adhibitus non sit quodammodò testis in propria causa, ut vel ideo removendus videatur. Quamvis aliud fortè dici posset de legatario teste adhibito in testamento holographo, ut vocant, id est ab ipso met testatore scripto, subscripto, ac deinde clauso coram Notario & testibus, additâ in dorso declaratione ejusdem testatoris, tali scilicet scripturâ suam contineri ultimam voluntatem, unâ cum subscriptione testatoris, testium, & Notarij, secundum formam, quam Edictum anni 1611. condendis testamentis præscribit; licet in ipso testamento aliquid relictum sit legatario, quippe ejus rei ignaro, atque ignoranti tenorem ordinationis.

Nu. 28. ibi, constat de mente.) Verum non tantum testamenta, sed & quævis alia instrumenta operæ pretium esset conscribi in membrana seu pergameno, non in charta aut papyro, ad perpetuam rei memoriam: qua de re est Constitutio Maximiliani I. Imp. an. 1512. in Comitij Colon. edita. Consuetudo tamen passim approbat testamenta instrumentave etiam in papyro conscripta. *Myns. cent. 1. Obs. 80. Gail. 1. Obs. 119. nu. 3.*

Nu. 31. in fine.) Contrâ, talem declarationem pro testamento vel codicillo esse, hocque genus testamenti dici testamentum implicite nuncupativum seu relativum, Bart. & alij tradunt, in *l. Affe toto 77. De hered. instit. & l. Si ita scripsero 38. De condit. & demonstr.* Covarr. ad c. Cum tibi 2. De testam. nu. 6. Wamers. conf. de iure Pontif. 389. nu. 44. & conf. 422. nu. 6. quasi paria sint, in testamento aliquid exprimere specificè, vel per relationem ad aliud. Gabriel, *Commun. conclus. lib. 4. concl. 11. in princ.* Adde D. Zoef. ad tit. D. Qui testam. fac. poss. nu. 56. Ant. Fabrum *Decade 69. Er. 4. & Ant. Merendam 3. contr. c. 50.*

Nu. 32. in fine.) Porro circa dispositionem, & declarationem ultimæ voluntatis, quæ per nuncupationem fit, ut nihil frequentius hodie est eo genere testamenti, ita peccari frequenter solet; à qua tamen, ut re maximi momenti, fallitas omnis & periculum fallitatis abesse deberet longissimè. Etenim obtinuit moribus, ut tota ferè vis testamenti nuncupativi pendeat ex fide & scriptura Notariorum: qui testamenta scribunt, etiam remotis testibus; scripta legunt, convocatis quidem testibus, sed qui ad aliud non adhibentur, quam ut audiant videantque legi testamenta. Nuncupatio sive nominatio hæredis, tametsi ab alio fortè quam à testatore facta, scribitur tamen facta per testatorem, ex inveterato Notariorum more: qua de re videri possunt, quæ adversus nuncupativa hodierni temporis testamenta tradidit Ant. Faber *Decade 58. Error 1. & 2.*

DE MILITARI TESTAMENTO.

TITVLVS XI.

SUpradicta diligens observatio in ordinandis testamentis, militibus, propter nimiam imperitiam eorum, Constitutionibus Principalibus remissa est. Nam quamvis ij neque legitimum numerum testium adhibuerint, neque aliam testamentorum solemnitatem observaverint, rectè nihilominus testantur, videlicet cum in expeditionibus occupati sunt: quod meritò nostra Constitutio introduxit. Quoquo enim modo voluntas ejus suprema inveniatur, siue scripta, siue sine scriptura, valet testamentum ex voluntate ejus. Illis autem temporibus, per quæ citra expeditionum necessitatem in alijs locis vel suis ædibus degunt, minimè ad vindicandum tale privilegium adjuvantur. Sed testari quidem etsi filij familiarum sunt, propter militiam conceduntur: jure tamen communi, eadem observatione & in eorum testamentis adhibendâ, quam in testamentis paganorum proximè exposuimus.

1. Planè de testamentis militum divus Trajanus Catilio Severo ita rescripsit: Id privilegium, quod militantibus datum est, ut quoquo modo facta ab his testamenta rata sint, sic intelligi debet, ut utique prius constare debeat, testamentum factum esse, quod & sine scriptura & à non militantibus fieri potest. Si ergò miles, de cujus bonis apud te quæritur, convocatis ad hoc hominibus, ut voluntatem suâ testaretur, ita loquutus est, ut declararet, quem veller sibi hæredem esse, & cui libertatem tribneret: potest videri sine scripto hoc modo esse testatus, & voluntas ejus rata habenda est. Cæterum si (ut plerumque sermonibus fieri solet) dixit alicui, *Ego te hæredem facio*, aut, *Bona mea tibi relinquo*, non oportet hoc pro testamento observari. Nec ullorum magis interest, quàm ipsorum, quibus id privilegium datum est, ejusmodi exemplum non admitti. Alioquin non difficulter post mortem alicujus militis testes existerent, qui affirmarent se audisse dicentem alicquem, relinquere se bona, cui visum sit, & per hoc vera judicia subverterentur.

2. Quinimò & mutus & surdus miles testamentum facere potest.

3. Sed hætenus hoc illis à Principalibus constitutionibus conceditur, quatenus militant. & in castris degunt. Post missionem verò veterani, vel extra castra alij, si faciant adhuc militantes testamentum, communi omnium civium Romanorum jure id facere debent. Et quod in castris fecerint testamentum, non communi jure, sed quomodo voluerint, post missionem intra annum tantum valebit. Quid ergò si intra annum quis deceaserit, conditio autem hæredi adscripta post annum extiterit? an quasi militis testamentum valeat? Et placet valere quasi militis.

4. Sed & si quis ante militiam non jure fecit testamentum, & miles factus, & in expeditione degens, resignavit illud, & quædam adjecit, siue detraxit, vel aliàs manifesta est militis voluntas hoc valere volentis, dicendum est, valere hoc testamentum, quasi ex nova militis voluntate.

5. Deni-

5. Denique & si in adrogationem datus fuerit miles, & filius familias emancipatus est, testamentum ejus quasi ex nova militis voluntate valet, nec videtur capitis deminutione irritum fieri.

6. Sciendum tamen est, quod cum ad exemplum castrensis peculij, tam anteriores leges, quam Principales Constitutiones quibusdam quasi castrensia dederant peculia, & horum quibusdam permissum fuerit etiam in potestate degentibus testari, nostra id Constitutio latius extendens, permiserit omnibus in hujusmodi peculij testari quidem, sed jure communi. Cujus constitutionis tenore perspecto, licentia est, nihil eorum, quæ ad præfatum jus pertinent, ignorare.

COM M E N T A R I U S.

S U M M A R I A.

1. Miles sine solemnibus iuris rectè testatur.
2. Eius rei ratio.
3. Debet constare de voluntate militis.
4. An testes in testamento militis debeant esse rogati.
5. Mutus & surdus miles quatenus testamentum facere possit.
6. Privilegium testandi quatenus militibus competat.
7. Testamentum ante militiam factum per militiam confirmatur.
8. Per adrogationem militis non infirmatur ejus testamentum.
9. Alia privilegia circa testamenta militum.
10. An ea competant militibus nostri temporis?
11. Filiosam, de quasi castrensi peculio testamentum facere permissum.

Solemnitates, de quibus Tit. superiori, non passim in omnibus testamentis requiritæ; nam & quorundam sine ijs valida sunt, uti inter alios militum, qui solemnibus iuris civilis soluti, **QUOQUO MODO POSSUNT ET VOLUNT**, testari hîc dicuntur: & solam voluntatem servandam esse pro jure habet

2. l. 1. C. h. t. * Ratio hîc in principio ponitur in **NIMIA IMPERITIA MILITUM**, cum armorum magis quam juris peritos eos esse deceat, l. fin. §. 1. C. De iure delib. (a) vel ponenda in occupatione, quam caussat necessitas expeditionis, non dans locum & tempus observandis solemnibus. (b) Quo modo rectè Marius errorem suum excusans apud Valerium Max. lib. 5. c. 2. inter armorum strepitum verba juris civilis se exaudire non valuisse, respondit. Hinc mulieribus, rusticis, licet sint juris ignari, non tamen datum hoc privilegium, ut soluti juris solemnibus quoquo modo velint & possint, testentur, cum prædicta occupatione non præpediti Jurisconsultos possint consulere, ut veteribus moris fuisse constat ex l. Lucius 88. §. fin. D. De legat. 2. Concessum tamen & hoc privilegium ei, qui miles non est, quatenus in hostico deprehenditur, quod tempus non ferat solemnium observationem, l. fin. D. h. t.

§. Planè.

QUOD dictum, quoquo modo à milite expressam voluntatem ratam esse, accipiendum est quoad solemnia civilia; nam quantum ad jus gentium, ejus regulis non est solutus miles. Unde ut voluntas militis suo in genere sit justa, de ea constare debet, sive per testes, etiam mulieres, quæ hoc jure non remouentur à testimonio dicendo; sive per scripturam, si quid in vagina, aut clypeo litteris sanguine suo rutilantibus annotaverit, aut in pulvere inscripserit, *Milites 1 §. C. h. t. (c)* dummodò de ea constet. Quo modo hic dicitur, non quodcumque dictum militis tamquam ultimam ejus voluntatem esse admittendum, nec, si dixerit alicui, *Ego te heredem facio*, aut *Bona mea tibi relinquo*, *OPORTERE HOC PRO TESTAMENTO OBSERVARI*; eo quòd sæpè leviter multa proferant milites, sed cui subest animus designandi heredem. Nam ejusmodi exemplum non admitti, ipsorum interest, uti habet *hic text.* quòd aliàs vera eorum judicia subverti contingeret. *Quod autem quidam ex hoc textu colligant, ad justam militis voluntatem opus esse *TESTES SINT ROGATI*, minis respondet superioribus, cum ea res spectet ad solemnitates civiles, quibus solutus est miles. Nec suffragatur *ijs text. hic*, in quo vult Imp. necessario testes esse rogandos, sed exempli causà tradit militem videri velle testari, quando rogat testes, ut voluntatem suam excipiant, non etiam quòd aliàs non posset videri testari velle, (d)

§. Quinimo & mutus.

ACCIPiendus hic locus de eo, cui jam adscripto militiæ defectus de quo hic, supervenit. Quod patet ex eo, quòd mutus & sturdus ad militiam non admittatur, quia nequeat exaudire mandata Ducis. Patet etiam ex *l. 4. D. h. t.* ubi superveniens iste defectus militi causat missionem: antequam tamen missus fuerit non est denegandum hoc testandi privilegium isti, cui defectus hic accessit: quatenus voluntatem suam indicare valet, secundum *l. Discretis C. Qui testam facere poss* quia defectus testandi, qui est naturalis, non suppletur per militiam.

§. Sed hætenus.

PRIVILEGIUM testandi, QUOQUO MODO VELINT ET POSSINT, concessum militibus non aliàs *ijs* competit, quàm QUATENUS MILITANT, ET in expeditione existentes IN CASTRIS DEGUNT: nam si extra castra IN SUIS AEDIBUS, sive, ut alij legunt, SEDIBUS degant, cessabit hujus privilegij causa, scilicet occupatio armorum: ut, cum *ijs* sit tempus & occasio consulendi jurisconsultos, debeant observare solemnia in testando, *text. hic (e)* Factum tamen in castris jure militari, si intra annum à missione moriatur miles, sortietur suum effectum ejus testamentum, licet destitutum solemnitate civili *text. hic*, & *l. Quod constitutum D. eod* etiam si conditio adscripta non nisi post annum venerit, quia retrahit solet ad tempus mortis. Et hoc ita, si missio honesta sit, aut caullaria, quæ mereatur favorem militiæ; non etiam ignominiosa, *l. Testamenta 26. in fine D. eod.* (f) Non datum autem hoc privilegium nisi missis: ut non competat tribunis mili-

militum, qui non tam mittuntur, quam acceptis successoribus militare desinunt,
l. Tribunus 20. in pr. D. eod.

§. *Sed et si quis.*

7 **U**T rectè miles de novo voluntatem ordinat sine solemnibus juris, ita & ante militiam minùs solemniter ordinatam voluntatem miles factus, & in expeditione existens confirmat, quatenus signo aliquo novam voluntatem prodit, scilicet priores tabulas incidendo, & legendo, iterumq; suo signo signando, inducendo aliqua, adijciendo, emendando, censetur enim cetera approbasse: alias non poterit antea factum testamentum ad privilegia militum pertinere, *d. l. Tribunus 20. §. 1. D. h. t.* quòd non sit, super quo fundetur nova voluntas.

§. *Denique.*

8 **H**Ujus ratio est, quòd per adrogationem non accedat militi nova qualitas testamenti factionem impediens, cum & sub potestate patria existens habeatur paterfam. quoad castrense peculium: ut de eo rectè testetur, ut etiam testamentum ante adrogationem factum duret sine ulla declaratione novæ voluntatis, si aliud non appareat, *l. Miles 22. D. t. h. & Theophilus hic.*

9 Sunt & alia privilegia concessa militi circa hanc materiam: ut quòd testetur filiusfam. de peculio castrensi, uti dictum sup. *Tit. 9.* etiamsi de statu suo fuerit dubius; quòd decedat pro parte testatus, & pro parte intestatus; instituat heredem ad certum tempus, vel ex certo tempore; filium, quem se habere novit, prætereat, cessante querelâ, *l. 9. C. h. t. l. fin. C. De inoff. testam.* quòd adgnatione filij testamentum ejus non rumpatur, *l. Sicut cum l. seq. C. h. t.* quòd codicillis hereditatem relinquat; post pubertatem filio substituat; legare ultra dodrantem possit, cessante Falcidiâ. Quæ ita obtinent in militibus puberibus, ad impubes non extendendâ, forè in militiam receptos, ut constat olim factum, & hodie fieri videmus ex *l. 8. §. iam verò D. De excusat. tut.* cum testandi licentia ijs non sit concessa.

10 Vocatur autem in dubium, An milites nostri temporis gaudeant hisce privilegijs. Ratio dubitandi ex eo sumi posset, quòd solemnitates quædam, quibus olim milites sacramento militiæ adscribebantur, exoleverint. Quo non obstante, verius eos, qui in numeros sunt relati, mereri hæc privilegia, saltem quæ usus non eoarguit, cum caussa & ratio confessionis, scil. ut pro tutelâ & defensione Romani Imperij soluti curis expeditissimi armis operam darent, nostris quoque militibus competat, ut & ijs jus idem sit tribuendum: quæ sententia doctissimis quibusque placuit. (g)

§. *Sciendum tamen est.*

11 **A**D exemplum castrensis peculij, etiam super quasi castrensi peculio concessa licentia testandi filiisfam. olim tantum in dignitate positis, ut videre est ex *l. fin. in pr. C. De inoff. testam.* quòd extensum ad omnes eos, qui tale peculium possident, *text. hic.* Servato tamen jure communi, cum non sit caussa cur isti à solemnibus juris civilis solvantur.

ADDITIONES V. A. D.

Nu. 2. ibi, l. fin. §. 1. C. De iure delib.) Creditum enim plerisque, ait, in Vita Agricola Corn. Tacitus, ideo militaribus ingenijs subtilitatem deesse, quia castrensis iurisdictio secreta & obtusior, ac pura manu agens, calliditatem fori non exerceat.

Ibid. ibi, non valuisse respondit) Mens scilicet devota prælijs, inquit Cassiod. 1. Var. c. 17. non debet alijs cogitationibus occupari.

Nu. 3. ibi, l. Milites 15. C. h. t.) Nam verè bellicum testamentum est, quod non arramento scriptum, sed sanguine; non in charta, sed in mucrone Verba sunt Hegesippi lib. 5.

Nu. 4. in fine.) Imò sunt, qui existiment, non requiri necessariò testem aliquem in testamento militis, sed sufficere alias legitimas probationes, quarum aliquot tradit Glos. in d. Proprietatis 4. C. De probat. Wames. cons. de iure Pont. 289. nu. 28. & 29. post Viglium ad §. 5. h. t. nu. 5. Idque exemplo militis muti & surdi prorsus confirmatur, qui convocare homines, aut voluntatem suam coram testibus nuncupare non potest, & nihilominus jure testatur, §. 2. h. t. Nec obstat Trajani rescriptum §. 1. h. t. & l. Divus 24. D. cod. Nam ibi tantum proponitur facti species, nec verba convocatis ad hoc hominibus, quicquam disponunt circa formam militaris testamenti: ut sufficiat quoquo modo constare, militem, de cuius testamento agitur, testari voluisse. Ita Cujac. Consult. 49. Idem tamen auctor scripserat antea Consult. 36. in testamentis militum exigi omnino testes minimum duos, & quidem à testatore ad hoc accersitos, convocatos, rogatos. Estque hæc magis recepta Interpp. sententia, Glos. in Lucius 40. V. probationib. D. h. t. Jul. Clar. §. Testamentum qu. 58 nu. 4.

Nu. 6. ibi, in testando, text. hic) In castris esse aut degere dicitur miles, sive in fossato, ut loquuntur, sive in stativis, aut alijs in locis pro finibus Reipubl. tuendis degat, sive in acie existat vel in procinctu; non si in suis ædibus, in totis id est in domo, ut rectè interpretatur liber Basil. Cujac. Consult. 49. & ad l. Miles 35. D. h. t. minus rectè Theophilus in totis ædibus. Nam cædeta sunt castra stativa, & cædeta Suidas interpretatur fossatum Vide Vinnium hic ad V. vel in suis ædibus in pr. Quinimò si jus verus inspicias, quod fuit ante Justiniani tempora, necesse non fuit in expeditione esse militem, ut jure militari testaretur, dum modò in militia retentus & necdum missus esset: ac probabile est, verba illa in l. 1. & l. 15. C. cod. scilicet in expeditione occupati, & in expeditione degentes, adjecta fuisse postmodum. Ita Ant. Faber. Decade 71. Er. 10. Communiter tamen approbatum video, nec stationarios aut limitaneos milites gaudere hoc militis privilegio. Wesenb. ad h. t. in princ.

Ibid. ibi, l. Testamenta 26. in fine D. cod.) Honestæ autem missio est, quæ emeritis stipendijs datur, id est impleto militiæ tempore. Caussaria, cum quis ob causâ, vicio animi aut corporis, minus idoneus militiæ renuntiatur, l. 2. §. 2. D. De his qui not. infamiâ & l. Milites 13. §. 3. D. De re milit. Unde caussarii milites apud Livium lib. 7. ignominiosa missio est, cum quis propter delictum sacramento militiæ solvitur & exautoratur, insignibus militiæ detractis, d. l. 2. & d. l. 13.

Nu. 10. in fine) Extat de hac re in Imperio Constitutio Maximiliani I. Imp^{er} an. 1512. de *Notar.* quâ militibus idem privilegium tribuitur, dummodò domotiosè non desideant, sed in armis militiaque degant, & eadem sublit causa, quæ antiquis illis temporibus, secundum Joan. Fabrum in l. *Quamvis C. De iur. & facti ignor.* Vide Louet in *sis Arrestis lit. T. c. 8* Honorarijs igitur militibus, ut quos Rex aut Princeps aliquis superior pronuntiat Equitès auratos, non idem competet privilegium, quia tales tantùm sunt milites titulo tenus, sine onere militia. Duar. ad D. h. t. c. 2. Wesenb. *cons. 17.* ubi plenè de hac re, Gail. 2. *Obser. 118.* Molina *De iust. & iure tract. 2. d. sp. 129. nu. 1.* Vivius *decis. 491.* Alvar. Valascus *lib. 2. consult. 104.* Heigius *ad rubr. h. t. nu. 4. seq.* Card. Tuscus *Pract. conclus. V. Miles conclus. 129. & seq. vol. 5.*

QVIBVS NON EST PERMISSVM FACERE TESTAMENTVM.

TITULUS XII.

Nontamen omnibus licet facere testamentum. Statim enim ij, qui alieno juri subjecti sunt, testamenti faciendi jus non habent. Adeò quidem, ut quamvis parentes eis permiserint, nihilo magis jure testari possint: exceptis ijs, quos antea enumeravimus, & præcipuè militibus, qui in potestate parentum sunt, quibus de eo, quod in castris adquisierunt, permissum est ex Constitutionibus Principum testamentum facere. Quod quidem jus ab initio tantùm militantibus datum est, tam ex auctoritate divi Augusti, quam Nervæ, nec non optimi Imperatoris Traianis: postea verò subscriptione divi Hadriani etiam dimissis à militia, id est, veteranis concessum est. Ita si quidem fecerint de castrensi peculio testamentum, pertinebit hoc ad eum, quem heredem reliquerunt: si verò intestati decesserint, nullis liberis vel fratribus superstitibus, ad parentes eorum jure communi pertinebit. Ex hoc intelligere possumus, quod in castris adquisierit miles, qui in potestate patris est, neque ipsum patrem adimere posse, neque patris creditores id vendere, vel aliter inquietare, neque patre mortuo cum fratribus commune esse: sed scilicet proprium esse, qui id in castris adquisierit, quamquam jure civili omnium, qui in potestate parentum sunt, peculia perinde in bonis parentum computentur, ac servorum peculia in bonis domini. Num numerantur: exceptis videlicet ijs, quæ ex sacris Constitutionibus, & præcipuè nobis propter diversas causas non adquiruntur. Præter hos igitur, qui castrense peculium vel quasi castrense habent, si quis alius filiusfamilias testamentum fecerit, inutile est, licet suæ potestatis factus decesserit.

1. Præterea testamentum facere non possunt impuberes: qui nullam eorum animi

autem iudicium est. Item furiosi, quia mente carent. Nec ad rem perinet, si impubes, postea pubes, aut furiosus postea compos mentis factus fuerit, & decesserit. Furiosum autem, si per id tempus fecerint testamentum, quo furor eorum intermissus est pure testari esse videntur: certe eo, quod ante furorem fecerint, testamento valente. Nam neque testamentum recte factum, neque ullum aliud negotium recte gestum, postea furor interveniens perimit.

2. Item prodigus, cui bonorum suorum administratio interdicta est, testamentum facere non potest: sed id, quod ante fecerit, quam interdictio bonorum suorum ei fiat, ratum est.

3. Item surdus & mutus non semper testamentum facere possunt. Utique autem de eo surdo loquimur, qui omnino non exaudit, non qui tarde exaudit. Nam & mutus is intelligitur, qui eloqui nihil potest, non qui tarde loquitur, sæpe enim etiam litterati & eruditi homines variis casibus & audiendi & loquendi facultatem amittunt. Unde nostra Constitutio etiam his subvenit, ut certis casibus & modis secundum normam ejus possint testari, aliaque facere, quæ eis permilla sunt. Sed si quis post testamentum factum, adversa valetudine, aut quolibet alio casu mutus aut surdus esse coeperit, tamen nihilominus manet ejus testamentum.

4. Cæcus autem non potest facere testamentum, nisi per observationem, quam lex divi Justinii patris nostri introduxit.

5. Ejus qui apud hostes est, testamentum, quod ibi fecit, non valet, quamvis redierit. Sed quod, dum in civitate fuerat, fecit, sive redierit, valet jure postliminii, sive illic decesserit, valet ex lege Cornelia.

COMMENTARIUS.

SUMMARIA.

1. Facultas testandi regulariter omnibus non prohibita datur.
2. Non etiam filiosam, ne quidem permissu patris.
3. Ejus rei ratio.
4. Licet tempore mortis inveniatur liber.
5. Nec si testetur ad piam causam, jure civili.
6. Cur donare mortis causa possit, patre consentiente.
7. De peculio castrensi & quasi castrensi recte testatur.
8. An & de peculio adventitio, quod ejus pleno jure est.
9. Intellectus l. fin. §. filiis autem C. De bonis, quæ lib.
10. Item Nov. Ut liceat matri & avia l. 17. §. 1.
11. Servus testamenti factionem non habet, neque Monachus.
12. Impuberes testamentum facere non possunt.
13. Neque furiosus aut prodigus.
14. Surdus & mutus an & quando recte testentur.

15. Et qualiter cacus.

16. Capro ab hostibus testandi jus non est.

17. Neque obsidi, nisi permissu populi aut Principis.

18. An neque damnato capitis?

IN omni, quæ de testamento est, quæstione, prius advertendum, an is, qui testamentum fecit, habuerit testamenti factionem, l. 4. *Qui testam. facere poss.* id est jus testamenti faciendi: quod regulariter omnibus comperit, sive masculis, sive feminis, exceptis quibusdam, quos animi corporisve morbus aut conditio personæ impedit. * Hæc facit, ut FILIUSFAM. quia alieno juri subjectus est, TESTAMENTI FACIENDI JUS NON HABEAT: adeo quidem, ut NEQ; PATRIS PERMISSU JURE TESTARI POSSIT, aut stare testamentum per filiumfam. ordinatum, text. hic in pr. & l. 6. D. d. t. quavis mortis causâ donationem à filiofam. patris consensu factam firmam esse dicat l. Tam is 25. D. de mortis causa donat. * Ratio diversitatis non recte in eo ponitur, quod non possit testamentum dependere ab alieno arbitrio, cum petat principium; sed in eo consistere dicenda, quod, licet testamentum ad res privatas pertineat, jus tamen & facultas id ordinandi jure publico & legibus sit tributa, l. 3. D. d. t. quæ ratum habent quod paterfam. de sua testatus est pecunia. De patrefam. loquitur L. XII Tabular. non etiam de filiofam. ut huic competere nequeat, etiam assentiente patre; cum ea, quæ sunt juris publici, privatorum pactis non immutentur. * Ubi nihil proderit, quod tempore mortis inveniatur sui juris, l. 8. filiusfam. 19. D. d. t. quia principium inspicitur, quod vitiosum facit reliqua non subsistere. * Adeo, ut ne quidem teneat de jure civili ad piam causam, licet Canones assensu patris relictum piæ causæ velint præstari, c. Licet de sepult. in 6. ne pia causa quid detrimenti sentiat ex dispositione juris civilis. (a) * Aliter se res habet in donatione mortis causâ, quia cum sit juris privati, denegata filiisfam. in gratiam patris, recte hujus assensus eam firmat; cum quisque juri pro se introducto derogat. (b) * Excipitur à superiori regula PECULIUM CASTRENSE & QVASI CASTRENSE, uti dictum Tit. superiori, & hic repetitur: non quod istiusmodi peculium ad filiosfam. omnimodò pertineat, sed quod eorum respectu habeantur instar patrisfam. ut de eo libere disponant, sive inter vivos, sive in ultimo elogio, patre non valente quidquam juris sibi adrogare, nisi quod intestatorum bona capiat jure peculii, l. 2. D. de castr. peculio (c) Itaque de PROPECTITIO & ADVENTITIO peculio non testatur filiusfamilias.

8 Controversum in eo, quod pleno jure ad filiumfam. pertinet (uti aliquot casibus hodie pertinere potest, quos videre est in *Glos. ad Auth. Idem C. de bonis qua liberis, in potest. &c.*) controversum, inquam, an de eo testetur? Et dicendum textibus juris omnino consonum esse, testari non posse, ex ratione, quod lex tantum concesserit patrifam. eam licentiam, non etiam filiisfam. nisi in casibus, quibus habentur loco patrisfam. secundum jam dicta, inter quos non est istud peculium adventitium, ut in eo maneat firma regula legis XII. Tabb. * Nihil facit text. in l. fin. §. filius autem C. de bonis qua liberis, ubi his dumtaxat casibus dicuntur filiisfam. testari non posse, quibus

quibus ususfructus ad patrem spectat: nam ista decisio non potest intelligi, nisi in
his, qui habentur loco patrisfam. scilicet respectu peculii castrensis, & quasi castren-
sis, quale tantum tempore laxæ istius legis pleno jure spectabat ad filiosfam. Et
proinde tantum ibi exceptum intelligendum, non etiam textus iste dicendus com-
prehendere casus postea inductos. Ut rectè hic in fine principii dicat Imp. præter
ista duo peculia filiosfam. inutiliter testari super aliis bonis, licet suæ potestatis
factus decesserit.

Non obstat etiam Nov. *Ut liceat matri & avia* l. 17. collat. 8. §. 1. ubi videtur filiis- 10
fam. de ejusmodi peculio adventitio concedi licentia testandi: nam Nov. ista non
loquitur nisi de concessa administratione inter vivos, ut patet in spicienti signifi-
cationem originalem verbi Græci, quod denotat administrationem inter vivos.
Verba textus sunt hæc, *ἀδελφὴν ἐκείνων καὶ ὅν ποῦλονται τὸ πῶν δινεῖν*, id est, *Licen-
tiam habeant secundum quem velint modum, administrare, gubernare, sive dispensare*. De-
inde patet ex eodem loco, non alias permitti disponendi licentiam, quam si sint
perfectæ ætatis, id est xxv. annorum: quale tempus requiritur, ut alicui conceda-
tur libera rerum suarum administratio, cum testamenti factio sit permilla puberi-
bus anno duodecimo & decimo-quarto ætatis. Præterea facit, quod respectu e-
jusmodi peculii nusquam inveniatur filiusfam. haberi loco patrisfam. ut jura prio-
ra non mutata non sint impedienda stare.

SERVO denegata esse testamenti factionem est clarum, cum sit incapax juris 11
civilis, & nullam pecuniam suam habeat. (e) Cui in hoc similis est MONA-
CHVS, qui licet sit liber homo, & capite non minutus, ut verius judicatur, ex Re-
ligionis tamen statuto testari impeditur, cujus regula & proprium nihil admittit,
& alieno subijcit arbitrio.

§. Præterea.

IMPUBERES, licet juris sui sint, defectus tamen sensus facit non habere testan- 12
di licentiam. Sunt autem tales usque ad supremum diem anni xxi. scilicet, xiv
maseuli, qui coepit habetur pro impleto, l. 5. D. h. t. ut ultimo anni die testamen-
tum factum ratum sit. (f)

FURIOSOS impedit morbus animi, qui facit deesse sensum requisitum, text. 13
hic. Ita autem sunt inutilia testamenta, ut eo tempore facta, ne quidem conuale-
scant subsequente pubertate, aut cessante furore, quia principium sit viciosum Ea-
dem ratio facit testamentum PRODIGI non stare factum post interdictam admi-
nistrationem. Facit enim morbus animi cum furioso comparari, text. *hic* vers.
item prodigus. Ante furorem factum, aut tempore dilucidi intervalli, aut ante ad-
ministrationem interdictam, non irritatur per subsequentem aut recidivum furo-
rem, aut etiam sequentem interdictionem, text. *hic*, quod nihilominus status inte-
ger maneat testatori, etiam quoad testandi facultatem, cujus exercitium tantum
impeditur. Vti & manet taliter affecto salva potestas, & reliqua jura, l. 1. D. de his
qui sunt sui vel alieni juris. (g)

§. Item surdus.

- 14 **N**on quivis defectus aut morbus corporis testamenti factionem impedit, sed is tantum, quo sensus necessarius ad testamentum aufertur, uti auditus, lingue usus: qua in re attendenda Constitutio in *l. Discretis* 10. *C. h. t.* quæ disponit, **SURDUM ET MUTUM A NATURA** testari non posse, quod nequeant recte indicare voluntatem; **EX CASU** verò taliter affectum testari posse, quatenus tamen litteris iudicium voluntatis sufficiens ostendere possit. Altero verò tantum vitio laborantem, sive a natura, sive casu, non impediri testari, quatenus vel voce vel scripto debite mentem indicat.

§. Cæcus autem.

- 15 **CÆCUM** a nuncupanda voluntate non removet corporalis defectus, *text. hic vers. cæcus.* Jubetur tamen ultra septem testes adhibere tabellionem, aut ejus loco octavum testem, & exprimere non tantum nomen hæredis, sed & ejus dignitatem, & alia indicia, ad tollendam ambiguitatem, si quæ subesse possit, *l. Hac consultiß. ma* 8, *C. h. t.* (h)

§. Ejus qui apud hostes.

- 16 **T**estari **CAPTVM AB HOSTE** impedit conditio, cum non sit civis, & sit constitutus in aliena potestate. Vt ea res faciat testamentum etiam ante factum irritum, quia in casum devenit, à quo inchoari nequit, propter statûs mutationem. Et hoc ita, si hostis fuerit iustus: nam à rebellibus captus liber manet, ejusque testamentum jure tenet. Ne tamen afflicto addatur afflictio, subventû capto duplici fictione, scilicet & juris postliminii, & Legis Corneliæ. Illud reversi è captivitate facit testamentum sustineri, quasi numquam in hostium potestate fuisset: hæc autem mortuum apud hostes habet mortuû ipso captivitatis momento, atque ita liberum hominem, cujus testamentum est validum. * Obsidis eadem quæ captivi est conditio, quoad testamenti factionem, cum inter captivos potius quàm cives numeretur, *l. Obsides* 11. *D. h. t.* nisi specialiter testamenti factio, ususque togæ permittatur à populo, aut Principe, apud quem est obses, uti potest, *l. Sed si* 12. *D. de jure fisci;* cum testandi facultas sit juris publici, ut permitti à populo vel Principe possit, quoad
- 18 bona ibi sita. (i) **DAMNATVM CAPITALI SUPPLICIO** certum est jure veteri testari non potuisse, quod damnationem sequeretur bonorum publicatio, *l. 8. §. 1. D. h. t.* Cum autem hodie non publicentur, excepto crimine læsæ majestatis, *Auth. Bona damnatorum C. de bonis proscrip. & hæreseos, c. Cum secundum de hereticis in 6.* quidam putant, damnato esse salvam testamenti factionem: sed contrarium verius, cum lex posterior non tam in favorem damnati, quàm descendentium & ascendentium & à latere venientium, usque ad tertium gradum, publicationem remiserit, ut patet ex eo, quod, non existente aliquo intra dictum gradum, bona fisco deferantur, *d. Auth. Bona*, ut jus vetus, quatenus non correctum, non sit prohibendum stare. Ante damnationem reo morienti in custodia jura sua sunt salva, *l. Si quis* 9. *D. h. t.* cum ante damnationem integer illi status maneat, nisi sit crimen, quod etiam post mortem movetur, cujus generis est crimen læsæ majestatis, *Glos. ad d. l. 9.* (k)

ADDITIONES V. A. D.

Nu. 5. in fine) Sustineri testamentum filijsfam. favore piæ causæ, patris ad sensu factum, consentiens Dd. sententia est. Tiraq. tract. De Pia causa, Privil. 78. Covarr. ad rubr. tit. De testam. p. 3. in fine. Iul. Clari §. Testamentum qu. 5. & 6. D. Tuld. hic c. 11. Christin. decis. 4. nu. 6. vol. 4.

Nu. 6. in fine) Quinimò consensu patris interdum opus non est, utique in ijs bonis quorum usus fructus ad patrem non pertinet: Nam probabilius est, consensum illum dumtaxat requiri ratione præjudicii quod aliàs fieret patri, non verò propter solemnitatem actus, ad integrandam scilicet personam pupilli, ut loquuntur. Fachin. 5. contr. c. 24. & 25. Nec obstat, quòd mortis causâ donatio sit species quædam ultimæ voluntatis, illi in plerisque similis; quia causâ donationis est juris privati, similis quidem ultimæ voluntati quoad effectum, at respectu formæ propius accedens ad contractus. Nec aliud voluit Pet. Nannjus, 10. Miscell. c. 5. ideo scil. filijsfam. etiam ex consensu patris factionem testamenti non habere, ne faciendo testamentum videatur emancipatus, & sui juris; cum testamenti factio sit tantum penes eos, qui sui juris sunt: donare verò mortis causâ posse permissu patris, quòd donationes, venditiones, aliaque huiusmodi etiam servis, nedum filijsfam. indulgeri soleant ex consensu dominorum, quòdque tales actus non arguant certum aliquod signum emancipationis, sed quasi procuratoriam administrationem præferant. Ita ille. Vide Cuiac. ad l. 3. quæ est ex lib. XIV. Quest. papinian. D. Qui testam. face. poss. & latissimè Ant. Pichardum adh. 1. in pr. nu. 35. & multis seqq.

Nu. 7. ibi, l. 2. D. De castr. peculio) Idque jure, quo olim, si filiusfam. intestatus decessisset, bona ejus, non quasi hæreditas, sed quasi peculium seu jure peculij (quod hic commune jus dicitur) deferebantur patri; ideoque nec liberi, nec fratres ab intestato succedebant, tex. hic in pr. vers. itaque, l. 2. & 9. C. De castren. peculio. Iure novo seu Cod. prima & potior causâ est liberorum, tum fratrum: nullisque superstitibus liberis vel fratribus, succedit ab intestato pater, non jure peculij, sed hæreditario, l. 3. & 4. C. De bonis quæ liberis &c. l. ult. C. Com. de successionib. Ad quod jus respexit Imp. hoc loco, & juris veteris mutationem subindicat, quamvis satis obscure: ut minimè expungenda videantur verba ista, nullis liberis vel fratribus superstitibus, uti contendit Ant. Faber Decade 43. Er. 10. nu. 6. At jure novissimo post liberos pater unà cum fratribus in peculium succedit æqualiter jure communi successionis Nov. 118, De hered. ab intestato venientib. c. 2. & Auth. Defuncto C. Ad S. C. Tertull.

Nu. 10. in fine.) Moribus hodiernis patria potestas apud nostam arcta non est, quàm olim fuit apud Romanos: ut proinde impedire non debeat, quo minùs filiusfam. de bonis castrensis vel quasi, ceterisque adventitiis, ac maternis, quorum habet proprietatem, disponendi liberam habeat facultatem, patre utique permittente, si non jure testamenti, saltem in vim mortis causâ donationis: quia ferè

Notariorum consuetudo ea obtinuit, ut in fine testamentorum clausulam adscribant codicillarem ac mortis causâ donationis. Ita Ioan. Vaudus 1. *Var. quest. c. 1. arg. l. filiusfam. 7. §. 4. D. De donat* Notatque Rebuff. *tract. De consuet. & stilo nu. 86.* consuetudinem posse conferre filiosfam. ius testandi, *arg. c. Rainutius & ibi Dd. De testam. Et de Brabantia nostra testatur Elb. Leoninus, Emendat. iur. lib. 6. c. 3. in fine,* se vidisse Pragmaticos, qui sustinerent, filiosfam. ibi ius testandi habere etiam citra consensum parentum Quorum sententiâ putat defendi posse hoc colore, quod in omnibus ferè Belgij ditionibus ius scriptum non ex auctoritate, sed eatentis tantum quatenus invenitur rationabile, vel moribus usitatum, observetur. In Frisia tamen filiumfam. testandi ius non habere notat Ioan. à Sande *Decis. Frisic. lib. 4. tit. 1. d. fin. 1.* Ut neque apud Leodieneses filius in potestate constitutus etiam matris, mortuo patre, testamentum facere potest, *c. 10. art. 8. ad quem vide D. Carolum de Nean Observat. 86.*

Quid verò de mulieribus dicemus, quas mores hodierni potestati subijciunt filiorum maritorum? quæ potestas totius rei familiaris, etiam rerum, quarum proprietas est mulieris, curam administrationemque marito tribuit. Alibi & contrahere citra auctoritatem mariti, & testari prohibentur: alibi contrà, eaque magis probata consuetudo est, vel hac ratione, quod iura testamentorum per se firma esse oporteat, non ex alieno pendere arbitrio, *l. illa institutio 32. D. De heredib. instit. Quamquam defendi quoque possint leges, assensum viri in hoc negotio requirentes, teste Pet. Peckio De test. coniug. lib. 3. c. 1. Vide Argèr ad consuet. Brit. art. 23. Gl. 3.*

Nu. 11. ibi, nullam pecun. suam habeat. Nisi conniventibus oculis domini, *l. 4. §. 1. D. De manumiss. Adeo ut domino permittente, quasi legitimum faciat testamentum, illudque ut legitimum custodiatur, teste Plinio, lib. 8. epist. 16. Quemadmodum hodie jure Gallicano & in multis Germaniæ locis adscriptitij sive manus mortuæ homines invito domino, vel in præjudicium domini testari nequeunt, nisi inter ejusdem conditionis homines & loci sui domini testentur: secus si extraneos instituere hæredes velint. Ioan. Fab. Instit. De iure person. in Gl. V. aut servi. Chassen. ad consuet. Burg. tit. 9. §. 11. Myns. cent. 2. Obser. 23.*

Nu. 12. in fine) conformes juri communi hæc sunt leges ac statuta urbis Antverp. *tit. 46. art. 6. ad quod etiam se referunt Lovan. cap. 15. art. 2.* Alibi ab hoc jure recessum, ac plerorumque locorum mores requirunt plenam pubertatem, id est ætatem XVIII. annorum, veluti Mechlin. *tit. 19 art. 24. utique in masculis; nam feminis ab anno ætatis XVI. completo conceditur facultas testandi. Concordant, consuet. Gandaven. rubr. 22. art. 12 Aldenard. rubr. 18. art. 23, Aliæque Flandriæ. Vide Christin. ad cons. Mechlin. d. art. 24. in pr.*

Nu. 13. in fine) Quid si non constet de tempore intermissi furoris? Tunc ex qualitate actus conditio testantis æstimanda venit; ad hoc scilicet, ut valeat testamentum, & præsumi debeat conditum per intervalla remissi furoris, si utique omnia sana in eo appareant, velut condito ab homine sana & integræ mentis. Vigl. *ad §. 1. nu. 7. & 8. h. t.* quem sequitur Vinnius *hîc.* Et hæc fortè ratione sustineri potuit testamentum Tuditani, hominis aliàs notæ certæque demeritæ, in quo is hære-

dem filium scripserat. Narrat enim Valerius Max. lib. 7. c. 8. Centum viros magis id cogitasse, quod scriptum erat in tabulas, quam quis eas scripsisset. Contrà testamentum Tiberij, tamquam à demente conditum, declaratum fuisse irritum, ex Dione refert ejus epitomator Xiphilinus in *Vita Caligulae*. Quid si testator non quidem planè amens fuerit, sed simplex, fatuus, hebetisque ingenij atque judicij? Dicendum, non præripi omninò ex hac causa testamenti factione? cùm etiam major XIV. annis testetur validè, licet vigor ille animi, & judicij perfectio nondum emerferit, l. 4. C. *Qui testam. fac. poss.* Mich. Grassus §. *Testamentum. qu. 2. i.* Ant. Thesaur. decis. 92. Wamers. *conf. de iure Pont.* 129. nu. 1. & 2.

Sed & ad prodigum quod attinet, ex novella Constitut. Leonis Imp. 39. rata voluntas habetur prodigi, disponentis de bonis suis, si prudenter posteritati suæ, cognatis vel egenis, consuluerit. Et quamvis Imp. illius Novellæ usu non sint receptæ, hæc tamen Constitutio æquitatem in se naturalem habet, teste Viglio, ad §. 1. *rem prodigus in fine h. t.* Probantque ibidem Vultejus, Borcholten, & alij, item Franc. Connan. 9. *Comment. c. 4. in fine.* Lud. Charondas in *suis Gallici iuris Pandectis lib. 4. c. 1. defin. 3.* Quin & communiter receptum, valere prodigi testamentum, in quo venientes ab intestato scripti sunt hæredes. Muscul. *Commun. opin. lit. A. nu. 6.* Accedente & eâ ratione, quòd non ipsorum tantum, verum etiam agnatorum gratiâ, bonorum administratio prodigis interdicatur, ne patrimonium suum non sibi solum, sed tori generi quasi debitum & destinatum dissipent. Hieron. Francus ad l. *Furiosi 40. nu. 1. circa fin. D. De R. I.*

Nu. 1 §. in fine.) Moribus nostris vitium vel cæcitatibus, vel surditatibus, aliave, modò animum non lèdant, nihil officiunt testari volentibus. Cujus rei ratio est, quòd pauca illa, quæ ad factionem testamenti hodie requiruntur, præstari ab his abunde vel scribendo vel aliter possint, Gudel, ad tit. D. *Qui testam. fac. poss.* Aliàs quoad cæcum inter liberos testantem frequentius etiam receptum est, posse eum testari, neglectâ formâ l. 8. C. *Qui testam. fac. poss.* Ioan à Sande ubi sup. *defin. 8.* referens secundum hanc sententiam in Frisæ Senatu judicatum.

Nu. 17. in fine.) Moribus hodiernis neque captivitas, neque deditio in obsidem redigit in servitutem, aut jus civitatis, & per consequens jus testandi de bonis, quæ apud suos remanserunt, adimit: unde nec juri postliminij aut fictioni legis Corneliæ locus est Vigl. *hic. nu. 2.* Alciat. ad l. *Hofes 118. D. De V. S.* Boër. *late quest. 78.* Greg. Lopez *Animad. iuris c. 18. nu. 8. & seqq.* Pet Gregor. *Syntag. iuris univer. lib. 42. c. 8. nu. 7.* Vide notata sup. ad tit. *De his, qui sui vel alieni iur. sunt.*

Nu. 18. in fine.) Sunt præterea alij, qui testari jure prohibentur, ut qui intestabiles esse ex lege jubentur: item deportati, l. *Eius qui 8. §. 2. h. t.* Quibus hodie similes quodammodò sunt damnati ad exilium perpetuum: non etiam relegati ad tempus, quibus jura civitatis & bona salva manent, simulque testandi jus, l. *Relegati 4. & l. 7. §. 3. D. De interd. & releg.* Peregrini ut capere ex testamento non possunt, ita nec testamentum facere, quia solis civibus Romanis hoc jus competit, l. 1. C. *De heredib. instit.* & l. 1. in pr. D. *Ad L. Falcid.* At ex Constitutione nova Frederici Imp. peregrini omnes & advenæ de rebus suis liberam ordinandi facultatem habent,

Auth. Omnes peregrini C. Commun. de success. Quod jus etiam mores nostri sequuntur, Ius vero singulare est in Gallia, ubi exteris sive alienigenis, id est natis extra regnum istud (quos inde Albinos vocant, quasi alibinatos) permissum non est testari de bonis in Gallia quæsitis ultra quinque annos, nisi rescripto Regio jus indigenarum obtinuerint. Alias bona alienigenæ, in Gallia mortui, sive hæredem habeat, sive non habeat, jure aubaniæ occupat Rex tamquam vacantia, αὐτοκρατορὶ ἐπαύσατο. Pyrrhus Angleberm. ad consuet. Aurel. tit. De successionib. c. 14. Choppin. de Dominio Francia lib. 1. tit. 12. Greg. Tholos. Syntag. iur. universi lib. 42. c. 3. nu. 24. Gudelin. De iure noviss. §. c. Io. nu. 12.

De usurariis & feneratoribus, an & quatenus testari valeant, de quæ Clericis, Monachis & prælatis, vid. Iul. Clar. §. Testamentum qu. 27. & seqq. Christin. decis. 4. vol 4.

DE EXHÆREDATIONE LIBERORVM.

TITULUS XIII.

Non tamen ut omninò valeat testamentum, sufficit hæc observatio, quam supra exposuimus, sed qui filium in potestate habet, curare debet ut eum hæredem instituat, vel exhæredem eum nominatim faciat: alioqui si eum silentio præterierit, inutiliter testabitur: adeò quidem, ut, si vivo patre filius mortuus sit, nemo hæres ex eo testamento existere possit, quia scilicet ab initio non constituitur testamentum.

Sed non ita de filiabus, & alijs per virilem sexum descendentibus liberis utriusque sexus antiquitati fuerat observatum: sed si non fuerant scripti hæreses scriptæve, vel exhæredati exhæredatæve, testamentum quidem non infirmabatur, jus tamen ad crescendi eis ad certam portionem præstabatur. Sed nec nominatim eas personas exhæredare parentibus necesse erat, sed licebat inter cæteros hoc facere. Nominatim autem quis exhæredari videtur, sive ita exhæredatur, *Titius filius meus ex hæres esto*: sive ita, *Filius meus ex hæres esto*, non adjecto proprio nomine, scilicet si alius filius non exter.

1. Posthumi quoque liberi vel hæredes institui debent, vel exhæredari. Et in eo par omnium conditio est, quòd & filio posthumò, & quolibet ex cæteris liberis sive feminini sexus, sive masculini, præterito, valet quidem testamentum, sed postea adgnatione posthumi sive posthumæ rumpitur, & eà ratione totum infirmatur. Ideòque si mulier, ex qua posthumus aut posthuma sperabatur, abortum fecerit, nihil impedimento est scriptis hæredibus ad hæreditatem adeundam. Sed feminini quidem sexus personæ vel nominatim, vel inter cæteros exhæredari solebant: dum tamen, si inter cæteros exhæredarentur, aliquid eis legaretur, ne viderentur præteritæ esse per oblivionem. Masculos vero postumos, id est, filios & deinceps, placuit non aliter rectè exhæredari, nisi nominatim exhæredarentur: hoc scilicet modo, *Quicumque mihi filius genitus fuerit, ex hæres esto*.

2. Posthumorum autem loco sunt & hi, qui in sui hæredis locum succedendo; quasi adgnascendo sunt parentibus sui hæredes: ut ecce, si quis filium & ex eo nepotem neptemve in potestate habeat; quia filius gradu præcedit, is solus jura sui hæredis habet, quamvis nepos quoque & neptis ex eo in eadem potestate sint. Sed si filius ejus vivo eo moriatur, aut quâlibet aliâ ratione exeat de potestate ejus, incipit nepos neptisve in ejus locum succedere, & eo modo jura suorum hæredum quasi adgnatione nanciscuntur. Ne ergo eo modo rûpatur ejus testamentum, sicut ipsum filium vel hæredem instituere, vel nominatim exhæredare debet testator, ne non jure faciat testamentum: ita & nepotem neptemve ex filio necesse est ei vel hæredem instituere, vel exhæredare: ne fortè eo vivo, filio mortuo, succedendo in locum ejus nepos neptisve, quasi adgnatione rumpat testamentum. Idque lege Julia Velleâ provisum est, in qua similis exhæredationis modus ad similitudinem posthumorum demonstratur.

3. Emancipatos liberos jure civili neque hæredes instituere, neque exhæredari necesse est: quia non sui hæredes. Sed prætor omnes tam fœminini sexus quàm masculini, si hæredes non instituuntur, exhæredari jubet: virilis sexus nominatim, fœminini verò inter ceteros; quia si neque hæredes instituti fuerint, neque ita (ut diximus) exhæredati, permittit eis prætor contra tabulas testamenti bonorum possessionem.

4. Adoptivi liberi quamdiu sunt in potestate patris adoptivi ejusdem juris habentur, cujus sunt iustis nuptiis quasi filii. Itaque hæredes instituendi vel exhæredandi sunt, secundùm ea, quæ de naturalibus exposuimus. Emancipati verò à patre adoptivo neque jure civili, neque eo jure, quod ad edictum Prætoris attinet, inter liberos connumerantur. Quâ ratione accidit, ut ex diverso (quod ad naturalem parentem attinet) quamdiu quidem sunt in adoptiva familia, extraneorum numero habeantur; ut eos neque hæredes instituere, neque exhæredari necesse sit: cum verò emancipati fuerint ab adoptivo patre, tunc incipiant in ea causâ esse, in qua futuri essent, si à naturali emancipati fuissent.

5. Sed hæc quidem vetustas introducebat, nostra verò Constitutio inter masculos & fœminas in hoc jure nihil interesse existimans; quia utraque persona in hominum procreatione simili naturæ officio fungitur: & lege antiquâ duodecim tabularum omnes similiter ad successionem ab intestato vocabantur, quod & Prætores postea secuti esse videntur: ideo simplex ac simile jus, & in ijs, & in filiabus, & in ceteris descendētibus per virilem sexū personis, non solum jam natis, sed etiâ posthumis, introduxit, ut omnes, siue sui, siue emancipati sint, vel hæredes instituuntur, vel nominatim exhæredentur: & eundem habeant effectum circa testamenta perentum suorum infirmam Schæreditatem auferendam, quem filij sui vel emancipati habent, siue jam nati sint, siue adhuc in utero constituti postea nati sint. Circa adoptivas autem filios certam induximus divisionem, quæ in nostra Constitutione quam super adoptivis tulimus continetur.

6. Sed si in expeditione occupatus miles testamentum faciat, & liberos suos jam natos, vel posthumos, nominatim non exhæredaverit, sed silentio præterierit,

non ignorans, an habeat liberos: silentium ejus pro exheredatione nominatim facta valere, Constitutionibus Principum cautum est.

7. Mater, vel avus maternus, necesse non habent liberos suos, aut hæredes instituere, aut exheredare, sed possunt eos silentio omittere: nam silentium matris, aut avi materni, & cæterorum per matrem ascendentium, tantum facit, quantum exhereditio patris. Neque enim matri filium filiamve, neque avo materno nepotē neptemve ex filia, si eum eamve hæredem non instituat, exheredare necesse est: sive de jure civili quæramus, sive de edicto Prætoris, quo Prætor præteritis liberis contra tabulas bonorum possessionem permittit: sed aliud eis adminiculum servatur, quod paulò post vobis manifestum fiet.

COMMENTARIUS.

SUMMARIA.

1. Liberi vel instituendi hæredes, vel exheredandi, & cur inventa exhereditio.
2. Jure veteri masculi nominatim, sæmine inter cæteros.
3. Posthumi sui qui. Etiam illi nominatim exheredandi.
4. Posthumorum appellatione qui veniant.
5. Jure novo liberi omnes indistinctè nominatim instituendi vel exheredandi: & quatenus hac in re adequati sui & emancipati.
6. Exhereditio facienda purè, non sub conditione.
7. Fit ab omni hæreditate.
8. Ab omni gradu.
9. Et ex causa, quæ hodie exprimenda in testamento, & per hæredem probanda.
10. An ex aliis causis in Nov. 115. non expressis exhereditio fieri possit.
11. Nulla causâ adjecta an subsistat testamentum.
12. Intellectus d. Nov. 115. §. aliud quoque.
13. Posthumi an hodie exheredari possint.
14. Militis præteritio est pro exheredatione.
15. Ut & præteritio à matre & avo materno facta.
16. Ex causa præteritionis an hodie testamentum matris sit nullum.
17. Quoad extraneos locus non est exheredationi.

INter cætera, quæ ad ordinanda testamenta necessariò desiderantur, principale jus est de LIBERIS hæredibus instituendis, vel exheredandis, l. Inter cætera 30. D. De lib. & posthumis. Nam cum domini rerum paternarum etiam vivo patre existimentur, l. In suis 11. D. eod. voluit lex EOS AUT INSTITUI HÆREDES, AUT EXHÆREDARI, id est judicio paterno meritis de causis ab hæreditate quasi debitâ removeri; aliàs præteritos censerī, id est silentio vel taciturnitate omissos, atque ita testamentum inutile cōstitui, tamquam cui desit sua forma.

forma. Ut omissio ista faciat succedere dispositionem legis, quæ continuat prædictum dominium in liberis, eosque vocat & aliter à patre disposita habet pro non scriptis. Inventa autem exhæredatio, ut ejus metu liberi inducantur venerari parentes. *Nov. De nuptijs 2.2. §. si quis enim.*

In forma exhæredationis variatum est, ut hîc *in princ.* & videre est apud Theophilum. Nam olim MASCULI, si instituti non invenirentur, NOMINATIM ERANT EXHÆREDANDI, hoc est expresse nomine proprio. Appellativum non aliàs sufficit, quàm si unus solus esset, §. *nominatim inf. eod.* quod hoc casu fungitur vice nominis proprii. Fæminas verò & nepotes nepresq; sufficiebat INTER CÆTEROS exhæredari, his verbis, CÆTERI EXHÆREDES SUNTO. Aliàs præteriti habebantur liberi. Et filij quidem dicebant testamentum nullum, non etiam filia, & alij remotiores, qui tantum auferabant partem hæredi scripto; si suus esset, jure accrescendi virilem; sin externus, semissem.

POSTHUMORUM SUORUM (quales sunt, qui nati futuri sunt testatori inter suos hæredes, §. *Posthumus 26. inf. De legatis.*) Præteritio non ponit quidem testamentum ab initio inutile (neque enim vitiū potest dici continere ejus omissio, qui necdum est in rerum natura, & proinde juris nihil habet:) per nativitatem tamen facit rumpi. Cui ut obviaretur, placuit & masculos exhæredari nominatim, hoc modo, QUICUMQUE MIHI FILIUS GENITUS FUERIT, EXHÆRES ESTO? fæminas verò inter cæteros, dum tamen inter cæteros exhæredatis aliquid legaretur, ne viderentur præteritæ per oblivionem, ut ait text. in §. *posthumi quoque inf. eod.* * Ubi *Posthumi* appellatione propriè is quidem designatur, qui post mortem patris nascitur (unde quidam scribunt *Posthumum* cum aspiratione) aut qui postremus natus) unde alij aspirationem omittunt, uti Cujac. 3. *Obser. cap. 4.*) intelliguntur tamen & isto nomine, quos mulier enixa post testamentum, vivo marito, l. 2. §. 1. *D. De iniusto, rupto & irritato facto testam.* & qui antè nati, in sui hæredis locum succedendo, sunt parentibus sui hæredes. Quod contingit nepoti, si filius post testamentum factum patria potestate liberetur per mortem, aut aliàs §. *posthumorum inf. eod.* Sunt & posthumorum loco, qui post testamentum adrogantur, ut dicitur infra Tit. XVII. Emancipatorum, quòd extra potestatem essent, non habebat rationem lex civilis: nam cum patre non vivo haberentur domini rerum paternarum, parens eos mittendo non peccabat contra leges. Prætor tamen masculos nominatim, fæminas inter cæteros volebat exhæredari, aliàs dabat possessionem contra tabulas, §. *emancipatos inf. eod.* Adoptivis idem erat juris, quod alijs justis, nisi essent emancipati: omne enim jus per adoptionem quæsitum emancipatio auferbat, ut ne quidem Prætor ijs succurreret, §. *adoptivi inf. eod.* Sequitur enim ille naturalem æquitatem.

§. Sed hæc quidem.

Circa dictum jus vetus contingit jure novo mutatio, quo, SUBLATA SEXUS ET POTESTATIS DIFFERENTIA, OMNES LIBERI, tam fæminæ quam masculi, tam emancipati quàm sui, nisi instituantur, SUNT NOMINATIM EXHÆREDANDI,

REDANDI, *text. hic & l. fin. D. De prater. liber. sive nati, sive posthumi, sive natura liberi, sive legati.* Nam, juxta distinctionem traditam *Sup. de adopt.* Quorum textuum generalitas non ita accipienda quasi sui & emancipati ita per omnia sint æquati, ut hi nec instituti, nec nominatim exheredati dis. ut testamentum nullum, uti olim juriserat in suis, & etiamnum est. Nam licet hoc quibusdam videatur, verius tamen, emancipatis præteritis non tam esse licentiam dicendi nullum, quam potius petendi possessionem contra tabulas, secundum jus vetus non mutatum: cum ex hoc textu & *d. l. fin.* pateat, Imp. non reprehendere nisi iniquitatem legis veteris, plus tribuentis masculis, quam feminis, quam ideo correctione indigentem corrigere se dicit. Ut proinde ejus correctio non sit extendenda ad ea, quæ non sunt vitiosa. Non est autem vitiosa differentia potestatis, in æquitatem in se habet, secundum juris regulas. Facit, quod hic in *d. l. fin.* comparentur filia suæ filijs suis emancipatis, & dicantur eundem habere effectum circa testamenta parentum infirmenda, quem habent filij, sive ipso jure, uti sui, sive per contra tabulas bonorum possessionem stare non patiantur ad instar emancipatorum: ut jus vetus non sit prohibendum stare, quatenus non invenitur mutatum, *l. Præcipimus C. De appellat.*

- 6 Exhereditatio ut effectum habeat, facienda est PURE, *l. 3. §. purè D. De lib. & posth.* nam conditio eam faceret inutilem, *l. Si quis 68. In fine D. De hered. instit.* eo quod certo iudicio liberi à parentum hereditate sint removendi, *l. Sed sub 18. D. de bon. poss. contra tab.* *AB OMNI HEREDITATE. Nam & licet institutio in parte trahatur ad reliquam hereditatem, non tamen & exhereditatio partialis illa enim benigna est, hæc odiosa. In odiosis non habet locum extensio, *l. Cum quidam 19. D. h. t. **
- 8 Fiat AB OMNIBUS GRADIBUS: neque enim ab uno facta alijs suffragabatur, *l. 3. §. fin. D. De iniusto rupto & c.* Non expressio tamen gradu, ab omnibus facta censetur, & ab omnibus excludit. Nam indemnité posita sunt loco universalium, *l. 3. §. ante & §. filius D. h. t. l. 1. C. De lib. præter.*
- 9 Oportet etiam SUBSIT CAUSSA, OB QUAM FIAT; neque enim sine culpa quis puniendus. Illam olim exprimi testamento non erat necesse, sed ab exheredato probandum erat, se in obsequio parentis mansisse: alias effectum consequeretur exhereditatio, *l. Liberis 28. D. De inoff. testam.* HODIE ab ipso testatore CAUSSA EXHEREDATIONIS in testamento EST EXPRIMENDA, eaque una ex quatuordecim. relatis In Nov. *Vt cum de appellat. 115. c. 3. sive §. aliud quoque: & hoc quantum ad testamentum parentis.* In testamento filij, quo parens exheredatur, exprimenda causa una ex octo positis in *d. Nov. 115. c. 4. sive §. iustum quoque.* Ubi causa expressa non improbanda per ipsum exheredatum, uti olim, sed probanda per ipsum heredem, ut exhereditatio sortiatur effectum: *d. §. aliud quoque.* Fratrem removit testamentum fratris, unâ ex tribus causis adjectâ, de quibus Nov. *De nupt. §. quoniam scimus.*
- 10 Ubi primò dubitatur, An exhereditatio ex alijs causis faciat testamentum everti? Quod videtur aliquibus, si sint æquæ graves, aut graviores; ex ratione, quod ubi par aut major ratio est, idem ibi jus sit ponendum, Pro quibus facit quod cum omnes

omnes causæ non possint legibus comprehendi, sit licita extensio ex rationis paritate, l. Non possunt D. De legib. Verùm juri conformius est, ex alia causâ, non numerata in Nov. adscriptâ & probatâ, exhæredationem non consequi suum effectum. Nihil obstante argumento à majori aut pari; quod non procedit, quando lex prohibet extensionem, uti hoc in casu. Nam in d. §. aliud quoque Imp. causas exhæredationis recenset, inhibendo, ne cui liceat ex alia lege opponere causam ingratitudinis. Ut minimè dici possit, in arbitrio Iudicis esse, alias causas admittere, cum is sine jure pœnam non inferat, neque etiam pœnalia extendat. Et facit, quòd aliàs Imp. in d. §. aliud quoque malè reprehenderet veteres, quòd sufficientes causas non expresserint, & ipse in eodem sit defectu. Vigl. hic §. fin. nu. 8.

Alia quæstio est, An exhæredatio, nullâ causâ adjectâ, faciat testamentum subsistere? Quod à plerisque negatur, ex eo, quòd lex certas causas ingratitudinis expresserit, ex quibus vult fieri exhæredationem. Et facit pro parte textus in Auth. Ex causâ C. De lib. præter. ubi dicitur, non expressâ causâ testamentum esse irritum, quasi deficiente requisito necessario. Ut sint, qui querelam inofficiosi hodie minus usui esse velint, quòd vel per causam adjectam probatam excludatur filius, vel per omissam, aut non probatam, testamentum corruat. Bart. & alii add. Auth. Ex causâ. Conformius tamen juri, exhæredationem sine causâ expressione non ponere testamentum irritum, ut tenet Vigilius inf. iii. 18. in pr. Pro qua parte facit, quòd ante dictam Nov. 115. sola exhæredatio suffecerit ad validitatem testamenti; causæ autem expressione opus non fuerit. Quod jus cum non doceatur mutatum, non est prohibendum stare: non est autem mutatum per d. Nov. cum in ea Imp. voluerit quidem exhæredationem fieri ex una causarum ibi enumeratarum, non inveniatur tamen in ejus defectum testamentum annullasse. Ut procedat, quod dicitur, multa prohiberi fieri, quæ facta tenent. * Quò faciunt verba d. §. aliud quoque, aliàs, quàm ibi præcipitur, factum testamentum evacuari, res. ind. quoad institutionem. Quæ verba pertinent ad privationem, quæ habitum præsupponit, atque ita actum validum. Quod ex eo patet, quòd pro parte testamentum sustineri, pro parte evacuari dicatur. Ut nihil obstat d. Auth. Ex causâ, quæ habet aliter factum testamentum esse irritum: nam illa verba non conveniunt textui originali, qui habet irritandum esse, cui potius standum, quàm d. Auth. Ex causâ, cum tantum contineat summarium. Non rectè quis hinc inferet, exhæredationem ex causâ frustrâ præceptam esse, aut Novel. istam esse frustraneam: nam exhæredationem ex causâ præcepit Imper. ad faciliorem exclusionem querelæ, cui aliàs locus esset. Et Nov. illa varias continet causas, ex quibus, unâ expressâ per testatorem, & probatâ per hæredem, ad effectum exhæredatio deducetur, quæ aliàs non operaretur exclusionem exhæredati, nec impediret everisionem testamenti quoad institutionem, qua de re inf. Tit. XVIII.

Ex eo autem, quòd diximus, causam requiri, posset videri, posthumos hodie exhæredari non posse, quia non possint committere causam ingratitudinis, l. pen. in fine D. De fili. commiss. libert. odio autem alienæ culpæ eos prægravari sit iniquum, l. Crimen 26. in fine D. De pœnis. Quod & plerique volunt. Sed verius est, hodie

die etiam posthumorum exheredationem tenere, & per eam subsistere testamentum; cum nusquam conveniens juris auctoritas proferatur, per quam possit videri emendata juris veteris definitio. Quò facit, quod dictum suprà, causæ expressiōnem non omninò requiri ad exheredationis valorem, sed tantum ad ejus effectum, scilicet remotionem querelæ: cui omninò locus erit, causâ nullâ expressâ, præcipuè hac in parte, in qua nulla dari potest. Et ita accipienda *l. Si quis filium* 33, C. *De inoff. testam.* dum dicit, ingratitudinis causam non posse opponi infanti, scilicet quantum ad exclusionem querelæ.

§. Sed si in expeditione.

- 14 **M**iles cum solemnibus juris sit solutus, ad quæ spectat institutio & exhereditatio; ejus testamentum non irritatur liberorum præteritione, cum SILENTIUM MILITIS PRO EXHEREDATIONE NOMINATIM FACTA VALEAT: si tamen liberos se habere non ignoraverit, aut uxorem prægnantem esse, *text. hic.* Nam cum voluntas ejus quoquo modo declarata sit rata habenda, prætereundo liberos videtur tacitè eos exheredare, *l. Sicut* 9. & 10. C. *De milit. testam.* Ut cesset querela, *l. 9. C. D. inoff.* cum quòd lex probat ut ritè factum, non debeat posse irritari. Si ignoraverit se liberos habere, non potest dici eos exheredare, ignorantia auferente consensum; ideoque non habente vires tali testamento, admittentur liberi ad successionem, *d. l. 9. & 10.*

§. Mater.

- 15 **R**atio hujus est, quòd, cum non habeant in potestate liberos, nec hi sint quasi domini rerum matris, & avi materni, non sit necesse ab iis excludi, aut dominium, quod non est, institutione confirmari. Ut testamentum matris, aut avi materni, præteritis liberis, valeat, cum PRÆTERITIO sive SILENTIUM MATRIS, AUT AVI MATERNI, SIT LOCO EXHEREDATIONIS; salva tamen querelâ inofficiosi præteritis, *de qua inf. tit. XVIII.** Sunt autem, qui putent hodie testamentum matris reddi irritum per præteritionem, eò trahentes *Nov. 115. paræq. aliud quoque.* Quod minùs convenit isti textui, in quo quidem agitur de relinquenda legitima titulo institutionis, scilicet à patre, qui nisi exheredaverit, necessariò debet instituere suos liberos. Quæ necessitas nò est imposita matri, quæ suos non habet in potestate: ut præteritio ejus testamentum non annullat, jure ut pristino, ita & hodierno, cum quòd mutatum non est, non sit prohibendum stare. Nec obstat, quòd ibi mentio institutionis titulo relinquenda legitimæ etiam ad matrem spectet: nam hoc non aliàs, quàm ad avertendam querelam, si non subjecerit præteritionis justam causam, ne aliàs inducamus correctionem juris non expressam per legem. * Extraneos exheredare non est necesse, cum exheredare sit exheredem facere, hoc est privare jure competenti, quod nullum hac in materia est extraneo, ut si fortè quid debeat ex lege aut Senatusconsulto, silentium tamen ejus est pro exheredatione. Sic & si testamento priori institutus fuerit, posteriori præteritus,

eritus, aliis vocatis, nihil juris ad hæreditatem habet. Est enim silentium pro exclusione.

ADDITIONES V. A. D.

Ad intellectu eorum, quæ deinceps dicentur, illud hic obiter præmittendum, non omnium hæredum, quod ad institutionem exhæredationemve attinet, unam & eandem esse conditionem. Nam quosdam cogimur vel hæredes instituere, vel exhæredes facere, scilicet liberos patriæ potestati subiectos, *de quibus h. t.* Quosdam instituere possumus, sed non cogimur, ut neque exhæredare, veluti liberos, qui in potestate non sunt, id est emancipatos (quamvis illi jure novo etiam nominatim vel instituendi sint hæredes, vel exhæredandi, §. *Sed hæc §. h. t.*) & extraneos omnes, cum quibus testamenti factio est, §. *ceter. inf. De hæred. qual. & d. ff.* Quosdam denique ne quidem licet scribere hæredes, quippe prohibitos à lege, vel alia ex causa, *de quib. dicitur ad Tit. seq.*

Nu. 1. in fine) Necessitatem autem institutionis exhæredationisve liberorum ex jure profluxisse suitatis ac potestatis patriæ, subindicat quoque hic D. Zoellus. Nam & suitas & exhæredatio actus est civilis, fingiturque suus hæres, qui scilicet est in potestate, jure civili una eademque persona cum patre aut avo paterno, cujus potestati subiectus est. Et quia etiam vivo patre filius rerum paternarum quodammodo dominus esse existimatur; ita ut à morte patris hæreditatem non tam ut alienam, sed ut suam, percipere videatur, & non nisi liberam bonorum administrationem consequi, d. l. *In suis* 11. D. *De lib. & posth. & §. sui autem vers. sed fur inf. De hæred. qualitate & differ.* ideo dominium illud in hæredem extraneum transferri nequit, nisi filio adimatur per exhæredationem. Neque enim jus sui hæredis aut ficta domini continuatio impedire poterat facultatem testandi aut exhæredandi liberos, utpote in quos olim fuit patri etiam jus vitæ & necis, d. l. *In suis*. Vide Wesenb. hic in pr. nu. 1. & D. Gudelin. 2. *De jure noviss. c. 4 nu. 6. & ad tit. D. De acq. vel omit. hæred. nu. 4.* Cæterum exhæredationi non absimilis videatur abdicatio, quæ Græco more ad alienandos liberos usurpari solet, l. *Abdicatio* 6. C. *De patr. pot. st.* id est, quæ pater abdicabat & summovebat à re, domo, familiaque sua filium. Adeoque quæ in scholis abdicatorum, hæc in foro exhæredatorum à parentibus ratio est, inquit Quintil. *Institutio. Orator. lib. 7. c. 4.* Hastenus dissimilis, quod abdicatio semper ignominiosa esset, notæ plena, & quæ in vita quoque patris fieri solet, exhæredatio in testamento, & demum post mortem. Vide Connan. *Comment. lib. 2. c. 13. nu. 5. & Alciat. 2. Dispunct. c. 28.*

Nu. 2. ibi, CÆTERI EXHÆREDES SUNTO.) Formula exhæredationis inter ceteros factæ extat apud Flodoardum *Hist. Remensis lib. 1. c. 18.* in testamento S. Remigii: *Hæc ita do, ita lego, ita testor. Ceteri omnes exhæredes estote, suntote.* Item in testamento Gregorii Nazianzeni: *Cum contigerit me ex vita decedere, Hæres meus esto* Gregorius *Diaconus &c.* οἱ δὲ λοιποὶ πάντες ἕως αὐτοῦ ἀποκληρονομήσουσι, Ceteri omnes exhæredes mihi sunt.

Nu. 3. ibi, facit rumpi. (Manetque illæsum testamentum, decedentibus vivo

testatore postumis præteritis, si non subtilitate aliquâ, saltem benignâ ratione juris. At verò liberi nati & præteriti dicunt semper testamentum ipso jure nullum, etiamsi vivo adhuc testatore decesserint, *tex hic in princ. l. Gallus §. idem credendum D. De lib. & posth. l. 3. §. ex his apparet D. De injusto rupto &c.* Ratio differentiæ, quia magis imputandum est ei, qui filium jam natum præterierit, quàm qui nasciturum; cùm multa accidere possint, ut non nascatur mortuus: nam & Æternuisse vel oscitalse gravidis sæpè lethale fuisse scribit Plin. 7. Natur. hist. c. 6.

Nu. 9. ibi, C. De inoff. testam.) In arbitrio verò judicum erat, qui de inofficioso cognoscebant, æstimare & perpendere merita causarum, ex quibus fieri exhereditatio solet, / 3 §. si emancipatus D. De honor. poss. contra tab. quæ quia in factio omnes consistunt, olim erant incertæ, vagæ & quodammodo infinitæ.

Ibid. ibi, §. aliud quoque.) Atque his versibus jam olim rudiori sæculo comprehensis, quos restituit hoc modo Wefenb. ad tit. D. De liber. & posth.

*Bi septem ex causis exheres filius esto,
Si patrem feriat, vel maledicat ei:
Carcere conclusum si negligas, aut furiosum:
Criminis accuses, vel paret insidias:
Si dederis damnum grave: si nec ab hoste redemit:
Testare veras: se societæ malis.
Si mimos sequitur, vitietur cubile parentum:
Non Orthodoxus: filia si meretrix.*

Ibid. ibi, §. iustum quoque.) Vt si pater filium de crimine capitali accusaverit, crimine læsæ majestatis excepto: si filii cubile cucurbitaverit: si filium testari prohibuerit: si veneno aut alio modo fuerit insidiatus vitæ uxoris, & contra si mater insidiata fuerit vitæ mariti: si filium in furore constitutum curare neglexerit: si captivum non redemerit, & postremò si fuerit hæreticus.

Ibid. in fine.) Vt si frater fratri per insidias mortem intenterit: si criminalem actionem adversus fratrem instituerit: si universâ eum substantiâ exuere studuerit.

Nu. 10. in fine.) Vigilium hic sequuntur plerique recentiores, Connan. 9. Comment. c. 10. nu. 6. Donel. 6. Com. c. 12 Bronch. cent. 5. asserti. 26. D. Zoef. ad tit. D. De liberis & posth. hered. instit. nu. 13. & 14 Communius tamen itum est in contrariam sententiam, quæ extensionem admittit, & usu passim recepta est. Dd. in Auth. Non licet C. De lib. præter. Covarr. in c. Rainutius nu. 16. §. De testam. Clar. §. Testamentum. qu. 41. Gomez. 1. Var. resol. c. 11. nu. 12. Fachin. 6. contr. c. 78. Et sanè non video, cur majores aut similes causas hodie admittere non debeamus, quando, ut Horat. ait. lib. 3. Od. 6.

*Atas parentum peior avis, tulit
Nos nequiores, mox daturos
Progeniem vitiosiore.*

Cùm etiam odiosum maximè videatur, imponi necessitatem parentibus, scribere heredem filium ingratarum atque impium. Magna quidem oportet esse vitia atque peccata filii, inquit Cicero, Orat. pro Roscia Amer. quibus incensus parens possit animum

animum inducere, ut naturam ipsam vincat, ut amorem illum penitus insitum ejiciat ex animo, ut denique patrem esse sese obliviscatur. Vt propterea necessarium fuerit, causas, ob quas fieret exhæredatio, determinari, certoque numero includi, & exprimi nominatim testamento, Nov. 115. c. 3. in pr. Verum si vim constitutionum legumque inspiciamus, credendum est earum latores, quia casus omnes, qui quandoque incidere possunt, comprehendere nequeunt, ad eas quoque res & causas, quæ quandoque similes occurrerent, extendi voluisse, l. Neque leges 10. cum l. seq. & l. Ideo 27. De LL. uti in præsentī quæstione pulcrè declarat Tim. Faber. Diss. 19. thesi 6. & post eum Arn. Vinnius inf. De inoff. testam. in pr. nu. 2. Planè iusta apud nos hodie est causa exhæredationis, si filius vel filia minor respectivè XXV. vel XX. annis uxorem duxerit, vel nupserit, citra consensum parentum, ex Constitut. anni 1540. & an. 1624. Dixi sup. ad tit. De nupt. nu. 7. Vide D. Tuld. Inst. h. t. c. 6.

Nu. 12. ibi, cum tantum cont. summarium.) Verba textus originalis in d. Nov. 115. c. 3. circa fin. sunt, τὴν διαθήκην ἀνυπομένως, testamento irrito reddito, vel abrogato: & rursus c. 4. circa fin. ἀνατρέποντες τὴν διαθήκην, everso testamento. Quæ verba ἀνυπόστας scilicet & ἀνατρέποντας, de iis tantum enuntiantur, quæ ab initio rata & firma constiterint, & ex postfacto irrita redduntur, rescinduntur, evacuantur, evertuntur.

Ibid. in fine.) Porro in hac quoque quæstione Fulgos. antesignanum, in d. Auth. Ex causa, secuti sunt recentiorum plerique, Duar. ad tit. D. De inoff. testam. c. 3. Cujac. ad Nov. 18. Donel. in d. Auth. Ex causa. Fachin. 4. contr. c. 9. Vinnius loco antè cit. nu. 3. & latè D. Zoef. ad d. tit. De lib. & posth. nu. 10. & seqq. ubi etiam docet, quæstionem illam non esse fuitrancam, multumque interesse inter hæc duo, utrum testamentum dicatur esse fieri ipso jure nullum, an verò nullum quidem non esse, sed subjacere querelæ. Nam si dicas nullum & inutile, succedet patri ab intestato, quasi nullo facto testamento: & potest quis dicere nullum totis triginta annis. Sin obnoxium querelæ, tunc non aliter corruet atque evertetur, quam si querelam moveat is, qui se præteritum aut exhæredatum conqueritur, idque intra quinquennium, non ultra, l. Papinianus 8. parag. ult. & l. ult. D. De inoff. testam. l. Si quis filium 34. in fine & l. Scimus 36. parag. illud præterea C. eod.

Nu. 13. in fine.) Ita Vigl. inf. De inoff. testam. nu. 4. Duar. ad D. eod. tit. c. 16. Connan. 9. Comment. c. 10. nu. 5. Pacius cent. 5. qu. 86. & latius D. Zoef. ad d. tit. De lib. & posth. in fine.

Nu. 16. in fine.) Moribus hodiernis præteritio non tantum matris, sed & patris pro exhæredatione habetur. Neque enim hodie necessitas ea est instituendorum vel exhæredandorum liberorum, ut si non instituantur, testamentum propterea dici debeat nullum ipso jure, utpote quæ ex subtilitate tantum juris, jureque suitatis, ut vulgò Interpp. loquuntur, ortum habuerit. Atqui sui hæredes apud nos nulli sunt: ut neque apud Gallos, quemadmodum ex legibus ejus regni notat Baro adh. t. & Annæus Robert. Rer. judic. lib. 1. c. 1. Itaque exemplo militaris testamenti sola præteritio ac silentium testatoris est pro exhæredatione, & validum ipso jure

jure testamentum patris, in quo filius præteritus est: ut tamen paratum illi sit remedium querelæ, quo patris testamentum tamquam inofficiosum impugnet, sicut juris fuit Romanis in testamento matris. Gudelin. *De jure noviss. lib. 2. c. 5. nu. 6.* Neostad. *decis. 100. Vin. ubi sup. nu. 5.*

Nu. 17. in fine.) Itaq; in extraneis hæredibus non nisi improprie, nec alio respectu, aut alia ex causa, quam si voluntari testatorum paritum non fuerit, locus erit exhæredationi, ut in *l. Paterfam. 44. D. De hæred. inst. t. 1. Vxor. 41. §. ejus hæres 8, De legat. 3. & l. Sejus 27. D. Ad L. Falcid.* Aliàs exhæredationem rem in extraneo ineptam dixit Paulus I. C. in *l. Quidam 132. D. V. O.* Vide Mantic. *De conj. et. ult. volunt. lib. 4. tit. 13. nu. 2. & 5.*

DE HÆREDIBVS INSTITVENDIS.

TITVLVS XIV.

Hæredes instituere permissum est tam liberos homines, quam servos: & tam proprios, quam alienos.

Proprios autem olim quidem secundum plurium sententias non aliter, quam cum libertate, rectè instituere licebat: hodie verò etiam sine libertate, ex nostra Constitutione, hæredes eos instituere permissum est. Quod non per innovationem induximus, sed quoniam æquius erat, & Attilicino placuisse Paulus suis libris, quos tam ad Masurium Sabinum, quam ad Plautium scripsit, refert. Proprius autem servus etiam is intelligitur, in quo nudam proprietatem testator habet, alio usumfructum habente. Est tamen casus, in quo nec cum libertate utiliter servus à domina hæres instituitur, ut Constitutione divorum Severi & Antonini cavetur, cujus verba hæc sunt: *Servum adulterio maculatum, non jure testamento manumissum ante sententiam ab ea muliere videri, quæ rea fuerat ejusdem criminis postulata, rationis est. Quare sequitur, ut in eundem à domina collata hæredis institutio nullus momenti habeatur.* Alienus servus etiam is intelligitur, in quo usumfructum testator habet.

I. Servus autem à domino suo hæres institutus, si quidem in eadem causa manserit, fit ex testamento liber, hæresque ei necessarius. Si verò à vivo testatore manumissus fuerit, suo arbitrio adire hæreditatem potest, quia non fit hæres necessarius, cum utrumque ex domini testamento non consequatur. Quod si alienatus fuerit, jussu novi domini adire hæreditatem debet, & eâ ratione pereum dominus fit hæres. Nam ipse alienatus, neque liber, neque hæres esse potest, etiamsi cum libertate hæres institutus fuerit: destitisse enim à libertatis donatione videtur dominus, qui eum alienavit.

Alienus quoque servus hæres institutus, si in eadem causa duraverit, jussu ejus domini adire hæreditatem debet. Si verò alienatus fuerit ab eo, aut vivo testatore, aut post mortem ejus, antequàm adeat, debet jussu novi domini adire. At si manu-

missus est vivo testatore, vel mortuo, antequam adeat, suo arbitrio adire potest hæreditatem.

2. Servus etiam alienus post domini mortem rectè hæres instituitur; quia & cum hæreditarijs servis est testamenti factio. Nondum enim adita hæreditas personæ vicem sustinet, non hæredis futuri, sed defuncti: cum etiam ejus, qui in utero est, servus rectè hæres instituatur.

3. Servus autem plurium, cum quibus testamenti factio est, ab extraneo institutus hæres unicuique dominorum, cujus jussu adierit, pro portione domini acquirit hæreditatem.

4. Et unum hominem, & plures usque in infinitum, quot quis hæredes velit, facere licet.

5. Hæreditas plerumque dividitur in duodecim uncias, quæ assis appellatione continentur. Habent autem & hæ partes propria nomina ab uncia usque ad assem hæc, sextans, quadrans, triens, quincunx, semis, septunx, bes, dodrans, dextrans, deunx. Non autem utique semper duodecim uncias esse oportet: nam tot unciae assem efficiunt, quot testator voluerit, & si unum tantum quis ex semisse (verbi gratiâ) hæredem scripserit, totus as in semisse erit. Neque enim idem ex parte testatus, & ex parte intestatus decedere potest: nisi sit miles, cujus sola voluntas in testando spectatur. Et è contrario potest quis in quocumque voluerit plurimas uncias suam hæreditatem dividere.

6. Si plures instituantur hæredes, ita demum in hoc casu partium distributio necessaria est, si nolit testator eos ex æquis partibus hæredes esse: satis enim constat, nullis partibus nominatis, ex æquis partibus eos hæredes esse. Partibus autem in quorundam personis expressis, si quis alius sine parte nominatus erit, si quidem aliqua pars assis deerit, ex ea parte hæres sit. Et si plures sine parte scripti sunt, omnes in eandem partem concurrunt. Si verò totus as completus sit, ii, qui nominatim expressas partes habent, in dimidiam partem vocantur: & ille vel illi omnes in alteram dimidiam. Nec interest, primus, an medius, an novissimus, sine parte hæres scriptus sit, ea enim pars data intelligitur, quæ vacat.

7. Videamus, si pars aliqua vacet, nec tamen quisquam sine parte sit hæres institutus, quid juris sit, veluti si tres ex quartis partibus hæredes scripti sunt. Et constat, vacantem partem singulis tacitè pro hæreditaria parte accedere, & perinde haberi, ac si ex tertiis partibus hæredes scripti essent. Et ex diverso, si plures hæredes scripti in portionibus sint, tacitè singulis decrescere, ut, si (verbi gratiâ) quatuor ex tertiis partibus hæredes scripti sint, perinde habeantur, ac si unusquisque ex quarta parte scriptus fuisset.

8. Et si plures unciae, quàm duodecim distributæ sint, is, qui sine parte institutus est, quod dupondio deest habebit. Idemque erit, si dupondius expletus sit: quæ omnes partes ad assem postea revocantur, quamvis sint plurium unciarum.

9. Hæres & purè & sub conditione institui posset: ex certo tempore, aut ad certum tempus non potest: veluti, *post quinquennium quàm moriar*: vel *ex Calendis illis*: vel *usque ad Calendas illas hæres esto*. Denique diem adjectum haberi pro

pro supervacuo placet: & perinde esse, ac si purè hæres institutus esset.

10. Impossibilis conditio in institutionibus & legatis, nec non in fidei commissis & libertatibus, pro non scripta habetur.

11. Si plures conditiones in institutionibus adscriptæ sunt: siquidem conjunctim, ut puta, si illud & illud factum fuerit, omnibus parendum est; si separatim, veluti, si illud aut illud factum erit, cuilibet conditioni obtemperare satis est.

12. Ii, quos numquam testator vidit, hæres institui possunt: veluti si fratris filios peregrinantes, ignorans qui essent, hæres instituerit. Ignorantia enim testantis inutilem institutionem non facit.

COMMENTARIUS.

SUMMARIA.

1. Institutio hæredis est caput & fundamentum testamenti.
2. Institutio quid.
3. Qui institui hæres possint.
4. Possè & servos institui ex persona dominorum suorum.
5. Servus proprius an & qualiter possit institui.
6. Qui institui non possint.
7. An excommunicatus?
8. Servus proprius etiam cum libertate quando non rectè instituatur.
9. Servus proprius quando hæres fiat necessarius, & voluntarius.
10. Servus proprius quòs dicatur.
11. Servus alterius etiam domino defuncto institui potest.
12. Sive unus sive plures fuerint domini.
13. Servus plurium institutus cujus jussui adire debeat.
14. Institui hæres possunt plures, adeoque in infinitum.
15. Hereditas quomodo dividatur, & quæ sint partes hereditatis.
16. Partibus non adscriptis quomodo succedatur.
17. Hæres & purè & sub conditione institui potest, non ex tempore vel ad tempus.
18. Conditio possibilis sit oportet, non etiam impossibilis.
19. Quid sit plures conditiones institutioni adjecta sint?

1 **S**i liberi defint, aut summoti sint ab hereditate, ad valorem testamenti necessarium est, ut eo instituatur hæres, cum caput & fundamentum testamenti sit INSTITUTIO HÆREDIS, l. 1. D. eod. l. Quod per manu. 10. D. De jure codicil. parag. ante hæredis 34. inf. De legat. Paulus 3. Sent. tit. 6. eaque omisâ testamentum non subsistat, nec quidquam in eo scriptum valeat.

2 **HÆRES** dictus ab Hero, id est domino, quod in ejus locum succedat, parag. pen. inf. tit.

inf. tit. 19. Vt INSTITUTIO hîc rectè dicatur esse DESIGNATIO SUCCESSORIS IN VNIVERSVM JVS, QVOD DEFVNCTVS HABVIT, *l. Nihil 24. D. De V. O.*

Agitur autem hîc de iis, qui hæredes institui possint, qua in re, seu de quota hæreditatis, de quæ forma seu modo instituendi hæredis. * Et generaliter institui possunt, QVIBVSCVM TESTAMENTI EST FACTIO: ut hîc *in princ.* dicatur, hæredes institui posse TAM SERVOS, QVAM LIBEROS HOMINES. Nam & cum servis testamenti factio est, saltem passiva, cùm ex testamento capere possint, non quidem ex propria persona, quia non sunt capaces juris civilis, sed dominorum, quos proinde capaces esse oportet, §. *Servus autem plurius inf. eod. l. Non minus 31. D. h. t. & l. Debitor 82. §. 2. De legat. 2.* * Quod in proprio servo dubium videri posset, cùm, mortuo testatore domino suo, non *superlit*, cujus personam repræsentet. Vnde olim non rectè instituebatur à domino proprius servus, nisi cum libertate: hodie solâ institutione censetur & data libertas, ex ratione, quòd concessio consequente censetur & concessum necessarium antecedens, *l. 2. D. De jurisd. l. illud 77. D. De acq. hered.* ubi hoc in casu, cùm sine libertate nemo hæres esse possit. Quod & procedet, etiam si dominus expressè ademerit libertatem; quia non potest facere, ne leges habeant locum in suo testamento, *l. Nemo 55. D. De legat. 1.* Et hoc, si directò adimat; nam indirectò potest impedire libertatem, institutum servum alienando, §. *servus autem à domino inf. eod.*

Institui non possunt PEREGRINI, DEPORTATI, cùm non sint capaces juris civilis, ideoque non habeant testamenti factionem. Inter prohibitos institui, sunt & quos lex fecit improbos, intestabilesque, *l. Cùm lege 26. D. Qui testam. facere poss.* nti APOSTATÆ, HÆRETICI, DAMNATI OB FAMOSVM CARMEN, *Glos. ad §. legari inf. De legat.* Vbi quod habet de vidua intra annum luctus nubente correctum est jure Canonico, ex ratione *c. fin. 2. De secundis nupt.* CÆLIBES & ORBOS. Olim lex Julia Papia capere ex testamento civis Romani vetabat, quæ sublatæ est per *l. 1. C. De infirm. pœnis calib.* * EXCOMMVNICATVM qui loco peregrini habent, ideoque institui non posse adserunt, errant, ut patet ex *c. fin. De pœnis in 6.* ubi excommunicatus propter Cardinalis eadem, vel percussione jubetur esse intestabilis; uti & credens, defendens, favens hæreticis, si intra annum contempserit satisfacere, *Auth. Credente C. De heret.* Vt alia de causâ excommunicato non sit deneganda testamenti factio, ne frustra illis locis tantum excipiantur duo casus, cùm excepti q firmet regulam in casibus non exceptis.

§. Est tamen casus.

Q Uod dictum est, servum hæredem institutum simul libertatem consequi, exceptionem hîc pati dicitur in eo, qui à domina rea adulterii est institutus, licet eum libertate: adeò ut videatur institutio ista nullius esse momenti, etiam si absolvarur postea reus, per *text. hîc & l. Hic verbu 48 §. 1. D. h. t.* ubi dicitur non jure testamento manumissus ante sententiam ab ea muliere, quæ rea ejusdem criminis postulata fuerat: ut & servum oporteat accusatum fuisse ejus criminis, ut hîc

vult textus, & ratio exigit, quia inutiliter cesserit, *l. Cum filius 76. §. 3. D. De legat. 1. 2.*

§. *Servus autem à domino.*

9 **P**roprius servus à domino institutus hæres non aliàs cum libertate hæreditatem consequitur, quàm si eadem in causà manserit, id est in domini familia: quo casu erit & necessarius hæres, *text. hic*, ut repudiare eam non liceat, *inf. tit. 19.* Si in eadem causà non manserit, vel per manumissionem, vel alienationem, necessarius non erit domino suo hæres, cum illi sit liberum adire, vel non adire; fecit enim manumissio voluntarium: aut si alienatus fuerit, adire non poterit nisi ex jussu novi domini, ut habet hic textus, & vult ratio, ne eum invitum hæreditati
10 obliget, quam contingit non semper esse lucrosam. * Proprius servus hic habetur, cujus proprietatem ad testatorem spectat, licet ususfructus ejus sit alterius: uti è contrà non est proprius testatoris, si ejus ususfructum tantum habeat, proprietatem
11 autem sit alterius. * Cum alieno servo testamenti factio est, non tantum domino superstiti, verum & defuncto, quod hæreditas sustineat vicem personæ domini §. *servus inf. eod. & l. Her. duas 34. D. De acq. rer. dom.* * Vbi nihil refert, unus
12 sit dominus, an plures, modò omnes habeant testamenti factionem, §. *servus autem plurium h. t.* Cui non obstat, quod habet *l. Si servus 82. D. De acq. hered.* posse institui servum ejus, qui capere non potest: nam non agitur ibi de eo domino, qui omnino est incapax factionis testamenti, sed qui non est capax istius portionis, aut hæreditatis. Quò facit *l. Debitor 82. §. servi D. De legat. 2.* ubi servo alieno rectè legatur id, quod domino purè debetur. Quod legatum in persona domini est quidem inutile, secundum ea, quæ dicuntur *Tit. 20.* in persona tamen servi valet; ex ratione, quòd persona domini ad hoc tantum inspiciatur, ut sit cum eo testamenti factio: servi autem persona, ut in ea consistat legatum, hoc est, ejusmodi sit, qui liber quandoque factus legatum capere potest. Quo modo si die legati cedentis liber fuerit, relictum capiet: nihil obstante regulà Catonianà, quia ea tantum locum habet in legatis puris, non etiam habentibus conditionem, uti hac in
13 specie. * In plurium servo id juris est, ut non sufficiat, unius jussu adeat hæreditatem, sed, ut singulis quærat, singulorum jussu adire debet; ex jam dicta ratione, ne scilicet aliquis gravetur ære alieno, cui non raro contingit obstrictam esse hæreditatem. Si unus jussu adierit, pro parte faciet eum heredem: ita tamen, ut reliquorum partes repudiat æ eidem accrescant sine nova aditione, *l. Servus 66. D. De acq. hered.* idque ne quis decedat partim testatus, partim intestatus, quod non fert regulà juris, *l. Ans nostrum 7. D. De R. I.*

§. *Et unum.*

14 **Q**uod hoc s. dicitur, pro libitu cujusque VSQVE IN INFINITVM HÆREDES INSTITVI POSSE, non alio spectat, quàm ut indicetur, non esse limitatà licentiam testatoris quoad hæredis institutionem, modo non vagetur voluntas
sub in-

sub incerta dinumeratione; eā enim vitiaret incertitudo. Quo modo rectē instituuntur municipes, pauperes, *l. Omnibus 26. D. ad S. C. Trebell.* cū certum corpus, quod repræsentant, personæ vicem sustineat, *l. Id quod pauperibus 24. D. de Episc. & cler.* Quod ignotus sit hæres testatori, non facit incertitudinem personæ, sed circa accidentia tantum, veluti nomen aut vultum personæ: quo modo in §. *fin. h. t. fratris* filios peregrinatos (ita legendum, non etiam peregrinantes, licet numquam viſos, rectē institui adseritur.

§. *Hæreditas.*

VT aliud quodlibet solidum & integrum ASSIS nomine denotatur, ita & 15
hæreditas; unde ex ASSE HÆRES dictus, qui solus hæres est, *l. 7. D. De condit. & demon. l. 1. §. fin. D. De juris & facti ignor.* Cujus solemnis distributio fit in partes duodecim, quæ uncix dicuntur, & sunt partibus singulis sua nomina ab uncia usque ad assem, scilicet Sextans, Quadrans, Triens, Quincunx, Semis, Septunx, Bes, Dodrans, Dextans, Deunx, As: quarum partium significationes sufficienter hic explicat Glossa. Non cogitur autem testator istam distributionem observare, cū & plures, & pauciores uncias illi facere sit licitum, *l. Interdum 13. §. 1. D. h. t.* licet juris potestate partes quæcumque datæ resolvuntur in XII. uncias, *d. l. 12. §. 2.* Nam si VNVS TANTVM EX SEMISSE SCRIBATUR HÆRES, TOTVS AS IN SEMISSE ERIT, ex legis interpretatione, quæ non fert PAGANVM EX PARTE TESTATVM, EX PARTE INTESTATVM DECEDERE, *text. h. & d. l. 7. D. De R. l.* Et duobus scriptis ex quadrantibus residua pars accedit, ut ex semissibus scripti videantur, ex eadem ratione, *d. l. 3. §. 2. & §. videamus 2. inf. h. t.* Idem est, si unus ex re singulari sit vocatus, quia & hic in universum hæres erit. Non obstante expressâ testatoris prohibitione, nolentis heredem plus capere, quàm adsignatum; cū nemo possit facere, quod minùs leges habeant locum in suo testamento, *l. Nemo potest 55. D. De legat. 1.* Sicut enim viventis non possunt esse duo patrimonia, *l. Iuxta peritos 30. §. 1. D. De excusat* ita nec mortui duæ hæreditates; quarum altera testamento deferatur, altera lege. Quamvis utiſus non passim istam decisionem juris receperit, permittens id, super quo non disposuit testator, deferri ab intestato proximis.

Contingit autem, non esse semper expressam voluntatem quoad partes hæreditatis, ut sæpè conjecturâ sit opus. Sic si plures scripserit testator hæredes sine 16
partibus, conjectura est, omnes æqualiter esse vocatos: nam si aliud voluisset, hoc ipsum expressisset, §. *si plures inf. eod.* Si aliqui vocati fuerint, partibus adsignatis, aliqui subjuncti sine partibus, his ea pars debetur, quæ vacat. Est enim conjectura, testatorem iis, quos sine parte scripsit, partem vacantem destinasse, non tantum quæ vacat ex asse, sed ex dupondio sive tripondio, ex eadem ratione, *l. Sabinus 18. & l. Ex nuptiis 87. D. h. t.* Si nulla pars vacet, duo intelliguntur facti asses, quorum alter debetur scriptis sine partibus. Cū enim horum institutio ad nullam partem vacantem restringi possit, videtur testator eos in tantum honorasse, atque scriptos cum partibus; & sic duos asses fecisse, quibus revocatis ad unum assem, utrisque

debebitur semis, aut secundum ratam pars affi respondens, *d. l. 87.* Nisi affe expleto, ita scripserit testator EX RELIQUA PARTE HÆREDES SVNT: tunc enim nihil debebitur, propter relationem ad partem, quæ non superest, *l. Item quod Sabinus 17. §. sed si affe & l. 19. D. h. e.* Interdum plures partes dantur, quàm as continet, veluti quatuor trientes, quinque dodrantes, tres semisses, & similiter, tunc id juris est, ut singulis pro rata decrescat, *d. l. 13. §. sed si excesserint & seqq.* Verùm hoc ita jure pristino. Novo ea res emendata videtur per Justinianum in *l. Cum questio 23 C. De legat.* in eodem saltem casu, quo primo relicta tota hæreditas, & secundo sex uncia, aut semis: interpretatur enim, eam voluntatem testatoris fuisse, primo adimere sex uncias, & secundo adjicere.

§. Hæres & purè.

- 17 **HÆREDITAS ET PVRE DATVR, ET SVB CONDITIONE:** diem non admittit. Vt non rectè instituatur hæres EX CERTO TEMPORE, VEL AD CERTVM TEMPVS, veluti ad Kalendas Martias. Ne tamen actus utilis vitietur per inutilem, dies habetur pro non adjecto, *text. hic in fine & l. Hæreditas 34. D. h. e.* Non obstat *l. Si mater 33. D. De vulg. & pupil.* quia ibi adjectio, cum erit annorum quatuordecim, potius sapit conditionem, scilicet si annorum XIV. fiat, *l. Si Titio 22. in pr. D. Quando dñs l. gat. vel fidei com. ced.* Ideo verò conditio potius adjicitur, quàm tempus, quia conditionis existentia retrahitur ad tempus mortis, uti & ejus defectus, quasi vel exstitisset, vel defecisset tum temporis. Vt non faciat testatorem pro parte testatum, pro parte intestatum, sed illo casu ab initio testatum, hoc verò intestatum. Quòd aliter se habet in die adjecto, qui cum non trahatur retrò, nec suspendat jus & causam hæreditatis, faceret defunctum vel continuò testatum, & postea intestatum, vel è contrà.

§. Impossibilis.

- 18 **CONDITIO** cum sit varia, ut dicitur *inf. De legat.* non quævis rectè adjicitur, nec quævis suspendit, verùm ea tantum, quæ HONESTA, POSSIBILIS, CONTINGENS: non etiam TURPIS naturâ aut legibus, non item IMPOSSIBILIS: quæ tamen adjecta non tam vitiat quàm vitiat, & rejicitur, *text. hic,* quasi testatori obrepisset, ita postulante favore ultimarum voluntatum, in quibus nemo præsumitur ludere. Contrarium obtinet in contractibus, quia nituntur duorum voluntate, quibus imputatur, quòd verba apertius non conceperint, *l. Veteribus 39. D. De pactis.* Existimantur enim nihil agere voluisse, *l. Non solum 31. D. De obligat. & act.*

§. Si plures.

- 19 **AD effectum conditionum** advertendum, quâ formulâ adjiciantur: si plures adjectæ fuerint, an CONJUNCTIM, an SEPARATIM; affirmativè, an negativè. Conjunctim & affirmativè concepta non antè hæreditatem aut ejus partem deberi

deberi faciunt, quàm si omnes evenerint; negativè verò quàm si omnes defecerint, *l. Si ita quæ* 129. D. De R. I. Nam ut in illis omnium requiritur existentia, ex natura orationis conjunctivæ, cum habeantur loco unius, *l. Si in testamento* 5. D. De condit insti-
tus. ita in his omnium defectus, cum contrariorum eadem sit disciplina. Ex defun-
ctim affirmativè conceptis unam extitisse sufficit, cum ex natura alternativæ suf-
ficiat alteram impleri, *c. Ex alternativu* De R. I. in 6. uti ex conceptis negativè alte-
ram non extitisse satis est, ex eadem ratione, *d. l. 129. & l. Si is quæ* 13. §. 2. C. De reb.
dubius. Interdum tamen in testamentis & tutelis alternativa habet vim conjuncti-
væ, idque ne pereat voluntas, & ut provisum sit pupillo, ne dum dubitatur, apud
quem debeat esse tutela, in medio res ejus depereant, *l. pen. C. De V. S.*

ADDITIONES V. A. D.

Nu. 1. ibi, scriptum valeat.) Dicitur autem in *d. l. 1. D. h. t.* quòd qui testatur
ab institutione plerumque debeat initium facere testamenti Rectè, *plerumque*, quia
is ordo necessarius non est, nedum perpetuus, certus & constans. Nam & ab ex-
hæredatione incipere licet, *d. l. 1. & à legatis*, §. *ante hæredis institutionem* 34. *inf. De*
legat. Neque ordo scripturæ impedire debet causam juris ac voluntatis, *l. Cum*
pater 77. §. *fidei tua* 12. *De legat. 2.* Certè moribus receptum non est, ut eo ordine
fiant testamenta, quin potius, præmissis legatis & fidei commissis, ultimo loco in-
stitutio poni solet, hæc vel simili clausulâ, *In residuo verò bonorum instituò hæredem vel*
hæredes &c. Dicitur ergò institutio hæredis velut caput & fundamentum totius te-
stamenti, *d. §. ante hæredem*, quia sine ea testamentum aliquod fieri nequit, & omis-
sæ sive collabente institutione, cætera quoque corruunt, ut locus esse incipiat succe-
ssioni ab intestato.

Nu. 2. ibi, *l. Nihil* 24. D. De V. S.) Quibuscumque ea verbis fiat (quod etiam
ad formam spectat institutionis) sive directis & civilibus, sive inflexis, ut non in-
terfit, si dicatur, *Hæres esto, Hæredem instituo, facio &c.* dummodò ex iis de voluntate
& intentione liqueat testantis, *l. Quoniam* 15. C. De testam. Quæ est Constitutio
Constantini Imp. cujus in vita ejusdem non sine elogio meminit Euseb. *lib. 4. c.*
26. Neque enim solo nutu vel signis institui hæres potest, uti solo nutu relinqui
fidei commissum, *l. Nutu* 21. D. De leg. 2. Quamquam hoc modo Perdiccam ab
Alexandro Macedonum Rege hæredem institutum fuisse commemorat Justinus
lib. 12. circa fin. his verbis: *Sextâ die, præclusâ voce, exemptum digito annulum Perdicca*
tradidit. Quæ res gliscientem amicorum dissensionem sedavit. Nam etsi non voce nuncupa-
tus hæres, iudicio tamen electus esse videbatur. Videturque tunc annuli traditio hæredis
instituendi fuisse quasi tessera ac symbolum, ut ex Valerio Max. *lib. 7. c. 9.* docet
Guil. Forner. *Select. lib. 1. c. 3.*

Nu. 6. ibi, non hab. testamenti factionem.) Atqui jus civile hæreditatem, quæ
illius juris portio quadam est, desert solis civibus Romanis, quales neque pere-
grini, neque per pœnam deportationis ad peregrinitatem redacti, *l. Sed si* 10. §. 6.
D. De in jus vocan. & *l. 1. C. h. t.* Juris hujus reliquiæ etiam hodie alibi extant: veluti in
regno

regno Franciæ, ubi peregrini, sive alibi nati, quos propterea Albinos vocant, non succedunt, nec eis succeditur sive ex testamento, sive ab intestato, sed eorum bona Rex sibi vindicat jure Albinatus sive Aubaniæ. Alciat. *Parer. c. 14. & 15.* & Joan. Bacquet, *tract. quem Gallus De jure Albinatus scripsit. c. 30. 31. & alibi.* Vide notata sup. ad tit. Quib. non perm. s. fac. testam. nu. 18.

Nu. 14. in fine) Cujac. legit peregrinos, divisâ dictione, probatque lectionem Hotom. & confirmat Theoph. interpres, dum verba hæc Justiniani, *veluti si fratris filios peregrinantes (sive peregrinos) ignoras, quiescent, hæredes institueris*, ita exponit: *Fratrem aliquis habuit etiam exens d'agouta*, id est peregre, sive in terra extra gentem, & ubi ibi liberos procreavit. Itaque non de fratris filiis peregrinantibus seu peregrinatis, sed natis peregrè, loquitur Theoph. atque hos, licet numquam vivos testatori, rectè scribi hæredes. Ut frustra hic Hotom. vapulet à Bachovio & Christoph. Cetero *Parer. Juris c. 38.* Quamvis etiam, quod ad rem præsentem attinet, parum referat, utro legas modo, cum constet hodie quemlibet ignotum posse hæredem institui, dummodò appareat de persona instituti, & voluntas testatoris juris non sit contraria.

Nu. 15. ubi. explicat Glossa.) Videndi de his, & unde singulæ partes nomen habeant, Varro *lib. 4. de L. Lat. Voluf. Merianus libello De distribut. assu*, Ant. August. 2. *Emendat. Juris c. 8.* Alex. ab Alexandro *Genia. dier. lib. 1. c. 1. & ibid.* Tiraq. Cujac. 7. *Obfer. c. 33.* Ant. Pichard. *hic nu. 4. & seq.* Deque utilitate & commoditate hujus divisionis locum elegantem Galeni Medici adducit Duaren. 2. *Diss. annivers. c. 26.* Quamvis moribus nostris institutio hæredis per incias & partes assis hoc expressas vix frequentetur, & rarò videamus earum partium in testamentis fieri mentionem. Schultz. *hic lit. A.*

Ibid. circa fin. ibi, altera l. ge.) *Vnus enim pecunia* inquit, *lib. 2. De invent.* Cicero, plures dissimilibus de causis hæredes esse non possunt, *nam unquam factum est, ut eisdem pecunia alius testamento, alius lege hæres esset.* Quem locum hic quoque adducit D. Vinnius, & pluribus pulcreque inquirat in rationem, cur jus civile Roman. non patiatur eundem decedere partim testatò, partim intestatò, & an testator possit prohibere jus accrescendi. Adde Gomez 1. *Variar. resol. c. 10. nu. 10. & seq.* Fachin. 4. *c. 15. & Vigil. hic nu. 8.*

Ibid. in fine.) Atque ita ferè passim receptum moribus, ut aliquis possit decedere partim testatus, partim intestatus, & ut vel tota hæreditas institutione comprehendatur (nisi id leges ac statuta vetent, & non nisi de certo genere, certæ parte, veluti triente, bonorum testari permittant) vel quota ejus pars, sive plures instituuntur hæredes, sive unus tantum. Nec tunc pars omissa accrescet hæredi scripto. V. G. Hæres scriptus ex solo quadrante, quadrante non tantum ex testamento accipiet, reliquum verò hæreditatis cedet iis, quibus ab intestato succedendi jus erit. Quod jus statutarium seu consuetudinarium æquitarî consentaneum est, ac proinde facile ita derogari potuit juri Romano, cum eo jure jus accrescendi non ex voluntate testatoris, sed ex sola potestate legis inductum fuerit. Ita ferè D. Gudel. 2. *De jure noviss. c. 5.* ubi etiam notat, ad institutionem hæredis quòd attinet,

eam plerisque locis necessariam non esse, ad hoc scilicet, ut sit valeatque testamentum; sed testamentum etiam illud esse & dici, in quo, relictis tantum legatis, nulla hæredis institutio facta sit. Idem distant pleræque Flandriæ consuetudines. Nic. Burgund. *tract. 6. contr. ad consuet. Fland.* Idemque obtinet jure apud Leodienses recepto, ut testatur D. Carolus de Mean *Obser. 80. ad jus civile Leod.* De jure Gallicano nota res est, saltem in iis provinciis, quæ propriis legibus reguntur. Annaeus Robert. *Rer. judic. lib. 1. c. 1. in princ.* Imbert. in *Enchir. jur. Gall. v. Institutio hæredis*, & Bucherel. *ad h. t.* Institutio hæredis non est apud Britones, inquit Argentr. *ad consuet. Britan. tit. 22. Des successions & partages ad rubr. nu. 4.* ne si is quidem instituatur, qui hæres futurus est ab intestato, quia potior consuetudinis est auctoritas. Quemadmodum & jure Romano hæredes institutos, quia aliàs ab intestato succedere erant, pro legitimis habendos, non pro institutis, notant Bald. Jafon. & alii *ad l. 3. D. legat. 1.* & probat text. in *l. Hac consultißima §. si quis autem C. De testam.* Adeoque ibidem in usum non esse vel testamentorum factionem, vel formas & solemnitates primarum & secundarum, ulteriorisque gradus institutionum seu substitutionum, non jura fuitatum, transmissionumque, non hæredum differentias &c. adserit *d. loco* Argentæus, quem & vide *ad rubr. tit. 23. Des testaments & legats.* Quid juris circa jam dicta in Brabantia obtineat, ex iis discere licet, quæ aliquando notavit D. Henr. Kinschotius, summus Præficus, & quæ hic ex ejus Analectis seu scedis ad Verbum transcripsi. Non esse scilicet in hoc Brantiæ Ducatu consuetudinem, quæ tollat vulgatam juris regulam, Neminem pro parte testatum & pro intestatum posse decedere: sed hanc regulam semper receptam fuisse respectu bonorum, quorum testator liberam habuit dispositionem. Secus autem in aliis, qualia inter cætera sunt bona feudalia. Nam de iis testamenti factio sine consensu patroni, aut præsentia Parium curiæ feudalis, non admittitur, quia horum vasallus non plenus, sed utilis tantum est dominus. Similiter de aliis bonis immobilibus, secundum consuetudinem loci post solum matrimonium devolutioni subjectis, testari parentibus permittum non est. Hæc enim proximi hæredes feudales & liberi ab intestato apprehendere possunt, etiamsi quoad cætera bona parens aut vasallus testatus decedat. Sed hoc casu si contingat ex hæredibus institutis unum aut plures mori ante testatorem, impediri non poterit jus accrescendi pro nobis dispositioni testatoris subjectis, aut quæ verè in ejus fuere dominio. Nec minùs prædictæ regulæ locus esse debet, ob id, quòd secundum communem consuetudinem hodie quilibet duo quodammodo videatur habere patrimonium, utpote paterna, quæ paternis, & materna, quæ maternis successoribus debeantur: nam id quidem ab intestato locum habet, verum cum ex testamento iis in bonis tantum succedant, quibus ea per testatorem relicta sunt, inter unius & ejusdem patrimonii, quid vetat, quò minùs juri accrescendi à lege inducto hoc casu locus sit? Nam hæredes unius aut alterius lateris hæc sibi bona ab intestato deberi aut affecta esse asserere nequeunt. Et proinde non arguit, quòd diversitas hæredum unius & alterius lateris, vel forsitan etiam mobilium & immobilium, diversas constituere hereditates videatur; nam id quidem per fa-

tionem quodammodo dici potest ab intestato, respectu hæredum, quando diverso jure ad successionem vocantur, sed id cessat respectu ejus, cui succeditur, qui verè unam tantum relinquit hæreditatem, & maximè quando ei succeditur ex testamento. Hoc enim casu natura horum bonorum confunditur, & dispositioni juris communis cum universa hæreditate subiecta sunt. Atque ita jus accrescendi in iis locum habere debet. Hactenus Kinschot. Planè leges seu consuetudines oppidi ac territorii Lovaniensis dum distant, condi ibi testamenta secundum juris scripti regulas, illud ex consuetudine observari statuunt, quòd quis decedere possit pro parte testatus, & pro parte intestatus, quòdque eo casu bona, de quibus testator non disposuit, deferantur proximis hæredibus ab intestato succedentibus. Ut juri accrescendi locus dari non debeat, sive unus tantum ex re certa vel parte aliqua hæreditatis institutus sit, sive plures scripti sint ex partibus seu inæqualibus, seu æqualibus, aut etiam simpliciter in eandem partem. Ita Arn. Vin. hic ad §. *Hæreditas nu. 7.* De consuetudine Leod. idem norat D. Car. de Mean obser. 79. ad jus civile Leodien posse scilicet quem ibi decedere partim testatum, partim intestatum, etiam in eadem specie bonorum, nec dari locum juri accrescendi. Cæterum tacitè adjectum tempus non nocet, ut aliàs expressa nocent, non expressa non nocent, l. *Numquam §. D. De condu. & domonst.* Idque favore testamenti contra juris regulas receptum est, ut institutio sic vitiosè concepta non deficiat, sed vitium rejiciatur, & institutio pro pura habeatur.

Nu. 17. in fine.) Moribus verò hodiernis ut nihil vetat quem decedere partim testatum, partim intestatum, ita & ad tempus vel ex certo tempore institui hæres potest, ita ut pendente die, vel eo existente, hæreditas ad hæredes ab intestato deferatur. Gudel. d. lib. 2. c. 5. & Vinnius hic nu. 5.

Nu. 18. ibi, præsumuntur ludere.) Et quia solus testator hic agit, nihil imputari potest vel hæredi, vel legatario, si conditio impossibilis institutioni aut legato sit adscripta. Deinde placuit voluntates ultimas liberaliori interpretatione esse adjuvandas, l. *Intestamenti 12. De R. I Franc. Balduinus Comment. de Conditionib. c. 7.* Scribit verò Hugo Grot. in *Isagoge sua ad Iurispr. Holland. lib. 2. c. 18.* & ex eo Cypr. Regneri hic in *sua Censura Belg.* moribus Hollandiæ talem institutionem non subsistere, quia voluntas testatoris non videatur seria, sed potius ridicula, & ne quidem voluntas dicenda.

Ibid. in fine.) Illud hujus loci videri possit, an & conditio naturâ impossibilis vitiet donationem mortis causâ, exemplo contractuum aut actuum, qui duorum consensu perficiuntur? Quòd omnino putem, cum hujusmodi donatio solius donatoris consensu non perficiatur; id quod non obscure hic insinuat Imp. dum ait, *impossibilem conditionem in institutionibus & legatis, nec non in fidei comm. & libertatibus, pro non scripta haberi*, nullâ facta mentione donationis causâ mortis. Ita Merenda 3. contr. juris c. 50.

DE VULGARI SUBSTITVTIONE.

TITVLVS XV.

Potest autem quis in testamento suo plures gradus hæredum facere : ut puta , *Si ille hæres non erit , ille hæres esto* ; & deinceps , in quantum velit testator : ut novissimo loco in subsidium vel servum necessarium hæredem instituere possit.

1. Et plures in unius locum possunt substitui , vel unus in plurimum , vel singuli in singulorum , vel invicem ipsi , qui hæredes instituti sunt.

2. Et si ex disparibus partibus hæredes scriptos invicem substituerit , & nullam mentionem in substitutione partium habuerit , eas videtur in substitutione partes dedisse , quas in institutione expressit : & ita divus Pius rescripsit.

3. Sed si institutio hæredi cohærede substituto dato , alius ei substitutus fuerit , divi Severus & Antoninus sine distinctione rescripserunt , ad utramque partem substitutum admitti.

4. Si servum alienum quis patremfamilias arbitratus , hæredem scripserit ; & si hæres non esset , Mævium ei substituerit , isque servus iussu domini adierit hæreditatem : Mævius substitutus in partem admittitur. Illa enim verba , *si hæres non erit* , in eo quidem , quem alieno juri subiectum esse testator scit , sic accipiuntur , si neque ipse hæres erit , neque alium hæredem effecerit : in eo verò , quem patremfamilias esse arbitratur , illud significant , si hæreditatem sibi , vel ei , cuius juri postea subiectus esse coeperit , non adquisierit. Idque Tiberius Cæsar in persona Parthenii servi sui constituit.

COMMENTARIVS.

SUMMARIA.

1. Substitutio cur inventa , & quid.
2. Divisio substitutionis.
3. Substitutio vulgaris quid , & quibus fiat.
4. Servus proprius facta an ex necessarii faciat voluntarios.
5. Substitutionis finis.
6. Reciproca substitutio quomodo fiat.
7. Continet hac substitutio casum & vulgarem & pupiliarem , si persona sint pæres.
8. Non si impares , alter pubes , alter impubes.
9. Substituti invicem in quas partes succedant.
10. Postremo loco substitutus intelligitur & substitutus primo loco.

11. *Quod fallit in substitutione pupillari.*

12. *Substitutio hæc, si hæres non erit, in persona servi, quem testator liberum credidit, quid operetur.*

13. *Leſio & intellectus l. Si paterfam. 40. D. De hæred. instit.*

14. *Effectus substitutionis vulgaris: quòd, instituto deficiente, fiat locus substituto.*

15. *Exclusio iure accrescendi.*

16. *Quòd per hanc substitutionem succedatur testatori.*

17. *Finitur, mortuo substituto ante institutum.*

18. *Item aditâ hereditate per institutum.*

I Nstitutioni, de qua hætenus, non rarò subjungitur SVBSTITVTIO, ordine ab illa differens. Ratio ejus est, ut, si institutus nolit, aut non possit adire, testamentum per substitutum sustineatur. SVBSTITVTIO EST SECUNDI HÆREDIS INSTITVTIO, vel secundi hæredis appellatio, ut alibi dicitur, *Cajus Instit. lib. 2. facta verbis directis, sive imperativis: veluti, Titus hæres esto, si hæres non erit, Mævius esto. Quam vocant directam, de qua hic: nam ea, quæ fit verbis precariis, quam obliquam vocant, huc non spectat, cum non contineat hæredis institutionem.*

2 Directæ substitutionis divisio recepta in VULGAREM, de qua hic, & PUPILLAREM, de qua Tit. sequenti. Ponunt & EXEMPLAREM, quæ ad pupillarem referri potest, ad cujus exemplum inducta. Faciunt item BREVILOQUAM, sive RECIPROCAM, cujus fit mentio §. 1. & COMPENDIOSAM, cujus fit mentio §. fin. tit. seq. Quæ species cum magis orationis figurâ, & forma accidentali, quàm substantiali à prioribus illis discrepent, non sunt dicendæ novum genus substitutionum constituere. (a).

3 VULGARIS SVBSTITVTIO EST, QUÆ CUIVIS ÆTATI ET PERSONÆ SUBSTITUITUR IN CASVM QVO INSTITUTUS NON EST HÆRES, hæc formâ: TITIUS HÆRES ESTO, ET SI TITIUS HÆRES NON ERIT, MÆVIUS HÆRES ESTO, *text. hic impr.* Vbi dicit Imp. posse quem in testamento suo plures hæredum gradus facere, non etiam in codicillis: neque enim codicillis datur directò hæreditas, §. *codicillus inf. De codicil. & l. 7. C. eod.* (b) Substituitur & suis, & extraneis, & liberis, & servis, tam suis quàm alienis.

4 * Vbi falluntur, qui putant suos servos per substitutionem ex necessariis fieri voluntarios, quasi aliâ substitutio foret sine effectû; cum ejus effectus sit, ut servo instituto non adeunte, ut quia morte præventus, aut manumissus recusat, aut alienatus impeditur per novum dominum, testamentum non deferatur, sed sustineatur, aditâ hereditate per substitutum.

§. Et plures,

S ubstitutionis finis & effectus est, ut, deficiente primo vocato hærede, per subsequentem sustineatur testamentum, sive unus uni sit substitutus, sive unus pluribus, sive plures uni, sive plures pluribus, prout videbitur testatori, cui hac in parte

parte libera voluntas, *l. Verbis legis* 120. D. De V. S. * Quin & invicem rectè substituet hac formâ, TITIVS ET MÆVIVS HÆREDES SVNTO, TITIO MÆVIVM, MÆVIO TITIVM SVBSTITVO. Quâ speciē RECIPROCAM vocant Jureconsulti non ineptè, quod mutuò fiat, & undè venit, se recipiat: vel hac formâ, ET INVICEM SVBSTITVO, quam vulgus vocat BREVILOQVAM, nomine minùs rei accommodo. (c) Aptius, ut dixi, Jureconsultus in *l. 4 §. 1. D. h. t.* & hanc reciprocam vocat, quòd non brevitats verborum, sed vicissitudo inspiciatur, quæ substitutionem reciprocam facit. * Continebitur autem hoc modo substituendi interdum duplex substitutionum genus, & vulgare & pupillare, licet in alterum casum tantum sit facta substitutio, modò personæ sint pares, scilicet impuberes, quibus invicem substituitur. Censentur enim substituti non tantum in casum expressum, scilicet quo alter hæres non erit, sed & quo hæres erit, & intra pubertatem decesserit, ex Constitutione D. Marci & Veri, *d. l. 4. §. sed jus:* cum ex Constitutione D. Pii generaliter substitutio impuberi facta in unum casum, si hæres non erit, habeatur & facta in alterum, quo hæres fuit, & intra pubertatem decessit, ita postulante & pupilli utilitate, & conjectura voluntatis testantis, qui videtur noluisse pupillum sine hærede discedere. * Dixi, personæ pares; nam si impares fuerint, alter scilicet pubes, aut extra potestatem, alter impubes, aut in potestate, substitutio invicem facta in unum casum non extendetur ad alterum. Nihil obstante pupilli utilitate, cujus interest habere in utrumque casum hæredem; cum non tam attendatur utilitas, ut quàm sententiæ & orationis evitetur absurditas: quæ admitteretur, si idem verbum in reciprocante substitutione, in uno duplicem, in altero simplicem tantum operaretur substitutionem; nisi aliud testator expresserit, *d. l. 4. §. sed salter l. Lucius 45. D. h. t.*

§. Et si ex disparibus.

IN substitutione invicem facta, si partes non sint assignatae, censentur eadem repetitæ, quæ datæ sunt in institutione, *text. hic & l. Cohæredi 41. §. 1. D. eod.* Casus hujus §. à Theophilo hic propositus minùs congruit, cum tantum duos ponat institutos, eosque invicem substitutos, cum, altero eorum deficiente, alter alterius partem; non pro portione sibi in institutione datâ, sed totum allem capit, causâ testati ad se trahente causam intestati. Convenientior casus huic §. aptatur relatus in *l. Si plures 24. D. eod.* ubi tres ponuntur instituti, primus in besse, secundus in uncia, tertius in quadrante. Tertio deficiente, fient partes novem, quarum octo capit primus, unam autem secundus institutus, scilicet unciam, nisi alia appareat mens testantis. Apparete aliam faciet primò, æquale onus singulis inunctum in substitutione: hoc enim facit videri æqualiter vocatos ad commodum, *l. 7. D. de reb. div. & l. Quoties 23. D. ad S. C. Trebell.* Secundò, si in substituendo usus sit testator nominibus propriis, veluti, PRIMVM, SECUNDVM, TERTIVM SVBSTITVO; quia expressio nominum priorum continet enumerationem personarum, habentem effectum exæquandi vocatos in relicto, *Nonnunquam. 24. D. ad S. C. Trebell. P. cit. q;*

deberi viriles partes; qui vocati sub appellativo nomine hæreditarias tantum haberent, *l. Si heredes 124. D. De legat. 1.* Si dixerit testator, PRIMVM ET SECVNDVM COHÆREDES SVBSTITVO, adhuc idem dicendum, ut scilicet viriles partes debeantur: quia subjunctio cohæredum est pro demonstratione, quæ abundans non nocet. Vti è contrà, si cohæredes primum & secundum substituerit testator, hæreditariæ partes debebuntur, quia nomina propria subjuncta, loco demonstrationis, abundant, *l. Si communes 37. D. De stipulat. fervor.* Inspexit enim testator qualitatem hæredum: non sunt autem hæredes ultra partem datam.

§. Sed si institutio.

10 CASUS hujus §. hîc est, PRIMVS ET SECVNDVS HÆREDES SVNTO; SI PRIMVS HÆRES NON ERIT, SECVNDVS HÆRES ESTO; SI SECVNDVS HÆRES NON ERIT, TERTIVS HÆRES ESTO. Primo & secundo recusante, vel decedente, ante aditionem, ad tertium pertinebit utriusque portio indistinctè, *text. hic. & l. Si Titius 27. D. eod.* sive substitutio tertii facta sit, antequam secundus substitutus esset primo, sive postea: quia non tam ordo scripturæ spectatur quàm successionis, sive secundus ante primum repudiaverit, aut decesserit, sive postea, *l. Cohæredi 41. in pr. D. h. t.* cum cohæredi substituto substitutus intelligatur & ei substitutus, cui cohæres est substitutus. Et hoc est, quod dicitur, substitutum substituto videri substitutum instituto, *d. l. Si Titius.*

11 Arque hoc ita in vulgari admissum. Aliud juris esse in pupillari, docet textus in *l. Qui habebat 47. De eod.* cujus hic est casus. Titius impuberi filio instituto filiam impuberem exhæredatam substituit pupillariter, & huic, si intra pubertatem decesserit, substituit uxorem & sororem. Præmoritur filia impubes, & post eam filius impubes. Vxor & soror non admittuntur ad bona filii, sed proximis agnatis ea deferuntur. Ratio diversitatis est, quod in vulgari tantum agatur de una hæreditate, patris scilicet, quæ non scinditur per legitimum hæredem, sed eam totam substitutus vindicat. In pupillari verò duplex est testamentum, filii & filiæ, duplex hæreditas: ut nihil veret, unam ex testamento vindicari, scilicet filiæ, alteram ab intestato deferri, scilicet filii. Cujac. *Recit. add. l. 27.*

§. Si servum.

12 ALIA hîc species facti in controversia ponitur. Testator servum alienum, liberum putans, hæredem instituit, & in vulgarem casum, si hæres non esset, substituit. Post mortem testatoris apparet servus alienus. Substitutus adserit sibi hæreditatem, quasi deficiente conditione institutionis, propter errorem testatoris, qui tamquam liberum instituerat, ut sibi haberet hæreditatem, alias non vocaturus. Dominus instituti è contra sibi hæreditatem per servum deberi contendit: non obstante errore, qui non debeat aut possit hac in parte impedire, cum non sit circa personam, sed tantum circa ejus qualitatem, quæ non facit eum inhabilem, cum sit testamenti factio cum servis alienis, & quantum ad voluntatem testatoris, nihil

interfit, institutus sibi adeundo quærat, an alteri. Propter rationes utrimque probabiles mediam viam elegit Imp. hic, uti assolent in dubiis, quando non liquet, quid potissimum sequendum, admittitque dominum simul & substitutum, utrique semissem concedendo.

Non rectè obijcitur l. 3. D. De hered. instit. cum in ea agatur de testatore, qui non vult ad alium pertinere suam hereditatem, quam ad ipsum institutum, ut si ille sibi habere nequeat, nihil velit actum; hic autem de eo, cujus sententia est dubia.

Non obstat l. Si paterfam. 40. D. De hered. instit. ubi in prædicto casu dicuntur fieri semisses, & alter semis dividi, æquis portionibus, inter dominum instituti, & substitutum: nam, omisssis aliorum responsionibus textui non respondentibus, & potius divinatoriis, rectè cum Viglio hic & Connano 10. Comment. c. 7. nu. 4. dicitur, d. l. 40. esse mendosam, dum alteri in tantum semissem vult dividi, non addito, cui alter semis cedat: quod ipsi textui parum consonat, qui vult fieri æqualem divisionem. Ut rectè Cujac. hic in Notis & in Recitat. ad d. l. 40. pro alter semis legat As. Igitur hoc in casu duo semisses sunt, ita ut as inter dominum instituti & substitutum æquis portionibus dividatur. Quam lectionem confirmat l. 14. ibid. subsequens, quæ dicit hereditatem esse dividendam inter instituti servi dominum & substitutum. Ut malè verbum As majoribus litteris scriptum, acceperint veteres tamquam scriptum per sigla sive singula, id est singulares litteras. Et adjuvat istam lectionem, quod nullibi in textu d. l. 40. mentio fiat, cuinam alter semis sit attribuendus.

Ex dictis patet, effectum substitutionis esse, QVOD INSTITVTO DEFICI ENTE, vel quia non vult, vel quia non potest esse hæres, SVBSTITVTO SIT LOCVS, excluso hærede ab intestato, ad quem hereditas non adita non transmittitur, nisi certis casibus, de quibus C. De hæ. qui ante apertas tab. * Excludit etiam jure accrescendi, cum substitutus expressè vocetur, jus verò accrescendi ex lege descendat; pressa autem tacitis prævaleant, & provisio hominis faciat cessare provisionem legis.

Est & ille effectus; QVOD PER EAM SVCCEDATVR TESTATORI, qui ne intestatus esset, secundum hæredem appellavit: & quòd contineat sub se pupillarem tacitam, l. 2. §. fin. & l. 4. D. h. t.

Impeditur ejus effectus, primò, SVBSTITVTO MORTVO ANTE INSTITVTVM, adeò ut nihil transmittat ad suum hæredem, l. Sed si 10. in pr. D. De vulg. cum jus, quod non substituit in persona defuncti, non possit vindicari ab hærede. Transmitti enim nequit, quod non est in bonis: non est in bonis hereditas, antequam delata & adita; deferri autem non potuit præ mortuo. In casu converso; quo institutus moritur ante testatorem, non potest dici evanescere substitutio, cum habeatur loco institutionis, jam ad primum gradum revocata, l. Si pater 26. l. Cum ex filio 39 §. fin. D. h. t. l. Thais 41. §. pen. De fidei com. heredit.

Impeditur secundò, HÆREDITATE ADITA PER INSTITVTVM, l. Post editam C. De impub. & aliis substit. Continet enim conditionem, si hæres non erit, cujus

cujus defectus facit deficere voluntatem. Quod verum est, non tantum si omnes vocati adierint, sed & si unus tantum ex pluribus copulativè vocatis, hanc formam, *Titius, Mavius, Caius heredes sunt: si non erunt, Sempronius esto*. Ita ut ne quidem ad partem deficientis admittatur substitutus, qui non aliàs censetur vocatus, quam omnibus institutis deficientibus: cum ad orationis copulativæ veritatem requiratur omnium partium veritas; uno autem ex pluribus adveniente, verum non sit, institutos non esse heredes, cum deficientium pars aliis accrescat, l. *Quidam 30. D. h. t. nisi singuli singulis sint substituti, l. Ex duobus 34. in fine D. h. t.*

ADDITIONES V. A. D.

Nu. 2. in fine.) Nec plures species seu casus substitutionum, si successionem spectemus, quam duo, id est primus & secundus, sive in primum & secundum casum, constitui debent, casus scilicet delatæ quidem, sed nondum acquisitæ hereditatis, si heres non erit, & casus acquisitæ hereditatis ac mortis ante ætatem pupillarem. In primum casum (qui & simplex seu unicus) dicitur fieri substitutio vulgaris, in secundum pupillaris. Nam illa fit in unum casum tantum, non aditæ hereditatis: hæc in duplicem casum, & vulgarem & pupillarem, id est non aditæ & aditæ hereditatis, quam Theophilus *βουλγαρο πει πιλλαριαν, vulgaris pupillarem*, appellat. Quæ verò reciproca substitutio dicitur, hæc distincta species non est, sed refertur vel ad vulgarem, vel ad pupillarem, vel ad utramque simul, quia vulgarem ac pupillarem substitutionem uno verborum complexu copulat. Compendiosa substitutio sermonis compendio plures substitutionum species, & plura tempora complectitur. V. G. *Quandocumque filius meus decesserit, Titius heres esto*, hæc substitutio pupillaris erit, si filius impubes decesserit; vulgaris, si pubes; quasi pupillaris, si in furore. Plura de his Arn. Viinnius ad rubr. h. t. de quæ usu & utilitate hujus Tit. adeoque universæ materiæ substitutionum Eman. Soarez in Annotat. ad Gomez. Var. resol. lib. 1. c. 3. in prin. ubi ex Alberico ad l. 1. D. De vulg. & pupil. refert materiam hanc apprimè accommodatam esse explendis Advocatorum marsupiiis. De quæ Baldo vulgò circumfertur, dixisse eum aliquando, sese in hac eadem materia lucratum fuisse plus quam quindecim ducatorum millia. Certe Wesenbecium, qui aliter judicasse videretur, vel ipsummet ejus consilia convincunt. Schult. hic.

Nu. 3. ibi, & l. 7. C. eod.) Valere tamen substitutionem in codicillis directò factam ut precariam, & in vim fidei commissi, obtinuit, si modò constiterit, testatorem non testamentum, sed codicillos facere voluisse, l. 1. D. De jure codicill. vel si testamento imperfecto adjecta fuerit clausula codicillaris, quæ illi vires & robur addat, valere quæ faciat, l. 3. D. De milit. testam. & l. ult. §. 1. C. De codicil.

Nu. 6. ibi, nomine minùs rei accommo.) Quamvis & hæc nomenclatura fundamentum aliquod habere possit in l. Cum in testamento 37. §. 1. D. De hered. instit. ubi formulam hanc proponit I. C. ^{tus}, *Publius, Marcus, Caius invicem substituti, heredes mihi sunt*: & verba illa sic interpretatur, ut breviter videatur testatorem instituisse heredes, & invicem eos substituisse. Breviter, inquam, eo quod institutio

ibi intelligi debeat breviter facta, cui substitutio uno verbo velut intexta sit, non quod substitutio hac semper breviter, id est uno verborum complexu fieri debeat. Est enim formula in *d. l. 37. singularis*, ut non rectè inde sumpserint interpretes generale nomen breuiloquæ substitutionis.

Nu. 8. in fine) Quod si personis imparibus separatim facta fuerit substitutio, v. g. testator, institutis filio impubere, uxore vel alio extraneo; filio, si hæres non erit, substituit Titium; uxori vel extraneo eundem Titium substituit: hic in persona filii impuberis locum habebit duplex substitutio vulgaris & pupillaris, in altero autem hærede vulgaris tantum, propter separatam provisionem, *l. 4. §. 2. vers. hoc itaque casu D. De vulg. & pup. Ita Zas. tract. de substit. c. 1. vers. Sextus effectus, in §. limit. Fachin. 4. contr. c. 68.*

Nu. 10. in fine.) Vide Ant. Tessaur, *decis. 86.* ubi tractat hanc quæstionem, an substitutio plures gradus continens, deficiente medio, transeat ad ulteriorem? Quod communis opinio affirmat, quæ & Bartoli est in *l. un. §. profecundo in fine C. De cad. tollen. & lat. us in l. Quamdiu 69. De acq. vel omis. hærea. ubi text. est expressus*, in verbis, Is autem, qui tertio gradu scriptus est, si primo deliberante secundus decedat, ipse pot. si si cedere. Adde Alciat. *conf. 294. & 475. Gomez. Var. resol. tom. 1. c. 3. nu. 10. Mich. Grassi. Substitutio qu. 81. nu. 5.*

Nu. 13. in fine.) Sic quoque in hac specie, quæ testator uni optionem servi, alteri Stichum legat, Stichum quasi in dubio voluntatis dividi inter utrumque legatarium, idem Julianus (cujus est & hæc *l. 40. De hered. instit.*) respondit in *l. Sidermano 99. D. De legat. 1.* Quod in jure singulare esse putat Marq. Freher. 1. *Parer. c. 27.* cum passim casus occurrant, magis dubii, nec tamen adhibitum invenitur hoc componendæ litis remedium, quod potius arbitri videtur & amicabile compoſitoris: quod Cicero eleganti locutione medium ferre dixit, Chrysippus, inquit lib. de Fato, tamquam arbiter honorarius medium ferre voluisse. Vide Alciat. 1. *Disposit. c. 2.* aliter ad *d. l. Si paterfam. 40. respondentem & M. à Lycklama §. Memb. Earl. 15. & 16.* qui de alio casu ibi Julianum locutum fuisse contendit.

Nu. 14. in fine.) Substitutio verò facta in casum, ut vocant, voluntatis, nempe si hæres esse noluerit, an extendatur ad casum impotentia, puta si hæres esse non potuerit, utrumque disputatur. Negat Fachin. 4. *contr. c. 61. secutus Mantic. De conj. & ultim. volunt. lib. 5. tit. 1. nu. 3. & Duar. ad tit. D. De vulg. & pup. c. 11. Quib. verbis fiat vulg.* Affirmant Bart. ad *l. 1. nu. 14. D. eod. Ias. ibid. nu. 23. Gomez. 1. Var. 10. & alii*, quos sequitur D. Zoef. ad *D. h. t. nu. 7.*

Videamus porro, quid mores hodierni observent circa hanc substitutionem: Et quidem in iis locis, ubi hæredis institutio nominatim recepta est, veluti in hoc Brabantia Ducatu, & aliis Provinciis Belgicis, etiam substitutiones vulgares suum habere locum & usum ferè placuit. Notatque Thomas Papillon. *tract. de substitutionib. c. 11.* directam hæredum substitutionem in iis Gallia Provinciis, quæ Principali indulgentiâ legibus Romanis, uti concessum est, exercet quoque vires suas. Sed dubitatur, an hodie, talis substitutio effectum habere & consequi possit: & ratio dubitandi sumitur ex consuetudine præne generali, quæ statim à morte

testatoris

testatoris, absque ulla aditione aut immixtione, transfert ipso jure hereditatem, rerumque hereditariarum possessionem, non solum in liberos, sed & in proximum quemque heredem, etiam extraneum, de quo dicam inf. ad tit. *De hered. qualu. & diff. r.* Et quod consuetudo introduxit quoad acquisitionem possessionis rerum hereditariarum, id ex vi ejusdem consuetudinis ad jura transmissionum traductum videri, placuit communius Practicis: ut neque ad transmissionem necessaria omnino sit hereditatis aditio. Moim. *ad consuet. Paris. tit. 1. §. 9. Gl. 4. nu. 8* Id quod à jure communi prorsus alienum est, quo hereditas non nisi adita ad heredes extraneos transmittitur, l. *Quoniam 7. Gl. Cum antiquiorib. 19. C. De jure debitor. Ut proinde hodie non appareat utilitas aliqua hujus substitutionis, ex vi dictæ consuetudinis, cum nullum tempus dari possit, quo dici debeat non adita aut non transmissa hereditas. Atqui hereditate adita mox evanescit hæc substitutio. Tiraq. in *Præfat. tract. Le mort saisi le vif. nu. 2.* Boer. *ad consuet. Britan. tit. de Testam. & Leonar. Alesin. tract. de substit. c. 2.* Sententia contraria verior est, quam sequitur Pet. Greg. Tolos. *syn. i. g. juris lib. 42. c. 12. nu. 6.* & probat D. Gudelin. *ad tit. D. De vulg. & pupil. rationibus sequentibus.* Primò, quòd ista generalis consuetudo ita generaliter ad omnes casus extendi non debeat. Secundò, quòd etiam jure civili dari potuerit substitutus vulgaris suo heredi, qui tamen propterea non desineret esse suus & necessarius hæres, hereditatemque etiam non aditam transmitteret, ex sententia communiori, quam adserit Coras. i. *Miscel. c. 2.* Donel. 6. *Comment. c. 24.* Ant. Faber *Dec. 32. Errore 6. & seqq.* Joann. à Sande *Decis. Fris. lib. 4. tit. 3. defin. 1.* Si dicas vel ideo quoque videri frustrà fieri talem substitutionem, & sine effectui; Resp. id quidem verum esse regulariter, utique eo casu, quo filius hæres est: at verum est & illud, casus aliquot dari, quibus evenire possit, ut filius hæres non sit, ad quos casus talis substitutio referri debet: veluti si filius decedat ante patrem: si fiat incapax hereditatis per deportationem, aut alio modo, §. *posteriore inf. Quib. modis testam. infirm.* Si item beneficio Prætoris se abstineat paternâ hereditate, declararetque se hereditatem retinere nolle; quo casu abstinens perinde habetur, ac si hæres factus non esset, l. *Pro herede 20. §. pen. & l. Si servum 71. §. prætor D. De acq. hered.* Denique si minor adversus aditionem immixtionemque peteret in integrum restitui, faciebat olim locum substituto, l. *Aut Prætor 7. §. sed quod De minorib.* Hodie quoque datur heredibus omnibus facultas abstinendi: & si hereditate abstinuerint, fiet locus substituto; si minus, transmittetur hereditas, tamquam ipso jure acquisita, in proximum heredem, excluso substituto. De cæteris idem ferè jus erit iis in locis, ubi institutio substitutioque locum habent. Vbi verò institutio heredis recepta non est, sed tantum pro legato habetur, ibi neque substitutioni locus erit, sed ea pro fidei commissi haberi debet. Charond. *ad consuet. Paris. art. 290.* Illud denique jure moribus recepto obtinuit, ut post institutionem heredis non nisi duo gradus substitutionum fieri possunt: qua de re apud nos est Constitutio Principum nostrorum anno 1611. *art. 16.* & in regno Gallia Caroli IX. anno 1561. *art. 59.* Quamquam similes Constitutiones videantur potiùs ad fidei commissarias pertinere substitutiones, quàm ad directas.*

DE PUPILLARI SUBSTITUTIONE.

TITULUS XVI.

Liberis suis impuberibus, quos in potestate quis habet, non solum ita ut supra diximus, substituere potest, id est, ut, si heredes ei non extiterint, alius sit eis heres: sed eo amplius, ut, si heredes ei extiterint, & adhuc impuberes mortui fuerint, sit eis aliquis heres: veluti si quis dicat hoc modo, *Titus filius meus heres mihi esto. Et si filius meus heres mihi non erit, siue heres erit, & prius moriatur, quam in suam tutelam venerit, tunc Seius heres esto.* Quo casu, si quidem non extiterit heres filius, tunc substitutus patri fit heres; si verò extiterit heres filius, & ante pubertatem decellerit, ipsi filio fit heres substitutus. Nam moribus institutum est, ut cum ejus ætatis filii sint, in qua ipsi sibi testamentum facere non possunt, parentes eis faciant.

1. Quâ ratione excitati, etiam Constitutionem posuimus in nostro Codice, quâ prospectum est, ut, si qui mente captos habeant filios, vel nepotes, vel pronepotes, cujuscumque sexus vel gradus, liceat eis, etsi puberes sint, ad exemplum pupillaris substitutionis, certas personas substituere. Sin autem resipuerint, eandem substitutionem infirmari: & hoc ad exemplum pupillaris substitutionis, quæ postquam pupillus adoleverit, infirmatur.

2. Igitur in pupillari substitutione secundum præfatum modum ordinata, duo quodammodò sunt testamenta: alterum patris, alterum filii, tamquam si ipse filius sibi heredem instituisset: aut certè unum testamentum est duarum causarum, id est, duarum hereditatum.

3. Sin autem quis ita formidolosus sit, ut timeat, ne filius suus pupillus adhuc, ex eo, quod palam substitutum acceperit, post obitum ejus periculo insidiarum subiaceat; vulgarem quidem substitutionem palam facere, & in primis testamenti partibus ordinare debet: illam autem substitutionem, per quam, si heres extiterit pupillus, & intra pubertatem decellerit, substitutus vocatur, separatim in inferioribus partibus scribere, eamque partem proprio lino, propriaque cerâ consignare: & in priore parte testamenti cavere, ne inferiores tabulæ, vivo filio & adhuc impubere, aperiantur. Illud palam est, non ideo minus valere substitutionem impuberis filii, quòd in eisdem tabulis scripta sit, quibus sibi quisque heredem instituisse, quamvis pupillo hoc periculosum sit.

4. Non solum autem heredibus institutis impuberibus liberis ita substituere parentes possunt, ut, si heredes eis extiterint, & ante pubertatem mortui fuerint, sit eis heres is, quem ipsi voluerint, sed etiam exheredatis. Itaque eo casu si quid exheredato pupillo exhereditatibus legatisve, aut donationibus propinquorum atque amicorum acquisitum fuerit, id omne ad substitutum pertinebit.

Quæcumque diximus de substitutione impuberum liberorum vel heredum institutorum, vel exheredatorum, eadem etiam de posthumis intelligimus.

5. Liberis autem suis testamentum nemo facere potest, nisi & sibi faciat. Nam pupillare testamentum pars & sequela est paterni testamenti: adeò, ut si patris testamentum non valeat, nec filii quidem valebit.

6. Vel singulis liberis, vel ei, qui eorum novissimus impubes morietur, substitui potest: singulis quidem, si neminem eorum intestatum decedere voluerit; novissimo si jus legitimarum hereditatum integrum inter eos custodiri velit.

7. Substituitur autem impuberi aut nominatim, veluti, *Titius heres esto*: aut generaliter, ut *Quisquis mihi heres erit*. Quibus verbis vocantur ex substitutione, impubere mortuo filio, illi, qui & scripti sunt heredes, & extiterunt, & pro qua parte heredes facti sunt.

8. Masculo igitur usque ad quatuordecim annos substitui potest: feminæ usque ad duodecim annos. Et si hoc tempus exceßerint, substitutio evanescit.

9. Extraneo verò, vel filio puberi heredi instituto, ita substituere nemo potest, ut si heres extiterit, & intra aliquod tempus decēsserit, aliis ei sit heres: sed hoc solum permissum est, ut eum per fideicommissum testator obliget alii hereditatem ejus vel totam, vel pro parte restituere, quod jus quale sit suo loco trademus.

C O M M E N T A R I V S. S V M M A R I A.

1. Substitutio hac unde dicta pupillaris.
2. Introducta est moribus ex jure patriæ potestatis.
3. Quid sit, ejusque forma.
4. Est duplex, ejusque effectus, & finis.
5. Adeam requisita.
6. Substitutio exemplaris quæ sit, & quibus fiat.
7. In quo conveniat cum pupillari.
8. Redeunte furore an substitutio per resipiscentiam extincta reconvalescat.
9. In quibus differant pupillaris & exemplaris.
10. In substitutione pupillari an unum vel duo testamenta.
11. Modus substituendi pupillariter quis pupillo sit tutissimus.
12. Substitutio hac fieri potest liberis etiam exhereditatis.
13. Etiam posthumis.
14. Pater prius sibi, deinde filio testamentum facere debet.
15. Ex testamento pupillari an confirmetur testamentum patris.
16. Substituitur pupillariter vel nominatim, vel generaliter.
17. Item vel singulis liberis, vel novissimo morienti.
18. 21. Ad quod usque tempus, & quibus modis finiatur hac substitutio.
19. Substitutio compendiosa quæ & qualiter fiat.
20. Ultra pubertatem an substitui pupillariter directò & quomodo possit.

Altera substitutionis præcipua species est PUPILLARIS: dicta ab eo, quod fiat pupillo, id est impuberi in potestate, qui & pupillus appellatur *in l. fin. §. pupillus D. De V. O.* aut ita dicta, quia fit in casum, quo pupillus erit, id est impubes extra potestatem, habito respectu ad tempus post mortem patris, quo effectum suum habet: quo modo communiter nomen pupilli accipitur, *l. Pupillus 239. De V. S.* * Introduta est non lege XII. Tabular, uti vulgaris, sed moribus, *l. 2. & l. Ex facto 43. D. h. t. pr. ex jure patriæ potestatis, quod moribus receptum, l. 8. D. De his qui sunt sui vel al. iur.* Ut non fiat cuilibet à quolibet, sed tantum ab habente in potestate, ei, qui est in potestate: sive sit naturalis, sive legitimus tantum cum & in legitimis liberis sit potestas, *uti dictum sup. De adopt.* Hinc non fit emancipato, nec etiam à matre aut avo materno substituitur liberis: propter cessantem potestatem, undependet. * Ut SUBSTITUTIO PUPILLARIS SIT, QUÆ FIT LIBERIS IN POTESTATE, IMPUBERIBVS, IN CASVM, QVO ANTE PUBERTATIS ANNOS DECEDENT, hæc formâ: TITIVS FILIVS MEVS HÆRES ESTO, ET SI HÆRESEX II TER: T, ET PRIVS MORIATVR, QVAM IN SVAM TVTELAM VENERIT, SEIVS HÆRES ESTO. Potest & simul expressè contineri vulgaris casus, scilicet, SI HÆRES NON ERIT, juxta textum *hic in princ.* * Quo modo hæc substitutio dicitur duplex: quod & duplicem casum contineat & non aditæ hæreditatis, sed mortis intra pubertatē Vtriusque diversus est effectus, uti indicatur *hic in princ.* Nam eo casu, quo hæres non est filius, substitutus est hæres patri, qui pupillo abstinente sibi de hærede providit. Eo autem casu, quo hæres fuit, & moritur ante pubertatem, substitutus impuberis est hæres, cujus bona capit simul & patris, quæ impubes ad eundem sua fecerat, & ut talia ad institutum deferuntur. Est & ille effectus pupillaris, quod tacitam sive subintellectam vulgarem contineant, *l. 4. D. De vulg. & pupill.* ubi in alterum casum substituens, in utrumque substituisse dicitur, cum qui vult filio aliquem hæredem esse decedenti post aditam hæreditatem, eidem etiam velit esse hæredem antea aditam decedenti. Finis est, ut qui per se hæredem habere nequeunt, per alium, in cujus potestate sunt, sibi datum habeant, *text. hic in fine princ.*

Vnde ad justitiam hujus substitutionis requiritur, Primò FIAT LIBERIS IN POTESTATE AB IIS, QUI HABENT IN POTESTATE: datur enim patri potestati hoc privilegium. (a) Necessæ autem, sint in potestate, non tantum tempore mortis testatoris, verum & facti testamenti, ex veriori sententia: cum cujusque rei principium inspicitur, ejusque vitium non tollatur per habilitatem subsequenter, ex regula Catoniana, quæ habet, id quod ab initio non subsistit, solo facto postea non convalescere, *l. 1. De reg. Caton.* (b) Secundò FIAT IMPUBERI, ex prædicto hujus substitutionis fine, non recasuro in potestatem alterius, *l. 2. D. h. t. cum is,* in cujus potestatem recidet, testamentum ei concedere possit, à quo non est prohibendus. Quo modo substitutio facta à filio fam. suo impuberi in avi potestate remanenti, non aliâ tenet, quâ si miles sit, & militariter substituerit, *l. Cum filius l. 28 D. De test. milit.* tertio, TESTATOR SIBI TESTAMENTVM FACIAT, de quo *in §. eod. liberis.* Quarto, IMPVBES INSITVATVR AVT EXHÆREDEIVR, ne

præteritio ejus testamentum faciat nullum. Instituat heredem, non est necesse, ut dicetur *inf. cod. §. non solum*. Quintò, EX TESTAMENTO PATERNO ADEATUR HEREDITAS, *d. l. 2. §. quisquis D. h. t.* cum omisso additionis faciat testamentum corrumpere, ut una & evertatur substitutio. Si tamen, omissa principalis testamenti causa, patris hereditas adeatur ab intestato, servat Prætor substitutum pupillo, *d. §. quisquis*.

§. Quâ ratione.

6 **P**upillaris alia propriè talis est, pupillo scilicet facta, alia ad exemplum ejus introducta, EXEMPLARIS dicta, QUÆ FIT PUBERI FURIOSO, MENTE CAPTO, PRODIGO, MUTO & SURDO. Ratio nominis est in identitate rationis, scilicet quòd ei fiat, qui propter mentis aut corporis defectum sibi de herede providere nequit. Quam ad rem olim opus fuit Principali rescripto, *l. Ex facto 43 D. De vulg. & pep.* quo hodie non est opus, saltem ut fiat mente capto testamentum, *l. Humanitatis 9. C. h. t.* per quam privilegiatum testandi genus factum est civile. Quod idem dicendum de furioso, cum æquiparetur mente capto. Ad prodigum quoque aliqui extendunt, quòd furioso comparetur, si exitum in bonis spectemus, *l. His qui 12. D. De tutor. & curat. dat.* Mutis & surdis, ut substitutio hæc fiat, opus est Principali rescripto, *d. l. 43*. Quæ non potest videri correctæ per *d. l. 9.* nisi quatenus in ea exprimitur, cum sit correctoria, quæ non extendenda ultra

7 casum comprehensum. * Convenit hæc cum pupillari quoad causam substituendi, & quoad effectum, cum substituto deferantur bona. Uti & in eo, quòd ut illa extinguatur per pubertatem propter jam concessam testamenti factionem, ita & hæc, ubi mens rediit, sublato animi aut corporis morbo, post quem rediit testandi facultas, ne, ut ait *l. C. in d. l. 43.* iniquum incipiat fieri beneficium Principis, auferendo testamenti factionem homini sanæ mentis.

8 **Q**uæritur, autem, An redeunte furore substitutio per resipiscentiam extincta reconvalescat? Quod videtur negandum, cum quod semel evanuit jure civili, solo casu vires non resumat. Evanuisse autem per resipiscentiam, patet ex *d. l. 9. vers. ita tamen*, in verbis, *ut si postea resipuerit, talis substitutio cesset*. Et facit, quòd imputet sibi sanus existens, & boni sensus, si testamentum non ordinaverit. Videtur enim velle mori intestatus, non distinguendo inter breve vel longum intervallum, modo fuerit dilucidum: cum brevis temporis nihil mutet, *arg. l. 3. C. D. posth. hered. instit.* ubi post mortem natus, licet illicò, necdum emissâ voce, decesserit, testamentum nihilominus rumpit; sed ipsa conditio sit inspicienda, quæ jam talis est, ut testamentum ei per alium factum faciat esse iniquum. (c)

9 **S**unt autem differentie quædam inter utramque speciem. Nam primò illa fit pupillo, uti nomen indicat; hæc verò puberi, non etiam impuberi, ab eo, qui habet in potestate. Cui tamen si fieri contingat, judicanda erit pupillaris, secundum ordinariam causam, quæ magis inspicitur, quàm extraordinaria, *arg. l. 3. D. De tut.* Contringat tamen illam flecti in exemplarem, si ea sit substituents mens, & requisita adiuncta non etiam alias, cum sit inducta jure speciali, cujus extensio non facile admit-

admittitur. Dixi, ab habente in potestate; quia mater impuberi rectè substituit exemplariter: uti & pater emancipato, licet non substituunt pupillariter, uti jam dicitur. Secundò, illa tantum est permessa habenti in potestate; hæc verò cum non tam fiat jure potestatis, quam humanitatis, etiam permessa matri, avo materno, & similibus, qui non minus ducuntur humanitate, quam habentes in potestate. (d) Ubi non removebit matrem, quòd ad secundas nuptias convolarit, cum hæc res concernat commodum liberorum, ut non possit ei subesse aliquod periculum. Tertio, in illa etiam substituitur extraneus; in hac autem primò substituendi liberi, si qui sint illi, cui fit substitutio: si desint, fratres sunt vocandi, *d. l. 9.* nam humanitas, quæ hanc induxit, minus fert, liberis, aut in eorum defectum, fratribus præteritis, vocari extraneos. Quartò, illa fit etiam ex hæredato, ut dicitur *inf.* in hac verò desiderat humanitas, ut iis, quibus substituitur, relinquatur legitima portio, & quidem integra, *d. l. 9.* Quintò, rumpitur hæc substitutio per liberorum nativitatem, *d. l. 43.* qui furioso nasci possunt, cum licet non contrahat quidem nuptias, contractas tamen retineat, *l. Patre 8. D. De his qui sunt sui vel al. jur.* Mutus verò etiam rectè matrimonium ineat, cum consensum, quo solo matrimonium initur, habeat. Quod aliter se habet in pupillo, qui regulariter nuptias non contrahit.

§. Igitur in pupillari.

Testamentum, quo substituitur pupillariter, **UNUM ESSE DUARUM CAUSSARUM**, hic textus adserit: unum, si ordinationem inspicias (unius enim hominis non possunt plura testamenta intelligi) & solemnitates, quæ una sufficiunt, si sibi & filio unico contextu pater testetur, *l. Patris 20. D. h. t.* cum pupillare per se non judicetur: est enim tamquam sequela & pars paterni, §. *liberis eod.* Si diverso tempore sibi & filio testetur, adhibenda sunt sua solemnia, *l. Si quas 16. §. 1. D. h. t.* Dicitur, duarum caussarum: propter duas hæreditates, patris scilicet & filii. Quâ ratione quodammodò **DUO** dicuntur **ESSE TESTAMENTA**. (e)

§. Sin autem.

Substitutio hæc non ideo minus valida, quòd in iisdem fiat tabulis, in quibus pater sibi hæredem instituit. Periculosa tamen ea res pupillo, uti hic adseritur, propter insidias, quæ isti ætati facillè parantur per eos, qui se sciunt pupillariter substitutos. Quomodo Imp. hic dat cautelam, quâ tale periculum evitetur, ut scilicet testator vulgarem substitutionem in primis tabulis exprimat, in infimis verò pupillarem substitutum scribat, easque claudat lineis funiculis cerâ impressâ; & caveat in priori tabularum parte, ne inferiores vivo filio adhuc impubere aperiantur. Sicut tuta videtur futura ista ætas ab insidiis, dum certum quidem pupillarem substitutum contineant infimæ tabulæ, incertum tamen sit, quis scriptus sit, vulgaris verò expiret per additionem: nemo enim sine lucro, ut hic ait Theophil. cuiquam insidiatur. Nec facit, quòd vulgaris contineat pupillarem subintellectam; nam hoc verum est, quando non est, in pupillarem casum provisum: expressa enim tacitis prævalent. (f)

§. Non solum.

¹² **A**D effectum hujus substitutionis non est necesse, pupillus instituatur: cum non ab institutione, sed à patria potestate dependeat hæc substituendi facultas. Unde & in exheredato ista substitutio obtinere hinc dicitur, citra injuriam, cum heredem habere sit honorificum ei, qui sibi heredem scribere nequit. (g) Legatum tamen ab eo non rectè relinquitur, quia gravamen continet, quod non est imponendum non honorato. Idem & in substituto juris est, quòd relicta secundis tabulis habeantur quasi relicta primis, *l. In ratione 11. §. quod vulgò, in fine D. Ad L. Falcid.* etiam in casu, quo exheredato legatum est relictum, *l. Cum quidam 24. C. De legat.* Quod videtur tribuendum injuriæ exheredationis quæ nullâ digna benignitate, ex qua inductum, ut hæredis hæres legato gravetur, *l. 5. D. De legat. 3.* unde in *l. Ab exheredati 126. in pr. D. De legat. 1.* dicitur, inutiliter legatum dari à substituto. Si tamen aliquid relictum fuerit exheredato, hoc per fideicommissum restitui rogari potest, *l. Cohæredi 41. §. quod si heredem D. h. t.* non etiam aliàs, quia non alia fideicommisso subjicimus, quàm à nobis profecta. In casu autem, quo substituitur exheredato, tantum bona filii capit substitutus, non etiam patris, quæ institutum sequuntur: cum instituto substitutus omnia etiam patris bona caperet. Ubi excipitur substitutus ab adrogato, ad quem non alia transeunt, quàm quæ ab adrogatore sunt profecta ad ipsum pupillum, *l. Sed si 10. §. in adrogato D. De vulg. & pupill.* Cætera enim ex cautione sunt restituenda proximis pupilli, ne iis præjudicaretur per adrogationem, *uti dictum sup. De adopr.* Miles quoque pupillariter substituendo suo emancipato, non alia facit ad substitutum transire, quàm quæ à se profecta, *l. Miles 41. §. miles D. De testam. milit.* Neque enim illi super aliis bonis est licentia disponendi, ne privilegium ejus jus alterius diminuat. Veniens etiam ex substitutione fideicommissaria, non alia capit, quàm quæ à testatore proveniunt: fideicommisso enim nemo oneratur ultra quàm accepit, *l. 6. D. De leg. 3.*

§. Quæcumque.

¹³ **R**atio est, quia posthumi quoad commodum habentur pro natis. Et licet iusta exheredationis causa in posthumis dari nequeat, facit tamen exheredatio, etiam sine causa, subsistere testamentum, *uti dictum sup. tit. 13.*

§. Liberis autem.

¹⁴ **S**ubstitutio hæc non aliàs iusta habetur, quàm SI PATER ET SIBI TESTAMENTUM SCRIPSERIT, *rex. hic & l. 1. in fine D. eod.* cum pupillares tabulæ sint quasi appendix & pars paterni testamenti, ut hoc tanquam principale poni debeat. Excipe militem, qui filio suo heredem scribit, licet sibi non scripserit, *l. 2. §. quisquis D. eod.* quia solutus est legum solemnibus. Non ponetur hac in re vitium in eo, quòd

quod primò sit scriptus hæres filio, & postea pater sibi scribat hæredem, *d. l. 2. §. sed si quis ita*, quia non tam scripturæ ordo, quàm voluntas attenditur, *§. ante hæredis 34. inf. De legatis*. Debet autem testamentum paternum esse ritè factum, aliàs pro non facto esset. Inter liberos tamen cùm testamentum minùs solemne sustineatur, *l. Hac consultißima 21. §. ex imperfecto C. De testam.* eoque legata & libertates relinquantur, *Auth. Quod sine C. d. t.* videtur & pupillariter substitui posse. Necessè etiam est, adeatur hæreditas patris, *d. l. 2. §. quisquis*. facit enim intestatum omiña aditio, *inf. De hæred. que ab intest. in pr.* *Unde sequitur, ex solis pupillaribus tabulis non sustineri testamentum, *l. Ex pupillari 44. D. De vulg. & pupil.* quia sunt accessio paterni testamenti, & ex eo valent, ut neutiquam ipsum reciprocè confirmare possint. Et hoc ita in extraneo instituto: nam sui instituti abstentio non facit tabulas pupillares corrumpere, quòd ipso jure sit hæres, *l. Si filius 12. D. De vulg.* Quò facit quod dicitur, per existentia sui hæredis cõfirmari tabulas pupillares, & substitutum admitti, cùm suum hæredem habens etiam abstinentem, non dicatur sine hærede esse. (h) Excipitur miles, qui cùm filio substituatur, sibi non facto testamento, quid ni & ex ejus testamento, non aditâ hæreditate, pupillares tabulæ sunt salvæ? *l. Miles 41. §. fin. D. De testam. milit.*

§. Vel singulis.

SUBSTITUITUR liberis, VEL NOMINATIVIM, id est expresso nomine proprio, *16*
VEL GENERALITER, hac formâ: **QUISQUIS MIHI HÆRES ERIT, FILIO HÆRES. ESTO.** Quæ substitutio generalis continet conditionem, si institutus mihi hæres erit, *l. 8. D. h. t.* qui ex ea parte succedet ut substitutus, ex qua institutus ipse hæres existit, *text. hic vers. substituitur*: quo casu si per servum institutum patris hæreditas ad dominum pervenerit, non etiam ad eundem perveniet pupillaris hæreditas, si existente conditione servus potestatem domini exierit, sed eum sequetur, *l. 3. D. h. t.* quia non scriptus dominus hæres patris, sed servus: & hæreditas patris non tam quæsita domino ex judicio paterno, quàm ratione dominii.
* Substituitur item VEL SINGULIS LIBERIS, si neminem pater intestato decedere velit, id est sine hærede testamentario, *tex. hic*, VEL etiam NOVISSIMO MORIENTI ANTE PUBERTATEM. Quo casu non tam ex testamento quàm ab intestato sibi mutuo succedent, ut patet hic ex verbis, *si jus legitimarum hereditatum inter eos velit custodire integrum*. Nisi alia colligatur conjectura, ut quia aliter successio ab intestato non haberet locum, ut in casu *l. Titia 87. §. Siia D. De legat. 2.*

(i)

§. Masculo igitur.

SUBSTITUTIO hæc cùm sit facta in casum morientis pupilli intra pubertatem, *18*
ne sine hærede decedat, quem impubes sibi eligere nequit, FINITUR PUBERTATE: cùm pubes testamentum ordinare possit, à quo non est impediendus per patrem.

- Patrem comprehensa longiori tempore substitutione, *l. 7. & l. In pupillari 14. D. h. t.* Uene quidem in vim fideicommissi teneat, quantum ad substitutionem à pagano directis verbis factam, cum *d. l. 7.* dicat sinistra eam ultra pubertatem fieri: quod non esset, si ut fidei commissum valeret. Dico, à pagano; nam à milite substitutio directa post pubertatem trahitur ad causam fidei commissi, uti rescriptum est in *l. 19. Precibus 8. C. h. t. (k) ** An autem miles certam aetatem exprimat, an compendio verborum utatur, veluti, *Quandocumque filius differit. Seius heres esto*, non refert, quam speciem COMPENDIOSAM vocant, quod compendio verborum contineat diversos succedendi modos. Nam si filius ante pubertatem moriatur, omnia bona directò ex jure communi substituto deferuntur, si post, ex fideicommissò tantum ea, quæ à substituente ad filium pervenerunt, *l. Centurio 15. D. h. t.* quod non possit fideicommissò quis onerari ultra, quàm accepit à testatore. * Quòd autem post pubertatem ista substitutio non sustineatur jure directò, est quia nequidem militis privilegio dandum, ut civi Romano puberi testamenti factionem adimere possit: ut tamen militi privilegium conservetur, lex comminiscitur fideicommissum, Pagano non est idem privilegium, quisi velit, post pubertatem moriente filio, bona ad aliù pertinere, obliquis verbis hoc expediet, *text. hic in fine*, ubi dicitur esse idem in extraneo instituto, ut ei non possit directò substitui post additionem.
- 21 Finitur præterea hæc substitutio, DEFICIENTE CONDITIONE, SUB QUÀ FACTA EST, & tempore contracto intra annos pubertatis lapso, *l. Si ita quis 21. & l. Ex factò 43. §. 1. D. eod.* ubi tempus adjectum, non tam pro die est, quem non admittit hæreditatis datio, quàm conditionis, aut casus vicem supplet.
- Cessat quoque substitutio, si tempore mortis testatoris EXTRA POTESTATEM EIUS SIT IMPUBES, *l. Cohæredi 41. §. cum jura D. eod.* Fundatur enim hæc substitutio in potestate, quam & tempore mortis adesse oportet, quia tum testamentum confirmatur. Præterea SI NON ADEATUR HÆREDITAS, uti mox dictum: SI PRÆMORTUUS SIT SVESTIVIVS, qui ad heredem juris nihil transfert, cum nihil sibi acquisitum habeat, pupillo superstite: SI MORIATUR IMPUBES ANTE TESTATOREM, per *l. Lex cornelia 18. D. h. t. & l. 10. D. De captivis & postlim. rev.* ex ratione, quòd talis filius non possit habere heredem, cum non sit mortuus sui juris. (l)

ADDITIONES V. A. D.

Nu. 5. ibi. datur enim potestati hoc privil.) Quæ potestas hoc efficit, ut filius censeatur quodammodò una eademque persona cum patre, ut una utriusque familia, unum patrimonium, & consequens unum utriusque testamentum esse videatur. Wesenb. *hic in pr. nu. 1.* Quare filio emancipato ita non rectè substituitur, quia is extra familiam est patris, Sed nec mater aut avus maternus filio aut nepoti ita rectè substituunt, ex eadem ratione, quia eos in potestate non habeant, §. *famina sup. De adopt. l. Novella famina 13. D. De suis & legit.* Quod quidam usque adeò verum esse existimant, ut, quamvis ex statuto vel consuetudine mater liberos

liberos in potestate habeat, eosque emancipet æquè ut pater (cujusmodi aliquid fieri videmus in hoc opido Lovanienſi) adhuc tamen eis non poſſit ſubſtituere pupillariter, niſi & hoc ſtatuto expreſſum ſit. Ita Bald. in l. Precib. 8. C. De. impub. & alijs ſubſtit. & ſequitur Zaſ. tract. de ſubſtitut. c. 2. Idque ex ratione formidati præjudicii & judicii fragilis, quod eſt in muliere. Vide Mich. Graſſ. §. Subſtitutio qu. 23. Fuſar. de ſubſtitut. qu. 118. Franc. Barry de ſucceſſ. lib. 4. tit. 4.

Ibid. ibi, l. 1. D. De reg. Caton.) Quod ipſum ſatis innuit Imp. hic, dum ait, ſubſtitui pupillariter liberis impuberibus, quos in potestate quis habet, verbis in præſens tempus collatis. Vide Vigl. hic nu. 7. Covarr. ad c. Rainutius De teſtam. §. 5. nu. 2. Donel. 6. Comment. c. 2 §. Papillon. De ſubſtit. pupill. c. 4. in princ. & D. Zoef. ad D. h. t. nu. 81.

Nu. 9. ibi, quam habentes in poteſt.) Ita communiter Dd. ex d. l. Humanitatis. 9. C. De impub. & alijs ſubſtit. At Cujac. quia ſubſtitutio hæc imitatur proximè pupillarem, & ad exemplum illius inducta eſt, exiſtimat omninò neceſſarium, ut etiam fiat liberis furioſis conſtitutis in poteſtate, & contrarium ex d. l. non rectè colligi. In quo fallitur vir doctiſſimus, nec id depromunt Dd. ex ſuo jecore, ut ille ſcribit ad l. Ex ſacto 43. D. De vulg. & pupil. qua eſt ex lib. 1x. Quaſt. Pauli, ſed eliciunt ex verbis d. l. 9. ibi, Non liceat parenti, qui vel qua teſtatur &c.

Nu. 10. in fine.) Alterum principale, ſcil. patris alterum pupillare, ipſius filij, §. 2. h. t. Item duæ tabulæ, primæ patris, ſecundæ filij, l. paterſam. 46. D. eod. Unde & duplex teſtamentum dicitur, l. In duplicibus 70. D. Ad L. Falcid. & l. 1. §. 1. D. Si cui plus quam per L. Falcid. &c. reverà & vi ipſâ unum idemque, ſed duarum hæreditatum. Hodie moribus noſtris ſubtilitas illa, quia ex patria poteſtate ortum habet, non attenditur.

Nu. 11. in fine.) Juſtè autem ad ita ſtatuendum motus fuit Imp. ne aliàs captandæ mortis alienæ occaſio detur, cujus rei jam ante exempla extabant. Perſius Sat. 2.

----- pupillumve utinam, quem proximus hæres

Impello, expungam -----

Reſert Suetonius in Galba cap. 9. tutorem, quòd pupillum, cui ſubſtitutus hæres erat. neceſſet, cruce affectum. Cicero quoque, Orat. pro Cluentio, ſcripſit Mileſiam quamdam mulierem cùm eſſet in Aſia, quòd ab hæredibus ſecundis ſive ſubſtitutis acceptâ pecuniâ partum ſibi medicamentis ipſâ abegiſſet, rei capitalis eſſe damnatam, l. Cicero 49 D. De penis. Exemplum ſimile eſt apud Apuleium lib. 10. Metamor. de muliere, quæ cùm inhiaret patrimonio & ſucceſſioni filia, eandem interemit. Habebat, inquit, filiam parvam de marito, quem nuper necaverat. Huic inſantula quòd leges neceſſariam patris ſucceſſionem deferrent, ſuſtinebat ægerrimè; inhiante ſq. toti filia patrimonio, imminebat & captu. Ergò certa deſunctorum liberorum matres ſceleratis hæreditates excipere, talem parentem præbuit, qualem exhibuerat uxorem, prævidiſq. commento pro tempore etiam uxorem medici ſimul & ſuam filiam veneno eodem interemit. Prudens itaque Juſtinianiconſilium fuit, ut ſcilicet pupillares ſeu inferiores tabulæ, in quibus ſubſtitutio facta eſt, proprio lino, propriâque

cerâ signarentur, nec antè aperirentur, quàm ut mortuus scriptus hæres, aut pubes factus esset. Quem morem etiam hodie apud Gallos observari, potissimum mercatores, notat Ioan. Mercerius *lib. 2. Opin. c. 23.*

Nu. 2. ibi hæredem scribere nequit.) Quia non solis bonis testator substituit, sed impuberis, *l. sed si plures 10. §. 5. De vulg. & pupil.* in cuius commodum & favorem fit hæc substitutio. Adeoque multi non notæ causâ exhæredant filios, nec ut eis obsint, sed ut consulant (ut puta impuberibus) eisque fideicommissam hæreditatem dant, Ita Vlp. *l. Multi 18. D. De liber. & posth.* Quod & inter res iudicatas retulit Papon *lib. 2. tit. 3. arresto 4.* valere scilicet substitutionem à patre factam filio, in nulla hæreditatis portione instituto.

Nu. 5. ibi, sine hærede esse.) Nam & qui abstinet manet suus hæres, quia semel extitit, *l. Air Prator 7. §. 10. in fine D. De minorib. & l. Ei qui 86. D. De hæredib. instit.* Idemque præstat existentia in suis, quod in extraneis aditio. Vide Dittar. *ad tit. D. De vulg. & pupil. c. 14* Donel. *6. Com. c. 25. & ad l. 7. C. b. t.* Hotom. *9. obser. c. 10.* & D. Zoef. *D. h. t. nu. 34.* Dill. *Vigl. Instit. h. t. in pr. nu. 21.* & Ant. Faber. *2. Coniect. c. 2.*

Nu. 17. in fine.) Quæ de re longa disputatio est apud Ant. Fabrum *lib. 13. Coniect. c. 14. 15. & 16.* an scilicet substitutione pupillari facta ultimo decedenti ex pluribus impuberibus, reciproca pupillaris inter ipsos impuberes inducatur, eaque vel directa vel fideicommissaria.

Nu. 18. in fine.) Estque plurimum & communior hæc sententia, non sustineri scilicet substitutionem puberi verbis directis seu civilibus factam, ne quidem in vim fideicommissi, Cujac. *11. Obser. c. 25. & lib. 12. c. 20.* Fachin. *4. contr. c. 44.* Bronch. *cent. 3. assert. 33.* Zoef. *ad. D. h. t. nu. 55. & 88.* & Vinn. *hic.*

Nu. 21. in fine.) Porro quia dictum, pupillarem substitutionem habere fundamentum in patria potestate, quæ apud nos vel nulla, vel saltem non tam arcta, qualis illa fuit civium Romanorum, non potest quoque effectus operari civiles, & tribuere facultatem substituendi pupillariter, ut scilicet iure illius possint parentes liberis suis impuberibus facere testamentum, & disponere de eorum bonis, siue ea aliunde illis advenerint, siue acceperint à parentibus. Adeoque patriam hanc potestatem contra sanam esse rationem scribit hic in *Censura sua Belg.* Cyprian. Regneri, quippe quæ sæpè, proximis consanguineis præteritis, imò etiam matre pupilli præterita, poterat extraneis bona filij impuberis relinquere, *l. 2. §. sed nec impuberis 5. D. de inoff. testam.* Bein. Autumnus in *Cens. Gall. add. l. 8.* Alia ratio est bonorum paternorum, quæ patris sunt: nam de his disponere illi licet, & substituere filio hæredi instituto etiam in secundum casum, ut, si filius hæres esse desierit, alius sit ei hæres: cum permittatur cuilibet legem, quam vult, rebus suis imponere. Nec hoc casu dici potest, ullum testamentum esse filij, sed solius patris, prout pulcre hoc declarat D. Gudelin. *2. De iure noviss. c. 5. nu. 8.* Pater verò substitutionem restringendo ad sua bona, non aliter quàm per fideicommissum intelligatur substituere. Cravetta *conf. 89. nu. 14. lib. 2.* Deckher. *lib. 1. dissert. 12. nu. 19.* Similiter apud Batavos substitutum pupillari locum non esse otat Grot.

Introducitur ad Iurisp. Holland. lib. 1. c. 6. & secundum eum refert judicatum Arn. Vinnius ad §. ult. h. t. Quod ipsum & de quasi pupillari substitutione, quam vulgò exemplarem vocant, statuendum est. Gudel. d. loco, & ex eo Vinnius, qui tamen addit, in suprema Hollandiæ Curia pro testamento, in quo hujusmodi substitutio facta erat, judicatum fuisse. Planè jure apud Leodienfes recepto non tantum pater substituere pupillariter potest, licet etiam filius, patre mortuo, in potestatem incidat matris, sed & ipsi matri jus est ita substituendi, ratione potestatis, quam ibi mater habet in liberos, & quidem quoad bona pupilli indefinitè, qua de re plura elegans I. C. & diligens patrii juris interpret Car. de Meun. ad jus civile Leod. Obser. 61. Vidè notata sup. h. t. nu. 5.

QVIBVS MODIS TESTAMENTA INFIRMENTVR.

TITVLVS XVII.

Testamentum jure factum usque eò valet, donec rumpatur, irritamve fiat.
 1. Rumpitur autem testamentum, cum, in eodem statu manente testatore, ipsius testamenti jus vitatur. Si quis enim post factum testamentum adoptaverit sibi filium per Imperatorem, eum, qui est sui juris, aut per Prætorem secundum nostram Constitutionem, eum: qui in potestate parentis fuerit, testamentum ejus rumpitur quasi adgnatione sui hæredis.

2. Posteriore quoque testamento, quod jure perfectum est, superius rumpitur. Nec interest, exstiterit aliquis hæres ex eo, an non: hoc enim solum spectatur, an aliquo casu exstiteret potuerit. Ideoque si quis aut noluerit hæres esse, aut vivo testatore, aut post mortem ejus, antequam hæreditatem adiret, decesserit, aut conditione, sub qua hæres institutus est, defectus sit: in his casibus pater familias intestatus moritur. Nam & prius testamentum non valet, ruptum à posteriore: & posterius æquè nullas habet vires, cum ex eo nemo hæres exstiterit.

3. Sed & si quis, priore testamento jure perfecto, posterius æquè jure fecerit, etiam si ex certis rebus in eodem hæredem instituerit, superius tamen testamentum sublatum esse, divi Severus & Antoninus rescripserunt: cujus Constitutionis verba & hic inferi iussimus, cum aliud quoque præterea in ea Constitutione expressum sit. Imperatores Severus & Antoninus Cocceio Campano: Testamentum secundo loco factum, licet in eo certarum rerum hæres scriptus sit, perinde jure valere, ac si rerum mentio facta non esset: sed & teneri hæredem scriptum, ut contentus rebus sibi datis, aut supplet à quart. à ex lege Falcidia, hæreditatem restituat his, qui in priore testamento scripti fuerant, propter inserta fideicommissi verba, quibus ut valeret prius testamentum, expressum est, dubitari non oportet. Et ruptum quidem testamentum hoc modo efficitur.

4. Alio autem modo testamenta jure facta infirmantur: veluti cùm is, qui fecit testamentum, capite deminutus sit. quod quibus modis accadat, primo libro retulimus.

5. Hoc autem casu irrita fieri testamenta dicuntur, cùm alioqui & quæ rumpuntur, irrita fiant: & ea, quæ statim ab initio non jure fiunt, irrita sunt. Sed & ea, quæ jure facta sunt, & postea per capitis deminutionem irrita fiunt, possumus nihilominus rupta dicere. Sed quia sanè commodius erat, singulas causas singulis appellationibus distinguere, ideò quædam non jure facta dicuntur, quædam jure facta rumpi, vel irrita fieri.

6. Non tamen per omnia inutilia sunt ea testamenta, quæ ab initio jure facta, per capitis deminutionem irrita facta sunt: nam si septem testium signis signata sunt, potest scriptus hæres secundum tabulas testamenti bonorum possessionem agnoscere; si modò defunctus, & civis Romanus, & suæ potestatis mortis tempore fuerit. Nam si ideò irritum factum sit testamentum, quia civitatem, vel etiam libertatem testator amisit, aut quia in adoptionem se dedit, & mortis tempore in adoptivi patris potestate sit, non potest scriptus hæres secundum tabulas bonorum possessionem petere.

7. Ex eo autem solo non potest infirmari testamentum, quòd postea testator id noluerit valere: usque adeò ut & si quis post factum prius testamentum posterius facere cœperit, & aut mortalitate præventus, aut quia eum ejus rei pœnituit, id non præfecerit: divi Pertinacis oratione cautum sit, ne aliàs tabulæ priores jure factæ irritæ fiant, nisi sequentes jure ordinatæ & perfectæ fuerint: nam imperfectum testamentum sine dubio nullum est.

8. Eadem oratione expressit, non admissurum se hæreditatem ejus, qui litis causâ Principem reliquerit hæredem: neque tabulas non legitime factas, in quibus ipse ob eam causam hæres institutus erat, probaturum: neque ex nuda voce hæredis nomen admissurum: neque ex ulla scriptura, cui juris auctoritas desit, aliquid adepturum. Secundum hoc divi Severus & Antoninus sæpissimè rescripserunt. Licet enim (inquiunt) legibus soluti simus, attamen legibus vivimus.

COMMENTARIUS.

SUMMARIA.

1. Testamenta infirmantur vel facto judicis, vel ipso jure.
2. Testamentum rumpitur agnatione sui hæredis.
3. Effectus rupti hoc modo testamenti.
4. Rumpitur & prius testamentum posteriori jure perfecto.
5. Etiam nuncupativo, vel hærede scripto sub conditione.
6. Licet in posteriori ex certa parte sit scriptus hæres.
7. Et licet testator prius voluerit valere.

8. Testamentum irritum quando fieri dicatur.
9. Redintegrato statu qualiter confirmetur testamentum.
10. Item restituto testatore à Principe.
11. Testamentum nudâ voluntate non revocatur.
12. Princeps qualiter legibus solutus.

EXpositis iis, quæ ad justam testamentorum ordinationem requiruntur, rectè
nunc juxta usitatam hætenus methodum subjiciuntur modi, quibus ever-
tuntur: quod contingit vel FACTO JUDICIS, veluti per querelam, de
qua Tit. seq. vel IPSO JURE, de quo hoc Tit. si nimirum vel RUMPANTUR,
vel IRRITA FIANI. (a)

RUMPI testamentum dicitur, quando testatore in eodem statu permanente
ipsius testamenti jus vitiatur: quod contingit, Primò, per AGNATIONEM SUI
HEREDIS post conditum testamentum: veluti si aliquem adrogaverit testator,
text. hic in princ. Facit enim adrogatio subsequens testamento suam deesse solem-
nitatem, cum adrogatus, jam suus constitutus, nec inveniatur institutus, nec ut
oportet exhæredatus. Idem in posthumo post testamentum nato juris: nam licet
hic non sit necessariò exhæredandus, aut instituendus, quòd necdum sit in rerum
natura, uti dictum sup. tit. 13. agnascendo tamen rumpit testamentum, quod cum
sit suus, inveniatur præteritus. (b) Idem & in iis, qui ante testamentum quidem
nati, non tamen proximum in potestate gradum habebant: quem postea conse-
cuti, vivo testatore, personâ intermediâ sublata, non dicunt quidem testamentum
nullum, cum ab initio constiterit, rumpunt tamen propter vitium ex post facto ei
accedens: ut & hi sint loco posthumorum, sup. tit. 13. §. posthumorum autem. Militis
testamentum posthumi nativitas non rumpit, si scienter fuerit præteritus, cum
præteritio talis sit loco exhæredationis, uti patet ex superioribus. * Est autem effe-
ctus rupti hoc modo testamenti, quòd nihil ex ea debeatur, ne quidem si posthu-
mus postea decesserit: cum jure civili testamentum semel invalidatum non resu-
mat vires solo casu, non positâ novâ voluntate, l. Posthumus 12. D. h. t. Si tamen
posthumus vivo testatore moriatur, & testamentum signatum fuerit, bonorum
possessio secundum tabulas ab hærede scripto accipi potest ex constitutione D.
Hadriani & Antonini, d. l. 12. Quod in posthumo facilius admissum est quàm in
jam nato præterito, quòd hujus præteritio ab initio ponat testamentum nullum,
non etiam illius, qui licet nativitate illud rumpere dicatur, effectu tamen ipso
rumpere non videtur, nisi demum patre mortuo.

§. Si posteriores.

SECUNDò, TESTAMENTUM PRIUS RUMPITUR, SI POSTERIUS IN-
VENIATUR JURE PERFECTUM, text. hic. Nam cum ambulatoria sit vo-
luntas extrema, & cum duobus testamentis jus nostrum non patitur aliquem de-
cedere,

cedere, posterius, tamquam continens posteriorem voluntatem, facit cessare prius, *l. 1. D. h. t.* (c) Ubi requiritur, posterius sit perfectum, id est factum secundum regulas juris, ut ex eo existeret hæres possit, *d. l. 1.* licet non extiterit, *text. hic.* cum non tam effectum, quam principium validum inspiciamus, quod sufficit ad revocandam voluntatem priorem, *l. Cum in secundo 16. D. De injusto, rupto & irrito.*

§ * Ubi nihil refert, prius sit scriptum & posterius nuncupatum: nam & hoc in genere suo perfectum faciet cessare prius. Uti nec refert, prius contineat purè scriptum hæredem, posterius autem sub conditione, quæ existeret potuit, *d. l. 16.* quod satis est ad revocationem prioris voluntatis. Quod ita procedet in conditione in futurum concepta, non etiam passim in ea, quæ concepta in præteritum, vel præsens: nam cum hæc certa sit ipso tempore, & vel vera vel falsa, non aliàs testamentum posterius vires habebit, & prius rumpet, quam si vera fuerit, non etiam si falsa, *d. l. 16.* Cum testatoris mens sit, non aliàs recedere à priori voluntate, quam posteriore perfectâ, ex qua hæredem habere potuit. Potest autem habere hæredem, quando conditio evenit, licet ignoretur, quod nihil facit: è contrâ non potuit habere, quando jam defecit. Concepta autem in futurum conditio incerta est, & pendens adhuc, ut testator se retulerit ad casum atque ita simpliciter mutaverit voluntatem, etiam si postea non extiterit, quia satis est existere potuisse, *d. l. 16.* Si impossibilis conditio subiecta fuerit posteriori testamento, indistinctè illud tenet, & prius rumpit, *d. l. 16.* cum talis conditio habeatur Pro non scripta, §. *impossibilis sup. De hered. instit.*

§. Sed & si quæ.

¶ A Deo testamentum posterius est potius primo, ut etiam in casu, quo continet hæredem ex certa rescriptum, faciat nihilominus prius esse ruptum, *ut habet hic text.* cum etiam ex re certa scriptus habeatur scriptus universaliter, ei quæ acquiratur tota hereditas, ex regula, ne quis pro parte decedat intestatus. Si modò hæredem alium universalem non habeant tabulæ, nam tunc scriptus ex re certa, foret loco legatarij, *l. Quoties C. De hered. Instit.* * Quod & procedet, si testator testamentum prius voluerit valere; eo enim nihil obstante nihilominus prius rumpitur, quia non potest quis decedere cum duobus testamentis. Hoc tamen casu hæres in posteriori testamento scriptus, parte aut re sibi datâ contentus, restituet hereditatem in prioribus tabulis, ex vi fideicommissi: nisi pars vel res relicta non sufficiat ad quartam Falcidiam, quia eam supplere poterit ex alijs rebus, *text. hic.*

§. A lio autem.

8 IRRITUM TESTAMENTUM FIERI DICITUR, QUANDO TESTATORIS PERSONÆ VITIUM ACCEDIT: veluti PER CAPITIS DEMINUTIONEM, non tantum maximam, & mediam, verum & minimam, dando se in adroga-

adrogationem, per quam in alienum jus transit, & ad testandum se reddit inhabi-
lem: quippe jam filiusfam. cui non licet testari, nisi super castrensi aut quali ca-
strensi peculio, uti dictum *sup. tit. 12.* * Si tamen testator mortis tempore integrum
statum receperit, & suæ potestatis exiterit, tabulæque priores scriptæ, & septem
testium signis signatæ fuerint, Prætor secundum illas dat bonorum possessionem
scripto, quasi silentio confirmatas, si non appareat mutata voluntas, §. *non tamen*
inf. eod. Exigit enim Prætor, ut & facti testamenti tempore & mortis testator
habuerit testamenti factionem, *l. 1. §. exigit D. De bon. poss. secundum tab.* Non aliàs
tamen in casu isto possessio cum re, id est effectu, secundum tabulæ scripto com-
petet, quàm si eorum, quibus contra tabulæ possessio competit, nemo sit aut pe-
tere nolit. Ulp. *tit. 23. §. si septem.* Hæc enim competens legitimo jure potior
est eâ, quæ est secundum tabulæ: quæ ideo sine re, id est effectu foret, propter ex-
ceptionem doli oppositam ab eo, qui jure legitimo potior est. Nisi exceptionem
istam faciat cessare defuncti voluntas, qui sui juris effectus declaravit se eodem
testamento mori velle, *l. pen. §. fin. D. De bon. poss. sec. tab.* nõ quasi nudâ volutate tabulæ
sint restitutæ, quod jus non admittit, sed quod ista exceptio doli ex aquo & bono
proficiscatur; quod cessat propter recens judicium, quo tabulæ confirmatæ, quod
facit exceptionis vires, de quibus tantum agitur, deficere, *d. §. fin.* Equum enim
& bonum, conservari tabulæ, quæ recenti judicio testatoris rediisse intelligen-
tur. Dixi, scriptæ & signatæ; nam in nuncupativo testamento confirmatio hu-
jusmodi locum non habet, cum careat solemnitate juris Prætorii. * Quantum ad
testamentum damnati capitis, postea restituti, videtur dicendum sustineri jure ci-
vili, ex eo, quod restitutio Principis eo modo convalescere faciat testamentum
damnati, quo postliminii jure capti reversi testamentum vires recipit, ut habetur
in *l. 6. §. quatenus D. h. t.* ubi Cuiac. *in Recit.* Facit quod restitutione omnia recupe-
rentur adempta, quasi adempta non forent, *l. 1. & fin. C. De sententiam passis.*

§. Eo autem solo.

Hujus ratio est, quod naturale sit, unumquodque eo modo dissolvi, quo est
colligatum. Quod facit, quod dictum suprà, non nisi perfecto testamento
posteriori prius revocari. Inducebat tamen olim antiquationem sive revoca-
tionem prioris lapsus decennii à tempore testamenti conditi. Quod hodie non
aliter obtinet, nisi declaratâ mutatione voluntatis coram tribus idoneis testi-
bus, aut apud acta, *l. sancimus 27. C. de testam.* Inducit etiam testamenti irrita-
tionem incisio ligni, quo constringitur testamentum, remotio signorum, in-
ductio nominis hæredis, eo quod per hujusmodi testamentum privetur sua so-
lemnitate; nisi fortuito casu contigisse probetur, *l. pen. C. De testam.* ut in casu *l. fin.*
D. h. t.

12 **E**ADEM ORATIONE, id est Senatusconsulto. Ita enim passim Oratio sumitur. Ratio hujus §. est, quod deceat Principem eas servare leges, quas aliis præscripsit; tunc enim secundum Poëtam

----- *observantior equi* -----

Fit populus, nec ferre negat, cum viderit ipsum

Rectorem parere sibi. -----

Nam licet sit solutus legibus, si attendamus vim coactivam, eo quod cum non habeat superiorem, non sit etiam, per quem cogatur, *l. Princeps 31. D. De legib.* secundum vim tamen directivam, suis se subjecit legibus, *l. 3. C. De testam.* Cui respondet, ab iis abhorre, quæ in aliis reprehendis; cujusmodi est, ex imperfecto testamento relictum capere, hæreditatem litis causâ relictam admittere, in alterius injuriam.

A D D I T I O N E S. V. A. D.

Nu. 1. in fine.) Et quamvis irrita quoque fieri dicantur testamenta, & quæ rumpuntur, & quæ statim ab initio non jure sunt, quæque jure facta vim suam amittunt, casu aliquo externo eveniente, vel in hærede, qui adire hæreditatem aut nolit, aut non possit, quo casu dicitur quoque destitui testamentum, *l. Si quis 9. §. 2. D. De lib. & posth.* vel in ipso testatore, per capitis deminutionem: tamen commodius visum fuit, singulas causas singulis appellationibus distingui, §. *Hoc autem casu 5. inf. h. t.* Itaque testamentum aut non jure factum dicitur, ubi solemnitas juris defuerunt: aut nullius esse momenti, cum filius, qui fuit in patris potestate, præteritus est: aut rumpitur alio testamento, ex quo hæres existere poterit, vel agnatione sui hæredis: aut in irritum constituitur, non adit hæreditate. Verba sunt Papiniani *l. 1. De injusto, rupto &c.* Dicitur autem, testamenta quædam non jure fieri, id est, non observatis solemnibus juris ad ordinationem testamentorum requisitis, de quibus *sup. Tit. X.* Quo casu redditur ab initio inutile testamentum. Moribus nostris, ut *ibid. dictum*, pauca sunt ad solemnitatem & sinceritatem testamentorum necessariò requisita, quibus etiam non observatis, si id consuetudo omninò postulet, redditur inutile testamentum. Dicitur deinde, testamenta quædam nullius esse momenti, facta quidem solemniter, secundum solemnitates extrinsecas, quarum defectus ea non jure fieri diximus, sed in quibus dispositio interna laboret vitio: ut cum filius, qui in potestate fuit testatoris, præteritus est, id est neque hæres institutus, neque nominatim exhæres factus: quo casu dicitur testamentum nullum, & nullius momenti, de quo *sup. Tit. XI 11. De exhæred. liber.* Moribus hodiernis, ut *etiam ibid. annot. avi*, ex causâ præteritionis non redditur inutile testamentum, relictò remedio querelæ inofficiosi ei, qui præteritus est, ut debitam bonorum portionem consequatur. Quo modo verò rumpi, irritumve fieri dicatur testamentum, profertur deinceps D. Zoësius.

Nu. 2. ibi, inveniatur præteritus.) De hoc modo extant apud Cicer. lib. 1. De Orat. M. Antonij hæc verba : Num quis ex testamento , quod paterfam. ante fecit, quam ei filius natus est, hereditatem petit? Nemo, quia constat, agnoscendo rumpi testamentum. Verùm mores hodierni in plerisque locis non agnoscunt modum istum rumpendi testamentum, cùm nulla hodie sit necessitas instituendorum vel exheredandorum posthumorum. Multò minùs dicemus rumpi illud quasi agnatione per adoptionem aut adrogationem , cùm hodie apud nos usus adoptionum non sit, ut dixi sup. ad tit. De adopt. Posthumorum loco habentur legitimati per subsequens matrimonium, quando scilicet testamentum præcessit legitimationem. Unde tales præteritos habere jus dicendi testamentum nullum , crebriori Dd. calculo recepta opinio est, & secundùm eam Senatum Pedemont. judicasse testis est Testaur. decis. 84. Vide Forster. De Success. ab intest. lib. 6. c. 29. nu. 7. ubi plures citat.

Nu. 4. ibi, l. 2. D. h. t.) Deinde ut in legatis, ita & in ultimis quibusque voluntatibus, ultimæ scripturæ valent, l. Si mihi & tibi 12. §. 3. D. De legat. 1. Quia testamenti posterioris confectio inducit pœnitentiam de priori , detrahitque voluntatem testantis à scriptura prioris. Wamers. Cons. de jure Pont. 422. nu. 7. Eaque sic definit esse ultima voluntas, quæ unica & suprema esse debet, l. 1. §. 1. D. De bon. poss. secundum tab. ergò & unius hominis, in cujus jus universum succeditur, non nisi unicum testamentum . Wesenb. hic. nu. 2. Gudelin. De iure noviss. lib. 2. c. 6. nu. 8. Eleganter Quintil. Declam. 308. Testamenta ultima rata sint. Habet sine dubio, si verba tantùm intueri volumus , hoc jus occasionem brevem calumnie. Quid enim si unum aliquis scripserit testamentum? Potest videri non ultimum , quod magis iure primum dixerimus : sed quemadmodum inter plurima testamenta ultimum valere oportet, ita hic manifesta legis voluntas est, ut id testamentum valeret, post quod nullum testamentum est. Secundo autem testamento, quod jure perfectum est, rumpitur prius ipso jure, l. Sancimus. 27. C. De testam. id est licet in eo prioris testamenti nulla sit facta mentio, & quamvis ei alio modo derogatum non sit, quod neque necessum fuit, neque derogationis aut revocationis clausula aliqua est necessaria. Gudelin. loco sup. cit. nu. 7.

Nu. 5. ibi, facit cessare prius.) Imò perfectissimum hoc esse testamentum jure civili, quod quis ordinat, septem testibus adhibitis, ultima suâ voluntate coram eis nuncupatâ, ait Imp. §. ult. sup. De testam. ordin. Ut mirum videri debeat, cur ant. Faber, Decade 78. Er. 3. in princ. testamento nuncupativo , quantumvis perfecto non majorem tribui velit auctoritatem, quàm testamento in scriptis imperfecto, ad eum utique effectum , ut per nuncupativum posteriori loco factum, & jure perfectum, everti non debeat prius testamentum solemne in scriptis conditum, nisi posterius insertam habeat clausulam revocationis. Ad eò ut nec sufficere debeat generalis illa revocatio, quæ hodie in testamentis ferè omnibus inseri solet ex stilo potiùs Notariorum, inquit, quàm ex voluntate testantium. Vide Pet. Greg. Tolos. Syntag. iuris lib. 44. l. c. nu. 7. ubi quærit, an testamentum in scriptis solemne per aliud solemne revocari debeat , vel etiam per nuncupationem

revocari possit? Et respondet, quòd solemne per aliud solemne, nuncupativum per aliud nuncupativum revocari debeat, *per text. & Dd. ibid. allegatos.* Probabilius tamen est, per posterius testamentum rumpi prius, licet primum fuerit majoris solemnitatis, & posterius in suo genere perfectum, vel jure communi, vel jure singulari. *Deckher. lib. 2. dissert. 3 sub nu. 25.* Planè testamentum solemniter factum à non milite rumpitur alio postea facto ab eodem milite; quia & hoc posterius jure perfectum est, jure, inquam, speciali, jure militari, quamvis superius multò solemnius sit, *l. 2. D. De iniusto, rupto & c. & l. Militis 36. in fine D. De testam. milit.*

Speciale est in testamento minùs solemniter inter liberos, quòd & superius rumpit testamentum, in quo solemnia juris observata sunt, & rursus rumpitur per posterius, modò & hoc solemne fuerit, & jure perfectum, sive scriptum, sive non scriptum, *Nov. 107. De testam. imperf. c. 2. & Auth. Hoc inter C. De testam.* Idem obtinebit in eo testamento, in quo scripti sunt hæredes, qui ab intestato venire possunt: quamquam hoc casu dicatur valere posterior scriptura non quasi testamentum, sed velut ultima intestati voluntas, *l. 2. D. De iniusto, rupto & c. & l. Hac consultissima 21. Si quis autem C. De testam.* Vide *Fachin. 4. contr. c. 65.*

An verò testamento posteriori, de quo *Dd.* opiniones variant, num valeat veluti testamento ad interrogationem alterius in adversa testatoris valetudine condito, rumpatur superius jure perfectum, disputat *Zaf. conf. 3. nu. 37. & 38. lib. 1.* & concludit, non rumpi, ne, inquit, duo concurrant specialia, videlicet testamentum quòd ex alterius interrogatione emerit, vix sustineri, & præterea præcedens testamentum juris veritate roboratum concidere. Verùm *Zafio* respondet & satisfaciunt *D. Gabr. Mudaus ad tit. C. De testam. pag. 170, & seq. Vid. Fachin. 3. c. 70.*

Nu. 7. in fine.) Moribus quoque receptum, ut ex pluribus testamentis posterius tantum valeat, & per hoc rumpantur priora, non quia cum pluribus testamentis decedere non liceat, sed quia hæc sit ultima voluntas, de qua etiam constare debet, testatorem scilicet voluisse mutare priorem suam voluntatem, idque fere ex vi clausulæ revocatoria, quæ hodie à Notarijs inseri testamentis plerumque solet. Cujus quidem clausulæ moribus nostris promiscuus usus est tam in testamentis, quam in codicillis: sed crediderim id factum, eò quòd rariora hodie sint testamenta, aut minus solemnia, & fere codicilli tantum, in quibus clausula illa propterea necessaria est, quòd cum pluribus codicillis decedere liceat, nec per posteriores prioribus derogetur, nisi contrarij sint, *l. 3. C. De codicil.* aut insertam habeant clausulam revocationis. Eà omnia non ineptè quis dixerit, posse hodie & prius sustineri testamentum, postquam testamenta omnia fere redacta sunt ad simplicitatem juris gentium, institui neque hæredem etiam ex re certa, deque rebus singulis disponere testamento licet, ut vix differant testamenta à codicillis. Nec absurdum videri debet, unam hæreditatem secundum diversas res, diversaque partes separatim in pluribus chartis relinqui; imò, una aliquà re parte hæreditatis testamento relicta, alias ad hæredes ab intestato pertinere, sicuti jure Romano in testamentis obtinuit militum, *l. Quærebatur 19. & l. Si duobus 37. D. De testam. milit.*

Quid si prius testamentum adjectam habeat clausulam derogatoriam posterioris testamenti, siue ad alia testamentapostea facienda? EO quoque casu per posterius revocari prius, modò in posteriori fiat mentio specialis clausulæ huiusmodi, etiam jurata, & revocatio expressa prioris testamenti, arg. l. si quis 22. de legat. 3. tenet post alios Fachin. lib. 4. contr. c. 8. & c. 29. Estque in foro recepta hæc sententia, ac præjudicijs supremorum tribunalium comprobata, teste Ioan. à Sande lib. 4. tit. 1. defin. 20. & Vinnio hic ad §. Posteriore nu. 7. Vid. Guid. Pap. qu. 127. Papon lib. 20. tit. 1. arrest. 4. & §. Covar. ad rubr. de Testam. p. 2. nu. 5. vers. Præterea clausula, Ant. Fabr. in Cod. suo lib. 6. tit. De testam. defin. 9. & aliquot seqq. qui tamen eandem insententiam retulit inter errores Pragmaticorum dec. 37. c. 7. & seqq. & dec. 38. c. 1.

Nu. 10. in fine.) Deinde cessante causâ, quæ irritum faciebat testamentum, cessat quoque effectus, Quin & ratio, quæ facit irritum testamentum, non jus ipsum testamenti respicit, sed tantum personam testatoris, aut ejus voluntatem. Personâ igitur aut voluntate redintegratâ, nihil superest, quod impediât, quò minus testamentum valeat, & semper valuerit. Ita Ant. Faber. 10. Conject. c. 18. qui ibid. c. seq. notat hic in §. non tamen 6. Tribonianisimum, quasi nulla inibi differentia constitui debeat inter jus civile ac prætorium, nihilque intersit, ex qua capitis diminutione irritum factum sit testamentum; sed hoc tantum, ut si tempore mortis testator deportatus vel in alterius potestate constitutus reperiatur, testamentum nec jure civili valeat, nec Prætorio, ex eoque neque adiri hæreditas, neque bonorum possessio peti possit. ut verò si qui post conditum testamentum vel deportatus vel alieni juris factus fuerat, postea cum moreretur, fuerit & civis Romanus, & suæ potestatis, testamentum valeat & civili, & prætorio jure.

Nu. 11. ibi. l. Sancimus 27. C. De testam.) Quod & moribus obtinet, ut scil. testamenta, ad instar militarium, etiam nudâ voluntate infirmantur, declaratâ vel propriâ scripturâ testatoris, vel coram Notario & testibus. Ita enim dicunt leges municipales Antuerpiensium tit. 46. de Testam. in fine. Neque ibi necesse est ut revocans aliud condât testamentum, contra l. Militis 36. §. pen. D. De testam. milit. & Auth. Hoc inter C. De testam. Idque alibi quoque obtinere debet, ubicumque testamenta pro codicillis, & institutiones hæredum pro legatis habentur, ad quorum infirmationem sola voluntas etiam jure Romano sufficit, l. si iure 18. de legat. 3. & l. 3. de adim. leg. Vide Guid. Pap. quest. 200. & Ioan. Papon lib. 20. tit. 1. arresto 3. Franc. Mantic. De coniect. ultim. volunt. lib. 2. tit. 15. nu. 19. Ant. Mornach. ad l. Non statim 8. D. De peculio.

De testamento à conjugibus conjunctim facto queritur, an revocari possit? Nam ita fieri posse testamentum, præsertim inter conjuges, communiter tradunt Dd. ut videre est apud And. Gail. 2. Obser. 117. & Mich. Grass. §. Testamentum qu. 90. Et cum juris potestate duo hic habeantur testamenta, ac duæ personæ testantes, dubium non est, quin utrique sit libera facultas revocandi quod disposuit, etiam altero conjugum præmortuo, cujus dispositio per mortem fit irrevocabilis. Ita Gail. & Grass. iam dictis loc. Myns. cent. 1. obs. 8. per tot. referens ita in

Camera Imperiali iudicatum, Peck *De testam. coniug. lib. 1. c. 43.* Franc. Barry *de Success. lib. 1. c. tit. 1. nu. 40.* Nili testamento communi adjecta fuerit clausula de revocando conjunctim, & non aliter, Peck. *d. c. 43. nu. 4. i. 3. & 14.* D. Car. de Mean *Obfer. 33. ad ius civ. Leod. nu. 2.* rejectâ sententiâ paradoxâ & singulari Ant. Fabri, *De errorib. Pragmat. dec. 52. c. 4. & seq. & in Cod. lib. 6. tit. 5. defn. 18.* afferentis, testamentum ejusmodi quoad bona unius ex conjugibus irritum aut revocatum esse non posse, quin & alterius contemplatione irritum sit & inane, idque propter actum, us loquuntur, corresponsivitate.

Nu. 12. in fine.) Quatuor casus hac oratio Pertinacis Imp. complectitur. Primus est de testamento perfecto & legitimè facto, in quo princeps litis causâ hæres scribitur: quod quia invidiosum, ne calumniandi facultatem ex principali majestate peti oporteat, *l. pen. D. De hered. instit. desumptâ ex Iulio Paulo lib. 5. sent. tit. 12.* professus est Pertinax (uti in ejus Vira loquitur Capitolin.) nullus aditurum se hereditatem, quæ aut adulatione alicujus delata esset, aut lite perplexâ, ut legitimi hæredes & necessarij privarentur, Tres reliqui de testamento imperfecto, sive voluntate defuncti minùs solemnij: quorum primus est, si testator testamentum in scriptis fecerit, non observatis omnibus solemnibus, in eoque Principem scripserit hæredem, qui cùm solemnibus juris non teneatur, solâ auctoritate suâ possit sustinere testamentum. Verùm Imp. infringi vim legum ne sic quidem permittit. Alter est, si testator non quidem in scriptis solemniter, sed per nuncupationem minùs quoque solemnem, utpote nudâ voce factam, & non adhibitis vel convocatis testibus, vel non omnibus ad eum actum requisitis, Principem instituerit hæredem. Ubi Ant. Faber *De errorib. Pragmat. dec. 68. c. 3.* per nudam vocem intelligi vult voluntatem ultimam, non quæ suis sit destituta solemnibus, sed quæ scriptura careat, & solâ nuncupatione constet sive perfectâ sive imperfectâ: & totâ illâ Decade docet, nihil interesse inter Imperatorem scriptum hæredem in testamento non legitimè facto, seu imperfecto, & nuncupatum hæredem in testamento nuncupativo quantumlibet perfecto, si alij legitimi hæredes sint. Ut deterior hoc casu debeat esse conditio Principis, quàm subditorum Principis. Ratio qua movit Fabrum, ut adsereret scripturam omnino videri necessariam in eo testamento, ex quo princeps succedat, posita est in sola conjectura & præsumptione falsi, ne si aliquid capiat ex ea voluntate, quæ non nisi per testes probari potest, & tota penderet à fide testium, sublit metus aut suspicio aliqua falsi, eoque magis, quia de institutione & favore Principis testimonium ferendum sit. Verùm levis hæc conjectura est, præsertim in illo actu, qui non nisi animo maxime deliberato, serioque, & coram testibus ad hoc expressim vocatis, celebrari debet. Unde & jure civili perfectissimum hoc habetur testamentum, æquè validum atque testamentum in scriptis solemniter conditum, ex quo non minùs quàm ex scripto, succedere Princeps possit, ut & hæres scribi aut nuncupari, *l. Si quis Imperatorem 6. Qui testam. fact. poss. & l. Non dubium 16. C. De testam.* Nec obstat *l. Nolumus 20. De testam.* ex qua communiter colligunt, testamentum in scriptis solemniter neutiquam rumpi per nuncupativum posterius etiam jure perfectum, quando

quando in eo Princeps aut alius potentior est institutus hæres: quia pleraque verba dictæ Constitutionis imperfectionem quamdam sonare videntur. Ut è contrâ sensus illius sit, per testamentum nuncupativum posterius minùs solemne non rumpi prius solemne in scriptis, licet in posteriori sit institutus hæres Princeps, cujus fortè auctoritas supplere possit defectum solemnitatis, quia & hanc invidiam amoliri atque avertere à se Princeps voluit. Tertius denique casus, in verbis, *Neque ex ulla scriptura, cui juris auctoritas desit, aliquid adepturum*, complectitur codicillos & fideicommissarias epistolas non jure scriptas, id est quæ per testamentum in scriptis factum confirmatæ non sunt. Ita Ant. Faber d. Decade 68. c. 3. Eoque spectant Trajani verba apud Plinium lib. 2. Epist. ad Ammianum: *Tu quidem pro certâ tua diligentia admones me, codicillos Artilliani, qui me ex parte instituit heredem, pro non scriptis habendos, quia non sunt confirmati testamento. Sed ego propriam quamdam legem mihi dixi, ut defunctorum voluntates, etiamsi jure deficerent, quasi perfectas tuerer. Constat autem codicillos istos Artilliani manu scriptos. Licet ergo non sint confirmati testamento, à me tamen ut confirmati observabuntur. Porro an & quatenus Princeps legibus sit solutus disputat D. Zoë. ad D. tit. De legib. nu. 24. & seqq. ubi & distinguit inter vim directivam & coactivam.*

DE INOFFICIOSO TESTAMENTO.

TITVLVS XVIII.

Quia plerumque parentes sine causa liberos suos exhæredant, vel omittunt, inductum est, ut de inofficioso testamento agere possint liberi, qui queruntur, aut iniquè se exhæredatos, aut iniquè prateritos: hoc colore, quasi non sanæ mentis fuerint, cum testamentum ordinarent. Sed hoc dicitur, non quasi verè furiosus sit, sed rectè quidem fecerit testamentum, non autem ex officio pietatis. Nam si verè furiosus sit, nullum testamentum est.

1. Non autem liberis tantum permissum est testamentum parentum inofficiosum accusare, verum etiam liberorum parentibus. Soror autem & frater, turpibus personis scriptis hæredibus, ex sacris Constitutionibus prælati sunt. Non ergo contra omnes hæredes agere possunt. Ultra fratres igitur & sorores cognati nullo modo aut agere possunt, aut agentes incere.

2. Tam autem naturales liberi, quam secundum nostræ Constitutionis divisionem adoptari, ita deinde de inofficioso testamento agere possunt, si nullo alio jure ad defuncti bona venire possint. Nam qui ad hæreditatem totam vel partem ejus alio jure veniunt, de inofficioso agere non possunt. Posthumi quoque qui nullo alio jure venire possunt, de inofficioso agere possunt.

3. Sed hæc ita accipienda sunt, si nihil eis penitus à testatoribus testamentis

relictum est, quod nostra Constitutio ad veracundiam natura introduxit. Si verò quantacunque pars hæreditatis vel res hæc fuerit relictæ, de inofficioso querelâ quiescente, id quod eis deest, usque ad quartam legitimæ partis repleatur: licet non fuerit adjectum, boni viri arbitratu debere eam compleri.

4. Sin tutor nomine pupilli, cuius tutelam gerebat, ex testamento patris sui legatum acceperit, cum nihil erat ipsi tutori relictum à patre suo, nihilominus poterit nomine suo de inofficioso patris testamento agere.

5. Sed si è contrario pupilli nomine, cui nihil relictum fuerat, de inofficioso egerit, & superatus est, ipse tutor, quod sibi in testamento eodem legatum relictum est, non amittit.

6. Igitur quartam quis debet habere, ut de inofficioso agere non possit, siue jure hæreditario, siue jure legati, vel fideicommissi, vel à mortis causâ ei quarta donata fuerit, vel inter vivos in iis tantummodò casibus, quorum mentionem facit nostra Constitutio: vel alius modis, qui in nostris Constitutionibus continentur. Quod autem de quarta diximus, ita intelligendum est, ut, si unus fuerit, siue plures, quibus agere de inofficioso testamento permittitur, una quarta eis dari possit, ut ea pro rata eis distribuatur.

COMMENTARIUS.

SUMMARIA.

1. Testamentum inofficiosum quod dicatur.
2. Præteriti qui.
3. I. Querela inofficiosi competit liberis naturalibus & legitimis, etiam emancipatis.
4. Non legitimis tantum.
5. Non naturalibus.
6. An & posthumis?
7. Competit & remedium hoc parentibus.
8. Fratribus & sororibus quando detur.
9. Datur non nisi aditâ hæreditate.
10. Contra heredem scriptum, vel nuncupatum.
12. Non datur, I. Si aliud remedium supersit ad defuncti bona.
13. II. Si nomine legitima aliquid relictum sit liberis.
14. III. Si ei renunciatum fuerit, etiam tacite.
15. Vel acceptando relictum.
16. Nisi necessitate officii acceptatio facta sit.
17. Impuberem adrogatum removet quarta ex Constitutione divi Pii.
18. Removetur & à querela, qui egit & non obtinuit, non etiam arguens testamentum falsi.

19. IV. Si mortuus fuerit, cui competebar.
20. V. Exhæredatione factâ ex iusta causa.
21. VI. In testamento militis.
22. Legitima, quoad exclusionem querela, hodie relinquenda titulo institutionis.
23. Nec sufficit eam quovis titulo relinquere.
24. Parentibus an quid relinquendum titulo institutionis.
25. Legitima quid & quanta.
26. Effectus querela.

Officio iudicis testamentum, quod inofficiosum arguitur, evertitur: quale est, quod frustra personis quibusdam exhæredatis aut præteritis non ex officio pietatis videtur conscriptum. Exhæredatio ad patrem refertur; præteritio ad matrem, quæ est loco exhæredationis, secundum dicta sup. * Ubi præteriti dicuntur, non tantum qui nati tempore testamenti sunt omitti, sed & qui postea nascuntur, si post eorum editionem mater, cum haberet mutandi spatium, non mutaverit. Nam si in puerperio decesserit, cum iniquitas matris argui nequeat, cessante querelâ, omisso virilis portio tribuitur, ac si esset institutus, l. 2. C. b. t. Nisi extranei sint scripti, quibus querela rectè opponitur, d. l. 3. Ratio nominis est, quod sit factum contra merita & officium pietatis; unde iste color adsumitur, quasi non sanæ mentis fuerit testator. Et hoc ut levius iudicium parentis notaretur, cui gravior nota accederet, si impietatis argueretur. Dicitur autem quasi non sanæ mentis; nam si omnino non fuerit sanæ mentis, testamentum non tenet. (a)

§. Non autem liberis.

Competit querela primò LIBERIS UTRIVSQUE SEXUS, non primi solum, sed & ulterioris gradus; quo modo text. hic & in l. 1. D. h. r. rectè habet LIBERIS. Et l. 7. C. eod. datæ nepti querela, quatenus non est alia persona eam præcedens, cui eius sit exercitium. Nec filiis tantum, sed & EMANCIPATIS exhæredatis, l. si pona 23. D. eod. Dico, exhæredatis; quia præteritis est remedium possessionis contra tabulas, ut hoc remedium cesset, secundum ea, quæ dicuntur inf. hoc tit. * LEGITIMIS non est querela necessaria, cum licet sint loco liberorum, iis tamen provisum sit aliâ viâ, scilicet per quartam ex Constitutione divi Pii, l. 8. §. si quis impubes D. h. t. * NATURALIBUS non est hoc remedium contra patris testamentum, quod habeatur incertus, ut ad legitimam iis non teneatur, citius competentis nomine inducitur querela, d. l. 8. §. quoniam. Ubi legitimam habens removetur à querela: ut videatur ius non esse querela, quibus non debetur legitima. Aliud juris est in matre, ut, cum sit certa, impune à legitima liberos non excludat, §. novissimè inf. Ad Orphit. l. si suspecta 29. §. 1. D. h. t. nūc illustris sit, & alios liberos habeat l. pen. C. Ad s. C. Orphit. (b) * POSTHUMIS hodie hoc remedium utile esse, sint qui negant, ex eo, quod exhæredationis causa non committere nequeant; verum cum supra tit. 13. solam exhæredationem, licet causâ omittâ, facere

facere testamentum paternum subsistere, probatum sit, rectè & istis hoc remedium accommodatur.

7 Secundo competit PARENTIBUS post liberos, qui hac in re sunt potiores, cum liberos admittat & natura & parentum commune votum, *l. Scripro 7. §. fin. D. Unde liberi*, parentes verò sola ratio miserationis, quæ facit, turbato mortalitatis ordine, non minus pie iis relinqui bona liberosum, quàm liberis relinquuntur parentum, *l. Nam etsi 15. D. h. t. (c)* In sexu non distinguitur, ut nec in potestate habeant, necne. Nomine exheredati aut præteriti à matre filii neuriquam pater hanc querelam intentat, eo invito, quòd agatur injuria filii tantum, de cujus meritis quæritur, patrem non tangens, *d. l. 8. in pr.*

8 Tertio competit FRATRIBUS & SORORIBUS germanis, & consanguineis, quibus scilicet est idem pater: non etiam uterinis, quibus tantum est eadem mater, *text. hic vers. soror, & l. Fratres 27. C. eod.* quòd cum illis nominis & familiaris jura sint communia, non etiam cum his. Verum hoc non simpliciter procedit, sed ita demum, si turpis persona à fratre instituta fuerit: nam ea demum facit fratris aut sororis improbum elogium, *d. vers. soror, & d. l. 27.* quia improbum, turpem personam honorari, fratribus & sororibus præteritis, quibus ideo accommodata querela. Si tamen sint honesti, *l. In arenam 11. C. h. t.* cum mores, quos aliquis in se probat, frustrâ in aliis reprobet. Reliqui collaterales melius fecerint, si sumptibus inutilibus se non vexent, cum non super sit illis spes everrendi testamentum per querelam, quam *l. l. D. h. t.* iis admittit. (d)

9 Datur querela NON NISI ADITA HÆREDITATE, *d. l. 8. §. si conditioni*, cum antè necdum sit consummata injuria per exheredationem, aut præteritionem: cujus nullus est effectus, non aditâ hæreditate, quæ deferitur proximis ab intestato, *l. Si patronus 12. §. ex testamento D. De bonis liberor.* *

10 CONTRA HÆREDEM, scriptum vel nuncupatum *l. Que nuper 21. in fine C. h. t.* sine discrimine sexus, dignitatis aut qualitatis, cum non tam agatur de jure vocati hæredis, quàm exheredati aut præteriti. Quo modo & contra Imperatorem competit, *d. l. 8. §. si Imperator*, per quem non debent jura privatorum inverti, *sup. tit. prox. in fine*: & contra piam causam, quæ liberis hac in re cedit, *can. ult. xvi 1. qu. 4.* Contra eos etiam, qui sunt loco hæredis, ut hæredem hæredis, fiscum, qui bona occupavit propter hæredis delictum, *l. Si hæredum 10. C. eod.* cum loco hæredis existens ejusdem juris censeatur, cujus est hæres, ut non magis excludat liberos, quàm ipse hæres exclusisset. Intentanda est in ea provincia, in qua hæres domicilium habet, *d. l. 29. in fine & l. 1. C. Vbi de hered. ag.* sequitur enim actor forum rei.

§. Tam autem.

11 **L**iberis & naturalibus & legitimis, sive natis, sive posthumis, querelam competere habet *hic textus*. Ubi naturales intellige justè natos. Taliter enim accipitur verbum istud, quando legitimis opponitur. * Procedit autem ejus oppositio, si nullo alio jure ad defuncti bona pervenire possint, *text. hic*. Odiosa enim

enim est querela, & in subsidium inventa; ut ei non sit locus, si alia actio super sit, *l. In causa 16. in pr. D. De minorib. & quæ tamen commoda: absurdum enim foret, ei, cui duo jura sunt proposita, propter id quod minus est, invideri quod est plenius & uberius. Hinc in l. 1. §. fin. D. Si à parente quis manumiss. fuer. patri emancipatori præterito, cui salva est possessio contra tabulas, quâ partem bonorum consequatur, non denegatur jus antiquum, quod & sine manumissione habet, id est querela, l. Pater 14. D. h. t. propterea quod querela sit pinguior, rescindens quippe totum testamentum, saltem jure veteri, quæ de re mox. Vigl. hic in pr. nu. 5. & 6. Hinc emancipatis præteritis querela non competit, cum habeant possessionem contra tabulas, l. fin. C. De liber. præteritis.*

§. Sed hac ita.

Secundò, non rectè intentatur ab iis querela, quibus aliquid relictum nomine legitimæ, etiam si ea integra non sit relictæ: nam quod deest sine mora ut impleatur exigì potest, *text. hic & l. Omnimodo 30. & l. Scimus 36. C. h. t. Ratio est, quod non possit videri affectus injuriæ per testatorem, à quo aliquid relictum sibi habet. (e).*

§. Si tutor.

Tertiò, à querela repellitur, qui ei renuntiavit, vel expressè, uti ostendendo se eâ uti nolle, aut motam deferendo, *d. l. Nam eisi 15. §. 1. D. e. d. vel tacitè, si is, cui ea competit, pariat sibi labi quinquennium, computandum ab adita hereditate, l. Si quis 34. in fine C. h. t. Nam cum antè nulla sit actio, non potest etiam dici antè currere querelæ tempus. Exceptis minoribus, l. 2. C. In quib. caus. in integ. rest. non est necess. & iis, qui agere impediuntur: veluti si de valore testamenti dubitetur, cum impedito negligentia imputari nequeat, l. Contra 16. C. h. t. Ex magna quoque & justa causa etiam post quinquennium querela datur, l. 8. §. fin. D. eod. * Renuntiasse etiam videtur, qui relictum sibi eo testamento, quod vult impugnare, acceptavit, cum videatur agnovisse voluntatem, l. Si pars 10. in fine & l. ult. & pen. D. h. t. Legatum enim accipiens non potuit ignorare se exheredatum. Quamvis idem non impediatur dicere falsum, aut injustum, l. 5. in pr. & §. 1. D. De his quib. utendiq. aufer. hered. quia potuit ignorare falsum aut injustum esse. (f) * Excipitur hic is, qui non suo, sed alieno uti tutorio nomine accepit legatum: qui non prohibetur suo nomine intentare querelam, cum non possit videri approbasse voluntatem defuncti, qui officii necessitate coactus legatum agnovit, *text. hic. Ex eadem ratione tutor, qui inofficiosi nomine pupilli egit, non impeditur sibi relictum petere, secundum text. hic. Alia ratio est in Advocato, qui licet alieno nomine testamentum impugnet, legatum tamen sibi relictum amittit l. fin. D. h. t. cum nulla eum necessitas excuset. * Excipitur impubes adrogatus, qui licet ad querelam non sit admittendus, si tamen admissus non obtinuerit, consequitur nihilominus quartam ex Constitutione**

18 D. Pii, l. 8. § *si quis impubes* D. h. t. Cujus ratio est, quòd eam quartam non confecturatur ex iudicio defuncti, sed ex legis necessitate. * Removeretur autem, qui egit, & non obtinuit, à toto etiam testamento, licet tantum contra unum heredem querelam moverit. Quod aliter se habet in eo, qui falsi egit contra unum heredem, l. 4. D. *De his quib. ut indignis*. Ratio diversitatis est, quòd inofficiosi agens, licet contra unum heredem tantum, totum tamen testamentum impugnet, ipsum defunctum quasi dementiæ arguendo; quod spectat ad totum testamentum. Qui verò unum heredem quasi falsò adscriptum arguit, non impugnat totum iudicium, sed eum dumtaxat heredem: unde ab alio, quem non impugnavit, relictum non amittit, ne culpam excedat pœna.

19 Quartò cessat, si mortuus fuerit is, cui querela competeat; cùm injuriarum actio morte tollatur. Ut hæres eam proponere nequeat, nisi cœpta vel præparata controversia per defunctum ad eum transierit, l. 6. *in fine* & l. 7. D. *cod.* Quod ita obtinet quoad heredem extraneum: nam ad suum heredem hodie etiam non præparata querela transit, in casu, quo, hærede scripto deliberante, decessit is, cui querela competeat, l. *si quis* 34. & l. *pen. in fine* C. h. t. Ratio est, quòd eo in casu nihil imputandum veniat exhæredato, quòd querelam non moverit, aut non præparaverit, qui contra quem eam proponeret, necdum aditâ hæreditate, non habebat, & cui ante aditam hæreditatem nullum est factum præjudicium.

20 Quintò cessat querela, si exhæredatio facta fuerit ex una causarum contentarum Nov. *Ut cum de appellat.* 115. §. *aliud quoque* & §. *justum*, eaque probatâ per heredem, ut dictum *sup.* tit. 13. Facit enim paternum elogium esse justum, nihilque continere impietatis.

21 Sextò, cessat in testamento militis, quòd non est subjectum solemnibus juris civilis. l. *fin.* C. *cod.* In testamento quoque pupillari, quo mater est præterita, quæ conqueri non potest contra filium, qui testamentum non fecit, ut nequeat argui impietatis: neque etiam contra maritum, qui non cogitur instituere uxorem.

§. Igitur quartam.

22 DICTUM SUPRÀ À querela repellitur, cui relicta legitima, aut aliquid ejus nomine. Quod olim verum erat, si quovis etiam titulo aliquid relictum esset, SIVE JURE HÆREDITARIO, SIVE JURE LEGATI VEL FIDEI COMMISSI, ut habet hic textus, & refertur in Nov. 18. *De triente & semisse*. Hodie non alias excluditur querela, quàm si ipsa legitima aut aliquid ejus nomine (salvâ actione ad supplementum, si integra relicta non fuerit) titulo institutionis relinquatur, d. Nov. 115. §. *aliud quoque*, cujus verba sunt: *Sansimus igitur, non licere penitus patri vel matri, avo vel avie, proavo vel proavia, suum filium vel filiam, vel ceteros liberos exhæredare, vel præterire suo testamento, nec si (sive, ut alii legunt juxta textum Græcum, & si) per quamlibet donationem, vel legatum, vel fidei commissum, vel alium quemcumque modum dederit legibus debitam portionem.* Quæ verba expressam continent derogationem jurium priorum, quibus sufficiebat, exhæredato vel præterito relinquare portionem quovis titulo, ut habet hic *tex.* & Nov. *De triente & semisse*

18. §. 1. Nec debet aliquem movere, quòd in *d. Novel.* 18. Justin. probaverit istud jus vetus: neque enim ideo potest dici postea malè improballè, cùm licet leges commendentur ab antiquitate, sitamen quid melius priscis institutis adferatur, hoc minimè sit respuendum. Estque hæc catholica omnium sententia, à qua non recedendum, propter constantem omnium codicum lectionem, conformem lectioni Græcæ, quâ linguâ Nov. ista, ut pleræque aliæ, est edita. * Vt non 23
sit attendenda viri magni Ant. Fabri opinio, *De errorib. Pragmat. Dec.* 44. c. 6. Interpretes omnes erroris damnantis, & volentis etiam hodie quovis titulo relinqui posse legitimam portionem. Debere autem ultra eam, in alio aliquo institui liberos. Quæ opinio continet correctionem juris veteris, sine textu, quo passim sufficit, relinquatur quarta loco legitimæ, & datum parenti de reliquo dodrante disponere pro lubitu, ut videre est ex *d. Nov.* 18. in qua hoc tantum corrigitur, quod pro quadrante sit relinquendus triens aut semis, uti mox dicitur: de reliquo autem octuncio aut semisse dat licentiam disponendi parenti, quod & habet *Nov. de restit.* 39. §. 1. quæ eamdem necessitatem quoad trientem & semissem parenti imponit, in reliquo relinquit libertatem. Cui minùs respondet opinio Fabri, qui ultra legitimam censet quid relinquendum esse titulo institutionis. (g) * Parentibus quid relinquendum esse titulo institutionis, quidam volunt, in quibus tamen rectiùs dixeris jus pristinum non mutatum observandum esse, & multo magis in fratribus. (h) * Legitima autem cujus hîc est mentio, propriè denotat quartam portionis ab intestato debitæ, per legem inventam, unde non rectè vocatur naturæ debitum. Nam naturâ quidem debetur liberis parentum hæreditas, non tamen natura taxavit quartam, sed lex: ut rectiùs dicatur legitima portio, sive legibus debita. Hæc olim fuit quarta, hodie pro numero liberorum, vel est triens, si non sint plures quatuor, vel semis, si plures fuerint, *d. Nov.* 18. §. 1. Quod augmentum rectè attribuitur legitimæ ascendentium, cùm *d. §. 1.* velit dictum augmentum obtinere in omnibus personis, in quibus ab initio antiquæ quartæ ratio de inofficioso est decreta; decreta autem etiam in parentibus. Quæ ratio videtur velle, ad fratrum quoque portionem spectare istud augmentum, cùm & hî ex hæredati aut prateriti querelam inofficiosi habeant, saltē institutionis turpibus personis, ut probabiliter defendit Vasq. *de Success. tom.* 1. §. 20. nu. 213. & Cujac. *ad d. Nov.* 18. in pr. (i)

Cæterum effectus querelæ iure veteri fuit, quod omnino rescinderentur tabulæ, & res ad intestati causam redigeretur, ut nihil ex tabulis deberetur, *l. 6. §. pen. D. eod.* Vt libertates non valuerint, neque etiam legata deberentur, præstita revocarentur, *d. l. 8. §. si ex causa D. eod.* Hodie sola institutio evertitur, quia per illam solum peccatum, cætera capita salva manent, uti legata, fidei commissâ, tutela, libertates, *d. Nov.* 115. §. aliud quoque. (k) * Pupillarem quoque substitutionem salvam manere rectè quis dixerit, cùm ex hæredato fiat, & per eam non tam peccetur in pupillum, quàm provideatur. Nihil obstante, quod vulgaris evertatur, quia per eam non minùs peccatur in ex hæredatum, quàm per institutionem, cùm & per illam succedatur testatori, excluso ex hæredato.

ADDITIONES V. A. D.

Nu. 2. in fine.) Quod Apulejus *Apol.* 2. respexit : *Lege potius testamentum, si quid quasi insana scripsit, hic reperies, & quidem mox a principio.* Et apud Valer. Maximum lib. 7. c. 7. tabulæ testamenti materni, quibus altera filiarum sine causa præteritur, plenæ furoris esse dicuntur. Pulchrè Seneca lib. 2. de Clem. *Namquid aliqui janus filium à prima offensa exheredat? Nisi multa & magna injuria patriam ericerint, nisi plus est quod timet, quam quod damnat, non accedit ad decretorum stilum.* Inofficiosum igitur dictum testamentum, quasi non ex officio pietatis factum, l. 2. D. h. 1. Paul. 5. *Sent. tit. 5.* Quamvis intuitu solemnitatum rectè riteque ordinatum esset : ut proinde neque inutile, neque injustum, irritumve dici posset, sed improbum & inhumanum. Nam ita de testamento P. Annii *Act. 3. in Verrem* Cicero loquitur : *Testamentum P. Annii fecerat, non inofficiosum, non improbum, non inhumanum.* Quod ita exponit Ascon. Padianus : *Improbum, contra leges : inofficiosum, contra merita ; inhumanum, contra pietatem.* Ant. Goveanus 1. *Var. Lict. c. 5.* putat improbum dici testamentum, in quo turpes personæ scribuntur hæredes : *inhumanum*, in quo amicorum, & eorum, qui bene de nobis meriti sunt, nulla est habita ratio. Invenalis *Sat. 10.* testamentum, in quo filius exhæres scribitur, *severum codicem* vocat. Notandum autem est, olim frequentes fuisse inofficiosi querelas, ac licuisse omnibus, tam parentibus quam liberis, de inofficioso disputare, l. 1. D. h. 1. ex eo, quod libera facultas esset parentibus exhæredandi liberos suos etiam sine causa, vel non expressâ causâ exhæredationis si quam haberent, ut dictum sup. Tit. 13. *De exhæredat. liber.* At jure novissimo non licet absque causâ, eaque certa, & nominatim inserta testamento, Nov. 115. *Ut cum de appellat. cognos. §. Aliud quoque.* Unde quaesitum, an hodie sit usus hujus Tit. cum si filius inveniatur exhæredatus sine causâ, possit dicere patris testamentum ipso jure nullum. Eoque magis, quod expressio & insertio causâ nominatim facienda, videatur pertinere ad formam exhæredationis ; nec minùs hodie operari debeat exhæredatio facta sine causâ expressione ; quam olim eadem operabatur non ritè facta : atqui illo jure opus non fuit inofficiosi querelâ, per quam testamentum rescinderetur, cum illud ab initio non constaret, & inutile esset, ergò &c. Verùm remedio querelæ adhuc locum esse, dixi suprà, ad d. tit. *De exhæred. liber. nu. 12.* non tantùm quando exhæredatio facta est cum causâ, quam scriptus hæres probare debeat veram esse (quo casu, & non alio, plerique concedunt usum hujus Tit.) sed & cum causâ nulla est addita : ita ut testamentum eo casu non debeat dici nullum, sed necesse sit illud rescindi, evacuari, everti, per querelam inofficiosi. Vid. Wefenb. *D. ad h. 1. nu. 7.* Schultz. *hic lit. A. Pichard. ad rubr. h. 1. nu. 18.*

Nu. 5. in fine.) Verùm cum naturales tantùm moribus nostris incapaces sint successionis ab intestato non tantùm paternæ, sed & maternæ, consequens est ut eo jure non possint agere ad rescissionem testamenti materni, in quo inveniuntur præteriti, vel non ritè exhæredati. Et multo minùs agere poterunt legitimæ tantùm

tantum sive adoptivi, quia adoptionis apud nos usus non est.

Nu. 7. ibi, l. Nam csi 15. D. h. t.) Ideoque hæreditas filiorum, aut legitima portio parentibus debita, dicitur luctuosa hæreditas, luctuosa portio, l. ult. C. De insti. & substitut. & l. Libero 28. C. De inoff. testam. & duræ fortunæ solatium, l. 4. in fine C. Ad S. C. Tertull. Cujac. 8. Obser. c. 23. Eleganter Quintil. Declam. 344. Infelices, qui liberos suos ad rogum desunt. Summum orbitatû est malum, uisiderare. Ut merito etiam dicere inofficiosum testamentum filii possit pater, in quo aut iniquè præteritus, aut non ritè exhæredatus fuerit, quasi non sanæ mentis fuerit filius, cum testamentum ordinaret. Nam, ut lib. 3. de Benef. ait Seneca, parentes suos non amare impietas est, non agnoscere insanâ.

Nu. 8. in fine.) Imo neque fratrum filiis eam dari verius est, tametsi commodum querelæ per solos fratres motæ, rescisso testamento etiam ad hos pertinere incipiat, utpote apertâ jam viâ ad successionem ab intestato, quæ pariter admittit nepotes sive fratrum filios cum fratribus, Nov. 118. De hæred. ab intest. venient. §. si igitur defunctus, & Auth. Cessante C. De legit. hæredib. Faber & Angel. ad h. t. Quamvis de hoc dubitet Viglius, eâ ratione, quod testamentum aliquod conditum antea fuerit, & quidem validum ipso jure, ut propterea defunctus non possit omninò videri intestatus, licet id postea evertatur per querelam: putaque dictæ novellæ Constitutioni locum esse eo casu dumtaxat, quo simpliciter obtinet causa intestati, hoc est ubi nullum est testamentum. Verùm ad hoc responderi potest: nihil referre, quo pacto quis intestatus decedat, sive ab initio testamentum nullum sit, sive condito testamento fiat deinde intestatus, eo everso per querelam, arg. l. Posthumus §. ex his D. h. t.

Nu. 13. in fine.) Quâ in re correctum jus vetus, quo integram portionem debitam relinqui necesse erat, aut repleti illud, quod deerat, si adjectum esset, ut boni viri arbitratu compleretur: sin minùs, manebat locus querelæ, l. 1. C. Theod. h. t. l. Pap. narius 8. §. quoniam & l. Si non mortis 25. D. eod. Zoesl. ad eund. tit. nu. 67. Plinius lib. 5. epist. 1. de Curiano quodam à matre exhæredato disserens, Si mater, inquit, te ex parte quarta scripsisset hæredem, num queri posses? Quid si hæredem quidem instituisset ex asse, sed legatis ita exhausisset, ut non amplius apud te quàm quarta remaneret? Igitur sufficere tibi debet, si exhæredatus à matre quartam partem ab hæredibus ejus accipias.

Nu. 15. in fine.) Agnovisse quoque videtur voluntatem, debitum paternum pro parte hæreditaria persolvendo, vel alio legitimo modo satisfaciendo, l. Parentibus 8. C. h. t. aut quale quale judicium defuncti comprobando, l. Si ponas 23 §. 1. & l. ult. Decod. Veluti apud Valer. Max. lib. 7. c. 7. Afrania, Aebucia matris testamento præterita sine causa, cum sorore sua Platoria sacramento contendere noluit, testamentumque matris patientiâ honorare, quàm judicio convellere, satius esse duxit. Eò se ipsa indigniorem injuria ostendens, quò eam aequiore animo sustinebat.

Nu. 23. in fine.) Sunt qui ita statuunt, stare quidem etiamnum jus vetus quoad legitimam quovis titulo relinquendam, excipi tamen casum exhæredationis: quæ si præcesserit, tunc putant legitimam titulo institutionis relinqui oportere.

Nec alium esse sensum d. Nov. 115. ibi, Non licere penitus patri vel matri, ave vel avia &c. quòd aliàs non oblitteretur nota exheredationis, si alio titulo filius præteritus vel exheredatus legitimam suam habeat, quam titulo honorifico institutionis. Exheredationem enim esse notam, quam non debeat honor legati aut fideicommissi. Ita Steph. Forcatulus *Neyomant. dial.* 35. quem sequitur Arum. Exercit. *Iustin.* 10. *thesi.* 8. & accedit Joann. Vaudus *Varar. quest. jur. lib. 1. c. 5.* Porro ratio novi ac mutati juris duplex adferri solet, tum quia honorificus, ut dixi sive honoratior sit titulus institutionis; cum hæreditates non modò honesto titulo, sed & pleniori honore tribuantur, l. *Filium* 5. §. *sed et si* 8. De legat. præstan. tum quia majus etiam commodum adferat, propter jus accrescendi. Nam hæres scriptus etiam ex re minima, filiusque institutus in legitima, qui pro hærede partuario quodammodò est, poterit sæpè totam consequi hæreditatem, si cohæres eum nolit aut non possit adire, l. 1 §. *si ex fundo* D. De hæred. instit. & l. *unica* C. Quando non pot. partescent. accresc. Ita Bart. in l. Quoties 13. C. De hæred. instit. Fachin. 4. contr. c. 24. Gail. 2. Obser. 12. nu. 10. Jul. Clar. §. Testamentum qu. 38. Grassi. §. Legitima qu. 32. Bronch. cent. 1. misc. assert. 35. & qui plenissimè hanc materiam tractat Matth. Berlich. *Conclus. practicab. p. 3. concl. 15. in pr.* pluresque gentis suæ I. C. citat Ant. Pichard. ad §. igitur quartam nu. 19. Instit. h. i. Jure quoque Saxonico, testamentum, in quo legitima titulo honorabili institutionis relicta non est, hodie ex novella Constitutione Augusti Elect. nullum & irritum esse, constituitur. Schultz. *hi. tit. C.* Quid verò mores nostrates circa hunc articulum observent, vel ex eo conicere liceat, quòd neque institutio hæredis passim necessaria sit, ad hoc, ut sit & valeat testamentum, uti dictum sup. ad tit. De hæred. instit. nu. 15. in fine. Ut sufficere quidam putent liberis loco legitimæ relinqui aliquid quocumque titulo: idque exemplis rerum judicatarum verum esse probat Joann. Papon in *sua Arreftu lib. 10. tit. 1 §. 10. & 11.* Idemque jus ex Gallix consuetudinibus apud Leodienses invaluisse scribit Car. de Mean *ad jus civile Leod. Observat. 80. nu. 3.* Et est conforme juri Canonum, secundum plerosque; quamquam nonnulli controversant, an non eo quoque jure oporteat filium necessario institui in legitima. Berlich. *d. concl. 15. nu. 11. & seqq.* Verum nec illud obstiterit multum moribus nostris, cum hodie nullum ferè condatur uspiam testamentum, quod non adscriptum à Notario habeat clausulam codicillarem: vi cujus voluntati defuncti satis prospectum est adversus quaslibet juris civilis solemnitates, ut facile sit inventura quoquo modo exitum. Notat tamen ex placitis supremæ Curix Mechlinienses Christin. *ad Leges municip. Mechlin. tit. 16. art. 23. & decis. 9. nu. 2. vol. 4.* judicasse Senatam, legitimam liberis titulo institutionis relinquendam esse, & testamentum, in quo aliquid minus legitimam uni ex liberis titulo legati relictum fuerat; pronuntiatum fuisse nullum, anno 1588. 9. Apr. 1595. 15. Julii & 1601. 21. Febr.

Nu. 24. in fine.) Discutit plenius utramque hanc questionem D. Zoef. & quidem de parentibus necessario instituendis aut exheredandis, & an iis relinqui aliquid debeat titulo institutionis, quo removeantur à querela, ad tit. D. De liber. & post.

Et possib. nu. 33. & 34. de fratribus verò ad tit. *De inoff. testam. nu. 75. & seqq.*

Nu. 25. in fine.) At diversâ ratione augmentum illud in parentibus ac fratribus admissum est, ut quidem in parentibus non nisi quoad trientem locum habere possit, non etiam quoad semissem, seu dimidiam partem hæreditatis, cum fieri nequeat, ut quis quinque vel plures parentes seu ascendentes, qui ei simul succedant, habeat: in fratribus verò non tantum quoad trientem, verum etiam, pluribus fortè concurrentibus, quoad semissem. Vide D. Zoef. *D. h. t. nu. 83. & 84.* Moribus nostris, quod ad quotam seu quantitatem legitimæ attinet, non unum aliquod jus est: notatque Nic. Valla. *De reb. dubiis tract. 2. nu. 15.* Gallix moribus legitimam filiorum variè æstimari, secundum variantes consuetudines ac statuta municipalia cujusque loci. Quod mirum videri non debet, quia quota sive quantitas legitimæ à jure civili est; unde alio jure vel consuetudine augeri vel minui, non etiam tolli potest, arg. §. *fin. sup. De jure natur. gent. & civ.* Rota decis. 18. aliàs 1. *De consuet. in Norv.* Mins. cent. 5. *Obser. 43. nu. 2.* Berlich. *d. p. 3. concl. 18. nu. 20. & seqq.* Alioqui quod ad originem attinet, existimant plerique, legitimam portionem jure quoque naturæ debitam esse: quamvis in contrarium nitatur Ant. Faber *De errorib. Pragmat. Dec. 74. c. 5. & 7.* ubi legitimam seu legitimariam portionem contendit esse debitam liberis, non jure naturæ, sed tantum naturali aliquâ ratione, & ex voto naturæ, ut liquitur Papin. *in l. Scripto 7. in fine D. Si tab. testam. nulla extab. & unde liberi.* Nec alia ratione eam dici naturale debitum in *l. Scimus 36. §. ult. C. h. t.* scilicet non absolute, sed causative tantum, id est ad effectum excludendæ quærelæ inofficiosi testamenti, postquam remedium illud fuit introductum.

DE HÆREDVM QUALITATE ET DIFFERENTIA.

TITVLVS XIX.

Hæredes autem aut necessarii dicuntur, aut sui & necessarii, aut extranei.
 1. Necessarius hæres est servus hæres institutus. Ideoque sic appellatur, quia sive velit, sive nolit, omnino post mortem testatoris protinus liber & necessarius hæres fit. Unde qui facultates suas suspectas habent, solent servum suum primo aut secundo aut etiam ulteriore gradu hæredem instituere: ut, si creditoribus satis non fiat, potius ejus hæredis bona, quam ipsius testatoris à creditoribus possideantur, vel distrahantur, vel inter eos dividantur. Pro hoc tamen incommodo illud ei commodum præstatur, ut ea, quæ post mortem patroni sui sibi adquisierit, ipsi reserventur. Et quamvis bona defuncti non sufficiant creditoribus, iterum tamen ex ea causa res ejus, quas sibi adquisierit, non veniunt,

2. Sui autem & necessarii hæredes sunt, veluti filius, filia, nepos, neptisve ex filio, & domiceps extranei liberi, qui in potestate morientis modò fuerint. Sed ut nepos, neptisve sui hæredes sint, non sufficit eum, eamve in potestate avi mortis tempore fuisse: sed opus est, ut pater ejus, vivo patre suo, desierit suus hæres esse, aut morte interceptus, aut qualibet aliâ ratione liberatus à patris potestate: tunc enim nepos neptisve in locum patris sui succedit. Sed sui quidem hæredes ideo appellantur, quia domestici hæredes sunt, & vivo quoque patre quodammodo domini existimantur. Vnde etiam, si quis intestatus moriatur, prima causa est in successione liberorum. Necessarii vero ideo dicuntur, quia omnino, siue velint, siue nolint, tam ab intestato, quàm ex testamento, ex lege duodecimi tabularum hæredes fiunt. Sed his Prætor permittit volentibus abstinere hæreditate, ut potius parentis, quàm ipsorum bona similiter à creditoribus possideantur.

3. Cæteri, qui testatoris juri subjecti non sunt, extranei hæredes appellantur. Itaque liberi quoque nostri, qui in potestate nostra non sunt, hæredes à nobis instituti, extranei hæredes nobis videntur. Qua de causa, & qui hæredes à matre instituantur, eodem numero sunt: quia faminæ in potestate liberos non habent. Servus quoque hæres à domino institutus, & post testamentum factum ab eo manumissus, eodem numero habetur.

4. In extraneis hæredibus illud observatur, ut sit cum iis testamenti factio, siue hæredes ipsi instituantur, siue hi, qui in potestate eorum sunt: & id duobus temporibus inspicitur, testamenti quidem facti tempore, ut constiterit institutio; mortis verò testatoris, ut effectum habeat. Hoc amplius, & cum adit hæreditatem, esse debet cum eo testamenti factio, siue purè, siue sub conditione hæres institutus sit: nam jus hæredis eo maximè tempore inspicendum est, quo acquirit hæreditatem. Medio autem tempore inter factum testamentum & mortem testatoris, vel conditionem institutionis existentem, mutatio juris non nocet hæredi: quia (ut diximus) tria tempora inspicere debent.

Testamenti autem factionem non solum is habere videtur, qui testamentum facere potest, sed etiam qui ex alieno testamento vel ipse capere potest, vel alii acquirere, licet non possit facere testamentum. Et ideo furiosus, & mutus, & posthumus, & infans, & filiusfam. & servus alienus testamenti factionem habere dicuntur. Licet enim testamentum facere non possint, attamen ex testamento vel sibi, vel alii acquirere possunt.

5. Extraneis autem hæredibus deliberandi potestas est de adeunda hæreditate, vel non adeunda. Sed siue is, cui abstinendi potestas est, immiscuerit se bonis hæreditatis: siue extraneus, cui de adeunda hæreditate deliberare licet, adierit, postea relinquendæ hæreditatis facultatem non habet, nisi minor sit vigintiquinque annis. Nam hujus ætatis hominibus, sicut in cæteris omnibus causis deceptis, ita & sitemerè damnosam hæreditatem susceperint, Prætor succurrit. Sciendum est tamen, divum Hadrianum etiam majori vigintiquinque annis veniam dedisse, cum post aditam hæreditatem grande æs alienum, quod aditæ hæreditatis tempore latebat, emerisset. Sed hoc quidem divus Hadrianus cuidam speciali benefici-

neficio præstitit : divus autem Gordianus postea militibus tantummodò hoc concessit.

6. Sed nostra benevolentia commune omnibus subiectis Imperio nostro hoc beneficium præstitit, & Constitutionem tam æquissimam, quam nobilissimam scripsit: cujus tenorem si observaverint homines, licet eis adire hæreditatem, & in tantum teneri, quantum valere bona hæreditatis contingit: ut ex hac causâ neque deliberationis auxilium sit eis necessarium, nili omisâ observatione nostræ Constitutionis, & deliberandum existimaverint, & sese veteri gravamini additionis supponere maluerint.

7. Item extraneus hæres testamento institutus, aut ab intestato ad legitimam hæreditatem vocatus, potest aut pro hærede gerendo, aut etiam nudâ voluntate suscipiendæ hæreditatis, hæres fieri. Pro hærede autem gerere quis videtur, si rebus hæreditariis tamquam hæres utatur, vel vendendo res hæreditatis, vel prædia colendo, locando, & quoquo modo voluntatem suam declaret vel re, vel verbo de adeunda hæreditate: dummodò sciat, eum, in cujus bonis pro hærede gerit, testatum intestatumve obiisse, & se hæredem esse. Pro hærede enim gerere est pro domino gerere: veteres enim hæredes pro dominis appellabant. Sicut autem nudâ voluntate extraneus hæres fit, ita contrariâ destinatione statim ab hæreditate repellitur. Eum, qui surdus vel mutus natus, vel postea factus est, nihil prohibet pro hærede gerere, & acquirere sibi hæreditatem: si tamen intelligit, quod agit.

COMMENTARIUS.

SUMMARIA.

1. *Necessarii hæredes cur servi.*
2. *Sui & necessarii qui.*
3. *Extranei hæredes qui dicantur.*
4. *In extraneis hæredibus quoad eorum capacitatem tria tempora inspicere debent.*
5. *Modus acquirenda hæreditatis.*
6. *Extraneo hæredi jus est deliberandi de adeunda vel repudianda hæreditate.*
7. *Ius hoc non plenè eximit ab ære alieno.*
8. *Inventarium quid, ejusque conscribendi forma.*
9. *Inventarii rite conscripti effectus.*
10. *Pœna neglecti inventarii, quod creditoribus teneatur in solidum.*
11. *Item legatarius & fideicommissarius.*
12. *An & in foro interiori teneat hæc obligatio?*
13. *Ob non conscriptum inventarium an amittatur legitima.*

14. *An Trebellianica?*15. *Omittens aut subripiens rem aliquam an dictam pœnam incurrat.*16. *Aditio ac repudiatio hereditatis qualiter fiat.*

HActenus de testamentorum ordinatione: restat de eorum effectu differere, ad cuius intelligentiam conducit scire hæredum qualitatem, quæ inducit quamdam diversitatem quoad effectum. SUNT autem ALII NECESSARIJ, ALII SUI ET NECESSARIJ, ALII EXTRANEI. NECESSARIJ sunt, qui, ut nomen indicat, velint, nolint post mortem testatoris adire debent ejus hereditatem. Cujus ordinis sunt SERVI PROPRII INSTITUTI, *text. hic in pr.* quatenus etiam tempore mortis testatoris sunt in ejus familia: nam mutatio domini aut manumissio faceret eos voluntarios, *ut dictum sup. Tit. 14.* Solent hos instituere, qui suspectas habent suas facultates, ut non sufficientes æri alieno potius servi hæredis nomine distrahantur, quam defuncti, cui ea res foret ignominiosa. Quod non debet esse grave servo, cui, præter libertatem, & hoc commodi accedit, quod quidquid post mortem domini quærit, hoc sibi habeat, nec cum reliquis domini bonis, etiam non sufficientibus, à creditoribus possideri, aut vendi possit, *tex. hic.* quatenus tamen antequam attigit bona, separationem impetraverit, *l. 1. §. fin. D. De separationib. aut hodie inventarium fecerit. (a)*

§. *Sui autem.*

SUI ET NECESSARIJ SUNT LIBERI IN POTESTATE SUI, quod domestici sint hæredes, & vivo etiam patre bonorum ejus domini quodammodo existimentur, ut morte ejus non tam acquirant dominium de novo, quam potius in eos continetur, liberâ rerum administratione accedente. (b) Non est autem satis, in potestate liberos esse, ut sui dicantur, sed proximum in potestate gradum habere debent. Ejus ordinis sunt, filius, filia, non etiam nepos, neptis, & deinceps, nisi, sublatâ præcedente eos in potestate personâ, proximum gradum sint consecuti. Hinc fœmina non habet suum hæredem, quia non habet in potestate. NECESSARIJ SIVE VELINT SIVE NOLINT OMNIMODO, id est ipso jure, HÆREDES FIUNT, citra aditionem, *inf. De hæred. qua ab intestato defer. §. 2. & l. In suis 14. De suis & legit. hæred.* (c) Ut autem commodum hereditatis liberos sequebatur, ita & onus, adeò ut eorum nomine fieret bonorum venditio. Verùm quia durius erat, eos subire ignominiam venditionis bonorum, quorum culpa non posset argui, concessa est liberis abstinendi facultas per Prætorem, *text. hic in fine:* quæ tamen non facit, quò minus sint sui hæredes, cum ad Prætoris imperium non spectet datio aut ademptio hereditatis, sed hoc sit solius legis §. 2. *Inf. de bonor. possess. (d)*

§. *Ceteri.*

EXTRANEI SUNT, QUI IN POTESTATE NON SUNT, ut liberi respectu matris, & emancipati, servus proprius institutus, si tempore mortis non sit in potestate. Nepos ex filio in potestate, licet suus dici nequeat, tamen nec rectè dicitur alienus, sive extraneus, cum sit in potestate; & extraneus hîc dicatur, qui non est in potestate testatoris, sive patria, sive dominica. Horum conditio est, quòd adire non cogantur, nisi rogati sint restituere, & hoc postulet fideicommissarius, *inf. tit. 23. De fideicom. hered.* Quo modo & voluntarii dicuntur. (e)

§. *In extraneis.*

UT rectè quis hæres instituat, oportet SIT CUM EO TESTAMENTI ⁴ FACTIO, hoc est, ut vel testamentum condere possit, vel ex testamento alieno capere. Ubi in extraneis requiritur capacitas tribus temporibus. Primò, TESTAMENTI FACTI, quòd jus ejus ex institutione pendeat; ut ab initio nullum non convalescat postea, propter regulam Catonianam, quæ habet, Id quod inutile foret tempore testamenti facti, non valere, quandocumque testator decesserit. Secundò, MORTIS, quo confirmatur testamentum, cum in inhabilem confirmatio non cadat. Tertiò, ADITIONIS, per quam jus acquiritur, quod neutiquam cedit incapaci. In suis aditionis tempus non venit considerandum, cum ipso jure sint hæreses. Medio tempore accedens mutatio non nocet, quòd eo nihil testamentarii juris accedat, & satis sit, illis temporibus, quibus jus quaritur, sit habilis hæres.

§. *Extraneis autem.*

Paragraphus hic, quo continetur altera hujus Tit. pars, spectat ad acquisitionem hæreditatis, cujus modus, pro diversa hæredum qualitate, est diversus. Nam SUI, cum ipso jure sint hæreses, non dicuntur ADIRE, quam habent, hæreditatem, sed SE IMMISCERE, vel si suspectam judicent, SE ABSTINERE, ex beneficio Prætoris, *text. hic, & l. Eum bonis 87. D. De acq. hered.* EXTRANEI verò, cum hæreditatem non habeant, dicuntur ADIRE, & eo modo suam facere, vel REPU- ⁶ DIARE jus oblatum, si fortè gravatam ære alieno putent. * (f) Ne autem contingat quempiam inconsultè, aut lucrosam non agnoscere, aut gravatam ære alieno suscipere, concessum erat hæredi extraneo, TEMPUS DELIBERANDI, quo scil. deliberare posset, & explorare vires hæreditatis, ut certiore judicio statuere posset, expediat, nec ne, eam agnoscere, *l. 5. D. De jure delib.* Cui rei præscribi olim solitum tempus ab ipso testatore, quod dicebatur CRETIIO, cujus formula videatur apud Ulpian. *tit. XXII. §. cretio.* Quod tempus ideo statuiebant testatores, ne ex longiori deliberatione (cum facultati adeundi nō præscribatur nisi XXX. annis, *l. Licet 8. C. De jure delib.*) diu jacente hæreditate, daretur occasio creditoribus curatores ^{petendi,}

petendi non sine nota defuncti. Sublatâ postea cretione per *l. Cretionum C. D. t. Prætor*, ad instantiam creditorum, vel substitutorum, aut proximorum, tempus deliberationi præfigebat non minus centum dierum, *l. 2. D. d. t.* Et hoc non semel tantum, sed & iterato, *l. 3. D. cod.* lapso tempore assignato, si ad instantiam creditorum esset datum, non excluderetur omnino institutus deliberans, sed curator bonis datur, qui creditoribus responderet. Si verò datum esset ad instantiam substituti, vel proximi, huic defereretur hæreditas excluso deliberante, *l. Quamdiu 69. D. De acq. hered.* Postea ius illud deliberandi, antea in arbitrio Prætoris positum, factum est ordinarium, id est datum unicuique sine speciali impetratione usque ad annum, ex quo hæreditatem sibi delatam cognovisset, per *l. Antiquioribus 19. C. D. iure delib.* Dixi suprà, hæredi extraneo dari tempus deliberandi; nam necessarijs, cum sint omnino hæredes, illud non potest prodelle, sed ijs provisum erat separatione bonorum. Vti nec usui esse poterat suo hæredi, cum ipsò iure sit hæres. Huic tamen post concessam abstentionem, tempus illud utile esse cœpit, ne temere se immisceat. (g)

- 7 Hæc ita in iure deliberandi obtinuerunt, per quod quia non sufficienter hæredi cautum esset, qui per aditionem omni oneri hæreditario, etiam longe vires hæreditatis excedenti subiiciebatur, *l. Si te bonis 10. C. d. t.*, frustra objecta ignorantia æris latentis, nisi quòd restitutione in integrum minori xxv. annis subveniretur, non etiam majori, nisi ex certa causa, *text. hic vers. sciendum*:* inductum deinde fuit
- 8 per Iustinianum Imp. **REMEDIUM INVENTARII**, id est descriptionis rerum, quò plenè confideretur hæredi adeunti, aut se immiscenti, si tamen solemniter confectum fuerit. Solemniter ut conficiatur, opus est primo, ut inchoetur intra xxx. dies, absolvatur intra Lx. Sufficere tamen communius receptum intra tres menses absolvatur, etiam si intra xxx. dies non sit inchoatum. Quod tempus numerandum ab apertura tabularum aut scientia delatæ hæreditatis, *l. fin. §. fin autem dubius C. d. t.* & simul aditæ, ut supplet *ibi Gloss.* & communiter alij recipiunt. (h) Datur autem hoc tempus trium mensium ei, qui est in provincia, in qua sita est hæreditas, aut maior ejus pars. Absenti datur anni spatium, currens à morte testatoris, *d. l. fin. §. fin autem à locis.* Quod tempus ita liberum hæredi, ut intra illud inquietari nec à creditoribus hæreditarijs, nec à legatarijs possit, *d. l. fin. §. donec tamen.* Secundò, conficiatur sub præsentia tabellionis, etiam unius tantum ex communi sententia, licet in *d. §. fin autem dubius*, fiat mentio plurium: neque enim hoc ideo, quia necessarium sit plures adhibere. Cujac. *ad Nov. 1.* Tertiò, vocentur ij, quorum interesse potest, creditores scil. legatarij, fideicommissarij, nominatim si noti fuerint; alias generaliter programme. Si non comparuerint, tres testes fide digni & habentes substantiam, eorum nomine sunt advocandi, *d. Nov. 1. §. 1. vers. fiat igitur.* Quartò, res omnes, mobiles, immobiles describantur, quas hæres scit à testatore relictas, ab eoque habitas tempore mortis, sive iure proprietatis, sive pignoris, *d. §. fin autem.* Quintò, hæres confecto inventario subscribat, declarando modum bonorum, & quod in eo nulla sit usus malignitate. Si scribere nequeat, vicariâ Notarij specialiter ad hoc adhibiti, subscrip-

ne coram testibus, qui hæredem norunt, in eam rem uti poterit, *d. §. fin. autem*. Ubi videtur requiri venerabilis signi Crucis adjectio, quæ tamen cum inter solemnitates leviores habeatur, ejus omissio non vitiabit actum, ex communiore sententia.

Ita solemniter confecti inventarij effectus est, quod hæres sine periculo hæreditatem adeat; *L. Falcidiæ* beneficio adversus legatarios utatur; creditoribus hæreditatis in tantum teneatur, in quantum res ad eum devolutæ valent, salvo suo jure, quod contra defunctum habebat. Inducit enim inventarij confectio quamdam bonorum separationem, eoque rem reducit, quasi hæreditas adita non esset. Excipitur actio pœnalis: pœna enim ad lucrum tendit, quod in detrimentum aliorum hæredi conservari, durum foret, *L. Cum emptor 48. D. Ad L. Falcid.* Non peccabit autem hæres, si primò venientibus primò solverit, uti & legatarijs interea venientibus, *d. l. fin. §. etsi præfata*. Et si post emensum defuncti patrimonium emerferint alij creditores, non est illis licentia inquietandi hæredem, aut eos, qui comparaverint res, quarum pretia in creditores aut legatarios processerint; sed adversus legatarios, quibus legata soluta, & creditores, quibus solutum creditum, venire poterunt, quatenus ij jus potius habent, *d. l. fin. §. fin. verò hæredes*.

Neglecti inventarij pœna est, *L. Quod creditoribus in solidum teneatur hæres, eo modo, quo jure veteri post aditionem, d. l. fin. §. si verò postquam*. Imputet enim sibi, quod requisita per legem negligendo, ejus beneficio se reddiderit indignum. * *II. Quod legatarijs & fideicommissarijs non tantum ut olim, usque ad vires hæreditarias teneatur, sed omne relictum complere debeat, ne quidem detractâ Falcidiâ, frustra allegans, in hæreditate non esse, d. Nov. 1. §. hinc nobis vers. si verò non fecerit*. Quod & sibi imputet, cum ejusmodi oneri se subjecerit adeundo hæreditatem, omisso inventario. Quæ res facit hæreditatem præsumi esse sufficientem exsolvendo æri alieno, & legatis, fideicommissisque præstandis: tum quod nemo præsumatur temerè, non inspectis viribus hæreditatis, ei se immiscere. aut eam adire: tum quod præsumatur testator non gravasse hæredem relictis, ultra quam fert bonorum quantitas, etiam salva ei quartâ Falcidiâ. Quam præsumptionem esse juris & de jure facile patet ex *d. vers. si verò non fecerit*, ubi super præsumptione jus statui videtur, cum contrarium probare volens dicatur ibi non audiendus. * Et licet hæc præsumptio in foro exteriori vim suam habeat, non tamen in foro interiori, si veritas ei non respondeat, quamvis aliqui aliter velint, ex eo quod putent ita statutum esse in penam omittentis inventarium, cujus contrarium patet ex *d. l. fin. & d. Nov. 1. Ut verior sit eorum opinio, qui volunt, legatarios, fidei commissarios, & creditores, qui fatentur in bonis non esse, & nihilominus debitum aut relictum petunt, esse repellendos, propterea quod confessio eorum faciat cessare istam legis præsumptionem, ejusque effectum. (i)*

Disputatur autem, Utrum legitima saltem sit salva hæredi? Quod posset videri, quia lex tantum faciat mentionem Falcidiæ, à qua distat legitima; cum illa debeatur hæredi, hæc verò filio, & sit loco æris alieni. Verumtamen eam salvam non esse, juri & rationi est conformius, quod & probat Viglius *hic nu. 6. Pro quo*

quo facit primo, quòd hæres indistinctè, sive suus (cùm *d. Nov. 1. agat de eo*, qui se immiscet, quale verbum est suorum) sive extraneus, dicatur teneri *compleri legatarios, & fideicommissarios*, licet vires hæreditatis deficiant: ut non superfit, ex quo salvetur legitima. Secundò facit, quòd lex præsumat hæreditatem esse locuplerem, secundum dicta, ut hæres præsumendus sit habere legitimam, eamque iteratò petens repellendus doli exceptione, tamquam petens, quod habet. Tertiò, quòd legitima sit certa hæreditatis pars triens scilicet vel semis, ut etiam hæreditatem præsupponat, cui certa detractio fiat; cùm certum & finitum ab incerto & infinito detrahi nequeat. Hoc autem in casu est incerta, cùm desit legitimus modus, per quem solum de viribus constare potest, scilicet inventarium. (k) * Quam resolutionem non rectè quis ad Trebellianicam quartam traxerit; cùm hic non subsit eadem ratio: tum quia inventarium inductum in locum longioris deliberationis, cui ratione debitorum & legatorum erat locus, quæ possent exhaustire hæreditatem, non etiam ratione fideicommissi universalis, quod versatur circa opulentam hæreditatem: tum quòd in legatis ideo præsumptio supradicta obtineat, quòd sint relicta in specie à testatore, atque ideo præsumantur in bonis ejus fuisse; cùm præsumi nequeat, in designatione bonorum suorum errasse, nisi doceatur per modum legitimum, scilicet inventarium. Quæ præsumptio eadem esse nequit in quarta Trebellianica, cùm detrahatur universis, non etiam certis & determinatis per testatorem. Vigl. *hic nu. 7. (l)*

Quæritur autem, An dictam pænam incurrat omittens aut subripions aliquam rem? Quod non videtur, cùm is puniatur in duplum rei subtractæ, per *d. l. fin. §. licentia vers. illo videl. qui non potest videri correctus per d. Nov. 1. in §. hinc nobis vers. si verò non fecerit*, cùm sit generalis; per generalia autem non censetur derogatum specialibus, nisi fuerit expressum. Everh. *in loco à generalitate. (m)*

§. Item extraneus.

EXtraneum hæredem aditione acquirere hæreditatem, dictum est suprà, quæ non desiderat ullam solemnitatem, cùm sufficiat nudus consensus, expressus vel verbo, quo se declarat hæredem esse velle, vel etiam nutu, ut in muto, surdo, *text. hic & l. 2. D. De bon. poss. furioso, muto, surdo compet. qui omnia ea potest*, quæ nudo consensu peraguntur, aut facto aliquo exteriori, veluti gerendo se pro hærede: quod contingit, quando utitur rebus hæreditariis ut hæres, colendo, vendendo, locando eas, aliaque quæ dominus faceret, agendo, *l. Pro hærede 20. D. De acq. hæred. (n)* Contrariâ quoque destinatione quis ab hæreditate repellitur, *text. hic in fine*, cùm liceat cuilibet jus suum remittere. Ut autem aditio hæredem omninò obligat hæreditati, sic repudiatio omnino repellit, non admittit pœnitentiâ: si tamen certus sit de jure, & statu suo, & testatorem mortuum esse, alias voluntas ejus nihil operabitur, *l. Qui hæreditatem 19. & 23. D. d. r.*

ADDITIONES. V. A. D.

Nu. 1. in fine. (Ex eo igitur, quòd servus sit hæres necessarius, ad eum scilicet effectum, ut famam tueatur defuncti, id quod lege Æliâ Sentia ita cautum fuit, hinc talem servum solum hæredem institutum non tam patrimonium, quàm infamiam consequi videri, habet *l. Servus C. Theod. De inoff. testam.* Quòd Cicero *Orat. pro P. Quintio* respexit: *Cuius bona ex edicto possidentur huius omnis fama & existimatio cum bonis simul possidetur.* Et Tertull. in *Apolog.* dum ait, *bonorum venditionem peractam à creditorebus pudoris notam inferre & sanguinem suffundere.* Hodie necessarios hæredes non agnoscimus, quia neque jus servitutis ac dominicæ potestatis apud nos in usu, ut dictum sup. *ad tit. De his qui sui vel alieni iur. sunt.* Apparet necessitas huiusmodi aliqua Brugis & alibi apud Flandros in marito necessario hærede suæ uxoris, qui sive velit sive nolit manet possessor domus funerariæ, cui etiam renuntiare non potest, idque ab intestato tantum: servus verò non nisi ex testamento sit hæres necessarius. Damhoud. *Prax. civ. c. 18. nu. 21.*

Nu. 2. ibi, liberâ rer. administrat. accedente.) Dicti inde & domestici hæredes, id est dominati. Nam suos non scribi, sed gigni hæredes, inquit Symmach. *lib. 1. epist. 9.* Hinc nata vox *Suitatis*, quam Græci *γυναικότητα* vocant, exemplo Stoicorum, quibus familiare ex qualitatibus fingere nomina: estque Suitas qualitas illa, secundum quam quis dicitur suus hæres, vel jus sui hæredis habere. Cujac. *ad Nov. 34. in pr. B. ubi* *5. Subril. c. 15.* Vide Coras. *3. Miscell. c. 16. & lib. 7. c. 1.* ubi refert Angel. Politianum, politissimi ingenij virum, & Græcè Latineque doctissimum, interrogatum de vocis huius significatione à Mariano Socino, parum feliciter obmutuisse; cum tamen jactitasset antè, nihil sibi videri in Glossæmatis Iuris civilis tam obicurum, in quo explicando vel Accursium superare non posset. De jure suitatis ac transmissio- nis Tract. scripsit Pyrrhus Angleberm. & de eadem materia plura hoc loco con- gessit Ant. Pichardus *nu. 8. & seqq.*

Ibid. ibi, *de suis & legit. hered.*) Idque & *Leg. xi 1. Tabular.* ut hîc ait Imp. Nam licet hæc verba, *ex lege xi 1. Tabb.* nonnulli spuria & supposititia esse credant, quasi necessitas illa non ex *xi 1. Tabulis*, sed ex patria descendat potestate, Borcholt. *hic.* Eoque magis, quia Theoph. ea Græcè non interpretetur, & quia in manuscr. exemplaribus non haberi adferat Lud. Russardus: tamen in vulgaribus eadem apparent, nec supposititia esse verius est, quia & patria potestas propria civium Romanorum juris est civilis, id ex *L. xi 1. Tabb.* Lex verò consequens esse duxit, ut hæredes, qui dicerentur sui, iidem essent quoque necessarij ne fluctuaret, atque incerta parentum successio esse videretur.

Ibid. in fine.) Hodie ut necessarios tantum, ita quoque suos & necessarios hæredes jus consuetudinarium non agnoscit, quia nemo invitus cogitur esse hæres, omnesque sunt voluntarij, nulli vero necessarij. Quemadmodum & contractus sunt voluntarij: atqui hæredes adeundo hæreditatem videntur quasi contrahere cum creditoribus ipsius defuncti ac legatarijs, §. *Hæres quoque inf.* De oblig. *quasi*

quasi ex contractu nasc. Et proinde iniquum esset, heredem cogi ad damnum, id est damnosam sibi hereditatem adire. Necessarii tamen heredis speciem videre est in eo, qui major xxv. annis se pro herede gessit, id est actum aliquem heredis exercuit, cui non licet aut pœnitudinis obtentu, aut per solutione & refusione eorum, quæ ab hereditate sumpsit, creditoribus non satisfacere. Ita Bucherel. *hic*. Id ipsum Guil. Budaus eleganter expressit *in suis forensib.* Præcidere cunctationem, inquit, heredi de adeunda hereditate deliberanti, & legis beneficio improbè ludificanti creditor potest, aut defuncti in lite adversarius, si crevit eum hereditatem aliquo dicto factove contendat, suoque periculo recipiat: manutene eum heredem vocant. Sic etiam suorum heredum imaginem præferre videntur filij primogeniti, utique illustrium & principalium familiarum, qui etiam vivente patre spem adeo certam habent succedendi in dignitate patris, puta Regia, si pater est Rex, ut & ipsi in vita patris Regio nomine saluari & appellari possint & soleant, *c. in fin. xx. v. qu. 1. & c. Adrianus dist. 63. & ibid. Gl.* eamque ipsam spem transmittunt ad filium item suum primogenitum, excluso patruo. Ita Cos. Guimier *Glossator Pragmat. sanct. in proem. ad V. Primogenito, & Oldrad. cons. 223.*

Nu. 3. in fine.) Aliter vero extraneos heredes descripsit Cajus 2, *Instit. tit. 3.* qui scilicet nullo propinquitatis gradu testatori conjuncti sunt, sed pro arbitrio scribuntur heredes. At notandum est, ibi heredes extraneos non opponi suis, sed non suos suis, quasi sub illo nomine heredum, qui non sunt sui, contineatur alia bimembris divisio, eorum scilicet, qui penitus extranei sunt, ac proinde ut nomen heredis habeant necessario institui debent; itemque eorum, qui extranei quidem sunt jure potestatis, jure verò propinquitatis & sanguinis etiam ab intestato ad legitimam hereditatem vocari possunt, licet non instituantur heredes, §. *item extraneus ult. h. t.* Facit *l. Ventre 84. D. De acq. vel omit. hered.* ubi emancipatus ab extero herede distinguitur. De utrisque agitur hoc Tit.

Nu. 5. in fine.) Illud interest inter hæc duo, quòd aditio hereditatis sit ipsa acquisitio; nec enim censetur acquisita hereditas, nisi adita, *l. Pretia rerum 63. in pr. D. Ad. L. Falcid.* Unde & adire hereditatem dicitur extraneus hæres, quasi ad hereditatem ire, quam nunquam habuit, efficitque aditio heredem dominum hereditatis; atque hinc nomen heredis, ab hero scilicet, id est à domino, §. *item extraneus 7. h. t.* Immixtio verò non tam est acquisitio nova hereditatis, quàm ante acquisitione ipso jure per legem approbatio & acceptatio. Ita Bart. *in l. Gerit pro herede 88. D. De acq. hered. & Castren. in l. Eum bonis 87. D. cod.* Ex eo ergò, quòd hereditas suis acquiratur ipso jure, nec aditione opus sit, sequitur eandem, decedentibus suis heredibus, non ut acquirendam, sed ut acquisitam, transmitti ad quemlibet proximum heredem, um tamen delata sit, ita ut ad acquisitionem nihil super sit, quàm ut hæres declare voluntatem adeundi, *l. Si quis extraneus 21. §. 2. D. De acq. hered. & l. Delata 151. De V. S.* Secus obtinet in heredibus extraneis, qui hereditatem sibi delatam non transmittunt, nisi eam adierint, *l. unica §. in novissimo C. De caducis tollen. & l. Quoniam 7. C. De iure delib.* cum transmitti nequeat quod nostrum non est, neque acquisitum nobis, *l. Nemo plus 44. &*

220. De R. I. Moribus hodiernis inter suos hæredes & extraneos in plerisque videtur non nisi discrimen esse nominis. Ac si dici possunt ei omnes, qui proximi hæredes sunt ab intestato: reliqui verò, qui nisi instituantur, nomen hæredis non habent, possunt dici extranei. Quod verò spectat ad acquisitionem hereditatis, nulla ferè inter eosdem differentia apparet; ut neque inter adire hereditatem & immiscere se hereditati; repudiare hereditatem vel abstinere se hereditate: suntque omnes hæredes voluntarii, *ut dictum*, veluti jure Prætorio apud Romanos. Eguin. Baro *al. b. 1.* Itaque quod juris est in suo hærede, ut in eum continuetur dominium hereditatis, quod penes defunctum fuit, idem ferè obtinet hodie in quolibet extraneo. Adde ut indistincte non tantum dominium, sed & possessio rerum hereditariarum (que jure civili ne in suos quidem transit hæredes, cum sit facti, & apprehensa sive acquisita dici non possit nisi facti hæredis, l. *Cum hæredes* 23. D. *De acq. vel omni. poss.* & l. 1. §. *Scivola* 15. D. *Si acquiritur. liber esse* &c.) continuetur ipso jure, citra factum apprehensionis, in quoslibet proximos hæredes, tam ab intestato quàm ex testamento succedentes, quod Galli dicunt, *le mort saisit le vif*; nos vulgò *den de descif. den l'evende*, id est *defunctus s'insinat*, sive *inhereditat*, vel, ut Latini dicant, *in possessione collocat vivum*. Unde juxta transmissionis, quod dixi esse in suo hærede, etiam locum habebit in extraneo: quare videndi Chassen. *al. conuet. Baro. Nr. des successions* §. 1. Molin. *ad cons. Paris.* tit. 1. §. 9. Gl. 4. nu. 8. Coras. 6. M. fell. c. 13. Jac. Curtius lib. 1. *Verisim. ad fraurme.* 6. 7. 8. & 9. Grivel. *de iur.* 31. Tiraq. *tract. singulari, quem inscripsit Le mort saisit le vif*, Gudel. *De jure vif* lib. 2. c. 18. & eleganter Ant. Faber *Jurisp. Papan.* lib. 1. tit. 2. princ. 4. illa. 3. Quæ quidem consuetudinaria possessio secundum aliquos aliquod fundamentum habere dicitur in l. *Cum miles* 30. D. *Ex quib. caus. majores* &c. ubi Paulus I. C. ait, *possessionem defuncti quasi sanctam desce dere in heredem, & ulterius, que, nondum hereditate adita, compleri*: verum illi per meo loco possessionem accipiunt pro rei detentione, quæ in facto consistit, cum significet usucapionem, quæ juris est, & possessionis effectus. Atqui usu capio coepta à defuncto, completur etiam nondum aditæ hereditate, vel nondum apprehensa possessione rerum hereditariarum. Ita post Bart. & Bal. l. *ad d. l. Cum miles*, Cujac. *ad eam l. l. lib. XII.* Paul. *ad Edictum*, Forner. 2. *Rer. quæd. c. 25.* Tiraq. *tract. Le mort saisit le vif, in Presit. declarato* 3. nu. 4. Planè possessio illa à consuetudine hæredi attributa maximi est momenti, cum vigore ejus omne remedium posse fori, atque primis interdicti uti possidetis sive manutenentia, intentari possit. Vid. Joann. Fab. *ad §. sui autem nu. 4. h. l.* Künfchot. *Resp.* 1. & Car. de Mean Obler. 97. *ad jus civ. Lothen.*

Nu. 6. in fine.) Dixi supra, jure, quo hodie utimur, hæredes omnes esse voluntarios, nullos, verò necessarios; unde coniequens est, jus deliberandi adversus periculum damnosæ aditionis perinde esse omnibus. Nisi quòd tempus præstitui solitum ad deliberandum sit ferè arbitrarium, dependens a magistratu, qui illud nunc brevius, nunc longius præfigere potest, prout opulenta aut inops hereditas est, proque distantia locorum, in quibus res hereditaria sita, aliisque ex causis

Iusti dies, inquit Bud. in *Frensb.* constituendi de commendâ hereditate vel repudianda sunt 40. dies moribus constituti, & totidem eorum iure induci sunt patrono possessionis clientelâ post denunciationem, ad statuen dum, an iure patrocini uti velit adversus emptorem fundi beneficiarii, pretiumque offerre beneficiario.

Nu. 8. ibi, & communiter alii recip.) Ex die delatâ hereditatis currere tempus istud probat Fachin. 4. *contr. c.* 35. cum aliis, quos ibi citat, & ita apud nos habet Constitutio Carolina anni 1541. Alii tamen magis probant tempus aditâ hereditatis, & illam communiorē videri sententiam ait d. l. 3. Fachin. Vide Ant. Fabr. in *Cod. suscit. De jure delib. delib.* 9. & Dec. 2. *errore* 6. & 7. Crivel. *decis.* 143. nu. 7. & *seqq.*

Nu. 12. in fine.) Eadem ferè repetit D. Zoef. *ad tit. D. De jure delib. nu.* 14. Plura vide apud Fachin. 6. *contr. c.* 24. Covarr. *ad c. 1. De testam. nu.* 16. & 17. Vasq. *De success. creat. lib.* 1. §. 2. nu. 2. Navar. in *Manuali* 1. 17. nu. 283. Gomez. *late ad L. 3. Iuris nu.* 121. & *seqq.*

Nu. 13. in fine.) Eadem habet D. Zoef. *ibi sup. nu.* 16. Amittique legitimam ob inventarium non confectum, præter Vigil. hic, docuere consulendo Oldrad. *conf.* 134. Castren. *conf.* 188. *lib.* 2. & Corn. *conf.* 168. *lib.* 3. item Sarnient. 2. *Select. Inter. vet. c.* 7. Cujac. *ad d. Nov. 1. in pr.* Hunn. & Bachov. *ad Treutl. disp.* 12. *thesi* 9. *lit. A. vol.* 2. Diss. Fachin. 4. *contr. c.* 34. Gail. 2. *Obj.* 138. nu. 14 ubi dicit hanc negativam communem esse, & Guido Papæ *qu.* 53. nu. 1. & secundum eam indubitanter judicandum, Alex. *conf.* 64. nu. 1. *lib.* 4.

Nu. 14. in fine.) Sunt hæc quoque apud D. Zoef. *loco antè cit. nu.* 17. Et admodum controversam esse hanc questionem, colligere est ex iis, quæ scribit Fachin. 4. *c.* 38. ubi à negantium parte ultra sexaginta Dd. stare ait, quorum nomina recitat Cachéran. *decis. Pedem.* 147. Quibus adde Peregrin. *de Fideiuss. art.* 3. nu. 73. & multos *seqq.*

Nu. 15. in fine.) Ita Montic. *ad l. fin. C. De jure delib. nu.* 154. Coras. *de Inven. nu.* 24. Menoch. *conf.* 571. *lib.* 1. qui plures citat. Diss. Fachin. 4. *contr. c.* 37. & alii ab eo citati. Et quamvis hæc non nihil controversa sint, inquit D. Fabr. Mudzus, Schola hujus aliquando Antecessor longè meritiſſimus, *ad d. l. 38.* distinguendis nonnullis, an in totum inventarii confectio omiſſa, an factum quidem, sed minus solemniter, Scilicet hæc ramentis disputatiōem omnem sopivit hic nobis prædicta Caroli V. Imp. nova Constitutio, quæ heredem, qui quid occultaverit ex rebus hereditariis, antequam inventarium conficiat, indignum facit hoc beneficio, conservatis & legataris & creditoribus adversus heredem in solidum actionibus. Certè usus beneficii inventarii, quia securiorem heredem reddit, hodie etiam frequentior est, quam ius verus deliberationis, & qui eo utitur dicitur adire hereditatem sub beneficio inventarii. Praxis illius est talis. In primis supplicandum est Principi, aut supremo ejus Senatui, ut beneficio hoc frui liceat, idque intra menses tres à die delatâ hereditatis. Eo impetrato, intra XL. dies, à die impetrationis numerandos, absolvi inventarium debet, factaque æstimatione rerum omnium

nium hereditarium, intra idem illud tempus consequitur hæres liberam earum administrationem, datâ cautione reddendarum rationum. Ita serè habet Constitutio Carolina, cui conforme est Edictum perpetuum Sereniss. Principum Alberti & Isabella an. 1611. Quod insuper ista addit, ut hæres intra alios dies quinquaginta curet convocari creditores omnes, aut actionem adversus defunctum habentes, qui intra tres menses, aut annum, si extra provincias degant, respectivè compareant: item ut anno elapso hæres declaret, an simpliciter hæres esse velit, aut uti beneficio inventarii malit. Ut denique testator, qui liberam de bonis suis disponendi habet facultatem, rectè quoque vetet, ne hæres impetret huiusmodi beneficium, dummodò is non sit ex descendantibus: idque fortassis ad conservandum honorem defuncti. Quò etiam spectant clausulæ in concessione apponi solitæ; quarum prima est, *Salvo, quòd nemo existat adgnatorum aut cognatorum, qui simpliciter adire paratus sit.* II. *Salvo, quòd supplicans seu impetrans hoc beneficium hactenus non se immiscuerit, aut esset in pl. et tempore hærede.* Nam semel aditâ hereditate amplius deliberationi aut pœnitentiæ locus non est. Alibi aliter paulò hæc observantur. Vide Baron. ad l. 1. Challen. ad l. 1. Burg. rubr. 7. §. 13. Damhoud. in Praxi rer. civil. c. 18. cum ibi allegatur per Tulden. Poth. de testam. conjug. lib. 1. c. 35. Gudel. 2. De jure noviss. c. 18. Kinschot. Resp. 30 & 31. Zyp. Nov. jur. Belg. lib. 6. tit. De jure delib. & beneficio invent. Christina. decis. 22. tit. 4. Joann. à Sande Deiff. Fris. lib. 4. tit. 12.

Nu. 16. ibi, *De acq. hæred.* Nam gerere pro hærede magis est facti: quamvis & qui animo agnoscit successionem, licet nihil attingat hereditarium, dicatur Gerere pro hærede, l. Gerit 88. De De acq. hæred. ut si dicat, *Volo hæres esse, Volo adire cernere hæreditatem.* Nam huiusmodi voluntas facit hæredem, & obligat hereditati. Vid. Joann. Vaud. Quæst. jur. lib. 2. c. 25. Cernere autem hereditatem idem est quod adire: non quòd hodie in aditione, verbis solemnibus sit opus, quemadmodum olim cretio fieri solet, sed quia, sublatâ cretionum solemnitate, verbum *Cernere* in usu mansit. Formula cernendi hereditatem extat apud Vip. ut. XXII. Nam testatore rogante hæredem, ut hereditatem suam intra certum tempus adiret, cerneretque, id est decerneret & constitueret se hæredem esse, hæres deinde cernebat hereditatem his verbis, *Cum me Marius hæredem instituerit, eandem hereditatem ad me cernoque:* idque palam & solemniter pluribus adhibitis testibus. Quò respexit Prudentius Hymno 12.

Hunc & Prophetis testibus,
 Itemque signatoribus,
 Testator & sator jubet
 Adire regnum & cernere.

DE LEGATIS.

TITVLVS XX.

Post hæc videamus de legatis: quæ pars juris extra propositam quidem materiam videtur (nam loquimur de iis iuris figuris, quibus per universitatem res nobis adquiruntur:) sed cum omnino de testamentis, & de hæredibus, qui in testamento instituuntur, locuti simus, non sine causa sequenti loco potest hæc juris materia tractari.

1. Legatum itaque est donatio quædam, à defuncto relicta, ab hærede præstanda.

2. Sed olim quidem erant legatorum genera quatuor: per vindicationem, per damnationem, sinendi modo, per præceptionem: & certa quædam verba cuique generi legatorum assignata erant, per quæ singula genera legatorum significabantur. Sed ex Constitutionibus divorum Principum solemnitas hujusmodi verborum penitus sublata est.

Nostra autem Constitutio, quam cum magna fecimus lucubratione, defunctorum voluntates validiores esse cupientes, & non verbis, sed voluntatibus eorum faventes, disposuit, ut omnibus legatis una sit natura, & quibuscumque verbis aliquid relictum sit, liceat legatariis id persequi non solum per actiones personales, sed etiam per in rem, & per hypothecariam. Cujus Constitutionis perpensum modum ex ipsius tenore perfectissimè accipere possibile est.

3. Sed non usque ad eam Constitutionem standum esse existimamus. Cum enim antiquitatem invenimus legata quidem stricte concludentem, fideicommissis autem, quæ ex voluntate magis descendunt defunctorum, pinguiorem naturam indulgentem necessestarium esse duximus, omnia legata fideicommissis exæquare, ut nulla sit inter ea differentia: sed quod deest legatis, hoc repleatur ex natura fideicommissorum; & si quid amplius est in legatis, per hoc crescat fideicommissorum natura. Sed ne in primis legum cunabulis permittim de his exponendo, studiosis adolescentibus quamdam introducamus difficultatem, operæ pretium esse duximus, interim separatim priùs de legatis, & postea de fideicommissis tractare, ut naturæ utriusque juris cognita, facile possint permissionem eorum eruditi subtilioribus auribus accipere.

4. Non solum autem testatoris vel hæredis res, sed etiam aliena legari potest: ita ut hæres cogatur redimere eam, & præstare, vel si eam non potest redimere, æstimationem ejus dare. Sed si talis sit res, cujus commercium non est, vel adipisci non potest, nec æstimatio ejus deberi: veluti si campum Martium, vel basilicas, vel templa, vel quæ publico usui destinata sunt, legaverit, nam nullius momenti tale legatum est. Quod autem diximus, alienam rem posse legari ita intelligendum est, si defunctus sciebat alienam rem esse, non si ignorabat, forsitan enim

si scivisset alienam rem esse, non legasset: & ita civis Pius rescriptit. Et verius est, ipsum, qui agit, id est, legatarium probare oportere. Scivisse alienam rem legare defunctum; non heredem probare oportere, ignorasse alienam: quia semper necessitas probandi incumbit illi, qui agit.

5. Sed & si rem obligatam creditori aliquis legaverit, necesse habet haeres eam luere. Et in hoc quoque casu idem placet, quod in re alienata: ita demum luere necesse habeat haeres, si sciebat defunctus rem obligatam esse, & ita Divi Severus & Antoninus rescripserunt. Si tamen defunctus voluerit legatarium luere, & hoc expresserit, non debet haeres eam luere.

6. Si res aliena legata fuerit, & ejus rei vivo testatore legatarius dominus factus fuerit, si quidem ex causa emptionis, ex testamento actione pretium consequi potest; si vero ex causa lucrativa, veluti ex donatione, vel ex alia simili causa, agere non potest: nam traditum est, duas lucrativas causas in eundem hominem, & eandem rem concurrere non posse. Haec ratio, si ex duobus testamentis eadem res eidem debeatur, interest, utrum rem, an aestimationem ex testamento consequutus sit. Nam si rem habet, agere non potest, quia habet eam ex causa lucrativa; si aestimationem, agere potest.

7. Ea quoque res, quae in rerum natura non est, si modo futura est, rectè legatur: veluti si fructus, qui in illo fundo nati erunt, aut quod ex illa ancilla natum erit.

8. Si eadem res duobus legata sit, sive conjunctim, sive disjunctim, si ambo perveniant ad legatum, scinditur inter eos legatum: si alter deficiat (quia aut spreverit legatum, aut vivo testatore decesserit, vel alio quoquo modo defecerit) totum ad collegatarium pertinet. Conjunctim autem legatur, veluti si quis dicat, *Titio & Seio hominem Stichum do lego*: disjunctim ita, *Titio hominem Stichum do lego: Seio hominem Stichum do lego*. Sed & si expresserit *eundem hominem Stichum*, æque disjunctim legatum intelligitur.

9. Si cui fundus alienus legatus sit, & emerit proprietatem, deducto usufructu, & usufructus ad eum pervenerit, & postea ex testamento agat, rectè eum agere, & fundum petere Julianus ait; quia usufructus in petitione, servitutis locum obtinet: sed officio judicis continetur, ut, deducto usufructu, jubeat aestimationem praestari.

10. Sed si rem legatarii quis ei legaverit, inutile est legatum: quia quod proprium est ipsius, amplius ejus fieri non potest. Et licet alienaverit eam, non debetur nec ipsa res, nec aestimatio ejus.

11. Si quis rem suam quasi alienam legaverit, valet legatum: nam plus valet quod in veritate est, quàm quod in opinione. Sed & si legatarii esse putavit, valet conit: quia exitu voluntas defuncti habere potest.

12. Si rem suam legaverit testator, posteaque eam alienavit, Celsus putat, si non adimendi animo vendidit, nihilominus deberi. Idemque divi Severus & Antoninus rescripserunt. Idem rescripserunt, eum, qui post testamentum factum pradia, quae legata erant, pignori dedit, ademptis legatum non videri: & ideo

legatarium cum hærede ejus agere posse, ut prædia à creditore luantur. Si verò quis partem rei legate alienaverit, pars, quæ non est alienata, omnino debetur: pars autem alienata ita debetur, si non adimendi animo alienata sit.

13. Si quis debitori suo liberationem legaverit, legatum utile est: & neque ab ipso debitor, neque ab hærede ejus potest hæres petere, neque ab alio, qui hæredis loco sit. Sed & potest à debitor conveniri, ut liberet eum: potest etiam quis vel ad tempus jubere, ne hæres perat.

14. Ex contrario, si debitor creditori suo quod debet legaverit, inutile est legatum, si nihil plus est in legato, quam in debitor: quia nihil amplius per legatum habet. Quod si in diem vel sub conditione debitum ei purè legaverit, utile est legatum, propter representationem. Quod si vivo testatore dies venerit, vel conditio extiterit, Papinianus scripsit, utile esse nihilominus legatum, quia semel constitit, quod & verum est. Non enim placuit sententia existimantium, extinctum esse legatum, quia in eam causam pervenerit, à qua incipere non potest.

15. Sed si uxori maritus dotem legaverit, valet legatum: quia plenius est legatum, quam de dote actio. Sed si quam non accepit dotem legaverit, divi Severus & Antoninus rescripserunt, si quidem simpliciter legaverit, inutile esse legatum: si verò certa pecunia, vel certum corpus, aut instrumenta dotis in relegando demonstrata sunt, valere legatum.

16. Si res legata sine facto hæredis perierit, legatario decedit. Et si servus alienus legatus sine facto hæredis manumissus fuerit, non tenetur hæres. Si verò hæredis servus legatus sit, & ipse eum manumiserit, teneri ipsum Julianus scripsit: nec interest, sciverit, an ignoraverit à se legatum esse. Sed & si alii donaverit servum, & is, cui donatus est, eum manumiserit, tenetur hæres, quamvis ignoraverit à se eum legatum esse.

17. Si quis ancillas cum suis natis legaverit, etiam si ancilla mortua fuerint, partus legato cedunt. Idem est, & si ordinarii servi cum vicariis legati fuerint: quia licet mortui sint ordinarii, tamen vicarii legato cedunt. Sed si servus fuerit cum peculio legatus, mortuo servo, vel manumisso, vel alienato, peculii legatum extinguitur. Idem est, si fundus instructus, vel cum instrumento legatus fuerit: nam fundo alienato, & instrumenti legatum extinguitur.

18. Si grex legatus fuerit, & postea ad unam ovem pervenerit, quod superfuerit, vindicari potest. Grege autem legato, etiam eas oves, quæ post testamentum factum gregi adjiciuntur, legato cedere, Julianus ait. Est autem gregis unum corpus ex distantibus capitibus, sicut adium unum corpus est ex coherentibus lapidibus.

19. Aedibus denique legatis columnas & marmora, quæ post testamentum adjecta sunt, legato dicimus cedere.

20. Si peculium legatum fuerit, sine dubio quicquid peculio accedit, vel decedit, vivo testatore, legatarii lucro vel damno est. Quod si post mortem testatoris ante aditam hereditatem aliquid servus adquisierit, Julianus ait, si quidem ipsi manumisso peculium legatum fuerit, omne, quod ante aditam hereditatem adquisi-

adquisitum est. legatario cedere, quia huiusmodi legati dies ab adita hereditate cedit: sed si extraneo peculium legatum fuerit, non cedere ea legato, nisi ex rebus Peculiaribus autum fuerit peculium. Peculium autem nisi legatum fuerit, manu-
misso non debetur: quamvis si vivus manumiserit, sufficit, si non adimatur, & ita divi Severus & Antoninus rescripserunt. Item rescripserunt, peculio legato, non videri id relictum, ut petitionem habeat, eamque, quam in rationes dominicas impenderit. Idem rescripserunt, peculium videri legatum, cum rationibus red-
ditis liber esse iussus est, & ex eo tenqua inferre.

21. Tam autem corporales res legari possunt, quam incorporales. Et ideo quod defuncto debetur, potest alicui legari, ut actiones suas hæres legatario præ-
stet: nisi exegerit vivus testator pecuniam, nam hoc casu legatum extinguitur. Sed & tale legatum valet, *Damnus esto hæres meus domum illius restituere. vel illum are alio-
no liberare.*

22. Si generaliter servus vel res alia legetur, electio legatarii est, nisi aliud te-
stator dixerit.

23. Optionis legatum, id est, ubi testator ex servis suis, vel aliis rebus optare legatarium iusserat, habebat olim in se conditionem: & ideo nisi ipse legatarius vivus optallet, ad hæredem legatum non trans mittebat. Sed ex Constitutione nostra & hoc in meliorem statum reformatum est, & data est licentia hæredi le-
gatarii optare servum, licet vivus legatarius hoc non fecerit. Et diligentiori tra-
ctatu habito, & hoc in nostra Constitutione additum est: si plures legatarii ex-
titerint, quibus optio relicta est, & dissentiant in corpore eligendo, sive unius le-
gatarii plures hæres sint, & inter se circa optandum dissentiant, alio aliud cor-
pus eligere cupiente, ne pereat legatum (quod plerique prudentium contra be-
nevolentiam introducebant) fortunam esse huius optionis iudicem, & forte hoc
esse diiudicandum, ut ad quem fors venerit, illius sententia in optione præcel-
lat.

24. Legari autem illis solum potest, cum quibus testamenti factio est.

25. Incertis verò personis neque legata, neque fideicommissa olim relinqui
concessum erat. Nam ne miles quidem incertæ personæ poterat relinquere, ut
divus Hadrianus rescripsit. Incerta autem persona videbatur, quam incertâ opi-
nionem animo suo testator subiciebat: veluti si quis ita dicat, *Quicumque filio meo
filiam suam in matrimonium duxerit, hæres meus secundum dato.* Illud quoque, quod his re-
linquebatur, qui post testamentum scriptum primi Consules designati essent, æquæ
incertæ personæ legari videbatur, & denique multæ alia huiusmodi species
sunt. Libertas quoque incertæ personæ non videbatur posse dari, quia placebat
nom natim servos liberari. Sub certa verò demonstratione, id est ex certis perso-
nis incertæ personæ rectè legabatur, veluti, *Ex cognata mea, qui nunc sunt, si qua filiam
meam uxorem duxerit, et hæres meus illam emat.* Incertis autem personis legata vel fi-
deicommissa relicta, & per errorem soluta, repeti non posse sacris constitutionibus
cautum erat.

26. Posthumum quoque alieno inutiliter antea legabatur. Est autem alienus
posthu-

posthumus, qui natus inter suos hæres testatori futurus non est. Ideoque ex emancipato filio conceptus nepos, extraneus erat posthumus avo.

27. Sed nec huiusmodi species penitus est sine iusta emendatione relicta, cum in nostro Codice Constitutio posita sit, per quam & huic parti medemur, non solum in hæreditatibus, sed etiam in legatis & fideicommissis: quod evidenter ex ipsius Constitutionis lectione clarescit. Tutor autem nec per nostram Constitutionem incertus dari debet: quia certo iudicio debet quis pro tutela suæ posteritati cavere.

28. Posthumus autem alienus hæres institui & antè poterat, & nunc potest: nisi in utero ejus sit, quæ jure nostro uxor esse non potest.

29. Si quidem in nomine, cognomine, prænomine, agnomine legatarii testator erraverit, cum de persona constat, nihilominus valet legatum. Idemque in hæredibus servatur: & rectè. Nomina enim significandorum nominum gratiâ reperia sunt, qui si alio quolibet modo intelligantur, nihil interest.

30. Huic proxima est illa juris regula, falsâ demonstratione legatum non perimitur: veluti si quis ita legaverit, *Si chem servum meum vernam do lego*. Licet enim non verna, sed emptus sit, si tamen de servo constat, utile est legatum. Et convenienter, si ita demonstraverit, *Si chem servum, quem a Scio emi*, sitque ab alio emptus, utile est legatum, si de servo constat.

31. Longè magis legato falsâ causâ adjecta non nocet: veluti cum quis ita dixerit, *Titio, quia me absente negotia mea curavit Stichum do lego*: vel ita, *Titio quia patrocinio ejus capitali crimine liberatus sum, Stichum do lego*. Licet enim neque negotia testatoris unquam gesserit Titius, neque patrocinio ejus liberatus sit, legatum tamen valet. Sed si conditionaliter enunciata fuerit causâ, aliud juris est, veluti hoc modo: *Titio, si negotia mea curaverit, secundum meum do lego*.

32. An servo hæredis rectè legamus, queritur: & constat purè inutiliter legari, nec quicquam proficere, si vivo testatore de potestate hæredis exierit: quia quod inutile foret legatum, si statim, post factum testamentum decessisset testator, hoc non debet ideo valere, quia diutius testator vixerit. Sub conditione verò rectè legatur servo, ut requiramus, an quo tempore dies legati cedit, in potestate hæredis non sit.

33. Ex diverso, hærede instituto servo, quin domino rectè etiam sine conditione legetur, non dubitatur. Nam et si statim post factum testamentum decesserit testator, non tamen apud eum, qui hæres sit, dies legati cedere intelligitur; cum hæreditas à legato separata sit, & possit per eum servum alius hæres effici si prius, quam jussu domini adeat in alterius potestatem translatus sit, vel manumissus ipse hæres efficitur: quibus casibus utile est legatum. Quod si in eadem causâ permanserit, & jussu legatarii adierit evanescit legatum.

34. Ante hæredis institutionem inutiliter antea legabatur: scilicet quia testamentum vim ex institutione hæredis accipiunt, & ob id veluti caput atque fundamentum intelligitur totius testamenti hæredis institutio. Pari ratione nec libertas ante hæredis institutionem dari poterat. Sed quia incivile esse putavimus, scriptu-

re ordinem quidem sequi (quod & ipsi antiquitati vituperandum fuerat visum) sperni autem testatoris voluntatem, per nostram Constitutionem & hoc vitium emendavimus: ut liceat & ante hæredis institutionem, & inter medias hæredum institutiones legatum relinquere, & multò magis libertatem, cujus usus favorabilior est.

35. Post mortem quoque hæredis aut legatarii simili modo inutiliter legabatur: veluti si quis ita dicat, *cum hæres meus mortuus fuerit, do, lego.* Item, *pridie quam hæres aut legatarius morietur.* Sed simili modo & hoc correximus, firmitatem huiusmodi legatis ad fideicommissorum similitudinem præstantes; ne in hoc casu deterior causa legatorum, quam fideicommissorum inveniatur.

36. Pænæ quoque nomine inutiliter antea legabatur, & adimebatur, vel transferebatur. Pænæ autem nomine legari videtur, quod coercendi hæredis causa relinquitur, quo magis aliquid faciat, aut non faciat: veluti si quis ita scripserit: *Hæres meus si filiam suam in matrimonium Titio collocaverit: vel ex diverso, si non collocaverit, dato decem aureos Seio:* aut si ita scripserit: *Hæres meus si servum Stichum alienaverit: vel ex diverso, si non alienaverit, Titio decem aureos dato.* Et in tantum hæc regula observabatur, ut quàm plurimis Principalibus Constitutionibus significaretur, nec Principem agnoscere, quod ei pænæ nomine legatum sit. Nec ex militis quidem testamento talia legata valebant, quamvis aliæ militum voluntates in ordinandis testamentis valde observabantur. Quin etiam nec libertates pænæ nomine dari posse placebat. Eo ampliùs nec hæredem pænæ nomine adjici posse, Sabinus existimabat: veluti si quis dicat, *Titius hæres esto, si Titius filiam suam in matrimonium Seio collocaverit, Seius quoque hæres esto.* Nihil enim intererat, quâ ratione Titius coerceretur, utrùm legati datione, an cohæredis adjectione. Sed huiusmodi scrupulositas nobis non placuit: & generaliter ea, quæ relinquuntur, licet pænæ nomine fuerint relicta, vel adempta, vel in alium translata, nihil distare à cæteris legatis constituimus, vel in dando, vel in adimendo, vel in transferendo: exceptis videlicet iis, quæ impossibilia sunt, vel legibus interdicta, aut alias probrosa. Huiusmodi enim testamentorum dispositiones valere, secta meorum temporum non patitur.

COMMENTARIUS.

SUMMARIA.

1. Ratio ordinis. Legatum quid, ejusque definitio expenditur.
2. Legatorum olim genera quatuor, & inter ea differentia.
3. Hodie una omnium natura, ex Iustiniani Constitutione.
4. Differentia olim inter legata & fideicommissa.
5. Ea sublata à Iustiniano, & legata fideicommissis exæquata.

6. Exaquo hac quatenus procedat.
7. An ea recte attribuaturs Iustiniano.
8. Inutile est legatum rei, cuius non est commercium.
9. Quid si rei quidem sit commercium, sed eius incapax legatarius?
10. Legari potest res aliena.
11. Etiam iure Canonico.
12. Dummodo sciverit testator alienam esse.
13. Res pignori obligata quatenus legari possit.
14. Rei aliena legatum consecutus ex causa lucrativa ad eius estimationem agere non potest.
15. Secus si ex causa onerosa.
16. Recte legantur res, quae futura sunt.
17. Ius accrescendi inter coheredes qualiter locum habeat.
18. Item inter legatarios conjunctos: & qui conjuncti dicantur.
19. Non habet locum inter conjunctos verbis tantum.
20. Habet locum inter conjunctos re tantum, item re & verbis simul.
21. Conjunctis re & verbis pars vacans accrescit cum onere.
22. Conjunctis re tantum sine onere.
23. Cur invito accrescat.
24. Conjuncto re tantum concurrente cum conjuncto verbis tantum, quis preferendus.
25. Ius accrescendi habet & locum in usufructu.
26. Item in donatione mortis causa.
27. Fundo alieno legato, cuius proprietatem legatarius emit, usufructum gratis nactus est, an fundum petere possit?
28. Res legatarii propria ei non recte legatur.
29. Res sua quasi aliena recte legatur.
30. Testator rem suam, putans esse legatarii, recte legat.
31. Creditor debitori suo liberationem utiliter legat.
32. Estque utile hoc legatum etiam heredi legatarii.
33. Pignore legato, non videri legatam liberationem.
34. Debitor creditori suo id quod debet quatenus utiliter leget.
35. Legatum dotis à marito factum uxori valet.
36. Interitus rei legata cui cedat.
37. Extincto principali extinguitur eius accessorium: & quae accessorii loco veniant, quaeque principaliter.
38. Legato fundi instructi & legato instrumenti quid veniat.
39. Intellectus l. Si cui §. D. De fundo instr. leg. Et conciliatio cum hoc §.
40. Legato gregis quid veniat.
41. Quid legato peculij.
42. Legati dies quando cedere dicatur.
43. Cedere & venire dies quando dicatur.
44. Legantur res & corporales & incorporales.

45. Et vel in specie seu individuo, vel in genere.
46. Re generaliter legatâ cuius sit electio.
47. Optione legatâ electio est legatarii, & in quo differat à legato generali.
48. Quibus rectè legetur.
49. Persona incerta an & quatenus legari possit.
50. An & posthumus, sive suo, sive alieno.
51. Posthumum alienum & antè institui potuisse, & nunc posse, quomodo intelligendum.
52. Error circa nomen aut cognomen non vitiat legatum.
53. Ut neque falsa demonstratio rei legatæ.
54. Neque falsitas causa.
55. Nisi per modum conditionis causa adjecta fuerit.
56. Conditionis potestativa defectus an noceat legato?
57. An & mixta conditionis defectus?
58. Dies incertus est loco conditionis.
59. Modus rectè adicitur legato, & quando implendus.
60. Servo hæredis cur non rectè legetur.
61. Legari hodie potest ante hæredis institutionem.
62. Item post mortem legatarii aut hæredis.
63. Rectè quoque legari pœna nomine, sive adjectâ pœnâ in contravenientem.

Testamentis non tantum ea, quæ jure universali deferuntur, uti hæreditas, ¹ relinqui solent, sed & quæ singulari, ut legata, fideicommissa, de quibus ideo rectè subjungitur, ut habetur *hic in princ.* & primò quidem de legatis agitur. (a)

Legatum Florentinus I. C. in l. Legatum 1 16. D. De legat. 1. vocat DELIBATIO- ²
NEM HÆREDITATIS, respectu habito ad L. Falcidiam, cum jure pristino tota hæreditas exhauriri potuerit legatis, *inf. tit. 22.* Modestinus in l. Legatum. 36. D. De leg. 2. vocat DONATIONEM TESTAMENTO RELICTAM. Quæ descriptio pristino magis quam posteriori juri convenit, quo & codicillis & ab intestato legata relinquuntur. Rectius hîc describitur esse DONATIO QUÆ DAM A DEFUNCTO RELICTA, verbis scilicet directis: nam legare est imperativè & legis modo quid relinquere. Ulp. in frag. tit. 24. Unde excluduntur fideicommissa, quia obliquis verbis relinquuntur. Uti & excluditur donatio inter vivos, & mortis causâ illa, quia à vivente præstatur; hæc ex eadem ratione, quia à vivente transeat in donatarium. Relinqui autem propriè dicuntur, quæ ultimâ voluntate post mortem in aliquem transeunt. Subjunguntur in plerisque testatoris textibus verba, AB HÆREDE PRÆSTANDA, quæ nō malè aliquibus videntur supposititia: tum quòd Theophilus ea non agnoscat, tum quòd pristino magis quam moderno juri conveniant, quo non tantum hæres ea præstat, sed & legatarius, & hæredis hæres. (b) Rectè dicitur donatio, quòd liberalitatem sine onere contineat, nullo jure cogente, in quo distinguitur ab hæreditate, quæ onera continet.

§. *Sed olim quidem.*

- 2 **P**roformularum varietate, quibus olim testatores utebantur, varia erant legatorum genera, quæ hic referuntur. Legabatur enim vel PER VINDICATIONEM, *Do, Lego, Capito, Sumito*: (c) vel PER DAMNATIONEM, *Hæres meus damnas esto dare, Hæres meus dato*: vel PER MODUM SINENDI, *Hæres meus finito Mevium rem istam sumere, habere*: vel denique PER PRÆCEPTIONEM, quâ unus hæredum iussus præcipere quid. Inter ea suæ erant differentiæ: nam primo genere tantum poterant relinqui res propriæ testatoris, & tempore testamenti & mortis, præterquam si pondere, numero, mensurâ constarent: in his enim satis erat, si vel mortis dumtaxat tempore fuissent testatoris, ex jure Quiritium. Ut res aliena hoc modo legari non potuerit, eo quod modus hic non tantum personalem, sed & realem det actionem, quæ nulla in rem alienam. Secundo etiam alienæ relinquebantur, quod tantum afficeret personam. Tertio res testatoris non etiam alienæ, nisi ejus, qui rectè gravatur: uti hæredis, qui acceptando commodum hæreditatis, videtur onus legati agnovisse, ad quod cogebatur actione personali ex testamento. Quarto res propriæ tantum, quæ exigebantur iudicio familiaræ erciscundæ. Videatur *Theoph. hic & Vlp. tit. XXV. De legat.* (d) * Justinianus simplicitatis amans, sublatâ hac varietate, UNAM OMNIBUS LEGATIS NATURAM dedit, vim ac potestatem eandem, QUIBUSCUMQUE VERBIS SINE RELICTA, *ut habet hic text.* eademque actione peti voluit, quæ triplex hic ponitur. Prima IN PERSONAM, ex testamento, quali ex contractu, quoddadeundo videatur quasi contrahere hæres cum legatariis, §. *Hæres quoque inf. De oblig. quasi ex contr.* Secunda IN REM, ratione domini, quod statim à mortæ testatoris transit in ipsum legatarium, *l. A Titio 64. D. De furt.* quatenus res est testatoris, quia in rem alienam ut nihil est juris, ita nihil transfertur. Tertia HYPOTHECARIA; nam res hæreditariæ tacito pignoris jure tenentur legatariis, *l. 1. C. Com. de legat.* (e) Non dantur autem hætres actiones, ut quis omnibus simul utatur, sed ut laxior commodiorque sit facultas persequendi & consequendi legatum per unam earum electam, *l. Cum filius 76. §. variis pen. D. De legat. 1.* (f)

§. *Sed non usque.*

- 4 **E**rant & olim variæ INTER LEGATA ET FIDEI COMMISSA DIFFERENTIÆ. Hæc humaniora & pinguiora istis. Ista enim tantum directis verbis & Latinis relinquebantur, testamento, ab hærede, aut codicillis testamento confirmatis, non post mortem hæredis, nec ante hæredis institutionem: hæc verò precariis, etiam non Latinis, ab intestato, à legatario, à fideicommissario. Ista vicissim in eo potiora, quod actionibus tribus supradictis peterentur: hæc verò ab initio infirma fuerint, & postea consecuta actionem personalem, *ut dicitur inf. tit. 23.* non etiam realem, cum non capiantur directo a testatore, sed in-

terpo-

terpositâ hæredis personâ, cuius traditione opus erat, ad acquirendum dominium.
 *Sustulit has differentias Iustinianus l. 1. & 2. C. *Communia de legatis*, ubi LEGATA OMNIA FIDEICOMMISSIS EXÆQUAVIT, & quod in legatis præcipuum erat transtulit ad fideicommissa, & è contrâ : ut non tam habeatur ratio formulæ verborum & rigoris juris, qui obtinet in legatis, quàm benignitatis, secundû mentem testatoris, juxta quam judicandum, an sit legatum, an fideicommissum. Ut hodie legata relinquuntur etiam codicillis testamento non confirmatis, & ab intestato, non tantum ab hærede, sed & ab hærede hæredis, à legatario, post mortem hæredis, ante institutionem : è contrâ fideicommissa non tantum petantur actione personalis, sed & reali, & hypothecariâ. (g)* Quæ exæquatio, inducta ad servandam testatoris voluntatem, limitanda. Primò, ut tantum procedat quoad vim & effectum, non etiam quoad modum & formam. Nam eatenus etiam hodie manet diversitas, cum aliâ verborum formâ, legata directis, scilicet *Do, lego*; aliâ fideicommissa, precarijs, scilicet *Rogo, Volo, Mando*, relinquuntur. Secundò, ut tantum procedat quoad legata & fideicommissa particularia: nam universalia etiam hodie differentiam retinent, cum universalis fideicommissarius possit cogere hæredem invitum adire & restituere, non etiam particularis, Gl. in l. 1. D. *De legat.* 1. & singularia nonteneant, si hæreditas non sit solvendo, universalia autem valeant, cum & obarata hæreditatis possit esse hæres. Tertiò, ut non procedat in relicta hæreditate, quæ legata competit ab adita hæreditate, & facit libertum orcinum; relicta verò fideicommissio præstanda est ab hærede, cuius manumissus est libertus, tit. 24.

Controversum autem An hæc: exæquatio legatorum & fideicommissorum rectè attribuat Iustiniano? Causa dubitandi sumitur ex l. 1. D. *De legat.* 1. ubi PER OMNIA dicuntur LEGATA EXÆQUATA FIDEICOMMISSIS, ut possit videri etiam antè obtinuisse. Verum dicendum, Iustiniano rectè eam attribui, non obstante d. l. 1. cum tantum loquatur de adæquatione, quantum ad deductionem quartæ Falcidiæ, quæ obtinet in legatis, & extensa ad fideicommissa per S. C. cum Pegasianum. Et quantum ad interdictum Quod legatarium, quod & datum nomine fideicommissorum, ad retinendam quartam, de quo Ulpianum eodem librò tractasse patet ex inscriptione l. 1. D. *Quod legator.* quæ eadem est cum inscriptione d. l. 1. *De legat.* Ut nequeat ista lex accipi generaliter, sed restringi debeat ad materiam subjectam. Quò facit, quòd non male aliqui judicent, ista verba, *per omnia*, in d. l. 1. esse interpolata per Tribonianum ex jure posteriori. Cujac. ad d. l. 1. Duar. 2. *Disput. cap. 9.*

§. Non solum.

SUBJECTUM legati est RES OMNIS, QUÆ vel lege, vel consuetudine SUBIACET COMMERCIO: ut rectè hic dicatur, INUTILE ESSE LEGATUM, REI SACRÆ, RELIGIOSÆ, LIBERI HOMINIS, cum haberi non possint. Adeò ut ne quidem æstimatio talium rerum debeatur; cum ubi res non debetur, nec veniat præstan-


præstanda ejus æstimatio, *text. hic.* Hæc enim cum respiciat debitum, quod est ad rem, nullo debito posito exigi nequit. Idem est in rebus, quæ PUBLICO USUI SUNT DESTINATÆ, uti campus Martius, basilica, *text. hic.* * Quod videtur & procedere in re, cujus quidem est commercium, verum ejus est incapax legatarius, per *l. Mortuo 49. §. Labeo D. De legat. 2.* ubi frustra legatur agere ei, qui ejus commercium non habet: & per *l. Multum 34. D. De verb. oblig.* ubi res, quæ non est in commercio stipulatoris, inutiliter ei promittitur, ut ne quidem debeatur ejus æstimatio, quæ non est promissa: nisi res sit ejus conditionis, ut & æstimatio censeatur legata, ut in *d. l. 49. §. 1.* ubi militiæ servo legata, licet ejus sit incapax, debetur tamen æstimatio, quatenus legata à sciente servum esse, *l. Fidei commissi 11. §. si servo 16. De legat. 3.* Nam militiæ nomine ibi veniunt commoda annonarum, & salaria, quæ militiam exercentibus præstabantur, erantque in commercio, & emi, vendi poterant, *l. Lucius 22. De leg. 2. (h)* * Itaque ea tantum res, cujus est commercium, legatur; NEC TANTUM SUA, SED ET ALIENA, *text. hic in pr.* Cui non obstat, quod in rem alienam nihil sit juris; quia eam legando, nihil juris in rem dat legatario testator, cum tantum gravet heredem, eam redemptam præstare, aut si commodè redimi nequeat, ejus æstimationem, quod nihil habet in se mali.

11 * Ut verior sit eorum opinio, qui volunt jure Canonico rectè legari rem alienam: quod probatur *can. Si Episcopus xii. q. 5.* ubi Episcopus rem Ecclesiæ legat, qui tantumdem Ecclesiæ reliquit. Ut nihil obstat *c. Filius 5. ii. De testam.* cum non aliò spectet ejus definitio, quam legatarium non posse detinere rem legatam, invito domino, in cujus defensionem ille perperam allegabat juris civilis dispositionem, quæ permittit quidem rem alienam legari, non etiam invito domino detineri, ut rectè hic advertit Balduin. & Covarr. *ad. d. c. 5. (i)*

§. Quod autem diximus.

Quod dictum, rem alienam legatam deberi, verum est, SI TESTATOR ALIENAM SCIVERIT: nam per ignorantiam causata falsa opinio, facit deesse voluntatem legandi, quæ in suis legandis quàm alienis comparandis, & onerandis hæredibus, est facilior, *l. Vnum. 67. §. si rem in fine D. De legat. 2.* Præsumitur autem in dubio ignorasse testator, rem alienam esse, ut scientiæ probatio legatario ut alleganti incumbat, *text. hic,* secundum regulam, quæ allegantem onere probationis gravat. Nisi aliò trahat conjectura, veluti si aliena tanquam sua legetur propinquo, affini, uxori, *l. Cum rem alienam 10. C. h. t.* Affectus enim erga tales personas facit præsumi, testatorem etiam scientem, alienam rem esse, legaturum nihilominus eam fuisse. (k) Et hoc ita in re aliena; nisi fuerit hæredis, quæ legata debetur, etiam si testator putaverit suam esse, eo quod hoc casu non gravetur hæres. præstando rem, quam penes se habet, *d. §. si rem.* Quo casu non liberabitur hæres præstando æstimationem, sed rem ipsam præstare tenetur, quod ea sit legata, ejusque præstatio sit illi facilis, ad quam adeundo se obligavit.

§. Sed



§. Sed et si rem.

Distinctio data in re aliena legata habet & locum in RE OBLIGATA PIGNORI LEGATA, non an sit censenda legata, cum legatum ejus omnino teneat, siue sciat, siue ignoret obligatam testator; sed uter luere debeat, hæres, an legatarius. Nam si sciverit, luit hæres; si ignoraverit, legatarius luit, ex ratione jam dicta: nisi aliud exprefferit testator, aut alia appareat voluntas, *l. Si res 57. De legat. 1. (1)*

§. Si res aliena.

Quod dictum, rem alienam legatam, vel praestandam esse redemptam, vel ejus aestimationem offerendam honorato, exceptionem patitur, SI EI ANTE ALIUNDE ACCESSERIT EX CAUSSA LUCRATIVA, scilicet hereditate, legato, fideicommissio, donatione, aut simili. Cujus ratio est, quod res in eum casum devenierit, à quo inchoari nequit, cum jam sua sit, ut iteratò sua fieri nequeat, nam quod semel nostrum factum, amplius nostrum fieri nequit, *l. 1 59. De R.I. Nec est*, quod ad pretium agatur, quod non abest, cum res ad eum pervenerit ex causa lucrativa; atque ita succedit regula, DUAS CAUSSAS LUCRATIVAS NON CONCURRERE IN EAMDEM REM, id est unum, idemque corpus. Dico, corpus; quia aliud est in quantitate, quæ diversis testamentis relicta debetur, nec excluditur legatarius, si unus testamento relictam summam perceperit, quod minus ex altera petat, *l. Titia 87. in pr. De legat. 2.* eò quod non eadem summa, sed alia atque alia sit legata, *l. Planè 34. §. sed si non corpus D. De legat. 1.* ubi hoc dicitur procedere, etiam si in eodem testamento relinquatur sæpius quantitas, si ita habeat testatoris mens. Exemplum est in *l. Quingenta 12. D. De probat. (m)* Est tamen legatum corporis unius duorum testamentis utile, si legatarius prius ab uno hærede petat corporis pretium, ab altero verò corpus ipsum, *tex. hic vers. hac ratione.* cum pretium rei habens, non possit videri rem habere. (n) Atque ita cessabit prædicta regula: quæ etiam cessabit in casu, quo res relicta non est permansura apud honoratum, qui eam restituere est jussus, ut non possit videri eam habere, *l. Si servus 108. §. sed si eum mihi De legat. 1.* Habet itaque locum dicta regula in CAUSSA LUCRATIVA. * Ut neutiquam obtineat in CAUSSA ONEROSA, nec impediatur honoratus, ad quam res legata pervenit, ex causa emptionis, permutationis, aut simili, agere ex testamento; non tam ut rem consequatur, quam habet, quam ejus pretium, quod ei abest, cujus absentia facit videri rem non haberi, *tex. hic & d.l. 34. §. quod si rem.* Idem est, si pro re legata alterius testamento jussus sit aliquid dare; nam cum eatenus res absit, rectè ex testamento alterius actio est ad legatum, quatenus abest, *d.l. 34. §. & multò magis.* (o) Corpora in genere relicta diversorum testamentis nemo est impediendus petere ex singulis, cum dicta regula tantum loquatur de corpore uno in specie relicto, Quod & procedet, si pars rudi simpliciter legetur; nam unus solutio perimet

perimet actionem ex altero testamento, *l. Titius 83. D. De legat. 1. l. Marius 66. §. sed si pars De legat. 2.*

§. Ea quoque res.

- 16 **R**atio est, quia legatum extare potest, atque ita utile esse: fructus enim nati debentur legatario, *text. hic & l. 3. De legat. 3.* licet antequam nati sunt non sint præstandi; inest enim conditio, si nascantur. Quæ tamen non impedit transmissionem, cum tacite insit, qualis non facit legatum conditionale, *l. Conditiones 99. D. De condit. & demonstrat.* Si res ne quidem futura sit, nullum est legatum, cum finis ejus desit: quo modo mortuus homo non legatur utiliter.

§. Si eadem res.

- 17 **A**d jus accrescendi spectat hic §. quod est jus, **QUO PARS VACANS CEDIT ET ACCRESCIT PARTI OCCUPATÆ.** Habet primò locum in hæreditatibus, non tam ex vi conjunctionis, quàm ex regula juris, quæ judicat esse absurdum, defunctum partim esse testatum, partim intestatum. Ut etiam invito hæredi pars vacans sine nova additione accrescat, si partem suam agnoverit, aut etiam rem certam, ex qua scriptus hæres. Trahitur enim institutio ex parte, aut re certa facta, ad totum jus defuncti; quasi universaliter facta esset, sine mentione partis aut rei, secundum dicta *sup. Tit. XIV.* Quatenus tamen res ista est testatoris; nam si aliena fuerit, ut non valet super eâ institutio, *l. 8. §. si post D. De jure codicill. l. fin. in fine C. De hæred. instit.* ita nec potest operari jus accrescendi in reliquis testatoris bonis, quia nulla ea sunt apud institutum nulliter, quibus accrescat reliqua pars vacans. Non est autem supervacua conjunctio in his, quantum ad jus accrescendi, cum inducat prælationem respectu eorum, qui non sunt conjuncti. Nam conjunctorum uno deficiente, ejus pars ad conjunctum veniet, non etiam ad eum, qui separatâ oratione est vocatus ad eandem partem aut hæreditatem, *l. Hæres 62. D. De hæred. instit.* Quamvis si ex separatis aliquis deficiat, ejus pars simul & ad alios pertineat. Ratio est in vi unitatis sermonis, quæ facit conjunctos velut in unum corpus redactos, ut quasi suam partem præoccupent, quæ cessat in vocatis separatim, *l. unica §. his ita in fine C. De caducis tollen.* Idem jus est in bonorum possessoribus, ut, aliquo ex pluribus possessionem non admittente, portio ejus aliis accrescat, *l. 3. §. ult. D. De bonor. poss. & l. unica C. Quando non petent. partes petentib. accresc.* Idem & obtinet inter hæredes legitimos, ex supradicta ratione.

- 18 Secundò, jus accrescendi locum habet in legatis, idque non nisi ratione conjunctionis, quam triplicem ponit J. C^{us} in *l. Re conjuncti 89. De legat. 3. & l. Triplici 142. D. De P. S.* Primo **RE ET VERBIS**, quando eodem orationis nexu res una legatur pluribus, ut, *Primo & secundo fundum Tusculanum do, lego (p)* Secundò, **RE TANTUM**, quando separatâ oratione res legatur pluribus, *Primo fundum Tusculanum do, lego, secundo eundem do, lego.* Tertiò, **VERBIS TANTUM** quando eadem res

eâdem res legatur pluribus, eâdem quidem oratione, sed expressis partibus; veluti, *Primo & secundo fundum equis partibus do, lego.* * Ut tertio hoc in genere jus accrescendi non possit dici habere locum, cum non alibi reperiatur, quam ubi ab initio non habentur constitutæ partes à testatore. *l. 3. in pr. & l. pen. D. De usufructu accresce.* quæ in hoc tertio genere expressæ sunt. Quò facit, quod Iustinianus *hic & in d. l. §. ubi autem*, tantum faciat mentionem conjunctorum re & verbis, defunctorum, qui sunt conjuncti re tantum. Unde *d. §. huiusmodi*, dum dicit, verbis conjunctos, propter unitatem sermonis, in unum quasi corpus redactos, accipiendus de conjunctione verbali, non nuda, sed cui accessit conjunctio rei. (9) Multò minus inter conjunctos sunt habendi, ad effectum juris accrescendi, quibus eâdem scripturâ res diversæ legantur, *l. Huiusmodi 84. §. pen. De legat. 1.*

Ut conjuncti hac in materia tantum sint censendi, qui partes concursu faciunt, expressè autem à testatore constitutas ab initio non habent, quos spectant conjuncti duobus prioribus modis, nimirum re & verbis simul, & re tantum. * Inter quos tamen est quedam diversitas, cum conjuncto pars vacans non nisi volenti accedat, & quidem cum onere, *d. §. ubi autem*. Ratio prioris est, quod conjunctis pro palam res in solidum legetur, sed conjunctim, ut pars vacans tamquam aliena accrescat, ideoque omitti possit; quia non est absurdum, legati partem relictam agnoscere, partem non relictam rejicere, quæ vacans penes heredem maneat, *l. Cui fundus 56. D. De condit. & demonstrat.* Ratio posterioris est, quod cum sit aliena, non sit respuendum legatæ rei onus, acceptato ejus commodò, cui coheret. * Disjunctis verò, siue re tantum conjunctis, pars vacans invitis accrescit, & sine onere, *d. §. ubi autem, in fine*. Ratio est, quia ab initio res solida assignata est singulis à testatore, quæ & concurrenti utrique olim debebatur, legata per modum damnationis; ita tamen, ut præoccupans rem auferret, alteri autem esset actio ad estimationem. Hodie, sublata differentiâ inter legandi modos, concursu partes sunt, *d. §. ubi autem*. Vacans autem pars non tam dicitur alteri accrescere, quam non auferri, non vacuari, non ablati, non imminui ullius concursu, *d. §. ubi autem*, quod alij dicunt non decretere. * (1) Quomodo & invito pars vacans cedit: quia legatum unum uni relictum ab eo scindi nequit, sed vel totum agnoscendum, vel totum repudiandum, *l. Legatarius 38. D. De legat. 1. l. 4. & 6. De leg. 2.* Dico, legatum unum; quia ex rebus pluribus relictis potest unum eligi, *l. 5. De leg. 2.* quasi separatim essent relictæ, & tot legata, quot res, *arg. l. 1. §. sed si mihi De V. O.* Ex eo autem quod non tam accrescat, quam non minuat, fit, quod sine onere, quod alteri deficienti erat injunctum, habeatur. Cujus ratio est, quod non tam alienum accipiat quam suum retineatur: ut non sit iste alieno onere prægravandus, si aliter testator non disposuerit. *d. §. ubi autem, & ibidem Cujac.* (1) Quod si contingat conjunctorum aliquem deficere, conjuncti alterius conditio potior erit, cum hic solus ad partem deficientis admittatur, non etiam defuncti, quibus fortè eadem etiam res legata, quia conjunctos unitas sermonis. facit quasi

in unum corpus redactos pro eadem haberi persona. Ubi verò desinctorum aliquis defecerit, etiam conjuncti admittuntur, cum omnium sit eadem conditio: habentur enim omnes re conjuncti respectu deficientis. (r)

23 Quæstio est in casu, quo aliqui sunt disjuncti, id est re conjuncti tantum, aliqui verbis tantum, & unus conjunctorum deficit, quis sit præferendus: veluti in hac specie, *Primum fundum Tusculanum do lego, secundo & tertio eundem fundum equis partibus do lego.* Denique secundus, quaeritur, an tertius tantum, an verò & primus ad ejus partem admittetur? Posset videri primus præferendus esse, propter arctiorem conjunctionem realem, quæ facit ab initio rem totam deberi; & quòd; verborum conjunctio speciem quidem conjunctionis habeat, non etiam effectum, uti paulò ante dictum. Verum I. Cui Paulus in d. l. 29. præfert verbis conjunctum, ut patet ex ista lege in verbis, *& magis est, ut & ipse præferatur*, scilicet verbis conjunctus re conjuncto de quo quæstio erat: eo modo, quo re conjuncto paulò antè prælatus erat conjunctus re & verbis, ex vi particulae, *ut &*, includens eandem cum præcedenti decisionem, quæ aliàs frustra appositæ esset. Ratio posita est in unitate sermonis, quæ facit prælationem, quando ei accedit conjunctio rei, d. l. unica §. his itaque definitis. Ut hoc in casu verbis tantum conjuncti fiant conjuncti re & verbis, per accessionem conjuncti rei; idque ex mente legantis, qui quos antea separatim voluit habere semissem, per conjunctum re in eundem semissem utrumque vocat, nec voluit minus accipere quam semissem, sive utroque concurrente, sive altero tantum ut non possit taliter conjunctus, altero deficiente, semissem accipiens videri amplius suâ parte accepisse. (u)

24 Tertiò locum habet ius accrescendi in usufructu. In quo hoc singulare, quòd & constitutus duobus, & postea ab altero amissus, nihilominus conjuncto accrescat. Quod aliter se habet in proprietate, l. 1. §. interdum D. De usufr. accresc. cum subiuncta ratione diversitatis, quòd usufructus quotidie constituatur & legetur, cum consistat in quotidiana perceptione, proprietate vero eo solo tempore, quo vindicatur. Unde quandocumque non invenio, qui mecum utatur fruatur, solus utar fruatur in solidum, sive conjunctim, sive separatim sit relictus, d. §. interdum in fine.

25 Videtur & admittendum hoc ius in donationibus mortis causâ, l. unica §. hac autem omnia l. 4. C. De ead. tollen. cum legatorum naturam sequantur: (x) non etiam in donationibus inter vivos, nisi quatenus à Principe duobus quid simul donatum, quorum alter si sine hærede decedat, totum ad consortem pertinere dicitur. l. unica C. Si liberatis imperial. & c. lib. 10. idem in donatione facta à matre nubente intra annum luctus liberis prioris matrimonij, l. Si qua mulier C. Ad S. C. Tertull. In contrahibus neutiquam locum habet, cum in ijs non possit videri pars vacare, quod alij nemo contrahat, sed sibi tantum, l. Si mil i 10. D. De V. O. (y)

§. Si cui fundus.

Ratio huius est in regula juris, quæ habet, quod juris est in toto, idem & in parte esse debere. Ubi non videtur legatarius plus petere, fundum legatum, cuius proprietatem emit, uti fructum autem titulo lucrativo accipit, petendo; cum fructus non tam proprietatis sit pars, quam servitutis locum obtineat, *text. hic & l. Rectè dicimus 2 §. D. De V. S.* Iudex tamen non condemnabit heredem, nisi in pretium hereditatis quod abest. (z)

§. Se dñi rem.

Quod res sua nulli utiliter legetur, ut habet hic textus, est, quia QUOD PROPRIUM EST ALICUIUS, AMPLIUS EIUS FIERI NEQUIT. Adeo ut eo casu quidem æstimatio peti possit, quia hæc non est legata, nec abest. Ubi nihil proderit, quod tempore mortis testatoris res sit extra legatarij dominium, propter regulam Catonianam, quæ quod ab initio vitiosum est non permittit convalescere tractu temporis, *l. 1. D. De reg. Caton.* Nisi sub conditione legata fuerit, videlicet si sit alienata, & tempore mortis sit extra dominium legatarij, cum & sub ista conditione res sua ematur, & in stipulationem deducatur, *l. Cetera 41. §. 1. De legat. 1. & ita accipienda d. l. 1. in fine.* Nisi cum Cujacio hic in notis dicamus, ibi referri opinionem Celsi ab alijs I. Cuius reprobata. Quod si testator quid juris habuerit in re legatarij, simpliciter legando hoc ipsum legalis videtur, *l. Apud 40. §. si Titius De legat. 1.*

§. Si rem suam.

Rem alienam tamquã suam inutiliter legari est dictum suprà. propter deficientem voluntatem. Contrà est, SI RES SUA QUASI ALIENA LEGETUR: cum talis opinio non tam obster agentis, quo minus quod vult obtineat, quam pro illo faciat, quia præsumitur multo magis legaturus, si scivisset rem suam esse. * De eo magis dubitatur, qui legavit rem suam, putans esse legatarij: cum possit videri inutilem actum agere voluisse, sciens quod res sua inutiliter alicui legetur. Verum & illo casu sustineri legatum hic dicitur, eo quod exitum habere possit voluntas: quæ ideo sustinenda, ne dicatur testator ludere voluisse, quod non præsumitur in ultimo elogio.

§. Si rem suam.

De tacita ademptione per alienationem hic agitur, de qua commodius Tit. seq.

§. Si quis debitor.

Debitor quidem dominus est eius, quod debet, UTILITER tamen DEBITUM LEGARI hic dicitur, quod non tam corpus debitum legetur, quam
Y y 2
potius

potius liberatio, non tam ipso jure, quam per exceptionem hæredi agenti opponendam. Ubi legatarius poterit etiam cogere hæredem, ut acceptilatione liberetur, *l. 3. §. nunc de effectu D. De liberat. legata*. Potest & implorare officium judicis. Quæ ita procedunt, nisi vivus testator debitum exegerit; sic enim tacite videtur ad-
 32 emisse legatum, ut dicitur *tit. seq.* * Est & hoc legatum utile hæredi legatarij, nisi verba sint collata in personam legatarij; tunc enim non tam liberatio legata, quam concessa delatio, *l. Non solum 8. §. tale, l. Aurelio 20. D. De liberat. leg. (aa)* * Res pigno-
 33 rata testator ab eodem legata debitori non habet conjunctam liberationem, sed tantum solutionem nexu pignoris, *l. 1. D. d. t.* quia illud legatum habet conjunctam aliam utilitatem, ut non debeat trahi ad liberationem debiti; cum testator id tantum jus legasse videatur, quod circa rem habuit, si aliud non pateat.

§. Ex contrarie.

34 **C**REDITORI QUOD DEBETUR NON EODEM MODO UTILITER LEGATUR A DEBITORE: cum nihil amplius sit in legato quam in debito: nisi hoc conditionem habeat, aut diem, idque PROPTER REPRESENTATIONEM, id est præsentem solutionem. Plus enim solvit, qui citius solvit, §. *plus inf.* De fideiuss. plus debet, qui continuo excuti potest, *inf.* De action. §. *plus*. Quod si vivo testatore per lapsum diei, aut eventum conditionis, debitum sit purum factum, an utile nihilominus legatum maneat, controversum olim fuit. Et hoc quidam negarunt, ex eo, quod in legato non esset amplius quam in debito, *l. Debitor 82. in pr. D. De legat. 2.* & regula juris habeat, extingui legatum, quod in eum casum deveniret, unde incipere non potest, *text. hic. l. Existimo 98. & l. pen. D. De v. O.* Contra tamen hic deciditur, ex sententia Papiniani, in *l. Verbis legati 5. D. Ad L. Falcid.* quia semel constitit legatum, & quod modò dicta regula fallat, quando casus superveniens tendit in eundem finem, ad eundem effectum, & non tam destruit actum, quam coadiuvat, uti in specie proposita: secus est, si contrarium inducat effectum, iuxta modò relatam regulam. (bb)

§. Sed si uxori.

35 **U**T debitum creditori relictum est utile, ita & DOS A MARITO UXORI PRÆLEGATA: eo quod plenius sit legatum, quam de dote actio, PROPTER REPRESENTATIONEM, maxime secundum jus vetus, quo dos consistens in rebus pondere, numero, mensurâ, constantibus, non nisi annuâ, bimâ, trimâ die, id est tribus triumannorum pensionibus, debebatur, prælegata autem continuo sit præstanda. Dicitur autem dos prælegari, quasi præsens, & velut ad manum dari. Dicitur & relegari, quod reddi potius res sua videatur uxori, quam dari. Hodie etsi res immobiles continuo à morte sint restituendæ, mobiles verò intra annum, *l. unica §. cum autem C. De rei uxoria act.* utile tamen & hodie dotis præle-

prælegatum, cum faciat impensas in dotem factas censeri remissas, pactaque si quæ adjecta mulieri fortè minus commoda, cessare, l. 1. §. 1. *De dote præleg.* Quæ procedunt, quatenus dos accepta: aliàs tamquam incerta non debetur, nili maritus, etiam nullâ dote acceptâ, eam certâ quantitate expressâ prælegaverit, aut etiam instrumentum, quo certa quantitas continetur, *text. hic.* Nam etsi demonstratio sit falsa, non tamen ea legatum vitiatur, *ut dicitur inf.*

§. Si res legata.

Interitus rei legatæ cui cedat hic quæritur; & resolvitur, REM LEGATAM, SI ³⁶
SINE FACTO HÆREDIS PERIERIT, LEGATARIO DECEDERE, id est perire tamquam domino, cum dominium ei accedat continuò à morte testatoris, aut velut creditori speciei, cui perit res in specie debita. Dico, in specie; nam interitus rei in genere vel alternativè debita nocet hæredi ut domino: quod genus non possit dici perire interitu speciei, l. *Incendium C. Si certum pet.* & alternativè debitum subsistat, donec altera species superest. Quòd si mora aut factum hæredis arguatur, licet ignorantis rem legatam esse, illi nocebit interitus rei, licet in specie legata: neque enim etiam ignorans debet posse minuere factum suo aut morâ jus alterius, l. *Si quis 112. D. De legat. 1.* Quo modo hic dicitur hæres servum suum legato manumittens, aut occidens, teneri legatario ad pretium, nisi merentem occiderit, l. *Quid ergò 53. §. si hæres De legat. 1.* cum iuste factum penam non mereatur, & legatario nihil oblit, cujus non interest tali servo carere.

§. Si quis ancillas.

Exinctâ re legatâ censetur & extinctum ejus accessorium, ut peti nequeat, l. 2. ³⁷
D. *De pecul. legato.* Ex regula, quæ non patitur accessorium stare, principali, à quo dependet, extincto. Hinc SERVO LEGATO CUM PECULIO, EO MORTUO VEL ALIENATO seu manumisso, EXTINGUITUR PECULII LEGATUM, *text. hic.* Censentur autem accessorii loco venire, quæ junguntur per CUM, veluti, *Servum cum peculio lego*: principaliter verò, quæ junguntur per ET, veluti, *Servum peculium do, lego.* Ut servo extincto, aut manumisso debeat nihilominus peculium, tamquam principaliter quoque & per se legatum. Et hoc ita, si patiatur rerum conditio. Exemplum hic ponitur in ANCILLA CUM SUIS NATIS LEGATA: nam illâ mortuâ, partus nihilominus debetur, licet videatur accessorie legatus, si formam verborum spectes, cum non patiatur hominis dignitas, ut homo homini sit accessio, §. *in peculium sup. De rerum div.* Idem dicendum, si SERVUS ORDINARIUS CUM VICARIIS legetur: nam & hi debentur, illo mortuo, ex dictâ ratione, l. 4. D. *De peculio leg.* Aliud est, si ordinarius cum peculio legetur, in quo sunt vicarii: nam illius interitus facit non deberi vicarios, qui sunt in ejus peculio, qui quasi dominus illorum habetur, l. *penult. D. cod.* Ratio est, quod non expressè, sed tacite tantum legentur, ut potius peculij jus inspiciatur, quam eorum conditio.

§. Idem est si fundus.

- 38 INSTRUMENTUM est accessio fūdi, ut hoc legato, & postea alienato, non possit peti instrumentum, nisi principaliter sit legatum per conjunctionem, ET, uti jam dictum, *l. Si cui fundo §. D. De instructio leg*. Mover autem difficultatem, quod habet textus hic, idem obtinere, SIVE FUNDUS CUM INSTRUMENTO LEGATUR, SIVE FUNDUS INSTRUCTUS: repugnat enim *d. l. §. in fine*, ubi dicitur, in casu, quo fundus instructus est legatus, posse esse legatum instrumentum, etiam fundo alienato. * Pro conciliatione dicendum est, *d. l. §. in fine* accipiendam esse de illo instrumento, quod paterfam. habuit in illo fundo, instrumenti quidem a nomine, non tamen necessario fundo coherentis: quod ideo dicitur deberi posse, fundo alienato, si ita habeat voluntas, cum non sit accessorium. Quod autem hic dicitur, accipiendum de instrumento fundi ad culturam eius necessario, quod cum sit accessorium non potest deberi, fundo alienato: ut pinguius sit legatum fundi instructi, quam cum instrumento legati. Atque ita ex Pauli sententia, corrigentis Labeonem in *d. l. §.* Quo modo & intelligenda *l. i. D. d. r. quæ adserit*, sive legetur fundus cum instrumento, sive instructus, duo intelligi legata; & tamen alienato fundo, dicitur ibidem, postea instrumentum non vindicari: quod tamen esset, si duo forent legata; corrigit enim Paulus prius Sabini dictum, ne aliàs ista lex dicatur sibi contradicere.

§. Si grex:

- 40 GREGIS ADIUMQUE LEGATUM UNIVERSALE EST, ex varijs rebus constans, illius disunctum & ex distantibus capitibus, harum coniunctim, ex coherentibus scilicet lapidibus, *l. Rer. 30. in pr. D. De usucap.* & quia unum habetur, totum est agnoscendum, *l. §. D. De legat.*. Recipit autem augmentum & diminutionem, ut reliqua universalia, commodo & incommodo legatarij; ut quidquid accesserit, ei debeat, & è contrà eidem cedat diminutio: ut quod ex legato restat vindicet, & grege diminuto usque ad unam ovem ea debeat, & dirutis ædibus area sit præstanda, *text. hic & l. Grege 21. cum l. seq. De legat. i.* Proprietas enim legata facit, ut quod ex re superest debeat, *l. Solum 49. in fine D. De rei vind.* Aliud iuris est in usufructu gregis, aut ædium legato, §. *pen. sup. De usufr.* & *l. fin. D. Quæb. mod. usufr. amit.* Facit enim mutatio formæ rei non esse rem eandem, cuius relictus erat usufructus.

§. Si peculium.

- 41 Et & peculium capax augmenti & diminutionis: unde QUICQUID PECULIO ACCEDIT VEL DECEDIT, VIVO TESTATORE. LUCRO VEL DAMNO EST LEGATARIJ, donec legati dies cedat; cū secundum naturam sit, como-

da cuiusque rei eum sequi, quem sequuntur incommoda, & è contrà. * Cedit 42
autem legati dies jure antiquo continuò à testatoris morte: ex L. autem Papia de-
mum ab apertura tabularum; hodie, restituto jure antiquo per Justinianum, à
à morte testatoris, *l. un. §. 1. C. De cad. toll.* Ut proinde, quanta tunc res est, tanta
debeatur: quatenus tamen est purè relicta. Exceptis personalibus, uti legato usus-
fructus, habitationis, libertatis, quæ non cedunt ante aditionem, *l. 2. D. Quando dies
legati ced.* Est enim inducta diei cessio causâ transmissionis ad heredem, quæ in
prædictis locum non habet, *l. 3 D. d.r.* Conditionalia legata, vel relicta in diem
incertum, ante conditionem vel diem non cedunt, nisi ea sit conditio, quam Præ-
tor remittit, *l. 5. in pr. & §. 2. & 3 D. d.r.* Dico, diem incertum; quia si certus esset,
continuò legatum faceret deberi & transmitti, *d. l. §. 1.* * Dicitur CEDERE 43
DIES, quando res deberi incipit, & ad eam oritur obligatio: VENIRE autem,
quando debitum efficaciter peti potest, *l. Cedere 213. D. De V. S.* Ut in legatis dies
cedat à morte testatoris; veniat autem, quando est adita hæreditas, quia tunc
peti legata possunt. Itaque cum peculii relicti dies cedat à morte testatoris, tan-
tum quantum tunc erit debebitur, non etiam augmentum postea contingens: nisi
provenerit ex rebus peculiaribus, ut est partus ancillæ, fœtus pecorum, *l. Denique
8. §. fin. D. De peculio leg.* cum hoc lucrum non accedat extrinsecus, sed ex ipsis re-
bus legatis. Et hoc ita in extraneo: nam servo manumisso si peculium legatum fue-
rit, non ante aditam hæreditatem dies legati cedit, cum ante non cedat dies liber-
tatis, uti jam dictum, ut proinde frustranea foret cessio legati; atque ita quod in-
terea accessit servo cedit. Est autem differentia inter peculium, quantum ad
manumissum testamento, & inter vivos, quòd illo casu non semper sequatur ma-
numissum, hoc verò sufficiat non adimi. Ratio differentiæ est, quòd manumissio
inter vivos contineat animum donandi, dum non aufertur, quod auferri potuit:
in testamento verò non sit idem affectus, cum libertas post mortem accedat, quo
tempore universum jus ad heredem transfertur, *l. un. C. De pec. ejus qui liberi mer.*
Nisi alia sit conjectura, ut quia redditus rationibus, & reliquis illatis, id est, quæ
acceptis expensisque comparatis debita remanserint, solutis, testator liberum esse
jusserit, *tex. hic in fine*, cum reddere rationes nequeat, nisi peculium habeat; ut,
aliquibus nominatim ademptis, non possit non videri cetera concedere, *l. Quasi-
tum 12. §. idem D. De instructo vel instrum leg.* Non continebitur autem legato pecu-
lio per dominum id, quod servus in rationes dominicas impendit, *tex. hic*, eo quòd
nihil sit peculii, nisi quod dominus servum habere passus, *l. 6. §. pen. D. De pecul. leg.*
Nisi tamen solitus fuerit à servo in res suas impensum restituere: facit enim hæc
consuetudo hujusmodi impensum peculio contineri, atque ita servo deberi, *l. De-
minus 23. §. 1. D. De pec. leg.*

§. Tam autem.

Legantur RES & CORPORALES ET INCORPORALES, quales quæ sint 44
dictum sup. tit. 2. hujus libri, ut USUSFRUCTUS, JURA, ACTIONES, rectè
legen-

legentur, teneaturque hæres actiones cedere. Nisi testator debitum vivus exegerit *text. hic*: nam cum per hoc extinguatur actio, superesse nequit ejus legatum tamquam rei, quæ non est. (cc) Nec RES tantum, sed & FACTA legantur, veluti ut hæres liberet aliquem ære alieno, ædificium reficiat, monumentum extruat, *text. hic in fine*. Quo casu non liberabitur hæres dando pretium, sed præcisè facere tenebitur id, ad quod adeundo se obligavit, l. Fideicommissa 11. in fine D. De legat. 3.

§. Si generaliter.

45 **L**egatur res vel IN SPECIE, id est individuo, uti hic homo, hie equus: vel IN GENERE, id est in specie, uti homo, equus, l. Cum hominis 13. & l. Legato 37. D. De legat. 1. Nec obstat, quod in l. Cum post 69. §. gener. D. De iure dotium, legatum fundi in genere, nullo demonstrato, dicatur nullum esse: differentia enim est inter fundum legatum & hominem. Nam hujus est certa finitio, atque adeo rectè in genere legatur, non etiam illius: ut in genere legatur nulli liter, & rectè dicat l. Cuius, tale legatum esse magis derisorium, quam utile, nisi sit in bonis testatoris, l. Si domus 17. in pr. de legat. 1.

46 Porro, re generaliter legatâ, cujus sit electio, quaritur. Ubi contra regulam in contractibus usitatam, in quibus electio debitoris, non semper hæredi ea competit, sed tantum in legato damnationis, l. Si à substituto 45. De legat. 1. In legato vero vindicationis ipsi legatario competit, l. Si is cui 19. De legat. 2. Ratio differentie posita in conjectura voluntatis testatoris, qui illo casu referendo verba ad ipsum hæredem, hoc verò ad legatarium, videtur ei permisisse electionem, si aliud non pateat. (dd) Quod si legatarij sit electio, & homo legatus in familia est testatoris, non eligit nisi ex familia, arg. l. 2. D. De optione leg. non tamen optimum. Sic non eligit actorem, d. l. 37. quod sit detrimentum hæredis, carere actore, propter rationes familiæ, quas tenet. Sed neque pessimo contentus esse cogetur. Hæres si eligit, non liberabitur, pessimum dando, l. Si hæres 110. De legat. 1. ne ejus electio contineat captionem legatarij.

47 *In legato opinionis aut electionis, ut quando dicit testator, Optato, eligito, optionem, electionem do, legatarij est electio, & quidem optimi. Est enim plenius hoc legatum eo, quo generaliter quid legatur, l. 2. D. De optione leg. (cc) Nec obstat l. fin. §. sed & si quis C. Commun. De legatis & fideicom. nam quod ibi eligi nequeat res optima, est, quod optio non sit ibi facienda per ipsum legatarium, sed per tertium, quo impedito, ne legatum pereat, permittitur legatario saltem eligere medium. Legatum generale in eo vicissim pinguius legato optionis, quod istud ad hæredem transmittatur, l. Nec semel 12. §. pen. D. Quando dies legati ced. non etiam hoc saltem olim, eo quod subesset conditio, restricta ad personam legatarij, scilicet si ipse optasset, quo antè moriente extinguebatur legatum. (ff) Sed Iustinianus etiam dedit hæredi licentiam optandi, quasi esset legatum purum. Qui si non unus, sed plures extiterint, & dissen-

disenserint in optando, ne pereat legatum, forte controversia est dirimenda, ut is optet, quem fors prætulerit, *text. hic & d.l. fin. in pr.*

§. Legari autem.

UT institutio hæredis desiderat testamenti factionem, saltem passivam, in instituendo, ita & legatum desiderat capacitatem in eo, qui honorandus, & **CUM QUO SIT TESTAMENTI FACTIO**: quod enim juris est in principali, hoc & in eo, quod inde dependet. Quæ autem personæ sint capaces factionis testamenti, dictum est suprà Tit. XIV. & refert Gl. *hic V. testamenti factio.* * Amplius hîc dicitur, olim requisitum fuisse, ut **CERTA SIT PERSONA EJUS, CUI LEGATUR**, eò quòd certum debeat esse testatoris judicium. Nisi tamen demonstratio addita aliquam certitudinem induceret, legatum valuisse; veluti si testator uni ex cognatis legasset, qui filiam aut neptem ejus in uxorem duxerit, *tex. hic vers. sub certa, l. 5. D. De reb. dub.* quòd ex certis taliter designatis persona incerta non ponat omnimodò incertitudinem, nec faciat voluntatem testatoris incertam, sed potiùs certam. Alias ne quidem à milite legatum incertæ personæ utile erat, *tex. hic vers. nam ne miles.* Quo modo utile erat legatum, propter incertitudinem, quod relinquebatur ei, qui primò Consul designaretur. Quod & obtinebat in libertate relicta, licet sit maximè favorabilis, *tex. hic vers. libertas*: quamvis relicta incertis personis soluta per errorem non condicerentur, *tex. hic vers. incertis autem*, quasi soluta per ignorantiam juris, quæ non excusat. Facti ignorantia dabat repetitionem, *l. 7. C. De condict. indeb.* Verùm hæc aliter hodie se habent, cum & incertæ personæ legetur, quatenus futuro aliquo eventu potest fieri certa: veluti si dixerit, *Qui primò Consul designatus fuerit, centum do lego.* Quòd si de persona dubium oriatur, non tenebit legatum, ut in *l. 3. §. si duobus D. De reb. dub.* ubi si quis Titio amico legavit, & sint duo ejusdem nominis, impenditur legatum, quia non potest sciri, utri legatum sit. Quæ ut ita se habeant in testamentis, aliud tamen juris est in tutela, quam necesse est dari ex certo judicio: ut minimè sufficiat referre dationem in causam, qui posset cadere in personam minus idoneam.

§. Posthumus quoque.

DE POSTHUMO hîc subicitur, qui duplex est, **SUUS ET ALIENUS**. Ille, qui natus futurus est inter suos hæreses testatori, ut ex filio suo posthumus: ut alienus sit, qui natus, non est futurus testatori inter suos hæreses, ut nepos ex filio emancipato, *tex. hic.* Illius institutio tenebat jure antiquo, si post mortem testatoris nasceretur, si vivo testatore post factum testamentum ex lege Vellea, *l. Gallus 29. in pr. & §. nunc de lege Vellea D. De lib. & posthum.* ut & legari eidem potuerit. Alienus nec institui olim poterat, nec ei utiliter legabatur, quòd incertus esset, ut hic ait Theophilus: & quòd turpitudinis notâ non careret,

reret, ex ea, quæ alii nuptia, instituire possumus, l. Si quis posthumus 9. §. 1. D. De lib. & posth. cum turpe sit, alienæ uxoris nuptias appetere. Postea tamen & alieni posthumum institui recepta per Justinianum, cujus Constitutio hodie non exiat, ut & legari ei possit. * Ubi difficultatem facit versio posthumus autem inf. eod. qui ei id inducitur a Justiniano, & contradicit huius §. qui dicit, olim ei legari non potuisse, ut nec potuerit institui; quod hæc convertantur, ut non debeat aliquis impediri à legato passivo, si institui possit. Et idem juris esse in legando, quod est in instituendo, patet, ex hoc §. versio sed nec huiusmodi, & ratio eadem, incertitudo. Quo modo, ut nam discordiam conciliant Cujac. Govean & alii, istum locum accipiunt de jure prætorio, quo tali posthumus instituto dabatur bonorum possessio, inf. De bon. poss. Quæ conciliatio non tollit difficultatem: tum quod verbum institui non spectet ad jus prætorium, sed ad jus civile, Welsch. hic, tum quod eius hic non fiat mentio. Ut aliquorum conjecturam, judicantium ibi legendum esse, posthumus autem non alienus, faciat verosimilem adversativa, aut, quare & aliqui amplectantur, nisi quod constans lectio sit affirmativa, quam & probat Theoph.

§. Si quis in nomine.

DE errore circa nomen hic quaritur. Ubi sciendum, nominis appellationem generalem esse, & prænomen, nomen familiæ, cognomenque significare, distinctum tamen horum trium apud Romanos usum fuisse. Prænomine utebantur tamquam singulis proprio, veluti Caius, Publius, & notabatur litteris singulis, C. M. P. aut duabus C. N. cui subjungebatur gentis aut familiæ appellatio, quæ specialiter & proprie nomen dicitur, uti Portius, Julius, Cornelius: unde Portiorum, Juliorum, Corneliorum familiæ, & legibus nomina indita à suis auctoribus. Addebatur cognomen, ad discrimen ipsorum inter se gentilium, ut Scipionis, Cæsaris, Ciceronis. Quod de agnomine hic subjungitur, putant quidam erroneum esse, cum agnominis non fiat mentio à Theophilo, & vetera exempla non habeant; Seneca quoque de Benef. lib. 4. cap. 8. triam duntaxat meminerit, & denique ad cognomen spectet. Videatur Ant. August. 3. Emendat. cap. 8. Utrum, si de persona constet, hic adferitur, & l. 4. D. De legat. 1. quod nomina significandorum hominum gratia reperta sint, qui si alio modo intelligantur, nihil interest, inquit hic Imp. Idem est, si contigerit CIRCA REM LEGATAM, quod de ea constet; veluti si dixerit, Fundum Cornelianum do lego, qui est Sempronianus, nam non ideo minus hic erit legatus, d. l. 4. Quod ita verum est, quatenus error est tantum circa verba denotantia accidentalem rerum differentiam, quæ sunt privata, pro cujusque arbitrio imposita, ut Titius, Sempronius. Aliud est, si error fuerit circa nomina significantia rei substantiam, quæ communia sunt, & mutari non possunt pro cujusque arbitrio: ut error circa

ea inducat vitium; veluti si quis volens legare vestem, adscripserit supellectilem, quo casu vestem non deberi responsum est in *d. l. 4.* eo quod rerum vocabula communia fiat immutabilia, cum quæ hominum arbitrio imponuntur variari pro lubitu possint, nec variata viciunt legatum, modò de rebus constet.

§. *Hinc proxima.*

ERROR PER DEMONSTRATIONEM REI CONTINGENS NON MA-
 EGIS VITIAT QUAM CIRCA NOMEN. Inventa enim demonstratio re-
 rum & hominum significandorum gratiâ, qui si aliàs intelligantur sufficienter,
 non debet obesse demonstratio falsâ, cum quidquid rei satis demonstratæ additur
 frustra sit, *l. 1. §. si quis uxori D. De dote præleg.* Quo modo in *l. Demonstratio 17. D. De*
condit. & demonstr. dicitur, ad rem non pertinere, dixerit quis, *Hominem Stichum, quem*
emi, lego, si fuerit donatus aut verna, quo minus legatum valeat, quòd de re constet.

§. *Longè magis.*

Similiter non vitiari legatum hic dicitur per CAUSÆ ADJECTÆ FALSI-
 STATEM, etiam si falsam ignoret testator, eo quòd ratio legandi non col-
 creat legato, *l. Cum tale 72. §. falsam D. De cond. & demonstr.* hoc est, legatum con-
 flet etiam sine adjecta ratione, quæ supervacua non nocet. Quatenus tamen est
 causa impulsiva, veluti si dixerit testator, *quia negotia mea curasti*: nam si finalis
 adjecta fuerit, per modum conditionis, *si negotia mea curaveris*, conditionis ha-
 turam sequetur, quæ falsâ, aut non eveniens facit cessare voluntatem, in ipsa
 conditione fundatam, *text. hic.* * Quod verum est in conditione possibili, cuius
 defectus facit nihil deberi, cum ad ejus veritatem testator se retulerit, in defe-
 ctum verò legare noluerit, præcipue si sit casualis concepta in casum fortuitum,
 veluti, *si eras pluit, si navis ex Asia veniat.*

Quantum ad potestativam, quæstio est, an casu deficiens faciat cessare volun-
 tatem? Et cum ea dependeat à voluntate legatarii, veluti, *si decem dederis*, &
 testator eam adjiciendo tantum inspexerit factum honorati, cui non debet casus
 nocere, posset videri, casum non obesse, cum non habeat eum in potestate
 legatarius. Quòd facit *l. Que sub conditione 8. §. mortuo D. De condit. instit.* ubi
 non videtur defectus conditione, qui parere non petuit, eo quòd voluntas sit
 implenda, si possit, ut, si per eum non steterit, quò minus conditionem impleat,
 habenda sit pro impleta, *c. Cum non stat 66. De R. l. in 6.* Verùm rectius est, casu
 impeditum implere hanc conditionem, non capere legatum, cum non aliàs talis
 conditio habeatur pro impleta, quàm si impediatur honoratus per heredem,
 aut per eum, in cujus persona est adimplenda, *l. Iure civili 24. D. De condit. &*
demonst. ne istorum facto jus legatarii lædatur, ut aliàs relictum maneat apud
 heredem, *l. In testamento 31. d. t.* Nisi honoratus necdum potuerit implere,
 veluti si, necdum mortuo testatore, moriatur ille, in cujus persona est implen-
 da;

da; tunc enim non est quòd ei imputetur, quòd non perfecerit conditionem, cum necdum perficere debuerat, *d. §. mutuo*: & si perfecisset, potuisset frustraneum esse, necdum mortuo testatore, qui potuisset legatum revocare, *l. 4. D. De adm. legat.*

- 37 Mixtæ conditionis defectus quin obsit voluntati, non est dubitandum: qualis est, quæ partim confertur in voluntatem honorati, partim ex casu dependet; veluti, *Si Maria tibi nupserit*, aut *si Mario Consuli facto decem dederis, do lego fundum*. Testator enim non tantum honorati factum consideravit, sed & casum sive factum alienum: ut duo conjunctim requisiverit, alteriusque defectus faciat deficere voluntatem, ex vi enuntiationis copulativæ, cujus natura desiderat utriusque implementum, ut dictum sup. tit. 14. §. si plures. * Loco conditionis est **DIES INCERTUS**, *l. Si dies 21. D. Quando dies legati ced.* qualis est, qui potest evenire & non evenire. Unde ante ejus eventum necdum cessit legati dies, id est necdum debetur. Quod aliter se habet in **DIE CERTO**, quia sub eo relictum continuo debetur, licet continuo peti nequeat, & ad hæredem transmittitur. Hæc ita in conditione possibili contingenti: nam impossibilis conditio adjecta non moratur voluntatem, quam continuo ponit ratam, cum habeatur pro non adscripta, ut dictum sup. d. tit. 14. *De hered. instit.* * Adjici solet & **MODUS**, qui est causa legandi in futurum collata, dum dicit testator, se aliquid legare, ut aliquid sit, veluti monumentum. Qui in eo distinguitur à conditione, quòd conditio suspendat dispositionem, nec alias sortiatur effectum, quam conditione expletâ; modus verò dispositionum non impedit, sed eâ positâ demum veniat implendus: ut obligationis cessionem non impediat, datâ tamen cautione de modo implendo, aut in ejus defectum restituendo eo, quod relictum, *l. Eas 80. D. De condit. & demonstrat.*

§. An servo hæredis.

- 38 **SERVO HÆREDIS NON RECTE LEGATUR**, ideo quòd utilitatem habere nequeat legatum; cum continuo à morte testatoris legati puri dies cedat: ut hæredi quaratur, atque ita contingeret eundem sui ipsius esse debitorem & creditorem. Ubi nihil juvabit, quòd servus possit manumitti, aut alienari ante mortem testatoris; propter regulam Catonianam, quæ non fert, illud, quod continuo mortuo testatore foret inutile, convalescere ex eo, quòd testator supervixerit. Aliud juris est, **SI LEGETUR DOMINO SERVI HÆREDIS**, cum possit esse utile legatum: cedit enim hoc continuo à morte testatoris ipsi domino; hæreditas autem non quaritur nisi per aditionem, quæ potest fieri à servo alienato, vel manumisso, ut non cadat in eandem personam cum legato, *tex. hic in fine*. Subest namque conditio, si tempore aditionis sit extra familiam domini, *l. Debitor 82. §. servo D. De legat. 2.* Ut cesset regula Catoniana, quæ tantum obtinet in legatis puris, uti dictum sup. tit. 14.

§. Ante heredis.

Cum testamentum vim accipiat ab heredis institutione, quæ est istius caput 61
& fundamentum, PRÆCEDERE olim INSTITUTIO DEBEBAT, ad
testamenti valorem: sed postea quia incivile iudicatum, voluntatem negligere,
propter ordinem scripturæ, receptum est, ordinem mutatum non vitare. (gg)
* Inutile quoque olim erat legatum POST MORTEM LEGATarii AUT 62
HÆREDIS, propterea quod obligatio, quæ non cœpit à defuncto, vel contra
eum, in persona heredis, vel contra eum, incipere nequeat; quæ & de causâ post
mortem suam nemo sibi olim stipulabatur, §. post mortem inf. De inutil. stipulat.
Verùm hæc hodie aliter se habent, & in legatis, text. hic, & in stipulationibus,
correctâ quippe regulâ juris antiqui, & concessio, ut etiam ab heredibus, & con-
tra eos actiones inchoentur, l. un. C. ut ab heredib. & contra heredes.

§. Pœne quoque nomine.

Legata, hereditates, fideicommissa, libertates, quia ex benevolentia profici- 63
scuntur, ideò POENÆ NOMINE, id est COERCENDI HÆREDIS
CAUSSA, in casum, quo quid faceret, aut non faceret, non rectè olim relinque-
bantur, l. 8. D. De his quæ pœne nom. veluti si ita quis legaverit, Heres meus, si filiam
suam Titio collocaverit, centum dato Maro: quod ea res istorum naturæ, quæ in be-
nevolentia consistit, minùs convenire videbatur. Adeò ut nec Princeps ejusmodi
relictâ agnosceret, nec militis testamento relictâ valerent. (hh) Verùm hoc po-
stea immutatum, l. 1. C. De his quæ pœne nom. uti & hîc indicatur: ut hodie non
ideo minùs relictum teneat, quod heredis coercendi causâ sit relictum, id quæ in
in favorem ultimi elogii, cui plus tribuendum, quàm supradictæ juris veteris ra-
tioni. Quo modo rectè testator jubet quid facere, aut non facere, heredem, &
in pœnam contravenientis eum legatis onerat. Nisi IMPOSSIBILE, PRO-
BROSUM, VEL LEGIBUS INTERDICTUM, illicitumve sit, quod fa-
cere jubet: honestati enim non convenit, eum cogi præstare pœnam, si non præ-
stet, quod non est in ejus potestate, uti cœlum digito tangere: aut probrosum, uti
matrem, sororem ducere. Non obstat, quod dictum sup. tit. 14. impossibilem
conditionem haberi pro non adscripta: nam hoc ibi ideo, quod legatario re-
linquatur sub tali conditione, quem privari relictio, ex eo, quod non adimplet, ini-
quum est, cum non sit implementum in ejus potestate. Hoc in casu oneratur
heres præstare in defectum talis conditionis: quod & iniquum, cum natura,
vel jus impediatur, quod minùs præstet, quod præstare jussus. Ut ideo non merea-
tur pœnam, quæ culpam præsupponit, culpa autem hîc nulla. (ii) Hinc facilè ap-
paret in l. 1. D. De his quæ pœne caus. relinq. verba illa, illicitè vel probrosè, adjecta esse
à Triboniano, cum hæc mutatio sit inducta à Justiniano, non etiam obtinuerit
jure veteri.

ADDITIONES V. A. D.

Nu. 1. ibi, de legatis agitur.) Hic illud præmittendum, *legatum* dupliciter sumi, quandoque pro ipso actu legendi, ut hoc Tit. quandoque pro re seu materia, quæ legatur. Deinde in prædicta significatione verbum *Legatum* accipi interdum generatim, ut etiam institutionem, fideicommissum, & quamlibet dispositionem utilem comprehenditur: veluti in l. lege XII. Tabb. **UTI QUISQUE LEGASSIT RLI SUÆ, ITA IUS ESTO**, l. Verba 120. D. de V. S. Ulp. tit. XI. Auctor *Reator. ad iterum. lib. 1.* Interdum verò specialius, denotans necessitatem singularem, seu rem singularem. Legatarius enim non juris successor est, sed rei, l. *Quadam* 9 §. 1. D. *De decedendo*. Quantitas rei legatæ non mutat titulum: nam & pars seu portio bonorum, hereditatisve, imò tota hereditas legari potest, l. *Si quis bonorum* 23. D. *De legat. 1.* l. *Si quis ferrum* 8. in fine cum l. seq. & l. *Cum filius* 76. §. *Lucius* *De leg. 2.* l. *Mulier* 22. in fine ad s. C. *Trebell.* Ulp. tit. XXV. in princ. Quo modo Attalus Rex totam Asiæ pop. Romano legaliter dicitur. Valer. Max. *lib. 5. c. 2.* Moribus hodiernis usus legatorum in regionibus, ubi vetita aut minus utilitate sunt heredum institutiones, admodum frequens est, soletque a testantibus ad ipsa legata maximus concursus fieri, ut notat in sua Jurispr. Francica *ad l. 1. in pr.* Jac. Bucheret. & ex eo Gallicè interpretatus est Per. Fontius *ad l. eundem*. secundum jam dictam L. XII. Tabb. Utilitatemque hujus Tit. ex eo colligitur, quod materia tum testamentaria universa, tum hæc legatorum sit quotidiana, & in qua hi, qui se Practicos vocant, velint nolint coganur satis peritos consultare, & jure scripto uti, ut verbis utar D. Gabr. Mudæi, *Comment. mansc. ad §. ult. Instit.* Per quas pers. cuique acquiritur.

Ibid. ibi, & heredis hæres.) Legatarius quidem & fideicommissarius, ut in l. *Fideicommissum* 78. *De legat. 1.* l. 1. *vers.* & hæc *dispositio* C. *Com. de legat. & fideicom.* heredis vero vel legatarii hæres, ut in l. *Titia* 34. §. 1. & ibi Gl. *De leg. 2.* & l. *Si fuerit* 5. *De leg. 3.* Quin & ab ipso testatore præstari legatum potest, l. *Lucius* 22. *De leg. 2.* & l. *Filia* 11. C. *test. Bern. Walter. 1. Miscell. c. 7.* Verum aptanda definitio juri novo, quo legata fideicommissis adequata: ut legatum sit donatio ab hærede præstanda, seu testamentario, seu legitimo, vel ab alio, qui loco heredis sit, qualis etiam singularis est successor, id est legatarius: quem & appellatione jureque hæredis venire patet ex l. *Heredis* 170. & l. *In conventionib.* 219. *De P. S.* Vide Rad. *Pomer. 1. Rer. quotid. c. 11.* Deinde jure novo necessarium non est, legata testamentis relinquuntur, cum & codicilli ad eam rem sufficiant *ins. De codicill. per tot.* Planè quod dictum, etiam ab ipso *Pomer.* testatore præstari posse legatum, id non tam legatum videtur, quam vera donatio inter vivos. Ut enim viventis nulla est hereditas, ita nec legatum, quod illius est velut portio quædam, ex hereditate delibata, l. 116. *De leg. 1.* Itaque cum testatores ipsi etiamnum in vivis agentes exsolvunt legata, heredis officium præ-

presumunt, ut loquitur in epistolis Plinius, Vid. Hunn, *Var. resol. lib. 2. tract. 8. qu. 1.*

Nu. 2. ibi Capito, Sumito,) Servius Interpres Virg. 6. Aeneid. SUME verbum est Iuriconsultorum, quo utuntur, quotiescumque legatum non ab herede datur sed est in accipiens arbitrio.

Ibid. in fine.) Apparet igitur inter hæc quatuor genera legatorum, quadruplex fuisse discrimen, quod ad verba seu formulas, res & actiones attinet. Quamvis Ant. Faber 6. *Contest. c. 5.* putet legatum præceptionis non differre à legato vindicationis ; ut neque formulam, quæ in legatis per finendi modum olim usurpabatur, ab ea, quæ in legatis per damnationem : ut ita binembris tantum sit divisio.

Nu. 3. ibi, l. 1. C. Com. de legat.) Quibus res legata non comprehenditur, quia hæc legatarij est; at nemini res sua servit aut obligatur, l. Neque pignus 45. De R. I. Reinh. La. hov. *De pignorb. & hypoth. lib. 1. c. 10. nu. 4.* ubi docet hypothecam istam primum à Iustiniano imp. fuisse introductam,

Ibid. in fine.) Poteritque etiam via executiva, ex simplici præcepto iudicis, quo hæres iubeatur satisfacere legatario, procedere intentando has actiones sibi iure competentes. Aliis pro consequendo legato agi non posse executivè ex remedio l. fin. C. De edicto divi Hadr. tollen. probabilius est, cum via executivæ locus non sit, ubi est contradictor, d. l. fin. qui hic semper adest, nimirum hæres, à quo legatum consequi legatarius debet. Myns. cent. 5. Obser 61. Menoch. de ad psc. poss. remed. 4. nu. 694. & duob. seqq. Fachin. 5. contror. c. 31. Christin. de f. 47. vol. 4. Plane iure Gallicano legatarius adversus possessorem seu detentorem rei legate, atque ab herede alienatæ, agere non potest sive in rem, sive in personam, sive hypothecariâ actione, nisi primò ad illius traditionem legat cum ipso herede, in quem statim a morte testatoris moribus nostris transit non tantum dominium hereditatis, sed & possessio rerum omnium hereditariarum à defuncto relictarum, de qua dixi ad l. præd. Neque enim expedit hodie remedium esse consequendorum legatorum nomine, scribit Rebuff. in trad. de lictor. obligat. art. 6. Gl. 3. nu. 24. quàm ut ex testamento, tamquam ex instrumento publico & integro, illorum provisionalis adjudicatio petatur. Unde si legatarius antè, actione sive in rem sive hypothecariâ, experiatur adversus tertium detentorem, frustra ager, repellendus propterea ab iustitiatæ actione, ac contumacius in expensis illius instantia. A qua tamen sententia appellare licet, atque in hoc appellacionis iudicio rectè quoque ager adversus heredem ut præstet legatum, simulque adversus tertium detentorem persequi ius suum poterit, ita leon. Bacquet trad. *quæst. de lictor. inscriptis Des d'ollet, de lictor. 2. nu. 21.* referens ita indicatum, & secundum hanc praxim intelligendam esse l. Quod legat. 38. D. De iudic. Iure verò Saxonico legatarius pro consequendo suo legato tacitam hypothecam in omnibus defuncti bonis habet. Schultz. hie lit. B. Porro inter legata ac fideicommissa, quoad viam modumque agendi & persequendi, hodieque differentia est, & pienior laxior-

que natura fideicommissorum, quàm legatorum. Nam pro legatis consequendis nemini licet iudicio possessorio, siue interdicto *Uti possidetis*, experiri, nisi iam facta traditione: traditis scilicet, si rei immobilis fuerit legatum, ab heredibus aut executoribus legatario litteris & documentis desuper existentibus, ut dicunt *Leges municipales Antverpien. tit. 46. De testam. art. 11.* At fideicommissorum nomine experiri unicuique licet via possessoria; quia defunctus fidei committens heredis, non heredem ipsum, sed fideicommissarium salire, id est juris possessorem facere dicitur. Ita Bucherel. *hic*, quæ eadem ferè repetit *inf. ad tit. 23. De fideicom. heredit.* Adde Rebuff. *ad Consuet. Reg. in princ. nu. 78. & 79.*

Nu. 7 in fine. Sunt qui verba, *per omnia*, ita interpretentur, scilicet per omnes iuris scripti partes, non in omnibus: ut legata ante tempora Iustiniani fuerint ex æquata fideicommissis per omnia, non in omnibus. Ita M. à Lycklama 4. *Membr. in. Ecl. I. Aliorum sententias & opiniones vide apud Fachin. 5. contr. c. 30.* Adde Christian. *decis. 40. Nu. 1. vol. 4.* ubi docet, in quibus legata ac fideicommissa conveniant & differant.

Nu. 8. in fine.) Imò furiosi esse, talia legata testamento adscribere, ait Ulp. in *l. Cum servus 39. §. si vero 8. De legat. 1.* veluti fundū Albanū, qui sit principis, vel principibus ulibus deserviat, vel prædia Cæsaris. Cum quibus quia magnam affinitatem habent Feuda, dubitatum fuit, an rei feudalis legata debeatur æstimatio; Quod communiter negant. Heig. *ad §. Non solum 4. nu. 16. & seqq. h. i.* Uult. *ibid.* & facit quod nulla defuncti ordinatio in feudo valeat, *c. an in pr. l. f. 2. c. an. §. donat. Qualiter olim feud. pot. alien. 2. f. 9.* Uult. *de Feud. lib. 1. c. 9. nu. 72.* Fachin. *5. contr. c. 37.* Bronch. *cent. 2. Miscell. assert. 97.* Diss. Mantica *de Coniect. ult. volunt. lib. 9. tit. 11. nu. 9.*

Nu. 9. in fine.) Communiter ita distinguunt Dd. ut, si legatarius ex delicto suo sit factus incapax legati, ne quidem æstimatio rei legata debeatur: secus, si ex alia aliqua causa externa desierit habere commercium, puta ex qualitate personæ suæ, vel rei legatæ; tunc enim sustineri legatum, ut saltem æstimatio debeatur, *l. Filiusfam. 114. §. si quid alicui 5. De legat. 1. & l. Fideicommissa 11. §. 16. De legat. 3.* Atque hunc intellectum habere potest, quod Pompon. ait in *l. Sed si res aliena 40. De leg. 1.* Si res aliena, cuius commercium legatarius non habet, ei, cui jus possidendi non est, per fideicommissum relinquatur, æstimationem deberi. Ita necessum non fuerit tollere posteriori loco negationem; id quod & hic, & alibi non semel solemne Cuiacio fuit. Cuiac. *ad l. Mactum 34. D. De F. O.* Ratio verò, cur hoc casu sustineatur legatum, sumitur ex benigna interpretatione ultimæ voluntatis. Nam ita legata interpretamur, ut valeant meliori quo fieri potest modo, & ut vel æstimationem rei legatæ consequatur legatarius, quando scilicet lex vel statutum prohibet ipsam rem acquiri. Quæ de re late Franc. Mantica *De coniect. ultim. volunt. lib. 9. c. 9. nu. 9.* Menoch. *de Presumpt. lib. 4. præf. 120. nu. 5. & 6.* Pet. Peckius *de Testam. coniug. lib. 4. c. 32. & de amonition. bonor. c. 9.* & Ioan. Sande *Decis. Cris. lib. 4. tit. 4. defin. 4.* Utece,

Ut ecce, vetat Edictum Caroli V. imp. in Belgio rem immobilem donari, legari, aliove quolibet titulo acquiri Ecclesiæ, alijsque pijs locis aut manui mortuæ, ut vocant, absque consensu Principis, & pro irrito vult esse quicquid contrà factum fuerit. Hoc casu saltem pretium seu æstimationem deberi, quando res ipsa sub manu mortua manere non potest, respondit D. Wames. *conf.* 409. nu. 3. & *conf.* 416. nu. 11. *De testam.* De quo tamen meritò dubites, ob vim clausulæ irritantis Edicto adjunctæ, ut latè per D. Pekc. d. *tract. de Amortizat. bon. c. 9.*

Nu. 11. in fine.) Vide latè de hac quæstione D. Zoef. ad tit. D. *De legat. & fideicom.* nu. 23. quæ eadem reperit ad tit. *Decretal. De testam.* nu. 25. & 26. post Covarr. ad c. *Filius* §. *ii* eod. Valq. *de Success.* p. 2. §. 21. nu. 4. Mant. *de Coniect. ult. volunt.* lib. 9. tit. 10. & Fachin. §. *contr. c.* 38.

Nu. 12. ibi, legatur. Nihilominus eam fuisse.) Quod & præsumendum est, si legaverit alicui extraneo propter benè merita. Ant. Faber, in *Cod. suo lib. 6. tit. 18. de fin* 21.

Nu. 13. in fine. Ut si rem obligatam legaverit personæ conjunctæ, aut prædilectæ, vel ad pias causas; tunc enim indistinctè hæres eam luere cogitur, si ve sciverit, si ve ignoraverit obligatam esse, l. *Prædia* 6. C. *De fideicom.* Similiter si æstimatio rei pignoratæ excedat quantitatem æris alieni, pro quo obligata est, luet eam hæres, quia jam hujusmodi res non per omnia similis est rei alienæ, & quatenus excedit, præsumitur non difficilis liberatio, eoque destinata à domino fuisse. Secus, si æstimatio rei obligatæ æquivalet tantum quantitati æris alieni. Fachin. 12. *contr. c.* 34. & D. Tuld. *Instit. h. t. cap.* 11.

Nu. 14. ibi, l. *Quingenti* 12. D. *De probat.*) Ratio differentiæ est, quia eadem quantitas, eadem summa, volente testatore, facile duplicari aut multiplicari potest: eadem verò res aut species sæpius præstari non potes, etiam si maximè velit testator. Et hallucinatio est Gifanij *Instit. h. loco*, dum statuit, uno eodemque testamento unam & eandem rem bis uni legari & præstari posse, si id testator nominatim jussit, rem scilicet, & ejus pretium, per l. *Si alij usus* 42. D. *De usus.* Nam repugnantia est in verbis, cum diversa sint res & pretium: ut iam non idem legatum dici debeat, non bis legata una & eadem res, sed semel res, & semel æstimatio rei. Quomodo in d. l. 42. dicitur testator rem & æstimationem rei legando, ampliare legatum.

Ibid. ibi, non possit vid. rem habere) quia aliud est pretium, aliud res, ut dictum, & obrento pretio ex uno testamento, manet nihilominus obligatio ex altero, nec definit legatarius esse dominus rei sibi ab alio legatæ. At qui rem habet, id totum habet, quod sibi debetur, & ubi res definit esse in obligatione, ibi neque æstimatio amplius peti potest.

Nu. 15. ibi, §. *multò magis.*) Planè cur qui titulo oneroso rei alienæ legatæ dominium consecutus est, possit insuper agere ex testamento ad consequendum ejusdem rei pretium, rationem habet, & boni certique juris est, inquit hic in *Cens. sua Belg. Cypr. Regneri.* Quod verò dux causa lucrativæ in eundem

dem hominem & eandem rem concurrere non possint, liquidi quidem juris esse ait, sed quod potius in subtilitate quadam quam sana ratione consistat: veluti quia unus & ejusdem rei duplex dominium esse non possit; quia dominium ex una causa quæsitum extinguat obligationem ex alia; quia denique dominium non nisi ex una causa nobis contingere queat, *l. 3. §. ex plurib. D. De acq. possess. l. Non ut ex plurib. l. 59. De R. I.* Atqui benignius ultima elogia interpretanda esse servandamque voluntatem vel donantis, vel legantis, vel utriusque, cum & exitum habere potest: neque tam attendi oportere ipsam rei naturam, quam simplicem voluntatem dominorum res suas alienare volentium. Miraturque hæc à nemine hætenus notata esse.

Nu. 18. ibi, Primo & secundo fundum Tuscanum, lego.) Hoc autem modo plerumque pari amicorum legare solebant. Unde Plin. *lib. 7. Epist.* scribens ad Tacitum amicum, *Eadem legata & quidem pariter accepimus.*

Nu. 19. ibi, sed cui accessit conjunctio rei.) Facit denique, quod conjunctio ista verbalis non tam mereatur dici conjunctio, sed magis quadam acceleratio sermonis: quia testator illis verbis, *Titio & Seio fundum æquis partibus do lego*, dicitur divisionem portionum hereditariarum facere, & non tam conjunxisse legatarios, quam celerius dixisse videtur, inquit I. C. *in l. Si ita quis 66. D. De heredib. instit.* Ut proinde ex hac conjunctione effectus juris accrescendi exiltere nequeat. Ita Cujac. *24. Obser. c. 34. Govean. De iure accresc. nu. 26. & 1: Animad. ad l. Re conjuncti. De legat. 3. Ant. Faber, 6. comest. c. 1. & De errorib. Pragmat. dec. 49. c. 4. Corn. Swanenburg. De iure accresc. c. 8. qu. 2. & D. Zoef. ad D. h. t. nu. 50. Dissent. Duar. De iure accresc. lib. 1. c. 10. Donel. 7. Comment. c. 13. Costal. ad l. 1. D. De usufr. accresc. Hunnius Var. resol. lib. 2. tract. 1. q. 7. Vinnius hic nu. 16. 17. & 18.*

Nu. 22. in fine.) Unde in disiunctis, sive re tantum conjunctis, quidam jus non tam accrescendi, quam non decrescendi locum habere volunt, propterea quod testator in hujusmodi reali conjunctione ab initio omnibus solidum adsignaverit; ei verò, qui ab initio solidum habet, nihil accrescere possit. Hunn. *Variar. res. lib. 2. tract. 8. qu. 8. & qu. 9.* ubi idem de conjunctis re & verbis simul censet esse statuendum. Atqui tantum abest, ut jus, quod non decrescendi vocant, excludat jus accrescendi, ut omnium maxime id ipsum inducat. Nec obstat, quod testator solidum singulis ab initio adsignaverit, quia partium vel solidi adsignatio non inducit jus accrescendi, sed voluntas morientis, qui duos pluresve conjunctim ad unam & eandem rem vocavit. Ita Corn. Swanenburg. *tract. De iure accresc. c. 5.* Ut procedat regula Celsi I. C. Toties jus accrescendi esse, quoties ex duobus, qui in solidum habuerunt, concursu partes sunt, *l. 4. in pr. D. De usufr. accresc.* Concordat *l. Conjunctim 80. De legat. 3.* quæ est ejusdem Celsi. Vid. Steph. Forcat, *Necyom. dial. 67. Fachin. 4. cont. c. 94. Ant. Fab. De errorib. Pragmat. dec. 49. c. 4.*

Nu. 23. ibi, & ibidem Cujac.) Porro quamvis ita visum fuerit Justiniano Imp. seu potius Triboniano, ut scilicet re & verbis conjunctus sentire debeat:

onus

onus conjuncto impositum, non etiam disjunctus sive re tantum conjunctus, nulla tamen apparet evidens juris ratio id convincens. Et propterea contrarium tenuit Fachin. 4. *contr. c.* 94. non distinguendo inter conjunctionem realem ac mixtam, meo judicio non male. Curenim in conjunctione reali vult Imp. deficientem portionem accrescere sine onere; nempe quia re conjunctus solidum ab initio accipit atque ita suum, non alienum legatum habet. Atqui eadem ratio obtinere debet in conjunctione mixta, in qua conjuncti etiam solidum ab initio habent. Imò & ante Justinianum id non obtinebat, cum cui conjunctim legatum esset per vindicationem, is haberet jus vindicandæ rei legatæ in solidum, idque ex persona propria & proprio jure. Ac proinde Imp. perperam facere videtur meliorem conditionem disjunctorum, quam conjunctorum, ut hi onus sentire debeant, non illi. Ita pulchrè ratiocinatur Ant. Faber *De errorib. Pragmat. Dec.* 50. *c.* 3. *nu.* 4.

Ibid. in fine.) Vide Cujac. ad *l. Si duob.* 16. §. ult. *vers. Secunda questio De leg.* 1. & D. Zoef. ad *D. eod. tit. nu.* 54.

Nu. 24. in fine.) Vide Zoef. ubi *sup. nu.* 55. & *seqq.* Duaren. 2. *De iure accresc. c.* 7. Alciat. ad *l. Re conjuncti* 142. *De V. S.* Fachin. 4. *Contr. c.* 98. Hunn. *Var. res. lib.* 2. *tract.* 8. qu. 10. Corn. Swanenb. *De iure accresc. c.* 8. Thom. Papillon. *lib. singul. De eod. iure accresc. circa fin.* An verò commodum hujus juris maneat penes venditorem, aut sequatur emptorem hæreditatis, vel legati, longa disputatio est apud D. Zoef. *loc. cit. nu.* 59. & *seq.* ubi jus illud venditori vindicat, ex veriori & magis communi sententia, quam & amplexi Iason ad *d. l. Re conjuncti nu.* 125. Gomez. 1. *Var. resol. c.* 10. *nu.* 44. Cujac. 12. *Obs. c.* 13. Fachin. 5. *contr. c. ult. lib.* 10. *c.* 3. & *c.* 69. Bronch. *cent.* 2. *assert.* 59. Ant. Faber *De errorib. Pragmat. Dec.* 50. *c.* 5. & Corn. Swanenburg. *c.* 8. Diss. Bart. ad *d. l. Re conjuncti nu.* 26. & hunc secuti Duar. *d. tract. De iure accresc. lib.* 2. *c.* 6. Robert. 3. *Animad. c.* 12. & 3. *Notar. ad Mercat. c.* 13.

Nu. 26. ibi, cum legator. nat. sequantur.) Ad quorum exemplum donationes hujusmodi dicuntur ferè redactæ per omnia, §. 1. *sup.* *De donat. ubi vide notata,* omnesque effectus sortiuntur, quos ultimæ habent voluntates, *l. ul. C. De donat. caus. mort.* Ut idcirco etiam jus accrescendi admittant, secundum Bart. ad *d. l. Re conjuncti nu.* 69. quem plerique sequuntur, teste Mich. Grassio 1. *Sent. §. Donatio qu.* 16. Gomez 1. *Var. resol. c.* 16. *nu.* 7. Corn. Swanenb. *De iure accresc. c.* 8. Frustrâ dissentiente Ant. Fabro *Dec.* 48. *Err.* 10. Vide Zoef. *D. h. t. nu.* 69. Swanenb. *d. c.* 8. §. *An in contractib. locum habet.*

Ibid. in fine.) Saltem non aliàs in contractibus habebit locum jus accrescendi, vel jus non decrescendi, quàm si de eo expressè fuerit actum, scil. quòd, Titio parte in suam non acceptante, aut aliàs incapace, ipsi stipulatori accresceret: quia in contractibus attenditur proprietas verborum, neque per præsumptiones receditur à verbis, *l. Quidquid adstringenda* 99. *D.* *De V. O.* Alias exceptiones limitationesque ad prædictam regulam vide apud Alex. & Dd ad *l. Si mihi & Titio* 101. *D. eod.* Tiraq. *de Nobilit. c.* 37. *nu.* 4. 55, & in *Repet. l. Si unquam V. donatione largitus nu.* 112. *D. De revoc. donat.*

Nu. 27. in fine.) Itaque in casu hujus §. & l. Non quocumque 82. §. fundus De leg. 1. respectus habetur ad tempus empti fundi, quo tempore ususfructus detractus fuit à proprietate. Quæ proprietates cum jam inde ex causa onerosa coeperit esse apud legatarium, quid in legato fundo æstimationem nudæ proprietatis concedimus legatario, ratione pretij, quod illi abest, ob emptam proprietatem? Concordant fere his, quæ ad intellectum hujus loci compleri observata à M. Lycklama 6. Membran. Ecl. 2. Quæque de præstatione rei alienæ legatæ superius dicta sunt. Quamvis Tribonianis in ea in parte notet Ant. Faber 6. Coniect. c. 8. meo judicio non rectè. Vide & Tim. Fabrum Annotat. Jur. c. 18. ubi hunc ipsum Iuliani locum plenè examinat.

Nu. 32. in fine.) Nam ibi testator hæredis petitionem non abstulit, sed distulit, jubens à debitore, quamdiu viveret, non peti. Ita Ioan. Vaud. lib. 1. qu. 18. Porro liberatio legatur varijs modis: veluti legando liberationem, prohibendo hæredi exigere debitum, damnando hæredem, ut liberet debitorem; donando, dando debitori quod debet, remittendo eidem, & alijs, de quibus passim D. De liberat. leg.

Nu. 34. in fine.) Planè intextricabilem esse antinomiam inter has leges, post recentiores ferè omnes, fatetur & Cifan. hic, quam novissimè Ever. Balck 1. Elect. c. 4. conciliare tentabat hoc modo, ut quidem Paulus eodem in casu, quo hic dicitur utile esse legatum, dixerit illud esse inutile, sed diverso respectu, nempe quia summa debita, id est tota decem, aliâ actione personali ex ipsa obligatione peti possit: Papinianus verò, eumque secutus Iustin. utile esse legatum respectu scilicet actionum ex testamento, de quibus §. 1. sup. h. t. quia sic laxior agendi facultas detur, l. Cum filius 76. §. pen. De legat. 2.

Nu. 44. ibi tamquam rei, quæ non est.) Rerum incorporalium nomine veniunt & redditus annui, qui, propriâ ipsorum naturâ inspecta, nec mobiles nec immobiles sunt, sed ut alia jura & actiones tertiam bonorum speciem constituunt, distinctam à bonis mobilibus & immobilibus. Ut idcirco legato bonorum mobilium, & immobilium, annui redditus non contineantur, Ioan. à Sande lib. 4. tit. 4. desin. 6. per tradita à Covarr. 2. Var. resol. c. 2. nu. 3. vers. Nec hoc legatum & à Menoch. de Præsumpt. lib. 4. præf. 142. nu. 19. & 20.

Nu. 46. ibi, si aliud non pateat.) Certè apertius exprimere testator non potest, utri electionem datam velit, hæredine an legatario, quam cum vel legatarium vindicare jubet, vel hæredem damnat dare. Cum ergo hic Imp. ait, nisi aliud testator dixerit, hoc ita interpretor, nisi ab ipso hærede legatû dari testator jussit, nepe verbis relatis ad hæredem, aut damnans hæredem dare, facere, l. Legato 37. l. Si à substituto 45. §. 1. l. Si heres 110. D. De legat. 1. & l. Si ita relatum 43. in fine De leg. 2. Neque enim existimo hodie quoad effectum de quo hic agitur, penitus sublatam esse differentiam illam inter legata per vindicandi modum & per damnationem. Vide Ant. Fabr. 6. conject. c. 6. circa fin. & qui hic Fabri vestigia secutus est Arn. Vinn. nu. 5. & 6. Adde Hunn. Var. res. lib. 2. tract. 8. qu. 15. Iul. Pac. 6. Enant. qu. 16. Bronch. sen. 3. assert. 49. Hilliger, Don. enucleati lib. 8. c. 19. lit. K.

Nu. 47. ibi, l. 2. D. De optione leg.) Et majorvis est expressum quam tacite data electionis, ut ex sententia Rogerij veteris Interp. scribit Cujac. lib. 23. Obser. c. 14. Exemplum est apud Cicer. 2. de Invent. Paterfam. cum filium heredem faceret, vasorum argenteorum pondo centum uxori suæ sic legavit, *Hæres meus, uxor i mea vasorum argenteorum pondo centum, quæ volet, dato.* Significat Cicero matrem, cui optio data est, vasa magnifica & pretiosè calata à filio vindicare posse.

Ibid. ibi, exinguebatur legatum.) Ideo legatum generis transmissibile est ad hæredes, quia nullum ibi factum est legatarij, nulla conditio inest, neque expressa neque tacita, sed tacita dumtaxat optio continetur, quæ conditionem non facit. v.g. Homine sive servo generaliter relicto, singuli homines, qui sunt in hereditate, legato continentur, sed purè, l. Merius 66. §. non idem D. De leg. 2. In legato verò optionis expressa optio est, quæ tacitam facit conditionem: ideoque nocet legatario, ut si non optaverit, ad heredem suum optandi jus non transmittat, cum in conditionibus expressa nocere soleant, non expressa non noceant, l. Nonnumquam 52. De condit. & demonstr. Ita Emund. Merill. 2. Obs. c. 8. post Cujac. loco antè cit. Cæterum Ant. Faber 6. Conject. c. 1. in fine, scribit videri sibi valde suspectum quod hic refert Iustin, scil. jure veteri ita fuisse comparatum, ut optionis legatum esset conditionale, nec ad heredem transmissibile: tum quia in D. & Cod. nulla ejus rei argumenta aut vestigia extant: tum quod à ratione alienum videatur, ut deterior sit conditio legatarij, cui expressis & disertis verbis testator optionem legaverit, quam cui tacite ea data est: tum denique quod dubitatum fuerit apud veteres, cui ex pluribus hæredibus in eligendo dissentientibus optio competeret, & quod juris constitui oporteret, l. ult. in pr. C. Com. de legat. & fideicom. Cui quæstioni non video, inquit Faber, quomodo locus esse potuerit, si ponas optionis legatum jure Digest. conditionale fuisse, & ad legatarij hæredes transmitti non potuisse. Porro exemplo ejus, quod hic decisum est, legatum optionis transmitti ad hæredes, obtinuit ferè moribus, ut optionis jus, quod, defuncto marito, competit viduæ, optandi scilicet seu eligendi donarium conventum vel consuetudinarium, utrum malit, etiam ad hæredes transeat. Papon. lib. 1 §. tit. 4. art. 14. Christin. decis. 48. nu. 4. vol. 4.

Nu. 61. in fine.) Valentque legata etiam ante hæredis institutionem, & inter medias hæredum institutiones, & in fine testamenti adscripta, text. hic in fine, & dixi sup. ad tit. De hered. instituen. Quin & moribus hodiernis legata non pendent ab institutione hæredis, cum neque ipsa institutio passim sit necessaria aut recepta.

Nu. 63. ibi, relicta valerent.) Atque hoc primò constituisse M. Antoninum Pium refert in ejus Vita Iul. Capitolin. idque eà ratione, quod penam adijciendo magis id spectasse videatur testator, ut aliquid fiat, vel non fiat, quam ut relicto fruatur legatarius. Ulp. tit. xxiv. De legat. §. pena, & hic Teoph. Sunt qui hoc modo decidunt, jure scilicet ita comparatum esse, ut

quisque disponat ac testetur de bonis suis, non alienis, aut de iis, quæ in bonis non computantur; adjectionem verò pœnæ esse extra causam bonorum. Denique pœnæ adjectio continere tantum nudum præceptum, non etiam obligationem aliquam: atqui nudum præceptum in jure nullius momenti reputatur, *l. Filiusfam. i. 14. §. Divi 14. De legat. 1. & l. Pater 38. §. 4. De leg. 3.* Ita Tim. Faber Annor. juris lib. singul. c. 1. nu. 4. & 5.

Ibid. ibi, culpa autem hic nulla.) A quo in effectu non discedit, quod voluit idem Faber, *d. c. 1. nu. 9.* testatorem ibi magis spectasse personam legatarii, hic vero ipsum factum. Unde ipsa dispositio videtur hic directa in impossibilem vel illicitam causam, illic non item.

DE ADEPTIONE LEGATORVM.

TITVLVS XXI.

Ademptio legatorum (sive eodem testamento adimantur, sive codicillis) firma est. Sed & sive contrariis verbis fiat ademptio: veluti si quis ita quid legaverit, *Do, lego*, ita adimatur, *Non do, non lego*: sive non contrariis, sed & aliis quibuscumque verbis.

1. Transferri quoque legatum ab alio ad alium potest: veluti si quis ita dixerit, *Hominem Stichum, quem Titio legavi, Seio do lego*: sive in eodem testamento, sive in codicillis hoc fecerit, quo casu simul & Titio adimi videtur, & Seio dari.

COMMENTARIVS.

SVMMARIA.

1. Voluntas hominis ambulatoria usque ad extremum vita spiritum.
2. Legata extinguuntur vel adimendo.
3. Idque etiam tacite, ut alienatione rei voluntaria.
4. Non etiam necessaria, neque oppignoratione.
5. Vel transferendo.
6. Item rei interitu.
7. Repudiatione.
8. Si legatarius rem acquisierit ex alia causa lucrativa.
9. Deficiente conditione.
10. Modo adjecto non impleto.
11. Quid si legatum ad piam causam in eam nequeat converti.

Ambulatoria est ultima voluntas usque ad extremum spiritum, l. 4. D. De adim. legat. nec firma, nisi post mortem: ante enim mutare testamentum licet, non obstantè, quòd quis dixerit, se non mutaturum, cum nemo possit sibi legem dicere, quàm à priori iudicio recedere non liceat, l. Si quis 22. D. De legat. 3. quatenus tamen de mente constat. Hinc legata ex testamento non petuntur, si testator ea deberi postea noluerit: quod contingit, * Primò, ADIMENDO, vel expresse quibuscumque verbis, etiam nudà voluntate, l. 3. §. fin. D. h. r. (a) * vel tacite, alienando rem legatam: præsuntur enim ex alienatione revocatio legati, §. si rem suam testator tit. superiori. Et hoc, quando est voluntaria, veluti ex causa donationis l. Rem legatam 18. D. h. r. etiam si donatio non teneat, quia de voluntate revocantis patet, l. Legatum 24. in fine D. h. r. * Per necessitatem causata alienatio non inducit revocationem, quòd cesset voluntas, d. §. si rem suam. Ita autem illo casu ademptum legatum, ut ne quidem res redempta postea debeatur, nisi probetur à legatario nova voluntas, l. Cum servus 15. D. h. r. Quod juris autem est in tota re alienata, idem & in parte, d. §. si rem suam. (b) Oppignoratio rei non inducit ademptionem, tum quòd fiat ex necessitate, tum quòd res maneat in dominio legantis.

Secundò TRANSFERENDO: quòd contingit vel mutandò personam honoratam, veluti, Quod Titio legavi, Seio lego; (c) vel gravatam, Quod à Titio legavi, à Mario lego; vel pro re una legata aliam legando; vel denique legatum purè datum suspendendo in conditionem, l. 6. D. h. r. * Tertio REI INTERITU, quia pervenit in casum, à quo inchoari nequit, l. Existimo 98. D. De V. O. Quod accipiendum esse de re in specie legata dictum est superiori Tit. §. si res legata: ita ut ne quidem accessorium debeatur, quia & hoc extinctum censetur, extincto principali. * Quartò, si legatarius repudiaverit legatum, l. Servum 44. §. 1. De legat. 1. ita ut postea frustra eum pertineat, quia semel liberatus hæres non debet invitatus trahi in obligationem. * Quintò, si sit consecutus legatum ex causa lucrativa, quæ de re sup. tit. proximo §. si res aliena. * Sextò, si deficiat conditio, sub qua relictum legatum, quia in ejus defectum de ademptione cogitasse intelligitur defunctus, l. pen. in fine D. De condit. instir. * Si modus adjectus non fuerit impletus, quod præstitum est, restituendum venit, nisi voluntas sit inepta, cui non obtemperans laudandus potius quàm accusandus. * Quid si legatum in piam causam relictum in eam converti nequeat, an cedat lucro hæredi, quæri posset. Et dicendum neutiquam cedere, sed in aliud opus pium convertendum esse; ut, si dicto modo impleri voluntas nequeat, saltem in animæ solatium alio modo impleatur, arg. l. Legatum 16. D. De usufr. legato, Jason ad l. Apud Iulianum al. l. Cum servus 39. §. constat nu. 19. D. De legat. 1. Extinguitur denique legatum, præmoriens legatario, curantium benè voluit testator, non etiam hæredi ejus.

Nu. 2. in fine.) Modò de mutata voluntate testatoris constet, saltem ex legitimis & probabilibus conjecturis. Joan. Faber *hic* nu. 4. Curtius Jun. *conf.* 103. nu. 2. Nam in legatis dependentibus à voluntate unius exceptio vel ademptio eatenus vitiatur, vitiatur, vel diminuit, quatenus verisimile est de mente testatoris. Exempla sunt in *l. 3. §. si duob.* D. *h. t. l. Titia* 36. D. *De legat. 1. & l. si fuerit*, 10. D. *reb. dubijs.* Aliàs in dubio non intelligitur ademptum legatum aut fideicommissum, *d. §. si duob.* Bald. in *l. si plurib.* nu. 1. *De leg. 1.* Mantica *de Conject. ultim. volunt. lib. 12. tit. 2. n. 1. & 2.* Vide Molin. *ad l. 1. §. si quis simpliciter* nu. 61. *De V. O.* An verò, factà generali ademptione legatorum, etiam legatum ad pias causas ademptum censeatur, non una omnium opinio est. Affirinat Natta *Conf.* 613. nu. 5. & 6. negat Rom. in *Auth. Similiter* nu. 54. C. *Ad L. Falcid.* & hunc aliosque secutus Tiraq. *de priv. pia causa* pr. v. 19.

Nu. 4. ibi, *d. l. si rem suam.*) Ubi necessitatem alienandi non pones eam, cui factò suo testator causam dedit, contrahendo æs alienum, ob quod cogatur rem alienare, cùm ea res habuerit initium voluntarium, *arg. l. interdum* 36. in fine D. *De judic. & l. si fidejussor* 7. §. 1. *Qui satisf. cog.*

Nu. 5. ibi, *Quod Titio legavi, Seio lego.*) Ex his verbis celebris inter Bart. & Dinum nata est controversia, utrum testator Titio voluerit omninò ademptum legatum, an verò Titium & Seium concurrere in idem legatum. Hoc Bart. illud Dinus adseruit, legatum scil. prorsus adimi Titio, de quo textus videtur expressus in *l. 1. D. h. t.* ubi dicitur illis verbis, *Hominem Stichum, quem Titio legavi, Seio do lego, simul & Titio adimi legatum & Seio dari.* Vid. Fachin. 5. *contr. c.* 52. Hunn. *Var. resol. lib. 2. tract. 8. qu. 17.*

DE LEGE FALCIDIA.

TITULUS XXII.

Supereft, ut de Lege Falcidia dispiciamus, quàm modus novissimè legatis impositus est. Cùm enim olim lege duodecim Tabularum libera erat legandi potestas, ut liceret vel totum patrimonium legatis erogare (quippe cùm ea lege ita cautum esset, *ut quisque legasset suæ rei, ita jussu esse*) visum est hanc legandi licentiam coarctare: idque ipsorum testatorum gratiâ provisum est, ob id, quòd plerumque intestati moriebantur, recusantibus scriptis hæredibus pro nullo aut minimo lucro hæreditates adire. Et cùm super hoc tam lex Furia quàm lex Voconia latae sunt, quarum neutra sufficiens ad rei consummationem videbatur: novissimè lata est lex Falcidia, quàm cavetur, ne plus legare liceat, quàm dodran-

tem totorum bonorum, id est, ut siue unus hæres institutus sit, siue plures, apud eum eolve pars quarta remaneat.

2. Et cum qualitum esset, duobus hæredibus institutis (veluti Titio & Seio) si Titii pars, aut tota exhausta sit legatis, quæ nominatim ab eo data sunt, aut supra modum onerata, à Seio verò aut nulla relicta sunt legata, aut quæ partem ejus dumtaxat in partem dimidiam minuant; an quia is quartam partem totius hæreditatis aut amplius habet, Titio nihil ex legatis, quæ ab eo relicta sunt, retinere liceat, ut quartam partem suæ partis salvam habeat: placuit posse retinere. Et enim in singulis hæredibus ratio legis Falcidiae ponenda est.

3. Quantitas autem patrimonii, ad quam ratio legis Falcidiae redigitur, mortis tempore spectatur. Itaque (verbi gratiâ) si is, qui centum aureorum patrimonium in bonis habeat, centum aureos legaverit, nihil legatariis prodest, si ante aditam hæreditatem per servos hæreditarios, aut ex partu ancillarum hæreditariarum, aut ex fœtu pecorum tantum accesserit hæreditati, ut, centum aureis legatorum nomine erogatis, hæres quartam partem hæreditatis habiturus sit: sed necesse est, ut nihilominus quarta pars legatis detrahatur. Ex diverso, si septuaginta quinque legaverit, & ante aditam hæreditatem in tantum decreverint bona (incendiis fortè, aut naufragiis, aut morte servorum) ut non amplius quàm septuaginta quinque aureorum substantia, vel etiam minùs relinquatur, solida legata debentur. Nec ea res dampnosa est hæredi, cui liberum est non adire hæreditatem: quæ res efficit, ut sit necesse legatariis, ne destituto testamento nihil consequantur, cum hærede in portione pacisci.

4. Cum autem ratio legis Falcidiae ponitur, antè deducitur æs alienum: item funeris impensæ, & pretia servorum manumissorum: tunc demùm in reliquo ita ratio habetur, ut ex eo quarta pars apud hæredem remaneat, tres verò partes inter legatarios distribuantur, pro rata scilicet portione ejus, quod cuique eorum legatum fuerit. Itaque si fingamus quadringentos aureos legatos esse, & patrimonii quantitatem, ex qua legata erogari oportet, quadringentorum esse, quarta pars legatariis singulis debet detrahi. Quòd si trecentos quinquaginta legatos fingamus, octava debet detrahi. Quòd si quingentos legaverit, initio quinta, deinde quarta detrahi debet. Antè enim detrahendum est, quod extra bonorum quantitatem est, deinde quod ex bonis apud hæredem remanere oportet.

COMMENTARIUS.

SUMMARIA.

1. *Legè XII. Tabb. legandi libera fuit potestas.*
2. *Restriçta primum L. Voconia, deinde Furiâ.*
3. *Lex Falcidia quadr. antem voluit manere penes hæredem.*

4. *In quibus hac locum habeat.*
5. *Ratio L. Falcidia in singulis heredibus ponenda.*
6. *Inspicienda quantitas, quæ fuit tempore mortis.*
7. *Deducto primum omni ere alieno & funeris impensâ.*
8. *Quarta Falcidia an sit quarta bonorum, an hereditatis,*
9. *Cessat Falcidia, testatore eam prohibente.*
10. *Modò expressim sit facta prohibitio.*
11. *Item cessat, herede inventarium facere negligente.*
12. *Ex conditione rei legata cessat in dote prelegata.*
13. *An deductio hac cesset in legatis piis.*

1 **L**Ege XII. Tabularum testandi licentia neutiquam erat arctata, sed libera-
nam eâ ita cautum fuisse hîc adseritur, **UTI QUISQUE LEGASSIT
REI SUÆ, ITA JUS ESTO**; quæ integra his verbis erat concepta,
**PATERFAMILIAS UTI SUPER PECUNIA TUTELAVE REI SUÆ LE-
GASSIT, ITA JUS ESTO**, Ulp. tit. XI. ut potuerit etiam totum patrimo-
nium legatis exhaurire. * Verùm quia ita contingebat, non adiri hereditatem,
quòd solo nomine hæres esse nemo desideraret, ad restringendam hujusmodi li-
centiam primum lata lex Furia à Cajo Furio Trib. plebis, deinde Voconia à Voco-
nio Saxa, quarum neutra sufficienter huic malo occurrebat. Illa siquidem plus
mille assibus seu nummis legatarium capere vetabat; sed, numero legatariorum
non definito, non impediabat, quò minus legatis exhauriretur hereditas, & ni-
hil hæredi relinqueretur: hæc vetabat eum, qui census esset, plus cuiquam lega-
re, quàm ad heredem perveniret, sed non definitâ quantitate: ac salvâ lege,
evenire poterat, ut, pluribus relictis legatis, exiguum quid, veluti unum au-
reum tantum, hæres caperet. (a) * Novissimè itaque lex Falcidia à Cajo Fal-
cidio Trib. plebis Augusti temporibus lata, (b) (unde & nomen sortita, non
etiam à Falce, ut Latinitatis ignari est commentum:) in cuius primo capite con-
firmatur dicta L. XII. Tabb. Secundo autem modus constituitur, quo restringitur
istâ potestas & licentia legandi, per hæc verba, *Dum ita detur legatum, ut non mi-
nus quàm quartam partem hereditatis ex testamento capiant heredes. Ut necessariò*
penes heredem sit relinquendus quadrans, & frustra in plus eum gravet testator,
cùm nemo possit facere, quò minus lex habeat locum in suo testamento, l. Nemo
§ 5. D. De legat. 1. Et hoc ita secundum jus vetus, nam hodie aliud juris est, ut mox
dicetur.

4 **L**ocum habet non tantum in legatis, (c) verùm & in mortis causa donationi-
bus, cùm legatis æquiparentur. In mortis causa capionibus locum non ha-
bet, quatenus specialiter sumuntur pro iis, quæ dantur causâ implendæ condi-
tionis. Cujus ratio est, quod non tam ab ipso testatore proficiantur, quàm tan-
tum occasione mortis ejus capiantur, exceptâ specie l. pen. C. h. r. ne fiat fraus
legi Falcidiæ. (d) Habet etiam locum in donationibus inter vivos, quæ morte
confirmantur, veluti inter virum & uxorem, l. In donationibus 12. C. h. r. quòd
videan-

videantur instar donationis mortis causâ. De fideicommissis quæritur : & dicendum , in iis non habuisse locum ab initio Falcidiam , cum fideicommissa non fuerint in usu tempore rogatæ istius legis ; postea tamen ad fideicommissa extensam esse Falcidiam per S.C.Pegasianum, cujus vis omnis postea transfusa ad S.C.tum Trebellianum, uti dicitur Tit. seq.

§. *Et cum quæsitum.*

QUADRANTIS, qui hæredi salvus esse debet, seu **LEGIS FALCIDIÆ RATIO IN SINGULIS HÆREDIBUS PONENDA EST**, *text. hic*, ita ut qui-
libet hæres gravatus ex sua portione quartam partem salvam habeat. Quomodo ex pluribus hæredibus contingeret unum tantum uti Falcidiâ, cujus fortè solus portio fuerit prægravata legatis, ut quadrantem salvum non habeat, alterius parte minimè gravatâ, *text. hic & l. In singulis 77. D. eod.* Cui sua portio integra manebit, cum sit separata ab alterius gravati portione, etiam in casu, quo gravati portio defecta accedit non gravato: quamvis è contrâ proficiat legatariis, si exhaustæ portioni accedat portio non exhausta, *l. i. §. id quod 13. l. Si pupillus 21. in fine D. eod.*
(e)

§. *Quantitas.*

AD ponendam Legis Falcidiæ rationem inspicitur **QUANTITAS PATRIMONII**, sive bonorum, **QUÆ FUIT TEMPORE MORTIS**. Ratio est, quia tunc legatorum cessit dies, id est, ad ea legatariis jus est quæsitum, quæ proinde tanta debentur, quanta tunc sunt : ut quod postea accrevit, vel decrevit, commodo aut damno cedat hæredi, legatariis autem non noceat, quibus tantum legatum præstandum, quantum debebatur tempore mortis. Quibus tamen cavendum, ne integrum legatum petendo, faciant institutum nolle adire, & sic legato excidant. Quo modo tutius erit, cum hærede de portione paciscantur, & pariem consequantur, ne toto careant, & discant secundum Heliodum dimidium esse plus toto.

§. *Cum autem.*

ANtequam Falcidiæ ratio ineatur, **ANTE DEDUCENDUM EST ÆS ALIENUM**, **IMPENSA FUNERIS**, **SERVORUM PRETIA**, quia sunt loco æris alieni, quod potius est ipsis legatis & Falcidiâ. Ex eo autem, quod reliquum erit, videndum, an, solutis legatis, Falcidia sit salva hæredi. Cujus aliàs deductio facienda secundum ordinem hic in textu traditum, scilicet ut quod plus legatum quàm in bonis est, primò deducatur, deinde ex reliquis Falcidia salvetur.
* Ut videatur hæc quarta esse potiùs bonorum, quàm hæreditatis, cum hæreditas contineat & commoda & onera ; bona autem tantum ea dicuntur, quæ supersunt, deductis expensis. Non tamen rectè dixeris, bona ea non pertinere ad hæreditatem, cum deductio æris alieni non faciat ea quæ supersunt minùs spectare
Bbb 2 ad

ad hereditatem, cum ideo deducatur res alienum ante legata, quod uti dictum, ijs sit potius, utpote continens verum debitum, cum legata tantum spectent ad quali debitum.

- 9 Hæc ita, quatenus Falcidiæ est locus, quam contingit varijs casibus cessare, idque vel ex privilegio, uti in testante militariter, *l. 7. C. h. t.* vel ex jure communi. Primò, FACTO TESTATORIS, QUI, non ignarus quantitatis sui patrimonij, PROHIBUIT DETRACTIONEM, *Nov. 1. De hered. & Falcid. c. 2. §. si verò non fecerit vers. si verò expressim, & Auth. Sed cum testator c. h. t.* Quia in re à veteri jure recessum, quo testator deductionem prohibere non poterat, ex ratione in principio hujus Tit. allata. Ratio juris novi consistit in conservatione voluntatis, quæ debet esse potior lucro hæredis. Non obstat ratio juris veteris, quod, ne testamenta destituerentur, nullo adeunte, noluit posse prohiberi deductionem per testatorem; quia ei malo provisum per jus novum, cum, repudiante instituto, detur licentia adeundi substitutis, & post eos legatarijs, fideicommissarijs, & alijs venientibus ab intestato, cum onere implendi id quod dispositum à defuncto, *d. N. 1. §. his igitur.* Notandum autem, prohibitionem detractionis non alias habere effectum, quam si sit expressa, *d. vers. si verò expressim;* veluti, *Nolo deduci quartam:* ut non sufficiant hæc verba *Omnia legata præstari volo, integra solvi,* cum legi corrigenti, quæ desiderat aliquid expressè fieri, non fiat satis, nisi singularibus verbis exprimat, *arg. l. si quis 22. D. De legat. 3. (f)*

- 11 Secundo, FACTO HÆREDIS, SI INVENTARIUM NEGLEXERIT, quæ de re actum supra Tit. 19. Si non ignarus substantiæ testatoris INTEGRA LEGATA SOLVERIT, AUT SOLVERE COEPERIT, *l. 1. C. h. t. & d. Nov. 1. §. cum autem.* Videtur enim agnovisse voluntatem, ut possit cogi exolvere reliqua, in quo recessum à jure veteri, *l. Quod bonis 15. §. 2. cum l. seq. D. eod.* Dico, non ignarus; quia ignorantia facti dat repetitionem pro modo Falcidiæ; non etiam juris, quia est improbabilis, *l. 9. C. h. t.* SI PROMISERIT SOLVERE INTEGRA LEGATA, *l. fin. h. t.* quia convenit ei fidem suam liberare. Si non impleverit VOLUNTATEM intra annum à monitione judiciali, *d. Nov. 1. §. si quis autem. & §. illud quoque.*

- 12 Tertiò, EX CONDITIONE, veluti si dos uxori sit prælegata, *l. Sed usus fructus 81. §. 1. D. eod.* aut res mulieris causâ empta, parata, *d. l. 81. §. fin.* quia quodammodo ejus est, propter destinationem, *l. Si quid 47. §. 1. & l. Item legato 49. §. 3. De legat. 3.* Non patitur etiam Falcidiam data libertas, *l. 8. §. quarta autem D. De inoff. testam.* ut nec res alienari prohibita, *Auth. Sed & in ea C. h. t.* quod videatur testator, prohibendo alienationem, prohibuisse & detractionem Falcidiæ.

- 31 Disputatur autem, An piæ causæ relictum legatum deductionem hanc admittat? Et communiter negant Dd. ex favore piæ causæ. Pro ijs facit textus in *Auth. Similiter C. h. t.* Quæ opinio ut sit servanda in judicando, uti communiter recepta, minùs tamen convenit juri scripto, ut videre est ex *Nov. De ecclesiast.*

Tit. 131. §. si autem heres, ubi tantum in certo casu non deducitur Falcidia legatis pijs, ut communiter aliàs deductio obtineat, secundum regulam, quod exceptio firmet regulam in non exceptis; ex qua Nov. desumpta *d. Auth. Similiter* parum ei respondet. Idem etiam patebit ex *l. Si quis 49. C. De Episc. & cler.* ubi ad evitandam Falcidiam suadet Imp. ipsam piam causam scribi heredem: quā cautelā opus non esset, nisi & talia legata paterentur deductionem. (g)

ADDITIONES V. A. D.

Nu. 2. in fine.) ita ferè Ant. Goveanus *præfat Comment ad L. Falcid. nu. 13. De lege Voconia* extat Commentarius Franc. Balduini, ut & ad L. Falcidiam. Lege autem Voconia fuisse antiquiorem Legem Furiam testamentariam Cicero *Verrinā. 3. & Iustin. Imp. hic in princ.* subindicat. Post Legem verò Voconiam ducentis & septuaginta annis, hoc est anno Urbis 10. cc. xi i i. fuisse eam L. Falcidiam notat Balduin. *Comment. ad L. Falcid. in princ.*

Nu. 3. ibi Augusti temporib. lata.) à P. Falcidio Trib. plebis, inquit Dion. *lib. 48. Vocat Publum*, quālijs Caius. Eusebius in Chronico: *C. Falcidius Trib. plebis legem tulit, ne quis plus testamento legaret, quàm ut quarta pars heredi superesset.*

Nu. 4. ibi, non tantum in legatis.) Adeoque & in partè hereditatis legata, quamvis huiusmodi legatum videatur naturam habere fideicommissi. Ita post Raph. Cuman. & Socin. *senior. ad rubr. D. Ad S. C. Trebell. Fachin. §. contr. c. 11* Dissent. Gloss. Castren. & Ruin. *ad d. rubr. & Vasq. de Success. resolut. tit. 2. §. 11.* quorum argumentis satisfacit *d. loco. Fachinæus.*

Ibid. ibi, ne fiat fraus L. Falcidiæ.) Veluti si iussus sit hæres non aliter adire hereditatem nisi prius certam quantitatem alicui persolvat, quæ deminueret Falcidiæ rationem possit; cum & mortis causâ donatio modum legis Falcidiæ excedens deminutionem patiatur, *d. l. pen.* Aliàs quod mortis causâ capitur jure legati vel testamenti non censetur, *l. Si quis 8. D. Si quis omisâ caus. testam. & l. Marius 55. De condit. & demonstr.* Cum hac tamen distinctione Iean. Fabri *hic nu. 3.* Nam quod mortis causâ capitur, vel contra voluntatem accipitur testantis, & detractio Falcidiæ locum non habet, *l. Qui pretio 8. De mortis caus. donat.* Vel non proficiscitur ab hærede; quo etiam casu Falcidiæ locus non est, *l. Acceptis 93 D. Ad L. Falcid.* Secus, si ab hærede proficiscatur, nec mora aut culpa ejus in capiendo arguatur, *l. 1. §. item si ita D. eod. Gl. & Dd. in l. Si mortis C. eod.* Detrahi verò Falcidiam ex donatione hereditatis vel omnium bonorum mortis causâ, patet ex *l. Cum pater 77. §. 1. D. De legat. 2. l. 1. §. si quis D. Quod legator.* Pluresque & leges & auctores, qui ita interministradunt, citat Berlich. *p. 3. concl. 1. nu. 37. & seqq.*

Ibid in fine.) Fideicommissa intellige particularia, in quibus deductioni quartæ locum esse, non secundum L. Falcidiam, sed secundum S. C. Tertullianum, docet Fachin. *§. contr. c. 12.* Et probat text. in *§. Sed quia heredes vers. ex*
Bbb 3 *singuli*

Singulis inf. De fideicom. hered. Nam ibi tantum agi de S. C. Trebelliano palam est. Quamvis alias par quoque ratio videatur deducendæ utriusque quartæ, ut etiam non raro quod fideicommissis singularibus per Senatusc. detrahitur veniat nomine Falcidiæ. Adeoque re ipsâ non magni aut nullius fere momenti est hæc quaestio, maximè adæquatis legatis ac fideicommissis. Vide Aemil. Ferret. *ad rubr. D. Ad L. Falcid. nu. 9. & seq. & D. Zoef. ad D. h. tit. nu. 7.*

Nu. 5. in fine.) Priori casu, quando portio onerata accedit portioni non onerata, quia separata sunt portiones, placuit legata non augeri, id est non sine Falcidiæ detractioe præstari. Posteriori verò casu, quo portioni gravata accedit portio non gravata, confundi & misceri portiones, ut solida legata præstentur, salvo hæredi quadrante totius hæreditatis à testatore relicta: quia eo casu cohæres, qui legatis gravatus est, & cui cohæredis non gravati portio, sive ex substitutione vulgari sive accrescendi jure, accedit, similis est hæredi ex parte pure, ex parte sub conditione instituto, ut in spec. *l. Cum heres § 2. §. 1. D. De acq. hered.* qui non aliter Falcidiâ uti potest, quam si ex universâ hæreditate quadrantem saluum retinere non possit. *l. 1. §. ad quod 13. cum §. seq. l. In ratione 11. §. pen. & l. Qui fundum 87. §. qui filium & §. cohæres D. h. t. Cujac 8. Obser. c. 35. & lib. 13. c. 14. Duaren. c. 8. ad L. Falcid. Donel. 8. Comment. c. 13. Ant. Faber 4. Coniect. c. 13. Qui quidem posteriorem hujus distinctionis partem verissimam pronuntiat, ex ratione, quam dixi, & juris locis jam allegatis: priorem verò non ita indistinctè veram putat, prout Interpretes statuunt, propter responsum Iuliani in *d. l. Qui fundum 87. §. 4. D. Ad L. Falcid.* In cujus explicatione nutat Faber, mutatâ priori suâ sententia, 18. *Coniect. c. 15.* Vide Bachov. *ad Treutl. vol. 2. disp. 14. thes. 2. lit. E. in fine.* Zoef. *ad D. h. t. nu. 25. & seq. Hunn. Var. resp. lib. 2. tract. 8. qu. 19.* Frabri argumentis respondentem,*

Illud queri hic posset, an ut legitima portio pro numero liberorum est aucta ad trientem & semissem, per *Nov. 18. c. 1. De triente & semisse, & Auth. Novissima C. De inoff. testam.* ita etiam Falcidia debeat dici aucta pro numero hæredum. Quod putabat Ant. Goveanus, *ad l. 1. nu. 37. & seq. D. De vulg. & pupil. & lib. 2. Var. Lect. iuris civ. c. 1.* eaque Græcorum Interpretum opinio fuit, Harmenop. *lib. 5. tit. 9. in pr.* Probat ex eo, quod portio, quæ testamenti inofficiosi querelam excludit, etiam Falcidia appelleretur. *l. Quæ nuper 31. C. De inoff. testam.* Deinde ex *d. Nov. 1. De hered. & Falcid.* ubi Imp. Falcidiam ait esse trientem vel semissem, τὸ τρίτον ἢ τὸ ἡμισυ τῆς πρὸς τοῦτος. Verum rectius negatur, & fragile est argumentum, quod ex nomine Falcidiæ sumitur, quia illud generaliter acceptum quamlibet quartam designat, pro subjecta scilicet materia. Unde quod dictæ novellæ Constitutioni xviii. acceptum ferri debet, ineptè adscribi dictæ *Nov. 1. interpolatis* ejus verbis, auctor est Franc. Balduin. *in suo Justinian. lib. 4. ad d. Nov. 18. ut & in Chronicis Eusebij, ubi de L. Falcidia agitur, quidpiam temerè adfuturum videri.* Vide Zoef. *D. cod. nu. 15.*

Nu. 10. in fine.) Ut intelligi non debeat testator Falcidiam prohibuisse hoc ipso, quo integra legata solvi jussit. Bart. *add. Nov. 1. c. 2. vers. si vero ex præsim,*

presim, & ibid. Angel. Oldrad. conf. 248, nu. 4. Covarr. ad c. Rainaldus §. 3. nu. 6. Sarmient. Select. Interpret. lib. 2. c. 7. nu. 9. & seqq. Fachin. §. contr. c. 13. Pichard. ad rubr. h. t. nu. 58. & seqq. Diss. Alex. conf. §. lib. 3. Guido Papa qu. § 37. nu. 2. Boer. decis. 44. nu. 33. Mich. Grassus §. Falcidia qu. 10. Menoch. lib. 4. Presumpt. 198. & conf. 374. nu. 14. lib. 3. qui alios citat.

Nu. 13. in fine.) Plenius de hac questione D. Zoef. D. cod. in fine, Cujac. ad d. Nov. 131. Forner. 2. Select. c. 2 §. Fachin. §. contr. c. 17. Christin. decis. 320. vol. 1. Videtur autem sententia communis, quæ negat in relictis ad pias cauillas L. Falcidia esse locum, restringenda ad hunc unum casum, si hæres in præstandis legatis moram fecerit, vel dolo malo affirmaverit vires patrimonii non sufficere, d. Nov. 131. §. si autem hæres, in verbis: *Si autem hæres, quæ ad pias causas relictæ sunt, non impleverit, dicens, relictam sibi substantiam non sufficere ad ista &c.* Ex qua desumpta Auth. Similiter indistinctè & generaliter statuit, ex piis legatis Falcidiam minimè detrahi. Joan. à Sande Decis. Frisc. lib. 4. tit. 8. defin. 10. Gudel. De jure noviss. lib. 2. c. 111. nu. 12. & seqq. Porro circa Falcidiæ detractionem mores nostri variant. Nam in Brabantia non esse usitatam Falcidiam aut Trebellianicam scribit Zypæus, Not. juris Belg. lib. 6. tit. De testam. Antuerpiensium verò mores, quia magis ad jus scriptum accedant, omnibus quartis locum facere. Quâ ratione dixero etiam hodie per reliquam Brabantiam dandum esse locum detractioni L. Falcidiæ, quoad ea bona, de quibus est libera disponendi facultas moribus permessa, conformiter iis, quæ tradit D. Gudel. De jure noviss. lib. 1. c. 13. nu. 17. & lib. 2. c. 111. nu. 17. item tit. D. Ad L. Falcid. nu. 6. Nam constat Brabantiam esse patriam juris scripti, non consuetudinariam, fuisseque aliquando membrum Imperii Rom. de quo Henr. Kinschot. tract. 1. De re script. gratia c. 1. & 2. & Nic. Thulden. Prefat. in Prax. civ. Damboud. Unde deficiente consuetudine aut lege municipali, nihilque disponente de quarta Falcidia, necessariò ad jus Romanum tamquam commune recurrendum erit; prout & in similibus casibus recurri oportere Principes nostri statuerunt. Gudel. locis cit. Christin. decis. 343. vol. 1. & ad Consuet. Mechlin. circa fin. sub nu. 19. vers. Et idcirco. Ceteroquin deductionis hujus, ut & quartæ Trebellianicæ, hodie in hisce Provinciis usum rariorem esse notat idem Gudelinus; quod & de iis Galliæ provinciis, quæ jure consuetudinario reguntur, observat Bucherel. ad h. t. ejusque interpres & exscriptor Gallus Petr. Fontius, item Joan. Bacquet lib. quem Gallicè scripsit du droit de Bastardise c. §. nu. 22. Quinimò consuetudine ferè passim provisum est, ne legatis hæreditate; absorberentur, facultate testandi de patrimonio avito restrictâ ad trientem, aliamve certam partem bonorum, ut non ultra liceat erogare legatis. In Hispania quoque non videri hodie necessariam esse legem Falcidiam, secus verò obtinere quoad quartam Trebellianicam, scribit Gomez. 1. Var. resol. c. 12. nu. 11. in fine, Ant. Padilla in l. Eam quam nu. 109. C. de fideicom. & Pichard. ad rubr. h. t. nu. 27. Quid in foro obtineat Saxonico latè disputat Berlich. p. 3. concl. 1. nu. 42, & seqq.

DE FIDEICOMMISSARIIS HÆREDITATIBVS, ET AD SENATVSCONSULTVM TREBELLIANVM.

TITULVS XXIII.

Nunc transeamus ad fideicommissa: sed prius est, ut de hæreditatibus fideicommissariis videamus.

1. Sciendum itaque est, omnia fideicommissa primis temporibus infirma fuisse, quia nemo invitus cogebatur præstare id, de quo rogatus erat. Quibus enim non poterant hæreditatem, vel legata relinquere, si relinquebant, fidei committebant eorum, qui capere ex testamento poterant hæreditatem. Et ideo fideicommissa appellata sunt, quia nullo vinculo juris, sed tantum pudore eorum, qui rogabantur, continebantur. Postea divus Augustus primus, semel iterumque gratia personarum motus, vel quia per ipsius salutem rogatus quis diceretur, aut ob insignem quorundam perfidiam, iussit Consulibus auctoritatem suam interponere. Quod quia iustum videbatur, & populare erat, paulatim conversum est in assiduam jurisdictionem: tantusque eorum favor factus est, ut paulatim etiam Prætor proprius crearetur, qui de fideicommissis jus diceret, quem fideicommissarium appellabant.

2. In primis igitur sciendum est, opus esse, ut aliquis recto jure testamento hæres instituatur, ejusque fidei committatur, ut eam hæreditatem alii restituat, alioqui inutile est testamentum, in quo nemo hæres instituitur. Cum igitur aliquis scripserit, *Lucius Titius hæres esto*: potest adjicere, *Rogo te, ut cum primum poteris hæreditatem meam adire, eam Caio Seio reddas, restituas*. Potest autem quisque & de parte restituenda hæredem rogare: et liberum est, vel purè, vel sub conditione relinquere fideicommissum, vel ex certo die.

3. Restitutâ autem hæreditate, is quidem, qui restituit, nihilominus hæres permanet: is verò, qui recipit hæreditatem, aliquando hæredis, aliquando legatarii loco habetur.

4. Et Neronis quidem temporibus, Trebellio Maximo & Annæo Seneca Consulibus, Senatusconsultum factum est, quo cautum est, ut si hæreditas ex fideicommissi causa restituta sit, omnes actiones, quæ jure civili hæredi, & in hæredem competere, ei, & in eum darentur, cui ex fideicommissio restituta esset hæreditas. Post quod Senatusconsultum Prætor utiles actiones ei, & in eum, qui recipit hæreditatem, quasi hæredi, & in hæredem dare cœpit.

5. Sed quia hæredes scripti, cum aut totam hæreditatem, aut penè totam plerumque restituere rogabantur, adire hæreditatem ob nullum vel minimum lucrum recusabant, atque ob id exstinguebantur fideicommissa, postea Vespasiani

fiani Augusti temporibus, Pegaso & Pusione Consulibus, Senatus censuit, ut ei, qui rogatus esset hæreditatem restituere, perinde liceret quartam partem retinere, atque ex Lege Falcidia ex legatis retinere conceditur. Ex singulis quoque rebus, quæ per fideicommissum relinquuntur, eadem retentio permixta est. Post quod Senatusconsultum ipse hæres onera hæreditaria sustinebat: ille autem, qui ex fideicommissio recipiebat partem hæreditatis, legatarij partiarij loco erat, id est, eus legatarij, cui pars bonorum legatur, quæ species legati partitio vocabatur, quia cum hærede legatarius partiebatur hæreditatem. Unde quæ solebant stipulationes inter hæredem & partiarium legatarium interponi, eadem interponebantur inter eum, qui ex fideicommissio recepit hæreditatem, & hæredem, id est, ut lucrum & damnum hæreditarium pro rata parte inter eos commune esset.

6. Ergo siquidem non plus, quam dodrantem hæreditatis scriptus hæres rogatus sit restituere, tunc ex Trebelliano Senatusconsulto restituebatur hæreditas, & in utrumque actiones hæreditariæ pro rata parte dabantur: in hæredem quidem jure civili; in eum verò, qui recipiebat hæreditatem, ex Senatusconsulto Trebelliano tamquam in hæredem. At si plus, quam dodrantem, vel etiam totam hæreditatem restituere rogatus esset, locus erat Pegasiano Senatusconsulto: & hæres, qui semel adierat hæreditatem (si modo sua voluntate adierat) sive retinuerat quartam partem, sive retinere nòluerat, ipse universa onera hæreditaria sustinebat. Sed quartâ quidem retentâ, quasi partis & pro parte stipulationes interponebantur, tamquam inter partiarium legatarium & hæredem. Si verò totam hæreditatem restitueret, emptæ & venditæ hæreditatis stipulationes interponebantur. Sed si recusabat scriptus hæres adire hæreditatem, ob id, quòd diceret, eam sibi suspectam esse quasi damnosam: cavebatur Pegasiano Senatusconsulto, ut, desiderante eo, cui restituere rogatus esset, jussu Prætoris adiret & restitueret hæreditatem: perindeque ei & in eum, qui reciperet hæreditatem, actiones darentur, ac juris est ex Trebelliano Senatusconsulto, quo casu nullis stipulationibus est opus: quia simul & huic, qui restituit, securitas datur, & actiones hæreditariæ ei & in eum transferuntur, qui recipit hæreditatem, utroque Senatusconsulto in hac specie concurrente.

7. Sed quia stipulationes, ex Senatusconsulto Pegasiano descendentes, & ipsi antiquitati displicuerunt, & quibusdam casibus captiosas eas homo excelsi ingenij Papinianus appellat, & nobis in legibus magis simplicitas quam difficultas placet: Ideo omnibus nobis suggestis, tam similitudinibus, quam differentiis utriusque Senatusconsulti, placuit, expulso Senatusconsulto Pegasiano, quod postea supervenit, omnem auctoritatem Trebelliano Senatusconsulto præstare, ut ex eo fideicommissariæ hæreditates restituantur: sive habeat hæres ex voluntate testatoris quartam, sive plus, sive minus, sive nihil penitus, ut tunc, quando vel nihil, vel minus quartâ apud eum remanet, liceat ei vel quartam, vel quod deest, ex nostra auctoritate retinere, vel repetere solum quasi ex Trebelliano Senatusconsulto; pro rata portione actionibus tam in hæredem,

quàm in fideicommissarium competentibus. Si verò totam hereditatem sponte restituerit, omnes hereditariæ actiones fideicommissario, & adversus eum competant. Sed etiam id, quod præcipuum Pegasiani Senatusconsulti fuerat, ut, quando recusaret hæres scriptus sibi datam hereditatem adire, necessitas ei imponeretur totam hereditatem volenti fideicommissario restituere, & omnes ad eum & contra eum transferre actiones: & hoc transposuimus ad Senatusconsultum Trebellianum, ut ex hoc solo necessitas heredi imponatur, si, ipso nolente adire, fideicommissarius desideret restitui sibi hereditatem, nullo nec damno nec commodo apud hæredem remanente.

8. Nihil autem interest, utrum aliquis ex æsse hæres institutus, aut totam hereditatem, aut pro parte restituere rogatur an ex parte hæres institutus, aut totam eam partem, aut partem partis restituere rogatur. Nam & hoc casu eadem observari præcipimus, quæ in totius hereditatis restitutione diximus.

9. Si quis, unâ aliquâ re deductâ, sive præceptâ, quæ quartam continet, (veluti fundo, vel aliâ re) rogatus sit restituere hereditatem, simili modo ex Trebelliano Senatusconsulto restitutio fiet, perinde ac si quartâ parte retentâ rogatus esset reliquam hereditatem restituere. Sed illud interest, quòd altero casu, id est, cum deductâ sive præceptâ aliquâ re, restituitur hereditas, in solidum ex eo Senatusconsulto actiones transferuntur: & res, quæ remanet apud hæredem, sine ullo onere hereditario apud eum remanet, quasi ex legato ei adquisita. Altero verò casu, id est, cum quartâ parte retenta rogatus est hæres restituere hereditatem, & restituit, scinduntur actiones, & pro dodrante quidem transferuntur ad fideicommissarium, pro quadrante remanent apud hæredem. Quæ etiam licet, unâ re aliquâ deductâ, aut præceptâ, restituere aliquis hereditatem rogatus sit, in qua maxima pars hereditatis contineatur, æquè in solidum transferuntur actiones: & secum deliberare debetis, cui restituitur hereditas: an expediat sibi restitui. Eadem scilicet interveniunt, & si duabus pluribusve deductis præceptisve rebus, restituere hereditatem rogatus sit. Sed & si certâ summâ deductâ præceptave, quæ quartam, vel etiam maximam partem hereditatis continet, rogatus sit aliquis hereditatem restituere, idem juris est. Quæ autem diximus de eo, qui ex æsse institutus est, eadem transferimus & ad eum, qui ex parte hæres scriptus est.

10. Præterea intestatus quoque moriturus, potest rogare eum, ad quem bona sua, vel legitimo jure, vel honorario pertinere intelligit, ut hereditatem suam totam, partemve ejus, aut rem aliquam (veluti fundum, hominem, pecuniam) alicui restituat: cum alioqui legata, nisi ex testamento, non valeant.

11. Eum quoque, cui aliquid restituitur, potest rogare, ut id rursum alii aut totum, aut partem, vel etiam aliquid aliud restituat.

12. Et quia prima fideicommissorum cunabula à fide hæredum pendent, & tam nomen quàm substantiam acceperunt: ideo divus Augustus ad necessitatem juris ea retraxit. Nuper & nos eundem Principem superare contententes, ex factis, quod Tribonianus vir excellentissimus ex quaestore sacri palatii sug-

gessit, Constitutionem fecimus per quam disposuimus: si testator fidei heredis sui commisit, ut vel hereditatem, vel speciale fideicommissum restituat, neque ex scriptura, neque ex quinque testium numero (qui in fideicommissis legitimus esse noscitur) possit res manifestari, sed vel pauciores, quam quinque, vel nemo penitus testis intervernerit: tunc si pater heredis siue alius quicumque sit, qui fidem heredis elegerit, & ab eo restitui aliquid voluerit, si haeres perfidia tenus adimplere fidem recusat, negando rem ita esse subsecutam, si fideicommissarius iurandum ei detulerit, cum prius ipse de calumnia iuraverit, necesse eum habere, vel ius iurandum subire, quod nihil tale à testatore audiverit, vel recusantem ad fideicommissum vel universalis, vel specialis solutionem coarctari, ne depereat ultima voluntas testatoris fidei heredis commissi. Eadem observari censuimus, & si à legatario vel fideicommissario aliquid similiter relictum sit. Quod si is, à quo relictum dicitur, postquam dicitur, negaverit, confiteatur quidem aliquid à se relictum esse, sed ad legis subtilitatem recurrat, omnino solvere cogendus est.

COMMENTARIUS.

SUMMARIA.

1. Fideicommissum quid, & Fideicommissorum origo.
2. Aliud universale, aliud particulare.
3. Fideicommissum quis quâ formâ relinquat.
4. Cui, à quo, & qualiter relinquatur.
5. Effectus restitutæ ex causâ fideicommissi hereditatis.
6. Emptor hereditatis quis, & qualiter constituatur.
7. Restitutio ex S.C. Trebelliano quomodo fiat.
8. Quomodo ex S.C. Pegasiano, ex quo & permissa retentio quarta.
9. Stipulationes emptæ venditæ hereditatis qualiter & quâ formâ olim interpositæ.
10. Hodie restitutio fit ex S.C. Trebelliano.
11. Quartam Trebellianicam regulariter detrahit solus haeres.
12. Cessat centis casibus hæc detractio non tamen ob non confectum inventarium.
13. Prohiberi potest, exemplo Falcidia.
14. Fructus ante aditam hereditatem percepti imputantur in quartam Trebellianicam.
15. Legata, exemplo fideicommissorum, hodie ab intestato rectè relinquuntur.
16. Rem à fideicommissario alienatam quatenus haeres vindicare possit.
17. Ad probationem fideicommissi quot testes requirantur.
18. Haeres quatenus ad præstandum fideicommissum cogi possit.
19. Defectu legitime probationis actus non valet.
20. Fideicommissi obligatio quibus casibus extinguatur.

1 **N**on directis tantum & civilibus five imperativis verbis relinquuntur res universales five singulares, quod spectant hactenus dicta, verum & obliquis ac precarijs, cujus ordinis sunt, **ROGO, MANDO, VOLO, FIDEI TUÆ COMMITTO**, §. *fin. tit. seq.* verbis directis in eum, qui quid restituere rogatus est. Quod relictū genus **FIDEICOMMISSUM** dicitur nominis ratio hæc est, quod ejus fidei, qui rogatur, committatur restitutio, cujus pudore potius olim continebatur, quam juris vinculo, *ut habet hic text.* (a) unde & fiduciaria interdum dicitur hæreditas. Hinc fiebat, quod olim non esset ejus nomine actio, quā cogeretur rogatus præstare, & fidem liberare: maximè quia fideicommissorum origo ex eo cœperit, ut ijs, qui directò ex testamento capere non poterant, cujus ordinis sunt peregrini orbi, cælibes, mulier intra tempus luctus nubens, provideretur per alium, qui capax erat, tacitâ fide accommodatâ de restituendo tali personæ hæreditatem, aut partem, aut aliquid ejus vice. Dicitur, tacita fides, quæ non propalam interposita, sed clanculum, & per domesticam cautionem, *l. 3. in pr. D. De jure fisci, l. In tacitis 103. D. De legat. 1.* Ut ea res magis fuerit facti quam juris, præcipuè posterioribus temporibus quibus relictâ in fraudē fiscus vindicabat, *d. l. 3. §. cum ex causa.* Inceperunt autem fideicommissa contineri juris vinculo temporibus D. Augusti; adeo ut & Prætor proprius creatus fuerit, qui de ijs jus diceret, eò quod, ut hîc habet textus, justum & populare esset, fidem liberare.

2 Fideicommissum aliud est **UNIVERSALE**, de quo hoc Tit. quo relinquitur hæreditas, aut ejus pars: aliud **SINGULARE**, quo relinquuntur res singulæ, de quo Tit. sequenti.

§. In primis.

3 **FIDEICOMMISSUM** relinquit quisquis testari potest, *l. 2. De legat. 2. & text.* *hic*, qui dicit opus esse, **UT SCRIBATUR HÆRES IURE RECTO**, id est verbis directis, **QUI ROGETUR RESTITUERE**, cum aliâs testamentum non subsistat. Quod verum est, quando fideicommissum relinquuntur **TESTAMENTO**, quod perfectum esse debet, quia ex imperfecto non debetur, *l. Ex testamento 29. C. De fideicom.* Hodie etiam **CODICILLIS** relinquuntur, testamento non confirmatis, & **AB INTESTATO**, §. *prætere a ins. cod.* five **VERBIS** judicium animi sit explicatum, five **EPISTOLA, LIBELLO**, imo etiam **NUTU**, *l. nutu 21. D. De legat. 3. l. Et in epistola 22. C. De fideicom.* quia non desiderat ejusmodi voluntas solemnitatem aliquâ modò probetur per quinque testes, *l. fin. §. fin. C. De codicil.* excepto casu §. *fin.* de quo ibi. Muto quatenus non est testandi licentia, eatenus non est fideicommittendi, *d. l. 1. §. hi quibus 2. De legat. 3.* Quâ ratione nec filiusfam. fideicommittit, *d. l. 1. §. 2. nec intestabilis quisquam.*

4 Relinquitur cuivis, qui capax est testamenti factionis, §. *legari 24. sup. De legat.* Incapaci relictum, tacitâ fide interpositâ, fiscus vindicat. Relinquitur ab omni eo, ad quem aliquid perventurum morte ejus, qui relinquit, five dum datur hæreditas, legatum, fideicommissum; nam & a fideicommissario relinqu-

quitur, §. *eum quoque inf. eod.* sive dum datum non adimitur, d. l. 1. §. *sciendum*. Nec tantum PURE, & SUB CONDITIONE, verum & EX CERTO DIE; *text. hic in fine*. Non obstante, quod hæreditas diem non admittat: quia non idem hic subest vitium, cum non ponatur defunctus partim testatus, partim intestatus, quandoquidem fideicommissum præsupponat alium directum hæredem, qui etiam post restitutionem totius licet hæreditatis nihilominus hæres manet, ut mox dicetur.

§. *Restituta.*

Restitutio ex causa fideicommissi, sive verbis sive re ipsa, facta, quando nimirum hæres patitur alterum possidere res hæreditarias, hac mente, ut restituat, & ita alter suscipiat, l. *Restituta* 37. D. Ad S. C. Trebell. non facit, quod minus permaneat hæres is, qui restituit, *text. hic*, ex regula juris, quæ qui SEMEL HÆRES NON DESINIT HÆRES ESSE, l. *Et qui* 88. D. De hæred. instit. Adeo ut à creditoribus hæreditariis & legatariis, cum quibus aditæ hæreditate contraxisse videtur, conveniri possit, & ipse debitores hæreditarios convenire: conventus tamen exceptione actiones rejicere poterit.

Vbi notandum, eum, qui hæreditatem restitutam recipit, olim EMPHORIS VICES gessisse, ut hic tradit Theoph. per imaginariam quamdam venditionem, hæreditate uno nummo addicta, interpositis stipulationibus, quæ dicebantur EMPTÆ ET VENDITÆ HÆREDITATIS, super indemnitate restituentis, postea aliquando LOCO HÆREDIS habitum, aliquando & LEGATARIUM. Hæredis, si restitutio fieret ex Trebelliano, quod factum tempore Neronis, Trebellio Maximo & Annæo Seneca Consulibus. * Quo cautum, ut, restituta ex fideicommissio hæreditate, ACTIVÆ ET PASSIVÆ ACTIONES in eum, cui restituitur hæreditas, transirent, quod iniquum esset, hæredem teneri, apud quem non sunt bona hæreditaria; quamvis ipso jure non sit liberatus, & conveniri possit, ut jam dictum. Legatarii verò vices sustinebat, quando restitutio fiebat ex S. C. to Pegasiano, quod factum temporibus Vespasiani, Pegaso & Pusione Consulibus. * Quo concessum hæredi, regato restituere, RETINERE QUARTAM, ad modum Falcidiae, quæ ex legatis retinetur, qualis habebatur loco legatarii partialis, id est, cui legata pars bonorum. (b) Hoc in genere desiderabantur STIPULATIONES, quibus hæres onus hæreditatis transferebat pro rata in fideicommissarium, qui vicissim stipulabatur sibi commodum pro rata, si quod ad hæredem perveniret ex hæreditate. Quod si hæres quartam non retineret, ut commodum omne, ita & omne onus in fideicommissarium transibat per stipulationem emptæ & venditæ hæreditatis. * Ex parte fideicommissarii ita interponi solita stipulatio, QUANTA PECUNIA AD TE, EX HÆREDITATE ILLA PERVENERIT, DOLOVE MALO TUO FACTUM EST, ERITVE, QUO MINUS PERVENIAT, TANTUM PRÆSTARI, l. *In illa* 50. D. De V. O. E contra ex parte hæredis tamquam venditoris videtur interposita fuisse hæc vel similis, QUANTAM PECUNIAM HÆREDITARIO NOMINE DE-

- DERO, SOLVERO, PRÆSTITERO, TANTAM TE MIHI PRÆSTITURUM PROMITTIS. Cujac. 2. *Obfer. cap. 20.* Cavetur & eo S. C. to, ut hæres recusans adire hæreditatem tamquam suspectam cogatur adire per Prætorem, ad instantiam fideicommissarii, eique restituere in quem hoc casu transibunt actiones in solidum, perinde ac si ex Trebelliano esset restituta hæreditas, nullo commodo apud hæredem remanente. * Verùm quòd citra captionem non essent ejusmodi stipulationes, cum per eas minime liberaretur hæres ab actionibus, displicere coeperunt, & expulso S. C. to Pagasiano, omnis auctoritas attributa Trebelliano. Ex quo & hodie fit restitutio, actionibus citra stipulationem transeuntibus in fideicommissarium, pro rata partis restitutæ, §. *sed quia stipulationes*, & remanentibus apud hæredem pro rata partis retentæ, quæ vel ex nimis gravata hæreditate est deducenda, vel relicta est ab ipso testatore: æquum enim, eatenus sentire onus, quatenus quis commodum sentit. Nisi rogatus fuerit, deducta vel præcepta re singulari, quæ quartam aut ampliùs continet, restituere reliquam hæreditatem: tunc enim quia est loco legatarii institutus rem relictam habet sine onere, quod omne sequitur eum, cui restituitur hæreditas, §. *si quis inf. eod.* quia legatarius re sine onere consequitur. Nullum etiam sentit onus coactus adire & restituere, cum nullum commodum sentiat, uti & qui totam hæreditatem sponte restituit. (c) * Quod autem dictum de detractioe quartæ, ad hæredem tantùm spectat, non etiam ad fideicommissarium, cum in eo cesset ratio inductæ quartæ, ne scilicet hæreditas deservatur propter nullum aut exiguum commodum, uti dictum est suprà de Falcidia. Nisi tamen hæres compulsus adierit, & restituerit; tunc enim fideicommissarius partem, quam potuit hæres deducere, deducit, quia utitur jure hæredis, l. 2. §. 3. l. 1. D. *Ad S. C. Trebell.* Aut nisi in gratiam fideicommissarii non detraxerit quartam hæres, sed integram restituerit hæreditatem; nam tunc & fideicommissarius quartam detrahet, l. 1. §. *inde Neratius D. d. r.* (d)
- 12 Non passim autem quarta hæc detrahitur, ut non in testamento militis, d. l. 1. §. *denique*, & aliis plerisque casibus, quibus Falcidiæ non est locus. Propter omisum inventarium eam non amitti verius est: tum quòd non fiat ejus mentio in Nov. 1. *De hæredib. & Falc.* §. *si verò non fecerit*: tum quia non sublit eadem ratio. Nam ideo Falcidia amittitur, quia designavit testator certa legata, quæ præsumuntur in bonis ejus esse. Unde suspicio contra hæredem malignationis, qui non præsumitur aditurus hæreditatem non locuplerem sine inventario. Eadem declaratio non fit in fideicommissis, & proinde non est suspicio malignationis, per quam inducta detractio quartæ, quæ semper locum habet. Viglius
- 13 ad §. *extraneis nu. 7. sup. tit. 19.* (e) * Prohiberi ejus detractioem posse dicendum, eo modo, quo prohiberi potest Falcidia, ex eadem ratione, scilicet quòd major versetur pietas in conservanda defunctorum voluntate, quàm in lucro, quod posset percipere hæres contra voluntatem. Nec facit, quod in Nov. 1. §. *hinc igitur nobis vers. si verò expresse* tantùm fiat mentio Falcidiæ: nam ad modum Falcidiæ hæc quarta detrahitur, & frequentissimè isto nomine hæc quarta venit, ex eadem ratione inducta, & stante quoque eadem prohibendi ratio

ratione. Ut non obftet, quod communiter dicitur, non eſſe extendenda correctoria: nam id primò fallit quando ſunt caſus æquiparati per jus antiquum, uti hic. Secundò, quando ratio in lege nova eſt expreſſa; tunc enim ubi habet locum ratio, ibi & ipſa lex correctoria, uti hoc in caſu. Videatur Ever. in loco à ratione legis nu. 18. & ſeq. (f) * Faciunt & fructus percepti poſt aditã hæreditatem, quatenus aliquis eſt rogatus reſtituere in diem aut ſub conditione, cellare hanc quartam, ſi eam adæquent, l. Mulier 2.2. §. ſi hæres D. Ad S. C. Trebell. Cujus ratio eſt, quòd accipiantur ex judicio teſtatoris, qualia in quartam imputantur. Aliud eſt, ſi purè rogatus ſit reſtituere; nam fructus interea percepti non tam ex judicio teſtatoris percepti videntur, quàm negligentia fideicommiſſarij, d. §. ſi hæres, ut ideo quartam non minuant. (g) Excipiuntur liberi primi gradus, qui fructus non imputant, ſed quartam ex iſtis rebus hæreditariis detrahunt, l. iubemus, C. Ad S. C. Trebell. (h)

§. Præterea.

E A olim erat differentia, quòd legata ab inteſtato non relinquerentur, rectè tamen fideicommiſſa. Ratio, quòd illa in rigore juris conſiſtant, hæc magis in benignitate. Quæ differentia hodie eſt ſublata, uti patet ex diſtis ſup. de legat. circa princ. Poſteſt autem rogari non tantùm hæres ſive honorario ſive legitimo jure futurus, ſed & legatarius, fideicommiſſarius; nec tantùm reſtituere rem propriam teſtatoris, ſed & ſuam, imò & alienam, eo modo, quo dictum ſuprà De legatis, ex ratione ibi tradita.

§. Et quia prima.

C Um, ut ſuperius dictum, hodie non tam pudore ejus, qui rogatus eſt, continerentur fideicommiſſa, quàm & vinculo juris ſubſciantur, cogitur hæres fidem liberare. * Adeò ut alienatam rem per hæredem fideicommiſſarius vindicare poſſit, non tantùm ſi pure ſit relicta, verùm & ſi ſub conditione. Hæc tamen differentiã, quòd hoc caſu alienatio teneat, eveniente conditione reſolvatur, & fideicommiſſario ſit liberum rem vindicare à poſſeſſore, illa verè alienatio rei ab initio non teneat, eamque perſequi liceat fideicommiſſario competentibus actionibus, l. ſin. §. ſed quia noſtra C. Com. De legat. * quatenus tamen de fideicommiſſo pater per TESTES QUINQUE, qui hæc in re deſiderantur, l. ſin. §. ſin. C. De codicil. quorum defectus primã facie hæredem nihil debere faciet, ſi aliunde non poſſit conſtare de voluntate. * Species aliqua in hoc § proponitur, in qua licet teſtes deſint, cogitur tamen fideicommiſſum præſtare hæres, ſi arguatur rogatus eſſe, & SUPER EO JURAMENTUM ORLATUM PRÆSTARE RECUSET. Ubi fruſtrà allegabit, quòd non ſit rogatus ſolèmniter, text. hic & l. ſin. C. De fideicom. Ratio eſt, quòd hæc recuſatio contineat tacitam conſeſſionem, cùm præſumatur recuſare ob malam conſcientiam, atque ideo ſolve-

19 solvere cogendus, *l. Manifesta D. De iurejur.* *Nec obstat, quod ubi deest legitima probatio, actus non valeat, *l. Ex testamento l. Si veritas C. De fideicom.* nam illa loca, & si quæ alia similia, accipienda in casu, quo testator reliquit fideicommissum ab hærede absente, & non sciente voluntatem nisi per scripturam, aut testes, quo casu requiritur observatio legis ad excludendam subornationem. Aliud est, quando hæres certus est de voluntate, cum frustra requirantur testimonia externa, quando propria & indubitata fide potest haberi veritas, ut ait Imp. in *d. l. fin.*

20 Porro certis quoque casibus contingit extinguí fideicommissi obligationem, & quidem plerisque, quibus legatum extinguitur, uti revocatione, repudiatione, præmortuo fideicommissario, non aditâ hæreditate, nisi ab intestato sit repetitum. *l. Eam quam C. De fideicom.* Item deficiente conditione. Quomodo filio gravato restituere post mortem, si is relinquat liberos, non est locus fideicommissio, *l. Cum avrus 102. D. De condit. & demonstr. & l. Cum acutissimi C. De fideicom.* Quasi conditione, si sine liberis decesserit, deficiente. Quam subintelligi facit mens testatoris, quia non est verisimile, si de nepotibus ex filio nascituris cogitasset, gravaturum filium fuisse, *l. 6. §. 1. C. De institut. & substitut.* cum alienas successiones nemo suis præferat.

ADDITIONES V. A. D.

Nu. 1. ibi, *ut habet hic text.*) Quo respexit Seneca lib. De tranquill. animæ c. xi. Omnia, inquit, tam diligenter faciet, tam circumspectè, quam religiosus sanctusq; solet tueri fideicommissa.

Nu. 8. ibi, cui leg. pars bonorum.) Quarta hæc non Pegasiana ab auctore suo, sed Trebelliana sive Trebellianica dicitur, postquam placuit, exploso S. C. Pegasiano, omnem auctoritatem præstare S. C. Trebelliano. Unde hodie ex Trebelliano non tantum transire actiones hæreditarias dicimus, sed & quartam detrahi.

Nu. 10. in fine.) Porro restitutio hæreditatis fideicommissariæ olim per multos circuitus & ambages actionum ac formularum, interpositis varijs stipulationibus, fieri solida, hodie ab usu fori exulat, nec actionibus illis aut formulis utimur: verum ex moribus ac statutis Regni Galliæ, quæ & apud nos plerisque locis recepta, quibus mortuus saisinat vivos, simulatque testator decessit eodem instanti, pro portionibus hæreditarijs, tam institutus hæres, quam is, cui restituenda est hæreditas, non solum sit dominus, hic dedrantis, ille quartæ Trebellianicæ, sed & nondum restitutâ hæreditate in sua quisque portione sit possessor juris, ita ut experiri possit retinendæ possessionis remedio, seu interdicto Uti possidetis, perinde ac si hæreditas esset adita, transmissa ac restituta: idque conforme esse æquitati canonica scribit Rebuff. in prooemio ad constitut. Reg. nu. 78. Exemplum est apud Ioan. Paponium Arrestor. Galliæ lib. 20. tit. 3. c. 7. quo fideicommissario agenti hoc interdicto fuit adjudicata possessio. Simile arrestum

Tholosæ latum refertur *eod. tit. c. 22. ex Guil. Benedicti ad c. Rainutius V. Mortuo testatore 2. nu. 7.* Eique contrarium Burdigalense *ibid. c. 21. defumptum ex Boerio decis. 156.* quo summotus fuit experiens interdicto, reservatâ ei actione ex testamento in petitorio. Vide Maynard. *lib. 5. c. 10 Bucherel. hic, & qui multis hæc prosequitur Tiraquel eo tract. cui titulum fecit Le mort saisi levif. p. 2. declarat. 11. per tot.* Quibus adde notata sup *ad. tit. De legat. nu. 3.*

Nu. 11. in fine.) Cæterum quarta hæc Trebellianica detrahenda est ex tota hæreditate, id est tam ex legatis, quàm ex fideicommissis, non ex eo, quod superest, deductis legatis, *l. Marcellus 3 §. item Pomponius & l. Ita tamen 27 §. hæres exasse 16. D. Ad S. C. Trebell. sive hæres purè rogatus sit restituere, sive sub conditione, prout Salicet. Castren. Iasonem, in d. §. item Pomponius, secutus, docet Fachin. 5. contr. c. 8. adversus Cravet. conf. 16. Cephal. conf. 189. lib. 2. & conf. 423. lib. 3. alioq. Est vero inter utramque hanc quartam, Falcidiam & Trebellianicam, quoad imputationem differentia, quòd in quartam Falcidiæ imputentur ea tantum, quæ jure hæreditario sive ex hæreditate capiuntur, non quæ jure legati, fideicommissi, præceptionis, deductionis aut retentionis, ad hæredem pervenerint; hæc enim in quartam Trebellianicam hæredi imputantur, *l. in quartam 91. Ad L. Falcid.* Nam quæ hæres præcipere, deducere, retinere jussus est, ea percipit, non hæreditatis, sed præceptionis, deductionis, retentionis jure, & quasi ex legato, ut loquitur Imp. §. *si quis una 9. h. t.* Ratio differentiæ à multis queritur, Mihi illorum sententia non displicet, qui eam repetunt ex origine utriusque, & juris legatorum & fideicommissorum. Legata ex legibus & jure civili ortum habent, ideoque magis hic sequimur auctoritatem ipsius legis, & mentem legislatoris Cautum est autem L. Falcidiæ de quadrante detrahendo, an scilicet de solo dodrante bonorum testatori disponere ac legare liceat, quadrantem verò nullis legatis diminutum habeat hæres, sive ut quarta pars hæreditatis maneat penes hæredem, hæredesve, idque ipso jure. Quod ita interpretati sunt prudentes, quasi in hanc quartam imputari ea tantum debeant, quæ jure & titulo hæreditario hæres caperet; nihilque circa eam mutatum voluerunt propter vim & auctoritatem legis. At verò in fideicommissis (quia horum origo ex more potius quàm ex legibus est) magis simplicitatem & æquitatem amplexi, sufficere crediderunt, si hæres quocumque jure quartam haberet, quasi hoc lucro & commodo satis invitaretur ad eandem hæreditatem, Ita ferè Duaren. 2. *Diff. annivers. c. 10. & tit. D. Ad L. Falcid. c. 8. Wesenb. ibid. nu. 5. Ant. Faber. 6. Conject. c. 3. Cujacius verò 8. Obser. c. 4.* propter exæquationem legatorum & fideicommissorum, nulum amplius discrimen vult esse, etiam quoad quartæ deductionem, inter legata ac fideicommissa, magis subtiliter quàm verè, inquit Faber. Vide Zoef. D. *Ad S. C. Trebell. circa fin.* Illud etiam hic quæri solet, An filius gravatus legatis vel fideicommisso possit detrahere duas quartas, scilicet, præter legitimam, vel Falcidiam vel Trebellianicam, alteram ut filius, & ut portionem jure naturæ debitam; alteram verò ut legatarius, vel fideicommissarius? Et quidem mul-*

torum ea opinio est, jure canonico probata, per *c. Rainutius De testam.* ab Ant. Contio 1. *Diff. c. 3.* & Fachin. 5. *contr. c. 2.* defensa, moribusque recepta, saltem ijs in Provincijs, in quibus harum deductionum usus invaluit, prout ferè passim invaluisse constat, ita ut de eo dubitare rediculum existimeretur, teste Ant. Fabro in *cod. suo lib. 6. tit. 27. defn. 4.* qui tamen hunc ipsum esse inveteratum Pragmaticorum & interpretum errorem evincere conatur, *Dec. xi. Err. 7.* Vid. Guid. Papæ *qu. 51.* Tessaure. *decis. 252. in pr.* Ioan. Bapt. Laderch. *cons. 26. nu. 4.* Grivel. *decis. 107. nu. 9. & 10.* Grass. § *Trebellianica qu. 4. nu. 4.* Ioan. à Sande *Decis. Fris. lib. 4. tit. 7. defn. 3. & 4.* Verum jure civili unius tantum quartæ detractio est admissa, & vel Falcidia vel Trebellianica in legitimam imputatur, per *l. Quamquam 10. C. Ad L. Falcid.* ubi gravatus filius ab intestato mortuus tantum beneficium detrahendæ Falcidiæ ad hæredem transmittit; & per *l. Iubemus 6. C. Ad S. C. Trebell.* ubi filius gravatus quadrantem restituit, quartâ solum retentâ. Facit, quòd ubi naturæ debitum habetur non sit necessaria querela, arg. *l. Papinianus 8. §. si quis impubes D. De inoff. testam.* ubi arrogato non est opus querelâ, quia habet quartam ex rescripto divi Pij. Ita Cujac. 8. *Obs. c. 3.* Hotom. *Illustr. qu. c. 43.* Pac. *cent. 6. qu. 51.* Bronch. *cent. 3. assert. 43.* Gudel. *de iure noviss. lib. 2. c. 11. nu. 5. & 6.* Zoel. *late loco mox. cit. nu. 92.* Planè Brabantia mores duplicem portionum deductionem planè ignorant, teste Deckhero 1. *Dissert. 1. nu. 55. in fine.* Imò neque Trebellianicæ detractio in multis locis patriæ hujus recepta est, ut nominatim Bruxellæ ac Silvæducis. Vide dicta sup. *ad tit. De L. Falcidia nu. 13.*

Nu. 12. in fine.) Secundum hanc opinionem in supremo tribunali Imperij iudicatum fuisse refert Myns. *cent. 3. obs. 60.* & Gail. 2. *obs. 136. nu. 6.* ut & in suprema Curia Mechlin. Christin. *decis. 317. nu. 4. vol. 1.* sæpiusque in parlamenti Gallia. Guido Papæ *qu. 53.* ubi distinguit inter liberos primi gradus, & hæredes extraneos, Guil. Cassad. *decis. 3. nu. 6. tit. De testam.* Maynard. *tomo. 1. lib. 5. c. 26.* Lovet in suis *Arrestis plenissime tit. H. nu. xxiv.* Adde Sarmient. 2. *Selcæ. Interp. c. 7.* Fachin. 4. *contr. c. 38.* Diff. Covarr. in *c. Rainutius §. 11. nu. 10.* Vasq. *de Success. creat. lib. 1. § 8 nu. 14.* Menoch. *cons. 272. nu. 81. lib. 3.*

Nu 13. in fine.) Prohiberi à testatore posse Trebellianicæ portionis detractio- nem, exemplo Falcidiæ, tradunt communiter Dd. *ad l. Marcellus 3. D. Ad S. C. Trebell.* ut Bart. Iason & alij, idem Bart. *ad Nov. De hered. & Falcid. §. si verò expressim nu. 3.* Mich. Graill. § *Testamentum qu. 62. nu. 4.* Covarr. *ad c. Reinaldus §. 3. nu. 9.* Gomez 1. *Var. c. 11. n. 11.* Clar. § *Testamentum qu. 61.* Gail 2. *obs. 138.* Ant. Faber. *Decade x. Errore 6.* Christin. *decis. 247. nu. 9. & decis. 36. vol. 1.* D. Zoel. *Ad S. C. Trebell. n. 95.* non tantum in testamentis, verum etiam in codicillis, exemplo similiter Falcidiæ, d. *nov. De hered. & Falcid. §. fin. ibi; in omni ultima voluntate.* Cur. Jan. *us. 71. nu. 15. in fine.* & Latius *cons. 73. nu. 26.* refut. ut à opinione Baldi contrarium sentientis. Dummodò expressim facta sit prohibitio, non quidem verbis præcisè prohibitivis, sed æquipollentibus Neque enima generalia verba sufficerent, veluti, *Volo omnia & singula bona mea perveniant pleno iure* & Papon *lib. 20. tit. 3. arr. 19.* quamvis contrarium decidatur à Guid. Papæ *qu. 537.* Caterum prohiberi Trebellianicæ deductionem non posse docent Alciat. 5. *Parad. c. 19.* Sarmient. *d. c. 7.* Vaud. *lib. 2. qu. 17.* Fachin. 5. *contr. c. 4.* Ut secundum eam

potiori id ratione dicendum sit obtinere in liberis primi gradus. Fachin. §. c. 5. Ant. Quetta *conf.* 58. nu. 2. & *seqq.* & *conf.* 90. nu. 7. & 8. Negativam quoque sententiam judicandò amplexus est Senatus Gratianop. apud Guid. Papæ *qu.* 51. & Dolanus, apud Grivel. *decis.* 107. nu. 2.

Nu. 14. ibi, quartam non minuant.) Nec in restitutionem veniant. Quòd si negligentia fuerit in hærede gravato non solvente, tunc venient restituendi fructus, vel computabit eos hæres in quartam, & superfluos restituet, *l. In fideicommissariam* 18. D. Ad S. C. Trebell. Gomez. *Var. res. tomo* 1. c. 5. nu. 15. ubi quærit, an & quando fructus percepti per hæredem gravatum veniant in restitutionem, & variè distinguit. Planè fructus percepti ante aditam hæreditatem veniunt in restitutionem, modò hæres coactus adierit: secus si sponte, quia tunc videntur percepti negligentia non perentis, *l. Mulier* 22. §. si hæres & *l. Ita tamen* 27. §. 1. & utrobique Bart. & communiter Dd. Quod verò dictum, fructus post aditam hæreditatem ab hærede gravato, pendente conditione fideicommissi, perceptos imputari in quartam, nec esse restituendos fideicommissario, *d. l. in fideicommissariam* & *l. Quod his verbis* 83. De leg. 3. Surd. *decis.* 21. nu. 1. quia eos percepisse videatur ex iudicio & voluntate defuncti seu testatoris, etiam aliam rationem habet. Quoties enim quis rogatus est hæreditatem restituere, id videtur rogatus reddere, quod fuit hæreditatis; fructus autem non hæreditati, sed ipsis rebus accepto feruntur, *d. l. in fideicommissariam* §. 2. Mantica de *conject. ult. volunt. lib.* 7. tit. 10. nu. 7. Gail. *lib.* 2. obs. 133. nu. 2. Deinde quoties dilatio restitutioni fideicommissi adjicitur hæredis gratiâ (prout semper in dubio præsumitur, Costal. in *l.* 3. §. nonnunquam D. De usur. Mant. d. tit. 10. nu. 11. per *l. Cum tempus* D. De R. I.) nunquam hæres restituit fructus, aut alia emolumenta medio tempore percepta. Quod an ad fructus à testatore factos ac pendentes post mortem testatoris extendi possit, disputat Jac. Coren. *conf.* 19. Vide Mantica. d. tit. 10. nu. 14. Menoch. de Arbitr. jud. *quest. lib.* 2. casu 256. nu. 3.

Ibid. in fine.) Eadem habet D. Zoef. Ad S. C. Trebell. nu. 96. Covarr. ad c. Rainn-
tius §. 11. nu. 8. Fachin. §. contr. c. 9. & 10. Christin. *deis.* 318. vol. 1. D. Carol. de
Mean. *Obfer.* 72. ad jus civ. Leod.

DE SINGVLIS REBVS PER FIDEICOM- MISSVM RELICTIS.

TITULUS XXIV.

POtest tamen quis etiam singulas res per fideicommissum relinquere: veluti fundum, argentum, hominem, vestem, & pecuniam numeratam: & vel ipsum hæredem rogare, ut alicui restituat, vel legatarium: quamvis à legatario legari non possit.

1. Potest autem non solum proprias res testator per fideicommissum relinquere, sed & hæredis, aut legatarii, aut fideicommissarii, aut cujuslibet alterius. Itaque & legatarius & fideicommissarius non solum de ea re rogari potest, ut eam alicui restituat, quæ ei relicta sit, sed etiam de alia, sive ipsius, sive aliena sit. Hoc solum observandum est, ne plus quisquam rogetur alicui restituere, quam ipse ex testamento ceperit: nam quod amplius est, inutiliter relinquitur. Cum autem aliena res per fideicommissum relinquitur, necesse est ei, qui rogatus est, aut ipsam redimere & præstare, aut æstimationem ejus solvere.

2. Libertas quoque servo per fideicommissum dari potest, ut hæres eum rogetur manumittere, vel legatarius, vel fideicommissarius. Nec interest, utrum de suo proprio servo testator roget, an de eo, qui ipsius hæredis, aut legatarii, vel etiam extranei sit. Itaque & alienus servus redimi & manumitti debet. Quod si dominus eum non vendat, si modò nihil ex judicio ejus, qui relinquit libertatem, recepit, non statim extinguitur fideicommissaria libertas, sed differtur: quia possit tempore procedente, ubicumque occasio servi redimendi fuerit, præstari libertas. Qui autem ex fideicommissi causa manumittitur, non testatoris fit libertus, etiam si testatoris servus sit, sed ejus, qui manumittit. At is, qui directò ex testamento liber esse jubetur, ipsius testatoris libertus fit, qui etiam Orcinus appellatur. Nec alius ullus directò ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directa autem libertas tunc dari videtur, cum non ab alio servum manumitti roget, sed velut ex suo testamento libertatem ei competere vult.

3. Verba autem fideicommissorum hæc maximè in usu habentur, *Peto, Rogo, Volo, Mando, Fidei tua committo*, quæ perinde singula firma sunt, atque si omnia in unum congecta essent.

COMMENTARIUS.

SUMMARIA.

1. Per fideicommissum relinquuntur etiam res singula, propria & aliena.
2. Ut tamen quis ultra quam accepit non teneatur restituere.
3. Idque in quantitate, non in specie majori.
4. Libertas per fideicommissum an relinqui possit.
5. Libertas orcinus quis dicatur.

1. **U**T directò non tantum hæreditates, sed & legata relinquuntur, ita & **PER FIDEICOMMISSUM NON TANTUM RES UNIVERSALES, SED ET SINGULÆ**, ut tradit hic Tit. sive propriæ sint testatoris, sive fideicommissarii, sive legatarii (nam & à legatario fideicommissum relinquitur, licet ab eo olim legari non potuerit) sive alienæ; incumbente redemptione restituere

restituere rogato, aut si redimi res nequeat, æstimationis præstatione, secundum ea, quæ dicta sunt supra de legatis. * Hoc tamen observato, ne quis jubeatur restituere ultra quàm accepit: nam quod amplius est inutiliter relinquitur, *text. hic*, cum non ferat ratio, ut quis de alieno sit liberalis. * Quod verum est, quatenus cum quantitate confertur quantitas: nam qui, acceptâ pecuniâ, rem propriam jubet restituere, veluti domum, agrum, servum, non est audiendus, legato percepto si velit computare, *l. Imperator 70. §. 1. D. De legat. 2. cum videatur voluntatem approbasse, & non pluris quàm accepit rem suam æstimasse. Dico, rem propriam; nam si alienam jubeatur restituere, secus dicendum est, eo quod veniat præstanda quantitas propter redemptionem: quantitas autem, uti dictum, cum quantitate confertur, l. 6. D. De fideicom. libert. Neque potest videri illo casu rem non pluris æstimasse quàm accepit, cum sit aliena, cujus pretium ignorat.*

§. Libertas quoque.

Relinquitur & per fideicommissum LIBERTAS servo, tam alieno, quem hæres redimere datâ occasione & manumittere cogitur, quàm proprio, *text. hic*. Ubi differentia est inter servum, directò jussu testamento esse liberum, & eum, cui per fideicommissum relicta libertas. Ille enim quatenus utroque tempore, & facti testamenti & mortis, est in potestate testatoris, libertatem consequitur ex ipso testamento, diciturque LIBERTUS ORCINUS, ut non agnoscens alium patronum quàm orcum. (a) * Ubi Alciat. putat legendum *orthinum*, id est directum; bono quidem sensu, sed contra receptam lectionem, quæ passim habet *orcinum*. Cujac. 3. *Obs. cap. 2. 3.* Hic verò hæredis est libertus, à quo est manumittendus. (b)

ADDITIONES. V. A. D.

Nu. 5. ibi, quàm orcum.) Quem *χαρωνιανὸν ἀπελευθέρων Charontis libertum* interpretatur Theophil. Est enim quasi testatoris ad orcum demissi libertus, qui cum jam esse desierit, idcirco dicitur *Orcinus*, id est nullius esse libertus. Brisson. in *Lexico*.

Ad fin. Tit.) Additur in fine Tit. Verba fideicommissorum hæc maximè in usu haberi, *Peto, Rogo, Volo, Mando, Fidei tua committo*. Quibus adde ex Paulo 4. *Sent. Tit. 1.* hæc, *Deprecor, Cupio, Injungo, Desidero, Impero*. Hodie omne verbum significans testatoris legitimum sensum, legare vel fideicommittere volentis, utile atque validum est, inquit Imp. l. 2. C. Com. de leg. & fideicom. Manente eâ differentiâ, ut sit legatum, quod non ab alio, sed directè & immediate venit ab ipso testatore; fideicommissum verò, quod mediatè per manum & ex fide hæredis relinquitur. Neque semper verba necessaria sunt, cum & solo nutu, absque ullis verbis, fideicommissa relinquantur, l. Nutu 21. De legat. 3. Et quidem prædictis verbis, & similibus, fideicommissa intelliguntur expresse con-

cepta: quibus autem verbis per testatorem prae-latis tacite inducatur fideicommissum tradit Guido Papae qu. 469. his videlicet, Peto de familia fundus ne exeat, l. *Unum ex familia* 67. §. *sed & si fundus* De leg. 2. Peto, ne domus alienetur, sed ut in familia relinquitur, l. *Peto* 69. §. *fratre eod. tit.* Peto, ut velis cohæredem tibi recipere in fundo Juliano meo, l. *Lucius* 93. in fine De leg. 3. Item his verbis, Peto, contentus sis centum aureis, fideicommissum induci placuit, d. l. *Peto in pr.* Guido Papae qu. 39. nu. 2.

DE CODICILLIS.

TITVLVS XXV.

ANte Augusti tempora constat codicillorum jus in usu non fuisse, sed primus Lucius Lentulus (ex cujus persona etiam fideicommissa esse coeperunt) codicillos introduxit. Nam cum decederet in Africa, scripsit codicillos testamento confirmatos, quibus ab Augusto petiit per fideicommissum, ut faceret aliquid. Et cum divus Augustus voluntatem ejus impleset, deinceps reliqui ejus auctoritatem sequuti, fideicommissa praestabant: & filia Lentuli legata, quæ jure non debebat, solvit. Dicitur autem Augustus convocasse sapientes viros, interque eos Trebatium quoque, cujus tunc auctoritas maxima erat, & quaesivisse, an posset recipi hoc, nec absque juris ratione codicillorum usus esset: & Trebatium suavisse Augusto, quod diceret utilissimum & necessarium hoc civibus esse, propter magnas & longas peregrinationes, quæ apud veteres fuissent: ubi si quis testamentum facere non posset, tamen codicillos posset. Post quæ tempora, cum & Labeo codicillos fecisset, jam nemini dubium erat, quin codicilli jure optimo admitterentur.

1. Non tantum autem testamento factò potest quis codicillos facere, sed & intestatus quis decedens fideicommittere codicillis potest. Sed cum ante testamentum factum codicilli facti erant, Papinianus ait, non aliter vires habere, quam si speciali postea voluntate confirmantur. Sed divi Severus & Antoninus rescripserunt, ex iis codicillis, qui testamentum præcedunt, posse fideicommissum peti, si appareat eum, qui testamentum fecit, à voluntate, quam in codicillis expresserat, non recessisse.

2. Codicillis autem hæreditas neque dari, neque adimi potest, ne confundatur jus testatorum & codicillorum, & ideo nec ex hæredatio scribi. Directò autem hæreditas codicillis neque dari, neque adimi potest: nam per fideicommissum hæreditas codicillis jure relinquitur. Nec conditionem hæredi instituto codicillis adjicere, neque substituere directò quis potest.

3. Codicillos etiam plures quis facere potest, & nullam solemnitatem ordinationis desiderant.

COMMENTARIUS.

SUMMARIA.

1. Codicilli quid, & eorum origo.
2. Testamentum præcedere & sequi possunt.
3. Codicillos qui facere possint.
4. Fiunt & per nuncupationem.
5. In codicillis an mulier rectè testis adhibeatur.

A Ppendices testamentorum & quasi supplementum sunt CODICILLI, quod nomen Jurisconsultis significat ULTIMAM VOLUNTATEM MINUS SOLEMNEM. (a) Origo eorum à Lentulo cœpit, ut hic habet text. & propter necessitatem atque utilitatem, quam præstant iis, quibus propter varios casus testandi solemniter non est commoditas, comprobati. * PRÆCEDUNT testamentum, VEL SEQUUNTUR. Quando præcedebant olim necessariò testamento confirmandi erant, l. Ante tabulas D. h. t. postea satis fuit non mutari in iis scripta per testamentum subsequens. (b) Deinde & receptum eos ab intestato fieri, l. 3. D. eod. * Fiunt ab eo, cui testandi est licentia, l. 6. §. pen. D. eod. nam quod hic dicitur, eum codicillos facere posse, qui testamentum facere nequit, non ad jus, sed ad factum est referendum, l. 8. §. 2. D. eod. * Fiunt non tantum SCRIPTO, sed & NON SCRIPTO, nuncupando scilicet voluntatem, licet ea res nomini minus respondeat, l. fin. §. fin. C. eod. ubi testes quinque desiderantur. (c) * Inter eos & mulierem esse posse volunt, quòd ea tantum rejiciatur in testamentis, propter eorum solemnitatem. Posset tamen alicui verius videri, nec hoc in genere mulierem habilem esse, propterea quòd licet solemnitatem non desiderent codicilli, ad testamentum tamen pertineant, sintque testamentorum supplementum, ut ab eorum regulis non sit recedendum, postquam non patet aliter dispositum esse. Cujac. in l. Qui testamento 20. §. eum qui lege D. Qui testam. facere poss. (d)

ADDITIONES V. A. D.

Nu. 1. ibi, minus solemnem.) Dicuntur, verò codicilli per diminutionem, quòd breviores essent codicibus, & in sinu gestari possent quasi parvum testamentum, id est minus solemnem, ad differentiam codicis seu testamenti sollemnem, quà voce usus Juvenialis. Sat. 10.

----- Nam & codice servo

Hæres vetat esse suos.

Nu. 2. ibi, per testam. subsequens.) Ita ut cum codicilli fiunt ante testamentum, opus non sit eos confirmari vel testamento, aut codicillis testamento confirmatis, vel alià ultimà voluntate; sed hoc tantum requiritur, ut testator à priori suà voluntate non recesserit, hoc est expresse prioribus codicillis non derogaverit.

Vide

Vide Ant. Fabr. *lib. 5. Consect. c. 12.* ubi sententiam Papiniani relatam in *l. Ante tabulas 5. D. De jure codicil.* & cujus hic meminit Imp. contendit pugnare ex diametro cum rescripto Impp. Severi & Antonini, nihilque circa eam à Pandectarum compilatoribus immutatum esse, quemadmodum visum fuit Duareno *2. Diss. c. ult.* Cujus rescripti quamquam vix alia ratio reddi potest, illa tamen æquitatis & rationis species subesse videtur, inquit Faber, quòd cum utraque defuncti voluntas servari potest, nec altera alteri contraria est, utramque servari humanius & ultimis testatorum voluntatibus favorabilius esse videatur. Vide eundem Fabr. *15. Consect. c. 15.* ubi plenius examinis dictam Severi & Antonini Constitutionem. Spectant etiam ad hunc locum verba Trajani Imp. apud Plinium *lib. 2. Epist. 16. ad Annianum*, relata sup. *ad tit. Quib. modis testam. infirm. in fine.*

Nu. 4. in fine.) Duo enim in *d. l. ult.* constituit Theodosius Imp. Primum, quòd codicilli possint fieri & in scriptis, & sine scriptis per nuncupationem; quorum usum toti veteri jurisprudentiæ prorsus incognitum fuisse, atque inauditum nomen codicillorum in scriptis, scribit Ant. Fabr. *Decade 69. Errore 9.* probatque non nisi ineptè dici, codicillos aliquos fieri sine scriptis, & per nuncupationem. Alterum est, quòd quinque testes vel rogatos vel fortuitos adhiberi voluerit, cum antea nulli requirerentur, idque uno & eodem tempore, qui & subscribant, quando in scriptis fit testamentum; quæ est solemnitas quædam hodie requisita ad confectionem codicillorum. Ut merito dubites cur Imp. *§. ult. h. t.* dixerit codicillos, nullam solemnitatem ordinationis desiderare.

In fine Tit.) Vide D. Zoef. *ad h. t. in D. nu. 4.* Dissent. Bart. in *l. Qui testamento 5. mulier D. Qui testam. fac. poss. Vigl. ad §. testes autem nu. 5. sup. D. De testam. ordin.* & alii communiter, eâ ratione, quòd codicilli nullam ordinationis solemnitatem desiderant, extrinsecam scilicet, quæ in rogatione, præsentia, subsignatione testium consistat. Verùm jam dixi, hodie ex Constitutione Theodosii in *l. ult. C. h. t.* in codicillis ordinandis etiam ista ad solemnitatem ordinationis requiri. Dicemus itaque cum Fabro *ubi sup.* Justinianum in *§. ult. & toto h. t.* loqui de codicillis accommodatè ad jus vetus, quòd ante Theodos. obtinebat.

Porro illud hic obiter monendum est, regni Galliæ nostrisque moribus vix discrimen esse inter testamenta ac codicillos, atque indifferenter usurpari hæc nomina, eamdemque observari utrobique ordinationis solemnitatem. Imò & codicillis hæreditatem directò dari & adimi, ex hæredationemque scribi moribus hodiernis nihil vetat. Solet tamen hodie testamentis ferè omnibus, ex inveterato quodam more tabellionum, apponi clausula codicillaris, *Si non valet jure testamenti, valeat jure codicillorum*, ubi tamquam diversa ponuntur, *valere jure testamenti, & valere jure codicillorum.* De vi clausulæ codicillaris vide D. Zoef. *ad D. h. t. nu. 8.* Gudelin. *De jure noviss. lib. 2. c. 5. in pr.* Thessaur. *decis. Pedem. 41.* Grivel. *decis. Dolanà 28. & decis. 126. nu. 24. & seq.* Ant. Fabr. *Decade 69. Errore 7. & 10. Dec. 7. Er. 1. & 2.* Fachin. *4. contr. c. 11. & 12.*

H E N R I C I
JACOBI ZOESII J. C.
IN LIB. TERTIVM
INSTITUTIONUM
SEV ELEMENTORVM
JVRIS CIVILIS
COMMENTARIVS.

DE HÆREDITATIBVS QVÆ AB INTE-
STATO DEFERVNTVR.

TITVLVS I.



INTESTATUS decedit, qui aut omninò testamentum non fecit, aut non jure fecit, aut id, quod fecerat, ruptum irritumve factum est, aut si ex eo hæres extiterit.

1. Intestatorum autem hæreditates, ex lege duodecim Tabularum, primò ad suos hæredes pertinent.

2. Sui autem hæredes existimantur (ut suprà diximus) qui in potestate morientis fuerint, veluti filius, filiave, nepòs neptisve ex filio, pronepos proneptisve ex nepote ex filio nato prognatus prognatave. Nec interest, utrum naturales sint liberi, an adoptivi. Quibus connumerari necesse est etiam eos, qui ex legitimis quidem nuptiis vel matrimoniis non sunt progeniti, curiis tamen civitatum dati, secundum divalium Constitutionum, quæ super his posita sunt, tenorem, hæredum suorum jura nanciscuntur. Nec non eos, quos nostra amplexa sunt constitutiones, per quas iussimus, ut, si quis mulierem in suo contubernio copulaverit, non ab initio affectione maritali, eam tamen, cum qua poterat habere conjugium, & ex ea liberos sustulerit, postea verò affectione procedente, etiam nuptialia instrumenta cum ea fecerit, & filios vel filias habuerit: non solum eos liberos, qui post dotem editi sunt, justos & in potestate patris esse, sed etiam anteriores, qui & iis, qui postea nati sunt, occasionem legitimi nominis prastiterunt. Quod obtinere censuimus, etsi non progeniti fue-

runt post dotale instrumentum confectum liberi, vel etiam nati ab hac luce fuerint subtrahiti. Ita demum tamen nepos neptisve, pronepos proneptisve, suorum heredum numero sunt, si præcedens persona desierit in potestate parentis esse, siue morte id acciderit, siue aliâ ratione, velut emancipatione. Nam si per id tempus, quo quis moritur, filius in potestate ejus sit, nepos ex eo suus hæres esse non potest. Idque & in cæteris deinceps liberorum personis dictum esse intelligimus. Posthumi quoque, qui si vivo parente nati essent, in potestate ejus futuri forent, sui hæredes sunt.

3. Sui autem hæredes fiunt etiam ignorantes, & licet furiosi sint, hæredes possunt existere: quia quibus ex causis ignorantibus nobis acquiritur, ex his causis & furiosis acquiri potest. Et statim morte parentis quasi continuatur dominium. Et ideo nec tutoris auctoritate opus est pupillis, cum etiam ignorantibus acquiratur suis hæredibus hæreditas: nec curatoris assensu acquiritur furioso, sed ipso jure.

4. Interdum autem, licet in potestate parentis mortis tempore suus hæres non fuerit, tamen suus hæres parenti efficitur: veluti si ab hostibus quis reversus fuerit post mortem patris sui; jus enim postliminii hoc facit.

5. Per contrarium autem hoc evenit, ut licet quis in familia defuncti sit mortis tempore, tamen suus hæres non fiat: veluti si post mortem suam pater judicatus fuerit perduellionis reus, ac per hoc memoria ejus damnata fuerit. Suum enim hæredem habere non potest, cum fiscus ei succedat: sed potest dici ipso quidem jure suum hæredem esse, sed desinere.

6. Cum filius filiaque, & ex altero filio nepos neptisve existunt, pariter ad hæreditatem avi vocantur; nec qui gradu proximior est ulteriorem excludit. Aequum enim esse videtur, nepotes neptesve in patris sui locum succedere. Pari ratione & si nepos neptisve sit ex filio, & ex nepote pronepos proneptisve, simul vocantur. Et quia placuit nepotes neptesve, item pronepotes proneptesve in parentis sui locum succedere, conveniens esse visum est, non in capita, sed in stirpes hæreditatem dividi, ut filius partem dimidiam hæreditatis habeat, & ex altero filio duo pluresve nepotes alteram dimidiam. Item si ex duobus filiis nepotes neptesve existant, ex altero unus fortè aut duo, ex altero tres aut quatuor, ad unum aut duos dimidia pars pertineat, ad tres vel ad quatuor altera dimidia.

7. Cum autem quæritur, an quis suus hæres existere possit, eo tempore quærendum est, quo certum est, aliquem sine testamento decessisse; quod accidit & desituito testamento. Hac ratione, si filius ex hæredatus fuerit, & extraneus hæres institutus, & filio mortuo, postea certum fuerit, hæredem institutum ex testamento non fieri hæredem, aut quia noluit esse hæres, aut quia non potuit, nepos avo suus hæres existet: quia quo tempore certum est, intestatum decessisse patrem familias, solus invenitur nepos, & hoc certum est.

8. Et licet post mortem avi natus sit, tamen avo vivo conceptus, mortuo patre ejus, posteaque deserto avi testamento, suus hæres efficitur. Planè si & conceptus

ceptus & natus fuerit post mortem avi, mortuo patre suo, desertoque postea avi testamento, suus hæres avo non existet: quia nullo jure cognationis patrem sui patris attigit. Sed nec ille est inter liberos avi, quem filius emancipatus adoptavit. Hi autem, cum non sint sui (quantum ad hæreditatem) liberi, neque bonorum possessionem petere possunt, quasi proximi cognati. Hæc de suis hæredibus.

9. Emancipati autem liberi jure civili nihil juris habent: neque enim sui hæredes sunt, qui in potestate parentis esse desierunt, neque ullo alio jure per legem duodecim Tabularum vocantur. Sed Prætor naturali æquitate motus, dat eis bonorum possessionem *Vnde liberi*, perinde ac si in potestate parentis tempore mortis fuissent, sive soli sint, sive cum suis hæredibus concurrant. Itaque, duobus liberis existentibus, emancipato uno, & eo, qui tempore mortis in potestate fuerit: sanè quidē is, qui in potestate fuit, solus jure civili hæres est, & solus suus hæres, sed cum emancipatus beneficio Prætoris in partem admittitur, evenit, ut suus hæres pro parte hæres fiat.

10. At hi, qui emancipati a parente in adoptionem se dederunt, non admittuntur ad bona naturalis patris quasi liberi; si modò, cum is moreretur, in adoptiva familia fuerint. Nam vivo eo emancipati ab adoptivo patre, perinde admittuntur ad bona naturalis patris, ac si emancipati ab ipso essent, nec umquam in adoptiva familia fuissent. Et convenienter, quòd ad adoptivum patrem pertinet, extraneorum loco esse incipiunt. Post mortem verò naturalis patris, emancipati ab adoptivo patre, & quantum ad hunc adoptivum patrem pertinet, æquè extraneorum loco fiunt: & quantum ad naturalis patris bona pertinet, nihilo magis liberorum gradum nanciscuntur. Quòd ideò sic placuit, quia iniquum erat, esse in potestate patris adoptivi, ad quos bona naturalis patris pertineant, utrum ad liberos e, us, an ad adgnatos.

11. Minus ergò juris habent adoptivi filii, quàm naturales: namque naturales emancipati beneficio Prætoris gradum liberorum retinent, licet jure civili perdant: adoptivi verò emancipati & jure civili perdunt gradum liberorum, & à Prætore non admittuntur, & rectè: naturalia enim jura civilis ratio perimere non potest; nec quia desinunt sui hæredes esse, possunt desinere filii filiæve, aut nepotes neptæve esse. Adoptivi verò emancipati extraneorum loco incipiunt esse; quia jus nomenque filii filiæve, quod per adoptionem consequuti sunt, alia civili ratione, id est, emancipatione perdunt.

12. Eadem hæc observantur & in ea bonorum possessione, quam contra tabulas testamenti parentis liberis præteritis, id est, neque hæredibus institutis, neque ut oportet ex hæredatis, Prætor pollicetur. Nam eos quidem, qui in potestate mortis tempore fuerint, & emancipatos, vocat Prætor ad eandem bonorum possessionem: eos verò, qui in adoptiva familia fuerint per hoc tempus, quo naturalis parens moreretur, repellit. Item adoptivos liberos emancipatos ab adoptivo patre, sicut ab intestato, ita longè minus contra tabulas testamenti ad bona ejus non admittit, quia desinunt in numero liberorum ejus esse.

13. Admonendi tamen sumus, eos, qui in adoptiva familia sunt, quive post mortem naturalis parentis adoptivo patre emancipati fuerint, intestato parente naturali mortuo, licet ea parte edicti, quâ liberi ad bonorum possessionem vocantur, non admittantur, alia tamen parte vocari, scilicet quâ cognati defuncti vocantur. Ex qua parte ita admittuntur, si neque sui heredes liberi, neque emancipati obstant, neque adgnatus quidem ullus interveniat. Antè enim Prætor liberos vocat tam suos hæredes, quàm emancipatos, deinde legitimos hæredes, deinde proximos cognatos.

14. Sed ea omnia antiquitati quidem placuerunt: aliquam autem emendationem à nostra Constitutione acceperunt, quam super ijs personis composuimus, quæ à patribus suis naturalibus in adoptionem alijs dantur. Invenimus etenim nonnullos casus, in quibus filij & naturalium parentum successionem propter adoptionem amittebant, & adoptione facile per emancipationem solutâ; ad neutrius patris successionem vocabantur. Hoc solito more corrigentes, Constitutionem scripsimus, per quam definimus, quando parens naturalis filium suum adoptandum alijs dederit, integra omnia jura ita servari, atque si in patris naturalis potestate permansisset, nec penitus adoptio fuisset subsecuta: nisi in hoc tantummodo casu, ut possit ab intestato ad patris adoptivi venire successionem. Testamento autem ab eo facto neque jure civili, neque prætorio, ex hæreditate ejus aliquid persequi potest, neque contra tabulas bonorum possessione agnitâ, neque in officiosi querelâ: cum nec necessitas patri adoptivo imponatur, vel hæredem eum instituere, vel ex hæredatum eum facere, utpote nullo vinculo naturali copulatum, neque si ex Sabiniano senatusconsulto ex tribus maribus fuerit adoptatus. Nam & in ejusmodi casu, neque quarta ei servatur, neque ulla actio ad ejus persequutionem ei competit. Nostra autem Constitutione exceptus est is, quem parens naturalis adoptandum suscepit. Utroque enim jure tam naturali, quàm legitimo in hanc personam concurrente, pristina jurata li adoptioni servamus, quemadmodum si pater familias sese dederit adrogandum, quæ specialiter & singulatim ex præfata Constitutionis tenore possunt colligi.

15. Item vetustas ex masculis progenitos plus diligens, solos nepotes vel nepotes, qui quæve ex virili sexu descendunt, ad suorum vocabat successionem, & jure adgnatorum eos anteponebat: nepotes autem, qui ex filiabus nati sunt, & pronepotes ex neptibus, cognatorum loco connumerans, post adgnatorum lineam eos vocabat tam in avi vel proavi materni, quàm in avia vel proavia, si ve paternæ si ve maternæ, successionem. Divi autem Principes non passi sunt talem contra naturam injuriam sine competenti emendatione relinquere: sed cum nepotis & pronepotis nomen commune sit utriusque, tam qui ex masculis, quàm qui ex feminis descendunt, idè eundem gradum & ordinem successionis eis donaverunt. Sed ut amplius aliquid sit eis, qui non solum naturæ, sed etiam veteris juris suffragijs muniuntur, portionem nepotum, vel neptum, vel deinceps (de quibus supra diximus) paulo minuendam esse existimaverunt: ut

minus

minustertiâ parte acciperent, quàm mater eorum, vel avia fuerat acceptura, vel pater eorum vel avus paternus, live maternus, quando famina mortua sit, cujus de hæreditate agitur: iisque (licet soli sint) adeuntibus, adgnatos minimè vocabant. Et quemadmodum lex duodecim tabularum filio mortuo nepotes, vel neptes, pronepotes vel proneptes in locum patris sui ad successionem avi sui vocat: ita Principalis dispositio in locum matris suæ vel avia eos, cum jam designata partis tertiæ deminutione vocat.

16. Sed nos, cum adhuc dubitatio maneret inter adgnatos & memoratos nepotes, quartam partem substantiæ defuncti adgnatis sibi vindicantibus ex cuiusdam Constitutionis auctoritate: memoratam quidem Constitutionem à nostro Codice segregavimus, neque inferi eam ex Theodosiano Codice in eo concessimus. Nostra autem Constitutione promulgatâ, toti juri ejus derogatum est: & sancimus, talibus nepotibus ex filia, vel pronepotibus ex nepte, & deinceps, superstitibus, adgnatos nullam partem mortui successionis sibi vindicare: ne hi, qui ex transversâ lineâ veniunt, potiores iis habeantur, qui recto jure descendunt. Quam Constitutionem nostram obtinere, secundum sui vigorem & tempora, & nunc sancimus: ita tamen, ut quemadmodum inter filios & nepotes ex filio antiquitas statuit, non in capita, sed in stirpes dividi hæreditatem, similiter nos inter filios & nepotes ex filia distributionem fieri jubeamus, vel inter omnes nepotes & neptes, & inter pronepotes & proneptes, & alias deinceps personas: ut utraque progenies, matris vel patris, aviæ vel avi, portionem sine ulla deminutione consequatur: ut si fortè unus vel duo ex una parte, ex altera tres aut quatuor extent, unus aut duo dimidiam, alteri tres aut quatuor alteram dimidiam hæreditatis habeant.

COMMENTARIUS.

SUMMARIA.

1. Successio legitima seu ab intestato quando locum habeat.
2. Ex L. XII. Tabb. succedebant primò sui hæredes.
3. Hinc adgnati.
4. Tum cognati jure prætorio.
5. Jure novo primò succedunt liberi seu descendentes.
6. Liberos nomine veniunt & nepotes.
7. Successio in stirpes & in capita quæ.
8. Nepotes qualiter avo succedant.
9. Liberos nomine habentur & naturales legitimari.
10. Legitimati per rescriptum Principis quando succedant.
11. Succedunt & legitimi tantum.

12. Naturales matri succedunt, non etiam patri.
13. Ad alimenta pater quibus & quatenus obligetur.
14. Quid si patri non fuerint iusti liberi, aut iusta uxor?
15. Ascendentes seu parentes succedunt defectu descendentium.
16. Non distinguendo inter bona, paterna ac materna.
17. Parentes plures ex diverso latere succedunt in stirpes.
18. Cum parentibus defuncti fratres germani, & hodie ex fratre pradesuncto etiam nepotes.
19. Nepotes soli ex fratre an cum avo admittantur.
20. Fratres avum defuncti excludunt.

I Xpresâ voluntate, de qua hætenus, deficiente, aut quia defunctus testamentum non fecit, aut non jure fecit, aut si quod jure fecit, ruptum irritumve factum est, aut nemo ex eo extiterit hæres, vel quia non potuit testatori præmortuus, vel quia noluit, ab intestato deferitur hæreditas proximis, *text. hic.* (a) Quæ legitima dicitur successio, quod lex eam deferat tum demum, quando nulla ex testamento operatur successio, l. 1. d. Si tab. testam. nulla extab. l. An-
 2 tequam C. Commun. de success. (b) * In hac delatione hæreditatis aliud juris olim fuit, aliud hodie est. Nam ex L. XII. Tabb. primò delata fuit hæreditas SUI, id est liberis in potestate. Emancipatorum lex ista rationem non habebat, quod extra potestatem essent, Prætor tamen eos ad bonorum possessionem
 3 admittebat, §. em. incipati Instit. eod. (c) * Post liberos defererebat hæreditatem ADGNATIS eadem lex, quæ habet, SI MORITUR INTESTATUS, CUI SUUS HÆRES NEC EXTABIT, PROXIMUS ADGNATUS FAMILIAM HABETO, qualis est, quem nemo antecedit, l. 2. §. hæc hæreditas D. De suis & legit. & l. Qui duos 4. De reb. dub. (d) Pater filii sui bona occupabat, non tamquam hæreditatem, sed jure peculii. Emancipato non aliàs succedebat, quàm si contractâ fiduciâ emancipasset, qua de re sup. De legit. parent. tut. & inf. tit. prox. in fine. *
 4 COGNATORUM dictæ L. XII. Tabb. cura non erat, nisi quod Prætor Unde cognati possessionem iis accommodaret. Postea mater certis casibus admissa ad liberorum hæreditatem ex Senatusc. Tertulliano, & vicissim liberi ad bona matris ex S. C. Orphitiano, inf. tit. 3. & 4. Sed tandem per Justinianum sublata differentiâ inter adgnatos & cognatos, alius succedendi ordo constitutus est, qui, cum hodie frequentetur, veteri illo abolito, ex re potius erit, omisso pristino ordine novum hunc explicare. (e)
 5 Itaque novo jure, quod inductum Nov. 118. De hered. ab intest. deferitur hæreditas primò DESCENDENTIBUS, id est liberis, quoad ea bona, quæ patri non acquiruntur, ita suadente communi naturæ & parentum voto, l. Nam etsi 15. D. De inoff. testam. l. 7. in fine D. Si tab. testam. nulla extab. l. Cum ratio 7. D. De bonis damnat. differentiâ sexus, quæ olim obtinuit, remotâ: (f) ut & sublato eo, quod ex potestate oriebatur, discrimine, d. Nov. 118. §. 1. Saltem in hac successio-

ſucceſſione ab inteſtato, ſecundum aliquos, qui volunt emancipatos hodie venire ab inteſtato de jure civili. Quamvis non male cum *d. Nov. l. 18.* quis videatur dicturus, etiam hodie emancipatos admitti jure prætorio, propterea quod per *d. §. 1.* jus priſtinum non poſſit videri mutatum, cum tantum dicantur admitti liberi, ſive ſua poteſtatis ſint, ſive ſub poteſtate conſtituti, quod & ſentit Alciat. 3. *Parad. cap. 10. (g).*

LIBERI hic intelliguntur non tantum PRIMIGRADUS, ſed & ULTERIORIS IN INFINITUM, quatenus perſona præcedens eos non impedit: nam NEPOTES non alias ad ſucceſſionem avi vocantur, quam parentibus remotis. Et admittuntur quidem cum patruis, eo quod in hoc ſucceſſionis genere non obtineat regula, quæ proximior remotiorem excludit: non tamen niſi in ſtirpes, non etiam in capita, ſive cum ipſis patruis concurrant, ſive ex pluribus fratribus ſoli nepotes ad avitam hæreditatem veniant, *§. fin. h. t. Cajus 2. Inſtit. tit. 9. & Ulp. tit. 26.* cum IN LINEA DESCENDENTIUM SEMPER LOCUM HABEAT REPRESENTATIO PARENTIS, cujus portio capitur. Nihil obſtante, quod ex uno fratrum forte ſint octo aut quatuor liberi, ex altero unus aut duo tantum, *§. & quia placuit h. t. ** Dicitur autem IN STIRPES ſucceſſio, cum non pro numero perſonarum, ſed ſtirpium, unde originem ducunt vocati, fiat diviſio. IN CAPITA verò, cum habitæ ratione perſonarum tot ſunt partes, quot ſunt perſonæ. (h) * Ut autem nepotes avo ſuccedant, oportet ſint concepti avo vivo: poſthumis enim idem jus quod natis, *§. poſthumi h. t.* quoties de eorum commodo agitur, *l. 7. D. De ſtatu hom.* Alias non admittentur ad ejus bona, quem nullâ cognatione attingunt, *§. & licet h. t. & l. 1. §. ſi quis D. Unde cognati,* niſi jure tranſmiſſionis, de quo *C. De his, qui ante apertas tab. hæred. tranſmit.* Ratio in promptu videtur. Oportet & eo tempore, quo deſertur hæreditas, ſint capaces, quia ut ſup. *tit. 19.* dictum requiritur habilitas eo tempore, quo actus aliquis ad teſtamentum ſpectans perficitur, qui non cadat in inhabilem. Ubi excipitur primò captus tempore mortis avi aut patris, cui poſtea reverſo ex jure poſtliminii omnia jura ſunt ſalva, *§. interdum h. t.* Secundò nepos ex filio exhæredato, qui mortis quidem avi tempore excludebatur per patrem præcedentem, ut non potuerit eſſe locus nepoti, *l. 1. §. ſi pater D. De coniung. cum emanc. lib.* quod proximum gradum nunquam tenuerit cum hodie non tollat poteſtatem, Si tamen contingat extraneum ſubſtitutum deliberantem poſt mortem exhæredati repudiare, admittetur nepos ex eo *§. cum autem queritur h. t. l. Scripto 7. D. Si tab. teſtam. nulla ex tab.* cum non tantum tempore mortis, verum etiam delatæ hæreditatis proximum gradum obtinens admittatur, *d. §. cum autem & d. l. 7.*

Et hæc ita in liberis ex juſtis nuptiis procreatis, quorum numero habentur naturales PER SUBSEQUENS MATRIMONIUM LEGITIMATI, *c. Tāt. Qui filij ſunt legit.* quia per omnia & in omnibus habentur loco juſtorum, uti dictum ſup. *De nupt. in fine.* Habentur & eorum numero OBLATI CURIÆ, *§. quibus connumerari h. t.* cum etſi parentibus ſuccedant cum juſtè natis, & ab inteſtato, & ex voluntate patris, nihil diſſimiles legitimis: ita tamen, ut ſingulis amplius relin-

- relinqui non possit uno horum, qui ab initio legitimi sunt, & inter omnes minus habente, *d. Nov. 89. §. & quoniam.* * Legitimos PER RESCRIPTUM non alias admitti, quam non existentibus legitimis, videtur colligi ex *d. Nov. 89. c. 9.* his verbis: *itali pater non habuerit legitimam prolem*: ubi non alias permittitur legitimatio per rescriptum, nisi deficientibus alijs legitimis; ex ratione, ne contingat iustis spem bonorum diminui. Potest tamen Princeps etiam naturales, existentibus legitimis, restituere antiquæ & nativæ ingenuitati, & juri legitimo à legitimis nihil differentes. * Quantum ad legitimos tantum est ijs jus ab intestato salvum, non tantum ADROGATIS, sed & ADOPTATIS, etiam ab extraneo, licet hodie tales non sint in potestate adoptantis, secundum dicta sup. §. 1. cum lex potestatis mutationem impediendo, non voluerit nisi ijs providere, ne detrimentum incurrant, de quo ibi, non etiam à commodo arcere, ut jura pristina salva maneant, quatenus non mutata. (i) * NATURALES matri quidem, quia certa est, succedunt, etiam cum alijs legitimis, *l. si suspecta 29. §. 1. D. De inoff. testam.* nisi sit illustis, cum castitatis observatio ejus sit præcipuum debitum; si tamen alios liberos iustos habeat, *l. si quis in suis C. Ad S. C. Orphit.* Patri non succedunt, quia hic certus non est: * à quo tamen alimenta consequuntur, nisi sint nati ex damnata copula, quos lex civilis, in pœnam patris, ne quidem ab eo ali permittit, *Auth. Ex complexu C. De incest. nupt.* Canones tamen talibus alimenta, si suppetat substantia, denegari nolunt, *c. 5. & De eo qui duxit quam polluit per adulter.* ne pœna ponatur, ubi non est culpa, *34* quos hac in parte sequimur, cum judicant id quod juri naturæ respondet. * Si patri non fuerint iusti liberi, nec iusta conjux, ultra alimenta sextans hereditaris est concessus ab intestato naturalibus, una cum eorum matre, si super sit, partiendus, *d. Nov. 89. §. discretis vers. si quis autem defunctus.* Testamento non potest pater, si quidem iustos habuerit liberos, naturalibus, eorumque matri, nisi unciam relinquere, *d. §. discretis vers. ne igitur.* Si iustis careat, etiam in duodecim uncias scribi à patre hæredes possunt, *d. §. discretis vers. si vero filios.* (k)
- 15* Deficientibus descendentibus, hæreditas liberorū defertur ASCENDENTIBUS, id est PARENTIBUS, non tam ex voto naturæ quam commiserationis ratione, unde triste luctum vocatur, *l. fin. C. Com. de success.* Neque enim minus piè parentibus relinquuntur bona liberorum, quos turbato mortalitatis ordine contingit premori, *l. Nam et si 15. D. De inoff. testam. l. 7. in fine D. Si tab. testam. nullo extrab. nullo habito* sexus discrimine, cum tam admittatur mater quam pater, sive in potestate habeat, sive non sive legitimus & naturalis, sive legitimus tantum; nisi quod adoptivus extraneus nihil iuris habeat, secundum dicta sup. *De adopt.* Naturali parenti decens devotio & mensura servanda a liberis in iisdem calibus, quibus tales filij vocantur ad talium parentum hereditatem, *d. Nov. 89. §. discretis vers. in quibus.* * Nulla autem hac in successione habetur ratio originis bonorum, paterna sint, an materna, cum ex æquo dicantur dividenda indistincte inter parentes, *d. Nov. 118. §. 2.* (l)
- 17* Plures parentes si concurrant ex diverso latere, æquales in gradu, non in capita,

pita, sed in stirpes admittentur. Sic avus paternus ab una parte solus existens semissem accipiet, ab altera verò maternus avus cum avia materna alterum semissem, *d. §. 2. vers. si autem plurimi.* (m) * Admittuntur etiam cum parentibus fratres & sorores defuncto juncti per utrumque parentem, quales germani dicuntur, & quidem in capita, *d. §. 2. vers. si verò,* ubi nulla sit mentio nepotum ex fratre prædefuncto, ut secundum tempus istius Novellæ non fuerint admissi cum suis avis & patris, uti satis patet ex eadem *Nov. 118. §. 1. vers. sed & ipsis.* Verum hoc mutatum *Nov. de fratrum filii 127. §. 1.* quâ dispositum, ut nepotes ex fratre prædefuncto admitterentur cum ascendentibus ad bona patris defuncti in stirpes, ita postulante causâ commiserationis, ne afflictis adderetur afflictio. Quo casu fratribus defuncti cedit sua pars pleno jure, ut ne quidem usumfructum ejus pater sibi adrogare valeat, sine distinctione, in potestate habeat, necne, *d. §. 2.* ubi dicitur, deberi patri sufficere proprietatem partis suæ.

Questionis autem est, An nepotes ex præmortuis defuncti fratribus soli existentes cum avo admittantur. Vbi dicendum, non admitti, ex eo, quod tantum admittantur cum patris ex quadam commiseratione, ne mors patris eis sit magis luctuosa per ablationem patris bonorum, quæ parti vivo cessisset, nunc autem patris cederet. Quæ ratio cessat, quando soli veniunt, ut tantum isto solo casu cum patris admittantur, per *d. Nov. 127. §. 1.* contra jura priora; ut non debeat admitti extensio ultra textum correctorium. Quod & ipsum dicitur, si soli cum proavo concurrere velint: nam & id potius videtur, cum secundum dictam *Nov. 118. §. 2.* non tantum pater & mater, sed & alii ascendentes præferantur à latere venientibus, exceptis fratribus sororibusque defuncti, quibuscum & postea, uti dictum, admissi nepotes tantum in casu prædicto. Ut succedat ratio, quæ novas Constitutiones vult strictè accipi, ut quod in iis palam nominatimque non est definitum, in terminis juris pristini censeatur relictum. * Fratres tamen avum defuncti excludere verius videtur, ex eo, quod pater avum excludat; cum patre autem admittantur fratres defuncti in capita, qui jure pristino tamquam agnati admittebantur ante parentes, *l. fin. C. de success.* Quod cum jure novo tantum sit correctum in parentibus primi gradus, dicendum non obtinere in iis, qui sunt gradus ulterioris. (n) De tertio successionis ordine dicetur Tit. sequenti.

ADDITIONES V. A. D.

Nu. 1. ibi, *text. hic.*) Itaque quatuor his modis contingit quem fieri intestatum, scilicet à materia, quæ est ipsa testatio, ipsum factum, quod in testamentis versatur, unde & testamenti factio nomen accepit: secundò à formâ, quæ est ipsum jus, nimirum forma legitima eorum, quæ juris sunt. *l. Si unus C. De testam.* tertio ab accidente, quia contingit quandoque, ut quis testamento ritè condito decedat, & ex superveniente aliquo accidente corruat deinde, &

velut moriatur testamentum : quartò à fine, qui est, ut pro animi sui voto heredem habeat defunctus, l. 1. C. De SS. Eccles. Veruntamen sicuti invito non acquiritur, ita nemo cogitur esse hæres, aut hereditatem amplecti.

Ibid. in fine.) Vbi enim in disponendo vel providendo deficit homo, supplet defectum illum lex, ex præsumpta hominis voluntate, l. 3. D. De vulgo & pupil. subtit. l. 4. & l. Precib. 8. C. 1. impub. & auct. subtit. Terent. in Hec. Actu 1. Sc. 2. ad hos lege redibat hereditas. Vbi Interpres verus : Verbo juru usus est : ea enim legitima est hereditas quæ sine lege debebatur ; quam scilicet defert lex sine facto hominis, id est sine testamento. Quamvis & quæ ex testamento defertur, non improprie lege obvenire dici possit, l. Lege 130. D. De V. S. quia testamentaria hereditates, licet immediate descendant ex sola voluntate testatoris, tamen lege confirmantur. Forster. De success. ab intest. lib. 1. c. 17. nu. 15. & seqq. Et scio dubitatum fuisse aliquando, an ea quoque iusta esset hereditas, quæ ex testamento alicui obveniret : verum probabilius visum est, ad legitimam hereditatem tantum hoc pertinere. l. 3. §. 2. D. Pro socio. Quamvis & legitimus hæres quis ad hæredem esse possit, qui non etiam sit justus, utique ingratus & indignus. Ita enim intelligendus Apul. Apol. 2. dum ait: Sciebat intestati pueri se legitimum potius quam justum heredem futurum. Planè legitima successio ut longè antiquior est testamentaria, cum multæ gentes testamentorum usum ignoraverunt, veluti de Germanis scribit Tacit. apud quos hæredes, successoresque sui cuique liberi, & nullum testamentum, liberisque non extantibus, proximus gradus in possessiones, fratres, patrui, avunculi; primusque apud Athenienses Solon permiserit pro cuiusque arbitrio, si proles deficeret, heredem institui, teste in ejus Vita Plutar. ita hæc fortior est, cum successionem legitimam excludat, l. Quamdiu 30. D. De acq. hered. Successiones enim ab intestato ex jure obligationis naturalis seu jure sanguinis & naturæ deferuntur : at successiones testamentariae ex jure amicitiae, quod jus præponderat juri sanguinis seu naturæ. Quamvis & in multis casibus favorabilior habeatur successio legitima quam testamentaria. Heig. hinc. 3. nu. 14. & seqq.

Nu. 2. in fin.) Sui quidem ex L. XII. Tabb. ipso jure hæredes fiebant, & dicebatur quasi continuari in eos dominium, §. 3. h. 1. Idque fictione quadam juris civilis, quæ pater & filius una persona esse intelliguntur, §. ei verò inf. De inut. stipul. & l. ult. C. De pat. pot. st. Propter familiam unam, quæ continentur, & quæ juris interpretatione loco unius personæ habetur, l. Pronuntiat. o. s. familia De V. S. Eleganter Ramus in Enchir. R. l. lib. 2. axiom. 3. & in Com. lib. 1. axiom. 10. §. Dixi ego sup. ad tit. De patr. pot. st. Emancipati verò, quia in potestate esse desierunt, extra familiam, gentem & stirpem (quæ est ejusdem gentis una familia) constituti esse intelliguntur, nec jus agnationis habent. Atqui lex XII. Tabl. in deferendis successioneibus solam gentem seu agnationem respicit.

Nu. 3. ibi, l. Qui duo 9. D. De reb. dub.) Apud Ciceronem 2. de Invent. & auctorem Rhetor. ad Heren. Lexica concepta est, Si paterfam. intestatus moritur, familia, pecuniæque ejus agnatorum gentiliumque esto. Quæ tamen postrema verba in

in XII. Tabulis non fuisse arbitror, sed illa, quæ refert Ulp. in l. *Procuratio* 12 §. 1. D. De V. S. ADGNATUS PROXIMUS FAMILIAM HABETO. Vbi nomen familiæ pro hereditate & substantia bonorum accipitur, l. ult. in fine C. De V. S. ut & cum dicimus iudicium familiæ eriscundæ, familiæ emptor. Vide Brisson. in Lexico V. *Familia appellatio*.

Nu. 4. in fine.) Novus hic ordo successionis intestatæ, descendantium scilicet, ascendentium, & à latere venientium, remotâ omni lege & ratione civili, etiam naturalem habet originem ex conjectura voluntatis. Neque enim credibile est, eum, qui voluntatis suæ supremum elogium non ediderit, ejus fuisse mentis, ut post mortem suam bona cederent occupanti, sed ut is haberet, cujus ea esse defunctum voluisse maximè fuerit probabile. Vbi primo loco occurrunt liberi seu descendentes, quibus successio deferatur, non ideo tantum, quia his debita naturaliter, sed & ex conjectura voluntatis naturali, quâ parentes creduntur id velle, ut liberis, velut corporis sui partibus, quàm optimè prospectum sit, cum omnia, quæ nostra sunt, liberis nostris ex voto paremus, ut ait l. C. in l. *Nihil interest* 50. §. 2. D. De bono lib. Secundo loco gratia referri debet iis, quibus bona & vitam quodammodò debemus, id est parentibus. Tercio loco cæteris propinquis, gradu cognationis defunctam proximè attingentibus, defertur successio: nam natura, ut liberos, ita & propinquos cuique carissimos esse voluit.

Nu. 5. ibi, quæ olim obtinuit, remotâ.) Ac simili jure ab intestato servato utriusque sexui, ut ait Justin. in l. *Maximum* 4. in pr. C. De liber. prater. ubi relatis aliquot differentiis, quæ olim obtinuerunt, qui tunc inquit, differentiæ inducunt, quasi naturæ accusatores existunt, cur non totos mascululos generavit, ut unde generentur non fiant. Similis ratio habetur in l. *Lege* 14. C. De legit. hæredib.

Ibid. in fine.) Itaque tametsi hodie, sublata per jus novissimum Nov. 118. c. 4. differentiâ adgnationis & cognationis, æque ab intestato vocentur emancipati atque sui, illud tamen interest, quòd sui ipso jure fiant hæredes, emancipati etiamnum hodie non nisi aditione. Rationem diversijuris assignat Joann. Ramus in suis *Prælect. manus.* ad h. l. quòd jure Novellar, emancipati sint recepti in gentem tantum, non etiam in stirpem aut familiam: ut eodem jure sint cum reliquis adgnatis, non verò ut eodem jure sint cum his, qui sunt in potestate. Nam nusquam legitur per Justinianum sublata differentia emancipationis & patriæ potestatis. Communis autem adgnatorum conditio ejusmodi est, ut, cum ad bona propria non veniunt, ipso jure non possint quoque fieri hæredes, sed ut adeant necesse est, §. *sui & cæteri sup.* De hered. qual. & differ. Vbi ea differentia est inter suos & emancipatos, quòd sui, quia ipso jure sunt hæredes, transmittant hereditatem etiam non aditam, l. 1. C. De his qua ante apert. tab. l. unica §. in novissimo C. De cad. tollen. Bart. & D1. ad l. *Ventre* D. De acq. hered. Emancipati verò hereditatem non aditam non transmittant. Vide Cujac. ad d. Nov. 118. Ant. Fabr. De errorib. Pragmat. Dec. 29. c. 10. nu. 24. Notandum autem est, tam suos quàm emancipatos teneri conferre, si quæ antè dotis, donationisque antenuptialis causâ à

parentibus acceperint, l. *Quoniam novella* 29. cum l. *Omnimodò* seq. §. *fin. C. De inoff. testam.* licet etiam pater de eo nihil specialiter disposuerit, *Auth. Ex testamento C. eod.* Et concordant hodie plerorumque locorum consuetudines, non quatenus ob emancipationem inducta est collatio, nam eatenus per mores cessat, sed ad servandam æqualitatem inter liberos: quod & alicubi statuto cavetur, ut scilicet parentes tractent liberos suos æqualiter, veluti Bruxellæ, ubi ita sonat statutum: *Niemant en mach luf kinds machten.* Pet. Vanderan. *Enchir. judiciari lib. 2. c. 1.* Zyp. *Not. jur. Belg. lib. 6. tit. Vnde liberi.* Vide Gudel. *ad tit. D. De coniung. cum emanc. liberu ejus*, & Christin. *ad consuet. Mechlin. tit. 16. art. 3. 4. & 5.*

Nu. 7. in fine.) Habet, inquam, hic semper locum repræsentatio; id est etiam ultra pronepotes, nedum in decimo gradu, Covarr. *Pr. et. quest. c. 38. nu. 5.* sed & in infinitum, idque propter personarum identitatem, quæ sunt descendentes uniti cum ascendentibus, & propter familiam, quia familia nomine constat propriè contineri quoscunque descendentes, etiamsi quintæ, vel sextæ, ulteriorisve sint generationis, l. *Pronuntiatio* 195. §. 2. *D. De V. S.* Item argumento transmissionis hæreditatis, quæ sit ex potentia sanguinis, & locum habet inter omnes descendentes in infinitum, l. 3. *C. De ius & legit. & l. 4. C. Qui admitti ad bon. poss. poss. Gomez. 1. V. r. res. c. 1. nu. 5.* Forster. 4. *De success. ab intest. c. 21.* Tim. Faber *disp. 21. thes. 3.* Franc. Barry *de Success. lib. 18. tit. 1. nu. 2.* Moribus nostris aliter aliquando observatum fuit, jure repræsentationis non solum à transversa, verum etiam à recta linea, quamvis hoc satis iniquè, variis in Provinciis remoto, ut notat Gudelin. 2. *De jure noviss. c. 13. in fine*, atque ita exclusis à successione avi nepotibus per patruos, veluti in Provincia Ultrajectina, Geldro-Velavica, Comitatu Zutphanix, multisque locis Brabantix, Flandrix & Hollandix, ob vulgatam fortè regulam, *T'naeste bloet heurt het goit*, vel, *Die naeste is in 't bloet u naest in 't goit*, id est, *Proximus sanguine proximus in successione*, Quod deinde mutatum fuit postea, respectu nepotum, ratione non minus æquà, quia lugubre videbatur nepotes suis esse destitutos parentibus, ideoque eos saltem portionem bonorum eorumdem parentum suorum consequi oportuit. Cypr. *Regneri hic ad Nov. 118. c. 1.*

Nu. 14. in fine.) Porro quid in hoc ordine succedendi ab intestato obtineat ferè moribus, meminit obiter D. Gudelin. 2. *De jure noviss. c. 13. in fine.* Nimirum alibi liberi parentibus suis succedunt æqualiter, sine discrimine sexus, nec datur prærogativa aliqua masculo aut primogenito, idque conformiter juri scripto, *Nov. 118. c. 1. in princ.* Nisi quod alicubi filius major natu quid præcipui habeat veluti Antverpiæ *tit. 47. art. 11.* Alibi in bonis quidem mobilibus æqualiter succeditur, verum in bonis immobilibus succedit filius vel ex eo nepos cum prærogativa duplicis portionis, id est tantum accipit, quantum duæ filix, nisi aliud testamento vel alio genere ultimæ voluntatis cautum fuerit, ut Mechlinix, *tit. 16. art. 2.* Everad. *conf. 185.* Ita ut hodie alicubi obtineat etiamnum vetus juris regula, *In multis juris articulis deteriorem esse faminarum conditionem,*

nem, quàm masculorum, l. *In multis* 9. D. De statu hom. & l. *Famina* 2. De R. l. quæ jam olim etiam in successione locum habuit : nam & vetustas ex masculis progenitos plus diligebat, quàm ex feminis, §. *item vetustas* 15. h. t. & circa legitimam successione faminarum adgnatarum varium jus fuit, §. 3. *inf. tit. prox.* Non enim semper ad naturam, sed ad publicam quoque utilitatem & Reip. dignitatem conservandam jura diriguntur, arg. §. *sed & major sup. De his qui sui vel alieni. jura sunt.* Etenim per masculos gentis & familiæ nomen propagatur, l. 1. §. *pen. D. De ventre in spu.* mulierum verò nomina protinus à nuptiis per mariti nomen & splendorem obfuscantur, & ex iis nati liberi paternam gentem & familiam sequuntur, non etiam maternam, l. *Cum legitima* 19. D. De statu hom. & l. *Exemplo* 36. C. De decurion. lib. 10. Hinc & per masculos publica munera obeuntur, non per feminas, d. l. 2. D. De R. l. Vt meritò majori quoque prærogativâ affici mererentur masculi quàm feminæ. Unde nec mirum, statuto vel consuetudine induci posse, ut, masculis extantibus, feminæ excludantur. Myns. cent. 3. Obs. 26. Gail. 29. Obs. 140. & 148. Item alibi, altero conjugum præmoriante, superstes manet liber dominus & arbiter suorum bonorum, eodemque mortuo, ad liberos omnes, etiam diversi tori (si ad alteras convolarit nuptias) fit devolutio bonorum æqualiter & in capita, salvo superstiti usufructu, ut Bruxellæ : alibi inter superstitem & liberos vel alios prædefuncti hæredes, fit divisio bonorum, ut Antverpiæ d. tit. 47. art. 8. Alibi jus devolutionis locum habet, proprietate bonorum omnium immobilium delatâ & affectâ liberis, usufructu penes superstitem manente, ut in toto ferè Ducatu Brab. Henr. Kinschothio teste, tract. De licentia testan. de feud. c. 6. ditioneque Trans-Mosana, ac civitate Trajectensi (quod Optricense Mosæ oppidum Ammian. Marcellinus indigetat:) item Leodii & in patria Leodiensi, de quo D. Carolus de Mean. ad jus civ. Leod. Obs. 112. de quo simili jure in Ducatu Iuliacensi, & Montenfi Iac. Rickius tract. De unionepro. c. 2. nu. 8. Est & ubi liberi primi tori bona omnia immobilia ex eo matrimonio procedentia occupant, exclusis subsequenter tori liberis. Gudel. ubi sup. D. Carolus de Mean. ad jus civ. Leod. Obser. 123. Secus jure Romano, quo ex æquo vocantur diversi tori liberi, Nov. 22. De nuptiis §. *illud quoque.* Illud generale est in feudis, ut masculi feminas excludant, idque propter onus & officium virile feudis conjunctum. Schneid. in Epit. feud. p. 6. tit. De success. ab intest. nu. 5. Haneton. lib. 2. c. 8. & nos ibid. in Annot. Gudel. de Feud. p. 3. c. 3. & inter masculos primogeniti prærogativam aliquam habeant, maximè nobiliores: veluti apud nos quoad mansionem principalem, collationem beneficiorum, exercitium jurisdictionis, jus ordinandi & amovendi Magistratum, eorumque ministros, & præterea duas tertias in commodis feudorum. Ita judicatum in Curia feudali Brab. anno 1554. 17. Januarii inter Joannem natu semorem, ejusque fratres de Merode. Vide Christin. ad consuet. Mechlin. tit. 10. art. 8. & Consuet. feud. Brab. ab eodem iditas in fine vol. 6. cap. 1. art. 1. Freder. à Sande Comment. in consuet. Feud. Geld. tit. 3. c. 1. §. 1 ubi sub nu. 9. tradit Geldria ac totius penè Belgii moribus etiam feminas successione esse capaces, nisi expressè leg-

lege concessionis, aut speciali consuetudine, masculi vocentur, deque variis concessionum, successionumque formulis ac modis, in Geldria, Brabantia, Flandria & alibi usitatis, tractat deinceps §. 2. & *multa seqq.* & ex eo Christin. *Decis.* 42. vol. 6. De feudis Hollandicis Tract. edidit Corn. Neostadius, in quo & de antiqua propriaque in his succedendi natura tractat etiamnum hodie usitata. Nam quòd ad bona allodialia attinet, forma succedendi ab intestato olim apud Hollandos & Westfrisos alia atque alia fuit, de qua plene & accuratè D. Arn. Vinnius *hu. jus. su.* tit. 5. Extatque ea de re Constitutio politica anni 1520. quà uniforme jus succedendi introductum fuit. verùm ab eo recessum an. 1599. novà Constitut. seu Placito *De success. ab intestato*, iterumque duplicem succedendi rationem observari placuit, aliam in oppidis & agris Hollandia meridionalis, aliam in Hollandia septentrionali & Westfrisia.

Quod verò ad filios ac filias naturales tantùm, seu nothos spuriosque attinet, tales moribus plerorumque locorum ne ad matris quidem aut parentum maternorum successionem admittuntur, multò minus ad sextantem seu duas uncias hereditatis paternæ, quas cum matre, liberis legitimis non extantibus, parti jubentur, Nov. 18. *D. tracent. & semisse §. consideremus*, Nov. 8.). *Quib. mod. natur. eff.* §. *si quis autem & A. lib. L. et C. D. natural. lib.* Omnia illis successionum genera & jura fere adempta sunt, ut nec succedant ipsi, nec his succedatur, si liberi ex legitimo matrimonio procreati desint, sed bona occupet filius; cùm tales nec genus, nec gentem habere dicantur. *Non enim potest habere hereditatis consortium*, inquit D. Ambros. Serm. de S. Joann. *qui non habet sanguinis & originis privilegium*. Nec distinguitur inter natos ex damnato seu pumbili coitu, & non pumbili, quia jure Canonum omnis concubitus extra legitimum matrimonium est prohibitus. Vide Gudelin. *ubi sup.* Joann. Steph. Durant. *late Quæst. notab. juris c.* 19. Grivel. *decis.* 87. nu. 7. & *seqq.* & *decis.* 88. nu. 10. & *seqq.* Argentr. *ad consuet. Britan. art.* 450. Gl. 2. Christin. *ad consuet. Mechlin.* tit. 18. de *Estanda*, & Joann. le Bouck *ad consuet. Insulin.* tit. *De successione art.* 13 & 14. Peculiare jus esse in Flandria notat Jac. Marchant. *Comment. de Fland. lib. 1. tit. De leg. lib. & Lingua*, & Christin. *decis.* 44 nu. 19. vol. 6. nempe quòd ad imitationem S. C. Orphitimi nullus ex matre nothus perhibeatur, hoc est quòd nemo ob illegitimos natales materna hereditate priveretur: adeò ut ne illustres quidem ræmunt concubinæ liberos Flandriae leges eximant, nisi illis statutum municipale à Principe sancitum derogat. Quemadmodum Cortracenses ad annum 1557. & sexto post anno Gandenses a successione materna liberos ex adulterio aut incestu natos excludere. Etenim anno 1532. in Septembri provinciale Flandriae Concilium sententiam tulit, ut notho in feuda matris successio competeret, cum privilegio ætatis & exulique, etiam extantibus legitimis. Et anno 1573. Berge Winoci Magistratus ex consilio Jurisperitorum decrevit, ut filia sacerdotis hereditate matris non excideret. Hactenus Marchantius.

Nu. 16 in fine.) Facit & ratio, quia bona, undecumque ad filium pervenerint, ejus sunt patrimonium, & non alterius conditione ceteri possunt, quàm

quàm cuius dominio subiecta sunt. Neque origo bonorum in hac successione attenditur, sed persona acquirentis. Ac propterea improbata à plerisque Bartoli opinio, adjudicantis paterna paternis, materna vero maternis; quamvis eam amplectatur Tellaure. *Diess.* 27. iudicetque verio rem, communiorem, æquior em, & citat alios illius adfertores Gabriel *Commun. op n. lib. 4. De success. ab intest.* *concl.* 3. Contrariam Baldi sententiam plures quoque tenent, Alciat. 3. *Paradox. c. 3.* Grass. §. *Successio ab intestato qu. 11. n. 5.* Hartman. *Offic. Pract. lib. 2. tit. 43. obf. 3.* Fachin. 6. *constr. c. 4.* Fossier. *de Success. ab intest.* *l. 7. c. 4. n. 11. & 12.* Comez. *ad l. 6. Taur. nu. 7. & 8.* & novissimè Joann. Tileman abba. Schenck *l. 1. ff. de Success. ascend. c. 5. n. 3.* & fecit Nam eam in supremo Camera Imperialis iudicio pronuntiatum fuisse testatur Myns. *cent. 6. obf. 55.* Quod quatenus extendi debeat ad bona feudalia traditidem Myns. *obf. 23. cent. 3.* & Henr à Rotenhal *trac. Feudal. l. 7. concl. 14.* ubi plures alios allegat:

Nu. 17. in fine.) Et ibidem Cuiac. Grass. §. *Successio ab intestato qu. 22.* Barry *de Successione lib. 18. tit. 2. nu. 2.*

Nu. 18. in fine.) Alia ratio adfertur à Forstero, *De success. ab intest.* *l. 7. c. 7. nu. 2.* his verbis: Absurdum enim esset, filios fratrum, qui ex privilegio succedunt, in meliori esse causa, quàm fratres defuncti & eorum parentes fuerunt; præsertim quia cum ascendentibus, quibus de jure communi hæreditas potius deberetur, concurrant. Nec obstat, quod filii fratrum soli, quando nulli fratres amplius supersunt, succedant patruo suo in capita, & non in stirpes, ex magis probata & recepta sententia, *de qua inf. tit. prox. nu. 2.* quia ibi succeditur jure proprio, non vel jure representationis, omnesque patruo defuncto sunt æquè propinqui, ut inter naturà parens nulla sit aut esse debeat unius præ altero naturalis prærogativa aut prælatio.

Nu. 20. ibi, qui sunt gradus ulterioris.) Mores nostrates in hoc quoque ordine variant, ut etiam observavit D. Zoel. *ad tit. De iur. & legit. hered. nu. 34.* Aliquibus locis, exclusis fratribus sororibusve defuncti, solis parentibus deferatur liberorum hæreditas, idque in bonis mobilibusvel his immobilibus, quæ à defuncto acquisita fuerint: secus in his, quæ patrimonii sunt, & ex morte alterutrius parentis filio obvenerunt, quæ fere stirpem sequuntur, à qua proveniunt siue paternam siue maternam, quæ postea quodammodò debita & affecta. Pyrrhus Angleberm. *ad consuet. Aurl. tit. De iur. c. 2.* Gudelin. *d. lib. 2. c. 14. in fine.* ex Franc. Balduino, in *Prolegom. instut. b. 1.* Alibi non fit distinctio inter bona, siue ea proprietate tenus sint liberorum, siue pleno jure domini, & siue mobilia, siue immobilia, exclusis similiter fratribus & sororibus, ut Leodii, *d. c. 11. art. 132.* Lovanii. *14. tit. 14.* Mechliniæ *11. tit. 6.* Sunt & leges, quæ indistincte admittunt parentes ad bona liberorum quæ patrimonialia, qua acquisita, sed non alter, quàm si nulli supersint fratres aut sorores utrimque conjunctim, aut ex illis descendentes, ut Bruxella *tit. De success. ab intest. art. 300.* Sunt denique quæ planè contrarium dicunt, & extantibus defuncti fratribus, hi soli admittuntur, exclusis parentibus, aut Antwerp, in *De successione, divisione* *tit. art.*

Gr. ant. 12. Verum consuetudinem illam non extendi ad ea bona, quæ à patre profecta sunt, vero similis est, *l. 2. C. De bonis quæ l. beru Gr.* vel ad ea, quæ filix in dotem data *l. 6. D. De jure dot.* Quæ de re arrestum Curix Parisiensis recitat Choppin. *De privil. rustic. lib. 3. c. 8. & Joann. Papon. lib. 21. tit. 1. arresto 5.*

DE LEGITIMA ADGNATORVM SVCCES- SIONE.

TITVLVS II.

S Inemo suus hæres, vel eorum, quos inter suos hæredes Prætor, vel Constitutiones vocant, existat, qui successionem quoquo modo amplectatur: tunc ex lege duodecim Tabularum ad adgnatum proximum pertinet hæreditas.

1. Sunt autem adgnati (ut primo quoque libro tradidimus) cognati per virilis sexus personas cognatione conjuncti, quasi à patre connati. Itaque ex eodem patre nati fratres, adgnati sibi sunt, qui & consanguinei vocantur: nec requiritur, an etiam eandem matrem habuerint. Item patruus fratris filio, & invicem is illi adgnatus est. Eodem numero sunt fratres patruels, id est, qui ex duobus fratribus procreati sunt, qui etiam consobrini vocantur. Quâ ratione etiam ad plures gradus adgnationis pervenire poterimus. Si etiam, qui post mortem patris nascuntur, jura consanguinitatis nanciscuntur. Non tamen omnibus simul adgnatis dat lex hæreditatem: sed iis, qui tunc proximiores gradu sunt, cum certum esse cœperit aliquem intestatum decessisse.

2. Per adoptionem quoque adgnationis jus consistit: veluti inter filios naturales, & eos, quos pater eorum adoptavit. Nec dubium est, quin improprie consanguinei appellentur. Item si quis ex cæteris adgnatis tuis, veluti frater, aut patruus, aut denique is, qui longiore gradu est, adoptaverit aliquem, adgnatus inter suos hæredes esse non dubitatur.

3. Cæterum inter masculos quidem adgnationis jure hæreditas, etiam si longissimo gradu sint, ultrò citròque capitur. Quod ad feminas verò attinet, ita placebat, ut ipsæ consanguinitatis jure tantum capiant hæreditatem, si sorores sint, ulterius non capiant: masculi autem ad earum hæreditates (etiam si in longissimo gradu sint) admittantur. Quia à causâ fratris tui, aut patruus tui, filix, vel amica tuæ hæreditas ad te pertinebat: tua verò ad illas non pertinebat. Quod ideo ita constitutum erat, quia commodius videbatur ita jura constitui, ut plerumque hæreditates ad masculos confluerent. Sed quia sanè iniquum erat, in universum eas quasi extraneas repelli, Prætor eas ad bonorum possessionem admittit eâ parte, quâ proximitatis nomine bonorum possessionem pollicetur: ex qua parte ita scilicet admittuntur, si neque adgnatus ullus, neque pro-

ximior

ximior cognatus interveniat. Et hæc quidem lex duodecim Tabularum nullo modo introduxit: sed simplicitatem legibus amicam amplexa, simili modo omnes adgnatos, sive masculos, sive feminas, cujuscumque gradus ad similitudinem suorum, invicem ad successionem vocabat. Media autem jurisprudentia, quæ erat quidem lege duodecim Tabularum junior, Imperiali autem dispositione anterior, subtilitate quadam excogitatâ, præfaram differentiam inducebat, & penitus eas à successionem adgnatorum repellebat, omni aliâ successionem incognitâ: donec Prætores paulatim asperitatem juris civilis corrigentes, sive quod deerat implentes, humano proposito alium ordinem suis edictis addiderunt: & cognationis lineâ proximitatis nomine introductâ, per bonorum possessionem eas adjuvabant, & pollicebantur his bonorum possessionem, quæ *unde cognati* appellatur. Nos verò legem duodecim Tabularum sequentes, & ejus vestigia in hac parte conservantes, laudamus quidem Prætores suæ humanitatis, non tamen eos in plenum huic causæ mederi invenimus. Quare etenim, uno eodemque gradu naturali concurrente, & adgnationis titulis, tam in masculis, quàm in feminis æquâ lance constitutis, masculis quidem dabatur ad successionem venire omnium adgnatorum, ex adgnatis autem mulieribus nulli penitus, nisi soli sorori, ad adgnatorum successionem patebat aditus? Ideo nos in plenum omnia reducentes, & ad jus duodecim Tabularum eandem dispositionem exæquantes, nostra Constitutione sancimus, omnes legitimas personas, id est, per virilem sexum descendentes (sive masculini generis, sive feminini sint) simili modo ad jura successionis legitimæ ab intestato vocari secundum sui gradus prærogativam: nec ideo excludendas, quia consanguinitatis jura, sicut germana, non habent.

4. Hoc etiam addendum nostræ Constitutioni existimavimus, ut transferatur unus tantummodo gradus à jure cognationis in legitimam successionem: ut non solum fratris filius & filia (secundum quod jam definivimus) ad successionem patris sui vocentur, sed etiam germanæ consanguineæ vel sororis uterinx filius & filia soli, & non deinceps personæ unâ cum his ad jura avunculi sui perveniant, & mortuo eo, qui patruus quidem est sui fratris filius, avunculus autem sororis suæ soboli, similimodo ab utroque latere succedant, tamquam si omnes ex masculis descendentes legitimo jure veniant, scilicet ubi frater & soror superdites non sunt. His etenim personis præcedentibus & successionem admittentibus, ceteri gradus remanent penitus semoti, videlicet ex hereditate non in stirpes, sed in capita dividenda.

5. Si plures sint gradus adgnatorum, apertè lex duodecim Tabularum proximum vocat. Itaque si (verbi gratiâ) sint defuncti frater, & alterius fratris filius, aut patruus, frater potior habetur. Et quamvis singulari numero ista lex duodecim Tabularum proximum vocet, tamen dubium non est, quin si plures sint ejusdem gradus, omnes admittantur. Nam & propriè proximus ex pluribus gradibus intelligitur, & tamen non dubium est, quin licet unus sit gradus adgnatorum, pertineat ad eos hæreditas.

6. Proximus autem, si quidem nullo testamento facto quisquam decesserit, per hoc tempus requiritur, quo mortuus est is, cujus de hereditate quaeritur. Quod si facto testamento quisquam decesserit, per hoc tempus requiritur, quo certum esse coeperit, nullum ex testamento heredem extitutum, tunc enim proprie quisque intestatus decessisse intelligitur. Quod quidem aliquando longo tempore declaratur. In quo spatium temporis saepe accidit, ut, proximior mortuo, proximus esse incipiat, qui moriente testatore non erat proximus.

7. Placebat autem in eo genere percipiendarum hereditatum successionem non esse: id est, ut quamvis proximus, qui secundum ea, quae diximus, vocatur ad hereditatem, aut spreverit hereditatem, aut, antequam adeat, decesserit, nihilo magis legitimo jure sequentes admittantur. Quod iterum Praetores imperfecto jure corrigentes, non in totum sine adminiculo relinquebant, sed ex cognatorum ordine eos vocabant, utpote agnationis jure eis recluso. Sed nos nihil perfectissimo juri deesse cupientes, nostra Constitutione (quam de jure patronatus, humanitate suggerente, protulimus) sancimus, successionem in agnatorum hereditatibus non esse eis denegandam: cum satis absurdum erat, quod cognatis à Praetore apertum est, hoc agnatis esse reclusum: maxime cum in onere quidem tutelatum & primo gradu deficiente, sequens succedit: & quod in onere obtinebat, non erat in lucro permissum.

8. Ad legitimam successionem nihilominus vocatur etiam parens, qui contracta fiducia filium vel filiam, nepotem vel neptem, ac deinceps emancipat, quod ex nostra Constitutione omnino inducitur, ut emancipationes liberorum semper videantur quasi contracta fiducia fieri: cum apud veteres non aliter hoc obtinebat, nisi specialiter contracta fiducia parens manumissile.

COMMENTARIUS.

SUMMARIA.

1. Intercollaterales vocantur primò fratres sororesque utrumque juncti, & ex his nepotes.
2. Nepotes soli qualiter succedant, in capita, an in stirpes.
3. Secundo succedunt alterò tantum parente juncti: & quid si consanguinei concurrant cum uterinis.
4. Patruelis ex altero tantum parente concurrens cum patruele nato ex utroque an pariter succedat.
5. Ius succedendi est & adrogatio.
6. Naturales an & qualiter succedant.
7. Deinceps succeditur pro gradu prerogativa, prout quisque proximus.

8. *Ad quem usque gradum succedatur.*
9. *Deficientibus adgnatis & cognatis fiscum excludunt conjuges.*
10. *Item, consortes ejusdem collegii.*

Olim post liberos admittebantur adgnati, hodie admitti parentes dictum paulò antè, unà cum fratribus. * Illis non existentibus vocantur tertio loco à LATERE VENIENTES, sive ADGNATI, sive COGNATI, sublata, quæ olim inter eos obtinebat, differentiâ, Nov. 118. §. si igitur defunctus 3. habita tamen ratione proximitatis, ut inter hos primi sint FRATRES ET SORES UTRIMQUE JVNCTI, cum quibus & admittuntur ex defuncto aliquo aut sorore extantes NEPOTES, in stirpes, non in capita. Nam cum in stirrogentur in locum parentum, plus juris sibi adrogare nequeunt, quàm præmortuo parenti debebatur d. §. 3. (a)

An autem soli nepotes venientes, nullo patruorum concurrente, admittantur, etiam in stirpes, controversatur. Et sunt, qui hoc velint, quasi & tunc veniant jure repræsentationis, ut in casu superiori, quando cum patruis concurrunt. Quò facit, quòd soli succedentes avo in stirpes admittantur, non in capita. Verùm contraria opinio Azonis in Summa C. De legit. hered. verior est, & juri responderet. Pro qua facit, quòd in successione laterali non fuerit olim attentum jus repræsentationis, sed ut quisque gradu proximus, ita hereditatem defuncti, aliis exclusis, occupabat, l. 2. §. hæc hereditas D. De suis & legit. l. 3. & fin. §. cum autem C. eod. tit. & sic jure proprio. Quòd cum sit mutatum tantum quoad nepotes concurrentes cum patruis aut amitis, admissa in iis repræsentatione parentis ex quadam commiseratione, non debet trahi ad eos solos venientes, ne admittatur extensio in correctoriis, præcipuè ratione eadem non subsistente. Et ita à Carolo V. in Comitibus Spirensibus ista opinio est comprobata, auctore Zasio l. C. colib. 1. Singul. respons. c. 7. (b) Post fratres & sorores ex iisdem parentibus, & nepotes ex iis, non tantum cum propriis thiiis, sed & soli veniente admittuntur, pro gradus prærogativa, Auth. Cessante, & Auth. Post fratres C. De legitimis hered. non habita ratione differentiæ, utroque parente an altero tantum sint conjuncti. * Et proximè quidem admittuntur FRATRES ET SORES ALTERO TANTVM PARENTE JVNCTI: quorum si aliqui fuerint consanguinei, per patrem defuncto juncti, aliqui uterini, per matrem eum tangentes, illi paterna, hi materna capiunt bona, l. De emancipatis 13. §. fin. C. De legit. hered. Quæ non rectè dicitur aliquibus correctæ per d. Nov. 118. §. 3. quia ista simpliciter quidem admittit fratres ex uno parente junctos, verum non distinguendo, unde bona venerint, atque ita censenda se referre ad distinctionem lege priori inductam, ut vult Bart. ad d. l. 13. & Joann. Faber. Inst. De servili cognat. §. l. nu. 12. (c) * Ex his patet, quid dicendum in casu, quo in successione patruelis ab intestato sine liberis defuncti concurrat patruelis ex altero tantum parente cum patruelis ex utroque. Quia illi marivè est resolvendus, eos scilicet admitti pariter, nec alterum ab altero excludi non obstante, quod in d. Nov. 118. §. 3. fit dicitur lex

vinculum, cum ultra fratres, fratrūque liberos non tam vinculi pluralitas attendatur, quam gradus proximitas Faber *d. loco nu. 13.* & ita censuit Everard *conj. 44.*
 5 *Est & ADROGATIS jus consanguinitatis, id est fraternitatis, ut interpretatur Duaren, *ad tit. De adopt. c. 11.* cuius respectu inter eum & filium naturalem patris adrogatoris est mutua successio, *l. 2. §. parvi autem. refert D. De suis & legit. ADOPTI-*
 6 VOS inter se nihil juris habere patet ex dictis sup. *De Adopt.* * Naturalibus tantum ex parte patris nulla est successio: ex parte matris successio est ijs salva, cum sint cognati, *inf. tit. §. §. vulgò quæstis.*

7 Itaque pro gradus prærogativa defertur hæreditas, quæ proximiorē facit potiorē, & in præcedentis, si deficiat, locum admittitur sequens, quatenus proximior. Quæ in re, ius novum à pristino differt, admissa etiam inter adgnatos successione, quæ olim ex lege *x l. 1. Tabb.* non obtinebat. Nam filio aut fratre, antequam adiret aut repudiaret, decedente, non admittebatur ex eo nepos. Ulp. *in frag. tit. xxvi.* Paulus *4. Sent. 8.* ex ratione, quod omnis successio proximiori deferatur: tempore autem de lata hæreditatis proximior quidem erat frater, non etiam fratris nepos, ut huic non deferretur hæreditas, nec daretur ei bonorum possessio Unde legitimi. Quod primò Prætores correxerant, eum admittendo ad hanc possessionem. Unde cognati. Postea Iustinianus plenè correxit, & successionem admittit in legitimis hæreditatibus, §. *placebat h. t.* motus ratione tutelarum, quarum onus secundum successionem deferrebat, ut secundum regulam idem in successione debuerit statui, cum rationis sit eum sequi commodum, quem sequitur onus.

8 Quæstionis autem est, in quem usque gradum prorogetur successio? Ubi sunt, qui cognatos ultra septimum gradum admitti negant, per *l. 4. in pr. D. De gradib.* Et tamen lex non tam dicit cognationem non excedere istum gradum, quam non facile excedere septimum gradum, quatenus ultra eum ferè gradum rerum naturæ cognatorum vitam consistere non patitur. Adgnatos, etiam si decimo sint gradu, admitti, habet §. *fin. inf. De success. cognat.* Quod non accipiendum exclusivè, quasi ulteriore gradu positi excluderentur, sed potius inclusivè; ut verba *est decimo gradu*, ponantur pro longissimo gradu, ut patet ex §. *ceterum h. t.* ubi hæreditas jure adgnationis inter masculos, etiam si longissimo gradu sint, ultrocitraque capi dicitur: & ex *l. 2. §. 1. D. De suis & legit.* ubi ex adgnatis orti dicuntur succedere in infinitum, si qui sint. Quod idem in cognatis videtur dicendum, cum inter eos & adgnatos sublata sit differentia. (d) Et certè præstat eos admittere, quam fiscum, aut eos, quibus minus juris est. Et facit Nov. *118. §. 3. in fine. & §. nullum*, ubi simpliciter pro gradus prærogativa dicuntur venire tam adgnati quam cognati, nullà ad certum gradum subjecta restrictione. Facit & *l. 4. C. De bonis vacantib.* quæ tum demum ad fiscum bona dicit pertinere, si nullus ex sanguinis linea aut legitimo jure appareat. Donel. *2. Comment. cap. 9.*
 (e)

9 Deficientibus adgnatis & cognatis, olim FISCUS tamquam bona vacantia occupabat, *d. l. 4.* & quidem infra quadriennium, quo lapsò excluderetur à possessio-

possessore bonæ fidei, l. 1. §. 2. D. De iure fisci & l. 1. C. De quadr. præscript. (f) Postea humanius visum, fisco præferre CONJUGES, eoque ad mutuum successionem admittere, l. 1. C. Unde vir & uxor. Cum enim inter marem & feminam omnis vite sit consortium, divini ac humani juris communicatio, l. 1. D. De ritu nupt. & infinita sint onera matrimonij, meritò successionis emolumentum, nullo alio, qui legitimo jure agat, comparente, invicem ijs manet. (g) Quibus hoc præterea datum, ut inopi superstiti ex prædefuncti divitis bonis quartam accipere liceat, etiam liberis existentibus; quæ virilis erit, si plures tribus existant, ac proprietate tenus ceder superstiti in casum, quo nulli existant liberi, l. 1. & Auth. Præterea C. Unde vir & uxor. Quod cum matrimonio sit datum, oportet matrimonium fuerit verum inter conjunctos. *Sunt & prælati fisco CONSORTES EJUSDEM COLLEGII. Sic decurioni intestato mortuo succedit Curia; naviculario corpus naviculariorum; fabricensi, id est ei, qui in publicis fabricis militat, fabricensium corpus; cohortali, id est officiali Præsidis provincie, ceteri cohortales, tototit. C. De hæreditatib. decurion. (h) Post hos demum FISCUS admittitur.

A D D I T I O N E S. V. A. D.

Nu. 1. in fine.) In quo etiam jus vetus immutavit Imo. Iustin., quo jure intransversalium successionem olim nullum fuit jus representationis, sed prout quisque proximior erat tempore delatæ hæreditatis, ita remotioribus præferbatur, l. 3. §. 1. D. De suis & legit. & §. si plures Instit. h. t. Hodie locus est representationi, sed in primo gradu tantum, videlicet inter patruos, avunculos, amitas, materteras, & ex fratribus aut sororibus nepotes, neptesque, d. Nov. 118. c. 3. Nov. 127. Ut fratrum filij in pr. Auth. Post fratres C. De legit. hæred. idque in successionibus quorumcumque bonorum, etiam feudalium, c. unico. De success. frat. 2. F. 11. Car. de Meen. observat. f. ud. 3. nu. 5. & 6. Quod jus etiam moribus hodiernis passim receptum est, & non solum in primo gradu locum habet, sed & alicubi ultra ad fratrum, puta nepotes ac pronepotes, extenditur. Admissum quoque de novo in aliquibus locis, ubi antea ejus usus non erat: veluti in Wadia Flandriæ Edicto anni 1531. §. Iam. ut tamen ultra pronepotes non extendatur, extensum postea an. 1556. 19. Maij ad ulteriores, ut in reliqua Flandria. Zyp. Not. iur. Belg. lib. 6. tit. Unde liberi. Ceterum rationem differentie, cur potius in suis hæreditibus, & ascendentium legitima successionem, sit locus juri representationis, idque in infinitum, quam in successionem adgnatorum ac transversalium, pauciores sciunt, inquit Ant. Faber, quem vide Decade 95. Error 1. & 2. Ego verò puto jus hoc in linea quidem recta ad remotiores gradus, adeoque in infinitum, extendi, tum ex æquitate naturali æquum enim esse videtur, ut nepotes neptesque in patris sui locum succedant, §. cum filie 6. h. t. tum propter personarum identitatem, & familiam, cujus qui princeps & caput est, is in familia sua ac potestate habere dicitur omnes, quos ipse genuit seu filios seu nepotes,

reliquo descendentes qui suum quique patrem repræsentant, d. s. cum filiis, t. l. Pronuntiatio 195 § 2 De l. s. Ioan Ramus in Enchir. Reg. iur. lib. 2. axiom. 29. & 30. & dixi sup. tit. prox. nu. 7. Quæ quidem æquitatis ratio cum cesseret in successioneibus ex latere, facile sit, ut ibi non æquæ locus sit iuri repræsentationis. Habent enim fratres inter se suam quisque familiam per se & seorsim, & ita neutri cum altero & in alterius bonis est societas. Et hoc illud est, quod dicitur, fratrum successiones fratribus nec re nec spe esse debitas, l. 1. § si impuberem D. De collat. bonor. Bart. in l. ult. C. De pactis.

Nu. 2. ibi, lib. 1. Singul. resp. c. 7.) Eandem sententiam amplexi sunt, tum docendo, Salic. in Auth. Cessante C. De legit. hered. Haneton. de Feud. lib. 2. c. 6. Donel. 9. Comment. c. 4. Fachin. C. contr. c. 3. Hotom. illust. quest. c. 14. Forster. de Success. ab intest. lib. 8. c. 3. in fine; tum consulendo, Cujac. consult. 4. Cephal. conf. 431. lib. 3. & in iudicando Curia: supremæ, Gallicana apud Imbert. in Enchir. iur. Gall. V. Succedatur; Dolana apud Grivel. decis. 130. Pedemontana apud Tessaur. decis. 162, ubi utriusque sententiæ adsertores accumulatur, & rationes ponderatur in Sabaudica apud Ant. Fabrum in Cod. suo lib. 6. tit. 33. defin. 1. qui tamen sententiam illam Pragmaticorum erroribus accenset d. Decade 55. Errore 2. in fine, legiturque ejusdem eâ de re Disceptatio forensis, subiecta Tractatui De nummariorum debitorum solutionibus.

Nu. 3. in fine.) Atqui hinc regula, Paterna paternis, materna maternis, vel maxime in hoc ordine successioneis locum habet, quæ bona patrimonialia defuncti, sive antiqua heredia, a trunco procedentia (quæ vulgò *Stock goeden* nuncupamus) non existentibus liberis, revertuntur ad latus seu lineam ejus trunci, à quo prodierunt, scilicet paterna deferuntur consanguineis paternis, materna maternis. Bona verò alia aliunde obvenientia ac stante matrimonio quaesita succedunt & devolvuntur mediatim ad conjunctos ex parte mariti, & mediatim ad conjunctos ex parte uxoris, nisi testamento vel alias alter dispositum fuerit. Tiraq. l. ut tract. de Petractu gentil. §. 14. Gl. 2. nu. 3. & seqq. Grivel. decis. Dolana 109. Charond. resp. 62. lib. 6. ubi notat, quid hæc in re jus Gallicanum obiciat. Deque communis Brabantia consuetudine testatur D. Kinschot. Resp. 29. Et quamvis dubitatum aliquando fuerit de hac Reg. in iudicio contradicentio, tamen secundum eam lego pronuntiasse Curiam anno 1626. die 14. Febr. inter D. Joannem de Tirasche, nomine uxoris N. de Busleyden & D. Joann. de Asperen, ductâ in uxorem Catharinâ van Crevenbroeck viduâ Lodovici de Busleyden. Præterea licet Reg. communiter, juxta juris communis dispositionem, non admittatur nisi inter fratres, fratrumque filios, si de fratrum germani successione inter consanguineos & uterinos agatur, l. De emancipatis C. De legit. hered. l. ult. C. Com. de success. & Nov. 112. § si filius, tamen diversarum provinciarum Gallia ac Belgii mores eam etiam ad ultteriores gradus extendunt, teste D. Carolo d. Meare observat. 103. nu. 4. & obs. ult. ad l. ult. l. 1. de heredi. ubi melius disputat. De hac eadem Reg. ubi, quando, & quibus in bonis locum sit, & non tantum in civitate Mox. Trajeduna, inopertuit non

descendentibus à communi stipite, id est ab eo, qui bona primus acquisivit: vel an sufficiat, ut contendens de successione sit frater vel propinquus collateralis primi acquirentis: qua de re videndi Molin. *conf.* 23. Gudelin. 2. *De jure noviss.* c. 15. in fine, Christin. *decis.* 105. vol. 1, & ad consuet. Mechlin. tit. 16. art. 12. nu. 21. Planenon ita pridem in opide Bruxellensi, nimirum anno 1621. die 22. Octob. coram Commisariis supremæ Curia, in causa tunc mota ac pendente inter D. Adamum vander Duyn, Toparcham de S^t Graven-moer &c. & Dom. Charlottam vander Straten, relictam D. Caroli Hinckaert Dom. vander Bruggen, &c. producti turbatim testes primi nominis Advocati & Pragmatici in diversam abiire sententiam. Aliis attestantibus, Regulam, *Paterna paternis &c.* ibi locum habere quoad bona patrimonialia à communi parente provenientia, bona verò aliunde obvenientia, puta titulo legati vel donati, respectu legatarii vel donatarii habenda pro acquisitis seu conquestibus: aliis, & quidem pluribus, è contrà deponentibus, bona, quæ alicui obvenierunt ex liberalitate, seu titulo lucrativo, censenda esse tamquam proprium patrimonium acquirentis, & in iis secundum prædictam Reg. succedi ab intestato, neque ad effectum ejusdem Reg. requiri necessario, ut bona procedant à communi parente. Cui conformis est altera productio similiter turbatim facta coram Magistratu Bruxell. anno 1566. 7. Martii, & per sententiam ejusdem Magistratus confirmata an. 1567. ult. Octobris..

Nu. 8. ibi, sublata sit differentia.) Cum hoc modo cognatio, quæ est facti & naturalis, ideo nec perpetua, sed ad certos gradus restricta, cœperit atque esse perpetua atque adgnatio. Accurs. *ad §. hoc loco Instit. De success. cognat. & ad Auth. In successione C. De suis & legitimis.*

Ibid. in fine.) Porro mores hic variant. Apud Hollandos ex legibus anni 1289. tempus fuit quatuor annorum, post quinque, hinc decem, conformiter juri scripto. Grot. *Introd. ad jurispr. Holland. p.* 2. c. 3. Quod & sequuntur pleraque consuetudines Regni Gallia, admittentes adgnatos cognatosve legitimos hæredes eos, qui pluribus quam decem gradibus non distant. Charond. *lib.* 2. *Resp.* c. 9. Latius vero patent jura successionum feudalium. Nam & qui millesimo gradu sunt, si aliud nihil obstat, succedere in feudo possunt. Bald. *ad lib.* 1. *F. tit.* 1. ubi hoc notat de domo Borbonia, posse eam in Regno Francia succedere aliquando etiam usque ad millesimum gradum, Afflict. *ad §. si Capitanei, Notab.* 4. *De feud. March.* & ibi alii *Interp.* Gudel. *De jure Feud. p.* 2. c. 2. nu. 8. ubi inter Henricum Valentinum hujus cognominis postremum, & Henricum Borbonium ejus lineæ primum generationes seu gradus à communi eorum progenitore computat unum & viginti. Quasi in feudis non tam successio sit, veluti in hæreditatibus, quam successorum quædam continuatio, quæ sit à primo acquirente in omnes ex eo descendentes, adeoque in infinitum.

Nu. 9. ibi, l. 1. C. *De quadr. præscripti.*) Bona vacantia dicuntur, quæ à nullo possidentur, *ad notata*, quæ scilicet continui adfiterentur, quæ iuli in latent, sive sint res mobiles, sive immobiles. Ius hoc succedendi in bona vacantia fit co-

competens Galli vocant *droit de Defherence*, de quo Tract. edidit Joann. Bacquet : quamvis nomen *Defherence* minus latè pateat, quam *bonorum vacantium* cum propriè significet hereditarem & successionem alicujus, qui heredem nullum instituit, nec aliquem reliquit. Vide Greg. Tholos. *Syntag. jur. lib. 3. c. 12. nu. 2. & 9. & lib. 46. c. 14. & D. Perez. ad tit. C. De bonis vacant. & incorporat. lib. 10.*

Ibid. ibi, invicem iis manet.) Quod jus & olim obtinuisse apud Romanos, & Romuli lege, auctor est Dion. Halicarnas. *Antiq. Rom. lib. 2.* nempe ut uxor marito succederet ab intestato, non secus ac patri filius, id est ex alle & in solidum, utique nullis relictis liberis : si liberos superstites reliquisset, ut tunc *remanebant* quæ esset, id est parem cum liberis portionem haberet : cujus rei meminit quoque Servius in illud Virg. *externusque in regnum quaritur heres.* Vide Ravard. *ad Leg. XII. Tab. c. 21.* Planè uxorem, quæ in manu sit viri, id est quæ coemptione in manum viri convenerit, inter suos quoque heredes numerat Vlp. *tit. XXII. §. sui heredes*, & matremfam. dici, non quæ in matrimonio tantum, sed in familiam quoque mariti & in sui heredis locum venisset, scribit A. Gellius *18. Noct. c. 6.* Tiraq. *de LL. connub. Lege 4. nu. 4.* Hincque fluxisse volunt consuetudinem apud Leodenses usitatam, ut uxor jure connubii (quod vulgò vocant *droit de Main plerie*, Latine dixeris, *jus Manus-plexata*) marito, absque liberis ex eo matrimonio procreatis decedenti, succedat in omnia bona à marito relicta, undecumque ea provenerint, certis dumtaxat casibus sub Tit. *De feudor. success.* exceptis, & nisi pacto dotali, aut dispositione contraria, fuerit huic consuetudini derogatum. Sic contra uxoris bona cedunt quidem marito, verum non ut heredi vel successori uxoris, sed jure connubii jam inde à tempore primùm contracti matrimonii illi velut addicta, & demùm per mortem ejusdem uxoris suæ firmiter quæsitæ. Ita habent leges & statuta Leod. *c. 11. art. 13. De success. ab intest.* & *c. 1. art. 1. De viro, uxore & lib. & ibid. latè D. Carolus de Mean.* Placuit tamen postea, ut conjuges invicem non succederent, & fisco hereditatem caperet, *l. un. §. pen. C. De cad. tollen.* Quod jus deinde Prætori dispendit, qui motu naturali æquitate, & amoto fisco dedit bonorum possessionem *Vnde vir & uxor, inf. De bonor. poss. §. si de vi 4. versulam vers.* Moribus vero hodiernis videtur quoque sublatum hoc jus notatque Joann. Bacquet. *lib. quem Gallus scripsit de jure Alaman.* *c. 32.* in Gallia provinciis, quæ moribus reguntur, abulso in consuetudinem Tit. *Vnde vir & uxor.* Hoc ideo, quia illo jure superstiti ex conjugibus satis prospectum videatur, propter communionem bonorum mobilium, & immobilium quæsitorum, sive conquæsitum, ut vocant, introductam jure consuetudinario inter conjuges, propterque jus dotalitatis seu lucra nuptialia, quæ hodie soluto matrimonio in plerisque locis deficiunt mulieribus, de quo *dictum sup. ad tit. De donat.* veluti apud nos Lovani superstiti lucratur bona omnia mobilia, & usufructum in bonis immobilibus conjugis prædefuncti. Lucra vero nuptialibus cessantibus, aut non sufficientibus, putat D. Gudelin. *2. De jure nupt. c. 15 nu. 9.* jus hoc successionis conju-

conjugalis moribus sublatum non videri: audio tamen, inquit, nostratibus Iudicibus contrarium visum fuisse.

Nu. 10. ibi, *oro rit. C. De hered. decur.* Sed quid de studioso, qui in Academia sine herede decessit? Fiscum civitatis excludit Academia, *arg. d. rit. C. De hered. decur. l. Si quis prebiter* 20 *C. De Episc. & Cler. & Anth. Habita C. Ne sit in propatre*, Angel in l. 2. *C. De bonis vacant.* Idque usu servari testatur Schneid. *hic De success. inter vir. & uxor.*

DE SENATVSCONSVLTO TERTVLLIANO.

TITULUS III.

LEx duodecim Tabularum ita stricto jure utebatur, & præponebat masculorum progeniem, & eos, qui per feminini sexus necessitudinem sibi junguntur, adeo expellebat, ut ne quidem inter matrem & filium filiamve ultro citroque hereditatis capiendæ jus daret: nisi quod prætores ex proximitate cognationum eas personas ad successionem, bonorum possessione. *Unde cognati*, accommodatâ, vocabant.

1. Sed hæc juris angustia postea emendata sunt & primus quidem divus Claudius matri, ad solatium liberorum amissorum, legitimam eorum detulit hereditatem.

2. Postea autem senatusconsulto Tertulliano, quod divi Hadriani temporibus factum est, plenissime de tristi successione matri, non etiam aviæ, deferenda cautum est: ut ingenua trium liberorum jus habens, libertina quatuor, ad bona filiorum filiarumve admittatur intestato mortuorum, licet in potestate parentis sit, ut scilicet, cum alieno juri subiecta est, jussu ejus adeat hereditatem, cujus juri subiecta est.

3. Præferuntur autem matri liberi defuncti, qui sui sunt, qui ve suorum loco sunt, sive primi gradus, sive ulterioris. Sed & filia suæ mortuæ filius vel filia præponitur ex constitutionibus matri defunctæ, id est, aviæ suæ: pater vero utriusque non etiam avus & proavus, matri anteponitur, scilicet cum inter eos solos de hereditate agitur. Frater autem consanguineus tam filij, quam filia excludebat matrem: soror autem consanguinea pariter cum matre admittebatur. Sed si fuerant frater & soror consanguinei, & mater liberis onerata, frater quidem matrem excludebat, communis autem erat hereditas ex æquis partibus fratribus & sororibus.

4. Sed nos Constitutione, quam in Codice, nostro nomine decorato posuimus, matri subveniendum esse existimavimus: respicientes ad naturam, & puerperium, & periculum, & sapem mortem ex hoc casu matribus illatam. Ideoque impium esse credidimus, casum fortuitum in ejus admitti detrimentum. Si enim ingenuater, libertina quater non peperit, immerito defraudabatur successio-

cessionem suorum liberorum: quid enim peccavit, si non plures, sed paucos peperit; Et dedimus jus legitimum plenum matribus (sive ingenuis sive libertinis) etsi non ter enixa fuerint vel quater, sed eum tantum, vel eam, qui quæve morte intercepti sunt, ut sic vocentur in liberorum suorum legitimam successionem.

5. Sed cum antea Constitutiones jura legitimæ successionis perscrutantes, partim matrem adjuvabant, partim eam prægravabant, nec in solidum eam vocabant, sed in quibusdam casibus tertiam ei partem abstrahentes, certis legitimis dabant personis, in alijs autem contrarium faciebant: nobis visum est rectè & simplici viâ matrem & omnibus personis legitimis anteponi, & sine ulla deminutione filiorum suorum successionem accipere: exceptâ fratris & sororis personâ, si ve consanguinei sint, sive sola cognationis jura habentes: ut quemadmodum eam toti alij ordini legitimo præposuimus, ita omnes fratres & sorores, sive legitimi sint sive non, ad capiendas hæreditates simul vocemus. Ita tamen, ut, si quidem solæ sorores adgnatæ vel cognatæ, & mater defuncti vel defunctæ supersint, dimidiam quidem mater, alteram verò dimidiam partem omnes sorores habeant. Si vero matre superstite & fratre, vel fratribus solis, vel etiam cum sororibus, sive legitima, sive sola cognationis jura habentibus, intestatus quis vel intestata moriatur, in capita distribuatur ejus hæreditas.

6. Sed quemadmodum nos matribus prospeximus, ita eas oportet suæ soboli consulere scituris eis, quod, si tutores liberis non petierint, vel in locum remoti vel excusati intra annum petere neglexerint, ab eorum impuberum morientium successionem meritò repellentur.

7. Licet autem vulgò quæsitus sit filius filia ve, potest tamen ad bona ejus mater ex Tertulliano Senatusconsulto admitti.

DE SENATVS CONSVLTO ORPHITIANO.

TITVLVS IV.

PER contrarium autem liberi ad bona matrum intestatarum admittuntur ex Senatusconsulto Orphitiano, quod Orphitio & Rufo Consulibus effectum est, divi Marci temporibus, & data est tam filio, quam filia legitima hæreditas, etiam si alieno juri subiecti sint: & præferuntur consanguineis & adgnatis defunctæ.

1. Sed cum ex hoc Senatusconsulto nepotes & neptes ad aviæ successionem legitimo jure non vocarentur, postea hoc Constitutionibus Principalibus emendatum est, ut, ad similitudinem filiorum filiarumque, & nepotes & neptes vocentur.

2. Sciendum autem est, hujusmodi successiones, quæ ex Tertulliano & Orphitiano Senatusconsultis deferuntur, capitis deminutione non perimi, propter illam

illam regulam, quâ novæ hæreditates legitimæ capitis diminutione non pereunt, sed illæ solæ, quæ ex lege duodecim Tabularum deferuntur.

3. Novissimè sciendum est, etiam illos liberos, qui vulgò quæsitæ sunt, ad matris hæreditatem ex hoc Senatusconsulto admitti.

4. Si ex pluribus legitimis hæredibus quidam omiserint hæreditatem, vel morte, vel aliâ causâ impediti fuerint, quo minùs adeant, reliquis, qui adierint, adcrefcit illorum portio: & licet antè decesserint, ad hæredes tamen eorum pertinet.

COMMENTARIUS.

SUMMARIA.

1. Ex L. XII. Tabb. mater non succedebat liberis, nec contrà.
2. Ex S. C. Tertulliano quatenus mater succedat liberis.
3. Et quatenus liberi matri ex S. C. Orphitiano.

LEge XII. Tabular. nec matris ad liberos, nec liberorum ad matrem pertinebat hæreditas, quòd inter eos non esset agnatio, nisi quòd Prætor daret bonorum possessionem Unde cognati. * Postea Claudius in solatium liberorum amissorum matri detulit hæreditatem, & Senatusc. Tertulliano Hadriani temporibus mater ingenua trium liberorum jus habens, libertina quatuor, ad bona liberorum admissa, etiam in potestate parentis esset, quod in avia non idem admissum.

Liberi quoque ex S. C. Orphitiano temporibus D. Marci admissi ad bona matris, exclusis agnatis, non tamen & avia. Postea Principalibus Constitutionibus plenius cautum super harum personarum mutuâ successione, & plenissimè cautum secundum ordinem traditum sup. tit. 10. (a)

ADDITIONES V. A. D.

Nu. 3. in fine.) Ad intellectum utriusque hujus Tit. & S. C. videri possunt quæ Jac. Ravardus observavit lib. singulari De auctorit. Prudentium c. 12. Illud hic obiter notandum, quòd uti ex S. C. Tertulliano mater admittitur ad bona filii filiaevæ etiam vulgò quæsitæ, sup. De S. C. Tertull. in fine, ita & ex S. C. Orphitiano ad matris hæreditatem admitti liberos vulgò quæsitos, id est naturales tantum. Patri verò ita non succeditur, quia hic plerumque incertus, cum solæ nuptiæ patrem certum demonstrent, l. 5. D. De in jus vocan. mater verò semper est certa. Quamvis hæc differentia ratio, cur scilicet matri naturales liberi succedant, & non patri, visa est insufficiens Casp. Manzio in Epir. success. ab intest. Dissert. 1. nu. 77. ut & alia pleraque, quas ibidem adducit. Excipiuntur spiritus qui ne matri quidem succedunt, quòd lege prohibente sint concepti, adeoque

1. Primo gradu est suprâ, pater, mater: infrâ filius, filia.

2. Secundo gradu suprâ avus, avia: infrâ nepos, neptis: ex transverso frater, soror.

3. Tercio gradu suprâ proavus, proavia: infrâ pronepos, proneptis: ex transverso fratris sororisque filius, filia, & convenienter patruus, amita, avunculus, matertera. Patruus est frater patris, qui Græcè πατράδελφος appellatur. Avunculus est frater matris, qui Græcè μητράδελφος dicitur, & uterque promiscuè δέσος appellatur. Amita est patris soror, quæ Græcè πατράδελφη appellatur. Matertera verò matris soror, quæ Græcè μητράδελφη dicitur, & utraque promiscuè δέση appellatur.

4. Quarto gradu suprâ abavus, abavia: infrâ abnepos, abneptis: ex transverso fratris sororisve nepos, neptisve. & convenienter patruus magnus, amita magna, id est avi frater & soror, consobrinus, consobrina, id est, qui quæve ex sororibus aut fratribus procreantur. Sed quidam rectè consobrinos eos propriè dici putant, qui ex duabus sororibus progenerantur, quasi consobrinæ, ea verò qui ex duobus fratribus progenerantur, propriè fratres patruales vocari. Si autem ex duobus fratribus filia nascuntur, sorores patruales appellari: at eos, qui ex fratre & sorore progenerantur, amitinos propriè dici putant. Amitæ tuæ filii consobrinum te appellant; tu illos amitinos.

5. Quinto gradu suprâ adavus, adavia: infrâ adnepos, adneptis: ex transverso fratris sororisque pronepos, proneptis: & convenienter propatruus, proamita, id est, proavi frater & soror, & proavunculus & promatertera, id est, proavia frater & soror. Item fratris patruelis, vel sororis patruelis, consobrini & consobrinx, amitini & amitinx filius filia, propius sobrino, propius sobrina. Hi sunt patrui magni, amita magnæ, avunculi magni, matertera magnæ filius, filia.

6. Sexto gradu suprâ tritavus, tritavia: infrâ trinepos trineptis: ex transverso fratris sororisque abnepos, abneptis: & convenienter abpatruus, abamita, id est, abavia frater & soror, item propatruus, proamita, proavunculus; promatertera filius, filia item propius sobrino sobrinæve filius, filia: item sobrini, sobrinæ, id est, qui quæve ex fratribus vel sororibus patruelibus vel consobrinis vel amitinis progenerantur.

7. Hactenus ostendisse sufficiat, quemadmodum gradus cognationis numerentur. Namque ex his palam est intelligere, quemadmodum ultiores quoque gradus numerare debeamus: quippe semper generata persona graduum adiecit, ut longè facilius sit respondere, quoto quisque gradu sit, quàm propriâ cognationis appellatione quemquam denotare.

8. Adgnationis quoque gradus eodem modo numerantur.

9. Sed cum magis veritas ocularâ fide, quàm per aures animis hominum infigatur: ideo necessarium duximus, post narrationem graduum, eos etiam præsentili bro inscribi, quatenus possint & auribus, & oculorum inspectione adolescentes perfectissimam graduum doctrinam adipisci.

C O M M E N T A R I V S.

S Y M M A R I A.

1. Cognatio per lineas distinguitur.
2. Linea vel est recta, descendendum & ascendendum, vel transversa à latere venientium.
3. Gradus quid.
4. Computatio graduum in linea recta.
5. Item in linea transversa.
6. Gradus secundum Canones quomodo computentur, & diversi iuris ratio.
7. Transversalium inter se distantia qualiter consideretur.
8. Adfinitatis gradus quomodo computentur.

Cum secundum prærogativam graduum deferatur ab intestato hæreditas, necessaria est Iurisperito graduum cognitio, ut ait Paulus in *l. fin. D. De gradib.* ut rectè hic subiiciatur de dinumeratione eorum, distantia, & nominibus. Ubi sciendum, * cognationem distingui per LINEAS, quæ sunt ordinata collectio personarum ab uno stipite descendendum, diversos gradus continens. * Triplex ea, DESCENDENTIUM, scilicet, id est liberorum, ASCENDENTIUM, id est parentum, quæ duæ DIRECTÆ LINEÆ nomine veniunt, & COLLATERALIUM, quæ est agnatorum & cognatorum à latere venientium, & dicitur TRANSVERSA, LATERALIS, *l. 1. D. De gradib.* * In singulis est GRADUS, ita dictus, quod ad instar scalarum contineat transitum ab una persona ad aliam, *d. l. ult.* id est mensura quædam, per quam distantia personarum cognoscitur. * In ordine superiori, live ascendendum, primo gradu est pater, mater; secundo avus, avia; tertio pravius, proavia, & deinceps, *l. 1. D. h. r.* Ubi & hoc in textu ad sextum usque gradum nomina propria referuntur, ultra deficit speciale nomen. In inferiori live descendendum primo gradu est filius, filia; secundo nepos, neptis; tertio pronepos, proneptis, & deinceps. * In ordine transverso non est primus gradus iure civili, quo à secundo numeratio inchoatur per patrem, qui cognationis est causa. Filius enim cum patre primum gradum facit; pater cum altero filio secundum; iste cum nepote tertium, & ita deinceps. In hac transversali linea pauciores gradus proprijs nominibus denotantur, ut patet hic ex textu & *d. l. fin.* nam in plerisque denotandis circumscriptione utendum.

Ad faciliorem autem graduum computationem inducta est regula, quod TOT sint GRADUS, QUOT PERSONÆ, UNADEMPTA, live tot gradus, quot generationes, aut generatæ personæ, cum, ut hic ait Imp. GENERATA PERSONA GRADUM ADICIAT. Dico, unā demptā; nam ad primum gradum constituendū

opus est duabus personis, scilicet generantis & generatæ. Quia in re Canones non-
 6 nihil dissentiunt à legibus, non tam quoad lineam rectam; in ea enim eadem est di-
 numeratio, eademque regula recepta, cum & tot hic gradus constituentur, quot
 sunt generationes: sed quoad transversam, in qua non computantur singula perso-
 nae ad gradum constituendum, sed duæ inter se collatæ unum gradum constituunt.
 Sic filij ex eodem patre primum gradum constituunt, secundum patruels, id est
 duorum fratrum filij, filia; consobrini, id est duarum sororum filij filia; consorori-
 nizamitini, amitina, id est ex fratre & sorore nati & nata: tertium sobrini, qui
 propriè sunt propagati ex patruelibus, consobriniis, amitinis. Non raro tamen ea
 nomina confundantur, ut qui Canonico jure tertium gradum constituunt, jure ci-
 vili, quo generata persona, uti dictum, gradum adijcit, sextum constituent. Diver-
 titatis ratio consistit in diverso jure. Nam juris Canonici computatio est ad inventa
 nuptiarum causâ, ad quas duæ personæ desiderantur, nullo sanguinis aut affinita-
 7 tis vinculo impeditæ: ac proinde utriusque considerata distantia quoad stipitem.
 Et regula habet: QUOTO GRADU QUISQUE DISTAT A STIPITE
 COMMUNI, EODEM ET INTER SE DISTANT, quando scilicet æqualiter
 distanti: nam si inæqualiter, ista obtinet regula: QUOTO GRADU DISTAT
 REMOTIOR A STIPITE COMMUNI, EODEM ET INTER SE. Ut licet
 non nisi ultra quartum gradum jure Canonico admittatur conjunctio nuptialis,
 rectè tamen jungatur nepos atnepi, quod ille quidem sit in secundo gradu, hæc at-
 tem in quinto. Ius verò civile non alia de causâ de gradibus disputat, quàm succes-
 sionis & tutelarum, in quibus habetur ratio proximitatis in quavis persona. Ut
 autem ex oculari inspectione facilis, uti solet, graduum dinumeratio percipiatur,
 subiicitur à Iustiniانو ipsa figura sive arbor, ut vocant, cognationis, quam Cujas,
 8 secundum veterem formam restituit. 6. Obs. cap. ult. * Quod ad gradus ad finem atti-
 net, dictum supra, ad finitatis nullos esse gradus, quod ad fines alij ex alijs non na-
 scantur, ejusque nomine non deferatur successio. Et hoc propriè loquendo: nam
 impropriè & huic tribuuntur gradus & ordines, cum eo ordine, quo quis uni con-
 jugum est cognatus, eodem & alteri sit ad finis. v. g. Quo gradu est pater & mater,
 eodem & focer, socrus, vitricus, noverca: quo filius, filia, eodem & gener, nurus,
 privignus privigna: & quo frater, soror eodem & levir, glos, sororius, fratria. In-
 spicitur ista graduum computatio in nuptiarum prohibitione quæ in eum se gra-
 dum extendit in affinitate atque in cognatione, qua de re in De consanguinit.

ADDITIONES V. A. D.

Nu. 4. ibi, ultra deficit (spec. nomen.) Et communi nomine vel *Majores* vel etiam
Parentes simpliciter dicuntur. Nam parentum appellatione ultra avum proavum-
 ve omnes deinceps superiores continentur, l. Appellatione § 1. D. De i. S. Bern. Walter.
 I. Miscell. c. 10.

DE GRADIBUS COGNATIONUM.

Ibid. in fine.) Et ultra trinepotem, trineptem, qui sexto gradu sunt, deficit quoque hic speciale nomen, & descendentes omnes uno communi r. o. *linea posteriores*, vel *Minores* vocantur, *L. ult. § parentes 7. D. De gradib. & adfin.* Servius Interpret. Virg. 8. *Aeneid.* ad illa verba, *latiq; minores* Igitur. *Liberorum* nomen angustius est, *Posterorum* latius patet. Est & ea differētia, quod in posteris major videatur ratio generis familiaris; in liberis, affectionis ac naturę vide. *Iac. Cur. Cōjettur. ad frat. lib. 1. c. 45.*

Nu. 5. *ibi*, & ita deinceps.) Ratio hujus computationis est, quia inter fratres nulla est generatio, sed conjunctio tantum sanguinis, id est frater ex fratre non generatur, neque soror ex fratre vel sorore, sed uterque ex uno communi parente. Ad quem propterea ascendendum est ab uno fratrum, indeque descendendum ad alterum fratrem, ut sic duo gradus constituentur, quemadmodum duę sunt generationes. Et notandum, propter numerum fratrum vel sororum non multiplicari gradus. Omnes sunt secundo gradu, quippe ex æquo ab uno communi parente procreati, & pro uno eodemque computantur omnes, *Gl. in V. à secundo & V. Generata h. t.*

Nu. 7. *ibi*, in quavis persona.) Et licet hanc graduum computationem fugillent hodie heterodoxi, & præsertim eam, quæ ex transversa sit linea, jactitantes mera hic omnia procudiſſe Canonistas, ut *Conr. Ritterhus. De diff. iur. civilis & Can. lib. 1. c. 7.* Canonistarum esse delirium, insaniam & amentiam non ferendam, qui gradum ex transverso primum constituunt, ut *Hotom. lib. 1. de Nupt.* tamen invaluit & prævaluit passim eadem computatio, in causis utique matrimonialibus, per totum ferè Imperium, consuetudine in veterat, Ordinumque Imperij consensu, & pleraque Germaniæ consistoria jus illud in pronuntiando sequi testatur *Schultz. hic.* Ut contra in ſueceſſionibus ab intestato, etiam rei dali, & calijſis civilibus in terris quoque Ecclesiæ, & sic in utroque foro, est locus, *cap. Ad sedem xxxv. qu. 5. Schult. loco iam cit.*

DE SERVILI COGNATIONE.

TITULUS VII.

Illud certum est, ad serviles cognationes illam partem edicti, quā proximitatis nomine bonorum possessio promittitur, non pertinere: nam nec ullā antiquā lege talis cognatio computabatur. Sed nostrā Constitutione, quam pro jure patronatus fecimus (quod jus usque ad nostra tempora satis obscurum, atque nube plenum, & undique confusum fuerat) & hoc humanitate suggerente concessimus, ut si quis in servili constitutus consortio liberum vel liberos habuerit, sive ex libera, sive ex servilis conditionis muliere, vel contra serva mulier ex libero vel servo habuerit liberos, cujuscumque sexus, & ad libertatem

bertatem his pervenientibus, qui in servitute non habuerunt libertatem meruerint, vel dum mulieres sit in eorum potestate, vel in servitute non habuerunt & postea ad libertatem pervenerint, homines, qui in conditione parentum vel maris veniant, patronatus iure in hac parte supplet. Hos enim ita non solum ut matrum parentum successionem, sed etiam alterum in alterum successionem auriam vocavimus, ex illa lege specialiter eos vocantes sive soli inveniamini, qui in servitute nati, & postea manumissi sunt; sive una cum aliis, qui post libertatem parentum concepti sunt; sive eodem patre, sive eadem matre, sive ex aliis nuptiis, ad similitudinem eorum, qui ex iustis nuptiis procreati sunt.

1. Repetitis itaque omnibus, quae jam tradidimus, apparet, non semper eos, qui parem gradum cognationis obtinent, pariter vocari, eoque amplius, ne eum quidem, qui proximior sit cognatus, semper potiolem esse. Cum enim prima causa sit suorum haeredum, & eorum, quos inter suos haeredes enumeravimus, apparet pronepotem vel abnepotem defuncti potiolem esse, quam fratrem aut patrem matremque defuncti: cum alioqui pater quidem & mater (ut supra quoque tradidimus) primum gradum cognationis obtineant, frater vero secundum, pronepos autem tertio gradu sit cognationis, & abnepos quarto. Nec interest, in potestate morientis fuerit, an non, quod vel emancipatus, vel ex emancipato, aut ex familiaris sexu propagatus est. A motis quoque suis haeredibus, & quos inter suos haeredes vocari diximus, adgnatis, qui integrum jus habet adgnationis, etiam si longissimo gradu sit, plerumque potior habetur, quam proximior cognatus. Nam patruus vel pronepos avunculo vel matertera praefertur. Toties igitur dicimus aut potiolem haberi eum, qui proximiolem gradum cognationis obtinet, aut pariter vocari eos, qui cognati sunt, quoties neque suorum haeredum, qui inter suos haeredes sunt, neque adgnationis iure aliquis praeferrí debeat, secundum ea, quae tradidimus: exceptis fratre & sorore emancipatis, qui ad successionem fratrum vel sororum vocantur: qui etsi capite deminuti sunt, tamen praeferruntur ceteris anterioris gradus adgnatis.

COMMENTARIUS.

SUMMARIA.

1. Tit. hic est appendix superiorum.
2. Cognation in servis iure non civili, sed natura attenditur.

VUlgò hic separatus à superiore habetur Tit. contra manuscriptorum correctiorum codicum fidem, qui conjungunt eum superiori: quod & suadet §. repetitis inf. eod. qui continet summariam repetitionem omnium eorum, quae hactenus dicta de successione ab intestato.

2. * Continet autem successionem ratione cognationis servilis, nec iure civili nec

nec pratorio cognita, l. 1. §. 2. D. *Vnde cognati*. (a) Natura tamen eam cognoscit, cujus respectu parètes, filii, fratres servorū dicuntur, l. fin. §. non parcamus D. *De gradib.* & ejus habetur ratio in nuptiis, in quibus naturæ jus & pudor inspicuntur, l. *Adoptivus* 14. §. *serviles* D. *De ritu nupt.* Idque post manumissionem, cujus intuitu hic in fine princ. Imp. post manumissionem, parentes & liberos, licet in servitute conceptos, & ipsos liberos inter se ad mutuam successionem admittit, patropo ex cluso.

ADDITIONES. V. A. D.

Nu. 2. ibi, D. *Vnde cognati*) Non jure civili, quia cognatio, quatenus juris civilis est, solos adgnatos complectitur. Non jure pratorio, quia juris pratorii cognatio continet omnes, inter quos est jus sanguinis, dum tamen sint liberi & cives Romani, §. 1. *sup. De legit. agnat. tut.* Loriot. *tract. De gradib. affin. axiom.* 66. & 67. Est ergo inter servos cognatio naturalis & facti, quæ ad omnes omnino homines pertinet, inter quos est aliqua sanguinis propinquitas & necessitudo. Dicitur verò facti cognatio, quia à solo facto est: ut & obligatio facti esse dicitur, quæ nullos in jure operatur effectus vel ad agendum vel ad excipiendum.

Ibid. in fine.) Aliàs facultas succedendi servis non est: quia successio est juris civilis inventum, cujus servus est incapax. Bart. *ad l. Ex hoc jure* D. *De just. & jure.* Quod verò serviles cognationes sint impedimento nuptiis, §. 10. *sup. De nupt.* id aliam rationem habet, quia nuptiarum origo est à natura, *sup. De jure nat. gent. & civ. in princ.* Decius *ad l. Nuptias* D. R. I. Unde & meritò in nuptiis naturalium jurium ratio haberi debuit, l. *semper in conjunctionib.* 197. *De R. I.* Porro quòd hìc de Monachis quaritur, extra propositum est, qui licet plerisque in rebus comparentur servis, Præses Ever. *in loco à servo ad Monachum*, cognationis tamen jure succedunt non tam ipsi, quàm eorum nomine Monasterium, in cuius sunt potestate, l. *Deo nobis* 46. C. *De Episc. & Cler.* & *ibid.* Alciat.

DE SVCCESIONE LIBERTORVM

TITVLVS VIII.

Nunc de libertorum bonis videamus. Olim itaque licebat liberto patronum suum impunè testamento præterire. Nam ita demùm lex duodecim Tabularum ad hæreditatem liberti vocabat patronum, si intestatus mortuus esset libertus, hærede suo nullo relicto. Itaque, intestato mortuo liberto, si is suum hæredem reliquisset, patroni nihil in bonis ejus juris erat. Et si quidem ex naturalibus liberis aliquem suum hæredem reli-

quisset, nulla videbatur querela: si verò adoptivus filius fuisset, aperte iniquum erat, nihil juris patrono superesse.

1. Qua de causa postea Prætoris edicto hæc juris iniquitas emendata est. Sive enim faciebat testamentum liberis, sivebatur ita testari, ut patrono partem dimidiam bonorum suorum relinqueret, & si aut nihil, aut minus parte dimidiæ reliquerat, dabatur patrono contra tabulas testamenti partis dimidiæ bonorum possessio. Sive intestatus moriebatur, suo hærede relicto filio adoptivo, dabatur æque patrono, contra hunc suum hæredem, partis dimidiæ bonorum possessio. Prodesse autem liberti solebant ad excludendum patronum naturales liberi, non solum quos in potestate mortis tempore habebat, sed etiam emancipati, & in adoptionem dati: si modò ex aliqua parte scripti hæredes erant, aut præteriti contra tabulas bonorum possessionem ex edicto prætorio petierant. Nam exhæredati nullo modo repellebant patronum.

2. Postea verò lege Papiæ adauctæ sunt iura patronorum, qui locupletiores libertos habebant. Cautum est enim, ut ex bonis ejus, qui sestertium centum millium patrimonium reliquerat, & pauciores, quam tres liberos habebat, sive is testamento facto, sive intestatus mortuus erat, virilis pars patrono deberetur. Itaque cum unum quidem filium filiamve hæredem reliquerat libertus, perinde pars dimidia debebatur patrono, ac si is sine ullo filio filiave intestatus decessisset. Cum verò duos duasve hæredes reliquerat, tertia pars debebatur patrono; si tres reliquerat, repellebatur patronus.

3. Sed nostra Constitutio, quam pro omni natione, Græcâ linguâ compendioso tractatu habito composuimus, ita hujusmodi causam definivit, ut si quidem libertus vel liberta minores centenariis sint, id est, minus centum aureis habeant substantiam (sic enim legis Papiæ summam interpretati sumus, ut pro mille sestertiis unus aureus computetur) nullum locum habeat patronus in eorum successione; si tamen testamentum fecerint. Sin autem intestati decesserint, nullo liberorum relicto, tunc patronatus jus) quod erat ex lege duodecim Tabularum) integrum reservavit. Cum verò majores centenariis sint, si hæredes vel bonorum possesores liberos habeant, sive unum, sive plures, cujuscunque sexus vel gradus, ad eos successiones parentum deduximus, patronis omnibus modis unâ cum sua progenie semotis. Sin autem sine liberis decesserint, si quidem intestati, ad omnem hæreditatem patronos patronasque vocavimus. Si verò testamentum quidem fecerint, patronos autem aut patronas præterierint, cum nullos liberos haberent, vel habentes eos exhæredaverint, vel mater sive avus maternus eos præterierint, ita quòd non possint argui inofficiosa eorum testamenta: tunc ex nostra Constitutione per bonorum possessionem contra tabulas, non dimidiam (ut antea) sed tertiam partem bonorum liberti consequantur: vel quòd deest, eis ex Constitutione nostra repleatur, si quando minus tertiâ parte bonorum suorum libertus vel liberta eis reliquerit: ita sine onere, ut nec liberis liberti libertave ex ea parte legata vel fideicommissa præstentur, sed ad cohæredes eorum hoc onus redundet: mul-

ris aliis casibus à nobis in præfata Constitutione congregatis, quos necessarios esse ad hujusmodi dispositionem juris perspeximus, ut tam patroni patronæque, quam liberi eorum, nec non qui ex transverso latere veniunt, usque ad quintum gradum ad successionem libertorum libertarumve vocentur, sicut ex ea Constitutione intelligendum est: & si ejusdem patroni vel patronæ, vel duorum duarumque plurimive liberi sint, qui proximior est, ad liberti vel libertæ vocetur successionem, & in capita, non in stirpes dividatur successio: eodem modo & in iis, qui ex transverso latere veniunt, servando. Pænè enim consonantia jura ingenuitatis & libertinitatis in successione fecimus.

4. Sed hæc de iis libertinis hodie dicenda sunt, qui in civitatem Romanam pervenerunt: cum nec sint alii liberti, simul & Dedititiis & Latinis sublati, cum Latinorum legitimæ successiones nullæ penitus erant: quia licet ut liberi vitam suam peragebant, attamen ipso ultimo spiritu simul animam atque libertatem amittebant, & quasi servorum, bona eorum jure quodammodò peculii ex lege Julia Norbana manumissores detinebant. Postea verò Senatusconsulto Largiano cautum fuerat, ut liberi manumissoris non nominatim exheredati facti, extraneis heredibus eorum in bonis Latinorum præponerentur. Quibus etiam supervenit divi Trajani edictum, quodeumdem hominem, si invito vel ignorante patrono ad civitatem Romanam venire ex beneficio Principis festinarat, faciebat quidem vivum civem Romanum, Latinum verò morientem. Sed nostrâ Constitutione, propter hujusmodi conditionum vices, & alias difficultates, cum ipsis Latinis etiam legem Juniam, & Senatusconsultum Largianum, & edictum divi Trajani, in perpetuum deleri censuimus: ut omnes liberti civitate Romanâ fruantur, & mirabili modo quibusdam adjectionibus ipsas vias, quæ in Latinitatem ducebant, ad civitatem Romanam capiendam transposuimus.

COMMENTARIUS.

SUMMARIA.

1. *Liberti testati vel intestati hereditas ad quem pertineat.*
2. *Ex L. Papia Poppæa quando & qualiter liberti successerint patronis.*
3. *Qualiter ex Justiniani Constitutione.*

IN libertorum successione olim variatum. Nam ex L. XII. Tabb. testati liberti hereditas pertinebat ad scriptum, intestati autem ad suum heredem, sive naturalem sive legitimam, excluso patrono. Postea Prætores, in remunerationem præstitæ libertatis, patrono partem bonorum, scilicet dimidiam, ut hic interpretatur Justinianus, concesserunt, sive testatus sive intestatus

testatus decederet, etiam filio legitimo relicto. Nam quoad naturalem nihil mutarunt, quod nihil iniquitatis contineret, eum potius haberi patrono. * Deinde
 3 lege Papia Poppaea ex liberti centenarii, id est centum aureos, ut interpretatur
 Justinianus, in bonis relinquentis, siue testati siue intestati, pauciores quam tres li-
 4 beros habentis, hæreditatis virilis concessa portio; si verò plures, excludebatur
 patronus. * Tandem à Justiniano dispositum, ut ab intestato liberi succederent; si
 deessent, ipsi patrono deferretur hæreditas: ut non centenarius liberè testetur,
 etiam patrono præterito; major verò, si liberos non habeat, aut si habeat, sed ex hæ-
 redatis à patre, aut præteritis iusta de causâ à matre, testamentum quidem con-
 dere possit, sed patronus, siue institutus siue præteritus, consequatur tertiam bono-
 rum. (a)

ADDITIONES V. A. D.

In fine Tit.) Huic successioni simile fuisse videtur jus applicationis, ejus
 meminit Cicero *lib. I. De Orat.* quo alicui tamquam patrono deferrebat inter-
 stati successio, nempe cum quis peregrinus sese alicui opulento civi velut in-
 clientelam dedisset. Verum jus illud sicut obscurum & ignotum fuit Senatui
 Romano, eodem Cicerone teste, ita nobis penitus incognitum est. Hodie
 verò quamvis liberos non habeamus, omnesque homines nascantur & sint in-
 genui ac liberi, ut dictum sup. ad tit. De ingenuis, successioni tamen libertorum
 non absimilis videatur ea, quæ apud Gallos & alibi in usu est hominum, ut loquun-
 tur, manus mortuæ, id quos homines proprios vocant, Saxones *Lassos à Lassen*, id est
 relinquendo, quasi relictos in Provincia, nuncupant, & æquiparantur libertis.
Besold. in Thesouro pract. v. Lassen; quibus absque liberis decedentibus succedunt in
 dimidiam, tertiam, vel quartam partem bonorum Nobiles ac Domini terrarum.
Schultz. hic.

DE ADSIGNATIONE LIBERTORVM.

TITVLVS IX.

IN summa (quod ad bona libertorum attinet) admonendi sumus, censuisse
 Senatum, ut, quamvis ad omnes patroni liberos, qui ejusdem gradus sunt,
 æqualiter bona libertorum pertineant, tamen liceret parenti, uni ex liberis
 adsignare libertum, ut post mortem ejus solus is patronus habeatur, cui ad-
 signatus est: & ceteri liberi, qui ipsi quoque ad eadem bona, nulla adsignatione
 interveniente, pariter admitterentur, nihil juris in his bonis habeant: sed ita de-
 mum pristinum jus recipiant, si is, cui adsignatus est, decesserit, nullis liberis reli-
 ctis.

1. Nec tantum libertum, sed etiam libertam, & non tantum filio, nepotivæ, sed etiam filie nepotivæ adsignare permittitur.

2. Datur autem ei adsignandi facultas ei, qui duos pluresve liberos in potestate habebit, ut eis, quos in potestate habet, adsignare libertum libertamve liceat. Unde quærebatur, si eum, cui adsignavit, postea emancipaverit, num evanescat adsignatio? Sed placuit evanescere, quod & Juliano & aliis plerisque visum est.

3. Nec interest, an testamento quis adsignet, an sine testamento, sed etiam quibuscumque verbis patronis hoc permittitur facere ex ipso Senatusconsulto, quod Claudianis temporibus factum est, Sabellio Rufo & Asterio Scapulo Consulibus.

COMMENTARIUS.

SUMMARIA.

1. Adsignatio liberti cui & qualiter fiat.
2. Non fit emancipato.
3. Utiliter fit, quando plures sunt in potestate.

Liberis patroni ut æqualiter competit jus patronatus, ita & æqualiter liberti succedunt, nisi pater uni libertum adsignaverit, sive inter vivos, verbis, nutu, epistola, sive ultimâ voluntate, *text. hic in fine, l. 1. §. adsignare & l. 7. D. h. t.* sive pure, sive in diem aut sub conditione, *d. l. 7.* Cui soli jus patronatus erit: si tamen in potestate fuerit, *d. l. 1. §. 1. & §. datur h. t.* in eaque manserit. *
 Nam emancipatio facit cessare adsignationem, *d. §. datur h. t.* Ut multò minùs ab initio fiat emancipato, cum jus patronatus non transeat in extraneum. Non obstat *l. 9. D. h. t.* nam ibi non fit soli emancipato, sed conjunctim cum filio in potestate, ut quod per se non habet emancipatus, consequatur per conjunctam personam. Quod & alias obtinere videre est in *l. Mulieri 74 D. De condit. & demonstr. & l. fin. D. De lib. prater.* * Utilis autem est hæc adsignatio, quando plures sunt in potestate: nam in persona unius nulla est adsignatio, cum per eam nihil detur ei, qui solus jus habet, & sit loco electionis, cujus usus tantum est in rebus pluribus. (a)

ADDITIONES V. A. D.

In fine Tit.) Moribus hodiernis adsignatio hæc libertorum nullibi cognita est, quia suppressum & abolitum passim jus patronatus, quale jure Romano ex servorum manumissione domini sibi quærebant. Notat verò Baro *hic*, ex hoc:

hoc tit. Gallos ad manumissos suos (*manumissos*) argumentum ducere, eos nimirum assignari posse à domino uni ex liberis. Huc quoque illud referunt, quòd pater bona sua etiam a vita, quæ ipse à majoribus suis recepit, per testamentum vel aliam ultimam voluntatem, quæ & inter vivos, uni ex liberis relinquere & assignare non prohibeatur. dummodo reliquis salva sit sua legitima. Quod & jure Saxonico in feudis locum habere tradit Schultz. *hic*.

DE BONORVM POSSESSIONIBVS.

TITULUS X.

Ius bonorum possessionis introductum est à Prætorè, emendandi veteris juris gratiâ. Nec solum in intestatorum hæreditatibus vetus jus eo modo Prætor emendavit, sicut supra dictum est, sed in eorum quoque, qui testamento facto decesserint. Nam si alienus posthumus hæres fuerit institutus, quamvis hæreditatem jure civili adire non poterat cum institutio non valebat, honorario tamen jure bonorum possessor efficiebatur, videlicet cum à Prætorè adjuvabatur. Sed & is à nostra Constitutione hodiè rectè hæres instituitur, quasi & jure civili non incognitus. Aliquando tamen neque emendandi, neque impugnandi veteris juris, sed magis confirmandi gratiâ Prætor pollicetur bonorum possessionem. Nam illis quæque, qui rectè testamento facto hæredes instituti sunt, dat secundum tabulas bonorum possessionem. Item ab intestato suos hæredes, & designatos ad bonorum possessionem vocat. Sed & remotâ quoque bonorum possessione, ad eos pertinet hæreditas jure civili.

2. Quos autem solus vocat prætor ad hæreditatem, hæredes quidem ipso jure non fiunt. Nam Prætor heredem facere non potest; per legem enim tantum, vel similem juris constitutionem hæredes fiunt, veluti per Senatusconsulta, & Constitutiones Principales: sed cum eis prætor dat bonorum possessionem, loco hæredum constituuntur, & vocantur bonorum possesores. Adhuc autem & alios complures gradus prætor fecit in bonorum possessionibus dandis. dum id agebat, ne quis sine successore moreretur. Nam angustissimis finibus constitutum per legem duodecim Tabularum jus percipiendarum hæreditatum Prætor ex bono & æquo dilatavit.

3. Sunt autem bonorum possessiones, ex testamento quidem hæ. Prima, quæ præteritis liberis datur, vocaturque *Contrà tabulas*. Secunda, quam omnibus jure scriptis hæredibus Prætor pollicetur, ideòque vocatur *Secundum tabulas*. Et cum de testamentis prius locutus est, ad intestatos transitum fecit. Et primo loco suis hæredibus, & ijs, qui ex edicto prætoris inter suos hæredes connumerantur, dat bonorum possessionem, quæ vocatur *Unde liberi*. Secundò, legitimis hæredibus. Tertio, decem personis, quas extraneo manumissori

fori præferebat. Sunt autem decem personæ hæ: pater, mater, avus, avia, tam patet-
ni, quàm materni: item filius, filia, nepos, neptis, tam ex filio, quàm ex filia: frater,
sororve, consanguinei, vel uterini. Quartò, cognatis proximis, tamquam ex fami-
lia. Sextò, patrono patronæque, liberisque eorum, & parentibus. Septimò, viro &
uxori. Octavò, cognatis manumissoris.

4. Sed eas quidem prætoria introduxit jurisdictio: à nobis tamen nihil incurio-
sum præternissum est, sed nostris Constitutionibus omnia corrigentes, *contra* qui-
dem & *secundum tabulas* bonorum possessiones admisimus, utpote necessarias con-
stitutas: nec non ab intestato *Vnde liberi* & *Vnde legitimi* bonorum possessiones.
Quæ autem in Prætoris edicto quinto loco posita fuerat, id est, *Vnde decem personæ*,
eam pio proposito, & compendioso sermone supervacuam ostendimus. Cum e-
nim prætata bonorum possessio decem personas præponebat extraneo manumisso-
ri, nostra Constitutio, quam de emancipatione liberorum fecimus, omnibus pa-
rentibus, eisdemque manumissoribus contractâ fiduciâ manumissionem facere de-
dit: ut ipsa manumissio eorum hoc in se habeat privilegium, & supervacua fiat su-
pradiâ bonorum possessio. Sublatâ igitur prædictâ quintâ bonorum possessione,
in gradum ejus sextam antea bonorum possessionem induximus: & quintam feci-
mus, quam Prætor proximis cognatis pollicetur. Cumque antea fuerat septimo
loco bonorum possessio *Tamquam ex familia*, & octava, *Vnde patroni patronæque, & pa-
rentes eorum*, utramque per Constitutionem nostram, quam de jure patronatus fe-
cimus, penitus evacuavimus. Cum enim ad similitudinem successionis ingenuo-
rum, libertinorum successiones posuimus, quas usque ad quintum gradum tantum-
modò coarctavimus, ut sit aliqua inter ingenuos & libertinos differentia: suffi-
cit eis tam *Contra tabulas* bonorum possessio, quàm *Vnde legitimi*, & *Vnde cognati*, ex
quibus possunt sua jura vindicare, omni scrupulositate & inextricabili errore ista-
rum duarum bonorum possessionum resolutâ. Aliam verò bonorum possessionem,
quæ *Vnde vir & uxor* appellatur, & nono loco inter veteres bonorum possessio-
nes posita fuerat, & in suo vigore servavimus, & altiore loco, id est, sexto eam po-
suimus, decimâ quoque bonorum possessione, quæ erat *Vnde cognati manumissori*,
propter causas enumeratas meritò sublatâ: ut sex tantummodò bonorum posses-
siones ordinariæ permaneant, suo vigore pollentes.

Septima eas secuta, quam optimâ ratione Prætores introduxerunt. Novissimè
enim promittitur edicto ijs etiam bonorum possessio, quibus ut detur, lege, vel Se-
natusconsulto, vel constitutione comprehensum est: quam neque bonorum posses-
sionibus, quæ ab intestato veniunt, neque ijs, quæ ex testamento sunt, Prætor stabi-
li jure connumeravit: sed quasi ultimum & extraordinarium auxilium (prout res
exegit) accommodavit, scilicet ijs, qui ex legibus, Senatusconsultis, Constitutioni-
busve Principum, ex novo jure, vel ex testamento, vel ab intestato veniunt.

Cum igitur plures species successionum Prætor introduxisset, easque per ordinem disposuisset, & in unaquaque specie successionis sæpè plures essent dispari gradu personarum actiones creditorum differrentur, sed haberent, quos convenirent, & ne facile in possessionem bonorum defuncti mitterentur, & eo modo sibi consulerent. ideo petenda bonorum possessioni certum tempus præfinivit. Libertis itaque & parentibus, tam naturalibus, quam adoptivis in petenda bonorum possessione anni spatium, cæteris autem adgnatis, vel cognatis, centum dierum dedit.

5. Et si intra hoc tempus aliquis bonorum possessionem non petierit, ejusdem gradus personis adcrevit, vel si nullus sit, deinceps cæteris bonorum possessionem perinde ex successorio edicto pollicetur, ac si is, qui prædebat, ex eo numero non esset. Si quis itaque delatam sibi bonorum possessionem repudiaverit, non quousque tempus bonorum possessioni præfinitum excesserit, expectatur, sed ita tamen cæteri ex eodem edicto admittuntur. In petenda autem bonorum possessione dies utiles singuli considerantur.

6. Sed bene anteriores Principes & huic causæ providerunt, ne quis pro petenda bonorum possessione curet, sed quocumque modo admittentis eam iudicium (intra statuta tamen tempora) ostenderit, plenum habeat earum beneficium.

COMMENTARIUS.

SUMMARIA.

1. Bonorum possessio est prætorie successio distincta ab hereditate.
2. Bonorum possessio quid.
3. Cur inducta à Prætorè.
4. Alia est ex testamento, alia ab intestato.
5. Ex testamento vel Contra tabulas.
6. Vel Secundum tabulas.
7. Ab intestato Unde liberi, Unde legitimi, Unde cognati, Unde vir & uxor.
8. Bonorum possessio Unde decem personarum, & alia hodie sublata.
9. Bonorum possessio cui detur.
10. Intra quod tempus peti debeat.
11. Ad eius agnitionem solemnitate aliqua opus non est.

HActenus de primo acquirendi per universitatem modo, sive ex testamento, sive ab intestato, qui civilis est. Secundus est prætorius, scilicet **BONORUM POSSESSIO**, causa quidem efficiente distincta ab hereditate, cum sit à Prætorè inducta; hereditas autem deferatur per legem, cujus est heredem facere, non etiam Prætoris, s. quos autem. h. e. non tamen

men ita effectu, cum licet dominium non det, sed possessionem tantum, per eam tamen omnia commoda & incommoda hæreditaria consequatur possessor, l. 1. & 2. D. h. t. BONORUM enim appellatio hic non capitur pro iis, quæ supersunt, deducto ære alieno, uti aliàs, sed pro omnibus iis, quæ in hæritate inveniuntur. (a) * Ut bonorum possessio sit **JUS QUODDAM PERSEQUENDI RETINENDIVE PATRIMONII, SIVE REI, QUÆ CUIUSQUE CUM MORE RETUR FUIT**, l. 3. §. bonorum D. h. t. ad cuius definitionis perfectionem frustra aliqui desiderant verba, iure pratorio, causa distinguendi possessionem ab hæritate; nam ad ea satis distinguitur per verba *persequendi*, *retinendive*, actionibus scilicet possessorij, & exceptionibus, non etiam civilibus, quas subministrat hæritas. (b) Distat hæc bonorum possessio plurimum ab ea, de qua D. & C. De acq. poss. cum sit magis juris, l. 3. D. h. t. ista verò corporis potius & facti. * Inducta à Prætorè ad mitigandum juris civilis rigorem, quòd partim **EMENDAT**, liberos emancipatos, cognatos, posthumum alienum, ad bonorum possessionem secundum tabulas admittendo, *text. hic in pr.* partim **IMPUGNAT**, dando possessionem contra tabulas emancipatis præteritis; partim **CONFIRMAT**, concedendo bonorum possessionem institutis, admittendo suos & agnatos ab intestato. Quod minus rectè quis dixerit frustraneum esse, ex eo, quòd iure civili talibus competat hæritas, §. aliquando inf. cod. cum iustius possideat auctore Prætorè possidens, l. iustè D. De acq. poss. (c)

5. Sunt autem,

Bonorum possessio alia est **EX TESTAMENTO**, alia **AB INTESTATO**. Illius duo sunt modi: prior **CONTRA TABULAS**, alter **SECUNDUM TABULAS**. Hujus olim octo fuerunt, ut in universum fuerint decem bonorum possessiones, quæ enumerantur in hoc §. Eas Imperator ad sex or dinarias redegit, duas scilicet ex testamento, & quatuor ab intestato, quibus unam extraordinariam subjunxit. Vocat autem ordinarias, quòd sint fundatæ in aliqua certa & expressa edicti prætorij parte. (d) * Prima **CONTRA TABULAS** datur liberis emancipatis præteritis, d. §. sunt autem, non etiam ex hæreditatis, ne contingat temerè rescindi tabulas, cum possit ex hæreditatio esse iusta. Utile & est hoc remedium suis præteritis, si ve naturalibus si ve legitimis, non obstante quòd habeant jus dicendi nullum l. 1. in pr. De bon. poss. contra tab. si verecundiùs cum iudicio paterno velint agere, potius contra tabulas possidendo, quàm dicendo nullum. (e) * Secunda est **SECUNDUM TABULAS**, competens cuivis hæredi, *text. hic*, etiam posthumo, l. 3. De bon. poss. secundum tab. si ve purè, si ve sub conditione, etiam quæ defecit. Et hoc ita in filio, l. 2. D. d. rit. quem solum tuetur prætor, non etiam extraneum, deficiente conditione. Tertia, quæ est ab intestato prima, ita dicta à prima edicti parte, **UNDE LIBERI**. Hac vocantur liberi testatoris, si ve sui, si ve emancipati, D. Si tab. testam. nulla extab. (f) * Quarta, **UNDE LEGITIMI**, quæ defertur agnatis, & ijs, quos lex vel Senatusconsultum ad

legitimam hæreditatem admittitur & matri competat, *l. 2. §. fin. D. Unde legitimi*
 Quinta, UNDE COGNATI, quâ vocatur cognati, *D. Unde cognati*, qui hodie
 cum adgnatis succedunt, sublata per jus novissimum, quæ inter eos fuit, differen-
 tiâ. Sexta, VNDE VIR ET UXOR, quæ inter conjuges obtinet, quorum su-
 perstes, deficientibus cognatis, admittitur ad bona prædefuncti, excluso fisco, *l. 1. D. Unde vir & uxor*. Sublata itaque bonorum possessio, UNDE DECEM PER-
 SONÆ, olim quinto loco posita, quæ extraneo manumissori præferebatur, Jure
 enim veteri pater, qui filium emancipasset, non aliter ei legitimus erat hæres,
 quam si, contractâ fiduciâ cum imaginario emptore de filio sibi remancipando,
 manumississet, ut ipse manumittendo consequeretur jus legitimæ hæreditatis. Nam
 si imaginarius emptor filium alterius sibi mancipatum manumississet, ipse conse-
 quebatur jus legitimæ hæreditatis. Cui duxit Prætor conveniens decem personas
 præponere, de quibus hîc *§. 1. vers. tertio decem*, datâ ita, de qua hîc, bonorum pos-
 sessione. Quâ ideo hodie non est opus, quod per Justinianum sit inductum, ut pater
 habeat jus succedendi filio emancipato, quasi contractâ fiduciâ emancipasset, &
 manumissor filii sui extitisset, licet fiducia contracta non fuerit, *l. fin. D. De emancip.*
 Sublata est & septima possessio, TAMQUAM EX FAMILIA: ubi Cujac. vult
 legendum TUM QUEM, EX FAMILIA. Vocantur autem hac adgnati patro-
 ni. Sublata est & octava, UNDE LIBERI PATRONI, quam habent patroni,
 eorum liberi, & parentes, si fortè possessionem quartam Unde legitimi omittissent;
 nam & ea erat iis salva. Quod autem sint sublata hæ duæ, est propter redactam li-
 bertinorum successionem ad eam, quæ est ingenuorum, nisi quod ad quintum gra-
 dum sit restricta, & iis sit provisum per contra tabulas possessionem, & Unde legi-
 timi, & Unde cognati. Quæ & ratio est, quod decima possessio, UNDE CO-
 GNATI MANUMISSORIS, quâ veniebant cognati manumissoris, sit sublata.
 Septima possessio extraordinaria adjecta, quæ non ex edicto Prætoris, sed lege
 aliqua nova vel constitutione defertur, cujus exemplum ponit Cujac. *l. 1. Obs. cap.*
14. in milite damnato capitis ex delicto militari, cujus ex Constitutione Hadria-
 ni hæreditas & bonorum possessio deferuntur cognatis usque ad quintum gra-
 dum, *l. 2. D. De veteran. & milit. success.* qui alias jure communi non venie-
 bant.

§. Cum igitur.

POSSessio bonorum cuivis rectè datur, etiam si mutus, surdus, cæcus sit, mo-
 do intelligat, quid agat, *l. 2. D. h. r.* Pro infante admittitur pater, pro pu-
 pillo tutor, pro furioso curator, *l. 7. D. h. r.* Pupillo tamen adsignata pos-
 sessio à judice sciente, non præsentē tutore, facit emolumentum succes-
 sionis ei quælitum, *l. Bonorum 7. D. Qui admit. ad bonor. poss.* Quod idem in ser-
 vo admissum, si inde ejus conditionem sciverit, *l. 7. D. h. r.* Non datur nisi pe-
 tenti. Petitioni certa tempora præfinita, idque re diu bona vacent, in detri-
 mentum creditorum. Liberis & parentibus annus est adsignatus, reliquis cen-
 tum.

tum dies, cujus temporis cursus à scientia bonorum possessionis competentis inchoatur. Est autem utile, cum illi tantum numerantur dies, quibus peri coram judice potuit. In quo distinguitur tempus utile à continuo, quod semper currit, nec sciant, nec copiam iudicis habitare ratione. * Solemnitas, quæ opus erat in agnoscenda hac possessione, hodie sublata, cum sufficiat qualiscumque testatio ad ejus adgnitionem, *l. fin. D. Qui admittit ad bonor. poss.* Ut & contraria sufficit ad ejus repudiationem. Quam & operatur lapsus temporis, qui facit locum aliis, non tantum qui sunt ordinis sequentis, sed & qui gradus ex successorio edicto, perinde ac præcedens ex eo numero non esset, (g).

ADDITIONES A. V. D.

Nu. 1. in fine.) Nota inter hanc prætoriam & hæreditariam juris civilis successionem dumtaxat. differentiam esse quoad causam efficientem & formalem, quoad finalem verò, id est effectum & re ipsa nihil propemodum differre. Nam & bonorum possessores scribit *I. C. l. 2. D. h. t. & l. 117. De R. I.* hæredum vice & loco in omnibus, omnique causa haberi; bonorumque appellatione nihil aliud hic adsignificari, quam universitatis cujusque successionem, quæ succeditur in jus demortui, *l. 3. D. eod.* Ut & hæreditatis appellatione bonorum quoque possessionem contineri, Paulus ait, *l. 138. D. De V. S.* Cur verò Prætor hæredem facere non possit latè examinat Fachin. 5. *Contr. c. 72.* Mihi non displicet ratio Joann. Rami, *Enchir. R. I. lib. 2. axiom. 79. & in Comment. lib. 2. axiom. 46.* quod eorum, quæ juris civilis sunt, Prætor tantum sit interpret & custos seu minister, non verò legislator vel conditor juris: atqui per solam legem, aut similem juris Constitutionem, velut Senatus consulta, hæredes fiunt, non per Prætores, §. *quos autem 2. Infit. h. t.*

Nu. 2. ibi, quas subministrat hæreditas.) Ut aliis suppletionibus definitio non indigeat, dummodò vis verborum, quibus concepta est, rectè perpendatur, id quòd primò tentavit Bart. *ad d. l. 3. D. h. t.* Juvit deinde Decius, *ad rubr. C. Qui admittit ad bon. poss.* & executus est Alciat. 4. *Parad. c. 1.* pleniusque explicuit D. Gabr. Madaus *ad d. tit. Cod.*

Nu. 3. in fine.) Nam Prætores, dum edicta proponunt, etiam juri conformia, dixi tamquam juris esse ministrum, qui juri velut manum porrigat. Tale est edictum, quod Prætor proposuit de commodato, *l. 1. D. Commod.* & ejusdem generis sunt hæc bonorum possessiones, quæ confirmandi juris gratia proponuntur. Nec carent sua utilitate hujusmodi edicta, quia justius possidere videntur, qui auctore Prætores possident; & ad hæreditatem perveniunt, *l. Inst. possidet 11. D. De atq. possess. & l. Qui auctore 137. De R. I.* Deinde non potest non esse commodum, plures habere vias consequendæ hæreditatis, *l. Sum hæredem 13. C. De jure delib. Myns. hic nu. 4.* Impugnat autem jus Prætor, juris scripti rigorem edicto suo mitigando. Emendat verò, casus à jure prætermittos sup-

plendo, ut in emancipatis & cognatis, §. *emancipati sup. De hered. quæ ab intest. defer.*

Nu. 4. in fine.) Nam bonorum possessio, quàm ordinariam vocant, quæ & edictalis, de plano & per libellum peti potest, ex ipso edicto Prætoris mortui, ut loquuntur. Et distinguuntur à decretali bonorum possessione, quia hæc datur, non ex solo edicto, sed ex decreto & sententia Prætoris vivi, sive jurisdictionem præsentaneam obtinentis. Et hinc generalis hæc est definitio, Omnia quæcumque causæ cognitionem desiderant, per libellum expediri non posse, nec de plano, sed pro tribunali cognoscenda & expedienda esse, *l. Nec quicquam 9. §. 1. D. De off. Procons. l. Omnia 71. & l. Vbi cumque 105. De R. J.* Esseque has species reverà distinctas & oppositas, licet communiter Dd. contradicant, docet Vinnius *hic ad §. Septimanu. 2.*

Nu. 5. in fine.) Datur autem hæc bonorum possessio liberis præteritis contra tabulas, contra lignum, ut est in *l. Quod vulgò 19. D. De bonor. poss. contra tab.* id est contra ipsum testamentum, & non contra heredem scriptum, *l. 4. D. eod.* Dicitur, contra lignum, quia lignæ ut plurimum testamenti tabulæ erant, *l. 1. in pr. D. De bon. poss. secundum tab.* & scriptura antiquorum ferè omnis in dedolatis è ligno codicillis. Cujac. 11. *Obs. c. 14.*

In fine Tit.) Porro si quæras, an jure novo etiamnum hodie utilis sit hic de bonorum possessionibus tractatus: dicam, non perinde videre utilem aut necessariam, ut olim, fuisse constat, & præsertim bonorum possessionem Unde liberi, & Unde cognati, quæ communis ferè Interpp. sententia est, ad *l. ult. Unde legit.* idque ob sublatam adgnationis & cognitionis, fuitatisque & emancipationis differentiam, Nov. 118. §. *nullam De heredib. ab intest. venient.* Ita ut cognati hodie succedant ex jure civili perinde atque adgnati. Rebuff. *ad l. Ex illa parte 227. D. De V. S. Franc. Balduin. adh. t. in pr. nu. 9.* Contrarium paradoxice docuit And. Alciat. 3. *Parad. c. 10.* liberis scilicet emancipatis & cognatis etiam hodie eam necessariam esse, solaque hac prætoriam viâ, & intra eadem tempora, aditum patere ad successionem. Et quidem bonorum possessionem contra tabulas filio emancipato præterito cum causæ expressione etiam hodie esse necessariam inde patet, quia, quod attinet ad jus testamentorum, in totum sublata non est fuitatis & emancipationis differentia, *Gloss. ad Auth. Ex causa, & ibd. Bart. & Dd. C. De liber. præter.* Imò & suis præteritis dari hanc contra tabulas bonorum possessionem, notat Myns. *ad §. eadem hæc sup. De hered. quæ ab intest. defer. nu. 3. & 4.* Planè non uno quoque casu necessaria hodie est bonorum possessio secundum tabulas, nimirum quoties testamentum non est omnibus juri civilis solemnibus absolutum, §. *aliam verò in fine h. t.* Deinde si testamentum in eo heredem admitti jure prætorio. Donel. 7. *Comment. c. 14.* Hæres quoque scriptus sub conditione, eâ pendente petere bonorum possessionem secundum tabulas potest, Mich. Graf. §. *Bonorum possessio quæ, §. nu. 7.* Sic & ne-

cessaria hodie est bonorum possessio Unde vir & uxor; nam vir ad uxoris, & con-
 tra sine liberis, sine agnatis aut propinquis decedentis, hereditatem nullo ju-
 re civili vocatur excepto uno casu, de quo in *Aurb. Præterea C. Unde vir & uxor &*
D. Zues. sup. De legit. agnat. success. nu. 9. An verò Edicto Unde vir & uxor
 moribus hodiernis etiamnum apud nos locus sit, quæri etiam lubet. Ratio
 de eo dubitandi peti ex his potest, quæ notavi *sup. ad tit. De legit. agnat. suc-*
cess. nu. 9. Et quidem in Brabantia ei adhuc locum esse, notat *Vinn. ad h. t. in*
fine, ex D. Godel. 2. De iure iuriss. c. 16. qui tamen hoc ibi nominatim non adse-
 rit, sed opinionem suam tantum proponit, idque generaliter & indistinctè, sci-
 licet non videtur ibi hoc ius moribus sublatum. In Geldria superiori leges te-
 trachia Rheni aduentis dant locum huiusmodi successioni. Lamb. Goris *ad*
Consuet. Geld. tract. 2. c. 21. Non etiam in Hollandia, ubi nemine ex consanguini-
 cis sese offerente, aliquoties usitatur, ut si quis bona conjugis prædefuncti tam-
 quam vacantia cum superstite partiretur. Corn. Neostad. *Curia. supr. decis. 7.*
Vers. Quamquam. Franciam verò uti illo jure, ut scilicet deficiente omni cognat-
 tione, ad uxorem bona mariti intestati pertineant, & contrà, scribit Alex. Chas-
 san. in *notis ad parat. Cujacii D. Unde vir & uxor*, si modò conjux uterque sit indigena.
 Vide Choppin. *de Domanio Franc. lib. 1. tit. 12. nu. 9.* Papon. *lib. 21. tit.*
1. art. 14. Georg. Lovet. in *sua Collect. Arrest. lit. F. nu. XXI. & lit. V. in fine, & u-*
trobique Iul. Brodeum, qui plures citat. Denique notat D. Gabr. Mudæus *ad tit.*
C. Qui admitti ad bonor. poss. in princ. hanc partem juris, quæ est de bo-
 norum possessione, hodieque esse utilem ac necessariam, nec ullam ejus speciem
 abrogatam, nullumque ferè ejus esse caput, quod non alie i & hodie sit
 necessarium, si velit succedere: deque bonorum possessionibus quæcumque di-
 cuntur, pauxillo mutato, & eo ferè solo, quod ad tempus attinet agnoscendæ
 bonorum possessionis, transferri posse ad hereditatem legitimam. Verumta-
 men si ad hæc tempora respicimus, an & quatenus hæc prætoria bonorum pos-
 sessio jure consuetudinario admittenda sit, meritò dubites. Nam in hisce re-
 gionibus nullum esse usum bonorum possessionis; sed nos uti tantum heredi-
 tate, aditioneque sive agnitione hereditatis civili, scribit Arn. Vinn. *ad §.*
sed bene 7. h. t. De Germania seu Imperio idem testator Giphani. *Instit. eod. De*
Gallia nota res est: omnesque ibi sive ex testamento sive ab intestato alijs suc-
 cedentes dicuntur uno generali nomine hæredes, bonorum possessores numquam,
 statimque à morte testatoris intelliguntur possidere sine apprehensione, jux-
 ta vulgatum illud, *le mort fait le vis*, de quo *sup. ad tit. De hered. qualis & dif-*
fer. Neque est necesse, ut, si factum testamentum dicatur, petant bonorum
 possessionem contra tabulas, vel secundum tabulas. Baro hic, Bugnion. *De le-*
gis abrog. in Gallia lib. 5. c. 17. in fine. Scribit verò Odiend. *Act. forens. clas. 5. act.*
6. §. An hodie petatur, recte bon. poss. veterem quidem bonorum possessionis so-
 lemnitatem, veluti plus æquo scrupulosam, meritò sublatam esse: verum simpli-
 cem quamdam imitationem, ut hæres sese magistratui infinuet, petatque au-
 xilium in his, quæ illi fortè, ne ad hereditatem apprehendendam perve-
 niat.

niat, de facto obstant, quamvis sit mero jure ad successionem vocatus, honestam esse, utilem & necessariam; & sic quoque hodie bonorum possessionem rectè peti. Posset & bonorum possessio appellari hodie cæremocia illa, quam ex locorum statuti adhibere solent succedentes ex testamento vel ab intestato, dum testamenta post mortem recitantur publicè apud magistratum, dum bona immobilia assignantur hæredi, & describuntur in publicis monumentis. Similiter ad bonorum possessiones referri quoque possunt ordinationes statutarie, scilicet ne quis hæres admittatur, nisi probatione prius saltem per duos testes auditâ de gradu cognationis proximo, & si quæ sunt similes. Simile quoque est bonorum possessioni, ex successorio edicto Prætoris, relevium transverſalis successionis consuetudine Leodiensi introductum, c. 11. art. 7. & ibi Car. de mean. Certè leges omnes, quæ sub nomine bonorum possessionis jure civili Rom. successionem concedunt, apud Hispanos etiamnum in usu esse, non sub nomine bonorum possessionis, sed potius sub nomine *Herencia*, id est *Hæreditatis*, norat hic Pichard. *ad rubr. h. t. in princ.*

DE ACQUISITIONE PER ADROGATIONEM.

TITULUS XI.

Est & alterius generis per universitatem successio, quæ neque lege duodecim Tabularum, neque Prætoris edicto, sed eo jure, quod consensu receptum est, introducta est.

1. Ecce enim cum paterfamilias sese in adrogationem dat, omnes res ejus, corporales & incorporales, quæque ei debita sunt, adrogatori antea quidem pleno jure acquirebantur: exceptis iis, quæ per capitis diminutionem pereunt, quales sunt operarum obligationes, & jus agnationis. Usus etenim & usufructus, licet his antea connumerabantur, attamen capitis diminutione minimè eos tolli prohibuit nostra Constitutio.

2. Nunc autem nos eandem acquisitionem, quæ per adrogationem fiebat, coarctavimus ad similitudinem naturalium parentum. Nihil enim aliud, nisi tantummodò usufructus tam naturalibus parentibus, quam adoptivis per filios familiarum acquiritur in ijs rebus, quæ extrinsecus filijs obveniunt, dominio eis integro servato. Mortuo autem filio adrogato in adoptiva familia, etiam dominium rerum ejus ad adrogatorem pertransit: nisi supersint aliæ personæ, quæ ex Constitutione nostra patrem in ijs, quæ adquiri non possunt, antecedant.

3. Sed ex diverso, pro eo, quod is debuit, qui se in adoptionem dedit, ipso quidem jure adrogator non tenetur, sed nomine filii convenitur: & si noluerit

noluerit eum defendere, permittitur creditoribus per competentes nostros magistratos bona, quæ ejus cum usufructu futura fuissent, si se alieno juri non subjecisset, possidere, & legitimo modo ea disponere.

COMMENTARIUS.

SUMMARIA.

1. Adrogationis origo, & quid per eam acquiratur adrogatori.
2. Operarum obligatio non acquiritur.
3. Operarum, inquam, officialium, non etiam artificialium.
4. Cedit adrogatori etiam usus & usufructus.
5. Bona adrogati qualiter hodie cedant adrogatori.

Tertius acquirendi per universitatem modus est ADROGATIO, nam tam¹ Legex i i. Tabular. introducta, aut edicto Prætoris, quàm jure, quod consensu receptum, *ut hic habet text.* id est auctoritate & tacito populi consensu Per hanc omnia adrogati bona simul cum ipso adrogato ad adrogatorem transibunt, siue corporalia siue incorporalia *text. hic.* Exceptis ijs, quæ capitis deminutione pereunt, cujusmodi est adgnatio, quæ extinguitur mutatione familiæ. (a) *² Operarum quoque obligatio non transit, quia non nisi patrono deberi possunt operarum. *l. pen. §. D. De operis libert.* Adrogator autem patronus non est, nec potest in adrogata persona eorum subsistere obligatio, quin & adrogatori statim acquiri videatur, contra operarum istarum naturam. * Quod accipe de operis officialibus, quas officij causa libertus patrono debet, quæ quia personam concernunt, alij deberi non possunt, *d. l. 2.* Sunt & operæ artificiales, veluti fabriles, quæ cuique deberi possunt, cum pecuniæ præstationem habeant, *l. 6. D. De operis libert.* ut non extinguatur earum obligatio per adrogationem. (b) * Extinguebantur olim etiam usus & usufructus minimâ capitis deminutione; quod hodie aliter se habet, cum istæ species adrogatori cedant, *l. pen. C. De usufr.* * Est & hoc hodie mutatum, quia non cedunt pleno jure bona adrogati, sed tantum quoad usumfructum, *text. hic,* ad instar patris naturalis, *l. cum oportet C. De bonisque liberis, & c.* proprietate penes adrogatum remanente, & adejus proximos transeunte, si contingat cum mori impuberem, secundum dicta *sup. de adopt.* Nam si pubes moriatur, bona ejus cedunt adrogatori, cujus nomine is tenebatur creditoribus defuncti, quibus si respondere noluerit, permittitur ijs possidere defuncti bona.

ADDITIONS V. A. D.

Nu. 1. infra) Quia de re dictum sup. ad tit. De cap. diminut. Caterum illud jam monui aliquoties, sup. ad tit. De adopt. & ad tit. De hered. qua ab intest. defer. nu. 11. ad optiones adrogationesque moribus nostris usum ferè omnem ac vim suam amisisse. Imo odiosus fuerit hic modus succedendi & acquirendi per universitatem, eo quòd priveret cives facultate liberà heredem habendi, cum nec testamenti faciendi jus esset adrogato.

Nu. 3. in fine.) Et ut transcant opera ad hæredes quoscunque pro portionibus hereditarijs. Secus quoad operas officiales obtinuit, quæ ad hæredes extraneos non transibant, nec debebantur liberis patroni ut hæredibus, sed ut patronis, ideoque pro virilibus, non pro portionibus hereditarijs. Vid. Cujac. 17. Obs. c. 14. & ad l. Si patroni § 5. in pr. quæ est ex lib. xx. Quest. Papin. D. Ad S. C. Trebell. Solebant autem domini in servorum manumissionibus certas operas imponere, l. 1. & ibi Gl. D. De bonis libert. Quemadmodum & Princeps concedendo feudum solet certas leges vasallo præscribere, ad quas in posterum velut ex conventionem sit obligatus. Vasallus enim in jure liberti comparatur, Præses Ever. in Loco à liberti ad vasal. Ac proinde ut patronus jus patronatus alienare non poterat, cum non esset in bonis vel in commercio, ita neque de feudo suo disponere testamento vasallus sine Principis consensu potest, De prohib. feudi alien. per Lothar. in pr. 2. F. 52. Molin. ad consuet. Paris §. 13. Gl. 5. in pr. quia feudum non tam in bonis nostris esse dicitur, quam honoris causa haberi, & velut symbolum quoddam est fidei erga dominum vel patronum. Unde & vasallus ad militares operas & Principis defensionem feudi respectu obligatus est. Præterea ut patronus uni ex liberis jus patronatus assignare poterat, ita & à simili vasallus potest uni ex liberis etiam sine domini consensu feudum assignare, c. un. §. & quia De his qui feud. dare poss. cum non censeatur alienatum, quod in liberos confertur. Ita Ioan Ram. in Præc. manu sc. ad. h. t.

DE EO, CUI LIBERTATIS CAUSA

BONA ADDICUNTUR

TITULUS XII.

ACCessit novus casus successionis ex constitutione divi Marci. Nam si ij, qui libertatem acceperunt à domino in testamento, ex quo non aditur hæreditas, velint bona sibi addici, libertatum conservandarum causa audiuntur.

1. Et ita divi Marci rescripto ad Pompiliū Rufum continetur. Verba rescripti

scripti ita se habent: Si Verginio Valenti, qui testamento suo libertatem quibusdam adscripsit, nemine successore ab intestato existente, in ea causa bona ejus esse coeperant, ut venire debeant: is, cuius de ea re notio est, aditus rationem desideratui habebit, ut libertatum, tam earum, quae directo, quam earum, quae per speciem fideicommissi, relictae sunt, tuendarum gratiam addicantur tibi: si idonè creditoribus caveris de solido, quod cuique debetur solvendo. Et si quidem, quibus directa libertas data est, perinde liberi erunt, ac si hereditas adita esset. Si autem, quos heres manumittere rogatus est, à te libertatem consequentur: ita ut, si non aliam conditione velis tibi bona addici, quam ut etiam, qui directo libertatem acceperunt, tui liberti fiant. Nam huius etiam voluntati tuae si quod, quorum de statu agitur, consentiant, auctoritatem accommodamus. Et ne huius rescriptionis nostrae emolumentum aliam ratione irritum fiat, si si quis bona agnoscere voluerit, & si qui rebus nostris attendunt, sciant commodo pecuniario praefendam esse libertatis causam: & ita bona cogenda, ut libertas is salva sit, qui eam adipsi potuerunt, ac si hereditas ex testamento adita esset.

2. Hoc rescripto subventum est & libertatibus, & defunctis, ne bona eorum à creditoribus possideantur & veneant. Certè si fuerint hac de causa bona addicta, cessat bonorum venditio: existit enim defuncti defensor, & quidem idoneus, qui de solido creditoribus caveret.

3. In primis hoc rescriptum toties locum habet, quoties testamento libertates datae sunt. Quid ergo si quis intestatus decedens, codicillis libertates dederit, neque adita sit ab intestato hereditas, an favor Constitutionis debebit locum habere? Certè si intestatus decesserit, & codicillis dederit libertatem, competere eam, nemini dubium est.

4. Tunc enim Constitutioni locum esse verba ostendunt, cum nemo successor ab intestato existit. Ergò quamdiu incertum erit, utrum existat, an non, cessabit Constitutio. Si verò certum esse coeperit, neminem existere, tunc erit Constitutioni locus.

5. Si is, qui in integrum restitui potest, abstinuerit hereditate, an quamvis potest in integrum restitui, possit admitti Constitutio, & bonorum addictio fieri? Quid ergò si post additionem libertatum conservandarum causam factam in integrum sit restitutus? Utique non erit dicendum, revocari libertates, quia semel competierunt.

6. Hæc Constitutio libertatum tuendarum causam introducta est. Ergo si libertates nullae sunt datae, cessat hæc Constitutio. Quid ergò si vivus dederit libertates, vel mortis causam; & ne de hoc queratur, utrum in fraudem creditorum, an non factum sit, idcirco velint sibi addici bona: an audiendi sint? Et magis est, ut audiri debeant, etsi deficiant verba Constitutionis.

8. Sed cum multas divisiones ejusmodi constitutioni deesse perspeximus, lata est à nobis plenissima Constitutio, in qua multae species collatae sunt, quibus jus huiusmodi successionis plenissimum est effectum, quas ex ipsius lectione Constitutionis potest quis cognoscere.

C O M M E N T A R I V S.

S V M M A R I A.

1. Bonorum addictio à quo & cur inducta.
2. Per restitutionem ejus, cui facta addictio, libertates non revocantur.
3. Nemine bona sibi addici petente, ius additionis cedit fisco.
4. Notatur error Theophili.

1. **Q**uartus acquirendi per universitatem modus est ADDICTIO BONORUM, inducta à Divo Marco, LIBERTATUM CONSERVANDARUM GRATIA, ne bonorum possessionem aut hereditatem nemine ad-eunte, interciderent, & ut consuleretur honori ac famæ defuncti, quæ lædi credebatur per distractionem bonorum ejus nomine factam. Ubi necessarium, ut additionem postulans idoneè CAVEAT DE SOLIDO, nimirum se libertates re-
 2. lictas præstiturum, & creditoribus soluturum. (a) * Quòd si eum, cui addictio facta, contingat restitui, libertates datæ nihilominus ratae manent: nam cum semel competierint non debent eripi sine causa, §. si is qui h. t.
 3. * Quòd si nemo huc servorum, qui libertatem inemerunt, sive extraneorum addici sibi bona petierit, fiscus ea agnoscat, & præstabit libertates fideicommissarias
 4. directe enim competunt ac si adita esset hereditas, *text. hic.* Videatur *L. fin. l. 1. de fam. manumiss.* ubi hac de re latius. * Notandus hic error Theophili, qui Popilium Rufum, cujus hic fit mentio, voluit esse Servum, ut testamento ejus relicta libertas, cum fuerit liber, ut patet ex eo, quòd eum cognomine præstiturum, quod est liberorum. Servi enim cognomine non utuntur. *L. cum precum 9. C. De liber. causa, Ant. Augustin. 3. Emendat. cap. 8. in princ.*
 (b)

A D D I T I O N E S. V. A. D.

Nu. r. in fine.) Extat hac de re Constitutio Iustiniani Imp. *l. ult. C. De restam. manumiss.* quâ inter alia statuitur, ut cuilibet etiam extraneo liceat intra annum offerre meliorem cautionem, qui ea præstita sit præerendus ei, cui jam bona addicta sunt, sive is hæres fuerit legitimus, sive testamentarius. Quemadmodum & aliàs qui hereditatem defuncti simpliciter & absque inventarij beneficio vult adire, & sic creditoribus solidum solvere, etiam si gradu sit remotior, præfertur reliquis tam scriptis hæredibus quàm adgnatis, sub beneficio inventarij adire volentibus. Fulgos. & Castren. *ad l. ult. C. De iure deliber.* ut hoc modo à defuncto infamia omnis avertatur. Est enim addictio hæc inventa non

non tantum favore libertatum, sed & defunctorum gratiâ, ne scilicet contingat eorum bona post mortem per creditores distrahi, non sine nota infamiæ. Certè bona distrahi per creditores ferè tantumdem est, atque hæreditatem sub inventarij beneficio ab hæredibus adiri.

DE SVCCESIONIBVS SVBLATIS, QVÆ FIEBANT PER BONORVM VENDITIONES, ET EX SENATVS CONSVLTO CLAV- DIANO.

TITVLVS XIII.

ERant ante prædictam successionem olim & aliæ per universitatem successiones: qualis fuerat bonorum emptio, quæ de bonis debitoris vendendis per multas ambages fuerat introducta; & tunc locum habebat, quando iudicia ordinaria in usu fuerant. Sed cum extraordinarijs iudicijs posteritas usa est: inde cum ipsis ordinarijs iudicijs etiam bonorum venditiones expiraverunt, & tunc in modò creditoribus datur officio iudicis bona possidere, & prout utile eis visum est, ea disponere, quod ex latioribus Digestorum libris perfectius apparebit.

1. Erat & ex Senatusconsulto Claudiano miserabilis per universitatem adquisitionis, cum libera mulier servili amore bacchata, ipsam libertatem per Senatusconsultum amittebat, & cum libertate substantiam. Quod indignum nostris temporibus esse existimantes, & à nostra civitate deleri, & non inseri nostris Digestis concessimus.

COMMENTARIVS.

S V M M A R I A.

1. Debitore non existente solvendo quomodo olim creditoribus succurri, & hodie solvetur.

2. Mulier libera, quæ servo alieno se iunxerit qualiter puniatur.

ERant olim alij duo modi acquirendi, qui in usu esse desierunt. * Prior contingebat per solemnem BONORUM EMPTIONEM, varijs ambagibus fieri solitam, ut videre est apud Theoph. hic Hodie debitore non existente solvendo, officio iudicis DATUR CREDITORIBUS BONA POSSIDERE, constituitur

que curator, qui per eorum distractionem creditoribus satisfaciatur, *text. hic in*
 2. pr. (a) * Alter est ex Senatusc. Claudiano, per quod mulier libera servo alieno
 contra denuntiationem domini se jungens, domino servi cum substantia sua ad-
 dicebatur, amissa libertate, alias pro libera erat. Quam poenam honestas negle-
 cta extorserat, ad coercendam effrenam mulierum libidinem: sed duriores eam
 judicans Iustinianus correxerat, *hic & l. un. C. De S. C. Claud.* mulierem in libertate
 relinquens, servum castigandum domino subiciens. (b)

ADDITIONES V. A. D.

Nu. 1. in fine.) Modum hunc procedendi adversus debitorem latitantem
 & creditorum conspectum fugientem, explicant Theoph. & Baro, *ad h. t. &*
eleganter Zas. ad l. Cum plures num. 2. D. De bonis auctorit. jud. possid. Curator
 autem bonis datus eundem hic locum tenet, quem olim bonorum emptor.
 Galliae moribus non solet concedi officio iudicis bona possidere, sed ita ex con-
 stitutionibus Principum & legibus agitur, ut primò per apparitorem à credito-
 re mihi a debitor moneatur & jubeatur solvere. Quo recusante solvere, fit
 deinde injectio manus regiae in debitoris bona, eaque curatoribus custodiendi
 mandantur: tum ad auctiones publicas devenitur, ac pecunià ex auctioni-
 bus coactà, pro rata satisficit creditoribus, debitoresque liberantur. Ita ferè Bu-
 cherel. *hic.*

Nu. 2. in fine.) Notat Cujac. *ad d. l. unic. C. De S. C. Claud. tollen.* simile
 olim jus fuisse inter Longobardos ac Francos, ut serva fieret, quae servo nube-
 ret alieno, *l. Si servus & l. ult. in Legib. Longob.* Item in legibus Salicis *tit. 14.*
l. 7. cavetur: Si ingenua semina quemcumque de illis (servis) suà voluntate secuta
fuert, ingenuitatem suam perdat. Porro S. C. Claudiani meminit etiam Tacitus
 12. *Annal.* qui id tribuit Claudio Imp. & error est Suetonii idem Vespasiano tri-
 buentis, nisi fortè velit ab hoc Imp. non quidem conditum primò, sed renova-
 tum fuisse Senatusconsultum. Respexit eodem Tertull. *ad Uxorem: Nonne insu-*
per censuerunt servituti vindicandas, quae cum alieno servo post dominorum denuntiatio-
nem in consuetudine perseverarent.

APPENDIX DE SUCCESSIONIBUS QUIBUSDAM ANOMALIS.

Porro modus hic succedendi & acquirendi per universitatem, ut alii tres
 immediatè praecedentes, scilicet per adrogationem, per additionem bono-
 rum libertatis causà, & per bonorum venditiones, species sunt anomalaе cu-
 jusdam successionis, ex veteri & antiquato jure. Anomalam sive irregularem
 successionem voco, quae neque ex testamento, neque ab intestato vel lege, vel
 jure pratorio defertur, *arg. l. Cum antiquiorib. ibi, vel aliter, C. De iure deliber.*
& ibid. Gl. ac Dd. sed per speciale personarum pactum, ut locorum consuetu-
 dines, de quibus Disp. est extraordinaria apud Petr. Osterman. subjecta Dispu-
 tatio-

tatio natus Collegii publici Colonienſis, ab eo habiti.

Talis in primis ſucceſſio eſt primogeniti, ſeu jus primogeniti, quod jūſ etiam ante leges à Moysè latas obtinuit, *Gen. 25. & 43.* Legibusque Moſaicis conſignatum fuit, *Deuter. c. 21.* adeoque omnibus ſerè gentibus obſervatum. Tiraq. *Prefat. de iure primogen. nu. 35.* Ac potuiſſe conſuetudine ſtatutoque induci, ut primogenitus in ſucceſſione paterna præferatur, receptior veriorque opinio eſt Hunn. *Var. reſol. lib. 3. tract. 1. qu. 23.* & quidem ſolus, excluſis fratribus. Hunn. *ibid. qu. 24.* ut illis tantum teneatur ad alimenta. Quod & olim ex legibus Lycurgi apud Lacedæmonios obtinuit, hodieque in Britanniiſ ac plerisque Galliarum provinciis obtinet. Otho Friſing. *lib. 2. De geſtis Friderici Imp. c. 29.* apud Cujac. 1. F. 9. *Mos in Burgundia*, inquit *qui penè in omnibus Gallia provinciis obſervatur, ut ſemper ſeniori natu, eiusque liberis, paterna hereditatis cedat auctoritas, cæteris ad illum tamquam ad dominum reſpicientibus.* Durior, ſtrictiorque in Regno Angliæ eſt conſuetudo, ubi filius primogenitus ſuccedit in bonis omnibus, dignitatemque familiæ ſolus occupat: reliqui verò fratres ſine omni ſplendore, privatorum inſtar, niſi familiæ illuſtres ſint & diverſis ditionibus locupletes, vivere, & ipſi ſua ſe industria ac ſuoſte ingenio alere & promovere coguntur. De jure autem primogenituræ videri poſſunt, in primis qui unus ſit pro omnibus Tiraq. *Tract. De iure primog.* Covarr. *Var. reſol. lib. 3. c. 1. nu. 4.* Molina *De iure primog. Hiſp. Nic. Betius, De paſtis illuſtr. famil. c. 8. & 9.* Gudcl. *De iure Feud. p. 3. c. 4.* D. Zoccl. *De iure item Feudor. c. x1.*

Alteram ſucceſſionis anomalæ ſpeciem inducunt Paſta, ut vocant, Fraternitatum de mutua ſucceſſione inter illuſtres familias. Fraternitas hæc ſive Unio vel eſt Rerum & Provinciarum, vel Perſonarum. Quam ita vulgò deſcribunt, ut ſit Paſtum duarum pluriumve illuſtrium Familiarum, vel etiam unius, diverſarum tamen linearum, ſummi Principis auctoritate ſubnixum, ad hoc, ut unâ familiâ lineave quoad hæredes maſculos extinctâ, alteri bona ac Principatus ejus ſucceſſionis lege deferantur. Paſtorum hujusmodi exempla extant plurima in Germania, eaque arcanis imperii accenſet Arn. Clapmar. *lib. 2. c. 21.* Græcè vocant, *ἀλλοτρίων προνομίων.* Vide Nic. Berſ. *d. tract. De paſtis illuſtr. famil. c. 5.* And. Gail. 2. *Obſ. 127.* Huc ſpectat Unio prolium inter alias quoque familias uſitata, præcipuè in Germania, de qua Oſterman. *d. diſp. c. 4. theſi 137. & ſeqq.* And. Gail. 2. *Obſ. 129.* Berſ. *d. c. 5. pag. 131 & ſeq.* Tract. ſingulari Jac. Rickius, quam & ſpeciem quamdam habere adoptionis dixi ſup. *ad tit. De adopt.*

Tertiam ſpeciem ponit Renuntiatio, quâ ut plurimum filia in gratiam maſculorum renuntiant ſucceſſioni, ſibi delatæ, vel deferendæ. Oſterman. *ubi ſup. c. 3.* Idque ex generali conſuetudine in Imperio recepta, cui jus Canonicum ſuffragatur, c. *Licet De iureiur. & c. Quamvis De paſt. in 6.* Mynſ. *cent. 1. Obſ. 36.* Gail. 2. *Obſ. 39. nu. 27. & Obſ. 147. nu. 1.* Extantque ea de re Tract. Barth. Kellenbentz & Henr. Breulei, item Conſilia aliquot Joan. Richardi, *ut conſ. 52. & quinque ſeqq.* Deinde fæmina regulariter in feudis non ſuccedunt, Dixi ſup. *ad tit. 1. huius lib. nu. 14.*

Quartam successio secundum tabulas matrimonii, five ex pactis nuptialibus. Olsterman. *d. loco c.* 4. Nam plerumque tempore matrimonii contrahendi, vel sponsaliorum, fieri solent pacta de futura successione inter futurum sponsum & sponsam, quibus scilicet cavetur, quid maritus de dote, vel uxor de donatione propter nuptias soluto matrimonio lucrari, vel etiam de aliis defuncti conjugis bonis superstes percipere debeat. Quæ quidem pacta licet jure improbata videantur, *l. Pactum quod dot. ali. & l. ult. C. De pact. l. Hereditas §. C. De pact. convent.* tamen hodie passim fiunt & sustinentur, veluti mutua ac vicissitudinaria pacta de succedendo, in quibus votum captandæ mortis non præsumitur, prævalente in his consideratione societatis morte solvendæ. Gail, 2. *Obs.* 126. *nu.* 2. & 3. Zyp. *Not. jur. Belg. lib.* 5. *tit.* De jure dot. Guido Papæ *qu.* 274. & *qu.* 555. Et quia ejusmodi pacta redolent ultimas voluntates, ideo ex Edicto an. 1611. *art.* 12. ipsorum contrahentium, Notarii, testiumque subsignatione opus esse videtur.

His alii alias species adijciunt, & anomalum five irregularem heredem vocant etiam filium, qui ex testamento imperfecto succedit, *l. fin. C. Fam. erisc.* Item Fiscum succedentem in bona defuncti tamquam vacantia. Neque enim fiscus propriè succedit defuncto, id est in jus omne, quod defunctus habuit, *l. Hereditas 24. De V. S.* Sed occupat bona jure Principis, quod jus ad Regalia pertinet. Ad fiscum etiam deferuntur bona, quæ alicui ut indigno auferuntur, *l. Papianus 8. D. De inoff. testam. & toto tit. D. & C. De his quæ ut indig. aufer.* Vasq. *De success. ult. volunt. in Præf. nu.* 11. & 12. & §. 16. *num.* 106. Lamb. Goris *ad consuet. Geld. tract.* 3. *c.* 12.

Sed & successiones, quæ jure consuetudinario, vel non ex æquis partibus, vel cum distinctione inter bona mobilia & immobilia, hæredesque mobiliæres & immobiliæres, deferuntur ab intestato, ut quæ jure devolutionis per mortem alterutrius conjugum proprietate tenus deferretur liberis ex eo matrimonio procreatis, usufructu penes superstitem manente, idque indistinctè quoad bona tam uxoris quam mariti, tum alibi, tum per totam ferè Brabantiam, ut dictum sup. *ad tit.* 1. *hujus lib. num.* 14. Singularis consuetudo seu statutum est Lovanii, ubi bona mulieris superstitis sunt exempta ab hoc jure devolutionis, succeduntque liberi etiam diversitoriæqualiter, *c.* 14. *art.* 12. Et quamvis de æqualitate hujusmodi consuetudinis meritò dubitari possit, maxime quod ad bona attinet immobilia ac patrimonialia ipsius superstitis, ex iis, quæ tradit Jac. Rickius *De unione prol. c.* 2. *nu.* 4. & *seqq.* tamen apud nos ita invaluit, ut juri devolutionis derogatum non censeatur, nisi si communi & expresso conjugis utriusque consensu, cum utriusque inter sit, ut devolutioni sit locus, & effectum suum sortiatur. Nam quando duo matrimonio junguntur, præsupponunt ex tunc bona sua utrimque obventura liberis ex eo matrimonio nascituris. Alias si alteri sine alterius consensu futuræ devolutioni derogare posset, via fraudibus aperiretur, quia secreto fortè testamento, vel aliâ ultimâ voluntate, ex sua parte devolutionem impediendo, altero conjugum ignorante, ejus conditionem redderet deteriorem.

quip-

quippe ejus bona devolutioni subiecta haberent. Est autem hæc devolutio consuetudinaria species quidam improprie & anticipatæ successione, seu futuræ successione anticipatio. Cujus in jure nostro exemplum est planè simile in bonis nuptialibus, per superstitem conjugem à defuncto perceptis, quæ liberis ipsius matrimonii sunt servanda, *l. Femina, l. Hac edictali cum aliis similib. C. De secundis nupt.* Ut rectè dixeris, hanc devolutionem, quod ad conjugis superstitis bona attingit, non fieri propriæ hæreditatis seu bonorum patris superstitis in filios transmissionem, sed tantum obventionem quamdam jam tum liberis quasitam ad successionem futuram, & hæreditatem vacaturam ex morte superstitis parentis, ubi illa contigerit. Ita quidem, ut nec bonorum suorum dominium aut proprietatem superstes amittat, & ex vero domino nudus tantum usufructuarius constituatur; nec rerum dominium re & effectu mox ad liberos transeat, sed ut maneat quidem superstes verus rerum suarum dominus, & ex jure hujus domini causalem usumfructum habeat, quem ob id vernaculâ linguâ *Erff-tocht* non incongruè appellant, affectum autem sit hoc jus domini & obnoxium ex nunc liberis stante matrimonio susceptis: ita ut in præjudicium eorum nihil de rebus suis possit disponere, etsi reverà dominus sit, nec inter vivos nec per ultimam voluntatem, exemplo hæredis fidei commissarii, *l. fin. C. Commun. de legat. & fideicom.* Porro proprietatem per hanc devolutionem re ipsâ non devolvi, filioque in quem ejusmodi devolutio facta est, ante parentem superstitem mortuo, eundem superstitem rerum suarum dominium non tam successione jure recipere, quàm impedimentum, quo hujus filii demortui respectu affectum erat, desinere & cessare, illud argumento est, quòd filius de hujusmodi bonis nisi ex consensu superstitis disponere non possit, ex consuet. Lovan. & necessitate occurrente superstes haud difficulter ea alienandi facultatem obtinere soleat, quodque usumfructum illum suum causalem, *Erfftocht* appellatum, superstes non nisi coram lege loci, ad instar aliorum bonorum immobilium, à se dimittere queat, uti alias ex judicio potissimum Practicorum judicatum fuit. Ita ut tota hæc devolutio non alio fine introducta videatur, quàm ad successionem parentum secundum ordinem juris in liberis magis stabiliendam & assicurandam, non autem ad eam à superstite in libros transferendam. Planè uti in jure civili viventis nulla potest esse hæreditas vel successio, ita nihilominus ob eandem ferè, quâ suprà, rationem filius vivente patre, maximè si legitimam respicias, quodammodo dominus habetur, *l. In suis 11. D. De liber. & posth.* Atque his rationibus attentis, respondit non ita pridem *CL. D. Jacobus Santvoert*, Scholæ hujus Antecessor, portionem bonorum maternorum, per mortem patris ad N. filium jure consuetudinario devolutam, eodem filio mortuo, matre adhuc superstite, proprietatis jure, quod antè semper habuit, matri non tam de novo acquisitam videri, quàm retentam, nihilque ejusmodi devolutorum bonorum filium ad scriptos testamento suo hæredes transmittere potuisse.

DE OBLIGATIONIBVS.

TITVLVS XV.

Nunc transeamus ad obligationes. Obligatio est juris vinculum, quo necessitate astringimur alicuius rei solvendæ, secundum nostræ civitatis jura.

1. Omnium autem obligationum summa divisio in duo genera deducitur. Namque aut Civiles sunt, aut Prætoriae. Civiles sunt, quæ aut legibus constitutæ, aut certo jure civili comprobatæ sunt. Prætoriae sunt, quas Prætor ex sua jurisdictione constituit, quæ etiam Honorariæ vocantur.

2. Sequens divisio in quatuor species dividitur. Aut enim ex contractu sunt, aut quali ex contractu; aut ex maleficio, aut quali ex maleficio. Prius est, ut de ijs, quæ ex contractu sunt, dispiciamus. Harum æquæ quatuor sunt species. Aut enim re contrahuntur, aut verbis, aut litteris, aut consensu. De quibus singulis dispiciamus.

COMMENTARIVS.

SUMMARIA.

1. *Rerum duo capita, Dominium & Obligatio.*
2. *Obligatio quid.*
3. *Alia est naturalis tantum, alia civilis.*
4. *Item alia civilis hic definita, alia prætoria.*
6. *Obligatio item vel ex contractu, aut quasi: vel ex maleficio aut quasi.*
7. *Contractus nomine quæ hic veniat obligatio.*
8. *Contractus sunt vel nominati, vel innominati.*
9. *Ineuntur re, verbis, litteris, consensu.*

Rerum esse duo capita dictum supra, *De rer. divis.* DOMINIUM scilicet & OBLIGATIONEM. Hanc ad res pertinere patet ex Tit. *De rebus corporalib. & incorporal.* ubi obligatio rebus incorporalibus adscribitur. Ut minus rectè aliqui judicent hinc inchoari materiam Actionum, ad eam referentes cum Theophilo Obligationis, moti hac ratione, quod obligatio sit mater actionis personalis; cum eadem ratione & dominium ad actiones pertinere dicendum esset, quod sit mater actionis realis. (2)

Dicitur autem hic OBLIGATIO ESSE JURIS VINCULUM, QUONECES-
SITATE

SITATE ADSTRINGIMUR ALICUJUS REI SOLVENDÆ, SECUNDUM NOSTRÆ CIVITATIS JURA. Rectè dicitur VINCULUM, quia ligat, translatione ductâ à vinculis corporalibus. (b) Additur JURIS, quòd ab eo tamquam causâ effectum suum habeat, qui consistit in necessitate solvendæ alicujus rei, id est dandi aliquid, faciendi, præstandi, *l. 3. D. De oblig. & act. sine qua necessitate frustranea foret actio, inò nulla. cum pro non dicto sit, quòd dare, nisi velis, coginequis, l. Sub hac conditione 8. D. d. t. & l. Hec venditio 7. D. De contrah. emp.* Quæ tamen accipienda, quatenus persona sensum habet, sine quo nulla est obligatio: quo modo pupilli, prodigi, furiosi, & similes ex obligatione non tenentur. Verba, SECUNDUM NOSTRÆ CIVITATIS JURA, non sunt necessaria: adjecta tamen videntur ad indicandum, hîc non agi de quavis necessitate, sed de ea, quæ est inducta per jus civile: ut dicendum sit hîc describi obligationem civilem, ut dicetur inf. §. 1. Quidam ista verba accipiunt pro temperamento verbi SOLVENDÆ, quòd scilicet non sufficiat quovis modo fiat solutio, sed debito, ut dicetur Tit. fin. hujus libri.

§. Omnium autem.

Divisio hîc subjuncta sumpta est à causâ efficiente remota, scilicet quòd alia sit Civilis, alia Prætoria. Ubi, re alitius repetitâ, sciendum, obligationem aliam constitui Naturalem tantum, aliam Civilem. Naturalis non potest dici ista, quæ ex quadam honestate oritur, & tenet eum, qui beneficium accepit, qualem vocant antidoralem, quæ ne quidem inopedit conditionem indebiti, ut dicetur tit. seq. sed quæ oritur ex jure naturæ vel gentium, diciturque æquitatis vinculum, quòd non astringit necessitate solvendi, *l. Si fidejussor 59. D. De condit. indeb. & l. Stichum 95. §. naturalis De solut.* Cujusmodi obligatio oritur ex pacto nudo, & habet locum inter patrem & filium, dominum & servum, exceptionem quidem producens, non etiam actionem, *l. Iuris gentium 7. D. De pactis.* (c) * Civilis obligatio est, quæ subdividendam negent in nudam civilem, & eam, quæ simul & naturalem contineat. Communius tamen receptum, hanc aliam esse civilem tantum, quæ citra æquitatem naturalem vim à jure civili est consecuta, sive ab initio defuerit æquitas, uti in eo, qui alteri per injuriam est condemnatus, sive ex post facto cesset, uti per justum pactum aut juramentum, per quod tolli videtur obligatio ipsò jure, *d. l. Stichum 95. §. naturalis*, remanente civili, inf. De except. arb. Aliam civilem & naturalem simul, quæ rationi naturali & æquitate cognita, eaque subnixâ, à civili lege excepta & approbata est, ut emptio-venditio, aut ab ipsâ civili lege, non repugnante naturâ, inducta, uti stipulatio. Quod autem ad definitionem supra traditam, eam pertinere ad obligationem civilem, non etiam naturalem tantum, verius est, & probatur ex verbis restituentibus, SECUNDUM NOSTRÆ CIVITATIS JURA, scilicet Romanæ. * Alia est proprie talis, QUÆ LEGIBUS EST CONSTITUTA, AUT CERTO JURE CIVILI

COMPROBATA, ut emptio-venditio, locatio conductio, mutuum, stipulatio: alia Prætoria, QUAM PRÆTOR EX SUA JURISDICTIONE INVENTI ut obligatio ex iuramento, ex constituto. (d)

§. Sequens illa.

- 6 Alia hic divisio obligationis proponitur sumpta à causâ efficiente proxima, scilicet ipso consensu agentium : unde alia obligatio est EX CONTRACTU, alia EX MALEFICIO, eoque vel vero, vel quali ex contractu, aut quali ex maleficio. De singulis ordine in sequentibus agitur, & primò quidem de obligatione ex contractu, QUÆ EST CONVENTIO SIVE CONSENSUS PLURIUM
- 7 IN IDEM PLACITUM, HABENS CAUSSAM, id est civile aliquod negotium, dandi aut faciendi, *l. Solent D. De præscr. verbis.* (e) Ubi CONTRACTUS nomine non tantum venit ea obligatio, quæ ultro citroque obligat, quod Græcè συνέλλεγμα vocant, ut in *l. Libeo 19. D. De P. S.* cuiusmodi est emptio-venditio, locatio conductio, sed & quæ altero latere tantum, uti mutuum, stipulatio, & patet ex exemplis subiectis Tit. seq. *Non tantum etiam continentur illi contractus, quibus certum & proprium nomen à legibus est attributum, quales vocantur, NOMINATI, ut emptio, locatio, societas, ex quibus certa nominataq; actio est, sed & qui causâ cum non vacent nomine tamen proprio carent, cum plura sint negotia, quam rebus accommodata vocabula, *l. 4. D. De præscr. verbis.* quales in eo INNOMINATI dicuntur, ex quibus certa actio non datur, sed præscriptis, ut vocant, verbis. Ratio nominis, quod non exprimitur certò nomine, sed præscriptis verbis res gesta denotetur, sive rei gesta declaratione enarretur, cuius ordinis est permutatio, Do ut des, & similes, *l. 7. §. 1. & 2. D. De pactis.*
- 8 (f) *Contractus iniuri dicuntur quatuor modis, scilicet RE, VERBIS, LITTERIS, CONSENSU, *text. hic in fine.* Causus J. C. in *l. 1. §. 1. D. De oblig. & act.* tantum tres modos ponit, omisso eo, qui ex litteris oritur: non quod ante Justinianum in usu non fuerit, nam id ex tit. *De litter. oblig.* patet, sed quod in usu esse desierat. Ideo autem contractus singulariter consensu iniuri dicuntur, non quod alii consensu careant, cum nulla obligatio citra consensum subsistat, *l. 1. §. convenientius D. De pactis.* sed quod sint, qui solo consensu contenti obligationem ponant nullo alio interveniente, uti fit in aliis.

ADDITIONES A. V. D.

Nu. 1. in fine.) Contrarium docuit Herm. Vultejus *hic & Discept. scholast. c. 16.* contendens obligationes ad iura personarum, non verò rerum, referendas esse vel certè Tribonianum ideo eas ad res retulisse, quia in obligationibus non pauca occurrant, quæ rerum præsupponant cognitionem, cuius argumentis & rationibus satisfacit Arum. Exercit. 12. thesi 3. Neque primus paradoxus auctor fuit Vult. sed Petr. Lortot. *De arte iur. tit. De pact. tract. 17*

axiom. 2. Vide Just. Reifenberg. *Manuduct. ad Institut. Imperial. tit. de methodo Posit.* 4. Differunt autem hæc duo Dominium & Obligatio, primò substantiâ, quia dominium est jus in rem, obligatio jus in personam, *l. 3. in princ. & l. Actionum 25. D. De oblig. & act.* Nam solæ personæ obligationibus stringuntur, non etiam res, *l. ult. §. ult. D. De contrah. empt.* Solæque persona debitoris est obligationis subiectum, cui perinde obligatio inhaerere dicitur, ut lepra offibus humanis, & ut anima corpori, *Glos. ad l. 3. D. Pro socio & ad l. Quic ergo in fine D. De peculio.* Secundò differunt accidente, quia dominia rerum traditionibus & usucapionibus acquiruntur, *l. Traditionib. C. de pact.* Obligationes verò ex contrahibus & delictis nascuntur, *d. l. 3. & l. Actionum*; cum & ex causa maleficii vel quasi in creditum eatur. Illud quoque hic obiter notandum ex Rebuffo *tract. De litter. obligat. gl. 3. art. 1. nu. 1.* Obligationem etiam accipi apud nos pro instrumento obligatorio, ut in *l. Falsi pœna 20. ibi.* pecuniam acceperunt, obligationem, pactionem fecerunt, *D. De L. Corn. de fals.* unde prohibitus accipere pecuniam censetur prohibitus accipere obligationem: semper ad id, quod quis debet non potest, antequam sit facta obligatio, *Sed executio*, sed demum postquam est obligatus instrumento sigillatæ & signato. Bucherel. *hic*, ubi & de divisione agit obligationum moribus Gallie recepta, in eas, quæ Regiæ dicuntur, sigillo Regio confirmatæ, in Authenticas sigillo autentico roboratas, & Privatas.

Nu. 2. *ibi*, à vinculis corporalibus.) quasi jus vinciens. *Glos. hic.* Jure enim civilialia obligatio non est, quàm quæ vinculi hujus necessitate alium etiam invitum adstringat, & liget contrahentes ex aliqua civili & legitima causa, *l. 1. D. De oblig. & act. & l. In venditis 13. C. De contrah. empt.* Ex eadem ratione obligatio dicitur nexus, *l. 1. D. De acceptil.* unde nexus venditi, nexus pignoris, in *l. Si non sortem 26. §. 7. D. De condict. indeb. & l. Si paterfam. 33. D. Fam. ercisc.*

Nu. 4. *in fine.*) Definiri hic eam obligationem, quam mixtam Interpretes nominant, id est naturalem & civilem simul, utrâque & naturali & civili simul concurrente, communis Dd. traditio est. Obligatio enim naturalis sola non parit actionem: ut debitor, qui obligatione naturali tantum tenetur, verè & propriè debitor dici non possit, cum compelli nequeat ad solutionem, *arg. l. Cum illud aut. illud 25. §. 1. D. Quando dies leg. vel fideicom. ced. ut & obligatio*, ex qua nulla nascitur actio, ne quidem dici potest obligatio, *l. Iuris gentium 7. §. cum nulla D. de pact.* Imò nec civilis sola producit actionem, saltem quæ efficax sit. Nam licet detur actio aliqua ex hujusmodi obligatione, non tamen datur exactio, id est non imponit ea necessitatem solvendi, eliditurque per exceptionem, veluti in litterarum obligatione ante biennium. Carrerum & qui jure gentium aut naturali aliqua obligatione tenetur, dici potest juris vinculo adstringi, *l. Naturaliter D. De condict. indeb. & l. 1. De novat. Juris*, inquam, naturalis sive gentium, ac pulsari actionibus naturalibus, in quibus nulla sunt solemnia. Joan. Ram. *Comment. ad R. l. lib. 3. axiom. 3.* Sic enim naturaliter debitor ad solvendum cogitur, quando utiles & voluptarias impensas abradimus, *l. Pro voluptariis 9. De impens. in res*

Int. ad. quando ejus, qui ex nudo pacto debet, intentionem exceptione excludimus. *l. si pactum nullum De pact.* quando uarias simpliciter promissas per retentionem ignorantis reservamus. *l. Per retentionem C. De usur.* Sic denique omne debitum naturae per compensationem aut confictum exigimus. *l. Quaecumque 14 De compensat.* Civiliter verò sive jure civitatis debitorem cogimus, quando legitimis & solemnnibus actionibus ac conditionibus a se ipsis eum experimur. Atque haec causae sunt ordinariae, quibus quisque ad solvendum cogi potest. Sed & extra ordinem debitor cogitur, cum quis vim vi repellit. *l. Ut vim in pr. D. De just. & jure,* & cum quis sine iudice se vindicat. *rot. tit. C. Quando liceat unum sine iud. vind.* aut denique per manus iniectionem. *l. Sed si hac 10. §. 1. D. De in jus vocan.* Nam & his modis jure civili certis calibus creditori permittitur jus suum contra debitorem persequi. *Ias. ad l. 2. D. De jurisdic.* Moribus hodiernis, quibus pleraque ad simplicitatem juris gentium redacta sunt, etiam obligationi naturali & cuilibet nudo ac simplici pacto sua inest necessitas, paritque actionem. *Gudel. 3. De jure noviss. c. 5. Zyp. Not. jur. Belg. lib. 3. tit. De contrah. stipul.* Et pridem hoc apud Pragmaticos nostros tam esse receptum, ut vel analphabeto cuique innotuerit, scribit *Lamb. Goris Adversus ad consuet. Geld. tract. 1. c. 4. nu. 20.* Maxime si pactum serio & deliberato animo fuerit initum. *Iac. Mastert. De just. leg. Romae. lib. 1. dub. 31.* Quod jure Canonico dubitationem non habet. *c. 1. x. De pact. in verbis. init. a pacta suam obtineant firmitatem: & c. 3. eod.* ubi studiosè agendum monet *Pont. ut ea, quae promittuntur, opere compleantur.*

Nu. 5. ibi, & similes contractus. Qui propriè sunt civiles comprobatione, à jure quidem gentium originem ducentes, sed quos populus Rom. utilitatis causâ adoptavit, & deinceps utrum sibi vindicavit: atque ita ex comprobatione juris civilis nascitur vinculum civile, qua de re pluribus agit *Fortun. Garlias ad l. Iuris gentium 7. in pr. nu. 5. D. De pactis.*

Nu. 5. in fine. Supple, aut suâ jurisdictione comprobavit. Nam & Praetor eas, quas ex sua jurisdictione, suisque edictis introduxit, plurimas quoque obligationes naturales tantum, contra strictam juris civilis rationem, suâ auctoritate confirmavit. *§. sed iste cum aliquot §§. seqq. i. §. De action.* Quo modo & hodie quilibet magistratus jurisdictionem habens, ex consuetudine passim recepta, pacta quavis bonis moribus aut legibus non contraria confirmare solet. *d. l. Iuris gentium 7. §. Praetor D. De pact. & l. 1. C. eod.* Ita ut hodie nullum detur pactum quantumvis nudum, ex quo, implorato ad hoc iudicis officio, non sit actio & exactio. *Pet. Lignens Instit. h. t. §. omnium 7. confirmat.* Atque in eo jus Canonicum sequuntur mores nostri, quibus etiam ex nudo & simplici pacto datur actio, pactisque eadem vis tribuntur, quae est stipulationis iure civili. *Gudel. 3. De jure noviss. c. 5. Vinn. tract. de pact. c. 7. n. 4. & 5.*

Nu. 6. in fine. Alii aliter definiunt, quorum definitiones examinat *Hunn. Var. res. lib. 3. tract. 1. 1.* Ipse vero probat hanc: Contractus est conventio habens causam seu negotium civile, vel synallagma, aut, eo deficiente, nomen proprium ac legitimum,

QVIBVS MODIS RE CONTRAHITVR OBLIGATIO.

TITULUS XVI.

RE contrahitur obligatio, veluti mutui datione. Mutui autem datio in iis rebus consistit, quæ pondere, numero, mensurâ constant, veluti vino, oleo, frumento, pecuniâ numeratâ, ære, argento, auro: quas res numerando, aut metiendo, aut adpendendo in hoc damus, ut accipientium fiant. Et quoniam nobis non eadem res, sed aliæ ejusdem naturæ & qualitatis redduntur, inde etiam Mutuum appellatum est, quia ita à me tibi datur, ut ex meo tuum fiat: & ex eo contrahitur nascitur actio, quæ vocatur condictio.

1. Is quoque, qui non debitum accepit ab eo, qui per errorem solvit, re obligatur: daturque agentj contra eum propter repetitionem condictionis actio. Nam perinde ei condici potest, si apparet eum dare oportere, ac si mutuum accepisset. Unde pupilius, si ei sine tutoris auctoritate indebitum per errorem datum est, non tenebitur indebiti condictione, non magis, quam mutui datione. Sed hæc species obligationis non videtur ex contractu consistere, cum is, qui solvendi animo dat, magis voluerit negotium dilabere, quam contrahere.

2. Item is, cui res aliqua utenda datur, id est, commodatur, re obligatur, & tenetur commodati actione. Sed is ab eo, qui mutuum accepit, longè dilat. Namque non ita res datur, ut ejus fiat: & ob id de ea re ipsa restituenda tenetur. Et is quidem, qui mutuum accepit, si quolibet fortuito casu amiserit, quod accepit. (veluti incendio, ruinâ, naufragio, aut latronum, hostiumve incurfu) nihilominus obligatus remanet. At is, qui utendum accepit, sanè quidem exactam diligentiam, custodiendæ rei præstare jubetur, nec sufficit ei tantam diligentiam adhibuisse, quantum suis rebus adhibere solitus est, si modò alius diligentior poterat eam rem custodire: sed propter majorem vim majoresve casus non tenetur, si modò non ipsius culpa in casu intervenit. Alioqui si id, quod tibi commodatum est domi, peregrè tecum ferre malueris, & vel incurfu hostium prædonumve, vel naufragio amiseris, dubium non est, quin de restituenda ea re tenearis. Commodatæ autem res tunc propriè intelligitur, si nulla mercede acceptâ vel constitutâ, res tibi utenda data est: alioqui mercede interveniente, locatus tibi usus rei videtur. Gratuitum enim debet esse commodatum.

3. Præterea & is, apud quem res aliqua deponitur, re obligatur, teneturque actione depositi: quia & ipse de ea re, quam accepit, restituenda tenetur. Sed is ex eo solo tenetur, si quid dolo commiserit: culpa autem nomine, id est, de fiducia ac negligentia, non tenetur. Itaque securus est, qui parùm diligenter custoditam rem furto miserit: quia qui negligenti amico rem custodiendam tradidit, non ei, sed suæ facilitati id imputare debet.

3. Creditor quoque, qui pignus accepit, re obligatur, & ipse de ea re quam accepit, restituenda tenetur actione pignoratitia. Totumque pignus utriusque gratia datur, & debitoris, quò magis pecunia contrahatur, & creditoris, quò magis ei in tuto sit creditum: placuit sufficere, si autem rem custodiendam exactam diligentiam adhibeat: quàm si præstiterit, & aliquo fortuito casu rem amiserit, securum esse, nec impediri creditum petere.

C O M M E N T A R I V S.

S V M M A R I A.

1. Contractus quinam re iniri dicantur. 2. An & contractus innominati?
3. Mutuum quomodo contrahatur. 4. Requisita: Primum, ut detur quantitas.
5. Quid si corpus seu species ea lege detur, ut pecunia inde redacta sit mutua?
6. II. Ut dominium rei transeat in mutuarium.
7. III. Ut eadem res reddatur in genere.
8. Res alterius an & quando reddi possit.
9. An pro pecunia aurea reddi argentea.
10. Ex contractu mutui quæ actio detur.
11. Indebiti solutio an sit contractus re initus.
12. Datur eo nomine condictio indebiti.
13. Requisita ad hunc contractum.
14. Est & indebitum, quod sub conditione debetur.
15. An & indebitum inter usurium condici possit.
16. Indebitum civiliter tantum & naturaliter debitum non condicitur.
17. Ut neque debitum antidorale.
18. An neque indebitum naturaliter, & civiliter debitum?
19. Ex causa iudicati indebitum solutum non condicitur.
20. Condictio hæc non competit ultra id, quod datur.
21. Commodatum quid. 22. Quæ inde actio detur, & ad quid.
23. Commodatarius de qua culpa teneatur.
24. De casu fortuito aut damno dato à tertio non tenetur.
25. Culpam absuisse an probare debeat commodatarius.
26. Actio contraria commodati ad quid detur.
27. Commodatarius etiam retentione sibi consulere potest.
28. Depositum quid.
29. Actio depositi directa cui & ad quid competit.
30. Depositario datur actio contraria, non etiam retentio aut compensatio.
31. An rem depositam intempestivè retinere possit.
32. Pignus quid, & in quo differat ab Hypotheca.
33. Actio pignoratitia directa quando, contra quem, & ad quid detur.
34. Veniunt & fructus percepti in hanc actionem. An licita antichresis.
35. Actio pignoratitia contraria quid persequatur.

DE contractu re inito prius subicitur, propter similitudinem, quam habet cum acquisitione domini, quod ut traditionem requirit, ita hic contractus non ante est perfectus, quam ubi res tradita ad obligationem accedens initium ei praeberit. Referuntur hic quinque ejus species, quarum quatuor spectant ad proprios & nominatos contractus, una autem quali ex contractu oritur, ut dicitur infra §. *is quoque*. * Posset autem videri etiam contractus innominatos re initi, quod & in his sola conventio non ponat efficacem obligationem, cum ante rei interventum nudam tantummodo pactionem ponat. Quo modo Paulus in l. 1. §. *emptio* D. De praeser. verb. ait, permutationem demum ex re tradita initium obligationi praebere. Quod tamen non accipiendum proprie, cum hoc loco is contractus re injudicatur, quo ita datur traditurve res, ut restituenda debeat in specie, aut in genere, uti indicant species hic propositae. Quod non idem est in innominatis, in quibus venit alia res praestanda, ut traditur D. De permur. & de praeser. verb.

§. Mutui autem datio.

Prima contractuum re initorum species est MUTUUM, & frequentissimum, & propter domini translationem, quam continet, acquisitioni rerum maxime vicinum. (a) Sumitur autem hic pro CONTRACTU RE INITO, QUO QUANTITAS EA LEGE DATUR, UT EADEM REDDATUR NON IN SPECIE, SED IN GENERE, EJUSDEM BONITATIS, per text. hic & l. 2. in pr. D. De reb. cred. (b) * Ut hic contractus recte censeatur initus, Primò requiritur, detur QUANTITAS, quo nomine venit res, quae usu consumitur, quae a nostris dicitur PONDERE, NUMERO, MENSURA CONSTARE, d. l. 2. §. 2. cujus generis est oleum, frumentum, vinum, & similia. Quo modo excluduntur à mutuo corpora, ut bos, equus, fundus, quae non consistunt in quantitate, sed in specie, ut ratio marni in his locum habere nequeat, atque ita ejus materiam non ponant. (c) *

Quod & ita procedit, ut ne quidem dando ejusmodi corpus, vel speciem, ea lege, ut ex venditione ejus redacta pecunia sit mutua, contractus mutui possit dici contrahi, cum hoc casu nihil fiat mutuatarii, quod fuit mutuantis. Pecunia enim ex tali re redacta numquam fuit mutuantis, uti requirit derivatio nominis mutui, inde deducti, quod ex meo tuum fiat. Et hoc ita secundum proprietatem verbi, & Iuliani juris sententiam, quam Africanus videtur intendere in l. *Qui negata* 34. D. Mandati: nam secundum benignitatem, ejusmodi pecuniam esse loco creditae pecuniae, responsum in l. *Rogasti* 11. D. De reb. cred. fingitur enim, circumus evocandi causa, ipsi mutuantia ea pecunia tradita ab emptore, & deinde ad ipsum mutuatarium pervenisse; quod inter alia singularia hac in materia receptum, l. *Singularia* 15. D. d. r. ubi pecunia debita ex causa mandati, si convenerit, ut retineatur crediti nomine, videtur à credi-

creditore profecta, & debitorem delegans videtur mutuum dare, *l. Qui debitorum* 18. D. *De fideiuss.* (d) Quod expeditius procedet in deposita pecunia, si conveniat, ut depositarius eam mutuam habeat, *d. l. 34.* Videtur enim tradi per eum, qui deposuit, cuius esse desinit. Est enim huiusmodi consensus loco traditionis, argumento eorum, quæ dicta sunt sup. *De rer. divis. §. interdum.* Quatenus tamen datur purè mutua; nam si conditionaliter, si voluerit, non antè erit mutua, quàm mora fuerit, *l. 10. D. d. t.* & eo facto ostenderit se eam tamquam mutuam habere. (e)

Secundò, ut DOMINIUM REI DATE TRANSEAT IN ACCIPIENTEM, juxta nomen ex re natum; dictum enim quòd ex meo tuum fiat, *d. l. 2. §. appellari.* (f) Quo modo oportet dantem esse dominum, *d. l. 2. §. mutui;* nam ut in rem alienam nihil iuris, ita nihil transfertur: & ejus liberam dispositionem habere, quo modo pupillus & similes, mutuam dando pecuniam, cum eam non faciant accipientis, non contrahunt hanc obligationem. Quam tamen utiliter dabit consumptio per bonam fidem, sup. *Quib. alien. non lic. §. nunc admonendi:* quæ & salva videtur esse lis, quorum pecunia per alium data est mutua, *l. 4. D. Si certum p. r.* ex ratione, quòd pecuniam alterius, quæ ad alterum pervenit, æquum sit ei reddi, *l. Si me & Titium* 22. D. *De reb. cred.*

Tertiò, ut conventum sit EAMDEM REM REDDI, NON IN SPECIE, SED IN GENERE, EJUSDEM BONITATIS ET QUANTITATIS. Res enim hæ, quæ mutui materiam constituunt, ejus sunt conditionis, ut una vice alterius fungatur, & alterà ejus generis redditâ videatur ea ipsa reddita, quæ data, sine detrimento creditoris, *d. l. 2. §. 1.* Unde & fungibiles dicuntur. (g) Quod non idem obtinet in speciebus, cum in eas cadat affectus, & una alterà sit melior. Dico, non in specie; nam alias obligationi hujus contrarius poneretur impedimentum, cum ejus substantia sit in usu; uti autem his rebus nemo possit, nisi & abutatur. (h). Quo modo verbum *quandoque* in plerisque textibus positum est pro *quandocumque*: ut sensus sit, quandocumque mutuum reddendum, non in specie, sed in genere reddendum. Sitamen res mutuo data super sit, ea rectè redditur, cum conqueri nequeat creditor, cui res ejusdem generis, atque est data, redditur, si non fuerit diminuta. * Res alterius generis ut reddatur, non rectè convenitur, cum materiam mutui tantum ponant res, quæ functionem accipiunt in suo genere, non etiam in diverso. Ex post facto tamen solutio unius rei in suo genere volenti creditori facit dissolveri obligationem, *l. 2. D. De rescind. vend.* cum ea res principium obligationis non vitiet, & liberum sit cuilibet renunciare juri suo.

Ubi videri posset pro aurea accepta pecunia non posse reddi argenteam, quòd non sint res ejusdem sed diversi generis, propter materiæ diversitatem, ut videatur aliud pro alio solvi. Verum probabilius est, pro aurea accepta reddentem argenteam satisfacere obligationi huic; ex ratione, quòd in nummis non tam spectetur materia, quam ipsa æstimatio publica, secundum quam usum sui præbet pecunia, *l. 1. D. De contrah. empt. & l. Nammi De in litem jur. ut nequeat*

nequeat videri aliud pro alio solutum. (i) Nec obstat *l. Creditorem* 99. D. De *solut.* ubi non est cogendus creditor in alia forma nummos recipere, quam dedit; hoc enim, si vel ita fuerit conventum, quod servandum; vel, ut ipse habet textus, si damni quid ex ea re passurus creditor, quod ex diversitate materiarum est ut accadat. Et videtur iste textus pro hac opinione facere, cum velit creditorem debere recipere aliam pecuniam, si hoc profit debitori, non obstat autem creditori. (k)

Est autem ex hoc mutui contractu actio personalis, scilicet condictio certi, quia id quod petitur quid, quale, quantum debeat, apparet, *l. 6 D. De reb. cred. competensei*, qui mutuum dedit, contra eum, qui accepit, in tantum, quantum accepit, non in ultra, etiam si convenerit, ut plus redderetur, *l. Rogasti* 11. §. *si tibi* D. De reb. cred. cum natura ejus sit, id reddi quod acceptum est, & quod de meo tuum factum est. (l) Minus ut reddatur conventio tenet, quia licet cuilibet jus suum remittere. Contra dominum servi nomine non aliàs competit, quam si causâ negotii, cui præpositus, mutuum sit acceptum, aut servo sit peculium, aut in rem domini vertum, qua de re infra lib. 4. Tit. 7. Filiumfam. ex mutuo excuti non posse facit exceptio S. C. ti Macedoniani, de qua infra d. tit. 7.

5. Is quoque

INDEBITI SOLVITIO magis ad distractum pertinet, quam ad contractum, teste Justiniano *hic & infra tit. 28.* ubi eam inter obligationes quasi ex contractu ponit. Ponitur autem hic inter contractus re initos, & propter rei interventum, & similitudinem mutui quoad translationem dominii: unde & *Promutuum* dicitur aliquibus, quatenus res fungibilis data est, quam solvens ei, cui non debet, credere videtur. * Cujus ideo repetitio est per actionem personalem, quam vocamus condictionem indebiti, non etiam realem, quod per traditionem dominium transiverit in accipientem, ut ab ipso tradente res vindicari nequeat. Nec facit error, quia cum sit tantum circa causam, non impedit translationem dominii, *l. Cum in corpus* 36. D. De acq. rer. dom. Quod autem condictionem causet, est, quia iniquum aliquem locupletari jacturâ alienâ. (m) * Vbi requiritur Primò, solutio sit facta per errorem, non etiam scienter, quia videretur donatum, *l. 1 D. De condic. indeb.* Non quivis autem error condictionem parit, sed ille tantum, qui facti est, quod sit probabilis, non etiam juris, qui est improbabilis, & quasi scientiam ponit, ut non excuset. (n) Secundò, verè ut indebitum, quale est, quod nec naturali nec civili jure debetur, cum non subit causâ, quare res apud accipientem maneat, & succedat ratio, quæ non patitur alterum cum alterius jactura locupletari. (o) Nisi tamen ex tali causâ sit facta solutio, quæ per infitiationem crescit in duplum, ut dicitur *infra tit. 28.* Et hæc ita, si res extet: nam si consumpta fuerit bonâ fide, frustra intentabitur condictio contra eum, apud quem nihil est rei alienæ. Nisi

locupletior factus sit (nam rem extare facit extans ejus consumptæ pretium, uti dictum supra. *De rer. divis. §. si quis à non domino*, quod manere apud possessorem rem non minus iniquum, quam si ipsa res maneret. * Est & pro non debito, quod sub conditione debetur, cum non tam debeatur quam sit spes debitum iri, §. *sub conditione inf. tit. seq.* Ut ante ejus adventum solutum rectè condicatur tamquam indebitum, l. *Sub conditione* 16. D. *De condict. indeb.* Nisi talis sit conditio, quæ omnino exitura, l. *Quod si ea* 18. d. t. nam hæc tam spem quam debitum ipsum ponit, licet in diem dilatum, qui ut non impedit, quin continuo debeatur, l. 1. §. 1. D. *De condit. & demonstr.* ita nec facit indebitum solutum, ut conditioni non sit locus, l. *in diem* 10. & l. *Nam cum* 17. d. t. Si certò non sit dies venturus, erit loco conditionis, d. l. 16. *in fine.*

14 * Minus rectè autem voluit Jafon ad d. 16. inter usurarium pecuniarum ante diem solutarum condici posse; cum ubi non debetur principale, nec debeatur accessorium, præcipuè quod caullatur ex re aliena vel alteri debita, quorum neutrum hic dici potest. Deinde hac conditione non aliud repetitur quam quod datum, indebitum inter usurarium autem non est datum. *Coital. ad d. 16. (p)*

15 * Quantum ad indebitum civiliter tantum, quale est debitum naturale tantum, dicendum conditionem cessare, l. *Naturaliter* 13. l. *Si quid* 64. D. d. t. quia hoc non tam indebitum, quam debitum, ut cesset ratio conditionis, quæ non vult quod alienum est, apud alium manere sine causa; hic autem causa subest, scilicet naturale debitum. Cujus ordinis est debitum ex pacto nudum, ex quo licet jus civile actionem non dederit, ne nimis constringatur oris libertas, verè tamen est debitum, & promissum solvendum: quod pacta servari sit æquum, l. 1. D. *De pactis.* Unde & exceptionem leges dederunt.

17 * Quod non rectè quis traxeris ad debitum ex obligatione antidotali contractum, cum ex honestate quadam potius procedat & affectu naturaliter indito ad remunerandum eos, qui beneficio affecerunt, quam ex æquitatis vinculo: quo modo accipiendus textus in l. *Esti* 25. §. *consultuit* D. *De hered. pet.* dum naturalem vocat hanc obligationem: ut nulla possit esse qualis obligatio danti, qui alias non tam beneficium dedisset, quam in questum misisset, cum, ut ait Seneca 4. *De benef.* c. 14. qui beneficium ut reciperet dedit, non dedit. Videtur Jaf. ad l. §. *nu.* 74. D. *De last. & iure.* (q) * Quod si naturaliter quidem fuerit indebitum, civiliter autem debitum, secundum eos, qui agnoscunt debitum civile tantum, posset videri non impediri repetitio, ex eo, quod non videatur deberi quod contra æquitatem est exactum; veluti si liberatus sit debitor per pactum nudum, de quo inf. *De except.* solverit per ignorantiam, l. *Sinon forte* 26. §. *indebitum* D. *De condict. indeb.* Hinc & tutus exceptione perpetua, si solverit, repetit, l. *Qui exceptionem* 40. D. d. t. Redditur enim per eam inutilis actio, ut quasi non debeatur, l. *Nihil interest* D. *De R. I.* Non sit tamen exceptio inducta in odium creditoris, d. l. 40. Cujusmodi est S. C. Macedoniana concessa filiofam. in odium creditorum, cujus exceptio licet perpetua non

faceret ideo solum quasi non debitum repeti. Ex causa quoque iudicati solum licet vere indebitum, non condicetur, *l. 1. D. De conditt. indeb.* quod pro veritate habeatur res iudicata, & publice interfit, ei salvam esse suam auctoritatem. Idem juris est in soluto ex causa transactionis & iurisiurandi, *l. 2. D. d. r.* cum rei iudicata equiparentur, & temere ab iis non sit recedendum, ne lites sopita reuiscantur. * Ceterum non tendit hac condictio ultra id, quod datum est, ejusve extinctionem, *l. 7. D. d. t.* Usuræ nequiquam petentur, *l. 1. D. d. t.* quod satis sic indemnitas servetur is, qui indebitum solvit. Quod tamen ex re soluta natum recte condicetur, quia iniquum hoc cedere lucro accipientis, in damnum dantis.

§. Item is cui.

Contrahitur etiam non nisi re **COMMODATUM**, cum sit **CONTRACTUS**, **QUO RES GRATIS UTENDA DATUR AD CERTUM USUM VEL TEMPUS, EO FINITO RESTITUENDA IN SPECIE.** Unde patet distingui Commodatum à Mutuo, in quo res in genere reddenda, & transfertur dominium, hic vero usus tantum conceditur. (k) Ut res fungibilis non ponat materiam commodati, cum ejus usus sit in abusu, nisi forte ad pompam aut ostentationem accipiat, *l. 3. in fine D. Commodat.* A Locato distinguitur, quia sit gratis, cum istud desideret mercedem: a Precario, quod ad certum usum fiat, autem non revocabile, precarium autem indefinitum usum habeat, revocabile ad libitum concedentis, *l. 1. D. De precariol.* (l) Materia ejus est res sive mobilis, sive immobilis; sive propria, sive aliena, cum & aliena locari possit. Opera quoque honeste & facta locari solita, *l. Qui operis 38. De cod.*

ACTIO ex hoc contractu duplex est, **DIRECTA ET CONTRARIA.** Directa sive principalis datur commodanti, in eum, cui res commodata, ejusque heredem, *d. l. 3. §. heres.* In tertium possessorum non competit, quod cum eo non sit contractum; tenetur tamen rei vindicatione, uti rem alienam detinens sine consensu domini. Venit autem **IPSA RES IN SPECIE, USU VEL TEMPORE**, ad quod data, **FINITO**; & quidem integra, perempta autem debetur extinctionio. Deterior reddita non videtur reddita nisi quod interest praestet, *d. l. 3. §. 1.* * Quatenus tamen culpa arguitur commodatarii, etiam interdum levissima, si commodatum ejus tantum gratiam concernat, quia quo beneficium est majus, hoc cautius advertendum, ne pro beneficio injuria rependatur. (m) Si utriusque versetur utilitas, quia minus est beneficium, levis tantum culpa praestanda venit: lata tantum, si commodantis solius causa agatur, secundum regulam in *l. 5. §. 2. D. d. t.* quia cum non tam accipiat, quam faciat beneficium, non debet tam arcte teneri, cum, ut recte ait Seneca *6. de benef. cap. 12.* qui sua causa nobis prodest, ei nihil debemus. * Causa fortuitus non praestatur, ut hic habet textus, cum nequeat praevideri, *l. in rebus 18. d. t.* Cui etiam acceptum fertur damnum à tertio datum.

quod & hoc praevideri nequeat, *l. Ad eos. 19. d. t.* nisi culpa aut mora commodatarii argui possit, quae ut ponit causam damni, ita & damnum, ut merito illi imputetur; ut ita convenerit, quia pacta dant legem contractui, *l. Contractus 23. D. De R. I. Venit & culpa praestanda, quando res altinara est data, d. l. 5. §. & si forte, quia altinatio est loco emptionis.*

25 * Queritur autem hic, An commodatario incumbat probare à se culpam abfuisse? Ubi dicendum, in iis, quae plerumque citra culpam contingunt, uti furtum, fuga, probationem purgationis ei incumbere, quia contra eum est praesumptio legis, *l. Si à bona fidei 21. D. De rei vind.* Commodanti verò in iis, quae ordinariè culpam non habent, *d. l. 23. Gomez. 2. Variar. cap. 2. num. 22.*

26 * Contraria actio datur commodatario, contra commodantem, ita dicta, quod non principaliter, sed ex contratio sive adverso detur in eum, cui directa competit, *l. 2. D. De negor. gest.* Ut praestet damnum, si quod rei commodata nomine acceptum, ut quia in eam insumpsit: nisi sint expensae modicae, ususve rei eas postulabat, *d. l. 18. §. possunt*, aut ex ea vitiosa damnum sit passus commodatarius, *d. l. 18. §. pen.* ne potius decipiatur beneficium, quam adjuvetur. Si tamen sciverit commodans rei vitium; ignorantem enim nihil imputandum, *d. §. pen.* aut ante tempus aut finem usus res avocata fuerit. Commodatum enim licet autè sit voluntatis, initium tamen necessitatem imponit, nec permittit temerè commodantem contravenire, rem in tempestivè repetendo: ut merito luat damnum inde commodatario accidens, *l.*

27 In commodato 17. §. 1. D. d. t. * Potest & commodatarius, omiſſa hac actione, retentione sibi consulere super expensis aut damno recepto; nihil obstantè *l. fin. D. Commodati*, quia ea non accipienda de retentione, sed de compensatione, quae non obtinet hac in materia, nisi agatur de re fungibili, *d. l. 18. §. fin.* Neque enim in aliis habet locum compensatio, ut dicetur inferius.

§. Præterea & h.

28 Inter contractus re initos recte ponitur DEPOSITUM, quod demùm re tradita oriatur ejus obligatio. (u) Est enim CONTRACTUS RE INITUS, QUO RES ALTERI GRATIS CUSTODIENDA DATUR, RESTITUTENDA IN SPECIE, & quidem ad labrum deponentis, *l. 1. §. si deposuero D. Deposit.* Ut pactum de restituendo post certum tempus nihil operetur, *d. l. 1. §. pen.* Ut potè impugnans naturam contractus, & depositarius differens reddere dolo faciat. Dicitur, GRATIS; quia sit causa officii, quod mercedem refugit, quae faceret alium contractum iniuri, *d. l. 1. §. si qui ferrum*; licet honorarium admittat, quod venit ex benevolentia, non immutans naturam contractuum gratuitorum. Dico, CUSTODIENDA; quia neque transit dominium, neque usus permittitur, quem sibi adsumens, invito deponente, furti reum se facit, *l. 2. D. h. t. (x)* Unde patet

fit hunc contractum dicitur à Mutuo , Commodato , Precario , Locatio-
ne , quibus velutis conceditur , vel dominium transfertur. Materia ejus
est res sive propria , sive aliena , *l. Bona 31. D. cod. Mobilis tamen , non*
etiam immobilis, cui ratio nominis convenire non videtur, cum non ponatur, *d. l.*
in pr. (y)

* Duplex ex hoc contractu est ACTIO DEPOSITI , DIRECTA ET 29
CONTRARIA. Illa datur deponenti , quod ejus principale sit negotium, con-
tra depositarium, ad restitutionem rei, non etiam ad pretium interemptæ aut de-
terioratæ, nisi quatenus dolus, aut lata culpa ejus arguitur, *l. Quod Nerva 32. D. d.*
h. t. Nam cum tantum concernat gratiam deponentis, non est æquum, deposita-
rium teneri ad levem culpam, secundum paulo antè dicta , nisi vel se deposito ob-
tulerit, quia videtur promittere diligentiam, *c. Bona fides 22. Depos. vel aliter sit*
conventum ; hoc enim servandum est, *d. l. 1. §. scpe*, vel ejus nomine quid rece-
perit depositarius, secundum rationem *l. 5. §. 2. D. Commodati. (z)* Est autem
hæc actio tantum in simplicem, nisi temeraria infusio depositi ex quatuor causis,
scilicet tumultus, incendii, naufragii, rabiæ, faciat in duplum damnum reum, *d. l. 1.*
§. 1. Mora facit usuras venire, *l. 2. C. h. t.* quia est bonæ fidei : nisi eam causa
excuset, ut quia fuisset nolemento reddita res, *c. Ne quis xi. 1. qu. 2.* * Con- 3
traria competit depositario, ad repetendum id, quod nomine depositi abest, sive
impensorum in rem depositam, sive rei vitiosæ, citra distinctionem scientiæ & ig-
norantiæ deponentis, cum æquum sit nemini officium suum esse damnosum, quod
ejus, cum quo contraxit , non etiam sui commodi causâ suscepit : ut justissime
alleget, se non fuisse id damnum passurum, si depositum non suscepisset, *l. Si ser-*
vus 61. D. De furtis. Retentione aut compensatione sibi consulere posse non vi-
detur, *per l. pen. C. Depositi*, non tantum eo casu, quo deposita species venit restituenda,
sed & quo estimario. Cujus ratio est in fidei conservatione: promisit enim de-
positarius restituere depositum ad libitum deponentis , cui contravenit vel reti-
nendo, vel compensando,

* Queritur autem , An liceat depositario restituere rem intempestive ? 31
Quod posset videri , cum liceat deponenti continuo eam repetere. Sed con-
trarium verius est , scilicet non posse in damnum deponentis , nisi justissima
causa substat. Neque enim officium susceptum contra legem depositionis licet
deponere , *l. 5. in fine D. d. t.* Nec facit , quod deponens rem pro libitu re-
petat ; hoc enim est , quia ejus tantum causa agitur , & invito beneficium
non datur. (a)

§. Creditor quoque.

Denique re contrahitur PIGNUS , quod , uti nomen indicat, à Pigno de- 32
sumptum, quod manere tradatur, *l. Utiles 2, 2. §. pignus D. De F. s.* In quo
ab HYPOTHECA distinguitur, quæ tantum fitur nuda conventionione, de qua
accipienda *l. 1. D. De pignori lib.* Scpe tamen hæc nomina confunduntur, (b) Est
autem

antem **CONTRACTUS**, QUO RES TRADITUR CREDITORI IN SECURITATEM DEBITI, EO PERSOLUTO IN SPECIE RESTITUENDA. Unde patet, quantum a Locato, Mutuo, Deposito, Commodato, Precario, distet, in quibus non securitatis alicujus causa res traditur, sed vel dominii, vel usus, vel custodiæ.

- 33 * Duplex ex eo est **ACTIO**, dicta **PIGNORATITIA**, directa scilicet & contraria. Illa datur ei, qui pignus dedit; non tamen ante totius debiti dissolutionem, vel per solutionem, vel per satisfactionem, *l. 1. §. 1. & l. solvitur 5. §. 2. D. Quib. mod. pig. sol.* Nam cum tum demum sine causa pignus sit apud creditorem, actio pignoratitia locum habet, cui ante ne quidem longissimo temporis cuius præscribitur, cum ante non possit dici nata hæc actio, quam debito soluto, *l. Si rem 9. §. omnis D. De pignor. act.* Actioni autem necdum nata præscribi non potest. (2) Datur contra creditorem, non etiam tertium possessorem, cum ex contractu veniat, qui non inius cum tempore, *l. Perenti 23. D. De pignor. act.* Venit enim in eam ipsa res pignori supposita, sive sua, sive aliena, *l. 9. §. pen. D. d. r.* Nam et si aliena non recte pignori detur, eo quod per pignus detur actio in rem: data tamen post solutionem recte repetitur, nec repetenti potest referri questio dominii à creditore, qui ab illo causam habet. (3) * Veniunt & fructus percepti, quia iniquum est, eos cedere lucro creditoris. Nisi ex pacto, quod antichresis dicitur, apud creditorem maneat, quale ius civile permittit, *l. Si uqui §. 1. D. De pignorib.* propter incertum fructuum eventum & pretium, & in vicem legitimarum usurarum, *l. Si u 17. D. De usuris.* Canones improbant, quia contineat licrum ultra sortam, atque ita sapiat usuram, *c. 1. §. D. De usuris.* (4) Venit & id, quod peccatum in rem pignoratam culpa etiam levi creditoris, secundum *l. 5. §. 2. D. Commodati* quia utriusque agitur commodum, & debitoris, ut ei credatur, & creditoris, ut tuto sit creditum, *text. hic.* Cassis dominum sequitur, *l. Quæ ratione D. De pignor. act.* * Contraria actio datur creditori, quæ exigat à debitore quod sibi pignoris nomine abest, vel ratione impensarum factarum in ejus conservationem super quibus & retentione sibi consulat, *l. 8. in pr. d. r.* vel ex eo, quod malitiosè ut veniat in pignore debitor, viciosam scilicet, alienam, alteri obligatam, aut quæ obligari non potuit, pignori supponendo, *l. 1. 2. §. l. Cum debitor 32. d. r.* Ignorantia quoad crimen felonatus excusabit quidem debitorem, non etiam quoad contrarium iudicium, *l. Inter 16. §. 1. d. r.* quod ignorantia debitoris non debeat esse damnosa creditori.
- 34
- 35

ADDITIONES. V. A. D.

Nu. 3. ibi, propter acquis. rer. max. vicinum.) Nam in mutuo per traditionem vere transfertur rei dominium, & vere alienatur res mutuo data. Ut otiosa & captiola sit dispositio, an mutuum sit alienatio, quæ nup. r. r. m. ex familiari orta colloquio inter Claud. Salmasium & Petr. Cumanum

J.C. & Prof. Leidenfem (de quo ipse Salmaf. *prefat. lib. sui De modo usur*, & partes Doctoris sui Cunai amplexus Cypr. Regneri *De inust. quarund. Legum Rom. lib. 1. c. 19*) quæ in longiores deinde contentiones & rixas abiit inter eumdem Salmaf. & alios alibi Iurium Antecessores, *Iac. Vissenbachium*, *Franeckeranum*, *Ioan. Ottonem Tabor*, *Argentinenfem*, *Car. Annib. Fabrotum*, *Aquifexienfem*, quibus postremo subsidiarias operas contulit *Guil. Gocsius. I. C. in summa eò ferè res redit*, ut verbalistantum, non etiam realis pugna videatur.

Ibid. in fine.) Eaque *Mutui* in iure propria significatio est. Aliàs quodcumque ad tempus habemus dici etiam mutuum solet, *Donatus in Andr. Terentij actu 5. Sc. 5. Omne inquit, quod habemus, aut mutuum est, aut proprium. Mutuum est, quicquid ad tempus habemus, nec postmodum nostrum futurum est, ut uxor, domus, villa, servi, & cetera in hunc modum. Proprium, ut virtus animi & bonum sempiternum.* Item mutuum accipitur pro commodato, quod ad certum usum datur, & contrà commodatum pro mutuo. Est enim mutuum quasi commodatum ad abusum, & commodatum quasi mutuum ad usum. Ita *Cujac. 2. Obser. 37. & in parat. D. De reb. cred.*

Nu 4. in fine.) Quantitas igitur opponitur hîc corpori, *l. Planè. 34. §. 3. D. Delegat. 1.* Non quod ea, quæ in quantitate consistunt, non habeant corpora; sunt enim res corporales, quia cerni tangique possunt, *l. 1. §. 1. D. De rer. divis.* sed quod in istis rebus consideretur magis quantitas quàm corpus, quippe quæ non æstimentur corpora, sed quantitate, id est pondere, numero vel mensurâ, quarum rerum ea est natura, ut ex modo quantitatis modum accipiant æstimationis per numerationem, appensionem vel adimensionem. In alijs contractibus, quibus agitur, ut eandem rem, quam dedimus, recipiamus, spectamus corpora, non quantitatem, etiam cum in ijs rebus consistunt, quæ pondere, numero, mensura continentur, quia dantur velut corpora, & eâ lege, ut eadem ipsæ res restituantur. Hac lege interpositâ commodari dicuntur pecuniæ, scilicet ad pompam vel ostentationem, *l. si ego 18. in fine D. De reb. cred. & l. 3. §. ult. cum l. seq. D. Commodati.* Similiter in nummis consistit depositum, ut tamen corpora nummorum eadem reddantur, *l. Lucius 24. D. Deposit.* Itaque in Mutuum deduci solum possunt ex res, quæ pondere, numero vel mensurâ constant; quæ scilicet si pondere, numero, mensurave pares fuerint, etiam qualitate ac bonitate speciei inter se pares sunt, nec aliæ ab alijs differunt. At verò alia corpora, ut equi, boves &c. licet in pari numero aut pondere dentur, ejusdem tamen pretij aut bonitatis non sunt. *Huan. Variar. resolution. lib. 3. p. 1. q. 3.*

Nu. 5. ibi, l. Qui debitorem D. De fideiuss.) Iure itaque communi, & inspe-
ctâ ipsâ rei veritate, non contrahitur mutuum, nisi per traditionem de meo tuum fiat, ut in *d. l. 11. D. De reb. cred.* jure singulari & per fictionem brevis manus potest dici mutua facta pecunia, ut in *d. l. 34. D. Mandati.* Vide *Cujac. 2. Obser. c. 2. & tract. 2. ad African. in d. l. Qui negotia, Donel. add. l. Singulatio*

gularis nu. 25. & seqq. Bronch. cent. 2. assert. 15. & 23. Lyclam. 2. Membr. Ecl. 1. Hunst. Var. res. lib. 3. tract. 3. p. 1. qu. 5. D. Zoef. ad tit. D. De reb. cred. nu. 9. & 11.

Ibid. in fine.) In casu autem, quo pecunia deposita est gratia accipientis, conver-
tenda in mutuum, si domum vel prædium emisset, quia depositum periculo est ejus,
qui suscepit, l. 4. in pr. D. De reb. cred. quaeritur, an & periculum casus fortuiti spe-
ctet ad depositarium. Quod post Joan. veterem Glossat. affirmant Decius, Molin.
& Donellus. ad d. l. 4. negant verò post Azonem Bart. Zas. Vigl. ibid. nu. 12. &
de culpa ac negligentia depositarium teneri adserunt, quibus ad stipulatur Fachin.
2. contr. c. 70. Bronch. cent. 2. assert. 16.

Nu. 6. ibi, d. l. 2. §. appellari) Origine vocis petita à re, quæ in mutuo versatur,
quemadmodum de etymo testamenti dictum sup. De testum ordin. Idque Stoico-
rum exemplo, quos imitati Jurisconsulti nostri. Ab his mutuatus Boetius in Topicis
Tullianis, dum ait, quod mutuum datur, ex meo id fieri accipientis, atque ideo non cogi eam-
dem ipsam pecuniam debitorem creditori restituere, sed aliam tantam. Varro 4. de L. Lat. à
Siculo μῶτον, quod est χάρις & gratia, Mutuum deducit à gratia scilicet mutua &
dantis & accipientis, quæ in mutuo versatur. Conceditur enim pecuniæ usus gra-
tuito, in eoque reddendo, ultra accepti summam, sola debetur grati animi testatio,
id est χάρις sive μῶτον.

Nu. 7. ibi, & fungibiles dicuntur.) Declarat hoc eleganter Oldendorp. Act. fo-
rens. clas. 4. act. 17. item Molin. De commer. & contract. usur. nu. 18. Fachin. 2. contr. c.
49 Bern. Walter. 2. Miscell. c. 11. Arn. Baert. ad l. vinum 21. nu. 4. & 5. D. De reb. cred.

Ibid. ibi, nisi & abutatur.) Quo fit, ut eadem omninò res post consumptionem
reddi non possit Imò qui rem, cujus usus est in abusu, sic utendam daret, ut is, qui
accipit, eam non consumat, hic sanè ludere magis, quàm aliquid rei agere voluisse
videretur, arg. l. Non solum 31. D. De oblig. & act. Ne tamen aliud pro alio solutum
videatur, necesse est, ut res, quæ à debitore restituitur, sit ejusdem naturæ & quali-
tatis cum ea re, quam debitor à creditore accepit, & sic, quamvis non eadem, ta-
men quasi eadem species restitui videatur, idque per quamdam functionem, id est
per representationem Lorient. ad l. 2. §. mutui D. De reb. cred. per l. Certum 6. C. eod. Di-
citur verò in mutuo non easdem res, sed alias ejusdem naturæ & qualitatis redditæ,
quorum prius est substantiale sive de essentia mutui, ut scil. reddantur res ejusdem
naturæ, id est ejusdem generis; nec id pacto mutari potest: posterius naturale sive
de natura mutui, ut eadem bonitate, ne in damno sit creditor, l. 99. De solut. ut pro
vino vetere vetus vinum, pro bono bonum; quod tamen pacto mutari potest.
Vinn. hic, Fachin. 1. contr. c. 69. versic. Sed alia. Sunt, qui per naturam, intelligi ab Imp.
Marc. à Lyclama Comment. ad l. vinum. 21. D. De reb. cred. nu. 20. notatus propterea
à G. Masio nostro tract. De rei debite estimat. p. 4. c. 9.

Nu. 9. ibi, aliud pro alio vid. solutum.) Nam attentâ quantitate & valore impositio, unde pecuniæ substantia, qualitas, & bonitas, æstimanda venit, l. Si is cui 94. §. 1. D. De solut. & l. 1. D. De contrah. empr. unum nummorum omnium est genus. & inter se permiscuè omnes recipiant functionem, ita ut ejusdem generis rem solvere videatur, qui vel argenteos pro aureis, vel contrâ, solvit. At verò sententia contraria vult. ut singula nummorum genera inter se tantum functionem recipiant, quasi non omnes n unimi ejusdem sint bonitatis, aureique argenteis vel æreis præstantiores habeantur, ac proinde negat alios nummos reddi posse, quam quales crediti sunt.

Ibid. in fine.) Prebant eamdem opinionem Bart. ad l. Paulus al. Creditorem 99. D. De solut. Loriot. ad d. l. 2 §. 1. 21. De reb. cred. Hunn. ubi sup qu. 8. Zoef. D. De reb. cred. nu. 22. Hotom. Illust. quest. c. 15. Fachin. 2. contr. c. 5. 50. Pulchrè Seneca. 6. de Benef. c. 5. Reddere inquit, est rem pro re dare Quid nî? cùm omnis solutio non idem reddat, sed tamundem. Nam & pecuniam dicimur reddidisse, quamvis numeravimus pro argenteis aureos, quàmvis non intervenerint nummi &c. Alij hac in re ita statuunt, ut quidem alterius materiæ nummos invito creditori non liceat reddere; liceat verò alterius formæ, alterius iconij, ut vocant, modò ejusdem materiæ existant. Ita Covarr. tract. De veter. numism. collat. c. 7. §. unico, Cujac, ad Nov. 4. Ant. Faber De varijs nummar. debit. solut. c. 3. Priorem sententiam consuetudo atque usus recepit, & tunc obtinet, quando speciali conventionē contrâ cautum non est modò creditor ex ea re damnum passurus non sit, l. Creditorem 99. De solut. Quamvis ex eo, quòd communiter in qualibet moneta solutio fieri consuevit, non consuetudinem argui, sed meram contingentiam facti, vel ut creditores ex mera civilitate, vel ex affectu qualiscumque præsentis solutionis, aliave ex causâ, passi fuerint sibi in qualibet moneta proba & locabili solvi, scribat Molin. tract. De contratt. usur. qu. 92 nu. 708. Eundem usum probat Recessus Imperij an. 1559. ubi creditor majoris summx in solutione non ultra 15. florenos in minuta moneta accipere cogitur. Quod ipsum ex Galliæ quoque moribus notasse alibi Molin. testis est Busf. ad d. l. 2 nu. 6. D. De reb. cred. Quòd si verò circa æstimationem seu valorem imposititium nummorum quàm communiter vocant monetæ bonitatem extrinsecam (Molin. verò tract. De usur. contratt. qu. 92. nu. 969. contendit intrinsecam esse dicendam, quia bonitas hæc sit pecuniæ strictè sumptæ seu monetæ propria, specifica, substantialis, formalis, deque essentia, quæ dat esse rei,) vel circa materiam, id est circa ipsa metalla, aurum, argentum vel æs, eorumque bonitatem vel quantitatem (quam vulgo bonitatem vocant intrinsecam, Molinæo est extrinseca, convenit ferè inter omnes, quòd, pecuniâ mutatâ in bonitate intrinseca, solvi debeat secundum bonitatem, quam habuit tempore contractus, non vero tempore solutionis. Ita Dd. communiter, attestante Covarr. De. Vet. numism. collat. c. 7. §. unico nu. 2. & Car. Molinæo. d. tract. De contratt. usur. qu. 100. nu. 249. ubi dicit plus quàm communem & velut præjudi-

Judicatam opinionem esse omnesque ita sentire, uno Joan. Fabro excepto. Mutatione verò facta non tantum in pondere & materia, verum etiam in valore & pretio publico, solutionem faciendam esse secundum veram estimationem veterum nummorum, ut tales aurei reddantur aut solvantur, quales mutui dati aut tempore contractus fuerunt, vel eorum estimatio. Covarr. d. c. 7. §. *un. nu. 3. similiter ex communi omnium sententia.* Præsertim si debitor constitutus fuerit in mora, & post moram mutetur estimatio seu valor monetae. Covarr. d. §. *un. nu. 4.* Quod etiam concedit Molin. superiori opinioni indistinctè non accedens. Vide Guid. Papæ qu. 494. ubi notat hanc sententiam in judicando observari, ut & Cossal. ad l. *Res in dotem* 42. D. De iure dot. Ant. Fabr. tract. De varijs nummar. debit. solut. c. 4. Bronch. cent. 2. assert. 18. Hunn. Var. res. lib. 3. tract. 3. p. 1. qu. 9. & 10. Iac. Coren. Obser. 17. & 23. Quid porro circa hanc materiam monetariam jure Saxonico obtineat, tradit Schultz. hic, tres casus proponens, ex quibus omnes fere ea de re occurrentes quæstiones decidi possint.

Nu. 10. ibi, de meotuum factum est.) Ex eo autem, quod nomine mutui detur conditio, quæ vocatur certi, l. *Certi conditio* 9. in princ. De reb. cred. sequitur, dari quoque conditiones, quas incerti vocant, Dd. in d. l. 9. pro ut & omnia, quæ in obligationem veniunt, aut certa sunt, aut incerta, l. *ibi autem* 75. D. De V. O. Quæ certa sunt, ea certi conditione petuntur, quæ verò sunt incerta, conditione incerti. Ita ut conditio cum omnibus omnino in personam actionibus concurret, Castren. ad d. l. *Certi conditio*, & ibid. Zaf. nu. 27. Ut si ex empto certum pretium debeatur, tum certi conditione ex empto cum debitore agi poterit. Neque hic admittenda distinctio in conditionem certi generalem, ex quovis contractu competentem, & specialem, quæ competat ex solo contractu mutui, cum in genere una tantum sit certi conditio, unicuique medium concludendi ex mutuo. Vinn. hic nu. 15. Hunn. Var. res. lib. 3. tract. 3. p. 1. qu. 20.

Nu. 11. in fine.) Quod neque ille, qui accepit, velle credendus est, locupletari scilicet cum alterius jactura, neque ille, qui dat, suum jactare, l. *Cum de indebito* 25. in pr. D. De probat. l. *Naturaliter* 13. §. *ult. cum l. seq. D. De condict. indeb. & l. Iure natura* De R. I. Dicendum itaque, ex solutione indebiti respectu accipientis existere quodammodo veram obligationem, verumque contractum, qui re siue rei datione perficitur, eoque accipientem obligari ad restitutionem ejus, quod indebitè accepit: respectu verò dantis & solventis esse quasi contractum, quia solvendo indebitum, id est solvendi animo dans, quod non debet, obligandi animum non habuit. Vel cum Joan. Ramo Comment. De R. I. lib. 3. axiom. 37. si ipsam per se obligationem inspicias, quæ sit re, rectè dici re contrahi, sin vero contrahentium voluntatem, quæ hic nulla subest, rectius referri inter quasi contractus, nata scil. obligatione ex ipso negotio, citra consensum. Vide Donel. 4. Comment. c. 16. & 17. Hunn. Var. res. lib. 3. tract. 3. p. 2. qu. 1. Jac. Maestert. De inst. Leg. Roman. lib. 2. dub. 29. & D. Zoel. ad tit. D. De condict. indeb. in pr.

Nu. 13. ibi, ut non excuset.) Jus enim semper est certum & definitum, unde potest & debet ab omnibus fieri, *l. In omni 2. D. De iur. & facti ignor.* certum, inquam; secundum se & secundum naturam; licet frequenter nos ipsi illud ignoremus, & de jure nostro sumus incerti, ut proinde ignorantia ejus, & incertitudo non excuset. Unde qui ex nudo pacto obligatus est, si credens secum agi posse, & sic in jure errans solvat, non repetit; quia licet civiliter & directa actione conveniri aut cogi non possit, ut solvat, superest tamen adhuc ratio naturalis aut equitas, quæ conditionem impedit, *l. Cum is 32. §. si mulier D. De condict. indeb.* & notat D. Zoef. *inf. nu. 6.* Sic qui putat secum ex testamento minus solemniter agi posse, cum tantum erret in jure, si solvat non repetit. Bart. *ad l. Cum is C. De iur. & facti ignor.* Socin. *conf. 79. nu. 41. & 42. vol. 4.* Quia, sublata causâ solemnium testamenti, remanet tacita defuncti voluntas & causâ naturalis impellens ad solutionem ejus, quod naturaliter debitum. Malecot. *ad l. 4. nu. 11. & ad l. 10. nu. 1. C. De iur. & facti ignor.* Tuld. *Instit. De testam. ordin. c. 12.* Vide Wesenb. *in Parat. ad D. De condict. indeb. nu. 9.* Sichard. *ad rubr. C. eod. & Vital. 2. Var. Lect. c. 22.* qui Accurs. & veterum Dd. sententiam secuti, indebitum, ex errore juris solutum est, condici posse affirmant: negant verò neotericorum plerique, & tantum facti errore solutum repeti posse. Eguin. Baro *ad b. t. §. is quoque Duar. ad tit. D. De condict. indeb. Cajac. §. Obs. c. 39* Donel. *1. Comment. c. 21. & lib. 14. c. 14.* Bronch. *cent. 2. aseri. 35* Fachin. *8. contr. c. 105.* Hunn. *loco sup. cit. qu. 3.* Ampl. D. Corfel. *ad tit. C. De iur. & facti ignor. c. 1. & D. Zoef. ad tit. D. De condict. indeb. nu. 14.*

Ibid. ibi, cum alter, fact. locupletari.) Tale est debitum ejus debitoris, cui factum est à creditore pactum de non petendo, *l. Si unus 27. §. pactus D. De pact.* quia neque civilis neque naturalis ratio dicat solvi oportere. Quod autem hic Interpp. communiter distinguunt plures indebiti species, quod videlicet aliud jure civili sit indebitum & jure naturæ debitum, & contra aliud jure naturæ indebitum, & civili jure debitum, *late Dd. hic, & Zas. ad princ. tit. De condict. indeb.* rem præsentem plus obtenebrat, inquit Ram. *hic in Comment. manifeste.* quam explicat. Nam quicquid ita debetur, ut secundum nostræ civitatis jura vel civilibus vel naturalibus modis à debitore possit extorqueri, id omne in civilis obligationis rationem incidet, & jure civili debetur, & contra, id omne est indebitum, quod jure civili neque civilibus neque naturalibus remediis sinit extorqueri, *l. Si non fortem 26. §. debitum D. De condict. indeb.* Vide notata sup. *ad tit. De obligat. nu. 4.*

Nu. 15. in fine.) Plura D. Zoef. *ad d. tit. De condict. indeb. nu. 12.* Donel. *14. Comment. c. 18. in fine.* Joan. Robert. *1. sent. c. 26. Diff. Duar. ad tit. De condict. indeb. c. 5. vers. Sed queritur.* And. Claudius *De cond. ind. c. 4. nu. 28.* Quorum sententia visa & verior & æquior Hunnio *ubi sup. qu. 6.*

Nu. 17. in fine.) Solutum ex hac causâ tamquam indebitum condici ac

reperi posse post Jason. docet quoque Donel. 17. *Comment. c. 2. ver. f. quæsitum*, & D. Zoef. loco cit. ubi & pleraque alia ad h. r. ab eodem tradita totidem ferè verbis repetuntur: ut quod indebitum ex causa iudicati non condicatur, propter auctoritatem iudiciorum; ex causa transactionis, favore minuendarum litium, nisi evidens calumnia sublit, *l. in summa* C. 5. §. 1. D. *De condict. indeb.* ex causa iurisjurandi, ne quaratur de perjurio &c.

Nu. 19. ibi, (salvam esse auctorit.) Post sententiam enim, ut aliquis sit litium finis, primam debiti originem amplius non spectamus, sed solam iudicati causam; sic ut aliud non supersit, quam sola executio, non etiam cognitio aliqua, *l. pen. D. De execut. rei iud.* D. Malcoci. ad l. 4. C. *De iur. & facti ignor.*

Nu. 21. ibi, usus tantum conceditur.) Quam differentiam notavit quoque Agrætius vetus Grammaticus, his verbis: *Inter Commodatum & Mutuum nomibilibi distat. Commodamus amico pro tempore equum, servum, vestem, hanc ipsam rem, quam dedimus, recepturi. Mutuo damus pecuniam, triticum, vinum, & hisimilia, que mutuo data recipi necesse non est.*

Ibid. ibi, *l. 1. D. De precario*) Unde & in definitione dicitur *ad certum usum vel tempus*. Nam in commodato hæc duo concurrere debent, ut & ad certum tempus res commodetur, & ad usum determinatum, hoc est certo tempore limitatum vel tacite vel expresse. v. g. Si alicui concedam domum ad inhabitandum: hic quidem certus est usus, scilicet inhabitandi; sed deest alterum, quia neque tempus certum expressum est, neque ipse usus, in quem res datur, certum aliquod tempus tacite comprehendit, & proinde precarium hoc casu est, non verò commodatum, *l. Lucius* 32. & ibi Dd. D. *De precario*. Contrà si equum tibi concessero, ut ad mensem eo utaris: hic quidem determinatus usus est, quia certum tempus præfixum habet, verum incertus, quia neque expresse aut specialiter ad equitandum, neque ad arandum, neque ad vehendum equus est concessus; & ob id hoc quoque casu precarium erit, non commodatum. Denique si equum tibi concedam, ut eo in villam proficiscaris, hic & certus est usus, scilicet proficiscendi seu equitandi in villam, & determinatus seu limitatus certo tempore. Inest enim huic conventioni tacite id tempus, intra quod ire ad villam & redire possis, arg. *l. 2. §. si quis ita D. De eo quod certo loco.*

Nu. 22. ibi, ne pro beneficii injuria rependatur.) Imò commodatum plerumque solam utilitatem continet ejus, cui commodatur. ait *Ulp. l. Si ut certo* 5. §. 2. in fine D. *Commod.* & qui rogat; commodatum enim fit roganti. Ut ad omnem culpam teneatur commodatarius, etiam levissimam: quia, ut ibidem subjicit I. C. & custodiam planè diligentem, *d. l. 5. §. 5.* & diligentiam sanè quidem exactam, *text. hic ver.* ut v. (id est diligentissimam & exactissimam) custodiende rei præstare iubetur. Neque necesse est malè tractare hunc locum, & legere exactissimam, pro exacta quæ sana & proba lectio est. Nam dictio sanè & planè intendit augetque significationem, & eam diligentiam exigit, quam diligentissimus patetiam. in rebus suis tuendis ac conservandis præstare solet. Vide Huyn. *Par. ref.*

res lib. 3. tract. 3. p. 3. q. 3. D. Burgund. tract. De peric. & culpa præstati. in contrahib. c. 4. nu. 3. & 4.

Nu. 28. ibi, oriatur ejus oblig.) Dicitur ex eo, quod ponatur. Præpositio enim DE intensiva particula est, & auget depositum, auctore Ulp. l. 1. D. Depositi. Vel quasi *diu possum*, ut voluit Paulus 2. Sent. Nam quod ad breve tempus datur custodiendum, id ait non esse depositum, sed servandum datum.

Ibid. ibi, l. 3. h. t.) In quo convenit deposito cum commodato. Nam & commodatarius furti tenetur, qui re commodatâ aliter fuerit usus, quam debuit, aut in alios usus convertit, d. l. 5. §. quinimò D. Commod. & l. Qui iumenta 40. D. De furt. Et refert A. Gellius 7. Noct. c. 15. ex Labeone I. C. Brutum dicere solitum, furti damnatum esse, qui jumentum aliorum duxerat, quam quo utendum acceperat. Simile est apud Valer. Max. lib. 8. c. 2. quemdam furti damnatum fuisse, quod equo cujus usus illi usque Arisiam commodatus fuerat, ulteriore ejus municipii elivo vectus esset. Hodie verò eo casu non agitur furti, sed tantum ad id quod interest, ut qui jumenta longius duxerit damna perdat, persolvatque petitori.

Ibid. in fine.) Ita Dd. communiter, & sequitur Arum. Exerc. 12. th. 14. Dissidentes nituntur argumento actionis sequestrariæ, quæ competit ex depositione rei immobilis litigiosæ, ut etiam actio depositi ex deposito rei immobilis non litigiosæ competere debeat. Cum & res immobiles fidei ac custodiæ alterius committantur ac commendentur, l. 1. in pr. D. Depos. Vid. Hunn. Var. resol. lib. 3. tract. 3. p. 4. qu. 1.

Nu. 29. ibi, l. 5. §. 2. D. Commod.) Nam generaliter in omnibus contractibus, dum quarimus, quid invicem à contrahentibus sit præstandum, id in primis & ante omnia inspicimus, quid convenerit inter contrahentes, idque inconcussè servandum, l. Contractus 23. De R. I. Vide Mandel. cons. 3. nu. 6. & 7. Legibus municipalibus Mechlin. tit. 2. art. 17. ita hac de re cautum est: Qui alienam rem in suam custodiam suscipit, sive gratis id faciat, sive mercede interveniente, suo periculo suscipit, teneturque ad omne damnum: nisi per vim maiorem, aut casu aliquo, quem vitare non potuerit, res deposita crepta fuerit.

Nu. 31. in fine.) Dicitur supra, eam esse naturam depositi, ut res, quæ deponitur, eadem in specie reddatur, Quid si igitur conveniat ab initio, ut tantumdem restituatur, veluti sit in rebus fungibilibus, & insuper usura præstentur ratione usus? Dicendum est, fore exorbitans hoc genus contrahendi depositi, ejus notissimos egrediensterminos, & solò ferè nomine, non autem re, non naturâ dicitur depositum. l. Lucius 24. cum l. seq. & l. 26. §. 1. cum duab. legib. seqq. D. Depos. Lex tamen contractus servabitur, inquit I. C. d. l. Lucius. Et quod dominium rei in hoc genere depositi transfuratur, videri quoque potest non omnimodò contrarium naturæ depositi, quæ ex fine potissimum contractus æstimanda est; cum id eo fiat, ut res, quæ custodienda datur, tutius adservetur, videaturque idem restitui, cum eadem redditur quantitas. Ita Tim. Faber. Annot. juris c. 7. nu. 4. & 5. item c. 8. 9. & 10. ubi

ubi hanc distinctionem docet necessariam omnino esse pluribus locis illustrandis, & conciliandis legibus in speciem pugnantibus Adde Cujac. ad l. Lucius 24. & ad l. seq. D. Depos. quæ sunt ex lib. 9. Quæst. & 3. Respons. Papiniani respectivè, Hunn. Var. res. lib. 3. tit. 3. p. 4. q. 4.

Species quoque depositi est, quod sequestrum sive sequestratio dicitur, cum res aliquid a duobus pluribusve de ea ipsa re inter se litigantibus deponitur per nos sequestrum, id est apud tertiam personam, cujus fidem eligunt, & quasi apud mediani litis manum ut loquitur Fab Quintil. (quem propterea ^{positum} vocat D. Paulus Apost. & non nemo Sequestrum dici putat à Secando, quasi eos, inter quos lis est. velut medius fecerit ac dirimat. Jac. Curt. Connest. ad frat. lib. 1. c. 5.) certâ conditione, in eventum scilicet litis, custodienda reddendaque, l. Sequester 110. D. De v. s. l. Et apud quem 5. §. 1. cum l. seq. & l. licet deponere 17. D. Depos. Bul. 6. Sumul. iur. c. 11. Finitâ ergo lite victor actione depositi experitur adversus sequestrum velut depositarium rei litigiosæ, que vocatur actio depositi sequestralis sive sequestraria, l. Si in ass. 12. §. 2. D. eod. Ceterum non nisi improprie vocatur sequester is, qui custos est pignoris, qui certaminis, sive sponsione de re aliqua contendentibus, medius intervenit, apud quem cujuscunque certaminis futuri pignora sequuntur. Ita fere Lutatius Statii Interpres in 7. Thebaid. Daturque adversus talem non depositi actio sequestraria, sed præscriptis verbis, l. Si gratuitam 17. §. ult. D. De præscript. verbis.

Nu. 32. ibi, hæc nomina confund.) Planè pignoris hic specificum nomen est, & contractum significat, qui re initur, vel etiam denotat ipsam rem, quæ tenetur nexu pignoris. Alias nomen est generis, & significat rem quamlibet in securitatem debiti obligatam, non solum solâ traditione, sed & nudâ conventionione, l. 1. in pr. D. De pign. act. diversumque est pignus sic in genere sumptum a contractu pignoratitio, qui efficiens est causa pignoris ac juris, quod creditor consequitur. Reinh. Bachov. tract. De pignorib. & hypoth. lib. 1. c. 2.

Nu. 33. ibi, præscribi non potest.) Ita Bulgarus in Dial. quem de præscriptio ne scripsit, eumque secuti Martinus vetus Glossator, cum pluribus aliis, quos recitat Gabriel. Com. conclus. lib. 5. De præscript. concl. 7. & ex neotericis Cujac. ad l. Pignori 13. D. De usucap. Borcholt. de usuris. c. 6. nu. 12. & seq. Zoel. ad tit. D. De pign. act. nu. 3. & seq. pleniusque ad tit. Decr. De usur. nu. 41. Contrariæ sententia auctores, juri scilicet luendi pignoris spatium longissimi temporis, id est 30. vel ad summum 40. annorum præscribi posse, non pauciores recentetide n Gabriel. d. concl. 7. Quibus alii deinde accessere, Covarr. 1. Var. res. c. 9. nu. 2. Wesenb. cons. 2. nu. 24. Bachov. ad Terrut. disp. 1. thes. jur. lit. II. vol. 2. & disp. 22. th. 3. lit. 1.

Ibid. in fine) Illud conversi juris est, An re alienâ pignori obligatâ, cuius deinde dominium acquisierit debitor, vel contra, si ipse dominus rei pignoris a debitoris hæres existerit, convalescat pignus. Et convalescere verius est,

est, non quidem directè, sed utiliter, æquitate suadente, cum qui in jus dominium-
ve alterius succedit, ejus jure uti debeat, *l. 1. 17. De R.I.* Darique actionem hypo-
thecariam, non directam & ordinariam, sed utilem atque extraordinariam, mo-
dò creditor ignoraverit rem sibi alienam pignoratam, *l. Rem. alienam 41. D. De pi-
gnorat. act. & l. 5. C. Si aliena res pig. data sit.* Ubi quoad posteriorem partem ma-
ior controversia est, ob apparentem antinomialam inter *d. l. 41. & l. Si Titio 22. D. De
pignorib.* quas varii variè conciliare studuerunt. Aliter enim *Glof. & Dd. commu-
niter*, eosque secuti *Connan. 4. Comment. c. 13. Donel. tract. de Pignorib. c. 7.* aliter
*Fulgos. ad d. l. Rem. alienam 41. aliter Alciat. 7. Parer. c. 14. aliter D. Gabr. Mudæus
De pignorib. & hypoth. ad l. 1. nu. 15. 16. & 17. aliter Lud. Charondas 1. Verisimil. c. 20.
aliter Herm. Vultejus Discept. schol. c. 17.* Alii denique fateri malunt subesse antino-
miam, quæ temporum tantum distinctione concilietur. *Duar. 2. Diss. anniver. c. 4.
Cujac. 19. Obsc. 26.*

Nu. 34. ibi, c. 1. & De usur.) Qua de re plura *D. Zoef. ad tit. D. De usur. nu. 12.
& seqq. & eod. tit. in Decretal. nu. 10. Canis. inc. Ad nostram 7. iureiur. & Comment. De
usur. c. 6.* Duo casus excipiuntur, alter in *c. Salubriter De usur.* alter in *c. Conque-
stus eod. & c. 1. De fend.* quibus fructus rei pignoratæ etiam ultra sortem licitè per-
cipiuntur, de quibus latè *Covarr. 3. Var. res. c. 1. num. 3. & 4.* Planè excessus ultra le-
gitimum utilitarum modum jure civili licitus habetur, in antichresi utique ex-
pressa, non tamen tacita. *Cujac. 3. Obsc. 35. & lib. 8. c. 17. Bronch. cent. 2. assert. 71.
Ant. Faber Decade 9. Err. 5. 6. & 7.*

DE VERBORUM OBLIGATIONIBVS.

TITULUS XVI.

Verbis obligatio contrahitur ex interrogatione & responsione, cum quid
dari fieri ve nobis stipulamur: ex qua duæ proficiuntur actiones, tam con-
dictio certi, si sit certa stipulatio, quam ex stipulatu, si incerta sit. Quæ hoc
nomine inde igitur, quòd Stipulùm apud veteres firmum appellabatur, fortè a Sti-
pitate descendens,

1. In hac re olim talia verba tradita fuerunt, *spondes? spondeo Promittis? pro-
mitto Fide promittis? fide promitto. Fide jubes? fide jubeo. Dabis? dabo Facies? Faciam.*
Utrum autem Latinâ, an Græcâ, vel qualibet aliâ linguâ stipulatio concipiatur,
nihil interest: scilicet si uterque stipulantium intellectum ejus linguæ habeat. Nec
necesse est eadem linguâ utrumque uti, sed sufficit congruenter ad interrogata
respondere. Quin etiam duo Græci Latinâ linguâ obligationem contrahere pos-
sunt. Sed hæc solemnia verba olim quidem in usu fuerunt: postea autem Leoni-
na Constitutio lata est, quæ solemnita e verborum sublata, sensum & consonan-
tem intellectum ab utraque parte solum desiderat, quibuscumque tandem verbis
expressum est.

2. Omnis stipulatio aut purè, aut sub conditione fit. Purè, veluti, *Quinque aureos dare spondes?* Idque confestim peti potest. In diem, cum adjecto die, quo pecunia solvatur, stipulatio fit: veluti, *Decem aureos primis Calendis Martiis dare spondes?* Id autem, quod in diem stipulamur, statim quidem debetur, sed peti prius, quam dies venerit non potest. At ne eo quidem ipso die, in quem stipulatio facta est, peti potest; quia totus is dies arbitrio solventis tribui debet. Neque enim certum est, eo die, in quem promissum est, datum non esse, priusquam is præterierit.

3. At si ita stipuleris, *Decem aureos annuos quoad vivam, dare spondes?* & purè facta obligatio intelligitur, & perpetuatur: quia ad tempus non potest deberi; sed hæres petendo pacti exceptione submovebitur.

4. Sub conditione stipulatio fit, cum in aliquem casum differtur obligatio: ut, si aliquid factum fuerit, vel non fuerit, committatur stipulatio: veluti, *Si Titius Consul fuerit factus, quinque aureos dare spondes?* Si quis ita stipuletur, *Si in Capitolium non ascendero, dare spondes?* perinde erit, ac si stipulatus esset, cum moreretur, tibi dari. Ex conditionali stipulatione tantum spes est debitum iri: eamque ipsam spem in hæredem transmittimus, si prius, quam conditio extet, mors nobis contigerit.

5. Loca etiam inseri stipulationi solent: veluti, *Carthagini dare spondes?* Quæ stipulatio licet purè fieri videatur, tamen re ipsa habet tempus adjectum, quo promissor utatur ad pecuniam Carthagini dandam. Et ideo si quis Romæ ita stipuletur, *Hodie Carthagini dare spondes?* inutilis erit stipulatio, cum impossibilis sit re promissio.

6. Conditiones, quæ ad præsens vel præteritum tempus referuntur, aut statim infirmant obligationem, aut omnino non differunt: veluti, *Si Titius Consul fuit, vel, si Mavius vivit, dare spondes?* Nam si ea ita non sunt, nihil valet stipulatio: sin autem ita se habent, statim valet. Quæ enim per rerum naturam sunt certa, non morantur obligationem, licet apud nos incerta sint.

7. Non solum res in stipulatum deduci possunt sed etiam facta: ut si stipulemur aliquid fieri, vel non fieri. Et in huiusmodi stipulationibus optimum erit pœnam subicere, ne quantitas stipulationis in incerto sit, ac necesse sit actori probare, quod ejus intersit. Itaque si quis, ut fiat aliquid, stipuletur, ita adjici pœna debet: *Si ita factum non erit, tunc pœna nomine decem aureos dare spondes?* Sed si quædam fieri quædam non fieri, unâ eademq; conceptione stipuletur quis, clausula huiusmodi erit adijcienda: *Si adversus ea factum erit, sive quid ita factum non fuerit, tunc pœna nomine decem aureos dare spondes?*

COMMENTARIUS.

SUMMARIA.

1. Verbis olim non uno modo contrahebatur.
2. Stipulatio unde dicta.
3. Stipulatio quid, qualiter fiat, inter quos, & à quibus.
4. Effectus stipulationis, producere obligationem & actionem.
5. Olim non nisi certis verbis, hodie quibuscumque idoneis ad eam rem celebrari solita.
6. Origo contractus hujus à jure civili.
7. Contrahitur & purè, & in diem, vel sub conditione.
8. Differentia inter hos modos: & quando cedere ac venire dies dicatur.
9. Stipulatio hac, Decem aureos annuos dare spondes? est pura & perpetua.
10. Non etiam legatum annuum.
11. Stipulatio conditionalis transit ad heredem, non autem legata conditionalia.
12. Conditione impossibili adjecta vitatur contractus, non verò legatum, remissivè.
13. Conditiō negativè concepta quid operetur.
14. Ratione adiecti loci obligatio censetur habere tacitè adiectum diem.
15. Conditiones in quem casum & tempus concipiuntur.
16. Promissor facti an possit cogi præcise præstare factum.

Obligationibus, quæ re contrahuntur, subjunguntur et, in quibus verba constituunt formam, unde & verbis contrahi dicuntur, & nomine STIPULATIONIS veniunt, quæ unica est hodie earum species. Olim pluribus modis contrahebantur, ut dictione dotis, jurejurando liberti, quo se munus, donum, operas patrono daturum pollicebatur, qui hodie non sunt in usu. Caput 2. Instit. in fine. Alciat. 8. Parer. c. 2. * Etymon nominis est à stipulo deductum, quod erat veteribus firmum: alii à stipando deducunt, id est adstringendo, quod per eam firmitas obligationum constringatur, ut ait Paulus 5. Sent. tit. 7. in eo enim consistit finis inductæ stipulationis, ut, si negotium non præcellerit, ea non teneat, l. 2. §. circa D. De dot. except. * Constat stipulatio ex interrogatione, & responsione ut sit VERBORUM CONCEPTIO QUÆ QUIS DATURUM SE AUT FACTURUM QUOD ROGATUS EST PROMITTIT, text. hic & l. 5. §. 1. D. eod. Ut non nisi inter præsertes possit hic contractus celebrari, quia inter eos tantum est verborum usus, l. 1. in pr. D. eod. Hinc & per mutum & surdum non celebratur: nam ille non loquitur, hic non exaudit; intelligi enim quod agitur debet. Ubi nihil faciet, quod verba formam constituent, nam & consensus est necessarius, cum nuda vox nihil agat. * Effectus est, obligationem ponere, & ex ea actionem, quæ dicitur conditio, pro materia subjecta, vel certi, quando certum est id, quod in stipulatione deductum, veluti Decem aureos, Hominem Stichum dare spondes? vel incerti,

certi, cum incertum est, quid, quale, quantum, debeatur, ut quando fructus futuros quis sibi stipulatus est, aut aliquid sibi fieri. Facta enim sunt incerta.

§. In hac re.

- 7 **S**tipulatio olim certis & solemnibus verbis perficienda erat, civilibus scilicet & legitimis, quorum in legibus & apud Jurisconsultos usus: qualia sunt, SPONDES ? SPONDEO : DABIS ? DABO : ut alio modo contrahi stipulatio non potuerit. Sed postea à prisco illo more recessum, & per Leoninam Constitutionem in *l. Omnes* 10. *C. De contrah. & commit. stipul.* quibuscumque verbis consensum indicantibus stipulationem contrahi posse permissum. Adeo ut & inter eos teneat, qui diversi sunt idiomatis, quatenus tamen alter alterius idiomatis est gnarus, aut per interpretem habetur verborum significatio, *d. l. 1. in fine*, cum adsint verba & intellectus necessaria ad hanc obligationem.
- 6 *Hinc patet, hujus contractus originem juri civili deberi, non obstante, quod omni lingua hodie fiat; hoc enim propter commercia ita placuit. Uti nec obstat, quod consensum requirat, quia in eo non consistit forma hujus contractus, sed in verbis: ut annuens interroganti ne quidem naturaliter teneri dicatur in *d. l. 1. §. si quis ita*, propter deficientem animum contrahentium, qui fuit stipulandi, non autem paciscendi. Hinc etiam scripto non contrahitur obligatio.

§. Omnis stipulatio.

- 7 **N**on tantum PURE, id est sine die aut conditione, uti, *Dabis ? dabo :* sed & IN DIEM, ET SUB CONDITIONE contrahitur hæc obligatio. Dicitur IN DIEM CONTRAHI, siue ad diem contrahatur, siue ex die. *Ad diem contrahi* est utque ad certam diem contrahi; ita ut eo obligatio finiatur, quod non est receptum de jure, ut mox dicetur. *Ex die*, ut eo incipiat obligatio habere effectum, & agi ex ea possit, qualiter rectè initur. *Sub conditione* contrahitur, quando in aliquem casum differtur, ante quem non ponitur, veluti,
- 3 *Sinavis ex Asia venerit, decem dabo.* *Est autem inter hos modos differentia: nam pura stipulatio facit continuè & cedere & venisse diem, id est continuè deberi & peti posse. Cedere enim dies dicitur, quando nascitur obligatio, id est cum res deberi incipit: venire autem, quando nascitur actio, id est res cum effectu peti potest, *l. Cedere* 213. *D. De V. S.* Stipulatio in diem facit quidem continuè diem cedere, id est promissum deberi; non tamen statim venisse, id est peti posse, sed tum demum, ubi dies effluxerit, & quidem totus, *text. hic.* Ad eectus enim in favorem rei, qui non potest videri non solvisse, donec aliquid diei superest, *l. Quidquid* 99. *D. h. t.* Condicio subjecta facit nec venisse nec cessasse diem, id est nec peti promissum posse, nec deberi ante eventum

conditionis. Unde rectè dicitur infra conditionalis stipulatio tantum ponere spem
obligationis, non etiam ipsam obligationem. * Ait autem hic imp. stipulati nem
hanc, DECEM AUREOS ANNUOS, QUOAD VITAM DARE SPONDES?
ET PURE FACTAM intelligi, & PERPETUARI. Cum non obstat, quod pau-
lò ante dictum, ad diem obligationem non contrahi: nam hec intelligendum, ut
die adveniente extinguatur, cum tempus aut dies non sit modus extinguenda ob-
ligationis, l. Obligationum 44. §. 1. D. De oblig. & act. lon. Unde hic rectè perpetuari
talis obligatio dicitur, nec vitari per adiectum diem, ne utile per inutile vitetur;
hæredem tamen petentem exceptione vel doli mali vel pacti submoveri posse. * 10
Aliud est in legato annuo, quod non est perpetuum, sed morte legatarii finitur, l. 4.
& l. 8. D. De annuis legat. Ratio diversitatis est, quòd legata annua personæ relin-
quantur, alimentorum, disciplinæ & vestiarii, & similium causa, ut legatario con-
suletur, quibus ideo subest conditio, si vivat, atque ideo morte finiuntur, d. l. 4. In
stipulatione verò annua non spectatur persona stipulatoris, ut promissor ei con-
sulet, sed potius, ut sibi consulat divisis pensionibus.

§. Sub condicione.

Spem tantum ex condicionali stipulatione dari quare hic dicatur, patet ex su- 11
perioribus, quam tamen ad hæredem transire habet text. hic & in l. Veteres C. De
contrah. stipulat. Quæ in re iterum differunt stipulationes à legatis, quæ conditiona-
lia ad hæredem non transeunt, legatario autem testatorem moriente, l. 4. D. Quando
dies legat. ced. utpote cum testator personam spectaverit legatarii, non etiam hære-
dis ejus, ut necesse sit, legatari die cedente, super sit legatarius, l. 1. §. pen. D. De condit.
& demonst. Stipulando verò non tantum nobis, sed & hæredibus nostris provide- 12
mus, quod & in aliis obtinet contractibus. * Est & illa differentia, quòd contractus
non admittant conditionem nisi honestam & possibilem, alias vitentur: quod con- 13
trà se habet in legatis, uti dictum sup. De hæred. inst. §. impossibilis. * Et quòd conditio
negative concepta in legatis faciat ea continuo præstari, non expectatà morte, ne
contingat legatum esse inutile legatario, sub cautione tamen Muriana de reddendo
relictum, si contrà, quàm testator voluit, sit factum, l. 4. D. De condit. inst. Contra-
ctibus verò adjecta faciat præstationem differri in mortem stipulatoris, quasi esset
stipulatus sibi dari, cum morietur, l. Instipulatus 115. §. 1. D. h. t. & text. hic vers. si
quis ita. Ratio est, quòd contractus strictè interpretemur, ut non exprellum pro o-
missio habeatur, l. Quidquid, 9. D. h. t. & ibid. Zas.

§. Locatum.

- 14 **I**nterdum expresse in diem obligatio contrahitur, interdum tacite, ratione adjecti loci, in quo solutio facienda: veluti si Romæ existens Carthagine dare spondeat; inest enim tacite tempus, quo Carthaginem venire possit promissor, *l. Interdum 73. D. h. t.* Ut autè peti nequeat, quàm eò pervenerit, aut pervenire potuerit, *l. Idem 60. D. h. t.* alibi autem peti nequeat, nisi factâ mentione, ubi dare conventum, quæ est materia Tit. Digest. *De eo quod certo loco & §. plus autem inf. De action.* Nisi tamen quid impossibile sublit: nam si Romæ existens stipuletur hodie sibi dari Carthagine, inutilis erit stipulatio, *text. hic*, propter impossibilitatem, quam stipulationes vitare modò dictum.

§. Conditionis.

- 15 **C**onditionis natura est SUSPENDERE OBLIGATIONEM IN SUI EVENTUM. Quo modo non procedit, Primò in ea, quæ concepta in casum præsentem, vel præteritum, *text. hic*, eo quòd talis vel continuò obligationem ponat, vel infirmet, quia cum per rerum naturam sit certa, non moratur obligationem, etsi apud nos sit incerta, quod non inspicitur: veluti si quis dixerit, *Decem dabo*, & *si Rex Parthorum vivit*. Nam si vivit, promissio est valida, aliàs nulla. Secundò in ea, quæ est necessaria, quæ cum non possit non evenire, veluti *si Sol cras oriatur*, *decem dabo*, continuò ponit obligationem, *l. Si pupillus 9. §. 1. D. Denovat.* Cujus ordinis est conditio impossibilis negativè concepta, veluti *si in cælum non ascenderis*: nam & ex ea præsentem poni obligationem responsum in *l. 7. D. h. t.* Nam cum talis conditio sit præsens, & determinata in sua causâ naturali, ut impossibile sit oppositum esse, censetur impleri, ut continuò ponatur obligatio: nisi tamquam præfinitio temporis, non ut conditio sit adjecta: tunc enim in diem differretur executio, *l. Haeres meus 7. D. De test. & de monst.* Ut sola in futurum casum contingentem, qui potest evenire & non evenire, concepta conditio, suspendat actum, extrinsecus scilicet adjectam, cum ex ipso actus est intrinsecus, non facit eam conditionalem, *l. Conditiones 99. D. d. t.*

§. Non solum.

- 16 **P**onunt & FACTA materiam stipulationis. Ubi disputatum, An promissor præcisè teneatur eo modo facere, quo tenetur præcisè dare, *l. Vbi autem 35. in fine D. h. t.* Et plerique videntur adserere, liberari promissorem præstando id quod interest; ex ratione, quòd ad factum quis præcisè cogi nequeat. Adducunt in hanc partem textum in *l. Stipulationes 72. D. cod.* ubi si factum non erit, pecunia dicitur dari: quam opinionem multis defendit Donel. *add. l. 72.*

DE VERBORUM SIGNIFICATIONE.
§. 72. nu. 27. & seqq. (h) Obstat tamen, quod aliud pro alio invito credi-
tori obtrudi non possit non magis in faciendo, quam in dando: cum non de-
tor sufficiens differentia ratio, nec possit quis se liberare suo facto, citra for-
tutionem ejus, quod debet, & constituere aliam obligationem; quod est ab-
surdum. Ut verius videatur, per oblationem ejus quod interest promissorem
minimè liberari, si invitus sit creditor. (i) Quæ opinio fuit Martini, quem
sequitur Coras. 2. Miscel. cap. 3. Non obstat textus allegatus, & similes;
quia accipiendi in casu, quo implementum facti est impossibile. quo modo lo-
quitur l. si quis ab alio 13. in fine D. De re judic. vel propter morem commissam
creditor elegerit interesse, aut pœnam adjectam: quæ recte subicitur stipulatio-
ni facti, ne ejus quantitas sit in incerto. non tamen secundum eorum senten-
tiam, qui volunt dando interesse liberari promissorem, sed & eorum, qui
volunt pœnisè teneri ad factum, si opus amplius fieri nequeat: tunc enim ob-
ligatio ad interesse succedit, in cuius vice nō stipulatio pœnam contrahendus est, eo
quod alias ejus quod interest sic dactilis probatio. (j) l. si stipulatio pro §. alteri De V.
O. & ibi Castren. & Jason.

ADDITIONES V. A. D.

Nur 2. in fine.) Cui convenit originatione Græca, à verbo *σῶω*, quia scilicet adstringit, unde *σπουδαῖν* & *σπουδᾶν*, id est firmum & solidum, & Latinum indem-
tuatum *Stipulum*, *Stipulum*. Atque L. Paver. c. 39. Salmaf. de l. sur. c. 6. non longe à
Princ. Sunt qui à Stipe, hoc est eis seu pecunia, derivant, & *Stipem* à Stipando, Var-
ro lib. 4. De L. Lat. & probat Corat. 1. Miscel. c. 25. Ildorus verò Origin. lib. 5. ex quo
auctore nescio, à Stipula, his verbis: *Stipulatio à Stipula. Veteres enim quando sibi ali-*
quid promittebant, stipulam tenentes frangebant, quam iterum jungentes sponsiones suas a-
gnoscebant. Et Pauli locum citans, Dicta est, inquit, *Stipulatio*, quod *stipulum*, juxta Pau-
lum *juridicum* cum *firmum* appellare, idque accommodatius huic loco. Ratio verò in-
ductæ stipulationis est, quia cum ex nudo pacto jure civili non daretur obligatio
vel actio efficax ad petendum in judicio, l. *iuris gentium* 7. §. 4. D. De pact. l. *Bone fidei*
13. C. eod. l. l. Paul. 2. Sent. tit. 14. in pr. eoque contingeret facile quempiam quid levi-
ter promittendo captari, (unde lepide Plautus in Aulularia:

Scio, quo vos pacto soleatis perplexarier.

Pactum non pactum est, non pactum pactum est, quod vobis lubet.

Et Seneca 5. de Benef. c. 21. Multa legem non habent, nec actionem, ad qua consuetudo vite humana lege omni valentior dat aditum. Quae lex ad id praestandum nos, quod alicui promissimus, alligat? Querar tamen & fidem datam, nec servatam indignabor:) ideo actu quodam ad obligationem comparandam interposito, ut loquitur Paulus 1. C. l. 2. in fine D. De reb. cred. id est stipulatione opus fuit, unde praesumeret lex non nisi consulto & serio promissum esse. Hoc enim agitur

tur in stipulationibus, ut quis cautior sit, & securior; interposita stipulatione, l. 1 §. 4. D. *de stipulat. prator.* Nullusque est contractus, nulla obligatio, inò neque simplex aut nuda aliqua pactio, cui non possit adhiberi & subijci hoc vinculum stipulationis. Et ita quidem, ut ubi duplex inde obligatio existit, duplex quoque sit actio, altera ex priori obligatione, altera ex stipulatu, ac liberum creditori quæ velit experiri: ut verò, ubi stipulatio subijcitur nudæ pactioni, & obligationi naturali tantum, eam formet, & actionem det, licet alias ex pacto nudo per se agi non possit. Ex quibus patet, multiplicem esse stipulationis usum, per omnes omnino universi juris partes diffusum, non tantum dum pactiones per se nudas, ut dixi, & ad agendum inefficaces reddit efficaces, l. *Si pacto* 14. C. *de pact.* sed & dum bonæ fidei contractus, in quibus ex arbitrio iudicis pleraque pendent, §. *in bona inf.* *De action.* ita stringit, ut iudex pro arbitrio suo statuere non possit, sed decernere cogatur juxta id, quod nominatim stipulatione cautum est: dum contractus innominatos facit irrevocabiles, à quibus alioquin impune resilire liceret, quamdiu is, qui agere vult, pro sua parte nondum implevit, l. 1. D. *De rer. permut.* l. *Cum precib.* & l. *Ex placito* C. *eod.* dum actiones prætorias, anno ferè conclusas, reddit perpetuas, l. *in honoratis* D. *De oblig. & act.* dum actiones præscriptione alioqui perituras in vitam quali novam revocat, l. *Cum acursimi* §. *sed & si quis* C. *De præscript.* 30. vel 40. annor. Pluresque alios effectus, & ferè propter majorem cautionem, stipulatio interposita operatur. Quin & Cicero 2. *de Legib.* indicat inter hæredes ac legatarios intervenisse plerumque stipulationem, *his, cui legatum est, inquit, id ipsum, quod legatum est, ut ea pecunia ex stipulatione dabeatur.*

Nu. 5. ibi, non potuerit.) Extat quoque formula stipulationis apud Comicos Plautus in Pseudolo:

Roga me viginti minas.

Vt me effecturum tibi, quod promissi, scias,

Roga C. Obsecro hercle P. Gestio promittere.

C. Dabisne argenti mihi hodie viginti minas? P. Dabo.

Ex quo Plauti loco colligit D. Hopper. *ad h. r.* priusquam ad ipsas stipulationes veniretur, præmitti sere solere pactiones quasdam, quas *præfationes* appellat l. C. *in l. Titia* 1. 34 §. 1. *De F. O.* quibus convenit inter reos, quæ formâ rogare debet stipulator. Præterea ex eodem loco, aliisque aliorum auctorum, docet, solennitatem omnem stipulationis in eo positam fuisse, ut in testationem & acta referretur, idque vel advocatis testibus, vel connectis scripturis, vel datis arris, vel coram populo, vel ad acta coram tabellione, secundum quod nos hodie utimur.

Quæritur, an hæc quoque formâ impersonaliter concepta, *Dabis? dabitur, vel dabuntur* contrahatur stipulatio? Quod probabilius, cum verba hujusmodi innuant satis serium & deliberatum promittentis animum Ita Alciat. 2. *Parer* c. 18. Cujac. & Donel. *ad l. 5. D. De F. O.* Goed. *de contrab. stipul.* c. 4. *concl.* 3. Hum. *Var. res. lib.* 30. *tract.* 4. *qu.* 12. Bronch. *cent.* 4. *assert.* 4 & probant similiter Plauti loco:

Nullum periculum est, quod sciam, stipularier. Ut concepit verba,

Viginti minas dabis? Dabuntur.

Sic & si quis interrogatus, Dabis? responderit, quidni? consistet obligatio, l. 1. §. 1. De V.O. quia attenditur formula solius interrogantis, secundum quam venit interpretanda formula respondentis, quibuscumque verbis concepta. Et hac formula ratione contractus hic nomen suum potius à stipulatore, quam à respondente accepit.

Ibid. in fine.) Porro Romani olim in stipulationibus, utpote juris civilis invento, ut & in decretis judicialibus interponendis, non nisi Romanâ & Latinâ lingua usi. Decreta 48. D. De re iudic. Hinc legatum Græcè scriptum non valuit, licet Græcè scriptum fidei commissum valeret, Vlp. tit. XXV. De fideicom. quòd legatum esset juris civilis, fidei commissum verò magis juris gentium, §. 1. sup. De fideicom. hered. Deque Tiberio Casare legimus, verbum unum Græcum in quodam decreto patrum repertum induci iussisse, quod indignum judicaret maiestate Pop. Romani, gentium à se devictarum linguam usurpare. Sueton. in Vita c. 71. Postea usu & moribus hominum ab istis scrupulosis angustiis verborum recessum est, l. An mutilis 8. in fine D. De acceptil. Quamvis hodieque illud quoque plerisque locis usitatum videamus, ut in tribunalibus jus dicatur & administretur non alio ferè idiomate, quàm quo Provincia aut Regnum utitur. Planè formam solemnem stipulationum consistentem in verbis, adeoque & ipsas stipulationes, seu verborum obligationes, moribus hodiernis nullas ferè apud nos esse, jam prius observatum est, cum quilibet ex promissione sua ac simplici conventionem alijs observatum est, cum quilibet ex promissione sua ac simplici conventionem, seriò pacta & conclusa, de re licita nec prohibita, teneatur, etiam nullâ precedente interrogatione; ac proinde non major vis illis tribui debeat, quàm præcedente interrogatione; ac proinde non major vis illis tribui debeat, quàm cuivis nudæ pactioni, quæ per se hodie modò eam factam esse vel per scripturam, publicam aut privatam, vel per testes, aliterve liqueat) efficax est ad producendam actionem. Esseque inauditum in praxi discrimen stipulationis & pacti nudi, quoad vim & effectum obligandi, nec cadere in sensum vulgi, notant Molin. ad rubr. tit. De verb. oblig. nu. 42. & 45. & ex eo, ut apparet, Bucherel. hic, Heig. ibid. ad rubr. nu. 8. Hugo Grot. De iure belli ac pac. lib. 2. c. 11. nu. 1. D. Gudelin. 3. De iure noviss. c. 5. Ubi etiam notat, non esse stipulationes, quarum formulis Notarii uti solent, cum illorum tantum sit, obligationis instrumentum conficere, non etiam formare aut firmare obligationem. Ut neque manuum injectiones fieri ultro citroque à contrahentibus solitæ, in signum contractæ obligationis, majorisve fidei gratiâ, quippe quæ de substantia non sint, & abesse vel adesse possint. Schultz. hic tit. A. Planè verborum istæ formulæ ac tendicula etiam jam olim Seneca ævo vim suam amittere cœperunt. Vrinam, inquit ille 3. De benef. c. 15. nulla stipulatio emptorem venditori obligaret: nec pacta conventaque impressis signis custodirentur. Fides potius illa servaret & æquum colens animus. Locuse legans in eam rem est apud Joan. Episc. Salisberien. Scriptorem antiquum, Polycrat. seu de Nugis Cu-

rial l. III. c. XI. cuius hæc verba : Nuda promissio apud iuris, ut dicitur, peritos non periat actionem: promissor omnis apud veritatem, ut dici solet, pollicem fixit, & iure civili cessante, fidei naturaliter obligatur. Sed quis actor duriusaget, quam fides, si ipsa cæperit accusare? Si agit conscientia, quis absolveret? Si verò ipsa iustificat, quis condemnet? Et paucis interjectis: Quisquis ergo promittit, debitor est, & veritatis vigente sententiâ spon- sionis compellitur fidem adimplere. Porro quod necessitas extorquet, gratiam minuit. Vnde Philosophus bene monet, nunquam aut rarissime promittendum, ne aut cum volueris non possis, aut cum effeceris gratiam perdis aut minuis, eo quod te antea illaqueaveris verbo oris tui. Hæc ille.

Nu. 6. ibi, non etiam paciscendi.) Nam præsumitur voluntatem obligan- di se non habuisse, & ludere magis quam aliquid agere voluisse, cum sci- ret de stipulatione contrahenda agi, & tamen solemnia ad stipulationem ne- cessariò requisita ad amissum non impleverit, *l. Non solum 31. D. De oblig. & act.* Sed & quod civilis inde non nascatur actio, facit defectus formæ, quia hæc dat esse rei, id est cuique rei suam tribuit substantiam, *l. 3. §. idem Iulianus D. Ad ex- hiben.*

Nu. 7. in fine) Quæri hoc loco non incommode posset, An sponsones illæ, quæ plerumque inter mercatores fieri solent, & sæpe etiam inter ho- mines privatos, jure subsistant. Quod videtur affirmandum, per ea, quæ tra- dit Schneid. *hic nu. 15. arg. l. Si gratuitam 18. §. si quis sponsonis D. De præscr. verb. l. In quib. 3. D. De aleat. & l. A Titio. 108. De V. O. modò ex honesta & licita causa fiant: secus, si inhonestam & vitiatam legibus causam contineant, puta si ludentes, ludique vetiti spectatores, super victoriâ sponsonem fecerint. Quo casu cum in speciem aleæ incidant huiusmodi sponsones, nullam quo- que obligationem producent, nequidem licet in stipulatum fuerint deductæ. Ita D. Burgund. tract. De exceptionib. c. 9. nu. 5. & 6. Adde Decium, *conf. 1150. per tot. Matth. de Afflict. decis Neap 389. Magon. decis, Florent. 8. Claud. Expilly. en ses Plaidoyes p. 1. c. 4.* ubi eam in rem exempla varia producit, ex antiquitate & mediæ ævi monumentis petita, ut & Grivel. *decis. Dolan. 57. Schultz. hic lit. B. Forster. tract. De dominio c. 8. nu. 142. & aliquot seqq. De Sponsonibus tract. scripsit Benevent. Stracca, deque Allecurationibus & sponsonibus mercator. Pet. Santerna.**

Nu. 8. ibi deberi & peti posse.) Quod tamen civiliter & cum quodam tem- peramento accipi debet, *l. Quod dicimus 105. D. De solut. ut scilicet modicum aliquod tempus debitori indulgeatur ad solvendum, arg. l. Si debitori 21. D. De iudic. Quod & tacitè semper in omni obligatione continetur, l. Promissor 21. §. 1. D. De constir. pecun. & l. Cum qui Kalendis D. De V. O. verum quia spa- tium hoc temporis magis intellectu percipi quam verbis exprimi potest, ideo id definiendum arbitrio relinquitur iudicis Menoch. *de Arbitr. lib. 2. casu 27. per text. l. In fraudem 45. §. fiscalib. 10 D. De jur. fisci.* Nam dura nimis opinio est, in- quit.*

quit Vinn. *hic*, Cujacii ad *l. Eum qui* 41. §. 1. *De V. O.* & Tim. Fabri *disp.* 23. *th.* 2. nullum laxamentum concedentium.

Ibid. *ibi*, *l. Quidquam* 99. D. h. 1. Sunt enim obligationes naturâ suâ odiosæ, ut in dubio contra creditorem & pro debitore sit facienda interpretatio & pronuntiandum, *l. Veterib.* 39. D. *De pact.* *l. Arrianus* 47. *De oblig. & act.* & *l. In contrahenda* 17. *De R. I.*

Nu. 9. *ibi*, *De oblig. & act.*) Est enim tempus facti, obligatio verò juris; atque ea quæ facti sunt non possunt tollere quæ sunt juris, *l. Patre furioso De his qui sui vel al. iur. sunt.* Unde & pura hæc est obligatio, quia una est, pura & simplex, ut continuò ex ea agi possit, perinde atque si hoc modo facta esset, *Decem aureos dare spondes?* Et sic cum primi anni respectu sit pura, necessum est, ut in totum sit & maneat pura. Mentio enim annui facit, ut solutione non tollatur obligatio, & ut debeantur non simpliciter decem, sed conjunctim decem aurei annui, qui sic debentur, ut ad finem singulorum annorum sequentium ex una eademque obligatione peti possint decem, *l. Si Stichum* 5. D. *De verb. oblig.* Neque enim quotannis nova recurrit obligatio, sed una obligatio per stipulationem semel contracta ad omnes annos sequentes extenditur. Contra atque in legato annuo, ubi quotannis nova recurrit obligatio, adeoque tot sunt obligationes & legata, quot sunt anni, quibus legatum præstari debet, *l. Si in singulos* 4. D. *De annuis leg.* Ratio diversi juris est, quod tale legatum in facto potius consistat, quam in jure, *l. Legatum in fine* D. *De cap. minutis*, facta verò sunt discreta, & sic identidem iterata, alia atque alia. Contra stipulatio sit juris, quod naturâ suâ est perpetuum & continuum, *l. Ex contractib.* 49. D. *De oblig. & act.* & *ins. tit. De perpet. & tempor. act.* Et hoc est, quod hic ait Imp. hanc obligationem perpetuam, id est ad hæredes transitoriam esse, uti interpretatur Zas. ad *d. l. Si Stichum* §. 1. *De V. O.* Ita quidem subtiliter Joan. Ramus *hic in Comment. suo manuscr.* Verum cum mera illa sit subtilitas juris Rom. cujus hodie moribus nostris non ita habetur ratio, dicam cum Cypr. Regneri *in sua Cens. Belg.* eam apud nos nullum habere effectum, nec transire obligationem illam ad hæredes, ut mere & reverà personalem.

Nu. 10. in fine.) Præterea legata plerumque ob merita relinquuntur, *l. Nec adiecit* 9. D. *Pro socio*: ut hinc sint personalia, arg. *l. 1. D. De constit. Princip.* spesque legati conditionalis merito ad hæredes legatarii non extendatur, *text. hic & l. Qua legata* 18. D. *R. I.* Vel repetenda hic ratio ex ipsis fontibus juris Rom. deprompta, scilicet legatum, quamdiu non cessit, esse mere facti, ac proinde personale, cumque persona extingui. Stipulationem verò esse juris; & quod tale est transmitti ad hæredem, tamquam successorem in universum jus defuncti, *l. Hæreditas* *De R. I.* quia in stipulationibus, cæterisque contractibus conditionalibus id tempus spectatur, quo contrahimus. Neque etiam aliud inspicere potest, quia contractus omnes, obligationesque eo ipso tempore confirmantur, quo fiunt. At verò in legato condicali tempus conditi testamenti inspicere non

non potest, ut ex eo tempore deberi legatum incipiat, aut peti possit, sed expectanda mors est testatoris, & eventus conditionis legato appositæ. Ita ferè Ant. Faber. 15. *Coniect. c. 6.* Atque cum hac ratione differentiæ, quam ibidem tam operosè inculcat, coincidit ferè illa, quam jam dedi, & paucis verbis proposuit Joan.: Ramus, *Enchir. R. l. lib. 2. axiom. 118. & in comment. lib. 3. c. 19.* nimirum stipulationem esse juris, in quibus semper spectentur initia. In legatis verò conditionalibus expectari eventum conditionis, hoc est, id tempus, quo demùm cadunt legata: nam ex eo tempore, inquit, juris conditione tinguntur, antea facti magis sunt, quàm juris.

Nu. 16. ibi, Donel. *ad d. l. 72. nu. 27. & seqq.* Item Duaren. *ad d. l. 72. & latè Hunn. Var. res. lib. 3. tract. 4. qu. 13.*

Ibid. ibi, Coras. 2. *miscell. c. 3.* Item Cujac. *ad d. l. 72. D. h. t. Pinel. ad l. 1. p. 3. nu. 25. C. De bonis mater. Vasq. Contr. illustr. c. 25. nu. 33. Bronch. cent. 4. assert. 41.* Et hæc sententia videtur magis conveniens moribus, nimirum promissorem facti præcisè ad ipsum factum teneri, & concordans juri quoque divino, *Matth. 5. c. 13.* Quamvis jure apud Hispanos recepto contrariam probabiliorē esse. censet Gómez. 2. *Var. res. c. 10. nu. 20.* eumque secutus Joan. Parlad. 1. *Rev. quotid. c. 6. §. 2.*

Ibid. in fine.) Cujusmodi pœna præstanda quoque venit, licet stipulantis non interfit, *l. 3. D. h. t. & l. Cum pœna De recept. arbitris*, quia pro eo in dubio præsumit lex, ex hoc solo, quòd conventioni debitor non steterit. Quòd si tamen evidens sit, reverà nihil interesse, dicerem pœnam non deberi, vel, si maximè debeat, ex benigna æquitate remittendam esse, *arg. l. Si ita quis 135. §. Si ita in fine. D. h. t. Bald. & Alber. ad l. ult. D. Si quis in ius vocat. non ierit*, Socin. *conf. 253. nu. 12. vol. 2.* Adeò ut etiam hodie vix unquam debitor in pœnam condemnari soleat, si judici non verisimiliter constet, tanti petitoris interesse, quanta ferè est pœna. Hostien. in *summa tit. De arbitris §. qualiter vers. sed nunquam*, Socin. *d. conf. 253. in fine.* Nectamen ideo inutilis fuerit stipulatori pœnæ stipulatio. Nam si pœna adjecta non sit, necessitas probationis ejus quod interest incumbet creditori, *l. Quatenus & ibi pulcre Decius De R. I.* At pœnà in stipulationem deductâ, debet utique promissor, si pœnæ præstationem declinare velit, ipse probare, quòd creditoris non interfit. Quòd & hodie in judicijs frequentatur. An verò pœna ultra duplum ejus, quod in stipulationem deductum est, possit extendi, controversitur, de quo vide Fachin. 1. *contr. c. 50.* Donel. *ad l. Stipulatio ista 38. §. alteri De V. O. & c. fin. tract. De eo quod interest.* Hunn. *Var. res. lib. 3. tract. 4. qu. 8.* At mores rejiciunt pœnas adijci permissas à lege quantitati, si certo die soluta non sit, tamquam usurarias & à Canonibus damnatas. Tolerant verò adjectas facto, in odium non servatæ fidei; præsertim cum fieri stipulantis interest. Ita Zyp. *Not. iur. Belg. lib. 2. tit. De usur. circa fin.* Adde Imbert. in *Enchir. iur. Gall. r. Pœna conventionalis*, Charond. 6. *Resp. 52.* Ant. Fabr. in *Cod. l. 8. tit. 26. de fin. 9. & 14.*

DE DVOBVS REIS STIPVLANDI
ET PROMITTENDI.

TITULUS XVII.

ET stipulandi & promittendi duo pluresve rei fieri possunt. Stipulandi ita, si post omnium interrogationem promissor respondeat, *Spondeo*: ut puta cum duobus separatim stipulantibus, ita promissor respondeat: *Vtrique vestrum dare spondeo*. Nam si prius Titio sponderit, deinde alio interrogante spondeat, alia atque alia erit obligatio, nec creduntur duo rei stipulandi esse. Duo pluresve rei promittendi ita fiunt: *Mavi decem aureos dare spondes? & Sei eodem decem aureos dare spondes?* si respondeant singuli separatim, *Spondeo*.

1. Ex huiusmodi obligationibus & stipulationibus solidum singulis debetur, & promittentes singuli in solidum tenentur. In utraque tamen obligatione una res vertitur: & vel alter debitum accipiendo, vel alter solvendo, omnium perimit obligationem, & omnes liberat.

2. Ex duobus reis promittendi, alius purè, alius in diem, vel sub conditione obligari potest: nec impedimento erit dies aut conditio, quò minùs ab eo, qui purè obligatus est, petatur.

C O M M E N T A R I V S.

S V M M A R I A.

1. *Reus quis dicatur.*
2. *Et qui correi stipulandi sive credendi, & promittendi sive debendi.*
3. *Correi plures qualiter constituentur.*
4. *Res eadem, atque eadem utrimque causa subsit necesse est.*
5. *Diversitas qualitatis non mutat aut impedit obligationem.*
6. *Effectus huius obligationis, quòd singuli solidum debeant, & singulis solidum debeatur.*
7. *Solutio ab uno correarum acceptata cum altero an communicanda.*
8. *Et an facta ab uno repeti ab altero possit.*
9. *Beneficium divisionis inter reos debendi an licum habeat.*

REUS, inquit Festus, dicitur qui causam dicit; & qui aliquid debet. Antiquis tamen REUS dictus à RE, id est lite, quam cum altero quis contestatam haberet, sive ageret, sive cum eo ageretur, quo modo contrahentium uterque Reus appellatus, l. 5. §. *conventionalis* D. de V. O. & hic is, cui debetur, dicitur REUS.

- STIPULANDI five CREDENDI; qui debet, REUS PROMITTENDI five DEBENDI. * Contingit autem non unum tantum debere uni, sed & pluribus, qui CORREI CREDENDI dicuntur, & plures uni, qui dicuntur CORREI DEBENDI, de quorum obligatione separatim agitur, quod effectus & qualitates peculiares habeat. Duo rei debendi sunt, qui eamdem pecuniam vel rem in solidum singulis debent: credendi verò, quibus singulis in solidum res eadem debetur, five per stipulationem, ad quam propriè hic tractatus pertinet, five etiam per alios contractus, *l. Eamdem 9. in pr. D. h. t. & l. Quod si nolit 31. §. si venditori de adil. edicto*, aut per ultimam voluntatem, quâ res pluribus aut à pluribus relinquitur, *l. Si ex tpto 8. §. 1. D. de legat. 1. & l. Si Titio 16. de leg. 2.*
- 3 Stipulatione plures rei credendi constituuntur, quando post plurium interrogationem de dando, v. g. si quis roget, TITI, DECEM DABIS? & deinde secundus, TITI, DECEM DABIS? respondeat rogatus, DABO. Separata ad singulorum interrogationem responsio faceret aliam atque aliam initam esse obligationem, non etiam hanc unam. Rei debendi constituuntur, quando duo rogantur ab uno rem eamdem dare, v. g. si primus roget Titium rem eamdem dare, respondeat autem uterque: DABO, vel DABIMUS, *text. hic & l. 1. D. eod.* * Itaque res, quæ hic vertitur, eadem est, eique adhibita debita forma facit unam esse obligationem, *l. 3. in fine D. eod.* Cui & oportet eamdem subesse causam utrimque, five quoad genus obligationis, five quoad rem debitam; nam ejus diversitas induceret diversitatem obligationis, *d. l. Eamdem rem 9. §. 1. D. h. t.* ubi si ab altero veniat præstanda culpa, ab altero non, dicitur impar suscepta obligatio.
- 5 * Qualitatis diversitas non mutat, nec ab uno purè, ab altero in diem, aut sub conditione facta promissio impedit hanc obligationem, *§. fin. h. t.* Potest enim tempus ad paritatem reduci per diei aut conditionis eventum. Idem de loci diversitate judicandum, *d. l. 9. §. fin.* Videntur autem non aliàs duo rei constitui, quàm si hoc eo pateat, *l. Reos 17. in fine D. h. t. Nov. de duobus reis 99.*

§. Ex hujusmodi.

- 6 Effectus hujus obligationis est, quod rei debendi singuli solidum debeant. Reis credendi singulis solidum debeatur, *l. 2. C. h. t.* ita tamen, ut unius solutione aut uni factâ, tota obligatio perimatur, cum res tantum una debeatur; eo autem, quod debetur, soluto contingat liberatio, *l. 3. in fine D. h. t.* Idem est, si ab altero accepto latum fuerit, *l. Si rem 31. §. 1. D. de novat.* ubi dicitur unusquisque perinde sibi acquisivisse, ac si solus stipulatus fuisset, & unus iudicium petendo totam rem in litem deduxisse. Novatione quoque alterius liberatio contingit, quod & per eam, cum sit solutioni similis, tota obligatio perimatur; quando scilicet initur per stipulationem, ne ob stet *l. Si unus 27. in pr. D. de pact.* ubi per pactum nudum facta novatio non tollit priorem obligationem. Cujac. 22. Obs. 6.
- 7 Quæri autem posset, An acceptata à uno ex correis credendi solutio, communicanda sit cum altero? Quod non videtur dicendum, quia cum cuilibet in solidum

dum debeat, non potest videri alter rem communem recepisse, sed suam; ut præoccupantis melior sit conditio. Barth. in l. 1. i. D. h. t. & Wesenb. eod. num. 7. * Eadem ratione si unus solidum solverit, ab altero non repetet, 8; cum desit adversus eum actio: quæ si qua esset, vel foret mandati, de quo non patet; vel negotiorum gestorum, quæ competere nequit, quod non tam alienum quam proprium negotium gesserit, utpote ipse in solidum obligatus, nisi sint socii, l. 3. D. h. t. tunc enim ut commodum est commune, ita & unus.

Quæritur etiam de beneficio divisionis, an obtineat inter reos debendi. De 9 jure Digest. & Cod. certum est, illis non esse locum. De jure Novel. contra vertitur, & videtur hoc velle. Auth. Hoc ita D. h. t. desumpta ex d. Nov. 99. Ubi beneficium divisionis datur vice mutuæ obligatis, quales videntur correi debendi, juxta d. l. Reos 11. D. h. t. Cujac. ad d. Nov. 99. Hoc autem ita demum, si omnes sint præsentēs, & solvendo, secundum ea, quæ dicuntur infra de fidejuss.

ADDITIONES V. A. D.

Num. 1. in fine.) Hodie tamen solum ferè debitorem Reum vocare solemus, fortè à reatu, non à re, quod scilicet culpâ & reatu non careat, qui quod debet non solvit, l. Senatus 43. in fine D. de legat. 1. arg. l. Ob es alienum 12. C. de oblig. & act.

Num. 4. ibi, l. 3. in fine D. eod.) Quo casu duæ interrogationes præcedentes, quæ prouia & eadem habentur, & contrà, duæ responsiones simul & semel subsequentes in unam quodammodò responsionem vi & potestate formæ civilis coalescunt. Nimirum ut sit unica tantum contracta videatur stipulatio, non plures: alioqui, pluribus ex intervallo aliquo temporis contractis stipulationibus, non aliter duorum reorum constitueretur obligatio, quam si id nominatim in contrahendo sit actum; Auth. Hoc ita C. de duobus reis. Simili omninò ratione, quâ plures fidejussores pro reo principali intercedentes obligant se ut & tamquam principales. Quod quidem si fiat in ipso contractu principali, jam censetur duorum reorum contracta obligatio, poteritque creditor unum ex omnibus, quem velit, in solidum convenire: Si verò ex intervallo deinde alius accedat, qui etiam se tamquam principalem obliget, jam sanè fidejussoria potius quam duorum reorum contracta censetur obligatio: ideòque qui post accessit, poterit ut verus fidejussor, si ante principalem debitorem conveniatur, ordinis beneficio & exceptione se defendere. Bald. conf. 198. num. 7. vol. 1. Curt. conf. 6. & Car. Molin. de contract. usur. quest. 7. num. 132. Ampl. D. Burgund. tract. de duobus reis c. 6. ubi tradit, ad hoc, ut inter noscamus, quis sit correat & quis fidejussor, spectandam esse originem obligationis.

Num. 5. in fine.) Porro de requisitis ad duos pluresve reos constituendos vide de Ampl. D. Burgund. tract. de duobus reis c. 1. Requiritur scilicet 1. Ut una eadem

eademque res debeatur pluribus, vel unam eandemque rem plures debeant. II. Ut duo debeant eidem, vel duobus ab eodem debeatur. III. Ut singuli solidum debeant, vel singulis solidum debeatur. IV. Ut una tantum res vertetur in omnium obligatione. V. Ut creditor utriusque fidem sequatur in solidum. In constituendis debendi reis hoc etiam amplius requiritur, ut æque principaliter omnes promittant. Burg. *ibid.* num. 8. ubi id ipsum & quoad cetera requisita latius declarat, & de formula agit apud veteres usitata constituendi duos reos, per stipulationem scilicet, id est per interrogationem & responsum, idque verbis solemnibus & directis, à quibus recedere ne syllabâ quidem tenus sine vitio liceret. Placuit postea, si vel congrua aliquo modo esset responsio, veluti verbis æquipollentibus tantum facta, ut si quis interrogatus, *Dabû?* responderit, *quid ni?* l. 1. §. *si quis ita de V.O.* & appareret hoc egisse contrahentes, ut duo rei constituerentur. Moribus hodiernis constituuntur duo rei citra interrogationem & responsum, & quælibet verba consensum contrahentium exprimentia animo stipulandi prolata, sufficiunt ad hanc rem. Molin. *ad d. l. 1. §. si quis ita*, Burgund. *d. loco in fine*.

Num. 6. in fine.) Idem Cujac. *ad d. l. Si unus* 27. D. de pact. quæ est ex lib. 3. Pauli *ad editum*, & *ibid.* Hotom. Joan. Robert. 1. *Sent. c. 25.* Donel. *tract. de duobus reis c. 5. num. 2.* Jul. Pacius *cent. 1. quest. 96.* Ant. Faber 11. *conject. c. 1. & seqq.* Qui omnes laborant potissimum circa conciliationem *d. l. 27. cum d. l. Si rem* 31. §. 1. de novat. ut videre licet apud Hunn. *Var. lib. 3. tract. 4. quest. ult.* inter quas tamen antinomiali statuit irreconciliabilem Costal *ad d. l. 27.*

Num. 8. in fine.) Æquius tamen benigniusque visum Interpretibus, dari reo debendi, qui integrum debitum solvit, actionem in corios, aut in solidum, si ex pecunia, quæ obligationi contrahendæ causam dedit, nihil ad eum pervenerit, aut pro qua saltem parte pecunia ad illos pervenit. Ita Ant. Faber in *Cod. juo b. t. defin. 1.* ex rebus judicatis; nam alibi 11. *Conject. c. 6.* merâ juris ratione inspecta, nullam eo nomine citra cessionem dari actionem contendit: sapientiusque ita Mechliniæ in duodecim viralium ac supremo Senatu judicatum refert Christin. *decis. 114. vol. 3.*

Num. 9. in fine.) Cæterum *d. Nov. 99.* loqui tantum de iis, qui vice mutua fidejusserunt, innuere videtur inscriptio ipsa, quæ sic habet: *περι ἀλλήλων ὁμοῦ καὶ ἑκατέρωθεν ὑποθήκῃς*. Ita Cujac. *hic in Notis posterioribus.* Donel. *late ad Auth. l. 1. c. h. r. & alij.* Veterum tamen Interpp. sententia ferè est, Novel. ad reos promittendi quoslibet pertinere, & propterea *d. Auth. Hoc ita* inde desumptam post *l. 2. C. cod. positam esse*, quia ejus legis emendationem contineat. Nec obitat inscriptio Græcica, quia solent Græci generaliter omnes reos promittendi vocare *ἀλλήλων ὁμοῦ καὶ ἑκατέρωθεν*, etiam si expresse non fidejusserint vice mutua. Et hoc ita, quia duo rei promittendi videntur invicem fidejungere, licet id nominatum non exprimat, minimum effectu obligationis & exactione creditoris inspecta, taciteque id agi videtur, ut unus pro alio teneatur. Ita Ampl. D. Corfel. *hic quest. un.* Itaque ex *d. Nov.* jus vetus mutatum reperitur; in eo primum, quod illo jure non erat necesse

cesse exprimi, ut reorum quilibet in solidum teneretur, sed satiserat hoc agi, l. 4. D. h. t. & l. Cum appareat D. Locati. At jure novo id ipsum exprimi nominatim oportet, Deinde jus vetus dabat electionem creditori, quem ex duobus reis promittendi convenire vellet; Novella dat beneficium divisionis. Vide & D. Burgund. tract. de duobus reis c. 4. paulò aliter hac explanantem. Atque hanc sententiam usu forensi receptam esse testatur Tim. Fab. hic disp. 23. th. 4. Vinn. ad §. i. h. t. Gail. 2. Obs. 14. num. 5. Gallia verò moribus retentum jus vetus, quo plures rei quà stipulandi, quà promittendi in solidum singuli tenentur: nec agnoscunt mores illi beneficium divisionis, saltè renuntiare coguntur huic beneficio contraheutes. Notat Theod. Marci, hoc loco. Concordant leges municipales Antverp. tit. 63. de fidejussoribus art. 2.

DE STIPULATIONE SERVORUM.

TITULUS XVIII.

Servus ex persona domini jus stipulandi habet. Sed & hæreditas in plerisque personarum defuncti vicem sustinet, ideòque quòd servus hæreditarius ante aditam hæreditatem stipulatur, acquirit hæreditati: per hoc etiam hæredi potestà factò acquiritur.

1. Sive autem domino, sive sibi, sive conservo suo, sive impersonaliter servus stipuletur, domino acquirit. Idem juris est & in liberis, qui in potestate patris sunt, ex quibus causis acquirere possunt.

2. Sed cum factum in stipulatione continebitur, omni modo persona stipulantis continetur; veluti si servus stipuletur, ut sibi ire agere liceat: ipse enim tantum prohiberi non debet, non etiam dominus ejus.

3. Servus communis stipulando, unicuique dominorum pro portione domini acquirit: nisi jussu unius eorum, aut nominatim alicui eorum stipulatus est, tunc enim soli ei acquiritur. Quòd servus communis stipulatur, si alteri ex dominis acquiri non potest, solidum alteri acquiritur; veluti si res, quam dari stipulatus est, unius domini sit.

COMMENTARIUS.

SUMMARIA.

1. Stipulandi jus servis non est, nisi ex persona dominorum.
2. Servus hæreditarius acquirit hæreditati jacenti.

3. Servus usumfructum non recte stipulatur.
4. Liberi in potestate stipulando, acquirunt parenti, remissive.
5. Servus factum stipulando sibi acquirit.
6. Servus communis quibus & qualiter stipuletur.

STIPULATIO est actus juris civilis, cujus proinde exercitium non est servis, cum CIVES NON SINT, SED PRO MORITUIS HABEANTUR, quantum ad civilia, *l. Quod attinet 32. D. de R.I. EX PERSONA TAMEN DOMINORUM* stipulantur, iisque acquirunt, *text. hic in pr.* quasi eorum instrumenta, *arg. l. Quæsitum in fine D. de fundo instructo leg.* * Servus hæreditatis jacentis eidem acquirit, quia hæreditas in plerisque sustinet personam domini defuncti, saltém in acquisitione eorum, quæ juris sunt, non etiam quæ factum personæ deliderant, *l. Hæreditas 61. D. de acquir. rer. dom.* quod non supplctur. * Quo modo non recte servus stipulatur usumfructum, quia sine persona, quæ fruatur, esse nequit, licet recte ei legetur, cum ejus dies statim non cedit, & stipulatio pura non possit suspendi, *l. Usumfructum 26. D. h. t.* Domino stipuletur, an sibi, an conservo, nihil refert, *text. hic in pr.* nam & huic stipulatus domino stipulatus videtur.

§. Idem juris.

Liberi etsi ex sua persona, quam liberam habent, sint capaces stipulationis, rectè tamen parenti, in cujus sunt potestate stipulantur, eique acquirunt, secundum distinctionem peculiorum, de qua *sup. lib. 2. tit. 9. (a).*

§. Sed cum factum.

EA QUÆ JURIS SUNT stipulando servus domino acquirit, non etiam si FACTUM in stipulationem sit deductum, cujus servus est capax, veluti *ire, agere, sibi licere* : quo casu obligationis quidém jus in persona domini consistit, factum tamen per servum explicandum, non autem per dominum, idque ne amplius quàm stipulatione est comprehensum petatur. Quo modo non nisi servo ire, agere impedito, committeretur stipulatio, *l. Stipulatio ista 38. §. hi qui D. de V. O.* Ut rectè dicat hic Imp. ejusmodi stipulatione OMNIMODO PERSONAM STIPULANTIS CONTINERI. (b)

§. Servus communis.

Plures habens dominos singuli stipulando acquirit, pro rata domini, quatenus omnes sunt capaces; nam alia tantum capacibus cedit promissum, *text. hic in fine.* Et hoc, si vel simpliciter sibi, vel dominis stipulatus fuerit; nam si propria eorum nomina expresserit, non habitâ ratione domini, viriles debent

bebuntur, non etiam dominicæ partes, *l. si communis 37. D. h. t.* Enumeratio enim personarum habet effectum exequandi personas, uti dictum sup. *de vulgari substit.* §. *et si ex disparibus.* Unius iussu si stipulatus fuerit aut uni nominatim, ei tantum acquireret, *text. hic & l. 5. D. cod.*

ADDITIONES V. A. D.

Num. 4. in fine.) Hodie illud passum observari videmus, ut filius acquirat sibi, non patri, etiam quoad usumfructum Boer, *ad consuet. Bituric. tit. 1. §. 2. in pr.* ita ut quodammodo in acquirendo fingatur emancipatus. Joann. Fab. & Angel. *ad §. Præterea sup. Quibus modis jus pat. potest. sol.* Quamvis interim rerum, quæ filio aliunde obvenerunt, usus & commoditas plerumque tantisper deferatur & cedat patri, quoad filius factus fuerit suæ potestatis, quod qualiter moribus hodiernis fiat, dixi sup. *ad d. t. quibus modis jus pat. potest. sol.* Planè quod filius ex repatris acquisierit, hoc sane & hodie cedit patri, *de quo sup. Per quas pers. cuique acquir.*

Num. 5. in fine.) Qui dam factum proprium, cuius est capax, in stipulationem deducit, nempe ut sibi ire, agere liceat, & quia juris in capax est, hinc fit, ut eo casu bifariam scindatur stipulatio: ut quidem facere, id est ire, agere, ex stipulatione solus possit servus, jus verò & utilitas ejusdem facti in solum dominum reciprocet, Fab. *hic num. 2. in fine.* Et hoc est, quod alibi dicitur, ea quæ facti sunt & naturalia non transire ad dominum, *l. Qui hæredj 44. in pr. D. de condit. & demonstr.* Quòd si in genere stipuletur servus, ut liceat ire, agere, jam tota stipulatio jus continet, & ideo quoque in dominum redundat, qui & ipse, & omnes, quos domini interest non prohiberi, ire, agere poterunt. Fab. *hic in fine.* Quod hodie Monachis stipulantibus accommodare licebit, qui ut Prælato vel superiori suo ex contractibus suis acquirunt, Ever. *in loco à servo ad Monachum num. 3.* ita si factum suum stipulentur, ipsi qui stipulantur facere possunt. Prælatus verò vel superior facere potest prohiberi.

DE DIVISIONE STIPULATIONVM.

TITULUS XIX.

Stipulationum alia sunt Judiciales, alia Prætoria, alia Conventionales, alia Communes, tam prætoria, quam judiciales.

1. Judiciales sunt dumtaxat, quæ à mero judicis officio proficiuntur: veluti de dolo cautio, vel de persequendo servo, qui in fuga est, restituendo ve pretio.

2. Prætoria sunt, quæ à mero Prætoris officio proficiuntur, veluti dam-

ni infecti, vel legatorum. Pratorias autem stipulationes sic exaudiri oportet, ut in his etiam contineantur Ædilitiæ, nam & hæ à jurisdictione Prætoris veniunt.

3. Conventionales sunt, quæ ex conventionem utriusque partis concipiuntur: hoc est, neque jussu judicis, neque jussu Prætoris, sed ex conventionem contrahentium, quarum totidem genera sunt, quot (penè dixerim) rerum contrahendarum.

4. Communes sunt, veluti rem salvam fore pupillo: (nam & Prætor jubet rem salvam fore pupillo caveri, & interdum Judex, si aliter hæc res expediri non potest) vel de rato stipulatio.

COMMENTARIUS.

SUMMARIA.

1. Stipulationes dividuntur in Iudiciales, Pratorias, Communes, Conventionales: & quæ dicantur Iudiciales.
2. Quæ Pratoria, & sub his contenta Ædilitia.
3. Quæ Communes & Conventionales.
4. Prætoriarum subdivisio in Iudiciales & Cautionales.
5. Stipulationum item aliæ sunt dandi, faciendi; aliæ dividuæ, individuæ; aliæ certæ, incertæ.

1. **V**aria est stipulationum divisio. Hoc Tit. proposita à causâ sua efficiente sumpta est, scilicet Judice Prætoris, partium conventionem. Unde aliæ hic dicuntur esse JUDICIALES, aliæ PRÆTORIÆ, aliæ COMMUNES, aliæ CONVENTIONALES. (a) JUDICIALES hic dicuntur esse, quæ A MERO, id est solo, JUDICIS OFFICIO proficiuntur. Dicitur, *mero*, ad excludendum Prætoris officium. Ubi Judex accipitur pro iudice à Prætoris dato. (b) Ad eas spectat cautio *de dolo*, quam Judex jubet abesse in re in iudicium deducta restituenda; cautio *de inquirendo servo*, qui in fuga est, eoque, si inventus fuerit, restituendo, *text. hic.* * PRÆTORIÆ dicuntur, quæ à MERO PRÆTORIS OFFICIO proficiuntur, id est Prætoris tantum iubente, siue ex edicto Prætoris, non etiam à iudice per Prætoris dato, super re necdum in iudicium deducta. Talis est cautio *damni infecti*, quale J. Cuius in l. 2. D. de *damno infecto* vocat *damnum necdum factum*, quod futurum metuemus: veluti si vicini aedes ruinam minentur, unde nostris periculum, Prætor aditus jubet cavere vicinum *damni infecti*, id est de *damno necdum quidem factum*, quod tamen fieri potest. Eò etiam spectat cautio *legatorum nomine*, quam hæres præstare jubetur legatorum conservandorum causâ. quod!
- 2.

quòd scilicet ea salva erunt legatarijs, *D. Vt legator nomine.* Sub Pratorijs continentur *ÆDILITIÆ*, quæ ex edicto Ædilitio de morbis & vitijs rerum venalium interponuntur, ut *Rem emptam habere licere, Mancipium emptum saluum esse.* * *COM-* 3
MUNES sunt, quæ & iubente Pratore extra iudicium, & ex officio Judicis in iudicio proponuntur, ut *Rem pupilli saluam fore*, quam præstare cogitur tutor & curator, *D. Rem püb. saluam fore: Stipulatio duple, Ratam rem haberi.* *CONVENTIONALES* sunt, quæ citra Judicis aut Pratoris officium partium consensu interponuntur, quarum tot genera, quot negotia. * Pratoriæ stipulationes, re- 4
 spectu materiæ circa quam, seu objecti, subdividuntur in *iudiciales*, quæ propter iudicium interponuntur, ut ratum sit, veluti *iudicatum solvi* in *cautionales*, ut aliquis sit cautior & securior, quæ instar novæ actionis intercedunt, ut damni infecti, & *communes*, quæ & propter iudicium interponuntur, & habentur instar actionis, ut *iudicis sistr.* l. 1. *D. De prator. stipulat.*

Est & alia divisio sumpta à materia, scilicet quòd aliæ sint *DANDI*, aliæ *FACIENDI*, *sup. tit. 16. §. fin.* & à conditione materiæ, quòd aliæ sint *DIVIDUÆ*, aliæ *INDIVIDUÆ*, secundum rerum naturam, quæ vel divisionem admittunt, vel eam respuunt. Sic stipulatio certæ pecuniæ divisionem admittit, cum pro parte peti & solvi possit, *l. 2. §. 1. D. De. V. O. Stipulatio itineris, actus, dividi nequit.* Facta etiam plerumque sunt individua. Videatur *de his Duaren. de V. O. c. 7. & Cujac. ad l. 4. D. eod. tit.* Aliæ item *CERTÆ*, quibus certum est, quid, quale, quantum veniat; aliæ *INCERTÆ*, quando in stipulationem deductum est incertum, *l. Stipulationum 74. cum l. seq. in pr. D. eod.* Secundum qualitatem, aliæ sunt puræ, aliæ in diem, aut conditionem conceptæ, *sup. tit. 16.* Aliæ item simpliciter conceptæ, aliæ conjunctim, sive disjunctim.

ADDITIONES. V. A. D.

Nu. 1. ibi, aliæ *CONVENTIONALES.*) Caussam efficientem harum stipulationum intellige ipsos earum auctores, qui cautiones hujusmodi exigere solent. Ita communiter *Dd. ad l. 5. D. De V. O.* unde locus hic desumptus. Quamvis hæc sententia displicuerit *Alciato 1. Paradox. c. 1.* qui non origine, sed usu & exercitio stipulationum differentias ac definitiones vult discerni. Alij ad modum conventionis eas pertinere volunt. Conventionem autem: alias merè voluntariam esse, ut in stipulatione conventionali, alias necessitate quadam permixtam, ut in cæteris speciebus, atque inde stipulationes alias esse voluntarias, alias necessarias. Ita *Tim. Faber hic. disp. 23. th. 6.* quem & vide *Annor. Jur. c. 2.*

Ibid. ibi, à Pratore dato.) Cujus in cognoscendo & iudicando officium, consistit, *eleg. & latè Duar. ad l. Iuris gentium 7. §. 1. De pact.* Unde si quam cautionem iudex ad litem explicandam interponi jubeat, vel à litigantibus exi-

gat, erit ea judicialis. Alciat. 1, *Parad. c. 1.* Si tamen à mero iudicis officio profisciscatur, hoc est, si ejusmodi stipulatio aliam n. majorem non habeat originem, veluti ex Prætoris edicto, quia prætor est major iudice.

Nu. 2. ibi, necdum in judic. deducta.) Consistit enim officium Prætoris, non in judiciali causarum disceptatione, sed potius in his, quæ extra ordinem fiunt, veluti in possessionibus bonorum, in tutelis & iudiciis dandis, *l. 1. D. De iurisd.* que magis constant imperio quam iurisdictione, *l. Inbere cavere D. eod. c. ibi Govear.*

Nu. 2. ibi, *D. Ut legator nomine*) Porro inter stipulationes prætorias ac judiciales est differentia, in eoque consistit utilitas hujus divisionis. Primò, quòd prætoriam stipulatio præter personas contrahentes requirat & fidejussores, *l. 3. De prætor stipulat.* ne scilicet Prætoris auctoritas fiat illusoria. In judicialibus verò sufficit sola nudaque repromissio ejus, quòd iudex cavere jubet. *l. 5. D. De evictionib.* Secundò, Prætoriam stipulationem potest alteri per alterum acquiri, *l. In omnib. De prætor stipul.* Idque propter Prætoris auctoritatem, cujus præsentia omnes defectus supplet. In judicialibus verò nemo nisi ei, cuius potestati subiectus, rectè stipulatur, quoniam nemo alterius nomine in iudicio potest consistere, nisi sit procurator & mandatum habeat, §. *alieno inf. De his per quos ageri poss.* quo casu mandatum supplet defectum absentis domini.

DE INVILIBVS STIPVLATIONIBVS.

TITULUS XX.

Omnis res, quæ dominio nostro subijcitur, in stipulationem deduci potest, sive mobilis sit, sive soli.

1. At si quis rem, quæ in rerum natura non est, aut esse non potest, dari stipulatus fuerit, veluti Stichum, qui mortuus sit, quem vivere credebatur; aut hippocentaurum, qui esse non possit, inutilis erit stipulatio.

2. Idem juris est, si rem sacram aut religiosam, quam humani juris esse credebatur; vel rem publicam, quæ usibus populi perpetuò exposita sit, ut forum, vel theatrum; vel liberum hominem, quem servum esse credebatur, vel cujus commercium non habuerit; vel rem suam dari quis stipuletur. Nec in pendent erit stipulatio, ob id, quòd publica res in privatum deduci, & ex libero servus fieri potest, & commercium adipisci stipulator potest, & res sua stipulatoris esse delinere potest: sed protinus inutilis est. Item contra, licet initio utiliter res in stipulationem deducta sit, si tamen postea in aliquam eorum causam, de quibus supra dictum est, sine facto promissoris devenierit, extinguatur stipulatio. At nec statim ab initio talis stipulatio valebit, *Lucium Titium, cum servus erit, dare spondes?* & similia. Quæ enim naturæ sui dominio nostro exempta sunt, in obligationem deduci nullo modo possunt.

3. Si quis alium daturum, facturumve quid promiserit, non obligabitur: veluti si spondeat Titium quinque aureos daturum. Quod si effecturum se, ut Titius daret, spoponderit, obligatur.

4. Si quis alij, quam ei, cuius juri subjectus sit, stipuletur, nihil agit. Planè solutio etiam in extraneam personam conferri potest: veluti si quis ita stipuletur, *Mihi aut Seio dare spondes?* ut obligatio quidem stipulatori adquiratur, solvi tamen Seio, etiam invito eo, rectè possit, ut liberatio ipso jure contingat: sed ille adversus Sejum habeat mandati actionem.

Quod si quis sibi, & alij, cuius juri subjectus non sit, dari decem aureos stipulatus est, valet quidem stipulatio, sed utrum totum debeat stipulatori, quod in stipulationem deductum est, an verò pars dimidia, dubitatum est: sed placuit, non plus, quam dimidiam partem ei adquiri.

Ei verò, qui juri tuo subjectus est, si stipulatus sit, tibi adquiris, quia vox tua tamquam filij sit, sicuti & filij vox tamquam tua intelligitur in ijs rebus, quæ tibi adquiri possunt.

5. Præterea inutilis est stipulatio, si quis ad ea, quæ interrogatus fuerit, non respondeat: veluti si quis decem aureos à te dari stipuletur, tu quinque promittas, vel contrà: aut si ille purè stipuletur, tu sub conditione promittas, vel contrà: si modò scilicet id exprimas, id est, si cui sub conditione vel in diem stipulanti, tu respondeas, *Presenti die spondeo*. Nam si hoc solum respondeas, *Promitto*, breviter videris in eandem diem vel conditionem spopondisse. Neque enim necesse est, in respondendo eadem omnia repeti, quæ stipulator expresserit.

6. Item inutilis est stipulatio, si vel ab eo stipuleris, qui tuo juri subjectus est, vel si is à te stipuletur. Sed servus quidem non solum domino suo obligari non potest, sed ne quidem ulli alij: filij vero familiarum alijs obligari possunt.

7. Mutum neque stipulari, neque promittere posse palam est. Quod & in surdo receptum est: quia & is, qui stipulatur, verba promittentis, & is, qui promittit, verba stipulantis audire debet. Unde apparet, non de eo nos loqui, qui tardius exaudit, sed de eo, qui omnino non audit.

8. Furiosus nullum negotium gerere potest: quia non intelligit, quod agit.

9. Pupillus omne negotium rectè gerit: ita tamen, ut ubi tutoris auctoritas necessaria sit, adhibeatur tutor: veluti si ipse obligetur, nam alium sibi obligare etiam sine tutoris auctoritate potest.

10. Sed quod diximus de pupillis, utique de ijs verum est, qui jam habent aliquem intellectum: nam infans, & qui infantie proximus est, non multum à furioso distat: quia hujusmodi ætatis pupilli nullum habent intellectum. Sed in proximis infantie, propter utilitatem eorum, benignior juris interpretatio facta est, ut idem juris habeant, quod pubertati proximi. Sed qui in potestate parentis est impubes, ne auctore quidem patre, obligatur.

10. Si impossibilis conditio obligationibus adijciatur, nihil valet stipulatio. Impossibilis autem conditio habetur, cui natura impedimento est, quo minus existat: veluti si quis ita dixerit, *Si digito colum attigero, dare spondes?* At si ita stipuletur, *Si digito colum non attigero, dare spondes?* pure facta obligatio intelligitur, ideoque statim peti potest.

12. Item verborum obligatio inter absentes concepta, inutilis est. Sed cum hoc materiam litium contentiosis hominibus præstabat, fortè post tempus tales allegationes opponentibus, & non præsentibus fuisse vel se vel adversarios suos contendentibus: ideo nostra Constitutio propter celeritatem dirimendarum litium introducta est, quam ad Cæsarienses advocatos scripsimus: per quam disposuimus, tales scripturas, quæ præsto esse partes indicant, omnino esse credendas, nisi is, qui talibus utitur, improbis allegationibus, manifestissimis probationibus vel per scripturam, vel per testes idoneos adprobaverit, toto eo die quo conficiebatur instrumentum, se se vel adversarium suum, in alijs locis fuisse.

13. Post mortem suam dari sibi, nemo stipulari poterat: non magis, quam post ejus mortem, à quo stipulatur. Ac nec is, qui in alicujus potestate est, post mortem ejus stipulari poterat, quia patris vel domini voce loqui videretur. Sed & si quis ita stipuletur, *Pridie quam moriar, vel pridie quam morieris, dare spondes?* inutilis erat stipulatio. Sed cum (ut jam dictum est) ex consensu contrahentium stipulationes valeant: placuit nobis etiam in hunc juris articulum necessariam inducere emendationem: ut siue post mortem, siue pridie quam moriatur stipulator, siue promissor, stipulatio concepta sit, stipulatio valeat.

14. Item si quis ita stipulatus erat, *Si navis ex Asia venerit, hodie dare spondes?* inutilis erat stipulatio, quia præpostere concepta est. Sed cum Leo, in clyta recodationis, in dotibus eandem stipulationem, quæ præpostera nuncupatur, non esse rejiciendam exiſtimaverit: nobis placuit, & huic perfectum robur accommodare, ut non solum in dotibus, sed etiam in omnibus valeat hujusmodi conceptio stipulationis.

15. Ita autem stipulatio concepta, veluti si Titius dicat, *Cum moriar, dare spondes?* vel *Cum morieris?* & apud veteres utilis erat, & nunc valet.

16. Item post mortem alterius rectè stipulamur.

17. Si scriptum in instrumento fuerit, promississe aliquem, perinde habetur, atque si interrogatione præcedente responsum sit.

18. Quoties plures res unâ stipulatione comprehenduntur, si quidem promissor simpliciter respondeat, *Dare spondeo*, propter omnes tenetur. Si vero unam ex his, vel qualdam daturum se sponderit: obligatio in ijs, pro quibus sponderit, contrahitur. Ex pluribus enim stipulationibus una, vel quædam videntur esse perfectæ: singulas enim res stipulari, & ad singulas respondere debemus.

19. Alteri stipulari (ut supra dictum est) nemo potest. Inventæ enim sunt huiusmodi stipulationes vel obligationes ad hoc, ut unusquisque adquirat sibi, quod sua interest: ceterum si alij detur, nihil interest stipulatoris. Planè si quis velit hoc facere, pœnam stipulari convenit, ut nisi ita factum sit, ut est comprehensum, committatur pœnæ stipulatio etiam ei, cujus nihil interest. Pœnam enim cum stipulatur quis, non illud inspicitur, quod intersit ejus, sed quæ sit quantitas in conditione stipulationis. Ergò si quis ita stipuletur, *Tirio dari* & nihil agit. Sed si adjecerit pœnam, *Nisi dederis, tot aureos dare spondes?* tunc committitur stipulatio.

20. Sed & si quis stipuletur alij, cum ejus interesset, placuit stipulationem valere. Nam si is, qui pupilli tutelam administrare cœperat, cesserit administrationem contutori suo, & stipuletur rem pupilli salvam fore (quoniam interest stipulatoris fieri, quòd stipulatus est; cum obligatus futurus sit pupillo, si malè res gesserit:) tenet obligatio. Ergò et si quis procuratori suo dari stipulatus sit, habebit vires stipulatio. Et si creditori suo quis stipulatus sit, quod sua interest, ne sortè vel pœna committatur, vel prædia distrahantur, quæ pignori data erant, valet stipulatio.

21. Versâ vice, qui alium facturum promissit, videtur in ea esse causâ, ut non teneatur, nisi pœnam ipse promiserit.

22. Item nemo rem suam futuram in eum casum, quo sua sit, utiliter stipulatur.

23. Si de alia re stipulator senserit, de alia promissor, perinde nulla contrahitur obligatio, ac si ad interrogatum responsum non esset: veluti si hominem Stichum à te quis stipulatus fuerit, tu de Pamphilo senseris, quem Stichum vocari credideris.

24. Quod turpi ex causâ promissum est, veluti si quis homicidium, vel sacrilegium se facturum promittat, non valet.

25. Cum quis sub aliqua conditione stipulatus fuerit, licet ante conditionem decesserit, postea existente conditione hæres ejus agere potest. Idem est & ex promissoris parte.

26. Qui hoc anno, aut hoc mense dari stipulatus est, nisi omnibus partibus anni vel mensis præteritis, non rectè petet. Si fundum dari stipuleris, vel hominem, non poteris continuò agere: nisi tantum spatium præterierit, quo traditio fieri possit,

COMMENTARIUS. SUMMARIA.

1. Ex quibus causis inutilis reddatur stipulatio.
2. Ratione materia, si res non sit in rerum natura, nec esse possit.

3. Si sit extra commercium.
4. Rem suam quando quis rectè stipuletur.
5. Quid si res sit in commercio, non tamen stipulatoris? remissivè.
6. Et quid si defierit esse in commercio?
7. Datio vel factum alterius inutiliter promittitur.
8. Nisi quis promiserit, effecturum se, ut alter det vel faciat.
9. 26. Alteri non rectè quis stipulatur, sive totum sive etiam partem.
10. Coniunctio copulativa duas ponit stipulationes, disjunctiva unam tantum.
11. In personam tertij adiecti rectè confertur solutio.
12. Defectus formæ vitiat stipulationem, si responsio non sit apta interrogationi.
13. Si diversitas sit in qualitate.
14. Si in quantitate, & an tunc valeat stipulatio quoad summam concurrentem.
15. Pater filio in potestate, & contrà, non rectè stipulatur.
16. Neque mutus, surdus.
17. Non furiosus, mente captus, prodigus.
18. Non pupillus, vel infans.
19. Conditione impossibili adiectâ quatenus vitietur stipulatio.
20. Stipulatio non contrahitur inter absentes.
21. Instrumenti publici falsitas quomodo probetur.
22. Et quot testibus tunc sit opus.
23. Stipulatio in tempus mortis collata olim inutilis, hodie utilis.
24. Ut & stipulatio præpostera.
25. Quid si plures res in stipulationem deductæ fuerint?
27. Stipulatio alteri facta an producat actionem.
28. Stipulatio alteri rectè fit, ratione potestatis.
29. Si stipulantis inter sit dari vel fieri.
30. Adiectâ pœnâ in casum, quo tertio non detur aut fiat.
31. Subiuncto item iuramento stipulationi alteri facta.
32. Rem suam quis non rectè stipulatur.
33. Dissensus circa materiam reddit vitiosam stipulationem.
34. Item turpi ex causa promissum.
35. Stipulatio conditionalis transmittitur ad heredem.
36. Stipulationi adiectus dies prodest promissori.

VT effectum consequatur stipulatio, oportet utiliter sit concepta, aptâ scilicet ad interrogationem responsione, inter eos, inter quos stipulatio celebrari potest, & super rebus, quæ sunt in commercio. Unde contingit, vitiosam esse stipulationem, vel ratione materiæ in eam deductæ, vel ratione formæ, vel personarum, quæ eam ineunt, aut quibus quæritur, vel denique ratione adjectorum, de quibus h. t.

2. Ad materiam quod attinet, eam hic ponit res quælibet, sive mobilis sive immobilis, modò sit in rerum natura, aut esse possit, ejusque sit commercium, *text. hic in pr*

in pr. Quo modo vitiosa & inutilis erit stipulatio, si in eam deducatur res, quæ **IN RERUM NATURA NON EST, NEC ESSE POTEST.** Sic servum mortuum, hippocentaurum, aut simile quid, inutiliter stipulamur: deficit enim stipulationi materia, ac deest finis, cum res istæ haberi nequeant, aut habitæ non sint utiles: adeo ut ne quidem æstimatio isto casu debeat, cum ubi res non debetur, ibi nec æstimatio præstanda veniat, ut dictum sup. *De legat. §. non solum.* Nisi res perempta talis sit, ut condici possit, quando scilicet facto debitoris potest imputari ejus interitus, *l. Inter 83. §. pen. l. Si servus 91. §. pen. & ult. D. De V. O.*

§. Idem est juris.

Contingit & vitium materiæ, si **RES EXTRA COMMERCIIUM** stipulatione contineatur, uti **SACRA, RELIGIOSA, PUBLICA, LIBER HOMO**, *text. hic & d. l. 83. §. sacram.* Ubi nihil facit ad valorem stipulationis, si postea in commercio esse coeperit, cum stipulatio judicetur secundum tempus præfens, *l. Continuus 177. §. si quis in fine D. De V. O.* Nihil etiam operabitur subjecta conditio, si vel quando profana facta fuerit, vel quando publica res in privatam deducta, aut liber homo in servitutem redactus, *d. §. si quis*: tum quia inhumanum sit, ejusmodi casum sperare, *d. l. 83. sed hac*; tum quia quæ sui naturæ dominio nostro sunt exempta, in obligationem deduci nullo modo possint, *text. hic.** Quod aliter se habet in **RE SUA**, quam licet quis non rectè stipuletur sibi dari, cum quod semel nostrum est amplius nostrum fieri nequeat, nec convalescat stipulatio ex eo, quod ex post facto desierit stipulatoris esse, *text. hic in fine*: cum attendatur tempus conceptæ stipulationis, uti jam dictum. Subsistet tamen stipulatio, si concepta sit in casum, quo sua esse desierit, *l. Si rem. 31. D. De V. O.* cum non subsistat idem absurdum, quod in superioribus. * An autem res, quæ in commercio quidem est, ejus tamen est incapax stipulator, debeat, ex ijs colligi poterit, quæ dicta in simili sup. *de legat. §. non solum*, ubi probatum, non deberi legatum; atque ita nec hoc casu promissum debetur, ex eadem ratione: & ita decedit textus in *l. Multum 34. d. rit.*

§. Item contrà.

Vitiatur & stipulatio, si res in eam deducta in commercio ab initio existens postea esse desierit. Nam quæ semel constiterunt evanescent, si superveniant in casum, à quo inchoari nequeunt, *l. Si servum 91. §. 1. l. Existimo 98. d. t. Quo casu si factum aut culpa promissoris arguatur, ad æstimationem tenebitur, ne ejus factum sit alteri damnosum, d. l. 91. in princ.*

§. Si quis alium daturum.

7 **V**itium ex parte promissoris hic continetur, quando tertij factum vel datio in eam deducitur. **ALIUM** scilicet **DATURUM FACTURUMVE**. Versatur enim negotium tantum inter stipulantem & promittentem, & de se recte quisque promittit, non de alio, qui non obligatur, cum ejus factum vel datio non sit in potestate promittentis, *l. Inter 83. D. d. t.* Inuitus enim nemo obligationi adstringitur. Ut ea stipulatio sit plane inutilis, siue tertium respicias, qui non promittit, siue promissorem, qui non promissit suum factum: ita ut ne quidem teneatur curare, ut tertius det vel faciat, quia hoc non promissit, & extrinsecam interpretationem lex non admittit, *l. Quidquid 99. D. d. t.* * Aliter se res habet in eo, qui **EFFECTURUM SE PROMISSIT, UT ALTER DET VEL FACIAT**, *text. hic.* Continetur enim factum proprium promissoris, ejusque diligentia: qui non excusabitur, si quantum in se est fecerit, & alter dare aut facere noluerit. Nam licet culpe promissoris nihil queat imputari, hoc tamen casu, quia simpliciter promissit se effecturum, ipse tenebitur, cum id verbum significet ad effectum deducere, non etiam conari tantum. Pro qua parte facit *l. fin. §. D. De rebus cred.* ubi qui promissit curare, decem dari, ipse dare tenetur, aut reum locupletem offerre. Cujac. *add. l. 83.* Poena si qua subiecta, si non effecerit, recte exigitur, quia facit negotium versari inter promittentem & stipulantem, *l. Stipulatio 38. §. & si quis D. De V. O.*

§. Si quis alij.

8 **E**t & vitium ex persona contrahentium, **SI ALTERI QUIS STIPULETUR**, qua de re cum suis exceptionibus latius in *ed. §. alteri.* Procedit autem hoc non tantum, si totum quid alteri stipulemur, sed & partem tantum, cum sit eadem ratio totius & partis. Quo modo sibi & Titio decem dari stipulatus, non nisi ad quinque ager, *text. hic vers. quod si sibi*, quæ stipulatorem concernunt: reliqua autem quinque inutilia sunt, quia concernunt extraneum, cui non queritur. Et hoc ita, quando conjunctim stipulatio est inita, nam si disjunctim, *Mibi aut Titio decem dabis*? tota stipulatio valet in persona stipulatoris, *text. hic.* Ratio diversitatis est, * quod conjunctio copulativa inducat divisionem, atque ita ponat duas in effectu stipulationes, in persona quidem stipulantis utiliter, in persona vero tertij inutiliter, propterea quod tertio nemo stipuletur, & cesset jus accrescendi in contractibus: disjunctiva autem faciat eam esse stipulationem & indivisam, quæ tota ad stipulantem refertur, ne sit inutilis. * Non frustra autem tertius adiectus, quia licet ei obligatio nulla sit quaesita, solutio tamen censetur collata in ejus personam, *text. hic vers. plane.* Ut in promissoris sit electione, stipulanti an adiecto solvat: illi tamen salva mandati actione, quæ ab hoc repetat solutum, donec contestando litem electionem in

ni debitoris creditor præjudicaverit, *l. Si quis 57. D. de solut.* aut mutatâ conditione adjecti mandatum habebatur pro extincto. Tacite enim ei inest conditio, si in eodem statu permanerit, ut in tuto sit solutio, *l. Cum quis 38. in pr. D. de solut.*

§. Præterea

Vitium adfert quoque neglecta stipulationis forma, quæ consistit IN APTA 12
ET CONGRUA AD INTERROGATIONEM RESPONSIONE. Contra quam peccatur, si verba non interveniant, uti mox dicetur: si responsio debite non aptetur interrogationi. Quod contingit primò, si post intervallum respondeatur: continuus enim debet esse actus stipulantis & promittentis, *l. Continuus 137. D. de V.O.* nisi modicum sit, *l. 1. §. 1. d. t.* Ubi volunt, eodem die utiliter responderi, & hoc colligi ex *d. l. 137. & l. Si ex duobus. 12. D. de duobus reis*, nisi tamen interea actus à stipulatione alienus intervenerit, *d. l. 137.* Ubi aliqui legunt, *aliud agere ceperit*: communiter verò legitur, *aliud acceperit*, id est occeperit sive inceperit negotium, quòd videatur stipulator ab interrogatione destitisse per longum intervallum aut ad alienum negotium divertens. * Secundò, si DIVERSA sit 13
QUALITAS RESPONSIONIS, ut si interroganti purè promittatur in diem, aut sub conditione, vel e contra, *text. hic*; quia non concurret consensus utriusque in idem placitum, *d. l. 1. §. 2.* Et hoc ita, si interrogatus in diem promiserit præsentis die. Nam si simpliciter promiserit, *dabo*, nullum est vitium, quia responsio simplex continet eandem interrogationis qualitatem; cum quæ pactis continentur, censeantur repetita in stipulationibus, *l. Titia 134. §. 1. D. d. t.* * Tertiò, si 14
responsio habeat DIVERSITATEM QUANTITATIS, veluti si quinque petantur, promittantur autem decem, aut e contra, *text. hic*, eò quòd non respondeatur ut est interrogatum. (o)

Est autem questio, An diversitas circa quantitatem faciat omninò inutilem stipulationem? Quod videri posset, ex eo, quòd diversitas qualitatis omninò vitiet, cui æquiparatur diversitas quantitatis: ut videatur succedere regula, quòd determinatio ad plura relata omnia æqualiter determinet. Responsum tamen in *d. l. 1. §. si stipulanti 4.* tenere stipulationem quoad summam congruentem, subjunctâ ratione, quòd summa minor inest majori, ut decem promittens videatur promittere quinque petita. Nec obstat regula allegata, quia non est necesse, ut æquiparata per omnia conveniant; satis enim est, in eo respondeant, de quo quaeritur, uti hic, cum diversitas quantitatis faciat non esse stipulationem validam, prout est concepta, sed tantum pro summa concurrente. Quod autem dicitur *d. §. 4.* viginti inesse decem, verum est, quando intentio disponentis æquè vel fortius adaptatur & convenit summæ minori, ut hoc in casu. Nam si fuerit limitata ad maiorem quantitatem, non verificabitur in minori: exemplum est in *l. Si decem 52. D. Locati*, ubi si dominus locet fundum decem, conductor autem putaverit se habere conductum quinque, nihil agitur.

§. Item inutilis.

- 15 **EX PERSONA STIPULANTIUM** contingit vitium, si inter eos fiat, qui habentur loco ejusdem personæ, ut **INTER PATREM ET FILIUM, DOMINUM ET SERVUM**. Est enim filius patris, servus domini instrumentum & vox, & habentur loco ejusdem personæ: ut videantur sibi à se stipulari & civilis obligatio inter eos oriri nequeat, quæ requirit duas personas. Naturalis tamen constituitur, quia naturaliter inter eos non est fictio unius personæ. Extraneis filius rectè obligatur civiliter, cum habeat liberam personam, nisi subsit patris detrimentum, ut in *l. 2. §. 1. de sollicitat.* Servus autem non nisi naturaliter aliis obligatur, naturâ enim homo est: non etiam civiliter, quia pro nullo habetur. (p)

§. Mutus.

- 16 **C**UM VERBA requirantur ad formam hujus obligationis, sit, quod mutus, surdus illam non contrahant: ille enim verba proferre nequit, hic non exaudit. Ubi non interest, naturâ an casui ei vitio quis sit obnoxius: nam licet casu ei obnoxius intelligat quid agat, non tamen tam in consensu quam in verbis consistit forma. Quo modo & interroganti annuens, ne quidem naturaliter obligatur, *l. 1. §. si quis ita D. de V.O.* quod desit forma contractûs. Nam si naturalis obligatio oriretur, id esset ex vi pacti: quod dici nequit, cum non pacti ineundi, sed stipulandi fuerit animus. (q)

§. Furiosus.

- 17 **EX parte DEFECTUS CONSENSUS** vitium ponitur in stipulatione inita per **FURIOSUM, MENTE CAPTUM**, & similes, quod sensu careant. Quo in genere & rectè ponitur **PRODIGUS**, cui est interdicta administratio, secundum dicta sup. *De curatoribus.*
- 18 **PUPILLUS, INFANS**, cum non intelligat quid agat; si tamen infantiam sit egressus, id est, expleverit annum sextum ætatis, qualis infantie proximus hic dicitur, omne negotium rectè gerit. *text. hic:* nisi de eo obligando agatur, quia tunc opus auctoritate tutoris, ut etiam rectè sibi stipuletur dari. (r) Patris auctoritas ad obligandum impuberem nihil facit, *text. hic in fine*, cum ea non faciat rem pupillo salvam, fortè negotio minus benè peracto. (s)

§. Si impossibilis.

- 19 **V**itiaturo stipulati ex PARTE ADJECTORUM, quando continet **CONDITIONEM IMPOSSIBILEM**, sive de facto, veluti, **SI COELVM DIGITO**

DIGITO TETIGERIS; siue de jure, veluti, **SI MATREM DUXERIS**, quòd contrahentes talem conditionem adjiciendo censeantur ludere, *l. Veteribus 39. D. de pactis*. Aliter se res habet in testamentis, uti dictum *sup. de hered. instit.* Et hoc ita in conditione impossibili affirmativè concepta. Aliud juris est, si negativè adjiciatur, veluti, **SI COELVM DIGITO NON TETIGERIS**, *text. hic in fine*. Cujus enim affirmatio continet impossibilitatem, ejus negatio inducit necessitatem. Condicio autem omninò exitura pro pura habetur, & continuò obligat, uti dictum *sup. tit. 16. §. conditiones*. Et hoc ita, si impossibile naturà sit comprehensum conditione: nam si jure probrosum aut bonis moribus contrarium, nihilominus vitiabitur conditio negativè concepta, & secundum eam facta solutio dabit conditionem ob turpem causam, *l. 2. & 4. §. quòties D. de condit. ob turpem causam*, cum turpe sit, pro scelere non admittendo mercedem pacisci, aut pactum accipere, *l. 7. §. si ob maleficium. D. de pactis. (t)*

§. Item verborum.

Cum stipulationis forma consistat in verbis, uti jam dictum, non potest inter 20
absentes contrahi: ut vitiosam eam ponat **PARTIVM ABSENTIA**, cum
nuntius aut scriptura vicem verborum non suppleat. Aliter se res habet in con-
tractibus, qui consensu solo ineuntur, quique & inter absentes consistunt, *l. 1. §. fin. D. de contrah. empr.* Ad fidem tamen rei gestæ & probationis causà, rectè scri-
pturà huic contractui adhibetur, quà contenta habentur quasi legitimè peracta,
text. hic & §. scriptum inf. eod. l. pen. D. de contrah. empr. * Modò contrarium non 21
probetur, ipsiusque instrumenti arguatur falsitas. Quod licet directò fieri ne-
queat, cum negationis non sit ulla probatio, nullàque illi sint accidentia, indire-
ctò tamen hoc fieri potest liquidis probationibus, vel testibus idoneis omni exce-
ptione majoribus, qui testentur, contrahentes, vel alterum illo die, quo instru-
mentum confectum dicitur, alio fuisse in loco, *d. l. pen.*

Ubi quæritur, quot testibus opus sit? Glossa hic duos adserit sufficere. Cu- 22
jus opinio procedere posset, testibus adscriptis mortuis, quia tum fides instrumen-
ti à solo pendet tabellione, quæ reclamantibus duobus infringitur. Si vivant ad-
scripti, opus est pluribus, ut instrumento tua derogetur fides, *c. Cum Ioannes 10. X. De fide instrum. Covarr. 2. Var. cap. 13. (u)*

§. Post mortem.

EX eo, quòd olim obligatio, quæ non cœperat à defuncto, vel contra eum, 2
non posset incipere in persona hæredis, inutilis erat stipulatio, quà quis
POST MORTEM SUAM, vel **PROMITTENTIS**, dari sibi perierat;
adeò ut nec **PRIDIE QVAM MORERETVR** rectè quis sibi stipularetur, ex
eadem ratione. Verùm cum hodie, emendatà dicta regulà, placuerit actiones et-
iam ab hæredibus & contra hæredes inchoari, *c. Et actiones ab hered. stipulatio præ-*
dicta utilis est, Volebat autem omni stipulatio, CVM MORIAR, vel MORIFRIS,
DABIS

DABIS? §. *ita autem inf. eod.* quod isto casu non inciperet obligatio à defuncto, sed à vivente, ipso scilicet moriendi momento, quod vitæ adscribitur. Cujac. 3 Obs 34.

§. *Item si quis.*

- 24 **P**rapostera est stipulatio, quando datio est prior conditione: ut in exemplo hic polito: SI NAVIS EX ASIA VENERIT, HODIE DARE SPONDES? quia dies executionis præcedit diem obligationis, quod non fert natura, idèoque olim vitiosa erat. Quia tamen mutatio ordinis mentem non vitiat, & in testamentis, dotibusque non obest, l. *Præpostera C de testam.* receptum quoque, ut in contractibus non oblit, quod, rejectis verborum angustis, mens, quæ potissimè inspicitur, ea sit, ut, siquidem conditio extiterit, præstetur id, quod in stipulationem est deductum, atque si in ista stipulatione, SI NAVIS CRAS EX ASIA VENERIT, HODIE DABIS? non sit adjecta vox, *hodie*, sed simpliciter petatum, *dabis?* (x) Non rectè hic opponitur l. *Huiusmodi 64. D. de F.O.* ubi stipulatio, *Si Consul fiat, tunc ex hac die decem annua dabis?* olim valuisse dicitur, cum non sit præpostera: datio enim conditionem sequitur, ut apparet ex *voculatum*, relata ad conditionem extituram.

§. *Quoties plures.*

- 25 **C**ontinetur vitium in forma, si DISJUNCTIM interroganti, PAMPHILUM AUT DAMAM DABIS? respondeatur, DAMAM DABO: quia talis stipulatio una tantum est, ut non admittat responsionem ad alterum expetitis, sed simpliciter respondendum sit, DABO. Quæ res aliter se habet in stipulatione conjunctim facta, PAMPHILUM ET DAMAM DABIS? nam cum sint res plures deductæ in stipulationem, & tot sint stipulationes, quot res contentæ, rectè una promittitur, & satisfit formæ stipulationis, non etiam illo casu, ex jam dicta ratione.

§. *Alteri stipulari.*

- 26 **N**eminem alteri stipulari utiliter, habetur *sup eadem §. si quis alij*, quod hic repetitur, subijuncta ratione, quod inventæ sint stipulationes, UT UNUSQUISQUE ACQUIRAT SIBI QUOD SUA INTEREST: alteri autem dari aut fieri non interest stipulatoris. Et licet alterius conditionem meliorem facere liceat, non tamen cum alterius gravamine. Tolerabilius enim est, non conferri alteri beneficium, quam per hoc alterum premere, si nihil ad te redeat.

- 27 Ubi quaeritur, An producat ejusmodi stipulatio aliquam actionem? Et quantum ad civilem attinet, eam non produci certum est, quod lex isti obligationi

gationi non tantum non adistat, sed & videatur resistere. Naturalem quoque nullam oriri rectius dicitur, quod stipulatio sit contractus requirens duorum consensum, promittentis scilicet & ejus, cui promittitur, cuius hic non adest consensus: ut promissor nequeat dici obligatus, donec cum eo contractus renove-
tur.

Patiuntur autem dicta exceptionem; Primò, si fiat ei, qui juris fictione ha-
betur eadem cum stipulante persona, ratione potestatis: quo modo filio in po-
testate rectè stipulatur pater, servo dominus, & vice versâ, *sup. d. §. si quis alij vers.*
ei qui juri tuo. Dico, in potestate; nam secus obtinet in emancipato, ut nec
mater stipuletur filio, nec vice versâ, quia cessat potestas. Hæreditamen suo
rectè quis stipulatur, *l. stipulatio 38. §. sed si quis D. de V. O.* quod hæres stipulantis
persona sit functurus, ut non possit videri alteri facta stipulatio. (y) * Secundò,
si interfici stipulantis dari vel fieri, ut quia ejus est creditor, procurator, contu-
tor, *text. hic vers. sed & si quis.* Nam cum commodum stipulationis ipsum con-
cernat, videtur sibi stipulatus. Ubi interesse debet tempore stipulationis, ut
indicat hic text. § *sed & si quis stipuletur alij*, in verbis, *cum ejus interesset*, tem-
pore scilicet stipulationis. Sumit enim stipulatio vires ex initio contractus,
quod inspicimus, *l. §. filiusfam. 78. l. Continuis 127. §. cum quis in fine D. V. O.* Ut
nihil magis sit valitura stipulatio, si eam tempore initæ stipulationis non in-
teresset, postea interesse cœperit. * Tertiò, si pœna subjuncta fuerit, in casum,
quo tertiò non datur aut fit, *text. hic vers. plavè.* Nam ejus adjectio nullum con-
tinet vitium, cum per eam queratur ipsi stipulanti. Nec facit, quod ubi princi-
pale non tenet, ibi nec accessorium possit subsistere; quia pœna ista non tam est
loco accessorii, quam suo nixa pondere. Et hoc, quatenus non subest turpitu-
do, ad quam per pœnam coarctari turpe est, *l. stipulatio hoc modo 61. D. de V. O.*
aut impossibilitas, ad quam nulla est obligatio, *l. si homo 69. d. r.* Volunt & pi-
am causam exceptam, quod ei per alterum stipulatio facta teneat, qua de re Fe-
linus in *proemio Decret. num. 25.* (z) * Juramentum subjunctum stipulationi al-
teri factæ omnino servandum est, si non vergat in detrimentum animæ jurantis,
aut terti, *l. cum contingat 28.* ✕ *De jurejur.* Denique moribus nostris invaluisse
videtur, ut tabelliones in contractibus rectè aliis stipulentur.

§. Item nemo.

UT nemo rem suam sibi stipulatur, quod ea amplius sua fieri nequeat, ita nec in
casum, quo res aliena sua facta erit. Concipitur enim in talem casum stipula-
tio, à quo inchoari nequit.

§. Si de alia re.

33 **V**itium ponit error contrahentium circa corpus, veluti si Davum petenti per errorem promittatur Pamphilus, quasi ille putetur rogatus. Ratio est, quod stipulatio utriusque consensu perficiatur, quem deesse facit dissensus. Dico, circa corpus; quia circa nomen non vitiat, si de mente constet, §. Si quis in nomine sup. de legat. uti nec circa qualitatem; veluti si mensa putetur aurea, cum sit aenea, l. Si id quod aurum 22. D. de V. O. Nec obstat, quod error circa qualitatem faciat vitiosam emptionem, l. Quod tamen 14. D. de contrah. empr. Ratio differentiae est, quod interfit stipulantis, etiam eatenus stipulationem valere, & saltem aeneam rem habere potius quam nullam: emptoris verò commodum sit, non valere contractum, propter detrimentum, quod acciperet, ratione pretii, quod accommodatum valori rei, qui non respondet in praedicto casu.

§. Quod turpia.

34 **R**atio hujus est, quod turpia habeantur impossibilia, l. Filius 1 §. D. de condit. insti. ad qua nulla est obligatio.

§. Cum quis sub aliqua.

35 **H**ujus ratio est, quod non tantum nobis stipulemur, sed & heredi nostro, ad quem transmittitur spes conditionis, uti dictum sup. Tit. 16.

§. Qui hoc anno.

36 **I**ste §. non spectat ad vitiosam stipulationem, sed potius ad petitionem ex stipulatione in diem concepta, qui cum in promissoris gratiam sit adjectus, ante ejus lapsum inutiliter petitur. Qui & totus labi debet, ut iusta sit petitio: in quo distinguitur ab obligatione pura, ex qua continuo agi potest, ut dictum sup. d. Tit. 16. Dandum tamen debitori temperamentum temporis, quo commodè traditio fieri potest, text. hic in fine & l. Quod dicimus 10 §. D. de solut. Neque enim debet creditor cum sacco statim adesse paratus.

ADDITIONES V. A. D.

Num: 2. ibi, NEC ESSE POTEST.) Rectè ait, nec esse potest, quia multa non sunt in rerum natura, quae tamen esse possunt, ut fructus nascituri, l. Interdum 73. D. de V. O. qui propterea in stipulationem deduci ac promitti possunt, ita

ita tamen, ut tum demum præstentur, cum nati erunt. Quæ verò in rerum natura non sunt, nec esse possunt, quamvis cogitatione fortè formari fingique possint, frustra tamen in stipulationem deduxeris. *In rerum natura quædam sunt*, inquit Seneca *Epist.* 5. ex sententia Stoicorum, *quædam non sunt*. Et hæc autem, quæ non sunt, rerum natura complectitur, quæ animo succurrant, tamquam Centauri Gigantes, & quicquid aliud falsâ cogitatione formatum habere aliquam imaginem capit, quamvis non habeat substantiam. Solent verò Jurisconsulti exemplo uti Hippocentauri, pro re, quæ non sit in rerum natura, quemadmodum & Stoici apud Diog. Laërtium in Zenone. Vitium tamen aliquando Hippocentaurum scribit Cora. 5. *Miscel. c. 2.* ex Plinio, *Natur. histor. lib. 7. c. 3.* verum id pro fabula habet Covarr. 4. *Var. resol. c. 2.*

Num. 3. ibi, *d. l. 83. §. sacram.*) Sunt enim tales res, propter summam earum dignitatem, inæstimabiles, extrâque commercium, ut alienari aut acquiri nequeant, ergò neque in stipulationem deduci. Planè moribus nostris publica omnia sicut sunt Principis, & è converso Principis omnia sunt publica, ita & res Principis nec mancipi, id est inalienabiles dici possunt. Et quamvis jure Romano patrimonium Cæsaris & canon seu domanium, ut vocant, ejus voluntate alienari potuerit, & in commercium recidere, *l. fin. C. de fund. patrim. lib. 11.* tamen hodie jure Francico de regno & patrimonio regni nihil alienari posse, nec tenere alienationem etiam juramento firmatam, scribit Guido Papa *quæst. 139.* probâtque auctoritate *c. Intellecto & de jurejur. & Burcherel, hic.*

Num. 4. in fine.) Vide Zoef. *ad tit. de V. O. num. 29.* & annotata à nobis *sup. ad tit. de legat. num. 9.*

Num. 7. ibi, invitus enim nemo obligat, adstringitur.) Eleganter Paulus J. C. *l. 11. D. de obligat. & act.* Quæcumque gerimus, inquit, cum ex nostro contractu originem trahunt, nisi ex nostra persona obligationis initium sumant, inanem actum nostrum efficiunt. Hinc enim rectè inferri, ut neque stipulari, neque emere, vendere, contrahere, ut alter suo nomine agat, possimus. Regula huic quæ opponi posse videbantur removet Timoth. Faber *disput. 23. thesi 7.*

Num. 8. ibi, Cujac *ad. d. l. 83.*) & ad *l. Si rem 28. D. eod.* Quæ & sententia fuit Jasonis *ad l. Stipulatio ista 85. §. alteri 17. De V. O. & Zahu ibidem num. 16.* & 17. Ang. *ad l. Si ita stipulatus eod. tit. Fachin 3. contr. c. 20. Bronch. cent. 4. assert. 40.* Communiori tamen calculo recepta est contraria sententia, promissorem liberari, si omnia fecerit, & quam potuit diligentiam adhibuerit, ut Titius v. g. faceret. Quod quando præstitit, jam dici non potest, eum in mora fuisse: atqui in faciendi obligationibus promissor ad id quod interest non tenetur nisi post moram, *l. Si quis ab alio 13. D. de re judic. eleganter.* Decius *conf. 313.* Adde, quòd actus agentium ultra eorum intentionem ad impossibile casum non sint extendendi, *l. Impossibile 185. D. de R. I. & c. Ad impossibile eod. in 6.* Ita Bart. *cons. 236.* Marth. *de Afflict. decis. 395.* Maranta *disput. 2. num. 20. 23. & 27.*

ubitradii ita observari in praxi, Covarr. *ad l. Quamvis p. 2. §. 4. num. 3. de pact. in 6.* Menoch *conf. 239. num. 13. lib. 3.*

Querit hic Schultz. *lit. C.* Vtrum littera cambii, in quibus plerumque alieni facti promissio fieri videtur, dum is, qui recipit pecuniam, promittit alium alibi degentem soluturum, validae sint & obligent? Quod dicendum, cum qui ita promittit alium soluturum, promittere de se & facto suo videatur, nimirum se curaturum & facturum, ut alius solvat.

Num. 11. in fine.) Porro ratio, cur in personam Titii adjecti facultas solutionis conferatur, in obscuro est. Joann. Ramus *hic in Praelect. suis miss.* eam inde repetit, quod stipulatio, quatenus ad Titium pertinet, neque omnino nulla sit, nec etiam omnino valeat, ac proinde mediam quodammodo viam eligendam fuisse, ut stipulatio extraneae personae adjectione facta, quia valere non poterat quoad obligationem, saltem valeret quoad executionem, id est solutionem, *l. Eum qui ita § 6. D. de V. O.* Certè ratione personae adjectae non quidem omnino nulla est obligatio, quippe quae praecise in personam tertii non sit concepta, cum & stipulantis persona sit in obligatione. Non etiam omnino utilis est, cum ex ea nasci obligatio, personam tertii stringens, non possit, *l. Stipulatio ista § 8. §. alteri D. de cod. Itaque ne supervacui quippiam continere diceretur, hic actus stipulandi legitime initus, & pro parte fieret illusorius, inventam esse mediam, quam dixi, viam, nimirum ut in personam adjectam conferri possit solutio, *d. l. Eum qui ita §. qui sibi:* tum quod illud promissori sit favorabilius, data ei electione, utri eorum malit solvere: tum quod in dubio contractus ita potius sunt interpretandi, ut valeant quam ut pereant, *l. Quoties 12. D. de rebus dubiis.* Plura de adjecto solutionis gratia vide apud Cujac. *ad l. Stichum § 5. §. questum cum §. seq. D. de solut. sive ad lib. 28. quest. Papiniani.* Planè quod dictum, sufficere ad valorem contractus, ut obligatio ex persona contrahentium initium sumat, *l. Quacumque 11. de oblig. & act.* executionem verò contractus in personam tertii conferri posse, id apud mercatores & alios usitatum est, qui stipulantur sibi vel latori praesentium dari, de quo eleganter Praeses Everard. *consil. 219. Consuet. Antverp. tit. 53. art. 6. 7. & 8. Cur. Holland. decis. 10.* Joann. à Sande tract. *de act. cess. c. 2. num. 17.* Quo casu lator litterarum censetur solutioni tantum adjectus. At verò quia obligatio in stipulante consistit, utique is solus ex eo contractu agere potest, *Glos. hic in V. Seio vers. item licet solvi possit, Ever. d. conf. 219.* Cujac. *in l. Ad probationem C. de pact.* Damhaud. *Prax. rer. civ. l. c. 97. & 133.**

Num. 12. in fine.) Vide Alciat. 1. *Paradox. c. 3.* ubi docet, stipulationem debere absolvi unico actu, sicut & testamentum, *l. Si unus 12. C. de testam. & l. ult. C. de codicil.* reprobata sententia Barth. & aliorum, qui tenent valere stipulationem, si vel eodem die respondeatur, nec longam hanc temporis intercapedinem esse, *arg. l. Si ex duobus 12. in pr. D. de duobus rebus.* Adde Royz, *decis. Lituan. 4. num. 183. & D. Zoef. De V. O. num. 11.*

Nu. 14. in fine.) Quod si strictam juris rationem sequimur, rectius fortè dixerimus, stipulationem, ubi diversitas est sive in qualitate, sive in quantitate, omninò non valere, & totam corrui, *text. hic & ibi* Porc. eà ratione, quia non sit apta & congruens responsioni, quæ in stipulationibus est pars formæ & solemnium. Atqui in his, quæ solemnibus constant, si vel minimum quippiam eorum, quæ ad solemnia requiruntur, desit, tota ilicò corrui obligatio, quemadmodum & minima pars solemnium testamenti deficiens totum facit corrui testamentum. Neque enim potest consistere, quod forma destituitur, *l. Cum hi. §. pen. D. De transact.* Quin & paria sunt, omninò non respondere, & non aptè respondere, *l. De etate 11. §. quod autem §. D. De interrog. act.* Denique strictissima stipulationum natura est, ut omnium intelligi debeat, quidquid palam verbis expressum non est, *l. Quidquid adstringenda. 99. De V. O.* Nec obstat Ulpiani responsum in *l. 1. §. si stipulanti D. eod.* Si stipulanti mihi decem tu viginti respondeas non esse contractam obligationem nisi in decem; & contrà, si me viginti interrogante, tu decem respondeas. *Licet enim, inquit, oportet congruere summi, attamen manifestissimum est, viginti & decem inesse.* Nam respexit ibi I. Ctus, ad eam decisionis partem, quæ proximè antecedit, nimirum quoties est diversitas, quæ adiciat aliquid aut detrahat obligationi, eà vitari obligationem, *nisi stipulatori diversitas responsionis illic placuerit.* Ut proinde quemadmodum in cæteris diffornibus stipulationibus ita demùm valet obligatio, si stipulatori protinus & incontinenti diffornitas placuerit, ita & in quantitate valere debeat. Alias inutilem ipso jure fore stipulationem, totamque vacillaturum debitum (ut Cajus loquitur, *2. Instit. tit. 9.* vel quisquis harum Institutionum auctor est) dum interim incertum est, an diffornitas stipulatori placitura sit. Illud interest, quòd quando diffornitas est in qualitate, eaque placuit stipulatori, tunc alia videatur esse contracta stipulatio, *d. l. 1. §. si stipulanti in fine*, quoniam in posteriori stipulatione aliud vel alia res venit, quam in priori. At verò ubi diffornitas est in quantitate, eà per stipulationem approbatà, non quidem nova censetur contracta stipulatio, sed potius contracta antè in minorem quantitatem valere, quia scilicet minor quantitas nisi majori, *d. §. si stipulanti*: atque ita non aliud videtur esse promissum quàm stipulatum, nec alia stipulatio post probatam diffornitatem, quam fuit & antè. Hac ferè I. Ramus, quibus conformia tradunt Cujac. *ad d. l. 1. §. 4. vers. nisi*, Borcholt. *ad tit. D. De V. O. c. 1. nu. 50. & aliquot seqq.* Tim. Faber. *disp. 23. thesi 9.* Marc. à Lyclama *§. Membran. Ecl. 13.* Alij aliter, ut quidem diversitas in qualitate totam vitiet obligationem, nisi accedat complacentia, non etiam in concurrente quantitate, & citra approbationem stipulatoris Ita D. Zoef. *hic & latè ad D. De V. O. nu. 5.* Coras. *ad d. l. 1. §. si stipulanti nu. 2. & 3.* Sarmient. *6. Select. Interp. c. 3.* Vacon. à Vacuna *lib. 5. Declar. iur. civ. c. 71.* Bronch, *cent. 4. assert. 37.*

Nu. 15. in fine.) Quod ad servos attinet, illos hodie non habemus, sed servos ut vocant, colonos, adscriptitios seu adscriptos glebæ, in jure etiam

cognitos ; quosque nuncupamus homines proprios , manus mortales seu manus mortuæ &c. de quib. dixi sup. ad tit. De his, qui sui vel al. iur sunt. Hos dominis suis ex stipulatu obligari posse , & vice versâ , cum potius glebam dominam habeant , quam dominum locatorem , tradit Schulz. hic lit. A. & Coed. De contrah. & commit. stipulat. c. 7. concl. 6. in fine. Caretüm filijsfam. ita demum obligari alijs cum effectu poterunt, si & bona habeant , unde obligationi queant satisfacere, ut eatenus sui juris & emancipati esse videantur, & præterea annum 25. ætatis exceßerint. Nam ad eam usque ætatem censetur filius etiam quoad bona adventitia in patris sui curat. ique degere , sic ut nihil eorum valeat , quæ sine patris consensu & auctoritate cum alijs gesta fuerint , arg. l. Si curatorem C. De in integr. restit. minor. Quid hic mores observent dixi sup. ad tit. Quib. modis patria pot. solvitur.

Nu. 16. in fine.) Nec dixeris, surdum ab accidenti, licet loqui & respondere ad interrogata nequeat, posse tamen verba stipulatoris scripto excipere ; quia hic non tam ad interrogata , quam ad scripta videbitur respondere , quod forma stipulationis non admittit. Rursus non contradicit , quod mutus ac surdus cæteris rectè adhibeantur & fungantur contractibus, adeoque etiam solo nutu perfici stipulatio posse videatur. Unde Quintil. lib. xi. Instit. Orat. c. 2. Non manus solùm, inquit , sed nutus etiam declarat voluntatem & in mutis pro sermone sunt. Jam enim dixi, formam stipulationis id non admittere , esseque inutilem stipulationem , si quis stipulanti sine verbis annuendo responderit , probat l. 1. §. si quis ita de V. O. Quamvis hodie apud Hispanos, si quis ita annuisset , eum obligari notet Parlador. Rer. quotid. lib. 2. c. 3. nu. 23. cum consensus & obligandi animus etiam nutu satis declaratur, l. Si stipulator 35. §. fin. de V. O. & l. Nutu 21. de legat. 3. Uti & mutum rectè promittere , si in id, de quo interrogatus fuerit, signis consentiat. Parlad. ibid. nu. 24.

Nu. 18. ibi , sibi stipuletur dari.) Notandum hic in pupillis Communiter tres ætates distingui , quod & obiter terigi sup. ad tit. De auctorit. tut. nu. 4. Sunt enim infantes , sunt infantie proximi , & denique sunt proximi pubertati. Infantiam plerique definiunt anno septimo ætatis , l. Si infanti & ibi Dd. C. De iure deliber. Inde usque ad annum decimum dicuntur proximi infantie. Deinde quod reliquum est ætatis pupillaris , id pubertati proximis solet attribui. Communem hanc sententiam sequitur Vinn. hic , & in consulendo ac judicando sequendam censet Gomez. 3. Resol. c. 1. nu. 57. Verum cum nullâ certâ ætate definiri ista possint , nec lex aliqua certis temporum intervallis distinguat , atque alij alijs citius tardiusve ad intellectum aliquem perveniat , fortè rectius iudicis arbitrio committentur. Faber , Porc. & alij ad §. finitur sup. Quib. modis tut. fin. Boer. ad consuet. Bitur. tit. 1. §. 10. gl. 1. Salic. ad l. Impunitas C. D. pœnis , Coras. 6. Mijel. c. 23. Covarr. de Matrim. p. 2. c. 1. nu. 7.

Ibid. in fine) Patria enim potestas ad vitæ morumque institutionem per-

finet, non vero id bonorum administrationem, cum liberi in potestate constituti bona non habeant. Vlp. *in frag. tit. 20.* Deinde diversa juris ratio est, cur pupillus tutore auctore magis obligetur, quam auctore patre: quia ubi tutor est, periculum ex tutela pupillo non imminet, cum si quid male tutor administret, id pupillus tutelæ judicio à tutore recuperet, §. *ult. sup. De Attil. tit.* Quod in patris locum non habet, cum inter patrem & filium in potestate lis nulla esse possit, l. *Lus nulla 4. D. De iudic.* & filius, qui hæres patri esse velit, omnia sui patris facta debeat habere rata, l. *Cum a matre C. De rei vindic.* Moribus nostris filiusfam. patre auctore quodcumque negotium rectè gerit, arg. l. 18. §. *si infanti in fine C. De iure delib. & l. ult. §. ipsum autem C. De bonis qualib. Vinn. hic.*

Nu. 19. in fine) Ceterum diversa ratio est modi adjecti, qui etiam impossibilis contractum non æquè viciat. Nam conditio velut pars obligationis eam in eventum sui suspensionem tenet, §. *sub conditione sup. De verb. oblig.* nec antè nata dicitur obligatio, nisi extiterit conditio, adeoque ob conjunctionem conditionis & obligationis inter se locum hic habet regula, Utile per inutile viciari, c. *Utile De R. l. in 6. Roman. conf. 66. in fine.* Modus verò ad obligationis substantiam non pertinet, sed ab ea quiddam est naturæ distinctum, l. *Cum ab eo 41. D. De contrah. empr.* Uteccè, *Promitto tibi centum, ut Romam eas*; hic quod additur *ut Romam eas*, obligationem præcedentem non suspendit, ergò ab ea est quid diversum, §. *hæc proxima 30. cum §. seq. sup. De leg. ut.* Atqui in disjunctis obtinet regula, Utile per inutile non viciari, l. *Cum donationis 34. C. De trans. act. & l. Eos 26. in pr. C. De usuris.*

Nu. 22. in fine.) Vide Zaf. 2. *Singul. respons. c. 23.* qui indistinctè testes duos fide dignos & omni exceptione maiores putat sufficere ad finem scripturæ publicæ convincendam, eosque uni & soli opponit Notario. Itaque si præter Notarium alij insuper testes adhibiti sint instrumento, ut hodie fit, ejus quoque crediderim habendam esse rationem in eo instrumento subvertendo, & plures duobus necessariis fore. Zaf. d. c. 23. nu. 15.

Nu. 24. ibi, sed simpl. petitem dabis?) Quemadmodum & aliàs in rebus agendis prævalere ubique debet ipsorum agentium mens & voluntas, l. *Labeo in fine D. De supel. leg.* Neque præponderare debet scripturæ ordo ipsi voluntati, l. *Non figur. 83. D. De oblig. & act. §. ante hæredes sup. De legat. Corn. conf. 136. vol. 2. Paris. conf. 28. nu. 60. vol. 3.*

Nu. 28. in fine.) Quod publicæ utilitatis causâ receptum est, ut non solum tabelliones, sed & Magistratus, atque alia publica personæ, in his, quæ ad eorum officium pertinent, alijs etiam absentibus & stipulari & actionem acquirere possint. Fab. *hic nu. 4.* quia tales personæ, ob auctoritatem Rei publ. omnium civium & municipum, ubi de eorum emolumento disputatur, præsentiam repræsentant. Jason *laiss. ad l. Stipulatio ista §. alteri De V. O. Tessaur. decis. Pedem 70.* ubi notat hodie generali ferè consuetudine locorum omnium placuisse, ut Notarius quasi servus publicus cuilibet quantumvis

- P** Rincipalis obligatio, ut creditori sit magis provifum, cautionibus folet firmari, non tantum nudis aut juratorijs, fed, quod tutius eft interventu rei, id eft PIGNORIS, aut perfonæ, id eft FIDEJUSSORIS. Quod nomen in larga fua fignificatione omnem eum denotat, qui pro alterius obligatione fe debitorem conftituit, ut etiam Correus, Mandator, Conftitutor, eo nomine veniant; (a) ftrictè verò utendo eum tantum, qui fe pro alio principali accelforiè obligat per ftipulationem. (b) Ut FIDEJUSSIO SIT VERBORUM CONCEPTIO, **QUA QUIS AD CREDITORIS INTERROGATIONEM PRO ALIO,**
- nihilominus manente obligato, SOLUTURUM SE PROMITTIT.** * Excluditur Correat, quia hic principaliter fe obligat, non accelforiè, ut fidejuffor: (c) qui & Adpromiffor dicitur, quia ad id, quod alius debet, accedat, idem promittendo, unde & fidejuffio Accelfio vocatur in *l. Hi qui* 34. *D. h. t.* Mandator, quia non per ftipulationem, fed nudum pactum conftituitur, & mandati iudicio tenetur. Expromiffor ita fufcipit alienam obligationem, ut priorem tollat, *l. Qui libertinus* 37. in fine *D. De operis liberti.* (d) Conftitutor & pro alio & pro fe obligat, fe conftituendo, & ex nudo pacto. (e)

§. In omnibus.

- V** Erbis quidè contrahitur fidejuffio, habet tamen locum non tantum in obligatione verbis inita, fed omni alia, id eft SIVE LITTERIS, SIVE CONSENSU CONTRACTA. FUERIT, *text. hic:* non exclusâ etiâ eâ, quæ ex delicto vel quali proficifcitur, quatenus civiliter agitur, & ad pœnam pecuniariam, *l. Si quis* 66. in fine *D. h. t.* Nam ad corporalem pœnam nemo rectè fe obligat pro alio, cum
- membrorum fuorum non fit dominus, l. Liber homo** 13. *D. Ad l. Aquil.* (f) * Fidejuffores dotium exigere non fert lex, *l. 1. & 2. C. Ne fidejuff. dot. dent.* Nam non credendam fe fe ipfam mariti fidei putavit mulier, non aliud, exigendo dotis nomine fidejufforem, quàm perfidiæ caufam generabit, fidem alienam amicitia fideique communi præponendo. (g) Quod accipiendum, quatenus maritus cogitur dare fidejufforem: nam quin fponfe eum inferre poffit, nihil videtur dictis repugnare: uti & rectè poft matrimonium folutum exigitur fatisfactio dotis nomine, *l. Si conftante* 24. §. 2. *D. Soluta matrim* (h)
- Requirat autem fidejuffio OBLIGATIONEM aliquam PRÆVIAM** cum fit accelforium, nec intereft, CIVILIS, AN NATURALIS TANTUM SIT OBLIGATIO, CUI ADJICITUR FIDEJUSSOR. (i) Ut pro PUPILLO, quem naturalis obligatio tenet, interveniens fidejuffor teneatur, non tantum naturaliter, fed etiam civiliter: ut ne quidem exceptionem perfonalem pupillo competentem habeat, quia ea non competit alij, quàm in quo eft ratio exceptionis, fcilicet ætas *l. 7. D. De except.* Quod facit, quod paffim traditur exceptiones perfonales non competere fidejuffori, *inf. De replicat. in fine.* Idem juris eft in SERVO, qui & naturaliter obligatur etiam ipfi domino, cum quo contraxit, ut
- pro

pro eo apud dominum quis fidejubens teneatur, *text. hic vers. at nec illud.* Et si è contrà nemo pro domino apud servum interveniat, quia pro eodem apud eundem interveniet. servo enim qualita obligatio continuò cederet domino. Dictis non obitare, quòd fidei, illor in duriorè causam obligari nequeat, quàm tenetur principalis, patebit ex §. *fideiussores inf. eod.* Si nullum debitum præcesserit, aut quod præcessit extinctum, deficit & fidejussio tamquam accessorium, quod non fiat sine principali, *l. Debitari §o. D. h. t.*

§. *Fideiussor non tantum.*

HUjus ratio est, quòd obligationes ex contractu & quasi ex contractu in hæredes sint transitorie, *l. Ex contractibus 49. D. de oblig. & act. l. Veteris 13. C. De contrah. & commit stipul.* cum non tantum nobis, & hæredibus nostris contrahamus. Unde & hæredi creditoris salva est actio defuncto qualita *l. 1. C. Ut actiones ab hæredibus &c. (k)*

§. *Fideiussor & præcedere.*

Obligatio fidejussoria cum tantum accessoria sit, posset videri semper sequi, 7 & numquam præcedere principalem obligationem, quòd sine ea non consistat; contrà tamen hic deciditur, etiam posse præcedere. Quod non accipendum, quasi ex tempore præsentis, id est die interpositæ stipulationis, ponatur & ejus effectus, sed demum natâ principali obligatione. Subest enim conditio, *Si Marius tecum contraxerit pro eo fidejubeo, vel, Quod Marius tecum contraxerit, fide mea esse iubeo. (l)*

§. *Si plures.*

Effectus fidejussionis est, quòd teneatur nomine principalis rei ipse fidejussor 3 in solidum, non tantum si solus intervenierit, sed & si cum alijs, ita ut electio olim fuerit penes creditorem, utrum ex pluribus electam excuteret, etiam in solidum & ante reum principalem, *l. 2. & 5. C. h. t. (m)* Adversus hoc gravamen duplex indultum fidejussoribus est beneficium, non tam ipso jure quàm ope exceptionis competens. * Prius est EXCUSSIONIS, sive ORDINIS, 9 quo hoc consequitur fidejussor, ut non excutatur, si velit, antequam excus- sus principalis sit inventus non solvendo, *l. 3. C. h. t. iunctâ Auth. Prasente desumptâ ex Nov. 4. c. 1.* nisi notorium sit, eum non esse solvendo, aut sit difficilis ejus excusio, ne creditoris conditio fiat peior: aut nisi huic beneficio renun- tiaverit fidejussor, uti potest, tamquam pro se introducto, *l. pen. C. De pactis * Re-* 10 nuntiasse non dicitur, qui simpliciter se soluturum spondit cum simpliciter pro- lata intelligantur secundum naturam actus celebrati. Quod & idem rectè dicitur

in fidejussione jurata, cum juramentum nec augeat, nec alteret naturam actus, sed sequatur, simpliciter nimirum appositum *l. fin. C. De non num. pec.* Servandum enim juramentum, quatenus servari potest sine detrimento animæ jurantis. (o)

- * Ut autem renuntiatio supradicta operetur, oportet non sit generalis; per eam enim nemo jure suo cadit: sed specialis, quia cum sit stricti juris, nisi specialiter de ea disponatur, non est subintelligenda. Ut rectè dicatur non renuntiasse is, qui se ut principalem obligavit sine jubendo, eo quod ejusmodi conventio spectet ad generalem renuntiationem beneficii, & respondeat dispositioni juris civilis, quæ fidejussor potest conveniri ante principalem: ut secundum eam sit intelligenda, salvâ suâ exceptione a jure tributâ, *arg. d. l. 3.* Nisi tamen de animo novandi constet; tunc enim expeditum est cessare hoc beneficium, cum novationis effectus sit, priori obligatione dissolutâ novam constituere. (o) *
- II. Alterum est DIVISIONIS, ex epistola D. Hadriani, competens pluribus fidejussoribus pro eodem, quo singuli in solidum inviti cum effectu excuti non possunt, sed pro virili tantum, *text. hic & l. Si dubitet 10. D. eod.* Et hoc, ut æqualitas sit inter æquales obligatos; quatenus tamen omnes sunt solvendo tempore divisionis. Concessum enim hoc beneficium, quatenus non agitur grave detrimentum creditoris. Grave autem non est, à pluribus, qui sunt solvendo, petere quod ab uno consequi posses: grave verò foret, quibusdam non existentibus solvendo, dividere actionem. Posteam divisam, si contingat aliquos fieri non solvendo, hoc sibi imputabit creditor, qui tempelivè eos non excussit, alios autem non gravabit, quos semel liberatos non patitur juris ratio invitos trahi in obligationem, *l. Liberum 16. C. eod.* *
- III. Competit hoc beneficium, nisi ei renunciatum fuerit, & quidem specialiter: (p) ut, qui in solidum se obligaverunt, utantur nihilominus hoc beneficio, *l. 3. C. h. t.* cum hujusmodi adjectio sit generalis, & non tam mutet conditionem juris, quod in solidum obligat singulos, quam secundum illam intelligenda, *d. l. 3.* (q) *
- IV. Si tamen solidum quis solverit, frustra hoc beneficium obtrudet, repetendo partem à creditore, aut à conjuncto *l. Cum alter C. h. t.* eo quod ille nisi sibi receperit, hic autem liberatus sit, soluto eo, quod debebatur, cum principali sublato non substat accessorium; & hoc beneficium non tam ipso jure competat & inducat liberationem, quam de nunc ope exceptionis, cujus ommissionem sibi imputet solvens, *text. h. vers. sed statim uno.* (r) Ut nulla super sit actio, quæ socium conveniat: nam si qua foret, vel foret mandati, de quo non patet, vel negotiorum, cum proprium magis ipse, uti dictum, in solidum obligatus quam alienum gesserit. Contra principalem tamen regressus ei salvus est, ut dicitur in sequens.

§. Fidejussores.

Fidejussio est accessio principalis obligationis; unde consequitur, **PLUS EA** 15
CONTINERI NON POSSE, QUAM PRINCIPALIS CONTINET;
 quia ultra subiectum non extenditur accessorium. Et hoc, inspecto tempore fide-
 jussionis: adeo ut mora principalis nec ad usuras fidejussorem teneri faciat, nec ei
 liceat, l. Fidejussores 68 §. 1. D. h. t. nisi aliter sit conventum, l. Mora 88. D. de V. O.
 (1) In leviolem tamen causam, & ut minus debeat quam debet principalis, re-
 de eum adsumi, habet textus hic. quia necesse non sit accessorium adæquet prin-
 cipale. Quod procedet non tantum quoad quantitatem, verum etiam quoad tem-
 pus, nam & plus tempore dicitur, & minus: quo modo pro purè debito rectè sub
 conditione, aut in diem fidejubeatur, non e contra, text. hic & l. Gracè 8. §. illud
 D. ad.

Ubi quaeritur, An pro obligato in decem fidejubens in viginti, saltè teneatur 16
 in decem? Et primà facie videtur non obligari, per d. §. illud, ubi in duriolem
 causam adhibitus fidejussor, dicitur **OMNINO NON** obligari: & per text.
 hic, qui dicit, ita obligari non posse, **UT PLUS DEBEAT, QUAM DE-**
BET IS, PRO QUO OBLIGATUR. Itæa veterum quorundam fuit opi-
 nio. Probabilius tamen videtur, oblig. fidejussorem, saltè quoad summam, si
 concurrentem: argumento stipulationis, quæ valet pro summa concurrente, si
 interroganti decem promittantur viginti, ex ratione. quod summa minor inhi-
 majori, & ne utile per inutile viætur, uti dictum est superiori. Nihil obstat textus
 hic, quia in plus non obligatur, cum quod superest habeatur pro non adjecto.
 Nihil etiam facit d. §. illud: nam secundum aliquos verba **omnino non** transpo-
 nenda, & legendum **non omnino**. Quæ lectio finiret controversiam, verum con-
 stans est, **omnino non**: ut rectè alii putent, ista verba non esse accipienda, quasi
 negent omnino obligari fidejussorem, sed non obligari pro quantitate promissa;
 quod nihil involvit repugnans rationi juris, cum non obligetur ultra quam prin-
 cipalis, nec sub sit durior causa, de qua loquitur d. §. illud. Unde neque in isto
 textu ponitur exemplum de fidejubente in summam majorem, sed tantum de
 fidejubente purè pro obligato sub conditione, qualis non tenetur, quia in plus
 obligatur, nec potest ista stipulatio sub se continere conditionem. Alciat. 3.
 Barerg. cap. 17. & Cujac. hic in Notis. (1) Non obstat dictis, quod habetur supra
 §. 1. pro pupillo obligato naturaliter tantum posse intervenire fidejussorem, qui
 teneatur etiam civiliter; cum per hoc teneatur quidem efficacius, non tamen
 etiam in duriolem causam, quia tantum in id obligatur, ad quod tenetur prin-
 cipalis, licet hic tantum teneatur naturaliter, ille etiam civiliter, ut excuri possit,
 quod non ponit duriolem causam. * Juramentum subjurandum nihil immu- 17
 tabit de natura fidejussionis, quantum ad summam majorem promissam, cum il-
 ludactus naturam non alteret, uti jam dictum. Si tamen specialiter quis sum-

summam excedentem se daturum juraverit, tenebitur eam præstare, non tamquam fidejussor, sed tamquam principalis.

§. Si quid aurem.

18 **F**idejussionis effectum esse dixi, quod cogatur solvere fidejussor, & executi eo nomine possit. Qui tamen excussus habet actionem mandati contra reum, quâ repetet id, quod solvit, ne officium suum sit illi damnosum: nisi pro invito ac prohibente fidejusserit, quia sic videtur donasse, arg. l. fin. C. de negot. gest. Ante solutionem, quia mandatum necdum est peractum, huic actioni non est locus, nisi fuerit fidejussor condemnatus: habetur enim ac si solvisset, cum sententia paratam habeat executionem; l. Post rem 56. D. de re jud. Præterea si ad inopiam vergat reus, aut diu solutionem protrahat, etiam ante eam agere poterit fidejussor, ut liberetur, c. fin. & h. r.

§. Græcè.

19 **U**bitandi ratio est, quod fidejussio sit juris civilis, ut videatur fieri debere linguâ Latinâ: verum & stipulatio est juris civilis, fit tamen quâcumque linguâ, propterea quod juris gentium conventionibus apponi soleat, quæ ratio & hic obtiner.

§. In stipulationibus.

20 **G**enerale est, quod quâcumque res certis solemnibus constat, ac sine his nulla est, si ea intervenisse scriptum sit instrumento, intelligantur omnia solemniter acta, ut traditur hic & §. si scriptum sup. tit. prox. & l. Sciendum 30. D. de V. O. Cujus ratio est, quod ex more usitato, & jure recepto verba accipiamus cum effectu, l. pen. §. 1. D. Ne quis eum qui in jus voc. Ut necesse sit, quidquid dicitur vel scribitur, sic accipiat, quasi ritè, non vitiosè factum esset.

ADDITIONES V. A. D.

Num. 1. ibi, eo nomine veniant.) De quibus, aliisque ejusdem pænè rei synonymis, veluti de Prædibus, Vadibus, Sponsoribus, Fidepromissoribus, Adpromissoribus, Expromissoribus, Intercessoribus, Receptoribus, Proxenetis, Cognitoribus, qui omnes fidem suam pro aliis interponendo non uno modo obligantur, multa curiosè & subtiliter indagavit Gl. Salmas. de modo usur. toto c. 6.

Ibid. ibi, per stipulationem.) Ideo per stipulationem, quia jure civili ex nudo pacto non datur actio, ut dictum sup. ad tit. De V. O. Unde colligere est, fidejussiones jure gentium fuisse incognitas, quemadmodum & incognita eo jure fuit stipu-

pulatio. *Zaf. ad §. de constituta inf. de action. Lorient. tract. de action. axiom. 47.* Ex gentium verò iure sunt mandatarii & constitutores, deque mandatariis loquitur etiam inscriptio Tit. D. & C. *De fidejussoribus & mandatariis*, qui scilicet mandant alteri credi, quale mandatum semper tacite inest fidejussioni.

Num. 2. ibi, non accessoriè, ut fidejussor.) Nam utriusque correi par causa est, *ult. in princ. Quæ in fraud. cred. & singuli sunt rei principales.* Sed & in aliis multis causis distat correat a fidejussore: quia fidejussor, si solverit, adversus reum principalem habet actionem mandati, vel negotiorum gestorum, *d. §. 6. h. t. l. Ex mandato 20. D. Mandati.* Correat adversus corream nullam actionem habet, quia uti reus principalis, & suum negotium gerens, suo quoque nomine solvit, *l. Si pro parte 10. §. ult. D. de in rem verso.* Deinde mora reinocet fidejussori, *l. Mora 88 de V. O.* Mora autem correi correat non nocet, *l. In condemnatione 173. §. pen. de R. J.* Fidejussor compensare potest quod reo principali debetur, *l. 4. & 5. de compensat.* correat non potest, nisi sit socius *l. Si duo 10. de duobus reis.* Denique creditori est electio, quem conveniat ex duobus reis; quod hodie fallit in fidejussore, qui conveniri non potest, nisi prius excussio reo principali, *Nov. 4. de fidejuss.* Notavit has differentias Cujac. ad *l. Plane 21. D. de condic. indeb. quæ est ex lib. 3. Quæst. Pauli.*

Ibidem ibi, *D. De operis libert.*) Differt itaque *Expromissor* ab *Adpromissore*, quod hic sit idem cum fidejussore, & simul cum promittendi reo obligetur: ille verò solus, ut qui in rei principalis locum succellerit, pro quo novandi animo promissit. *Expromissor*, inquit Molin. *ad rubr. De V. O. num. 53.* dicitur, qui pro alio non obligato, vel ineffaciter obligato, tamquam principalem, per stipulationem se obligat. Et is, qui promittit loco alterius obligatione eximendi, & debitor ipse, novationis vel delegationis causâ alii promittens: & qui promittit pro futuro debitore, animo futuram illam obligationem novandi: & qui promittit pro debitore manente in obligatione, sed hoc actò, ut promissor tamquam principalis teneatur. Verus enim promissor non habet beneficia fidejussorum.

Ibidem in fine.) In quo differt constitutum à fidejussione, quia nemo nisi pro altero fidejubeat. Sunt & alia differentia, ut quod aliud pro alio constitui possit, si velit creditor, veluti si quis centum debens, frumentum ejusdem pretii constituat, *l. 1. §. 5. D. de constit. pecun.* fidejussor verò in aliam rem quàm quæ credita est, obligari non possit, *l. Si ita 42. de fidejuss.* Item constituitur quod est debitum, non quod indebitum; nimirum nullo apparente, qui interim debeat, *l. Hactenus 11. de constit. pecun.* quod non idem in fidejussione est. Denique constitutum fit inter presentes & absentes, puta per epistolam aut nuntium, & quibuscumque verbis; fidejussio verò non nisi inter presentes, & verbis ad eam rem aptis. Secundùm mores hodiernos fidejussores citra stipulationem etiam nudo pacto constitui solent, adeoque quoad effectum & vim obligandi discrimen non esse

esse inter constitutum & fideiussionem notat D. Gudel. 2. *De jure novissimo* cap. 1. §. 17.

Num. 3. in fine.) Sed neque delicti successor constituendus est aliquis, peccataque utpote personalis, & ad solos nocentes castigandos inventa, suum debet tenere auctorem, *l. Sancimus* 12. *C. de penit.* Vide Menoch. *de arbitr. jud. quest. lib. 2. casu* 303 num. 16. & 17. Bronch. *centur.* 4. *assert.* 58. Pet. Greg. *Synrag. jur. lib.* 24. *cap.* 3. num. 16. ubi observat sumptum aliquando fuisse supplicium de fideiussore contumace & non comparente, idque colligi ex Divo Hieronymo *c. Cùm homo* 221 *l. 1. quest.* 3. Quod si non de poena ipsa cautio praestari petatur, sed tantum judicio fisci, & ut reus molestia carceris liberetur, obtinuit ferè eorum sententia, qui arbitrio committunt judicis, an fidejussio admittenda sit, & reus è custodia dimittendus, consideratis circumstantiis, tum criminis ipsius, tum personæ delinquentis. Vide Hunn. 3. *Var. res. tract.* 5. *quest.* 4. & 5. Matth. Coler. *De process. execut. p. 2. cap.* 3. num. 90. ubi hujus rei praxim tradit apud Saxones usitatam, & *decis.* 27. item Schultz *hig.* qui ex eodem Saxonico jure materiam hanc latè persequitur.

Num. 4. ibi, fideique eum præponendo.) Quæ quidem ratio communiter placuit, licet visa fuerit obscurior Alciato 4. *Parer. cap.* 26. verum quam ille adfert non minùs obscura. Dicendum itaque, verbis illis, *ut causa perfidie in conubio eorum non correretur*, Inip. non aliud spectasse, quàm ne inde inter conjuges diffidentia aut discordia occasio oriretur, marito fortè uxori fidejussorem ex hujusmodi causâ postulanti succensente Ita Ant. Merenda 6. *contr. cap.* 12 num. 2. & 3. Ubi & disputat, *an* num. 5. & deinceps, cur uxori permittatur petere pignora in securitatem dotis, cum & hoc modo palàm ostendere videatur se de mariti fide dubitare.

Ibid. in fine.) Ita Duaren. *ad tit. D. soluto matrim. cap.* 4. *de dotibus & dot. jur.* cuius sententiam ut veriore sequitur Hunn. *Var. res. lib.* 3. *tract.* 5. *quest.* 3. Bronch. *sent.* 3. *assert.* 13. Diss. communiter Dd. apud Goed. *De contrah. & committ. stipulat. cap.* 6. num. 369 Ant. Hering *De fid. iuss. cap.* 6. num. 104 & seqq. Cujac. *tract.* 8. *ad African. sive ad l. Si vir uxori* 17. §. *si mulier* D. *Ad S. C. Velleian.* Fachin. 8. *contr. c.* 75. Merenda *d. lib.* 6. *cap.* 14. *circa fin.* Vide & And. Gail. 2. *Obs.* 84. Ant. Fab. *in Cod. suo lib. 1. de fin.* 1. & 4. & an fidejussores dotium jurejurando obligentur, Fachin. 3. *contr. c.* 18.

Num. 5. ibi, CUI ADJIC, FIDEJUSSIO.) Modò obligatio præcedens saltem aliquo jure valeat, sive civili, sive naturali, quod soluti impediatur repetitio nem, *l. Quod enim* 6. *D. h. t.* sive denique solo facto, qualis est feryi obligatio, *l. Naturaliter* 13 *D. de condit. indeb.* & *l. Nec feryus* D. *de pecul.* Nam quod est aliquid hoc utique juris civilis beneficio potest impleri seu pro perfecto representari, *l. Quamvis* 5. *infans* D. *de acq. poss.*

Num. 6. in fine.) Rectè quoque dixeris, fidejussoriam obligationem non personæ esse, sed patrimonii, hoc est non tam personæ industriam in ea spectari aut fidem (quæ personalia sunt, *l. Inter artifices* D. *de solut.*) quam vires & qualita-

rem patrimonii, an scilicet sit solvendo, §. si plures inf. b. r. *Auth. Hoc ita D. de duobus reu. & Rom. cons. 114.*

Num. 7. in fine.) Præterea fidejussio cum sit contractus, qui per stipulationem constituitur, stare quoque per se potest quoad formam & substantiam suam: ut proinde nihil veret, fidejussorem adhiberi obligationi tam futuræ, quam præcedenti, l. 6. §. 2. D. h. t. Quod verò fidejussio dicitur sequela & accessio obligationis principalis, id non ad ordinem temporis, quo concipitur fidejussoria stipulatio, sed ad conditionem obligationis pertinet, quæ ideo vi suâ & potestate præcedere non potest, ut effectum operetur, antequam reus aliquis principalis debeat, l. fidejussor § 7. D. cod. Denique fidejussio, quæ præcedit obligationem, tacitum in se habet mandatum, quo quis mandat alteri credi, l. Si hereditatem D. Mandat. & quod semper præcedit obligationem. Quatenus verò fidejussio sequitur, in eo similis est constituto, quod numquam præcedit, sed semper requirit præexistens aliquod debitum, l. 1. §. debitum D. de constit. pec.

Num. 8. in fine.) Electioneque unius alter liberabatur, siue debitor ipse principalis, siue fidejussor. Paulus 2. Sent. tit. 7. Electo, inquit, reo principali fidejussor vel heres eius liberatur. Addit, idem in mandatoribus observari solitum. Ratio diversæ juris petenda à Cujacio 23. Obs. c. 25. Et hoc ita obtinet, nisi aliud ab initio, cum fidejussio interponitur, placuerit, ut non nisi exculso reo principali fidejussor conveniatur, l. 5 C. h. r. Idque honestum esse & pudori naturali conveniens, insinuat alibi Quintil. scilicet non aliter satvo pudore ad sponsorem venire creditorem, quam si rem recipere à debitore non possit. Neque enim pudor ille facit jus, Salmas. De modo usur. c. 16. circa fin.

Num. 10 in fine.) Natura verò obligationis fidejussoriæ est, ut conveniri fidejussor ante principalem debitorem nequeat. Ita Covarr. in c. Quamvis de pact. in c. p. 1. § 4. Gomez 2. Var. c. 13 num. 14. Tachin. 3. contr. cap. 15. citans & dissent. Hippol. de Malsil. ad rubr. De fidejuss. num. 9. Alex. cons. 32. lib. 4. Capel. Tholos. Decis. 130.

Num. 11 in fine.) Per generalem renuntiationem, quâ quis omnibus & singulis beneficiis juris ac legum sibi competentibus aut competituris renuntiat, non excludi fidejussorem ab hoc beneficio, probat quoque D. Zoef. D. cod. num. 20. quæ & tutior atque humanior opinio Tiraquello ad l. Si unquam C. de revoc. donat. num. 122. Vide Schultz hic lit. C. vers. Atque his trib. Matth. Coler. decis. 220. & tract. de process. execut. part. 1. c. 10. num. 448. Sed neque specialiter censeari renuntiasse, qui se tamquam principalem obligavit, nec amittere beneficium executionis, tenet Zoef. ibidem num. 2. pluresque alii, secuti Accurs. ad Novit. 4. de fidejussoribus §. 1. V. Fideiussorem vers. Item quid si principaliter, Vasq. Illust. contr. cap. 33. num. 9. Gutierrez De contractibus jur. cap. 23. num. 8. Curt. Burg. Conject. ad colleg. lib. 1 c. 13. Et hæc sententia, uti æquior, magisque communis, placuit Senatui Pedem damnatâ contrariâ, uti duriori, apud Tessaur. decis. 66. Quam tamen plures quoque tenuerunt, Hippol. de Malsil. ad rubr. de fidejuss. num. 62. Matth. Coler. De process. execut. libro 1. cap. 10. num. 255. & seqq. ubi

hanc sententiam dicit communem, Gail. 2. Obs. 28. num. 2. addens, opinionem istam hunc puncto juris esse veriozem, Berlich. p. 2. concl. 23. Hering. tract. de fideiuss. cap. 27. p. 1. num. 57. & multis seqq. Toming. decis. 1. per tot. Lamb. Goris Com. ad consuet. Geldro-Velav. cap. 17. art. 2. glos. 1. Idemque jus receptum hodie in Gallia: à quo tamen moribus multorum locorum recessum est, reditumque ad jus vetus, teste And. Gail. 2. Obs. 27. num. 29. & D. Gudel. lib. 4. cap. 7. in fine. Ita distant leges municipales hujus oppidi c. 9. art. 12. Antveip. tit. 63. de fideiuss. art. 1. ubi vide annotat. Mechlin. tit. 7. art. 15. & ibid. Chritkin.

Num. 13. ibi, & quidem specialiter) Quomodo hodie ei passim renunciari solet: idque moribus Galliae adeò solemne & frequens esse notat hic Theod. Marcil. ut inutile quodammodo factum videatur hoc beneficium divisionis. Scribit quoque Rebuff. tract. de litterarum oblig. art. 2. glos. 1. num. 88. clausulam hujusmodi renuntiationis esse unam de consuetis clausulis, quas Notarii instrumentis suis possunt & solent inferere.

Ibidem in fine.) Censetur quoque renunciatum ac derogatum huic divisionis beneficio per clausulam instrumentis fidejussionum inferi solitam, *Vnus pro omni, vel quilibet in solidum, vulgò Een voor al, Gallicè Vn pour le tout, de cujus vi & effectu Hering. de fideiuss. c. 17 p. 1. num. 50. & seqq. Berlich. p. 2. concl. 17. num. 55. vers. & hanc sententiam, Charond. in Pandect. jur. Gall. lib. 2. c. 36. Lamb. Goris ad consuet. Geldro-Velav. c. 17. art. 1. gl. 1. & 3. ubi notat, ad effectum hujusmodi clausulae non requiri generalem aliquam renuntiationem eidem subditam, improbata sententiâ Joann. Papon. lib. 10. tit. 4. arr. 25. & aliorum.*

Num. 14. ibi, cujus omitt. ubi imputet solvens.) Nam facit eum condemnari in solidum. Gail. 2. Obs. 27. num. 5. Quemadmodum & omitt. exceptio ordinis sive excussionis facit, ut procedat iudicium contra fidejussorem. Gail. ibidem num. 2. Guido Papæ quest. 94. num. 1. Roer. decis. 221. num. 16. Notat tamen Lamb. Goris ad d. c. 17. art. 2. consuet. Geldro-Velav. glos. 4. beneficium divisionis hodie competere ipso jure, neque necessarium opponendam esse exceptionem ex epistola D. Hadriani, per text. hic in §. plures & l. Inter 26. D. eod.

Num. 15. ibi, l. Mora 88. D. de V. O.) Fallit, fidejussore in omnem causam accepto, l. Fideiussores 68. D. h. t. Aliàs varia & in speciem pugnantia extant hic juris loca, unde & variae Interpp. de hac re natae opiniones, veluti videre est apud Coras. 2. Miscell. c. 12. Cujac Donel. & Dd. ad l. Centrum Caput 8. D. de eo quod certo loco. Hunn. Var. res. lib. 3. tract. 5. quest. 3. Joann. à Sande Decis. Fris. lib. 3. tit. 10. defin. 4. Zoef. ad D. h. t. num. 15. & 16. Ampl. D. Corfel. Inst. r. eod. quest. 2.

Num. 16. ibi, Cujac hic in Notu.) Et ad l. Fideiussor 16. §. 1. D. eod. que est ex lib. 13. Salvij Iuliani, item ad l. Sed si quis 13. D. de constit. pec. lib. 29. Pauli ad Edict. ubi verba illa, omnino non obligari ait ambigua esse: nam & hanc interpretationem recipere, nullo modo obligari; & hanc, non in totum obligari, id est, non in id, quod debitam quantitatem excedit. In ambigua autem oratione melius esse benigniorem interpretationem sequi. Idem tamen auctor, sibi, ut apparet, innumerat

mor alibi, ad l. *Pecunia sonebris* 9. D. de *usur.* contrarium statuit, & in eo sigillat Alciatum, adferens talem fidejussionem nullo modo, nulla ex parte consistere, & utile per inutile omninò vitari, per excessum scilicet, & quodcumque ampliùs fuerit in fidejussione. Idque singulariter receptum esse existimat in iis omnibus, qui pro aliis obligantur & accipiuntur in duriorē causam, nimirum ut utile per inutile vitietur. Regulam verò, quā dicitur, Utile per inutile non vitari, putat tunc procedere, quando quis pro seipso promittit, non pro alio, l. 1. §. *sed si mihi* D. de *V.O.* Verum enim verò fundat se in præsupposito falso Cujac. cum è contrà verissimum sit, quòd excessus non semper vitiet in iis, ubi quis pro aliis obligatur, non utique constitutum aut mandatum, cum saltē valeat ad concurrentem summam, l. *Haftenus* 11. in fine D. de *constit. pec. l. Rogatus* 33. D. *Mandati* & l. *Si ultra* 22. C. de *fidejuss.* Vide & D. Zoef. ad D. *h.t. num. 8.* & seqq. Hunn. d. tract. 5. *quest. 2.*

Num. 18. in fine.) Itaque licet fidejussor diu steterit in obligatione, puta per decennium, agere tamen contra debitorem non poterit, ut à fidejussione liberetur. Non obitante l. *Lucius* 38. D. *Mand.* quæ lex loquitur non de fidejussore, sed de reo moroso accessante in solutione, ut ex ea causa fidejussor perere possit liberari. Joann. à Sande *Decis. Fris. lib. 3. tit. 10. definit. 7.* Sic neque in causa eviſionis, judicatum solvi, & similibus, agere poterit fidejussor, ut liberetur, nisi post rem judicatam & eviſionem secutam condemnatus debitor sit in mora, & negligat satisfacere. Elb. Leonn. 1. *Emendat. cap. 2. num. 10. & 11.* ita in *Senatu Geldria, se comprobante, judicatum referens.* An verò, solutionis termino debitori principali prolongato, liberetur fidejussor, disputant variè Dd. ut videre est apud Matth. Berlich. *Conclus. Pract. p. 2. concl. 25.* & communiter distinguunt inter fidejussorem simpliciter absque certi temporis præfinitione datum, & ad certum ac præfinitum tempus: ut priori casu fidejussor, veluti in omnem causam & casum obligatus, non liberetur, posteriori verò liberetur. Myns. *cent. 6. Obs. 53.* Gail. 2. *Obs. 30. num. 11.* Fachin. 2. *contr. cap. 88.* & lib. 12. *cap. 30.* Tessaur. *decis. 125.* Joan. à Sande *lib. 3. tit. 10. definit. 5.* Schultz, *hic ex jure Saxonico.*

DE LITTERARVM OBLIGATIONIBVS.

TITULUS XXII.

Olim scripturâ fiebat obligatio, quæ nominibus fieri dicebatur, quæ nomina hodie non sunt in usu.

Planè si quis debere se scripserit, quod sibi numeratum non est, de pecunia minime numerata post multum temporis exceptionem opponere non potest: hoc enim sapissime constitutum est. Sic fit, ut & hodie, dum queri non potest, scriptura obligetur: & ex ea nascatur condictio, cessante scilicet verborum obligatione. Multum autem tempus in hac exceptione antea quidem ex principalibus Constitutionibus usque ad quinquennium procedebat. Sed ne creditores diutius possint suis pecuniis fortitan defraudari, per Constitutionem nostram tempus coarctatum est, ut ultra biennium metas huiusmodi exceptio minime extendatur.

C O M M E N T A R I V S.

S V M M A R I A.

1. Litterarum obligatio olim nominibus fieri solita, & nomen quid.
2. Litteris qualiter hodie contrahatur obligatio.
3. Obligatio hæc habet locum, dato chirographo ex causa mutui.
4. Exceptio non numerata pecunia intra quod tempus opponenda.
5. Habet & locum in dote cauta, non numerata.
6. Item non creditore, qui apochâ professus est, se à debitore pecuniam recepisse.
7. Cessat hæc exceptio lapsa biennio.
8. An tunc competat de iuri exceptio jure communi, cum onere eam probandi.
9. Cessat & debitore agnoscente fidem cautionis, solvendo, transigendo.
10. Si quis scripserit se argentario debitorem.
11. Contra instrumentum Notarii.
12. Non etiam ex causa numerationis de præteritis.
13. Neque ex causa geminata confusionis.
14. Neque renuntiatione, etiam iurata.

Tertia ex contractu obligatio est ea, quæ LITTERIS perficitur, olim nominibus fieri solita, ut hic in pr. ait Imp. quod Calendariis (quo nomine velit codex, quo scribitur pecunia credita, continuebatur) solent

Verent nomina eorum quibus pecuniæ credebantur, perferri: (a) ut *Nomen* inter alia etiam debita significat, ut videre est ex variis juris locis, & apud Biffon, in *Lexico V. Nomen*. Sed huiusmodi nomina in usum esse desiere, veteri mercatura ac fœnoris ratione mutata. (b) * In huius locum adinventum. **OBLIGATIO LITTERARUM**, cuius in D. nulla fit mentio. (c) Nasatur hæc ex pecunia cauta per syngrapham, vel chirographum, non numerata, quando quis pecuniam mutui non datum sibi sperans, chirographo cavet, se eam accepisse, quam reverà non accepit: cui ideo data adversus agentem exceptio, quâ rejiciat creditorem, donec ipse probaverit se pecuniam numerasse, contra regulam communem, quâ excipienti incumbit probatio. (d) * Non habet locum nisi in dato chirographo. **EX CAUSSA MUTUI**, non etiam in aliis contractibus; cum non sit infrequens, ad hoc, ut per mutuum succurratur necessitati, necdum eo accepto dari chirographum, ut ad numerandum facilius inducatur creditor, quem perfidè postea contingit etiam non numeratam ex chirographo, quasi numeratam repetere pecuniam; quæ est causa concessæ exceptionis. (e) * Poterat ea ante opponi intra quinquennium, quod tempus, ne creditores diutius suis pecuniis defraudarentur, coarctatum à Justiniano &c. *l. In contractibus*. *C. de non numer. pec.* ad biennium, intra quod opponenda ab eo, qui mutuum se recepisse cavet, non tantum per modum exceptionis agenti nimirum creditori ex chirographo, quia contingeret fraude creditoris non petentis elabi biennium, in detrimentum debitoris, & legis elusionem, sed & per modum querelæ; contestando adversus eum, qui chirographum accepit, de non numerata pecunia, & per conditionem repetendo obligationem; *l. 7. C. d. rit.* * Habet & locum in dote cauta, non numerata, propterea quod & in ea non sit infrequens, ante traditionem emitte ejus cautionem: proponenda intra annum à soluto matrimonio, quod biennium steterit: si vero ultra biennium steterit, & ante decimum annum solutum fuerit, intra tres menses, ab eo soluto proponenda. Si decennium excesserit, cessat exceptio, nisi minor ætas restitutionem causet, *l. fin. & Auth. Quod locum*. *C. de dote caut. non num.* * Habet denique locum in creditore, qui apochâ professus est, debitam quantitatem à debitore se recepisse, quam tamen non recepit, vel hæc proponenda intra 30. dies, *d. l. In contractibus* 14. §. *super C. de non num. pec.* * Prescripto tempore exceptioni proponenda lapsa, querela non numeratæ pecuniæ introduci non potest; *d. l. 14. in pr.* cum non præsumatur reus tanto tempore tacuisse nisi ratione veræ numerationis: ut silentium ejus faciat fundatam esse intentionem creditoris.

Questionis autem est, An ita cogatur debitor solvere, ut ne quidem audiatur opponens exceptionem à se probandam, secundum jus commune? Quod quidam volunt, propter *d. l. 14.* in cuius principio dicitur, lapsò biennio, nullo modo querelam non numeratæ pecuniæ introduci posse: & *l. si intra 8. C. eod. tit.* Ut omnimodò debitum solvere compellatur reus. (f) Probabilius tamen, competere reo exceptionem à se probandam; cum præsumptio, quæ pro creditore ex lapsu temporis inducitur, sit tantum juris, quæ admittit proba-

tionem contrarium. Et facit textus in *l. Generaliter* 13. *C. d. t.* ubi in casu, quo est fundata intentio creditoris, non licet quidem ab eo exigere probationem, sed acquiescere debet reus; contrarium tamen probare volens admittitur. Facit, quod lex dando hanc exceptionem privilegiatam, quâ onus probandi rejicitur in creditorem, non tam voluerit gravare reum, quam providere ei contra iniquitatem creditoris. Gravaret autem, si privilegiatam temporalem dando, auferret perpetuam juris communis. Nihil facit *d. l. 8. §. 14.* nam quod illis dicitur recte limitatur, nisi reus contrarium probare voluerit, secundum *d. l. 13* Nihil etiam facit, quod *d. l. 14. §. illo* non possit deferri juramentum creditori agenti ex cautione per reum post lapsum tempus; nam hoc ideo, quia pro creditore stat præsumptio, ut plenè probasse videatur, & non sit onerandus juramento. *c. 2. §. De probat.* Nec ex eo, quod istud probandi genus denegetur reo, sequitur & alias probationes esse denegatas; ne ex speciei remotione inferamus remotionem generis *Gl. hic V. obligetur, & ind. l. 14. V. nullo modo.* (g) * Cessat præterea hæc exceptio, si reus agnovit cautionem, partem sortis solvendo, *l. 4. C. d. t.* cum nemo tam supinus habeatur, qui quod non accepit solvere velit: si transactionis causâ caverit, *l. Si transactione C. d. t.* quam ratam servari interest publicè: * si scripserit agentario, se debere certam quantitatem, *Nov. de argentar. contract. 136. §. insuper*, quod eorum fides sit publica, & rationes pro publicis instrumentis habeantur.

¶ Hinc & contra instrumentum à Notario factum non habet effectum, quod ejus quoque fides publica sit. Quatenus tamen eo continetur facta numeratio: nam si tantum contineatur confessio rei, exceptio opposita valebit, quia ejusmodi confessionis assertio per Notarium non ponit certam numerationem *Accurs. ad l. 3. §. 12* & *ibid. Donel. C. d. t.* * Quod si instrumentum contineat numerationem pecuniæ de præterito, nihilominus exceptioni locum esse verius est, cum subsit facilitas eadem dandi chirographum ante numerationem, eademque improbitas creditoris numerationem differentis, & nihilominus ex cautione agentis. Quod & procedet, si pignus eo nomine datum sit, quia accessorium non evertit naturam actus principalis, sed eam sequitur *d. l. 3.*

¶ De iterata confessione quæritur: & nec hanc removere exceptionem verius est, cum fiat eadem facilitate & spe numerationis faciendæ. Nisi constet factam esse animo agnoscendi præcedens debitum, de quo cum non liqueat, præsumendum potius pro reo.

¶ De juramento super solvendo mutuo non est quod quærat, cum soleat sequi naturam actus, cui adhibetur, & ita expressè decisum est *l. fin. C. d. t.* Quæritur tamen de renuntiatione non proponendæ exceptionis per juramentum firmata, an quidquam operetur. Et ipsa quidem renuntiatio cum non removeat ream, quod contineat ipsius facilitatem, creditoris improbitate, sive incontinenti apposita sit, sive ex postfacto apponatur (utriusque enim eadem ratio) & habeat conditionem, si numeratio subsequatur, non videtur etiam obitare

obstare juramentum, cum, uti dictum, secundum principale actum judicetur. Hec ita de jure scripto, non tantum civili, sed & Canonico, quo hujusmodi exceptionem competere vult Felin. *ad c. Si cautio nu. 60. & 61. De fide instrum.* Moribus non est passim hæc exceptio recepta, quibus syngraphis & apochis habetur fides sine temporis præfinitione, nisi legitime eorum fides reprobetur. (h)

ADDITIONES A. V. D.

Nu. 1. ibi, perscribi) Quod quo pacto olim fieret tradit ex veterum I. Ctorum Commentarijs Theoph. hic Wesenb. eleganter & accuratè in *Isagoge sua ad Instit. h. s.* accuratius verò Iac. Ravardus, quem Belgij nostri Papinianum. I. Lipsius nuncupare solet, *varior lib. 3. c. 1.* Erant autem nomina tituli & causæ debitorum, quibus significabatur, quid, à quo, & cui deberetur. Alij nomina ista referunt ad scripturam mentæ argentariorum Alciat. *ad l. Qui pecuniam 26. D. De reb. cred. Cujac. hic in Notis, item 10. Obs. c. 14. & lib. 22. c. 4.*

Ibid. in fine.) Itaque licet hodie formula solemnitis & descriptio nominum usitata non sit, tamen significatio mansit. Ac propriè Nomen dicitur debitum contractum ex mutuo; atque hinc ad omnem alium contractum & obligationem pertinere cœpit, *l. Nominis 6. D. De V. S.* Et accipiuntur Nomina nunc pro debitis, nunc pro debitoribus ipsis, *l. Si nomen 4. & l. Nomina 17. D. De hered. vel act. vend. l. penult. & ult. C. De conven. fisci debitorib. lib. 10.* Seneca 2. de Benef. c. 23. quidam, inquit, nolunt nomina secum fieri. Et de Vita beata c. 23. Numquam magis nomina facio, quam cum dono. Idemque 5. de Benef. c. 22. debitores inorosos, segnes & tardos vocat *lenta nomina*: contra verò bonos debitores *optima nomina* Columella *l. 1. c. 7.*

Nu. 2. ibi, nulla fit mentio.) Ita Cujac. *hic in notis*, & ante eum Franc. Connan. *1. Comment. c. 6. nu. 11.* Et reverà nulla est omninò, inquit Connanus, sed putatur esse, neque jus induxit, ut scriptura syngraphæ satis habeat momenti ad fidem adstringendam, cum causâ, propter quam facta est, secuta non sit. Hoc verò solum voluit, ut eam post biennium ne liceat testibus oppugnare: quod creditorum bono introductum est.

Nu. 3. in fine) Unde exceptio hæc est privilegiata. Cum enim meram negationem contineat, cujus per rerum naturam probatio nulla, *l. Actor. 23. C. De probat. & l. Adseveratio 10. C. De non numer. pes.* nemoque ejus quod negat factum, rationem aut debeat aut soleat reddere, ut ait Cicero de Partit. Orat. probandi onus rejicit in ipsum actorem, qui intra biennium probare debet pecuniam à se numeratam. Post biennium eadem exceptio redit ad jus commune, quo reo excipienti incumbit onus probandi, *l. In exceptionib. C. De probat.*

Nu. 3. in fine.) Deinde mutuum contractus est fœneratitius, quem lex ut-

pote sine testibus initum merito habet suspensum, idque odio ipsorum creditorum, qui plerumque solent adversus debitores mutuum pecuniam petentes malita infraudem usurarium clam machinari; unde & præsumit jus pecuniam numeratam non esse. Ut creditor gratus hanc præsumptione, nisi eam purget, id est, aliter quam litteris probet, pecuniam à se numeratam, frustra agat & petat sibi condemnari debitorem, *d.l. Adferatio & l. In contrahibus C. eod.* In aliis contractibus, si quis pecuniam se debere scripserit, utpote ex causa emptionis, conductionis, societatis, aut simili, confessio statim nocet: & quamvis fieri possit, ut ejusmodi obligatio litteris probetur, *l. Contrahitur D. de pignorigus*, minime tamen adversus tales litteras debitor exceptione non numeratæ pecuniæ se tuebitur, *l. Generaliter C. eod.* Ita Schneid. *ad h. t. num. 15* Aleiat. *ad l. 2. §. appellata num. 4. d. de rebus cred. Vafq. de success. creat. §. 9 num. 27.* Diss. Duaren. *ad tit. C. de non numer. pecun. c. 1* Emaz. Costain *l. Si ex cautione §. fin. C. eod.* Heig *Instit. h. t. num. 18. & seqq. Hoenon. d. p. 15. concl. 17.*

Num. 8. ibi, compellatur reus.) Ita Duaren. *ad tit. Cód. de non numer. pec. x. 4. Fachin. 2. contr. c. 81.* qui neque æquitatem juris Canonici obstare huic sententiæ putat, modò mala fides absit, *c. 82. secutus Bald. in l. Cum quis num. 22. C. de jur. & facti ignor. Jason. ibid. num. 28. & alios quos citat.* Vide Hunn. *Var. res. lib. 3. tract. 6. quest. 2.* Heig. *hic num. 30. cum multis seqq. & Vinn. ibid. num. 7. & seqq. latissime de hac questione differentem.*

Ibid in fine.) Probant hanc sententiam communiter Dd. Barth. Salic. & alii in *l. Si ex cautione C. de non numer. pec.* post Glos. in *l. Generaliter V. Religionem vers. secundum nos. C. eod.* Gomez. *2. Var. res. c. 6. num. 6.* Em. à Colta in *repet. d. l. Si ex cautione limit. ult. Zanger. de Exception. p. 3. c. 12. num. 24.* Bronch. *cent. 2. assert. 22. & late D. Zoef. ad tit. D. de oblig. & act.*

In fine Tit.) Idem jus obtinere in Gallia, (unde mores nostri ferè fluxerunt) testantur Molin. *ad Alex. conf. 179. libro 2. & conf. 142. lib. 5.* Joann. Imbert. *1. Institut. forens. cap. 35. in pr.* Cujac. *ad tit. C. de probat.* Mornac. *ad l. 3. in fine D. de just. & jure;* addens, si numeratam esse pecuniam scriptum sit, eo jure uti solere Gallos, ut inscriptione opus sit: pluresque citat D. Gudel. *3. De jure nov. m. cap. 6. in fine,* qui & indistinctè idem de Belgio universim adfirmat, nimirum litterarum obligationes, exceptionesque non numeratæ pecuniæ tempore circumscriptas, nos nullas tenere. In quo putat eum errare Arnold. Vinn. *hic in fine,* adferens in plerisque harum regionum Provinciis beneficium dictæ exceptionis adhuc in usu esse: idque velex eo colligi, quòd huic beneficio plerumque in instrumentis cautionum pecuniæ creditæ renuntiari soleat. De quo tamen merito dubites, cum talis renuntiatio de jure non subsistat, & ne quidem jurata, secundum plerosque; tum quia dolus futurus remitti non possit, *l. Si unus §. illud D. de pact.* tum quia homines pecuniâ egentes ut faciles plerumque sunt ad contitendum, ita & facile induci possint & soleant ad renuntiandum. Bal. in *l. Si ex cautione num. 2. & ibid. Salic. Cyn. & alij C. de non numerat. pecun.* Mantica *late de tacit. & ambig. convent. lib. 18. tit. 3. num. 34 & seqq.* Ampl. D. Franc.

D. Franc. Kinschot. *consf.* § 1. nu. 17. Adeoque siue renuntiatum fuerit huic exceptioni, siue non, dicemus eam moribus nostris cessare indistinctè. Ut tamen locus maneat exceptioni non privilegiatæ, ex jure communi debitorque, qui renuntiavit gravetur onere probationis, scil. sibi pecuniam numeratam non esse, non verò creditor, pecuniam à se numeratam. Joan. à Sande *Decis. Fris. lib. 3. tit. 2. def. 1.* Christin. *decis.* 37. nu. 10. vol. 3. Zyp. *Not. iur. Belg. lib. 2. tit. De excep. ubi* subjungit, hodie etiam cessare Tit. *De dote cauta non numerata*, eo quòd stetur instrumento profitenti numerationem, si non doceatur contrarium. Quin & exceptionem non numeratæ pecuniæ contra instrumentum publicum obijci non posse, iudicavit suprema Curia Brab. teste Deckhero *lib. 1. dissert. 8. nu. 4.* Neque etiam locum habere inter mercatores, quippe apud quos summa vigere debeat æquitas, juris apicibus ac subtilitatibus valere iussis. *Diff. Fachin. 2. contr. c. 86.* Denique ne diutius pecuniâ suâ frustrentur creditores, illud quoque passim usu fori receptum esse scribit Tim. Faber *hic diss. 23. thesi 13. in fine*, & ex eo, uti apparet, Vinn. *hic*, debitores initio litis cogi cautiones suas vel agnoscere vel negare: ut negantes subijciantur periculo pænæ dupli, secundum *Auth. Contrà qui C. De non numer. f. 1. vel alterius arbitrarie*, quod hodie magis in iudicijs observari refert Rebuff. *ad Proem. Constit. Reg. gl. §. na. 6.* ut verò agnoscetes mox solvant, aut pecuniam consignent (quod vulgò Practici dicunt *Namptisfare & Namptissement*) postea recepturi, si non deberi constiterit.

DE OBLIGATIONIBVS EX CONSENSV.

TITULUS XXIII.

Consensu fiunt obligationes in emptionibus, venditionibus, locationibus, conductionibus, societatibus, mandatis. Ideò autem istis modis obligatio dicitur consensu contrahi, quia neque scripturâ, neque præsentia omnimodò opus est. Ac nec dari quicquam necesse est, ut substantiam capiat obligatio: sed sufficit eos, qui negotia gerunt, consentire. Unde inter absentes quoque talia negotia contrahuntur, veluti per epistolam, vel per nuntium. Item in his contractibus alter alteri obligatur in id, quod alterum alteri ex bono & æquo præstare oportet, cum alioqui in verborum obligationibus aliis stipuletur, aliis promittat.

C O M M E N T A R I V S,

S V M M A R I A.

1. *Obligationes consensu quæ contrahi dicantur.*
2. *Sunt bona fidei, & in quo differant à stipulationibus.*
3. *Donatio an contractibus annumeranda.*

Quartæ & ultimæ obligationum ex contractu species est earum, **QUÆ CONSENSU INEUNTUR ET PERFICIUNTUR**, cujusmodi est Emptio-Venditio, Locatio Conductio, Societas, mandatum, in quibus alter alteri obligatur, ex solo consensu, licet nec verba, nec scriptura, nec res interveniant. (a) Et quidem **ULTRO CITROQUE PARIUNT OBLIGATIONEM**, in quo à stipulatione distant, quæ tantum continet obligationem alterius, qui dare promisit, cui vicissim stipulator non tenetur. 2. * Differunt etiam in eo, quod sint **BONÆ FIDEI**, & in eos veniat id, **QUOD ALTERUM ALTERI EX ÆQUO BONO PRÆSTARE OPORTET**: stipulatio verò ad stricti-juris contractus pertineat, in quos non aliud venit 3. quàm quod expressum, ut dicitur *inf. De action. §. actionum autem 28.* (b) * Donationis hic non fit mentio, quod magis ad beneficii causam pertineat, quàm contracti negotij speciem; unde & contractuum tractatum in D. & C. non inferitur. Videtur tamen posse annumerari contractibus juris gentium, quod nudo consensu perficiatur, ex eoque actio detur, ut dictum *sup. De donat.* Stricti tamen ob-juris. (c)

A D D I T I O N E S. V. A. D.

Nu. 1. ibi, nec res interveniant.) Imò nequidem præsentia ipsorum contractuum omnimodò opus est, ut hic ait Imp. cum & per nuntium vel epistolam consensus communicari alteri possit: quemadmodum & inter præsentibus non tantum viva voce, sed & nutu aut dignis, tamquam instrumentis, animi nostri sensa declaramus. Hinc Plato in *Timæo* linguam animi nuntium vocat, frontem verò animi tabellam vel epistolam. Sed & epistola tacitus animi nuntius dicitur. Proprie enim per epistolam non loquitur l. Miles 7 §. D. De legat. 1.

Nu. 2. in fine.) An verò hæc differentiæ moribus nostris etiamnum obli-neant, dubitatur. Plerique negant, quasi hodie inter Christianos contractus omnes sint judicandi esse bonæ fidei. Ita enim Ioan. Imbertus in *Enchir. I. Gall. V. Evictio*, scribit, omnes contractus & actiones uno ordine apud nos esse habendos, ut in ijs dolus & fraus omnis ablit, nec distinctionem adhibendam, an stri-

Si juris sint, an bonæ fidei. Verum Imbertum ob id incertitæ arguit Ant. Faber *De errorib. Prag. dec. 9. Err. 1. nu. 6.* An rectè, ipse viderit, cum consentiens ferè opinio omnium Dd. sit in contrarium, scilicet obligationes actionesque omnes hodie vi & effectu esse bonæ fidei, quia in omnibus sequimur ferè metum & simplex jus gentium, quo alterum alteri præstare oportet, quod ex æquo & bono adjudicandum videtur. Eoque spectare volunt clausulam salutarem, quam Advocati omnes omnibus suorum libellorum conclusionibus subijcere solent, *Vel prout iudic: bonum & æquum videbitur.* Cypr. Regn. his. Argent. ad consuet. Britan. art. 283. gl. 4.

Ibid. in fine.) Verumtamen donationem neque stricti juris contractum esse, neque bonæ fidei, alij adferunt, imò ne quidem esse contractum, vult Ant. Faber *decade 45. Err. 8. per l. Interdictum 14. §. D. De precario.* Vide Arum *Exerc. 6. thesi 12.* qui inter modos refert acquiriti rerum dominia, Gomez. 2. *Var. res. c. 4. in pr. Henon. disp. 9. ad l. 82. De R.L.*

DE EMPTIONE ET VENDITIONE.

TITULUS XIV.

Empcio & venditio contrahitur, simulatque de pretio convenerit: quamvis nondum pretium numeratum sit, ac ne arrha quidem data fuerit. Nam quod arrhæ nomine datur, argumentum est emptionis & venditionis contractus.

Sed hoc quidem de emptionibus & venditionibus, quæ sine scriptura conficiuntur, obtinere oportet, nam nihil à nobis in hujusmodi emptionibus & venditionibus innovatum est. In ijs autem, quæ scripturâ conficiuntur, non aliter perfectam esse venditionem constituimus, nisi & instrumenta emptionis fuerint conscripta, vel manu propriâ contrahentium, vel ab alio quidem scripta, à contrahentibus autem subscripta; & si per tabellionem fiunt, nisi & completiones acceperint, & fuerint partibus absoluta. Donec enim aliquid deest ex his, & poenitentiar locus est, & potest emptor vel venditor sine pœna recedere ab emptione & venditione. Ita tamen impune eis recedere concedimus, nisi jam arrharum nomine aliquid fuerit datum. Hoc enim subsequuto, siue in scriptis, siue sine scriptis venditio celebrata est, is, qui recusat adimplere contractum, si quidem est emptor, perdit, quod dedit; si verò venditor, duplum restituere compellitur, licet super arrhis nihil expressum est.

Pretium autem constitui oportet: nam nulla emptio sine pretio esse potest.

1. Sed & certum esse pretium debet. Alioquin si inter aliquos ita convenit, ut quanti Titius rem æstimaverit, tanti sit empti, inter veteres satis abunde

deque hoc dubitabatur, constaretne venditio, an non. Sed nostra decisio ita hoc constituit, ut quoties sic composita sit venditio, *Quanti ille aestimaverit*, sub hac conditione stare contractus: ut si quidem ille, qui nominatus est, pretium definierit, tunc omnimodò secundum ejus aestimationem & pretium persolvatur, & res credatur, & venditio ad effectum perducatur, emptore quidem ex empto actione, venditore ex vendito agente. Sin autem ille, qui nominatus est, vel noluerit, vel non potuerit pretium definire, tunc pro nihilo esse venditionem, quasi nullo pretio statuto. Quod jus cum in venditionibus nobis placuit, non est absurdum & in locationibus, & in conductionibus trahere.

2. Item pretium in numerata pecunia consistere debet. Nam in ceteris rebus an pretium esse posset, valde quaerebatur, veluti an homo, aut fundus, aut toga alterius rei pretium esse posset. Sabinus & Cassius etiam in alia re putabant pretium posse consistere: unde illud est, quod vulgò dicebatur, permutatione rerum vetustissimam esse: argumentoque utebantur Græco poëta Humero, qui aliquam partem exercitus Achivorum vinum sibi comparasse ait, permutatis quibusdam rebus his verbis:

Εν δὲν ἀρ' οἰνίζοντο καρνηκόωντες ἄχαιοι,

Ἄλλοι μὲν χαλκῶς, ἄλλοι δ' αἰδῶνι σιδήρεϊ.

Ἄλλοι δὲ ρινοῖς, ἄλλοι δὲ αὐτῶσι βόεσσιν.

Ἄλλοι δὲ ἀνδραπόδεσσι id est,

Hinc sibi certatim gentis de more comati:

Vina parant. Græcæ ære dato: fulgenteque ferro,

Tergoribusque, bubus sed & ipsis, mancipijsque.

Diversæ scholæ auctores contrà sentiebant: aliudque esse existimabant permutationem rerum, aliud emptionem & venditionem: alioqui non posse rem expediti, permutatis rebus, quæ videatur res venisse, & quæ pretij nomine data esse. Nam utramque videri & venisse, & pretij nomine datam esse, rationem non pati. Sed Proculi sententia, dicentis, permutationem propriam esse speciem contractus, à venditione separatam, metirò prævaluit: cum & ipse alijs Homericis verbis adjuvabatur, & validioribus rationibus argumentabatur: quod & anteriores divi Principes admiserunt, & in nostris Digestis latius significatur.

3. Cum autem emptio & venditio contracta sit (quod effici diximus, simulatque de pretio convenerit, cum sine scriptura res agitur) periculum rei venditæ statim ad emptorem pertinet, tamen adhuc ea res emptori tradita non sit. Itaque si homo mortuus sit, vel aliquâ parte corporis læsus fuerit, aut ædes totæ vel aliqua ex parte incendio consumptæ fuerint, aut fundus vi fluminis totus vel aliqua ex parte ablatus sit, sive etiam inundatione aquæ aut arboribus turbine dejectis longè minor aut deterior esse cœperit: emptoris damnum est, cui necesse est, licet rem non fuerit nactus, pretium solvere. Quidquid enim sine dolo & culpa vendi-

venditoris accedit, in eo venditor securus est. Sed & si post emptionem fundo aliquid per alluvionem accefferit, ad emptoris commodum pertinet. Nam & commodum ejus esse debet, cujus periculum est. Quod si fugerit homo, qui venit, aut subreptus fuerit, ita ut neque dolus, neque culpa venditoris intervenerit, animadvertendum erit, an custodiam ejus usque ad traditionem venditor susceperit. Sanè enim si susceperit, ad ipsius periculum casus pertinet: si non susceperit, securus est. Idem & in cæteris animalibus, cæterisque rebus intelligimus. Utique tamen vindicationem rei & conditionem exhibere debet emptori: quia sanè qui nondum rem emptori tradidit, adhuc ipse dominus est. Idem etiam est de furti & de damni injuriæ actione.

4. Emptio tam sub conditione, quam purè contrahi potest. Sub conditione, veluti, *Si Stichus intra certum diem tibi placuerit, erit tibi emptus aureis tot.*

5. Loca sacra vel religiosa, item publica (veluti forum, basilicam) frustra quis sciens emit. Quæ tamen si pro profanis vel privatis deceptus à venditore quis emerit, habebit actionem ex empto, quod non habere ei liceat, ut consequatur, quod sua interest eum deceptum non esse. Idem juris est, si hominem liberum pro servo emerit.

COMMENTARIUS.

SUMMARIA.

1. Emptio venditio quid, & ad eam requisita.
2. Venditor an præcisè teneatur rem tradere.
3. Tradere an sit facti.
4. Arrha datio non pertinet ad substantiam hujus contractus.
5. Potest & per scripturam contrahi emptio.
6. Pretium debet esse certum, & quod certum esse dicatur.
7. Certum est & illud, quod in arbitrium tertij confertur.
8. Debet consistere in pecunia numerata.
9. Contractus hic in quo differat à Permutatione.
10. Contractus à emptione venditione periculum rei vendita ad emptorem pertinet.
11. Modò emptio purè sit celebrata.
12. Et res in specie vendita.
13. Rei fungibilis vendita interitus ad quem pertineat.
14. Periculum rei vendita quando sit venditoris.
15. Commodum ei accedens cedit emptori.

16. Emptio contrahitur & pure & sub conditione.
 17. Item sub pacto adductionis in diem, commissorio & de retrovendendo.
 18. Quae res vendi possint, & an res sacra.
 19. Vendi & res aliena potest.

Contractuum consensu initorum species frequentissima EMPTIO-VENDITIO est CONTRACTUS JURIS GENTIUM, QUO MERX SIVE RES PER MUTUUM CONSENSUM PRETIO COMMUTATUR. Materiam ponunt RES & PRETIUM, formam dat CONSENSUS. Ut furiosi, & qui sensu carent non ineant hunc contractum, uti nec ullum alium. (a) Ut etiam posito consensu super re & pretio substantiam suam habeat emptio-venditio, etiam si nec res intervenerit, nec pretium numeratum sit; ad cuius tamen numerationem tenetur emptor actione venditi sive ex vendito, uti & venditor actione empti ad rei venditae traditionem. (b)

2 Quæri autem posset, An venditor præcisè teneatur rem tradere, an verò offerendo ejus æstimationem liberetur? Posterius vult Alciat. ad l. unic. C. De sent. quæ pro eo quod interest prof. Gl. in l. 1. D. de action. empti per l. 4. & l. Si jactum 13. D. h. t. & rationem dant, quòd tradere sit facti, ad factum autem nemo præcisè cogi possit. Verius est, eum offerendo æstimationem non liberari. Quòd facit §. 1. sup. de donat. ubi donatio inter vivos dicitur ad exemplum venditionis habere necessitatem traditionis: & textus in l. Exempto 11. §. 1. & 2. de act. empti, ubi dicitur venditor tradere debere: quòd verbum importat necessitatem, ita postulante bonâ fide, quæ vult fieri quòd conventum. Facit quòd continuo perfectò contractu queratur jus ad rem emptori, cui non fit satis, dando interesse, cum sit aliud à re debita; aliud autem pro alio non obtrudatur invito. Nec obstat d. l. 4. & 13. & si quæ similes, quia accipiendæ in casu, quo emptor interesse elegit, aut res ipsa præstari nequit, quia ad impossibile nemo obligatur. * Quòd dicitur tradere esse facti, non est verum nisi generaliter sumptò verbo, l. Verbum facere 218. D. de V. S. Nam strictè distinguuntur, cum aliud sit facere, aliud tradere. Admisso tamen, ut volunt, tradere esse facti, non sequitur obligatum tradere liberari offerendo interesse, ex ratione suprâ dicta, cum & ad factum obligatus non liberet se nisi faciendò, ex veriori sententia, de qua sup. tit. 16. §. fin. (c)

4 Nihil etiam ad substantiam facit, quòd arrha non sit data (quæ est id quòd emptor dat, firmandi contractus causâ) cum non aliàs detur, quàm ut evidentiâs probari possit, inter partes de pretio convenisse, l. Quod sepe 35. D. h. t.

§. Sed hoc quidem.

Quoddiditum, solo consensu hunc contractum iniri, verum est, nisi partes suspenderit obligationem, donec in scripturam contractus fuerit redactus, *text. hic & in l. Contractus C. De fide instrum.* Quæ conventio minime impugnat substantiam hujus contractus, cum non faciat, quin consensu solo perficiatur. Tantum enim determinat, ne consensum ante in emptionem videatur, quam scriptura sit perfecta, ut ante poenitentia sit locus, & liceat recedere à contractu etiam impune. Nisi si quid forte arrharum nomine datum fuerit, hoc enim amittitur ab eo, qui dedit, si adimplere contractum recuset, in duplum reddendum ab eo, qui accepit, si per eum steterit. Ut hic § sit omnino accipiendus de contractu necdum completo, ut non faciat pro his, qui volunt venditorem liberari dando interesse. (d)

§. Pretium autem.

Rem & pretium desiderat emptio venditio. Res qualis esse debeat dicitur *inf. §. fin.* * PRETIUM CONSISTERE IN PECUNIA NUMERATA debet, ut §. seq. dicitur, & CERTUM esse, *text. hic*, vel ab initio expressâ certâ quantitate, vel eò relatum, unde certum sit vel fieri possit, veluti QUANTI EMISTI, QUANTUM IN ARCA HABEO TANTUM DABO: cum nihil intersit, verbis res designetur, an aliàs sufficienter demonstretur, *l. Certum D. Si certum pet.* Nihil facit, quod contrahentes lateat quantitas, quia satis est, in rei veritate eam certam esse, *l. Hac venditio 7. §. 1. D. h. t.* * (e) Certum quoque censetur pretium, cujus determinatio collata in arbitrium tertii nominati, veluti, QUANTI ÆSTIMAVERIT TITIUS, *text. hic*: quia potest quantitas fieri certa, quod satis est ad certitudinem pretii, *l. fin. C. h. t.* Dico, certum, quia in arbitrium alterius contrahentium non rectè confertur, *l. In venditio C. h. t.* ne sit in ejus arbitrio, an sit obligatus, *d. l. 7. in pr.* Dico, nominatis nam si nulla persona sit expressa, sed generaliter relinquatur arbitrio, pro nihilo est emptio, propter incertitudinem (f) Quæ & concidet, si nominatus nolit aut non valeat æstimare, *text. hic in fine.* Perperam arbitratus si fuerit, ab ejus arbitrio non recedetur, nisi manifesta appareat iniquitas, quo casu rescindetur per iudicium bonæ fidei, *l. Societatem 76. & l. Vnde 79. D. Pro socio (g)*

§. Item pretium.

An pretium hoc in contractu consistere debeat in PECUNIA NUMERATA, an & in ALIIS REBUS, olim controversum fuit inter diversæ scholæ auctores. Nam Sabiniam etiam RERUM PERMUTATIONE emptio-

nem venditionem contrahi adferebant, quod ejus origo à permutatione cœperit, ut tradit J. C. *in l. 1. D. h. t.* à qua, nondum invento nummorum usu, non distinguebatur, cum aliud MERX, aliud PRETIUM non vocaretur, non esset, sed quisque, pro necessitate usus, utilibus inutilia permutabat, ut patet hic ex textu. Verum quia rerum permutatio non ita obvia, & passim utilis esset, inventa materia, cujus publica & perpetua æstimatio difficultatibus permutationum subveniret, æquitatē quantitatis, quæ formā publicā percussa usum sui non tam præberet ex materia, quam ex quantitate, *d. l. 1.* Ut emptio venditio desideret pecuniam numeratam, non etiam res admittat, ⁹ loci pretii, quæ erat Proculianorum sententia. (h) * Ut & diversa sit natura hujus contractus à permutatione, quæ est rerum inter se, quarum & dominium transferendum: ut non habeat locum, nisi in rebus propriis, & non nisi earum traditione perficiatur, non etiam nudo consensu, quo solo perficitur emptio-venditio, differentiam ponens inter mercem & pretium, prætereà non requirens translationem dominii, sed tantum traditionem vacuæ possessionis. (i)

Si Cum autem emptio.

- ¹⁰ CUM solo consensu emptio-venditio perficiatur, consequitur, continuo venditori esse quesitam actionem ad pretium, emptori verò ad rem, ad cujus traditionem præcisè teneri venditorem, dictum supra *in pr. h. t.* Hinc PERICULUM REI VENDITÆ STATIM (id est, simulatque de pretio convenerit) AD EMPTOREM PERTINET, *ut hic dicitur & l. id quod 7. cum l. seq. D. de periculo & som. rei vendita.* Nec obstat regula communis, quæ habet, quod quælibet res domino suo pereat, dominus autem hic maneat venditor ante rem traditam; nam periculum ejus redundat in emptorem, tamquam creditorem, qui licet non possit rem consequi à venditore, ex eo, quod perierit, quodque hoc modo impossibilis facta sit venditori ejusdem rei traditio, tenetur nihilominus pretium persolvere, *text. hic & in l. fin. C. rod. Quo* tamen casu rectè sibi cedi actiones postulat emptor, si quas habeat venditor, in eum fortè, cujus facto res interiit, aut corrupta est, *text. hic.* Quod est æquum, cum ut periculum, ita & commodum rei emptorem sequatur, ad commodum
- ¹¹ autem spectent istæ actiones, *text. hic vers. sed etsi.* * Dicta ut procedant, necessarium primo, Ut emptio sit purè celebrata, non etiam sub conditione, cum non nisi in eventum comprehensionis emptor sit creditor, *l. 5. C. d. t.* Adjecta dies etsi traditionem differat, non tamen obligationem, ut non impediat, quò minus emptor continuò ponatur creditor, atque ita & eum sequatur commodum & incommodum. * Secundò, Res in specie sit vendita; nam si in genere, ¹² non ponet emptorem creditorem speciei ante electionem, cui proinde non ceder

l. iure dominico C. Si certum pet. ut semper super sit alia species, quæ dari possit. Nisi genus sit restrictum, veluti si quis equum ex stabulo suo promiserit, aut alternative res sit vendita; tunc enim posterioris interitus cedit emptori, cum ea tantum censeatur vendita, *l. In emptione 34. §. pen. D. h. t.* * Hinc rei fungibilis venditæ interitus non sentit emptor, quia in genere vendita, *d. l. 34. §. in his*, cuius antè non habetur perfecta venditio, quam appensa, admensa, fuerit. Subest enim conditio, ut in singulas metretas, libras, corpora, pretium detur, quæ ideo prius poni necesse est, *d. §. in his cum §. seq.* Adeo ut ne quidem consignatio dolii periculum in emptorem transferat, *d. l. §. si dolium D. De peric. & com. rei vend.* quia non tam facta causâ traditionis, quam securitatis, ne supponatur aliud pro alio. Nisi omne vinum, frumentum, oleum, quantumcunque fuerit, venditum sit uno pretio, *d. §. in his*: cuiusmodi emptionis genus per aversionem vocant, quasi averse quodammodo negotium contrahamus, re omni neque perspecta, neque explorata bene, ut vult Cujac. *hic*. Periculum tamen acoris in vino ita emptio non antè videtur ad emptorem spectare, quam degustaverit, *l. 4. §. 1. D. d. t.* sed quòd difficile sit, ut quisquam vinum sic emat, ut ne degustet. * Ter-
tio, Si non arguatur venditoris culpa, etiam levis, quia contractus hic utriusque utilitatem concernit. Quarto Si non suscepit in se custodiam venditor, aut periculum, *text. hic vers. quod fugerit.* Dant enim pacta legem contractui. Quinto, Si causa interitus non fuit ex præterito vitio: nam cum acciderit rei venditoris, necdum emptori debita, merito illius damno cedit interitus, *l. 1. & fin. C. d. t.* Quomodo & rei sublata è medio, ante venditionem, licet ignorante venditore, nulla est emptio, *l. Si duos 44. D. h. t.* quia tempore contractus initi merx non suberat. * Ut autem periculum emptori cedit post contractum perfectum, ita & commodum: cuius enim incommodum est, ejus & commodum. Unde fructus enatos etiam ante traditionem emptor sibi cedere iure postulat, & quod per alluvionem accessit rei emptæ, eam sequitur, *text. hic vers. sed etsi. (1)*

§. Emptio.

DIEM & CONDITIONEM hic contractus ideo admittit, quòd non sit ex his actibus, qui introducti, ut statim fortiantur effectum, alias inutiles futuri, cum à præsentì executione nomen habeant, cui diei vel conditionis adjuncto repugnat, *l. Actus legit. mi 77. D. de R. I.* Quo modo rectè contrahitur sub hac conditione, *Si tibi placuerit intra 20. dies, res tibi emptæ sit decem aureis.* Cui non est contrarium, quod dictum supra, non conferri obligationem in arbitrium alterius; hic enim non conferitur, cum tantum concedatur deliberandi spatium super certo pretio. (m) * Admittit præterea contractus hic varia pacta, ut
ADDITIONIS IN DIEM, quo res addicitur emptori, nisi intra certum tempus offeratur melior conditio, *l. 1. & per tot. D. de addit. in diem: PA-*
CTUM

CTUM LEGIS COMMISSORIÆ, five potius COMMISSORIUM; quo res ita venditur, ut, nisi intra statutum diem fiat solutio, sit inempta, *l. 4. D. de lege commiss.* RETRACTUS, five pactum DE RETROVENDENDO, quo licet venditori rem retrahere, retuso pretio, *l. 2. C. De pactis inter emptor. & vendit. (n)*

§. Loca sacra.

18. **R**es non alia in contractum hunc deducitur quam QUÆ EXTAT, AUT REXTARE POTEST, EI CUJUS EST COMMERCIIUM: ut FRUCTUS NASCITURI, ALEA, JACTUS REIIS, & similia, quæ ex eventu dependent; ponant materiam venditionis, *l. Nec emptio 8. in fine D. h. t.* SERVI autem MORTUI, HIPPOCENTAURI, & similibus, quæ non sunt, nec esse possunt, emptio non subsistit, *text. hic*, quod ea sit cogitatio contrahentium, ut nihil agi existiment propter impossibilem materiam, *arg. l. Non solum 31. D. de obligat. & act.* Idem est in RE SACRA, RELIGIOSA, PUBLICIS USIBUS DESTINATA, LIBERO HOMINE, *text. hic*. Nam cum sint hæc res extra commercium, ponere nequeunt materiam venditionis, ut nulla super sit actio, saltè quatenus scienter circa ejusmodi res est contractum. Dico, scienter; quia se deceptum queri non potest emptor: secus est, si ignoranter, quia tunc actio ei erit, *text. hic*, ita commercio communi postulante, non quidem ad rem, cujus impossibilis est præstatio, turpis exactio, sed ad id quod sua interest, se deceptum non esse. Ubi emptoris spectatur ignorantia, non etiam venditoris.
19. **c**um hic minùs rectè ignoret rei suæ conditionem (o) * Aliena sit res, an propria, quæ venditur nihil impedit substantiam emptionis, cum & aliena vendi possit, *l. Rem alienam D. h. t.* Cujus ratio est quod venditor non habeat necesse, rei venditæ transferre dominium, sed tantum præstare, ut emptori eam habere liceat, *l. Si ita 25. D. h. t.* Ut autem habere liceat, æquè potest præstari in re aliena, atque propria, ut non tam in rem, quam in personam obligatio contrahatur. Quò facit, quod res uni vendita, antequam ei tradatur, alteri vendi possit, quem potiore faciet traditio: quæ est materia *l. Quoties C. de rei vindic.* Non est tamen secuta rei alienæ venditio, propter periculum evictionis, quod tenet venditorem, *D. & C. de evictionibus.*

A D D I T I O N E S V. A. D.

Num. 1. ibi, ut nec ullum alium.) Neque prodigi, quibus interdicta administratio, quia similes furiosis, *l. Si sciens 26. D. h. t. & l. Furiosi 40. De R. l.* Neque pupilli sine tutorum auctoritate, §. 1. *sup. de auctoritate tut.* At neque invitus quis cogi potest rem suam vendere, *l. Nec quasi 70. D. de rei vind. l. Invitum 10. & l. Dudum 14. C. de contrah. empt.* ne quidem à Principe, nisi ex causa publicæ utilitatis, & justo refuso pretio, *l. Venditor 13, §. 1. D. Commun. prædior.*

Prædior. Gall. 2. Obs. 56. num. 8. Gomez. 2. Var. cap. 2. num. 51. Bronch. cent. 2. assert. 62.

Ibidem in fine.) Quod verò dicitur hic, emptionem-venditionem contrahi, posita consensu super re & pretio, id est, ut Imp. ait, simulatque de pretio convenerit, intelligi quantum ad causam juris gentium attinet seu obligationem. Nam jus civile quod non tam obligationem quam actionem spectat, ut perfecta sit emptio, requirit insuper implementum live traditionem, l. Julianus 13. §. offerri D. de act. empt. & vend. Unde ut emptor agat, debet pretium numerasse; ut vero agat venditor, debet rem tradidisse, d. §. offerri. Ejusque est implere contractum, qui prior agit, nisi aliud ab initio convenerit. Cujac. 23. Obs. cap. 15. Ut autem perfecta sit traditio, tria hæc requiruntur; rem tradi, emptori licere habere vacuum rei possessionem, id est, quam nemo civiliter vel naturaliter occupat, quamvis hoc quidam negent, Donel. 4. Comment. cap. 19. Hoenon. disput. 16. thesi 13. Plures verò affirmant, Cont. 1. disput. cap. 18. Myns. cent. 1. Observ. 53. Tiraq. in Repet. l. Si umquam V. revertatur num. 388 C. de revoc. donat. Bronch. cent. 3. assert. 81. Denique dolum malum abesse oportet, qui consensum omnem excludit, quique causam dans contractui bonæ fidei, qualis est emptio-venditio, eum reddit ipso jure nullum & irritum, l. Et eleganter 7. n. pr. D. de dolo malo, l. In causa 16. §. 1. D. de minoribus l. 1. C. de rescind. vend. prout & nullum esse judicavit suprema Curia Mechlin. ann. 1594. 1. Febr. decis. supr. Curia Holland. 16. Bronch. cent. 1. assert. 57. Vide D. Burgund. tract. de evict. cap. 5. Moribus nostris traditio, cessioque rei immobilis venditæ fit per publicas legis operas, id est, coram Magistratu, quam adhæredationem vocant, quæ de re apud nos est Constitutio Carolina anni 1529. Neque aliter dominium prædii alicujus translatum censetur, aut prædium ipsum adstrictum live affectum hypothecæ. D. Gabr. Mudæus de pignoribus & hypoth. cap. Quomodo hypoth. contrah. num. 25. Wamel. conf. 486. num. 3. & conf. 499 num. 5. item cent. 3. conf. 17. Vide notata sup. ad tit. de rev. div. f. num. 78.

Num. 3. in fine) Et hæc fuit sententia Martini vet. Glossat. nimirum venditorem, si facultatem habeat rei tradendæ, præcisè cogi posse ad tradendum, alias ad id, quod interest, teneri, quam secuti sunt Barth. in l. 1. D. de act. empti & vend. Coras. 2. Miscell. cap. 3. num. 7. Costal ad d. l. 1. Cujac. ad Iul. Paul. 1. Sent. tit. 13. Ant. Fab. 6. conject. 17. Bal. 5. Subtil. cap. 12. Bronch. cent. 2. assert. 57. D. Burgund. d. c. 4. Contrariam Bulgari & Azonis tuentur Joann Vand. 1. quest. 9. Fachin. 2. Contr. cap. 3. & à priori sua opinione discedens idem Fab. De erroribus Prag. dec. 85. Err. 4. cujus quidem sententiam posteriorem probat D. Guil. Mañus in suo tractatu quem nuperrimè edidit de rei debita æstimat. p. 1. cap. 8. num. 7 non tamen ejus rationes, quibus eam munire nititur. An verò venditoris hæres teneatur præcisè rem venditam tradere, & voluntatem patris ratam habere, vel præstando interesse liberetur, ex jure Saxonico tradit Schultz. hic litt. D. vers. de jure Saxonico.

Num. 4. in fine.) Nota hic, arrharum duplex esse genus: alterum, quod absolute ac perfecto contractu datur, estque argumentum emptionis & venditionis contractæ, ut hic ait Imp. Barbari *Bivale* vocant, arrham epularem seu epulum, quod emptionis causâ exhiberi solet, *Zaf. 2. Sing. intellect. cap. 24.* nos vulgò *Lyfkoop* dicimus, ut contra *Lyck-koop*, pretium poenitentiae seu multam rescillae venditionis. Solet dari & nummus aliquis, *Denier à Dieu, Gods-penninck*, in testimonium emptionis contractæ. Ab ejusmodi contractu arrharum datione confirmato recedere ne quidem cum earum dispendio impune licet: nam qui recedit, præter poenam amissionis & jacturæ arrharum, tenetur insuper ad interesse, *l. 2. D. de act. empti.* Non enim hujus generis arrhæ sunt pars contractûs, sed ipsæ per se forsum & novo quodammodo contractu accedunt ad contractum antecedentem, circa quem earum compendium vel dispendium nihil mutat, *l. Contractus C. de fide instrum. Accurs. ad l. 2. C. Quando ab empt. disc. lic. Wesenb. hic in pr. num. 6. & in Parat. eod. num. 9. Bronch. cent. 2. assert. 54. Hoenon. disput. 16. ch. 6. Diss. Barth. ad d. l. Contractus, Zaf. d. c. 24. Fachin. 2. contr. c. 28. per d. l. 2.* quæ tamen commodè accipi potest de alio casu, puta de arrha data in solutum & in diminutionem pretii ab emptore præstandi, si videlicet in contrahendo id ita convenerit. Aliud est genus arrhæ, quod contractu necdum perfecto aut consummato solet præstari, & velut pignoris loco datur, sub ea conditione, ut solo arrharum periculo liceat discedere à contractu. Estque genus hoc frequens in mercatu, & ita solent plerumque mercatores, quando videlicet aliquot dies ad maturiorem deliberationem reservant, nimirum ut hæc viâ præstationem ejus quod alterius intersit, evitent, *Zaf. d. c. 24.*

Notandum etiam, in scriptis sive per scripturam contrahi emptionem aut expressè, uti hic, aut tacitè, quando pretio convento, & re ore tenus perfectâ, agitur deinde inter contrahentes, ut eo nomine Notarius vel Magistratus adeatur. Cujus auctoritas quamdiu non intervenit, licet utrique contrahentium invito altero, à contractu recedere. Hoc enim tacitè actum intelligitur eo ipso, quo id actum est, ut Notarius adeatur, vel Magistratûs auctoritas implore-
tur. *Castren. l. Cum res C. de probat. Alciat. ad l. Pacta quod bona num. 22. C. de pact.*

Num. 6. in fine.) Ita Fabian. de Monte *De empt. vend. quest. 5. pr. num. 34. Pinel. ad l. 2. C. de rescind. vend. p. 1. c. 1. num. 2. & 3. Fachin. 2. contr. c. 1.*

Num. 7. ibi, propter incertitudinem.) An & in casu, quo pretium venit declarandum à peritis æstimatoribus, quorum alter à venditore, alter ab emptore eligendus? Ita quidem Pinel. ubi sup. p. 2. num. 6. & D. Tuld. hic c. 5. quod ne hic quidem certa designetur persona, eademque videatur esse incertitudo, quam habet pretii in arbitrium tertii alicujus collatio, non nominatâ personâ. Verum sententia contraria est communis, teste Fachin. d. lib. 2. c. 1. quam & in foro obtinere, ac potissimum inter mercatores vigere, notat Bus. ad l. 1. num. 8. D. de rer. permutat. & Vinn. hic num. 4.

Ibid. in fine.) Nimirum iudex iniquitatem arbitrij in melius reformabit, illud reducendo ad arbitrium viri boni. Ad hoc enim recurrendum esse, quando arbitrio tertij aliquid committitur, non verò standum ejus arbitrio; virique boni arbitrium comprehensum videri etiam quando nominatim certa persona est designata, cujus arbitrio fiat, probabilior habet sententia. Vide Donel. *ad l. Si quis arbitratus* 43. nu. 16. D. De V. O. Bronch. cent. 2. assert. 50.

Nu. 8. in fine.) Nam sola pecunia numerata certam habet aestimationem, l. 1. D. De in litem iur. Reliquæ verò res, quæ & ipsæ pecuniæ nomine continentur, l. Pecunia 178. D. De V. S. pretij loco fungi non possunt, quia semper incertæ, id est incerta earum est aestimatio, l. Pretia ver. D. Ad L. Falcid. Imò pecunia numerata non tam res est, quàm rerum omnium veluti quantitas & mensura, l. 1. D. h. t. quæ omnia meritur & exæquat, τὸν ἀριθμὸν ἀντὶ τῆς μετρῆς, inquit. Aristot. Ante pecuniæ numeratæ usum veteres rudi ac signato ære utebantur, idque non numerabant, sed appendebant, & appendo ad libram ære res omnes aestimabant. D. Vigl. ad §. sed ut nihil Instit. De testam. ordin. Itaque pretium, quod olim pondere constabat, hodie constat numero.

Nu. 9. in fine.) Planè si species aestimatæ inter se permutentur jam duæ quodammodò videbuntur contractæ esse emptiones; quia in re aestimata non tam rem ipsam, quàm ejus aestimationem spectamus. Quæ quidem aestimatio facit, ut utraque res utrimque videatur alterius esse pretium. Ad exemplum Homeri, quo hic Imp. utitur, quod attinet, videri posset eo Poëtam non tam permutationis quàm emptionis formulam expressisse. (nam *ὅντις* propriè est vinum emere.) & insuper *ἀσ, aurum, ferrum, corium, mancipia*, non esse hic species, sed potiùs percussæ monetæ genera; & quidem inter se multum diversâ, partim quidem ab invicem distincta materiæ diversitate, nimirum quòd alia sic moneta aurea, alia ferrea, alia ærea; partim à forma, quia alia moneta bovis imaginem præferebat, alia mancipiorum imaginem, alia deniq; imaginem corij seu velleris, quod Didymus Homeri interpres ad eum locum existimasse videtur. Imò & duobus annorum millibus ante Romanos argento signato usi sunt majores. Molin. tract. de commercio. & usur. nu. 795. Et hinc quoque illa nata est fabula, quòd olim majores nostri monetâ usi sint coriacea, non quidem ex corio factâ, quòd foret absurdum, sed in qua pecus aliqua utpote aries, taurus, bos, aut vellus, aut aliud ejus generis villosum animal sit insculptum. Molin. nu. 99. Bilibald Pirckheim. De numis. Rom. Quemadmodum & nos etiamnum adhuc hodie non ab simili monetæ genere utimur, ut arietibus, muronibus, velleribus aureis & argenteis.

Ex I. R.

Nu. 10. in fine.) Visum tamen hoc minùs æquum Cujacio, ut scilicet emptor, re venditiâ ante traditionem peremptâ, teneatur nihilominus ad solutionem pretij, ex hoc solo, quia perfecta fuerit venditio, & quia venditor sit speciei debitor, cujus interitu liberetur, l. Si ex legati 23. D. De V. O. em-

prior verò debitor generis, quod non pereat. Unde putat ipse accipiendam prædictam reg. ut quidem res pereat emptori, non etiam pretium, & ut emptor vel rep. rat pretium, quod solvit, vel solvere non teneatur. Cujac. tract. 8. ad African. ad l. Si fundus 33. D. Locati. Contra Cujacium disputat Ant. Faber. cent. 2. assert. 55. ubi tamen notat in curia Hollandiæ pro sententia Cujacii judicatum, nimirum quod periculum rei immobiliæ venditæ ante traditionem spectet ad venditorem: idque vigore Constitutionis Carolinæ, de qua sup. ag. i. in pte. Quod centè à jure naturæ seu gentium alienum non est. Nam quod dici solet, solâ conventionem de re & pretio contrahi & perfici emptionem. venditionem, ac tingi rem traditam, id commentum est juris civilis, quod nec ubique quærvatur. H. Grot. De iure belli & pac. c. 12. nu. 15. & Cypr. Regn. hic in Cens. sua Belg.

Nu. 14. in fine.) Ad quem verò pertinere debeat alluvionis incrementum in emptione sub pacto de retrovendendo disputat latè Tessaur. decis. 140. & refert, se referente an. 1571. in favorem emptoris judicatum, verum petitâ revisione aliud Senatui placuisse.

Nu. 15. in fine.) Aliàs dubitandi hîc ratio non erat, an emptio-venditio sub conditione contrahi posset, sed de eo, ad quem interim pendente conditione periculum rei venditæ pertinere debeat, ad venditorem, an verò ad emptorem. Ubi distinctione opus est. Nam aut conditio appositæ est in favorem venditoris; & hoc casu periculum interim ad emptorem pertinet, quia hujus respectu perfecta est emptio, ut in pacto legis commissoriæ, l. Si fundus D. De lege commiss. respectu verò venditoris est imperfecta. Aut ad emptoris favorem pertinet conditio, quo casu ex adverso venditoris est periculum, quia emptoris respectu imperfecta est emptio, cum defectu conditionis obligatio perfectionem suam recipere non possit, ut in exemplo h. §. Quod si mixta conditio fuerit appositæ, veluti, Si navis ex Asia fuerit vers. pluri si pendente D. De peric. & com. rei vend. & periculum interitus necessariò est venditoris.

Nu. 17. in fine.) De hoc pacto quæritur, an ei præscribi possit, maxime adjectis clausulis, ut *quandocumque, semper, in perpetuum*, liceat venditori, vel ejus hæredibus pretium offerre, & venditum fundum recipere. Et non posse eo casu juri offerendi præscribi, saltem non nisi centenariâ præscriptione, ex Germaniæ consuetudine & rebus in Camera Imperiali judicatis, scribit Mynscent. 1. Obs. 16. ten. 4. Obs. 4. & cent. 6. Obs. 70. nu. 21. Gail. 1. Obs. 18. Adde Zoannet. tract. De pacto de retroven. nu. 33. & seqq. Fachin. 2. cent. c. 13. Bronch. cent. 3. assert. 62.

Nu. 18. in fine.) Dubites autem, cur non æquè valeat ab ignorante facta rei sacræ stipulatio atque emptio, §. *idemque sup. De inutil. stipulat.* Resp. id inde esse, quod stipulatio sit stricti juris contractus, in quo illud tantum spectatur, quid

& quantum ex stricta juris ratione veniat, *l. Quidquid 99. De V. O.* Stricta autem juris ratio dicat, deficiente materiâ (qualis in stipulatione est res sacra). nullam posse nasci obligationem. At verò emptione, etiam rei sacra, facta ab ignorante, qui bonæ fidei contractus est, eadem bona fides efficit, ut emptoris respectu, iusta sit ignorantia, idque tum commerciorum favore, & propter rerum venalium multitudinem ac frequentiam, *l. Et liberi cum l. seq. D. b. t.* tum quia venditor, quasi auctor contractus, ipse prius rem exponat, & sic venalem esse profiteatur, emptoremque invitet, *arg. l. In contrahenda De R. I.* Non ita excusabilis est ignorantia stipulatoris, qui cum præcipuus sit & auctor & impulsor stipulationis, prospicere ipse potuit & debuit, quam rem velit & possit stipulari. Ita serè *l. R.*

DE LOCATIONE ET CONDUCTIONE.

TITULUS XV.

Locatio & conductio proxima est emptioni & venditioni, iisdemque juris regulis consistit. Nam ut emptio & venditio ita contrahitur, si de pretio convenerit: sic & locatio & conductio ita contrahi intelligitur, si merces constituta sit. Et competit locatori quidem locati actio, conductori verò conducti.

1. Et quæ supra diximus, si alieno arbitrio pretium permissum fuerit: eadem & de locatione & conductione dicta esse intelligimus, si alieno arbitrio merces permissa fuerit. Quæ de causâ si nulloni polienda curandave, ac sarcinatori sarcienda vestimenta quis dederit, nullâ statim mercede constitutâ, sed postea tantum daturus, quantum inter eos convenerit, non propriè locatio & conductio contrahi intelligitur, sed eo nomine actio præscriptis verbis datur.

2. Præterea sicut vulgò quærebatur, an permutatis rebus emptio & venditio contraheretur: ita quæri solebat de locatione & conductione, si fortè rem aliquam utendam sive fruendam tibi aliquis dederit: & invicem à te utendam sive fruendam aliam rem acceperit. Et placuit, non esse locationem & conductionem; sed proprium genûs contractus. Veluti si cum unum bovem quis haberet, & vicinus ejus unum, placuerit inter eos, ut per denos dies invicem boves commodarent, ut opus facerent, & apud alterum alterius bos perierit: neque locati, neque conducti, neque commodati competit actio, quia non fuit commodatum gratuitum; verum præscriptis verbis agendum est.

3. Adeo autem aliquam familiaritatem inter se videntur habere emptio & venditio, item locatio & conductio, ut in quibusdam causis quæri soleat, utrum emptio & venditio contrahatur, an locatio, & conductio: ut ecce de prædijs, quæ

perpetuò quibusdam fruenda traduntur, id est, ut quamdiu pensio sive reditus pro his domino præstetur, neque ipsi conductori, neque hæredes ejus, cuive conductor hæresve ejus, id prædium vendiderit, aut donaverit, aut dotis nomine dederit, a hove quocumque modo alienaverit, auferre liceat. Sed talis contractus, quia inter veteres dubitabatur, & à quibusdam locatio, à quibusdam venditio existimabatur, lex Zenoniana lata est, quæ Emphyteuseos contractus propriam statuit naturam, neque ad locationem, neque ad venditionem reclinantem, sed suis passionibus fulciendam: & si quidem aliquid pactum fuerit, hoc ita obtinere, ac si naturalis esset contractus; si autem nihil de periculo rei fuerit pactum, tunc, si quidem totius rei interitus accellerit, ad dominum super hoc redimere periculum; si autem particularis, ad emphyteuticarium hujusmodi damnum venire, quo jure utimur.

4. Item quæritur, si cum aurifice Titius convenerit, ut is ex auro suo certi ponderis certaq; formæ annulos ei faceret, & acciperet (verbi gratia) decem aureos, utrum emptio & venditio, an locatio & conductio contrahi videatur? Cassius ait, materiæ quidem emptionem & venditionem contrahi, operæ autem locationem & conductionem. Sed placuit tantum emptionem & venditionem contrahi. Quod si suum aurum Titius dederit, mercede pro operâ constitutâ, dubium non est, quin locatio & conductio sit.

5. Conductor autem omnia secundum legem conductionis facere debet: & si quid in lege prætermisissum fuerit, id ex bono & æquo præstare. Qui pro usu aut vestimentorum, aut a genti, aut jumentis, mercedem aut dedit, aut promisit, ab eo custodia talis deligeratur qualem diligentissimus paterfamilias suis rebus adhibet: quam si præstiterit, & aliquo casu fortuito eam rem amiserit, de restituenda ea non tenebitur.

6. Mortuo conductore intra tempora conductionis, hæres ejus eodem jure in conductione succedit.

COMMENTARIUS.

S V M M A R I A.

1. Locatio-Conductio quid.
2. In quibus conveniat cum emptione venditione.
3. Merces in hoc contractu an consistere debeat in pecunia numerata.
4. Traditio rei quid hic operetur, & in emptione-venditione.
5. Actio locati ad quid datur.
6. Remissio mercedis ex causa sterilitatis quando facienda.
7. Remissio ea petenda & facienda necdum collectis fructibus.

8. Conducti actio ad quid detur.
9. Conductor quibus ex causis privari re conducta possit.
10. Impensas in rem conductam factas ac meliorationes an re se repetat.
11. Emphyteusis in quo similis emptioni & locationi.
12. Emphyteusis quid sit.
13. Scriptura adeius substantiam an necessaria.
14. In quibus differat ab emptione & locatione.
15. Remissio pensionis cur hic non fiat, uti mercedis in locatione.
16. Emphyteusis extinguatur finito tempore, ad quod concessa, & rei interitu.
17. Item ipsius rei commissione, ob non solutam pensionem.
18. An eo casu extinguatur ipso iure.
19. Amittitur & emphyteusis per rei alienationem.
20. Vendi qualiter possit.
21. Exemplum similitudinis inter emptionem-venditionem & locationem-conductionem.
22. Quid in locatione-conductione praestandum veniat.
23. Conductor ad quam custodiam teneatur.
24. Locatio conductu quatenus transeat ad heredem.

Vicina emptioni-venditioni est LOCATIO-CONDUCTIO: adeò ut Emptionis, conductionis verbo veteres promiscue inveniantur usi, & rectè hic IISDEM IURIS REGULIS CONSISTERE dicatur. LOCATIONIS nomen à Loco deductum, quòd locans sedem aut locum concedat: CONDUCTIO dicta ab usu & utilitate, quam præbet ei, cui res locata. (a) Ut LOCATIO-CONDUCTIO SIT CONTRACTUS IURIS GENTIUM, quo usus rei vel operarum MERCEDE COMMUTATUR. * Cùm superiori convenit non tantum, quòd ad idem genus contractus pertineat, sed & in plerisque aliis. Nam ut ibi res, quæ existat, & in commercio sit requiritur, ita & hic: ut ibi certum debet esse pretium, sive ab initio expressum, sive eò relatum, unde certum fieri potest, ita & hic merces, *text. hic*, quia aliàs esset potius contractus præscriptis verbis. * An autem merces debeat consistere in pecunia numerata quaestio est. Et ita receptum communiter, per l. 1. §. si quis servum D. Deposit. & l. Si merces 25. §. vis maior D. h. t. ubi fit mentio pecuniæ numeratæ. Excepta tamen locatione fruendi, quæ mercedis loco admittit res fungibiles, l. Si olei 21. C. h. t. ubi certa ponderatione olei fructus annui locati dicuntur. Sic & alibi vocatur partarius colonus, qui partem fructuum mercedis loco infert, d. §. vis maior. (b) Aliàs non supplet locum mercedis res, nec rerum usus inter se commutatio ponit locationem-conductionem, *text. hic vers. præterea*, ubi si boves mutuo dati fuerint, & apud alterum alterius bos perierit, dicitur non competere actio, neque locati-ducti, quòd ejus requisita non adsint, neque etiam commodati, quia non sit gratuita conventio, ut requirit commodatum, §. item is in

I

fine

4 *fine sup. Quib. mod. re contr. oblig* ut præscriptis verbis sit agendum, eo quòd conventio ista spectet ad contractum innominatim. (c) * In eo etiam conveniunt, quòd ut in emptione requiritur traditio rei, ita & hic; nisi quòd tibi traditio fiat, ut rem habere liceat eo modo, quo est apud venditorem, atque ita & dominium habeat emptor, si venditor dominus fuerit, hic autem ad usum tantum, non etiam ad aliquod jus reale. Et ne quidem utile dominium, per locationem etiam longi temporis transire verius est, cum in *l. Non solet 39. D. h. r.* dicatur, non solere per locationem dominium mutari: & *l. 2. C. De præscr. 30. annor.* habeat, ne quidem possessores eos esse vocandos, qui mercedem præstant. Ut conductori non possit procedere usucapio, quia causa sive titulo careat, quem non dat conductio.

5 Est autem duplex hoc ex contractu ACTIO, altera LOCATI, altera CONDUCTI. Illa datur locatori, quâ conventam mercedem exigat, nisi vi majori causata sterilitas mercedem vel pro parte vel omnino remitti faciat, *l. Ex conducto 15. §. 1. D. h. r. l. Licet 8. C. cod.* Nec facit, quòd nulla subsit culpa locatoris; cum damnum acciderit rei ejus, cujus usus, uti debuit, non fuit præstitus ipsi conductori: ut nec sit ratio, quare merces conventa præstetur, *d. §. vis maior.* (d) * Et hoc ita, nisi præcedens fertilitas tanta fuerit, ut abunde suppleat sequentem sterilitatem. Ratio posita est in æqualitate. Uti & è contrâ subsequens fertilitas ob causam præcedentis sterilitatis remissionem exigere faciet, ex eadem ratione, *d. l. 15. §. si uno.* Insolitam fertilitatem, nullâ præcedente aut subsequente sterilitate, non causare augmentum pensionis, verior habet opinio, ut tradit Pincl. *ad l. 2. p. 1. cap. 3. num. 34 C. De rescind. vendit.* eo quòd non aliàs habeatur ratio augendæ pensionis ex causa fertilitatis majoris, quàm si remissa sit pensio propter præcedentem sterilitatem, vel remittenda propter subsequentem: & hoc, ut servetur locatori indemnitas, *d. §. si uno.* Quæ ratio non habet locum, tantum posita ubertate, ut succedat regula, Unius inclusionem esse alterius exclusionem. Facit, quod in sterilitate magis oneretur conductor, qui semina jacta, & alia damna sibi, non locatori imputat, *d. l. 15. §. ubicumque*, ut in eo sublevandus sit, ne lucrum immodicum ei auferatur, ut habet *d. l. 25. §. vis maior.* Et hoc ita in colono, qui ad pecuniam numeratam conduxit; nam partiarius, quasi jure societatis, lucrum & damnum cum domino fundi partitur.

7 Dicta de pensione remittenda, ratione damni circa fructus, accipienda, quatenus necdum collectis accidit, eo quòd, uti dictum, non possit videri præstitus rei usus. Nam quod collectis jam accidit, conductori cedit, cui rei usus plene fuit præstitus, *d. l. 15. §. 1.* Collecti hac in materia fructus non aliàs dicendi, quàm si in horreum vel alium locum destinati congelli fuerint, licet fructuarius suos faciat hoc ipso, quo à solo separavit, quia ei satis est, non amplius esse soli partem. Procedunt de diminuenda pensione dicta, non tantum in rusticis, verum & urbanis, quatenus habitandi impeditur occasio, ex rationis paritate. Præterea hac actione petit locator resciri damnum in rem

rem datum, culpâ conductoris, etiam levi, ut dicitur *inf. §. pen.*

Conducti actio est conductori, quâ petat liberum usum ad tempus conventum, qui nisi præstetur, ad interesse ei est actio contra locatorem, cuius factio impeditur, *d. l. 15. §. pen.* Nisi aut casu, aut vi majori impendatur; tunc enim diminutio quidem pensionis facienda, non tamen ad interesse agi potest, ne quis circa culpam puniatur. * Aut nisi causâ excuset, veluti si proprijs usibus locator probaverit necessarias sibi ædes, *l. 3. C. h. t.* ipse enim potior est, Si res egeat necessariâ refectione, *d. l. 3.* Licet aliqua subsit injuria conductoris, eam tamen non caussat locator, *l. Qui insulam 30. & l. Et iac 35. D. eod.* ut sufficiat pensionem remitti. Item si in re conductâ malè versetur conductor, etiamsi sub pœna convenerit, ne expellatur, *d. l. 3.* Subest enim conditio, ut colat ad modum boni patrisfam. *l. Quaro 50. §. inter D. eod.* Idem est, si biennio continuo pensionem non solverit; nam & subest conditio, si pensionibus paruerit, etiamsi nihil sit dictum, *d. §. inter.* * Præterea præstetur quidquid ex pacto vel natura actus præstari est æquum, *d. l. 15. §. 1.* Sic impensas in rem factas rectè repetit, *l. Sed addes 19. §. si inquilinus D. eod.* quatenus utiles sunt, aut necessariae, *l. Dominus 55. §. 1. D. eod.* etiamsi propter culpam conductor expellatur, ne locupletetur dominus damno alieno. Potest etiam, si velit, meliorationes tollere, salvâ tamen re. Quod verum est etiam in voluptuarijs, cùm non possint videri donatæ. Damna etiam ex re vitiosa accepta imputat conductor locatori, qui rem vitiosam leivit, *d. l. 19. §. 1.* Ignorantia non videtur cum omni damno extrinsecus proveniente subicere, nisi ut artifex locaverit, tunc enim omne damnum præstat, secundum *d. §. 1.* Quod & dicendum, si mercede acceptâ, custodiam rei suscepit, *l. Qui mercedem 40. D. eod.* nisi quid vi majori acciderit.

§. Adeo autem.

Propter vicinitatem inter emptionem & locationem contingit casus esse utrique vicinos, ut dubitetur, cui sint attribuendi. Ejusmodi hic proponitur EMPHYTEUSIS, quæ in eo emptioni respondet, quod faciat rem transire in dominum accipientis, dato pretio; locationi vero, ratione pensionis, quæ venit annuè præstanda ab eo, cui in emphyteusim res est concessa. (e) Verùm Zeno Imp. propriam & distinctam à superioribus ei naturam attribuit, *ut habet hic text. & l. 1. C. De iure emphyt.* * Ut sit CONTRACTUS, ¹² QUO RES SOLI POSSIDENDA TRADITUR QUASI DOMINII IURE, SUB LEGE ANNUÆ PENSIONIS, ET MELIORATIONIS, Dicta enim EMPHYTEUSIS ab *Implandando*, sive *Inserendo*, ad rei meliorationem. Tradebantur enim olivum fundi vacui & deserti à dominis, ut meliores & fructuosiores fierent. (f) * Scripturam ad ejus substantiam sunt qui desiderant, propter *13* *d. l. 1.* in qua ejus fit mentio: verùm magis est, ibi non alia de causâ desiderari scripturam, quàm ut pactorum, quæ addi solent, facilius sit probatio.

propter diuturnitatem temporis, in quod emphyteusis extendi solet *Accurs. in d.*

- 14 *l. 1. (g)* * Patet, quatenus ab utraque superiori specie distet. Nam emptio non admittit pensionem annuam, nec rei usum ad tempus præscriptum. Locatio non concedit quasi dominij jus, nec possessionem, uti jam dictum. Annuam quidem admittit pensionem; ut tamen ab initio pretium detur, est præter ejus naturam. Facit hoc contractus genus omnem fructum ex re eum sequi, cui res concessa, qui Emphyteuta dicitur, quique vicissim annum canonem præstat, eumque exiguum, in recognitionem dominij directi, remanentis apud concedentem: quem etiam præstare debet in casu, quo fructus nullos percepit, si aliter non convenerit. (h) * In quo distinguitur à locatione, in qua, ratione sterilitatis, fit diminutio pensionis. Ratio est, quod in locatione præstetur pensio adæquata fructibus, quibus ideo non perceptis, non est, quod exigatur pensio; hic verò canon præstetur in recognitionem dominij, neutiquam fructibus adæquatus, sed exiguus: ut remanente dominio, vel ejus parte, canon sit præstandus, utpote existente causâ, cujus nomine debetur. (i)

- 16 Et hæc ita, quod durat emphyteusis, quam contingit extinguere; Primò, FINITO TEMPORE, quod expressè vel tacitè est comprehensum, cum concessa ad tempus, eo lapsò censeantur denegata. Secundò, REI INTERITU, quia res, quæ non est, non habet accidentia. Et hoc, quatenus tota durat, quia tunc causâ, scilicet recognitio dominij, cessat. Partis interitus nocet emphyteutæ, qui canonem integrum nihilominus persolvere cogitur, secundum jam dictam rationem, *text. hic & d. l. 1. in fine*: nisi malit emphyteuta re deferere, uti
- 17 potest, * Tertio, per REI IPSIUS COMMISSIONEM, quod contingit primò per dilatam solutionem pensionis, in emphyteusi civili ad biennium, *l. 2. C. De iure emphyt.* ad biennium in ecclesiastica, *c. fin. & Locati*. Commissionis hujus causâ est, ne contingat facillè emphyteusim perire propter dilatam solutionem.

- 18 Vbi quidam volunt, ipso jure absque ulla interpellatione emphyteusim extinguere, propterea quod textus in *d. l. 2.* habeat verba, *repeliendo cadat*, quæ verba videntur inducere privationem ipso jure, ut tradit Tiraq. *ad l. Si unquam v. revertatur nu. 186. C. De revoc. donat.* Probabilius tamen, ipso jure non committi, cum in *d. l. 2.* tantum sub conditione, *si dominus voluerit* res habeatur pro commissa. Vnde antequam declaraverit suam voluntatem, non potest videri amisisse jus possessor, cum pendentia à conditione non censeantur existere, nisi eâ completâ (k)

- 19 Secundò contingit committi emphyteusim per rei alienationem, si aliud non sit actum, *l. 3. C. De iure emphyt.* cum intersit domini rem apud alium esse, propter actionem personalem, quam non debet cogi transferre inritus: Alienationis nomine quisvis actus venit, quo res dominium mutat. Quo modo in usufructum dando non committitur res, quod per eum tantum transferatur commoditas rei ad tempus. Non aliter autem in hoc casu committetur

res,quàm perfecta alienatione per traditionem,quia cùm antè adhuc in bonis emphyteuticæ maneat,non potest videri alienata,ad effectum habendi eam pro commissâ, *l. Alienatum 67. D. De V. S.* * Moderatur autem prædictam alienationis speciem Imp. ut non procedat in venditione,quam permittit etiam domino invito,circa metum commissionis ; quatenus tamen emphyteuta denuntiavit domino venditionem,& pretium, quod haberi potest, & ille vel emere recusaverit,vel post denuntiationem bimestri tacuerit, *dl 4.* Habetur enim silentium loco recusationis Ratio hujus posita est in necessitate,quâ emphyteuta premi posset, aut etiam in lucri amissione *dl. 2.* Ut non videatur in aliis alienationis speciebus idem statuendum,cum hæc res sit correctoria,& non obtineat in iis eadem ratio.

§. *Item quaritur.*

Est & hic exemplum casus dubii,an spectet ad emptionem, an verò ad locationem,propterea quod possit videri vendita res,quia videtur materia emi,& locatæ operæ. Placuit tamen unum esse negotium, & quidem emptionis tantum,ut hic ait Imp. quando materia,unde annulus conficiendus est,ipsius est artificis ; tunc enim conveniens est,ut totus actus pro unica emptione accipiatur. Quando vero materia est ejus, quia annulum fieri vult,esse locationem,cùm de nulla alia re conveniatur,quàm de mercede manus & operarum artificis, *l. 2. §. 1. D. eod.* Ut rectè dicat J. Ctus. in *l. Convenit 65. D. De contrah. empt.* toties locationem esse,quoties dominium materiæ, ex qua aliquid faciendum,manet dantis,emptionem vero,quoties mutatur.

§. *Conductor.*

Conductor omnia facere debet SECUNDUM LEGEM CONDUCTIONIS, id est conventionem,cùm nihil sit magis humanæ fidei congruum, quàm servare quod pepigisti, *l. 1. D. De pact.* Quod autem conventionem,quam hic vocat Imp. legem,non est comprehensum,id nihilominus ex æquo & bono secundum naturam actus præstare tenetur Quo modo moram in solvendo pensat usurarum præstatione,etiamsi non sit dictum, est enim contractus bonæ fidei,in quo per moram usuræ debentur, *l. 2. C. h. t.* & in quo tantumdem valet officium judicis,quam in stricti juris contractu id, quod nominatim conventum, *l. Quia tantumdem 7. D. De negot. gest.* * Hinc & in custodienda re conducta eam diligentiam præstat, quam præstat diligens paterfam. ut quod culpa ejus etiam levi est peccatum in rem, resarcire teneatur. Est enim hic contractus concernens utriusque commodum, & locatoris, ut mercedem,& conductoris, ut usum rei habeat. Nec facit,quòd hic dicitur, teneri ad eam custodiam, qualem præstaret rebus suis diligentissimus paterfam.

ut possit videri requiri exactissima custodia, cui opponitur levissima culpa: nam vel hoc non est generaliter accipiendum, sed in casu, quo sub sunt res custodiam ejusmodi exigentes, ut in l. *Merces* 25. §. *pen. D. h. t.* vel dicendum cum plerisque, hic superlativum poni propositivo, ut & aliàs reperitur usurpatum. (1) Causus minimè præstatur, nisi eum susceperit: (m) uti nec factum alienum, nisi culpa præcesserit, d. l. 25. §. *culpa* & l. *Sed de damno* 41. D. *cod.* Vicissim & locator præstat omnia secundum legem conventionis; omnia autem ex æquo & bono.

§. *Mortuo conductore.*

24 **H**æres conductoris, etsi conductor non sit, succedit tamen in conductionem quoad tempus, quod superest, cum non tantum nobis, sed & hæredibus nostris contrahamus, licet de eo nominatim non convenerit, *text. hic.* Idem est in hærede locatoris; nam & hic stat legibus contractus vel expressis, vel quæ ei insunt, l. 9. D. *De probat.* Quod ita procedit in universali successore, qui eadem est cum defuncto persona, non etiam in singulari. Quo modo emptor non tenetur pati colonum, l. *Emptorem* 9. C. *h. t.* & l. *Si merces* 25. §. *qui fundum* D. *cod.* cum successorem singularem non teneat factum sui auctoris, nisi cæ lege emerit, d. l. 9. Standum enim conventionis legibus. Expulso tamen illo casu conductor est actio contra locatorem ad interesse, quod ejus facto non præstetur rei usus. Quæ decisio juris non passim minoribus observatur, cum in aliquibus locis conductor sit emptore potior. (n)

ADDITIONES V. A. D.

Nu. 1 ibi, cui res locata,] *Locare* itaque est quid fruendum vel faciendum dare: *conducere* quid fruendum vel faciendum accipere. *Locator*, qui dat rem aliquam fruendam, vel opus aliquod faciendum, ut cum domus ædificanda, cum vestis facienda, aut polienda, curandave datur; vel qui seipsum dat utendum, exhibens operas suas. *Conductor*, qui accipit, & locatoris conditionem gratam ratamve habet. Ita Iuris Professor, si ad docendum suas operas exhibeat ac de mercede paciscatur locator est, discipuli sunt conductores. Quod si Professor Iuris complures in ejus disciplinam se dantes edocendos suscipiat, conductor est, discipuli sunt locatores. Pluribus hæc exemplis illustrat Cujac. 2. *Obs. c.* 28 & lib. 3. c. 2. Busf. 2. *Subtel. c.* 16. Hanc differentiam & Galli observant, vocantes locatorem *le bailleur*, conductorem *le preneur*.

Nu. 3. ibi, d. §. *vis maior.*] Ita hic diversa juris loca conciliat Greg. Lopez. *Animad.*

Animad. c. 15. distinguendo inter locationem operarum sive faciendi, & locationem rerum sive fruendi: ut priori casu requiratur pecunia numerata, non etiam posteriori, ubi scilicet res aliqua fruenda datur ad certum tempus, *de l. Si olei.* Ratio diversitatis est, quia aliàs locatio faciendi distingui non poterit à contractu innominato *Do ut facias*, si in alia re consistat merces quàm in pecunia numerata, *l. Naturalis §. 2. D. De præscr. verb.* Locatio verò fruendi, licet in aliis rebus vel alia quantitate consistat merces, veluti vino, oleo, frumento, non potest esse contractus *Do ut facias.* Nec obstat, quòd dictum est, locationem & conductionem proximam esse emptioni & venditioni, iisdemque juris regulis consistere: nam hoc eò pertinet, quòd sicuti emptionis propria differentia est pretium, ita locationis differentia sit merces. Inter quæ illud interest, quod merces pro usu rei, pretium vero pro rei æstimatione constitutum sit. Planè *Mercedis* vocabulo, quo passim in materia locationis Jurisconsulti utuntur, constat apud bonos Latinitatis auctores non intelligi pecuniam numeratam tantum, sed generaliter quodcumque præmium, quod pro labore aut stipendio alicui datur, & quancumque rem fungibilem, pondere, numero vel mensurâ constantem *Heenon. disp. 16. thesi 17.* ut & nomine *Pecunia* res similiter omnes fungibiles contineri, nisi ubi additur *numerata* Ut verior hinc videatur sententia mercedem locationis in quibusvis rebus fungibilibus constituentium. Adde *Coras. 2. Miscel. cap. 11. Pinel. ad l. 2. C. De rescind. vend. p. 2 cap. 3 num. 22. Wessenb. ad D. h. t. Bronch: cent. 2. assert. 66.*

Ibid. in fine.] nimirum *Facio ut facias*: & qui prior fecit, actione præscriptis verbis adversus alterum, ut & ipse faciat, experitur, *l. 1. §. permutatio D. De rer. permutur.* Id quod in omnibus contractibus innominatis solemne & juris communis est, ut scilicet ipse contractus ab initio ex sola conventionione nullam pariat obligationem. Dicitur autem præscriptis verbis actio, quia ex verbis in libello præscriptis, sive ex narrativis verbis ipsius libelli (ut hodie Pragmatici nostri amant loqui) petebatur à Prætorè & dabatur actio. Cujus causa non nuda est conventio, ut si convenerit ab initio, aliquid factum iri, sed est conventio, quæ habet in se negotium aliquod, & quam causa sequitur, *l. Solent 15 D. De præscr. verbis.* Vide *Buf. 2 Subtil. c. 4. Ampl. D. Burgund. De peric. & culp. præst. an. in contractib. cap. 11. num. 3. Grot. 2. De iure belli ac pac. c. 12 num. 3.* ubi ex moribus observat, contractus ferè omnes hodie esse commutatorios, & nullo nominatorum aut innominatorum contractuum discrimine, si jus naturæ spectes, ad tria hæc genera, *Do ut des, Facio ut facias*, & *Facio ut des*, omnes revocari posse.

Num. 5. ibi, l. Licet 8. C. eod.] Ubi duplicem casum excipi ab Imp. scribit Rad. Forner. 4. *Rer. quotid. c. 5.* alterum, si convenerit ab initio, ut etiam contingentia cœli vitio damna colonus agnosceret: alterum, si communi regionis consuetudine fuerit receptum. Ac legendum hoc modo: *Si tamen expressum non est locatione, aut vios regionis postulabat, ut si qua lue tempestas,* vel

vel alio cœli vitio⁷ damna accidissent, adonus tum pertinerent. Hanc lectionem suadet auctoritas Harmenopuli 3. Epitom. tit. 8. & Synopsis Basil. lib. 20. tit. 1. cap. 69.

Num. 11. ibi, est concessa.] Est & similis locationi, propter usum rei, quem habet emphyteuta, non proprietatem: venditioni verò, quod usus ille perpetuus sit, faciatque, ut videatur in emphyteutam translatum rei dominium saltem utile, l. 1. & 2. D. Ri ager. vectig. Boer. decis. 234. num. 2. Est enim de natura emphyteusios, ut sit de perpetua, text. hic. Unde perpetuarii conductores, & perpetuarii simpliciter, iidem qui & emphyteutæ, l. 1. & 5. C. De locat. pred. civil. &c. lib. 11. Varro lib. 5. de L. Lat. Emphyteucarius non conduxit in singula iustra, alioqui nudus esset inguilinus, sed eum conduxit in perpetuum. Potest tamen hæc natura pactis alterari, ut etiam ad certum tempus, puta ad primam, secundam, aut tertiam generationem, concedi emphyteusis possit. Alvar. de Valasco De iure emphyt. quest. 1. nu. 13. Ad brevius verò tempus, puta ad decennium, vel ultra quinquennium, facta locatio non transfert dominium, neque in contractum transit emphyteuticum. Connan. 6. Comment. cap. 12. Pinel. ad l. 1. C. D. bon. mater. p. 3. num. 66. Weseimb. D. h. t. num. 8. Nec obstat Nov. 120. quia ea loquitur de emphyteusi Ecclesiastica ad sæculares locationes non extendenda. Ita rectè Weseimb. cons. 3. nu. 75. Hæc non disp. 16. concl. 18.

Num. 12. in fine.] Contractus autem hic ideo Græco potius nomine dicitur Emphyteusis, ab ἐμφοτεώω, quod inferere seu implantare significat, quàm Latino Melioratio, quòd videlicet originem suam primum sumplerit Byzantii tempore Zenonis Imp. quando imperium Rom. fuit translatum ad Græcos, ut ex inscriptione l. pen. C. De iure emphyt. colligere est. Quamvis & ante Zenonem apud alias quoque gentes usu receptus fuisse videatur. Scribit enim Arist. 2. Oeconom. Byzantios, cum exhausto ærario pecuniis indigerent, locasse certâ mercede prædia publica, fertilia quidem ad tempus, sterilia verò in perpetuum, τὰ μὲν καρπύμα χροῖόν τινα, τὰ δὲ ἀκαρπύμα ἀεικίως. Alciat. 1. Par. cap. 37. Coral. 1. Miscell. cap. 21. Bronch. cent. 1. assert. 79. Unde contractum emphyteuticum jurigentium, non civili, adscribendum esse volunt, Coral. d. c. 21. & ad tit. C. De iure emphyt. in prælud. Cujac. in Parat. C. eod. tit. Bronch. cent. 1. assert. 79. Esseque contractum nominatum, ex quo propria & specialis actio competat, nimirum emphyteuticaria: Myns. hic num. 6. Bronch. d. cent. miscell. assert. 43. Alii tamen aliter sentiunt, & vel actionem præscriptis verbis, vel conditionem ex lege competere mal. ut Rectèque addit d. loco Bronch. hodie disputationem hujus rei videri supervacuum, cum nomen actionis exprimi in libello necesse non sit, sed factum narrari sufficiat, ex quo iusta agendi causa colligatur, c. Disti. D. iudic. Contractui porro emphyteutico similis est contractus libellarius & contractus superficiarius seu jus superficiarium: & scribit Decius cons. 164. num. 1. nos sæpè abuti his verbis. Libellarius, Emphyteusis, Superficies, Cuius, & unum pro alio poni. Certè

Certè Interpretes nostri dum duplicem statuunt emphyteusin, Civilem & Ecclesiasticam, rursus utramque aliam faciunt Directam, quæ à domino directo confertur, & subalternatam, quæ à non domino, sive à domino utili, id est ab emphyteuta aut vasallo; & hunc vocant contractum libellarium, c. 8. §. *rursus Quib. mod. feud. amit. & c. 1. De alienat. feudi* Quamvis hodie utriusque huius nominis promiscuus ferè usus sit, teste I. Claro §. *Emphyteusis qu. 1. nu. 1.* Contractus vero sive eius superficiarium, Græcis ἐμψατευτική, l. 3. §. 4. D. *De reb. cor. qui sub. tut. &c.* id est jus conscendendi & habitandi superficiem sive ædificium in alieno solo positum, præstito annuo solario, id est mercede quotannis, quæ solarium dicitur, quod pro solo pendatur, in l. *etiam cui 15. D. Qui pot. in pig. hab. & l. 2. §. si quis 16. D. Ne quid in loc. publ.* Et hoc quoque jus perpetuum est, sive constituitur in perpetuum. Quæ verò hodie fit differentia inter bona emphyteutica (quæ vulgò vocant *Erffpacht*) & bona censualia sive censitica (vulgo (*hyns. goederen*) ex iure Saxonico tradit Schultz *ad h. t.* & convenienter moribus nostris Eguin. Baro *ibid.* Mol. *ad consuet. Paris. tit. 2. in pr. nu. 21.* Conveniunt autem in plerisque; ut quòd uterque sit contractus nominatus, uterque legitimus, quamvis stricti juris: quòd in utroque præstetur modica pensio in recognitionem dominij utilis, dominio directo manente penes concedentem: quòd uterque sui naturâ sit perpetuus (nisi sit emphyteusis ecclesiastica) & ad quoscumque hæredes vel successores transitorius. quòd in utroque à novo successore recognosci dominus directus & renovari investitura debeat: quòd utrique accedat jus laudimiorum: quòd denique in utroque particulari damnum spectet ad censuarium vel emphyteutam, totius verò rei calus ad dominum. In paucis verò differunt, ac primò origine, quòd contractus emphyteuticus sit à jure scripto inventus, censualis à consuetudine Deinde emphyteusis ob non solum canonem per triennium cadit in commissum, non etiam census; quamvis alibi in pœnam non soluti census duplum præstetur: de quo Schultz *hic vers. In dubio autem*, & Matth. Coler. *decis. 24.* Denique emphyteusis vendi non potest, domini consensu non requisito, secus in contractu censuali.

Nu 13. in fine.] Recipit enim hic contractus pacta quæcumque, idque ita obtinere ait Imp. ac si naturalis esset contractus, Nam emphyteuticas contractus licet sit jure civili inventus, ob utilitatem tamen, & similitudinem, quam habet cum emptione & locatione, in numerum naturalium contractuum est relatus. Quo genere contractuum maximum habent momentum conventiones & pacta, quæ formam & legem dant contractui, l. 1. §. *si convenerit* D. *De os.* Vt & addita huic contractui emphyteutico augeant vel minuant obligationem, veluti si aliquid pactum fuerit de periculo & interitu rei emphyteuticæ, l. 2. C. *De iure emphy.*

Nu 14. in fine.] Nam emphyteutæ regulariter ob sterilitatem, vel aliud damnum contingens, non fieri remissionem communis habet opinio, de qua testatur Iul. Clar. §. *Emphyteusis qu. 8. vers. Sed numquid.* Vide Fachin. r. *contr.*

c. 29. Bronch, cent. 1. assert. 55. An neque ob casum fortuitum ? ut si tempore belli emphyteuta nullos fructus perceperit, aut percipere potuerit ; si prædium emphyteuticum penitus fuerit devastatum, aut inundatione, aliove modo, pro majori parte diminutum. Tractat hanc questionem Tessaure. decis. Pedem 20. Jul. Clar. §. *Emphyteusis quæst.* 7. Fachin lib. 1. c. 9.

Num. 15. in fine.] Caterum nihil quoque interest, canon consistat in pensione aut redditu, text. hic, in verb. *pensio sive redditus præstetur*, id est frumentaria, sive pecuniaria vel auraria, ut loquitur Constantinus Imp. l. 2. C. De fundis patrim. lib. 11. præstetur pensitatio. Imò levior mitiorque est frumentaria, cum hæc ex causa sterilitatis diminuatur aut remittatur interdum, non etiam pecuniaria. Lud. Rom. ad l. Interdum §. 1. D. De acq. possess. Wamers. cons. 333. num. 3.

Num. 18. in fine.] Et ne tunc quidem privata auctoritate, sed per publicam personam, facta prius commissi declaratione per iudicem competentem, expelli emphyteuta ab emphyteuticario poterit, l. 2. & ibi Bald. Salic. Cuiac. C. De iure emphyt. c. Potuit & eod. Menoch. Derecup. possess. rem. 1. num. 78. & 79. Idque ita quoque obtinere secundum mores Gallie notat Rebuff. ad consil. Reg. in præfat. gl. 5. num. 64. & secundum stilum Curie Delphinalis Guido Papæ quæst. 107. num. 1. Quaritur autem hic, Utrum emphyteuta cessans in solutione canonis per triennium possit adversus caducitatem in integrum restitui ex capite probabilis ignorantie, de quo vide Jac. Coren. Observ. 22. Item, Utrum in emphyteusi privati purgari mora possit, perinde atque in Ecclesiastica, d. 1. tenet. Non posse tenuerunt Jason in l. 2. C. De iure emphyt. Sichard ad d. l. 1. num. 20. Covarr. Variar. resol. cap. 17. nu. 4. Fachin. 1. contr. c. 20. Bronch. cent. 1. miss. assert. 46. Contra Bald. in l. Si pacto quo C. De pact. Sarmient. 3. Select. interp. c. 5. Tenet etiam 3. Var. tit. De emphyt. resol. 4. num. 8. Jul. Clar. §. *Emphyteusis quæst.* 8. in fine, ubi restatur ita communiter observari. III. Utrum oblatio sola ante lapsum triennii sufficiat ad evitandum commissum ? Quod plurimi affirmant, Salic. ad d. l. 2. in fine, Socin. cons. 118. lib. 4. quem refert & sequitur Clar. d. quæst. 8. num. 10. Negant verò Glot. in l. Si à te C. De pact. inter empt. & vend. Faber in Cod. tit. De emphyt. desin. 22. in not. num. 2. & desin. 27. num. 4.

Num. 20. in fine.] Quomodocumque autem emphyteusis alienetur, vendatur, donetur, permutetur, legetur, domino directo pro admissione novi emphyteutæ debetur quinquagesima pars pretii vel æstimationis : pretii quidem, quando vendita est emphyteusis ; æstimationis verò, quando ex aliis causis, puta legato, donato, aliove lucrativo titulo, translatio facta est, l. 3. vers. necessitate C. De iure emphyt. Quod jus dominicum vulgò *Laudimium* vocatur (Gallicè *Lots & ventes*,) fortè à *Laudando*, quòd dominus directus eam alienationem debeat laudare & approbare. Hodie jus hoc percipienti *laudimia* totum ferè in consuetudine consistit, nimirum quantum illud sit, & quando aut quo casu debeatur. Nam alibi solvitur quinta pars veræ æstima-

eo nomine obligata conductori: quo casu retentionis jure consuli conductori scribit Negusant. *trakt. de pignorib. in pr.* Vide Joan. Imbert. in *Enchir. iur. Gall. v. locatio*, Papon. *lib. 10. tit. 4. art. 1. & ibid.* Bachov, Dan Moller 4. *Semestr. c. 15. ubi plenè de hac materia.* Item Deckher. *lib. 1. dissert. 8. num. 141.* de eo, an conductio secunda, quæ tempore venditionis nondum inceperat, præferatur emptioni, hætenus scilicet, ne conductor possit expelli. Quid verò jure Saxonico hic obtineat tradit Moller. 4. *Semestr. c. 14. & Schultz. ad h. l. lit. B.*

DE SOCIETATE.

TITVLVS. XXVI.

Societatem coire solemus aut totorum bonorum, quam Græci specialiter *κοινωνία* appellant: aut unius alicuius negotiationis, veluti mancipiorum vendendorum emendorumque, aut olei, aut vini, aut frumendi emendi vendendique.

1. Et quidem si nihil de partibus lucri & damni nominatim convenerit, æquales scilicet partes & in lucro & in damno spectantur. Quòd si expressæ fuerint partes, hæc servari debent. Nec enim umquam dubium fuit, quin valeat conventio, si duo inter se pacti sint, ut ad unum quidem duæ partes & lucri & damni pertineant, ad alium tertia.

2. De illa sanè conventionione quæsitum est, si Titius & Seius inter se pacti sint, ut ad Titium lucri duæ partes pertineant, damni tertia; ad Seium duæ partes damni, lucri tertia: an rata debeat haberi conventio? Quintus Mutius contra naturam societatis talem pactiorem esse existimavit, & ob id non esse ratam habendam. Servius Sulpitius (cujus sententia prævaluit) contrà sensit: quia sæpè quorundam ita pretiosa est opera in societate, ut eos justum sit conditione meliore in societatem admitti. Nam & ita coire posse societatem non dubitatur, ut alter pecuniam conferat, alter non conferat, & tamen lucrum inter eos commune sit, quia sæpè opera alicujus pro pecunia valet. Et adedò contra Quinti Mutii sententiam obtinuit, ut illud quoque constiterit posse convenire, ut quis lucri partem ferat, de damno non teneatur, quod & ipsum Servius convenienter sibi fieri existimavit. Quod tamen ita intelligi oportet, ut si in aliare lucrum, in alia damnum illatum sit, compensatione facta, solum quod superest, intelligatur lucro esse.

3. Illud expeditum est, si in una causâ pars fuerit expressa, veluti in solo lucro vel in solo damno, in altera verò omilla, in eo quoque, quod prætermissum est, eandem partem servari.

4. Manet autē societas eo usq; donec in eodem consensu perseveraverint. At cum aliquis renuntiaverit societati, solvitur societas. Sed planē si quis calidē in hoc renuntia verit societati, ut obveniens aliquod lucrum solus habeat; veluti si totorum bonorum socius, cum ab aliquo hæres esset relictus, in hoc renuntiaverit societati, ut hæreditatem solus lucrifaceret: cogitur hoc lucrum communicare. Si quid verò aliud lucrifaciat, quod non captaverit, ad ipsum solum pertinet. Ei verò, cui renuntiatum est, quicquid omnino post renuntiatam societatem acquiritur, soli conceditur.

5. Solvitur adhuc societas etiam morte socii: quia qui societatem contrahit, certam personam sibi eligit. Sed & si consensu plurium societas contracta sit, morte unius socii solvitur, etsi plures supersint: nisi in coeunda societate aliter convenerit.

6. Si alicujus rei contracta societas sit, & finis negotio impositus est, finitur societas.

7. Publicatione quoque distrabi societatem manifestum est: scilicet si universa bona socii publicentur. Nam cum in ejus locum alius succedat, pro mortuo habetur.

8. Item si quis ex sociis mole debiti prægravatus, bonis suis cesserit, & ideo Propter publica aut privata debita substantia ejus veneat, solvitur societas. Sed hoc casu, si adhuc consentiant in societatem, nova videtur incipere societas.

9. Socius socio utrum eo nomine tantum teneatur pro socio actione, si quid dolo comiserit, sicut is, qui deponi apud se passus est, an etiam culpæ, id est, desidæ atque negligentia nomine, quaesitum est: prævaluit tamen etiam culpæ nomine teneri eum. Culpa autem non ad exactissimam diligentiam dirigenda est. Sufficit enim talem diligentiam communibus rebus adhibere socium, qualem suis rebus adhibere solet. Nam qui parum diligentem socium sibi adsumit, de se queri, sibi que hoc imputare debet.

COMMENTARIUS.

S U M M A R I A.

1. Societas quid.
2. Alia est universalis, alia particularis.
3. Simpliciter contracta societate communicatur solus quaestus.
4. In societate lucri & damni partes sunt aequales, nisi aliter convenerit.
5. Vel nisi alter sociorum plus contulerit societati.
6. Pecunia ab altero colata (ab altero præstus operis) an sit communis.
7. Lucrum & damnum sunt connexa.
8. Societas solvitur mutuo consensu, & alterius ex sociis renuntiatione.

9. *Morte unius ex sociis*
10. *Excepta societate vectigalium*
11. *Item unio negotio, capitis diminutione, publicatione bonorum omnium.*
12. *Cessione bonorum.*
13. *Distrabitur & instituta actione pro socio.*
14. *Actio est utrimque directa.*
15. *Socius socio ad quam culpam teneatur.*

- 1 **S**ocietatis in negotiationibus maximè est usus, in quibus, cum sæpè unius facultates non sufficiant, aut non sit tutum, unum solum res suas impendere, necessarium est, plurium ut opes operæ conferantur (a) Est autem SOCIETAS CONTRACTVS, QUO CONSENSU CONSTITUITVR INTER PLURES, LUCRI ET DAMNI SUPER REBUS COMMUNICATIO, siue, QUO UBERIORIS LUCRI CAUSSÂ RERUM INITVR COMMUNICATIO; eaq; vel omnium, quæ dicitur UNIVERSALIS, aut aliquarum rerum, & unius mercis tantum, quæ PARTICULARIS dicitur. * In universali hoc speciale est, quòd continuò ab ea inita omnium rerum undecumque qualitarum, siue actu inter vivos, siue in ultima voluntate, communicatio indicatur, l. 3. & l. Si societatem 73. D. h. t. etiam nulla interveniente traditione, quæ facta intelligitur, l. 1. in fine & l. 2. D. eod. Ratio est in difficultate traditionis Et hoc quoad res corporales jam acquisitas: nam acquirendæ ut communicentur, desiderant traditionem, & nomina cessionem, d. l. 3. ex ratione, quòd actio personalis à persona in personam non transeat, aut illi acquiratur sine cessione. In societate rerum
- 3 particularium traditio est necessaria, utpote in qua non sit eadem difficultas. (b) * Simpliciter inita societas tantum intelligitur earum rerum, quæ ex quaestu veniunt, non etiam quæ ex donatione, successione, quæ potius ex meritis accedunt, l. Nec adiecit. 9. D. h. t.

§ Et quidem.

- 4 **S**ocietas, cum fraternitatis quoddam jus contineat, l. Verum 63. in pr. D. eod. æqualitatem desiderat, & æquales partes inter socios constituit, quoad lucrum & damnum. Disparium tamen partium conventio permessa, text. hic & in l. Si non fuerint 29. D. eod. ex probata Servii Sulpitii sententiâ, relicta opinione Mutii: ut teneat conventio, qua ad unum duæ lucri & damni partes pertineant, ad alterum autem tertia tantum. (c) * Quod omninò procedit, quando alter aliquid plus contulit societati, d. l. 29. siue pecuniarum, siue operarum, & industriæ Meritò enim ea res causat disparitatem partium, cum pecuniis respondeant operæ, imò & prævaleant interdum, atque etiam tam sint pretiosæ, ut faciant aliquem admitti ad lucri participationem, qui damnum non ferret, §. de illa inf. eod. l. Mutius 30. D. eod. (d) Quòd si tanti operæ non fuerint, non retractabitur tamen conventio, per l. In causis 5.

idem Pomponius D. De minorib. ubi contrahentibus se mutuo decipere datur, utri in emptione-venditione, ita & hic. Imputent enim sibi partes, quod non melius super socij industriâ inquisiverint, aut scientes in eam distributionem consenserint. Nihil obstant naturâ societatis, quæ licet æqualitatis sit amans, non tamen ideo pacta respuit, per quæ ex causa ab æqualitate receditur; cum juri suo quisque renuntiet. Ista verò conventio ut leonina improbat, quâ omne lucrum uni, alteri autem totum damnum adijcitur, *d. l. 29. in fine.*

(c)

Quæri autem posset, An in casu, quo ab altero pecunia est collata, ab altero autem operæ præstitæ, ipsa pecunia censeatur communis, ut finitâ societate dividenda veniat, an verò eam præcipuam habeat is, qui contulit? Et hoc verius est, ita postulante ratione, cui minus responderet, si collatis ab uno mille, super-lucratis tantum 400. collator pecuniarum trecentorum subiret detrimentum, quæ cederent ei, qui operas præstitit. Quam sententiam judicat æquam *Mudæus ad d. l. 29. nu. 17.* saltem in casu, quo operis prævalet capitale. Nisi aliud habeat loci consuetudo, quam contrahentes sequi intelliguntur, si aliud nihil sit expressum. (f) In casu autem, quo operæ principali æquivalent, videtur hoc non tam præcipiendum, quam secundum conventionis modum dividendum. *Covarr. 3. Var. cap. 2. nu. 2.* Vnde consequi videtur, imminutæ fortis damnum cedere soli conferenti; cum ferre ejus jacturam non debeat is, cum quo ea non fuit communicata.

§. Illud expeditum est.

Ratio hujus est, quod lucrum & damnum sint connexa, ut quatenus ejus sentit unum, debeat & alterum sentire, juxta regulam, in *l. Secundum naturam D. De R. l.*

§. Manet autem.

DUrante societate durat communicatio, solutâ cessat. Solvitur non tantum **MUTVO CONSENSU**, cum unumquodque solvatur eo modo, quo est colligatum, sive expresse, sive tacite; quando quisque sociorum sibi negotiatur, *l. Itaque 64. D. eod.* verum etiam **ALTERIVS EX SOCIIS RENUNTIATIONE**, sive per se, sive per procuratorem, *l. Adione 65. §. renuntiare D. pro socio:* uti & rectè procuratori renuntiat, *d. l. 65. §. item scriptum.* Quæ renuntiatio callida si fuerit, liberabit quidem socium, cui renuntiatum, non etiam renuntiantem, qui lucrum captatum communicare eogetur, ne dolus suus ei profit. Licet ejus, quod interea alteri est quæsitum, communicacionem frustra desideret, quod sibi imputet, *text. hic.* Intempestiva quoque re-

nuntiatio

nuntiatio, unde damnum est societati, facit renuntiantem teneri alteri socio, eo quod damni causam dederit, *d.l. 65. §. Labeo autem.*

§. Solvitur.

- 9 **E**Xtinguitur & societatis obligatio MORTE UNIUS EX PLURIBUS, si aliter non convenerit. In hæredem minime transit, quod inspicitur industria personæ, quæ non est eadem in hærede. Adeo ut ne quidem pactum sustineatur, ut ad hæredem transeat, *l. Adeo 59 D. eod.* ne vel constringatur libertas ultimi elogii ejus, ad cuius hæredem transiret, *l. Si fratres 53. §. idem respondit D. eod.* aut alii cogantur habere socium, quem nolunt. (g) Cogitur tamen hæres, licet non sit successor societatis, explicare inchoata à defuncto, negotia, *l. Hæres 40. D. eod.* uti & commoda ei quæ sita sibi cedi rectè postulat, cum jam debeantur defuncto. * Ex-
10 ciipiunt societatem vectigalium, quasi ea in hæredem continuaretur, *d.l. 59 in princ.* Sed verius est, communicationem quidem damni & lucri ad hæredem socii pertinere, cum autem socium non esse, ne quidem in vectigalibus; *l. Verum 63 §. in hæredem D. eod.* cum non sufficiens diversitatis ratio ponatur in eo, an res sit privata, an publica. Nihil facit, quod in *d. §. in hæredem.* dicitur, id obtinere in voluntaria, non etiam in non voluntaria, qualem volunt esse societatem vectigalium: nam & hæc est voluntaria, & verbum istud, *voluntaria*, accipiendum de ea, quæ renovata cum hærede defuncti. Nihil facit textus in *d. l. 59*, cujus sensus non est, transire eam simpliciter ad hæredem, sed tum demum, cum in hæredem defuncti pars adscripta, *Cujac. 10. Obs. c. 25.*

§. Item si alicuius.

- 11 **F**iniri societatem facit interitus rei aut mutatio, veluti FINITO NEGOTIO, super quo inita, quia cessat materia. Idem operatur CAPITIS DIMINUTIO, maxima & media, quæ caput eximit civitati. Ejus ordinis est PUBLICATIO OMNIUM BONORUM, quæ facit socium pro mortuo haberi, cum successorem accipiat, *text. hic & d. l. 65.* (h) Dico, omnium
12 bonorum; nam partis publicatio non impedit, quo minus persona integra maneat. ADROGATIO licet subiciat alienæ potestati, non facit tamen adrogatum non esse socium, *d. l. 65. §. societas*, cum filiusfam. rectè contrahat. * CESSIO BONORUM societatem finiri ideo facit, tum quod sub-
13 sit conditio, si in eodem statu manserit, *arg. l. Cum quis 38. in princ. D. De solut.* tum quod alius ejus in locum succedat, quod non fert lex societatis. Quia tamen hoc casu integra manet ejus persona, renovari cum eo potest societas, *text. hic vers. item si quis.* * Distrahitur denique societas ACTIONE, cum aut
14 stipulatione aut judicio mutatur causa, *d. l. 65. in princ.* etiam quando generali actione

actione agitur ad reddendas rationes, quia non potest videri instituta ob aliam causam, quàm recedendi à societate. Specialis actio pro socio dari potest, etiam manente societate, *d. l. 65 §. pen* veluti si agatur, ut res, quæ in societatem venire debent, communicentur.

§. Socius socio.

Actio ex hoc contracta utrimque est directa, quod utriusque negotium principaliter agatur. In eam venit communicatio lucri ab altero percepti : 15 præstatio impensarum ab altero factarum, nomine societatis, *l. Pro socio 38. l. Verum 63 §. in heredem D. eod.* Damnum ab eo, cujus culpâ contigit, solo præstandum, ne ejus culpa alteri sit damnosa. Ubi non admittitur compensatio lucri, quod fortè alia in re ejusdem vigilantia & industria causatum, cum ad eam teneatur, *l. Non ob eam 25. & 26. D. eod.* * Culpæ nomine levis venit, non etiam levissima, quod utriusque versetur commodum, juxta *l. 5 §. 2. De Commodati.* Ubi 16 sufficit, talem diligentiam adhiberi à socio, qualem suis rebus adhibet. Imputet enim sibi socius, quod eum elegerit, cujus conditionem aut negligentiam scivit aut scire debuit. Quod si suis exactissimam diligentiam adhibere cœperit, volunt nihilominus, communibus exactam tantum diligentiam adhibentem ideo non teneri, quæ de re dubitat *Mudæus ad l. Socius 72. D. eod.*

ADDITIONES V. A D.

Num. 1. ibi, conferatur.] Differt autem societas à communione, quod communio sit facti, societas vero à juris; hoc est communio proprie est rerum, ut si duobus eadem res sit donata, legata, *l. 1. & 2. D. Communi divid. l. Ut sit 31. cum l. seq. D. Pro socio, & §. idem si inter alios inf.* De oblig. quæ quasi ex contr. nasc. quo casu duos donatarios vel legatarios conjungit non consensus, sed res. Et est hæc societas necessaria, utpote quam fortuna potius conciliat quàm voluntas. Ciceroni Orat. P. Quinctio est societas hæreditaria, ut si duobus hæreditas aliqua obveniret: vulgò d. vocant societatem incidentem, vel ex eventu, veluti in quam casu incidimus potius quàm animo ineunda & habentæ societatis *Zaf. ad §. quædam num. 19. inf. De action. & Gabr. Mud. ad rubr. D. Pro socio num. 5.* Societas verò proprie dicta est personarum, quæ duorum pluriumve voluntate constituitur, ut cum duo pluresve invicem res suas communicant. Diciturque voluntarium consortium, id est voluntaria societas, *l. Cum duob. 52 §. idem Papinianus D. d. t. & habere in se jus quoddam fraternitatis, l. Verum 63. §. in heredem D. eod.*

Num. 2. in fine.] Notandum autem ex dictis, societatem dici contrahi vel specialiter, vel simpliciter, *l. 3. §. ult. D. h. t.* Specialiter vel totorum bonorum,

norum, vel unius alicujus negotiationis; & his casibus non solum quæstum inter socios communicari, sed etiam ipsorum bonorum, quæ utrimque in commune conferuntur, ipso jure fieri communicationem, ac bona per alterum in societatem collata fieri utriusque, l. 1. & 2. D. eod. Vnde & finitæ solutæ societate fit omnium simul una massa, tam ex quæstu, quam ex bonis, quæ inter omnes socios æqualiter dividitur. Simpliciter contracta societate, tunc societati utilia sunt lucra personalia, ac solus quæstus venit inter socios communicandus. Salic. ad l. 1. C. h. t. nimirum quidquid vel uterque, vel alter sociorum, ex operis aut industria sua negotiando lucrifecerit, id totum cedit & prodest toti societati, l. Cuius. 7. D. eod. tit. rerum in commune allatarum domino manente penes dominos suos. Cujusmodi est societas consuetudinaria, quæ moribus nostris inter conjuges, divinæ & humanæ domus socios, l. Adversus C. Decrim. expil. hered. contracto invicem matrimonio initur bonorum omnium constante matrimonio acquirendorum; nisi aliud inter eos convenerit, quam vis hoc fiat rariùs, Præses Ever. cons. 53. Mud. ubi sub. Boer ad consues. Bituric. tit. De consues. des mariages §. 2. gl. 1. Covarr. 3. Var. c. 19. nu. 1. & ibid. Vffel. Christin. ad LL. Mechlin. tit. 15. art. 29. & sed & decis. 51 & 52. vol. 3. Cætera verò, quæ quisque ad matrimonium attulit, manent ejus solius, à quo in commune collata, Atque hoc uno excepto, in alijs pænè omnibus, quæ tangunt materiam societatis, servari hodie jus scriptum notat Masuer, tit. De societ. in prin.

Nu. 4. in fine.] Vt quidem lucripars una ad eum pertineat ratione sortis seu pecuniæ æqualiter cum altero sociorum collata; altera verò ratione operarum & industriæ, quam impendit, quæ fortè operam alterius duplo superat, l. Si non fuerint 29. D. h. t. Et quod ad damnum attinet, ut unam partem damni minus ferat, quam alter, idque ideo, quia non solum sortis seu pecuniæ jacturam fecerit, sed & operarum atque industriæ, ob quam amissam socius conqueri non possit, fortè rudis adhuc & novitius in negotiatione.

Nu. 5. ibi, l. Mutus 30. D. eod.] Neque enim est captiosa aut iniqua societas, inquit Cicero Orat. pro Roscio Amer. ubi alter corpus, alter disciplinam in societatem confert & sæpè, ut dici solet,

Par pari hospitium est opera pro pecunia.

Ibid. in fine] Similis propterea illi, qui leonem, hoc est prædonem ac devoratorum socium nactus est: prorsus eodem sensu, quo Lactant. Instit. divin. lib. 4. c. 20. scribit: *Facta est mihi hereditas mea sicut Leo*, id est præda & devoratio factus sum heredibus meis. Jac. Revard. ad l. 1. D. R. I. In hanc rem extat Æsopi Apologus de Leone, Asino & Vulpe, unde fortè societatis Leoninæ origo & nomen.

Num. 6. ibi, si aliud nihil sit expressum.] Probant hanc conclusionem And. Gul. 2. Obs. 24. num. 6. Menoch. de Arbitr. lib. 2. ca. 125. num. 3. Fachin. 2. cap. 95. limitantque, nisi opera conferatur cum ipso dominio pecuniæ, quo casu qui operam impendit particeps sit fortis Covarr. 3. Far. cap. 2. numero 2. Navar.

DE SOCIETATE.

Navar. in Manuali cap. 17. nu. 250:

Nu. 9: ibi, hab. socium, quem noluit.] Vide Cujac. 10. Obs. cap. 25. Wesenb. in Parat. h. t. nu. 11. Bronch. cent. 1. assert. 48. Hoënon disp. 17. concl. 5. Scribit tamen Paulus J. C. ex sententia Labeonis, si in rem certam emendam conducendamve coita sit societas, tunc etiam post alicuius mortem quidquid lucri detrimentive factum sit commune esse, l. *actione* 15. § 2. D. *h. t.* hoc est quidquid ex ea re contigerit lucri aut damni, non tantum vivo socio, sed etiam post mortem, communicandum esse inter superstitem & heredem defuncti: quasi tacite id fuerit actum ab initio, ut societas dureret etiam post mortem socij, & hæres succedat societati, quamvis de eo expressum pacisci non liceat. Non est autem infrequens in iure, ut tacite acta valeant, quæ expressum acta non valerent. Vel potius dicendum, heredem socij non esse socium, l. *Hæres* 40. D. *cod.* Successor est rei, non societatis; rei, inquam, communis & communiter emptæ, vivo socio, & per consequens lucri ex ea re quaesiti post mortem, & damni postea facti pro rata, d. l. *Actione* §. *morte* 9.

Nu. 11. ibi, d. l. 65.) Quod autem ait Imp. socium, bonis eius omnibus publicatis, pro mortuo haberi, arrepta hinc occasione Bucherel. hic quaerit & colligit in unum, quinam alias pro mortuis habeantur in iure, veluti infames, ob amissionem famæ, quæ morti comparatur, l. *tu a De manumif. vind.* deportatos, quibus similes banniti: excommunicatos, qui deportatis æquiparantur, per not. in §. *minor sup. De cap. dimittit.* Religiosos & Monachos, qui & ipsi mortui mundo dicuntur, l. *De nobis C. De Episc. & cler. can. Non dicatis* xii. qu. 1.

DE MANDATO.

TITVLVS. XXVII.

Mandatum contrahitur quinque modis: siue sua tantum gratia aliquis tibi mandet, siue sua & tua, siue aliena tantum, siue sua & aliena. At si tua tantum gratia mandatum sit, supervacuum est mandatum, & ob id nullo ex eo obligatio. nec mandati inter vos actio nascitur.

1. Mandantis tantum gratia intervenit mandatum; veluti si quis tibi mandet, ut negotia eius gereres, vel ut fundum emereres, vel ut pro eo iponderes.

2. Tua gratia & mandantis: veluti si mandet tibi, ut pecuniam sub usuris crederes ei, qui in rem ipsius mutualetur: aut si volente te agere cum eo ex fidejussoria causa, mandet tibi, ut cum reo agas periculo mandantis: vel

ut ipsius periculo stipuleris ab eo, quem tibi deleget in id, quod tibi debuerat:

3. Alienâ autem tantum causâ intervenit mandatum: veluti si tibi aliquis mandet, ut Titij negotia gereres, vel ut Titio fundum emeretur, vel ut pro Titio sponderes.

4. Sua & aliena: veluti si de communibus suis & Titij negotijs gerendis tibi mandet, vel ut sibi & Titio fundum emeretur, vel ut pro eo & Titio sponderes.

5. Tua & aliena: veluti si tibi mandet, ut Titio sub usuris crederetur; quia si sine usuris pecuniam crederetur, aliena tantum gratia intercedit mandatum.

6. Tua tantum gratia intervenit mandatum: veluti si tibi mandet, ut pecunias tuas in emptiones potius prædiorum colloques, quam fœneres: vel ex diverso ut pecunias tuas fœneres potius, quam in emptione prædiorum colloques. Cuius generis mandatum magis consilium, quam mandatum est, & ob id non est obligatorium: quia nemo ex consilio mandati obligatur, etiamsi non expediat ei, cui mandabatur; cum liberum cuique sit apud se explorare, an sibi expediat consilium. Itaque si otiosam pecuniam domi te habentem hortatus fuerit aliquis, ut rem aliqua emeretur, vel eam crederetur, quamvis non expediat eam tibi emisit, vel credidisse, non tamen tibi mandati tenetur. Et adeo hæc ita sunt, ut quaesitum sit, an mandati teneatur, qui mandavit tibi, ut pecuniam Titio fœneraret? Sed obtinuit Sabini sententia, obligatorium esse in hoc casu mandatum: quia non aliter Titio credisses, quam sit tibi mandatum esset.

7. Illud quoque mandatum non est obligatorium, quod contra bonos mores est: veluti si Titius de furto, aut de damno faciendo, aut de injuria facienda mandet tibi. Licet enim pœnam istius facti nomine præstiteris, non tamen ullam habes adversus Titium actionem.

8. Is, qui exequitur mandatum, non debet excedere fines mandati: ut ecce, si quis usque ad centum aureos mandaverit tibi, ut fundum emeretur, vel ut pro Titio sponderes, neque pluris emere debes, neque in ampliorem pecuniam fidei iurare: alioqui non habebis cum eo mandati actionem. Adeo quidem, ut Sabino & Cassio placuerit, etiamsi usque ad centum aureos cum eo agere volueris, inutiliter te acturum. Sed diversæ scholæ auctores rectè usque ad centum aureos te acturum existimant, quæ sententia sanè benignior est. Quod si minoris emeris, habebis scilicet cum eo mandati actionem: quoniam qui mandat, ut sibi centum aureorum fundus emeretur, is utique mandasse intelligitur, ut minoris (si possit) emeretur.

9. Rectè quoque mandatum contractum, si dum adhuc integra res sit revocatum fuerit, evanescit.

10. Item, si adhuc integro mandato, mors alterutrius interveniat, id est, vel ejus qui mandatū suscepit, vel illius, qui mandaverit, solvitur mandatum. Sed utilitatis causâ receptum est, si eo mortuo qui tibi mandaverat, tu ignorans cum decessisse

cessisse, executus fueris mandatum, posse te agere mandati actione: alioqui iusta & probabilis ignorantia tibi damnum adferret. Et huic simile est, quod placuit, si debitores, manumisso dispensatore Titij, per ignorantiam liberto solverint, liberari eos, cum alioqui juris ratione non possent liberari, quia alij solvissent, quam cui solvere debuerint.

11. Mandatum non suscipere cuilibet liberum est: susceptum autem consummandum est, aut quàm primum renuntiandum, ut per semetipsum aut per alium eandem rem mandator exequatur. Nam nisi ita renuntietur, ut integra causa mandatori reservetur eandem rem explicandi, nihilominus mandati actio locum habet: nisi iusta causa intercesserit, aut non renuntiandi, aut intempestivè renuntiandi.

12. Mandatum in diem differri, & sub conditione fieri potest.

13. In summa sciendum est, mandatum, nisi gratuitum sit, in aliam formam negotij cadere. Nam mercede constitutâ, incipit locatio & conductio esse. Et (ut generaliter dicamus) quibus casibus sine mercede suscepto officio, mandati sive depositi contrahitur negotium: ijs casibus, interveniente mercede, locatio & conductio intelligitur contrahi. Et idè si fulloni polienda curandave quis dederit vestimenta, aut sarcinatori sarcienda, nullâ mercede constitutâ neque promissâ, mandati competit actio.

COMMENTARIUS.

SUMMARIA.

1. Mandatum quid.
2. Quot & qui us modis contrahatur.
3. Mandatum solius mandatarij gratia an sit obligatorium.
4. Materia mandati sunt re honeste, non turpes.
5. Actio mandati alia directa, & quid ea prosequatur.
6. Mandatarius an culpam etiam levissimam praestet.
7. Alia contraria, & ad quid ea detur.
8. Mandati fines non excedendi: & quid si mandatarius pluri in minori sive emerit aut vendideris.
9. Mandatum solvitur revocatione.
10. Morte item sive mandantis sive mandatarij.
11. Et mandatarij revocatione.
12. Mandatum debet esse gratuitum.

I

Vltima species contractuum consensu initorum est MANDATUM, ductum à Mandando, id est negotium committendo, ut sit CONTRACTUS SIVE CONVENTIO, QUAE ALICUI NEGOTIUM SOLO CONSENSU GERENDUM COMMISSUM GRATUITO ab eo suscipitur. Dico *gratuito*, quod mercedem respuat, uti ex amicitia procedens, cuius officia gratis præstanda, *l. 1. in fine D. eod.* (a) Merces interveniens poneret aliam contractus speciem, ut dicitur *inf. eod.* Remuneratōis tamen gratiā, solarium sive honorarium promissum non vitiat ejus substantiam, quod & peti potest, *l. 6. in pr. D. eod.* Dico, *consensu*, eoque vel expresso vel tacito: nam præsens & sciens negotium suum geri mandare videtur, *d. l. 6. §. passus.* (b)

2

Mandatum utiliter hic contrahi dicitur quinque modis, scilicet vel ad mandantis utilitatem, quod mandatum hic dicitur SUA TANTUM GRATIA contractum: vel mandantis & mandatarii, quod SUA ET ALIENA: vel tertii tantum, & dicitur ALIENA TANTUM: vel mandantis & tertii, & dicitur SUA ET ALIENA: vel mandatarii & tertii, & dicitur TUA ET ALIENA. Qui modi hic in principio sufficienter explicantur. Non recte autem quis rejecerit tertium & quintum modum, ex eo, quod, ut dictum sup. *tit. 20.* alteri contrahendo non quæzatur: quia non antè hic actio oritur, quam interesse cœperit ejus, qui mandavit, *l. 8. §. mandati D. eod.* (c)

§. TUA tantum.

3

Sextus modus TUA TANTUM, id est, solius mandatarii gratiā mandatum non ponit obligationem, cum sit potius consilii: veluti si quis alicui mandet, ut pecuniam suam fœnori potius exponat: quod ut non tenetur sequi is, cui mandatur, ita nec tenetur consulens, ex regula correlativorum, si fortè malè cesserit mandatario, cui incumberebat explorare, num ex re sua foret, hoc ipsum sequi. Nemo enim ex consilio obligatur, *text. hic & l. 2. in fine D. eod.* nisi fraudulentum fuerit, *l. Consilii 47. D. De RI.* Quod æstimandum non ex eventu, sed ex voluntate, & obligat ratione delicti, quod non debet esse impunitum. (d) Tenebitur tamen & mandans ex consilio non fraudulento, in casu, quo consilium credi alicui nominato, cui aliàs mandatarius non erat crediturus suam pecuniam, *text. hic vers. & addo*: quia commemoratio vel commendatio certæ personæ facit transire tale consilium in verum mandatum, *d. l. 6. §. plane.*

§. Illud quoque.

4

Mandati materia sunt RES HONESTAE NON TURPES, ad quas nulla est obligatio, quasi impossibiles, *l. Filius 15. D. De condit. inst.* Ut ex perfe-

perfecto tali mandato nulla sit actio, cum ea obligationem præsupponat, quæ hic nulla. Imputet enim sibi mandatarius, quod perfecerit id, quod perficere non debuerat: adeo ut, si ratione mandati peracti poenam luerit, nihilo magis actio eius nomine competat. Datum tamen tertio damnum per illicitum mandatum tenet ipsum mandatem: cum per alium agens ipse agere videatur, & causam damni dans, ipse damnum dare censeatur, *l. Non solum II. §. si mandatu D. De iniurijs.*

§. Is qui exequitur.

Speciat hic §. ad actionem ex contractu mandati, quæ duplex est: altera **DIRECEA**, qua mandans cogit mandatarium exequi mandatum; nam licet mandatatum suscipere cuilibet sit liberum, susceptum tamen est exequendum, *§. mandatum inf. eod.* & consequitur, quod sua interest, vel non peracto mandato, vel non debite peracto, *l. 5. §. 1. & seq. D. eod.* Quatenus mandatarij arguitur culpa, etiam levis, ut rectè interpretantur plerique etiam in casu, quo mandatum concernit commodum solius mandantis, *l. Si Procuratorem §. proinde D. eod.* non obstante regula in *l. Siut certo §. §. nunc videndum D. Commodati.* Ratio est in bona fide, quæ in mandato versatur, & facit suspicientem videri tacite diligentiam & industriam pronittere, *l. In re 21. C. h. t.* * Levissimam non attendi verius est, cum sufficere debeat mandanti levis culpæ præstatio: nam cum nullo suo commodo agat mandatarius, idque ex amicitia & gratuito, minus æquum foret, cum stringi ad exactissimam diligentiam, & proinde ad præstandam levissimam culpam. Quod facit, quod *l. Contra 23. D. De R. I.* meminerit culpæ, quo verbo simpliciter posito tantum venit levis, *§. præterea sup. tit. 15.* ubi culpæ nomine dicitur venire desidia & negligentia, quæ levem culpam ponit, si aliud non postulet materia aut conventio. Non obstat, quod in *l. A procuratore 13. D. h. t.* dicatur omnem culpam præstare mandatarius, non etiam casum: nam sub casu continetur & excepta levissima culpa, secundum *d. l. In re C. h. t.* ubi exacto officio negotia aliena dicuntur gerenda: cui opponitur levis culpa. Nisi velimus dicere *d. l. 13.* agi te talire, quæ exactissimam requirit diligentiam, uti habet additio Glossæ in *§. mandatum h. t.* (c) * Altera est **ACTIO CONTRARIA** competens mandatario, ad hoc, ut habeatur mandatum ratum, quodque impensum ejus nomine abest, refundatur, ne officium alieni commodi causa susceptum sit illi damnosum. Ubi non tantum inspicienda levis culpa mandantis, sed & levissima: cum iniquum sit, cum culpâ mandantis lædi, qui beneficium præstat; qui iustissime allegat, sed id damni passurum non fuisse, si mandatum non suscepisset, *l. Si servus 61. §. quod vero D. De furtis.* * Et hoc ita, quatenus mandati fines servavit, quos si excesserit, imputabit sibi, si res rata non habeatur. Quo modo rem centum vendi mandatam,

datam, si distraxerit minoris, non cogitur mandans ratam habere distractionem, nisi pretium suppleatur, *l. 5. §. item si D. eod.* & emere jussus, definitâ quantitate, si pluris emendo egrediatur fines, non habet actionem, quâ cogat mandantem rem ratam habere. Ad eod ut quidam olim etiam ad præscriptam quantitatem actionem denegaverint, quam sententiam improbat J. Consultus in *l. 4 de eod.* contrariam ut benigniorem amplectens. Quem sequitur hic Imp. ad quantitatem præscriptam mandatario actionem concedens; cum qui expendit amplius, quàm est jussus, utique tantum expendat, quantum est jussus. Ut nihil sit, quod quæratur mandans, si ista quantitas exigatur, quandoquidem ultra mandatum nihil petatur. (f) * Ad id quod ultra est, si concernat mandantis utilitatem, dant negotiorum gestorum actionem, *arg. l. 3. D. De negot. gest.* ne quis alterius jactura locupletetur. Posset tamen videri ea actio cessare, ex eo, quod videatur mandatarius prohibitus pluris emere, cum is, qui certis finibus mandatum concludit, reliqua omnia, quæ extra sunt, prohibere videatur: ut non competat ista actio, secundum *l. fin. C. d. r.*

§. Rectè quoque.

- 10** DE actione mandati dicta, vera sunt quatenus mandatum durat: nam quod eo cessante gestum ad mandati causam non pertinet. Cessat autem primò REVOCATIONE, quia mandatum respectu mandantis est beneficium, quod non datur invito; quatenus tamen res ista integra, ut quia mandatum necdum incœptum agi, nec eius occasione sumptus facti. In quo distat mandatum ab aliis contractibus, qui revocationem non admittunt, propterea quod in iis continuò oriatur efficax obligatio; in hoc autem demùm ubi res non est amplius integra. Imò & ubi integra non est, revocatio est efficax, dato eo, quod interest revocari:
- 11** hoc enim mandati actio tantùm persequitur, *l. 8. §. man. at. D. eod.* * Secundò MORTE SIVE MANDANTIS, cujus cessat voluntas; non etiam hæredis, cujus non eadem voluntas, nisi tale sit, quod post mortem implendum, *l. Si verò 12. §. fin. D. eod.* SIVE MANDATARIJ, quia electa est industria personæ. Peractum tamen, probabiliter ignoratâ morte mandantis, tenet, estque actio, ne ex officio suo mandatarius damnum sentiat, *text. sic* Ab hærede mandatarii peractum non tenet mandantem; cum ex facto hæredis non debeat affici damnor *l. Mandatum 57. D. eod.*
- (g)

§. Mandatum.

- 12** Tertiò, RENUNTIATIONE ejus, qui suscepit. Nam ut mandanti liberum est revocare, ita & mandatario renunciare liberum esse debet: quatenus tamen res est integra, id est per se vel per alium æquè commodè potest explicare negotium mandans. Aliàs tenebitur mandatarius adimplere, aut inter se prestare; nisi justa causa renuntiationem intempestivam excuset, *l. Sanè 23. cum seq. D. eod.*

§. In summa.

GRatuitus, uti dictum suprà, debet esse mandati contractus. Merces cum faceret in aliam contractus speciem transire, scilicet locationem-conductionem, si certa à principio fuerit constituta merces *sup. tit. 25.* Si verò certa non fuerit constituta, sed placuerit tantum dari, quantum postea conveniet, erit præscriptis verbis, *d. l. 25. in pr.* Cui non est contrarium, quòd hic in fine dicitur, nulla mercede constituta esse mandati actionem; quia agitur hic in casu, quo non est constituta merces, nec promissa, ut sub sit amicitiae officium, quale non subest dictis locis.

ADDITIONES V.A.D.

Nu. 1. *ibi. l. 1. in fine D. eod.*] Neque enim mandat quisquam ferè nisi amico, neque credit nisi ei, quem fidelem putat, inquit Cicero, *Orat. pro Roscio Amer.*

Ibid. in fine.] Consensu autem expresse committitur alteri negotium etiam per nuntium aut epistolam, si quis scripserit alicui, *Rogo, Mando, Volo*, vel aliis verbis precariis, & ille rescripserit, *Recipio vel Suscipio*. Nam susceptio mandati perficit mandatum, non epistola vel nuntius, *l. 1. §. 1. & 2. D. h. tit.* Differt autem mandatum à jussu seu præcepto, quòd mandatum sit juris jussus verò seu præceptum facti. Mandatum duorum constat voluntate, mandantis videlicet & mandatum suscipientis *l. 1. §. 1. D. De pact.* Jussus verò unius tantum nititur imperio. Imperat enim dominus servo, pater filio, Princeps subditis. *Zaf. ad l. Servus D. De oblig. & act. §. item vobis vers sed si haeres sup. Per quas pers. cuique acq.* Itaque jussus imperii est & necessitatis, mandatum verò est voluntatis: quia suscipere mandatum nemo cogitur, sed susceptum exequi, quod proprium est omnium contractuum, *l. Sicut C. De act. & oblig.*

Nu. 2. *in fine*] Detertio tamen modo, quando mandatum alienat tantum causam, id est extranei, interponitur, dubitari poterat, ex eo, quòd nostra non interfit, aliena negotia explicari, *arg. §. alteri sup De inutil. stipulat.* Imò culpa est, alienis se negotiis ad se non pertinentibus immiscere, *l. Culpa 62. De R. I.* At in contrarium deciditur, eà ratione, quia mandatum est juris gentium, quo jure interest hominis affici beneficio hominem, *l. Servus 7. D. De servis export.* Cujac. 17.

Obser. cap. 29.

Nu. 3. *ibi, non debet esse impunitum.*) Data actione de dolo adversus eum, qui fraudulentum consilium dedit. Vide Hunn. *Var. lib 3. ar. 7. pag. 4. qua. 2.* Aliàs si fraus absit, inquit Cicero *lib 9. Epist. ad Attic.* ex consilio nemo tenetur; & qui consuluit præter fidem nihil præstat. Quid de Advocatis &

tis & caussarum patronis? Tales ex consiliis suis, quæ consulentibus dant, quamvis eventus iis non respondeat, imò in contrariæ partis favorem quandoque cedat, modò dolus absit, non tenentur. *Zaf. in l. Ex maleficio 4. §. si index D. De oblig. & act. Peck. inc. Nullus num 9. De R. l. in 6.* Nec quisquam eo nomine umquam conveniri visus est, licet per imprudentiam aut ex crassa ignorantia malè consuluisset.

Num. 6. in fine.] Quomodo plerumque is, qui mandatum suscipit, industriam quoque suam diligentiamq; spondere mandanti videtur, *l. A. procuratore 13 C. Mand.* Aliena quippe negotia exacto officio geri debent, nec quidquam in eorum administratione neglectum ac declinatum culpâ vacuum est, *l. In re mandata 21 C. eod.* Eleganter Cicero Orat. pro Sex Rosc. *Quid Recipis mandatum, si aut neglecturus, aut ad tuum commodum conversurus es? Cur mihi te offers, ac meis commodis, officio, simulato offici & oblas?* Utproinde mandatarius non tantum de dolo, sed & de culpa etiam levissima teneri æquum sit. Ita Ant Gail. 1. Obs 45. num. 4 & 5. Pacius cent. 4. qu. 83. Donel. 13. Comment cap 11. Bronch. cent 2 assert. 33.

Nu. 8. in fine.] Spectat huc quoque exemplum, quod legitur apud A. Gellium lib. 1 c. 13. de P. Crasso Mutiano, qui magistro ægyptiæ regi, quia ex duobus malis, non uti iussus erat, majorem, sed aptiorem faciendo arieti, facilioremque portatu existimabat, minorem misisset, imperavit detrahi vestimenta & cædi virgis, ratus, inquit Gell. *corrumperetur atque dissolveretur officium omne imperantis, si quis ad id, quod facere iussus est, non obsequio debito, sed consilio non considerato respondeat.* Aded ut, quamvis perfectò negotio videri possit res eventura prosperius, exque utilitate ejus, qui negotium mandavit, contra vel ultrà quàm mandatum est quid fieri non liceat. Qua de re fuisse quoque legem apud Græcos indicat Sophocles in Trachin. ubi vult servari legem, ne mandatarius quidquam affectet agere suprâ quàm ei mandatum est.

Nu. 11. in fine.] Post inchoatum negotium mors non solvit mandatum: ut neque post inchoatam causam jurgiumque morte mandantis expirat mandatum procuratoris, *l. Nulla 13 C. De procurat.* Quæ est Constitutio Juliani Imp. cujus meminit Symmachus lib. 1. Epist. Venerabilis, inquiens, *Juliani sententia stare iussit procuratorum officia, caussarum dominum viventibus inchoata.* Vide Cujac. 2. Obs cap. 31 & Nov 234. Planè quòd mandatum morte finiatur, & re integrâ revocari possit, eam quoque rationem habet, quia sit facti; cuiusmodi etiam ea esse dicuntur, quæ non constant aliqua necessitate, sed potius liberalitate & officio, quod quia est facti & personale, non est æquum, ut transeat ad hæredem. *Ram. De anal. iur. & facti cap. ult. in fine.*

TITVLVS XXVIII.

4. Quar-

4. Quartò idem juris est de eo, qui cohæredi familiæ eriscundæ judicio ex his causis obligatus est.

5. Hæres quoque legatorum nomine non propriè ex contractu obligatus intelligitur (neque enim cum hærede, neque cum defuncto ullum negotium legatarius gessisse propriè dici potest:) & tamen quia ex maleficio non est obligatus, quasi ex contractu debere intelligitur.

6. Item is, cui quis per errorem non debitum solvit, quasi ex contractu debere videtur. Aded enim non intelligitur propriè ex contractu obligatus esse, ut si certiore rationem sequamur, magis (ut supra diximus) ex distractu, quam ex contractu possit dici obligatus esse. Nam qui solvendi animo pecuniam dat, in hoc dare videtur, ut distrahat potius negotium, quam contrahat. Sed tamen perinde is, qui accipit, obligatur, ac si mutuum ei daretur, & ideo condictione tenetur.

7. Ex quibusdam tamen causis repeti non potest, quod per errorem non debitum solutum sit. Sic namque definiunt veteres, ex quibus casibus infitiando lis crescit, ex ijs causis non debitum solum repeti non posse; veluti ex lege Aquilia quidem in ijs legatis locum habere voluerant, quæ certa constituta, per damnationem cuique legata fuerant: nostra autem Constitutio, cum unam naturam omnibus legatis & fideicommissis indulset, huiusmodi augmentum in omnibus legatis & fideicommissis extendi voluit. Sed non omnibus legatis hoc præbuit, sed tantummodò in ijs legatis & fideicommissis, quæ sacrosanctis Ecclesijs, & cæteris venerabilibus locis, quæ religionis vel pietatis intuitu honorantur, relicta sunt: quæ si indebita solvantur, non repetuntur.

COMMENTARIUS.

S U M M A R I A.

1. Cur obligationes hæc dicantur nasci quasi ex contractu.
2. Negotiorum gestio quid, & quæ actio hinc datur.
3. Actio directâ tenetur negotiorum gestor de gesto & non gesto.
4. Ad quam culpam teneatur.
5. Actio contraria ad quid datur.
6. Tutelæ actio directâ datur pupillo, contraria tutori.
7. Communi dividundo & Familiæ eriscunda actio ad quid competat.
8. Hæres adeundo hereditatem quibus obligetur.
9. Indebiti conditio unde nascatur remissive.
10. Indebitum non condicatur in causis, in quibus infitiando lis crescit.

HAtenus de obligationibus ex contractu ortis : sequitur de iis, quæ nascuntur quasi ex contractu : ita dictæ, quod non sint propriè contractus, neque ex consensu reciproco, qui contractum ponit, sed ex actu quodam oriatur obligatio ; & alter contrahentium tantum præstet consensum, alter verò ex juris interpretatione consentire dicatur, & aliquando invitus, ignorans, & absens obligetur, ut ex speciebus subjectis patebit. (a)

§. Igitur.

Prima species est NEGOTIORUM GESTORUM, quando quis absentis & ignorantis negotia gessit. Præsentis negotia gerens ex mandato gerere videtur, l. 6 § passus D. Mandati, uti & absentis scientis, l. Qui tacet De R. I. modò gestor sciat dominum scire : aliàs cessaret mandati forma, cum ex animo, quem quis habet, oriatur obligandi diversitas. Duplex hinc est actio, directæ & contrariæ : nam & obligatur is, qui gessit, ne temerè rebus alienis se immisceat, & vice mutuâ is, cujus negotium gestum, etiamsi pupillus, furiosus : idque utilitatis causâ ne negotia absentium deserantur, text. hic & l. absentis 5. Si quis D. de oblig. & act. DIRECTA datur ei, cujus negotium gestum, contra gestorem, qui tenetur & gesti, & non gesti nomine. * De gesto tenetur, quatenus ex negotio retinet, ne alieno malo distulcat, l. 2. in fine D. De negot. gest. et si gerendo non non ut oportuit damnum dedit, l. Si negotia D. d. r. De non gesto, quatenus spectabat ad negotium explicandum, quod susceptum perficiendum est, prout oportet : ut quod negligentia perire est passus teneatur resarcire. * Et hoc, quatenus culpa eius apparet : quæ hic posset videri tantum lata venire, eo quod non suo, sed alterius commodo gerat. Quod procedet, si ad absentis alioquin perituras res accesserit, cum nemo iis gerendis se offerret, l. 3. §. interdum. D. d. r. Neque enim notanda ejus culpa, qui rei ab aliis destitutæ pro capitu suo subvenire maluit, quàm sinere eam perire : aliàs communiter levis tantum culpa veniet, l. Contractus 23. D. De R. I. ex ratione, quod se ingerendo videatur promississe diligentiam. Ad levissimam cum teneri non fert ratio, l. Tutori 20. D. De negot. gest. nisi per gestorem alius diligentior administrare fuerit impeditus, text. hic. Imprudentia enim sua ut alteri noceat, non est æquum. (b) Casum non præstat, nisi culpa eum præcesserit, aut nova gesserit, quæ non erat gesturus dominus, d. l. 11. * CONTRARIÆ datur gestori, quæ repetat quod nomine gesti abest, l. 2. D. d. r. ne officium suum sit ei damnosum : quatenus alienam rem gessit utiliter, nomine alieno, & animo repetendi, & denique absentis, & ignorantis, non inviti, aut prohibentis, aliàs donasse videretur, l. fin. C. d. r.

§. *Tutores.*

- 6 **S**ECUNDA species est TUTELA, ex qua actio est quasi ex contractu inter tutorem & pupillum, cum quo non potest videri contractum, cum sensu careat. **D** RECTA est pupillo in tutorem, ad reddendam rationem tutelæ, & refundendum, quod ex ea rerum pupilli apud eum residet, simul quod abest ejus culpa etiam levi; ita enim exigit ætatis favor, *l. 1 §. officio D De tut. & ration. distrab.* (c) CONTRARIA datur tutori, quarefundi petat, quidquid abest tutelæ nomine, aut abfuturum ex justa causa, *text hic*, ne ex officio damnum sentiat.

§. *Item si inter.*

- 7 **T**ERTIA species est COMMUNI DIVIDUNDO, quarta FAMILIÆ ERGISCUNDA. Illares singularis communis extra societatem (quia aliàs ex contractu ageretur) hac universalis relicta testamento, aut ab intestato, dividi petitur, fructus ab altero percepti communicari, & quod impensum per alterum pro rata refundi; neque enim res communis uni soli lucro aut damno esse debet, *l. Item 14. D. Fam. ergisc.* Ubi *Familia* denotat hæreditatem. *Ergiscere* verbum est antiquum, idem significans quod dividere. Idèò verò ad quasi contractum hæ species referuntur, quòd non ex consensu communi, sed ex facto alterius circa rem communem oriatur obligatio. (d)

§. *Hæres quoque.*

- 8 **Q**UINTA est ADITIO HÆREDITATIS, per quam hæres se obligat legatariis & fideicommissariis, ad præstandum relicta. Adeundo enim quasi contrahere cum iis videtur, non etiam propriè contrahere, quòd cum iis nec ipse negotium gesserit, nec defunctus, cuius tamen voluntatem confirmando per aditionem videtur cum istis contrahere. Creditoribus hæreditariis ex contractu tenetur, sicut tenebatur defunctus, in cujus locum & jus succedit, *l. Ex contractib. 49. D. De oblig. & act.*

§. *Is cui.*

- 9 **S**EXTA est INDEBITI CONDICTIO, quam potius pertinere ad obligationes quasi ex contractu dictum est suprà Tit 15. §. 1. & hic repetitur. Ubi etiam dictum, quatenus ex ea condictio competat, scilicet quando non debitum solutum est per errorem facti, quòd æquum non sit rem meam sine causa apud alium manere. (e) * Quòd hic limitatur, ut non procedat in iis, in quibus lis insitiando crescit in duplum, id est quando is, qui negat debitum, si convincatur,

tur, in duplum condemnatur. Sic in L. Aqualia, negans se damnum dedisse, convictus duplum pendere jubetur, l. Contra C. Ad L. Aquil. & in legatis ad pias causas, §. ut duplum inf. De actione. Ut antè solvens, licet nihil debeat, condicere tamen volens repellatur. Ratio est, quod istud solutionis genus sapiat quamdam transactionem: præsumitur enim solvens, qui obligatum se credit, simplum potius solvere voluisse, quam cum periculo dupli debitum infitiari. Ex transactione autem solutum non repetitur, l. 2. C. De transact. uti nec solutum ex causa judicati, & iusiurandi, *Glos. hic verb. quod per errorem.*

ADDITIONES V. A. D.

Nu. 1. in fine.] Nam juris illa interpretatio in his contractibus supplet defectum consensus ex alterius parte, & sic plenum facit contractum, l. Quamvis §. infans D. De acq. possess. ut dici non possit in aliquo claudicare.

Nu. 4. ibi, non est æquum] Contrariam tamen sententiam sunt, qui æquiores parent, quæ & fundamentum habet hic in textu, ubi negotiorum gestor ad exactissimam diligentiam compellitur reddere rationem, nec sufficit talem diligentiam adhibere, qualem suis rebus adhibere solet. Nec obstat, quod contractus hic fiat solius absentis gratiâ, l. 2. D. De neg. gest. quodque de ipsius gestoris utilitate aut commodò non agatur, qui eo casu ad exactam tantum diligentiam tenetur, non etiam ad exactissimam, l. Contractus 23. D. De R. I. l. Si ut certo §. nunc videndum D. Commod. quia ultrò & suâ sponte se obtulit rebus alienis administrandis. Qui autem sponte se offerunt obligationi, semper eo nomine durius obligantur, l. 1. §. quod sape D. Depos. quia jus ultrò oblatum officium plerumque suspectum habet, præsumitque eum, qui se ita ultrò obtulit rerum administrationi, sui commodi causa ejusmodi onus in se suscepisse. Ita Cujac. ad Iul. Paul. 1. Sent. tit. 4. Vult late Discept. schol. c. 15. Donel. 15. Comment. c. 15. Goed. De contrah. & commit. stipul. c. 5. conal. 15. nu. 221. & ad l. 223. §. 2. n. I. D. V. S. Diss. Del. Rio. add. l. Contractus c. 14. De R. I. & ibid. Henon dispu. 15. concl. 6.

Nu. 6. ibi, De tut. & ration. distrab.] Ante verò quam reddiderit rationem administrationis suæ tutor vel curator cogi non poterit ad reddendam pecuniam pupilli vel adulti, quia ex hoc demum constabit, an tutoris vel curatoris debitum sit liquidum. Fachin. 8. contrah. c. 18. ubi alios citat, & dissentientem Socin. Sen. conf. 24. lib. 1.

Nu. 7. in fine.] Neque inter eas quicquam interest, quam quod hæc familiaris communio sit juris, illa verò rerum sit facti, arg. l. Ut sit cum l. sequ. D. pro socio. Et hoc est, quod hic Accurs. notat, familiaris erci'cundæ actionem semel tantum intentari posse. l. Si si 12. §. familia D. Fam. erci'c. quia eâ actione universum jus hereditarium in iudicium deducitur, petiturque dividi familia, quæ unicatantum & in jure consistens, l. Pronuntiatio §. familia De V. S. licet res plures in facto consistentes contineat, sup. De reb. corp. & incorp. Quarum rerum nomine,

nomine, si quæ indivisæ relictæ sunt, agitur communi dividundo iudicio, quod toties proponitur, quod sunt res inter debitorem & creditorem communes. *Cujac. 23. Obser. c. 1. Bronch. cent. 2. assert. 11.*

Nu. 9. in fine.) Porro ex causa quoque iudicati infitatio olim crescebat in duplum, teste Paulo 2. *Sent. tit. 19.* Cujus rei meminit & Cicero pro Flacco: *Frater, inquit, meus pro sua æguitate prudentiag, decrevit, ut si iudicatum negaret, iret in duplum.* Denique etiam conductio ex chirographo infitiatione crescit in duplum, *Nov. 18.* Quod jus ex Regiis constitutionibus comprobatum est in Gallia,

PER QVAS PERSONAS nobis obligatio acquiritur.

TITVLVS. XXIX.

EXPOSITIS generibus obligationum, quæ ex contractu vel quasi ex contractu nascuntur, admonendi sumus, adquiri nobis non solum per nosmetipsos, sed eas quoque personas, quæ in nostra potestate sunt, veluti per servos & filios nostros: ut tamen, quod per servos nostros nobis adquiritur, totum nostrum fiat; quod autem per liberos, quos in potestate habemus, ex obligatione fuerit acquisitum, hoc dividatur secundum imaginem rerum proprietatis & ususfructus, quam nostra decrevit Constitutio: ut quod ab actione commodum perveniat, hujus ususfructum quidem habeat pater, proprietatem filio servetur, scilicet patre actionem movente secundum novellæ nostræ Constitutionis divisionem.

1. Item per liberos homines, & alienos servos, quos bonâ fide possidemus, acquiritur nobis: sed tantum ex duabus causis, id est, si quid ex operis suis, vel ex re nostra adquirant.

2. Per eum quoque servum, in quo ususfructum vel usum habemus, similiter ex duabus istis causis nobis acquiritur.

3. Communem servum pro dominica parte dominis adquirere certum est: excepto eo, quod nominatim unistipulando, aut per traditionem accipiendo, illi soli acquirit; velut cum ita stipulatur, *Domino meo dare spondes?* Sed si domini unus iussu servus fuerit stipulatus, licet antea dubitabatur, tamen post nostram decisionem res expedita est, ut illi tantum adquirat, qui hoc ei facere iussit, ut supra dictum est.

COMMENTARIVS.

Quatenus dominiū non tantū per nos, sed & per filiosfam. seruos quærimus, siue nostros, siue alienos, nobis bonâ fide seruiētes, aut fructuarios, aut etiam liberos homines nobis bonâ fide seruiētes, ita & cætenus per eos quoque obligationem quærimus, pro ratione peculii, de qua sup. lib. 2. tit. 9. Per liberum hominem nobis non acquiri obligationem, dictum etiam sup. tit. 20. §. alteri.

ADDITIONES V. A. D.

Quamvis filiofam. ex contractu per eum inito acquiratur obligatio movere tamen actionem ex eodem contractu non potest, sed tantū paterfam. qui usumfructum habet, & per consequens actionem, quæ censetur esse in fructu, l. uxori 24. De usu & usufr. leg. proprietas autem, id est obligatio, filio servatur. Nisi pater longiū abfuerit, aut aliās filio actionum exercitium permiserit, l. 1. & l. Si longiū 17. §. 1. D. De iudic. Jure novo ipse quoque filius, dum studiorum causā abest, ex contractibus à se initis cum debitoribus suis experiri potest, Auth. Habita C. Ne filius pro patre. Nam qui in studio est censetur quasi in militia versari, atque ita, militum exemplo, esse sui juris. Quid porro mores hic observent dixi sup. ad tit. Per quam personam cuique acquir.

QVIBVS MODIS TOLLITVR
OBLIGATIO.

TITVLVS. XXX.

Tollitur autem omnis obligatio solutione ejus, quod debetur: vel si quis, consentiente creditore, aliud pro alio solverit. Nec inter est, quis solvat, utrū ipse, qui debet, an alius pro eo: liberatur enim & alio solvente, siue sciente siue ignorante debitore, vel invito eo solutio fiat. Item si reus solverit, etiam ii, qui pro eo intervenerunt, liberantur. Item ex contrario contingit, si fidejussor solverit: non enim ipse solus liberatur, sed etiā ejus reus. 1. Item per acceptilationem tollitur obligatio. Est autem acceptilatio, imaginaria solutio. Quod enim ex verborum obligatione Titio debetur, id si

Ecce

velit

velit Titius remittere, poterit sic fieri, ut patiatur hæc verba debitorem dicere : *Quod ego tibi promisi, habesne acceptum?* & Titius respondeat, *Habeo*. Sed & Græcè potest acceptilatio fieri, dummodò sic fiat, ut Latinis verbis solet exigì, *ἔχεις λαβὼν δηνάρια τόσα; ἔχω λαβὼν*, id est, *Tot denarios acceptos habes? Acceptos habeo*. Quo genere (ut diximus) tantùm ex solvuntur obligationes, quæ ex verbis consistunt, non etiam cæteræ. Consentaneum enim visum est, verbis factum obligationem aliis posse verbis dissolvi. Sed & id, quod alia ex causa debetur, potest in stipulationem deduci, & per acceptilationem dissolvi. Sicut autem quod debetur, pro parte rectè solvitur, ita in parte debiti acceptilatio fieri potest.

2. Est autem prodita stipulatio, quæ vulgò Aquiliana appellatur, per quam contingit, ut omnium rerum obligatio in stipulatum deducatur, & ea per acceptilationem tollatur. Stipulatio enim Aquiliana renovat omnes obligationes, & à Gallo Aquilio ita composita est : *Quicquid te mihi ex quacunque causa dare facere oportet, oportebitve, præsens, in diemve, aut sub conditione, quarumcumquerum mihi tecum actio est, quæq; adversus te petitio vel adversus te persecutio est, eritve: quodve tu mecum habes, tenes possides, dolo malo fecisti, quo minus possideas: quanti quaque earum rerum reserit, tantam pecuniam dari stipulatus est Aulus Agerius, spondit Numerius Nigidius: quod Numerius Nigidius Aulo Agerio spondidit, id haberetne à se acceptum?* Numerius Nigidius Aulum Agerium rogavit. Aulus Agerius Numerio Nigidio acceptum fecit.

3. Præterea novatione tollitur obligatio: veluti si id, quod tibi Scius debebat, à Titio dari stipulatus sit. Nam interventu novæ personæ nova nascitur obligatio, & prima tollitur, translata in posteriorem: adeò ut interdum, licet posterior stipulatio inutilis sit, tamen prima novationis jure tollatur: veluti si id, quod tu Titio debes, à pupillo sine tutoris auctoritate stipulatus fuerit; quo casu res anittitur: nam & prior debitor liberatur, & posterior obligatio nulla est. Non idem juris est, si à servo quis fuerit stipulatus: nam tunc prior perinde obligatus manet, ac si postea nullius stipulatus fuisset. Sed si eadem persona sit, à qua postea stipuleris, ita demùm novatio fit, si quid in posteriore stipulatione novi sit: fortè si conditio aut dies, fidejussor adjiciatur, aut detrahatur. Quod autem diximus, si conditio adjiciatur, novationem fieri, sic intelligi oportet, ut ita dicamus factam novationem, si conditio extiterit, alioqui si defecerit, durat prior obligatio.

Sed, cum hoc quidem inter veteres constabat, tunc fieri novationem, cum novandi animo in secundam obligationem itum fuerat; per hoc autem dubium erat, quando novandi animo videretur hoc fieri, & quasdam de hoc præsumptiones alii in aliis casibus introducebant: ideo nostra processit Constitutio, quæ apertissimè definit, non solum novationem prioris obligationis fieri, quoties hoc ipsum inter contrahentes expressum fuerit, quod propter novationem prioris obligationis convenerunt: alioqui & manere pristinam obligationem, & secundam ei accedere. ut maneat ex utraque causa obligatio, secundum

secundum nostræ Constitutionis definitionem, quam licet ex ipsius lectione apertius cognoscere.

4. Hoc amplius, ex obligationes, quæ consensu contrahuntur, contrariâ voluntate dissolvuntur. Nam si Titius & Seius inter se consenserint, ut fundum Tusculanum emptum Seius haberet centum aureis; deinde re nondum secutâ, id est, neque pretio soluto, neque fundo tradito, placuerit inter eos, ut discederetur ab ea emptione & venditione, invicem liberantur. Idem est in conductione & locatione, & in omnibus contractibus, qui ex consensu descendunt, sicut iam dictum est.

COMMENTARIUS.

SUMMARIA.

1. *Solutio quid, & à quo fieri debeat.*
2. *Cui facienda.*
3. *Solvendum id quod debitum est.*
4. *Et totum debitum, non eius pars creditori invito.*
5. *Loco aut die non dicto quatenus solvi possit.*
6. *Acceptilatio est imaginaria solutio.*
7. *Aquiliâ stipulatione qualiter tolli dicatur obligatio.*
8. *Debitum re aut consensu per acceptilationem tollitur vi pacti.*
9. *Novatio quid, & ad eam requisita.*
10. *Est duplex, Novatio proprie dicta & delegatio.*
11. *Novatio hodie expressim fieri debet.*
12. *Obligatio tollitur & dissensu mutuo.*

VT certi sunt modi inducendæ obligationis, ita & tollendæ, vel ipso jure, quando penitus obligatio extinguitur, de quibus hoc Tit. vel per exceptionem, quando, manente obligatione & actione, ex juris subtilitate, reus æquitatē quadam defensus, oppositam actionem excludit, qua de re inf. tit. *De except. Modo.* rum, quibus ipso jure obligatio tollitur, primus est SOLUTIO, quæ est eius quod DEBITUR PRÆSTATIO, text. hic & l. *Solutum* 49. D. *De solutionib.* (a) Hæc ut rite tacta censeatur, & liberationem operetur; Primò faciendâ AB EO, QUI DEBET, & qui habeat liberam suarum rerum administrationem. Neque enim à pupillo, furioso, prodigo rectè quid solvitur, cum solum vindicari possit, nisi consumptio faciat eos liberari, l. *Quod si* 14. §. *fin.* D. *d. 1.* Servus si liberam habeat peculii administrationem, rectè solvit, l. 3. D. *ead. tit.* AB ALIO, DE-

- BITORIS MANDATO, quin solutio rectè fiat non est dubitandum, cùm per alium faciens, ipse facere videatur. Adèd ut pro ignorante, aut invito solutio per tertium facta liberet debitorem, cujus conditio per alium melior fieri potest, *l. Solutione 13. & l. Solvere 53. D. eod.* si non immediatè, saltem mediatè, uti hoc in casu:
- 2 ne obstet regula, invito non dari beneficium, *l. invito 69 l. e. I. (b) ** Secundò, facienda ei, cui debetur, habili ad distrahendam obligationem. Neque enim alii facta solutio potest operari liberationem, nisi ex voluntate creditoris, *l. Nihil interest 4. C. De solut.* uti nec rectè ei fit, qui non habet arbitrium dissolvendi obligationem, *l. Pupillo 15. D. d. e. ** Tertiò, eius, quod debetur: neque enim aliud pro alio invito obruditur, *text. hic in pr. & l. 2. §. mutui D. De reb. cred.* cum suum jus invito non sit auferendum. Si tamen res debita non extiterit, facit necessitas, creditorem aliud acceptare debere, si velit sibi satisfieri. *(c) ** Quartò, totum debitum solvatur, partem nemo accipere cogitur, propterea quòd partialis solutio multa habeat incommoda, *l. Plane 3. D. Fam. erisc.* Si tamen nullum subsit detrimentum creditoris, videtur cogi posse per Prætorem accipere partem, secundum *l. Quidam D. De iudiciis.* *(d) ** Denique solutio fiat dictà DIE & LOCO, non etiam alio, nisi habità ratione commoditatis, quam creditor haberet, si loco convento solveretur, ut traditur *D. De eo quo cerso loco. (e)*

§. Item per acceptilationem.

- 6 **S**ecundus modus est ACCEPTILATIO, quam Imp. vocat hic IMAGINARIAM SOLUTIONEM & describitur à J. C. in *l. 1. D. De acceptil.* esse LIBERATIO PER MUTUAM INTERROGATIONEM, quæ utriusque contingit ab eodem nexu absolutio. *(f)* Solutioni eam comparat Ulp. in *l. Non solum §. 1. D. De liberat. leg.* quod videatur solvisse, qui acceptilatione est liberatus, *l. Si ex plurib. D. De acceptil.* Et hoc quoad obligationem verbis conceptam, cum sit naturale, unumquodque eo genere dissolvi, quo est colligatum. *** Ut obligatio re, litteris,
- 7 consensu inita, hoc modo tolli nequeat, saltem ipso jure, nisi prius translata fuerit in eam, quæ verbis fit, media stipulatione, cui deinde subjungatur acceptilatio, quam speciem vocant STIPULATIONEM AQUILIANAM, ab auctore Gallo Aquilio, à quo composita; cujus species hic in textu proponitur, quæ breviter ita reddi potest. Si creditor dicat: *Quod ex causa empti debes, hoc ex stipulatione debitum habes?* reus respondeat, *Habeo:* deinde stipuletur reus, *Idne acceptum habes?* respondeat creditor, *Habeo.* *** Dico, saltem ipso jure; nam si quod re debebatur acceptò latum sit, sive alia stipulatione prævia, exceptione pacti aut doli se tuebitur reus contra creditorem, *l. Si accepto latum 19. D. De acceptil.* cum & inutilis acceptilatio includat pactum utile, *l. 8. D. s. (g)*

§. Præterea novatione.

Tertius modus est NOVATIO, UNIUS OBLIGATIONIS IN ALIAM, mediâ stipulatione, TRANSFUSIO, l. 1. D. De novat. Rectè dicitur *transfusio*, quia ejus finis non est, omninò perimere obligationem, in quo à solutione distat, sed tantum in aliud genus obligationis mutare, l. 2. D. d. t. Unde aliam obligationem, subesse est necesse: & sufficit quidem subesse naturalem tantum, cum ea sit vera obligatio, & per pupillum, qui naturaliter obligari potest, alienam obligationem suscipientem, contingat novatio, *text. hic & int. 1. D. d. t.* Per servum, licet naturaliter teneatur, non tamen alienam obligationem novari habet *text. hic vers. non idem iuris*, quòd nec possit consistere ex parte servi, qui capite caret, nec domini, cujus non agitur commodum. Nulla si subsit obligatio, in quam transfundatur, non potest videri facta novatio. * Dupliciter autem contingit, vel eadem manente personâ, mutata solummodò causa obligationis, & propriè Novatio dicitur; veluti si debitum ex causâ emptionis transfundatur in debitum ex causâ stipulationis: vel mutata persona, quando quis vice sua dat alium reum creditori, & communiter dicitur DELEGATIO. Ad cujus effectum necesse est, inter novum debitorem & creditorem intercedat stipulatio, per quam aliena suscipiatur obligatio, l. 1. C. de novat. Delegari enim invitus nemo potest: in quo distinguitur delegatio à cessione actionis, & nominis venditione, l. 1. & 3. C. d. t. Ut & in eo, quòd delegatio liberet priorem reum ipso jure; cessio autem non faciat cedenti non esse actionem, d. l. 3. (h) * Cæterum novatio olim colligebatur ex conjecturis, quæ quia obscuræ sæpè excitarent litis, constitutum est, non aliàs censerì inductam novationem, quàm si hoc expressum fuerit, aliàs & manere priorem obligationem, & posteriorem ei accedere, ut integrum sit creditori, utra experiatur, *text. hic in fine & l. fin. C. de novat.* (i)

§. Hoc amplius.

Quartus modus consistit in DISSENSU, quo remittitur vinculum obligationis consensu positum. Quod addo, quia non potest obligatio alio modo quàm consensu inita consensu dissolvì, cum unumquodque eo modo, quo colligatum, dissolvatur, l. Prout 80. D. De solut. Hinc emptio solo consensu dissolvitur, non etiam alii contractus re, aut aliàs initi: quatenus tamen stat in terminis nudi consensus; nam si quid ab altero contrahentium præstitum, hoc reddendum est, ut causa sit integra, l. 1. & 2. C. Quando licet ab empt. reced. Si contractus utrimque fuerit consummatus, contrarius consensus non tam faciet ab eo, qui omnimodam sui habet perfectionem, recedi, quàm novum iniuri, l. Ab emptione 58. in fine D. De pact. ii. (k)

ADDITIONES V. A D.

Num. ibi, *l. Solutum D. De solut.*] Tolliturque hoc modo omnis generis obligatio, qualitercumque contracta fuerit, re, verbis, litteris, consensu. Nominetamen *Solutionis* accepto, non prout generale est, pertinens ad omnem liberationem & satisfactionem quoquo modo factam, *l. Solutionis 54 D. De solut. l. Liberationis 47. & l. 176. De V. S.* sed speciale, significans solutionem, quæ nummis fit naturaliter, sive per naturalem præstationem ejus, quod est in obligatione, *d. l. Solutum.*

Ibid. in fine.] Etenim beneficium hic confertur, non in solum debitorem; sed & creditorem, cui solvitur debitum, quod fortè ab ipso met debitore non tam facile erat consecuturus, cujus proinde per hoc fit melior conditio, quod fieri posse, etiam ignorantis & inviti, naturalis simul & civilis ratio suadet, deteriore non utique, *l. Solvendo 39. D. De neg. gest. & l. Subsignatum §. bona De V. S.* Nec obstat, quod qui prohibente domino negotia gessit, eorum nomine, quæ in rem domini impendit, non habeat actionem, *l. ult. C. De negot. gest.* quia id quidem quoad actiones verum est, non etiam quoad exceptiones, quæ facilius, litium minuendarum gratiâ, dantur, quàm actiones, arg. *l. Arrianus D. D. 47. oblig. & act.* & quas semper æquum est competere, cum in ratione naturali & æquitate fundentur, *Dd. ad l. ult. Si contra jus veluti in publ.*

Num. 3 in fine.] Exemplum est in *l. Eum qui 16 cum Auth. seq. C. De solut. & l. Si domus 71 §. qui confitetur De legat. 1.* Bronch. cent. 4. assert. 65 Unde & in casu, quo debitor nec pecuniam habeat, quam solvat, nec possessiones, unde pecuniam paret, commodè vendere possit, creditor eas, præviâ æstimatione judicis, in solutum accipere cogitur, *Nov. 4. De fidejuss. c. Quod autem 3. circa princ. Coras. 2. Miscell. cap. 3 nu 8 Tessaur. decis. 153 num. 1.* ubi de requisitis ad hujus rei praxin, & ex jure Saxonico Matth. Coler. decis. 134. num 4. & tract. De Process. execut. p. 1. c. 6. num. 130.

Num. 4. in fine.] Vide Pachin. 4. contr. c. 50. Bronch. cent. 2. assert. 17. Et hanc sententiam in praxi observari notat Bus. ad l. Quidam 21. D. De reb. cred. Contrarium docuit Alciat. ad d. l. Quidam, Coras. ad l. 2 §. & harum De V. O. Molin. tract. De divid. & individ. p. 2. num. 13 & 47. Fallit, si debitum non fuerit liquidum, vel non nisi ex parte, quo casu potest judex compellere creditorem, ut quod liquidum est, recipiat, & sistere in liquidanda, *Dd. ad d. l. Quidam.* Adde Deckher. lib. 1. dissert. 10.

Num. 5. in fine.] Nihil tamen vetat, invito creditori ante diem dictum solvi. Nam adjectio diei est pro debitore sive promissore, cui propterea totum medium tempus ad solvendum liberum relinquere intelligitur, *l. Quod certa 7 D. De solut. l. Stipulatio ista 38. §. inter 16 & l. Eum qui 41 §. 1. D. V. O. l. Cum tempus 17. D. R. I. Duar. & Coras. ad d. l. 38. §. inter. Donell. ad d. l. 41 num. 47. & seqq. Aliter Æmil. Ferret. ad d. §. inter, Borcholt. De verb. oblig. cap. 6. num. 33. secutus Cujac.*

Cujac. *ad d. l. 38 & 39. Obs. c. 23.* qui quidem concedit liberari debitorem, qui solverit ante diem creditori volenti & accipienti, non autem creditorem cogendum ante diem accipere, debitore offerente & consignante pecuniam. Contra Cujac disputat Ant. Faber 1. *Coniect. c. 1.* pro Cujacio D. Corfel. *hic q. 1.*

Nu. 6. bi, ab eodem nexu absolutio.] Continet igitur acceptilatio *διόλλαγμα*, id est ultrò citroque liberationem seu distractum, sicuti contractus ultrò citroque obligatorius dicitur continere *συνόλλαγμα*. Estque juris civilis acceptilatio, cum per stipulationem fiat: non obstante l. 8. § 4. D. De *acceptil.* quia loquitur de usu latiore acceptilationis, utilitatis causa extenso. Cujac. 4. *Obs. c. 36. & ad l. 1. De V. O.* Moribus hodiernis ut stipulationis usus non est, *dixi sup. ad tit. D. V. O. num. 5. in fine* ita neque acceptilationis, nec differentia est inter acceptilationem & pactum de non petendo. Facit Juliani J. C. responsum l. 11. D. De *rescind. vend.* his verbis: *Cum emptor venditori, vel emptori venditor acceptum faciat, voluntas utriusque ostenditur id agentis, ut à negotio discedatur, & perinde habeatur, ac si convenisset inter eos, ut neuter ab altero quicquam peteret.* Quæ autem fuerit jure Romano differentia inter pactum de non petendo & acceptilationem, ostendit Connan 6. *Comment. c. 2. num. 3.*

Nu. 8. in fine.] De non petendo scilicet; unde & talis acceptilatio non suâ natura, sed potestate conventionis valere dicitur in *d. l. Cum emptor §. D. De rescind. vend.* ubi vide Gotofred. & Cujac. *ad l. 1. D. De V. O.* Hodie verò omnes istas verborum formulas, quibus per circuitus novationis vel Aquilianæ stipulationis acceptò ferri solet, sublatas esse scribit Molin. *ad d. l. 1. §. si quis ita num. 4, De V. O.* & generaliter sufficere ait quæcumque verba semel cum consensu, animo stipulandi, sive ad obligandum, sive ad novandum, vel acceptò ferendum prolata, dummodò non sit in re aliâ à jure prohibita, idque per generalitatem Constitutionis Leoninæ in l. *Omnes C. De contrah. & commit. stipul.* & præcipuè postquam usu praxique forensi invaluit, ut quodlibet nulum pactum seriò conclusum non minus hodie polleret, quàm stipulatio etiam Aquiliana. Idem Molin. *ad rubr. d. tit. De V. O. num. 42.*

Nu. 10. in fine.] Nam si non intervenerit delegatio, nomen adhuc manet, & cessionario tantum utilis acquiritur actio, directâ apud creditorem principalem manente, cuius offibus ita affixa hæret, ut ab eo velut cicatrix separari nequeat, *Gl. ad l. Si quis ergò casus D. De pecul. & ad l. 1. D. Pro socio.* At si per delegationem cesserit, nomen ad eum amplius non pertinet. Cum enim debitor liberetur ipso jure à delegante, necesse est priorem evanescere obligationem, l. 2. D. De *novat.* Vide D. Bur-
gund. *tract. De eviction. c. 11 num. 2. & n. 20.*

Nu. 11. in fine.] Quod ipsum & jure Digest. obtinuisse plerisque casibus probat Ant. Faber 3. *Coniect. cap. 3.* nempe non aliter fieri solitam novationem, quàm si id specialiter expressum esset, ex l. *Qui usus fr. D. De V. O. l. Aliam §. 1. Si rem aliquam §. 1. §. 1. D. De novat.* n. 1. et è adscribi Triboniano dictionem, specialiter, in illis legibus positam. etiam atque Cujacio visum ad *d. l. Qui usus fr.* Vide Schifordig. *lib. 2. tract. §. ad art. Fabr. Parlador. Rer. quo-*
tid.

tid. lib. 2. cap. ult. p. 1. §. 12. limit 6. num. 43. & seqq. & Dominic. Arum. lib. 2. decis. 3. ubi hac de re in utramque partem disputans, concludit tandem, jure novo induci novationem etiam ex conjecturis & argumentis necessariis atque evidentibus, voluntatemque contrahentium (animo scilicet novandi se convenisse) non minùs aperte facto ipso quàm verbis significari posse: id quod multorum locorum moribus receptum esse testatur And. Gail. 2. *Obser.* 30. D. Zocf. *ad tit. D. De novat. & Vinn. hic.* Adde Molin. *ad rub. ubi sup. num. 51.*

Num. 12 in fine.] Præter jam dictos modos etiam aliis tollitur obligatio, veluti compensatione, quæ est debiti & crediti inter se contributio l. 1. D. *De compensat. de qua dicitur inf ad tit. De actionib. §. penult.* Confusione debiti & crediti, quando scil. unus idemque fit creditor & debitor, l. *Debitori* 50. D. *De fidejuss.* Denique oblatio & depositio ipso iure liberat debitorem, l. 1. §. *si pecunia* 37. D. *Depositum*, & l. *Obfignatione C. de solut.* Pluresque recenset Gloss. *hic in fine.*

LIBRI TERTII FINIS.



H E N R I C I

JACOBI ZOESII I. C.

IN LIB. QUARTUM

INSTITUTIONUM

SEV ELEMENTORVM

JURIS CIVILIS

COMMENTARIVS.

DE OBLIGATIONIBVS, QVÆ
ex delicto nascuntur.

TITVLVS. I.

CUM sit expositum superiore libro de obligationibus ex contractu , & quasi ex contractu : sequitur, ut de obligationibus ex maleficio , & quasi ex maleficio dispiciamus Sed illæ quidem (ut suo loco tradidimus) in quatuor genera dividuntur, hæ vero unius generis sunt : nam omnes ex re nascuntur, id est ex ipso maleficio, veluti ex furto, rapina, damno, injuria.

1. Furtum est contrectatio fraudulosa, lucri faciendi gratia vel ipsius rei, vel etiam usus eius, possessionisve: quod lege naturali prohibitum est admittere.

2. Furtum autem vel à Furvo, id est nigro, dictum est, quod clām & obscure fiat, & plerumque nocte; vel à Fraude, vel à Ferendo, id est auferendo, vel à Græco sermone, quod *φῦρς* appellant fures. Imò & Græci à ferendo *φῦρς* dixerunt.

3. Furtorum autem duo sunt genera, Manifestum, & Nec manifestum. Nam Conceptum & Oblatum, potius actionis sunt furto cohærentes, quàm genera furtorum, sicut inferius apparebit. Manifestus fur est, quem Græci *ἐνι αὐτοφωρίᾳ* appellant: nec solum is, qui in ipso furto deprehenditur, sed

sed etiam is, qui in eo loco deprehenditur, quo furtum fit: veluti qui in domo furtum fecit, & nondum egressus januam deprehensus fuerit: & qui in oliveto olivarum, aut in vineto uvarum furtum fecit, quamdiu in eo oliveto aut vineto deprehensus fuerit. imò ulterius furtum manifestum est extendendum, quamdiu eam rem fur tenens visus vel deprehensus fuerit, sive in publico, sive in privato, vel à domino, vel ab alio, antequam eò pervenerit, quo deferre vel deponere destinasset. Sed si pertulerit, quò destinavit, tametsi deprehendatur cum re furtiva, non est manifestus fur. Nec manifestum furtum quid sit, ex ijs, quæ diximus, intelligitur: nam quod manifestum non est, id scilicet nec manifestum est.

4. Conceptum furtum dicitur, cum apud aliquem testibus præsentibus furtiva res quæ sita & inventa sit: nam in eum propria actio constituta est, quamvis fur non sit, quæ appellatur Concepti. Oblatū furtum dicitur, cum res furtiva ab aliquo tibi oblata sit, eaque apud te concepta sit: utique si eā mense tibi data fuerit, ut apud te potius, quam apud eum, qui dedit, conciperetur. Nam tibi, apud quem concepta sit, propria adversus eum, qui obtulit, quamvis fur non sit, constituta est actio, quæ appellatur Oblati. Est etiam prohibiti furti actio adversus eum, qui furtum quærere testibus præsentibus volentem prohibuerit. Præterea præna constituitur edicto Prætoris per actionem furti non exhibiti adversus eum, qui furtivam rem apud se quæ sitam & inventam non exhibuit. Sed hæ actiones, scilicet concepti & oblati, & furti prohibiti: nec non furti non exhibiti, in consuetudinem abierunt. Cum enim requisitio rei furtivæ hodie secundum veterem observationem non fiat, meritò ex consequentia etiam præfatz actiones ab usu communi recesserunt; cum manifestum sit, quòd omnes, qui scientes rem furtivam susceperint, & celaverint; furti nec manifesti obnoxij sunt.

5. Pœna manifesti furti, quadruplex est, tam ex servi, quam ex liberi persona: nec manifesti dupli.

6. Furtum autem fit, non solum, cum quis intercipiendi causâ rem alienam amovet, sed generaliter, cum quis alienam rem invito domino contrectat. Itaque sive creditor pignore, sive is, apud quem res deposita est, ea re utatur, sive is, qui rem utendam accepit, in alium usum eam transferat, quam cuius gratia ei data est, furtum committit: veluti si quis argentum utendum acceperit, quasi amicos ad cœnam invitaturus, & id peregrè secum tulerit; aut si quis equum gestandi causa commodatum sibi, longius aliquò duxerit, quod veteres scripserunt de eo, qui in aciem equum perduxisset.

7. Placuit tamen eos, qui rebus commodatis aliter uterentur, quam utendas acceperint, ita furtum committere, si se intelligant id invito domino facere eumque, si intellexisset, non permissurum; at si permissurum credant, extra crimen videri: optimâ sanè distinctione, quia furtum sine affectu furandi non committatur.

8. Sed & si credat aliquis invito domino se rem commodatam sibi contrectare,

Stare, domino autem volente id fiat, dicitur furtū non fieri. Unde illud quesitū est, cū Titius servum Mævij sollicitaverit, ut quasdam res domino subriperet, & ad eum perferret, & servus id ad Mævium pertulerit; Mævius autē, dum vult Titium in ipso delicto deprehendere, permiserit servo quasdam res ad eum perferre: utrum furti, an servi corrupti iudicio teneatur Titius, an neutro? Et cū nobis super hac dubitatione suggestum est, & antiquorum prudentium super hoc altercationes perspeximus, quibusdam neque furti, neque servi corrupti actionem præstantibus, quibusdam furti tantummodò: nos huiusmodi calliditati obviam euntes, per nostram decisionem sancimus, non solum furti actionem, sed & servi corrupti contra eum dari. Licet enim is servus deterior à sollicitatore minimè factus est, & ideo non concurrant regulæ, quæ servi corrupti actionem introducunt: tamen consilium corruptoris ad perniciem probitatis servi introductum est, ut sit ei pœnalis actio imposita, tamquam si ipsa fuisset servus corruptus: ne ex huiusmodi impunitate & in alium servum, qui facile posset corrumpi, tale facinus à quibusdam perpetretur.

9. Interdum etiam liberorum hominum furtum fit: veluti si quis liberorum nostrorum, qui in potestate nostra sunt, subreptus fuerit.

10. Aliquando autem etiam suæ rei furtum quis committit: veluti si debitor rem, quam creditori pignoris causâ dedit, subtraxerit:

11. Interdum quoque furti tenetur, qui ipse furtum non fecit: qualis est is, cuius ope & consilio furtum factum est. In quo numero est, qui tibi nummos excussit, ut alius eos raperet, aut tibi obstiterit, ut alius rem tuam exciperet, aut oves tuas vel boves fugaverit, ut alius eas acciperet. Et hoc veteres scripserunt de eo qui panno rubro fugavit armentum. Sed si quid eorum per lasciviam, & non datâ operâ, ut furtum admitteretur, factum est, in factum actio dari debet. At ubi ope Mævij Titius furtum fecerit, ambo furti tenentur. *Ope & consilio ejus quoque furtum admitti videtur, qui scalas fortè fenestris supponit, aut ipsas fenestras vel ostium effringit, ut alius furtum faceret: quive ferramenta ad effringendum aut scalas, ut fenestris supponerentur, commodaverit, sciens cujus rei gratiâ commodaverit.* Certè qui nullam opem ad furtum faciendum adhibuit, sed tantum consilium dedit, atque hortatus est ad furtum faciendum, non tenetur furti.

12. Hi, qui in parentum vel dominorum potestate sunt, si rem eis subripiunt furtum quidem faciunt, & res in furtivam causam cadit (nec ob id ab ullo ulucapi potest, antequam in domini potestatem revertatur) sed furti actio non nascitur quia nec ex alia ulla causa potest inter eos actio nasci. Si verò ope & consilio alterius furtum factum fuerit, quia utique furtum committitur, convenienter ille furti tenetur: quia verum est, ope & consilio eius furtum factum esse.

13. Furti autem actio ei competit, cuius interest rem salvam esse, licet dominus non sit. Itaque nec domino aliter competit, quàm si eius inter sit, rem non perire.

14. Vnde constat, creditorem de pignore subrepto furti actione agere posse, etiam si idoneum debitorem habeat: quia expediret ei pignori potius incumbere, quam in personam agere: adde quidem, ut, quamvis ipse debitor eam rem subriperit, nihilominus creditori competat actio furti.

15. Item si fullo polienda curandave, aut sarcinator sarcienda vestimenta, mercede certa constituta, acceperit, eamque furto amiserit, ipse furti habet actionem, non dominus: quia domini nihil interest eam rem non perire, cum iudicio locati à fullone aut sarcinatore rem suam persequi posse. Sed & bonæ fidei emptores subreptâ re, quam emerit, quamvis dominus non sit, omnino competit furti actio, quemadmodum & creditori Fulloni verò & sarcinatori non aliter furti actionem competere placuit, quam si solvendo fuerint, hoc est, si domino rei æstimationem solvere possint. Nam si solvendo non sint, tunc, quia ab eis suum dominus consequi non possit, ipsi domino furti competit actio: quia hoc casu ipsius interest rem salvam esse. Idem est, & si in parte solvendo fuerit fullo, aut sarcinator.

16. Quæ de fullone & sarcinatore diximus, eadem & ad eum, cui commodata res est, transferenda veteres existimabant. Nam ut ille fullo mercedem accipiendo, custodiam præstat: ita is quoque, qui commodatum utendi causâ accepit, similiter necesse habet custodiam præstare. Sed nostra providentia etiam hoc in nostris decisionibus emendavit, ut in domini voluntate sit, siue commodati actionem adversus eum, qui rem commodatam recepit, movere desiderat, siue furti, adversus eum, qui rem subripuit: & alterutra earum electâ, dominum non posse ex poenitentia ad alteram venire actionem. Sed si quidem furem elegerit, illum, qui rem utendam accepit, penitus liberari. Sin autem commodator veniat adversus eum, qui rem utendam accipit: ipsi quidem nullo modo competere posse adversus furem furti actionem: eum autem, qui pro re commodata convenitur, posse adversus furem furti habere actionem: ita tamen, si dominus sciens rem esse subreptam, adversus eum, cui res commodata fuerit, pervenit. Sin autem nescius & dubitans rem esse subreptam, apud eum commodati actionem instituerit, postea autem re compertâ voluerit remittere quidem commodati actionem, ad furti autem actionem pervenire: tunc licentia ei conceditur & adversum furem venire, obstaculo nullo ei opponendo, quoniam incertus constitutus movit adversus eum, qui rem utendam accepit, commodati actionem: nisi domino ab eo satis factum fuerit: tunc etenim omninò furem à domino quidem furti actione liberari, suppositum autem esse ei, qui pro re sibi commodata domino satis fecit: cum manifestissimum sit, etiam si ab initio dominus actionem commodati instituerit, ignarus rem esse subreptam, postea autem hoc ei cognito, adversus furem transierit, omninò liberari eum, qui rem commodatam, acceperit, quemcumque causæ exitum dominus adversus furem habuerit: eadem definitione obtinente, siue in parte, siue in solidum solvendo sitis, qui rem commodatam acceperit,

17. Sed is, apud quem res deposita est custodiam non præstat: sed tantum in eo obnoxius est, si quid ipse dolo malo fecerit, qua de causse si res ei subrepta fuerit, quia restituendæ ejus rei nomine depositi non tenetur, nec ob id ejus interest rem salvam esse, furti agere non potest, sed furti actio domino competit.

18. In summa sciendum est, quæsitum esse, an impubes rem alienam amovendo furtum faciat? Et placuit, quia furtum ex affectu furandi consistit, ita deum obligari eo crimine impuberem, si proximus pubertati sit, & ob id intelligat se delinquere:

19. Furti actio, sive dupli, sive quadrupli, tantum ad pænæ persecutionem pertinet. Nam ipsius rei persecutionem extrinsecus habet dominus, quam aut vindicando aut condicendo potest auferre. Sed rei vindicatio quidem adversus possessorem est, sive fur ipse possidet, sive alius quilibet: condictio autem adversus furem ipsum, hæredemve eius, licet non possideat, competit.

COMMENTARIUS.

S U M M A R I A.

1. Delictum seu maleficium quid, & quotuplex.
2. Delictorum privatorum species.
3. Furtum quid & qua contræctatio furtum ponat.
4. Et ut lucris faciendi gratia.
5. Materia sui, res mobiles & aliena, quæ quæ alicuius sunt.
6. An naturalis re prohibitum.
7. Furtum manifestum & nec manifestum quid.
8. Furtum conceptum, oblatum, prohibitum, non exhibitum.
9. Furtum sit contræctatione ipsius rei, usus, possessionis.
10. Sollicitator servi ad furtum faciendum tenetur & furti & servi corrupti.
11. Liberatorum, qui sunt in potestate nomine an detur actio furti.
12. Furtum rei sua quatenus quis committat.
13. Furtum ope consilio qualiter fiat.
14. Filius fam. vel servus an patris vel domino furtum faciant.
15. Actio furti quibus detur.
16. Datur creditori, subrepto pignore, item fulloni & sarcinatori.
17. Datur & commodatario.
18. Non etiam depositario.
19. Neque emptori, re ante traditionem subrepta.
20. Aut mala fidei possessori.
21. Impubes an actione furti teneatur.
22. La furem qua actiones dentur, & qualiter fures hodie puniantur.



1 **Q**onstituitur & creditor & debitor ex delicto : unde hic de OBLIGATIONIBUS, quæ descendunt EX DELICTO SIVE MALEFICIO, * quod est *offensio sive factum*, quo quis *contra ius læditur dolo culpave alterius*. Aliud est PUBLICUM, quod publicis legibus vindicatur, de quo *inf. ut. fin.* aliud PRIVATUM, quod civili & privatâ actione ab eo, ad quem res pertinet, vindicatur, de quo hic. Civilem hanc actionem rectè dedit lex. Naturalem deficere posset videri ex eo, quod non tam ex consensu, quam læsione oriatur, verum & eam dat æquitas, quæ non vult aliquem impunè lædi: ut sufficiat, per maleficium læsionem esse causatam, & rectè hic dicatur obligatio ista EX RENASCI, id est solo facto improbo: in quo distinguitur ab ea quæ est ex contractu,

2 consistens in quadruplici differentia, ut patet ex lib. superiori Tit. x. v. * Præcipuâ autem & frequentia quatuor maleficiorum genera hic ponuntur: nam vel committuntur in personæ contemptum, & est INIURIA; vel in rem, idque vel animo lucri faciendi per fraudulentam contrectationem, & est FURTUM, vel per vim apertam, & est RAPINA; aut nullius lucri causa, & damnum istud vindicatur Lege Aquiliâ

Huius Tit. rubrica est quidem generalior, non tamen tractatur eo, nisi de una specie, scilicet furto, cuius actio est antiquissima, ex Legexii. Tabb. descendens

3 * Nominis etymologiam sive Græcam sive Latinam inspicias, à Ferendo sive auferendo rectius deduxeris, quamvis & aliam non videatur hic respuere Imp. (a)

FURTUM EST CONTRECTATIO REI FRAUDULOSA LUCRI FACIENDI GRATIA, VEL IPSIUS REI, VEL USUS EIUS, POSSESSIONISVE, QUOD LEGE NATURALI PROHIBITUM EST ADMITTERE, *text. hic* § 1. CONTRECTATIO loco generis ponitur, non simplex, sed qualificata, scilicet FRAUDULOSA, quia non qualibet contrectatio, sed ea, quæ dolosè fit, maleficium hoc ponit. Rectè autem loco generis ponitur, cum furtum non versetur nisi circa RES MOBILES, quæ, secundum etymon verbi, moveri & auferri possunt, non etiam circa immobiles, quæ moveri non possunt. (b) * Verba, LUCRI FACIENDI GRATIA, non passim hic habentur, ad-

4 jecta tamen sunt in l. i. in fine D. De furt. & rectè, ad distinguendum hoc maleficium ab aliis, cum finem eius denotet. Propositum enim & voluntas distinguunt maleficia, l. Qui iniuria § 2. in pr. D. De iniur. * Materiam ponunt RES uti dictum, MOBILES, ALIENÆ ET QUÆ ALICUIUS SUNT: propriæ enim

5 nemo dicitur fur, quod eâ abuti liceat domino, nisi fortè quoad usum aut possessionem, ut dicitur *inf. §. aliquando*. Dico, quæ alicuius sunt; nam alias furtum dici nequit veluti liberi hominis, *inf. eod. §. interdum*, rei sacræ, cuius tamen subreptio sacrilegium ponit, rei pro derelicto habitæ, quia nullius est, & occupanti cedit, §. pen. sup. De rer. divis. Item res hæreditatis jacentis ante eam aditam nullius est in bonis, & sic nec materiam ponit furti, quamvis eius contrectatio non sit extra pœnam, ut videre est D. expilata hæred. * Verba postrema,

6 Quod IURE NATURALI PROHIBITUM, non tam faciunt ad definitionem, quam curpitus

turpitudinem ejus averfari naturam ostendunt. Cui non obstat, quòd gentes inveniantur, quæ ad excitanda hominum ingenia ad solertiam & calliditatem permiffisse furtiva videntur; cùm quæ naturalia sunt hominum institutis mutari nequeant, §. *fed naturalia sup. De iure nat gent. & civ. (c)*

§. Furtorum.

FURTUM aliud MANIFESTUM, aliud NEG MANIFESTUM. Illud, quando in ipso facto fur deprehenditur, five in furto faciendo, five cum re furtiva, antequàm eò loci detulerit, quòd perferre & deponere destinarat; & quidem isto die, l. 3. *in fine & l. 4 D. De furt.* nam actus continuatio per noctem interruptitur, actusq; furandi finem accipit, l. 5. *in fine D. eod.* Deprehendatur ab ipso rei furtivæ domino per manus injectionem, accursum, acclamationem, five ab alio, non inter-est, l. 7. §. 1. 2. 3. *d t.* Resultat enim ex hac deprehensione obligatio furti manifesti à lege inducta, propter scandalum. Ut non obstant dicta sup. *De inutil. stipul § alteri*, cùm non tam per extraneum videatur actio quæri, quàm potius officium impleri, unde caussatur actio, l. *Si quis 24. in fine D. De usuris.* Si ita fur non deprehendatur, furtum erit nec manifestum.

§. Conceptum furtum.

SPECIES hic propositæ non ad ipsorum furtorum genera pertinentes, olim in usu fuere. **CONCEPTUM** dicebatur, & concepti agebatur, contra eum, apud quem res furtiva quæsitæ, & inventa, testibus præsentibus. **OBLATUM** quando res furtiva alicui oblata, ut apud eum potius inveniretur, quàm eum, qui obtulit; undè actio oblati contra eum. Hæc inquisitio olim solemniter fiebat, hodie in defuetudinem abiit. (d) **PROHIBITI** actio est contra eum, qui testibus præsentibus inquirere volentem prohibuit: **NON EXHIBITI** contra eum, qui apud se rem quæsitam & inventam non exhibuit. (e)

§. Furtum autem fit.

CONTRACTATIO rei alienæ furti causâ non tantùm contingit per AMOTIONEM, sed generaliter per QUAMLIBET CONTRACTATIONEM REI IPSIUS, USUSVE EIUS, POSSESSIONISVE, lucri faciendi causâ Quo modo creditorem utendo pignore, depositarium re depositâ, commodatarium ad usum alium, quàm data est, transferendo, furti se reos facere habet hic textus; quatenus tamen invito domino se facere intelligunt, & is verè est invitus. Fraus enim, quæ in furto desideratur, non potest poni, nisi ponatur & animus, sine quo nulla potest intelligi fraus, & effectus, id est, quòd verè sit invitus. Neque enim potest videri facta injuria nisi volenti, . *Inter 46. §. recte & §. ff. en. D. De furt.* Cui pro-

proinde non potest esse actio furti: Hinc si putetur dominus invitus, qui est volens, aut è contrà, non potest dici commissum furtum, cum vel animus desit, vel effectus non correspondeat, *vers. placui hic.* (f)

§. *Sed & si credat vers. Vnde illud*

10 **Q**UOD servus ex consensu domini ad sollicitatorem deferens res domini, cum faciat teneri & furti, & servi corrupti, habet hic text. & in l. Si quis 20. C. De furtis. Ratio huius est, quòd, licet non sit corruptus servus, non steterit tamen per ipsum sollicitatorem, quo minus corruptus fuerit, d. l. 20. Atque ita tenetur servi corrupti; ne consilium ad perniciem probitatis introductum sit impunitum. Illius ratio est, quod rem alienam contrectaverit animo lucri faciendi. Nec salvat rem consensus domini in rerum delationem, qui non eò tendebat, ut corruptor eam lucraretur, sed ut apud eum res deprehenderetur.

§. *Interdum etiam.*

11 **N**ON fieri furtum nisi rei, quæ alicuius est, dictum suprâ; ut hominis liberi furtum non fiat. LIBERORUM tamen, QUI SUNT IN POTESTATE, furtum fieri hic dicit Imp. idque ratione potestatis, quæ est patri in liberos: quæ etiam dat ei vindicationem, adjectâ causâ, ex jure Quiritium, l. 1. §. 2. D. De rei vindic. Ut matris actio furti esse nequeat, cum non habeat in potestate, l. Matri 38. D. De furt. Quantum ad actionem pœnæ, non est faciendâ æstimatio corporis, quia liberum corpus æstimari nequit, sed eius quod interest, subtractos liberos non fuisse ratione accessionum.

§. *Aliquando autem.*

12 **F**urtum est REI ALIENÆ, NON ETIAM SUÆ, quia re suâ cuilibet abuti licet. Quod verum est, quoad proprietatem: nam QUOAD POSSESSIONEM ET USUM, furtum rei suæ fieri potest, pignori scilicet rei datæ possessionem subtrahendo creditori. Ubi non æstimatur ipsa res, sed quanti interest creditoris, rem subtractam non fuisse. (g)

§. *Interdum furti.*

13 **T**enebitur furti non tantum qui contrectat, sed & qui ad furtum concurrat OPE, CONSILIO, non tantum conjunctim, sed & separatim, SIVE TANTUM CONSULENDO, quatenus subsequitur effectus, ne obstat *vers. certe 1. eod.* SIVE TANTUM OPEM FERENDO, veluti scalas in eum finem supponendo, l. in furtis 50. §. certe

§. *certe D. De furt.* Dico, cum in finem; nam aliàs animus deest, *vers. sed si quid h.* ut furtum dici nequeat. Non potest tamen talis vindicatione aut condictione teneri, cum rem, quam persequuntur ejusmodi actiones, non correctaverit. (h)

§. *Hi qui in parentum.*

IN potestate alicuius existens, ut LIBERI, SERVI, subtrahendo quid PATRI, DO-¹⁴
MINO, non sunt quidem extra furti vitium, cuius definitio iis competit, NON
EST tamen IN EOS ACTIO; cum ea requirat duas personas, potestas autem unam
faciat patris & filii, domini & servi, Si tamen filius habeat castrense peculium, u-
tilis est actio patri, cum habeat eatenus separatam personam: uti & pater tenebitur
filio, cuius res peculii castrensis subripuit, *l. Si quis § 2. §. sed si D. h. t.* Consilio aut
auxilio concurrens cum filio aut servo, aut furtum faciendum, non est immunis ab
actione furti; cum potestas non operetur ultra personas (i)

§. *Furti autem actio.*

HOc & sequentibus aliquot §§. docetur, quibus competat actio furti. Et pri-¹⁵
mò datur DOMINO rei, item POSSESSORI BONÆ FIDEI, quia est loco domini.
Competit & ei, CUIUS INTEREST, rem salvam esse; non tamen cuilibet, sed cuius
interest RATIONE USUS AUT POSSESSIONIS, quod propter rem subtractam suâ
culpâ teneatur domino, *l. Eum qui § 14. §. an pater D. De furt.* * Hoc modo datur¹⁶
CREDITORI, cui pignus subreptum, etiam si habeat idoneum debitorem, cum præ-
stet rei incumbere, quam personam sequi, *l. Plus cautionis 25. De R.I.* Datur &
FULLONI & SARCINATORI, cum teneantur domino: quatenus tamen res eo-
rum culpâ subtracta est, & solvendo sunt, § *item si fullo inf. eod.* Aliàs domino
competeret actio, quia tum demum ejus interest, rem non perire. * Datur item¹⁷
COMMODATARIO, quatenus ejus quoque interest rem furto sublatam non esse, §.
qu. de fullone inf. eod. Quo tamen casu si commodans malit eligere actionem furti,
relictâ actione commodati, liberum est: quam si, ignorans rem subreptam esse,
elegerit, potest postea re compertâ ad actionem commodati resilire, *d. §. qu. de ful-
lone, vers. Sed nostra.* Quod ita concessum ex causâ liberalitatis, quâ usus comodan-
do. * DEPOSITARIO negatur hæc actio, quod ejus periculo res non sit, cū non præ-¹⁸
stet culpam nisi latam, & dolum, cuius nomine actio ei esse non potest, quam ex im-
probitate sua nemo consequitur, ne ex dolo suo quis lucrum sentiat, §. *sed ut apud
quem inf. eod.* Verum quia aliquot casibus potest teneri ad levem culpam deposita-
rius, uti *sup. dictum tit. 15. lib. 3.* non erit istis ei deneganda actio hæc, ad instar fullo-
nis & aliorum: & facit textus in §. *actione tit seq* ubi depositario est actio vi bono-
rum raptorum. * EMPTORI rei ante traditionem subreptæ hæc actio non competit,
cum non sit dominus: & licet ejus intersit, non tamen tam nomine possessionis, quâ¹⁹
periculi

periculi, quod ad eum spectat, & est remotius, ut ad hanc actionem non sufficiat, d. l. 14. in princ. ubi venditori hæc actio datur; qui tamen mandare debet eam emptori, uti & condictioem, & vindicationem, & quidquid his actionibus consecutus fuerit, præstare. * MALÆ FIDEI POSSESSORI non datur, etiam si ejus interest rem non subripi, quia nemo ex sua improbitate actionem consequitur, l. Itaque 12. §. 1. D. De furt. Quâ ratione & furi denegatur, exceptâ specie, de qua in l. 12. §. fin. ubi expungenda est negatio; & in specie l. Qui vii 48. D. De furt. Cujac. 16. Obser. cap. 30.

§. In summa.

21 **F**urtum dolum continet: quo modo IMPUBES, amovendo res, eise non facit obnoxium, cum dolo careat, nisi tamen PROXIMUS PUBERTATI, qualis potest doli capax esse, cum in eam aetatem furta, mendacia, homicidia, blasphemix cadant, c. 1. 2. x. De delict. puer. quæ res iudicis arbitrio committenda. (k)

§. Furti tamen actio.

22 **I**n furem agitur civili actione tripliciter. Primo, RER VINDICATIONE, contra quemcumque possessorem, quia salvum manet domino rei dominium, Secundo, CONDICTIONE FURTIVA, contra furem, ejusque hæredem, etiam in amplius, quam ad eum pervenit. (l) Quod ita specialiter in odium furum constitutum, l. 7. & 9. D. De condict. furt. cum aliàs generaliter non detur domino condictio, & ex delicto non teneatur in amplius hæres, quam ad eum pervenit. Tertiò POENALI ACTIONE FURTIVA, quâ petitur duplum ex furto nec manifesto, quadruplum verò ex manifesto, propter scandalum, quod majorem meretur poenam. (m) Fuit & extraordinaria poena corporalis, l. Interdum § 6. §. qui & l. fin. D. De furtis. Justinianus pro furto mortem irrogari aut membrum amputari inhibuit, Auth. Sed novo C. De servis fugit. Fredericus vero Imp. in Constitut. sua de pace tenenda & eius violat. qua extat 2. Feud tit. 27. §. si quis quinque, laqueo iussit puniri eum, qui quinque solidos subripiendo violasset pacem: si minus, forcipe & scopis. Quæ Constitutio per consuetudinem extensa ad quodlibet furtum, etiam citra pacis violationem, idque ad avertendam furtorum frequentiam; cujus causa sæpè poenæ augentur. Non solet tamen ob furtum primum laquei poena decerni, sed demùm propter tertium, eò quòd tunc ponatur affectus furandi: nec inter est, ubi commissa sint, in territorio eodem, an in diversis; unum tamen grave volunt sufficere. Menoch. Arbitr. quest. 2. ca. u 295. Covarr. 2. Var. cap. 9. num. 7. (n)

ADDITIONES V. A. D.

Nu. 3. ibi, hic respuere Imp.] Nimirum à Furvo, id est nigro, juxta Varro-
nem apud A. Gell. *lib. i. cap. 18.* quòd fures per noctem, quæ atra sit, faciliùs furen-
tur. Nox enim amica furibus, *κλεπτή δὲ τε νύκτι & ἀμείνω*, inquit Homer. 3.
Iliad. Et Catul. *Nocte latent fures.* Unde & Nocturni pro furibus apud Petron. *in*
Satyr.

Ibid. in fine.] Abolitâ veterum quorundam sententiâ, existimantium etiam ea-
rum rerum, quo solo continentur, veluti fundi locive, furtum fieri, *§ quod autem pers.*
abolita (sup. De usufructu). Cujus sententiæ fuisse Sabinum, in eo libro, cui titulum fe-
cit de Furtis, auctor est A. Gellius *lib. xi. cap. 18.* scriptumque reliquisse, *Quod vulgo*
inopinatum, non hominum tantum, neque rerum se moventium, quæ ausari occulte & subri-
pi possunt, se fundi quoque & adium fieri, iustum.

Nu. 6 in fine. Unde gentes tales delicti quidem impunitatem concedere po-
tuerunt, ejus tamen turpitudinem, quæ à natura est (nam ratio naturalis dicit ab-
stinendum esse ab alieno, & cum alterius jactura aut detrimento non fieri locuple-
torem, *l. Nam hoc natura* 4 D. *De condict. indebit.*) evellere non utique. Cicero 1.
de LL. Sed & probra quædam naturâ esse turpia (quo nomine venit quoque fur-
tum, ac *proprum servile* pro furto legitur apud Tacit. 1. *Annal.*) & furtum naturâ
turpe esse, dixit Ulp. 1. *Probrum* 42. *De VS.* Quod ibidem ita interpretatur Alci-
ad. & 1 *Dispunct. c. 10.* quasi lege solâ turpe sit, reprehensus propterea à plerisque,
Ant. Augustino 4. *Emend. c. 4.* Brechæo, Forncrio & aliis, *ad d. l. Probrum* Quod
verò hic D. Zoel. cribit, apud gentes quædam fuisse permissa furtâ, ad excitanda
hominum ingenia, & ad solertiam, id confirmant tum veterum Aegyptiorum, apud
quos furtâ omnia fuisse licita & impunita, tum Lacedæmoniorum mores legesque, a-
pud quos ius atque usum fuisse furandi eorum iuventuti scribit A. Gell. *d. lib. xi. c. ult.*
non ob turpia lucra, inquit, sed pro exercitio disciplinaque rei bellicæ: quod & furandi
solertia & assuetudo acueret obfirmaretque animos adolescentium, & ad insidiarum astis, &
ad vigilandi tolerantiam, & obrependi celeritatem. Contrâ apud Scythas nullum
scelus furto gravius fuit Justin. *lib. 2.* Vide Bionch. *cent. 4. assert. 72.*

Num. 8. ibi, hodie in defuetudinem abiit.] Et furti hoc genus, quod olim
dicebatur furtum per lancem & licium conceptum, ab antiquo ritu investigandæ
rei furtivæ in ædibus alienis; (nam qui furtum ibat quæsitum licio cinctus
intrabat, lancemque ante oculos tenebat, propter matrumfam. aut virgi-
num præsentiam. Ita Festus in *V. Lance*;) postea, abolito hoc ritu, simplici-
ter conceptum dici cœpit. Vide Ant. August. loco mox cit. & Jac. Ravard.
ad LL. xii Tabb. c. 26. Sic autem res furtiva inanimata offerri & concipi
solet. Nam rei animatæ, quæ ipsa sese offert alicui & occultat, veluti servi
fugitivi, qui furtum sui facere dicitur, *l. 1. C. De servis fugit.* sit adhuc hodie
officio judicis requisitio, *l. Requirendi C. eod.* Ubi notant Dd. idem servari
in uxore fugitiva, in Monacho &c. nimirum posse & à marito & à superio-

re eos perquiri in ædibus alienis, officio iudicis implorato. Quod ad res attinet inanimatas, permittunt mores hodierni auctoritate publicâ seu Magistratus scrutari rem furtivam in ædibus alienis, dummodò idoneis certisque indicijis ad hoc moveatur iudex, *arg. l. Milites 8. §. 1. C. De quaestione*. Boër *decis. 174. nu. 20.* Iul. Clar. §. *Furtum n. 3.* Mascard. *de probat. vol. 2. concl. 83. 4.* Papon *lib. 22. tit. 6. art. 3.* Schultz. *hic lit. F. latè ex inre Saxonico*, Lamb. Goris *ad consuet. Geldro-Velay. c. 6. art. 2. gl. 2.*

Ibid. in fine.] Porro res furtiva inventa penes aliquem, vel alteri vendita, rectè vindicatur à domino, teneturque emptor ad ejus restitutionem, etiam non reddito pretio, *l. Incivilem 2. C. De furt. Natta cons. 436.* Covarr. *ad c. Peccatum de R. l. in 6. p. 3. §. 1. n. 5.* Quamvis multorum locorum moribus emptor rem in publico foro aut nundinis emptam, si à venditore pretium recuperare nequeat, restituere non teneatur, nisi redhibito pretio, quod se juret solvisse. Zyp. *Not. iur. Belg. tit. De rei vindic.* Cujusmodi privilegium alibi habent veteramentarii, veluti Lovanij, quemadmodum notatum inveni *ad cap. 101 Summa Ruralis*, Joan. Boutellierio *auctore*, quod scilicet mechanicis res furtivas bonâ fide ementibus, si eas per tres dies nundinales exponant, & dominus rei pendente eo tempore non veniat repetatve rem, cum amplius non audiendum, etiamsi probaverit esse suam, nec obligari emptorem rei furtivæ ad restituendum. Quod tamen videri minus æquum, imò contrarium juri divino, ac nutrire peccatum, tradit Fabian, de Monte *traff. De empt. & vendit. qu. 10. nu. 3.* Vide Christin. *ad consuet. Mechlin. tit. 2. art. 2. per tot. Cef. Vrsil. in Addit. ad Matth. de Afflict. decis. 69.* Dan. Moller. *3. Semestr. c. 10. & Schulz hic lit. p.*

Nu. 9. in fine.] Certè qui rem sibi ab aliquo commodatam alteri commodaverit vel qui ideo rem amovet, ut alij donet, licet nihil lucrisui gratiâ facere videatur, ideo quoque tenetur, quia species lucris est, inquit J. C. ex alieno largiri, & beneficij debitorem sibi acquirere, *l. Si pignore 54. §. 1. D. cod. De quo loco vide Rad. Forner, 1. Rer. quoti. l. 6. 23.* ubi duas statuit lucris species: unam, quæ ad merum rei familiaris augmentum & compendium pertinet; & alterum, quæ in altero tantum demerendo versatur, quod novum lucris genus appellat Scholiastes Basil. *lib. 60. tit. 12. §. 55.* Vbi cavendum, ne benignitas nostra alijs officiat, ut dixi de eo, qui rem amovet, ut alteri donet. Nam ut *lib. 1. De offic. ait Cicero*, qui alijs nocent, ut in alijs liberales sint in eadem sunt iniusticia, ut si in suam rem aliena convertant &c. Ceterum loco huic illustrando facit exemplum relatum ab A. Gellio *lib. 6. c. 17.* ex La-beone J. C. Brutum solitum dicere, furti damnatum esse, qui iumentum aliorum duxerat, quam quo utendum acceperat. Item qui longius produxerat, quam quem in locum petierat. Simile refert Valer. Max. *lib. 8. c. 2.* de quodam qui ideo furti damnatus fuit quod equo, cuius usus illi usque Ariciam commodatus fuerat, ulteriore eius municipij clivo vectus esset. Et subjicit Valer. Quid aliud hoc loci quam verecundiam illius sæculi laudamus, in quo tam minuti à pudore excessus puniebantur? Jure Saxonico commodata-

rius rem commodatam in alium usum, quàm data est transferens, vel ultra diem dictum retinens, aliterve abutens, obligatur dumtaxat ad interesse, & fit infamis, modò dolus & fraus adsit. At depositarius ex Constitut. criminali Caroli V. *art. 179.* tamquam fur puniendus, si vel inficitur depositum, vel re depositâ abutatur, cum damno deponentis. *Schultz. hic lit. F.*

Nu. 12. in fine.] Sic & dominus proprietatis rem, cujus ususfructus alienus est, subripiendo, furtum usus ipsius rei committere dicitur, *l. Creditoris 15. §. 1. D. h. t.*

Nu. 3. in fine] Porro consilium furti faciendi dare dicitur, qui persuadet, impellit, instruit ad furtum faciendum. Opem ferre, qui ministerium atque adiutorium ad supripiendas res præbet, *l. in furti 50. §. 2. D. h. t.* Ope-consilio (ita enim veteres loquebantur, non *ope & consilio*) furtum facere, qui nummos alicui excusserit, ut alius raperet; qui oves vel boves alicujus fugaverit, ut alius exciperet; qui scalas fenestris apposuerit, aut ipsas fenestras effregerit, ut alius furtum faceret; qui denique panno rubro fugaverit armentum, ut in fures incideret, *§. interdum h. t. & d. l. 50.* Excitantur enim colore rubicundo tauri: urfos, leonesque mappa proritat, teste Seneca *lib. 3 De ira c. 30.* Notandum autem, olim hac in re non convenisse inter prudentes, qualiter verba hæc *ope-consilio* accipi deberent, quibusdam conjunctim ea accipientibus, non distinguendo consilium ab ope; credebantque etiam furti teneri eum, qui consilium dedisset, licet furtum facienti opem non tulisset. Ita Sabinus J. C. *in l. Qui servo 36. §. idem pomponius D. eod.* quem secutus Gell. *lib. xi. c. 18.* scribit furtum sine ulla quoque *astretatione* fieri posse, *solamente atque animo, ut furtum fiat, annitente.* Idem Sabinus eum quoque furti teneri putabat, qui opem tulisset, licet consilium non dedisset, *l. Si servus 27 §. si quis 21. D. Ad L. Aquil.* E diverso Labeo J. C. eadem verba, *ope-consilio* disjunctim accipiebat, id est, distinguendo consilium ab ope, *l. Sape 53. §. ult. D. De V. S.* ubi ait, aliud factum esse ejus, qui ope, aliud ejus, qui consilio furtum facit. Et hunc videtur secutus Imp. noster *hic §. Interdum in fine:* ut tamen non aliàs furti teneretur, qui consilium dedit furti faciendi, nisi & furtum secutum fuerit: ut etiam nemo ope fecisse videatur, nisi & consilium malignum habuerit, *d. l. Sape in fine.* Illud quoque notandum, non propriam hic furti actionem, sci- licet *ope-consilio*, statuendam esse, ex *d. l. Si servus*, sed formulam dumtaxat, accommodatam furto vel manifesto vel non manifesto, ut & adversus eum furti agi possit, cujus ope-consilio furtum factum fuerit. Nec aliter accipi debent verba Cicer. *lib. 3 Denat. Deor. Inde illa actio.* OPE CONSILIOQUE TVO AIO FVRTVMFACTVM ESSE. Vide Jac. Rævard. *lib. singul. De auctorit. prudent. c. 13.* & Emund. Merill. *ad l. Si quis 20. C. De furt. qua est una ex 50. Decision Iustiniani, quas ille collegit & exposuit.* Bronch. *cent. 4. assert. 73.* Hodie quoque furti tenetur, cujus ope & consilio à furti delicto non remoto, sed proximo, (veluti volenti furari indicando, dominum cum tota sua familia abesse à do-

mo, & sic adesse occasionem furandi) furtum factum est, magis etiam puniendus, si de furto participarit, aut aliter furtum facienti adstiterit, ut ex jure Saxonico notat hic Schultz *lit. L. alleg. Modestin. Pistor. quest. 63. nu. 3. & seqq. p. 3. & Matth Coler. decis. 150. num. 7.*

Nu. 14. in fine.] Jure, quo utimur, quod ad nostri temporis servos, ancillas, mercenarios, ceterosque ministros attinet, in eos utpote homines liberos, furti actionem accusationemque competere certum est. Jul. Clar. §. *Furtum numer. 22.* ubi hujus rei refert præjudicia & exempla, ut ex jure Saxonico Schultz. *hic lit. M.*

Num. 21 in fine.] Ita in Imperio sancivit Constitutione sua criminali *art. 160.* Carolus V. Imp. nimirum tales verberibus vel aliâ poenâ arbitrariâ esse afficiendos. Exempla sunt apud Matth. Coler: *decis. 162. & Tessaur. decis. 61.* ubi meminit sententiâ Senatus quosdam minores adultiores etiam suspendio punitos fuisse: & quædam etiam nobis suppeditat antiquitas. Refert Alianus *Var. hist. lib. 5 cap. 16.* puerum quempiam apud Athenienses, cum laminam auream, quæ ex Dianæ corona deciderat, sustulisset, ac propositis eidem in judicio crepundiis, talis, & laminâ aureâ, iterum se ad aurum convertisset, tamquam sacrilegum plexum fuisse: neque ætati veniam dedisse judices, sed flagitium & scelus vindicasse. Quintil. *Instit. Orat. lib. 5. c. 9.* Nec mihi, inquit, videntur *Areopagita* cum damnaverunt puerum coturnicum oculos eruentem, aliud judicasse, quam id signum esse perniciosissimæ mentis, multisq; malis futura, si adolevisset.

Num. 22. ibi, quàm ad eum pervenit,] Qui poenales actiones, quæ rei persecutionem habent, catenus tantum transeunt ad hæredes, quatenus ad eos pervenit, & nisi lite per defunctum contestatâ, §. *Omnes inf. De perper. & temporal. act.* Poena quippè suum tenet auctorem, non etiam hæredem, l. *Si poena 20. D. De panis, l. Sancimus 22. C. eod. l. Sicuti poena 38. & l. Pupillum 111. §. in hæredem De R. I. Bronch. cent. 4. assert 66* Itaque conditio hæc anomala est, quia licet ex delicto nasci videatur, tamen non tam ex delicto competit, quàm occasione delicti, id est furti, ideoque rei persecutionem habet, non pro parte tantum, quæ ad hæredem pervenit, sed in solidum, etiamsi nihil ille possideat rei furtivæ, §. *ut. h. t. l. Si profuro 7. §. 2. & l. In condictione 9. D. De condict. furt.* Displicuit quidem hæc sententia Jac. Cujacio, non uno in loco, ut *lib. 7. Obser. cap. 37. & lib. 13. cap. 37.* ejusque propugnatori M. à Lyclama l. *Membran. Ecl. 18. & in libris Benedictor. adversus maledicta & Errores Pragmat. passim, ac nominatim lib. 4 cap. 14 & seqq.* verum Ant. Fabro communem Deo, opinionem amplexo, 4. *Coniect. cap. 2.* subsidiarias ulit operas Gasp. Schifordig. *ad eundem Fab lib. 1. tract. 10 & lib. 2. tract. 1* & probant eandem Salic. *in d. l. §. 2. Vult 2. Iurispr. Rom. c. 19. num. 29.* Bronch. cent. 2 assert 39 Ant. Matth. J. C. Ultrajeet. *Comm. De criminib. tit. De furt cap. 4 num. 2.*

Ibid. ibi, majorem meretur poenam] Turpissimum quippè deprehendi in ipso furto & arte furandi: audacisque atque improbi animi videtur furari claro mane, clara luce. Vide Steph. Forcatul. *Neyomani djal. 29. num. 7.* qui ideo quo-

que putat puniri gravius furem manifestum non manifesto, ut domini custodien-
dis suis rebus invigilent diligentius, spe consequendi quadruplum, si furem per-
secuti fuerint & deprehenderint Verum moribus hodiernis neque furem in ma-
nifesto furto deprehensum apprehendere privatâ auctoritate licet, id quod de
Gallorum moribus tradit Bern. Autunnus, *adl. Interdum* 56. D. h. t. neque ul-
la est actio in duplum vel quadruplum, quod & in Legibus civitatis Antwerp, *tit.*
16 art. 2. expressum est: quia hodie extra ordinem ferè agitur, eademque est
pœna furti manifesti & nec manifesti. Nec enim aliò spectat divisio inter furtum
manifestum & nec manifestum sive occultum, puta si fur super furto non occu-
patur, diffametur aut deprehendetur. Imò actiones has videmus adeò esse sub-
latas, ut dominis adversus fures vix rerum suarum persecutio salva sit, nisi conti-
nuò eas fuerint persecuti: ut etiam aliquando non desint ex his, penes quos coër-
ctio est, qui magis oculum adijciant rebus furtivis, quam furibus. D. Mudæus
ad §. ex maleficijs 18 *inf. De action.* Furtique judicium hodie quodammodò pub-
licum factum est & ordinarium, pœna pecuniaria mutata in corporalem.

Ibid. in fine Tit.] Ita de Belgis nostris universum scribit Ant. Matthæus
ad tit. D. De furt. c. 3. in pr. eos non nisi grave furtum, & ut aiunt qualificatum,
capite punire solitos: addens idem placuisse Gallis, Hispanis, Italis, prout & si-
dem faciunt, Chassen. *ad consuet. Burg. rubr. 1. §. 5.* Egum. [Baro *ad h. t. Ar-*
gentr. ad consuet. Britan. art. 582. Gomez *3. Var. resol. 6. §. nu. 4.* Jul. Clar. *5.*
Sens. §. Furtum nu. 8 Germanis verò ha sisse Fridrici Imp. Constitutionem
de suspendendo fure quinque solidorum; quam tamen Carolus V. comitijs Au-
gustæ habitis an. 1530. & 1542 abrogare ausus fuerit, Tum docet, quid sit,
& unde æst metur furtum grave & magnum, nimirum ex qualitatibus & circum-
stantijs personarum, quæ furtum faciunt, rei furto subreptæ, loci, temporis, & ex
modo furandi, ut si effractis ostijs vel claustris introita sint ædes, &c. & utrum ob
unicum & simplex furtum magnum pœna capitis imponi possit, circa quod mores
& statuta locorum variant. Vid. Covarr. *2. Varres. c. 9. nu. 7.* Gomez. *3.*
Var. c. 5 num. 12. Fachin. *9. controv. c. 91.* Gudel. *5. De iure noviss. cap. 19.* Christin.
ad LL. Mechlin. tit. 2. art. 1. Sand. *lib. 5. tit. 9. defn. 9.* Planè circa pœnas fur-
to furibusque infligendas legimus jam olim quoque variatum fuisse, varietate
æstimatum hoc crimen, dixi *sup. nu. 6. in fine.* Nam Leges Draconis, quibus ille fu-
rem, cuiuscumque modi furtum commisisset, supplicio capitis puniendum esse
& alia pleraque nimis severè sanxerat, visas impendio acerbiores, ideoque tacito
illiteratoque Atheniensium consensu fuisse oblitteratas, scribit A. Gellius *lib. xi.*
c. ult. Quomodò & pœna laquei, quæ per Fred. Imp. Constitut. ei, qui rem
quinque solidis æstimatam furatus fuisset, irrogatur, quibusdam videtur impen-
dio acerbior, neque convenire iustitiæ distributivæ, de quo latè Schultz. *hic lit. C.*
& Ant. Math. *ubi sup. c. 2. num. 6.* Lege Mosaica solum hominis furtum morte
plectebatur *Exodi cap. 21.* Cæterarum rerum furta vel dupli, utiquere penes
furem inventâ; vel quadrupli aut quintupli pœnâ vindicabantur, nimirum
rebus furtivis venditis consumptivæ à fure. N. etiam verò furem, effra-

Etorem vel suffocorem impunè licebat occidere, *Exodi cap. 22.* Ab hac lege non longè discesserunt Decemviri Legum XII. Tab. conditores, de quibus Gell. d. loco. De Alexandro Severo scribens Aelius Lamprid. *Severissimus*, inquit, *iudex contra furos; appellans eosdem quotidianorum scelerum reos, & damnans acerrime, ac solos hostes inimicosque vocans.* Addit deinde, detectum fuisse aliquando in furto aliquem, præsentibus patronis, iustumque audiri à Regibus, & re probata damnatum. Cumque quæreretur à Regibus, quid apud eos paterentur fures, illis respondentibus, Crucem; ad eorum responsum in crucem sublatum esse. Moribus denique hodiernis variant quoque pœnæ, secundum id, quo gravius leviusque censetur furtum: veluti in furtis gravioribus pœna ferè est laquei; in levioribus verò fustigationis, cauterii, exilli temporarii vel perpetui, alteriusve animadversionis. Atque ita quidem, ut pro prima vice, id est in primo ac simplici furto deprehensus fur virgis cædatur; pro secunda cæsi dorso stigma seu cauterium imprimatur; pro tertia verò & iteratis vicibus laqueo vitam finiat, quòd talis jam inaequivocabilis habeatur. Weseñb add. h. t. circa fin. Damhoud. in *Praxi rer. criminal. c. 112. num. 28. & seq.* Christin. ad consuet. Mechlin tit. 2. art. 1. per tot. & And. Clud. tract. De condic. furt. cap. 50. & concordat prædicta Imperialis Constitutio art. 161. & seq. quæ tria distincta furta exigit, sin diversis licet territoriis commissa; neque enim Constitutio distinguit: uti nec distinguitur, an puni fuerint priora furta, vel non. Neque enim hic priora furta rursus puniuntur, sed tantum postremum adgravatur, nimirum ut ex illis colligatur furem incorrigibilem factum, nec superesse spem emendationis aut melioris frugis. Cæterum eximit ab hac pœna necessitas extrema famis, c. 3. *De furt. can. Fraternitas XI. qu. 2. & can. Discipulos 29. De consecr. dist. 5.* Quæ & permittit modico usu alienorum se vel sua animalia reficere. Ita enim habet in d. sua Constit. §. fin. Frider. Imp. Quicumque, inquit, per terram transiens equum suum pabulare voluerit, quantum propinquius secundum viam stans in loco amplecti potuerit ad refectionem & respirationem equi sui, impune ipsi equo porrigat. Licitum etiam sit ipsi uti herba & viridi silva, & sine vastatione aliqua quilibet utatur pro sua commoditate & usu necessario. Denique si rupto laqueo fur salvus in terram cadat, an denuò erit suspendendus & suffocandus? Multi negant, quia hoc benignius sit, absolvi eo casu reum quàm condemnari; atque in dubio benigniorem interpretationem præferendam esse, l. 65. D. R. I. Decius ad l. Favorabiliores 148. num. 7. D. De R. I. Boer. decis. 217 num. 18 Tiraq. tract. de pœnis leg. temper. caus. 64. quos sequitur Arum. Exercit 17. thesi. 8. Verum nec pauciores affirmant, Molin. in addit ad Dec d. loco, & ibid. Cagnol Castren. ad l. 3. C. De Episc. audien. ea ratione, quia sententia suum debeat sortiri effectum, pœnaque, ad quam obligatus & damnatus capitali sententia fuit, sit persolvenda.

DE VI BONORVM RAPTORVM.

TITVLVS II.

Qui res alienas rapit, tenetur quidem etiam furti (quis enim magis alienam rem invito domino contrectat, quam qui vi rapit? ideoque rectè dictum est, eum improbum furem esse) sed tamen propriam actionem ejus delicti nomine Prætor introduxit, quæ appellatur *Vi bonorum raptorum*: & est intra annum quadrupli, post annum simpli. Quæ actio utilis est, etiam si quis unam rem, licet minimam, rapuerit. Quadruplum autem non totum pœna est, sicut in actione furti manifesti diximus, sed in quadruplo inest & rei persecutio: ut pœna tripli sit, siue comprehendatur raptor in ipso delicto, siue non. Ridiculum enim esset, levioris conditionis esse eum, qui vi rapit, quam qui clam amovet.

1. Ita tamen competit hæc actio, si dolo malo quis rapuerit. Nam qui aliquo errore ductus, rem suam esse existimans, imprudens juris, eo animo rapuerit, quasi domino liceat etiam per vim rem suam auferre à possessoribus, absolvi debet. Cui scilicet conveniens est, nec furti teneri eum, qui eodem hoc animo rapuit. Sed ne dum talia excogitantur, inveniatur via, per quam raptores impune suam exerceant avaritiam, melius Divalibus Constitutionibus pro hac parte prospectum est, ut nemini liceat vi rapere vel rem mobilem, vel te moventem, licet suam eandem rem existimet: sed si quis contra statuta Principum fecerit, rei quidem suæ dominio cadere; sin autem aliena res sit, post restitutionem ejus, etiam restitutionem ejusdem rei præstare. Quod non solum in mobilibus rebus, quæ rapi possunt, constitutiones obtinere censuerunt, sed etiam in invasionibus, quæ circa res soli fiunt, ut ex hac causa ab omni rapina homines abstineant.

2. Sanè in hac actione non utique expectatur, rem in bonis actoris esse: nam siue in bonis sit, siue non, si tamen ex bonis sit, locum hæc actio habebit. Quare siue locata, siue commodata, siue etiam pignorata, siue deposita sit res apud Titium, sic ut intersit ejus, eam rem per vim non auferri: veluti si in deposita re culpam quoque promissit) siue bona fide possideat, siue usufructum quis habeat in ea, vel quid aliud juris, ut intersit ejus non rapi: dicendum est, ei competere hanc actionem, non ut dominium accipiat, sed illud solum, quod ex bonis ejus, qui rapinam passus est, id est, quod ex substantia ejus ablatum esse proponatur. Et generaliter dicendum est, ex quibus causis furti actio competit in re clam facta, ex eisdem causis omnes habere hanc actionem,

COMMENTARIUS.

S U M M A R I A.

1. Rapina qui sit, & in quibus simili furto.
2. Rapina an levius puniatur quam furtum.
3. Actionis pratoria in quadruplum utilitas in quo consistat.
4. Rapina dolo malo committitur.
5. Pœna per errorem rapientis rem alienam, vel etiam suam alteri.
6. Actio rapina quibus detur.

1. **S**ecunda species delictorum privatorum VIOLENTA REI ALIENÆ CONTRECTATIO, LUCRI FACIENDI ANIMO, quæ dicitur VIS BONORUM RAPTORUM, specie distincta à FURTO, propter violentiam, quam continet cum furtum violentiam non contineat, l. 2. §. si in re D. h. t. (a) Furto tamen in plerisque non absimilis, cum sit rei mobilis; lucrandi animum contineat; pœnam adiunctam in quadruplum habeat à Prætoris iniunctam: quæ quia pœnalis annum non excedit, text. hic in pr. post cuius lapsum ad simplum tantum est actio.

§. Quadruplum autem.

2. **Q**uadruplum in furto totum est pœna, hoc verò in maleficio sub eo res continetur: ut videri posset levius puniri vim bonorum raptorum quam furtum, quo tamen continet gravius crimen, cum vis aperta gravior sit fraude, (b) Sed licet hæc prætoris pœna possit videri levior, maxime cum intra annum sit intentanda, est tamen in eo æqualitas, quod & furti in quadruplum agi possit contra raptorem, ut patet ex l. Si vendidero 80. §. cum raptor D. De furtis, ubi dicitur raptor esse fur manifestus; & in pr. h. t. & in l. 2. §. 10. D. eod. esse fur improbus, fur improbius, ut furti manifesti pœna plectendus sit. (c) * Nec potest videri supervacanea pœna prætoris, quia videtur inducta in casum, quo vis non est manifesta: quo casu & furti nec manifesti est actio, per quam prius intentata non impeditur actor vi bonorum raptorum agere, ut consequatur id quod in ea est amplius, l. 1. D. h. t. Est præterea actio criminalis de vi privata, l. 3. D. De vi pri-
vata.

§. Quia tamen.

VTi furtum requiritur dolus, hoc est, quod alienam rem usurpans putet dominum invitum esse, ita & hic oportet dolo malo quempiam rapuisse. 4
 Nam error, quo quis putat sibi licere rem suam possessori eripere, extradolum ponit reum, & proinde non obnoxium huic actioni. * Ne tamen contingat hoc modo illud legibus, voluit Imp. hanc rem impunitam non esse; statuitque, ut in dicto casu, si res verè raptoris fuerit, is dominio ejus cadat; si aliena, & eam restituat, & passo vim superaddat æstimationem, *text. hic.* Quod obtinet non tantum in raptore mobilium, sed & in viatore immobilium; nam & in injustam invasionem conceptum hoc decretum, *l. si quis in tantum 7. C. Unde vi. (d)*
 Raptus virginum quam pœnam habeat, dicitur *inf. tit. fin.*

§. Sane in hac actione

VT furti actio non tantum domino datur, sed omnibus, quorum interest rem esse salvam, quatenus tamen ex bonis eorum fuerit, ut quia locata, com- 6
 modata, pignori data, deposita, secundum ea quæ dicta sunt Tit. superiori §. furti actio.

ADDITIONES V. A D.

Nu 1 ibi, *l. 2. §. si in re D. h. t.* Vim hanc vulgo interpretes vocant ablativam sive auferentem; & vim constituunt quintuplicem, Expulsivam in rebus soli obtinet, dum eas alius invadit & occupat, daturque eo nomine interdictum *Unde vi.* compellens vis est, dum quis compellit alium quid dare, facere, promittere competit actio *Quod metus causa:* Vis turbativa seu turbans turbatae possessionis, dum de possessione aut quasi possessione inter aliquos contenditur; quo casu competunt interdicta, ad res quidem mobiles interdictum *Virubi*, ad immobiles verò *Vti possidentis* inquit in sua possessione; & tunc datur interdictum *Quod vi aut clam:* Vis auferens sive rapiens est, cum quis ab invito aufert & rapit, de qua h. t. & eod. in D. ac Cod. Et hic nascitur actio *vi bonorum raptorum*, & publici iudicii lex *Iulia de vi.*

Nu 2: ibi, (gravior sit fraude:) Quasi præsumat lex, pauciores illos fore, qui res alienas raperent, ob paratam defensionem possidentis, quam qui rem absentis ignoratisque domini contrectare auderent. Alciat: in *l. Marcellus*: D. De V. S. Rainald: Corfus *Indagat iur. l. 1. cap. 5.* Imo e contra gravius puniri;

puniri raptorem quàm furem vel inde quoque patet, quòd pœnam tripli semper incurrat raptor, sive manifestus & deprehensus in ipso delicto, sive nec manifestus; neque tamen sic excludi pœnam quadrupli, si deprehensus raptor furti manifesti reum se faciat, ut hic quoque notat D. Zoef.

Ibid. in fine.] Moribus hodiernis rapinâ ad publica crimina refertur, ac raptores criminaliter puniuntur, & quidem violenti publici iudicii pœnam subeunt, idque extra ordinem, non uno supplicij genere, pro cuiusque regionis consuetudine, & qualitate delicti, ex Constitut. crim. Caroli V. Imp. art. 126. In tabulis Legum Ducatus Brab. an. 1312, statuitur, ut qui incendium, rapinam, concussionem fecerit, mortis pœnâ plectatur. Ufusque passim habet, ut incendarij igne pereant, raptores suspensio vitam finiant. Zyp. Not. iur. Belg. lib. 9. tit. De raptori. & incend.

Nu. 5. ibi, l. si quis in tantum 7. C. Unde vi.] Quæ lex sive Constitutio recepta quidem in imperio, ut constat ex Ordinat. Camerae an. 1521. eam tamen non servari in Gallia scribit Specul. cit. De restit. spoliat. §. 1. vers. item quidam dicunt, quem laudat Guilielmus Benedictus. ad c. Raynuntius in verb. Si absque lib. moreretur 2. §. Sexta substitutio nu. 148 Imbert. in Enchir. iur. Gall. V. pœna pecuniaria explosa: uti neque apud nos observari aut usitari, Christin. decis. 15. nu. 10 vol. 3. Verum invasorem pro iudicis nutu plecti multâ pecuniariâ, quæ damno ex spoliatione accepto sarciendo par sit, applicanda fisco & parti. In Hispania quoque, adeoque totius orbis christiani consensu, usum eiusdem Constitutionis antiquatum & abrogatum esse testatur Covarr. 3. Var. resol. c. 16. nu. 7. & Sarmient. 2. Select. Interpret. c. 13 num. 7. Contra Joan. Gutierrez Pract. quæst. lib. 1. qu. 77. censet in praxi dispositione dictæ legis omninò servandam, neque solo non usu legis abrogari: ut & Menoch. Recuper. posses. rem 9. nu. 1. qui dictum remedium l. si quis in tantum scribit legibus municipalibus in Italia passim comprobari; & licet multi eo non utantur, non tamen inde fieri ut ceteri ut, non possint.

DE LEGE AQVILIA.

TITVLVS. III.

DAmni iniuria actio constituitur per Legem Aquiliam: cuius primo capite cautum est, ut si quis alienum hominem, alenive quadrupedem, quæ pecudum numero sit, iniuria occiderit, quanti ea res in eo anno plurimi fuerit, tantum domino dare damnetur.

1. Quod autem non præcise de quadrupede, sed de ea tantum, quæ pecudum numero est, cavetur, eò pertinet, ut neque de feris bestiis, neque de canibus cau-

cantum esse intelligamus: sed de ijs tantum, quæ gregatim propriè pasci dicuntur quales sunt equi, muli, asini, oves, boves, capræ. De suis quoque idem placuit. Nam & suis pecudum appellatione continentur, qui & hi gregatim pascuntur. Sic denique & Homerus in *Odyssæa* ait (sicut *Ælius Martianus* in suis Institutionibus refert)

Δῆες τόνγε σύεσσι παρήμενον οἱ δὲ νέμοντες,
 Παρ' Κόραχ' ἐπὶ πέτρῃ ἐπὶ τε κρήνῃ Ἀρεθῶν, id est,
Secundum videas. qui errant per pascua, porcos.
Ad Coracis saxum, iuxta fontemque Arethusam,

2. Iniuriâ autem occidere intelligitur, qui nullo jure occidit. Itaque qui latronem insidiatorem occiderit, non tenetur, utique si aliter periculum effugere non potest.

3. Ac nec is quidem hac lege tenetur, qui casu occidit, si modo culpa eius nulla inveniatur: nam alioqui non minùs ex dolo quam ex culpa quisque hac lege tenetur.

4. Itaque si quis jaculis ludit, vel exerceatur, transeuntem servum trajecerit, distinguitur. Nam si id à milite in eo campo, ubi solitum est exercitari, admissum est, nulla culpa eius intelligitur: si alius tale quid admiserit, culpæ reus est. Idem juris de milite, si in alio loco, quam qui ad exercitandum militibus destinatus est, id admiserit.

5. Item si putator ex arbore dejecto ramo servum tuum transeuntem occiderit: si prope viam publicam, aut vicinalem id factum est, neque proclamavit, ut casus evitari posse, culpæ reus est: sed si proclamavit, nec ille curavit præcavere, extra culpam est putator. Equè extra culpam esse intelligitur, si seorsum à via fortè, vel medio fundo cadebat, licet non proclamavit, quia in eo loco nulli extraneo jus fuerat versandi.

6. Præterea, si medicus, qui servum tuum secuit, dereliquerit curationem eius & ob id mortuus fuerit servus, culpæ reus erit.

7. Imperitia quoque culpæ adnumeratur: veluti si medicus ideo servum tuum occiderit, quia malè eum secuerit, aut perperam ei medicamentum dederit.

8. Impetu quoque mularum, quas mulio propter imperitiam retinere non potuit, si servus tuus oppressus fuerit, culpæ reus est mulio. Sed si & propter infirmitatem eas retinere non potuerit, cum alius firmior eas retinere potuisset, quæ culpæ tenetur. Eadem placuerunt de eo quoque, qui cum equo veheretur, impetum eius aut propter infirmitatem, aut propter imperitiam suam retinere non potuerit.

9. His autem verbis Legis, *quanti id eo in anno plurimi fuerit*, illa sententia exprimitur: ut si quis hominem tuum, qui hodie claudus, aut mancus, aut luscus erit, occiderit, qui in eo anno integer, aut pretiosus fuerit, non tanti teneatur quanti hodie erit, sed quanti in eo anno plurimi fuerit. Quæ ratione creditum est, poenalem esse huius legis actionem: quia non solum tanti quisque obli-

gatur, quantum damni dederit, sed aliquando longè pluris. Ideoque constat in hæredem eam actionem non transire: quæ transitura fuisset, si ultra damnum numquam lis æstimaretur.

10. Illud non ex verbis legis, sed ex interpretatione placuit, non solum perempti corporis æstimationem habendam esse, secundum ea, quæ diximus, sed eo amplius, quicquid præterea, perempto eo corpore, damni vobis illatum fuerit: veluti si servum tuum hæredem ab aliquo institutum ante quis occiderit, quam is iussu tuo hæreditatem adierit. Nam hæreditatis quoque amissæ rationem esse habendam constat. Item si ex parimularum unam, vel ex quadrigis equorum unum quis occiderit, vel ex comædis unus servus occisus fuerit: non solum occisi sit æstimatio, sed eo amplius, id quoque competatur, quanti depretiati sunt, qui supersunt.

11. Liberum autem est ei, cujus servus occisus fuerit, & ex iudicio privato Legis Aquiliæ damnum persequi, & capitalis criminis eum reum facere.

12. Caput secundum Legis Aquiliæ in usu non est.

13. Capite tertio de omni cætero damno cavetur. Itaque si quis servum vel eam quadrupedem, quæ pecudum numero est, vulneraverit; si eam quadrupedem quæ pecudum numero non est, veluti canem aut feram bestiam, vulneraverit, aut occiderit: hoc capite actio constituitur. In cæteris quoque omnibus animalibus, item in omnibus rebus, quæ animæ carent, damnum per injuriam datum hæc parte vindicatur. Si quidem enim ustum, aut ruptum, aut fractum fuerit, actio ex hoc capite constituitur: quamquam poterat sola rupti appellatio in omnes istas causas sufficere. Ruptum enim intelligitur, quod quoquo modo corruptum est. Unde non solum fracta, aut usta, sed etiam scissa, & collisa, & effusa, & quoquo modo perempta atque deteriora facta, hoc verbo continentur. Denique responsum est, si quis in alienum vinum aut oleum id miscuerit, quo naturalis bonitas vini aut olei corrumperetur, ex hac parte Legis Aquiliæ eum teneri.

14. Illud palam est, sicut ex primo capite ita demum quisque tenetur, si dolo aut culpâ ejus homo aut quadrupes occisus occisus fuerit: ita ex hoc capite, de dolo, aut culpa, & de cætero damno quemque teneri. Ex hoc tamen capite non quanti in eo anno, sed quanti in diebus triginta proximis res fuerit, obligatur is, qui damnum dederit.

15. At nec *plurimi* quidem verbum adjicitur. Sed Sabino rectè placuit, perinde habendam æstimationem, ac si etiam hac parte *plurimi* verbum adjectum fuisset. Nam plebem Romanam, quæ Aquilio tribuno interrogante hanc legem tulit, contentam fuisse, quod primâ parte eo verbo usâ esset.

16. Cæterum placuit, ita demum directam ex hac Lege actionem esse, si quis præcipue corpore suo damnum dederit. Ideoque in eum, qui alio modo damnum dederit, utiles actiones dari solent: vel si quis hominem alienum, aut pecus ita incluserit, ut fame necaretur: aut jumentum ita vehementer egerit, ut rumperetur; aut pecus in tantum exagitaverit, ut præcipitaretur; aut si quis alieno servo persuaserit, ut in arborem alienam cret, & is ascendendo, vel descendendo, aut

mortuus

mortuus aut aliqua parte corporis læsus fuerit, utilis actio in eum datur. Sed si quis alienum servum aut de ponte aut de ripa in flumen deiecerit, & is suffocatus fuerit; eò quod projecit, corpore suo damnum dedisse, non difficulter intelligi potest: ideoque ipsa lege Aquilia tenetur. Sed si non corpore damnum fuerit datum, neque corpus læsum fuerit, sed alio modo alicui damnum contigerit, cum non sufficiat, neque directa, neque utilis Legis Aquiliæ actio, placuit eum, qui obnoxius fuerit, in factum actione teneri: velut si quis misericordia ductus alienum servum compeditum solverit, ut fugeret.

COMMENTARIUS.

S U M M A R I A.

1. Capite primo huius Legis quid cautum fuerit.
2. Damnum in committendo vindicatur hac lege.
3. An & in omittendo?
4. Non tenentur hac lege impubres & furiosi.
5. Damnum casu datum non punitur hac lege.
6. Pœna L. Aquilia ex primo capite.
7. Venit & in hanc legem quicquid ratione corporis occisi abest damnum passio.
8. Dolo servum occidens tenetur & actione criminali ex L. Cornelia.
9. Secundum caput L. Aquilia quodnam fuerit.
10. Caput tertium, eiusque pœna.
11. Alio triplex damni dati nomine competens, directa, utilis, in factum.

Tertia species est DAMNUM INIURIÆ, sive INIURIA DATUM, quod vindicatur per L. Aquiliam, ita ab auctore Aquilio Tribuno plebis dictam. (a) Tria olim ejus fuerunt capita. Primo cautum de DAMNO DATO PER CÆDEM ALIENI HOMINIS, id est SERVI. (Liberi hominis nulla est æstimatio, uti nec membrorum ejus, qui tamen utili actione quod abest consequetur, l. Liber 13. D. h. t.) (b) AUT QUADRUPEDIS, quæ pecudis est numero, uti sunt eæ, quæ simul pascuntur, ut boves, oves, capræ, equi, asini, muli, fues, text. hic. Cujus ratio est, quod maximè serviant rei familiari. Hujus pœna est, ut quanti cætes eo in anno plurimi fuerit, tantum domino dare damnetur reus. Distinguitur in eo hac actio à furto, quod domino tantum detur, cum furti etiam agat is, cujus interest.

§. Iniuria autem occidere.

- 2 **N**on omne damnum ponit hoc delictum, nec omne hac lege vindicatur, sed illud tantum, cui iniuria causam dedit, veluti occidendo per dolum aut culpam etiam levissimam, l. 1. in l. Aquilia 44 §. 3. D. h. t. saltem in committendo. (c) * Per culpam in omittendo volunt aliqui non directâ, sed utili tantum
- 3 teneri. Alij vero neutram dari adserunt, per l. Si usus fructus §. de præteritis vers. denique D. De usufruct. ubi dicitur non competere Aquilia propter culpam in omittendo, de qua textus ibi agit, cuius generalitas non rectè restringitur ad utilem actionem. Facit ratio, quod gravior sit culpa in committendo, quam in omittendo. (d) * Hinc non tenetur hac lege, qui culpam committere nequeunt,
- 4 uti impubres, furiosi, text. hic & l. 5. §. & ideo D. eod. Vti nec illi, qui, magna vi cogente, damnum dederunt, veluti in justam sui defensionem insidiatorem occidendo: culpæ enim adscribi nequit vis major, nec quæ licita jure naturæ sui defensionis, l. 3. D. De iust. & iure, l. 5. in pr. & l. Scientiam 45. §. 4. D. h. t. nisi appareat non servatos limites inculpatæ tutelæ. Vnde qui aliter evadere periculum potuit, occidendo hac lege tenetur, quod ulciscendi magis quam defendendise
- 5 causa occiderit, d. l. Scientiam §. qui cum aliter D. h. t. (e) * Casu damnum datum ut extra culpam est, ita & extra pœnam, quæ culpam præsupponit: nisi tamen casum culpa præcesserit, quæ faceret lege Aquiliâ reum teneri, ne culpa sit impunita, text. hic, uti ostendunt exempla sequentibus §§. usque ad §. his autem contenta, quæ expositione magna non indigent. (f)

§. His autem verbis.

- 6 **P**rimum Legis Aquiliæ caput eam continet pœnam, ut quanti res ea plurimi fuit toto anno retrò, in tantum damnetur reus, etiamsi tempore occisionis servus nullius fuerit pretij, intra annum autem retrò valuerit viginti. Vnde constat, pœnalem hanc esse actionem, quod plus præstandum veniat quam abest; & ad hæredem non transire ut talem, text. hic vers. quæ ratione, secundum ea, quæ dicuntur infra sit 12. (g)

§. Illud autem.

- 7 **V**ltra æstimationem corporis, circa quod damnum datum, venit etiam præstandum quidquid eo nomine proxime abest: veluti si servus hæres institutus ante aditionem occidatur; facit enim ex des ut absit domino hæreditas, d. l. Inde Neratius 23. D. eod. si comædorum unius ex des, aut unius biga vel quadriga equorum alios reddiderit viliores, text. hic, ne facto

terius damnum aliquod alteri contingat. Dico, proximè, nam quod remotè abest, ejus non solet haberi ratio, quia incertum sit. Interesse affectionis hic non inspicitur, cum non ponat verum damnum, l. Si servum 33. D. eod. l. pretia rerum 53. D. Ad L. Falcid.

§. Liberum autem.

Non civili tantum, Ex PRIVATO JUDICIO L. AQUILIAE, sed & criminali actione peti reus potest, si dolo servum occiderit, quem lex Cornelia desiderat, d. l. 23. §. si dolo. Quæ & rectè intentatur post civilem propositam d. §. si dolo, cum utraque ad diversa tendat: prior ista ad id, quod privatim abest, altera verò ad vindictam publicam; unde & una alteram non consumit, nec potest dici idem bis peti. Non obstat, quod dicitur in l. Interdum 4. D. De publ. iud. præjudicium fieri publico per actionem L. Aquilia & similem; hoc enim non quasi privato proposito publicum cesset, quod facilius & expeditius publicum procedat. Ut præjudicium fieri sit, ex judicio civili, quod prius finitum, sumi exemplum & argumentum, quod iudices in criminali sequantur, non etiam impedire actionem criminalem. (h)

§. Caput secundum.

Aquilæ Legis secundum caput obscurum est, & evanuit. Eo volunt cautum fuisse de servitutibus, quarum usu contra consuetum modum damnum datum. 9
* Tertium caput loquitur de OMNI RELIQUO DAMNO, præter cædem servi aut quadrupedis, quæ est loco pecudis, IN QUAMVIS ALIAM REM QUOVIS MODO DATO, VULNERANDO, URENDO, SCINDENDO, COLLIDENDO, MISCENDO, sexæ hic & l. Si servus 23. §. tertio autem cum seqq. D. eod. (i) Quatenus dolus aut culpa ei causam dedit, §. illud palam inf. eod. Pœna hujus capitis levior est quam primi, cum levior sit culpa, cui pœna commensuranda. Venit enim tantum præstandum, quanti ea res plurimi fuit XXX. diebus retrò à damno dato, §. ex hoc tamen capite inf. eod.

§. Cæterum.

TRiplex nomine damni dati dicitur hic actio esse, pro vario maleficii hujus modo. Nam vel corpore corpus est læsum, & datur DIRECTA, ex verbis L. Aquilæ, quæ in eum casum concepta. Vel corpus quidem læsum est sed sine corpore, ut si quis suadeat servo, ut arborem ascendat, imputeum descendat, qui cadens læsus est: eritque actio UTILIS, propterea quod verba quidem huic casui non corresponsdeant, legis tamen mens concurrat, quo casu utili actioni solet esse locus. Vel denique nulla contigit corporis læsio, veluti quando quis

do quis dissolvit servum vinctum, qui aufugit: & cessantibus verbis ac mente legis, ex Lege Aquilia actio esse non potest; IN FACTUM tamen datur à Prætorè subsidiaria, ne quis temerè & impunè alteri sit causa damni, quod non fert aquitas. (k)

ADDITIONES V. A. D.

Nu. 1. ibi; Trib. plebis dictam.] Damnum autem iniuriæ, sive damnum iniuriæ, ut communiter Jurisconsulti loquuntur, rectè hic coniuncta sunt. Nam & Quintil. Declam. 13. quæ versatur in genere actionis damni iniuriæ datæ, in duas questiones dividit causam, an damnum sit, & an iniuriæ datum. Damnum enim iniuriæ sive iniuriæ nihil aliud est quam damnum per iniuriam datum: estque damnum patrimonii, sive rerum, quo scilicet citra contumeliam personæ alicuius notum est alteri in rebus suis, idque iniuriæ, id est, vel dolo vel culpa facientis, l. Sed et si §. 1. D. h. t. & l. 1. in pr. D. De iniur.

Ibid. ibi, l. Liber 1. D. h. t.] Atque ita, libero homine occiso, saltem utiliter ex L. Aquilia agere poterunt hæredes, non quidem ad abstinationem corporis occisi, sed ad impendia in Medicos ac Chirurgos facta, & ad lucrum propter eandem interversum, damnumve datum. Wesenb. D. h. t. nu. 7. Quod ipsum etiam dicendum homine libero non occiso, sed tantum vulnerato, l. 3. D. Si quadr. paup. fec. dic. & l. illi. D. De his qui effud. vel deiec.

Nu. 2. in fine.] Ita Glos. & Dd. omnes generaliter fatentur, si utique culpa est in faciendo. Ac propterea verba text. §. 3. h. t. ita invertenda esse putat Arn. Baertr. tract. De eo quod interest nu. 87. non minus ex culpa (nominè culpæ generaliter accepto, ut etiam levissima veniat) quam ex dolo quemque hoc lege teneri Sed multum errant, inquit Molin. tract. De eo quod interest nu. 202. Sequitur enim, quod ferè ubicumque quis ex vi contractus non tenetur de levissima, vel nec etiam de levi, sed solum de lata, teneretur tamen L. Aquiliæ etiam de levissima, quod est absurdum. At ego dico (inquit) quod dicta l. In L. Aquilia non debet capi pro regula universali, nec generaliter, sed solum pro capacitate actionis, videl. quod actio L. Aquiliæ competere potest ob levissimam culpam dummodo tamen materia subiecta sit ad hoc disposita. Secus in casu, in quo alias non teneretur quis nisi de lata vel levi, quia tunc nulla actione tenetur de minori culpa etiam in faciendo. Hæc ille.

Nu. 3. in fine.] Et hoc est, quod hic dicitur, venire damnum per imperitiam datum, id est, commissum factumque, non autem illud, quod per nostram negligentiam solum contigit. Salic. in l. 1. C. eod.

Nu. 4. in fine.] Consistit verò hoc inculpatæ tutelæ moderamen in his tribus causis, modo, & tempore: in causa, ut ea iusta sit, iniusta verò insultatio invasiva; in modo, ut inter defensionem & offensionem sit iustum aequilibrium, proportio & paritas; in tempore, ut scil. defensio non ex intervallo, sed incontinenti in ipsa concertatione ac congressu fiat. Quæ omni rationibus ab questionibus variis illustrat Schud. hic lit. F. & Matth. B. in l. p. 4. c. 12. 12.

Nu. 8. in fine.] Porro ut ab uno iudicio ad aliud redire possis, refert non nihil, qualis fuerit prioris litis eventus. Nam sententiâ condemnatoriâ in priori iudicio latâ, rectius procedetur in altero iudicio, ubi & probationes in priori factæ poterunt sufficere interdum, ut si prius criminaliter fuerit actum, ubi probationes requiruntur clarissimæ. Absolutio non nocet, nisi ex eo capite contigerit absolutio, quod non fuerit commissum delictum. In dubio enim videtur ex eo potius capite contingere, quia non probatum.

Nu. 10 ibi, § *illud palam inf. eod.*] Quomodo canem, à quo invaditur, occidens Lege Aquiliâ non tenetur; quia culpa in dominum reciprocatur, qui ipse iustus tenebatur, vinctum canem non retinendo, l. 1. §. *Sed si canis* & l. 2. D. *Si quadrupes paup. fecisse dic.*

Nu. 11. in fine.) Occasione eius, quod hic exemplo loco positum de eo, qui misericordia ductus, id est, solâ humanitatis ratione & commiseratione, servum alienum vinctum solverit, cum tamen sciret futurum, ut fugeret, docet hic Angel. monendos esse carcerum custodes, ne quid nimium sint misericordes erga eos, qui ob ars alienum custodiuntur. Nam alleviata captivitas, neglectaque custodia cederet eis in damnum solvendi debiti. Pertinent huc quoque, quæ tradit Jafon. in l. 3. §. *Prætor D. Ne quis eum qui in ius vocat* quod videl. si quis debitorem meum occultaverit, ne comprehendi possit, vel ad fugam instruxerit, eum quidem mihi teneri ad id quod mea inter est, id est ad persolvendum debitum. Quod & ipsum Constitutione Caroli V. Imp. extensum est ad eos, qui res eorum, qui fugiunt, conservant, custodiuntque, ut sit expeditior fuga, nisi iudicibus indicent, quas res se susceperint.

DE INIURIA.

TITVLVS. IV.

Generaliter Iniuria dicitur omne, quod non jure fit; specialiter, aliâs Contumelia, quæ à contemnendo dicta est, quam Græci ὕβρις appellant: aliâs Culpa, quam Græci ἀδίκημα dicunt, sicut in lege Aquiliâ damnum iniuriâ datû accipitur: aliâs iniquitas & iniustitia, quam Græci ἀνομία & ἀδικία vocant. Cum enim Prætor vel iudex non jure contra quem pronuntiat, injuriam accepisse dicitur.

1. Injuria autem committitur non solum cum quis pugno pulsatus, aut fistibus cæsus, vel etiam verberatus erit: sed & si cui convitium factum fuerit, sive cujus bona quasi debitoris, qui nihil deberet, possessa fuerint ab eo, qui intelligebat nihil eum sibi debere: vel si quis ad infamiam alicuius libellum, aut carmen, aut historiam scripserit, composuerit, ediderit, dolove fecerit

fecerit, quo quid eorum fieret: sive quis matrem familias, aut prætextatam, prætextatamve adfectatus fuerit: sive cujus pudicitia attentata esse dicetur: & denique aliis plurimis modis admitti injuriam manifestum est.

2. Patitur autem quis injuriam non solum per semetipsum, sed etiam per liberos suos, quos in potestate habet: itemque per uxorem suam. Id enim magis prævaluit. Itaque si filix alicujus, quæ Titio nupta est, injuriam feceris, non solum filix nomine tecum injuriarum agi potest, sed etiam patris quoque & mariti nomine. Contrà autem, si viro iniuria facta sit, uxor injuriarum agere non potest. Defendi enim uxores à viris, non viros ab uxoribus, æquum est. Sed & socer nurus nomine, cuius vir in eius potestate est, injuriarum agere potest.

3. Servis autem ipsis quidem nulla iniuria fieri intelligitur, sed domino per eos fieri videtur, non tamen iisdem modis, quibus etiam per liberos & uxores: sed ita, cum quid atrocius commissum fuerit, & quod aperte ad contumeliam domini respicit: veluti si quis alienum servum atrociter verberaverit, & in hunc casum actio proponitur. At si quis servo convitium fecerit, vel pugno eum percusserit, nulla in eum actio domino competit.

4. Si cum communi servo iniuria facta sit, æquum est, non pro eà parte, quâ dominus quisque est, æstimationem iniuriæ fieri, sed ex dominorum persona, quia ipsis fit iniuria.

5. Quod si ususfructus in servo Titij est, proprietas Mævii, magis Mævio iniuria fieri intelligitur.

6. Sed si libero homini, qui tibi bona fide servit, iniuria facta sit, nulla tibi actio dabitur, sed suo nomine is experiri poterit: nisi in contumeliam tuam pulsatus sit, tunc enim competit & tibi injuriarum actio. Idem ergo est & in servo alieno bona fide tibi serviente, ut toties admittatur injuriarum actio, quoties in tuam contumeliam iniuria ei facta sit.

7. Poena autem injuriarum ex Lege duodecim Tabularum propter membrum quidem raptum talio erat: propter os verò fractum nummaria poenæ erant constitutæ, quasi in magnâ veterum paupertate. Sed postea Prætores permittebant ipsis, qui injuriam passi sunt, eam æstimare, ut iudex vel tantireum condemnaret, quanti injuriam passus æstimaverit, vel minoris, prout ei visum fuerit. Sed poena quidem iniuriæ, quæ ex lege XII. Tabularum introducta est, in de uetudinem abiit: quam autem Prætores introduxerunt (quæ etiam honoraria appellatur) in judiciis frequentatur. Nam secundum gradum dignitatis, vitæque honestatem, crescit aut minuitur æstimatio iniuriæ: qui gradus condemnationis, & in servili persona non immerito servatur, ut aliud in servo actore, aliud in mediæ actus homine, aliud in vilissimo vel compedito jus æstimationis constituitur.

8. Sed & lex Cornelia de iniuriis loquitur, & injuriarum actionem introduxit, quæ competit ob eam rem, quod se pulsatum quis, verberatumve, vel domum suam vi introitam esse dicat. Domum autem accipimus, sive in

propria domo quis habitet, sive in conductâ, sive gratis, sive hospitio receptus sit.

9. Atrox injuria æstimatur vel ex facto, veluti si quis ab alio vulneratus sit, vel fustibus cæsus: vel ex loco, veluti si cui in theatro, vel in foro, vel conspectu Prætoris injuria facta sit: vel ex persona, veluti si Magistratus injuriam passus fuerit, vel si Senatori ab humili persone injuria facta sit, aut parenti patronove fiat à liberis vel libertis. Aliter enim senatoris & parentis patronique, aliter extranei & humilis personæ injuria æstimatur. Nonnumquam & locus vulneris atrocem injuriam facit, veluti si in oculo quis percussus fuerit. Parvi autem refert, utrum patrifamilias, an filiofamilias talis iniuria facta sit; nam & hæc atrox iniuria æstimabitur.

10. In summa sciendum est, de omni injuria eum, qui passus est, posse vel criminaliter agere, vel civiliter. Et si quidem civiliter agitur, æstimatione factâ, secundum quod dictum est, pœna reo imponitur. Sin autem criminaliter, officio judicis extraordinaria pœna reo irrogatur: hoc videlicet observando, quod Zenoniana constitutio introduxit, ut viri illustres, quique super eos sunt, & procuratores possint actionem iniuriarum criminaliter vel persequi vel suscipere, secundum eius tenorem, qui ex ipsâ manifestius apparet.

11. Non solum autem is iniuriarum tenetur, qui fecit injuriam, id est qui percussit: verum ille quoque tenetur, qui dolo fecit injuriam, vel qui procuravit, ut cui mala pugno percuteretur.

12. Hæc actio dissimulatione aboletur, & ideo si quis injuriam, dereliquerit, hoc est, statim passus ad animum suum non revocaverit, postea ex pœnitentia remissam injuriam non poterit recolare,

COMMENTARIUS.

S U M M A R I A.

1. *Iniuria quid*
2. *Vnde æstimetur, & qui injuriam facere dicantur.*
3. *An & quatenus excuset alterius iniurantem.*
4. *An & ira vebemens.*
5. *An presatio honoris, salvâ gratiâ, aut salvo honore?*
6. *Obiectum alicui, sui defendendi causâ, an pertineat ad injuriam.*
7. *Veritas convitiis an & quando excuset iniurantem.*
8. *Pœnitentia non tollit injuriam.*
9. *Ut neque error percutientis Titium quem putabat Mævium.*
10. *Iniuriam per quos patet quis dicatur, & qui tunc iniuriarum agant.*

11. An & quatenus per servos domini.
12. Pœna ex L. xij. Tabb. est talionis.
13. Iure pratorio iniuriam passus eam æstimat, taxandam de iudicio iudicis.
14. Est & ex L. Cornelia actio.
15. Atrocem iniuriam qua faciant.
16. Iniuria etiam criminaliter & in casu libelli famoſi pœnâ capitali vindicatur.
17. Actio iniuriarum an per procuratorem institui possit.
18. Tollitur hac actio morte, & actoris, & rei.
19. Remissione, tum expressa.
20. Tum etiam tacita, ac dissimulatione.
21. Item relatione iniuria.

Quartam delicti privati speciem ponit INIURIA, quæ generaliter omne id significat, quod non jure fit: hic pro contumelia ponitur, quod fiat in contemptum alterius, (a)

§. Iniuria.

EX animo facientis æstimatur injuria, uti & cætera delicta. l. 3. §. 1. D. cod. 2. Ut injurium non faciat furiosus, impubes, qui doli capax non est, quia carent affectu, d. l. 3. Paul. 5. Sent. tit. 4. * Quo modo & ebrium excusari volunt saltem in levioribus, si pœniteat, discussâ vinolentiâ, cum non tam ex proposito quam impetu delinquat, l. Perſpicendum 11. §. delinquent D. De pœnis. In atrocioribus censent mitigandam potiùs pœnam, quàm remittendam. Covarr. Clem. Si furi sus p. 3. in pr. nu. 3. Clarus §. qu. 60. * Vehementem iram excusare 4 sunt qui volunt, per l. Quid vid. 48. D. De R. I. quod tamen non consonat l. Si non convitiij 5. C. b. t. ubi animum convitiij abfuisse probare debet reus, qui ex facto ipso præsumitur, d. l. 5. & l. 1. C. de sicarijs. (b) * De præfatione honoris, s. veluti salva gratia, queritur, an excuset dicentem, Tu mentiris, aut aliàs injuriantem. Et non videtur, cum verbum tale sit, quod primâ facie ad injuriam tendat: ut nihil excuset præfatio vel protestatio, quæ facto contraria nihil operatur, c. Sollicitudinem 54. in fine De appellat. (c) * Quod defendendi sui gratia in forma juris & sine bonæ causæ propugnandæ necessariò aut utiliter obijcitur, ad injuriam non videtur pertinere, cum executio juris injuriam non habeat. Quomodo testi rectè obijcitur, quod infamis testimonij dicendi jus non habeat. Agens per excommunicationis, repetens eorè per adulterii objectionem rectè repellitur: habent enim hæc alium finem, quàm injuriandi. Videndum tamen, an non præter rem & affectato quodam juris calore citra probationem aut coniecturam sint dictæ: (d)

De veritate convitiij dubitatur, An excuset ab injuria obijcientem? Ad quam 2 rem sub distinctione respondendum est. Nam aut non interest Reip. sciri crimen, & nullam debet excusationem convicianti veritas obijcti, tunc & animus injuriandi

riandi ponitur, & ex eo nocumentum alteri, cuius infamia detegitur, sine utilitate aliqua publica. Aut inter est Reipubl. sciri, cui utile est crimina puniri; & patrocinabitur veritas objicienti, *l. 3. D. De offic. rell. provin.* cum pœna non debeat illi imponi, qui studet commodo publico, *l. Eum qui 18. D. h. t.* Quatenus tamen legitime in iudicio proponitur: nam extra iudicium injuriandi libidine & affectu quodam objecti veritas non ponet rem extra reprehensionem. Pro quo facit *l. 1. C. de famos. libel.* ubi non excusat veritas scriptorem, quod legitimo modo debuerat comparere & judicare crimen. Videatur Covarr. *1. Varr 11. num. 7.* Clarus §. *In iuria num. 15 (e)*

- 8 Pœnitentia ad evitandam pœnam nihil facit, cum non tollat injuriam illatam,
 9 nec eam purget, *Glos. in c. De his & De excusat.* Clarus *d. loco num. 16.* * Per errorem Titium percutientem, quem putabat Mævium, non esse immunem ab injuria responsum *d. l. 18 §. si iniuria*, eò quod prævalet intentio, quam subsecutus effectus: ut: intentione cessante, per accidens contingens alicui injuria, manu fortè fallente, excuset reum, ut in *l. 4. D. h. t.*

§. Patitur autem.

- 10 **P**atimur injuriam non solum directè PER NOS IPSOS, sed & per consequentiam PER ALIOS, qui aut nostro juri sunt subjecti, ut LIBEROS IN POTESTATE, vel saltem affectui, ut UXORES Quo modo contingit unius facti injuriosi nomine plures actiones dari. Sic ex injuria filiae conjugatæ illata post filiam est actio patri eius, in cuius est potestate, & marito nomine affectus & per eum socero. Ut singulis separata sit actio, quarum alia unam non consumit, cum singuli suam iniuriam prosequantur, *text. hic* Quod ita procedit, quatenus injuriatus scivit filiam suam, esse & conjugatam, etsi ignoret, cuius filia aut uxor sit, cum fuerit intentio, quæ sufficiens est ad ponendam injuriam, *d. l. 8. §. pen. & fin.*

§. In iuria.

- 11 **E**X eo, quod servi existimatione, quæ per injuriam diminuat, careant, non dicitur ipsis fieri injuria, Si tamen atrox sit, in domini ignominiam redundans, illi censetur facta: & si comuni servo fuerit illata, vindicabitur secundum singulorum dominorum qualitatem, §. *si communi inf. eod.* cum quod dignior persona injuriati, eò gravior sit injuria. In fructuario servi idem iuris, ut nimirum & ipse vindicet injuriam servo in sui despectum illatam, §. *si usufructum inf. eod.* Libero homini bonâ fide servienti facta, ab eodem vindicanda, nisi & ignominiam eius, qui possidet concernat, cui & simul actio erit, §. *sed si libero eod.* Si servi corpus non egrediatur ignominia facta, non est tamen impunita relinquenda, *l. Item apud 15. §. si quis D. eod.*

§. *Pœna.*

Injuriarum pœna alia est ex L. XII. Tabular. alia ex edicto Prætoris. Lex XII 12
 Tabb. pro membro rupto statuerat pœnam talionis, quâ reo membrum rum-
 pebatur: pro osse verò fracto pecuniaria erat pœna XXV. assium, quam pœnam ju-
 dicabat antiquitas pro ejus temporis paupertate gravem. (f) * Verùm Prætores 13
 pœnam illam minus dignam judicantes ab ea recesserunt, permiseruntq̃, ut passus
 injuriam eam æstimaret; cujus tamen æstimationem, quod credulitate niteretur,
 etiam juratam non cogebatur sequi iudex, sed liberum erat, inspectâ qualitate per-
 sonæ læsæ, eam æstimare. (g) * Est etiam actio ex L. Cornelia aliquot casibus 14
 gravioribus, quando scilicet quis pulsatus, verberatus, aut domus ejus vi introita
 est. Ubi nomine domus venit quodcumque domicilium, sive proprium sive
 conductum, § *sed & lex h. t. l. §. D. eod.* Damnum injuriarum sequitur infamiâ,
 ut dicitur inf. tit. 13. Competit autem actio non tantum in injuriantem, verùm &
 in eum, qui procuravit, *inf. eod. §. pen.* cùm per alium faciens per se facere videat-
 tur.

§. *Atrox injuria.*

Gratus esse injuriarum hic §. ostendit, ut secundum eos pœna constituitur. 15
 Gravius enim vindicanda injuria atrox, quàm levis. Atrocem facit circum-
 stantia loci, temporis, personæ, veluti ostendunt exempla hic in textu posita, (h)
 Ob hoc, quod quis si pater, aut filiusfam nec augetur, nec diminuitur dignitas, ut
 nec etiam augeatur injuria.

§. *In summa.*

Non civiliter tantum quis potest prosequi injuriam, verùm & criminaliter ex 16
 traordinario judicio, quo ex arbitrio judicis reo irrogetur pœna vel pecunia-
 ria, vel etiam corporalis. (i) Capitalis est in casu famosi libelli, non tantum in per-
 sona auctoris, sed & scribentis & inventoris, si inventum non suppresserit. Præ-
 supponitur enim auctor, nisi eum prodatur. Nec excusabit reum, quod agatur
 causa publica, quia debuit legitime comparere, & ore suo reum indicare, non etiam
 pessimo exemplo crimen per libellum divulgare, *l. un. C. De famos libell.* (k)
 * Est autem ea differentia inter hac actiones, quod civilis rectè proponatur per 17
 procuratorem, non etiam criminalis, quam quisque præsens intentat: exceptis
 personis illustribus, quibus dignitas indulgeri fecit, ut per procuratorem agant &
 defendant, ne infamiâ aspergatur, *text. hic & l. fin. C. h. t. (l)* Quia autem utraque hæc
 ad vindictam tendit, hinc est, quod una aliam consumat, ne idem bis puniatur, l. 6.
D. eod.

§. *Hæc actio.*

- 18 **Q**UOD injuriarum actio sit famosa, & vindictam persequatur, est, quod facile tolleratur: & primò quidem MORTE, tam ACTORIS quam REI, ita ut neque in hæredem neque hæredi detur: cui non solet competere actio ex persona defuncti, nisi rem familiarem respiciat, aut lis contestata sit, *l. Injuriarum 13. D. h. t.* quod per eam quasi contrahatur. * Secundò, REMISSIONE expressa, etiam per
- 19 pactum nudum: quo casu speciale est, quod ipso jure actio sit sublata. *l. Si decem 17. §. quadam actiones D. De pact.* Cujac lib. 3. ad edict. Pauli Ratio est, tum quod odiosa; tum quod non nisi ad vindictam tendat, non etiam ad damnum rei familiaris, quo modo restringenda. Quod si & rei familiaris detrimentum contineatur, remissio pœnalis non impediet, quo minùs agatur ad reparationem damni, etiam
- 20 in foro conscientie. Covarr. 2. Var. cap. 10. num. 7. (m) * Tertiò, REMISSIONE tacita per SILENTIUM ANNI, *l. §. h. t.* Est enim prætoria pœnalis, quæ ultra annum non vivit. (n) Tacitam etiam remissionem inducit DISSIMULATIO, quando scilicet passus eam ad animum non revocat, hoc est non dat signa ægri & graviter ferentis animi, *text. hic.* Nam cum ab initio non fuerit habita pro injuria, nihil efficiet pœnitentia subsequens. Remissionem quin satisfactio inducat non dubium, *l. Sed sunt 17. §. si ante iudicem D. eod.* * Repellitur etiam ab hac,
- 21 qui verbo aut facto eam retulit, quasi sibi jus dicens propria auctoritate, neglecta publica, quam implorare debuisset, *l. 1. §. 1. D. Quod legator.* Videtur enim referendo sibi satisfacere.

ADDITIONES V. A. D.

Nu. 1. in fine] Injuria tamen natura gravior est: levior vero & minor quædam injuria est contumelia, tantum gravis delicatis, qui contumelia non læduntur, sed offenduntur, ut Seneca ait, docens in Sapientem non cadere injuriam c. 4 Omnis vero iniuria, inquit, diminutio eius est, in quam incurrit. Nec potest aliquis injuriam accipere sine aliquo detrimento, vel dignitatis, vel corporis, vel rerum extra nos positarum Auctor. Rhetoric. ad Heren. Iuviria est, qua pulsatione corpus, aut convitio aures, aut turpitudine vitam alicuius violat. Ubi convitium mihi aliud est, quam maledictio: hæc vero nihil habet propositi præter contumeliam, quasi petulantius iactatur Convitium, si facetiùs, Urbanitas nominatur. Ita Cicero Orat. pro Calio.

Nu. 4. in fine.] Nam actio injuriarum animo & facto continetur, ait Fabius 7. Inj. Orat. c. 4. Cæteroquin cum ira furor brevis sit, juxta Horat. Epist. 1. & exisse de potestate dicatur is, qui effrænata fertur iracundia, ut loquitur Cicero 3. Tusc. quæst. videtur quoque in irascente deesse affectus & iudicium animi: ut delictum ei imputari non debeat, modo incontinenti fiat, id est dum adhuc feryet iracundie calor, non vero ex intervallo. Tessaur. decis. Pedem.

dem 178. ubi cum hac opinione transisse Senatum refert.

Nu. 5. in fine.] Nisi alia probabiles conjecturae concurrant, quibus talis protestatio adjuvetur, quod scilicet animum injuriandi non habuerit. Oldrad. *conf* 53. nu. 3. Jul. Clar. 5. *Iniuria* nu. 13. Vide And. Gail. 2 *Obs*. 100. qui ibidem sub. nu. 3. docet licere iniuriose provocato respondere, Tu mentiris: quam sententiam, uti pluribus argumentis, melioribus rationibus, atque evidenti æquitate subnixam, sequitur Fachin. 9. *contr*. c. 12. Ioan. Vaud. 2. *quest*. 29.

Nu. 6. in fine.] Quinimò si probatum sit, si non, quod contra testes obiectum fuerit, actionem iniuriarum non dari verius est; quia iuris sui ac se defendendi gratia magis quam injuriandi animo obiectum præsumitur. Quod tamen limita primo, dummodo id, quod obiectum, ad comprobandum vel defendendum jus eius, qui obijcit, pertineat: alioqui, etiamsi verum & probatum crimen in iudicio obijciatur, injuriam actioni locus erit. Secundò, dummodò eo modo, eaque formâ obijciatur, ut ad defensionem sui iuris; non etiam ex iniuriæ faciendæ animo obiectum appareat. Tertiò, dummodò non ita notoria sit falsitas obiecti, ut manifesta appareat calumnia obijcientis Ita Ampl. D. Corfel. qu. 2. ad h. t. Vide Covarr. 1. *Var. res* 11. nu. 6. Gail ubi sup. nu. 6. Coras. 6. *Miscell* c. 24. Fachin. 9. c. 13.

Nu. 7. in fine.] Distinctio hæc communis est & à plerisque recepta, quam etiam probat & sequitur And. Gail. 2. *Obs*. 99. referens secundum eam in Camera Imperiali sæpius iudicatum fuisse, Fachin 9 *contr*. c. 10. Bronch. *cent*. 2. *assert* 77. in fine, D. Zoef. D. h. t. nu. 8. Diss. Covarr. 1. *Var* c. 11. nu. 6. Myns *cent*. 4. *Obs* 4. Wesenb. D. h. t. nu. 8 Menoch. *conf*. 42. nu. 29 & 30. lib. 1. scilicet indistinctè iniuriarum teneri eum, qui crimen infamandi vel convitiandi animo obiecerit, nec excusari veritate obiecti criminis, licet illud etiam publicè notum esse expediat.

Nu. 52. in fine.] Verba Legis XII. Tabb. recitat A. Gell. lib. 10. c. 1. re-stituenda hoc modo: SI MEMERUM RVPIT, NI CUM EO PACIT, TALIO ESTO. Rævard. ad *Leges* XII. Tabb. c. 25. Quam pœnam cum insectaretur Phavorinus philosophus lepidè aliquā sollertia verborum, inquit Gell. quoniam talioni par non sit talio, neque rumpi membrum facile possit, ad alterius rupturæ æquilibrium: resp. Sex Cæcilius eam inductam à Decem viris, ut vel hoc metu magis coercerentur homines. Nec videri tam acerbam pœnæ genus, cum qui alterum pulsasset, facultatem haberet paciscendi cum eo. Quod si reo & pallio gravis & acerbæ talio visa fuisset, severitas legis ad pecuniæ mulctam redibat. Dicitur hic pro osse fracto; ita enim intellexit idem Cæcilius & Theophilus Græcus Interpres. At de ore fracto Phavorinus, qui pœnam censet impendio molliorem, quam lex irrogat ei, qui alteri os fregit, cum ea in homine pars sit corporis sanctior. Quis enim tam erit inops, quem ab iniuria faciendæ xxv. asses deterreant? Distinguendum itaque censet alii hoc modo, ut quidem membro rupto pœna sit talionis, ut vero osse fracto sit maior pœna,

na, quia hanc atrociorē esse iniuriā statuebat Cæcilius, impensiorē damno vindicandā: ut denique propter fractum os, quod Græci *σόμα*, Latini buccam vocant, pœna sit assium xxv. non parva, ut Phavorinus arbitrabatur, sed maior & gravior. Ita Ricard. Virus *ad LL. xii. Tabb. Nota 69.* Astutus ergo & egregie improbus fuit L. Neratius ille apud Gellium, qui abstinere ab oris fractione, ne solveret duplum, id est asses quinquaginta; sed os hominis liberi palmā dumtaxat manus percutiebat, ut ita iniuriæ nomine solveret tantum simplum, damni verò nihil. Solebatis, inquit Gell. os liberi hominis manus suæ palmā verberare, quem servus sequebatur crumenā plenā assium portitans, & quemcumque depalmaverat, numerari statim secundum xii. Tabb. xxv. asses iubebat. Cæterum moribus hodiernis non est talionis pœnæ locus, sed accusator succumbens ut plurimum dumtaxat condemnatur ad litis impendia & damna, quæ reus passus est. Imbert. *in Enchir. iur. Gall. V. Accusare & lib. 3. Instit. forens. circa finem.*

Num. 13. in fine.] Et hæc actio iniuriarum prætoria hodieque in iudiciis & foro frequentatur. Præterque æstimationem iniuriæ venit & reparatio sive æstimatio damnorum & impendiorum litis; ad quæ iniuriā passus non nisi incidenter potest agere. Diversa enim est punitio seu æstimatio iniuriæ ab æstimatione damnorum: adeo ut remissa iniuriā, non censeantur remissa damna & id quod inter est. Boer. *decis 53. num. 6. Covarr. 2. Var. resol. c. 10. num. 7. Vide Schultz. b. lit. D. ubi notat, iure Saxonico eiusmodi æstimationem taxationemque iniuriarum non habere locum, sed certam ibi pœnam statutum & expressam esse, quæ excedi non possit, nisi fortè in gravioribus & atrocioribus, eamque ut plurimum triginta solidorum, cuius solutione reus intra legitimū tempus se etiam ab instituta actione iniuriarum criminali liberare possit. Schneid. hic ad §. in summa num. 9. vers. altera tamen opinio.* Hodie verò in Electoratu ferè arbitraria pœna est, abrogatā, quæ antè obtinebat, pecuniaria. Schultz. *lit. G. vers. Sed quid.*

Num. 15. ibi, exemplum hic in textu pos.] Nam secundum gradum dignitatis, vitæque honestatem crescit aut minuitur æstimatio iniuriæ, inquit Imp. §. 7. *vers. nam secundum h. t.* Quantoque maior est persona eius, quæ contrariè patitur, tanto maior fit noxa eius, qui facit, ait Salvian. *lib. 7. De prov. Dei. Pulcrè Quintil. lib. 6. cap. 1. Pulsatum, inquit, querimar, de re primum ipsa dicendum. tum si senex, si puer, si Magistratus, si probus, si bene de Republ. meritis: etiam si percussus sit à vili aliquo contemptoq., relex contrario à potente nimum, vel ab eo, à quo minime oportuit. Et si de sorte solemnī, aut iis temporibus, cū iudicia buis rei maxime exercentur, aut in sollicito civitatis statu. Item in theatro, in templo, in concione crescit invidia. Addit denique, plurimum tamen adferre atrocitatis modum, si graviter, si contumeliose; ut Demosthenes ex parte percussus corporis, ex vultu ferientis, ex habitu invidiam Mithra quærit. Exemplum Demosthenis allegat Saturninus J. C. in l. Auspata 16. D. De peris. Quam verò sit atrox iniuriā facta in conspectu iudicum indicant senatus consulta à Joan. Gallo relata*

relata in *Stylo Parlam. p. 5. qu. 240.* ex quibus constat multatos nonnullos, non solum quod verbis injuriam intulissent, sed quod dicenti Advocato, atque injuriis a genti, eorum, quæ dixisset auctores fuissent, ratumque habuissent quicquid ab eo dictum aut prolatum fuerat. Poena autem hoc in casu, cum certa jure communi expressa non sit, extraordinaria locum habebit, arbitrio judicis, secundum qualitatem loci, personæ & dignitatis, infligenda, *arg. l. fin. D. h. t. & l. Padrius 4. §. divus De incend. ruina, naust.* Ipseque Magistratus sive judex, cui injuria illata, modò ea notoria fuerit, punire injuriantem poterit, qui tunc non tam in propria, quam aliena, id est Reipubl. causa procedere & judicare censetur, *c. Romana 1. Depen in 6. & ibi Glos. v. punire, Schultz hic lit. C. vers. Et quamvis*, ubi hac de re ex jure & praxi Saxonica pleraque collecta legere est.

Num. 16. ibi, vel etiam corporalis.) Poenarum autem genera plurimum usitata recenset hæc Budæus in *Forensib.* Primum adversus reum frequentissime pronuntiari solet, ut in foro aut aliis publicis plateis facem ceream accensam gerens, aperto capite, in terramque procidens, crimen à se commissum altè voce pervulget, ac veniam à divino Numine, Regia Majestate, Reipubl. & denique ab eo, quem læsit, supplex precetur, admissi poenitentiam protestans. Nonnumquam & multa pecuniaria adjudicatur læso, ab eo, qui injuriam intulit, persolvenda. Nonnulli etiam iniuriarum rei ad palinodiam ignominiosam adigi solent. Quidam ad exomologesim calamitosam traducuntur pralucens habitu, planipedis. Hæc ille. Modus verò agendi ad palinodiam, id est recantationem seu retractationem injuriarum, hodie usu ac consuetudine receptus est in Imperio, eumque probat Ordinatio Camerae Augustanae Caroli V. *p. 2. tit. 28.* Et habet locum in injuria, quæ fit verbis aut scripto famoso. Joan. à Sande *lib. 5. tit. 8. defin. 7.* Queritur autem, an hæc recantatoria actio sit civilis, an verò criminalis? Et plerisque placuit esse civilem ac reipersecutoriam, posseque proinde cumulari cum ea actione, quæ ad æstimationem injuriæ agitur, quæ etiam poenalis est. Cujusmodi cumulatio neutiquam admittenda erit, si statuamus esse criminalem ad vindictam, sed tolletur electione aliter utrius, *l. Nemo 43. §. 1 De R. l. Ita And. Gail. 1. Obser. 6. num. 6. Mynl cent. Obs. 89. Wesenb. D. h. t. num. 18.*

Ibid. in fine.) Gravior proinde poena huic scriptæ injuriæ seu libello famoso proposita est, quia & atrocior injuria est. Anob. *lib. 4. advers. Gentes* huc respexit: Carmen malum conscribere, quo fama alterius inquinetur & vita, Decemviralibus scitis evadere noluisse impune: ac ne vestras aures convitio aliquo petulantior pulset, de atrocibus formulas constituisse injuriis. Planè Leges XII. Tabbarum per paucas res capite sanxissent, in his hanc quoque sancendam putaverunt. Si quis occentassit, sive carmen condidi, quod infamiam adferret flagitiumque alteri. Praclare iudicium enim ac Magistratum disceptionibus legitimis propositam, non poetarum ingentis habere debemus nec probum audire, nisi ex lege. ut responderet licet, & iudicio defendere. Ita Cicero *lib. 4. De Reipubl.* apud D. Augustin.

D. civit. Dei c. 16. Eodem respexit Horat. lib. 2. Epist. 1.

— quin etiam lex,

Pœna, quæ lata, quæ nolle carmine quemquam

Describi. Vertere modum formidine sustis,

Ad bene dicendum delectandumq; redacti.

Pœna famosorum libellorum jure civili est capitalis, non tantum in actorem, sed & eum, qui propalat, *l. unica C. De famos. libel.* Cum hac tamen restrictione, si in libello famoso capitale aliquod aut aliud grave scelus, ad creandum alicui periculum, objectum sit; secus, si non capitale, quo casu pœnæ talionis locus erit. *Gloss. in d. l. unic.* Concordat Constitutio crim. Caroli V. Imp. *art. 110. & praxis juris Saxonici, Matth. Coler. decis. 154. num. 3. Schultz. hic lit. A. vers. In foro Saxo-*

nico. Num 17. ibi, *l. fin. h. t.* Quæ est Zenonis Imp. Constitutio, cui hodie apud Gallos locum non esse, observat hic Bucherel. reatu omnem honorem excludente. Ut in criminali causa criminaliter intentata nemini permittatur per procuratorem suscipere actionem. Vide Marant. *in Speculo aur. p. 4 dist. 1. num. 37. Tessaur. decis. Pedem. 165. Damhoud. Prax. rer. crim. c. 24. Dan. Moller. 1. Semestr. 6. 24. ubi notat, quid hodie praxis Saxon. circa hoc observet, ut & Schultz. hic lit. G.*

Nu. 19. in fine. Sic & remittitur injuria transactione & jurejurando, *l. Non solum 21. §. 1. & l. Sed si 7. §. 8. D. h. t.* Veluti si quis juraverit, se injuriam non fecisse, aut non convitii consilio injuriosum dixisse. An verò remitti injuria accepto pretio possit, ante vel post coeptam accusationem, in præjudiciam fisci, disputat Guil. Onciac. *Juris-Philos. quest. 3.*

Nu. 20. ibi, quæ ultra annum non vidit. Sive ex injuria verbali nascatur, sive ex reali, *l. Si non convitii §. C. h. t.* Quod & mos ac praxis hodierna passim observat: excepta actione injuriarum revocatoriâ, quæ perpetua est, & triginta annis durat; tum quia rei persecutoria, tendens ad honoris ac famæ restitutionem; tum quia juris civilis actio est, consuetudine introducta: jus autem perpetuum est, *inf. De perpes. & temporal. act. in princ.* Exceptam volunt & actionem injuriarum ex *L. Cornelia* competentem, secundum veriore jurisque rationi consentaneam sententiam, comprobata judicio Camerae, teste Myns. *cons. h. observ. 84.* quam & secutus est Senatus Hollandiæ, *decis. 13.* ac Frisiæ, teste Joan. à Sande *lib. 5. tit. 8. defin. 3.* Ut tamen hæredi vel in hæredem non detur, nisi lite cum defuncto contestata. Sand. *ibid. defin. 4.* Item eam, quæ ex scripto sive libello famoso oritur. Wescenb. *ad Schneid. h. t. §. iniuria nu. 1. lit. B.* non etiam, quæ ex alia scripta injuria, quæ in omnibus ejusdem juris censetur cum verbali, *arg. l. 1. §. 1. & l. Item apud Labeonem 15. §. Generaliter 27. D. h. t.* Schultz. *lit. I. vers. Tertio casu principali.* Annus verò, quo actio injuriarum circumscribitur, non continuus, id est, à tempore illatæ injuriæ computandus, sed ut illi intelligi debet, computandus à tempore scientiæ: quæ sententia prævaluit etiam in supremo Imperii judicio. Myns. *cons. 5. obser. 7. num. 2. & seq. Gail. 2. obs.*

105. nu. 4. & seq. Ant. Matth. De criminib. tit. 4. De iniur. c. 1. num. 17.
 Ibid. ibi, pœnitentia subsequens.] Adde injuriam quoque remitti mutuâ fa-
 lutatione, comestione, propinatione poculi, & similibus signis reconciliationis :
 nisi ea revocata ad animum, editus deinde fuerit libellus contra injuriantem. Ca-
 pel Tholos. decis. 233. Eleganter & aptè ad hunc locum Cicero, Accus. 1. in Ver-
 rem, De iniuria, inquit, qua tibi facta sit, neminem nostrum graviores vindicem esse oport-
 ter, quàm te ipsum, cui facta dicitur. Si tu cum illo postea in gratiam redisti, si domi illius
 aliquoties fuisti, ille apud te postea cenavit: utrum te persilio sum, an pravaricatore existimari
 mavis? Vide Tiraq. tract. de Nobilit. c. 20. num. 85. & Guil. Onciac. quest. Juris-
 Philos. 2. num. 3.

DE OBLIGATIONIBVS, QUÆ quasi ex delicto nascuntur.

TITVLVS. V.

SI iudex litem suam fecerit, non propriè ex maleficio obligatus videtur :
 sed quia neque ex maleficio, neque ex contractu obligatus est, & utique
 peccasse aliquid intelligitur, licet per imprudentiam, ideo videtur quasi ex
 maleficio teneri, & in quantum de ea re æquum religioni judicantis vide-
 bitur, pœnam sustinebit.

1. Item is, ex cujus cœnaculo, vel proprio ipsius, vel conducto, vel in quo gra-
 tis habitat, dejectum effusumve aliquid est, ita ut alicui noceret, quasi ex maleficio
 obligatus intelligitur, quia plerumque ob alterius culpam tenetur, aut servi, aut li-
 beri. Cui similis est is, qui eâ parte, qua vulgò iter fieri solet, id positum aut sus-
 pensum habet, quod potest (si ceciderit) alicui nocere: quo casu pœna decem
 aureorum constituta est. De eo verò, quod dejectum effusumve est, dupli, quan-
 tum damni datum sit, constituta est actio. Ob hominè verò liberum occi-
 sum, quinquaginta aureorum pœna constituitur. Si verò vivat, nocitumque ei
 esse dicatur, quantum ob eam rem æquum judici videtur, actio datur. Iudex enim
 computare debet mercedes præstittas, cæteraque impendia, quæ in curatione facta
 sunt: præterea operas, quibus caruit, aut cariturus est ob id, quod inutilis est factus.
 2. Si filius familias seorsum à parte habitaverit, & quid ex cœnaculo ejus deje-
 ctum effusumve fuerit, sive quid positum suspensumve habuerit, cujus casus peri-
 culosus est: Juliano placuit, in partem nullam esse actionem, sed cum ipso filio a-
 gendum esse. Quod & in filio familias iudice observandum est, qui litem suam
 fecerit.

3. Item exercitor navis, aut cauponæ, aut stabuli, de dolo aut furto, quod in
 navi

navi aut caupona aut stabulo, factum erit, quasi ex maleficio teneri videtur, si modo ipsius nullum est maleficio, sed alicuius eorum, quorum operâ navem aut cauponam aut stabulum exercet. Cum enim neque ex maleficio, neque ex contractu sit adversus eum constituta hæc actio, & aliquatenus culpæ reus est, quod operâ malorum hominum uteretur, ideo quasi ex maleficio teneri videtur. In his autem casibus in factum actio competit, quæ hæredi quidem datur, adversus hæredem autem non competit.

COMMENTARIUS.

S U M M A R I A.

1. Iudex per imprudentiam malè iudicando tenetur quasi ex delicto.
2. Cur non etiam ex delicto, ut medicus male curando?
3. Dolo malo perperam iudicans qualiter puniatur.
4. Damno dato ob detecta & effusa quis teneatur.
5. Quis & qualiter de eo, quod ex causa suspensi datum.
6. Filiusfam. seorsum a patre habitans ipse obligatur.
7. Exercitores navis, caupona, stabuli qualiter teneantur.

1. **S**unt & obligationes QUASI EX DELICTO, quod delictum proprium poni nequeat, vero dolo aut culpâ deficiente * Cujus ordinis est factum IUDICIS, qui sententiam ferendo alteram partem læsit PER IMPRUDENTIAM, qualis dicitur LITEM SUAM FACERE; quod periculum seu damnum alienæ litis in se transferat. At cuius tamen non tenetur veram æstimationem, sed in tantum solum, quantum Iudici videbitur æquum, *text. hic.* IMPERTITIA tantum venit hic circa ea, quæ debet scire, aut saltem prudentiores consulere. Quo modo circa causam dubiam, de qua non convenit inter prudentes, nulla ejus est culpa (a) * Quod autem imperitio hic potius obligationem quasi ex delicto ponat non etiam ex delicto, ex quo tenetur Medicus malè curans, §. *præterea si medicus sup. De L. Aquil.* causa est necessitas, quâ Iudex ad iudicandum tenetur, non etiam Medicus ad curandum, cui liberum est curam suscipere, vel non, ut proinde ex vero delicto obligetur malè curans. (b) * Si notus in Iudice arguatur per evidentem gratiam, inimicitias, sedes, ad veram litis æstimationem tenetur: notaturque infamiâ, multatur in triplum ejus, quod corruptus accepit; in duplum ejus, quod promissum, in causa civili; in triplum ejus, quod in causa criminali confiscatis bonis in exilium mittitur, l. 2. & Aush, Novo C. De penam d. qui temere iud. (c)

§. *Item is.*

Quasi ex delicto tenetur is, EX CIVIS COENA CVLO, seu fenestris, DEICIENDO, EFFUNDENDO, ibi, quā vulgò iter est, DAMNUM DATUM. Actio in duplum est contra inquilinum. Ratio est, quòd non providerit, ne per eos, quos secum habet, damnum daretur, exigente publica utilitate, commeatum per itinera publica sine metu esse. (d) * Eadem ratione inhibitum, HABERE QUID SUSPENSUM ibi, quā vulgò iter est, cuius casus sit periculosus. Poena est decem aureorum: liberi verò hominis occisi 50. aureorum; vulnerati facienda condemnatio ex iudicis arbitrio, habito respectu impendiorum & operarum, aliorumque, quæ eo nomine absunt, *text. hic vers. cui similis*. (e) * Filiusfam. seorsum à patre habitans minimè ex hac causa patrem obligat, quòd nulla ejus sit culpa, ut contra ipsum filium actio sit salva, *text. hic vers. si filiusfam.*

§. *Item exercitor.*

Tenentur & quasi ex delicto EXERCITORES NAVIS, CAUPONÆ, STABULI, quatenus damni quid datum in res receptas ab his, quorum operantur. Ratio in eo est, quòd, licet exercitorum nullum sit maleficium, non sint tamen omninò extra culpam, talium hominum opera utentes. (f) In duplum hæc actio est; liberantur tamen dando noxæ, *l. ult. §. hac autem actione D. Nauta, caupones &c.* Est & actio contra illos ex contractu de recepto in simplum, ratione damni dati in rem, cuius custodiam receperunt, *l. i. §. 2. d. t.* His autem casibus, quòd actiones hæc pœnam contineant, in hæredem non competunt hæredi tamen dantur, ut hic in fine admonet Impe. & pluribus dicitur *inf. tit. 12.*

ADDITIONES V. A. D.

Nu. 1. in fine.] Nostro tempore, inquit Bud. ad *l. ult. D. De adilit. edicto*, litera suam facere iudices videntur, interdum cum nimium in alterum litigatorum proptensi, non tantum disceptatoris & arbitri partes, sed etiam causidici usurpant, studium suum præ cupiditate prodentes: quod Pragmatici dicunt *εποιουσαν αυτην αυτην αυτην*, & *en faire son propre profit*. Addit, *litera suam facere* Græcis dici *ποιειν αυτην αυτην*. Livius lib. 3. circa fin. dixit *litern in rem suam vertere*, cum iudex ita cum litigatoribus agit, ut ei jure suo cedant.

Nu. 2. in fine.] Non etiam iudex malè judicans. Unde Quintil. *Declam. 314.* expendens officium & partes iudicis, *Durum*, inquit, *ministerium*, & *injucunda honoris hujus necessitas*. Quamvis & medicus sæpè ex necessitate agrotum curet,

præsertim salario publico à Magistratu loci conductus. Sunt qui ita distinguant, ut in causâ capitali par sit conditio Medici per imperitiam malè curantis & Judicis malè judicantis: ut verò in causis pecuniariis obligetur Judex tantùm quasi ex maleficio, litemque suam faciat. Cùm verò ait Imp. judicem facere litem suam, satis innuit se non loqui de causis capitalibus. Nam litis nomen nihil aliud significat, quàm actionem in rem, sive in personam, l. *Litis nomen* 36. D. De V. S. Ita Rainald. Corfus Indag. ur. lib. 1. c. 24.

Nu. 3. in fine.) Quod & moribus in iudice ita obtinet, in fraudem legis dolo malo per gratiam aut sordes malè judicante. Ex imperitia verò malè judicando hodie Judex non tenetur. Rebuff. a l. *Constit. Regde tenent execut art. 7 Gl. 15 nu. 2.* Jos. Ludov. decis. 1 num. 50. Nic. Tulden. ad Prax civil. Damhoud. c. 29. Christin. decis. 59. nu. 4. vol. 4 Grænevebeg. hic

Quæritur, quid juris in Assessore Judicis per imprudentiam aut imperitiam juris aliter jus dicente, quàm oportuit. Hoc non debet Magistratui officere, sed ipsi Assessori, inquit J. C. l. 2 D. *Quod qui, que jur. in alt. sit &c.* qui propterea ex eodem edicto *Quod quisque iuris &c.* puniendus solus, cogiturque pati legem, quam ipse quoquo modo malè tulerit, sive dolo malo, sive per imprudentiam & imperitiam juris. In Iudice sive Magistratu iniquum jus statuente punitur ex edicto illo dolo malus tantùm, & lata culpa, quæ pro dolo & proxima dolo esse dicitur. Ratio differentię, quia Assessores præstare debent scientiam juris, quam profitentur: Magistratus non utique, veluti olim Præsides provinciarum, qui plerumque homines erant militares, & armorum periti magis quàm legum. Imperitum autem juris præesse jurisdictioni nihil vetat: nam ita quoque hodie Magistratus plerique solent in consilium adhibere, Assessores, Syndicos seu Consiliarios.

Nu. 4. in fine.) Hodie ex causâ dejecti & effusi actio in duplum damni dati, locum non habet, sed agitur ad veram damni totius æstimationem.

Nu. 5. in fine.) Hodie quoque ob hominem occisum actio datur viduæ, liberisque, etiamsi occisi hæredes non sint, non in pœnam 50. aureorum, sed quantum ob eam rem æquum Judici videbitur: habitâ quoque ratione operarum, quibus ex ea causâ caruerunt & carituri sunt. Boër decis. 121. nu. 4. in fine. Jul. Clar. §. *in qu. 58 ur. 4.* Christin. ad LL. Mechlin tit. 2 art. 4 nu. 7.

Nu. 6. in fine. Id quod juri moribus recepto omninò consonans est quo filiusfam. seorsim à patre domicilium habens sui juris, luxque potestatis censetur, Dixi sup. ad tit. *Quib. mod. pat. potestas sol. & ad tit. Per quas pers. nob. acq. oblig.*

Nu. 7. ubi, talium hom. operâ utentes.) Et non solum de rebus in cautionem inductis, sed & de iniuriis, quas ibidem ipsis personis hospitantibus inferri contingit, tenetur caupo, idque ob hospitalem, gratiam etiam apud barbaras gentes inviolabilem, c. *Offerebat XXXII qu. 7* Viatorum autem sive advenarum inter se factum non præstat, l. *unic. in fine* D. *Furti adversus naut. caup. stabul.* Joan. Anan. conf. 2. Neque etiam tenetur, traditis ipsi viatori cubiculi clâvibus, quia per hoc censetur renunciatum custodiæ, arg. l. *Clavis* 74. D. *De contrah. empt. & l. Dominus* 35. D. *Locati cond. Specul. lit. De furi. §. si res immissa*, Quærit ad d. l. un. Gothofr.

primò, Quid si caupo arcam vel cistam sibi traditam, vel res plures in cista fuisse neget? Item, Quid si caupo cistam resignet, vel appertam reddat? Et ad primum Resp. probationem incumbere ei, qui eo nomine aget, traditionis factæ, & quantitatis mercium traditarum. Ad 2. standum eo casu viatoris seu hospitio recepti juramentò. Vide Jul. Clar. §. *Furtum num. 27*. Navium quoque exercitores omnes teneri de facto ac delictis eorum, quorum operâ utuntur, pro ijsque veluti vades esse vult Constitutio Francisci I. Gall. Regis *De reb. marit. lata an 1517*. Ipsorum vectorum in navi factum non præstat, *del. un. in fin.*

DE ACTIONIBVS.

TITULUS VI.

Superest, ut de actionibus loquamur. Actio autem nihil aliud est, quam jus persequendi, in iudicio, quod sibi debetur.

I. Omnium autem actionum, quibus inter aliquos apud iudices arbitrosve de quacumque re quæritur, summa divisio in duo genera deducitur, aut enim in rem sunt, aut in personam. Namque agit unusquisque aut cum eo, qui ei obligatus est, vel ex contractu, vel ex maleficio: quo casu proditæ sunt actiones in personam, per quas intendit, adversarium ei dare aut facere oportere; & alijs quibusdam modis. Aut cum eo agit, qui nullo jure ei obligatus est, movet tamen alicui de aliqua re controversiam; quo casu proditæ actiones in rem sunt: veluti si rem corporalem possideat quis, quam Titius suam esse affirmet, possessor autem dominum ejus se esse dicat; nam si Titius suam esse intendat, in rem actio est.

2. Aequè si agat quis, jus sibi esse fundo fortè vel ædibus utendi, fruendi, vel per fundum vicini eundi, agendi, vel ex fundo vicini aquam ducendi, in rem actio est. Eiusdem generis est actio de iure prædiorum urbanorum: veluti si quis agat jus sibi esse altiùs ædes suas tollendi prospiciendive, vel projiciendi aliquid, vel mittendi tignum in vicini ædes. Contra quoque de usufructu, & de servitutibus prædiorum rusticorum, item prædiorum urbanorum, invicem quoque proditæ sunt actiones: ut si quis intendat jus non esse adversario utendi fruendi, eundi agendi, aquamve ducendi, item altiùs tollendi prospicientive, vel projiciendi immittendive: istæ quoque actiones in rem sunt, sed negativæ. Quod genus actionis in controversijs rerum corporalium proditum non est. Nam in his agit, qui non possidet: ei verò qui non possidet, non est actio prodita, per quam neget rem actoris esse. Sanè uno casu qui possidet, nihilominus is actoris partes obtinet, sicut in latoribus Digitorum libris opportuniùs apparebit.

3. Sed istæ quidem actiones, quarum mentionem habuimus, & si quæ sunt
LIII 2
similes,

similes, ex legitimis & civilibus causis descendunt. Aliæ autem sunt, quas Prætor ex sua jurisdictione comparatas habet, tam in rem, quàm in personam, quas & ipsas necessarium est exemplis ostendere: ut ecce, plerumque ita permittit Prætor in rem agere, ut vel actor dicat se quasi usucepisse, quod non usuceperit: vel ex diverso possessor dicat adversarium suum non usucepisse, quod usuceperit.

4. Namque si cui ex iusta causa res aliqua tradita fuerit (veluti ex causa emptionis, aut donationis aut dotis, aut legatorum) & necdum ejus rei dominus effectus est, si ejus rei possessionem casu amiserit, nullam habet in rem directam actionem ad eam persequendam: quippè ita proditæ sunt jure civili actiones, ut quis dominium suum vindicet. Sed quia sanè durum erat, eo casu deficere actionem, inventa est à Prætore actio, in qua dicit is, qui possessionem amisit, eam rem se usucepisse, quam usu non cepit, & ita vindicat suam esse: quæ actio à Publico Prætore in edicto proposita est.

5. Rursus ex diverso si quis, cum reipublicæ causa abesset, vel in hostium potestate esset, rem ejus, qui in civitate esset: usuceperit: permittitur domino, si possessor reipublicæ causâ abesse desierit, tunc intra annum, rescissâ usucapione, eam petere, id est, ita petere, ut dicat possessorem usu non cepisse, & ob id suam rem esse. Quod genus actionis & aliis quibusdam simili æquitate motus Prætor accommodat, sicut ex latiore Digestorum seu Pandectarum volumine intelligere licet.

6. Item si quis in fraudem creditorum rem suam alicui tradiderit, bonis ejus à creditoribus possessis ex sententia Præsidis, permittitur ipsius creditoribus, rescissâ traditione, eam rem petere, id est, dicere eam rem traditam non esse, & ob id in bonis debitoris mansisse.

7. Item Serviana & quasi Serviana (quæ etiam hypothecaria vocatur) ex ipsius Prætoris jurisdictione substantiam capiunt. Servianâ autem experitur quis de rebus coloni, quæ pignoris jure pro mercedibus fundi ei tenentur. Quasi Serviana autem est, quâ creditores pignora hypothecæve persequuntur. Inter Pignus autem & Hypothecam (quantum ad actionem hypothecariam attinet) nihil interest. Nam de quare inter creditorem & debitorem convenerit, aut sit pro debito obligata, utrâque hâc appellatione continetur; sed in aliis differentia est. Nam pignoris appellatione eam propriè rem contineri dicimus, quæ simul etiam traditur creditori, maxime si mobilis sit. At eam, quæ sine traditione nudâ conventionione tenetur, propriè hypothecæ appellatione contineri diximus.

8. In personam quoque actiones ex sua jurisdictione propositas habet Prætor veluti de pecunia constituta, cui similis videbatur receptitia. Sed ex nostra Constitutione (cum & si quid plenius habebat, hoc in actionem pecuniæ constitutæ transfusum est) & ea quasi supervacua jussa cum sua auctoritate à nostris legibus recedere. Item Prætor proposuit actionem de peculio fervorum, filiorumque familiarum: & eam, ex qua quæritur, an actor juraverit, & alias complures.

9. De constituta autem pecunia cum omnibus agitur, quicumque pro se vel pro alio soluturos se constituerint: nullâ scilicet stipulatione interpositâ. Nam alio-

qui

qui si stipulanti promiserint, jure civili tenentur.

10. Actiones autem de peculio ideo adversus patrem dominumve comparavit Prator : quia licet ex contractu filiorum servorumve ipso jure non teneantur, æquum tamen est peculio tenus (quod veluti patrimonium est filiorum filiarumque, item servorum) condemnari eos.

11. Item si quis, postulante adversario, juraverit, deberi sibi pecuniam, quam peteret, neque ei solvatur, justissimè accommodat ei talem actionem, per quam non illud quæritur, an ei pecunia debeatur, sed an juraverit.

12. Pœnales quoque actiones Prator multas ex sua jurisdictione introduxit : veluti adversus eum, qui quid ex albo ejus corrupisset : & in eum, qui patronum vel parentem in jus vocasset, cum id non impetrasset : item adversus eum, qui vix exemerit eum, qui in jus vocaretur, cujusve dolo alius exemerit : & alias innumerabiles.

13. Præjudiciales actiones in rem esse videntur : quales sunt, per quas quæritur, an aliquis liber, an libertus sit, vel de partu agnoscendo. Ex quibus ferè una illa legitimam causam habet, per quam quæritur, an aliquis liber sit, cæteræ ex ipsius Pratoris jurisdictione substantiam capiunt.

14. Sic itaque discretis actionibus, certum est, non posse actorem suam rem ita ab aliquo petere, *Si appareat eum dare oportere*. Nec enim quod actoris est, id ei dari oportet : scilicet quia dari cuiquam id intelligitur, quod ita datur, ut ejus fiat. Nec res, quæ jam actoris est, magis ejus fieri potest. Planè odio furum, quod magis pluribus actionibus teneantur, effectum est, ut extra pœnam dupli, aut quadrupli, rei recipiendæ nomine fures etiam hæc actione teneantur, *si appareat eos dare oportere* : quamvis sit adversus eos etiam hæc in rem actio, per quam rem suam quis esse petit.

15. Appellamus autem in rem quidem actiones, *Vindicationes* : in personam vero actiones, quibus dare, aut facere oportere intenditur, *Conditiones*, Condicere enim est denuntiare prisca lingua : nunc verò abusivè dicimus Conditionem actionem in personam esse, qua actor intendit dari sibi oportere. Nulla enim hoc tempore eo nomine denuntiatio fit.

16. Sequens illa divisio est, quòd quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt.

17. Rei persequendæ causa comparatæ sunt omnes in rem actiones. Earum verò actionum, quæ in personam sunt, ex quidem, quæ ex contractu nascuntur, ferè omnes rei persequendæ causa comparatæ videntur : veluti quibus mutuam pecuniam, vel in stipulatum deductam petit actor. Item commodati, depositi, mandati, pro socio, ex empto, vendito, locato, conducto. Planè si depositi agatur, eo nomine, quod tumultus, incendij, ruinæ, naufragij causa depositum sit, in duplum actionem Prator reddit, si modo cum ipso, apud quem depositum sit, aut cum hærede ejus de dolo ipsius agitur, quo casu mixta est actio.

18. Ex maleficijs verò proditæ actiones, aliæ tantum pœnæ persequendæ causa comparatæ sunt : aliæ tam pœnæ, quam rei persequendæ, & ob id mixtæ sunt. Pœnam tantum persequitur quis actione furti : sive enim manifesti agatur, qua-

dupli, sive non manifesti dupli, de sola pœna agitur. Nam ipsam rem propriâ actione persequitur quis, id est, suam esse petens: sive fur ipse eam rem possideat, sive alius quilibet. Eo ampliùs adversus furem etiam condictio est rei.

19. Vi autem bonorum raptorum actio mixta est, quia in quadruplo rei persecutio continetur: pœna autem tripli est. Sed & leges Aquiliæ actio de damno injuria dato mixta est: non solum si adversus infitiantem in duplum agatur, sed interdum & si in simplum quisque agat: veluti si quis hominem claudum aut luscum occiderit, qui in eo anno integer & magni pretij fuerit: tanti enim damnatur, quanti is homo eodem anno plurimi fuerit, secundum jam traditam divisionem. Item mixta est actio contra eos, qui relictâ sacrosanctis Ecclesijs, vel venerabilibus locis, legati vel fideicommissi nomine, dare distulerint: usque adeò, ut etiam in judicium vocarentur. Tunc enim & ipsam rem vel pecuniam, quæ relictâ est, dare compelluntur, & aliud tantum pro pœna, & ideo in duplum ejus fit condemnatio.

20. Quædam actiones mixtam causam obtinere videntur, tam in rem, quam in personam: qualis est familiæ erciscundæ actio, quæ competit cohæredibus de dividenda hæreditate. Item communi dividundo, quæ inter eos redditur, inter quos aliquid commune est, ut id dividatur. Item finium regundorum actio, quâ inter eos agitur, qui confines agros habent. In quibus tribus judiciis permittitur judici rem alicui ex ligitatoribus ex bono & æquæ adjudicare: & si unius pars prægravari videbitur, eum invicem certa pecunia alteri condemnare.

21. Omnes autem actiones, vel in simplum conceptæ sunt, vel in duplum, vel in triplum, vel in quadruplum; ulterius autem nulla actio extenditur.

22. In simplum agitur: veluti ex stipulatione, & mutui datione, ex empto, vendito, locato, conducto, mandato, & denique ex aliis quàm plurimis causis.

23. In duplum agimus: veluti furti nec manifesti, damni injuriæ ex lege Aquilia, depositi ex quibusdam causis. Item servi corrupti: quæ competit in eum, cujus hortatu consiliove servus alienus fugerit, aut contumax adversus dominum factus, aut luxuriosè vivere cœperit, aut denique quolibet modo deterior factus sit. In qua actione earum etiam rerum, quas fugiendo servus abstulerit, æstimatio deducitur. Item ex legato, quod venerabilibus locis relictum est, secundum ea, quæ supra diximus.

24. Triplici verò agimus, cum quidam majorem verâ æstimatione quantitatem in libello conventionis inserunt, ut ex hac causa viatores, id est, executores litium, ampliorem summam sportularum nomine exigere: tunc enim id, quod propter eorum causam damnum passus fuerit reus, in triplum ab actore consequentur: ut in hoc triplo etiam simplum, in quo damnum passus est, continetur. Quod nostra Constitutio introduxit, quæ in nostro Codice fulget, quam proculdubio certum est ex lege condictionis emanare.

25. Quadrupli autem agitur, veluti furti manifesti item de eo quod metus causa factum sit, de quæ ea pecunia, quæ in hoc data sit, ut is, cui datur, calumniæ causâ negotium alicui faceret, vel non faceret. Item ex lege condictionis

titia nostra Constitutio oritur, in quadruplum condemnationem imponens iis executoribus litium, qui contra nostræ Constitutionis normam à reis quicquam exegerint.

26. Sed furti quidem nec manifesti actio, & servi corrupti, à cæteris, de quibus simul locuti sumus, eò differunt, quòd hæ actiones omnimodò dupli sunt: at illa, id est, damni iniuriæ ex lege Aquilia, & interdum depositi, infitiatione duplicantur, in confitentem autem in simplum dantur.

Sed illa, quæ de his competit, quæ relicta venerabilibus locis sunt, non solum infitiatione duplicatur, sed etiam si distulerit relictæ solutionem, usquequò iussu magistratum nostrorum convetiatur. In confitentem verò, antequàm iussu magistratum conveniatur, solventem, simpli redditur.

27. Item, actio de eo quod metus causâ factum sit, à cæteris, de quibus simul locuti sumus, eo differt, quod eius natura tacite continetur, ut qui iudicis iussu ipsam rem actori restituat, absolvatur: quod in cæteris casibus non est ita, sed omnimodò quisque in quadruplum condemnatur: quod est & in furti manifesti actione.

28. Actionum autem quædam bonæ fidei sunt, quædam stricti iuris. Bonæ fidei sunt hæ, ex empto, vendito, locato, conducto, negotiorum gestorum, mandati, depositi, pro socio, tutelæ, commodati, pignoratitia, familiæ erciscundæ, communi dividundo, præscriptis verbis, quæ de æstimate proponitur, & ea quæ ex permutatione competit, & hæreditatis petitio. Quamvis enim usque adhuc incertum erat, inter bonæ fidei iudicia connumeranda hæreditatis petitio esset, an non: nostra tamen Constitutio apertè eam esse bonæ fidei disposuit.

29. Fuerat antea & rei uxoriæ actio una ex bonæ fidei iudiciis: sed cum pleniorẽ esse ex stipulatu actionem inveniẽtes, omne ius, quod res uxoria antea habebat, cum multis divisionibus in actionem ex stipulatu, quæ de dotibus exigentis proponitur, transulerimus: meritò, rei uxoriæ actione sublata, ex stipulatu, actio, quæ pro ea introducta est, naturam bonæ fidei iudicii tantum in ex actione dotis meruit, ut bonæ fidei sit. Sed & tacitam ei dedimus hypothecam. Præferri autem aliis creditoribus in hypothecis tunc censuimus, cum ipsa mulier de dote sua experiatur, cujus solius providentiâ hoc induximus.

30. In bonæ fidei iudiciis libera potestas permitti videtur iudici ex bono & æquo æstimandi, quantum actori restitui debeat. In quo & illud continetur, ut, si quid invicem præstare actorem oporteat, eo compensato, in reliquum is, cum quo actum est, debeat condemnari. Sed & in stricti iuris iudiciis ex rescripto divi Marci, oppositâ doli mali exceptione, compensatio inducebatur. Sed nostra Constitutio easdem compensationes, quæ iure aperto nituntur, latius introduxit, ut actiones ipso iure minuant, sive in rem, sive in personam, sive alias quascumque: exceptâ solâ depositi actione, cui aliquid compensationis nomine opponi, sanè iniquum esse credimus; ne sub prætextu com-

penfationis, depositarum rerum quis exactiōe defraudetur

31. Præterea quasdam actiones arbitrarias, id est, ex arbitrio iudicis pendentes, appellamus, in quibus, nisi arbitrio iudicis is, cum quo agitur, auctori satisfaciat (veluti rem restituat, vel exhibeat, vel solvat, vel ex noxali causa servum dedat) condemnari debeat. Sed istæ actiones, tam in rem, quam in personam inveniuntur. In rem; veluti Publiciana, Serviana, quæ etiam hypothecaria vocatur. In personam, veluti quibus de eo agitur, quod vi aut metus causa, aut dolo malo factum est. Item cum id, quod certo loco promissum, petitur. Ad exhibendum quoque actio ex arbitrio iudicis pendet. In his enim actionibus, & certis similibus, permittitur iudici ex bono & æquo, secundum cuiusque rei, de qua actum est, naturam æstimare, quemadmodum auctori satisfieri oporteat.

32. Curare autem debet iudex, ut omnino, quantum possibile ei sit, certæ pecuniæ vel rei sententiam ferat, etiamsi de incerta quantitate apud eum actum est.

33. Si quis agens, in intentione sua plus complexus fuerit, quam ad eum pertineat, à causa cadebat, id est; rem amittebat: nec facile in integrum restituebatur à Prætorē, nisi minor erat viginti quinque annis. Huic enim, sicut in alijs causis causâ cognita succurrebatur, si lapsus juventute fuerat, ita & in hac causa succurri solitum erat. Sanè si tam magna causa iusti erroris interveniebat, ut etiam constantissimus quisque labi posset, etiam majori viginti quinque annis succurrebatur: veluti si quis totum legatum petierit, post deinde Prolati fuerint codicillis, quibus aut pars legati adempta sit, aut quibusdam alijs legata data sint, quæ efficiebant, ut plus petiisse videretur petitor, quam dodrantem, atque idcirco lege Falcidia legata minuebantur.

Plus autem quatuor modis petitur, re, tempore, loco, & causa. Re, veluti si quis pro decem aureis, qui ei debebantur, viginti petierit: aut si is, cuius ex parte res est, totam eam, vel maiorem partem suam esse intenderit. Tempore, si quis ante diem, vel ante conditionem petierit. Quam enim ratione qui tardius solvit, quam solvere deberet, minus solvere intelligitur, eadem ratione qui præmaturè petit, plus petere videtur. Loco plus petitur, veluti cum quis id, quod certo loco sibi dari stipulatus est, alio loco petit, sine commemoratione illius loci, in quo sibi dari stipulatus est: verbi gratia si is, qui ita stipulatus fuerit, Ephesi daretur? Romæ purè intendat sibi dari oportere. Ideo autem plus petere intelligitur, quia utilitatem, quam haberet promissor, si Ephesi solveret, adimit ei plura intentione. Propter quam causam alio loco petenti arbitraria actio proponitur: in qua scilicet ratio habetur utilitatis, quæ promissori competitura fuisset, si illo loco solveret, quo se soluturum spondit. Quæ utilitas plerumque in mercibus maxima invenitur, veluti vinis, oleo, frumento, quæ per singulas regiones diversa habent pretia. Sed & pecuniæ numeratæ non in omnibus regionibus sub eisdem usuris fœnerantur. Si quis tamen Ephesi petat, id est, eo loco petat, quo ut sibi detur, stipulatus est, pura actione recte agit: idque etiam Prætor monstrat, scilicet quia utilitas solvendi salva est promissori. Huic autem, qui loco plus petere intelligitur, proximus est is, qui causa plus petit: ut ecce, si quis ita à te stipulatur,

puletur, *Hominem Stichum, aut decem aureos dare spondes* ? deinde alterum petat, veluti hominem tantum, aut decem aureos tantum. Ideo autem plus petere intelligitur, quia in eo genere stipulationis promissoris est electio, utrum pecuniam, an hominem solvere malit. Qui igitur pecuniam tantum, vel hominem tantum sibi dari oportere intendit, eripit electionem adversario, & eo modo suam quidem conditionem meliorem facit, adversarii vero sui deterio-rem. Qua de causa talis in ea re prodita est actio, *ut quis intendat hominem Stichum, aut aureos decem sibi dari oportere*, id est, ut eodem modo peteret, quo stipulatus est. Præterea, si quis generaliter vinum stipulatus sit & specialiter Campanum petat; aut generaliter vinum stipulatus sit, & specialiter Campanum petat; aut generaliter purpuram stipulatus sit, deinde specialiter Tyriam petat: plus petere intelligitur, quia electionem adversario tollit, cui stipulationis iure liberum fuit, aliud solvere, quam quod peteretur. Quin etiam licet vilissimum sit, quod quis petat, nihilominus plus petere intelligitur: quia sæpe accidit, ut promissori facilius sit illud solvere, quod majoris pretij est.

Sed hæc quidem antea in usu fuerant: postea vero lex Zenoniana & nostra rem coarctavit. Et si quidem tempore plus fuerit petatum, quid statui oporteat, Zenonis divæ memoriæ loquitur Constituto: si autem quantitate, vel alio modo plus fuerit petatum, in omne, si quod fortè damnum ex hac causa acciderit ei, contra quem plus petatum fuerit, commissæ tripli condemnatione (sicuti supra diximus) puniatur.

34. Si minus in intentione sua complexus fuerit actor, quam ad eum pertineat; veluti si cum ei decem aurei deberentur, quinque sibi dari oportere intenderit, aut si cum totus fundus ejus esset, partem dimidiam suam esse petierit: sine periculo agit. In reliquum enim nihilominus iudex adversarium in eodem iudicio, ei condemnat, ex Constitutione divæ memoriæ Zenonis.

35. Si quis aliud pro alio intenderit, nihil cum periclitari placet, sed in eodem iudicio cognita veritate, errorem suum corrigere ei permittitur: veluti si is, qui hominem Stichum petere deberet, Erotem petierit: aut si quis ex testamento dari sibi oportere intenderit, quod ex stipulatu debetur.

36. Sunt præterea quædam actiones, quibus non semper solidum, quod nobis debetur, persequimur; sed modo solidum persequimur, modo minus: ut ecce, si in peculium filii servive agamus. Nam si non minus in peculio sit, quam persequimur, in solidum dominus paterve condemnatur: si verò minus inveniatur, eatenus condemnat iudex, quatenus in peculio sit. Quemadmodum autem peculium intelligi debeat, suo ordine proponemus.

37. Item si de dote in iudicio mulier agat, placet eatenus maritum condemnari debere, quatenus facere possit, id est, quatenus facultates ejus patiantur: si minus, in tantum, quantum facere potest. Propter retentionem quoque dotis repetitio minuitur. Nam ob impensas in res dotales factas marito quasi retentio concessa est: quia ipso jure necessariis sumptibus dos minuitur.

sicut ex latioribus Digestorum libris cognoscere licet.

38. Sed & si quis cum parente suo patronove agat; item si socius cum socius cum socio, iudicio societatis agat: non plus actor consequitur, quam adversarius eius facere potest. Idem est si quis ex donatione sua conveniatur.

39. Compensationes quoque oppositæ plerumque efficiunt, ut minus quisque consequatur, quam ei debeat. Nam ex bono & æquo, habitâ ratione ejus, quod invicem actorem ex eadem causa præstare oportet, in reliquum eum, cum quo actum est, condemnat, sicut iam dictum est.

40. Cum eo quoque, qui creditor bus suis bonis cessit, si postea aliquid acquisierit, quod idoneum emolumentum habeat, ex integro in id, quod facere potest, creditores experiuntur. Inhumanum enim erat, spoliatum fortunis suis in solidum damnari.

COMMENDARIUS.

S U M M A R I A.

1. *Actio quid eiusque definitio explicata.*
2. *Speciat ea ad actiones tam reales quam personales.*
3. *Continentur definitione extraordinaria persecutiones.*
4. *Divisio actionum summa ac principalis in Reales ac Personales.*
5. *Actiones mixte an tertiam speciem constituent.*
6. *Iudicem & arbitrorum nomine in definitione quinam intelligantur.*
7. *Confessoria & negatoria actiones pro quibus rebus & ad quid decur.*
8. *Subdivisio actionum in Civiles ac Pratorias.*
9. *Actio Publicana qua sit, & ad quid decur.*
10. *Non datur vero domino.*
11. *Datur adversus quemlibet possessorem.*
12. *Requisita huius actionis.*
13. *Recissoria actio cui decur, & adversus quem.*
14. *Remedium aliud succurrendi presenti contra absentem u'ucipientem.*
15. *Ad quid competat, & intra quod tempus petenda hac restitutio.*
16. *Requiritur, res fuerit actoris, & sit usucap'a.*
17. *Remedium rescindens & rescissorium uno actu expedienda.*
18. *Actio Pauliana quid, eiusque inducenda necessitas & aequitas.*
19. *Intra quod tempus movenda.*
20. *Requiritur, ut alienans fuerit ante obligatus creditori, resque in bonis debitoris.*
21. *Al' enationis nomine quid hic veniat.*
22. *Alio. an sit facta in fraudem, concurrente consilio alienantis & ac iudicis.*

23. Et ut consilio respondeat eventus.
24. Actio Faviana & Calvisiana qua.
25. Serviana actio pro quibus rebus competat. & differentia inter inuenta in pradium rusticum & urbanum.
26. Quoad inuenta in pradium rusticum, an requiratur expressa conventio.
27. In quibus rebus pignus hoc locum habeat.
28. Requiritur res illata in bonis fuerint coloni.
29. Actio quasi Serviana ad quid competat.
30. Constitueret quid, & pecunia constituta nomine quid veniat.
31. Actio pecunie constituta cui, adversus quem, ad quid detur.
32. Debitum aliquod prius, etiam naturaliter tantum precedat necesse est.
33. Cujus etiam fiat mentio.
34. Actio de peculio ex qua causa & ad quid detur.
35. Iuramentum quid Aliud Promissorium, aliud Decisorium.
36. Hoc aliud Voluntarium, aliud Iudiciale, aliud Necessarium.
37. Effectus iuramenti.
38. Actio ex iureiurando quando detur.
39. Actio de albo corrupto adversus quem competat, eiusque poena.
40. Actio de in ius vocando eos, quos sine venia vocare non licet.
41. Actionis ne in ius vocati eximantur, unde origo.
42. Differt ab edicto de eo, per quem factum est, quo minus quis se in iusicio sistat.
43. Praiudicium quid, & actiones praiudiciales quae dicantur.
44. Actionum praiudicialium species tres, de libertate, ingenuitate, & de partu agnoscendo.
45. Actio realis & personalis adversus quos & qualiter intentanda.
46. Fur tenetur & reali & personali actione.
47. Actio in rem cur appelletur Vindicatio. & actio in personam Condictio.
48. Actionum secunda divisio principalis in Rei persecutorias, Penales, Mixtas.
49. Depositum actio quibus casibus fit poenalis.
50. Actiones ex male cius vel sunt mere poenales vel mixtae.
51. Actio ex testamento vel relicto piji locis quando fit mixta.
52. Actiones famulae erciscundae, communi dividundo, finium regundorum qualiter dicantur mixtae.
53. Finium regundorum actio inter quos quibus & ad quid detur.
54. Actionum tertia divisio a quantitate materiae, in simplicem, duplum, triplum, quadruplum & quatenus quadruplum excedi non possit.
55. Quae actiones in duplum dentur.
56. Tripli actio Sportularum nomine, quando detur. Sportula quid & earum quantitas.
57. In quadruplum est actio furti manifesti, vi bonorum raptorum, & quod metus causa &c.
58. Ut & actio in factum de calumniatoribus.

59. Item conditio ex lege contra viatores, & modus sportularum.
60. Diversitas inter has dupli, tripli & quadrupli actiones
61. Divisio quarta in actiones bonæ fidei & stricti iuris, & cur ita dicantur.
62. Bonæ fidei sunt actiones hic enumeratæ
63. Sunt & bonæ fidei actiones præscriptis verbis de æstimato & ex permutatione.
64. Item petitio hereditatis, & actio ex stipulatu de dote.
65. Rei uxoria actio pro dote repetenda transfusa in actionem ex stipulatu.
66. Mulier habet ius tacite hæreditate ratione dotis, & præfertur mariti creditoribus omnibus etiam expressum habentibus.
67. Actionum bonæ fidei & stricti iuris differentia,
68. In his actionibus qualiter debeantur usuræ.
69. Dolus dans causam contractui, vel in eum incidens, an & quatenus eum vitiet
70. Differentia quoad compensationem inter has actiones quanam olim fuerit.
71. Compensatio hodie in actionibus omnibus locum habet, excepta causa depositi & inmentanea possessionis.
72. Compensatio quid, & quod debitum vexeat in compensationem.
73. Actiones arbitræ quid, & quæ sint eiusmodi actiones.
74. Sententia in iudicijs omnibus certa ferenda est, iterumq; libellus certus exhibendus.
75. Plus peti quibus modis dicatur & quæ sit pœna plus petentium.
76. Minus petens sine periculo agit.
77. Libelli mutatio quando & quousque permessa.
78. Divisio actionum à modo condemnationis.
79. Maritus convensus nomine dotis habet beneficium competentia, & tenetur tantum, quatenus facere potest.
80. Impensarum, quas in res dotales fecit, quatenus ei concedatur retentio.
81. Privilegium competentia quibus prætereâ indulgeatur.
82. Cedenti bonus quando privilegium competentia proficiat.



AD tertium Juris objectum, quod explicandum restat, reliqua hujus libri spectant, quod est ACTIO, quam Celsus in l. Nihil si. d. De oblig. & act. & eum secutus Imp. hic definit, NIHIL ALIUD ESSE, QUAM IUS, QVOD SIBI DEBETVR, IVDICIO PER SE QUENDI, id est, facultas jure tributa, quâ apud Judicem quis petit, quod sibi dari aut restitui debet. (a) Verba, QVOD SIBI DEBETVR, causam actionis indicant. Ubi DEBERI proprie quidem dicitur, quod ex contractu, maleficio vero aut quasi, debetur, hic tamen generalius accepto verbo etiam ad res eas pertinet, quas ut nostras nobis restitui petimus. * Ut non tantum ad actionem in personam hæc definitio spectet, verum etiam ad eam, quæ in rem est, & PETITIONIS nomine venit, l. Pecunie 178. §. Actionis D. De V. S. Nam non tantum deberi id dicitur, quod nobis dari aut fieri debet, verum & quod restitui. Ut rectè infra §. i. dividatur actio in Personalem & Realem. (b) Dicitur, iudicio, quod ne-

no sibi jus dicere, & propria autoritate rem reposcere possit, sed in iudicio, id est, coram Iudice ad hoc dato per Prætorem, uti olim moris fuisse ex varijs Juris locis constat. Hâc autem voce excluduntur ea, quæ sunt voluntariæ jurisdictionis, uti manumissio, emancipatio, & similia. * Verbum PERSECUTENDI, cum spectet ad extraordinarias persecutiones, facit & eas hic contineri; non exclusis tamen ordinariis. Nec facit, quod illæ non nascantur ex certi generis obligatione, cum habeant certam causam petendi, & quod illis debetur suo quisque jure petere possit, *D. De varijs & extraord. persecut.* Quo modo in *l. Actionis 34. D. D. verb. signif.* nomine actionis persecutio venire dicitur. (c) Accusationes non nisi improprie sub actionis nomine continentur. Proponuntur hoc in tractatu primò ea, quæ ad Actorem spectant; ejus enim, cum provocet, est proponere suam intentionem: tum quæ Rei officium concernunt, cujus est actoris intentionem excludere exceptionibus: denique quæ sunt Judicis, qui hinc inde auditam causam, prout merita cujusque postulant, determinet.

§. Omnium autem

Aliquot divisionibus actionum materia hoc Tit. explicatur, quarum SUMMA, id est prima sive principalis, sumpta est à materia, circa quam versantur. Aut enim IN REM sunt, aut IN PERSONAM, cum, ut hic ait Imp. unusquisque cum eo agit, aut qui sibi obligatus est ex contractu, vel maleficio; aut qui nullo jure obligatus est; nostram tamen rem possidet. Ut ACTIO IN REM sive REALISSIT ACTIO, PER QUAM REM NOSTRAM AB ALIO POSSESSAM PETIMVS. IN PERSONAM, sive PERSONALIS, QUAE DARI AUT FIERI NOBIS QUID PETIMVS. Cujus generis actiones ex contractu, aut maleficio oriuntur, *l. Actionum 25. D. De oblig. & act.* Hæc datur ei, cui quæsitæ obligatio, contra eum, qui est obligatus, ad hoc ut det vel faciat, secundum obligationis formam: illa verò domino rei, aut habenti jus in rem, contra quemcumque possessorem, apud quem res est; non ad hoc, ut detur res, cum quod semel nostrum est, amplius nostrum fieri nequeat, sed restituatur. Unde patet inter has actiones differentia, quarum ista communiter *Conditionis* nomine venit, illa verò *Vindicationis*, uti dicitur inf. §. appellamus. d)

Sunt qui hanc divisionem ut minus plenam arguant, propter actiones mixtas, ut familie erciscundæ, communi dividundo, finium regundorum, propterea quod cum partim sint in rem, partim in personam, sub neutro dictæ divisionis membro videantur comprehendi; atque ita tertiam speciem constituere. Sed dicendum ejusmodi actionum genera ad alteram speciem esse referenda, ad eam scilicet, quæ est in rem; cum principaliter sint in rem, de qua vindicanda agitur, etsi habeant adjunctas præstationes personales. (e)

Quantum ad verba, APUD IUDICES ARBITROSVE, hic in principio posita,

ta, quidam sentiunt, arbitros ibi spectare ad compromissarios, ne si pro iudiciis sumantur, idem videatur non sine vitio repetitum. Sed parum ista acceptio respondet definitioni actionis, cuius vis est tantum in iudiciis publicâ auctoritate attributa. Compromissarii autem auctoritatem suam consequuntur privatim à litigatoribus. Ut sine vitio pro iudiciis à magistratu datæ hic sumantur; eâ tamen differentiâ, quod iudex strictè hic dicatur, cui res controversa, ex qua stricta est actio, cognoscenda addicitur, certa & limitata præscripta formula, quam non ingreditur: arbiter verò, rei, ex qua est actio bonæ fidei, formula non præscripta, aut si præscripta, non tamen ita stricta, quin arbitrio ejus quid ex æquo & bono præstandum relinquatur. Unde arbitria dicuntur ea iudiciâ, quæ in bonum & æquum concipi, atque ex bono & æquo reddi solebant, ut arbitrium familiæ eriscundæ, communi dividundo, pro socio, & similia. (f)

§. *Æque si agat quis.*

Actione in rem non tantum petuntur res corporales, verum & incorporales, uti usufructus, servitus, de quibus *sup lib 2.* non tamen hac actione, quæ vindictio dicitur, sed alia, & quidem duplici, scilicet CONFESSORIA & NEGATORIA. Illa utitur, qui fundi vel vicinarum ædium servitutem sibi adferit, eamque sibi vult liberam concedi, adversus impediens: ista verò dominus, negans fundi sui servitutem competere vicino. Quod genus actionis IN CONTROVERSIIS REUM CORPORALIUM NON ESSE PROBITUM, habet *hic text.* eo quod in ijs, qui non possidet, agat, non etiam possessor: qui frustra negaret alium esse dominum, quia eo probato nihilo foret melior ejus conditio; cum per hoc, quod alterum dominum esse neget, non firmet jus suum, nisi probet se dominum esse. Ut proinde ei sufficere debeat, quod possideat: cum in dubio possessor sit potior, & pro eo judicetur. In servitutibus autem non frustra quis neget alteri jus esse, propterea quod exclusione juris adversarij firmetur causa agentis: probato enim, adversario jus in rem non esse, sequitur ejus respectu eam esse liberam, quod solum agitur, *l. §. in pr. D. Si usufr. pet.* Et ad hunc casum referendus est versiculus hic, SANE ILLO CASU, qui licet diversimodè legatur, ita tamen rectius legitur: ut sensus sit, illo casu, quo agitur de servitute, etiam possessorem actoris partes obtinere, negando alteri jus esse. (g)

§. *Sed iste*

Alia hic divisio actionum ponitur, quam alii secundam faciunt, quæ tamen potius est prioris subdivisio, sumpta à causa efficiente, scilicet, quod actiones, sive in rem, sive in personam, aliæ sint CIVILES, inductæ à lege, aut aliqua

aliqua eius parte, uti jam dictæ, veluti ex empto vendito, locato, conducto, deposito, & similes: aliæ PRÆTORIÆ, sive honorariæ, à Prætore adinventæ, adjuvandi, supplendi, corrigendi juris civilis causæ, l. 7. D. *rustic & iure Cuius* ordinis est publiciana, Recissoria, Pauliana revocatoria, Serviana, quæ in rem sunt; de Constituta pecunia, de Peculio, de iuramento, quæ sunt in personam, quas ordine in sequentibus explicat Imp.

§. Namque sicuti.

PRIMA proponitur PVBLICIANA ita dicta à Publico Prætore, QUÆ EARUM RERVM PERSEQVENDARVM GRATIA DATVR QVAS QVIS A NOBIS DOMINO 9
NO IVSTA DE CAVSSA SIBI TRADITAS ET NECDVM VSVCAPTAS AMISIT, libro primo & secundo D. De Public. in rem act. qualis vindicatione uti nō potest, quod dominus rei non sit factus; ut qui à nō domino proponatur rē accepisse nec usucapionē impleverit. Quia tamē æquū erat, bonæ fidei possessori succurri, ad rem amissam recuperandam, ideo Prætor illi dedit hanc Publicianam, qua rem, quasi ejus esset factus dominus per usucapionem, vindicat, text. hic, * Ex 10
his patet, domino eam non competere; cum illi sit actio civilis, scilicet vindictio, ut hæc non sit necessaria, d. l. 1. §. 1. Si tamen dominium probare nequeat, videtur & illi succurrendum ex iusta possessione antè habita, secundum rationis paritatem. (h) * Datur non contra quemvis possessorem, sed eum 11
qui titulum non habet. In eo enim consistit ratio hujus actionis concessæ, quod æquius sit illi succurri, qui bona fide rem tenuit, præ illo, qui jure eam non est nactus, l. fin. D. d. t. Ut contra justum possessorem hæc actio non habeat locum, cum in pari causâ potior sit possessor, d. l. ult. & l. Si autem 9. D. eod. l. In pari 128. De R. I. (i) Ut etiam contra ipsum dominum, ad quem res fortè reversa, non competere sit expeditur, d. l. fin. cum ei jus sit fortius qui à possessore avocare rem potuerit, ut multò magis exceptione eum repellat. (k) * Requisita ergò hujus actionis sunt, possessionem bona fide, ex iusta causâ fuisse traditam à non domino, usucapione nondum completâ amissam, 12
& apud alium sine titulo existere. (l)

§. Rursus ex diverso.

ALTERA actio Prætoria RESCISSORIA communiter dicta, inducta etiam à 13
Publico, ut indicat Paulus in l. In honorarijs 35. D. De oblig. & act. QVA AGITVR ADVERSVM SEVVM, QVI VSVCEPIT, QVASI VSV NON CEPISSET. Prætor enim ex causâ absentiæ necessariæ, vel probabilis, dat restitutionem in integrum, vel absenti, contra eum, qui præsens vel absens rem usucepit, ne illi sua absentia noceat; vel præsentem adversus absentem, ne ei sua absentia profit. Ita tamen contra absentem competit, quatenus non defenditur. Nam si procu-

- Procuratorem reliquerit, qui conveniri poterat, non inquit, tabitur absens: imputet enim sibi præsens, quod cum potuerit interrompere possessionem interpellando, illud omiserit, *l. Item ait 21. §. hac autem De Ex quib. caus. maiores etc.* In quo Tit. & alii proponuntur restitutionis causæ. * Hodie præsenti contra absentem usucapientem est aliud remedium, scilicet, ut coram Præside Provinciæ, vel loci defensore, porrigendo ei libellum, interruptionem proponat, vel, si absint, publicè, ubi domicilium habet possessor, cum tabellariorum subscriptione, aut, si hi desint, trium testium, *l. 2. C. De annali except.* * Competit hæc restitutio non tantum ad rem amissam recuperandam, sed etiam ad lucrum, *l. Et si ve quid 2. D. d. t.* cum plenissimam indemnitate adferat: quod non extendendum ad lucrum, cum pœna & damno alterius, *l. Sciendum 18. d. t.* Petenda intra annum *iuxta text. hic*, eo quod actum jure civili validum rescindat, revocando scilicet dominium ab eo, in quem res translata fuerat. Utilis hic annus est, cum computetur à tempore, quo quis abesse defierit, & experiendi potestas fuerit. * Requiritur itaque ad hanc restitutionem, RES FUERIT ACTORIS, & PER ALIUM USUCAPTA, sive absentem, sive præsentem, propter justam absentiam actoris, quatenus non absens id damnum non fuisset passurus. Tantum enim intendit Prætor, ne justa absentia alicui obsit, alteri prosit. Quo modo absentia non imputandum, quod & præsenti contigisset, *l. Is qui reipub. 39. D. d. t.* Annum hunc mutavit Justin. in quadriennium continuum, *l. fin. C. De temp. in inteq. restit.* * Versatur autem in hac restitutione duplex remedium, RESCINDENS scilicet, quod continet restitutionem prætoriam, quâ usucapio per Prætores rescinduntur, & RESCISORIUM, quo postea vindicatur res. Quæ duo remedia, licet sint diversa, uno tamen actu expediuntur, cum eadem operâ Prætor rescindat, & cognoscat de restitutione. (m)

§. Item is qui in fraudem.

- 18 Tertia Prætoria actio est REVOCATORIA PAULIANA, à Paulo Præto aut magistratum gerente dicta, QUÆ CREDITORES PERSEQUUNTUR RES A DEBITORIBVS IN FRAUDEM ILLORVM ALIENATAS. Eam causavit necessitas, quod jure civili, nec in rem esset actio, utpote alienatam; nec in personam, nullo intercedente cum eo, in quem alienata, contractu. Probavit æquitas, quod iniquum esset, fraudem debitoris creditori credere damno. Rectè inter eas, quæ in rem sunt, refertur, cum rem sequatur: licet non detur in quemlibet possessorem, sed in eum tantum, in quo est causa revocationis, de quo mox. Et licet detur occasione callidæ alienationis per debitorem, principaliter tamen ratione domini, quod debitor habuit, & male transtulit, ut videtur ab eo non recessisse. * Datur intra annum utilem, *l. 1. §. 10. D. Quæ in fraud. credit.* propterea quod actum jure civili validum rescindat. Quem inchoari à tempore excussionis est verius, non etiam à tempore alienationis, *d. l. 1.* cum antè non currat tempus, quam agere valenti; agere autem antè non possit creditor,

ditor, quàm constet non esse solvendo debitorem. * Itaque ut actio hæc com-
petat, requiritur primo, Is QUI ALIENAVIT OBLIGATUS FUERIT ACTORI EX
CAUSSA ANTE ALIENATIONEM CONTRACTA. Neque enim potest videri fraus
facta creditori posteriori, nisi & adversus futurum consilium fraudis initium fue-
rit, *l. Si quis 16. D. d. r.* Secundò, RES ALIENATA IN NOBIS FUERIT DEBI-
TORIS. Alienæ enim rei amissio non incommodat creditori. * Alienationis²¹
nomine venit actus, quo res, quæ habetur, ponitur extra dominium, vel res,
sua aut jus quæsitum sit deterius, liberando debitorem, vel remittendo pignus
l. l. D. d. r. Repudiatio eius, quod acquiri potuit, non continetur sub alienati-
one, cum per eam non tam diminuatur patrimonium, quàm potius non augeatur,²²
l. 6. D. d. r. * Tertiò, IN FRAUDEM CREDITORUM SIT FACTA; ad quam
duo requiruntur. Primò, consilium alienantis, & eius in quem alienatio facta,
d. l. 6. §. hoc edictum, d. l. 10. §. 1. 2. 3. Hic enim, si ignoret agi præjudicium
creditorum, non est privandus jure, quod datum possessori, scil. quia in pari
caussa sit potior non possidente. Et hoc, quando uterque agit de damno vitan-
do: nam si non possidens agat de damno vitando, potior erit eo, qui possidet,
agente de lucro captando. Ut in casu, quo ex causa lucrativa res alienata; tunc
enim sufficit consilium alienantis tantum, *d. l. 6. §. simili*, ne quis damno ali-
eno lucrum sentiat. * Secundò, consilio respondeat eventus, id est, re ipsa frau-²³
dentur creditores, debitore per alienationem facto non solvendo, *d. l. 10. §. 1.*
Neque enim alias est quod conqueratur creditor, cuius indemnitati consultum in
bonis restantibus. Fraudis probatio creditori incumbit ut aleganti, facienda
ex conjecturis, & præsumptionibus, de quibus Bart *ad l. Post contractum D De*
*donat (n)** Diversa ab hac est actio FABIANA & CALVISIANA, patrono com-²⁴
petens, per quam revocat alienata, quo minus consequatur debitam portionem,
per fraudem à liberto testato per Fabianam, intestato vero per Calvisianam, *D. Si*
quid in fraudem patroni.

§. Item serviana.

Quarta est SERVIANA, inducta à Servio Pratore, Qua PERSEQUITUR LO-²⁵
CATOR PRÆDII RUSTICI INVECTA ILLATA IN ILLUD PER COLONUM,
QUÆ UT PIGNORI ESSENT NOMINE MERCEDIS CONVENERAT, *text. hic.* In
quo distinguuntur illata in prædium rusticum ab illatis per inquilinum in prædium
urbanum, quæ tacite obligata censentur, hoc ipso quo inducuntur, *l. 4. in pr. D*
In quib. caus. pig. tac. contrah. Rationem differentie ponunt, quod in illis sit
locatori provisum per fructus, qui tacite obligati censentur; ut aliarum rerum
invectio non faciat eas tacite obligatas ideoque expressa requiratur conventio:
in his verò, cum subsit res sterilis, magis providendum fuerit locatori per taci-
tam hypothecam. (o)

- 26 Disputatur autem, An illo casu necessario requiratur expressa conventio? Nam sunt, qui putant sufficere scientiam rerum in vectorum, per *l. certi iuris §. C. locati*, ubi videtur sufficere ipsum locatorem scire, res illatas in vectoras esse. Verum rectius dicitur requiri expressam conventionem, per *text. hic, d. l. 4. & d. l. 5. D. In quib. causis pig. tac. contrah. (p)*

Habet autem locum pignus istud in rebus propriis, non etiam in alienis, quæ ne quidem expresse obligantur; non idem in rebus, quæ obligari nequeunt, In iis autem propriis tantum, quæ ita in vectoras illatæ, ut ibi mancant *l. fin. D. eod. non etiam quæ temporis tantum causâ accommodantur, l. debitor 32 D. De pignorib. **

- 28 Ut actio hæc competat, oportet res tempore alienationis in bonis coloni fuerit, isque eius habuerit liberam potestatem, *l. Et quis §. 1 D. De pigno.* In quo distinguitur à Salviano interdicto, in quo satis est tempore oppignorationis debitor fuerit rei possessor.

- 29 Ad exemplum Servianæ inducta QUASI SERVIANA, cuius hic mentio, Quæ, ut habet *textus*, CREDITOR PIGNORA HYPOTHECASQUE PERSEQUITUR, ut ipse potior in rebus istis sit, quam alius, Ubi etiam requiritur, ut res tempore constituti pignoris fuerit in bonis debitoris. Latius hanc volunt petere priori ista, quod habeat locum in pignore expresse & tacito, mobilibus & immobilibus, (q) Inter pignora & hypothecas, quorum hic mentio, licet quoad actionem parum inter sit, quoad nominis tamen rationem est differentia, quod pignus sit rei mobilis à Pugno dictum, quod res tradatur creditori: hypotheca autem rei immobilis, quæ nuda conventionione obligatur. (r)

§. In personam.

- 30 Explicatis realibus prætoriiis, subiungitur de personalibus Prima est DE CONSTITUTA PECUNIA. * *Constituere* est firmare. (s) sed quælibet alia, sive mobilis, sive immobilis. Ut CONSTITUTUM SIT CONVENTIO, QUÆ QUIS SE SOLUTURUM CERTO DIE PROMITTIT AUT RECEPIT NUDO PACTO, QUOD IPSE AUT ALIUS DEBET, *l. 3. D. De const. pecun.* (t) Hic contractus posset videri inter nominatos ponendus, quod nomen à Prætorio speciale datum habeat, formam certam & actionem nomini convenientem, *l. 1. & 2. C. De const. pec. ** Datur ei, cui constitutum, contra eum, qui constituit, sive suo, sive alieno nomine, quatenus se obligare & pro alio intercedere potest. Ut mulier pro se quidem constituat, non etiam pro alio, *d. l. 1. §. 1. quod videatur intercedere.* Datur & in hæredem constituentis, quia est in rem. Venit id quod constitutum est, sive id ipsum, quod ante debebatur, sive aliud quid: nam ut aliud pro alio rectè solvitur volenti, ita rectè constituitur. * Necesse est autem est, ut debitum prius subsit, sive eidem debeatur, sive alteri: nam quod debetur Mævio, rectè quis constituit se soluturum Titio, *l. 5. §. 2. D. d. 8. ut,*

l. ut, si nullum debitum subsit, non teneat constitutum. Constituire enim est firmare, ut dictum: firmari autem non potest, quod non subest. Præterea in eo fundatur Prætor, quod non videatur ducilevitare, qui debitum iteratò promittit. Ubi satis est, naturaliter tantum debeatur, cum & tale debitum verè sit debitum, & conditionem impediatur, uti dictum sup. *lib. 3. tit. 15.* Civiliter tantum debitum, non videtur constituendo firmari posse, cum nulla subsit æquitas, quæ Prætorem movit ad dandam hanc actionem. * Oportet etiam fiat mentio prioris debiti, *per 33 l. Titius 24. & l. fin. D. d. t.* cum forma hujus obligationis sit, ut fiat pro debito, quod proinde exprimendum, ut sciatur quid agatur: aliàs à nudo pacto non distingueretur, quod etiam geminatum nullam dat actionem, cum geminatio non tollat levitatem, quæ subesse creditur, uti tollit ratio ad id, quod debetur. Hinc patet quatenus hæc actio differat à stipulatione, quæ verba desiderat, nec ullum prævium debitum, & actionem dat civilem; & à fidejussione, quæ fit accessoriè tantum pro debito alieno, etiam civili tantum, & per stipulationem. (u)

§. Actiones autem.

SECUNDA actio est DE PECULIO, QUÆ DATUR IN PATREM ET DOMINUM³⁴ EX CONTRACTU FILII ET SERVI. Huius inductæ ratio est, quod lex civilis actionem non det, nisi quatenus quisque contraxisset, non etiam ex facto alieno alium gravet, *l. 1. C. Ne filius pro patre &c.* Æquitas autem non patitur, non esse consultum creditori, ex cuius bonis peculium auctum in rem patris aut domini, cui peculium filij aut servi cedit. Ut meritò contra eam hæc actio de peculio sit inducta, non tamen ultra quàm ferunt peculij vires: neque enim est voluntas patris aut domini inviti conditionem deteriore. Ubi etiam prius quàm hæc actio detur, detrahendum id, quod patri aut domino debetur, cum hoc non sit in peculio, §. *præterea inf. tit. seq.* Hæc autem actio est perpetua, quoad filius vel servus est in potestate, postea annalis esse incipit, *l. 1. D. Quando de peculio actio annal. sit*: visum enim post extinctum peculium tempus anni iudicare creditori, *d. l. 1. §. merito.* (x)

§. Si qui postulante.

TERTIA actio est in factum utilis EX IURAMENTO, quod Cicero vocat *religiosam affirmationem* plenius alij *assumptionem nominis divini in alicuius confirmationem.* Rectè, *divini nominis?* quia non nisi per Deum juratur, non etiam per creaturas. (y) Duplex est, aliud ad fidem adstringendam, & dicitur *Promissum*, quod ne quidem jure Canonico actionem parit: aliud ad lites firmandas, & dicitur *Decisorium*, quod ad hunc locum spectat, & actionem, de quâ hic

36 hic, parit. * Estque triplex, VOLUNTARIUM, quod extra iudicium ex partium conventionione deferitur & præstatur, citra necessitatem referendi, & dicitur *Conventionale*. JUDICIALE, quod deferitur à parte parti in iudicio, iudice approbante *l. pen. §. 1. C. De reb. cred.* Hoc vel præstandum, vel referendum, aliàs solvere cogendus adversarius, *l. Nam posteaquam 9. D. d. t. l. Manifesta 38. D. De iureiur.* quia videtur fateri. Relatum deferendi ab eo necessario præstandum, aliàs ei actio denegabitur, *l. Si non fuerit 37. D. d. t.* quia non est ferendus, qui adversario deferit conditionem, quam ipse implere recusat, *d. l. pen. §. 1.* nisi tamen causa sit excusans, vel eum, cui delatum, vel eum, cui relatum. *c. fin. in pr. De iureiur.* NECESSARIUM dicitur, quod in iudicio à iudice alteri partium deferitur, sive actori, sive reo, pro causæ qualitate. Hoc non aliàs deferitur, quàm in defectum probationum, *l. Admonendi 31. D. d. t. l. 3. C. De reb. cred.* ut causa debeat esse dubia. Ubi receptus, tum causam esse dubiam, quoad delationem iuramenti, quando est semiplena probatio, non etiam tunc tantum, quando hinc inde plene probatum. Nulla stante probatione, huic iuramento nullus est locus, cum quod omnino non est, suppleri nequeat. Quod secus se habet in voluntario, & iudiciali, per *l. fin. C. De fideicom. & l. Tutor. 35. D. De iureiur.* ubi, deficientibus probationibus, deferens id generis iuramentum auditur, ut metu divini iudicii extorqueatur veritas ab adversario, qui aliàs in eo statu, ut absolvendus sit, iuxta illud vulgare, Actore non probante reum absolvi. (z) * Effectus iuramenti est, quod pro eo præsumatur, qui iuravit, ita ut postea non quærat, an debeat, sed an iuratum sit, *text. hic & l. Non erit 5. §. 2. D. d. t.* Aded ut non retractetur etiam per nova instrumenta, *d. l. 31. in fine*, saltem voluntarium & iudiciale: nam sententia lata ex necessario retractari potest, *d. l. 31. in fine*. Ratio diversitatis est, quod duo priora genera contineant quamdam transactionem, scilicet, *si iuraveris dabo*, aut *non petam*, non item necessariam, cum deferatur à iudice citra partis voluntatem, ut nihil impediat retractari.

38 * Est itaque ex duobus prioribus & actio à Prætoribus inducta, & exceptio. Actio illi, qui ad delationem aut relationem alterius iuravit sibi deberi. Exceptio ei, qui iuravit se non debere, *d. l. 9. §. 1. D. d. t.* Actio est in factum ex iureiurando, si simpliciter iuratum fuerit dari oportere: si verò ex certa causa aut contractu, dabitur actio ex illo contractu Iusiurandum autem erit loco probationis.

§. Penales quoque.

39 Non tantum in rem actiones induxit Prætor, de quibus supra, verum & pœnæ persecutorias, quarum tres hic proponuntur. * Prima ALBI CORRUPTI, ADVERSUS EVM, QVI QUID EX ALBO PRÆTORIS CORRUPIT. ALBUM erat tabula dealbata, in qua Prætores edicta sua proponere solebant, ut ab omnibus legi & cognosci possent. Vnde in *l. 1. §. 1. D. De edendo* dicitur quis adversarium suum ad album producere. Corruptum dicitur, qui inducit,

cit, tollit, mutat, quovis modo turbat, *l. 7. in fine D. De juris d.* Poena est 500. aureorum, quatenus dolo malo id corruptum, quod perpetuæ jurisdictionis causâ propositum, non etiam prout res incidit, *d. l. 7.* Popularis ea actio est, cuius agere volenti competens, *d. l. 7. in pr.* Publicæ enim utilitatis causâ quilibet est vindex contempti magistratus. (α) * Secunda est IN EUM, QUI PARENTEM⁴⁰ AUT PATRONUM IN JUS VOCAT, NON OBTEŒTA A PRÆTORE VENIA. Ubiparentis nomine venit etiam non habens in potestate, socrer quoque & socrus, *l. 4. cum seq. D. De iniuriis vocando.* Poena est 50. aureorum, *l. pen. d. t.* (β) Ratio est in læsa reverentia talium personarum, maxime secundum jus pristinum, quo debitor interpellatus, si non sequeretur vel defenderetur, in jus rapiebatur collo obtorto. Quæ poena hodie posset videri cessare, cum cesset ille pristinus in jus ducendi rapiendi modus, & nemo sine venia iudicis in jus vocetur, siue citetur.

Tertia est ADVERSUS EUM, QUI EXEMIT EUM, QUI IN JUS⁴¹ VOCABATUR, AUT CUIUS DOLO ALTER EXEMIT, qua de re est Tit. Digest. *Ne quis eum, qui in ius vocat, &c.* Pristino enim jure in ius vocatus statim cogebatur sequi, aut manu injectâ ducebatur, nisi satisfacere iudicio sisset. Contingebat autem eum per alium eximi, quod minus sequeretur. Ubi *Eximere* est quoquo modo auferre, aut impedire, quod minus in ius vocatus veniat. Poena certa non est expressa, sed ad eam actione in factum agitur, quanti ea res est, æstimandum, *l. 5 § 1. D. d. t.* quatenus tamen vocatus ad iudicem competentem, & talis, qui vocari potuit: aliàs non tam foret eximentis peccatum, quam vocantis, qui poenâ dignus ex eo facto non rectè ad poenam agit (γ) * Est huic vicinum Edictum de eo, per quem factum erit, quod minus iudicio quis se sistat. Differt à superioris, quo vis coërcetur, & poena cedit vocanti; hoc verò dolus, agiturque ad id, quod interest, vocatum non esse exemptum per eum, qui est exemptus, *l. 1. §. 6. rem D. D. eo per quem factum erit &c.* (δ)

§. Præiudiciales actiones.

Descendunt etiam ex Edicto Prætoris ACTIONES PRÆJUDICIALES. *Præiudicium* interdum denotat rem, quæ cum iudicata fuerit, adfert iudicaturis exemplum, quod sequantur. Hic verò causam status, non principaliter, sed incidenter motam per modum exceptionis, cum in ea non prætendatur aliqua condemnatio, sed magis exclusio illius, qui primam causam intenderat. Nam si principaliter causa status agatur, veluti libertatis, non dicitur actio præiudicialis, sed potius liberale iudicium. (ε) Videntur autem hæ actiones esse in rem, quod proprietatis causam contineant; nam servum filiumve suum aliquem adferens, jus domini videtur adferere. * Tres earum species hic referuntur.⁴⁴ Prima LIBERTATEM tangit: nam si Mævius hæreditatem Titio relictam sibi adserit tamquam domino, querendum, an Titius sit servus Mævi, cuius definitio

nito adfert præjudicium quæstioni motæ super hæreditate, quæ si servus judicetur cedet actori, non etiam si liber aut libertus. Secunda **INGENUITATEM** concernit: nam si petantur operæ à Mævio, qui se libertum negat, quærendum an libertus sit actoris; quo probato, operæ leventur, quæ aliàs frustra petita, cum ingenuus operas debere nequeat, *l. ult. D. Si libert. ingen. esse dic.* (7) Tertia est **PARTV AGNOSCENDO**, quando mulier exhiberi partui alimenta desiderat tamquam marito, qui partum suum esse negat. Ubi cognoscendum, an sit suus; quo cognito, principali præjudicium factum, eiusque causa decisa est. *D. De agnosc. lib.* Dicitur autem prima actio legitimam causam habere, id est, civilis esse, quod descendat ex legibus XII. Tabb. ex quibus est illud caput, ut dentur vindicæ secundum libertatem.

§. Sic itaque discretis.

- 45 **H**actenus de prima divisione Actionum in rem & in personam. Hic duo consecrarii loco infert Imp. Prius est, quod non possit quis intentare actionem in rem adversus eum, quem paret sive apparet dare oportere. Dare enim est dominium transferre. Translationem domini frustra postulat, qui dominus est; nec enim quod actoris est amplius ejus fieri potest, ut habet hic textus. Ut actionis realis non sit, petere rem sibi dari, sed restitui: personalis verò, petere rem sibi dari, aut quid fieri ab eo, qui ad dandum aut faciendum est obligatus: ut
- 46 cui actio personalis est, is non rectè intendat sibi restitui. * Excipe furem, quem licet dominus possit impetere actione reali, ut restituat, eo quod per furtum non sit illi ademptum dominium potest tamen & eundem oppugnare, personalis scilicet conditione furtivâ, *text. hic vers. planè.* Et hoc ita in odium furum dicitur adinventum, ut pluribus actionibus teneantur: non sine utilitate, cum competat in furem, ejusque hæredem etiam in casu, quo res periit sine dolo aut culpa eorum, & hæres in solidum excuti possit, etiam si ad eum nihil pervenerit, *l. 7. §. 9. D. De condi. & furt.* *
- 47 Alterum ad appellationem istarum actionem pertinet, quod actio in rem **VINDICATIO** dicatur, ex antiquo more dicendarum vindiciarum, deducto nomine à Vindicando, id est adferendo dominium rei, vel jus quod quis habet. (1) Actio verò in personam **CONDICTIO**, *text. hic vers. appellamus*, ex veteri more denuntiandi diem adversario, quo in jus venturus: significatur enim nomine *Conditionis* prisca lingua denuntiatio. Abolitus autem pristinus ille denuntiandi mos, retento eo nomine pro actione personali, quâ intendimus adversarium nobis dare facere oportere, *text. hic & sup. eod. §. 1.*

§ Sequens illa.

SECUNDAM principalem hanc esse divisionem patet ex verbis primis, sumptam à qualitate materiae, quod scilicet actiones aliae sint REI PERSEQUENDAE gratiā, PŒNÆ, aliae MIXTÆ. Rei persecutoriae sunt omnes actiones in rem, & in personam, 48 aliae quæ ex contractu oriuntur, *text hic*. In quo additur, *fere omnes*, * propter actionem depositi, quæ ex contractu quidem rem sequitur, in quibusdam tamen casibus ultra rem persequitur pœnam, & est in duplum, scilicet quando agitur de deposito ex causa ruinae, incendij naufragij, tumultus; non simpliciter, sed in ca- 49 su, quo infitatus depositum convincitur, *text hic vers. plane & l. 1. D. Deposit.* Cuius ratio consistit in maiori perfide a depositarij commissa infitiando depositum istis casibus, quibus propter instans periculum non potuit deponens eligere fidelem amicum, cui res commendet. (S) Sub duplo hic etiam venit ipsa res. In hæredem tantum est in simplum, nisi & eius dolus arguatur, *text. hic.* * Ex malefidiis descendentes actiones quædam pœnam solam persequuntur, uti furti in du- 50 plum aut quadruplum, ultra quod res vindicatur aut condicatur, ut dictum *sup. tit. 1.* Quædam simul cum pœna rem ipsam: cuiusmodi est Vi bonorum raptorum, cuius actio tendit in quadruplum, cui res in est *sup. tit. 2.* Item Legis Aquiliae, quâ plus petitur quam res est tempore damni dati, ut traditum *sup. tit. 3.* * Est & mixta actio in eos, qui relictæ piis locis solvere differunt, donec in iudicium vocen- 51 tur, aut infitiantur, qui non tantum damnantur in id, quod relictum, sed in alterum tantum nomine pœnæ. Qui simoniti à iudice intra annum non satisfecerint iudicantur indigni hæreditate, salva solum legitima, *Auth. hoc amplius C. De fideicom.*

§. Quædam actiones

ALTERIUS ordinis actiones mixtæ tres hic proponuntur, quæ partim in rem sunt, 52 partim in personam, quod ijs & rem vindicemus, & adversarium nobis dare ut facere compellamus. Prima est FAMILIÆ ERCS CUNDÆ, id est hæreditatis, ut divisa pars vindicetur, *l. 1. 2. 3. D. Fam. ercisc.* In personam est, quia per eandem indendimus adversarium nobis obligatum esse dare facere, ratione expensarum, quas in rem communem actor fecit, aut ratione fructuum, quos ex re percepit reus; ut commoda & incommoda non sint uni tantum lucro aut damno. Secunda COMMUNI DIVIDUNDO, quæ in eo à superiori distat, quod sit rei 53 singularis, cum illa obtineat in universalibus. * Tertia FINIUM REGUNDORUM, inter eos, qui confines habent agros: tantum enim habet locum

locum in prædiis rusticis, non etiam in urbanis, quæ distinguuntur potius parietibus, quam terminis. In rem est, quia vindicatur fines, qui sunt confusi: in personam, quia tenetur adversarius præstare, quod ex loco percipit aut eo nomine abest, *l. 4. §. finium regund.* Permittitur autem his tribus judiciis judici rem alicui ex litigatoribus adjudicare, cumque invicem alteri ad certam pecuniam condemnare, ad servandam æqualitatem, *inf De off iudicis.* Possent & hæc tria iudicia dici mixta. quod uterque partes actoris & rei sustineat, *l. in tribus 13. D. De iudic (1)* Est & petitio hereditatis partim in rem, partim in personam, propter personales præstationes, *l. Sed et si lege 25. §. pen. D. De petit. hered.*

§. Omnes autem

- 54 **T**ertia Actionum divisio à quantitate materiæ sive rei, quæ petitur, desumpta, quod scilicet vel sint IN SIMPLUM conceptæ, vel in DUPLUM, vel IN TRIPLUM, vel IN QUADRUPLUM. Ultrà nullam actionem esse, textus hic affirmat. Quod verum est, primò, si una actio intentetur, non etiam plures ex uno facto procedentes, quæ simul possunt excedere quadruplum, *l. Et generaliter 3. §. fin. D. Decalumniat.* Secundò, in pænalegali: conventionalis enim cum ex partium conventionem vim capiat, quadruplum excedere potest, ad lubitum partium, *l. Cum pæna 38. D. De recept. qui arbitr.* Tertiò, quatenus habetur respectus rei, quæ quadruplanda, non etiam quando inspicitur, quatenus rei offensa sit punienda. Exemplasunt in § *pænales sup. cod.*
- 55 * **S**IMPLUM persequimur stipulatione, actione ex mutuo, exempto, & aliis rei persecutoriis, sive ex contractu, sive ex maleficio descendant. IN DUPLUM est actio furtive nec manifesti, Legis Aquilæ, *de quibus sup.* depositi in certis casibus, *de quibus paulo ante*, item servi corrupti contra eum, qui quoad animum servum corrumpit, ut domino esset contumax, aut alias ex bono malus factus, *l. 1. D. De servo corrupto.* Corruptio quoad corpus ad L. Aquiliam spectat. Venit & in hanc actionem, quod servus domino per furtum abstulit, *text. hic versus item servi.* * TRIPLI actio est adversus eum, qui ut sportulis maioribus gravaret partem, plus debitâ quantitate libello est complexus, *5 (text. hic versus tripli.* Solvebantur enim hæc pro rata quantitatis libello expressæ. Nominis etymnon à sportis desumptum, quæ sunt calathi ex vimine contexti, quibus concedebantur stipēs convenientibus in atrium mane salutandi gratia à magnatibus dari solitæ. Postea pro ipsis stipibus est adsumptum. Tandem sportularum appellatio latius porrecta ad salaria & honoraria, quæ dantur iudicibus & viatoribus, id est executoribus litium, quorum officium erat, reos convenire, id est in ius vocare, iudicata exigere. Quin etiam nonnumquam solitos fuisse Magistratus populi Romani viatorem nominatim vice arbitrare, tradit Ulp. in *l. ult. D. De iudic.* sed admodum rarò id esse faciendum, & non nisi

nisi re urgente, idem monet. Sportulæ itaque pro rata quantitatis petita ex-
gebantur. Pone ergo viatori de centum aureis unum deberi. Ego Titio cen-
tum debeo, Titius a me mille petit, eo tantum fine, ut viatori decem dem
hic damnum, quod mihi actor dedit, in triplum ab eo persequi possum con-
ditione ex lege, quam Imp. hic condictionem ex lege appellat, quod scilicet
omnes actiones, quæ ex novis legibus sive Constitutionibus descendunt, &
proprium nomen non habent, conditiones ex lege vocentur, *l. un. D. De
condict. ex lege.* Etenim Justinianus hæc primus suâ Constitutione, quam
hic citat, licet ea intercederit, induxit. Hujus mentionem facit *Constitutio sua
Nov. 82. De iudicib. §. nemine audente,* item *Nov. 124. De litigat. & de sport & alibi.*
Faciunt, quæ Harmenopolus *lib. 1. tit. 4. de sportulis* ex Nov. Constantini re-
fert. Veniunt & sportularum nomine erogationes illæ, quæ in ordinem decu-
rionum fiebant, *l. Si sponsus §. §. cum igitur 16. D. De donat. inter vir. & ux. l.
6. §. 1. D. De decurion.* * IN QUADRVPLVM est actio furti manifesti, *sup 57*
*tit. 1. Vi bonorum raptorum, tit. 2. Quod metus causa, text. hic & vers. in
quadruplum,* quæ est actio prætoriam personalis in rem scripta, ei competens, qui
per metum iustum ad dandam rem aliquam, vel faciendum quid, compulsus est.
Metus requiritur iustus, cadens in constantem virum, per injuriam ab intrin-
seco incussus. Anno durat, quia prætoriam pœnalis, in quadruplum videlicet :
post annum datur in simplum, *inf. tit. 12. l. Super vim & metum C. De his que
vi metusve cau.* Quadruplatur autem res metu extorta, & eius æstinatio, ut
ea videlicet comprehendatur ipso quadruplo, triplum verò sit pœna, *l. Item
sicum exceptione §. Labeo ait D. h. t.* * Est & in quadruplum actio in factum de *58*
calumniatoribus, contra eum, qui pecuniam accepit, ut negotium alicui in-
nocenti facefferet calumniosè, alicuius extorquendi gratia, vel divexandi, aut
etiam injustam vexationem omitteret. Pecuniam in eum finem vel acceptam
esse sufficit, licet calumnia secuta non fuerit : nam quocumque modo quis de-
pertus, id est, turpiter pactus fuerit, non transiendo, sed sordidæ concussio-
nis causâ pecuniam, sive aliud quodcumque commodum acceperit, hac actione te-
neretur, *l. 1. 2. & 3. D. h. t.* Est & conditio ob turpem causam, in casum videlicet, quo
quis accepit, ne calumniam faceret, alterutra tamen sufficit, *l. 5. in fine D. De
calumniat.* In quadruplum est intra annum, quia prætoriam pœnalis ; post an- *59*
num in simplum, quia rei persecutoria, *l. 1. D. h. t.* * Finaliter in quadru-
plum agitur ex lege condictionis, sive conditione ex lege, contra viatores ipsos,
qui ultra constitutum a litigatoribus exegerint. Justinianus enim noster Con-
stitutione sua, quæ in priori Codice fuit posita, hodieque non exstat, certum
sportularum modum præsumiverat viatoribus solvendum, proposita quadrupli
eius, quod amplius exigenter, pœna. Quæ distinguitur ab ea, cuius supra fa-
cta mentio, qua triplum tantum exigebatur : nam illa concernit actorem
plus debito petentem, hæc autem ipsos executores, quorum peccatum circa
ea, quæ sunt sui officij, est gravius. Modus sportularum hic præscriptus vide-
tur ex Theophilo hoc loco, ut ex centum aureis dimidiatus haberetur, ex du-

centis aureis &c. aliud tamen inductum patet ex supra dicta *Nov. De iudiciis. 82. §. ne autem*, Cujac. 12. *Observ. 6. 22.* Hæc actio in usu esse desit, cum statutis singularum Curiarum certus modus sportularum sit taxatus, proposita pœnâ plus exigenti. Quæ si nulla expressa, probabiliter cum Zasio hic dicendum, huic actioni locum fore; cum quæ non sunt mutata, non sint prohibenda stare.

§. Sed turpi.

60 **I**N actionibus proximè relatis diversitas quædam observanda. Nam quædam omninò natura sua sunt in duplum, triplum, aut quadruplum, uti furti, servi corrupti, de calumniatoribus, condititia ex lege: quædam verò per accidens tantum, ratione temerariæ insitiationis; ut Legis Aquilæ, legatorum piorum, quæ in simplum dantur, augentur autem insitiatione in duplum. Uti & metus causa actio non alias datur in quadruplum, quàm ex contumacia rei, qui iussus restituere rem, quam metu extorsit, iudici non paret, quæ alias simplum solvendo liberaretur, *d. l. Item si cum exceptione §. in actione D. eod. tit. (x)*

§. Actionum autem.

61 **Q**uarta hæc divisio sumpta à potestate & officio Iudicis in quoquo actionum genere, quod ut aliàs largum, aliàs contractum, ita ACTIONES ALIÆ BONÆ FIDEL DICUNTUR, ALIÆ STRICTI IURIS, sive IUDICII. Ubi BONA FIDES non accipitur, ut opponitur malæ fidei; nam & strictæ dolum averfantur, bonam fidem agnoscunt, *l. Bonam C. De obligat. & act.* sed pro bono & æquo, secundum formulam, quæ à superiori iudice præscribi solet dato iudici, cum clausula, EX BONA FIDE, QUOD ÆQVIVS MELIUS, aut simili. Ut bonæ fidei actiones sint, IN QUIBUS IUDICI EST LIBERA POTESTAS ÆSTIMANDI, sive judicandi inter partes, EX ÆQVO ET BONO, QUANTVM ALTERI AB ALTERO SIT PRÆSTANDVM. v. g. Res est vendita, nec in lege contractus dictum, ut, emptore pretium non solvente, usuras pretii emptor venditori præstaret, iudex tamen non solum ad pretium solvendum, sed simul etiam ad præstandas usuras pretij condemnare potest. Cùm enim emptor possessionem rei venditæ sit nactus, & ex re vendita fructus percipiat, bonum & æquum postulat, ut pretium, quod penes se habet, restituat, cum usuris, *l. Curabit C. De act. empti.* Strictæ vero, quæ non habent ejusmodi clausulam, nec patiuntur aliquid extrinsecus adsumi ex æquo & bono ad causæ dijudicationem, sed id tantum habent in consideratione, quod negotii natura continetur, vel palam adstringendi causa dictum, *l. Quidquid 99. D. De v. O.* Ut alia sit potestas iudicis in iudiciis bonæ fidei, largior scilicet, alia in strictis, uti patebit ex differentiis, quæ traduntur inf. §. in bonæ fidei. (λ)* Enumerantur autem

tem hic actiones bonæ fidei septemdecim: ultra quas non esse alias bonæ fidei, communiter est receptum, cum eas sufficienter enumerasse videatur In p. cuius est facere actiones bonæ fidei. Non sunt tamen excludendæ earum contrariæ, in quibus non minus prævalet æquum & bonum, quam in directis. * Quod de actione præscriptis verbis hic dicitur, non est accipiendum, quasi omnis actio præscriptis verbis ad bonæ fidei actiones pertineret, sed tantum duæ subjunctæ, **ÆSTIMATORIA** scilicet & **PERMUTATIO**, quæ restringunt generalitatem. Ratio est invicinitate, quam habent cum emptione-venditione: nam **ÆSTIMATORIA EST CONTRACTVS, QUO RES CERTO PRETIO ASTIMATA VENDENDA TRADITUR.** Et vel ipsa incorrupta reddenda, vel æstimatorio præstanda, l. 1. *D. De æstimat.* sub periculo eius, qui rem æstimatam recepit. **PESMUTATIO EST CONTRACTUS, QUO RES RECOMMUTATUR** Actio hinc præscriptis verbis ideo datur, quia nomine proprio & specifico hæ actiones carcant, ut dari ex ijs certa & definita actio nequeat. * Duæ postremæ, scilicet **PETITIO HÆREDITATIS**, & **ACTIO EXSTIPVLATV DE DOTE**, inter stricti juris olim connumerabantur, hodie ad actiones bonæ fidei relata, *text. hic.* posterioris causâ dabitur §. *prox.* Ratio prioris est, quod, cum sit universale iudicium? augmentum & decrementum pro ratione variantium circumstantiarum recipiens, certa formula & strictis iudiciorum regulis concludi nequeat: sed ut suum cuique tribuatur, necessarium fuerit, ex æquo & bono interpretationem reciperet; cum & defunctorum interesset, eorum voluntatibus, ad quas hæc petitio pertinet, prolixius consuli. Ideo autem actiones hic numeratorum contractuum bonæ fidei iudicatæ fuerunt, ut hic quoque indicat Faber, quod earum frequens & quotidianus esset usus, ijsque vitæ societas potissimum contineatur, & quod eorum iudiciorum ea sit natura, ut nihil certi præscribi potuerit, quod alterum alteri præstare oporteret, sed ex varijs circumstantijs plus vel minus sit præstandum; quod merito iudicis arbitrio relinqui debet definendum. (μ)

§ Fuera ante.

Solutio matrimonio pro repetenda dote olim duæ actiones competeabant: 65 altera **REIVXORIÆ**, id est dotis; non enim aliud res vxoria, quam dos, quæ dicitur proprium mulieris patrimonium, l. 4. *In quib. caus. pig. &c.* altera **EXSTIPVLATV**. Illa bonæ fidei erat, hæc secundum naturam stipulationis stricti iuris, & sic angustior quidem quoad officium iudicis, latior tamen quoad personas. Illa siquidem tantum uxori & socero competeabat, hæc vero etiam extraneo cuivis, qui reddi sibi dotem stipulatus esset, cuiusque hæredibus, alias, defunctis muliere & patre eius, dos apud maritum manebat. U. p. tit. 6 §. *morue.* Hanc differentiam sustulit Justinianus, sublata rei uxoriæ actione, quod minus commoda esset, reservata ea, quæ est exstipulatu, quod commodior

vifa, translati tamen in hanc, quæ commodior videbatur, *l. unica C. De re uxoria act.* Unde factum, quod sit bonæ fidei, & quod competat uxori, etiam si nulla stipulatio intervenerit; habetur enim ac si intervenisset, *d. l. un § accedat.* * Adjecit Justinian. duo alia beneficia: prius tacitæ hypothecæ, quâ mulier pro dote habet obligata bona mariti, *text. hic & d. l. 1. § 1.* Alterum prælationis, quâ præfertur omnibus creditoribus mariti, non tantum posterioribus, sed etiam anterioribus, non tantum habentibus tacitam, verum etiam expressam hypothecam ut habet verior opinio, secundum *l. assidue C. Qui pot. in pig. hab. (v)* Cui non recte obijcitur, quod videatur istâ viâ jus suo facto alteri quæsitum eripi; cum non eripatur vel impediatur jus aliud, quam lege concessum, cujus beneficium est, quod tempore prior in hypothecis sit potior. Quod ideo lex potuit moderari, ex causâ majori, ne scilicet mulieres dotibus suis priventur, quod detrimentum Reipublicæ cederet, *l. 1. D. matrim. Sol.* salvo manente jure hypothecæ per factum creditoris ipsi quæsito. (x) Competit autem hæc prælatio tantum mulieri non etiam hæredi eius, *text. hic.* Exceptis liberis, quibus etiam eâ utilicet, *Nov. 92. Ut exactione dotis instante.*

§. In bonæ fidei judicijs

Dictum supra, actiones bonæ fidei differre ab ijs, quæ sunt stricti juris, quod hic repetit Imp. tradens, in illis venire ex æquo & bono etiam de quo actum non est, *l. Bona fides 31. D. Depositi.* In has verò non aliud, quàm de quo actum, aut natura strictè exigit, ut rectè dixerit paulus in *l. Quia tantumdem D. De negot. gest.* in bonæ fidei judicijs tantum valere officium judicis, quantum in stipulationibus expressa conventio. Unde varix procedunt differentiæ. * Prima, quod in illis debeantur usuræ post moram, *l. 2. D. Depositi*, non tamen nisi ex officio judicis, cum non veniant ex obligatione, *l. Quæro 54. D. Locati*, debeantur etiam ex pacto in continenti, *l. 3. 4. C. De usur.* quod eiusmodi contractibus inest, eosque informat; in his vero non alias debeantur, quam per stipulationem promissa, *l. Titius D. De præscr. verb. l. 3 C. De usuris.* (o) Secunda, quod in illis iuret in litem, non etiam passim in his. *l. 6. D. De in litem iuran.* quodque præscripta sit certa judicandi formula. * Tertia, quod contractus bonæ fidei, cui dolus causam dedit, sit irritus ipso jure, licet incidens non impediat obligationem; contractus verò stricti juris per dolum, qui ei causam dedit, non annullatur ipso jure, *l. Et eleganter 7. D. De dolo malo*, ex ratione, quod in illo debeat exuberare bona fides, non etiam in hoc. Dicitur autem dolus dare causam contractui, quando quis dolo ad contrahendum inducitur, alias non contracturus: incidere autem, quando contrahere volens circumvenitur in pretio, aut alio quopiam. (π) * **F**ui & olim quoad hæc judicia differentia in materia compensationis, quæ ipso jure obtinebat in judicijs bonæ fidei, in quibus Judex, si quid invicem præstare oporteret, eius habitatione, æstimabat, quantum restituendum esset, *text. hic.* In strictis

strictis autem neutiquam ea obtinebat, nisi quod rescripto D. Marci inductum fuit, ut & in istis obtineret per exceptionem doli mali, cum dolo facere videatur, qui petit quod statim est restitutus. Postea placuit & in strictis judicijs ipso jure obtinere compensationem, *l. fin. D. De compensat.* ubi Imp. voluit eas non tantum obtinere in actionibus in personam, verum & in rem. (p) * Ut in omnibus actionibus compensatio hodie locum habeat, excepta actione depositi, *text. hic & d. l. fin.* Ubi etiam excipitur causa momentanea possessionis. Illius ratio est, quod depositum committitur fidei depositarij, ea condicione tacita, ut restituat repetenti quando cumque, *l. §. pen. D. Depos.* Ut compensationem obijciens non videatur immunis a perfide, quod verum erit, non tantum si species sit deposita; sed & si quantitas, *l. 1. pen. C. Depos.* Huius vero ratio est, quod actio momentanea non sit remoranda per compensationem. Inter est enim Reipub. possessionem per vim ereptam cum primis restitui, non etiam malo exemplo repetenti compensationem obijcere, (σ) * Est autem compensatio debiti & crediti inter se contributio, *l. 1. D. De compensat.* Opponitur ei, qui vicissim debet, quatenus tamen est debitum quantitatis, & liquidum, id est quod jure aperto nititur. Illius ratio est, quod ut quantitas una pro alia recte solvitur, ut in mutuo, ita compensetur citra detrimentum creditoris: huius vero, ne jus unius per alterum diminuat, quod foret contra æquitatem, & contingeret, si ille, cuius debitum est liquidum, posset compensationem opponere suo creditori, contra quem actionem habet, non nixam jure aperto. Unde patet speciei ad speciem non esse compensationem, uti nec speciei ad quantitatem, cum istæ res non admittant functionem (τ) Nihil autem interest, utrinque sit debitum utroque jure, & naturali & civili, an vero ab altera parte sit debitum naturale tantum, cum & hoc verum sit debitum, modo sit quantitatis & liquidum: ut æquitati respondeat, ei satisfieri, atque ita & in compensationem deduci, *l. 6. D. De compensat.*

§. Præterea quædam actiones.

In strictis judicijs, secundum jam dicta, iudex sequi debet, quod vel natura contractus, vel expressa partium conventionione continetur. Sunt tamen & judicia quædam natura quidem stricta, admittentia tamen aliquod iudicis arbitrium, unde actiones istæ dicuntur ARBITRARIÆ, quas describit Cujac. in *l. 1. rem si 14. D. Quod metus caus.* ESSE ACTIONES, IN QUIBUS ARBITRIO, id est, officio iudicis, MANDATUR SATISFACTIO, QUÆ SI FIAT, ABSOLUTIO, SEQUITUR; ALIAS MODÒ CONDEMNATIO, MODÒ ABSOLUTIO. (υ) Cuius generis sunt omnes ACTIONES IN REM, AD EXHIBENDUM, DE DOLO, QVOD METVS CAVSSA, DE FO QVOD CERTO LOCO: in quibus si iussui iudicis pareatur, sequitur absolutio, aliàs condemnatio, & res vel aufertur manu militari,

tari, ut in actionibus in rem, vel æstimatio venit præstanda, aut interessè, aut quanti juratum in litem, aut in quadruplum fit condemnatio, pro cuiusque actionis conditione. Non solet autem in omnibus præcedere iussus; neque enim quando noxali agitur, aut de eo, quod certo loco dandum: semel enim æstimatur, quanti interest alio loco petatum esse, servum noxæ dandum. Ex quibus patet, has actiones differre ab ijs quæ sunt bonæ fidei, quæ naturâ suâ & origine tales sunt, & satisfactio in ijs fit ex bona fide, secundum naturam actionis. Hæ autem ex causâ vel circumstantia tales fiunt, ut arbitrium admittant, ratione doli, contumaciæ, loci adjecti, præter naturam actionis, & quidem in plerisque prævio iussu iudicis, quo non est opus in actionibus bonæ fidei. (p)

§. Curare debet iudex.

74 **A**D SENTENTIAM iudicis pertinet iste §. quæ CERTA proferenda est, sive agatur actione bonæ fidei, sive arbitraria, sive alia quavis. Incerta enim pronuntiatio, cum non ponat finem controversiæ, nullius erit momenti, l. pen. & fin. C. De sent. qua sine certa quant. prof. Hinc etiam oportet LIBELLUM esse CERTUM, quod illi conformis sit ferenda sententia, saltem quoad causam & actionem. Quantitate semper respondeat non est necesse, cum contingat plus debito peti, inf. §. seq. Admittitur tamen & INCERTUS LIBELLUS, ratione incertæ obligationis, vel ex natura rei, ut quia petitur interessè, cuius æstimatio est incerta, vel ex voluntate debitorum, ut in obligatione generis, vel alternativa. Est enim in voluntate debitoris, quid præstet, ut & iudex incertam sententiam ferre debeat, ne alias eripiat debitori suam electionem. Admittitur & incertus libellus in petitione universalium, uti hæreditatis, dotis, atque ita & sententia talis esse potest, quatenus incertitudo tantum versatur circa quantitatem: nam si de ipso universali non constaret, non valeret sententia, d. l. fin. Videtur Faber hic.

§. Si quis agens.

75 **C**UM in iudicijs plus interdum aut minus peti contingat ab actore, an & quantum sibi præjudicet hic traditur. Ubi præmittitur, PLUS dici quatuor modis; RE, cum decem petuntur, quando tantum debentur quinque: TEMPORE, quando debitum in diem aut sub conditione pure petitur: LOCO, quando Ephesipromissum Romæ dari petitur: CAVSSA, quando ejusdem speciei res melior petitur, aut quod generaliter aut alternativè promissum in certa specie petitur. Alias generaliter causa plus peti dicitur, quocumque modo petendo durior sit adversarij conditio. Plus petentium pœna olim fuit causæ amissio, nisi minor ætas aut causa excusaret, text. hic in pr. (x) Hodie ex Constitutione Zenonis plus petenti, ultra expensas factas, quas refundere debet, duplicantur induciæ, hoc est alterum tantum temporis, quanto conventum antevertit actor, reo indulgetur

dulgetur ad solutionem, §. *hodie inf. tit. 13.* Quod æquius est, quam ut omne induciarum tempus ab initio datum duplicetur, secundum quosdam, cum non sit peccatum nisi contra partem dati temporis, secundum regulam, quod pœnanon debeat excedere culpam, l. *Aut damnum 8. §. quisquis D. De. pœnis. (↓)* R-liquis modis plus petens damnatur in triplum damni dati, *textus hic fine & d. §. hodie.* Qui tamen à reo debitâ quantitate ampliorem cautionem dolo malo exegerit, etiam hodie jus omne crediti amittit, l. *Odiosus C De plus petit.* Quæ Constitutio cum se fundet in actore convicto falsæ machinationis, non habitura locum in eo, qui sponte machinationem confitetur, aut sponte desistit à litis perfectione, *Glof. ad d. l. Odiosus. (o)*

§. *Sin minus in intentione.*

Minus petens quam debetur, sine periculo agit, id est, nihil incommo-76
di sentit, cum nec causâ cadat, quia non peccavit; nec partem debiti amittat, cum non possit videri donasse, etiam omittendo. Ut non impediatur reliquum persequi non tantum alio in iudicio, l. *Post decisionem 13. C. De furt.* cum iudicati exceptio ob stare nequeat agenti aliâ de re, quàm actum priorî iudicio, l. *Cum quarebatur 62. D. De re iudic. sed & eodem, eademque instantia sine nova contestatione, ut hic indicat text. vers. in reliquum.* Est enim promissa, eâdem currente instantia, libelli emendatio, per quam nec originalis causâ agendi, nec actio mutatur, nec describitur petitio, quamvis augeatur, & proinde possit sequi major condemnatio.

Mutatio libelli, quæ contingit, quando res alia petitur, aut alia ex causâ, 77
ante litem quidem contestatam videtur etiam permessa, non tamen impune, nisi error subsit, *text. hic vers. si quis aliud* An & eâdem durante instantia, controversum est. Et hoc velle videtur *text. d. vers. si quis aliud*, in verb. *sed in eodem iudicio cognita veritate, errorem suum corrigere permittitur.* Cujac. hic. Verum cum in iudicium deductum dici nequeat, quod post contestatam litem venit, l. *Non potest 23. D. De iudic. & nova causâ novam constituat controversiam, verius est, nova interpretatione opus esse, atque ita & nova instantia. Nec facit d. vers. quia non accipiendus, quasi duraret eadem instantia, sed quod adverteus errorem, antequàm absolvetur iudicium, possit mutare libellum.* Donell. *ad l. 3. nu 17. C. De edendo. (aa)*

§. *Sunt præterea.*

Quinta & postrema Actionum divisio sumpta à modo condemnationis, 78
est, quòd QUÆDAM ACTIONES SINT, QUIBUS SOLIDUM QUOD DE-
BETUR, CONSEQUIMUR, QUÆDAM VERÒ, QUIBUS NON SEMPER; ex causâ,
quæ condemnationem in solidum non patitur, quod aliquot exemplis hic de-
monstratur,

- monstratur. Primum in actione de peculio, quæ actor non consequitur amplius, quàm est in peculio, uti dictum sup § *actiones autem*. * Secundum in actione ex stipulatu de dote, quam mulieri agente contra maritum hic non condemnatur ultrà quam facere potest, §. *item si de dote sup eod. & l. Maritum 12. D. Solutio maritum*. id est, quatenus commodè solvere potest, retento tanto bonorum, ne egeat. Ratio est in reverentia, quam marito debet uxor, ut hoc æquissimum esse dicatur, *l. unica §. cum autem C. De rei ux. act.* quatenus tamen maritus non defierit facto suo ficere posse, sua dissipando in præjudicium uxoris, *l. etiam 18. §. 1. D. Sol. matrim.* ne doloso suus profit dolus. Quod non tantum in dotis exactione procedit, sed & in alijs contractibus, ex rationis paritate, *l. non tantum 20 D. De rei iudic.* Dictum beneficium, quod competentia vulgò dicitur, tantum marito competit, non etiam hæredi, *d. l. 12* Est enim personale, utpote datum ex causa reverentia maritalis, quæ non militat in hærede. Idem beneficium est mulieri, si contra eam agat maritus, *d. l. non tantum*. * Præterea facit retentio, ratione expensarum, mulierem repetentem dotem non consequi eam integram, *text. hic vers. propter retentionem*. Quod verum est, quoad expensas necessarias; nam illæ dotem minuunt, non etiam utiles, aut voluptuosæ, *d. l. un. §. saceat, & d. §. propter l. Dote 61. D. De rei ux. act. & l. illud §. in fine De pact. dotal* * Dictum privilegium etiam alijs personis est salvum, ut parentibus, patronis, eorumq; parentibus & liberis, quod indignum esset, propter reverentia ijs debitam, ultrà quam facere possent eos à liberis & libertis excuti, *text. hic vers. sed & si quis. l. sunt qui 16. & 17. D. De rei iudicata*. Idem & in socio juris, ut non excutatur à socio in plus, quàm facere potest, *d. vers. sed et si*, eò quòd societas contineat aliquod fraternitatis jus, non tenens rigidam & incivilem unius per alterum exactionem, *l. verum 63. D. pro socio (bb)* Ut nec libertati donatoris respondet, eum per donarium excuti, si facere nequeat, *text. hic vers. idem est*. Facit & COMPENSATIO non nisi pro concurrente quâtitate extingui debitum, §: *compensatio 21. res. 39. eod.* * Denique BONORVM CESSIO, licet non liberet a debito cedentem facit tamen eum excuti iteratò non posse ultrà quam facere potest, super eo quod postea acquisivit, § *fin h. t.* quia in humanum, spoliatum semel fortunis, denuò in solidum damnari, & excuti. Quod verum est, quatenus infortunio bonis laesus, reliqua cessit creditoribus; decoctori enim, & qui animo cedendi contraxit, non datum idem beneficium, ne videatur lex malitiam fovere: uti nec ei, qui bona quædam celavit, cum non satisfecerit legi omnia cessionem requirenti, *Gl. in l. pen. D. De cess. bonor.* qui proinde beneficio se reddidit indignum. (cc)

ADDITIONES V. A D.

Nu. 1. ibi, restitui debet.] Sunt qui actionem definiant per formalem, quæ tribuat jus persequendi in iudicio, id est, apud iudicem pedaneum à Præ-tore datum. Minus rectè; quia hodie actio omnis ipso jure competit absque formâ.

Formula. Ut neque alia solemnitates, ritusque scrupulosi in actionibus iudicij-
que exercendis hodie observantur. Itaque iuri novo aptanda definitio est.
Nam *veterum calumniosa ambages iam ante a Constantino Imp. recisa, captanda simp-*
licitatis laqueos amiserant, uti loquitur Nazar. in panegyri, Quin & ante subla-
tas impetrationes & formulas, aliud erat actio, aliud formulæ solennes actio-
num, quibus actiones præscriptis verbis conceptæ in iudicijs proponerentur.
Cujusmodi addititia solemnitas non immutat rei substantiam, sed tantum per-
tinet ad qualitatem vel modum exercendæ actionis. Hodie enim sufficit eam
exerceri actionem, quæ & rei abta sit, & proposito negotio competens, ut ha-
bet Theodosij Constitutio, l. 2. c. De form & impetrat sub Ant. Faber in
Cod suo lib 2 tit. 4. defin. 1. Quo verò ordine, & qua verborum conceptio-
ne, seu formula hodie in quacunque materia actio formanda & instituenda sit,
docet Christin. decis. 146. vol 2. Est porro & discrimen inter Actionem, Caus-
sam & Litem; nam Glos. ubi aliquot actionis significata explicat, tolerabilem
esse, ubi verò de differentia inter causam & actionem disputat, abominabilem
scribit hic Pet. Ligneus. Actio itaque jus est solius actoris proprium. Caus-
sam agere seu curare dicitur tam reus, quàm actor, uterque suam & propriam.
Lis verò una est, utrique parti communis, est que judiciarius ille inter acto-
rem & reum conflictus, in agendo defendendoque consistens. Litisque nomen
omnem actionem significat, sive in rem, sive in personam sit, l. 36. D. De V. S.
Nu. 2. ibi, in personalem & Realem.] Vide Coras. 6. Miscell. c. 5. nu 8. &
Hotom. 3. Observ. cap. 17. qui negat plenam esse definitionem, nec rectè actio-
ni in rem accommodari; nisi & addantur hæc verba, *vel quod suum est*. Ve-
rùm verbum *deberi* hic ita strictè accipi non placet, sed in genere: ut debere
quisque dicatur, ad quod præstandum jure tenetur. Mud hic nu, 47. Coras.
nu. 6. & d. c. 5. nu. 8. Donel. nu. 10. frustra dissentientibus Hotom. & paucis
alijs.

Nu. 3. ibi, persecutio venire dicitur] Nimirum generalius accepto Actio-
nis nomine. Nam dum speciale nomen est, inter Actionem, petitionem, & per-
secutionem distinguere solet. Actio in personam infertur, petitio in rem, persecu-
tio in rem vel in personam, rei persequendæ gratiâ, l. Actio 28. D. De oblig. &
act & l. pecunie 178. § actionis De V. S. Officium iudicis sive facultatem im-
plorandi officij Prætoris, quod nobile vocant, contineri quoque definitione
& ab actione differre, veterum concors ferè sententia est, à qua discedit Alciat.
2. parad. c. 10. quem recentiorum plerique sequuntur. Verùm Alciati argu-
menta discutit & solvit Bern. Walter. 1. Miscell. c. 31. docens aliud esse offi-
cium iudicis, aliud extraordinariam actionem.

Nu. 4. in fine.] patet item, actionem in rem nasci ex jure, quod in re ha-
betur. Jus in re absolutum quid est, & tale jus tribuit dominium, pignus,
servitus, possessio. Ubi dominij appellatione venit & jus, quod vasallo, em-
phyteutæ, superficiario &c. in re competit, quod jus dominio proximum, vul-
gò dominium utile vocant; eoque nomine vasallus tamquam dominus jus vin-
dicandi

dicandi habere dicitur, §. *rei* De invest. de real facta 2. F. 8. Sequitur hæc actio semper ipsam rem, eiusve possessorem. Actio verò in personam oritur ex obligatione, id est, ex iure ad rem & circa rem competente, semperque dirigitur in eum, qui contraxit & obligatus est, factâ relatione ad eum, cum quo contractum est: cuius etiam personam non egreditur, nisi quatenus hæres personam representat debitoris. Hinc vulgò Dd. obligationem dicunt esse matrem actionis: & in l. *Licet* 42 §. 2. D. De procurat obligatio dicitur parere actionem. Scilicet obligatio est causa, actio effectus. Vide Bachov. disp. 2. ad h. t. thes. 5.

Addit autem hic Imp. & alijs quibusdam modis. Nimirum personali actione non semper intendit actor meram dationem, aut merum factum, sed interdum petit ea, quæ mediam quandam naturam obtinent inter dare & facere: ut quando petitur tradi res ex causa emptionis; hæc enim tradito cum causam habeat bonorum, merum factum non est. Vel dici etiam potest, non semper ex contractu, vel quasi, ex maleficio vel quasi, sed & alijs quibusdam modis in personam agi. Veluti sunt actiones in rem scriptæ, ut ad exhibendam actio, & actio Quod vi aut metus causa, quæ reipsâ & vi suâ sunt personales actiones, licet verbis appareant conceptæ in rem. Et quamvis non subsit obligatio, vel ex contractu, vel ex maleficio, æquitas tamen obligat, & sufficientem materiam præbet actioni, §. *præterea* 27 inf. h. t. l. 3. §. *est autem* D. ad exhiben. & l. *Item* 14. §. *in hac actione* D. Quod metus caus. Sed & actiones illas, quæ proprio quodam jure ex varijs causarum figuris nasci dicuntur, prædictis verbis includi negandum non est, cum certum sit, ejusmodi dari obligationes, quæ neque ex contractu, neque ex maleficio, verum proprio quodam jure ex varijs causarum figuris nascuntur, l. 1. in pr. D. De oblig. & act. Ita Bern Walter. 2. Miscell. c. 32. ubi hoc ipsum exemplis declarat. Pater, inquit, obligatus est filiam dotare, l. *Qui liberos* 19 D. De ritu nupt. & l. ult. C. De dotis promiss. Quæ obligatio neque ex contractu, vel quasi, neque ex maleficio, vel quasi, sed proprio quodam jure oritur, id est ex præcepto legis, diciturque legis obligatio, l. *Obligamur* 52. §. *lege* D. De oblig. & act. Quemadmodum & obligatio necessarij hæredis dicitur esse obligatio necessitatis, quæ scilicet ex necessitate oritur, d. l. *Obligamur* §. 7.

Nu. 5. in fine.] Ita Cujac. in Paratit. C. Fin. regund. & Wessenb. ad tit. D. Fam. erisc. per text. in l. *Item* Labeo 22. D. Fam. erisc. in verbis: *quid enim impedimento est, rei præstationem venire, cum ipsa res veniat?* & in l. 4. §. *sicut autem* D. Comm. divid. in verbis: *sicut autem ipsius rei divisio venit in communi dividundo judicio, scilicet principaliter, ita & præstationes veniunt* Nam principaliter agitur, ut hæreditas vel res communis dividatur, & ut quisque vindicet partem suam, quam in hæreditate vel re communi habet, ut præterea præstentur fructus ex communi hæreditate, aut re percepti. Contra tamen has actiones principaliter & origine sua esse in personam, videri autem in rem esse, colligi videtur, tum ex ipsarum propria causa efficiente, quæ est obligatio, ex qua descendunt, §. *si inter aliquos* sup. De obligat. qua quasi ex contr. nasc. Nam qui rem aliquam communem acquirunt,

runt vel aditione hæreditatis, vel agnitione legati, vel quâ aliâ ratione, in hoc quasi contrahere videntur, ut quoties lubitum fuerit à communione discedatur, & singulis suæ ac divisæ adsignentur partes. Tum quoque ex proprio earum fine, qui duplex & mixtus est. Nam qui agit iudicio familiæ eriscundæ, aut communi dividundo, non petit declarari per iudicem, se dominum hæreditatis esse, vel rei singularis, quam petit dividi; qui actionum in rem finis est: sed eo habito & præsupposito, longius progreditur, petitque res sibi cum alio communes dividi, & si qui fructus percepti sint, aut sumptus facti, intendit, ut adversarius det vel faciat; qui proprius finis est actionis personalis. Ut mixtæ dicantur hæ actiones, vel mixtam causam obtinere ab effectu, atque origine esse merè personales. Ita Donell. hic num 6. & ad §. quadam 20. num 8. cujus argumentis respondet Ampl. D Corsek. hic qu 2. Denique sunt, qui contendunt verè mixtas esse, id est, tam in rem quàm in personam, quia ex utroque genere simplicium æquè multum participant, & utrumque genus in mixto æquè potenter operetur. Ita Zas. add. §. quadam num 3. & 4. Vide dicta inf. num. 53.

Num. 6. in fine. Juvant prædictam interpretationem verba Senenecæ. 3 De benef. c. 7 Melior, inquit, videtur conditio cussa bona. si ad iudicem, quàm si ad arbitrum mittitur quia illum formula includit, & certos, quos non excedat, terminos ponit; huius libera & nullis adstricta vinculis religio, & detrudere aliquid potest, & ad icere, & sententiam suam, non prout lex aut iustitia suadet, sed prout humanitas, aut misericordia, impulsit, regere. Facit & quod Paulus respondit, l. 1. De recept. arbit. compromissa ad similitudinem iudiciorum esse introducta: si ad similitudinem, ergò revera non sunt iudicia, cum nullum simile sit idem, l. Quod Nerva 3. D Depos. ut nec arbitri iudices Quinimò arbitri compromissarii, seu, ut hodie vocantur, boni viri, cum nullam habeant jurisdictionem, neque privatorum pactis ea dari possit, l. Privatorum C. De iurisd om iud. iudices esse non possunt

Nu. 7. in fine.] Ita hic primùm censuit legendum Eugin. Baro, & in eo placuit Jac. Cujacio, scil. Sane in hoc casu, id est, in vindicatione rei incorporalis qui possidet, vel quasi possidet, partes obtinet actoris, dum negatoriam proponit. Vulgò legitur, Sane uno casu is qui possidet &c & anxie laborant Interpretes in inveniendò uno isto casu. Ut aliorum interpretationes omittam, casum illum inveniri puto in actionibus præjudicialibus, si fortè is, qui in possessione est libertatis, hoc est, qui se pro libero gerit, & gessit aliquamdiu, propositâ actione negare vellet se servum Titii esse. Nec dubitandi ratio esse potest, quòd hic actor libertatem possidere videatur, non autem rem corporalem, quia reverà non tam libertatem quàm seipsum possidet. Cumque libertatis nullum sit dominium, ejus quoque nulla esse possessio potest Alius aliud placet: adeoque infelix labor visus Donello hic, quo casus ille tamdiu quæsitus necdum inventus est. Quinimò sunt, qui plures tales reperiri casus opinantur per varias juris partes dispersos, ideoque additum, sicut in latioribus &c. Ut legendum videatur, Sane non uno casu, vel Sane nec uno casu. Vide Ant. Fabr.

20. *Conject.* c. 13. & Marc. à Lyclama 3. *Mempran* Ech. 10.

Illud quoque hic notandum, actionem confessoriam & negatoriam non tantum competere pro servitutibus, sed & pro alijs juribus, extra servitudes, puta pro jure præsentandi ad beneficium Ecclesiasticum, pro jurisdictione, decimis, ac similibus, si non directò, saltem utiliter: quæ sententia usu & frequentiori Dd. calculo passim recepta est, Joan. Fab. *hic ad § aquè ad nu.* 3. & ibid. Gomez. *nu.* 12. Vide & diss. Joan. Vaud. *lib.* 2. *quæst.* 27. cujus argumenta discutit Ampl. Corfel. *hic qu.* 3.

Nu. 10. in fine.] Nam aliàs an publiciana etiam vero domino detur, & sic cum rei vindicatione in eodem libello cumulari possit, quæstionem habet ancipitem & gravem, teste Bronch. *cent.* 1. *ass.* 7. Ipse verò ex veriori, ut ait, sententia tenet, utramque actionem posse simul intentari, valereque libellum, quo actor petit declarari fundum ad se pertinere jure dominij, vel quasi, quam & in praxi servari tradit Oldend. *class.* 3. *act.* 3. *de affin. remed.* In eandem inclinant Zas. in §. *sed ista h. t.* Gomez. *ibid nu.* 36. Myns *hic nu.* 36. & seq. Diss. Joan. Fab. Jason & alij communiter, item Ever. Balck 1. *Elect.* c. 7. qui ita rem expedit, quòd aut reverà quis dominus est rei petitæ, idque sufficienter probare potest; aut dominus quidem est, sed jure proditis rationibus docere non potest; aut nondum est factus dominus, ex justo tamen titulo possidet. Priori casu competere rei vindicationem, nec desiderari Publicianam. Secundo dari Publicianam tamquam non domino, quippe qui intelligi non possit esse dominus defectu probationis, cum paria sint, non esse & non apparere, *l. In lege* 77. D. *De contrah. emp.* Tertium verò casum propriè spectare ad Publicianam.

Nu. 11. ibi, *l. In pari* 28. D. R. I.] Quod tamen catenus verum est, quatenus in pari causa ejusdem generis titulo res possidetur & petitur, id est, si ex causa vel onerosa, vel lucrativa unus possideat, & alter petat rem. Alioqui titulus onerosus potior est, & potentius jus tribuit. Ita Mainus 2. *de Action.* c. 2. Vult. *ad § sed ista nu.* 17. & seqq. *h. t.* Forster. *disp.* 3. *th.* 4. *lit.* D Qui & in simili quæstione, an Publiciana detur adversus possidentem pro hærede, distinguit inter hæredem, qui verè hæres est, & eum qui reverà hæres non est: adversus hunc dari Publicianam, quia titulo & causâ destituatur, non etiam adversus illum, titulo & causâ possidendi munitum, ut usucapere possit, *l. 3. §. ult.* D. *Pro hærede.* Vide Donel. §. *Com* c. 14. Forster. *ubi sup.*

Ibid. in fine.] Atque ita actio Publiciana, si effectum spectes, adversus verum Dominum nunquam intentari poterit, quia ea per exceptionem veri dominij semper eliditur: quamvis, ordine juris inspecto, dici posset etiam contra dominum, si ad eum res redierit, competere. Ever. Balck. *ad lib.* 1. c. 2. Vide Cujac. 20 *Obfer.* c. 6.

Nu. 12. in fine] Dubitatum autem fuit, An & jure Canonico Publiciana locum habeat, ex eo, quod agens Publicianâ credat se non dominum, ideoque malam fidem præsupponere videatur, quæ hoc jure ab usucapione abesse debet omni

omni tempore, & ab initio, & dum completur, perficiturque usucapio, *6. Vigilanti & ult. De prescript.* Verum cum contrarium expresse cautum non reperiatur, imò id ipsum potius confirmetur per *6. Abbate & ibi Gl in V. dominis De sent & re iudic in 6.* dicendum, etiamnum utroque jure Publicianæ locum esse. Estque differentia inter usucapionem & publicianam, quia illa vero domino nocet, cui per præscriptionem dominium aufertur; hæc verò contra verum dominum non datur, neque in publiciana bona fides omni tempore requiritur, veluti in usucapione sed ei tantum competit hæc actio, qui plus juris habet in re, quàm reus conventus, id est possessor sive detentor, ad quem res sine titulo pervenit. Heig. *huc nu. 17. & ex eo Schulz. lit. A*

Nu. 7. in fine J. Unde plerique juris Interpretes negant in hac rescissoria actione duplex illud remedium existere aut necessarium esse: vel saltem volunt cumulari utrumque, aut potiùs eo ipso (ut & D. Zoef. hic insinuat) quòd à Prætorè datur actio rescissoria, rescindi quoque usucapionem, ut ad hoc opus non sit alio iudicio præcedente *text. hic, l. In honorariis 35. D. De oblig. & act. c. l. Si ab hostib. 5.* Quib. ex caus. maiores &c. Idque insinuari illis verbis, tunc intra annum rescissa usucapione &c. rescissa, inquam, usucapione, vi ipsà & eo ipso, quo prætor dat actionem, rescindi usucapionem, nec ad eam opus esse alio præcedente iudicio. Quæ sententià à modis Galliarum, & forensi usu non abhorret Specul. tit. De restitut. in integ. §. 1. vers. sed nunquam Guido pab. q. 143. Imbert. in Enchir. iur. Gall. V. Rescindens & rescissorium iudic. & Bucherel. hic, quamvis eam inter errores Pragmaticorum retulerit Ant. Faber Decade 7. Err. 1. Hodie apud nos in hac restitutionum materia rescriptum seu relevamentum, ut vocant, à Principe, seu summo ejus Senatu impetrari solet, qui de iustitia dumtaxat supplicationis cognoscit, & supplicantem remittit ad certum iudicem inferiorem, qui ipse quidem non restituit, sed jubetur pro restituto habere eum, qui restitutionis causâ superiori supplicavit, si compertum fuerit, preces veritate niti: illa enim clausula in omnibus restitutionibus, seu relevamentis subintelligi debet, quod & stilius Curia Brabantia observat. Vide Govarr. 1. Varr. resol. c. 4. & ibi Notas Uffelij.

Nu. 23. in fine.] Cujusmodi conjecturæ ac præsumptiones defumuntur, tum ex conjunctione personarum, inter quas contracta obligatio: tum quia debitor sciverit, aut scire debuerit, se creditores habere, bonaque sua illis non sufficere: tum denique ex bonorum omnium alienatione, ex qua etiam, fraude aliter non probata, præsumitur fraus, prout hæc omnia latius deducit & probat D. Kinschot. Cancell. resp. xl.

Porro ad modum instituendæ & exercendæ huius actionis quod attinet, eum proponit Imp. hic his verbis, ut, *bona eius, qui in fraudem creditorum alienavit & tradidit alteri rem, à creditoribus possessa, ex sententia Praefidijs, permittatur ipsis creditoribus, recepta traditione eam rem petere, id est, dicere eam rem traditam non esse, & ob id in bonis debet eis manere.* Ait, *bona eius a creditoribus possessa, supple, itemque excipis & discras;* nimirum ijs bonis, quæ in patri-

monio debitoris manserint. Eaquē excussio necessaria omninò est ad fundadam hanc revocatoriam actionem, ut appareat de consilio & eventu fraudis *l. 1. & 2. C. De revoc. his, quæ in fraud. cret.* Alij ita interpretantur, ut creditores missi in possessionem bonorum, sive iussi possidere bona debitoris, hoc ipso velut facti domini, etiam earum rerum, quæ in fraudem alienatæ sunt, experiri suo nomine valeant in rem actione. Non rectè, quia per missionem in possessionem illud dumtaxat consequitur creditor, ut res debitoris, quas ex edicto Prætoris vel Magistratus sic possidet, jure pignoris obligatas teneat, non quas debitor alienaverit in fraudem, nisi recessa prius traditione; sic enim & istæ res in bonis debitoris mansisse videntur. Dicendum ergò, creditores, non suo, sed debitoris nomine, & jure debitoris exercere hanc actionem; quemadmodum tutor res pupilli ab alio detentas vindicat nomine pupilli. Intendit enim actor rem non suam, sed debitoris esse. Officium dein iudicis est, ut iubeat restituere rem, cum sua causa, non debitori, sed actori immisso in possessionem bonorum, ut is eam iure pignoris teneat. Planè ad actionem Paulianam non sufficere fraudem debitoris, & eius, qui cum debitore negotium gessit, fraudisque eventum, sed insuper requiri, ut bona possessa sint, tradunt Donel. 3. *Com. c. ult. in pr.* Joan. Deckher. 1. *disfert. cap. 10. num. 27.* Joan. à Sande lib. 3. tit. 13. *defin. 1.* Ac per eam illis quoque creditoribus subveniri, qui de facto non sunt missi in possessionem, sed iussi per decretum iudicis, ut mitterentur, ex receptissima *DD.* sententia, à qua in iudicando tutò recedi vix possit, Sand. *ibid.* post Myns. *hic numero 16.* Galliæ moribus in fraudem creditorum alienata revocari, impetratis eam in rem litteris Regiis, scribit Bugnion *Leg. abrog. lib. primo sat. 59.* Ex Constitut. Caroli V. Imp. (cui conformia sunt statuta & ordinationes civitatis Antverp.) debitor facultatibus lapsus & non solvendo effectus, ex eo die, quo id detectum est, amittit rerum suarum administrationem & potestatem, alienationesque & obligationes ab eo tempore per eum factæ, etiam in creditores, habentur pro factis nulliter. Wamels. *cons. 63. num. 8 cent. 4.*

Num. 25. in fine.] Deinde colonorum suppellex ferè omnis est rerum ad rem rusticam & culturam agri pertinentium, ut querantur, conserventur & exportentur fructus, quæ res temerè pignori obstringi non possunt, *l. Executores 7 cent. 1. seq. C. Quæ res pignori oblig. non poss.* Meminit quoque hujus rei Quintil. lib. 8. c. 9 & similem legem apud Græcos memorat Diod Siculus lib. 2, Contrarium jus obtinet in rebus inquilini, introductum moribus, hoc est, ex re ipsa, ex illatione scilicet & ex bona fide, ut occurreretur ingratorum hospitum perfidiæ, & consuleretur dominis domus suas locantibus. Fr. Balduin. *De p. norib. & hypoth. c. 6.* Præterea fructus prædiorum urbanorum ut plurimum consistit ipso sola habitandi commoditate, & conducuntur ejusmodi prædia, ut in iis rerum nostrarum sit statio, præterque in vecta & illata ab inquilino non sunt alia, quæ domino domus propter pensionem obligentur. Vide Steph. Forcat. *Necyom. dial. 17. num. 1.* Ant. Fabr. *Dec. 60. Err. 9.* & Tim. Fabr. *Annot. iur. c. 14.* Quod ad effectum attinet hujus obligationis, in eo quoque est

est differentia inter pignus tacitum & expressum. *Est differentia*, inquit Paulus, *obligatorum propter pensionem, & eorum, qua ex conventionione manifestari pignoris nomine tenentur: quod manumittere mancipia obligata pignori non possumus, inhabitantes autem manumittimus* Ita ille in *l. pen. D. In quib. caus. pig. vel hypoth. tac. contrah.* Nimirum res inquilini, sive inducta & illata in domum conductam, quia tacite & solâ illatione obligantur, alienari à conductore non prohibentur, quamdiu non describuntur à persona publica, id est, quamdiu non arcestantur, ut vulgò loquimur. Cujac. 17. *Obser. c. 39* & Wesenb. *D. In quib. caus. &c* Quibus consequens est, res illatas in domum conductam non aliter in causa pignoris esse, quàm si in domo existant, & nexu arresti teneantur. Quod licet Bald. & Angel. in *l. Certi iuris §. C. Locati*, non putent necessarium, tamen leges Hispanicæ & Gallicæ probant. Joan. Papon *tom. 1. Notar. tit. Des contrats pignoratifs, vers. Est notable.* Et simile est in legib. Antverp. *tit. De preferent. credite art. 11.*

Nu. 26. in fine.] Et in *d. l. 5. C. Locati* voluntatem accipi pro conventionione & expresso pacto pignoris Ita Connan. 4. *Com. c. 16. nu. 5. & 6.* Quamvis hoc displicuerit Ant. Fabro *Decis. 60. Err. 8.* eâ ratione, quod voluntas unius non possit dici pactum esse; quippe quod duorum pluriumve in eandem rem sit placitum & consensus, *l. 1. D. De pact.* Unde quod lex ait, *ex voluntate dominorum*, ita accipiendum putat, ac si scriptum esset, *dominis ita volentibus*: ita, inquam, ut res coloni non tantum inferantur & inducantur in prædium rusticum, sed inferantur pignoris nomine, vel ad eum finem, ut sint pignori. Adde Reinhold. Bachov. *ad treutl. vol. 2. disp. 1. De pignorib. thes. 4* qui mediam sententiam habet.

Nu. 29. ibi, mobilibus & immobilibus.] Hæc autem hypothecaria actio nihil nisi pignoris quædam vindicatio est, *l. si fundus 16. §. 5 D. De pignorib.* in qua saltem incidenter agitur de dominio rei pignori obligatæ, si non principaliter, uti in directa rei vindicatione. Debet enim is, qui hypothecariâ agit, probare, debitorem, qui pignus dedit, fuisse dominum, si non directum, saltem utilem; nec sufficit fuisse possessorem. Ideòque commodius longè fuerit creditori, persequenti pignora sua, experiri utili Salviano interdicto, quo de solâ possessione, & quidem adipiscenda, queritur, non etiam de dominio, §. *interdictum inf. De interd.* Ant. Faber. *Decis. 58 Err. 1.* Cæterum jure novissimo creditor adversus extraneum possessorem rerum pignori obligatarum hypothecaria experiri non potest, nisi prius excussio debitore principali ac fidejussore, *Nov. 112 c. 1. & Auth. Hoc ita C. Depignorib. Schneid. hic nu. 31.*

Ibid. in fine] Sed hæc differentia perpetua non est, quia & nudâ conventionione citra traditionem pignus constituitur, *l. 1. D. De pignorat. act. & l. iusto 14. §. non mutat D. De usucap.* Daturque creditori de re mobili pignori obligata ex nudo pacto actio hypothecaria adversus quemlibet possessorem, *l. si tibi 17. §. 2. D. De pact. l. 1. De distract. pig. & l. si creditor 28. Depignorat. act.* Planè etiam rem immobilem obligatam transferri in creditorem innuere videtur

tur *hmp. hic*, in verbis, *maxime si mobilis sit*, & est casus in *l. Creditori 9. D. De novi oper. nunt.* Moribus verò nostris hypotheca non afficit res mobiles, propter frequentem facilemque earum mutationem, quod Galli dicunt, *Meubles n'ont point de suite, quant ils sont hors de la puissance du débiteur*, id est, mobilium in extraneum translatorum nullam esse persecutionem seu hypothecariam. Ideoque ex nudo pacto non datur actio hypothecaria, sed ex traditione sola, & quidem adversus debitorem tantum, non etiam adversus extraneum possessorem. Cujac. *ad l. Cum notissimi 7. C. De prescrip. 30. vel 40. ann.* Ant. Fab. *Dec. 61. Err. 2.* Denique quoad formulam attinet hujus actionis intendit eam actor sive creditor, ut pronuntiet iudex, rem, quam pignoris jure persequitur, in bonis fuisse debitoris tempore oppignorationis, *l. Et qua nondum 15. §. 1. D. De pigno* eamque sic vindicat. Quæ quidem vindicatio non dominij est, sed hypothecæ sive pignoris, *l. Si fundus 16. §. 5. D. eod.* Officium denique judicis est, ut jubeat restitui rem, vel debitum exsolvi, *l. Si fundus §. 3. Ut sic creditor eam teneat, & pro suo jure distrahat, juxta ea, quæ traduntur §. 1. sup. Quib. alien. licet vel non.*

Nu. 30. ibi, *Constit. est firmare.*] Vel est pecuniam debitam nudo pacto & nudo consensu, sine stipulatione promittere, quod Græci dicunt *χαραχθῆναι*.

Ibid. ibi, *l. 3. D. De constit. pecunia.*] Idque non certis & solemnibus, sed quibuscumque verbis, non tamen impersonaliter prolatis, ut si quis dixerit, *Constituo*, sive *Satisfasio*; non si impersonaliter, *Satisfiet*, non expressâ certâ personâ, à qua, *Nov. 115. c. 6 & Auth. Si quando C. De constit. pec.* Et non tantum per nosmetipsos inter præsentēs, sed & per epistolam vel nuntium inter absentes, *l. Quia autem 14. in fine D. eod.*

Nu. 33 in fine.] Hodie tamen constitutum vix differt à fidejussione, si utique pro debito alieno sese constituens obliget. Tunc enim pro intercessore, non secus quam fidejussor, habendus est, & proderit illi quoque exceptio ordinis, & excussionis non factæ, si conveniatur ante ipsum debitorem, *Auth. Præsentē C. De fidejuss.* Ant. Faber in *C. suo lib. 4. tit. 13. defin. 1.* Multi autem sunt casus, quibus constitutum, non ut stipulatio per interrogationem & responsionem subsequentem, nudo pacto fieri dicitur: ut quando quis citra interrogationem constituit se soluturum; vel ante interrogationem quid promittit; vel interrogatione quidem præcedente, sed ex intervallo respondet & constituit, & similes, *de quibus Dd. hic.* Ex constituto parè inito hodie quoque confestim agi potest. Autum. in *Cenj Gall ad l. 21 D. De pecun. constit.*

Nu. 34. in fine.] Cæterum huius de peculio actionis (ut & earum, quæ huic vicinæ esse dicuntur, exercitoria, institoria, tributoria, quod jussu & in rem verso, *de quib. inf. Quod cum eo, qui in alienap. test. est neg. gest. esse dic.*) olim frequens fuit usus, idque & propter servorum multitudinem, & quod difficillimè solveretur patria potestas. Hodie verò quia servi apud nos aut nulli sunt, aut si qui eorum sp. ciem referant; ut manus mortuæ homines seu adscriptitij,

adscriptitij, peculij sui domini sunt, & pulsari ipsi actionibus possunt, vix in usum potest incidere hæc actio. Nisi quis ad regulares ac Monachos trahere velit, qui si quid, permittente & connivente Prælo, habeant & administrent, id in peculio habere dicuntur, ideoque prælatus vel monasterium ex eorum contractibus peculiotenus conveniri poterit. Nam & alias sæpè Monachi comparantur servis, & quæ de servis constituta sunt ad monachos produci possunt. Bart. *ad tit. D. De stipulas. servor.*

Nu. 35. ibi, non etiam per creaturas.] Quæ de replenè, D. Zoel. *D. De iureiur. nu. 15. & ad ius Canon. eod. tit.*

Nu. 36. in fine.] Porro Interpretes Græci paulò aliter species has juramenti distinguunt, & describunt. Nam Voluntarium vocant ὄρκιον ἑπαχτόν, *iurandum delatum*, quod pars parti defert, sive in iudicio sive extra iudicium, quamvis in eo quidam cum latinis convenient. Balsamo *ad Nomocan. l. hoty tit. 13. c. 18.* Judiciale, δικάσιμόν, est, quod in dubijs causis & propter inopiam probationum deferretur à iudice: quos hac in parte & Latini quidam secuti sunt, ac novissimè E-mund Merillius *Obs. iur. lib. 3. c. 13. per l. Admonendi l. D. De iureiur. & l. 3. C. De reb. cred.* Necessarium, quod pars, cui illud delatum est, in iudicio refert adversario suo, qui detulit; ideo necessarium, & ἀναγκαῖον, quia necessario teneatur jurare is, cui refertur. Itaque quod Latinis necessarium, id Græcis est judiciale: & quod latinis est judiciale, id vel voluntarium Græcis, si delatum, vel necessarium, si relatum. Quamvis Merillius doceat etiam juramentum judiciale videri necessarium, non tantum ex parte eius, cui refertur, sed & cui defertur, magis tamen, si referatur: huic enim necessario jurandum nisi amittere rem velit, neque jurandi conditionem recusare ullo modo potest, *l. iurandum 34. in fine D. De iureiur. & l. Generaliter 12. §. 1. C. De reb. cred.* Is vero cui delatum est iurandum, nisi referat, necesse habet vel solvere vel jurare, *d. l. 34 §. ait Prætor, & l. Delata 9. C. De reb. cred.* Græcorum definitiones sequitur Cujac. *lib. 18 Pauli ad Edictum ad l. iurandum 17 D. De iureiur. & plenius in Recit. ad l. 1. & 2. De reb. cred.* Definitiones verò Latinorum tuetur Donel. *tract. De iureiur. c. 16.* Verum constat ex dictis, de solo ferè nomine sive appellatione controversiam esse, nullam de re.

Nu. 39. in fine.] Hodie Magistratum contemptores ac mandatorum violatores, qui scilicet eorum programmata, edicta, citationesque, quæ pro foribus Templi, Collegij, vel curiæ Senatoriæ publicè proponi solent, corruerint, sustulerint vel amoverint, arbitrariè, habitàratione circumstantiarum, puniri solent, *Id hic.* Non distinguendo inter edictum perpetuum & temporale, cum eadem militet ratio in corumpente album Prætoris etiam temporale, contemptus scilicet maiestatis. Gomez *hic nu. 15.* Cuius sententia (teste Vinnio) praxi horum temporum magis convenire videtur.

Nu. 40. ibi, *l. pen. d. 1.*] Transiit hæc pœna in corporalem, si inopiâ laboraretis, qui parentem aut patronum sine venia in ius vocaverit, quasi in officiosus litigator fustibus coercendus, *l. ult. D. eod. ut reddat debitum pœnis, quod non potest*

potest compensare pecunijs, uti ait Cassiod. 9. *Variar.* Quod generaliter ita obtinet in omnibus pœnalibus judicijs, ne pœnam pœcuniariam & legum auctoritatem homines egentes eludant, l. 1. in fine D. *De pœnis*. Unde illud vulgò jactatum, Qui non habet in are, luat in cute: de quo latè Frid. Schenck in *Triade sua forensi* p. 2. c. 4. & Annæus Robert 2. *Rer. iudic.* c. 11.

Ibid. in fine.] Nam hoc ipso, quo ad instantiam alicujus auctoritate judicis decernitur citatio, satis intelligitur impetrata venia, nec veniâ aliâ opus esse, Guido Pap. qu. 54. & 410. Cujac. 10. Obs. c. 10. Ant. Fab. in *Cod. suo De in ius vocan. de fin* 13. Idemque Senatui Dolano placuisse scribit Grivel. *decis.* 35. Quamvis alii contrâ etiam hodie edictò prtatorio dent locum, quia ad judicem vocandus aut citandus non sit, cui naturalis debita est reverentia, l. *Generalis* 13. D. *De in ius vocan.* Atque itaneque vasallum, qui liberto in jure æquiparatur, posse feudi dominum absque veniâ impetratione in ius vocare arg. 6. un. *vers.* Curia autem, ibi, salva reverentia *De milite vas. qui contumax est* 2. F. 22. Verùm cum uti vasallus domino, ita & dominus vasallo reciprocâ fide obstrictus sit, & d. c. un. accipi debeat, non de citatione, sed de actionibus civilibus non famosis, ut communiter ibi tradunt Dd. communior quoque sententiâ est, vasallum eo casu veniam petere non debere; atque ita judicatum in Camera. Myns. cent. 4. *Obser.* 92. nu. 4. Quod & in hominibus, ut vocant, propriis, adscriptitiis, colonis &c. locum habere dicendum: quamvis utroque hoc casu consultius fuerit, ad evitandas omnes cavillationes, & vasallo & homini proprio, dominum in ius vocaturo, veniam petere. Schneid. hic nu. 45. Frid. Hufan. *tract. De servis seu hom. prop* c. 6. nu. 8. & seqq. Planè in Academia hac nostra illud quoque usu receptum est, ut Doctor aut aliud suppositum, ut vocant, de Consilio Universitatis existens, ex causa debiti, aut simili in ius vocari non possit, nisi præviâ amicabili monitione per Rectorē faciendâ.

Nu. 41. in fine.] Jure communi, qui Judici, ejusque satellitio vel custodiæ quem exemerint, ad idem obligantur, quod reus principalis, si damnatus fuisset, dependere debuisset, in causis tum civilibus, l. 3. C. *De exactorib. trib.* l. 1. tum criminalibus, l. *Si quis reorum* 4. C. *De cust. & exhibit. reor.*, quod & de jure Saxo-nico ita obtinere scribit Schultz. *hic lit. M.*

Ibid. ibi, sed potius liberale judic.] Atque hoc est, quod Theophil. Interpreter ait, *Præjudicium esse τῶρον, formulam sive actionem constantem ex sola intentione sive condemnatione.* Nimirum non intenditur in actionibus præjudicialibus ex parte rei conventi condemnatio aliqua, sed potius exclusio ejus, qui primam sive principalem actionem instituerit. v. g. Si patronus in ius vocet libertum, ille verò opponendo proclamat ad ingenuitatem; hic prius de liberti, quàm de patroni intentione tractandum & iudicandum est. Differunt igitur præjudicia sive actiones præjudiciales & judicia liberalia, quod hæc judicia per se stent & subsistant sine præjudiciis, præjudicia verò sine judiciis non utique. Præterea iudicium libertatis civile est, præjudicium autem, quo queritur an aliquis liber an servus sit, vel de partu agnoscendo, honorarium sive prator-

prætorium. Ita Jac. Rævard. *De præiudic. lib. 1 c. 12.* Aliter locum hunc declarat Duaren. 2. *disp. c. 2 ad tit. D. De probat. c. 4. circa fin.* aliter Robert. 1. *Sent. c. 13. & Coras. 2. Miscell. c. 5.*

Nu. 44. ibi, l. ult. *D. Si libert. ingen. esse dic.* Moribus hodiernis utilitas aliqua videri possit harum actionum, si quæ de servis ac libertis in libris Juris multa sunt, moribus juriq; hodierno accommodentur. Nam actio præjudicialis de libertate competere utiliter potest principibus, & dominis prædiorum, adversus colonos censitos, adscriptos, propter operas & alias præstationes, quas ab illis sibi debere prætendunt; & contra actio de libertinitate dabitur utiliter dominis, qui rusticos manumiserint & concefferint liberam quo velint migrandi facultatem. Item hac præiudiciali actione quæri poterit de natalibus, legitimus quis sit filius, an illegitimus vel spurius, nobilis vel ignobilis, vassallus & subditus feudo, vel non: item cum quis Monachus adseritur, *Zaf. hic nu. 14. & 23. Myns. ibid. num. 18. C. 22.*

Nu. 47. ibi jus quod quis habet, Nam vindicare est rem suam dicere, liberare, revocare, trahere ad se, Nonio Marcello, & adserere sibi de manu possessoris. Vel à veteri manuum consertione, quæ in vindicationibus rerum immobilium fieri solet, correptâ sive consertâ invicem manu & vindicantis, & contravindicantis: cuiusmodi consertionem *Vindiciam* appellabant, Gellio teste *lib. 20. c. 9.* Hæc olim fiebat in re atque in loco præsentis: verum postea obtinuit, ut litigantes simul profecti in agrum, ex eo terræ aliquid, uti glebam unam, in jus atque in urbem ad Prætorem deferrent, & in ea gleba, tamquam in toto agro, manum conferrent, agrumque vindicarent. Plenè de hoc ritu Jac. Rævard. *ad Leges xii. Tabb. c. 6.*

Nu. 49. ibi, cui res commendet. Nam ut *declam. 245.* Quintil. ait, *Depositi eo magis vindicandum est, quod sepe secreta sunt citra probationem.* Aristoteles quoque auctor est, *Prolem. sect. 29. qu. 2.* turpiorem magisque infamem esse depositi, quàm mutui infitiationem: tum quia in deposito præter damnum fides fallitur, in mutuo autem damnum tantum vertitur: tum etiam quod qui mutuum dat, non ut amicus dat, *ὁ μὲν δανειζὼν ἔχῃ ὡς φίλος ἐδώκεν.* At verò amico facere injuriam turpe est; nemoquè nisi amico, quem fidelem existimat, depositum committit. Idem alibi, Infitiari, inquit, depositum injustitiam ac libidinem animi ostendit, 2 *Rhetor. c. 13.*

Nu. 53. ibi, l. In trib. 13. *D. De iudic.* Atque hac ratione propriè mixtas dici has actiones contendit Ant. Fab. 20. *Coniect. c. 10.* nullas verò dari mixtas in rem & in personam, quæ scilicet mixtam causam obtinere non videantur, sed revera etiam obtineant, & partim sint in rem, partim in personam æquè principaliter. Adstruit hanc sententiam suam idem Faber *Dec 94. Err. 1. 4. C. 5.* Destruere verò conatur Reinh. Bachov. *disp. 2. ad tit. De action. Thesi 7. & actiones familiæ eriscundæ ac communi dividundo defendit vere esse mixtas, & in rem & in personam, ob mixturam duplicis causæ efficientis, domini scilicet, & obligationis, duplicisque objecti, & intentionis, quam istæ actiones habent*

in fine, quam & in puncto juris verissimam esse scribit Ant. Pichard *ad h. t. § quædam actiones* 20. Gl. V. *ex causa, vers. inter hypothecarios* nu 174. hodie ex neotericis pleriq; amplectuntur, D. Gabr. Mædeus *tract. De pigno. tit. Quib. mod pig vel hypoth. sol* nu 97 Nic. Valla *De reb. dub. tract. 2. sub nu. 9* Vacon 6. *Declarat c. 9. Joen. Vaud. 1. Var. qu c 21'* Guib. Costan *tract. De dotib. Cujac. ad Nov. 21. & add. l. Assiduis*, Joan Robert 3. *Animad. c. 14. & Notata Mercat ad Roberti Animad. itemque Nota ad Not. d c 14'* Fachin 3. *contr c. 99. Bronch. cent 2. asserit, 19. Bachov. ad Treutl vol. 2. disp 1. th 4. lit. F D Zoef ad tit D Quipot in pig. hab n 18.* Et probavit eandem sententiam Senatus Tolos. apud Coras. *inl. Qui liberos* 19. nu. 119 *De rit. nupt.* Camera Imperialis apud Myns *cent 4 Obs 13* & Mich Beuther. *tract. De iur. pral. p. 1. c. 35. & p. 2. c 37.* item jus forumque Saxonicum, apud Schultz *hic. l. v.*

Ibid. ibi perfecti credit. ipsi quæsito] Hactamen ratione moti Interpe. quia scil. iniquum videatur auferri mihi jus, meâ providentiâ & cautione quæsitum, plures quoque in contrariam sententiam ierunt, tamquam juri scripto, rationi & æquitati magis consentaneam. Ita Gail. 2. *Obs. 25. nu 10 Covarr 1. Var. c. 7. nu 1. Gomez. ad l. 50. & seqq. Tauri nu 39'* Christin *decis. 59. nu 8. vol. 4.* Ut saltem mulier ratione tacitæ suæ hypothecæ non nisi pari privilegio tacitæ hypothecæ munitis præferatur, non etiam expressam habentibus; & secundum hoc temperamentum judicari ferè solet. Ant. Faber *in Cod. suo Qui pot. in pign. habet defn. 16. Vinn. hic nu 4.* ubi notat hodie apud nos quæ de tacita hypoteca constituit Imp. imò & dotium usum ac privilegia in desuetudinem abiisse, idque propter bonorum communionem, quæ moribus nostris est inter conjuges: nisi exclusâ communione per pacta dotalia, placuerit rediri ad ius commune, & dari locum hypothecæ legali in bonis dotalibus, cum iure prælationis. Gudel *De iure noviss l. 1. c. 8. nu. 10. & dixi sup ad tit. De donationibus nu. 19. & ad tit. Quib. alien. licet vel non nu. 3.* Quod quidem ius ac privilegium etiamnum locum habet Antverpiæ, ut & arcta, quæ pro restitutione dotis in bona maritorum ubicumque locorum sita fieri solent, ut ex stilo eiusdem civitatis docet Uffel. *ad supra cit. Covarr locum.* Scribitque Jac. Marchantius in *Descript. Fland. lib. 1.* ubi de civitate Brugenſi agit, circa an 1316. pleraque mercatorum nationes, relicta Bruga, sedes suas tribuque Antverpiæ collocasse, dotium ibi uxoriarium prærogativis, multarumque sæpè fraudum velamentis, etiam invitatos; quibus fæminæ, ubi mariti, vel vivi conturbarint, menas quæ verterint, vel mortui inveniuntur decoxisse, cæteris omnibus anteferuntur, dotemque recuperant. Denique competit hoc privilegium mulieri statim à die nuptiarum seu tempore contracti & consummati matrimonii. *pertext inl. Assiduis C. Qui. otior. in pig. hab. & l. 1. D. cod Gail. 2. Obs. 86 nu 3 Tominig decis. 36. Schultz hic lit v. ex iure Saxónico.*

Nu 68. ibi l. 3. C. *De usur*] Et ne quidem ex tempore litis contestatæ usuras deberi, nisi in stipulationem fuerint deductæ, post Accurs. in *Lise. contestata* 35. D. *De usur & inl. 1. C. De condit. indeb* docet Duar, *ad d. tit. de usur.*

c. 2. Cujac. 14. *Obfer. c. 22. & consul. 16.* Borcholt. *tract. de Vfur. c. 3. nu. 51. & seqq.* Arum *tract. de mora c. 8. num. 13.* Ant. Fab. *De. 11. Err. 1. D. Zoef. D. De usur. nu. 30. & seqq.* Et non nisi ex benigna ratione juris receptum est, ut fructus in stricti juris judiciis præstentur post litem contestatam, l. *Videamus* 38. § *si actionem D. De. usur.* Quod ad usuras porrigi non potest, quia minùs favorabiles quam fructus, licet vicem quoque fructuum obtinere dicantur, l. *Vsura* 34. D. *ead.* cum fructus sint naturales rei accessiones, usuræ verò accessiones civiles, ex re natura sua sterili provenientes. Et hæc plurium calculo est probata sententia, licet contra disputet Joan. Matth. Magnus *Different. iur. lib. 1. c. 4. circa fin.*

Nu. 69. in fine.] Plura de his D. Zoef. *ad tit. de dolo malo nu. 2. & seqq.* Et cur stricti juris contractus ipso jure subsistant, non tantum dolo incidente in contractum, verum & causam dante contractui, nu. 13. & 14.

Nu. 70. in fine.] Compensationem hodie ipso jure exerere vires suas, non quidem ut tollatur obligatio, sed ad impediendum cursum usurarum, tradit Christin. *decis. 39. nu. 3. vol. 3.* Itaque necesse est, eam peti, proponi, objici, ad hoc, ut constet pecuniam sive quantitatem utrimque debitam esse, eoque jure ferè utimur. Grot. *Introduct. ad Iurispr. Holland. lib. 3. c. 40. nu. 10 & 11.* Groeneweg. *ad l. 4. C. De compens.* Statuta civit. Antverp. *tit. 64. art. 8.* Jure Gallicano non admittitur compensatio, nisi per rescriptum Regium, saltem in ea Galliarum parte, quæ moribus regitur, si non sit alia lex Provinciæ, aut nisi de admittenda compensatione adversarius pactus sit Monarc. *ad l. Si alter alteri 11. & l. Posteaquam 21. D. h. t. & ad l. 4. C. eod.* Idem obtinere in rebus connexis, & ubi alteræ ab alteris sunt quasi dependentes, tradit Zyp. *Not. iur. Belg. l. 4. h. 2.*

Nu. 71. in fine.] Dicitur verò hic excipi solâ depositi actio, cum tamen præter causam momentaneæ possessionis, sive interdictum Unde vi, excipiantur etiam actio commodati, ex rescripto Diocletiani & Maxim. Imp. l. ult. C. *Commod.* ubi prætextu debiti restitutio commodati non probabiliter recusatur. Saltem non aliàs commodati actioni compensationem opponi posse placuit, nisi quando in directam commodati actionem venit quantitas sive æstimatio rei commodatæ, veluti si culpâ commodatarii res commodata perierit, aut deterior facta sit Jul. *Pao. cent. 4. qu. 44.* Bronch. *cent. 2. assert. 42.* Zoef. *ad d. tit. Commod. in fine.* Nam quod Cujac. in *Notis ad Paulum 2. Sent. tit. 12.* opinatur in d. ult. pro commodati legendum esse commendati (commendatum verò idem significare, quod depositum) in eo notatur ille à plerisque. Guil. Fornerio, 2. *Select. Interp. c. 14.* Hotom. 12. *Obfer. sive Amicab. quest. lib. 1. c. 20.* & Joan. Mercerio 1. *Opin. c. 14.* Dictio ergò sola hoc loco ita accipi debet, ut casus parem majoremve rationem habentes non excludantur, Coras. *hic nu. 13.*

Nu. 72. ibi, non adinit. functionem.] Nequeratio iuris patitur, ut creditori invito aliud pro alio solvatur, l. 2. § 1 D. *De reb. cred. l. 4. §. 3. De re iudic. Infit Quib. mod. tollitur oblig. in pr.* Solvetur autem aliud pro alio, admissâ

missa compensatione speciei ad quantitatem, cum compensatio habeatur pro solutione, l. 4. C. De compensat. Ita Dd. communiter, Sebast. Medices tract. de Compensat. p. qu. 3. Borcholt. c. 2. nu. 15. & seqq. Mastert. qu. 18. Fachin. 11. contr. c. 7. Donel. hic nu. 12. Bronch. cent. 2. assert. 23. Schiffoing. ad Ant. Fabr. lib. 1. tract. 2. qu. & seqq. Contrariam sententiam tenuit Duaren. ad l. Fructus 7 §. ob donationes D. Solutio matrim. & tie De compensat. c. 2. & hunc secutus Harp. hic nu. 9.

Nu. 73. ibi, MODO ABSOLUTIO,] Absolutio quidem sequitur, si paritum fuerit arbitrio seu iussui iudicis; arbitrantis ac jubentis vel restitui rem, vel aliter actori satisfieri. Qui iussus eo casu pro sententia erit, eaque unica ac condemnatoria, quâ reus condemnatur ad restituendum, vel aliter satisfaciendum. Sin paritum non fuerit, jam sententia illa non amplius erit pro condemnatione, sed, propter contumaciam rei non restituentis, quasi resolvetur in inter locutoriam: quia hic jam non sistitur, sed proceditur ulterius ad condemnationem, juxta formulam, quæ condemnationem injungit, ut illa apud Cicer. 4. in Verrem Si pareat rem, de qua agitur, Tui esse, & ea arbitrio tuo non re, i uatur, iudex condemna. Vide Bachov. hic disp. 7. thes. 7. Posteriori hoc casu Interpretes vulgò statuunt duas ferri sententias, unam in principali causa & ante arbitrium, ipsum arbitrium seu præceptum iudicis de restituendo accipientes pro sententia, alteram post arbitrium, quæ condemnationem contineat. Et quamvis Ant. Fab. Dec. 29. Err. 3. etiam duas tantum admittere videatur, alibi tamen, veluti d. Dec. 9. Err. 4. Dec. 89. Err. 4. & 8. Dec. 91. Err. 9 & 10. & Dec. 92. Err. 3. tres, si non quatuor, ferri sententias opinatur: ut quidem primò præcedat declaratio dominij, rem scilicet esse petitoris, tum sequatur arbitrium illud, quod arbitrarijs actionibus omnibus commune est, de restituendare, una cum fructibus, litisque sumptibus: ut denique condemnatur reus in æstimationem juratam & pœnam, pro actionum, quæ institutæ sunt diversitate. Quam Fabri sententiam oppugnat Marc. à Lyclama Benedict. lib. 4. c. 5. Bachov. d. disp. 7. th. 9. D. Masius noster tract. De rei deb. æstimat. p. 2. c. 9. qui & duas probat sententias, atque una eademque sententia censet declarandum per iudicem, rem petitoris esse, & juberi illam ei restitui cum fructibus, per text. in §. & si in rem inf. De officio jud. Deque natura harum actionum arbitrariarum paulò aliter, quam hactenus Interpretes, ac noviter ita statuendum esse iudicat nimirum ea de causa dictas fuisse arbitrarias, quod, ubi iudici constiterit, rem petitoris esse, cogere debeat reum restituere, non ex formula, quæ coactionem præcipiat, sed prout ipse, secundum naturam & qualitatem ipsius rei, æstinaverit, quemadmodum actori satisfieri oporteat, text. hic in d. §. præterea. Atque in eum eventum, quò apparet, fundum esse petitoris, neque ei restituatur, dari iudicem; eamque formulam in hac actione servari, ex Cicer. 2. in Verrem, colligit, uti lat. us d. tract. c. 19. declarat: & c. 20. probat omnes actiones arbitrarias esse stricti juris, nec constituere tertiam aliquam distinctam speciem. Vide. Mud. hic nu. 2. vers. omnium, Hoc non. disp. 21. contr. 2. qu. plures alios citat.

Ibid.

Ibid. in fine.] Quas propterea non rectè dixeris, esse aut dici posse arbitrarías, quamvis de eo tamquam de re difficili dubitent & disputent D d. ut etiam hic Joan. Faber aliquem præceptorem desideret, id est discere quam docere malit. Rationem dubitandi desumunt ex eo, quod Justin. *hic in fine d § præterea* dicat, in his actionibus permitti iudici ex bono & æquo, secundum cuiusque rei, de qua actum est, naturam æstimare: quod cum etiam prædicetur de bonæ fidei actionibus, videri eas in hoc convenire cum arbitrariis, præsertim si arbitrium in genere accipias. Verùm observandum est, agi hic de actionibus arbitrariis propriè dictis, quæ & certæ sunt, in quibus proprio quodam modo arbitrium iudicis interponitur, nomine arbitrii accepto pro iussu illo iudicis, seu inter locutione, quæ pronuntiat aut actori rem restituendam esse, aut exhibendam, aut aliter satisfaciendum, & in casum contumaciæ ac non satisfactio. nis sequitur durior condemnatio, ut eleganter explicat & declarat Bachov. d. *disp. 7. th. 2* Lubet postremò hic adijcere, quæ de harum actionum origine & usu habet Molin. in *Extric. lab. r. De eo quod interest nu. 24*. Scribit ille. Romanos olim in formulis & impetrationibus actionum fuisse morosissimos, crescenteq; sensim æquitatis plenioris notitia barbariem illam forensē paulatim cicurari cœpisse, tum prætorum edictis, tum aliorum iudicum, tum prudentum interpretationibus: atque necessitate ipsa effectum fuisse, ut in stricti juris iudiciis daretur formula actionis non simplex & stricta, sed eo adjecto, ut iudex quod iustum esset arbitrari posset super eo. quod alterutrius partium, suo die & loco satisfactum esse vel satisfieri, interesset, & dum demum iudicis arbitrio ex bono & æquo super hoc ius reddi solidum, l. *Quod si E. hesi 4 in fine D. De eo quod cer. loco*, indeque actionem dictam fuisse arbitriariam, vel potius qualitatem & cognomen accepisse arbitrarie, l. 2. *D. eod. & l. un. C. Vbi conven. qui certo loco dare promiss.* Tandemque exolescentibus captiosis illis formulis, & deinde generali sanctione ubique sublatis, l. 1. & 2. *Cod. De form. & impetrat. act. subl.* quod erat in formula impetrandæ actionis vel arbitrii in iudiciis stricti iuris, remansisse in formula impetrandæ facti, & iniusta causa, d. l. 2. Unde infert, congrua narratione & explicatione facti, & iniusta causa, d. l. 2. Unde infert, congruentaneum esse, ut dicamus, nullas hoc tempore dici posse arbitrarías actiones.

Nu. 75. ibi, *cext. hic in princ.*] Quo modo Claudius Cæsar, Suetonio teste, omnibus, qui apud privatos iudices plus petendo formula excidissent, actiones restituisse legitur. Cuiusmodi verò fuerint verba formulæ, ex Cicer. col. ligere est, *Ovat pro Rosc. Comoedo*, veluti si pareat quem centum dare oportere, hic nisi planum faciat, centum ad libellam sive ad assen sibi deberi, causam perdit. Et in hoc quoque differentia est inter iudicium & arbitrium *iudicium est pecunia certa*, inquit ibidem Cicero; *arbitrium incertæ*. Ad iudicium hoc modo venimus, ut totam litem obtineamus: ad arbitrium hoc animo adimus, ut neque nihil, neque tantum, quantum postulavimus, consequamur. Quid est in iudicio? *directum, asperum, simplex*. Quid est in arbitrio? *mitte, moderatum & æquum versatur quantum æquum & melius, ad dari*. Hi. iudicij vocabulo significari à Cicerone strictum iudicium scribit Nic. Cicer. *ad h. t. §. præterea quasdam nu. 15.* idque ibidem paulò

paulò post describi ab eodem Cicer. cum iudicem in angustissimam sponsonis formulam includit, ut nihil amplius, quàm quod debitum & petitum est, sententia sua comprehendere possit: dubitat tamen an ibi *arbitrj* nomine iudicium bonæ fidei Cicero notet, an verò & arbitrium, in quod compromissum est; & putat utrumque.

Nu. 76. ibi, *D. De penis* Moribus hodiernis duplicatio ista induciarum contra petentem plus tempore, usu non frequentatus, licet eam approbet ius Pontificium, *c. unico De plus petit.* Ut tamen etiam illo jure minori plus tempore petenti non succurratur, neque induciæ contra eum duplicari debeant Abbas *ibid nu. 10.* Verum si quis conveniatur ante diem vel conditionem existentem, solet hodie reus absolvi ab observatione iudicii, actorque seu creditor condemnari in expensas illius instantiæ, reservato ei jure agendi denuo & conveniendi reum tempore debito, id est, post dici conditionisque eventum. Vide Rebuff. *ad Confess. Reg. in procm. nu. 5.* Matth. Coler. *decis. 165. nu. 3. & tract. De process. execut. p. 4. c. 3 nu. 16.* Porro plus tempore petitum si solvatur, condici aut repeti non solet *arg. l. in diem 1. D. De condic. indeb*

Ibid. in fine.] Quod dictum, penam plus petentium loco, re vel causâ esse in triplum damni dati, id quoque moribus in disuetudinem abiit, & tenetur actor plus petens ad solum damnum, & omne id, quod propterea reo abest. Nam si plus loco petatur, reus absolvitur, & solvit actor expensas ejus instantiæ, salvo jure conveniendi debitorem in loco debito. Si plus re, tunc debitor, qui expensas evitare cupit, partem debiti, ad quam tenetur, offerat necesse est. v. g. Qui debebat quinquaginta, si cum ab eo centum peterentur, nihil obtulerit, condemnandus est in omnes expensas litis, propter moram, cum quantitatem, quam debere se non ignorabat, offerre debuerit. Ita Ant. Faber in *Cod. suo lib. 3. tit. 9. De plus petit.* Nam eo ipso, quod quis debitor est, nec offert quod debet, constituitur in mala fide, ut merito ferre debeat expensas quamvis plus fuerit petitum. Rebuff. *loco sup. cit.* qui ideo in praxi dicit non servari, quod possim negare totum, si debeam partem, quicquid dicant Gloss. & Dd. in *c. fin. De confess. in 6.* Quod si libello apposita fuerit clausula, *salvo jure superflui*, jam extra periculum erit plus petens. Jason. *hic.*

Nu. 77. in fine] Atque ita usus fori praxisque obtinuit, ut scilicet liceat tantum ad litem usque contestatam mutare aut emendare libellum, non etiam post litem plenè contestatam, id est, post duplicationem, nisi recedatur ab instantia, impetrata eam in rem à suprema Curia in integrum restitutione, ac refulsis expensis. Zas. *hic & ibid.* Dd. Gail. 1. *Obser. 51. nu. 9. & Obs. 74. nu. 4. & seqq.* Joan. à Sande *decis. Fris. lib. 1. tit. 4. defin. 2.* Christin. *decis. 104. nu. 3. vol. 2* Adde Fachin. 11. *contr. c. 91. & aliquot seqq. ubi plures controversiæ huc pertinentes discutuntur.* Alias qui aliud pro alio petierit, nec errorem suum correxerit, ejus petitionem non bene procedere censuit Senat. Gratianop. apud Guid. Papæ *decis. 358.* Quamvis enim sicut quandoque aliud pro alio solvi potest secundum tradita à Bart. in *l. 2. §. 1. D. De reb. cred. & l. Paulus respondit 101.*

que cessionis impetrari & obtineri debeant, præscribit Ordin. Curie Brab. c. 15. art. 477. Renuntiari bonorum cessionis an possit latè in utramque partem disputat Tessaure. decis. Pedem. 36.

QVOD CVM EO, QVI IN ALIENA potestate est, negotium gestum esse dicitur.

TITVLVS VII.

Quia tamen superius mentionem habuimus de actione, quâ in peculium filiorum familiarum, servorumque agitur: opus est, ut de hac actione, & de cæteris, quæ eorundem nomine in parentes dominosve dari solent, diligentius admoneamus. Et quia siue cum servis negotium gestum sit, siue cum his, qui in potestate parentum sunt, eadem ferè jura servantur, ne verbosa fiat disputatio, dirigamus sermonem in personam servi dominiq; idem intellegenduri de liberis quoque & parentibus, quorum in potestate sunt. Nam si quid in his propriè seruetur, separatim ostendemus.

1. Si igitur jussu domini cum servo negotium gestum erit, in solidum Prætor adversus dominum actionem pollicetur: scilicet, quia qui ita contrahit, fidem domini sequi videtur.

2. Eadem ratione Prætor duas alias in solidum actiones pollicetur, quarum altera Exercitoria, altera Institoria appellatur. Exercitoria tunc habet locum, cum quis servum suum magistrum navi præposuerit, & quid cum eo ejus rei gratiâ, cui præpositus erit, contractum fuerit. Ideo autem *Exercitoria* vocatur, quia *Exercitor* is appellatur, ad quem quotidianus navis quaestus pertinet.

Institoria tunc locum habet, cum quis tabernæ fortè, aut cuilibet negotiationi servum suum præposuerit, & quid cum eo ejus rei causa, cui præpositus erit, contractum fuerit. Ideo autem *Institoria* appellatur, quia qui negotiationibus præponuntur, *Institores* vocantur. Istas tamen duas actiones Prætor reddit, & si liberum quis hominem, aut alienum servum navi, aut tabernæ, aut cuilibet negotiationi præposuerit, scilicet quia eadem æquitatis ratio etiam eo casu interveniat.

3. Introduxit & aliam actionem Prætor, quæ Tributoria vocatur. Namque si servus in peculiari merce, sciente domino, negotietur, & quid cum eo ejus rei causa contractum erit: ita Prætor pollicetur, ut quicquid in his mercibus erit, quodque in se receptum erit, id in dominum, si quidei debebitur, & cæteros creditores, pro rata portione restituatur. Et ideo *Tributoria* vocatur, quia ipsi

ipſi domino diſtributionem Prætor permittit. Nam ſi quis ex creditoribus queratur, quali minus ei tributum ſit, quàm oportuerit, hanc ei actionem accommodat, quæ tributoria appellatur.

4. Præterea introducta eſt actio de peculio, deque eo, quod in rem domini verſum erit: ut quamvis ſine voluntate domini negotium geſtum erit, tamen ſive quid in rem ejus verſum fuerit, id totum præſtare debeat: ſive quid non ſit in rem ejus verſum, id eatenus præſtare debeat, quatenus peculium patitur. In rem autem domini verſum intelligitur, quicquid neceſſariò in rem ejus impenderit ſervus: veluti ſi mutuatus pecuniam creditoribus ejus ſolverit, aut familiæ frumentum emerit, veletiam fundum, aut quamlibet aliam rem neceſſariam mercatus erit. Itaque ſi ex decem puta aureis, quos ſervus tuus à Titio mutuo acceperit, creditor tuo quinque aureos ſolverit, reliquos verò quinque quolibet modo conſumpſerit: pro quinque in ſolidum damnari debes, pro cæteris verò quinque eatenus, quatenus in peculio ſit. Ex quo ſcilicet apparet, ſi toti decem aurei in rem tuam verſi fuerint, totos decem aureos Titium conſequi poſſe. Licet enim una eſt actio, quæ de peculio, deque eo, quod in rem domini verſum ſit, agatur, tamen duas habet condemnationes. Itaque judex, apud quem de ea actione agitur, antè diſpicere ſolet, an in rem domini verſum ſit: nec aliter ad peculii æſtimationem tranſit, quàm aut nihil in rem domini verſum intelligatur, aut non totum.

Cùm autem queritur, quantum in peculio ſit, antè deducitur, quicquid ſervus domino, cive, qui in poteſtate ejus ſit, debet: & quod ſuper eſt, id ſolum peculium intelligitur. Aliquando tamen id, quod ei debet ſervus, qui in poteſtate domini ſit, non deducitur ex peculio, veluti ſi is in ipſius peculio ſit. Quod eò pertinet, ut ſi quid vicario ſuo ſervus debeat, id ex peculio ejus non deducatur.

5. Cæterum dubium non eſt, quin is quoque, qui jūſſu domini contraxerit, cuique inſtitutoria vel exercitoria actio competit, de peculio, deque eo, quod in rem domini verſum eſt, agere poſſit. Sed erit ſtultiſſimus, ſi omiſſâ actione, quæ facillimè ſolidum ex contractu conſequi poſſit, ſe ad difficultatem perducat probandi, in rem domini verſum eſſe, vel habere ſervum peculium, & tantum habere, ut ſolidum ſibi ſolvi poſſit. Is quoque, cui tributoria actio competit, æquè de peculio & de in rem verſo agere poteſt. Sed ſanè huic modò tributoriâ expedit agere, modò de peculio, & de in rem verſo. Tributoriâ ideo expedit agere, quia in ea domini conditio præcipua non eſt, id eſt, quod domino debetur, non deducitur, ſed ejusdem juris eſt dominus, cujus & cæteri creditores. At in actione de peculio antè deducitur, quod domino debetur, & in id, quod reliquum eſt, creditori dominus condemnatur. Rurſus de peculio ideo expedit agere, quòd in hac actione totius peculii ratio habetur: at in tributoria, ejus tantum, quo negotiatur. Et poteſt quiſque tertiam fortè parte peculii, aut quartâ, vel etiam minimâ negotiari: majorem autem partem in prædiis, vel mancipiis, aut ſcæne bri pecu-

pecunia habere. Prout ergo expedit, ita quisque vel hanc actionem vel illam eligere debet. Certè qui potest probare, in rem domini versum esse, de in rem verso agere debet.

Quæ diximus de servo & domino, eadem intelligimus & de filio & filia, & nepote & nepte, & patre, avove, cujus in potestate sunt.

7. Illud propriè servatur in eorum persona, quod Senatusconsultum Macedonianum prohibuit mutuas pecunias dari eis, qui in potestate parentis sunt: & ei, qui crediderit, denegatur actio, tam adversus ipsum filium filiamve, nepotem neptemve (sive adhuc in potestate sint, sive morte parentis, vel emancipatione sur potestatis esse cœperint) quàm adversus patrem, avumve: sive eos habeat adhuc in potestate, sive emancipaverit. Quæ ideo Senatus prospexit, quia sæpè onerati ære alieno creditorum pecuniarum, quas in luxuriam consumebant, vitæ parentum insidiabantur.

8. Illud in summa admonendi sumus, id quod iussu patris dominive contractum fuerit, quodque in rem eius versum erit, directò quoque posse à patre dominove condici, tanquam si principaliter cum ipso negotium gestum esset. Ei quoque, qui exercitoria vel institoria actione tenetur, directò posse condici placet, quia huius quoque iussu contractum intelligitur.

COMMENTARIUS.

S U M M A R I A.

1. Actio quod iussu adversus quos & ad quid competat.
2. Actiones exercitoria & institoria unde dictæ, & adversus quos dentur.
3. In quo differant hæ actiones.
4. Tributoria actio cui & ad quid competat.
5. De peculio & de in rem verso actiones in quibus convenient & differant.
6. Versum in rem quid dicatur.
7. Actio de peculio in dominum quatenus competat.
8. Ex his actionibus eligenda ea, quæ commodior.
9. Differentia inter servum & filiumfam quoad obligationem.
10. Filiusfam ex causa mutui non obligatur cum effectu, ob S. C. Macedonianum.
11. Exceptio S. C. Macedoniani quibus prætereà prodest.
12. Locum habet tantum in pecunia mutuo data.
13. Quibus modis cesset hæ exceptio.
14. Et filius renunciare non potest.
15. Tenentur etiam directâ actione ex contractu filii vel servi pater vel dominus.

Merx peculiaris à peculio differt, ut res hereditaria ab hereditate. Ut hæc actio ab ea, quæ est de peculio, sit diversa, in qua dominus prius deducit id, quod sibi debetur, § *seq.* In hac verò æqua domini & creditorum est conditio, eo quod utriusque, quoad rem peculiarem, sit par jus. (c)

§. *Præterea.*

- 5 **D**Uæ aliæ actiones hic proponuntur, DE PECULIO scilicet & DE IN REM VERSO. Illa datur in patrem aut dominum, ex negotio gesto cum filiofam. aut servo, quatenus est in peculio; hæc verò quatenus in rem ejus est versum. Vicinæ sunt hæ actiones, & hæc illi inest, cum quod in rem versum est, id naturaliter servo dominus debeat, l. . § *finali D. De in rem verso.* Quo modo & una actio hic dicitur esse, & de peculio actione perimi actio de in rem verso; quia in peculium dicitur conversum, quod in rem domini est versum, d. §. *fin.* Sunt tamen diversæ utriusque condemnationes: nam de in rem verso condemnatio fit in solidum, quatenus versum ex contractu filiofam. aut servi, *text. hic*, ne aliena jactura lucrum sentiat. * Versum in rem intelligitur, quod necessariorum vel utiliter impensum in rem domini, aut in eum finem acceptum, ut verteretur, etsi non responderit eventus, l. 3. § 1. *D. De in rem verso.* Calliditas tamen servi, se versurum in rem domini alligantis, non excusabit creditorem, si non verterit, ne ejus credulitas domino obsit, d. l. 3. §. *sed si.* De peculio non damnatur dominus, nisi in id, quod superest, deducto eo, quod
- 7 sibi debetur. * Nam quod domino debet servus, non censetur in peculio esse, *text. hic in fine*, cum peculium describatur esse pusilla pecunia, quam servus separatim à dominicis rationibus habet, permisso domini, deducto eo, quod ipsi debetur, l. 5. *in fine D. De peculio.* Non potest autem videri frustranea actio de in rem verso, ex eo, quod, uti dictum, inest actioni de peculio; nam sunt casus, quibus extincta actione de peculio per mortem aut manumissionem, l. 1. *D. Quando actio de pecul. annal. sit*, dominus conveniendus est hac actione de in rem verso, l. 1. § 1. *D. De in rem verso.* (d)

§. *Cæterum.*

- 8 **M**onet hic Imp actiones, de quibus hic, alias aliis præstare, & cum plures uni competere possint, esse utendum ea, quæ commodior est, & qua solidum quis consequi potest, quales quæ sint ex textu sufficienter patet.

§. *Illud propriè.*

- 9 **E**X contractu servi dominus obligatur, ex filiofam. filie, nepotis contractu, pater, avus, ex jam dicta ratione. Est tamen diversitas inter servum & filium

liumfam. quòd ille naturaliter tantum teneri possit ex suo contractu, non etiam civiliter, *l. Servi 14. D. De oblig. & act.* cum, jure civili inspecto, capite careat; hic verò etiam civiliter alii obligari possit, cum liberum caput habeat, & quidem ex omnibus causis, ut cum eo sit actio tamquam cum patrefam. *l. Filiusfam. 39. D. d.*

Excipitur causa mutui, ex quo accepto, licet obligetur filiusfam. sine effectu tamen, propter S. C. Macedonianum, quo concessa perpetua exceptio patri & filio, non tantum manenti in potestate, verum & emancipato, *text. hic & l. 1. D. Ad S. C. Maced.* Causam dedit improbitas cujusdam creditoris Macedonis (unde nomen sumptum.) *l. i. c. fam. inutuas pecunias dantis*, in certis nominibus, qui ut ære alieno facilius se exsolvent, vitæ parentum insidiabantur. (*) Competit & filiabus *l. Sed si 9. §. 2. D. d. t.* Nepotibus item & pronepotibus, qui licet nec niorum nomine, nec verbis S. C. comprehendantur, ratione tamen continentur. Competit etiam fidejussori & mandatori, *d. l. 9. §. non solum*, ne quod unâ viâ est denegatum, alterâ videatur concessum improbo isti hominum generi, in elusionem Senatusconsulti, in odium istius inducti. (*) Habet tantum locum in pecunia mutuo *l. 2. data, scilicet numerata*, non etiam alijs in rebus, *l. 7. §. mutui d. t.* propter promptam corruptelam, quam ista præstat, non etiam res aliæ: nisi hæc in fraudem Senatusconsulti sint datæ, ut ex iis divenditis pecunia comparata habeatur mutua, *l. 3. §. ss autem d. t. (f)* (*) Cessat hæc exceptio aliquot casibus, veluti si *l. 3. §. ss autem d. t. (f)* (*) Cessat hæc exceptio aliquot casibus, veluti si mutuum in rem patris fuerit versum, vel is consenserit, ratumve habuerit expressè vel tacitè, veluti per solutionem; aut ipse filius, paterfamilias, factus solvere cœperit, si peculium castrense habeat, & alijs modis, de quibus *Gl. fin. hic (g)* (*) Renuntiatio filii nihil prodest creditori, propterea quòd ista exceptio non tam fit inducta in favorem filiusfam. quàm odium improbi creditoris, cuius factum lex voluit punire. Ad eò ut nequidem juramentum appositum quidquam operetur, ex eo, quòd ad delinquendum filiumfam. invitet. (h)

§. Illud in summa.

Non tantum prætoria tenetur pater, dominusve ex contractu filii aut servi sed etiam directâ, id est, civili actione, quatenus jussit, aut in rem ejus versum; ex ratione, quòd cum eo contractum videatur: ut, etiam si exercitoria aut institoria teneatur, directò ei condici possit, ut *hic ait Imp.* Tenebitur nihilominus & magister, aut institor, si liber homo sit, ex contractu cum eo habito; ut liberum sit creditori, alterum eorum eligere, exercitoriam scilicet aut magistrum, *lib. 1. parag. est autem electio D. De exercit. act.* neque enim edictis tam transfertur actio, quàm adjicitur tantum, *l. 5. parag. pen. D. d. t.* hoc est, præter actionem in præpositum, qui contraxit, est & actio in eum, qui præposuit. Quòd verum est, quatenus in officio durat præpositus: nam cum

nomine officii contraxerit, non potest amplius teneri eo defunctus, *l. fin. D. De inst. act.* nisi & se principaliter obligaverit

AD DITIONES V. A. D.

Nu. 2. ibi, quem vulgò *Factorem* nominant.) Notandum, propriè Institorem dici, qui negotiationi alicui quæstuariæ, & quidem negotiationis cuidam universitati præpositus est *l. 3. D. De inst. act.* Aliàs quando quis præponitur uni alicui negotio gerendo, in quo non est mercantia, ut loquitur Joannes Faber, *hic num. 8. unipulcre praxin usumque huius institutorie actionis* *de actione negotiorum* improprie institutor dicitur, & verius præponentor, vel quali institutor, ut notat Bart. *in d. l. 3.* Ita enim in eum, qui mutuis accipiendis pecuniis procuratorem præposuit, utilis ad exemplum institutorie dabitur actio, *l. pen. in pr. D. eod.* Impropriissimè verò institutorem dici eum notat idem Fab. qui certo operi præponitur, ab hoc scilicet, ut intendat operi & operariis, videatque, an diligenter & benè operentur. Itaque Institutor propriè dicitur is, qui negotiationi alicui quæstuariæ, quæ scilicet circa quæstum versatur, præpositus est, ut qui præponitur mensæ alicui nummulariæ, vel alicui operatorio (ut Faber ait) id est tabernæ, *lo. Si cum villico 16. D. eod. Angel. hic ad §. si igitur num. 7.* Institutorum nomine veniunt & illi, quos Circitores vocant, quibus vestiarij vel lintearij dant vestem circumferendam & distrahendam, *l. 5. §. 5. D. eod.*

Nu. 3. in fine.) Queritur autem, An institutores, deposito seu finito officio, rectè conveniantur ex contractu tempore præpositionis celebrato. Quod negant communiter Dd. Bart. *int. ult. De instit. act.* Heig. *hic num. 16. vers. hult ergò sententia*, Matth. Coler. *decis. 248. num. 1.* Costal. *ad l. 1. §. est autem 17. De exercit. act.* ubi ex sententia Bart. ita in Curia Parisiensi iudicatum refert. Cæteroquin morte præponentis non finiri præpositionem & officium institutoris, colligitur ex *l. Si quis 13. §. 3. D. De instit. act.* sed eum removendum esse, *l. Sed si pupillus 11. in pr. D. eod.* Porro usum exercitorie actionis hodieque in Gallia esse docet nos Constitutio Francisci I. Regis anno 1517. *de rebus marit.* saltem quod attinet ad dandam hanc actionem in eum, qui liberum hominem navi, aut tabernæ, aut cuilibet negotiationi præposuit, Bucherel. *hic.* Notat autem H. Grot. 2. *D. iure bel. ac pac. cap. 11. num. 1.* malè Romanis legibus introductum, ut ex facto magistri exercitores in solidum singuli tenerentur. Nam hoc nec naturali æquitati convenire, quæ satis habet, si pro suis singulis partibus conveniantur: nec publicè utile esse; absterri enim homines ab exercendis navibus, ob metum, ne ex facto magistri quasi in infinitum teneantur. Adeoque apud Hollandos, ubi mercatura pridem maximè viguit, & nunc & olim legem illam Romanam observatam non fuisse: imò contrà constitutum, ne exercitoria etiam universi amplius teneantur, quam ad ætimationem navis, & eorum, quæ in navi sunt. At verò e contra Bern. Autum.

ad tit. D. De exercit. act. Hodie, inquit, dummodò ex contractu appareat magistrum

gistrum navi præpositum, exercitor tenetur in solidum, sibi imputaturo, qui præposuit, additque hanc sententiam ab Oscitanis fortè pro deridicula habendam. quam tamen Bituriges Oceano finitimi à nautis servari non ambigant. Plura de actionibus institutoria atque exercitoria, & quatenus institutores exercitores que se ac dominos suos seu præpotentes obligent, vide apud D. Wam. *cent. conf.* 86 *nn.* 12. & 13. *item conf.* 87. 88. 89. & 90. D. Peck. *ad tit.* D. De exercit. *act.*

N. 4. in fine.] Jure Gallico tributoria non habet locum, nisi inter creditores chirographarios, & vocatur *deconfiscare* vernaculâ linguâ. Quo casu distingui debet inter id, quod ex merce est: nam vel merces manent, & puto debere dici præferendos creditores jure pignoris; vel pretium earum receptum conversum est in peculium, & hoc dumtaxat veniet in tributum, eoque jure utimur inquit. Autum *ad tit.* D. De tribut. *act.*

N. 7. in fine.] Noribus hodiernis filiosfam. seorsim à rationibus paternis, parisque e consensu mercaturam exercentes, reputari pro emancipatis, & ex suo ipsos contractu obligari; itemque manus-mortuæ homines, quos & servorum nomine vulgò nuncupant, ipsomet ex suo contractu teneri, nec ex eo obligari dominos de peculio vel in rem verso, dictum sup. *ad tit.* De actionib. § *actiones autem* *rem num* 34. Possè tamen quasi de peculio conveniri superiores ex contractibus initis cum suis Religiosis, administrationem bonorum habentibus, ad instar minorum & patrum, notat Joan. Faber *ad d.* § *actiones autem nn.* 18 & dixi *sup. eod.*

N. 10. in fine.] Hâc eâdem ratione motum fuisse Vespasianum Imp. hujus Senatusc. auctorem, indicat Sueton. c. xi. Et refert Corn. Tacit. xi. *Annal.* jam antè quoque Claudium Imp. legelata cœrcuisse favitiam creditorum, ne in morte parentum pecunias filiiis familiarum darent. Legis quidem huius in jure nostro non extat mentio, attamen exemplum est in hoc S. C. Macedoniano postea lato. Sed & legis vicenariæ mentio est apud Plautum in *Pseudolo act.* 1. Sc. 3. quæ vetabat minoribus xx. annis pecuniam mutuò dari.

N. 12. in fine.] Atque ex hac forte ratione Senatus Dolanus, cum subinde, crescente hominum malitia, compertum haberet, etiam ex aliis contractibus, quovis quæsito colore, incautos adolescentes ab improbis feneratoribus, cauponibus, & aliis id genus hominibus decipi, salutare remedium huic malo adinvenit edito Edicto, quo dispositionem S. C. Macedoniani ad omnem ferè contractus speciem extendit, de quo late Grivel. *decis. dolanâ* 14. idem Edictum variis modis limitans. Statuta quoque Academiæ nostræ Lovaniensis juris executionem suspendunt, denegantque omnibus & singulis, qui Scholari minori xxy. annis quicquam vendiderint, vel quid mutuò dederint aut crediderint, vel quemcumque impignorationis aut obligationis tractatum inierunt. Alias, cessante edicto aut statuto, ex aliis causis filiosfam. perinde ut qui sui juris, per omnia & contrahere, & contrahendo se obligare, eoque nomine conveniri, & si non solvat, nec cedat bonis, in carcerem detrudi potest,

l. Filiusfam. 39. D. De oblig. & act. & l. pen. C. Qui bonus ced. poss.

Nu. 14. in fine.) Poterat quidem hac de re esse ratio aliqua dubitandi, exemplo S. C. Velleiani, cui mulierem renuntiare posse communius probatum, *l. ult. §. pen. D. Ad S. C. Vellejan.* Verum ratio decidendi in eo est, quod S. C. Macedonianum in odium foeneratorum introductum sit, & bonum Reipubl. respiciat: bono autem publico, aut juri publico pactis privatorum renuntiari nequeat, *l. Nec ex pretorio 27. & l. Neque pignus 45. D. De R. l.* Alia S. C. Vellejani ratio, quod tributum mulieribus in favorem ipsarum: atque cuilibet est licentia renuntiandi his, quæ pro se introducta sunt, *l. pen. C. De pactis.* Neque etiam obstat, quod filiusfam. ex omni contractu obligetur efficaciter, *d. l. Filiusfam. 39. D. De oblig. & act.* ergo & ex mutuo: nam Resp. obligari quidem, verum absque effectu, obstante scilicet S. C. Macedoniano. Gomez. 2. *Var. res. l. c. 6. num. 2.* Forster. p. 2. *dis. §. th. 3. lit. B.* Ut rectè addas D. Zoef. ne quidem juramentum appositum quidquam in oppositum operari, quippe bonis moribus contrarium, & fovens improbitatem creditorum, qualis fuit illa improbi illius Macedonis. Peck. *ad c. Non est obligatorium De R. l. in 6.* Diss. Bart. in *l. Si quis pro eo nu. 10. D. De fideiuss.* Alciat. in *c. Cum contingat num. 126. De iureiur.* Covarr. *ad c. Quamvis de pact. in 6. p. 2 §. 3. numero quarto.* An vero filiusfam. se tueri huius Senatusconsulti auxilio in foro animæ possit, disputant quoque Dd. Non posse, tenet Covarr. *ad c. Quamvis loco tam cit. num. 6.* cumque secuti Fachin. 2. *contr. cap. 62. in fine* & D. Tuiden. *C. Ad S. C. Maced.* Aliis contra sententia contraria visa est verior. Gomez. 2. *Var. res. cap. 5. num. 2. D. Perez ad C. d. tit.*

DE NOXALIBVS ACTIONIBVS.

TITVLVS VIII.

EX maleficijs fervorum, veluti si furtum fecerint, aut bona rapuerint, aut damnum dederint, aut injuriam commiserint, noxales actiones proditæ sunt quibus domino damnato permittitur, aut litis æstimationem sufferre, aut ipsum hominem noxæ dedere.

1. Noxa autem est ipsum corpus, quod nocuit, id est servus: noxia, ipsum maleficiū, veluti furtum, damnum, rapina, injuria.

2. Summā autem ratione permissum est noxæ deditioe defungi. Namque erat iniquum, nequitiam eorum ultra ipsorum corpora dominis damnosam esse.

3. Dominus noxali iudicio servi sui nomine conventus, servum actori noxæ dedendo liberatur: nec minus in perpetuum ejus servi dominum à domino transfertur. Sin autem damnum ei, cui deditus est, servus resarcierit, quasi tā pecuniā, auxilio prætoris, invito domino, manumittetur.

4. Sunt autem constitutæ noxales actiones aut legibus, aut edicto prætoris. Legibus, veluti furti ex lege Aquilia. Edicto prætoris, veluti injuriam, & vi bonorum raptorum.

5. Omnis autem noxalis actio caput sequitur. Nam si servus noxam commiserit, quamdiu in tua potestate sit, tecum est actio. Si autem in alterius potestatem pervenerit, cum illo incipit actio esse. At si manu missus fuerit, directò ipse tenetur, & extinguitur noxæ deditio. Ex diverso quoque directæ actio noxalis esse incipit. Nam si liber homo noxam commiserit, & is servus tuus esse cœperit (quod quibusdam casibus effici primo libro tradidimus) incipit tecum esse noxalis actio, quæ antè directæ fuisset.

6. Si servus domino noxiam commiserit, actio nulla nascitur. Namque inter dominum & eum, qui in potestate eius est, nulla obligatio nasci potest, Idedque & si in alienam potestatem servus pervenerit, aut manu missus fuerit, neque cum ipso, neque cum eo, cuius nunc in potestate sit, agi potest. Unde si alienus servus noxiam tibi commiserit, & is postea in potestate tua esse cœperit, interdicitur actio: quia in eum casum deducta sit, in quo consistere non potuit. Idedque licet exierit de tua potestate, agere non potest: quemadmodum si dominus in servum suum aliquid commiserit, nec si manu missus aut alienatus fuerit, servus ullam actionem contra dominum habere potest.

7. Sed veteres quidem hoc in filiisfam. masculis & feminis admiscere: nova autem hominum conversatio huiusmodi asperitatem rectè respuendam esse existimavit, & ab usu communi hoc penitus recessit. Quis enim patiatur filium suum & maximè filiam, in noxam alij dari, ut pene per filij corpus pater magis, quam filius periclitetur? cùm in filiabus etiam pudicitie favor hoc benè excludat. Et ideo placuit in servos tantummodo noxales actiones esse proponendas: cum apud veteres legum commentatores invenerimus sæpius dictum, ipsos filios familiarum pro suis delictis posse conveniri.

COMMENTARIVS.

SVMMARIA.

1. Noxia & noxa quid, & qua noxales actiones.
2. Noxalibus actionibus qui teneantur, & ad quid.
3. actio noxalis caput sequitur, & an manu missus ea conveniri possit.
4. Actio hæc quibus modis extinguatur.
5. Olim etiam ex delictis liberorum in patrem dabatur.

Non tantum ex contractibus filij aut servi tenetur pater aut dominus, sed & ex maleficiis eorum, si forte damnum dederint, quod NOXIÆ nomine hic designatur, nomine autem NOXIÆ ipsa pœna venit: confunditur tamen ista verborum proprietas apud Jurisconsultos. Hinc NOXALES ACTIONES, QUÆ DANTVR IN DOMINVM EX PRIVATIS SERVORVM DELICTIS: nam publica ipsum auctorem tenent, cum alieno nomine in corpore aliquem puniri non ferat ratio. * Convenitur autem his actionibus dominus ad litis æstimationem, nomine damni à servo dati: cui tamen permissum, noxæ deditione defungi, *text. hic in pr.* id est traditione servi liberari: idque ne servi nequitia ultra ipsius corpus sit domino damnosa. Nisi tamen consenserit servo nocenti, aut non prohibuerit, cum sciret & posset; tunc enim, cessante deditione, tenebitur ad litis æstimationem, cum ipsemet videatur deliquisse. Effectus huius deditionis est, quod servus exemptus potestate prioris domini, eius, cui nocuit, subijciatur potestati: qui si quæsita pecunia damnum refarcierit, utroque domino invito, manumittitur, Pretoris auxilio, §. *dominus inf. eod.* Ratio est, quod neutri fiat injuria: non priori, quia dimisit; non posteriori, quia damno refarcito, nihil habet, quod amplius desideret.

§. *Omnia autem.*

Non ultra dominus tenetur noxali, quam servus est in ejus familia, quā si mutet in novum dominum ista actio competet, non in pristinum: quia NOXA *ut hic habet text.* CAPIT SEQUITUR, id est, cum servo ambulat, ut cuicumque ille subijciatur, is hanc actione teneatur. In manumissum directio agitur ad litis æstimationem, cessante deditione, cum seipsum nemo dedere possit ad pœnam. Ut isto casu noxalis indirectam mutetur, ut & e contra contingit, directam mutari in noxalem, si is, qui liber nocuit, servus fiat, §. *ex d. verso inf. eod.* In quo differt delictum servi à contractu, ex quo non obligatur post manumissionem; cum contrahendo peculii causam egerit, quod non sequitur necessario manumissum. * Mors servi extinguere facit hanc actionem, cum sublatum sit caput, quod tenebatur. Extinguitur etiam, si ejus, cui noxia data, subijciatur potestati, quia devenit in casum, in quo non consistit. Quo modo & dato damno ipsi domino per proprium servum, nulla erit actio, quod eadem cum domino sit persona, ut actio inter eos consistere nequeat, l. 4. D. De iudic. quæ minime reviviscet servi alienatione §. *si servus inf. eod.* ex regula in l. *Quod ab initio* 29. D. De R. I. (a)

§. Sed veteres.

VSurpata & olim ex liberorum delictis noxæ deditio, quam asperitatem in liberis respuendam duxit nova hominum & mitior conversio, *ut hic habes text.* Maximè in filiabus caussa pudicitia, quæ in iis periclitatur. Et facit, quod cum liberam habeant personam, pro debitis ipsi conveniri possint, & iis condemnatis actio sit in patrem de peculio, quasi ex contractu, l. 3. §. *idem scribitur*.
D. De peculio.

ADDITIONES V.A.D.

Nu. 4 in fine.) Quod ad mores & jus hodiernum attinet, illud certum est, actiones noxales hodie apud nos nullas esse, & exulare à foro nostro nomen illarum actionum, propterea quod servi, qui hodie eo nomine insigniuntur, planè mancipia non sint; sed eorum loco habentur in jure coloni, censiti, glebis adscripti &c. D. Perez. ad tit. C. De agric. cens. lib. 11. & his deinde surrogati, quos Germani Homines proprios vocant, Galli Homines manus mortuæ seu manu mortales, de quib. dixi sup. ad tit. De his qui sui vel al. iur. sunt, qui ipsi ex suis delictis tenentur, conveniuntur, nec deduntur noxæ. Utimurque hodie in familiis, non servis, sed liberorum hominum operâ ac ministerio, de quorum factò regulariter non tenetur dominus: nisi sit quod ei imputetur, ut si familia deliquerit in illo officio seu ministerio, in quo est præpositus dominus. Ita publicanus tenetur de factò familiæ suæ, id est eorum, quos sibi in eo ministerio adjunxit, l. 2 in pr. & §. familia 5. D. De public. & vectig. Ita nauta tenetur de maleficio per familiam commissò, & caupo de factò eorum, qui in caupona ejus exercendæ causâ ibi sunt, tit. D. Furti adversus naut. caup. stabul. Sic & Rector Provinciæ tenetur de factò suorum officialium, l. Si post C. De adfessorib. Quia tamen omnes liberantur exhibendo malefactores, d. l. 1. §. familia & l. 3. De public. ubi dicitur, tam duram conditionem eorum esse & tam esse, quod debeat bonos servos ad hoc ministerium eligere. Ita ferè Cosmas Guymier Glossator Pragmat. sanctæ tit. De collat. §. Frustra enim in v. familia. Quamvis igitur noxales actiones hodie nullæ sint simile tamen relictum in eo, quod dominus teneatur aut damnum rescire, aut exhibere delinquentem. Obligatio vel promissio famuli, vel alterius liberi hominis, quâ in perpetuum alicui obstringat, vel locet operas suas, videretur sapere naturam servitutis, Gl. in l. Post certum C. De liber. caus. Alibi tamen legitur, ita posse quem se alteri obligare, Gl. in l. Antiquitas C. de usur. Et hoc observari testatur, Arn. ab Haerfolte, in Advers. de action. p. 2. act. 25. in fine.

SI QVATRV PES PAVPERIEM fecisse dicatur.

TITULUS IX.

A Nimalium nomine, quæ ratione carent, si quâ lascivia, aut pavore, aut feritate pauperiem fecerint, noxalis actio lege duodecim Tabularum prodita est. Quæ animalia si noxæ dedantur, proficiunt reo ad liberationem: quia ita lex duodecim Tabularum scripta est, ut puta, *Si equus calcitrosus calce percusserit, aut bos cornu petere solitus cornu perierit.* Hæc autem actio in iis, quæ contra naturam moventur, locum habet. Cæterum si genitalis sit feritas, cessat actio. Denique si rursus fugerit à domino, & sic nocuerit, non potest quondam dominus conveniri: quia desit dominus esse, ubi fera evasit.

Pauperies autem est damnum sine injuria facientis datum. Nec enim potest animal injuriam fecisse dici, quod sensu caret. Hæc quidem ad noxalem pertinet actionem.

1. Cæterum sciendum est, ædilitio edicto prohiberi nos canem, verrem, aprum, ursum, leonem ibi habere, quâ vulgò iter fit: & si adversus ea factum erit, & nocitum libero homini esse dicatur, quod bonum & æquum iudici videtur, tanti dominus condemnatur: cæterarum verò rerum, quanti damnum datum sit, dupli. Præter has autem ædilitias actiones, & de pauperie locum habebit.

Numquam enim actiones, præsertim pœnales, de eadem re concurrentes, alia aliam consumit.

COMMENTARIUS.

SUMMARIA.

1. Quadrupedis nomine quid hic veniat & Pauperies quid.
2. Actio de pauperie quibus, quando, & ad quid datur.
3. Actio de pastu quid.
4. Animal de pascens in alieno, an retineri & inclu'i possit.
5. Actio ex ædilitio edicto ne quis canem &c. ibi habeat, quâ vulgò iter est.
6. Actiones plures pœnales an rectè intendantur.

VT ex servi facto, ita & ex L.XII. Tabb. noxalis actio est in dominum, ¹
 SI QUADRUPES PAUPERIEM FECERIT. QUADRUPEDIS nomine ve-
 niunt pecudes, quæ gregatim pascuntur, de quibus sup. *De L. Aquilia & l. i.*
§. in bestiis D. h. t. PAUPERIES propriè vocatur damnum sine injuria facientis
 datum, ut cui sensus deest, *text. hic*: nulla enim injuria dici potest nisi à consi-
 lio profecta. (a) * Datur domino, & ei, cujus inter est, *l. 2. d. h. t.* adversus ²
 dominum, instar superioris, *d. l. i. §. & cum D. h. t.* quatenus in ejus manet pote-
 state; nam & in quadrupedibus noxa caput sequitur: ita tamen, si contra ferita-
 tem naturalem commota quadrupes damnum dederit, ut si equus calce percusse-
 rit, bos cornu petierit. Datur ad hoc, ut præstetur litis æstimatio; liberabitur
 tamen dominus noxæ dando *d. l. i. in pr.* Si fuerit genitilis feritas, id est natura-
 lis, cessat hæc actio; quod quis, cum eam præsciat, cavere sibi debeat. Quo mo-
 do si signo aliquo dominus occurrentes admonuerit feritatis, quæ laborat quadru-
 pes, videtur esse extra hanc actionem. Sic olim alligato cornibus scæno, bovem
 cornupetam esse judicabant: unde illud Horatii. *Fœnum habet in cornu.* (b) Fit
 autem hic tantum mentio quadrupedis, cum tamen & meminerit canis, *d. l. i. §. sed*
& si canis, & utilis actio dicatur competere, si aliud quodvis animal nocuerit, *l. 4. D.*
h. t. (c) * Est & ACTIO DE PASTU, quando alienum animal, veluti bos gra- ³
 mina, porcus glandes, est depastum; quæ res cum ad pauperiem non pertineat, a-
 ctio singularis eo nomine data de pastu pecoris. * Quo casu animal retineri pos- ⁴
 se non videtur, aut includi, per *l. Quintus 39. D. ad L. Aquil.* si nimirum dominus sit
 certus; nam si incertus, inclusio non videtur deneganda ad juris sui conservatio-
 nem, Bart. *in l. Prator. §. si dominus D. De damno infecto.* (d)

§. Caterum.

PRæter actionem de pauperie ex L.XII. Tabb. cautum est ædilitio edicto, ⁵
 ne quis canem, verrem, aprum, ursum, leonem, lupum, aliudve animal,
 solutum velligatum, ibi habeat, quæ vulgò iter est. Contrà si factum fuerit, &
 liber homo perierit, in ducentos solidos reus condemnatur; si nocitum tantum,
 quanti æquum bonum judici videbitur. Caterum rerum nomine duplum ve-
 nit, *text. hic & l. Hi enim 40. cum seqq. D. De ædil. edicto.* (e) * Concurrit au-
 tem hæc actio ædilitia cum ea, quæ est de pauperie, ita ut una alteram non ⁶
 consumat: nam, ut hic ait Imp. secutus Ulp. *in l. per. D. De oblig. & act.*
 nunquam actiones pœnales de eadem re concurrentes aliæ alias consumunt.
 Quod verum est, quatenus sunt plura delicta concurrentia, ne unum per alte-
 rum sit impunitum, uti hoc in casu. Nam & est actio contempti edicti, ha-
 bendo ita canes, aut aliud animal, & data pauperies; quæ & vindicatur hæc
 ætione, si non directâ, saltem utili, ut volunt. Si idem factum causaverit
 plures actiones, etiamsi omnibus agere liceat, *l. Cum ex uno 32. D. De oblig.*
& act.

et att. non tamen in solidum; nam posteriori non aliud consequemur, quam quo in ea amplius est, quam priori sumus consecuti, l. *Qui servum*. 34. D. d. t. Et ita accipienda l. *Plura*. 53. D. d. t. dum negat omnibus utendum esse scilicet in solidum, nisi accipiamus eam de actione graviore prius positâ. Sic qui rapinæ egit in quadruplum, impeditur agere furti nec manifesti in duplum. Contrâ qui egit furti nec manifesti in duplum, non impeditur agere vi bonorum raptorum, quatenus in ea amplius est, l. i. D. *Vi bonor. rapt.* Videatur Cujac. 8. *Obs. cap.* 24. (f)

ADDITIONES V.A.D.

Nu. 1. in fine.) Qua de causa bruta formaliter non possunt dici delinquere, sed materialiter tantum; nec injuriam facere aliter, quam per similitudinem aliquam, quâ eadem dicuntur esse perita juris naturalis, *sup. De jure natur. in pr.* Nec aliò spectat distinctio J. C. in l. 1. § 11. D. h. t. inter arietem sive bovem provocantem & provocatum: eoque respectu accipienda illa Joan. Fabri *hic in pr. num. 7.* an canis, qui carnes comedit, fuerit in culpa, veluti si fregerit vas, aut ollam everterit, nec ne.

Nu. 2. ibi. *Fenum habet in cornu.*) Ubi Interpres vetus, *sumptam ait translationem: à bove cornupeta, cuius cornibus in modum ansula fenum alligari solebat in signum, ut qui ei fieret obviam, eius vitaret occursum.* Vide Eras. *Chil. 1. cent. 1. adag.* 81.

Ibid. in fine.) Permissâ electione domino, utrum æstimationem damni præstare velit, an verò servum noxæ dedere, id est, pro noxa & delicto commissio, ei, cui damnum datum, tradere. Noxam enim hic accipi pro delicto, non pro corpore, quod nocuit, vel vulgatissimum illud coarguit, Noxa caput sequitur, l. *Qui ex plurib.* 20. & l. ult. D. h. t. & hoc Virgilij *Æn. Vnius ob noxam &c.*

Nu. 4. in fine.) Quod & hodie indistinctè ita obtinuit, ut scil. domino agri, vel jus in eo habenti, liceat pecus ibidem deprehensum includere, & pignoris loco retinere, donec ei pro damno dato satisfiat. Wesenb. *D. h. t. num. 6.* Matth. Coler. *De proess. execut. p. 2. & 3. num. 66.* Schultz. *hic vers.* Porro quamvis. Ceteroquin animalia, quæ pauperiem fecerint, etiam hodie noxæ dedi, & proficere reo ad liberationem, insinuare videtur Chassen. *ad Consuet. Burg. tit. Des jures §. 6 num. 17.* Quod tamen ita limitandum censet, nisi ipse dominus deduxerit animal suum in campum alienum, ut ibi depasceret; quia eo casu non liberaretur dando animal noxæ, cum ipsemet videatur dedisse damnum, & sic teneatur in solidum. Aliàs damnum datum ab animali in hortis, pratis, agrisve alienis vindicari solet pœnâ seu multâ pecuniariâ, citra noxæ deditionem, persolvenda Principi aut domino fundiario; salva proprietario ad id quod interest actione. Pœna hæc modò maior erit, ut si dolus arguatur opilionis, vel ejus, qui custodit gregem, quiq. evagari gregem diutius permiserit, aut immiserit in pas-

in pascua aliena, veluti ex uno ad aliud atque aliud pratum deduxerit; quo casu totidem multas, quot sunt prata, exigere licebit, easque cumulare, & unâ actione experiri: modo minor, ut si, custode fortè obdormiente aut alias negligente, damnum datum fuerit.

N. 5. in fine.] Huc illud pertinet, quod prisci januæ aut parieti ædium suarum inscriptum habere solent, CAVE CAVE CANEM, cuius meminit Petron. Vid. Adr. Turneb. 15. *Adversar. 6. 4.*

N. 6. in fine.] Ubi de concursu agit plurium actionum, an una alteram consummat, secundum Reg. Quoties concurrunt plures actiones eiusdem rei nomine, unâ quis experiri debet, *l. nemo ex his 43 §. 1. D. De R. I.* an verò omnibus experiri liceat, prout alia dicitur Reg. Nunquam actiones, præsertim pœnales, de eadem re concurrentes alia aliam consumit, *l. Nunquam 172. al. 130. eod. tit.* Legesdem re concurrentes alia aliam concedunt, & quæ negant. Unde variae hic distinctiones adhiberi solent inter ipsas actiones, tum rei persecutorias ex contractu vel delicto descendentes, tum pœnales, easque vel merè pœnales, vel mixtas: qua de re latius Cujac. *d. loco. in Praelect. ad d. l. 4. De R. 1. & ibid. Phil. Matthæus, Hotom. Illustr. quest. 9. Vinc. Cabotius 1. disp. c. ult. Bronch cent. 4. assert. 35. & distinctè D. Zoef. ad D. De oblig. & act. nu. 83.*

DE IIS, PER QVOS AGERE POSSVMVS.

TITVLVS. X.

Nunc admonendi sumus, agere posse quemlibet hominem, aut suo nomine, aut alieno. Alieno, veluti procuratorio, tutorio, curatorio: cum olim in usu fuisset, alterius nomine agere non posse, nisi pro populo, pro libertate, pro tutela, Præterea lege Hostiliâ permissum erat furti agere eorum nomine qui apud hostes essent, aut reipublicæ causa abessent, quive in eorum cuius tutela essent. Sed quia hoc non minimam incommoditatem habebat, quòd alieno nomine, neque agere, neque excipere actionem licebat, cœperunt homines per procuratores litigare. Nam & morbus, & ætas, & necessaria peregrinatio, itemque aliarum multarum causarum sæpè hominibus impedimento sunt, quo minùs rem suam ipsi exequi possint.

I. Procurator certis verbis, neque præsentè semper adversario, inòd plerumque eo ignorante, constituitur. Cuicumque enim permiseris rem tuam agere, aut defendere, is tuus procurator intelligitur.


Tutores & curatores quemadmodum constituentur, primo libro expositum est.

COMMENDARIVS.

S U M M A R I A.

1. Procuratorum usus quare introductus.

2. Procurator qualiter datur & constituatur.

- 1  Ctionones alieno nomine olim non nisi in certis casibus, de quib. *text. hic*, intentare licebat, ad impediendam litium frequentiam: quæ res cum non minimam haberet incommoditatem, quod varix causæ facerent, quo minùs rebus suis quis superesset, induxit necessitas usum procuratorum, per quos agatur & excipiat. *text. hic & l. 1. §. penult. D. De procurat.* (a) Exceptis criminalibus causis, in quibus præsentia requiritur, *l. Tunc con-*
 2 *venit 15 C. De accusat.* (b) * Datur procurator à domino citra solemnitatem, sive verbis, sive litteris, sive etiam per nuntium dato mandato, *text. hic in fine*, de quo necesse est constet, ut quis habeatur idoneus procurator. Sanguinis tamen conjunctio facit interdum mandatum videri, *l. sed & h. 35. D. d. 1.* (c) Mandati effectus est, quod factum procuratoris profit, & noceat mandati, cum per alium faciens, per se facere videatur; & hoc, quatenus servati mandati fines, ut dictum *sup. De mandato.*

ADDITIONES V.A.D.

Nu. 1 ibi, *l. 1. §. pen. D. De procurat.*] Licuit olim agere tutori pro pupillo, defensori sive syndico universitatis pro populo, adsertori pro libertate, Livius lib. 3. *In q̃s*, inquit, *qui adseruntur in libertatem, quilibet agere potest*. Hodie alieno nomine rectè agit quilibet alius ad litem vel ad negotia datus procurator, Quinimò id ferè receptum videmus moribus, ut nemo suo nomine agat aut stet in judicio nisi per procuratorem. Ita in camerâ Imperiali causæ omnes aguntur per procuratores nec aliter licet. Estq; procuratorum hodie non privatum, ut olim, sed publicum munus, quod etiam inviti suscipere coguntur Jure tamen Franco veteri observo etiam non licuisse per procuratorem agere sine gratia & rescripto Regio, quo actori concedebatur facultas ad comparandum per procuratorem, ut docent formulæ Marculphi, & patet ex c. *Quia in causis 7. x. De procurat.* Argent. *ad Consue. Britan. tit. 3. ad rubr. nu. 3.* Quod & in Geldria jam olim ita obtinuisse, ut scilicet non nisi impe ratâ veniâ à judice, lis agitari per procuratorem posset, arguunt formulæ vetera ulx antiquiores, teste Lamb. Goris *Comment ad Consuet. Geldro-Velan. 6. 16. in pr.* abrogata demum decreto Ordinum anno 1629. & 1631.

Ibid. in fine.] Hodie in criminalibus ex parte quidem accusatoris admittitur

tur procurator, non etiam ex parte accusati, nisi ut excusator vel defensor absen-
tia, l. *Servum* 33. §. *publice* & l. *Absens* 71. D. *De procur. wesenb. ead. nu. 5. vers. morib.*
autem nostris, Jul. Clar. §. *fin. qu. 32. vers. hac autem*. Adde Fachin. 1. *conr. c. 24.*
25. & 26.

Nu. 2. ibi. *Sed & ha 35. D. 1.*] Si tamen visstatui, ipso statim liti in gressu adver-
sarius postulet doceri de mandato legitimo, tenebitur illud exhibere Procurator,
l. *Licet* 24. C. *De procurat. & c. 1. & eod.* Adeò ut absque eo nec conjuncta per-
sona cum satisfactione de rato admittatur. Ita ex Geldriae moribus Lamb. Goris
d. c. 16. art. 5. gl. 2. Ubi addit, fallere hoc in marito, qui tam in lite, quàm extrali-
tem, citra uxoris mandatum & consensum prævium, rebus eius cum Plenissima
potestate superesse solet. Wamel. *cent. 2. conf. 73. nu. 2.* allegans quoad hoc gene-
ralem totius Brab. & specialem opidi Lovaniensis consuetudinem. Planè usus
forensis apud nos & passim is ferè invaluit, ut quis tamquam procurator admitta-
tur sine mandato: ita tamen, ut intra certum tempus jubeatur mandatum aut rati-
habitionem domini exhibere.

DE SATISDACTIONIBVS.

TITVLVS. XI.

Satisfactionum modus alius antiquitati placuit, alium novitas per usum am-
plexa est. Olim enim si in rem agebatur, satisfdare possessor compellebatur:
ut, si victus esset, nec rem ipsam restitueret, nec litis aestimationem, potestas
esset petitori, aut cum eo agendi, aut cum fideiussoribus eius, quæ satisf-
datio appellatur *iudicatum solvi*. Unde autem sic appelletur, facile est intelligere.
Namque stipulabatur quis, ut solveretur sibi, quod fuisset iudicatum. Multò
magis is, qui in rem actione conveniebatur, satisfdare cogebatur, si alieno nomi-
ne iudicium accipiebat. Ipse autem qui in rem agebat, si suo nomine petebat sa-
tisfdare non cogebatur. Procurator verò si in rem agabat, satisfdare jubebatur, rem
ratam dominum habiturum. Periculum enim erat, ne iterum dominus de ea-
dem re experiretur. Totores verò & curatores eodem modo, quo & procura-
tores, satisfdare debere, verba edicti faciebant: sed aliquando his agentibus sa-
tisfdatio remittebatur. Hæc ita erant, si in rem agebatur.

1. Si verò in personam, ab actoris quidem parte eadem obtinebant, quæ dixi-
mus in actione, quâ in rem agitur: ab eius verò parte, cum quo agitur,
si quidem alieno nomine aliquis interveniret, omnimodò satisfdaret, quia nemo
defensor in aliena re sine satisfactione idoneus esse creditur. Quòd si proprio
nomine aliquis iudicium accipiebat in personam, *iudicatum solvi* satisfdare non
cogebatur.

2. Sed hodie hæc aliter observantur. Sive enim quis in rem actione convenitur, sive personali suo nomine, nullam satisfactionem pro litis æstimatione dare compellitur: sed pro sua tantum persona, quod in iudicio permaneat usque ad terminum litis, vel committitur suæ promissioni cum iurejurando (quam iuratoriam cautionem vocant) vel nudam promissionem, vel satisfactionem pro qualitate personæ suæ dare compellitur.

3. Sin autem per procuratorem lis vel inferitur, vel suscipitur: in actoris quidem persona, si non mandatum actis insinuatum est, vel præsens dominus litis in iudicio procuratoris sui personam confirmaverit, ratam rem dominum habiturum, satisfactionem procurator dare compellitur: eodem observando, & si tutor, curator, vel aliæ tales personæ, quæ alienarum rerum gubernationem receperunt, litem quibusdam per alium inferunt.

4. Si verò aliquis convenitur: si quidem præsens procuratorem dare paratus est, potest vel ipse in iudicium venire, & sui procuratoris personam per *iudicium solvi* satisfactionem solemnī stipulatione confirmare; vel extra iudicium satisfactionem exponere, per quam ipse sui procuratoris fidejussor existat, pro omnibus *iudicium solvi* satisfactionis clausulis, ubi & hypotheca suarum rerum convenire compellitur: sive in iudicio promiserit, sive extra iudicium caverit: ut tam ipse quàm hæres obligentur. Aliā insuper cautela, vel satisfactione propter personam ipsius exponendā, quod tempore sententiæ recitandæ in iudicium veniet: vel si non venerit, omnia dabit fidejussor, quæ in condemnatione continentur, nisi fuerit provocatum.

5. Si verò reus præsto ex quacumque causa non fuerit, & alius velit defensionem ejus subire, nullā differentiā inter actiones in rem vel personales introducenda, potest hoc facere: ita tamen, ut satisfactionem *iudicium solvi* pro litis æstimatione præstet. Nemo enim secundum veterem regulam (ut jam dictum est) alienæ rei sine satisfactione defensor idoneus intelligitur.

6. Quæ omnia apertius & perfectius à quotidiano iudiciorum usu in ipsis reum documentis apparent.

7. Quam formam non solum in hac regia urbe, sed etiam in omnibus nostris provinciis (etsi propter imperitiā fortè aliter celebratur) obtinere censemus: cum necesse sit, omnes provincias, caput omnium nostrarum civitatum, id est, hanc regiam urbem, eiusque observantiam sequi.

COMMENTARIUS.

SUMMARIA.

1. Satisfactio quid.

2. Alia est indicialis, alia extrajudicialis, & hæc quoruplex.

3. Satisf.

3. Satisfidandi modus olim usitatus.

4. Iure novo qualiter satisfidetur.

5. Qui satisfidare cogantur.

6. Actor quomodo satisfidet.

7. Procurator an semper satisfidare cogatur.

VT elusio evitetur præcipuè in judiciis, desideratur SATISDACTIO, quæ
est cautio, quæ adversariorum securum facimus pro eo, quod à nobis
petijt, datis fidejussoribus, l. 1. D. *Qui satisfid cog.* Nam hos prætoria stipu-
latio desiderabat, non etiam pignoral. 3. D. *De prætor. stipulat.* ex ratione, quod esset
facilior facultas conveniendi fidejussores; qui olim etiam ante principalem excuti
poterant, cum pignora non haberent semper promptum emptorem. * Est autem
alia judicialis, alia extrajudicialis: de priori sermonem hic esse ostendit Titulo-
rum series, cuius tres species, scilicet JUDICIO SISTI, id est, quod usque ad exi-
tum litis in judicio permanebit; JUDICATUM SOLVI, id est, astimationem
litis; REM RATAM HABERI, id est, quod is, cujus nomine lis suscepta, ratum
sit habiturus omne, quod gestum erit. * Erat autem olim usitatus alius satisfidan-
di modus, quàm hodie: nam conventus in rem actione suo nomine satisfidabat ju-
dicatum solvi, multò magis alieno, l. *Si eum* 33. D. *De fidejuss.* Agens suo nomine
satisfidare non cogebatur; alieno verò dominum rem ratam habiturum satisfidabat,
ne iterum dominus de eadem re experiretur, l. *Quo enim* 12. §. 2. D. *Rat. rem hab.*
Actione in personam suo nomine agens non satisfidabat; alieno autem satisfidare co-
gebatur, dominum rem ratam habiturum, l. *Servum* 33. §. 3. D. *De procurat.* Defen-
dens alieno nomine cogebatur satisfidare judicatum solvi, cum nemo defensor ido-
neus esse credatur in re aliena sine satisfactione, l. *Qui proprio* 46. §. 2. D. *De procurat.*
Nomine suo ad satisfactionem non tenetur, l. 5. §. ult. *Quib. caus. inposs. eatur.*

§. Sed hæc hodie.

Alius est novo jure usitatus satisfidandi modus, quia conventus sive perso-
nali sive reali actione, non satisfidat judicatum solvi, sed judicio sisti pro-
mittit, idque vel per satisfactionem, vel juratoriam cautionem, vel nudam re-
promissionem, pro personæ qualitate. * Satisfidare debet non possidens im-
mobilia, non etiam possessor immobilium, l. *pen in pr.* D. *Qui satisfidare cog.* cum
nullum sit periculum elusionis, quia talia bona perinde possunt pignori capi in
executione judicati, atque si essent obligata. Jurant viri illustres, l. *pen. C.*
De dignit. lib. 12. & quibus non est alius cavendi modus, *Auth. Generaliter C. De*
Episc. & Cler. Per stipulationem promittunt Clerici, quibus jurare non ita
permisum à Canonibus, l. *Cum Clericus* 25. *vers. quod filius* & l. *Omnes* 33. C.
cod. & qui in loco immobilia possident; cum enim pro prædibus prædia suffi-
ciant,

- 6 ciant, alia cautione non est opus. * Actor si ipse litem inferat, non satisfdat, nisi quòd intra duos menses a libello dato litem contestabitur, & in ea usque ad finem perseverabit, *Nov. De executorib. 96. c. 1. & Nov. 112. De litigol. c. 2. Auth. Libellum C. De litis contest.* quòd temerarias expensas solvet, *Auth. Quod fieri C. De dilat* * Si per procuratorem lis inferatur, satisfactione est opus, etiamsi alleget
- 7 mandatum, *l. 1. C. h. t.* nisi de eo ita manifestè constet, ut nullus sit dubitandi locus: veluti si actis sit insinuaturn, aut ipse actor præsens in iudicio procuratoris sui personam confirmarit, *text. hic vers. fin. autem & d. l. 1. C. h. t.* Si de mandato non pateat, non admittitur procurator, ne quidem cum satisfactione, ne fiat iudicium illusorium, *l. 1. C. De procurat.* cum non teneatur dominus stare gestis per alterum, per quem ei non præjudicatur. * Procurator rei etsi sine mandato admittatur, satisfdat tamen iudicatum solvi, eò quòd nemo idoneus defensor rei alienæ sine satisfactione intelligatur, *text. hic vers. si verò reus.* Nisi reus ipse in iudicio personam procuratoris sui formaverit, & iudicatum solvi satisfdederit, aut etiam extra iudicium id præstiterit, simul & quòd tempore recitandæ sententiæ in iudicio comparebit, & si non compareat, quòd vel ipse vel fideiussor omnia dabit, quæ in condemnatione continebuntur, si provocatum non fuerit. (a)

AD DITIONES V. A. D.

In fine Tit.] Quod ad usum attinet hodiernum, notat hic Bucherel, satisfdandi id penus, quòd iudicatum solvi nuncupatur, & quòd dicitur iudicio sisti, aliquando apud Gallos in usu fuisse, & etiamnum esse posse, *alleg. Stil. Parlam. pag. 6. art. 16.* præsertim cum, qui se liti offert, de fuga suspectus est. Recitatque arrestum curiæ Tholos. quo refert, eum, qui iussus erat sub pœna sistere se, nec exire urbe, fuisse comperendinatum, constituendo procuratorem in Curia, satisfdando iudicio sisti & iudicatum solvi iurando non revocare procuratorem, datis eius rei ergò fideiussoribus. Sed hoc, ut dixi, contra contumacem & suspectum de fuga. Aliàs harum cautionum apud nos exiguus est usus, & scribit Joan. Faber *hic parag. sed hodie num 2.* se nunquam vidisse servari de consuetudine, quòd hæc cautiones præstarentur. Neque enim hodie de alia re cavet actor, & is quidem peregrinus, quàm de æstimatione sumptuum reo vincenti repensanda: cuiusmodi cautio & de iure requiritur, *Nov. 112. c. 2.* Teneturque insuper ad ceptam litem dare procuratorem, qui forum, in quo agitur, frequentet, & in ejusdem fori territorio domicilium constituat, in quo requiratur, quoties opus erit. Idem quoque juris obtinet in reo, si is quoque peregrinus sit, id est, si domicilium non habeat sub jurisdictione ejus iudicis, vel etiam bona immobilia inibi non possideat, *l. Sciendum 15 D. Qui satisfd cog.* Ita Joan. Imbert. 1. *Instit. foren. c. 70.* Negatur tamen reum teneri ad hanc cautionem Joan. Bacquet. *lib. quem citat De iure albinar. p. 1. cap. 16.* probatque arresto & ratione, quòd actor in iudicio non potest se defendat. Eadem ferè in iudicio

judicio Camerae, aliisque Statuum Imperii tribunalibus, praxis obtinet, & plerumque in Ordinationibus Curiarum cautum reperitur, ut scilicet actores satisfiant de lite persequenda & refundendis expensis. Vide Ordin. Cam. p. 3. tit. 4 § fin Treutl. vol. 1. diff 5 thesi 3. & 4. Zanger. tract. De except p 2 c. 21 num. 13. Schultz. hic Planè quod jure statutum est, ut non decerneretur citatio, nisi actor satisficeret, se intra duos menses à tempore porrecti libelli litem esse contestaturum, vel damnum omne ei, qui conveniretur, restitutum in duplum, l. 1. C. De litis contest & Nov 96. c. 1. hodie usu, vel potiùs abusu, sublatum esse scribit Frid. Schneck à Tautenburg in Virid conclusit De satisfact. quæ in iure præst nu 4. Imò hodie vix longo tempore pervenitur ad litis contestationem, adeò in præparationibus calumniantur omnes. Oldend. clas x act. 7. in fine.

DE PERPETVIS ET TEMPORALIBUS ACTIONIBUS, & quæ ad hæredes & in hæredes transeunt.

TITULUS. XII.

Hoc loco admonendi sumus, eas quidem actiones, quæ ex lege, Senatusve consulto, sive ex sacris Constitutionibus proficiuntur, perpetuò solere antiquitus competere, donec sacra Constitutiones, tam in rem, quam in personam actionibus certos fines dederunt: eas verò, quæ ex propria Prætoris jurisdictione pendent, plerumque intra annum vivere; nam & ipsius Prætoris intra annum erat imperium. Aliquando tamen & in perpetuum extenduntur, id est, usque ad finem ex Constitutionibus introductum: quales sunt ea, quas bonorum possessori, cæterisque, qui hæredis loco sunt, accommodat. Furti quoque manifesti actio, quamvis ex ipsius Prætoris jurisdictione proficiatur, tamen perpetuò datur: absurdum enim esse existimavit, anno eam terminari.

1. Non autem omnes actiones, quæ in aliquem aut ipso jure competunt, aut à Prætore dantur, & in hæredem æquè competunt, aut dari solent. Est enim certissima juris regula, Ex maleficiis pœnales actiones in hæredem rei non competere, veluti furti, vi bonorum raptorum, injuriarum, damni injuriæ. Sed hæredibus ejusmodi actiones competunt, nec denegantur: excepta injuriarum actione, & si quæ alia similis inveniat. Aliquando tamen etiam ex contractu actio contra hæredem non competit: veluti cum testator dolose versatus sit, & ad hæredem eius nihil ex eo dolo pervenit. Pœnales autem actiones, quas supra diximus, si ab ipsis principalibus personis fuerint contestatæ, &

hæc edibus dantur, & contra hæredes transeunt.

2. Super est, ut admoneamus, quòd si ante iudicatum is, cum quo actum est, satisfaciât actori, officio iudicis convenit eum absolvere, licet in ea causâ fuisset iudicij accipiendi tempore, ut damnari deberet: & hoc est, quod antea vulgò dicebatur, omnia iudicia absolutoria esse.

COMMENTARIUS.

SUMMARIA.

1. Actionum alia perpetua, alia temporales: & perpetua unde, & cur sic dictæ.
2. Temporales quæ dicantur.
3. Actiones quæ transeant in hæredes.
4. Actio iniuriarum cur in heredem non transeat.
5. Actiones quænam passivè vel contra hæredes dentur.
6. Actiones ex delicto descendentes quibus casibus transeant in heredem.
7. Iure Canonico quatenus teneatur heres ex delicto defuncti.
8. Ex contractu defuncti heres quando non teneatur.
9. Iudicia omnia cur dicantur absolutoria.

VT commodius dijudicetur, actio an rectè intentitur, nec ne duæ hic subjunguntur divisiones. Prior ab adjuncto temporis desumpta est, quòd ACTIONVM ALIÆ SINT PERPETVÆ, ALIÆ TEMPORALES. PERPETVÆ dictæ, quòd olim sine temporis præfinitione semper proponi potuerint: cuiusmodi sunt illæ, quæ ex aliqua juris civilis parte descendunt, quod ut perpetuum, ita & actiones per illud inductæ; sequitur enim effectus causæ. Verum ut bono publico inducta usucapio, ne dominia rerum perpetuò sint in incerto, l. 1. D. De usucap. ita & bono publico inductæ actionum præscriptiones, ut esset aliquis litium finis. Placuit enim reales non ultra decem aut XX. annos competere, personales non excedere triginta annos: hypothecarijs præscriptum tempus quadraginta annorum, l. 1. & 4. C. De præscript. 30. vel 40. annor. (a) * TEMPORALES sunt, quæ anno tantum durant, quales sunt à prætore inductæ annales, effectû sequente causæ. Quod accipiendum de pœnalibus, cuiusmodi est Vi bonorum raptorum, 2. sup. tit. 2. Excipitur actio furti manifesti, quæ licet prætoriam pœnalis, perpetua tamen text. hic in fine pr. quòd, cum, ut Theoph. hic ait, Prætor eam levio-rem fecerit corporali pœnâ, quæ erat præscripta lege XII. Tabb. commutata in pecuniariam, non debuerit etiam facere breviorẽ; præcipuè cum actio furti nec manifesti perpetua esset, quæ actio manifesti est gravior. Illæ Prætor-
riæ,

riæ, quæ rem persequuntur, sunt perpetuæ, *vers. aliquando hic in pr.* nisi actum jure civili validum rescindant, cujusmodi est rescissoria, revocatoria, *de quib. sub tit. 6.* quæ tempore finiuntur. Etsi autem hodie nulla in infinitum actio extendatur, usurpata tamen distinctio perpetuarum & temporalium, habito respectu ad jura pristina, quibus tales erant.

§. Non omnes autem.

ALtera divisio est, ACTIONUM ALIAS IN HÆREDEM TRANSIRE, activè & passivè, ALIAS NON TRANSIRE. Dicuntur **ACTIVE TRANSIRE** actiones, quibus hæres agere potest. Quod est regulare in omnibus actionibus, sive in rem, sive in personam, sive ex contractu; tum quia hæres eadem cum defuncto persona, tum quia non nobis tantum, sed & hæredibus nostris contrahimus: (b) sive ex delicto, ne impunè alicui faciat esse maleficiū mors actoris. * Excipitur actio injuriarum, *text. hic*, quod non tam pecuniæ quàm vindictæ contineat persecutionem, hæredi non concessam, sed ei tantum, cui illata est, *l. Pretor ait 7 §. si dicatur D. De iniur. & l. 2. §. emancipatus 4. D. De collat.* in cujus bonis non censetur esse, nisi litè denrūm contestatā. Quo modo & actio ingratitudinis donatarii non datur hæredi donatoris: nec actio de moribus uxoris ab hærede movetur, *l. Rei iudicata 15. §. 1. D. Sol. matrim.* * **PASSIVE** dicuntur TRANSIRE actiones, quibus in hæredem obligati agitur, quales sunt omnes ex contractu, & quasi descendentes, *l. Ex contractibus 49. D. De oblig. & act.* cum sit ejusdem juris & potestatis cum defuncto, *l. Hæredem 59. D. De R. l.* nisi agatur ad pœnam ex maleficio, quod suum tenet auctorem. Est enim, ut hic ait Imp. certissima juris regula, Ex maleficiis pœnales actiones in hæredem rei non competere, propterea quod in emendationem malè facientis inductæ eum tantum debeant tenere, non alium. Quod & obtinet, si nudares veniat, quod & ea ex delicto videatur esse, *l. fin. C. Rerum amator. l. Si lures & l. in hæredem D. De dolo.* * Quæ res duplicem exceptionem patitur. Prior, SI LIS CUM DEFUNCTO SIT CONTESTATA, *text. hic in fine & l. Pœnalia 164. D. De R. l. l. unica C. Ex delictis defuncti. in quant. hæred. conven.* ex ratione, quod per eam quasi novetur prior obligatio ex delicto in eam, quæ est quasi ex contractu, quæ & hæredem tenet. Quod facit elegans Pauli dictum in *l. Ordinata D. De liberali caus.* litis contestatione actiones in tutum redigi. (c.) Altera exceptio est, SI QUID AD HÆREDEM PERVENERIT, *d. l. unica*; ne scelere quæsitā sint compendio, quod iniquum, *l. Quod diximus 16. §. fin. D. Quod metus caus.* Et hoc ita jure civili, excepta conditione furtivâ, quæ etiam gravari hæredem dictum sup. *De oblig. quæ ex del. nasc.* etiamsi ad eum nihil pervenerit. * Canones ad pœnam quidem non obligant hæredem, quod, ut dictum, ea suum teneat auctorem, volunt tamen, hæres liberet conscientiam defuncti super damno dato, quatenus fert hæreditas, *five*

sive ad ipsum quid pervenerit ex delicto, sive non; sive lis contestata sit, sive non, *c. fin. x. De sepultur.* Covarr. 3 *Var. res. c. 3. nu. 7.*

§. *Aliquando tamen.*

- 8 Quid hic dicitur, ex contractu defuncti interdum non teneri heredem, si ex eo nihil ad eum pervenerit, intelligendum, quando ex dolo defuncti nihil abest rebus actoris: uti in actione depositi miserabilis ex quatuor causis quâ tenetur quidem ad duplum defunctus, hæres autem non nisi in simplum conveniri potest, quia eatenus est rei persecutoria. (d)

§. *Supereſt.*

- 9 Dicitur hic, OMNIA IUDICIA ABSOLUTORIA ESSE, scilicet potestate, hoc est, in reo situm esse, ut possit absolvi, si non expectatâ condemnatione, faciat quod petatum est. Quæ regula non intelligenda tantum, ut plerique volunt, de absolutione ab observatione iudicii, sive ab instantia sed etiam definitivè à petitione agentis, cum per solutionem defierit deberi quod petatum. Quod facit, quod sit absolvendus, qui desijt citra dolum possidere, *l. Si fundus 16. D. De pignorib.* (e)

ADDITIONES V. A. D.

Nu. 1. in fine.] Quomodo Ecclesijs, Monasterijs, Xenodochijs &c. quadraginta annos ad agendum, tam in rem quàm in personam, indulſit Justinianus Imp. Nov. 111 Solâ Ecclesiâ Rom. exceptâ, cui non nisi centum annorum spatio præſcribitur. Cæterum notavit hic Bucherel. actiones omnes, quemadmodum antiquitus competere perpetuò solent, hodie etiam apud suos id est Gallos, esse perpetuas, præſertim contra malæ fidei possessorem, nec illum unquam absque iusto & legitimo titulo actionibus ullis, sive realibus sive personalibus, præſcribere vilius, *c. fin. x. De præſcript. & c. Possessor De R. l. in 6. Gail. 2. Obs 18. num. 7.* At verò bonæ fidei possessores, iusto titulo nitentes, Constitutione Honorij & Arcadij in *l. 3. C. De præſcript. 30. vel 40. annor.* tutos esse, quâ personales actiones omnes triginta annorum spatio includuntur, & similiter reales ad idem spatium pro.ogantur: eamque apud eos etiam num. observari, nisi si quæ certum suum habuerint tempus lege constitutum. Ita enim actiones sunt, quæ anno durant, item quæ biennio, triennio aut alio temporis spatio. Sic actio, quæ competit ratione retractus & juris redimendi, durat hodie anno & die, exemplo actionis recissorij, quæ anno expirat, *l. In honorarijs 36. De oblig & act.* Eodem tempore præſcribitur interdictis, quæ nos conqueſtiones & redintegrandæ possessionis causas appellamus. Similiter actiones ex maleficijs descendentes, quibus agitur ad pec-

nam

nam & mulctam pecuniariam, tolluntur anno & die. Sic injuriarum actio anno tollitur, l. *Si conviti* §. C. *De iniur.* Gail. 2. *Obj.* 114 Anno dies adijcitur, fortè eâ ratione, ut evitetur controversia, an dies termini computetur in termino, an extra terminum computandus, Baro *hic in comment. parte poster.* Politicæ verò quietis causâ apud nos an. 1540 4. Octob. ordinatum esse, ut actiones pro salarijs, Pragmaticorum, (nisi hi ultra biennium officia continuent à tempore latæ sententiæ in principali, ex interpretatione an 1549. 14. Febr.) Medicorum, Chirurgorum, Notariorum, item pro mercedibus famulorum aut operariorum &c. competentes durarent biennio dumtaxat, scribit Zyp. *Not. iur. Belg. lib. 2. tit. De præscript.*

Nu. 3. ibi, hæredibus nostris contrahimus.] Fallit hoc certis casibus, jure utique Saxonico, secundum juris illius Interpretes. Ut primò, hæres ratam habere non tenetur venditionem à defuncto factam, sed præstando interesse liberatur. Secundò, neque etiam hæredes locatoris stare locationi à defuncto celebratæ obligantur, quod tamen controvertitur. Matth. Coler. *decis.* 8. nu. 12. Nic. Reufner. *decis.* 14. n. 10 Schultz. *sup. ad tit. De locat. & conduct. lit. B.* Controvertitur quoque eo jure quoad hæredem fidejussoris. Schultz. *ad tit. fideiuss. lit. D.*

Nu. 6. ibi in tutum redegi] Sic actio injuriarum, quæ anno tollitur, intra annum proposita per litis contestationem perpetuatur. Quamvis in Camera Imperiali aliud hodie observetur, ut etiam lite intra annum non contestatâ, per solam citationem & eiusdem reproductionem perpetua fiat. Cuius rei rationem hanc allegat Gail 1. *Obj.* 64. nu. 5. quòd ob multitudinem causarum, & certam ex Ordinatione procedendi formam, plerumque intra annum litigantes ad litis contestationem pervenire non possint: ita quod non voluntate litem contestandi, sed tempore excludantur.

Nu. 8. in fine.) Ita Post Theophil. & Accurs. communiter Dd. *hic arg. l. 1. §. 1. & l. De eo* 18. D. *Depositi.* Alij alio verba huius §. alioqui obscurissimi referunt. Sunt & qui de actionibus prætorijs ex contractu, deque actionibus prætorijs arbitrariis similiter ex contractu ea intelligenda esse pronuntiant, quæ scilicet ex contractu stricti juris descendentes ob dolum defuncti hæreditariæ non sunt, nec competunt in hæredes, nisi quatenus ad eos pervenit, l. *Toties* 24. & l. *Cum Prætor* 127. De R. 1. Ita Phil. Reyser. *tractatu De hæredi. actionibus. capi. 5. nume.* 10 Exemplum ponit in actione tributaria ex contractu filij vel servi, qui domino vel patre sciente in merce peculiari negotiatus est. Actio hæc est rei persecutoria prætoria, & datur adversus patrem vel dominum, ad quem merx pervenit. Si dolo fecerit pater, quò minus vel nihil tribueretur creditoribus filii, ut si æquam distributionem non fecerit, sibi plus retinendo quam oportebat, vel si mercem perire passus sit, aut eam averterit, viliorisve operâ datâ distraxerit &c. l. *Illud quoque* 7. §. 2. & 3. D. *De tribus. act.* hæres ob hunc dolum defuncti tenetur tributaria, sed saltem quatenus pervenit, id est, quatenus ex dolo defuncti locopleterior hæreditas ad

hæredes pervenit, aut quò minùs perveniret fraude eorum factum est, *l. Quod in herede. 9. §. ult. eod.* Si nihil pervenerit, non tenebitur. Quod exemplum accurate & intrepidè notandum esse, ad intellectum hujus *vers. Aliquando* scribit *d. loco Reyser in fine.* Aliud exemplum ponit in actione de peculio, de in rem verso & quod jussu, quæ sunt actiones prætorie in personam ex contractibus, rei persecutorie ac stricti juris, danturque adversus patrem. Quis si dolum commiserit, & peculium in iacturam creditorum ademerit, tenentur ejus hæredes ex dolo defuncti, quatenus pervenit, *l. Quasitum 30 §. ult. cum l. seq. D. De peculio.* Similiter ad exhibendum arbitraria actio ob dolum defuncti hæreditaria non est, nec in hæredem competit, nisi quatenus pervenit, *l. Si ad exhibendum pen. §. fin. D. Ad exhiben. Reyser. d. tract. cap. 7. num. 2.* ubi proponit & partim examinat aliorum ad *d. vers. Aliquando* expositiones & censuras. Nam Wesenb. verba illa, *ex contractu*, censuit dispungenda. Ant. Faber *l. Coniect. c. 12.* dictionem *veluti* expungendam, quasi casus ibi singularis proponatur: & *Dec. 76. Err. 4.* stultitiam atque inscitiam Tribonianum accusare non veretur. Hotomano *l. Amicab. c. 23.* vox *dolo* tollenda videbatur. Cujacius verò *13. Obs. c. 39. & lib. 21. c. 2.* & qui Cujac in plerisque locis ferè ad verbum expressit, Borcholt. *d. vers. Aliquando* intelligunt de dolo sine effectu, qui scilicet rebus actoris nullum damnum attulerit. Denique Guil. Die-men. *ad l. Hoc iure. §. in contract. D. R. I.* dictum locum accipiendum putat de actione ex testamento, quam constat esse stricti juris, quâ hæres non tenetur ex dolo defuncti, sicut nec ullâ stricti juris actione nisi in id, quod ad hæredem pervenit.

Nu. 9. in fine) Hodie ex usu & praxi forensi reus, postquam lis contestata est, & ante rem judicatam reus actori satisfaciens, non absolvitur, verum condemnatur in expensas hætenus in lite factas, quæ quandoque etiam principale debitum excedunt: actor verò in eas, quæ à die satisfactionis factæ fuisse probabuntur, venit condemnandus. Ante litem contestatam debitor, si expensas evitare velit, debitum, ad quod tenetur, offerat necesse est, secundum dicta sup. *ad tit. De actionib. num. 76. in fine.*

DE EXCEPTIONIBVS.

TITULUS XIII.

Sequitur, ut de Exceptionibus dispiciamus. Comparatæ autem sunt exceptiones defendendorum eorum gratiâ, cum quibus agitur. Sæpè enim accidit, ut licet ipsa persecutio, quâ actor experitur, justa sit, tamen iniqua sit adversus eum, cum quo agitur.

1. Verbi gratia, si metu coactus, aut dolo inductus, aut errore lapsus, stipulanti Timò promissisti, quod non debueras promittere, palam est iure civili te ob-

te obligatum esse; & actio, qua intenditur dare oportere, efficax est: sed iniquum est te condemnari. Ideoque datur tibi exceptio, quod metus causa, aut doli mali, aut in factum composita, ad impugnandam actionem.

2. Idem juris est, si quis quasi credendi causa pecuniam à te stipulatus fuerit, neque numeraverit. Nam eam pecuniam à te petere posse cum, certum est; dare enim te oportet, cum ex stipulatione tenearis. Sed quia iniquum est, eo nomine te condemnari, placet exceptione pecuniæ non numeratæ te defendi debere: cuius tempora nos (secundum quod jam superioribus libris scriptum est) Constitutione nostra coarctavimus.

3. Præterea debitor, si pactus fuerit cum creditore, ne à se pecunia peteretur, nihilominus obligatus manet; quia pacto, convento obligationes non omnino dissolvuntur: qua de causa efficax est adversus eum actio, quam actor intendit, *Si apparet eum dare oportere*. Sed quia iniquum est, contra pactum eum condemnari, defenditur per exceptionem pacti conventi.

4. Æquè si debitor creditore deferente iuraverit, nihil se dare oportere, adhuc obligatus permanet. Sed quia iniquum est de periurio quæri, defenditur per exceptionem iurisiurandi. In iis quoque actionibus, quibus in rem agitur, æquè necessariae sunt exceptiones: veluti si petitore deferente possessor iuraverit, eam rem suam esse, & nihilominus petitor eandem rem vindicet. Licet enim verum sit, quòd intendit, id est, rem eius esse, iniquum tamen est possessorem condemnari.

5. Item si in iudicio tecum actum fuerit, sive in rem, sive in personam, nihilominus obligatio durat: & idè ipso jure de eadem re postea adversus te agi potest, sed debes per exceptionem rei iudicatæ adjuvari.

6. Hæc exempli causâ retulisse sufficiat. Alioquin quàm ex multis variisque causis exceptiones necessariae sunt, ex latioribus Digestorum seu Pandectarum libris intelligi potest.

7. Quarum quædam ex legibus, vel ex iis, quæ legis vicem obtinent, vel ex ipsius Prætoris iurisdictione substantiam capiunt.

8. Appellantur autem exceptiones aliæ perpetuæ & peremptoriæ, aliæ temporales & dilatoriæ.

9. Perpetuæ & peremptoriæ sunt, quæ semper agentibus obstant, & semper rem, de qua agitur, perimunt: qualis est exceptio doli mali, & quod metus causa factum est, & pacti conventi, cum ita convenerit, ne omnino pecunia peteretur.

10. Temporales atque dilatoriæ sunt, quæ ad tempus nocent, & temporis dilationem tribuunt: qualis est pacti conventi, cum ita convenerit, ne intra certum tempus ageretur, veluti intra quinquennium: nam finito eo tempore non impeditur actor rem exequi. Ergo ii, quibus intra certum tempus agere volentibus objicitur exceptio aut pacti conventi, aut alia similis, differre debent actionem, & post tempus agere, idè enim & dilatoriæ istæ exceptiones appellantur. Alioquin si intra tempus egerint, objectaque sit exceptio, neque eo
iudicio

judicio quicquam consequerentur, propter exceptionem; neque post tempus olim agere poterant, cum temerè rem in iudicium deducebant, & consumebant, quâ ratione rem amittebant. Hodie autem non ita strictè hoc procedere volumus: sed eum, qui ante tempus pactionis vel obligationis litem inferre ausus sit, Zenonianæ Constitutioni subiacere censemus, quam sacratissimus legislator de iis, protulerit: ut & inducias, quas ipse actor sponte indulerit, vel quas natura actionis continet, si contempserit, in duplum habeant ii, qui talem iniuriam passi sunt: & post eas finitas non aliter litem suscipiant, nisi omnes expensas litis antea acceperint: ut actores tali pœnâ perterriti, tempora litium doceantur observare.

II. Præterea etiam ex persona sunt dilatoriæ exceptiones, quales sunt procuratoriæ, veluti si per militem aut mulierem agere quis velit. Nam militibus, nec pro patre, vel matre, vel uxore, nec ex sacro rescripto procuratorio nomine experiri conceditur; suis verò negotiis superesse sine offensa militaris disciplinæ possunt. Eas verò exceptiones, quæ olim procuratoribus, propter infamiam vel dantis, vel ipsius procuratoris opponebantur, cum in iudiciis frequentari nullo modo perpeximus, conquirere sancimus: ne dum de iis altercatur, ipsius negotii disceptatio proteletur.

COMMENDARIVS.

S U M M A R I A.

1. Exceptio quid.
2. Exceptionum alie Civiles, alie Prætorie.
3. Exceptiones Prætorie, ut Metus.
4. Doli & Erroris.
6. Non numerata pecunia.
7. Pacti conventi de non petendo.
8. Iurisjurandi. 9. Rei iudicata.
10. Exceptiones Perpetuæ & Peremptoriæ quæ dicantur.
11. Quæ Temporales ac dilatoriæ.
12. Procuratorem non remouet infamia.
13. Exceptiones dilatoriæ ante litem contestatam opponenda regulariter.
14. Excommunicationis exceptio quando opponenda.
15. Peremptoriæ exceptiones etiam post litem contestatam opponi possent.
16. Exceptio an & quæ post finitum iudicium opponi possit.
17. Semel reiecta exceptio non post iterato obijci.
18. Miles etiam post, sententiam excipere potest.

HActenus de iudicio Actoris, cuius sunt primæ in iudicio partes: provocans enim provocationis causam reddat oportet: cui respondet Reus, quatenus potest, excludendo adoris intentionem per EXCEPTIONES, de quibus proximè subiicitur. * Quarum nomine largius sumpto venit quavis defensio, hic verò strictè, actionis exclusio. Nam dicit Ulp. in l. 2. D. cod. EXCEPTIO- NEM dictam, quasi quamdam exclusionem, quæ opponi actioni cuiusque rei solet, ad excludendum id, quod in intentionem condemnationemve deductum est. Comparata autem est defendendorum reorum gratiâ. Ejus duæ hoc Tit. insinuantur divisiones. * Prior est, quod EXCEPTIONUM ALIÆ CIVILES sint, à lege aut aliqua e- 2 jus parte inductæ, uti exceptio S. C. Macedoniani, Velleiani, non numeratæ pecuniæ; ALIÆ PRÆTORIÆ, quæ ex iurisdictione Prætoris substantiam capiunt, ut metus, doli, pacti conventi. Earum variæ species hinc subiiciuntur, & quidem in prin. Tit. tres. * Prima est exceptio METUS; qui licet non impediât obliga- 3 tionem stricto jure, & actionem oriri, cum libertatem quidem minuat, non etiam tollat, facit tamen esse sine effectu, propterea quod æquum non sit, eum excuti, qui non promissit liberè, quatenus tamen metus est iustus, D. quod metus caus. * Se- 4 cunda DOLI; nam & hic non impedit in contractibus stricti juris obligationem oriri & actionem esse: uti nec in contractibus bonæ fidei, quatenus incidit tantum; facit tamen rejci actorem ex æquitate moderante asperitatem juris civilis, l. 1. D. De doli except. ne dolus suus cuiquam profit. * Tertia ERRORIS, qui etiam D. De doli except. ne dolus suus cuiquam profit. non impedit obligationis quatenus versatur circa causam, quæ putatur subesse, non impedit obligationis ortum, cum voluerit & consenserit, & in personam, cum qua negotium geritur, & in rem. Convento tamen æquitas exceptionem dedit in factum, text. hic in fine pr. ita dictam, quod ejus certa non sit formula, sed facti narrationem contineat. Ubi etiam est exceptio doli mali; nam licet ab initio dolus non interve- nerit, petendo tamen dolo facit actor, l. 2. §. & generaliter D. De except. doli mali.

§. Idem juris.

EXceptio non numeratæ pecuniæ ex jure civili descendit, de qua sufficienter & dictum sup. De litter. obligat. (a)

§. Præterea debitor.

Pacto convento ne petatur, etsi possit videri tolli naturalis obligatio, l. Strichum 7 95. §. naturalis D. De solut. cum unumquodque eo jure tollatur, quo col- ligatum: non facit tamen, quo minus actio stricto jure sit actori, cum saltem ci- vilis obligatio remanserit, & ex ea actio, iniquum tamen, ex ea damnari quem- piam contra pactum, quod, licet nudum non det actionem, sufficiat tamen ad

XXXX

exceptio-

exceptionem à Pratore dandam, qui pacta iusta se servaturum edicit, *l. 1. D. De pactis. (b)*

§. *Æquè si debitor.*

8 **N**on facit juramentum præstitum à reo, an debeat, ex delatione actoris, qui juravit se non debere, actionem, quæ suberat, esse sublatam; quia juramentum non est modus tollendæ obligationis, ut nihilominus agi possit: condemnari tamen reum iniquum, cum post juramentum non queratur, an debeat, sed an juratum sit; ut actor exceptione iurisiurandi repellendus veniat. Quò facit transactio, quæ subest ex parte deferentis juramentum, scilicet, si juraveris, non petam.

§. *Idem si iudicio.*

9 **N**on absolvit etiam sententia à debito, quod verè subest, cum sententia non sit modus tollendæ obligationis. Ut creditori sit adhuc actio contra debitorem, ob durantem obligationem, tam civilem quàm naturalem, *l. Julianus 60. D. De condict. indeb.* ubi verus debitor absolutus per sententiam, quod solvit, postea non condicit. Habet tamen sententia eam vim, quòd agens denuò creditor exceptione rei judicatæ rejiciatur: quatenus eadem questio, id est, de eadem re, ex eadem causa, inter easdem personas revocatur, *l. 3. l. Si mater 11. §. 1. l. Cum queritur 12. l. 13. & 14. D. De except. rei judic.* Non obstat, quòd ex re judicata detur actio, *l. 6. §. fin. D. De re iudic.* quia aliàs sententia foret inutilis actori, nisi ejus vi possit cogi reus ad solvendum. Non est autem inutilis reo, licet non extinguatur debitum, cum ei sit exceptio salva, quâ agentem denuò rejiciat, etiam si per injuriam sit judicatum; quia tantum queritur, an judicatum sit, non etiam, an benè sit judicatum; exigente Reipublicæ statu, ut rebus judicatis salva sit sua, auctoritas. (c)

§. *Appellantur autem.*

10 **A**ltera divisio est, quòd Exceptiones aliæ sint PERPETUÆ ET PEREMPTORIÆ, ALIÆ TEMPORALES ET DILATORIÆ. PERPETUÆ SUNT, QUÆ SEMPER AGENTIBUS OBSTANT, sine temporis præfinitione. Cui non obstat, quòd actionibus sit certum tempus præstitutum: hoc enim idèò, quòd sit in potestate actoris, quando experiatur, non autem in potestate rei, quando excipiat. Dicuntur & hæc *peremptoriæ*, quòd vires principalis negotij exhaurientes, ipsum quasi perimant, *text. hic.* Hujus ordinis est exceptio S. C. Macedoniani, Vellejani, pacti conventi de non perendo, rei judicatæ, transactionis, doli, metus, erroris, *l. 3. D. h. t.* Nullo enim tempore earum oppositio impeditur. *TEMPORALES SUNT, QUÆ AD TEMPUS TANTUM NOCENT, & temporis solummodò dilationem tribuunt, *text. hic vers. temporales,*

les, vel, ut ait Jurisconsultus *d. l. 3.* quæ non semper locum habent, sed evitari possunt tempore lapsō; unde & DILATORIÆ dicuntur. Cujus ordinis sunt, pacti conventi, ne intra tempus petatur, litis pendentis, plus petitionis tempore, excussionis, ordinis, spoli, judicis incompetentis, procuratoriæ, quæ delinuntur à persona procuratoris, non habentis mandatum, aut dari ab eo, qui dare non potuit, veluti à minore, pupillo, sine auctoritate tutoris aut curatoris, *l. Neque 11. C. De procurat.* aut non habentis legitimam personam standi in judicio pro alio, uti mulier, miles, mutus. * Infamem nec olim dare potuisse, nec dari, patet ex *12 §. fin. h. t.* Hodie licet ad munus advocandi non admittatur infamis, quod sit honorificum, & publicum, *l. 1. §. secundo loco D. De postulan.* admittitur tamen procurator, cujus non tam honorificum, & publicum, quam potius privatum, & vilius est munus. (d)

Inter has duas Exceptionum species quædam est differentia: nam posteriores 13 pleræque, id est, dilatoriæ, litis contestationem impediunt, & ante litem sunt proponendæ *l. penult. C. h. t.* quatenus respiciunt ea, quæ judicium potissimum constituunt, quibus quæritur, an legitimæ sint personæ litigantium, judicis, locus judicii, tempusque sit legitimum. Ut in judicii exordio sint opponendæ, quia eo jam constituto, præposterè de istis ageretur, quasi de judicio constituendo. Nisi ex nova causa quid emerferit, quia non est, quod impetetur; aut ignorantia iusta obfuerit, aut de ijs opponendis reus sit protestatus, *c. 4. §. h. t.* aut judicium reddatur retrò nullum. Quo modo falsi procuratoris exceptio, etiam lite currente opponitur, eo quod sententia contra talem lata non liget dominum, cum inter alios acta alijs non præjudicent. (e) * Excommuni- 14 cationis quoque exceptio quodcumque opponitur, ne quis cum periculo animæ cogatur communicare cum excommunicato, *c. Exceptionem 12. §. h. t.* (f) Has ante judicium cœptum probandas esse verius videtur, ne respondendo videatur reus in judicem consentire, agentiumve personas probare, *Glos. & Dd. in l. Exceptionibus C. De probat.* * Priores post litem contestatam rectè opponuntur, cum causam ipsam concernant, & judicium constitutum, ut non impediant litem inchoari, *l. Peremptorias C. Sentent. rescindi non posse.* (g) Sunt tamen quædam earum, quæ antè oppositæ impediunt litis ingressum & dicuntur litis finitæ, ut rei judicatæ, transactionis, jurisiurandi, *c. 1. De litis contest. in 6.* Dixi supra, pleræque; nam & sunt temporales, quæ rectè post litem inchoatam opponuntur, si causam ipsam & judicium constitutum concernant; ut antè non opponendo, non possit videri reus in ullo sibi præjudicasse. Cuiac. 9. *Obser. c. 23.* (h) * Post finitum judicium, nec peremptoriæ rectè opponuntur, cum post sententiam nemo pulsatur. Excipe illud exceptionum genus, quod non tam causam impugnat, quam executionem, cujusmodi est S. C. Macedoniani, Velleiani, *l. Tamen 11. D. Ad S. C. Maced.* & exceptio competentis donatori competens, *l. Neseimius 41. §. fin. D. De re judic. l. Qui id 33. D. De donat.* quod & hujusmodi exceptio, non tam sententiæ injustitiam arguat, quam moderetur executionem, ut ex eadem ratione idem sit ponendum in alijs,

- alijs, quibus est idem competentiae beneficium tributum, de quib. *sup. De actionib.*
 17 *in fine.* * Nisi tamen exceptio opposita sit rejecta à iudice, tunc enim tanquam reprobata, amplius opponi nequit, *c. Suborta in fine & De sent. & re iud. & transit rejectio in rem iudicatam, quoad partem non appellantem, c. Cum cessante & De*
 18 *appellat. (i) ** Est & militi concessum post sententiam excipere, *l. 1. C. D. juris & facti ignor.* Quod ita favore militum est receptum, quibus propter armorum impedimenta licet ignorare jura citra noxam. (k)

A D D I T I O N E S. V. A. D.

Nu. 6. in fine.) Ubi vide & quæ nos ex jure, quo hodie utimur, notabamus. Quibus hic addo ex Statutis urbis Antverp. *tit. 57. art. 11. & 12.* exceptionem non numeratæ pecuniæ ibi quoque locum non habere, ejusque objectione non impediri adjudicationem provisionalé de namptiando seu repræsentando debito, siue id procedat ex causâ obligationis mutui, vel alterius contractus, puta venditis & non traditis mercibus: polleque debitorem super ejusmodi exceptione in causâ principali ante vel post repræsentationem deferre juramentum creditori seu aitori, modò idem ille pars fuerit contrahens, etiam post biennium à tempore dati chirographi. Vid. Joan. Papon *lib. 9. tit. 6. arr. 7. & art. 20.* Damhoud. in *Praxi rer. civ. c. 71. num. 34. & seqq. & ibid.* Nic. Tulden. *Ordin. Curia Brab. art. 574. & aliquot seqq.*

Nu. 7. in fine.) Hodie pacto convento inter debitorem & creditorem de non petendo, placuit illicò dissolvi obligationem, creditoremque omninò summo-vari à suâ petitione, condemnandum in super tanquam temerarium litigatorem in expensas litis. Non obstante, quòd, licet pactus fuerit debitor, maneat nihilominus obligatus civiliter, cum pactum nudum ut obligationem civilem non pariat, ita nec jure constitutam tollere possit, *l. iuris gentium 7. §. 4. D. De pact. l. Creditori 5. & l. Legem 10. C. eod.* quia subtilitatem illam mores non attendunt, quibus etiam ex nudo pacto datur actio, *dixi sup. ad tit. De obligat. nu. 4.* Ex Constitutionibus Regijs in Gallia pacta ejusmodi scripto probari debent, si summa, super qua inita sunt, centum librarum Turonensium valorem excedat: quibus conformem habemus in Belgio Edictum perpetuum an. 1611. art. 19.

Nu. 9. in fine.) Ne aliter modus litium multiplicatus summam atque inexplicabilem faciat difficultatem, maxmè si diversa pronuntientur, *l. Singulis 6. D. De except. rei iudic.* Hinc statum Reip. maximè rebus judicatis contineri dixit Cicero *Orat. pro Corn. Balbo.* Eleganter apud Cassiod. *l. Variar. Epist. 5.* Theodoric. Rex: *In immensum trahi non debent finita litigia. Quæ enim dabitur discordantibus pax, si nec legitimis sententiis acquiescitur? Unus inter procellas humanas instructus portus est, quem si homines fervida voluntate prættereunt, in undosis iurgijs semper errabunt.* Plura in hanc rem colligit Pet. Faber. *1. Semestr. c. 21. & Joan. Langlæus 5. Semestr. c. 2.* Deque requisitis ad hanc rei judicatæ exceptionem videndus D. Zoef. *D. eod. tit.*

Num. 12. in fine.) Jure Pontificio infans prohibetur fungi munere procuratoris, *can. infans* 1. & seq. 111. *quest.* 7. Quod etiam hodie in bene constitutis atque ordinatis judiciis ac tribunalibus observatur, ubi non alii admittuntur ad procuratoris officium, quam qui sunt legitimæ originis, spectatæ integritatis, & sufficientis eruditionis. *Gail. 1. Obs. 43. num. 7. Ordin. Camera Imp. parte 1. tit. 18.*

Num. 13. in fine.) Quod dictum, exceptiones dilatorias ante litem contestatam esse proponendas, id *Cujac. ad l. Exceptionem* 19. *C. de probat. ex vetere Interp.* restringit ad eas exceptiones, quæ ex qualitate personarum, quibus judicium constat, desumuntur, scilicet actoris, rei, judicis, ac procuratoris, quas vocant exceptiones declinatorias fori seu judicii: reliquas verò, quæ executionem obligationis seu solutionis respiciunt ac differunt, veluti exceptio pacti temporarii de non petendo, &c. etiam post litem contestatam proponi posse. Verùm communis sententia non distinguit, nisi quòd exceptiones dilatoriæ solutionis proponi debeant ante litis contestationem, probari verò possint etiam post litem contestatam, *d. l. 19. & l. Si quidem* 9. *C. De except.* Atqui exceptiones declinatoriæ judicii, quæ scilicet non ipsam obligationem, seu actionem respiciunt, sed jurisdicium & instantiam litis tollunt, non solum ante litem contestatam proponendæ, sed & plenè probandæ ac discutiendæ, *l. ult. C. De except. & c. Inter monasterium de sent. & re judic.*

Num. 14. in fine.) Exceptionem excommunicationis esse dilatoriam probat etiam *D. Zoef. ad D. h. t. num. 9.* Aliis ea visa anomala, & neque peremptoriam dici posse putant, quia non perimat negotium; neque dilatoriam, cum in quacumque parte litis opponi possit. Vide *Covarr. 1. Var. res. c. 18. num. 15.*

Num. 15. ibi, *rescindi non posse.*) Quippe inventæ ad hoc, non ut excludant judicium constituendum, veluti dilatoriæ, sed ut jam constitutum finiant; & semper agentibus obstant, id est, semper objici possunt, quamdiu durat judicium, *d. l. 2. C. Sent. rescindi non pos. & l. Prescriptionem* 8. *C. h. t.* Et hæc communis Dd. sententia est, nimirum exceptiones peremptorias opponi posse etiam post litem contestatam quandoquaque, ad sententiam usque & rem judicatam, neque semper iis litem esse contestandam. Contrarium *Donel.* docuit, hujusmodi exceptiones, non quidem instar dilatariorum, inter exordia litis (ut loquitur *l. pen. C. eod.*) id est, cum lis esse cœpit de re aliqua, ante litem tamen contestatam, opponi & decidi debere, sed in ipsa lite contestanda eise opponendas, ac per litis contestationem in judicium deducendas; ut tamen statim decidi non debeant, sed omitti & differri probatio earum possit, donec actor intentionem suam probaverit, *l. emptor* 9. *C. de prescript. longitemp.* Ita *Donel. ad d. l. 8. h. t. & ad d. l. Emptor*, quem sequitur *Gudelin. 4. De jure novissimo c. 8. num. 5. & seq. Zanger. De except. p. 3. cap. ult. num. 41. & seqq.* Verùm *d. l. 8.* potius pro communi sententia facit: & ad *d. l. Emptor* communiter probata est solutio *Accursii* & aliorum Dd. verbum sufficere ibi non implicare necessitatem exceptionis contestandæ,

restanda, sed eò pertinere tantum, ut excludat necessitatem statim probanda exceptionis. *Bronch. cent. 4. assert. 27.*

Ibid. in fine.) Quæ verò sint ex exceptiones dilatoriae, quæ post litem contestatam opponi possunt, vide apud *And. Gall. 1 Obs. 33. Zanger. de except. p. 2. c. ult. num. 7. & seqq. Bronch. cent. 4. assert. 29 & Vinn. hic §. ult. num. 15.*

Num. 17. ibi, §. De appellat.) Aliud juris est, si à sententia fuerit appellatum, *l. 2. Sent. rescindi non posse, Bronch. cent. 4. assert. 28.* Vel si talis sit exceptio, quæ non actionis, sed iudicii seu sententiæ sit peremptoria, veluti exceptio nullitatis, per quam contendit reus iudicium etiam citra provocationis auxilium esse nullum, ut si venalis fuerit sententia & pretio impetrata, *l. Venalis 7. C. Quando provoc. non est necesse, si à non competente iudice lata, l. ut C. Si à non compet. jud.* Nam his casibus peremptoriæ exceptiones etiam post sententiam objici possunt, *Dd. in d. l. 2. C. Sent. rescindi non posse.*

Num. 18. in fine.) Porro moribus multorum tribunalium sæcularium ita fere comparatum esse, ut possit, imò cogatur reus quascunque suas exceptiones simul, id est, peremptorias unà cum dilatoriis, allegare, quod vocant procedere ad omnes fines, scribit *D. Gudelin. 4. De jure noviss. c. 7. n. 6.* Et hunc verbotenus secutus *Vinn. hic in fine.* Addit *Joan. Imbert. 1. instit. forens. c. 31.* cumulari posse utrasque, si reus velit: qui & protestari debeat, earum exceptionum cumulatione nihil damni sibi datum iri, verum ex illis velle sibi defensionem rectè ordinèque tribui. Alioqui dilatorias prius objiciendas, ad impediendum ulteriorem litis progressum, quoad super his redditum sit jus, deinde peremptorias. Alibi exceptiones peremptoriæ omnes simul post litem contestatam proponi debent, nisi novæ aliquæ postea emerferint. Ad proponendas verò dilatorias solet iudex reo præfigere certum terminum, intra quem unò eodèmq; tempore exceptiones omnes opponere & litem contestari teneatur. *Schultz. hic lit. C. vers. Hodie tamen, ex jure Saxonico.*

DE REPLICATIONIBVS.

TITULUS XIV.

Interdum evenit, ut exceptio, quæ primâ facie iusta videtur, tamen iniquè noceat; quod cum accidit, alia allegatione opus est, adjuvandi actoris gratiâ, quæ Replicatio vocatur, quia per eam replicatur, atque resolvitur jus exceptionis: veluti cum pactus est aliquis cum debitore suo, ne ab eo pecuniam petat, deinde postea in contrarium pacti sunt, id est, ut creditori petere liceat: si creditor agat, & excipiat debitor, ut ita demum condemnetur, si non convenit, ne eam pecuniam creditor petat, nocet ei exceptio; convenit enim ita: namque nihilominus hoc verum manet, licet postea in contrarium pacti sunt.

Sed

Sed quia iniquum est, creditorem excludi, replicatio ei dabitur ex posteriore pacto convento.

1. Rursus interdum evenit, ut replicatio, quæ primâ facie iusta est, iniquè noceat. Quod cum accidit, aliâ allegatione opus est, adjuvandi rei gratiâ, quæ Duplicatio vocatur.

2. Et si rursus ea primâ facie iusta videatur, sed propter aliquam causam actori iniquè noceat, rursus aliâ allegatione opus est, quâ actor adjuvetur, quæ dicitur Triplicatio.

Quarum omnium exceptionum usum interdum ulterius, quàm diximus, varietas negotiorum introducit, quas omnes apertius ex Digestorum latiore volumine facile est agnoscere.

3. Exceptiones autem, quibus debitor defenditur, plerumque accommodari solent etiam fidejussoribus ejus, & rectè: quia quod ab eis petitur, id ab ipso debitore peti videtur, quia mandati iudicio redditurus est eis, quod ii pro eo solverint. Quâ ratione & si de non petenda pecunia pactus quis cum reo fuerit, placuit perindè succurrendum esse per exceptionem pacti conventi illis quoque, qui pro eo obligati sunt, ac si etiam cum ipsis pactus esset, ne ab eis ea pecunia peteretur. Sanè quædam exceptiones non solent his accommodari. Ecce enim debitor, si bonis suis cesserit, & cum eo creditor experiatur, defenditur per exceptionem, *si bonis cesserit*. Sed hæc exceptio fidejussoribus non datur: idèò scilicet, quia qui alios pro debitore obligat, hoc maximè prospicit, ut, cum facultatibus lapsus fuerit debitor, possit ab iis, quos pro eo obligavit, suum consequi.

COMMENTARIUS.

SUMMARIA.

1. Replicatio quid, & eius usus: item Duplicatio, Triplicatio, &c.
2. Exceptionum quædam fidejussoribus competunt quædam non.
3. Induciarum solutionis impetratio per debitorem prodest & fidejussori.
4. Exceptiones personales non competunt fidejussoribus, ut exceptio cessionis.
5. Restitutio minoris non prodest fidejussori.

Sicuti Exceptiones defendendorum reorum gratiâ sunt comparatæ, ita REPLICATIONES, quæ exceptionum exceptiones dicuntur, l. Exceptio 22 D. de except. actorum adjuvandorum gratiâ introductæ, ne à reo exceptione proposita istis iniquè noceant. Exemplum hic ponitur, in creditore, qui pactus est cum creditore de non petendo, & postea in contrarium est pactus,

factus, ut liceat sibi petere, qui objectam sibi à debitore exceptionem pacti de non petendo resciet replicatione pacti de petendo, postea subsecuti: quia posterius pactum facit exceptionem ex priori injustam. Replicationi, si eam injustam esse contingat, ex parte rei objicitur duplicatio; contra quam si injusta videatur, salvabit se actor triplicatione, & contra hanc consultum reo quadruplicatione: & deinceps multiplicantur nomina, dum aut reus, aut actor habet, quod objiciat ad se salvandum, l. 2. §. 1. D. de exceptionib. l. 1. §. 1. de cod. Ponendus tamen à judice hac in re modus, ne res ista in infinitum abeat. (a)

§. Exceptiones autem.

- 2 Tertia hic ponitur Exceptionum divisio, scilicet, quòd QUÆDAM FIDEJUSSORIBUS ACCOMODARI SOLEANT, QUÆDAM NON. Pro sunt fidejussoribus ista, quæ in rem sunt, ut rei judicata, doli mali, jurisjurandi, & similes, l. exceptines 7. §. 1. D. de exceptionib. Ratio est, quòd rem ipsam minuunt, & quasi auferant principale debitum, sine quo accessorium stare non potest. Et deinde alias contingeret, reo non prodesse suam exceptionem, contra quem fidejussor excussus haberet regressum per actionem mandati, l. Mandati 14. C. de fidejuss. * Quæ ratio facit, induciarum impetrationem per debitorem etiam fidejussor ejus prodesse: cum & alias rescriptum tale nihil operaretur, quoad creditores, contra quos tantum impetratum, qui nihilominus suum consequerentur continuò à fidejussore. Ut contra hunc tantum suum haberet effectum, qui tamen non est vocatus; ut nec vocari debuit, cum necdum sit creditor, uti dictum sup. de fidejussor. quæ de re latius C. de precib. imp. offer. * Non competunt fidejussoribus exceptiones personales, quales sunt, quæ personæ coherent, d. l. 7. in pr. quibus conditio personæ locum fecit, quæ eadem non invenitur in fidejussore, ut ei competere nequeant exceptiones, quas ista conditio caussat. Ejus ordinis est exceptio cessionis, quæ facit cedentem non posse conveniri iteratò ultrà, quam facere potest. Minimè autem prodest fidejussori, cum conditio cessionis in eo non obtineat: & deinde acceptus sit in casum, quo principalis delineret esse solvendo, & tunc provisum esset creditori per fidejussorem, à quo suum consequeretur. * Sic & restitutio minoris non dat ullam fidejussori ejus exceptionem, quatenus est acceptus intuitu auxilii pratorii: ut, minore restituto, creditori sit salvum jus contra fidejussorem, l. in causa 13. in pr. D. de minorib. d. l. 7. in fine de except. & l. 1. C. de fidejuss. minor.

ADDITIONES V. A. D.

Num. 1. in fine) Statuunt autem nonnulli hic novam Exceptionum divisionem, ut alia dicantur primæ, alia secundæ, alia tertiæ, & sic consequenter; & ut primæ proprie vocentur exceptiones, secundæ replicationes, tertiæ duplicationes, &c. Gudel. De jure novissimo c. ult. num. 15. Quamquam non malè etiam dixeris,

ris, hisce nominibus nos uti, non quòd species illæ exceptionum sint diversæ, sed ut ostendatur, quibus convenient, & in quos dirigantur. Pet. Vanderan. *Enchirid. judic. lib. 2. cap. 12. in fine.* Apud Pragmaticos nostros usus quoque frequens est exceptionum, replicationum, duplicationum, triplicationum, & ultra, suntque idonea instrumenta prætrahendarum litium, cum magno partium dispendio ac periculo, cum utique sapius causam non tam explicent, quam implicent. Unde in plerisque tribunalibus id observari videmus, ut ultra duplicationem aliæ Scripturæ non admittantur, nisi ob causam aliter judici visum fuerit. De Galliarum Curiiis id affirmat Joan Imbert. 1. *Instit. forens. c. 30.* de Camera Imperiali Vanderan. *d. loco*, & Joan Emeric. à Rosbach, in *Processu judic. tit. 44. num. 4.* In qua certus quoque terminus litigantibus, eorumque procuratoribus præscriptus est, nimirum ut ultra duplicationem non progrediantur, maximè in preparatoriis iudicii, id est, in iis, quæ ante litem contestatam agitari solent. Idemque in Curiiis Academicæ hujus anno 1617. ordinatum fuit art. xxvi r.

Num. 2. in fine.) Quæ verò huic assertioni opponi solent, removet Bronch. cent. 4. assert. 56. & 57. Ubi & de exceptione agit præscriptionis, debitori principali competente, ejus fidejussori tribuenda. Quam rei colligere inde probant, quòd obligationem concernat & plenissimam securitatem pariat, solutionisque loco sit, l. si pupillus 45. d. de administ. tut. Pactum quoque de non petendo inter debitorem & creditorem initum proficere fidejussori, probat l. ult. d. de pact. Bronch. d. cent. 4. assert. 59.

Num. 3. in fine.) De hac quæstione latissimè D. Zoef. ad tit. de except. num. 25. & seqq. & D. Kinschot tract. de solut. induc. c. 9. qui secutus Cyn. ad l. Quoties C. de precib. imp. offer. cum aliis pluribus. negat fidejussori prodesse hanc dilationem: addens tamen, hujus rei indagationem hodie apud nos non esse necessariam, cum induciarum sive literarum moratoriarum, quæ à Principe impetrantur, communis formatæ sit, ut & fidejussores comprehendat.

Num. 4. ibi, à quo suum consequeretur.) Sic & quam socius habet exceptionem, vel parens, aut patronus, ceterique qui ultra, quàm facere possunt, non tenentur, de quibus sup. tit. de action. in fine, ex privilegio aut beneficio legis competentem, minimè transit ad hæredes, l. 7. in pr. de except.

Ibid. in fine.) Nam communiter hic distinguunt, an minor dolo adversarii circumscriptus fidejussorem dederit, an verò sola læsio, cum beneficio atatis, citra dolum & fraudem adversarii, causam restitutioni præbeat. Hoc posteriori casu restitutionem fidejussori non prodesse; isto prodesse, l. 2. C. de fidejuss. minor. Ita D. Zoef. ad tit. de minorib. num. 5. Bronch. cent. 1. assert. 60. Pichard latè hic nu. 9. & seqq. Vid. Donel. 21. comment. c. ult. Trentacinq. 2. Pract. resol. tit. de minorib. res. 4. Ant. Fab. 8. Coniect. c. 3.

DE INTERDICTIS.

TITULUS XV.

Sequitur, ut dispiciamus de Interdictis, seu actionibus, quæ pro his exercentur. Et autem interdicta formæ atque conceptiones verborum, quibus Prator aut jubebat aliquid fieri, aut fieri prohibebat. Quod tunc maximè fiebat, cum de possessione, aut quasi possessione inter aliquos contendebatur.

1. Summa autem divisio Interdictorum hæc est, quod aut Prohibitoria sunt, aut Restitutoria, aut Exhibitoria.

Prohibitoria sunt, quibus Prator vetat aliquid fieri : veluti vim sine vitio possidenti, vel mortuum inferenti, quod ei jus erat inferendi; vel in sacro loco edificari, vel in flumine publico, ripave ejus aliquid fieri, quod pejùs navigetur.

Restitutoria sunt, quibus restitui aliquid jubet : veluti bonorum possessori possessionem eorum, quæ quis pro hærede, aut pro possessore possidet ex ea hæreditate; aut cum jubet ei, qui vi de possessione fundi dejectus sit, restitui possessionem.

Exhibitoria sunt, per quæ jubet exhiberi : veluti eum, cujus de libertate agitur, aut libertum, cui patronus operas indicere velit, aut parenti liberos, qui in potestate ejus sunt. Sunt tamen, qui putent, propriè Interdicta ea vocari, quæ prohibitoria sunt, quia interdicere sit denuntiare & prohibere : restitutoria autem & exhibitoria, propriè Decreta vocari. Sed tamen obtinuit omnia interdicta appellari, quia inter duos dicuntur.

2. Sequens divisio Interdictorum hæc est, quod quædam adipiscendæ possessionis causâ comparata sunt, quædam retinendæ, quædam recuperandæ.

3. Adipiscendæ possessionis causâ interdictum accommodatur bonorum possessori, quod appellatur *Quorum bonorum*. Ejusque vis & potestas hæc est, ut quod ex his bonis quisque, quorum possessio alicui data est, pro hærede aut possessore possideat, id ei, cui bonorum possessio data est, restituere debeat. Pro hærede autem possidere videtur, qui putat se hæredem esse. Pro possessore is possidet, qui nullo jure rem hæreditariam, vel etiam totam hæreditatem, sciens ad se non pertinere, possidet. Ideò autem adipiscendæ possessionis vocatur interdictum, quia ei tantum utile est, qui nunc primùm conatur adipisci rei possessionem. Itaque si quis adeptus possessionem, amiserit eam, hoc interdictum, quod appellatur *Salvianum*, adipiscendæ possessionis causâ comparatum est : eoque utatur dominus fundi de rebus coloni, quas is pro mercedibus fundi pignori futuras pepigisset.

4. Retinendæ possessionis causâ comparata sunt interdicta, *Uti possidetis* & *Utrubi*, cum ab utraque parte de proprietate alicujus rei controversia sit : & ante

antè quærat, uter ex litigatoribus possidere, & uter petere debeat. Namque nisi antè exploratum fuerit, utrius eorum possessio sit, non potest petitoria actio institui: quia & civilis, & naturalis ratio facit, ut alius possideat, & alius à possidente petat. Et quia longè commodius est & potius possidere, quàm petere, idèò plerumque & ferè semper ingens existit contentio de ipsa possessione. Commodum autem possidendi in eo est, quòd etiam si ejus res non sit, qui possidet, si modò actor non potuerit suam esse probare, remanet in suo loco possessio: propter quam causam cum obscura sunt utriusque jura, contra petito-rem judicari solet. Sed interdicto quidèò *Vti possidetis*, de fundi vel ædium possessione contenditur: *Vtrubi* verò interdicto, de rerum mobilium possessione. Quorum vis ac potestas plurimam inter se differentiam apud veteres habebat. Nam *Vti possidetis* interdicto is vincebat, qui interdicti tempore possidebat; si modò nec vi, nec clam, nec precario nactus fuerat ab adversario possessionem: etiam si alium vi expulerat, aut clam arripuerat alienam possessionem, aut precario rogaverat aliquem, ut sibi possidere liceret. *Vtrubi* verò interdicto is vincebat, qui majore parte ejus anni, nec vi, nec clam, nec precario ab adversario possidebat. Hodie tamen aliter observatur. Nam utriusque interdicti potestas (quantum ad possessionem pertinet) exæquata est: ut ille vincat & in re soli, mobili, qui possessionem nec vi, nec clam, nec precario ab adversario litis contestata tempore detinet.

5. Possidere autem videtur quisque, non solum si ipse possideat, sed & si ejus nomine aliquis in possessione sit, licet is ejus juri subjectus non sit, qualis est colonus & inquilinus. Per eos quoque, apud quos deposuerit quis, aut quibus commodaverit, ipse possidere videtur. Et hoc est, quod dicitur, retineri possessionem placet: id est, ut quamvis neque ipse sit in possessione, neque ejus nomine alius, tamen si non relinquenda possessionis animo, sed postea reversurus inde discesserit, retinere possessionem videatur. Adipisci verò possessionem per quos aliquis potest, secundo libro exposuimus. Nec ulla dubitatio est, quin animo solo adipisci possessionem nemo possit.

6. Recuperanda possessionis causâ solet interdici, si quis ex possessione fundi vel ædium vi dejectus fuerit. Nam ei proponitur interdictum *Vnde vi*, per quod is, qui dejecit, cogitur ei restituere possessionem, licet is ab eo, qui vi dejecit, vi, vel clam, vel precario possideat. Sed ex Constitutionibus (ut supra diximus) si quis rem per vim occupaverit, siquidem in bonis ejus est, dominio ejus privatur: si aliena, post ejus restitutionem, etiam æstimationem rei dare vim passio compellitur. Qui autem aliquem de possessione per vim dejecerit, tenetur lege Julia de vi privata aut de vi publica: sed de vi privata, si sine armis vim fecerit; si autem cum armis eundem possessione vi expulerit, de vi publica tenetur. Armorum autem appellatione non solum scuta, & gladii, & galeas, sed & rustes, & lapides significari intelligimus.

7. Tertia divisio Interdictorum hæc est, quòd aut simplicia sunt, aut duplicia. Simplicia sunt, veluti in quibus alter actor, alter reus est, qualia sunt omnia restitu-

restitutoria aut exhibitoria. Nam actor is, est, qui desiderat, aut exhiberi, aut restitui: reus autem is est, à quo desideratur, ut restituat, aut exhibeat. Prohibitoriorum autem interdictorum alia simplicia sunt, alia duplicia. Simplicia sunt, veluti cum Prætor prohibet in loco sacro, vel in flumine publico, ripæ ejus aliquid fieri. Nam actor est, qui desiderat, ne quid fiat: reus est, qui aliquid facere conatur. Duplicia sunt, veluti *uti possidetis* interdictum, & *Vrubi*. Idè autem duplicia vocantur, quia par utriusque litigatoris in his conditio est, nec quisquam præcipuè reus vel actor intelligitur: sed unusquisque tam rei, quàm actoris partes sustinet.

8. De ordine & vetere exitu interdictorum supervacuum est hodie dicere. Nam quoties extra ordinem jus dicitur (qualia sunt hodie omnia judicia) non est necesse reddi interdictum: sed perinde judicatur sine interdictis, ac si utilis actio ex causa interdicti reddita fuisset.

COMMENTARIUS.

SUMMARIA.

1. Interdictum in quibus differat ab actione.
2. Interdictum quid.
3. De causis possessionis hodie quasi ex interdicto extra ordinem agi.
4. Nomen Interdicti unde desumptum.
5. Interdicta alia sunt prohibitoria, alia Restitutoria, alia Exhibitoria.
6. Alia item Adipiscenda possessionis, alia Retinenda, alia Recuperanda.
7. Adipiscenda possessionis est interdictum Quorum bonorum.
8. Item Quorum seu Quot legatorum.
9. Interdictum Salvianum cui & ad quid detur.
10. Retinenda possessionis interdicta sunt, *Vti possidetis* & *Vrubi*, olim diversa, hodie exa-
quata.
11. Requisita ad utrumque hoc interdictum.
12. Moribus nostris interdicti hujus loco est judicium manutenentia.
13. Possidere quis dicatur.
14. Recuperanda possessionis seu Vnde vi interdictum quando competat.
15. Datur & prædoni, ac spoliatori.
16. Adversus quos detur.
17. Datur & ad possessionem vacantem ab alio invasam.
18. Sunt præterea interdicta vel Simplicia, vel Duplicia.
19. Interdicta recuperanda & adipiscenda possessionis an simul esse possint.

INTERDICTA generali quidem actionis nomine continentur, *l. Actionis 37. l. 1. De obligat. & actionibus*; non tamen proprio, cum ab ejus natura in multis discrepent. Actio enim & in rem est, & in personam: interdictum vi ipsa est personale, etsi in rem scriptum. Possessionis, vel quasi possessionis causam præcipue continet, licet & simul proprietatis, *l. 1. l. 3. D. De itin. & actu*. Actio apud judicem pedaneum solita expediri super privatis; interdictum apud Prætorem, etiam super publicis, sacris, religiosis. In illa Præscribebat Prætor formulam judici pedaneo, quam sequeretur; in hoc formula diversa. Hujus enim erat concepta in litigantem, hoc modo: **UNDE TU ILLUM DEIECISTI, EO RESTITUAS.** Illius concepta in judicem datum, **SI PARET MÆVIUM PER VIM POSSESSIONEM TITIO ABSTULISSE, NEQUE RESTITUISSE, CAIUS JUDEX ESTO.** Actio præterea alia civilis, alia prætoriana; interdictum prætorium tantum, & potius actionis præparatorium, quam actio. Nam post interdictum solent partes ad actionem venire coram judice dato, non per ipsius interdicti formulam, sed post interdictum, qui non de possessione, de qua per interdictum statuit Prætor, sed de proprietate cognoscat, eo actoris partes sustinente, qui in possessione succubuit. (a) * Est autem Interdictum *2. decretum*, quo Prætor quid vetat, aut iubet fieri, super possessione vel quasi possessione controversa inter duos, statuens, apud quem ea sit, interim dum de proprietate litigatur. Ut interdicto non perpetua, sed temporaria tantum addicatur possessio. * Hodie, *3. sublati* interdictorum formulis, & solemnibus olim usitatis, de possessione, & cæteris causis, quæ interdicto continentur, veteri more non disceptatur, sed extra ordinem, non directò, sed utiliter, quasi ex interdicto, sive exemplo interdicti *l. 2. & 4. C. Unde vi*, actione utili, & extraordinaria. Ut rectè dicatur hic *& D. eod.* Rubrica sit concepta, *De interdictis sive extraordinariis actionibus*, quæ pro his exercentur: quamvis illa verba, *sive extraordinariis*, aliqui putent adjecta per Tribonianum. * Nominis derivatio primâ facie posset videri desumpta ab Interd- *4. cendo*, id est, vetando; quæ tamen cum tantum comprehendat prohibitoria, non est generalis. Ut rectius dicatur nomen desumptum ab eo, quod inter duos dicitur, *inf. §. 1. verj. sed tamen*, vel ut alij legunt, *interim*, scilicet dum causa plenius cognoscitur; idque ne partes ad arma deveniant super possessione, cujus magna est commoditas, cum transferat onus probandi in adversarium. Unde est, quod Jurisconsultus in *l. Is qui destinavit 24. D. De rei vind.* dicat, eum, qui destinavit rem petere, animadvertere debere, analiquo interdicto possit nancisci possessionem, propter difficultatem probandi dominij. (c)

§. Summa autem.

TRes hæc Interdictorum divisiones proponuntur. Prima, quæ summa hic *5. dicitur*, quod omnia interdicta complectatur, est, quod **ALIA SINT PROHIBITORIA**, quibus quid fieri vetat Prætor, ut ne quid fiat in loco sacro, publico,

publico ; ne vis fiat inferenti mortuum , (d) Uti possideris , Utrubi , & similia :
ALIA RESTITUTORIA , quibus quid restitui jubet , ut possessionem , opus in
 pristinum statum ; uti quorum bonorum , Quorum legatorum , Unde vi , De pro-
 cario : **ALIA EXHIBITORIA** , quibus exhiberi quid mandat , id est , in publicum
 produci , ut videndi , tangendi , ejus sit licentia , l. 3. D. *Ad exhibend.* , ut de exhiben-
 dis tabulis , liberis , libertis , homine libero . (e)

§. *Sequens divisio.*

6 **S**ECUNDA divisio , est , quòd **ALIA SINT ADIPISCENDÆ POSSESSIONIS** ,
SALIA RETINENDÆ , **ALIA RECUPRANDÆ** . Quæ divisio licet non sit
 summa , sive generalis , cum sint interdicta , quibus nihil horum agitur , ut quæ sunt
 de divinis , præcipuè tamen cognoscenda , propter frequentissimum & utilissimum
 ejus usum : estque desumpta à fine . Controversiæ enim super rerum possessione eò
 pertinent , ut aut restituatur , quod non possidemus , aut retineamus , quod posside-
 mus , l. 1. §. *est igitur D. Uti possid.* Ubi verbum , *restituatur* , largiùs accipitur , ut et-
 iam adeptionem possessionis contineat , non tantùm amissæ recuperationem . Re-
 stitui enim non tantùm dicitur , quod amissum recipimus , sed & quod primum ac-
 quirimus , l. *Restituere* 35. D. *De V. S.*

7 **ADIPISCENDÆ POSSESSIONIS INTERDICTUM TENDIT AD POS-**
SESSIONEM DE NOVO ACQUIRENDAM . Ut ei tantùm sit utile , qui pos-
 sessionem , quam numquam habuit , adipisci desiderat , non etiam qui eam nactus
 amittit , *text. hic vers. adeò autem* . Ad hoc spectat interdictum **QUORUM BONO-**
RUM , ei competens , cui à Prætorè data possessio bonorum , ad hoc , ut eam ver-
 botenus datam corporaliter adipiscatur , adversus eum , qui possidet pro hære-
 de id est , qui bona fide putat se hæredem esse , cum non sit : aut pro posses-
 sore , id est , qui nullo jure hæreditatem , vel ejus partem , sciens ad se non perti-
 nere , possidet , *text. hic vers. Pro hærede & l. Pro hærede* 11. *cum seqq. De hæred. petit.*
 Contra debitores hæreditatis non competit , quòd non tam hæreditariam rem
 quàm propriam possideant , l. 2. D. *Quorum bon.* non item contra titulo singulari
 possidentem , l. 7. C. *De hæred. petit.* cum talis non neget , actorem esse bonorum
 possitorem , sed dicat se istius rei dominum ; ut in pari jure sit cum agente , & po-
 tior propter possessionem . * Superiori vicinum est interdictum **QUORUM LE-**
GATORUM , sive **QUOD LEGATORUM** , quod datur hæredi , vel bonorum
 possessori , adversus legatarium , ad restitutionem rerum hæreditatis , quas pro-
 prià auctoritate , non ex voluntate hæredis , legari nomine occupavit , l. 1. §. 2. D.
quod legator. Non obstante , quòd res legata statim à morte testatoris ad legata-
 rium transeat , l. *A Titio* 64. *De jurt.* nam conveniens est , ut legatarius ab hærede
 legatum percipiat , cujus & interest habere bona hæreditaria ratione retinendæ
 Falcidiæ . (f) * Continetur & sub hac specie **INTERDICTUM SALVIANUM** ,
 à Salvio Juliano , Edicti perpetui auctore , inventum , secundùm Cujac. D. *De Sal-*
viano interd. Datur locatori prædij rustici , ad adipiscendam possessionem rerum
 coloni

coloni in fundum illatarum, pro mercede conductionis obligatarum, *l. 1. §. 1. D. eod.* Utile etiam videtur accommodari contra inquilinum. (g) Concurrit cum hoc interdicto ACTIO SERVIANA, quâ tamen expeditius est hoc interdictum, uti dictum sup. *De actionib. §. item Serviana*, cum sit possessorium, & in ea sufficiat probare possessionem debitoris tempore oppignorationis, non admittenda exceptione dominij, cum Serviana sit petitorium pignus persequens, quod probandum tempore contractus in bonis debitoris fuisse, *l. Et quæ 15. §. 1. D. De pignori- bus.* (h)

§. Retinenda.

RETINENDÆ POSSESSIONIS INTERDICTO AGITUR, UT POSSESSIO, QUÆ HABETUR, RETINEATUR. Ejus species sunt UTI POSSIDETIS & UTRUBI, ita dictæ ab interdicti primis verbis. Illud competit pro possessione rerum soli defendenda, & habet locum in rebus corporalibus: utile tamen datur & pro incorporalibus, *l. 3. §. si vicinus D. Uti possidetis.* (i) Hujus usus est in mobilibus, *text. hic.* Erat & olim differentia, quod prius illi competere, qui nec vi, nec clam, nec precario possideret ab adversario tempore interdicti, secundum formulam, quæ erat hæc: UTI EAS ÆDES, QUIBUS DE AGITUR, NEC VI, NEC CLAM, NEC PRECARIO ALTER AB ALTERO POSSIDETIS, QUO MINUS ITA POSSIDEATIS, VIM FIERI VETO, *l. 1. D. d. t.* hoc verò ei, qui majori parte anni possidet, *text. hic.* Ut ejus formula ita concepta fuerit; UTRUBI HIC HOMO, QUO DE AGITUR, MAJORI HUIUS ANNI PARTE FUIT, QUO MINUS IS EUM DUCAT, VIM FIERI VETO. Hodie utriusque potestas est exæquata quoad hoc, cum utroque is potior sit, qui litis contestata tempore possidet sine vitio ab adversario, *text. hic in fine.* * (k) Hæc ut procedant, oportet Primò, is qui agit, dicat se possidere. Secundò, possessionem non sit nactus ab adversario vi, clam, vel precario. Dico, ab adversario; nam ab alio habita vitiosa possessio non facit agentem inferiorem eo, contra quem agit, sed neuter vincitur. *l. 3. in pr. D. Uti possid.* Tertiò, doceatur reus actorem turbare in possessione, id est non sinere uti pro suo arbitrio eo, quod possidet, *Vim facit l. 1. D. De vi & vi arm.* * Vice horum moribus nostris in usu est iudicium possessionis, quod vocant *Manutentioniam*: quod iudicium tribus capitibus constare solet scilicet sequestratione rei controversæ, deinde fiduciaria possessionis adjudicatione, quam plenum possessorium vocant, quod cui adjudicatur, is verus est possessor, lucraturque fructus perceptos, percipientesque. (l)

§. Possidere autem videtur.

CUM ad interdictum retinendæ requiratur possessio, subiungitur hic POSSESSIO, QUÆ HABETUR, RETINEATUR. Ejus species sunt UTI POSSIDETIS & UTRUBI, ita dictæ ab interdicti primis verbis. Illud competit pro possessione rerum soli defendenda, & habet locum in rebus corporalibus: utile tamen datur & pro incorporalibus, *l. 3. §. si vicinus D. Uti possidetis.* (i) Hujus usus est in mobilibus, *text. hic.* Erat & olim differentia, quod prius illi competere, qui nec vi, nec clam, nec precario possideret ab adversario tempore interdicti, secundum formulam, quæ erat hæc: UTI EAS ÆDES, QUIBUS DE AGITUR, NEC VI, NEC CLAM, NEC PRECARIO ALTER AB ALTERO POSSIDETIS, QUO MINUS ITA POSSIDEATIS, VIM FIERI VETO, *l. 1. D. d. t.* hoc verò ei, qui majori parte anni possidet, *text. hic.* Ut ejus formula ita concepta fuerit; UTRUBI HIC HOMO, QUO DE AGITUR, MAJORI HUIUS ANNI PARTE FUIT, QUO MINUS IS EUM DUCAT, VIM FIERI VETO. Hodie utriusque potestas est exæquata quoad hoc, cum utroque is potior sit, qui litis contestata tempore possidet sine vitio ab adversario, *text. hic in fine.* * (k) Hæc ut procedant, oportet Primò, is qui agit, dicat se possidere. Secundò, possessionem non sit nactus ab adversario vi, clam, vel precario. Dico, ab adversario; nam ab alio habita vitiosa possessio non facit agentem inferiorem eo, contra quem agit, sed neuter vincitur. *l. 3. in pr. D. Uti possid.* Tertiò, doceatur reus actorem turbare in possessione, id est non sinere uti pro suo arbitrio eo, quod possidet, *Vim facit l. 1. D. De vi & vi arm.* * Vice horum moribus nostris in usu est iudicium possessionis, quod vocant *Manutentioniam*: quod iudicium tribus capitibus constare solet scilicet sequestratione rei controversæ, deinde fiduciaria possessionis adjudicatione, quam plenum possessorium vocant, quod cui adjudicatur, is verus est possessor, lucraturque fructus perceptos, percipientesque. (l)

PER EXTRANEOS POSSIDEMUS, ut colonum, inquilinum, depositarium, commodatarium, nostro nomine rem detinentes : qui licet aliquando dicantur naturaliter possidere, *l. communi 7. §. neque 11. D. Com. divid.* illa tamen locutio est impropria, cum etiam si sint in corporali rei possessione, non tamen possideant, sed is, cuius nomine rem detinent *l. Certe 6. §. 1. D. De precario.* Aliud enim est POSSIDERE; aliud IN POSSESSIONE ESSE, *l. Si quis 10. §. 1. D. De acquir. poss.* uti aliud, servum esse, aliud in servitute esse, dictum sup. *De ingenuus in fine.* Dicitur, ejus nomine; nam si quis ex dictis suo nomine possideat, non potest videri possideri is, à quo rem habet, sed ipse possidere videtur, *l. Colonus 12. D. De vi & vi arm.* Ex fundo discedens, nemine relicto, qui ejus nomine possideret, dicendus nihilominus possidere, si adlit animus revertendi, non etiam derelinquendæ possessionis, *text. hic & arg. l. Si colonus 31 D. De acq. poss.* Solo enim animo possessionem retinemus, licet solo animo non acquiramus; nam facilior est retentio, quam acquisitio. (m) Quod non tantum procedit, si nemo interea ingrediatur possessionem, sed et si aliquis ingressus fuerit, *l. 3. §. sed et si D. De acq. poss.* Nisi tamen dominus reverius vel repellatur, vel timore ductus possessionem non repetat, sed eam cedat ingressio, tunc enim possessionem amittit, *l. 3. §. si qui nuntiet & l. si id quod 2 §. in fine D. d. r.*

§. Recuperanda.

- 14 **R**ECUPERANDÆ INTERDICTUM COMPETIT AD POSSESIONEM AMISSAM RECUPERANDAM. Hujus unica est species UNDE VI. Competit pro ablata possessione rerum immobilium (nam pro mobilibus est actio Vi bonorum raptorum) ei, qui eas possidebat, sive naturaliter sive civiliter, tempore dejectionis, sive per se, sive per alium, *l. 1. §. de jectur 11. &*
- 15 §. quod servus D. De vi & vi arm. sive jussu, sive injuste. (n) * Nam & prædoni & spoliatori hoc interdictum succurritur, non tantum si ab alio vi, clam, precario possideat, sed et si ab ipso deijciente, *text. hic.* Quod ita in odium spoliationis inducitur, ut nolint exceptionem dominij admitti, etiam in continenti oblata probatione, cujus vim ponunt in spoliatione. Posset tamen non male dici, exceptionem istam admittendam esse, si certum sit dominium, & notorius spoliator, eo quod dominium prævaleat possessioni. Canones exceptionem spoliationis admittunt. *c. fin. De ordine cognit.* ex eo, quod inculpans vitium alterius se intueri debeat. (o) * Datur in eum, qui deiecit, per se vel per alium, jubendo, ratum habendo, *d. l. 1. §. Prætor cum seq.* ad hoc, ut restituatur possessio, & damnum dejectionis illatum, sive in rebus propriis ablatiis, sive alienis, resarciatur, etiam si ad spoliatorem nihil pervenerit; & hoc intra annum tantum *d. l. 1. in pr.* à quo dejectio facta. Postea non nisi in id quod ad spoliatorem pervenit.
- * Interdictum hoc pertinet non tantum ad possessionem vi occupatam, sed etiam vacantem, absente domino, sine judicis auctoritate occupatam, eo quod

quod sciens suum non esse, debeat cogitare esse alienum : ut licet propriè non sit prado, talis tamen intelligatur, *l. fin. C. Unde vi.* Error aut incuria facit bona invasa sine pretio restitui, *l. f. C. h. t.* Præterea per constitutiones inducta poena in invadentes res immobiles, aut mobiles, aut eas suas quidem amittant, alienas autem & reddant possidentibus, & affirmationem superaddant, *l. Si quis in tantam 7. C. Unde vi. (p)*

§. Tertia divisio.

Tertia interdictorum divisio est, quod alia sint **SIMPLICIA**, in quibus alter litigantium partes rei, alter actoris sustinet: uti restitutoria, exhibitoria, in quibus actor est, qui desiderat rem restitui, exhiberi; reus, à quo desideratur. Alia **DUPLICIA**, in quibus uterque litigator & actor est & reus: cujusmodi sunt prohibitoria, Uti possidetis, Utrubi, in quibus uterque possessionem sibi adserit, alteri autem negat, uti & ostendit utriusque interdicti formula, quâ Prætor utrumque litigatorum alloquitur. * Possunt & interdicta dici **MIXTA**, quæ simul sunt prohibitoria & restitutoria, *l. 3. §. ait Prætor D. Ne vis fiat.* Recuperandæ & adipiscendæ nulla simul esse possunt, quod adipisci dicamur possessionem, quam nunquam habuimus, recuperare verò, quam habitam amisimus. Ut in *l. 2. in fine D. h. t.* verba finalia sint suppositicia, & malè eò translata. Cujac 4. *Obse. c. 11. (q)* Quod dicitur in fine, non amplius reddi interdicta, sed loco eorum utiles actiones esse, de eo dictum sup. in principio hujus Tit.

ADDITIONES A. V. D.

Num. 1. in fine.) De his autem differentiis inter actiones & interdicta videndi Duaeren. 1. *Diff. cap. 19.* Alciat. *ad l. Pecunia 178. §. actionis De V. S.* Cujac. 5. *Obser. cap. 17. & in parat. C. h. t.* Donel. *ibid. ad rubr.* Differt verò interdictum ab edicto, quod interdictum inter privatas tantum personas redderetur, & ad eas tantum personas pertinet, inter quas interdicto agitur, sicuti actio ad eos tantum spectat, inter quos agitur. Edictum pars erat juris civilis scripti, publicâ auctoritate constituti, idèòque generale, ad omnes pertinens, *sup. de jure nat. gent. & civ. §. Prætorum 7.* Interdicta ad tempus reddebantur de possessione, usque dum de proprietate esset cognitum. Edicta perpetuæ jurisdictionis causa à Prætore proponebantur. Cateroquin pari ferè formulâ Prætor edicto suo actiones atque interdicta proponebat vel promittebat, *Actionem dabo, Iudicium dabo, Interdicam, interdctum dabo.*

Num. 3. in fine.) De ordine itaque & veteri exitu interdictorum plura hic addere necellum non fuerit, cum judicia omnia hodie sint extraordinaria, rectæque viâ & extra ordinem proponi soleat actio ex causa interdicti. Moribus quoque multorum locorum hodie non apparet differentia aliqua quoad procedendi modum, nisi sola nominis; ut alia sint judicia possessoria, quæ ex interdictis

originem habent, alia petitoria, quibus de dominio vel proprietatibus disceptatur. Sed & in possessorijs judicijs alibi recepti sunt termini, *Saisina*, *Novitas*, *Complainta*. *Saisina* Pragmatica est possessio licita: & *Saisine* idem quod nancipare, id est, aliquem rei sibi titulo iusto qualitate possessorem facere. *Novitas* possessio est illicita, ut qualitate turbet. *Complainta* beneficium quoddam Principis, seu provisio, quæ datur a principe, ejusve Senatu, annuo possessori, qui licet per annum & diem pacifice possidet, & conqueritur se turbatum in illa sua possessione. Ut appareat non tantum in nomine, verum etiam in re ipsa esse varietatem & dissensionem, præsertim in Gallia regno, ubi primum novitas hæc nata & practicata fuit, teste Damhoudt in *praxi rer. civ. cap. 33 num. 4.* qui ibidem per plura capita tradit modum procedendi per simplicem *saisinam*, per *complaintam*, & per *manutentioniam*. Planè usum ejusmodi terminorum non esse in Sabaudia, testatur Ant. Fab. in *Cod. suo lib. 8. tit. 4. desin. 8.* *Saisinam* illam simplicem, inquit, quam Galli vocant, ex diplomate Principali proponendam nullam agnoscimus, quia non nisi communi, civilique Romanorum jure hac in parte utimur. Prout nec apud nos in Brabantia agnoscimus, verum redigimus quodammodo ad jus commune, & ad veterem interdictorum usum. Nam ut Prætor aditus, cum de possessione inter aliquos contentio esset, paucis verbis interdicere solet, & velut interloqui: ita nunc quoque aditus supremus Senatus concedit, mandatum *manutentioniæ*, aut alterius judicij possessorij; cujusmodi mandata hodie sunt loco interdictorum. Quod si pars adversa velit obedire, jam erit expedita res per solum mandatum. Si verò se opponat, tunc ex stylo Curia tale mandatum mutatur in simplicem citationem, & continuatur possessio, donec recedentia, ut vocant, decisa & adjudicata fuerit. In Gallia, ut dixi, aliter ferè usus obtinuit, veluti hic ostendit Bucherel. Nam antiquato, inquit, interdictorum atque actionum extraordinariorum nomine, duo penè solum possessoria judicia relicta sunt: unum, quod Pragmatici *Conquestionem in casu saisinae & novitatis*, Juri periti, *Uti possidetis* interdictum nuncupant: alterum, quod hi interdictum recuperandæ, illi redintegrandæ possessionis. Appellatione verò *Conquestionis* seu *Querela* possessoria omnia retinendæ possessionis, verbo *Reintegranda* omnia possessoria recuperandæ possessionis hodie passim in foro & judicijs continentur. Hæc ille.

Num. 4. in fine. Isidor. §. orig. *Interdictum*, inquit, quod à judice non in perpetuum, sed pro reformando momento ad tempus interim dicitur, salvâ propositione actionis, id est, salvâ questione proprietatis. Insinuans verbis istis judiciorum distinctionem in possessorium, quod ex interdictis causam suam habet, & petitorium, quod ex actionibus.

Num. 5. ibi, inferenti mortuum.) Hodii ad usum fori parum facere hoc interdictum, monet Myns. hic, qui mortuos in locis ad hoc destinatis, id est, cœmeterijs ac templis ritu debito sepelimus. Exceptis paucis casibus, puta, si quis elegerit locum sepultura, quod cuilibet permissum, sine alterius latione, cap. 1. *cap.*

cap. De uxore de sepult. cap. 2. & cap. Licet pater eod. in 6. si corpora defunctorum terre mandanda vexentur contumelijs, sive, ut loquimur, arrestationibus. Oldend clas. 2. act. 9. ubi ait, si adversus ista prohibeamur, posse nos etiam hodie postulare interdictum; ad imitationem antiquitatis.

Ibidem in fine.) Dixi paulò antè, loco interdictorum hodie esse mandata judicialia, quæ ad postulationem partium emanare solent à Camera Imp. supremisque Concilijs, quibus aut jubetur aliquid fieri, aut fieri prohibetur, factâ scilicet inhibitione alicui, ne turbet alterum in possessione. Quod si quid juris existimet sibi competere, sentiatque se tali mandato gravatum, tunc compareat in iudicio. Oldend. clas. 2. act. 4. & act. 6. in assuib. remed. Ita rectè hîc dicemus prohibitoria interdicta comprehendî sub mandatis inhibitorialibus; restitutoria & exhibitoria sub mandatis compulsorialibus.

Num 8, in fine.) Itaque duplex ratio est interdicti hujus, altera ex parte ipsius hæredis, cujus intereit plerumque non occupari legata, propter deductionem aut retentionem quartæ portionis ex L. Falcidia, quam aliâ ratione salvam habere non potest, quam si adipiscatur possessionem rei legatæ, l. unica C. Quor. bonor. Altera ex parte legatarij, sive occupantis legatum, quia iniquum est ut quis sibi ipsi jus dicat, occupatis legatis, sed ab hærede ea petere debet, l. 1. §. 2. D. qua legat. Vide Ant. Fab 6. Conject. c. 1. & 2. Moribus nostris interdictum hoc Quod legatorum, ut & Quorum bonorum, inutile videtur, quia nulla hodie est bonorum possessio prætorîa, qua de re vide dicta sup. ad tit. de bonor. possess. & pro consequenda, seu adipiscenda possessione rerum hæreditariarum aliud remedium paratum est, ex l. fin. C. De edicto D. Hadr. tollen. quod tantum hæredi instituto datur, non autem venienti ab intestato, nec aliter, quam si quis exhibeat testamentum non rasum, non cancellatum, aut aliter in aliqua sui parte vitiatum. Dixi verò supra ad tit. De hæred. qualitat. & differ. num. 5. hodie ex jure consuetudinario successionem, possessionemque, tam ab intestato, quam ex testamento continuari in hæredem quemcunque, sive juris sit possessio, sive facti. Quæ ficta possessio parem vim & effectum habet cum qualibet alia vera justaque possessione, quantum quidem ad remedia attinet possessoria, non tantum adipiscendæ possessionis, quod hæres nanciscatur veram & actualem possessionem, sed magis etiam retinendæ, ac recuperandæ, ut notat Joan. Faber hîc, & Jac. Curt. Coniect. ad frat. lib. 1. cap. 6. num. 4. seqq. & ad Colleg. lib. 2. cap. 2. Ac simile apud Antverpienses observari videmus, qui vigore hujus possessionis solent impetrare mandata mantenentiæ, ut vocant, sive retinendæ possessionis. Everard. cons. 119. num. 15. & cons. 136. num. 14 & seqq. Porro loco interdicti adipiscendæ possessionis Quorum bonorum, & Quod legatorum, hæredem ab intestato solere uti querelâ falsitatis ac novitatis, ex Gallica lege, quâ mortuus falsi re vivum dicitur, notat hîc Bucherel.

Num. 9. ibi, contra inquilinum) & alium quemlibet possessorem, sive detentorem rei à colono oppignoratæ, & ut de rebus inquilini adversus condu-

actorem debitoremve, pro quovis debito, ad exemplum actionis quasi Servianæ, si-
ve utilis Servianæ, l. D. de Salviano, interd. & l. 1. C. de precario, Cujac §. Obser-
v. d. 24. & lib. 17. c. 2. secutus veteres Interpretes omnes. Negare tamen au-
sus est Ant. Faber Dec. 58. Err. 3. & seqq. Item Dec. 59. & 60. dari ejuſmodi
utile interdictum Salvianum contra alium, quàm contra conductorem debitorem-
ve. Secundò, quia interdicta omnia, etiam illa, quæ in rem concepta videntur,
vi tamen ipsa sunt personalia; ideoque contra eum non dari, qui neque contraxe-
rit, vel quasi, neque deliquerit, vel quasi; ergò neque utili Salviano tertium pos-
sessorem conveniri posse.

Ibidem in fine.) Porro Pragmaticis nostris ferè incognitum & inauditum est
nomen Salviani interdicti, sive directi, sive utilis: usum tamen illius esse frequen-
ter apud Doctores & Pragmaticos Italos, notat Faber d. Dec. 58. Err. 1. Hoc
ideo, quia pinguius sit remedium huius interdicti, quàm actionis hypothecariæ,
seu quasi Servianæ, in qua cum de jure pignoris agatur, etiam quaeritur de domi-
nio, saltem incidenter, teneturque actor ante omnia probare, rem pignori obli-
gatam in bonis fuisse debitoris, l. ante omnia 23. D. de probat. l. Et que 15.
§. quod dicitur de pignoribus. In Salviano, quod possessorium est, sicut cætera inter-
dicta, sufficit, si probe actor, sive dominus fundi, colonum potuisse res, & pi-
gnoris nomine in fundum intrasse. Nostri (inquit Bucherel. hic) huius inter-
dicti Salviani loco actionem Servianam & hypothecariam frequentare solent in
iudicijs. Quæ quidem adversus debitorem concluditur, ut vel solvat, vel rebus
pignoris cedat. Adversus alium possessorem in rem agitur, ut res hypothecæ
pronuntientur suppositæ, & restituantur creditori, nisi debitum possessor malit
solvere.

Nu. 10. ibi D. Ut possid.) soluti pro servitutibus; quia licet ex res non posside-
antur, l. Servitutes 1. D. de servit. tamen quasi possidentur, danturque inter-
dicta etiam de quasi possessione, text. hic in princ. & l. 3. §. 17. D. de ac. vi. Nec
obstat, quòd pro quibusdam servitutibus singularia interdicta competant, ut de
itinere, actuque privato, de aqua ductu, de cloacis, &c. quia nihil hinc absurdi
subest, quò minus in eadem causâ plura & diversa remedia competant. Et licet
singularia quædam interdicta de servitutibus dentur, non tamen de omnibus.
An verò interdicto possessorio vel recuperandæ, vel retinendæ possessionis agi
possit de annuis præstationibus sive redditibus maximè personalibus, inter Inter-
pretes Juris Canonici & Civilis controversa quaestio est. Illi affirmant, hi ne-
gant utique de personalibus, quarum etsi quædam etiam quasi possessio sit, ea ta-
men non nisi valdè improprie possessio dicitur, quia rebus, quæ proprietarium
possidentur, non coherent, Gl. in l. Regulariter D. de hered. petit. Et hæc senten-
tia, si jusscriptum spectemus, verior videtur. Vide Angel. hic in pr. nu. 3. Me-
noch. de recuper. poss. rem. 1. nu. 87. & seqq. Forster p. 2. disp. 4. th. 1. lit. B. Sen-
tentia tamen contraria moribus passim in utriusque fori curijs prevaluit, ut & de
annuis præstationibus seu redditibus indistinctè, tam personalibus, quàm realibus,
possessorio iudicio agi possit. Joan. Fab. hic §. 1. in fine. Rebus, ad Constit. Reg.

de c. ruf. benef. poss. in Prefat. nu. 2. & 3. Paul. Buf. de annu. redditib. lib. 2. c. 7. Menoch. d. rem. 1. nu. 88.

Ibid. in fine.) Jure Canonico is vincit interdicto retinenda possessionis, qui tempore litis concessata nititur possessione antiquiori; ex eo siquidem presumitur alterius violentia, nisi contrarium probetur, *cap. licet 9. de probat.* Menoch. *de retin. poss. rem. ult. num. 1.* Wessenb. *D. Vti possid. num. 4. vers. Vnde quamvis*, ubi ita usu obtinuisse tradit. In pari causa possessionis potior est, qui titulus probat. Menoch. *d. tract. rem. 3. num. 733.* Si & hic pares utrimque sint probationes, putari praeferendum eum, qui possidet tempore sententiae, secundum tradita communiter ad *dd. ad h. r.* Vide Facium *8. contr. cap. 18.* Donel *ad l. unic. num. 18. & seqq. C. Vti possid. Bronch. cent. 2. misc. assert. 47.* Illud autem ex moribus & usu forensi hic etiam observatu dignum, exaurationem illam interdicti Utrubi & Uti possidetis hodie iterum videri exolevisse, & interdictum Uti possidetis recisisse quodammodo ad antiquam naturam interdicti Utrubi, ut scilicet is vincat, non qui majori parte ejus anni possederit, sed qui toto superiori anno, non vi, non clam, aut precario. Et post annum posse denum mandari executioni remedium hujus interdicti, siue manutenentiae, dummodo intra annum impetratum fuerit. *Ordin. Curia Brab. artic. 438.* Consonant his Gallia mores. Cujac. *in Parat. C. tit. Vti possid. Imbert. 1. Instit. forens. capite 16.*

Num. 12. in fine.) Cujus pleni possessorij velut preparatorium est judicium possessorium, quod summarium vocant, in quo summarie, & sine strepitu ac figurae judicii solâ facti veritate, & utique possessionis inspecto, proceditur: undè & Summariissimum vocant, & momentarium, quia qualibet momento tantum noceat. In judicio verò possessorio plenario, quod & ordinarium, diligentius omnia, servatò juris ordine, expenduntur, adhibita plenâ causâ cognitione, & quis in possessione potior esse debeat, definitur. Iudicio summario respondet interdictum retinenda possessionis, in quo dixi praeferi solere eum, qui tempore litis contestatae in possessione, detentione ve erat. Vulgò apud nos *Provisionale decretum* dicitur, siue *Fiduciaria possessio, Recredentia*, Hispanis *Interim*. Vide latè Covarr. *Pract. quæst. cap. 17.* Sarmient. *2. Select. Interp. cap. 13. num. 9. & seqq.* Gail. *1. Obser. 5. num. 3.* Menoch. *d. rem. ult. num. 5. & 6.* Lamb. Goris *ad Consuet. Geldro-Velav. cap. 2. art. 2. Gl. 1. 2. & 5.* Illud quoque observat stylus fori Gallicani, ut tota controversia de re aliqua in judicio possessorio discipretur, & mandetur executioni in solidum, priusquam petitorio experiri liceat. Imò judicium petitorium penè exolevisse in Gallia, eique praejudicium fieri ex allegatione & probatione tituli in possessorio, notat hic Franc. Broëus *J. C. Bituricensis.*

Num. 13. in fine.) Sicut autem solo animo non acquiritur possessio, ita nec solo corpore, sed animo & corpore simul. Ratio est, quia possessio initium habet ex naturali apprehensione, ad quam etiam necessaria est affectio tenendi, *lib. 1. in pr. & §. 30. D. de acquir. poss. siue*, ut ex Praeco ait Paulus *J. C.*

non est necessè possessionem apprehendere corpore & tactu (ita enim ibi legendum) sed etiam oculis & affectu, d. l. 1. § si infirm. 21. Unde patet discrimen inter possessionem civilem, quæ juris est, & naturalem iure corporis, quæ facti de sumendum esse non ex modo acquirendi, sed quia in illa magis attendatur animus & intentio possidentis, qui se hominum putat, eum iusto titulo & bonâ fide rem possideat; in hac potius spectetur factus possidentis & derentio ipsa. Præstantior altera, quæ juris dicitur. Quæ spectat Cassiodori lib. de Amicitia hæc verba: *In iure civili possessio animi possessioque naturalis id est incubatione corporalis præstantior est. Nec enim ita facile amittitur, & per ipsam rei dominium asu capiendo acquiritur.* Vide Ampl. D. Consel. hic qu. 3. breviter & dilucidè hæc explicantem, videlicet quid sit possessio, quid possidere, & in possessione esse, quid possidere naturaliter & civiliter, quomodo possessio acquiratur, retineatur & amittatur.

Num. 15. in fine.) De hac questione, an scilicet exceptio spoliationis obijci possit domino, qui notorium prædonem spoliavit, latè L. Zoef. ad tit. D. de vi & vi arm. num. 17. & 18. ubi negantem sententiam probat & tuetur. Ut & in simili questione, An exceptio dominij obstat notorio prædoni spoliato agenti contra dominum interdicto Undè vi, probat eum removendum, secundum Canones. Nam iure civili dubitari poterat ob regulam, quæ generaliter & indistinctè loquitur, spoliatum ante omnia restituendum esse: quamvis ea restringi quoque possis ad casum, quo non est notorius prædo, & spolians dominus quidem, sed de cuius dominio non pateat. Ita Covarr. in 4. Decretal. p. 2. cap. 7. §. 5. num. 12.

Num. 17. in fine.) Quæ constitutio cum generaliter loquatur de omnibus, qui rem ab alio possessionem vi invadunt, dicendum etiam fœminas, minores, ac rusticos, sine distinctione sexûs, ætatis, conditionis, pœnâ Constitutionis teneri. Bronch. cent. 2. misc. assert. 49. Vide Menoch. de Recuper. poss. rem. 9. quest. 1. & 2. & de Arbitr. lib. 2. casu 194. num. 15. At verò legis huius rigorem hodie communi totius orbis usu & praxi antiquatum esse scribit Covarr. var. resol. 2. cap. 16. num. 7. vers. Observandum tamen, & Franc. Sarmient. 2. Select. Interp. cap. 13. num. 7. De Gallia idem testatur Rebuff. ad Constit. Reg. in præm. gl. 5. num. 76. Bern. Autum. in sua collat. jur. Gallicani cum Rom. add. l. 7. C. h. t. De iure Saxonicum Matth. Coler. decis. 125. Prout & dictæ legis Constitutionem à tota Geldria exulare refert Lamb. Goris ad consuet. Geldro-Velav. d. cap. 8. art. 3. gl. 7. num. 3. Moribusque & iure, quo hodie passim utimur, loco interdicti Undè vi, ex causâ spoliij, frequentatur remedium redintegrandæ possessionis, plenissimum, tutissimumque, ex can. redintegranda 3. 111. quest. 1. quod cum omnibus alijs remedijs concurrat, daturque adversus quemlibet possessorem, etiam bonâ fide & cum titulo possidentem, pro rebus tum mobilibus, tum etiam immobilibus recuperandis. Jason ad l. Rem quemvis num. 19. D. de acq. poss. & ibid. Alex. Myns. cent. 3. Obs. 85. qui suo tempore aliquoties Adfessores Camera ita iudicasse auctor est.

Num 19 ibi, Cujac. 4 *Obs. cap. 11.*) qui putat eò translata ex *l. seq. §. ult. eod. tit.* Vide Ant. Fabr. 2. *Connec. cap. 18.* cui videtur nimis evidenter absurdum ac ridiculum, duplicia statuere interdicta, quæ sint tam adipiscendæ, quam recuperandæ possessionis. At verò id ipsum longè ante Cujac. & Fabrum reperiuntur docuisse, *Glos. in d. l. 2. §. fin.* Joan. de Platea *Instit. b. r. num. 75. vers. & similiter*, & hos deinde secuti Egum. Baro 6. *Manual. tit. 4* Menoch. *De retin. poss. rem. 1. num. 4.* Forster p. 2. *disp. 4. th. 1. lit. E.* Neque hoc nimis absurdum videri debet, cum sententia I. C. in *d. l. 2.* non sit, quasi unâ vice & in uno casu possit quis & adipiscendæ & retinendæ possessionis interdicto experiri, sed quædam interdicta ita esse comparata, ut ijs aut ad possessionem adipiscendam, aut recuperandam agi possit.

Possit hîc quæri, An admittenda sit cumulatio iudicij possessorij cum petitorio, id est, an utrumque simul uno eodemque libello proponi & peragi possit? Et sunt, qui cumulationem possessorij adipiscendæ & recuperandæ possessionis, non verò retinendæ, admittunt. *per text. in cap. 3. 4. & 6. De causa poss. & propriet.* sunt &, qui etiam retinendæ ob generalitatem textuum in *d. cap. 4. & 6.* Sunt denique, qui neque possessorium retinendæ, neque adipiscendæ vel recuperandæ simul proponi posse contendunt, arguentes jus Canonicû hoc in puncto erroris. Non quidem retinendæ; tûm quòd hæc remedia sint contraria: tûm quòd sententia in uno iudicio lata exceptionem pariat in altero, quia agens interdicto retinendæ adserit se possidere, at in rei vindicatione dicit adversarium possidere, *text. hic in §. retinendæ, l. Qui petitoris 30. D. de rei vindic. l. Ordinarij 13. C. eod. & l. 3. C. de interd.* Non adipiscendæ aut recuperandæ; tûm quia in iudicijs certus ordo à jure constitutus sit, ut una actio post aliam successive, non cumulative, eodem libello proponi debeat, *d. l. 13. C. de rei vind. & d. l. 3. C. de interd.* atque ita possessorium præcedere, sequi verò petitorium, quod & stylus fori observat, *dixi hic sup. num. 12.* tûm quia hoc casu injuria possidenti fieret: & denique, quia alterutrum inutile foret. Verûm accidit his, qui cumulationem admittunt, *D. Zoef. ad tit. D. de interd. num. 7. & seq.*

DE POENA TEMERE LITIGANTIVM.

TITULUS XVI.

Nunc admonendi sumus, magnam curam egisse eos, qui jura sustinebant, ne facile homines ad litigandum procederent: quod & nobis studio est. Idque eò maximè fieri potest, quod temeritas tam agentium, quam eorum, cum quibus agitur, modò pecuniaria pœna, modò jurisjurandi religione, modò infamiæ metu coercetur.

1. Ecce enim iusjurandum omnibus, qui conveniuntur, ex Constitutione nostra deferitur. Nam reus non aliter suis allegationibus utitur, nisi prius iuraverit, quod putans se bonâ instantiâ, uti, ad contradicendum pervenit. At adversus instantes, ex quibusdam causis dupli, vel tripli actio constituitur: veluti si damni injuriâ, aut legatorum locis venerabilibus relictorum nomine agatur. Statim autem ab initio pluri, quàm simpli est actio: veluti furti manifesti, quadrupli, nec manifesti, dupli. Nam ex his, & alijs quibusdam causis (sive quis neget, sive fateatur) pluri quàm simpli est actio. Item actoris quoque calumnia coercetur. Nam etiam actor pro calumnia jurare cogitur ex nostra Constitutione. Utriusque etiam partis advocati iusjurandum subeunt, quod aliâ nostrâ Constitutione comprehensum est. Hæc autem omnia pro veteris calumniæ actione introducta sunt, quæ in consuetudinem abiit: quia in partem decimam litis actiones multabat, quod nusquam factum esse invenimus, sed pro his introductum est & præfatum iusjurandum, & ut improbus litigator & damnum, & impensas litis inferre adversario suo cogatur.

2. Ex quibusdam judicijs damnati, ignominiosi fiunt: veluti furti, vi bonorum raptorum, injuriarum, de dolo: item tutelæ, mandati, depositi, directis, non contrarijs actionibus. Item pro socio, quæ ab utraque parte directæ est, & ob id quilibet ex socijs eo iudicio damnatus, ignominiosus notatur. Sed furti quidem, aut vi bonorum raptorum, aut injuriarum, aut de dolo, non solum damnati notantur ignominiosus, sed & pacti: & rectè, plurimum enim interest, utrum ex delicto aliquis, aut ex contractu debitor sit.

3. Omnium autem actionum instituendarum principium ab ea parte edicti profisciscitur, quâ Prætor edicit de in ius vocando. Utique enim in primis adversarius in ius vocandus est, id est, ad eum vocandus, qui ius dicturus sit. Quæ parte Prætor parentibus & patronis, item parentibus liberisque patronorum & patronarum hunc præstat honorem, ut non aliter liceat liberis libertisque eos in ius vocare, quàm si id ab ipso prætore postulaverint. Et si quis aliter vocaverit, in eum poenam solidorum quinquaginta constituit.

COMMENTARIUS.

SUMMARIA.

1. Iuramentum calumniæ cur sic dictum, & quid continere debeat.
2. Qui jurare cogantur.
3. Et in qua causa.
4. Remitti à partibus non potest.
5. Iuramenti huius effectus.
6. Advocati quid jurare teneantur.

7. *Plura damna victus victori condemnandus in expensar.*
8. *In quibus causis & cur damnatus fiat infamis.*
9. *In ius vocatio & vocare quid.*
10. *Citatio sola hodie necessaria, & quid ea continere debeat.*
11. *Alia est Verbalis, alia Realis.*

Subjunguntur hoc Tit. communia Aëtori & Reo: agitur enim de modis coërr-
cenda temeritatis litigantium, cui rei occurri, interest Reipub. ad restringen-
dam litium frequentiam. Tres autem modi hîc traduntur.

§. Ecce enim iusiurandum.

Primus modus est JURAMENTUM CALUMNIÆ, ita dictum, quod eò
spectet, ne per calumniam, id est frustratorias per malitiam vexationes, litem
quis moveat aut excipiat. Proponitur litigaturis in litis exordio, & continet tria;
primò, Quod bonâ conscientia, causæque bonitate nixus actor litem moveat, reus
reluctetur, l. 2. in pr. C. De iurciur. propter calum. dando. Secundò, Quod nullam exi-
get calumniosam probationem, l. 1. & 2. cum Auth. Hoc sacramentum & Auth. In ista
C. d. 1. Tertio, Quod nihil penitus, causâ patrocini, iudicii aut alij persona pro
hac causâ dederint, promiserint, daturi, promissuri sint, per se, aut personam
mediam; exceptis ijs, quibus dari leges permittunt, ut causâ patronis, Auth Prin-
cipales C. h. t. (a) * Jurare coguntur & tutores & curatores, agentes pro minoribus, &
ceterique administratores & syndici universitatis, d. Auth. Principales in fine, c. 4.
6. & 7. * De iuram. calumn. cum iuramentum hoc non sit veritatis, sed credulita-
tis, quod & aliena causâ præstatur. Et hoc quidem coram iudice, nisi dignitas,
sexus, aut alia conditio aliud exigat: tunc enim mittendi ad domum litigantis,
qui præsentem adversâ parte, aut ejus procuratore, exigant iuramentum, aut, si ab-
sit, coram iudice loci, d. l. 2. §. si autem & d. Auth. Principales. * Præstandum in
omni causâ, etiam appellationis, per quam inchoatur nova instantia. Semel præ-
stari sufficit, cum ad omnia subsequentiâ referatur. Criminalis causâ excipitur, si
criminaliter agatur, eò quod perjurium ad pœnæ evitacionem sit obvium. (b) 4
* Ejus ea est necessitas, ut remitti à partibus nequeat, d. l. 2. §. sed quia veremur.
Tacitè ramen omissum non videtur vitare processum, saltem jure Canonico. c. 1.
§. 1. De iuram. calum. in 6. Neque enim idem vitium est in tacito atque in expresso,
l. Expressa 195. De R. I. Quod & jure civili posset sustineri, cum licet prohibeat re-
missionem, non tamen in casum omissionis infirmet processum, d. §. sed quia. * Ju-
ramenti effectus est, quod jurans excusetur à præsumpta calumnia. Dico, præsum-
pta; nam si appareat pejerasse, eum gravat refusio expensarum, infamia, aliæque
pœnæ per juro impositæ manent, l. si quis maior 41. C. De transact. Recusans præsta-
re, actor causâ cadit, quod præsumatur improbè litigare velle; reus pro confesso
est, d. l. 2. §. quod si actor, quia videtur nullâ causâ nixus contradicere. * Jurant
& Advocati in ingressu litis cujusque se non nisi quod justum in causâ perspexer-

rint, clientibus suis procuraturos, scientes, prudentesque, liti malâ conscientiam non patrocinatorum, & ubi injustam perspexerint, ab ea recessuros, *l. Rem non negant* 14. D. De iudic. Receptum moribus, ut non in ingressu cuiusque litis, sed dum ad patrocinandum munus adsumuntur, iuramentum præstent. (b)

§. At adversus.

7 **S**ecundus modus est, POENA PECUNIARIA; facit enim temeritas in quibusdam actionibus ultra simplicem damnari. Olim actor in decimam litis partem multabatur. *vers. hac autem actio inf. eod.* pro qua poena inductum ut improbus litigator DAMNA ET EXPENSAS LITIS ADVERSARIO SUO INFERAT, *text. hic d. vers. hac autem.* (c) Expensarum nomine hic veniunt sumptus necessarij facti circa litis instructionem, & causæ prosecutionem, in advocatos & procuratores, *c. Finem litib. §. 2. De dolo & contum.* item pro examine testium, pro sportulis iudicum, executorum, viatici nomine, & aliorum, de quibus Gail. 1. Obs. c. 141. Dammandus autem victus in expensas expressæ, alias compensatæ viderentur, nisi sæpè exigit obscuritas causæ, & probabilis ignorantia. (d)

§. Quibusdam.

8 **T**ertia poena est INFAMIA, quæ sequitur damnatum in quibusdam judicijs, non tantum publicis, sed & privatis, uti FURTI, VI BONORUM RAPTORUM, INJURIARUM, DE DOLO, quod in ijs de dolo agatur, Condictio furtiva non infamat, cum tantum urgeat rei restitutionem. *l. Cessat. 36. D. De obligat. & act.* Ubi primò delideratur, ut quis sit condemnatus suo nomine. *l. Furti 6. §. Si quis D. De his qui not. infamia.* Unde cautela datur ei, qui convenitur, ut per procuratorem agat, tunc enim infamia, nec tanger dominum, qui non est condemnatus, nec etiam tanger procuratorem, qui non est condemnatus suo nomine, *d. l. 6. §. 1.* (e) Secundò, sententia non sit suspensa per appellationem, quæ faceret eam non transire in rem iudicatam, *d. l. 6. §. 1.* Et si appellatio pronuntietur postea injusta, ab eo tantum tempore infamia inducetur, non à tempore prioris sententiæ. *d. §. 1.* Idem obtinet & in damnatis ex quibusdam contractibus, MANDATI, TUTELÆ, DEPOSITI, PRO SOCIO, *text. hic* quod & in ijs agatur de fide rupta. Et hoc ita quoad actiones directas, non etiam quoad contrarias, in quibus non tam de perfidia queritur quàm de calculo, hoc est, de indemnitate, *d. l. 6. §. fin.* Est autem differentia quoad delicta superiora & contractus hos: nam illa etiam pactum non gratuitum notant, quod non sine causa videatur quis pretium dedisse, ut pactum ponat confessionem maleficij. *l. §. D. d. t. in his autem non sit tam turpe pactum, text. hic & l. 7. D. d. t.*

§. *Omnium autem.*

Altera hujus Tit. parte agitur de IN JUS VOCATIONE, quæ est PRINCIPUM INSTITUENDARUM ACTIONUM. IN JUS VOCARE EST AD PRÆTOREM VOCARE, AUT MAGISTRATUM, QUI PRÆ-EST JURISDICTIONI, JURIS SUI EXPERIUNDI CAUSSA, l. 1. D. De *in ius vocan.* Vocatus cogebatur confestim sequi vocantem, aut in jus ducebatur, nisi satisfacere, D. *In ius vocati ut eant.* Subsequebatur eam citatio ad judicem à Prætoře datum, qui de causa, propter quam actio erat impetrata, cognosceret. * Hodie citatio tantum est in usu, cum nemo in jus vocetur, nisi auctoritate magistratus, ad partis petitionem. (f) Est autem ita necessaria, ut omissa faciat sententiam subsequutam nullam, Clem. *Pastoralis* 11. De re iudic. cum spectet ad defensionem juris sui à natura concessam. Ut sit valida, præterquam quod debeat discerni à iudice, debet continere nomen ejus, ad cujus instantiam facta; judicis, à quo decreta, & citati; item diem, locum, causam, de quibus Gail. 1. *Obser. c.* 49. quæ si omittantur, citatio sine effectu erit, nisi spontanea comparitio citati eam validet, l. 1. §. 1. D. De *serijs.* Fit vel citando vel apprehendendo; * unde alia est Verbalis, quando reus coram, & in faciem citatur, per nuntium, vel viatorem judicis, tribus denuntiationibus, vel unâ pro tribus: alia Realis, quæ est apprehensio personæ per apparitores, de qua in l. *Plerique* 18. De *in ius vocan.* Locus ei plerumque est in criminalibus, ne facinorosus fugâ elabatur; rarius in civilibus, nisi vel copia judicis desit, & fugæ periculum immineat, quo casu etiam privatâ auctoritate debitor fugitivus capi potest, l. *Generali* C. De *decurion.* lib. 10. vel ter citatus comparere contempserit, l. *Contumacia* 53 §. 1. D. De re iudic. Quod habetur sub finem de non vocando in jus parente vel patrono satis explicatum sup. De *actionib.*

ADDITIONES. V. A. D.

Nu. 1. in fine.) Atque huc referri possunt alia hujus iurisiurandi capita, quæ vulgò quinque statuuntur, Gl. & Dd. l. 2. C. De iure iur. propter calum & c. 1. Ext. eod. Diod. Tulden. 4. De *caus. & remed. corrupt. iudic. c.* 14. ubi disputat, an expediat iuramentum illud in usu esse, de quo vide Rebuff. ad *Constit. Reg. in proœm. gl.* 5. nu. 50. Marant. De *ord. iudic. p.* 6. tit. De *iuram. calum. nu.* 11. Ipse verò tenet omnino expedire, ita tamen, ut iudicis sit æstimare, cui id committi debeat. Formam iuramenti calumniæ Procuratoribus Cameræ Imper prælegendam præscribit Ordin. ejusdem Cameræ p. 1. tit. 56.

Nu. 3. in fine.) Fuit hæc Martini vet. Glossat. sententia, nimirum in criminali causa non esse iurandum de calumnia, quod in criminalibus aliâ ratione coercetur temeritas litigantium, quam præstatione hujus iuramenti, scil. per inscriptionem, ex qua est poena talionis. l. *Si cui crimen* D. De *accusat. & l. ult. C. eod.*

Facit, quod publica judicia nihil cura ceteris commune habere dicantur, *inf. De publ. indic. in pr.* Contrariam Joannis Gossiat. sententiam secutus Bart. *ad l. 1. nu. 6. C. De iur. iur. propter calum. dan. eam Italiae moribus receptam testatur, & alij generalem ejus usum esse scribunt, Alberic. in l. Libellorum in pr. nu. 11. D. De accusat. Curt. senior. tit. De iuram. calum. in pr. nu. 2. Quem tamen usum negant Folleum in Pract. crim. Canon. & Jul. Clar. 5. sent. 5. fin. qu. 18. nu. 3.*

Nu. 6. in fine) Solebant quoque olim ipsi iudices in singulis causis jurare. Ravard. 9. Var. c. 8. ubi puteal aram Libonis in comitio fuisse putat, in quam jurari sit solitum. Verum hodie neque Judices, neque etiam Advocati juramentum hoc faciunt, pessimo sanè more, de quo gravem querelam instituit Myns. *hic nu. 30.* Vide Ordinat. Camera Imp. p. 1. tit. 2. ubi formula præscribitur, secundum quam ibi jurant Advocati, dum in numerum ordinarium recipiuntur: item Ordin. Curia Brabantia art. 287. & Instruct. Curia Hollan. art. 71. Alibi Advocati juramentum hoc quotannis, Curia ineunte id est, *prid. idus Novemb.* renovant, ut de Gallia Advocatis notat hic Bucherel. & Marcilius. Procuratorem non admittendum esse ad hoc juramentum ante xx. annum ætatis habet eadem Ordin. Curia Brabantia art. 322. Jurant autem procuratores de calumnia, si domini præsentibus non fuerint, idque in animam suam, nec non in animam domini sui. Incumbit autem tunc eidem procuratori dominum suum jurantem admonere officij sui, & deterrere à calumnia. Ita inter alia de exercitio jurisdictionis Curiarum Academia hujus statuerunt Principes nostri 18. April. 1617. Puniuntur quoque Advocati ac procuratores illi, qui suscipiunt patrocinium causarum omnium, quæ offeruntur, quantumvis injustæ, modò ex illis possint unctiores fieri, in iisque defendendis quærunt subterfugia ac diverticula varia, variosque ac longiores terminos fabricantur: poenâ in eos ex iudicis arbitrio meritisque causæ infligendâ, non verò in dominos litium, nisi illorum mandato dilationes petita fuerint. Ita habet Constitutio Philippo III. Regis Cathol. edita in Belgio an. 1586.

Nu. 7. ibi, adversario suo inferat) Hanc actionem decimariam consuetudine extinctam restituit, non tamen abolito calumniæ jurejurando Justinian Imp. Nov. 112. vide Cujac. 7. Obs. c. 15. Decimamque litis etiam apud Francos jam olim receptam fuisse probat ex Formulis Marculphi lib. 1. c. 20. Hieron. Bignonius *ibid. in Notis*, & in tantum invaluisse, ut non alia litium expensæ multis sæculis in usu fuerint præter decimam rei in iudicium deductæ, & pecuniariam multam, quam emendam dicebant.

Ibid. in fine.) Pulcrè ad rem Athalaricus Rex apud Cassiod. 9. Var. 18. *Litis quoque expensæ*, inquit, iudicio superatus exsolvat: quod hinc dantur sementa detestabilis surgij, cum improbi vincuntur ille: nos dolet calumniaribus pudoris damnum, scilicet a se ipsis dispendia facultatum. Ait verò Inp. improbum litigatorem cogi inferre damnum & expensæ litis. Quid damni nomine hic veniat, dubitatum fuit. Verum distinguendum inter damna, quæ concernunt impedimenta personæ, ut quia artifex, qui ob motam litem avocatus ab opere damnum passus fuerit; hæc enim impro-

Improbis litigator inferre adversario suo cogitur, l. Constitutio §. in pr. C. de fructibus & lit. expens. & inter damna extrinsecus contingentia in rebus, quæ non veniunt sarcienda, Jason in l. Præperandum §. fin. autem C. de judic. D. N. Bern. Walter. 1. Miscell. 1. 28: qui damni nomine putat intelligi tantum litis expensas, quæ victoria causâ conceduntur, non verò damna sive detrimenta adversarii, post Glos. in l. 1. D. de alienat. ad mutandi causâ facta Vide Tulden. d. lib. 4. c. 15. In Camera Imperiali litigator cadens causâ ultra damna & expensas litis condemnari solet procuratori filii in aliquot marcas auri vel argenti puri. Gail. 1. Obs. ult. num. 8.

An verò is, qui obtinuit in prima instantia, succumbens in causâ appellationis, debeat condemnari in expensas omnes etiam causæ principalis, disputat Aufser. ad Capel. 1. holof. decil. 222. ubi concludit, quòd sic. Quod perquam durum visum est Lamb. Goris, ad cons. Geidro-Velav. c. 23 art. 25. gl. 2. Quinimò cum moribus patriæ hujus usum ac vim suam amiserit l. Per hanc C. de temporibus appellat. quâ permittitur in judicio appellationis non deducta deducere, non probata probare, existimat ipsæ appellatum non alias in expensas condemnandum esse, quàm si judicatum fuerit ex iisdem actis, eum malè appellasse. Vide And. Gail. 1. Obs. 152. num. 5. Myns. cent. 2. Obs. 89. Fachin. 1. contr. c. 41. Quòd si justam habuerit causam appellandi, compensari solent expensæ, ut & in prima instantia, ubi ratio litigandi iusta non fuit, arg. l. Qui solidum 78 §. 2. D. de legat. 2. An verò iudex, qui ab expensis absolvit, aut eas compensat, ejus rei causam exprimere teneatur, controvertitur. ab hinc communiter Dd. tradant, ad id obligatum esse iudicem, nisi litem suam facere velit, per Nov. 82. de iudicibus c. 10. tamen communiter

mus. Nam heri solet compensatio expensarum ob justam causam litigandi generalibus verbis, puta ex causis antium nostrum moventibus. Gail. 1. Obs. 151. nu. 21.

Num. 8. ibi, suo nomine, d. l. c. §. 1. Ita post alios Wesenb. ad tit. D. de his qui not. infamia num. 9. (ubi & alias cantelas tradit, quibus infamia vitari potest) Gail. 2. Obs. 102. num. 7. Myns. cent. 6. Obs. 11. ubi notat, in causis injuriarum, ad evitandam infamiam, in procuratorem posse sententiam ferri, si ita iudici sederit; esse enim hoc positum in iudicis arbitrio.

Num. 10. ibi, ad partis petitionem. Neque enim hodie distinguitur inter in jus vocationem & citationem. Olim discrimen fuit inter hæc duo, ut docet Franc. Duaren. 1. diss. anniver. c. 1. & 7. & Ant. Govean 1. Var. Lect. c. 47. Nam in jus vocare est trahere ad Magistratum, ducere manū ad iudicem, vel ad eum locum, in quo jus dicitur, l. pen. D. de iust. & iure: cui tamen contradicit Joann. Vaud. 2. Var. quest. c. 26. qui putat in jus vocare esse aliud nihil, quàm voce significare alium, ut ad Magistratum veniat, juris experiundi causâ, l. 1. D. de in jus vocan. Citari dicitur reus, cum ipsa die cognitionis per præconem evocatur, ut appareat, præfens sit, necne. Gail. ad iourn. dicunt, quasi diem dicere,

DE OFFICIO IUDICIS.

TITULUS XVII.

Supereſt ut de officio Iudicis diſpiciamus. Et quidẽ in primis illud obſervare debet iudex, ne aliter iudicet, quã legibus aut conſtitutionibus, aut moribus proditum eſt.

1. Ideoque ſi noxali iudicio aditus eſt, obſervare debet, ut, ſi condemnandus videtur dominus, ita debeat condemnare, *Publium Mavium Lucio Titio in decem aureos condemnans, aut noxam dedere.*

2. Et ſi in rem actum ſit coram iudice: ſive contra petitorẽ judicaverit, abſolvere debet poſſeſſorẽ: ſive contra poſſeſſorẽ, jubere ei debet, ut rem ipſam reſtituat cum fructibus. Sed ſi poſſeſſor neget in præſenti ſe reſtituere poſſe, & ſine fruſtratione videbitur tempus reſtituendi cauſã petere, indulgendum eſt ei: ut tamen de litis æſtimatione caveat cum fidejuſſore, ſi intra tempus, quod ei datum eſt, non reſtituerit. Et ſi hæreditas petita ſit, eadem circa fructus interveniunt, quæ diximus intervenire de ſingularum rerum petitione. Illorum autem fructuum, quos culpã ſuã poſſeſſor non perceperit, ſive illorum, quos percepit, in utraque actione eadem ratio penè habetur, ſi prædo fuerit. Si verò bonæ fidei poſſeſſor fuerit, non habetur ratio neque conſumptorum, neque non perceptorum. Poſt inchoatam actionem petitionem, etiam illorum fructuum ratio habetur, qui culpã poſſeſſoris percepti non ſunt, vel percepti conſumpti ſunt.

3. Si ad exhibendum actum fuerit, non ſufficit, ſi exhibeat rem iſ, cum quo actum eſt, ſed opus eſt, ut etiam rei cauſam debeat exhibere, id eſt, ut eam cauſam habeat actor, quam habiturus eſſet, ſi cum primũ ad exhibendum egiſſet, exhibita res fuiſſet. Ideoque ſi inter moras exhibendi uſucapta ſit res à poſſeſſore, nihilominus condemnabitur. Præterea fructuum medii temporis, id eſt, ejus, quod poſt acceptum ad exhibendum iudicium, ante rem judicatam interceſſerit, rationem habere debet iudex. Quod ſi neget reus, cum quo ad exhibendum actum eſt, in præſenti ſe exhibere poſſe, & tempus exhibendi cauſã petat, idque ſine fruſtratione poſtulare videatur, dare ei debet, ut tamen caveat ſe reſtituturum. Quod ſi neque ſtatim juſſu iudicis rem exhibeat, neque poſtea exhibiturum ſe caveat, condemnandus ſit in id, quod actoris intererat, ſi ab initio res exhibita eſſet.

4. Si familiæ erciſcundæ iudicio actum ſit, ſingulas res ſingulis hæredibus adjudicare debet, & ſi in alterius perſona prægravare videatur adjudicatio, debet hunc invicem cohæredi certã pecuniã (ſicut jam dictum eſt) condemnare. Eo quoque nomine cohæredi quiſque ſuo condemnandus eſt, quod ſolus fructus hæreditarii fundi perceperit, aut rem hæreditariam corruperit, aut conſumpſerit. Quæ quidẽ ſimiliter inter plures quoque, quam duos hæredes, ſubſequentur.

5. Eadem interveniunt, & ſi comuni dividundo de pluribus rebus actum ſit. Quod ſi de unare, veluti de fundo: ſiquidem iſte fundus commodè regionibus diviſio-

divisionem recipiat, partes ejus singulis adjudicare debet, & si unus pars prægravare videbitur, is invicem certâ pecuniâ alteri condemnandus est. Quod si commodè dividi non possit, veluti si homo fortè, aut mulus erit, de quo actum sit, tunc totus uni adjudicandus est, & is invicem alteri certâ pecuniâ condemnandus.

6. Si finium regundorum actum fuerit, dispicere debet judex, an necessaria sit adjudicatio. Quæ sanè uno casu necessaria est, si evidentioribus finibus distinguere agros commodiùs sit, quam olim fuissent distincti. Nam tunc necesse est ex alterius agro partem aliquam alterius agri domino adjudicari, quo casu conveniens est, ut is alteri certâ pecuniâ debeat condemnari. Eo quoque nomine condemnandus est quisque hoc judicio, quod fortè circa fines aliquid malitiosè commisit; verbi gratiâ, quia lapides finales furatus est, vel arbores finales excidit. Contumaciæ quoque nomine quisque eo judicio condemnatur; veluti si quis jubente judice metiri agros passus non fuerit.

7. Quod autem istis judiciis alicui adjudicatum fuerit, statim ejus sit, cui adjudicatum est.

C O M M E N T A R I U S.

S V M M A R I A.

1. Index qualiter judicare debeat.
2. Sententia contra jus lita quando non sit nulla.
3. Judicis officium in qualibet actione, & primum in actione nexatâ.
4. In actione in rem singulari seu rei vindicatione.
5. In actione universali sive petitione hereditatis.
6. In actione ad exhibendum.
7. In judiciis divisorijs & finium regundorum.
8. In finium diremptione etiam adjudicatio faciendâ.
9. Vis & effectus adjudicationis in prædictis judiciis.

Explicatis his, quæ sunt Actoris & Rei, restat videre, quæ ad Judicis officium pertinent, cujus est post præmissam maturam causæ cognitionem secundum allegata & probata judicare, non attentâ privatâ scientiâ, qua de re latè Covarr. 1. Var. 1. (a) Ubi diligenter cavebit, ne partis jus lædendo litem suam faciat per imprudenciam, id est, per inscitiam juris periculum litis in se vertat, juxta dicta suprâ tit. 5. in pr. sed sequetur quod super facto aperto leges disponunt, aut Constitutiones, aut etiam mores; nam & his suam vim esse in judicando, etiam contra leges, dictum sup. tit. 2. lib. 1. Quò facit, quod laic Papin. facti quidem quæstione in esse in potestate judicantiû, non etiam juris auctoritatè

2. *l. Ordine 15. D. Ad municipal. (b) ** Non erit tamen quælibet sententia nulla contra jus lata; ac tranſibit in rem judicatam, ſi ab ea non appelletur, *l. Cùm prælati 32. D. de re judic.* niſi expreſſum contineat juris errorem: quod fit, quando non de jure partis, ſed de jure conſtitutionis perperam judex pronuntiavit, veluti ſi dixerit, teſtamentum irritum non eſſe, quod factum ab impuere, *l. 2. C. Quando provoc. non eſt neceſſe, l. Si expreſſim 19. D. de appellat.* Sic & contra jus judicat, ſi dixerit, nec ætatem, nec liberos, nec ullum privilegium prodeſſe ad excuſationem à tutela, ut appellare opus non ſit. Si verò idcirco contra excuſantem ſe judicaverit, quod eum probaſſe negaret ætatem aut privilegium, de jure litigatoris potius judicaſſe videtur, valebitque ſententia per appellationem reſcindenda.
3. *l. 1. §. item cùm contra D. Quæ ſententia ſine appellat. reſcind. ** Unde eſt, quod judicis ſit, inſpicere naturam cujuſque actionis, quæ agitur, & ſecundum eam ferre ſententiam, uti aliquot exemplis hîc docetur, (c) Primum eſt in NOXALI ACTIONE, in qua non condemnabit reum in litis æſtimationem, ſed aut in litis æſtimationem, aut in noxx deditionem, *text. hic in pr.* Nam etſi hæc non ſit in obligatione, eſt tamen in ſolutione, *l. Miles 6. §. 1. D. de re judic. quæ de re ſup. De noxalibus actionibus.*

§. Etſi in rem.

4. **I**N ACTIONE IN REM SINGULARI, aſtore non probante, reus abſolvendus, etiamſi nihil præſtiterit. Aliàs jubebit judex, rem reo reſtituat, cum fructibus; cui tamen ſine fruſtratione inducias petenti indulgebit, ſub cautione fidejuſſoria de litis æſtimatione, ſi intra tempus non comparuerit. Si fruſtratoriè inducias petere videatur, manu militari res auferenda, *l. Niſi 11. C. l. Qui reſtituere 68. D. de rei vindic.* In personali damnato reo petenti datur ſpatium quatuor menſium ad ſolvendam, *l. ſin. C. de execut. rei judicata.*

§. Etſi hereditas.

5. **I**N ACTIONE UNIVERSALI, ſcil. PETITIONE HÆREDITATIS, à poſſeſſore damnato fructus etiam reſtituendi, ſed diſſimiliter, quàm in ſuperiore, nam in ea veniunt officio judicis, in hac verò jure actionis. Ratio differentia eſt, quod fructus hæreditatem augeant, *l. Item veniunt 20. §. item non ſolum D. de hæred. petit.* non item augeant rem ſingularem. Quatenus autem poſſeſſor teneatur ad fruſtuum reſtitutionem, colligi poteſt ex iis, quæ dicta ſup. *De rer. diviſ. ad §. ſi quis à non domino.*

§. Si ad exhibendum.

6. **A**CTIO AD EXHIBENDUM introducta cauſa vindicationis, ut res in modum prolata & exhibita cerni, tangi, vindicari poſſit, *l. In rem 23. §. item quæcumque D. de rei vindic.* mobilis ſcilicet, non etiam immobilis, quæ cùm occultari

ocultari nequeat, seipſa exhibet. Competit contra quemlibet poſſeſſorem, l. 3. §. fin. Ad exhiben. Judicis officio incumbit jubere rem exhiberi, cum omni cauſſa. quam habuiſſet actor, ſi cum primū agebatur, exhibita fuiſſet: quo modo rei perditæ, uſucaptæ æſtimationem præſtabit. Fructus etiam medio tempore percepti ſunt reſtituendi. *text. hic.* Tempus autem exhibendi petitum à reo ei indulgendum, ſi non appareat fraudandi animus; ſub cautione tamen de re exhibenda, aliàs condemnandus in id, quod actoris intererat, rem ab initio exhibitam eſſe, *text. hic in fine.*

§. Si familia.

TRia alia judicia ſubjunguntur in ſequentibus, ſcil. **FAMILIÆ ERISCUN-
DÆ, COMMUNI DIVIDUNDO, FINIUM REGUNDORUM.** Primo
agitur de re univerſali dividenda, ſecundo de ſingulari, tertio de finibus regun-
dis, id eſt de dirimendis agrorum vicinorum terminis conſuſis, ſine cujuſquam in-
juria. Ubi judicis officio incumbit, quatenus poteſt, commodam rerum diviſio-
nem & diſtinctionem finium facere, ſingulis res ſingulas adjudicando, & in quan-
tum una alteri prævalet, alterum alteri viciffim in pecuniam condemnando. U-
nam etiam rem, ſi diviſionem non patitur, uni totam addicere, eumque viciffi-
m alteri in certam pecuniam, ſervandæ æqualitatis cauſſa, condemnare, *text. hic.*
(d)* Quæ adjudicatio etiam in finium diremptione obtinet, ſi evidentioribus fini-
bus agros diſtingui ſit commodius: tunc enim ex unius agro pars alterius agri do-
mino adjudicanda, qui condemnandus alteri in certam pecuniam, *text. hic verſ. ſi
finium.* (e) In hoc judicio judex etiam habebit rationem ejus, quod malitioſe ab
altero circa fines commiſſum, mutando lapides aut terminos: quo caſu etiam ex-
traordinario judicio de termino moto agitur criminaliter, l. 1 & 2. D. De *term.
moto.* Facienda etiam condemnatio contumaciæ non parentis judici, nec patien-
tis ex ejus arbitrio fines dirigi per agrimenſorem, l. 3. C. *Fin. regund.* * Habet au-
tem locum adjudicatio in tribus hiſ poſterioribus judicijs, cujuſ ea vis quod rem
faciat ejus eſſe, cui adjudicatur, *text. hic in fine.* Eſt enim adjudicatio ſpecies ac-
quirendi domini, & juſta cauſſa uſucapiendi, ſi fortè de alieno fundo per erro-
rem adjudicatum poſſideatur, l. *ſi per errorem* 17. D. De *uſucap.* In prioribus non
habet locum, in quibus declaratoria, non adjudicatoria fertur ſententia; cū
quod meum eſt, ampliùs meum fieri nequeat.

ADDITIONES V. A. D.

Nu. 1. ibi, Covarr. 1. Par. c. 1.) Fuit hæc ſententia Joannis veteris Gloſſaro-
ris, nimirum judicem in judicando acta & allegata ſequi oportere, non etiam
propriam ſcientiam. probata prudentibus juris plerique, Weſenb. *ad tit. D. De
probat. nu. 10.* Cujac. 12. Obſ. c. 19. Menoch. *De arbitr. iud. queſt. lib. 1. qu. 31.* Pi-
nel. *ad l. 2. C. De reſcind. vend. p. 3. c. 3. nu. 32.* Marc. à Lyclama 2. *Membran. fol. 2.*
Bbbbb & late

& latè D. Zoesl. *ad tit. D. De iudic. nu. 47. & seqq.* Contrariam Martini similiter ver. Glossat. probant Còras. 4. Miscell. c. 20. Hotom. *Illustr. quest. 27. Valsq. 1. Contr. illust. c. 14. Arum. hi. exercit. 20. thes. 3. Diod. Tuld. 3. De prin. Iurisprud. 4. 6.* estque communis Canonistarum ac Theologorum. Quia in controversia improbandum non est, quod quibusdam placet, ut iudex, si religione moveatur, vel mens refugiat, contrà quàm sibi compertum est, judicare, iudicis personam depōnat, & personam adsumat testis.

Ibid. in fine.) Quam ita sequatur necesse est, ut ne recedendo à præscripto legum, videatur clementior aut severior ipsa lege, Nov. 82. *De iudicib. c. 10.* Est enim sapientis iudicis (ait elegantissimè Cicero *Orat. pro Cluent.*) meminisse se hominem : cogitare tantum sibi esse permissum, quantum commissum sit & creditum : & non sibi potestatem datam, verùm etiam fidem habitam esse, meminisse : posse, quem oderit, absolvere ; quem non oderit, condemnare : & semper non quid ipse velit, sed quid lex & religio cogit, cogitare : animadvertere, quā lege reus citetur, de quo reo cognoscatur : quæ res in questione versetur. Cum hæc sunt videnda, tum verò illud est hominis magni atque sapientis, habere in consilio legem, religionem, equitatem, fidem ; libidinem autem, odium, invidiam, metum, cupiditatesque omnes amovere : maximique estimare conscientiam mentis suæ, quæ à nobis divelli non potest. Accedat non minus elegans locus D. Ambrosij, in Psal. Beati immaculati, (refertur *can. Indict. 111. qu. 7.*) Bonus iudex, inquit : nihil ex arbitrio suo facit & proposito domestica voluntatis, sed iuxta leges & iura pronuntiat, statutus iuris obtemperat, non indulget propriae voluntati, nihil preparatum & mediatum de domo desert : sed sicut audit, ita iudicat, & sicut se habet negotij natura decernit, obsequitur legibus, non adversatur, examinat causas merita, non mutat. Si tamen dubia appareant verba legis, licebit iudici benignius ea interpretari. Etenim iudex scire leges debet, id est, non verba earum tenere, sed magis vim ac potestatem, *l. Scire 17. cum. l. seq. D. De legib. & ut eleganter idem Cic. Orat. pro Cæcina, ait, Scriptum sequi calumniantoris est ; bñi autem iudicis, voluntatem scriptoris, auctoritatemque defendere. Iudicem quippe definiunt virum bonum, disceptandæ rei peritum.* Horat. *lib. 1. Epist. 16.*

— Vir bonus est quis ?

Qui consulta patrum, qui leges iuraque servat.

Quo multa magna que secantur iudice leges.

Nu. 2. ibi, uti aliquot exemplis hic doc.) Id quod ad officium iudicis pertinet, quod vocant mercenarium, deserviens actioni versaturque in decernendis citationibus, dandis dilationibus & moderandis, in cognitione, definitione, & executione causarum : cuiusmodi officium exercet ferè iudex pro tribunali sedens, *l. 1. 2. & 3. D. De re iudic.* Et distinguitur ab officio iudicis nobili, quod scil. iudex suo arbitrio & auctoritate, ac vi jurisdictionis extra iudicium exercet, nec adstrictum est alicui actioni : ut dum proprio motu iudicium instituit, inquirendo & puniendo sceleratos, c. *Qualiter 2. De accusat.* dum minorem facilitate suâ lapsum in integrum restituit, *l. In causa 13. D. De minorib. & generaliter quotiescumque.*

cumque quis petit à magistratu quidquam, in quo personæ alterius non habetur respectus aut consideratio, toties censetur nobile officium, *toto tit. C. De precibus Imper. offer* Oldendorp. in *Præfat. ad Clas. suas*, tit. *De officio iud.* Distinxisse fortè rectius & conformius juri, ut aliud sit officium jus dicentis, aliud judicis. Jus dicentis officium latissimè patet, respondens ei, quod nobile Pragmatici nuncupant, estque officium magistratus potius, quàm judicis, *l. 1. D. De iurisdic.* Officium judicis observat formulam & naturam actionis, quod idem & mercenario officio tribuitur. Alij remissam per officium judicis ordinariam & extraordinariam expediunt *Coras. 7. Miscell. c. 9. Tuld. hic cap. 1.*

Nu. 7. in fine.) Neque enim divisio hæreditatis fieri debet divisione & sectione ipsorum corporum, *l. 2. C. Quando & quib. quarta pars &c.* Quale illud, quod de Q. Fabio Labeone refert Valer. Maximus *lib. 7. c. 3.* qui cum Antiochum Regem bello vicisset, & ex lege fœderis isti dimidiam partem navium accipere deberet, illas secuit, ut eum totâ classe privaret. Hodie in hoc familiæ erciscundæ judicio, ac bonorum paternorum divisione faciendâ, eo jure ferè passim utuntur, ut fratrum major æquis partibus bona dividat, minor verò natu optet deinde, & electionem habeat, *arg. c. 1. De paroch. & parochian.* Guido Papæ *qu. 289. Myns. cent. 4. Obser. 37. Gail. 2. Obs. 116. nu. 14.* Quid hîc jus Saxon. statuât docet Schultz. *sup. De action. lit. N.* Alibi tamen in partes quàm fieri potest æquissimas divisâ hæreditate, quisque eam fert partem, quam ei fors dederit.

Nu. 8. *ibi, text. hic vers. finium.*) Potest etiam in hoc judicio fieri pluribus ejusdem rei adjudicatio, non quidem adsignando suam cuique partem pro diviso & in solidum, quemadmodum fit in judiciis familiæ erciscundæ & communi dividundo, sed pro indiviso omnibus. Exempli causâ, si ejusdem fundi duo pluresve domini existant, & de finibus regundis cum vicine confinem agrum habente orta sit lis, potest iudex uni fundo, licet plures dominos habeat, vel parti fundi adjudicare locum, de quo queritur, pro indiviso; fundo, inquam non fundi dominis, *quoniam magis fundo quàm personis adjudicari fines intelliguntur*, inquit I. C. pluresque eo casu unius locò habentur, sicut unus fundus est communis plurium, una pars, cui sit adjudicatio, non plures, *l. 4. §. 5. 6. & 7. D. Finium regund.*

DE PUBLICIS JUDICIIS.

TITULUS XVIII.

Publica judicia neque per actiones ordinantur, neque omninò quicquam simile habent cum ceteris judiciis, de quibus locuti sumus: magnaue diversitas eorum est & in instituendo, & in exercendo.

1. Publica autem dicta sunt, quod cuius ex populo executio eorum plerumque datur.

2. Publicorum iudiciorum quedam capitalia sunt, quardam non capitalia. Capitalia dicimus, quæ ultimo supplicio afficiunt homines, vel etiam aquæ & ignis interdictione, vel deportatione, vel metallo. Cetera, si quam infamiam irrogant cum damno pecuniario, hæc publica quidem sunt, non tamen capitalia.

3. Publica autem iudicia hæc sunt: Lex Julia maiestatis, quæ in eos, qui contra Imperatorem vel Rempublicam aliquid moliti sunt, suum vigorem extendit. Cuius poena animæ amissionem sustinet, & memoria rei etiam post mortem damnatur.

4. Item Lex Julia de adulteriis coercendis, quæ non solum temeratores alienarum nuptiarum gladio punit, sed & eos, qui cum masculis nefandam libidinem exercere audent. Sed eadem lege Julia etiam stupri flagitium punitur, cum quis sine vi vel virginem, vel viduam honestè viventem stupraverit. Pœnam autem eadem lex irrogat stupratoribus, si honesti sunt, publicationem partis dimidiæ bonorum; si humiles, corporis coercitionem cum relegatione.

5. Item Lex Cornelia de sicarijs, quæ homicidas ultore ferro persequitur, vel eos, qui hominis occidendi causâ cum telo ambulant. Telo autem (ut Cælius noster ex interpretatione legum duodecim Tabularum scriptum reliquit) vulgò quidem id appellatur, quod ab arcu mittitur; sed & omne significat, quod manu cuiusque jacitur. Sequitur ergò, ut & lignum, & lapis, & ferrum hoc nomine contineatur: dictum ab eo, quod in longinquum mittitur, Græca voce *τὸν* figuratum. Et sic hanc significationem invenire possumus & in Græco nomine: nam quod nos telum appellamus, illi *βέλος* appellant. Admonent nos epigrammata in Xerolopho urbis faustissima scripta, καὶ τὰ βέλη ἱρμῶς ἐφέροτο, λόγχοι, τεξέματα τοῦ δόνατος, ἀλκίνοι δὲ καὶ λίθοι. i. Et huiusmodi tela simul ab eis ferebantur, lanceæ, spicula, fundæ, plurimi autem & lapides. Sicarii autem appellantur à Sica, quod significat ferreum cultrum. Eadem lege & venefici capite damnantur, qui artibus odiosis, tam venenis, quàm fufuris magicis, homines occiderint, vel mala medicamenta publicè vendiderint.

6. Alia deinde Lex asperissimum crimen novâ pœnâ persequitur, quæ Pompeia de parricidijs vocatur, quâ cavetur, ut si quis parentis aut filij, aut omnino adfinitatis ejus, quæ nuncupatione parentum continetur, fata præparaverit (sive clam, sive palàm id ausus fuerit) nec non is, cuius dolo malo id factum est, vel conscius criminis existit, licet extraneus sit, pœnâ parricidij puniatur: & neque gladio, neque ignibus, neque ulli alij solemnî pœnæ subijciatur, sed insitus culleo cum cane, & gallo gallinaceo, & vipera, & simia, & inter eas feræ angustias comprehensus (secundum quod regionis qualitas tulerit) vel in vicinum mare, vel in amnem projiciatur, ut omnium elementorum usu vivus carere incipiat, & ei cælum superstiti, & terra mortuo auferatur. Si quis autem alias cognatione vel adfinitate personas conjunctas necaverit, pœnam legis Corneliæ de sicarijs sustinebit.

7. Item Lex Cornelia de falsis, quæ etiam testamentaria vocatur, pœnam irroga

irrogat ei, qui testamentum, vel aliud instrumentum falsum scripserit, signaverit, recitaverit, subjecerit, vel lignum adulterinum fecerit, sculperit, expreserit, sciens dolo malo. Ejusque legis poena in servos, ultimum supplicium est (quod etiam in lege de licariis & veneficiis servatur) in liberos verò deportatio.

8. Item Lex Julia de vi publica seu privata, adversus eos exoritur, qui vim vel armatam, sine armis commiserint. Sed si quidem armata vis arguatur, deportatio ei ex lege Julia de vi publica irrogatur: si verò sine armis, in tertiam partem bonorum suorum publicatio imponitur. Sin autem per vim raptus virginis, vel viduae, vel sanctimonialis, vel alterius fuerit perpetratus: tunc & raptores, & ii, qui opem huic flagitio dederunt, capite puniuntur, secundum nostram Constitutionis definitionem, ex qua hoc apertius possibile est scire.

9. Item lex Julia peculatus eos punit, qui publicam pecuniam, vel rem sacram, vel religiosam furati fuerint. Sed si quidem ipsi iudices tempore administrationis publicas pecunias subtraxerint, capitali animadversione puniuntur: & non solum hi, sed etiam, qui ministerium eis ad hoc exhibuerint, vel qui substractas ab his scientes susceperint. Alii verò, qui in hanc legem inciderint, poenae deportationis subjugentur.

10. Est & inter publica judicia lex Flavia de plagiariis, quae interdum capitis poenam ex sacris Constitutionibus irrogat, interdum leviolem.

11. Sunt praeterea publica judicia, Lex Julia de ambitu, Lex Julia repetundarum, & Lex Julia de residuis, quae de certis capitulis loquuntur: & animae quidem amissionem non irrogant, aliis autem poenis eos subijciunt, qui praecepta earum neglexerint.

Sed de publicis judiciis haec exposuimus, ut vobis possibile sit summo digito, & quasi per indicem ea tetigisse: alioqui diligentior eorum scientia vobis ex latioribus Digestorum seu Pandectarum libris, Deo propitio, adventura est.

COMMENTARIUS.

SUMMARIA.

1. Iudiciorum publicorum finis, & cur sic dicta.
2. Eorum instituendorum ratio diversa à judiciis privatis.
3. Alia sunt Ordinaria, alia Extraordinaria.
4. Item alia Capitalia, alia non capitalia.
5. Crimen Majestatis quid.
6. Et quid ejus praecipua species Rebellio.
7. Singularia in hoc crimine.

8. *Pœna huius criminis.*
9. *Punitur quoque in filiis & filiabus.*
10. *Non etiam in nepotibus.*
11. *Adulterium quid, à quibus, & in quos committatur.*
12. *Qui accusare possint de adulterio.*
13. *Pœna huius criminis, & an olim pœna fuerit capitis.*
14. *Libido Sodomitica quomodo puniatur.*
15. *Stuprum ab adulterio in quo differat, eiusque pœna.*
16. *Sicarii qui, & quo genere armorum commissum homicidium puniatur.*
17. *An & magicâ arte procuratum?*
18. *Puniuntur & L.Corn. de sicariis incendiarii, cum telo ambulantes, &c.*
19. *Qualiter puniatur hoc crimen.*
20. *Homicidium casu commissum quatenus excusetur à pœna.*
21. *Parricidium in quos committatur.*
22. *Pœna huius crimini more majorum quæ fuerit proposita.*
23. *Falsum quid, & quando committatur, eiusque pœna.*
24. *Vis alia privata, alia non privata, & pœna utriusque.*
25. *Raptus virginum vel viduarum honeste viventium.*
26. *Peculatus quid, & quæ eius pœna.*
27. *Sacrilegium qualiter committatur, & quæ eius pœna.*
28. *Plagium quid, pœna plagiarij.*
29. *Ambitus crimen.* 30. *Simonía.*
31. *Crimen repetundarum quando moveatur, & adversus quos.*
32. *De annonâ qui teneantur.* 33. *Et qui de residuis.*

DE privatis iudiciorum formis hætenus : superest de PUBLICIS quid subungere, quæ ad conservandum Reipublicæ statum pertinent. Eorum enim finis est, ut, refrænata improborum licentiâ, tuta sit inter eos innocentia. (a) Nominis ratio, ut hîc in *pr.* indicatur, ex eo sumpta, quod omnibus pateant, & CUIVIS EX POPULO PLERUMQUE EORUM EXECUTIO, id est, accusatio sive persecutio, DETUR. Dicitur, *plerumque*; quia hoc interdum aliter se habet, vel ratione criminis, ut in adulterio, quod persequi tantum proximioribus datum; vel ratione accusantis, ut colligere est ex *l. 2. & seqq. D. de accusat.* sive, ut alii volunt, quod super his leges publicæ sint latæ, eorumque cognitio & animadversio ad populum pertineat.

2. *l. 1. D. h. t.* (b) * Institutorum horum iudiciorum longè diversus est ordo à privatis, ut hîc indicat *Imp.* quæ per actiones instituntur, hæc verò per accusationes, & alius reorum habitus. Arbitri ibi locum habent, hîc iudices tantum: ibi pecuniaria, hîc damnatio est gravior. Subscriptio in crimen in his olim necessaria, cuius conceptio traditur *l. 3. D. de accusat.* cum sciat sibi inultam accusationem non futuram, *l. 7. D. d. t.* propter pœnam talionis, quæ manet calumniatorem. De consuetudine subscriptionis necessitas est sublata, nec talionis

pœna usitata; non fert tamen impunè per calumniam accusasse convictus. (c)

* Publica judicia, alia sunt LEGITIMA & ORDINARIA, legem, pœnam, formulam certam, habentia, uti Majestatis, parricidii, & similia: alia EXTRAORDINARIA, legem quidem habentia, non tamen pœnam, formulamve certam, uti concussionis, stellionatus, abigeatus, & similia. Hodie ordo judiciorum exercendorum non ita est in usu, cum extra ordinem agatur, l. Ordo D. h. t.

* Alia autem CAPITALIA sunt, quæ caput civitati eximunt, vel per mortem naturalem, quæ ultimi supplicii nomine venit, l. Ultimum 21. & l. Capitalium 28. in pr. D. de pœn. vel per civilem, ut per ignis & aquæ interdictionem, in cuius locum successit deportatio, per servitutem, missionem in metallum, quæ latius sumpto ultimi supplicii nomine veniunt, d. l. 28. Alia non CAPITALIA, quæ, salvo capite, vel irrogant infamiam, vel pœnam pecuniariam, fisco inferendam, vel corporis aliquam coërcitionem, l. 2. h. t. & §. 1. inf. h. t. quæ ex exemplis subjunctis patebunt. (d)

§. Publica autem judicia.

CRimen MAJESTATIS est grave, non tantum quo læditur Deus per blasphemias, aliasque injurias, sed & quo Principis diminuitur auctoritas: quod variis modis contingit, veluti statuas ejus violando, vectigalia sine ejus auctoritate imponendo, monetam adulterinam cudendo, aliisque, de quibus passim D. & C. Ad leg. Jul. majest. * Præcipua ejus species est PERDUELLIO, per quam in ipsum Principem, aut in Rempubl. attentantur hostilia, l. 1. 3. 4. D. d. t. Vbi Princeps accipiendus, qui superiorem non cognoscit; nam ei, qui alteri subest, non est majestas, de qua textus passim loquuntur. Committitur autem propriè non nisi à subditis; externus tamen reus non ideo immunis à pœna. * Habet hoc crimen multa singularia, ut quod servi in caput domini torqueantur, uti & ad testimonium evocati, si res exigit, ipsi etiam accusatores; quod post contractum crimen bonorum alienationes factæ per reum, non teneant; quilibet ad accusandum admittatur, crimen morte non extinguatur, sed & posteam moveatur, damnatâ rei memoriâ, bonis fisco vindicatis. (e) Damnati non lugeantur, nec post supplicium sepeliendi petantur, nuda tamen voluntas puniatur, ut etiam tantum consilii à pœna non sint immunes, quibus passim D. & C. h. t. (f) * Pœna hujus criminis est mors, l. 3. D. eod. & text. hic, quæ per gladium inferitur, l. Quibus 5. C. d. t. De consuetudine membra in frusta secantur. Clar. §. Lese majestatis num. 8. Bona publicantur, hec ipso, quo quis in crimen incidit; ita ut & administratio eripiat, l. fin. C. h. t. * Liberi masculi, ultimum quidem non merentur supplicium, tantum quia in iis metuantur exempla paterni criminis, ab hereditate, non tantum paterna, sed & materna habentur alieni, ex testamentis extraneorum nihil capiunt, perpetuo sunt infames, miseri, & egeni, quibus vita supplicii, mors solatium, d. l. 5. §. filij. Filiabus concessa Falcidia in bonis maternis, d. l. 5.

d.l. 5. §. at filius: circa quas mitior est sententia, quòd fragilitas sexus minùs eas audere faciat. Nati sint liberi ante crimen, an post parum refert, cum in utrisque eadem sit ratio. Hujus quoad liberos pœnæ ratio est, ut charitas liberorum chariores reddat parentes Reipubl. quod late prosequitur. Covarr. 2. *Var. cap. 8.*
 10 (g) * Nepotes hanc pœnam non tangere verius est, cum *d.l. 5.* tantum faciat mentionem filiorum & filiarum, quorum nomine non veniunt nepotes, præcipuè in pœnalibus, quæ non extendenda.

§. Item lex Julia de adulteriis.

11 **A**DULTERIUM EST ALIENI THORI, id est conjugii, VIOLATIO.
 Jure civili tantum committitur à conjugata; non etiam à conjugato cum soluta agente: quo modo adulter dicitur aliena matrisfam. corruptor *l. Fugitivus 22.6. D. de F.S.* Ratio est in sanguinis seminisque perturbatione, prolis incertitudine; unde passim in uxoribus major desideratur castitas. Secundum Canones non minus maritus hoc peccatum incurrit, quam uxor, contra fidem datam, quæ utrumque æque obligat, veniendo, *can. Nemo xxxi 1 quest. 4.* In sponsam non committitur, quæ non tam ponit thorum, quam speme ejus: ponit tamen injuriam vicinam ejus violatio, de qua accipienda *l. Propter 7. C. Ad L. Jul. de adult. &*
 12 *l. Si uxor 13. §. divi D. eod.* (h) * Accusatio ejus, post maritum, hodie tantum permittitur patri, fratri, patruo, avunculo, *l. Quamvis 30. C. d. t.* idque ne faciliè matrimonia falsis contumeliis deformentur. * Pœna olim ex Lege Julia non fuit capitalis, sed relegatio in paganis, deportatio in militibus: nisi quòd in quibusdam capitaliter vindicatum fuerit, ita exigentibus circumstantiis, *l. Auxilium 17. §. ult. D. de minorib. l. Miles 11. D. Ad Leg. Jul. de adult. cum similib.* Cujac. 6. *Obs. cap. 11. & 20. Obs. cap. 18.* Postea inducta pœna mortis, ut patet ex *l. Transigere 18. C. de transact.* ubi adulterium excipitur à regula tradita in capitalibus, ut necessariò debuerit fuisse capitale, si vera sit regula, quòd exceptio sit à regula, & eam confirmet. Facit eò textus in *l. Castitati 9. & d. l. Quamvis 30. in fine C. eod.* quæ habent capitalem pœnam esse propositam. (i) Verum ea pœna remissa fœminis jure Novellarum, *Nov. 134. c. 10. & Auth. Sed hodie C. d. t.* ubi verberata in monasterium detrudi jubentur, licentià concessà viris eas repetendi intra biennium. Est & pœna amissionis dotis, quæ applicatur marito innocentis & donationis propter nuptias, quæ applicatur innocenti uxori, & liberis, si extant, proprietate, *l.*
 14 *Consensu & l. fin. C. de repud.* (k) * Maxime nefanda est libido cum masculis, ne quidem nominanda propter sui turpitudinem, in quam propterea insurgere leges & armari jura, gladio uitere, jubentur, ut habet *l. Cum vi 31. C. b. t.* Proposita est ei gladii pœna, *text. hic.* De consuetudine reus vivus comburit, *Clar. 5. sent. §. Sodomitæ (1)*

§. *Sed eadem lege.*

STUPRUM cum adulterio lex Julia promiscuè usurpat, diversum tamen ab hoc, quòd adulterium fiat in nuptam, stuprum verò in virginem aut viduam honestè viventem, *text. hic.* Citra vim commissi pœna in honestioribus est publicatio dimidiæ partis bonorum; in humilioribus corporis coërcitio, cum relegatione. (m) Vi commissum eam pœnam habet, quam lex Julia de vi, l. 3. §. *præterea* D, Ad L. *Iul. de vi publ.* Raptus virginis gravius punitur, ut inferius dicitur,

§. *Item lex Cornelia de Sicariis.*

Super homicidio cautum lege Corneliâ de Sicariis, qui dicti à Sica, id est, cultro *16* ferro breviori, quo perpetrari cædes facile erat. Non tantum autem cædes isto armorum genere commissæ punitur dictâ L. Corneliâ, sed quovis modo, etiam lapide, veneno, magicis susurris, & incantationibus, artibus verè odiosis. * Ut id *17* hominum genus rectè dicat l. *fin. C. de malefic.* hostes salutis communis, dignissimum eò gravioribus pœnis, quò latentius lædit. Ut longè errare videantur quidam hujus temporis contententes, eos, qui magicâ arte utuntur, extra pœnam debere esse, quos refutat l. 6. C. de malef. & mathem. quæ vult eos supplicio affici (n) * Hâc lege puniuntur & incendiarii, l. *Si quis* 11. D. Ad L. *Cornel. de sicar.* & *18* cum telo ambulantes hominis occidendi gratiâ, venena in eum finem vendentes, falsum judicium aut testimonium ferentes in hominis perniciem, l. 1. D. d. t. multo magis animo occidendi vulnerantes. Cæde tamen non subsecutâ de consuetudine interdum mitigatur pœna. * Hæc olim ex L. Cornelia fuit aqua & ignis *19* interdictio, postea deportatio, quæ in ejus locum successit, & bonorum ademptio, l. 3. §. *pen* D. eod. Deinde placuit ferro puniri crimen, *text. hic & d. §. pen.* Nec debet videri mirum, quòd hîc legi Corneliæ pœna ferri adscribatur; hoc enim ideo, quòd pœnæ superadditæ usurpentur, ac si ab initio ex eadem lege ivissent. Et hoc, si dolo sit commissæ cædes, l. 7. D. d. t. * ut casus excuset, qui amovet dolum. *20* Uti & excusat iusta sui defensio, quæ cum à natura sit concessa, non debet pœnâ affici, nisi quatenus excessum moderamen inculpatæ tutelæ, & in aggressionem tranfierit. Quotamen casu non tam erit locus pœnæ ordinarie quam extraordinarie: cui etiam locus erit, si culpâ latâ cædes sit commissæ, ne pœnæ aggraventur, quæ potius mitigandæ.

§. *Alia deinde.*

PARRICIDIUM superiori est gravius, ut rectè hîc **ASPERRIMUM CRIMEN** *21* vocetur, & eò gravius, quò major debetur reverentiæ ei, circa cujus personam contingit. Propriè autem contingit circa parentes. Pœna illi cri-

mini per Solonem nulla est constituta, quod putaret tantum scelus in hominem cadere non posse, & ne tam prohibere quam admonere videretur, cum ea sæpè
 22 committantur, quæ sæpè vindicantur, ut ait Seneca de Clem. cap. 23. * Ex lege Pompeia de parricidiis eadem, quam lex Cornelia proposuit, est proposita, l. 1. D. ad L. Pomp. de parricid. More tamen majorum pœna fuit, ut parricida sanguineis virgis verberatus tum culleo infueretur, cum cane, gallo gallinaceo, vipera, simia, in impiis animalibus impius homo deinde in mare proximum projiceretur, si proximum sit, aliàs bestiis objiceretur, secundum Constitutionem D. Adriani, l. pen. D. d. t. (c) Qui alias personas de cognatione quam parentes occiderit, etsi latè parricidæ nomine veniat, non est tamen parricida, & patitur pœnam legis Corneliæ de licariis, *text. hic in fine & d. l. pen. §. 1.*

§. Item lex Cornelia de falsis.

23 FALSUM est veri immutatio per fraudem. Ei pœna est proposita per L. Corneliæ de falsis latam, potissimum de testamentis falsis conscriptis, signatis, recitatis, unde & testamentaria dicta, *text. hic.* Continentur tamen eâ & falsa committi solita circa alia quælibet instrumenta, mensuras, pondera, nomen, partus suppositionem, monetæ adulterationem, rationem, &c. l. 1. D. ad L. Corn. de falsis. (p) Pœna ex L. Cornelia est ultimum supplicium in servis, deportatio & bonorum adeptio in liberis, *text. hic & d. l. 1. §. fin.* Interdum & capitale supplicium, si ita exigat magnitudo criminis, l. Vbi criminis 22. D. eod.

§. Item lex Julia de vi.

24 VIS ALIA PRIVATA EST, ALIA PVBLICA: hæc armis, illa sine armis committitur, & quidem variè, ut videre est ex Tit. Digest. Ad L. Iul. de vi publica & de vi privata. (q) Utramque punit lex Julia à Cæsare lata: illam de portatione, hanc tertiæ partis bonorum publicatione, *text. hic.* Nisi cædes intervenerit, quæ ultimo supplicio facit affici eum, qui vim movit, etiam si non occiderit, cum caussam mortis præbuerit, l. 6. C. Ad L. Iul. de vi publica. * Violentiæ species gravior est RAPTUS virginis vel viduæ honestè viventis. Committitur, quando mulier libera abducitur libidinis causâ. Pœna est ultimum supplicium, & raptoris, & qui eum sunt comitati. Præterea bona raptoris & sociorum raptæ addicuntur. In libertina & ancilla rapta cessat bonorum adeptio, l. un. C. de raptu virg.

§. Item lex Julia peculatus.

26 PECVLATVS EST FVRTVM PECVNIAE PVBLICÆ, quam quis interceptit, in rem suam vertit, aut non cavit, quod minùs quis interciperet, in rem suam verteret, l. 1. D. Ad L. Iul. pecul. Videtur ex Paulo §. Sent. tit. 27. primò fuisse

fuisse poena pecuniaria in quadruplum, postea inducta deportatio, *text hic in fine & l. 3. D. d. t.* capitalis deinde facta rescripto Imp. in *l. 1. C. de crim. peculat.* Et hoc tantum in Judicibus peccantibus tempore suae administrationis, ut quoad alios solum sit deportatio, cum quod non mutatum non sit prohibendum stare * Vici-
 num huic est SACRILEGIUM, quod est FURTUM REI SACRAE, RELIGIOSAE. Unde sacrilegii reus dicitur, qui sacra compilavit, *l. Sacrilegij 9. D. eod.* Jure civili rei profanae in loco sacro depositae furtum fieri dicitur, *l. Divi 5. D. eod.* Canones etiam ponunt sacrilegium, *can. Quisquis XVI qu. 4.* propter injuriam loco illatam. Ejus supplicium est capitis, *d. l. 9.* Facit tamen circumstantia augeri aut diminui poenam, *l. Sacrilegij 6. D. d. t.*

§. Et si & inter publica.

PLAGIUM, dictum inde, quod *παραλος* fiat, id est, oblique, est suppressio liberi
 hominis vel servi alieni citra vim aut furtum. A quo distinguitur, quia furtum non est liberi hominis, nec suppressio servi, nisi fiat lucri causa. Poena nummaria fuit, dein facta metalli, *l. fin. D. Ad L. Fabiam de plagiariis.* Ex Constitutionibus plagiarius servus aut libertus bestiis objicitur, ingenuus gladio feritur, *l. fin. C. Ad L. Fab. de plagiariis.*

§. Sunt praterea.

Quatuor hoc §. continentur crimina non ingerentia poenam capitale. * Pri-
 mum est AMBITVS, quod crimen olim in urbe obtinuit, quando populi suffragiis deferebantur honores, & acriter satis vindicatur, *l. 1. D. de L. Julia ambitus.* Deductum verbum ab *amb'endo*, quia candidati circuire populum soliti, & singulos prehensare, interveniente saepe numero grandi pecuniarum largitione, ad parandos animos. Postea in urbe non obtinuit, quod nutu Principis deferrentur honores. In municipiis etiam hodie ei locus, ubi magistratus & officia decreto populi distribuuntur. Poena est centum aureorum, cum infamia, *d. l. 1. §. 1.* * Vi-
 cinum est huic crimen SIMONIAE, quod contingit in beneficiorum & dignitatum Ecclesiasticarum collatione per turpem quaestum, nimis, pro dolor! frequen-
 ti, propter turpissimam hominum ambitionem.

Secundum est CRIMEN REPETUNDARUM, quo tenentur ii, qui in magistratu munera accipiunt, ut quid agant contra officium, vel non agant quod est sui officii, *D. Ad L. Jul. repetund.* Movetur demum post depositam administrationem; excepto casu *l. 4. C. eod. tit.* scilicet quando Praefides provinciarum in judiciis sortidè se gerunt. Poena est quadruplum acceptarum pecuniarum per se, vel per ministros. Interdum & irrogatur exilium, *l. 7. D. d. t.* Movetur quoque adversus dantem; nam dare est turpe, *l. fin. C. eod.*

32 Tertium crimen DE ANNONA, quo tenentur ii, qui frumenti, alteriusve rei ad annonam spectantis, emptionem, venditionem, cariorem reddunt, quales dicuntur flagellare annonam. Pœna est viginti aureorum, *l. 2. in fine D. Ad L. Iul. de annonâ.* Extraordinaria etiam est pœna pro admitti qualitate, *l. 6. D. de extraord. criminib.*

33 Quartum DE RESIDUIS, quo tenentur, qui pecuniam publicam in certum usum delegatam retinentes, in eum non consumunt, & apud quem resedit pecunia publica ex locatione, emptione, alimentaria actione, aliave qua causâ, *l. 2. & 4. §. 3. D. Ad L. Iul. pecul.* Pœna est, ut damnatus, tertiâ parte amplius inferat, quam debet, *d. l. 4. §. quæ lege,* hoc est, id quod debet solvat, & insuper tertiâ aliam debitæ quantitatis addat. Movetur hoc crimen etiam post rei mortem, uti & peculatus, & repetundarum, quod in iis principalis questio pecuniæ moveatur, *l. fin. D. Ad L. Iul. pecul.* Iniquum enim, turpiter, & scelere qualita hæredi cedere compendio, *l. Quod diximus §. fin. D. Quod metûs causâ gest. esse dic.*

Finem imposuit huic Commentario D. ZOESIUS

Loyanii in Auditorio Juris Civilis an. c10.

150. XVI II. v. Kal. Octobr.

ADDITIONES V. A. D.

Num. 1. inter eos innocentia.) Omnia enim judicia (inquit Cicero Orat. pro Cæcina) aut distrahendarum controversiarum, aut puniendorum malefactorum causâ reperta sunt: quorum alterum levius est, propterea quod & minus ludit, & persæpe disceptatore domestico dijudicatur: alterum vehementissimum, quod & ad graviores res pertinet, & non honorariam operam amici, sed severitatem iudicis ac vim requirit.

Ibid. in fine.) Differunt verò judicia publica à popularibus (quamvis ratio nominis utriusque eadem videatur, cum & popularia, quasi populi, publica dici possint, & actio popularis jus suum populo tueatur, *l. 1. D. De popularib. act.*) quia publica judicia certâ lege publica sunt, non ad utilitatem privatorum, sed ad rigorem, rigoremque publicæ disciplinæ spectantia, *l. 1. D. de publ. jud. l. Locatio 2. quod illicitè de publican. & vectig.* & quia cognitio eorum publica, id est populi et magistratuum. Actiones verò populares, licet ex causâ delicti nascentur, tamen ad judicia publica referri non possunt, quia pœnam persequuntur pecuniariam, non fisco, sed parti læsæ applicandam

Num. 2. in fine.) Pœnam talionis jam olim etiam apud nos in usu fuisse colere est ex tabulis Legum Brab. anni 1312, quæ eum, qui alterum injustè accideret, talionis pœnam subire volunt; verum moribus hodiernis delictum esse ille. Denuntiare quidem hodieque delictum cuilibet licet (ac quæ rare & sine denuntiatio ea fiat, vide Imbert. Instit. forens. lib. 3. cap. 2. & Zyp. jur. Belg. lib. 9. tit. 1. de accusat.) sed accusatio reservatur soli actori seu vitori Principis (quem Procuratorem Generalem vocant) aut alteri Officiario

io. publico (qui apud nos Majoris, vulgò Majeri, alibi Baillivi, aut alio nomine significatur) cui incumbit delicta publica, quæ publica sunt, & quæ publicè interest ea non manere impunita, persequi; ac propterea pœnas etiam capitales infligi, aut multas honorarias ac pecuniarias, infamiamque irrogari postulat. Ob injuriam vero vel vim privatis hominibus illatam persequitur is, qui injuriam passus est, quod sua tantum privatum & civiliter interest. Imbert. *Instit. forens. l. 3. c. 1.*

Nu. 4. in fine.) Cæterum non nisi improprie dixeris, capitalia judicia etiam esse ea, quæ hominem exilio, agnitione & deprecatione, seu multâ honorariâ, privatione officii, infamiâ, aliisque pœnis afficiunt, quibus aliquis capite, id est, famâ & honore imminuitur, secundum Joan. Papon. *l. 24. tit. 10. ar. 3.* Imò nihil absurdius & falsius dici posse, notat ibidem Bachov. cum ab usu juris sit aliena hujusmodi significatio, quâ causa ex estimationis etiam capitalis vocetur, *l. Licet. 103. D. De V. S.* Illud interim hic obiter præmittendum est, hodie moribus nostris in publicis ac capitalibus judicijs pœnas plerumque esse diversas ab ijs, quæ jure Romano constitutæ sunt, & plerasque arbitrarias, præsertim non corporales, quæ judicis arbitrio permittuntur, decernendæ ex causa, persona, loco, tempore, qualitate, quantitate, eventu, *arg. l. Aut facta 16. §. 1. De pœn.* Quod per consuetudinem etiam quoad pœnas legales receptum est, præsertim in Belgio, utique in calibus, quibus desunt pœnæ statutariæ. Ita Zyp. *Not. iur. Belg. lib. 9. tit. De pœnis in princ.* Adde Rebuff. *ad constit. Reg. in vocem §. 5. nu. 109.* Bugnion. *Leg. abrogat. lib. 1. Sar. 60. & lib. 6. coll. 73.*

Nu. 7. ibi, bonis fisco vindicatis.) Quod probatur per text. in *l. ult. D. Ad L. Iul. maiest. l. Cum filius 75. in fine. De legat. 2. §. per contrarium 5. sup. De hered. qua ab intest. defer.* Hoc modo damnatum fuisse M. Manlij, quod regnum affectasset, memoriam, refert Cicero *Philipp. 1. & Valer. Max. lib. 6. c. 3.* Et inter leges militares Justiniani Imp. etiam hæc est *c. 9. Quisquis in Principem deliquerit gladio feritur. & bonis fisco additis*, etiam memoria eius post mortem demonstratur, καὶ ἡ μνήμη αὐτοῦ ἀπὸ τῶν ἀρχαίων κατὰ δόξαν. Id quod non uno modo solitum fieri docet Rad. Forner. *2. Rer. quarum tit. c. 17* Adde Franc. Balduin. *Comment. ad Legem maiest. l. 2. nu. 19.* & Bullam auream Caroli IV. Imp. *tit. 24. in princ.* Addit verò hic D. Zoef. in crimine hoc etiam nudam voluntatem puniri, ex *l. Quisquis C. Ad L. Iul. maiest. in verb. eadem.* severitate voluntatem sceleris, quæ effectum puniri iura voluerunt. Intellige de voluntate, quæ eruperit, etiam si nihil fuerit secutum. Ut non obstat *l. 18. De pœn.* quæ habet, cogitationis pœnam neminem pati. Facit huc monitum Catonis de Catilinariis agentis, apud Salust. *Res*, inquit, monet, ab illis cavere magis, quàm quid in illos statuamus consultare. Nam cetera maleficia tum persequare, cum facta sunt: hoc nisi provideris, ne accidat, ubi evenierit: iudici frustra implores.

Ibid. in fine.) Eadem hæc ratio est apud Cicer. *epist. 12. ad Brut.* Nec verò me fugit, inquit, quàm sit acerbum, parentum scelera filiorum pœnis lui; sed hoc præclare legibus comparatum est, ut charitas liberorum amiciores parentes Reipubl. redderet. Planè quòd etiam in liberos pœna læsæ maiestatis transeat, id contra jus commune omnino singulare est. Nam regulariter deandum omne auctores suos tenet, *l. Crimen 21.*

D. De pœnis & l. Salsitimus 22. C. eod. Plato lib. 9. De Legib. Bion apud Plutar. De sera-
num. vind. Cypr. Regneri De iniust. quarum. Leg. Rom. lib. 2. c. 3. Nihilque ini-
quius esse ait alibi Seneca, quàm aliquem odij paterni hæredem fieri. Imò crude-
le illud visum quoad liberos, ut scilicet etiam ad illos, qui nihil ipsi meruerunt,
pœna perveniret. Verùm id in hoc crimine maiestatis, ob illius atrocitatem, &
antiquum est, inquit idem Cicero, epist. 15. ad Brut. & omnium civitatum: siquidem
etiam Themistoclis liberi eguerunt. Maximeque ubi in unius potestatem dominatio
recidit, crimen perduellionis & affectatæ tyrannidis etiam in liberis plecti cœpit.
Suntque exempla huius rei, sub Tiberio in liberis Sejani; sub Severo in liberis
Plautiani, Albini, Nigri; sub Theodosio in liberis Maximi. Vide Duaren. 2. disp.
anniver. c. 24. Rad. Forner. 3. Rer. quotid. c. 17. Balduin. ubi sup. nu. 23.

Nu. 11. in fine.) Atqui his quoque ipsdē nituntur legibus, qui etiam in spon-
sam committi adulterium volunt, rationeque hinc sumptâ, quòd scil. non tantum
matrimonium, sed ne quidem spem matrimonij violare fas sit. Facit, quòd sponsa
in iure ut uxor habeatur, l. si sponsa 74. D. De iure dot. & uxor vocetur, can. Qui de-
sponsatam, vers. nam divina leges, & can. Coniit 4. in verb. quòd sponsi viri, & spon-
sæ vocentur uxores, can. similib. XXVII. qu. 2. Quo tamen casu placuit corrupto-
rem sponsæ mitiori pœnâ, ut fustigationis aut relegationis, esse castigandum, d. l.
13. §. si quis 6. D. Ad L. Iul. de adult. & d. l. 7. C. eod.

Nu. 13. ibi, capit. pœnam esse propositam.) Quod confirmare videtur Papinia-
nus, dum publici iudicij exercitationem, veluti legis Iulix de adulterijs & si quæ sunt
aliæ similes, ad merum refert imperium l. 1. D. De officio eius cui mand. est iurisd. quod
in iure gladij consistit, l. 3. D. De iurisd. Plura huic rei probandæ congerit Marc.
à Lyciama 2. Membr. Ed. 9. Verùm contradicunt alij, numero & auctoritate po-
tiores, qui certò sibi persuasum habent, ante Constantis & Constantij tempora
adulterij crimen capitale non fuisse, imò pœnâ ne quidem deportationis, sed tan-
tum relegationis punitum, idque tum ex l. Si quis viduam 5. D. De question. tum ex
alijs juris locis, ipsisque adeò verbis L. Iulix liquidò probari. Quos inter Ant. Fa-
ber 2. Coniect. c. 20. verba illa, si quocumque modo capitalem pœnam evaserit, in d. l.
Castitatis 9. C. Ad L. Iul. de adult. non dubitat à Tribonianī manu esse: quemadmo-
dum & quod hîc scriptum est, L. Iulix de adulterijs temeratores alienarum nuptiarum
gladio puniri Vid. Cujac. 6. Obser. c. 11. I. Lipis. in 4. Annal. Taciti.

Ibid. in fine.) Conformiter juri communi iudicasse Curiam Burdigalen. an.
1523. testatur Boër. decif. 297. nu. 12. Ex quo auctore, alijsque discere licet, alias
alibi in adulteros statutas esse pœnas, juxta mores regni ac regionis ejusque, pœ-
nasque legales ferè passim in delictudinem abiisse. Numquam verò fuisse audi-
tum in regno Franciæ, quod adulteri punirentur pœnâ juris, id est capitali, tradit
Ioan. Faber ad §. ex non scripto nu. 25. sup. De iur. natur. & c. & ad l. 1. C. que sit lon-
ga consuet. Idem ad §. item Lex Iulia sub nu. 2. h. 1. hodie adulterij crimen ait repu-
tari pro industria. In Imperio verò Romano Germanico Constitutio Carolina
art. 120. v. verum Imp. Constitutiones & jura majorum, quæ utrumque sexum
gladio puniri volunt, confirmare videtur, quamvis subobscurius eam ibi loqui
scribat

scribat Schult'z hic lit. K. vers. *Novissima*, quo loco fusè agit de pœna hujus criminis, præcipuè ex jure Saxonico.

Nu. 14. in fine.) quam consuetudinem probat lex Imperij *Constit. crim. Caroli V. Imp. art. 116. Vide Boër. decis. 316. Coler. decis. 187.* Adeò autem nefandum hoc crimen visum, ut etiam in bestiis, quibuscum quis brutalitatem commisisse convictus fuerit, vindicari soleat. Damhaud. *Pract. crim. c. 96. nu. 12. Gudel. 5. De iure noviss. c. 18. nu. 14. Bern. Autum. ad l. 9. D. Ad. L. Corn. desicar.* Imò & gallum, quòd gallinà absente gallum inijsset, vivum combustum fuisse, auctor est apud Plutar. Grillus.

Nu. 15. ibi, cum relegatione.) Jure Canonico consuetudo omnis cum ea, quæ uxor non est, sive virgo fuerit aut vidua, vel etiam mulier vulgaris, prohibita est. Virginem verò à se corruptam tenetur stuprator vel dotare, vel ducere uxorem, c. 2. *De adult. & stupro*: estque in electione stupratoris, utrum præstet, dotet, inquam, aut ducat. Vide Gomez. *ad L. 20. Tauri nu. 7. Jul. Clar. 5. Sent. 5. Stuprum sub nu. 3. Sande Decis. Fris. lib. 2. tit. 1. defin. 10. Kinschot. resp. 81.*

Nu. 17. in fine.) Hodie artem magicam exercentes, veluti incantatores, venefici, arioli, qui cum diabolo pactum expressum vel tacitum inierunt, eique se, Deo abjurato, mancipârunt, sive damnum dederint, sive non, ignis supplicium subeunt, approbante hoc genus pœnæ Constitut. Carolinà *art. 109. Vult. hic. nu. 8.* Quamvis posterius hoc durum videatur Matth. Colero *decis. 180. nu. 7. & 8.* dare scilicet locum pœnæ ordinariæ ignis in casu, quo nullum damnum illatum est, neque nocitum aut frugibus terræ, aut hominibus, alijsve animalibus.

Nu. 22. ibi, *l. pen. D. d. r.*) Ubi dicitur pœna hæc more majorum instituta: ut meritò dubites, cur hic *novam* appeller Imp. quasi antea inauditam, inusitatam, insolentem. Verùm notandum, veteres cullei, vel corij tantum meminisse, legemque hanc priscis simplicem fuisse, additaque ac simul conclusa animalia ista demum sub Imp. Vide Rad. Forner. 3. *Rer. quotid. c. 24. & Christoph. Coler. Parer. iur. c. 3.* Primus autem omnium, L. Malleolus, matre interceptâ, insitus culleo in mare præcipitatus legitur. Livius *Epit. lib. 68.* Hieron. Magius 4. *Miscell. c. 9. Pet. Ærod. Rer. ab antiq. indicat. lib. 8. tit. 6 c. 9.* Desijt postea in usu esse pœna ista, & cœperunt parricidæ vivi exuri, aut bestiis obijci. Jul. Paul. 5. *Sent. tit. 24.* Revocavit deinde veterem pœnam Constantinus Imp. *l. unicâ C. De his qui parent. vel lib. occid.* Verùm & hæc postea moribus iterum amisit usum, & pro varietate locorum aliter atque aliter parricidæ puniri solent, & quidem ubique morte, eaque atrociori, quàm pro simplici homicidio. Berber. in *Viatorio. iur. tit. De parricid. vers. sed hodie.* Jul. Clar. 5. *Parricidium nu. 5. Rebuff. ad constit. Reg. in proem. gl. 5. nu. 109. Gudel. 5. De iure noviss. c. 17. nu. 16.* Deque matribus proprium partum suffocantibus, vel in puteum, latrinam aut aliter abijcientibus, Clar. *loco cit. l'essaur decis. 13. Joan. à Sande lib. 5. tit. 9. defin. 3.*

Nu. 23. *ibi*, l. 1. D. Ad L. Corn. de fals.) Unde & nummaria lex dicta Ciceroni, quia plerumque falsum committitur circa nummos ac monetam. Ut & circa pondera ac mensuras publicè probatas. Nam grave esse indicatur (scribente Cassiod. lib. 11. *Variar. epist.* 16.) aut mensuræ modum excedere, aut libram æquissimi ponderis iustitiam non habere. Imò modus non erit rapiendi, si pondera fas sit excedere, ut idem ait lib. 12. *epist.* 76.

Ibid. in fine.) Prout & hodie in Gallia ex Lege Regia. Rebuff. *ad constit. Reg. in proem. gl.* 5. nu. 110. Papon. lib. 22. tit. 13. arr. 1. Apud nos edicto Caroli V. an. 1545. in quibuslibet instrumentis commissa falsitas suspendio puniri jubetur, quamvis id rariùs fieri videamus. Zyp. *Nor. iur. Belg. lib.* 9. tit. De fals. Vide Gudel. 5. *De iure noviss. c.* 20. nu. 4. Christin. *decis.* 199. nu. 11. & 12. vol. 4. Planè in falsæ monetæ fabricatores & adulteratores jam olim quoque pœna ignis animadverti solitum, patet ex l. 2. C. De falsa mon. Et concordat hodie Constit. Carolina art. 111. ac ius Saxonicum. Moller. 2. *Semest. c.* 35. Matth. 2. Coler. *decis.* 179. nu. 12. Schultz. *hic lit.* V.

Nu. 24. *ibi*, Ad L. Iul. de vi publ. & priv.) Et quidem tunc, quando quis coadunatis hominibus violentiam alicui infert, cum armis tamen; nam ex eo præcipuè publica vis dicitur, non ex sola hominum coadunatione. Quamvis & generaliùs vim publicam dici existimet Tessaur. *decis.* 35. nu. 3. quotiescumque scil. jus & bonum publicum publicè offenduntur, quod cum armis & coactis hominibus ut plurimum fieri solet, l. 1. & pen. in fine D. Ad L. Iul. de vi publ. Quo modo Cicerō Orat. de Arusp. resp. ait: Decrevit Senatus, eos, qui id fecissent, Lege de vi, quæ est in eos, qui universam Rem publ. oppugnassent, teneri.

F I N I S.



INDEX

INDEX

RERVM ET VERBORVM.

*Numerus prior Librum, alter Tit. tertius Numerum
A marginalem denotat.*



ACCEPTILATIO est imaginaria solutio. III. 30. nu. 6

Eaque juris civilis, non gentium. Ibidem in Addit.

Acceptilatione Aquiliana tollitur quælibet obligatio, Ib. n. 7

ACCESSIO quid, & quod duplex. II. 1. nu. 28, Accessorium licet pretiosius cedit principali, II. 1. n. 37.

ACCRESCENDI Jus habet locum in hæreditatibus. II. 20. nu. 17. Item in legatis. Idque ex conjunctione legatariorum. Ibid. nu. 18. Non habet locum inter conjunctos verbis tantum, nu. 19. Qualiter inter conjunctos re & verbis simul, nu. 21 Et qualiter inter conjunctos re tantum, nu. 22 & 23. Habet & locum in usufructu n. 25 Et in donatione mortis causa. nu. 26

Per jus accrescendi quomodo olim dominium acquireretur. II. 7. nu. 22

ACTIO quid, & an contineatur definitione etiam actiones personales & extraordinariæ persecutiones IV. 6. nu. 1. 2. & 3. Actio an rectè definiatur per formulam, & quomodo differant Actio, Causa & L. s. Ib. in Addit.

Actio summa divisio in Reales & Personales. Ibid. n. 4. Unde nascatur in rem actio, & in personam. Ibid. in Addit. Actione personali non semper inenditur mera datio aut merum factum. Ibid. Sub divisio in Civiles & Prætorias. n. 8. Divisio secunda in Rei persecutorias, Pœnales, Mixtas, n. 48. Tertia, à quantitate materiæ, in simplum, duplum, &c. n. 54. Quarta, à potestate & officio

judicis, in actiones bonæ fidei & stricti juris, nu. 61. Quinta, à modo condemnationis, in eas, quæ in solidum dantur, & quæ non semper in solidum, nu. 78.

Actiones mixtæ an dentur distinctæ à realibus ac personalibus. Ibid. n. 5. & in Addit. item n. 32. & seq. & in Addit.

Actiones reales & personales adversus quos & qualiter intentandæ, IV. 6. n. 45.

Actio in rem dicitur *Vindicatio*, in personam *Condictio*. Ibid. n. 42.

Actiones bonæ fidei quæ, & curita distæ, & quæ stricti juris. IV. 6. n. 61. & seq. & in Addit. Earum differentia n. 67.

Actiones arbitrariæ quæ, & quales. IV. 6. n. 73. Bonæ fidei actiones non rectè dici esse arbitrarias. Ibid. n. 73. in Addit.

Actio de albo corrupto adversus quem committatur, ejusque pœna. IV. 6. n. 39.

Actio in factum de calumniatoribus ad quid detur, IV. 6. n. 58.

Actio commodati directa & contraria. III. 15. n. 22. & 26.

Actio communi dividundo & familiæ eriscundæ quæ, III. 28. n. 7. IV. 6. n. 52.

Actio confessoria pro quibus rebus & ad quid competat item negatoria. Ibid. n. 7.

Actio depositi directa & contraria. III. 16. n. 29. & seqq. Datur in duplum adversus infitiantem. IV. 6. n. 49. Et non opponitur compensatio. Ibid. n. 71.

Actio de eo quod certo loco, de dolo & ad exhibendum, arbitraria. IV. 16. n. 73.

Actio exercitoria & institoria quibus, adversus quos competant, & in quibus differant. IV. 7. n. 2 & 3.

Actio finium regundorum quando locum habeat

INDEX

- beat, & inter quos.* IV. 6. n. 53.
Actio furti quibus competat. IV. 1. n. 15. & 22
Actio injuriarum pratoria. IV. 4. n. 13. & in Addit. V. *Injuria.*
Actio quod jussu. IV. 7. n. 1.
Actio ex jurejurando an & quæ detur. IV. 6. n. 83.
Actio de in jus vocando eos, quos sine venia vocare non licet. IV. 6. n. 40.
Actio de non eximendo vocatum in jus. Ibid. n. 41.
Actio locati & conducti. III. 25. n. 5. & 8.
Actio mandati directa & contraria. III. 27. n. 5. & 7.
Actio quod metus causa in quadruplum datur. IV. 6. n. 57. & n. 60. Est arbitraria. Ibid. n. 73.
Actio momentini non opponitur compensatio. IV. 6. n. 71.
Actio negotiorum gestorum directa & contraria. III. 28. n. 2. & 5.
Actio de pastu quid. IV. 9. n. 3.
Actio de pauperie. Ibid. n. 2.
Actio ex edicto Aedilium, Ne quis canem, &c. ibi habeat, qua vulgo iter est. Ibid. n. 5.
Actionibus noxalibus qui & ad quid teneantur. IV. 8. n. 1. & 2.
Actione Pauliana revocatoria qualiter creditores persequantur res à debitoribus in fraudem alienatas. IV. 6. n. 18.
Ejus inducendæ necessitas, & intra quod tempus instituenda. Ibid. & n. 19.
Ad eam requisita. n. 20. & seq.
Modus instituendæ & exercendæ hujus actionis. Ibid. n. 23. in Addit.
Actio Fabiana & Calvisiana quæ. Ibid. n. 24.
Actio Publiciana fingit rem ulucaptam, & datur quasi domino facto adversus quemlibet possessorem. IV. 6. n. 9. & 11.
An datur vero domino. Ibid. n. 10. & in Addit. *Requisita ad hanc actionem.* n. 12.
An jure Canonico locum habeat. Ibid. in Addit.
Actio rescissoria, qua agitur adversus eum, qui usufructu, qui si non usufructu, cui, adversus quem, & ad quid præterea competat. Ibid. n. 13. & 14.
Instituenda intra annum utilem. n. 15.
An hic habeat locum remedium duplex rescindens & rescissorium. n. 17. & in Addit.
Actione Serviana persequitur locator prædii rustici in vecta & illata in prædium. IV. 6. 25.
An expresse obligata. n. 26.
Actio quasi Serviana, quæ & hypothecaria, ad quid competat. n. 29.
Actio hypothecaria est quædam pignoris vindictio. Ibid. in Addit. Ea experiri volens quid probare debeat. Ibid.
Actio pecuniæ constituta cui, adversus quem & ad quid datur. IV. 6. n. 31. & seqq.
Actio de peculio ex qua causa & ad quid competit. IV. 6. n. 34.
Actiones de peculio & de in rem verso in quibus convenient & differant. II. 7. n. 6.
Actiones præjudiciales cur videantur esse in rem. IV. 6. n. 43. Earum species Ibid. n. 44.
Actio præscriptis verbis unde sic dicta, & quando citi sit locus. III. 25. n. 3. in Addit.
Actio præscriptis verbis de æstimato & ex permutatione est bonæ fidei. IV. 6. n. 63.
Actio de recepto adversus nautas, cauponas, stibularios quando & ad quid datur. IV. 5. n. 7.
Actio servi corrupti. IV. 6. n. 55.
Actio pro socio ad quid datur. III. 27. n. 15.
Actionis ex stipulatu de dote, & rei uxoriæ, id est dotis, quæ olim differentia, & cur illa hodie bonæ fidei. IV. 6. n. 65.
Actio subsidiana quæ, & quando illi sit locus. L. 24. n. 7. & in Addit.
Actio de tigno juncto an adversus ædificantem ex aliena materia in suo solo semper datur in duplum. II. 1. n. 43. & in Addit.
Actio tutoria cui & ad quid competat. IV. 7. n. 4.
Actio tutela directa & contraria. L. 20. n. 7. & III. 28. n. 6.
Actio vi bonorum raptorum quibus datur. IV. 2. n. 6.
Actiones plures poenales de eadem re concurrentes an recte intendantur. IV. 9. n. 6. & in Addit.
Actionum aliarum perpetuarum, aliarum temporales & cur sic dictæ. IV. 12. n. 1. & 2. Item actiones aliarum in hæredes activæ & passivæ transeunt, aliarum contra hæredes. Ibid. n. 3. & 5.
Actiones ex delicto descendentes, quibus casibus transeant in hæredes. Ibid. n. 6.
Actiones reales quamdiu durent, & similes personales. Ibid. n. 1. in Addit.
Actionibus quibusdam præscriptum certum tempus. Ibid.
Actio pupillo quando datur adjungendus tutori. I. 13. n. 8.
ACTUS quid. II. 3. n. 6.
Actus & via in quo differant. Ibid. n. 7. & in Addit. AD-

RERUM ET VERBORUM.

ADDICTIO bonorum à quo & cur introdu-
cta. III. 2. n. 1 & in Addit.

ADFINITAS unde dicta, & inter quos con-
trahatur. I. 10. n. 17.

Adfinitaris gradus propriè non sunt, & qualiter
illi computentur. III. 6. n. 8.

ADITIO hæreditatis qualiter fiat. II. 19. n. 16

Adeundo hæreditatem obligatur hæres quasi
ex contractu. III. 28. n. 8

ADGNATI qui, & quomodo à Cognatis dif-
ferant. I. 15. n. 1.

Differentia ea hodie sublata. Ibid. n. 2. & in
Addit.

Ac pariter ad successionem admittuntur.
III. 5. n. 2 & in Addit.

ADOPTIO quid & quod duplex, ejusque effe-
ctus. I. 11. n. 1 2. 3. & in Addit.

Adoptare vel Adrogare, adoptative qui possint;
Ibid. n. 4. & per tot.

Adoptare in locum nepotis quatenus liceat. I.
Ibid. n. 12.

Adoptandi modi olim usitati, & quid hodie
circa adoptionem observetur. Ibid. in Ad-
dit.

ADROGATIONIS origo, & quid per eam
acquiratur adrogatori. III. 11. n. 1.

Adrogatio bona quatenus cedant adrogatori. I.
Ibid. n. 4. & 5.

ADSESSOR judicis per imperitiam aut im-
prudentiam malè judicans an litem suam
faciat. IV. 5. n. 3 in Addit.

ADSIGNARE liberitum pater uni ex liberis
potest. III. 9. n. 1.

Non tamen emancipato. Ibid.

ADVLTERIVM quid, à quibus & in quas
committatur jure civili vel Canonico. IV. 18
& 11. & seqq.

An etiam in sponsam. Ibid. in Addit.

Quæ ejus pœnæ & olim & hodie usitatæ. I.
Ibid. n. 13. & in Addit.

ADVOCATI olim juramentum calumniæ in
ingressu cujusque causæ præstare cogeban-
tur, hodie in susceptione muneris tantum.
IV. 16. n. 6.

Advocari quaslibet causas, etiam injustas, sus-
cipientes puniendi. Ibid. in Addit.

ÆDIFICIVM cedit solo. II. 1. n. 41.

Ædificans ex aliena materia in suo solo tenetur
actione juncti rigni. II. 1. n. 43.

Ædificans ex sua materia in solo alieno an ma-
teriam proprietatem amittat. Ibid. n. 46

Ædificium materiam & expensas in ædifican-

do factas an rectè repetat. Ibid. num. 47 &
seqq.

Ædificatum in littore maris cujus sit, & quid
hodie juris. II. 1. n. 5 & in Addit.

ÆTAS quæ requiratur ad contrahendas au-
ptias. I. 10. n. 2. & 3 & ibid. in Addit.

Ætas quæ excuset aut removeat à tutela. I. 24.
n. 4. & in Addit.

Ætatem quatenus supplere dicatur malicia. I.
10. n. 3. & in Addit.

AGERE alieno nomine nisi certis casibus o-
lim non licuit. IV. 10. n. 1.

Nec hodie passim per procuratorem licet. I.
Ibid. in Addit.

ALBUM Prætoris corrumpere quis dicatur,
& Albi corrupti actio. IV. 6. n. 39.

ALIENARE quibus liceat. II. 8. n. 1.

Alienare fundum dotalem cur maritus prohibe-
atur. Ibid. n. 2.

Non procedit hæc prohibitio in rebus æsti-
matis. Ibid. n. 3. Neque in alienatione
mulieris jurata. n. 4.

Alienationis nomine quid veniat. IV. 6. n. 21.

ALLUVIO quid, quomodo fiat, & quando do-
minium transferat. II. 1. n. 30. & 31. & in Ad-
dit.

Non habet locum in agris limitatis. Ibid. n.
33 & in Addit.

ALVEUS desertus à flumine cui cedat, & cu-
jus sit novus. II. 1. n. 33.

AMBITUS crimen quid, & quando committi
dicatur, ejusque pœna. IV. 18. n. 29.

ANIMALIA alia fera, alia mansueta, alia
mansueta. II. 1. n. 15.

Fera aut mansueta quatenus cedant oc-
cupanti. Ibid. n. 16 & 17

Animal deprecens in alieno an retineri & in-
cludi à domino agri vel colono possit. IV. 9.

n. 4 & in Addit.

Applicationis jus quale olim fuerit. III. 8. in
Addit.

AQUA profluens communis omnium. II. 1.
n. 5.

Aquæ ductus & Aquæ haustus quid. II. 3. n. 9.

ARBITRIA diversa à judiciis. Arbitri com-
promissarii alii à iudicibus. IV. 6. n. 6. & in
Addit.

Arbitrarie actiones quæ, & quæ earum sit na-
tura. IV. 6. n. 73 & in Addit. Quot sententiæ
in actionibus illis ferantur. Ibid.

ARBOR in confinio vel prope confinium po-
sita cujus sit. II. 1. n. 36.

INDEX

Arboris domino an glandes legere in alieno liceat. Ibid. n. 57.

Arbor in ripa fluminis posita cuius sit. Ibidem sub n. 6.

Argumentum à contractibus ad ultimas voluntates quando procedat. I. 7. n. 3.

ARRHA non pertinet ad substantiam emptio- nis & venditionis. III. 24. n. 4:

Arrha quotuplex. Ibid. in Addit.

AUCTORITAS, & auctorem fieri quid. I. 21.

2. Quando necessaria pup. llo. Ibid. 3. Et quando interponenda. Ibid. n. 7. & in Ad- dit.

Azyli jus quibus detur. I. 8. nu. 5.

B.

BONORUM POSSESSIO quid, & cur Beam Prætor induxerit. III. 10. n. 2. & 3. In quo differat ab hereditaria juris civilis suc- cessione. Ib. n. 1. & in Addit. Alia est ex testa- mento, veluti *Contra Tabulas*, *Secundum tabulas*; alia ab intestato, ut *Vnde liberi*, *Vnde legiti*, &c. Ibid. num. 4. & seqq. Cui detur. Ibid. n. 9. Intra quod tempus petenda. nu. 10. An & quem usum jure novo & moribus re- cepto habeat. Ibid. in Addit. ad fin. Tit.

C.

CAPITIS diminutio quid. I. 16. n. 1. Quo- tuplex. Ibid. n. 2.

CAPTA ab hostibus an & quando fiant capientium. II. 1. n. 25. Et quid de hominibus bello captis. Ibid. n. 26.

Res mobiles vel immobiles hosti ereptæ cui cedant. Ibid. & in Addit.

Carcerum custodes tenentur, elapso debitore & carcere. IV. 3. n. 11.

Castitati cur adoptare verentur, non etiam spa- dones. I. 11. n. 7. & in Addit.

CAUPO de damno dato in caupona qualiter teneatur. IV. 5. n. 7. in Addit.

Causæ duæ lucrativæ in unam & eandem rem concurrere non possunt. II. 20. nu- mero 14.

Cedere & venire dies quando dicatur. III. 16. num. 8.

Cernere hereditatem quis dicatur. II. 19. n. 16. in Addit.

Cedenti bonis quando detur & profit benefi- cium competentium. IV. 6. n. 82.

Cessionis hujus effectus, & qualiter olim ho- dieque casieri soleat. Ibid. in Addit.

CITATIO quid. IV. 16. n. 10.

Alia est Verbalis, alia Realis. Ibid. n. 2. Olim diversa ab in jus vocatione. Ibid. n. 10. & in Addit.

Clausula codicillaris quam vim habeat. II. 25. n. 4. in Addit.

Clausula, *Quia ita nobis placet*, quid significet. I. 2. n. 17. in Addit.

Clausula, *Vnus pro omni*, in fidejussionibus quid operetur. III. 21. n. 13. in Addit.

CODICILLI quid, & eorum origo. II. 25. nu. 1.

Codicillos qui facere possint. Ibid. n. 3.

In codicillis an mulier possit esse testis. nu- mero 5.

Cæcus qualiter testamentum facere possit. II. 12. n. 15.

COGNATIO quotuplex. Naturalis inter quos & quorumque veret contrahi nuptias. I. 10. n. 11. Item legalis. Ibid. n. 12. Et spirita- lis. Ibid. n. 16.

Cognatio alia ascendentiū, alia descendentiū, alia collateralium, & qualiter in quo- libet ordine fiat graduum computatio. III. 6. n. 2 & seqq.

Cognatio in ser vis est naturalis, non civilis. III. 7. n. 2. & in Addit.

Colonus fructus pendentes transmittit ad hæ- redem. II. 1. n. 301.

COMMIXTIONE materiarum qualiter ac- quiratur dominium. II. 1. n. 40.

COMMODATUM quid, & in quo distingua- tur à mutuo, locato, precario. III. 15. n. 21. in Addit. Materia hujus contractus. Ibid. n. 22.

Actio commodari directæ & contraria ad quid detur. Ibid. & n. 26. & in Addit.

Commodatarius ad quam culpam teneatur. n. 23. Et an probare debeat, culpam à se ab- fuisse. n. 29.

Commodum successionis sperans debet & sen- tire incommodum. I. 17. n. 2.

COMMUNES res quæ. II. 1. n. 5.

Communia, publica & universitatis quomodo distinguantur. II. 1. n. 8.

Communio rerum differt à Societate. III. 16. n. 1. in Addit.

Communi dividundo & familiæ ereiscundæ judicium in quo differant. III. 28. n. 7. in Ad- dit. IV. 6. n. 52.

Communi dividundo actio ad quid competat. III. 28. n. 7. COM

RERUM ET VERBORUM.

COMPENSATIO quid, & quod debitum. veniat compensandum. IV. 6. n. 72

Habet hodie locum in actionibus omnibus, excepta sola depositi actione. Ibid. n. 71. & in Addit. Ipso jure competere quomodo dicatur. Ibid. n. 70. in Addit.

COMPETENTIAE privilegium, id est, quatenus facere quis potest, quibus detur. IV. 6. n. 78. & seqq.

Concubinatus in quo differat à nuptiis, & concubina ab uxore, I. 6. n. 9 & in Addit.

CONDICTIO quid, & Condicere. IV. 6. n. 47.

Condictio certi datur ex mutuo. III. 15. nu. 10 An dentur condictiones incerti? Ibid. in Addit.

Condictio furtiva adversus hæredes furis an in solidum detur, IV. 1. n. 22, in Addit.

Conditione impossibili adjecta vitiatur contractus. III. 16. n. 12, & III. 20. n. 19.

Conditio negativè concepta quid operetur. III. 16. n. 13.

Conditiones in quem casum & quod tempus conceptantur. Ibid. n. 15.

CONDUCTERE quid, & quis conductor. III. 25. n. 1 & in Addit.

Conductori quando minuenda aut remittenda merces. III. 25. n. 6. & 7.

Conductor quibus ex causis privari conducta possit. Ibid. n. 9.

Omnia secundum legem conductionis facere debet. n. 22. In custodienda re conducta ad quam diligentiam teneatur. n. 23. & in Addit. An teneatur de incendio. Ibid. in Addit.

Conductoris hæres quatenus succedat in conductionem. n. 24.

CONFUSIO materiarum quatenus communionem inducat. II. 1. n. 40.

CONJUNCTI re & verbis, re tantum, & verbis tantum qui dicantur. II. 20. n. 18.

Conjuncti re tantum, vel re & verbis, ab initio solidum habent, partes concursu. n. 20. Verbis tantum conjuncti semper partes habent, n. 19. Inter quos & qualiter sit jus accrescendi. Ibid.

Conjunctio copulativa duas ponit stipulationes, disiunctiva unam tantum, III. 20. num. 10.

Consensus parentum an necessarius in filiorum nuptiis. I. 10. n. 6. & 7. & in Addit.

CONSTITUERE quid, & pecuniae constitu-

tae nomine quid veniat.

IV. 6. n. 30.

Constitutum in quo differat à fidejussione. III. 21. sub n. 2. IV. 6. n. 33. in Addit.

CONSUETUDO quid, & ad eam requisita. I. 2. n. 26.

Quot actus, & quales requirantur. Ibid. nu. 27. 28 & 29.

Et quantum temporis. Ibid. n. 30. & in Addit.

Debet esse rationabilis. Ibid. n. 31.

Effectus consuetudinis. Ibid. n. 35.

Habet vim interpretandi, derogandi, & abrogandi legem Ibid. n. 36

CONTRACTUS quid. III. 14. n. 6.

Contractuum alii sunt nominati, alii innominati. Ibid. n. 8. Illi iocuntur re, verbis, litteris, consensu n. 9.

An & contractus innominati dici possint re iniuri. III. 25. n. 2.

Contractus emphyteuticus, censualis, libellarius & superficiarius in quibus differant. III. 25. n. 12. in Addit.

CORREUS in quo differat à fidejussore, III. 21. n. 2 & in Addit.

Correi stipulandi qui dicatur. III. 17. n. 2.

Creditor pignus quando & qualiter alienare possit. II. 8. n. 5.

Crimen læsæ Majestatis quod dicatur, à quibus & in quos committi. IV. 18. n. 5. & seqq. Punitur & in liberis. Ibid. num. 9 & 10. & in Addit.

CURA & Curatela quid, & in quo differat à Tutela. I. 23. n. 1.

Curator quibus, qualiter & à quibus detur, Ibid. per tot. An detur puberibus etiam invitis? Ibid. n. 3 & in Addit.

D.

DAMNUM injuriæ, sive injuria datum quid sit. IV. 3. n. 1. in Addit.

Qualiter vindicetur ex primo capite L. Aquilia, quod est de cæde servi aut quadrupedis, IV. 3. n. 6. Punitur hoc damnum in faciendo seu committendo. Ibid. n. 2. An & in omit-tendo? n. 3. Casu datum non punitur, n. 5. & in Addit. Poena ex primo capite. n. 6. & 7. Caput tertium de omni reliquo damno, n. 10. Damni dati nomine quæ actio detur. n. 11.

Damnorum & expensarum nomine quid veniat, IV. 16. n. 7. in Addit.

DEBITOR an creditori rectè leget quod ei

I N D E X

debet. II 20. n. 35.
 Debitor existente non solvendo quomodo succuri creditoribus soleat. III 13. n. 1. & in addit.
 Debitum ad solvendum aliquod tempus indulgeri debet. II 16. n. 8. & in addit.
 DELEGATIO quomodo fiat. III 30. n. 10.
 Delegatio à cessione actionis in quo differat. ibid. & in addit.
 DELIBERANDI jus cur introductum. II 19. num. 6.
 Deliberandi tempus olim à testatore vel Praetore dabatur, factum deinde ordinarium. ibid.
 DELICTUM sive maleficium aliud publicum, aliud privatum, hujusque species. IV 1. n. 1. & 2.
 DEPORTATIO quid, & deportati quibus hodie similes. I 12. n. 3. & in addit.
 In quo differat à Relegatione. Ibid. n. 4.
 DEPOSITUM quid, & materia hujus contractus. III 15. n. 28. In quo conveniat depositum cum commodato. Ibid. in addit.
 Depositum actio directa & contraria ad quid datur. Ibid. n. 29 & 30.
 Depositarius tenetur tantum de dolo & lata culpa. d. n. 20. An liceat ei rem intemptivè restituere? 31. An sit depositum, si convenierit ab initio, ut tantundem restitueretur. ibid. in addit.
 Depositum actio quando ultra rem etiam poenam persequatur. IV 6. n. 49.
 Depositum actioni non opponitur compensatio. IV 6. n. 7.
 Pro derelicto haberi quæ videantur. II 1. n. 79.
 Cui cedant ibid.
 DOLUS dans causam contractui vel in eum incidens an & quatenus contractum vitiet. IV 5. n. 69.
 DOMINIUM & quasi dominium quid, II 1. n. 2. & in addit.
 Dominium maris an rectè sibi vindicent Principes vicini? II 1. n. 5.
 DONATIO an contractibus annumeranda. III 23. n. 3.
 Donatio mortis causa est modus acquiritendi domini civilis. II 7. n. 1. an & donatio inter vivos? Ibid. in addit.
 Donatio quid. Ibid. n. 2.
 Donatio mortis causa unde colligenda. Ibid. n. 4.
 Quilibet comparetur legatus, ibid. n. 5. in addit.
 & II 20. n. 26. in addit.

Facta ab infirmo an per reconvalescentiam donatoris censetur revocata. Ibid. n. 6.
 Potest donator facere eam irrevocabilem. Ibid. n. 7.
 Donatio inter vivos quæ, & quomodo perficiatur. Ibid. n. 8. & 9. Excedens 500. solidos est infinuanda. Ibid. n. 11. & 12.
 Quibus casibus infinuazione non indigeat. n. 13. & in addit. An si consummata sit juremento? n. 14. Est revocabilis ob ingratitudinem donatarii, ibid. n. 15.
 Idque ex causis relatis, in l. ult. C. De revoc. donat. n. 16.
 Item si donatori supernascentur liberi. Ibid. num. 18.
 Donatio propter nuptias quæ, & an hodie locum habeat? Ibid. n. 19. & in addit.
 Non est infinuanda hæc donatio. Ibid. n. 21.
 Dotalis rei dominium quatenus sit mariti & uxoris. II 8. n. 2 & in addit.

E.

EDICTUM ab Interdicto in quo differat. IV 15. n. 1. in addit.
 Edictum de eo per quem factum erit, quod minus iudicio quis se sistat. IV 6. n. 42.
 Effectus actio quid, II 1. n. 76. in addit.
 EMANCIPATIO, quid & quotuplex. I 12. numero 11.
 Emancipationes hodie moribus nostris usitate. Ibid. in addit. circa fin.
 Emancipare contracta fiducia quid. I 18. n. 2.
 Emancipati & sui in quo etiamnum differant. III 1. n. 5. in addit.
 EMPHYTEUSIS quid sit, & unde dicta III 25. num. 12. & in addit. In quo sit similis emptioni & locationi. Ibid. num. 11. & in addit. Et in quibus differat. num. 14. & 15. Scriptura an de substantia hujus contractus. n. 13.
 Emphyteutæ ex causa sterilitatis, vel alia, non si remissio pensionis. n. 14. in addit.
 Quibus modis extinguatur & commutatur emphyteusis. n. 16.
 Ob non solum canonem intra præscriptum tempus an commutatur ipso jure, n. 13. & in addit.
 Vendi vel aliter alienari quatenus emphyteusis possit, n. 20. Debetur eo casu domino directo jus dominicum sive laudinium. Ibid. in addit.

EMPTIO

INDEX

EMPTIO-VENDITIO quid, & substantia-
lia hujus contractus, Res, Pretium, Con-
sensus. III. 24. n. 1. Consensui nudo non
obstat conventio de redigendo contractu
in scripturam. num. 5.

Nec etiam arthædario pertinet ad substan-
tiam ejusdem, ibid. n. 4. Et quotupl. x sit
arthæ. Ibid. in Addit.

Rem tradere an præcisè teneatur venditor. n. 2.
& num. 3. in Addit. Re ante traditionem per-
empta cuius sit periculum, n. 10. & seqq. & in
Addit.

Quæ res emi vendi possint. n. 18 & 19.

Pretium in hoc contractu debet esse certum, &
quod certum esse dicatur. n. 6. 7. & 8.

Contractus hic in quo differat à Permuta-
tione. n. 9 & ibid. in Addit.

Contrahitur emptio venditio purè & sub con-
ditione. n. 16. Item sub pacto additionis in
diem & legis commissoria. n. 17.

Error in nomine non vitiat legatum. II. 20,
n. 52.

EXCEPTIO quid. IV. 13. n. 1.

Exceptionum aliarum civiles, ut S. C. Mace-
doniani, Velleiani, non numeratæ pec-
uniarum, Prætoriarum, ut metus, doli, pacti
conventi, & unde hæc oriuntur. ibid. num. 3.
4. 5 & 7.

Exceptio iurisiurandi quando datur, ibid. n. 8.
Quando exceptio rei iudicatæ, num. 9. & in
Addit.

Exceptiones perpetuæ & peremptoriæ quæ di-
cantur. n. 10. Quæ temporales & dilatoriæ.
n. 11.

Dilatoriæ regulariter opponendæ ante licentiam
contestatam. n. 12. & in Addit. Peremptoriæ
etiam post. n. 15. & in Addit. An & post finitum
iudicium, n. 16.

Exceptio semel rejecta objici iteratò non po-
test. n. 17.

Excipere miles etiam post sententiam potest.
n. 18.

Praxis hodierna circa opponendas exceptio-
nes. Ibid. in Addit.

Exceptiones quædam fideiussoribus compe-
tunt, quædam non. IV. 14. n. 2.

Exceptio non numeratæ pecuniæ hodie intra
biennium opponenda. III. 22. n. 4.

Exceptio dotis cautæ, non numeratæ. Ibid.

Quibus casibus cesset hæc privilegiata ex-
ceptio, & an tunc redeatur ad jus commune.
Ibid. n. 7. & 8.

Circa hanc exceptionem quid mores nostri ob-
servent, ibid. n. 14. in fine & in Addit. IV. 13.
n. 6 in fine.

Excusatio quid, & qui tutores se excusare pos-
sint. I. 25. n. 1.

Ex quibus causis. Ibid. n. 2 & seqq.

Excusationes plures an proponi possint, ibid.
n. 8. & in Addit.

EXERCITORES navis, cauponarum, stabuli de
damno qualiter teneantur. IV. 5. n. 7.

EXHÆREDATIO liberorum cur & qualiter
fieri debeat. II. 13. n. 1 & 2. & n. 6. 7. 8.

Etiam posthumorum. ibid. num. 3. & num. 13.

Quibus ex causis, & an ex aliis, quàm quæ
Nov. 115. expressæ sunt, ibid. num. 9. & 10.
& in Addit.

Nulla causa expressa an testamentum sit
nullum, n. 11. Pro exhæredatione est præ-
teritio militis n. 14. Et maris, nec est nul-
lum tale testamentum. n. 16. Moribus ho-
dieis etiam præteritio patris est pro
exhæredatione. Ibid.

EXPENSAS litis victus, victori inferre de-
bet. IV. 16. num. 7. Idque ultra damna, &
quid damnorum nomine veniat. ibid. in Ad-
dit.

An qui obtinuit in prima instantia succum-
bens in causa appellationis condemnari
debeat in expensis. Ibid. in Addit.

EXPROMISSOR & adpromissor in quo dif-
ferant. III. 21. n. 2.

F.

FALCÍDIA vult quadrantem hæreditatis
manere penes hæredes. II. 2. n. 3.

In donationibus inter vivos quatenus locum
habeat. ibid. n. 4. An & in fideicommissis?
Ibid. & in Addit.

Falcidiæ ratio in singulis hæreditibus ponenda,
ibid. n. 5. In spectro tempore mortis, n. 6. Et
deducto omni ære alieno, n. 7. An ut legiti-
ma ita & Falcidia debeat dici aucta pro nu-
mero liberorum? n. 5. in Addit.

Quibus casibus cesset Falcidia, n. 9. & seqq.
An & in legatis pæ causis relictis? n. 13 &
in Addit.

FALSUM quid, & quando committi dicatur,
IV. 18. n. 23.

Falsi poena. Ibid.

FAMILIA est nomen juris. I. 9. n. 1. in Ad-
dit.

Fami-

INDEX

Familia erciscundae actio ad quid competat. III. 28. n. 7
FAMOSUM LIBELLUM scribentis, edentis, invenientis poena, IV. 4. n. 16.
FERAE BESTIAE sunt capientis, & quousque ejus esse intelligantur. II. 1. n. 16. & 17.
 Non etiam ferae vivariis inclusae, aut pisces in piscinae conjecti. Ibid. n. 18.
 Nec refert, in suo quis capiat an in alieno. Ibid. n. 19. Fera vulnerata cui cedat. Ibid. n. 20. & in Addit.
FERRUMINATIO quid, & in quo differat à plumbatura, II. 1. n. 39.
FIDEICOMMISSUM quid, quotuplex, & fideicommissorum origo. II. 23. n. 1 & 2.
Fideicommissum hodie quis, qualiter & qua forma, cui & à quo relinquat. Ibid. n. 3. & 4.
 Quibus verbis relinquatur. II. 24. in Addit.
 Restituta ex causa fideicommissi hereditate, hæres gravatus non desinit esse hæres, n. 5. Restitutio ea quomodo olim fieri soleat, prout ex S. C. Trebell. postea ex S. C. Pegasiano, ejusque effectus. n. 6. & seqq. Hodie fit ex S. C. Trebell. detracta quarta Trebellianica n. 10.
Fideicommissum quomodo probetur. Ibid. n. 17. Quibus casibus extinguatur, n. 20.
 Per fideicommissum res singulae etiam alienae qualiter præstandae. II. 24. n. 1. & seqq.
FIDEIJISSIO quid, & in quo Fideiussor distet à Correo, Mandatore, Adpromissore, Constitutore. III. 21. n. 1. & 2.
Fideiussor accedere omni obligationi potest. Ibid. n. 3. Dotis tamen nomine non recte accipitur. n. 4. Pignus præcedere & sequi obligationem principalem; n. 7. Nominis principalis convento datur beneficium excusationis sive ordinis, nisi ei specialiter renuntiatum fuerit. n. 9. 10. 11. & in Addit.
Fideiussoribus pluribus datur beneficium divisionis ex epistola D. Hadriani, nisi & huic fur renuntiatum, n. 12. & 13. Vel solidum quis solverit, n. 14.
Fideiussor in plus obligari non potest, quam principalis debet. n. 15. An in maiorem summam fideiubens teneatur ad concurrentem quantitatem. n. 16. & in Addit.
Fideiussor solvens habet mandati actionem adversus reum principalem. n. 18.
Fides habita de pretio quando censeatur, II. 1. n. 76 & in Addit.
FILIORUM nomine veniunt etiam postumi;

liberorum nepotes, I. 14. n. 9.
Filiusfam. cur testamenti faciendi ius non habeat, ne quidem patre permittente, II. 12. n. 234. Neque de peculio adventitio, quod plebno iure ejus est. Ibid. n. 8.
 Et quid hodie juris, Ibid. n. 10. in Addit.
 Cur donare possit mortis causa permissu patris, Ibid. n. 6. & in Addit.
Filiusfam. ex contractu à se invito obligatur, III. 29. in Addit.
Filiusfam. quando aliis obligari possit. III. 20. n. 15. in Addit.
FISCUS succedit in bona vacantia. III. 2. n. 9. & in Addit.
FLUMINA quatenus dicantur publica, II. 1. n. 6. & in Addit.
Fratris filiam vel neptem an ducere uxorem liceat, I. 10. n. 14.
FRUCTUUM perceptione acquiritur dominium, I. 1. n. 59.
Fructuum nomine quid veniat, Ibid. n. 60.
 Alii sunt Civiles, alii Naturales, alii industriali, Ibid. Improbata hæc divisio à Corasio, Ibid. in Addit.
Fructus acquiruntur bonæ fidei possessori civiles & industriales, Ibid. n. 61. An & naturales? Ibid. n. 62. & seqq.
Fructus malæ fidei possessor nullus suos facit. Ibid. n. 64.
Fructus bonæ fidei possessoris an fiant irrevocabiles? II. 1. n. 65. Extantes an restituendi, & qui dicantur extantes, Ibid.
 De consumptis an & quatenus teneatur, Ibid. n. 97. Malæ fidei possessor etiam de his tenetur, & de non perceptis. Ibid. numer. 68.
Fructus quemadmodum usufructuarius lucretur, & in quo hic differat fructuarius à possessore Ibidem n. 69. Item à colono, Ibid. n. 70.
 Cedunt fructuario etiam fructus pecorum, non etiam partus ancillæ, Ibid. n. 71.
FURIOSUS quatenus tutor dari possit, I. 19. quatenus testari, II. 12. n. 13. & in Addit.
FURTUM quid & unde dictum, IV. 1. n. 3. Quotuplex, Ibid. 7. & 6. Fit contrectatione ipsius rei, usus, possessionis ve, n. 9.
 Rei, inquam, mobilis & alienæ, n. 5. Etiam minimæ, II. 1. n. 24. Non rei immobilis IV. 1. n. 3. & in Addit. Non liberi hominis. Ibid. n. 5. Non rei suæ, n. 5. & 11.
 Neque etiam hereditarij jacenti. d. n. 5. in fin.
 Fur-

RERUM ET VERBORUM.

Furtum ope consilio qualiter fieri dicatur, n. 13
& in Addit.

Furtum an filiusfam. patri, vel servus domino
faciant, n. 14. An impuberes, n. 21. & vide ibi
Addit.

Furti actio competit domino, bonæ fidei pos-
sessori, vel ei, cuius interest, rem subreptam
non esse, n. 15. & seqq.

In furem quæ actiones dentur, & qualiter ho-
die fures puniantur, n. 22. & in Addit.

Fur cur pluribus actionibus teneatur, IV. 6.
n. 47.

Furtum an naturâ turpe, IV. 1. n. 6. in Addit.

Furtum per lancem & licium conceptum quod,
ib. d. n. 8. in Addit.

Furtivares inventa penes aliquem rectè vindi-
catur, & quid ea de re mores nostri dicant,
d. n. 8. in Addit.

Furtiva res cur usucapi non possit, II. 6. n. 13.

G.

Gerere pro hærede quis dicatur, II. 19. nu-
mero 16.

Gradus quid, & graduum computatio in linea
recta, III. 6. n. 4. In linea collateralis secun-
dum jus civile, ibid. n. 5. & in Addit. Et se-
cundum Canones, n. 6. & in Addit.

Gradus adfinitatis quomodo computentur,
n. 8.

H.

HABITATIO quid, II. 5. n. 6. In quo diffe-
rat ab Usu & Usufructu, ibid. & in Addit.

HÆREDITAS quid, II. 10. n. 2. & in Addit.

Hæreditas quomodo dividatur, ejusque par-
tes, II. 14. n. 15.

Hæredes qui necessarii, qui sui & necessarii, &
qui extranei, II. 19. n. 1. 2. & 3.

Cur hi ad re, illi immiscere se hæreditati di-
cantur, ibid. n. 5. Quomodo adeatur ac
repudiatur hæreditas, ibid. in Addit. &
n. 16.

Hæredes sui aut necessarii an hodie aliqui sint,
ibid. n. 2. in Addit. Et an discrimen inter
suos & extraneos, n. 5. in Addit.

Hæredes omnes hodie voluntarii, nu. 6. in Ad-
dit.

Hæres tenetur ex contractu defuncti, IV. 12. n. 3.
Non etiam ex delicto, nisi lite cum defuncto
contestata, vel si quid pervenerit ad hæ-

redem, ibid. n. 5. & 6. Jure Canonico qua-
tenus hæres teneatur ex delicto defuncti.

Ibid. n. 7.

Hæres ex contractu defuncti quando non te-
neatur, ibid. n. 8. & in Addit.

Hæreditatis divisio qualiter fieri debeat, & ho-
die fiat, IV. 17. n. 7.

HOMICIDIUM quovis modo commissum
punitur L. Cornelia, IV. n. 16 & 17. Poena est
capitalis, subinde mitiganda, ibid. n. 19. Ex-
cusat casus & iusta sui defensio, ibid. n. 20.

HYPOTHECA & Pignus an differant, IV. 6.
n. 29. & in Addit.

Hypothecaria actio pignoris quædam vindi-
catio est, Ibid. in Addit.

I.

IMPENSÆ alia necessaria, alia utiles, alia
voluptuariæ, II. 1. n. 48.

Impensas necessarias an & malæ fidei possessor
reperat, ibid. n. 53. Et quid de impensis utili-
bus statuendum, ibid. n. 53.

Quid de voluptuariis, Ibid. n. 54.

INDEBITI SOLUTIO an sit contractus,
vel quasi, vel potius distractus, III. 15. n. 11. &
in Addit. Parit conditionem indebiti, ibid.
nu. 12. Modò solutio sit facta per errorem,
eumque facti, non juris, n. 13.

Pro non debito est, quod sub conditione de-
betur, Ibid. n. 14.

Non condicitur indebitum civiliter tantum &
naturaliter debitum, n. 16.

An neque debitum antidorale? n. 17. & in
Addit. Quid si naturaliter fuerit indebi-
tum, debitum verò civiliter? n. 18. Non e-
tiam condicitur solutum ex causa judica-
ti, n. 10.

INFAMIA quibus ex causis irrogetur con-
demnatis, IV. 16. n. 8.

Ingenuus quis dicatur, I. 4. n. 1.

Ingenuorum loco qui habeantur, Ibid. n. 3.

Inimicitia capitales, I. 25. n. 6 in Addit.

INJURIA quid, & in quo differat à contu-
melia, IV. 4. n. 1. & in Addit.

Quæ excusent ab injuria: an ebrietas? ibid. n.
3. An ira vehemens? n. 4. & in Addit. An
præfatio honoris? n. 5. An defensio sui? n. 6.

An veritas convitiis? n. 7. & in Addit.

Injuriam patitur quis etiam per alium, quem
in potestate habet, ut pater per filium, mari-
tus per uxorem, dominus per servum, ibid. n.
10. & 11. Eccc In.

INDEX

- Injuriarum actio & poena**, ex L. xii. Tabb. Talionis n. 12. & in Addit. Ex jure Prætorio æstimatio, quæ & hodie in usu. n. 13 & in Addit. Ex L. Cornelia injuriæ poena corporalis, modo atrox fuerit injuria, & quæ atrocem faciant, n. 14, 15, & 16.
- Injuriæ scriptæ seu libelli famosi** est poena capitalis. n. 16. & in Addit.
- Injuriarum actio ad palinodiam seu revocationem** hodie usitata. ibid. n. 16. in Addit. Perpetua est hæc actio, 30. annis durans, n. 20. in Addit.
- Injuriarum actio an per procuratorem institui possit**, n. 17. Quibus modis tollatur hæc actio. n. 18. & seq.
- Cur non transeat in hæredem**, IV. 12. n. 4. Intra annum proposita per litis contestationem perpetuatur. ibid. n. 6. in Addit.
- INSTITUTOR** quis propriè dicatur, IV. 7. numero 1.
- Instituta & execratoria actiones** unde dictæ, & adversus quos competant, IV. 7. n. 2. In quo differant hæc actiones, ibid. n. 3.
- INSTITUTIO HÆREDIS** est caput & fundamentum testamenti. II. 14. n. 1.
- Institui hæredes possunt etiam servi, proprii & alieni**. ibid. n. 4. & 5.
- Institui qui non possunt**, ibid. n. 6 & 7.
- Institui plures possunt**, n. 14. Purè vel sub conditione. n. 17.
- Instituto hæredis quibus verbis fiat**, II. 14. n. 2. in Addit. Hodie an necessaria, ibid. nu. 15. in Addit.
- Institutiones, an Instituta rectius dicantur juris elementa**, in Præfat. n. 8.
- Habere vim obligandi**, ibid. nu. 6. & in Addit.
- Instrumenti publici falsitas** quomodo probetur, III. 20. n. 21. & 22.
- INSULA** quid, & qualiter in flumine fieri dicatur. II. 1. numero 32. & seqq. & in Addit. In mari aut flumine nata cui cedat. ibid.
- INTERDICTUM** quid, & unde dictum. IV. 35 n. 2. & 4. In quibus interdictum differat ab actione, ibid. n. 1. Et ab edicto. ibid. in Addit.
- Interdicta quæ dicantur Prohibitoria**, quæ Restitutoria, & quæ Exhibitoria. ibid. n. 5.
- Item Interdicta alia sunt Adipiscendæ possessionis alia Retinendæ, alia Recuperandæ, & 6. Adipiscendæ possessionis interdicta**
- Quorum bonorum, Quorum legatorum**. Ibid. n. 7. & 8. & in Addit.
- Et Salvianum**, num. 9. Cui hoc interdictum datur, de quibus rebus, & adversus quem, d. n. 9. & in Addit. Retinendæ possessionis *Vis possidetis*, & *Virubi*, hodie exæquata, & ad utrumque requisita. n. 10 & 11.
- Interdictum Vis possidetis datur & pro rebus incorporalibus, ut servitutibus**, d. n. 10 & in Addit.
- Interdicti hujus loco hodie est judicium mantenentiæ**, n. 12.
- Recuperandæ possessionis Vnde vi quando, cui, & adversus quos datur**, n. 14. & seq. Datur & spoliatoris seu prædoni, n. 15. & in Addit.
- Interdicta sunt vel Simplicia vel Duplicia**, numero 18.
- Interdicta recuperandæ & adipiscendæ possessionis an simul esse possint**, num. 19. & in Addit.
- INTEXTURA** est modus acquirendi domini jure gentium. II. 1. n. 37.
- Rei inextæ nomine quæ actio datur**, ibid. n. 38.
- INVECTA & illata in prædium urbanum cur tacitè sint pignori, secus atque illata in prædium rusticum**. IV. 6. n. 25 & in Addit.
- An quoad rusticum prædium requiratur expressa conventio**, ibid. num. 26. & in Addit.
- INTENTARIUM beneficium hæredi à Justiniano Imperat. indultum**, II. 19. n. 8. Requisita ad ejus contestationem, ibid. Contestati solemniter effectus, n. 9.
- Inventario neglecto hæres tenetur in solidum creditoribus, legariis & fideicommissariis**, n. 10. 11. & 12. Admittit & legitimam, non etiam Trebellanicam, n. 14. An indignus hoc beneficio omittens aut subrapiens rem aliquam, n. 15. & ibid. in Addit.
- INVENTA in litore maris cedunt inventori**, II. 1. n. 27.
- Inventio thesauri, vide Thesaurus**.
- INVOCATIO Divini Nominis in instrumentis an necessaria præmittenda**, in Præfat. n. 2.
- Inundatio non mutat speciem fundi**, II. 1. n. 33. in fine.
- JUDEX** qualiter judicare debeat, IV. 17. n. 1.
- Ea ex allegatis & probatis, ibid. & in Addit.**

RERUM ET VERBORUM

Judicis officium in qualibet actione, ut in actione noxali, rei vindicatione, judiciis divforiis. Ibid. n. 3 & seqq.

Judex litem suam facere quando dicatur. IV. 5. n. 1. Et ad quid tunc teneatur. Ibid. Cur non teneatur ex delicto, ut medicus male curando, n. 2. & in addit. Dolo malo male judicans quomodo puniatur. n. 3.

JUDICIA omnia hodie extraordinaria, deque modo procedendi in judiciis possessorii. IV. 15. n. 3.

Judicium possessorium summarium, ac summarissimum quod dicatur. Ibid. n. 12 & in Addit.

Judicia omnia absolutoria. IV. 12. n. 9.

Judicium possessorium cum petitorio an cumulari possit. IV. 15. n. 19. in Addit.

Judicia publica cur sic dicta, & eorum finis, IV. 18. n. 1.

Qualiter instituantur & exerceantur. Ibid. n. 2.

Alia sunt Ordinaria, alia Extraordinaria, numero 3.

Alia Capitalia, alia non capitalia, n. 4. & in Addit.

JURAMENTUM quid, Aliud est Promissorium, aliud decisorium IV. 6. n. 33. Hoc verò aliud Voluntarium, aliud Judiciale & Necessarium, & qui illud alteri deferre vel referre possint. Ibid. n. 36. & in addit. ex mente Græcorum.

Juramenti est Aus. n. 37.

Ex jurejurando actio, exceptio & in factum actio quando derur. n. 38.

Juramentum calumniæ cur introductum & sic dictum, & quid continere debeat, IV. 16. n. 1.

Qui illud præstare cogantur. Ibid. n. 2. & 5.

Jurare olim solent & Judices & Advocati, n. 6. & in addit.

Jus est ars boni & æqui. L. 1. num. 7. & in Addit.

Jus quid significet. L. 1. n. 5.

Aliud publicum, aliud privatum, ib. n. 12.

Juris præcepta. Ibid. n. 8. & seqq.

Jus naturale quid, & quæ hujus juri esse dicantur. L. 2. n. 2. & 3. & in Addit.

Jus gentium quid, & requirita ad illud constituendum. Ibid. n. 4. & 5.

Jus naturæ & gentium sæpe confundi, ib. n. 11.

Jus naturale esse immutabile, civile mutabile, Ibid. n. 38 & 39.

Naturale an rectè distinguatur in primarium & secundarium. Ibid. n. 40 & 41.

Jus civile quid, & quomodo fiat. Ibid. n. 9.

Aliud est scriptum, aliud non scriptum, & scripti juris species. Ibid. n. 12. & 13.

Juris scripti partes an & quem usum hodie habeant. Ibid. n. 13. in Addit.

Jus civile est mutationi obnoxium. Ibid. n. 38. in fine & in Addit.

Jus statutarium in quo differat à consuetudinario. L. 2. n. 47. in Addit.

Jus qualiter dicatur esse certum & finitum, III. 15. n. 13. in Addit.

In jus vocare quid. IV. 16. n. 9.

Olim diversa in jus vocatio & citatio. Ibid. n. 10. in Addit.

In jus vocare sine venia quos non liceat. IV. 6. n. 40. Hodie venia illa non videri opus, ibid. in addit.

In jus vocatum eximentis pœna. Ibid. n. 41.

Jurisprudencia quid, L. 1. n. 7.

JUSTITIÆ definitio explicata. L. 1. n. 1.

Definiri justitiam particularem, non universalem. Ibid. n. 2.

Item humanam, non divinam. Ibid. n. 3.

Justitia particularis alia commutativa, alia distributiva. Ibid. n. 4 & in addit.

L.

LEGATUM quid. II. 20. n. 1. in Addit.

Legato um olim genera quatuor, & eorum differentia, Ibid. n. 2.

Hodie omnibus legatis eadem natura, &

quibus actionibus petantur, n. 3 & in Addit. Similiter hodie, sublati differentia,

quæ ante fuerunt inter legata & fidei-

commissa, hæc illis & contra exæquata

sunt, n. 4. 5. & 6. An exæquatio ea rectè

tribuitur Justiniano. n. 7.

Legatur utiliter res, cujus est commercium, n.

8. Quid si ejus incapax sit legatus? n. 9. &

in addit. Item res aliena, etiam jure Ca-

nonico, n. 10. 11. & 12. Et res pignori obliga-

ta, n. 15.

Legatare aliqua, cujus quis aliunde titulo lu-

crativo proprietatem acquisivit, an ad ejus

æstimationem agere possit. n. 14 & 15.

Legato fundo alieno, cujus proprietatem lega-

tarius titulo oneroso, veluti emptionis a-

sum fructum gratis nactus est, an fundum

petere possit. n. 27.

INDEX

- Legatum rei propriæ inutile. n.28. Nisi quis rem suam quasi alienam, vel quam putet esse legatarii, legaverit, n.29.&30.
- Legatum liberationis utiliter facit creditor debitori, n.31. An & debitor creditori? n.34.
- Legatum dotis à marito uxori quatenus utile. n.35.
- Legati interitus cui cedat, n.36. Cui ejus augmentum vel decrementum, veluti legato grege, peculio, n.40.&41.
- Legato fundi instructi vel fundi cum instrumento quid veniat. n.38.
- Legari possunt res corporales, & incorporales, n.44. Res & facta, ibid. in specie vel in genere. n.45. In legato generis cujus sit electio. 46. Et cujus in legato optionis, n.47. & utrobique in Addit.
- Legatum generis est transmissibile ad hæredes. Ibid. & in Addit.
- Legari quibus possit, n.48. An personæ inerte? An posthumus? n.50.&51.
- Legatum error circa nomen, falsa demonstratio vel causa non vitiat, n.52,53.&54. Quid si sub conditione fuerit relictum, n.55.&56. Quid si in diem incertum? n.48. Vel adjecto modo, n.59.
- Legari post mortem hæredis vel legatarii an possit, n.62. Poenæ nomine relictum an valeat, n.63. & in Addit.
- Legato dies quando cedere aut venire dicatur. n.43.
- Legata quomodo adimantur. II.21.n.2.&3. Quomodo transferantur, ibid. n.5. Et extinguantur, n.6.& seqq. Quomodo diminuantur per L. Falcidian. II.22. per tot.
- Legatarii an possint esse testes. in testamento. II.10.n.25.&26.
- LEGITIMATIO quid, & qualiter fiat. I. 10. n.23.
- Legitimitio per subsequens matrimonium an desideret instrumenta dotalia, & ad id requisita. ibid. n.25.&26.
- Legitimatio per rescriptum Principis, ibid. numero 27.
- LEGITIMA quid, & quanta ejus portio, II.18 n.25.
- Legitima an liberis relinquenda titulo institutionis. ibid. n.22.&23. An & parentibus? numero 24.
- Legitima vel lege obvenire hæreditas quæ & quando datur. III.1.n.1. in Addit.
- LEX Rustica sumpta quid. I.2.n.14. Et quid in genere, ejusque obligatio, ib. n.2. An futura tantum obliget, Ibid.
- Ade ejus obligationem an necessaria acceptatio subditorum, Ibid. n.22.
- Legibus an & quatenus teneatur Princeps, I.2. n.23.
- Lex Aquila, V. *Dammum injuria.*
- Lex Falcidia, ut & anti Lex Furia & Vocosia, legatis modum posuit. II.22.n.2.&3.
- Lex Cornelia de sicariis homicidia punit. IV. 18.n.10.
- Lex Cornelia de falsis crimen falsi, ibid. numero 23.
- Lex Julia Majestatis crimen læsæ Majestatis, & singularia in hoc crimine. IV.18.num.5.& seqq.
- L. Julia de adulteriis & de stupro, ibid. n.11. De vi, ibid. n.24. Peculatus, ibid. numero 26.
- De ambitu, n.29. Repetundarum, n.31. De annonæ, n.32. De residuis, n.32.
- L. Pompeia de parricidiis, ibid. n.21.
- L. Fabia de plagariis. n.28.
- Lex testamentaria, quæ & lex nummaria, & Lex Cornelia de falsis, IV.18.num.23. & in Addit.
- LEGES explicatæ. L. Si servus 27. §. si olivam. Ad L. Aquil. II.1.n.51.
- L. Fructus 45. De usuris. II.1.n.53. & in Addit.
- L. De legat. 1. II.20.n.7.
- L. Si cui 5. De fundo in fr. legata. II.20.n.39.
- L. In laqueum 55. De acq. rer. dom. II.1.num. 1024.
- L. Ceterum 22. C. De rei vind. II.1.n.75.
- L. fin. §. filius autem. C. De bonis qualibet, etc. II.12.n.9.
- L.2.C. Quæ sit longa consuetudo. I.2.n.175.
- L.1.C. De infantis expof. II.1.n.52.
- Rub. C. Unde visan hodie antiquata, IV.2.n.50. in Addit.
- Nov. Ut cum de appellat. cognosce 115. §. alius quoque. II.13.n.12.
- Nov. Vi libat matri & avia, etc. 117. §. 11.12. n.10.
- LIBELLUS debet esse certus. IV.6.n.74.
- Libellum quatenus & quousque mutare liceat. Ibid. n.77. & in Addit.
- Libellarius contractus quis. III.25.n.12. & in Addit.
- LIBERORUM nomine veniunt & nepotes. I. 12.n.9.

RERUM ET VERBORUM.

Liberiorum numerus quatenus excuset à tutelâ, I. 25 n. 2. & in Addit.
LIBERTAS quid, & Liberi qui, I. 3. num. 4. & in Addit.
Libertum qui dicantur, & differentia inter libertinum, libertum & ingentium. I. 5. numero 1. & 2.
Liberto qualiter olim succederetur. III. 8. per tot.
LINGUA Latina cur olim in stipulationibus & decretis judicialibus usi Romani. III. 16. n. 3. in Addit.
LIS, Causa & Actio quomodo differant, IV. 6. n. 1. in Addit.
LITTERARUM imperitia quando excuset à tutelâ, & quid sit *Litteras nescire*, I. 25. numero 5.
Litterarum obligatio olim nominibus fieri solita, qualiter hodie contrahatur. III. 22 n. 1. & 2. Datur ex hoc contractu exceptio non numeratæ pecuniæ. Ibid. n. 4. & seqq.
Littora maris communia, sicut & ipsum mare, II. 1. n. 3.
Littoris & ripæ distinctio, II. 1. n. 6.
Littus cur dicatur publicum, Ibid.
LOCATIO CONDUCTIO quid, III. 25. n. 1. Et quid Locare, Conducere, quis Locator, Conductor. Ibid. in Addit.
Merces in hoc contractu, ut in emptione pretium, debet esse certa, Ibid. n. 2.
An & in pecunia numerata consistere debet, n. 3. & in Addit.
Ex hoc contractu locati & conducti actio ad quid detur, n. 5. & 8.
Locatio conductio quatenus transeat ad hæredem, n. 26.
LUMINUM servitus & Ne luminibus officiat. II. 3. n. 10. in fine, & in Addit.

M.

MAGICAM artes exercentes puniendi. IV. 18 n. 17 & in Addit.
MAGISTRATUUM sive Prætorum edita vim legis habent. I. 2. n. 16.
Magistratum edita & programmata corruptores ac violantes qualiter hodie puniantur, IV. 6 n. 39 in Addit.
MANDATUM quid, & quibus modis contrahatur. III. 27. 1. & 2. Differt à jussu, Ibid. n. 1. in Addit.
Mandans ex consilio suo quatenus obligetur,

n. 3. An & Advocatus ex consilio dato consentibus? Ibid. in Addit.
Mandati materia, Ibid. n. 4. Actio mandati directæ & contraria ad quid detur, n. 5. & 7.
Mandatarius ad quam culpam teneatur, Ibid. & n. 6.
Mandati fines non excedendi, an & pluris minorisve emere aut vendere mandatarius possit. n. 8.
Mandatum quibus modis solvatur, nu. 10 11. & 12.
Mandato contraria est merces, n. 13.
MANUMISSIO quid, & quibus modis celebratur, I. 5. n. 3. & seqq.
Manumissionis effectus, Ibid. n. 7. Hodie manumissi omnes fiunt cives Rom. Ibid. n. 8.
Manumissio in fraudem creditorum facta, quando & cur sit nulla. I. 6. n. 1 & 2.
Manumittere minor 25. annis quando possit, Ibid. n. 3.
Manumittere quoslibet & inter vivos & ultima voluntate an liceat. I. 7. per tot. & in Addit.
MARITUS conventus dotis nomine habet beneficium competentie. IV. 6. n. 79.
Item jns retentionis pro impensis in re dotales factis Ibid. n. 80.
MATRIMONIUM esse à natura. I. 2 n. 3. & in Addit.
Matrimonium cur potius à matre dicatur, quàm à patre. I. 9. n. 4 & in Addit.
Matrimonium an rectè prohibeatur initiatis sacro Ordine. I. 2. n. 45.
MILES absque solemnibus juris quoquo modo testari potest. II. 1. n. 1. & 2.
Debet tamen constare de voluntate militis. Ibid. n. 3. An privilegium hoc competat militibus nostræ temporis, Ibid. n. 10.
Militis præteritio in testamento est pro exheredatione. II. 13 n. 14.
MISSILIA cui cedant. II. 1. n. 78.
Missio honesta & causaria quæ dicatur, II. 11. n. 7. & in Addit.
MODUS etiam impossibilis adjectus an contractum vitiet, uti conditio. III. 20. n. 19. in Addit.
Moderamen inculpatæ tutelæ quid, & in quo consistat. IV. 3 n. 4. in Addit.
MULIER ratione tacitæ hypothecæ in dote an præteratur creditoribus mariti omnibus, etiam expressam hypothecam habentibus. IV. 6. n. 66. & in Addit.

INDEX

Mulier extra consensum mariti an testari possit, II. 12. sub n. 10.

MUTUUM quid, & an sit alienatio. III. 15. n. 3. & in Addit.

Requisita ad hunc contractum, & qualiter hic consideretur quantitas, ibid. n. 4, 6, & 7. & in Ad. Corpore aliquo vel specie ita data, ut pecunia ex ejus venditione redacta sit mutua, an dici possit contractus mutui, ibid. n. 5. An & res alterius generis reddi possit, num. 8. Pro autem pecunia accepta posse reddi argentam, num. 9. & in Addit. Ex contractu mutui datur conditio certi. n. 10.

N.

NATUM ex animali nostrum est nostrum, II. 1. n. 29.

Naufragorum bonorum redditus sibi vindicet, II. 1. n. 30. & in Addit.

NEGOTIORUM gestio quid, & quæ actio inde datur, III. 28. n. 2.

Negotiorum gestor quatenus teneatur de gestio & non gesto, ibid. n. 3. An præstet culpam etiam levissimam, n. 4. & in Addit.

NOBILIS an habeatur natus matre nobili, patre ignobili, I. 4. n. 1. in Addit.

NOMINATIO filii an probeat eum legitimum esse, I. 10. n. 28.

NOVATIO quid, ejusque finis, III. 30. n. 6. Alia est novatio proprie dicta, alia Delegatio, Ib. n. 10. Novatio hodie expressim fieri debet, n. 11. & in Addit.

NOXA & Noxia quid, & quæ Noxales actiones, IV. 8. n. 1. 2. & 3.

Noxalis actio caput sequitur, Ibid. n. 3. Quibus modis extinguatur hæc actio, & an tales actiones hodie apud nos, Ibid. n. 4. & in Addit.

NUPTIÆ unde d. & quid, I. 9. n. 4. & 5. Nuptiæ justæ quæ dicantur, & ad eas requisita, I. 10. n. 1. & seq.

An & consensus parentum requiratur, ibid. n. 6. & 7.

Nuptiis contrahendis qualiter obstat cognatio naturalis, I. 10. n. 10. Legalis, ib. n. 12. Spiritualis, ib. n. 16. Affinitas, ib. n. 17. Et publica honestas, Ib. n. 18.

Nuptias veritas contrahentium pœnæ, ibid. n. 21 & 23.

Nuptiæ inter ascendentes & descendentes cur prohibeantur in infinitum, non etiam inter collaterales, Ibid. num. 13. & ibi in Addit.

O.

OBLIGATIO quid, III. 14. n. 2. Alia est naturalis tantum, alia civilis, Ibid. n. 3. Item alia civilis tantum, alia civilis & naturalis simul, n. 4. Rursus alia propriè civilis, alia prætoria, n. 5. Denique alia ex contractu, vel quasi, alia ex maleficio vel quasi, n. 6.

Obligatio & Dominium in quibus differant, num. 1. in Addit. Definiri hic obligationem naturalem & civilem simul, n. 4, in Addit.

Obligaciones contrahi, re, verbis, litteris, consensu, n. 9. Quæ obligationes consensu contrahi dicantur, III. 23. n. 1. Quæ nasci quasi ex contractu, III. 28. n. 1.

Obligatio quibus modis tollatur, III. 30. per tot. & n. 12. in Addit.

OCCUPATIO quid, & quarum rerum dominium occupatione acquiratur, II. 1. numer. 14.

ONERIS ferendi servitus, II. 3. n. 10. OPE CONSILIO furtum facere qui dicantur, IV. 1. n. 3. in Addit.

Operæ servorum in quæ differant ab usufructu, II. 5. n. 7. Durant, vii. servi durante, Ibid. num. 7.

Operatum obligatio non transit ad adrogatorem, III. 11. n. 2. Operas intellige officiales, non artificiales, Ib. n. 3. & in Addit.

P.

PARENTUM appellatione qui veniant, III. 6. n. 4. & in Addit.

PARRICIDIUM propriè in parentes committitur, IV. 18. n. 22.

In Parricidas cur pœnam Solon non constituit, Ibid.

Ex L. Pompeia pœna est mors, & quæ more majorum instituta fuerit, Ibid. n. 22. & in Addit.

PARTUS cur & qualiter dicatur sequi matrem, I. 4. n. 1.

PATER & filius quomodo censeantur una, & eadem pœtiona, III. 1. n. 2. in Addit.

Pater

RERUM ET VERBORUM.

Pater filio inpotestare, & contrà, non realè stipulatur. III. 20. n. 15.

Reg. Paterna paternis, materna maternis, quando locum habeat, II. 2. num. 3. in Addit.

Patria potestas, *V. Potestas, patria.*

Pauliana potestas, *V. Actio.*

PAUPERIES quid, & de pauperie actio, IV. 9. n. 1. & 2.

PECULIUM quid, II. 9. n. 1. Aliud est castrense, aliud quasi castrense, ibid. n. 2. Item aliud profectitium, aliud adventitium, & cui cedat. Ibid. n. 3. & 4.

Peculatus crimen quid, ejusque poena, IV. 18. n. 26.

PERDUELLIO, species præcipua læsæ Majestatis, quando & in quos committatur, IV. 18. n. 6.

PERMUTATIO quid, & cur inde detur actio præscriptis verbis, IV. 6. n. 63.

PETI PLUS quot modis dicatur, & poena plus petentium, IV. 6. n. 75. Et quid hic moribus obtineat, ibid. in Addit. Minus petens sine periculo agit, ibid. n. 76.

Petitio hereditaria cur hodie actionibus bonæ fidei adnumeretur, IV. 6. n. 64.

PICTURA an cedat tabulæ, II. n. 58.

PIGNUS quid, & in quo differat ab Hypotheca, II. 15. n. 32, & in Addit.

Pignoratitia actio directa & contraria, cui, quando, contra quem, ad quid detur, ibid. num. 33. & 35. Juri luendi pignoris an præscribi possit, ibid. n. 33. in Addit.

An convalescat pignus, re aliena pignori data, cujus deinde dominus factus fuerit debitor, ibid. in Addit.

Pignus etiam nuda conventionione constituitur, IV. 6. n. 26. in Addit.

PLAGIUM quid, & poena Plagiariorum, IV. 18. n. 28.

Planta quatenus cedat solo, II. 1. n. 25.

PLEBISCITUM quid, & quid Plebs. I. 2. numero 25.

Plus petere, *Vide Petere plus.*

POENÆ simpli, dupli, tripli, quadrupli, nec ultra dari actiones, IV. 6. 54. & 59.

Hodie poenæ istæ pecuniariæ in usu esse desierunt, ibid. in Addit.

Possidere quis dicatur, IV. 15. n. 13.

Aliud possidere, aliud in possessione esse, ibid.

Possessio quomodo acquiratur, ibid.

Possessio solo animo amittitur, ibid.

Possessio est proxima causa usufructus, eaque continuata, & quomodo ea interrumpatur, II. 6. n. 13. Est & continuata, quæ transit in successorem, ibid. n. 24.

POSTHUMUS quis propriè dicatur, II. 13. n. 4.

Posthumi præteritis an reddat inutile testamentum, ibid. n. 3.

POTESTAS dominica quid, ejusque origo & effectus, I. 8. per tot. & in Addit.

Potestas patria quid, quibus competat, ejusque effectus, I. 9. n. 1. & 2. Acquiritur jussu nuptiis, ibid. n. 3. Legitimatione, I. 10. n. 23. Adoptione, I. 11. per tot. Quibus modis solvatur, I. 12. per tot.

Potestas patria consuetudinaria, quæ & quantà sit, & quibus ea modis dissolvatur, ibid. in Addit.

PRÆJUDICIUM quid, & præjudicium fieri, IV. 3. num. 8. in fine, IV. 6. num. 42. & in Addit.

Præjudiciales actiones quæ, ibid. n. 44. Earum quatenus hodie usus esse possit, ibid. in Addit.

Præscriptio, *Vide Usucapio.*

PRÆTORUM Edicta unde vim legis acciperint, I. 2. n. 15.

PRETIUM in emptione venditione quale esse debeat, II. 24. n. 6. & seq. *V. Emptio-venditio.*

PRINCIPVM placita vim Legis habent, I. 2. n. 7. Alia sunt generalia, alia specialia, ibid. num. 20.

Princeps an teneatur propriis legibus, ibid. numero 23.

Tenetur servare contractus initos cum subditis, ibid. n. 24.

Quatenus solutis legibus, II. 17. n. 12.

PROCVRATORVM usus quare introductus, IV. 10. n. 1.

Procurator qualiter detur & constituitur, ibid. num. 2.

Procurator an esse possit major 17. annis, I. 6. num. 6. Sine mandato an admittatur, IV. 10. num. 2. in Addit.

Procurator an semper satisdare cogatur, IV. 11. n. 7.

PRODIGO an interdicenda bonorum administratio, I. 13. n. 5. & in Addit.

Testamenti factionem an habeat, II. 12. sub

INDEX

Promissor facti an cogi possit prestare factum.
III. 16. n. 16.

PUBERTATIS initium, & cur fœminæ citius
pubescant quàm masculi. I. 10. n. 2. & in Ad-
dit. I. 22. n. 1

PUPILLI vel sunt infantes vel infantia pro-
ximi, vel proximi pubertati. III. 20. n. 18. in
Addit.

Pupillo tutoris auctoritas quando sit necessa-
ria. I. 21. n. 3.

Sine tutore an obligetur naturaliter, ibid.
n. 6 An alienare possit? II. 8. n. 6. An sibi
acquirere? n. 8. An delinquere? I. 22. n. 5.
An sibi soli possit solvi, vel alteri solvere.
Ibid. n. 9. & 10.

PURPURA intexta vestimento cur cedat ve-
stimento II. 1. n. 37. Quæ rei intextæ nomi-
ne actio detur. Ibid. n. 33.

Q

QUARTA impuberis adrogati, sive Pia-
na, an sit omnium bonorum. I. 11. nume-
ro 5.

Quarta Falcidia, detrahenda ex legatis, an sit
pars bonorum, an hæreditatis. II. 22. n. 8.
An, exemplo legitimæ, debeat dici aucta,
pro numero hæredum, ibid. n. 5. in Addit.
Quibus casibus cesset illius deductio. Ibid.
n. 9. & seqq.

Quartam Trebellianicam detrahit hæres fi-
dei commissio gravatus. II. 23. n. 11.

Detrahenda ex tota hæreditate, ibid. in Ad-
Deductio hujus an cesset ob non confectum
inventarium, ibid. n. 12.

An prohiberi possit? n. 13 & in Addit.

Fructus qui impudentur in quartam Tre-
bellianicam, n. 14. & in Addit.

Differentia quoad imputationem inter Fal-
cidiam & Trebellianicam, ibid. n. 11. & in
Addit. Filius gravatus fidei commissio ultra
legitimam an rectè detrahat hanc
quartam, d. n. 11 in Addit.

QUERELA testamenti inofficiosi datur li-
beris, etiam emancipatis, ex hæreditatis II. 18.

Non legitimis tantum, ibid. n. 4. Non natu-
ralibus, n. 5. An neque posthumis? n. 6.

Datur & parentibus, ibid. n. 7. Fratribus &
sororibus germanis quando detur. n. 8.

Contra quem detur, n. 9 Non datur ei, cui
aliud est remedium perveniendi ad hæ-
reditatem. Ibid. n. 12.

Cui legitimæ nomine aliquid relictum, n. 13.
Qui hæreditati renuntiavit, n. 24. Qui agno-
vit sibi relictum, n. 15 & 16. Qui egit que-
rela, & non obtinuit, n. 18. Mortuo eo, cui
competebat, n. 19. Querelæ effectus, ibid.
n. 26.

R.

RAPINA quid, & in quo similis furti, IV. 2.
num 1.

Rapina levis non puniri quàm furtum. I-
bid. n. 1.

Sine dolo malo non committitur, n. 4.

Rapinæ seu vi bonorum raptorum actio qui-
bus detur. n. 6.

Rapiens seu invadens rem alienam, vel etiam
suam, quomodo puniatur, n. 5.

Raptus virginis quando committatur, raptor-
que qualiter puniendus. IV. 18. n. 25.

RELIGIOSUS locus quomodo olim, quo-
modo hodie fiat. II. 1. n. 11. & 12

Repetundarum crimine qui teneantur & qua-
liter puniantur. IV. 18. n. 31.

Replicatio, Duplicatio, Triplicatio, &c. quid.
IV. 14. per tot. Usus hujusmodi exceptio-
num hodiernus. Ibid. n. 1. in Addit.

REPRÆSENTATIO semper in linea de-
scendentium locum habet. III. 1. n. 6.

Et quid hic moribus obineat Ibid. in Addit.

In successione collateralium non ultra pri-
mum gradum etiam moribus. III. 2. n. 6.

RERUM quæ in & extra patrimonium habe-
ri dicantur. II. 1. n. 3.

Rei divisio in communes, publicas, univer-
sitatis, &c. Ibid. n. 4. & seq.

Res communes, quæ dicantur, Ibid. n. 5. Quæ
publicæ, n. 6 Quæ universitatis, n. 7. Quæ
sacræ, sanctæ religiose, n. 10. 11. 13.

Res ab hostibus captæ vel recuperatæ cui ce-
dant. II. 1. n. 26.

Res pro derelicto habitæ quæ videantur. II. 1.
n. 79 Et cuius cedant. Ibid. Pro derelicto
non habendæ res ejectæ in mare, navis le-
vandæ causa, Ibid. n. 80.

Rei distinctio in corporales & incorpora-
les probatur, eiusque origo. II. 2. in Addit.

RESIDUORUM crimine qui teneantur &
qualiter puniantur. IV. 18. n. 33.

RESTITUTIO & remissio Principis quid o-
peretur. I. 12. n. 5.

Restitutio minoris non prodest ejus fidei-
fori

INDEX

fori.
REVS quis dicatur, estque nomen commune debitori & creditori, III.17.n.1.
Rei plures sive correi stipulandi aut credendi, sive promittendi vel debendi quomodo fiant, Ibid.n.2.&3.
R eorum uno acceptante solutionem, an eam alteri communicare teneatur, n.7. Item uno solidum solvendo, an ab altero repetat, n.8.
RIPARVM proprietas cur sit juris privati, & quid sit Ripa, II.1.n.6.

S.

SACRÆ res quomodo fiant, II.1.n.10.
Sacrarium non est res sacra, Ibid.
Sacræ res alienari nequeunt, Ibid.
Sacræ, sanctæ ac religiosæ res quomodo differant, Ibid.n.9. in Addit.
Sacrilegium quid, ejusque pœna, IV.18.n.27.
Sanctæ res quæ, & cur muri civitatum ac Legati sancti, II.1.n.13. & in Addit.
SATISDATIO quid & quoduplex, IV.11.nu.1.&2.
Satisdandi modus olim, & jure novo usitatus, Ibid.n.3 & 4.
Satisdare tutores ante administrationem qui & cur teneantur, I.24.n.1. & seq.
Scriptura cedit chartæ, II.1.n.58.
Senatus. Macedoniani exceptio tuetur filiumfam. se obligantem ex causâ mutui, IV.7.n.10. An præterea aliis profit, Ibid.n.11. Quibus modis cesset hæc exceptio, Ibid.n.13. An ei filius validè renuntiet, n.14.
Ex S. C. Tertulliano mater succedit liberetiam vulgò quæsitis, III.3.n.1.
Ex S. C. Orphitiano liberi etiam vulgò quæsitimatri, Ibid.n.3. & in Addit.
SERVITVS quid, I.3.n.5. & in Addit. II.3. numero 1.
Servi qualiter fiant, Ibid.n.6.
Servorum omnium eadem conditio, Ibid.n.7.
Servum necessarium hæredem cur domino facere liceat, Ibid.n.3. & in Addit.
Servus proprius quis, & qualiter institui hæres possit, II.14.n.5.8.9.10.
Servus cur jus succedendi non habeat, III.7. in Addit.
Servus stipulando cui acquirat, III.18. per tot.
Factum stipulando sibi acquirat, Ibid. n.5 & in Addit.

Servi an hodie dentur, & quales, I.8. in Addit.
Servitus realis sive prædialis quid sit, II.3. n.1.
Alia est rustici, alia urbani prædii, Ibid.n.5. & Qualiter constituatur, Ibid.n.11. Quibus modis finiatur, Ibid.n.13.
Servitus alius tollendi quid, ejusque constituendæ ratio, Ibid.n.10. & in Addit.
Servitus non tollendialtius & Ne luminibus officiatur differunt, Ibid. in Addit.
Servitus omnis causam perpetuam habere debet, Ibid.n.12. in Addit.
SOCIETAS quid & quoduplex, III.26.n.1.
Lucri & damni partes quæ sint constituendæ in hoc contractu, n.3.4. & 5.
Socius socio ad quam culpam teneatur, nu.15.
Non tenetur in plus quam facere potest, IV.6.n.81. & in Addit.
Quibus modis finiatur, III.26.n.8. & seqq. Pro socio actio ad quid detur, n.15.
SOLVTIO quid, à quo, & cui facienda, III.30.n.1. & 2.
Solvi debet quod debitum est, Ibid.n.3. Et totum debitum, non pro parte, n.4.
Solutio in personam tertii adjecti an rectè conferatur, III.20.n.11. & in Addit.
Solutionum induciæ profunt & fidejussori, IV.14.n.3.
SPADONES qui dicantur, & à castratis in quo differant, II.11.n.7.
SPECIFICATIO quid, II.1.n.34.
Species ex aliena materia facta cui cedat jure gentium, Ibid. Et quid si partim ex sua, partim ex aliena, Ibid.n.46.
SPONSALIA quid, & in quo à nuptiis differant, I.9.n.5. Quæ ritus in sponsalibus desideretur, I.10.n.4.
Sponsiones, inter mercatores fieri solitæ, an licitæ, III.16.n.7. in Addit.
SPORTVLÆ unde dictæ, & quid, IV.6.n.56.
Sportularum modus executoribus præscriptus, Ibid.n.39.
STIPVLATIO quid nominis & rei, & cur inducta, III.16.n.2. & 3. in Addit.
Quibus verbis fiat, Ibid. An & his, *Dabitur*? *Dabitur*, vel *Dabuntur*, Ibid. in Addit.
Stipulatio hæc, *Decem auros annuos dare spondes* est pura & perpetua, ib. n.9. & in Addit.
Stipulationes quibus ex causis reddantur inutiles: Vel ratione materiæ in stipulationem deductæ, III.20.n.2.3.6.
Vel ratione personarum contrahentium, ut si promittat quis factum vel dationem tertii, n.7.

INDEX

n.7. Et quid si promiserit, se effecturum, ut alter det vel faciat, *ibid.* n.8. in Addit. Item si alteri quis stipuletur, n.9. Item propter defectum consensus in pupillo, furioso, mente capto, & similibus, n.17. Vel ratione formæ, ut si continuò non respondeatur, n.12. Si diversitas sit in qualitate responsionis, n.13. in quantitate. n.14.
 Stipulatio præpostera non nocet, n.24.
 Stipulatio alteri facta an producat actionem, n.27.
 Stipulationes hodie apud nos nullæ. *III.* 16. n.5. in fine Addit.
 STUPRUM quando committatur, ejusque poena, *IV.* 18. n.15.
 SUBSTITUTIO quid & quotuplex. *II.* 15. n.1. & 2. & in Addit.
 Substitutio vulgaris quid, & quibus fiat. *ibid.* n.3. Quomodo finiat, n.17. & 18.
 Substitutio reciproca, n.26. Vulgaris an hodie moribus nostris locum & usum habeat, *Ib.* n.14. in Addit.
 Substitutio pupillaris, & ad eam requisita, *II.* 16. n.1. & 2. & seqq. Quibus fiat, n.12. & seqq. Finitur pubertate. n.18.
 Substitutio exemplaris, quæ & quibus fiat. *I.* *ibid.* n.6.
 Substitutio compendiosa, *Ibid.* n.19.
 SUCCESSIO alia ex testamento, de qua *V.* *Testamentum* alia ab intestato, & quando hæc locum habeat, *III.* 1. n.1.
 Successio hæc olim quibus & quo ordine delata fuerit, *ibid.* n.2. & 4. Hodie ex jure novissimo succedunt primo loco descendentes, qui & qualiter, *ibid.* n.5. & seqq. Quid in hoc ordine moribus obtineat, n.14. in Addit. Secundo loco ascendentes, sive parentes, *ibid.* n.17. Et cum parentibus fratres & sorores defuncti, utrumque juncti, n.18. Nepotes soli ex fratre defuncti an cum avo admittantur, n.19. Quid hic mores observent, n.20. in Addit. Tercio loco qualiter à latere venientes succedant, *III.* 2. n.1. Quid hic mores distent, *ibid.* in Addit. Deficientibus agnatis & cognatis fiscum excludunt vir & uxor, n.9.
 Successiones anomalæ quæ dicantur, & quæ illæ sint, *III.* 13. in Append.
 SUSPECTUS tutor quis dicatur, *I.* 26. n.5. & in Addit.
 Suspecti accusatio quasi publica quando locum habeat, *Ibid.* n.3. & 4.
 Suspectus ob culpam latam remoueri an fiat in famis, *ibid.* n.8.

SUUS hæres quis.
 Suias quid,

II. 19. n.1.
Ibid. n.2. in Addit.

T.

Tempus non est modus inducendæ obligationis. *III.* 16. n.9. & in Addit.
 TESTAMENTUM quid nominis & rei. *II.* 10. n.3. & 4. & in Addit.
 Testamentorum genera olim usitata, *ib.* n.5. Forma & solemnia. *Ibid.* n.6.
 Defectu solemnitatis an sit nullum testamentum etiam in foro conscientiæ, n.8. & in Addit.
 Testamenta minus solemnia quæ & quando valeant, n.9 & seqq. Jure Canonico quemadmodum condantur, n.14.
 Secundum solemnitatem unius loci, conditum an extendatur ad bona alibi sita, n.17. & in Addit.
 Testamentum nuncupativum qualiter fiat, n.30.
 Hodierna testamenta an nuncupativa, numero 32.
 An valeat testamentum, facta relatione hæredis ad scedulam aliquam, n.31.
 Testamentum militis privilegiatum. *II.* 11. per tot.
 Testamenti faciendi jus est cuilibet non prohibito. *II.* 12. n. & seqq.
 Eiusdem quando testari possit, & an patre permittente, *ibid.* n.2. & seqq. De quibus bonis. *Ibid.* n.7. & 8.
 Testamentum irumpi quando dicatur, *II.* 17. n.2. & 3. Quando irritum fieri, *Ibid.* n.8.
 Reg. Testato pro parte & intestato quem decedere non possit, an & quatenus hodie locum habeat. *III.* 14. n.15. in Addit.
 TESTES quot & quales requirantur in testamentis. *II.* 10. n.18. & seqq.
 THESAURUS quid. *II.* 1. n.73.
 Thesaurus inventus in loco quâ publico, quâ privato. cui cedat, *ibid.* Et quid si in loco sacro aut religioso? *ibid.* & in Addit.
 TIGNUM quid, *II.* 1. n.84.
 Tigni juncti actio cui, adversus quem, & ad quid detur. *Ibid.* n.43.
 TRADITIO quid. *II.* 1. n.74.
 Traditione ut transferatur dominium quæ nam sint requisita, *ibid.* Non transit dominium, traditione facta sub conditione etiam tacita, veluti ex causa venditionis, *ib.* n.75.
 Traditione sola an censeatur habita fides de pretio, *ib.* n.76, Tra:

INDEX CAPITUM SEV TITVLORVM.

A.		<i>Hæreditatibus, quæ ab intestato deferuntur.</i>	
D E Actionibus lib. 4. Tit. 6.		3. tit. 1.	
Ademptione & translatione legatorum.		His, qui sui vel alieni juris sunt.	1. tit. 8.
2. tit. 21.		I.	
Adoptionibus.	1. tit. 11	de iis per quos agere possumus.	4. tit. 10
Adquisitione per adrogationem.	3. tit. 11.	Ingenui.	1. tit. 4.
Adsignatione libertorum.	3. tit. 9.	Injuriis.	4. tit. 4.
Attiliano tutore, & eo, qui ex lege Julia &		Inofficioso testamento.	2. tit. 18.
Titia dabatur.	1. tit. 20.	Interdictis.	4. tit. 15.
B.		Inutilibus stipulationibus.	3. tit. 20.
De Bonorum possessionibus.	3. tit. 10.	Iure naturali, gentium & civili.	1. tit. 2.
C.		Iure personarum.	1. tit. 3.
De Capitis diminutione.	1. tit. 16	Iustitia & jure.	1. tit. 1.
Codicillis.	2. tit. 25.	L.	
Curatoribus.	1. tit. 23.	de Lege Aquilia.	4. tit. 3.
D.		Lege Falcidia.	2. tit. 22.
Divisione stipulationum.	3. tit. 19.	Lege Fusca Caninia subla.ta	1. tit. 7.
Donationibus.	2. tit. 7.	Legatis.	2. tit. 20.
Duobus reis stipulandi & promittendi.	3.	Legitima adgnatorum successione.	3. tit. 2.
tit. 17.		Legitima agnatorum tutela.	1. tit. 25
E.		Legitima parentum tutela.	1. tit. 18.
de Emptione & Venditione.	3. tit. 24.	Legitima patronorum tutela.	1. tit. 17
Eo, cui libertatis causa bona addicuntur.	3.	Libertinis.	1. tit. 5.
tit. 11.		Litterarum obligationibus.	3. tit. 22.
Exceptionibus.	4. tit. 13.	Locatione & conductione.	3. tit. 25.
Excusationibus tutorum vel curatorum.	1.	M.	
tit. 25.		de Mandato.	3. tit. 27.
Exheredatione liberorum.	2. tit. 13.	Militari testamento.	2. tit. 11.
F.		N.	
de Fideicommissariis hæreditatibus, & ad S.		de Noxalibus actionibus.	4. tit. 8.
C. Trebell.	2. tit. 23.	Nuptiis.	1. tit. 10.
Fidejussoribus.	3. tit. 21.	O.	
Fiduciaria tutela.	1. tit. 19.	de Obligationibus.	3. tit. 4.
G.		Obligationibus ex consensu.	3. tit. 25.
de Gradibus cognationum.	3. tit. 6.	Obligationibus, quæ quasi ex contractu na-	
H.		scuntur.	3. tit. 28.
de Hæredibus instituendis.	3. tit. 14.	Obligationibus, quæ ex delicto nascuntur.	4.
		tit. 1.	Ob.

I N D E X.

Obligationibus, quæ ex quasi delicto nascuntur. 4. tit. 4.

Officio judicis. 4. tit. 17.

P.

de Patria potestate. 1. tit. 9.

Perpetuis & temporalibus actionibus, & quæ ad heredes transeunt. 4. tit. 12.

Per quas personas cuique acquiritur. 2. tit. 9.

Per quas personas nobis obligatio acquiritur. 3. tit. 29.

de Pena temerè litigantium. 4. tit. 16.

Publicis iudicijs. 5. tit. 18.

Pupillari substitutione. 2. tit. 16.

Q.

Quibus alienare licet vel non. 2. tit. 8.

Quibus modis jus patriæ potestatis solvitur. 1. tit. 12.

Quibus modis re contrahitur obligatio. 3. tit. 15.

Quibus modis testamenta infirmantur. 3. tit. 16.

Quibus modis tollitur obligatio. 3. tit. 30.

Quibus modis tutela finitur. 1. tit. 22.

Quibus non est permissum facere testamentum. 2. tit. 12.

Qui & quibus ex causis manumittere non possunt. 1. tit. 6.

Qui testamento tutores dari possunt. 1. tit. 14.

Quodcum eo, qui in aliena potestate est, negotium gestum esse dicitur. 4. tit. 1.

R.

de Rebus corporalibus & incorporalibus. 2. tit. 2.

Replicationibus. 4. tit. 14.

Reorum divisione, & acquirendo ipsarum dominio. 2. tit. 1.

S.

de Satisfactione tutorum vel curatorum. 1. tit. 24.

Satisfactionibus. 4. tit. 11.

Senatusconsulto Orphitiano. 3. tit. 4.

Senatusconsulto Tertulliano. 3. tit. 4.

Senatus Trebelliano. 2. tit. 23.

Servili cognatione. 3. tit. 7.

Servitutibus pradiorum. 2. tit. 3.

Singulis rebus per fideicommissum relictis. 2. tit. 24.

Si quadrupes pauperiem fecisse dicatur. 4. tit. 6.

de Societate. 3. tit. 26.

Stipulatione servorum. 3. tit. 18.

Succeffione cognatorum. 3. tit. 5.

Succeffione libertorum. 3. tit. 8.

Succeffionibus sublatis, quæ fiebant per bonorum venditionem & ex S. C. Claudiano. 3. tit. 3.

Suspectis tutoribus vel curat. 1. tit. 36.

T.

de Testamentis ordinandis. 2. tit. 10.

Testamento militari. 2. tit. 11.

Tutelis. 1. tit. 13.

V.

de Verborum obligationibus. 3. tit. 16.

Vi bonorum raptorum. 4. tit. 2.


Vsucapionibus, & longi temporis prescriptione. 2. tit. 6.

Vsu & habitatione. 2. tit. 5.

Vusufructu. 2. tit. 4.

Vulgari substitutione. 2. tit. 15.

F I N I S.



CLARISSIMO VIRO
D. VALERIO ANDREÆ
J. U. D. ET PROF. REGIO,
COMMENTARIUM
D. HENRICI ZOESII
Ad Institutiones Iustinianas.

Quasi ijs mis à se auctos & ornatos Additamentis publici iuris facienti.



Quæ scombro metuant, piperve chartæ,
Sub situ lateant araneofo.
Sed Tuæ, VALERI, elegantiarum,
(Sicut Tu Pater elegantiarum)
Plenæ, commatis inclytique chartæ,
Vota publica quid morantur ultra?

Curas ingenii VALERRIANI
Æternat Genius perennitatis.
Docent hactenus illa, queis dedisti
Lucem, quæque TIBI dedere lucem
Clari nominis, à severiore
Sive hoc Pallade, sive mitiore,
Hebraæ, Ausonia, Attricave Suada.
Libri donec erunt, Liber legetur,
Quo TU Belgia dum, fuere quotquot,
Famam postgenitis, librosque tradis.
Honor quàm Grudio diu Lycæo,
Erit de Grudio Tuis Lycæo
Fastis. Multiplices & hæc & illa,
Ævi queis monumenta vel recentis,
Vel prisca irradias, faces coruscum
Lumen perdere nescia micabunt.
Foras, ergò, foras decore, ZOESI,
Hoc ornate novo! Tuos tenebris
Qui labore suo eruit labores,
Et his floribus esse gratiores
Fecit, his faciet legi perennè.

BERNARDUS HEYMBACHIUS, Tolbiacenus, in Academia Lovaniensi
Historiarum & Politices Professor Publicus & Ordinarius.

AD EUMDEM CL. V.

D. VALERIUM ANDREAM

I. V. D. &c.

HENDECASYLLABON.

Consultissime Iuris utriusque
Antistes, Themidas, novemfiliisque
Ingens Mysta chori, scientiarum,
Principumque idiomatum, polite famâ,
Vir Graiis, Latiusque fari, Hebrais
Linguis doctes; Tibi quis, ô VALERI
ANDREA, meritas referre grates
Vel laudes queat, alter ô Prometheu?
HENRICVM toties quod excitâris
ZOESIVM, immeritum mori, quod umbris
Defunctum toties tenebricosis
In lucem dederis, virosque Belgas?
HENRICVM videat, VALERIVMQVE
Ambos Belgica, Iuris Archimystas
Civilis, Canonumque docta corda,
Insignes animas, Themista ocellos.
Non omnis perit: manet superstes
ZOESI maxima pars, Virique sama,
Quam rursus studio valentiori,
HENRICI tacitos dolens labores.
ANDREAS animat, patronus umbra.
Numquam posteritas tuum silebit
ANDREA studium INSTITVTIA IVRIS
Cum tam gratum opus exhibes legendum,
Gratum Iuridicis opus Palastris,
Quod Clarissimus auspicante leges
Pennâ ZOESIUS exaravit olim.
Pars laudis meretur Tibi, VALERI
ANDREA, aurea fructuumque messis,
Aucti pars operis, Librique nomen.
Quotquot ZOESIUS abdidit, VALERI,
Tu Libros aperi omnibus videndos,
Et Libros refera omnibus legendos.

Accinebat Viro optimè de Jure & Re litteraria merito, itemque Populari suo,
HENR. NOVLANTIUS J. C. Acad. Lov. Syndicus & Fisci Advoc.

RERUM ET VERBORUM.

Traditione factâ quando transeat dominium,
Ibid. n. 77. & seq.

Tradere quatenus sit facti, III 24. n. 3.

TUTELA quid, I. 13. n. 2. & 3. & in Addit.

Quotuplex. Ibid. n. 6. & in Addit.

Testamentariæ tutelæ cur primus locus detur,

& quidem paui. I. 13. n. 7.

Tutor testamentario dari etiam filiustam. potest.

I. 14. n. 1. & in Addit.

Tutelæ legitimæ species, Patronorum. I. 17. Pa-

rentum. I. 18. Fiduciaria. I. 19.

Tutela dativa quando locum habeat. I. 20. n. 3.

Quid hodie circa delationem tutelæ obti-

neat. Ibid. in Addit. n. 2.

Tutelæ actio directa & contraria, ibid. n. 7. &

III. 28. n. 6.

Tutoris officium. I. 13. n. 5. & I. 12. n. 1.

Tutores & curatores qui, cui, & cur satisdare

teneantur, 24. n. 1. & seq.

A Tutela qui & quibus ex causis excusentur.

I. 25. per tot.

Tutela quibus modis finiatur. I. 22. per tot.

V.

VASALLUS an dominum feudi in jus vo-
care sine venia possit. IV. 6. n. 40. in Addit.

VENATIO & capio ferarum an rectè prohi-

beatûr à Principibus. II. 1. n. 24. & in Addit.

VIA quid. II. 3. n. 6.

Via & Actus differentia, ibid. n. 7. & 8. & in Ad-

dit.

VINDICARE quid, & Vindicia, IV. 6. n. 74.

in Addit.

VIR & uxor, deficientibus cognatis, sibi invi-

cem succedunt, III. 2. n. 9. Quid hic olim usi-

tatum fuerit, & hodie ferè obtineat. Ibid. in

Addit.

Vis quotuplex.

IV. 2. n. 1 in Addit.

Vis est & alia publica, alia privata, ejusque poe-
na, IV 18. n. 24.

Vis publica quando inferri dicatur, IV, 10. n.
24. in Addit.

USUCAPIO & præscriptio in quo differant.
II 6 n 2, & in Addit.

Usucapio quid. Ibid. n. 3.

Requirat bonam fidem omni tempore se-
cundum Canones, ibid. n. 6. & 7. Item ju-
stum titulum, ibid. n. 10. Dubitans an usu-
capere possit. Ibid. n. 8. & in Addit.

Usucapi non possunt res, quæ sunt extra com-
mercium, ibid. n. 2. Non res furtivæ, n. 13.

Non res Fisci, n. 16. Non res dotales, n. 18.

Usucapionis effectus, an ea acquiratur plenum

& absolutum dominium, ib. n. 3. & in Addit.

USUS quid, & qualiter constituatur. II. 5. n. 1.

In quo differat ab Usufructu, Ibid. n. 2.

Est individuus. Ibid. in Addit.

USUSFRUCTUS quid, qualiter, quibus in

rebus constituatur. II. 4. n. 1. 23. & 4. Quasi

ususfructus. Ibid. In utroque necessaria cau-

tio. Ibid. n. 5. 6. & 7.

Quibus modis finiatur, n. 11. & seq. An rectè

cedatur extraneo. n. 19. & 20. & in Addit.

An & extinguatur per ingressum monaste-

rii, Ibid. n. 12. in Addit.

Usufructuarius quatenus fructus faciat suos.

II. 1. n. 69.

Causam proprietatis factam rectam servare

tenetur. Ibid. n. 72.

USURÆ in bonæ fidei judiciis debentur ex

mora. IV. 6. n. 68. & in Addit.

Uxores moribus nostris sunt in tutela marito-

rum suorum. I. 25. n. 6. in Addit.

F I N I S.











+ colorchecker classic



calibrite

mm